

ԱԿԱԴԵՄԻԿՈՍ Մ. ԱԲԵՂԵԱՆ

ՀԱՅՈՑ ՀԻՆ  
ԳՐԱԿԱՆՈՒԹԵԱՆ  
ՊԱՏՄՈՒԹԻՒՆ

II

ՀՍՍՌ ԳԻՏՈՒԹԻՒՆՆԵՐԻ ԱԿԱԴԵՄԻԱ  
ԳՐԱԿԱՆՈՒԹԵԱՆ ԻՆՍՏԻՏՈՒՏ

ՄԱՆՈՒԿ ԱԲԵՂԵԱՆ

# ՀԱՅՈՑ ՀԻՆ ԳՐԱԿԱՆՈՒԹԵԱՆ ՊԱՏՄՈՒԹԻՒՆ

ԳԻՐԲ ԵՐԿՐՈՐԴ  
(XI—XIX ԴԱՐԻ 30-ԱԿԱՆ Թ. Թ.)

Բ. ՏՊԱԳՐՈՒԹԻՒՆ

---

ՀՐԱՏԱՐԱԿՈՒԹԻՒՆ  
1959

ՍԵՒԱՆ  
ՏՊ. ՍԵՒԱՆ

ՀՐԱՏԱՐԱԿԶԱԿԱՆ ՏԱՆ  
ՊԷՅՐՈՒԹ

**ԽՄԲԱԳՐՈՒԹԵԱՄԲ**

**Խորէն Սարգսեանի**

**Յովհաննէս Մամիկոնեանի**

**Արամ Ղանալանեանի**





Գործ՝ հիւրիչ Մանր Մանուկի Արեղեանի .  
Ազատ. ՄԱՆՈՒԿ ԱՐԵՂԵԱՆ  
(1865—1944)

## Յ Ա Ն Կ

ԱՌԱՋԱԲԱՆ

Էջ  
VII

ԵՐՐՈՐԴ ՇՐՋԱՆ

### ՎԵՐԱՄՆՈՒԹԵԱՆ ԳՐԱԿԱՆՈՒԹԻՒՆ

Կեանքի եւ աշխարհայեցութեան փոփոխութիւն

1

Վերածնութիւն—1: Քաղաքներ եւ քաղաքացական կեանք ու կուլտուրա—4: Թոնդրակեցոց աղանդը—10: Գաղափարախօսութեան զարգացման դանդաղ ընթացքը—14:

### ՆՈՐ ՄՏԱԻՈՐ ՀՈՍԱՆՔԻ ԱՌԱՋԻՆ ՓՈԻԼԵՐԸ ԳՐԱԿԱՆՈՒԹԵԱՆ ՄԷՋ

Գրիգոր Մագիստրոս Պաեկաւունի

15

Լուսաւորութեան եւ ուսման ծաւալումը—15: Կենսագրութիւնը—16: Ուսման ծրագիրն ըստ Գրիգոր Մագիստրոսի եւ նրա քարգմանութիւնները—18: «Թղթերը»—21: Գրիգոր Մագիստրոսի լեզուն—26: Զափածոյ գրութեանը—27: Մագիստրոս եւ Պետրոս Գետադարս—29: Մագիստրոս եւ Վահրամ-Գրիգոր Վկայասէր—31:

Արիսակէս Լասթիվեթսացի

32

Ընդհանուր դրութիւնը—32: Պատմագրութիւնը—33: Աշխարհայեցութիւնը—35: Աշխարհասիրութիւն եւ հայրենասիրութիւն—38: Իրականութեան սրտայոյզ պատկերը—39: Հայրենասիրական ողբերգութիւնը—41:

Յովհաննէս Սարկաւազ Վարդապետ

43

Կենսագրութիւն—43: Երկերը—48: Հայրենասիրական գաղափարախօսութիւնը—50: «Բան իմաստութեան»: Արուեստի ծագման նոր տեսութիւնը—52: Յօրինումներ—54: Զգտում դէպի բնութիւն ու ռացիոնալիզմ եւ դրա ազդեցութիւնը գրականութեան վէջ—60:

Դաւիթ Ալաւկայ Որդի

62

### ԺԱՄԱՆԱԿԱԳՐՈՒԹԻՒՆ

Մատթէոս Ուռհայեցի եւ ուրիշներ

64

Ժամանակագրութիւն—64: Մատթէոս Ուռհայեցու ժամանակագրութիւնը—65: Գրիգոր Նրէց—72: Սամուէլ Անեցի—72: Մխիթար Անեցի—72:

## ԱՇԽԱՐՀԻԿ ՈԳՈՒ ՎԵՐԱՃՈՒՄ

### Ներսէս Շնորհալի

73

#### ԿԵՆՍԱԳՐՈՒԹԻՒՆ

Հայ գաղութն ասորական Միջերկրային իրրեւ հայկական մշակոյթի վայր—73: Ներսէսի ուսումն ու կրթութիւնը—75: Գրիգոր եւ Ներսէս եղբայրները Ծովք եւ Հռովմայ բերդերում—78: Երկու եղբայրների գրական վաստակը—79:

### Ներսէսի չափածոյ երկերը

81

Հայեացքը բանագործութեան վրայ—81: Տաղաչափական արուեստի զարգացումը—82: Հոգեւոր երգեր ու տաղեր եւ քղքեր—86: Նոր գրական տեսակները—88: «Առակք»—հանելուկներ—94:

### «Յիսուս Որդի»

97

Դարերի լեզունդաները եւ ոգրերգութիւն—97: Արտայայտութեան ձեւը Գրիգոր Նարեկացու ձեւի հետ համեմատութեամբ: Հաւարականութեան ազդեցութիւնը ունի վրայ—99: Վերջին դատաստանը—101:

### «Ողբ Եղեռնոյ»

102

Քերթուածի իրական պատմական նիւթը եւ ծագումը—102: Դիմաւորութիւնը—103: Էական կողմը—105: Իրականութեան հրապուրիչ ներքողը—108: Բարբարոսական ռազմական գործողութիւնների ուշալիստական պատկերը—110: Մահմեդականութեան եւ քրիստոնէութեան կռուի հիմնական պատճառ, մեղքը: Նոր հայեացք: Երկբայութիւն—112: Անէժֆների շարանը—114: Փաղափական լաւատեսութիւն եւ լաւ օրերի գեղեցիկ երազը: Աշխարհիկ կեանքի ծաբան ու յաղթանակը բանաստեղծութեան մէջ—117:

### Արձակ գրութեանը

120

Ատենաբանութիւն—120: «Թուղթ ընդհանրական»—121: Ուրիշ գրութիւններ—128: Գրիգոր Տղայ—129:

### Ներսէս Լամբրոնացի

130

Կենսագրութիւնը—130: Համբարձման Ներբողեանը—132: Ուրիշ աշխատութիւններ—139: Թարգմանութիւններ—141:

## ԱՌԱՎԱԳՐՈՒԹԻՒՆ

### Մխիթար Գոռ

142

Հիւսիս-արեւելեան Հայաստանի ազատումը մահմեդական յոնաւորութիւնից—142: Մխիթար Գոռի կենսագրութիւնը—145: «Դատաստանագիրք Հայոց»—147: Առակներ—152: Մխիթար Գոռի առակները—154:

### Վարդան Այգեկցի եւ «Առակք Վարդանայ»

158

Վարդան Այգեկցի—158: Վարդանի գրութիւնների բեման կամ նիւթըն Էպիստոլոսներ—162: Առակաւոր ճառեր—164: «Առակք Վարդանայ»—165:

Դասակարգային պայքարը—169: Աշխատաւորութեան պայքարն ազնուականութեան դէմ—170: Արհեստաւոր փաղափայտներ եւ փաղափայտների վերաբերմունքն առ գիւղացիները—180: Աշխարհականի հայեացքն եկեղեցականի վրայ—181:

**Պատմագրութիւն եւ ժամանակագրութիւն**

188

Վանական վարդապետ—188: Կիրակոս Գանձակեցու «Պատմութիւն Հայոց»—192: Վարդան Արեւելցի—199: Մաղափա Աբեղայի «Պատմութիւն վասն ազգին նետողաց»—205: Մխիթար Այրիվանեցի—206: Սմբատ Սպարապետ—206: Ստեփանոս Օրբելեան—209:

**ԲԱՆԱՍՏԵՂՄՈՒԹԻՒՆ**

**Սեփականութիւն Օրբելեան**

215

«Ողբ ի դիմաց կաթողիկէին»—215: «Ողբի» պատմական հիմքը նրկատմաբ արեւմտեան հայութեան եւ բեման—216: Թարարական իշխանութիւնը 13-րդ դարում—217: Օրբելեանի «Ողբի» նիւթն ու յօրինումը—222: Ուրիշ ձեւական կողմեր—227:

**Խաչատուր Կեչաւեցի**

228

«Ողբ վասն իշխանաց»—228: «Պատմութիւն Աղեփանդի Մակեդոնացւոյ»—230: Կեչաւեցու կարծիքն Աղեփանդի կեանքի եւ պատմութեան մասին—233: Կաժաներն ու այլ փերթութիւններ—235: «Բարաւնութիւնք ի մահ Աղեփանդի»—241:

**Ֆրիկ**

244

Գրականութիւն—244: Կենսագրութիւն—245: Ազգային եւ սոցիալական հարցեր—255: «Ընդդէմ փաղափին»—255: «Վասն Արդուն դանին եւ Բուդային»—260: «Գանգատ»—268: Մեղքն իբրեւ ժողովրդի տառապանքի պատճառ եւ նրա փրկութեան միջոցը—275: Մահուան եւ ունայնութեան երգը—277: Կրօնական ու հոգեշահ բանքեր եւ միստիկական ճգումը—280: Ստեղծագործութիւն ինքնաշարժ ազդուով: Ձեւական կողմը—282: Մի քանի ուրիշ գրական տեսակներ (գրական սեռեր)—290:

**Իմաստաբաններ եւ Յովհաննէս Երզնկացի կամ Պուլզ**

295

Իմաստա-ուսուցական բանաստեղծութիւն—295: Երզնկան իբրեւ առեւտրական եւ կուլտուրական կենտրոն—297: Յովհաննէս Երզնկացու կենսագրութիւնը—299: Երկերը—299: Յովհաննէս Պուլզի աշխարհայեացքը: Մարմնի իրաւունքը—301:

**Կոստանդին Երզնկացի**

308

Կենսագրական—308: Կրօնական եւ խրատական բանք—309: Արեգակի, գարնան եւ լուսնի բանքեր—311: «Գարուն»—312: «Բանք յերկու դէմս»—313: «Բանք յազգս Արեգական արդարութեան»—315: Խորհրդաւոր նմանութեան օրինակներ—316: Վարդ ու սոխակի աշխարհական սիրավէպը եւ սիրոյ դաւանանքիւն—321: Անճական բանաստեղծութիւն—328: «Տեսիլք»: Հայեացքն իր բանաստեղծութեան ծագման վրայ—329: Իմաստական աւքեր—330: Մարմնի իրաւունքը—334: «Սիրու բանքը»—337: Բանքեր անճական վշտի, աշխարհիս ունայնութեան եւ մահուան մասին—342: Գուսանական երգերի ձեւական ազդեցութիւնը—345: Պարսկական բանաստեղծութեան ձեւական ազդեցութիւնը եւ չափածոյ բանաստեղծութեան կատարումը—346: Վերածնունդի գրականութեան առաջին էտապը—346:

## ԵԿԵՂԵՑԱԿԱՆ ԳՐԱԿԱՆՈՒԹԵԱՆ ՎԵՐՋԱԼՈՅՍՆ ԵՒ ԱՐԵՒՍՈՒՏԸ

Հիգեր անկման առաջն առնելու համար

349

Աւերմունքների դարեր—349: Ունիքոռական գրականութիւն եւ լատինարան աղմատ հայերէն—352: Յովհան (Յոհան) Որոտնեցի եւ վանական դպրոցներ—353: Գրիգոր Խլաթեցի Ծերեմ—357: Գրիգոր Տաթեւացի—357: Թովմա Մեծափեցի—365:

Առաւել Սիւնեցի

368

Կենսագրական—368: Երկերը—369: Ադամգիրք—370: Ադամգիրք Ա.—373: Յօրինուածքի թերութիւնն եւ գրական արժէքը—385:

Առաւել Բաղիւսեցի

387

## Լ Ր Ա Յ ՈՒ Մ

ՏԱՂԱՍԱՅՈՒԹԻՒՆ

Մկրտիչ Նաղաշ—393: Քերովբէ—400: Յովհաննէս Թլկուրանցի—402: Գրիգոր Աղբամարցի—410: Քուչակ Նահապետ—417: Աշխարհիկ երգ, ուրախութիւն—425: Նաղաշ Յովնաթան—429:

ՋՈՐՐՈՐԴ ՇՐՋԱՆ

ԳՐԱԿԱՆՈՒԹԵԱՆ ՆՈՐՈԳՈՒՄԸ 17—19-րդ ԴԱՐԵՐՈՒՄ

Ներածութիւն

437

Պատմագրութիւն

441

Առաւել Դարիժեցի—442: Զաքարիա Սարկաւազ—454: Աբրահամ Կաթողիկոս Կրետացի—458:

Երգիչներ

462

Սայեաթ—Նովա—463:

19-րդ ԴԱՐԻ ՍԿԶԲԻ ԳՐԱԲԱՐ ԲԱՆԱՍՏԵՂԾՈՒԹԻՒՆԸ

XIX դարի սկզբի մխիթարեան բանասեղծները եւ նրանց նախորդները

469

Տէր Կոմիտաս Բախանայ—470: Աստաբատցի Աբրահամ վարդապետ—471: Գրիգոր Գապասախան—472: Դուկաս Իննիսեան—475: Դարբիէլ Աւետիքեան—477: Մանուէլ Զախլախեան—477: Եղիա Թովմանեան—484: Արտէն Բագրատունի—487: Գրիգոր Փեշտիմալեան—498: Դպրոց, լրագրութիւն, թարգմանական եւ ինքնուրոյն գրականութիւն—505: Յովհան Վանանդեցի—510:

## ՅԱԻԵԼՈՒԱԾՆԵՐ

ԱՌԱՋԻՆ ՅԱԻԵԼՈՒԱԾ

Յարկուազ Վարդապետի կենսագրութեան շարքը

531

Որտեղացի է նա—531: Երբ է վախճանուել նա—533:

**ԵՐԿՐՈՐԴ ՅԱԻԵԼՈՒԱԾ**

**Բարառնութիւնների հեղինակը**

**536**

Խաչատուր Կեչառեցու բարառնութիւնները—536:

**ԵՐԿՐՈՐԴ ՅԱԻԵԼՈՒԱԾ**

**Ֆրիկի կենսագրութեան շուրջը**

**542**

Թուականներ—542: Ֆրիկի որդու գրաւ դրուելու խնդիրները—547:

**ԶՈՐՐՈՐԴ ՅԱԻԵԼՈՒԱԾ**

**Շահնամայի ձեւական ազդեցութիւնը**

**552**

«Ասել ճայնով»—552:

**ՀԻՆԳԵՐՈՐԴ ՅԱԻԵԼՈՒԱԾ**

**Անանուն սաղեր**

**555**

Մեռելների վիճակը յարութիւնից յետոյ—555: Հայ ազգի վիճակի դառնութիւնը—555: Սէրը—556: Աստուածածնի սուգը—556: Աստուածածնի գովքը—557:

**ՎԵՑԵՐՈՐԴ ՅԱԻԵԼՈՒԱԾ**

**Դուսանական սաղեր**

**558**

**ԵՕԹԵՐՈՐԴ ՅԱԻԵԼՈՒԱԾ**

**Վերածնութիւնը հայոց հին գրականութեան մէջ**

**570**

**Գրիգոր Նարեկացին եւ Ճգնաւորական ողբերգութիւնը**

**572**

**Գրականութեան աշխարհականացումը (11-րդից 17-րդ դար)**

**577**

Աշխարհայեցութեան փոփոխութիւնը—577: Հայրենասիրական ողբերգութիւն—579: Ուսուցական գրականութիւն եւ առակներ—582: Աշխարհիկ ֆնարերգութիւն—584:

**Ցանկ անձանունների**

**591**

## Ա Ռ Ա Ջ Ա Բ Ա Ն

1940 թուականի աշնանը Մամուկ Աբեղեանը իր համաձայնութիւնը տուեց ՄՍՌՄ Գիտութիւնների Ակադեմիայի Հայկական ֆիլիալի Գրականութեան եւ Վեգուի ինստիտուտին գրելու հայ էին գրականութեան պատմութիւնը:

Այս աշխատութեան առաջին հատորը, որտեղ հայ գրականութեան պատմութիւնը հասնում է մինչեւ Գրիգոր Նարեկացին, այսինքն 10-րդ դարը, հանգուցեալ գիտնականը աւարտել է — ինչպէս այդ երեւում է հատորի առաջաքանի թուագրումից — 1942 թ. ապրիլին:

Նոյն թուականի կէսերից Աբեղեանը սկսեց աշխատել երկրորդ հատորի վրայ, որ պիտի ընդգրկէր հայ գրականութեան պատմութիւնը 11-րդ դարից մինչեւ 19-րդ դարի առաջին տասնամեակների գրաբար գրականութիւնը: Երկրորդ հատորի վրայ Աբեղեանը աշխատեց՝ կարճատեւ ընդմիջումներով՝ մինչեւ իր մահը, բայց ցաւօք չաւարտեց այն, կարողացաւ մշակել միայն մինչեւ 14-րդ դարի վերջը, այն է՝ Առաքել Սիւնեցին:

Սկզբնական շրջանում ինստիտուտը ենթադրում էր՝ օգտագործելով «Արարատ» ամսագրում Աբեղեանի հրատարակուած յօդուածները 19-րդ դարի գրաբար գրականութեան մասին, եղած բացը (15-18-րդ դարեր) լրացնել այլ հեղինակի շարադրանքով:

Սակայն, ժամանակի ընթացքում պարզուեց, որ Աբեղեանի արխիւում պահպանուել են Գէորգեան նետարանում նրա կարդացած՝ հայ էին գրականութեան պատմութեան հէնց այդ պակասող շրջանին վերաբերող դասախոսութիւնների սեւագրութիւնները: Ուսումնասիրութիւնը ցոյց տուեց, որ այդ սեւագրութիւնները իրենց շարադրանքով ու արժարժաւ տեսակէտներով՝ կարող են մշակուած մասի թէկուզ համառօտ շարունակութիւնը հանդիսանալ, որով եւ ապահովոււմ էր հատորի հեղինակային միասնութիւնը:

Այսպիսով, Մամուկ Աբեղեանի «Հայոց էին գրականութեան պատմութեան» տուեալ հատորը բաղկացած է հետեւեալ երեք հիմնական մասերից. ա) մշակուած մաս, որ ամէնից ընդարձակն է եւ ընդգրկում է, ինչպէս ասուեց, 11-14-րդ դարերը, բ) սեւագիր մաս, որ ընդգրկում է 15-18-րդ դարերը, եւ գ) տպագրուած մաս («Արարատ»ում), որ ընդգրկում է 19-րդ դարի առաջին տասնամեակները: Վերջին երկու մասերը հատորում անուանուած են «Լրացում» — տարբերելու համար առաջին մասից:

Մի քանի խօսք այս բաղադրիչ մասերից իւրաքանչիւրի վերաբերեալ:

## ԱՌԱՋԻՆ՝ ՄՇԱԿՈՒԱԾ ՄԱՍ

1. Մ. Արեղեանի «Հայոց հին գրականութեան պատմութեան» երկրորդ հատորի մշակուած մասի ձեռագիրը պարսկալուծ է 19 տետրակի մէջ, որոնք համարակալուած են — բացառութեամբ 18-րդ տետրակի — իր իսկ Արեղեանի ձեռքով: Մ. Արեղեանը համարակալել է նաեւ էջերը, ըստ որում իր ձեռքով համարակալումը նա հասցնում է մինչեւ 16-րդ տետրակի վերջը, այն է՝ 1051-րդ էջը. 17 եւ 18-րդ տետրակների էջերը համարակալուած են արդէն Մ. Արեղեանի որդու, նկարիչ Մհեր Արեղեանի ձեռքով, ինչպէս եւ վերջինիս ձեռքով է համարակալուած վերը յիշուած 18-րդ տետրակը: Այս երկու տետրակները պարսկալուծ են ձեռագրի 1052-1183 էջերը: Ինչ վերաբերում է 19-րդ տետրակին, ապա նրա համարակալումը նորից արուած է Մ. Արեղեանի ձեռքով, բայց ոչ իբրեւ 18-րդ, այլ 16-րդ տետրակի շարունակութիւն և ընդգրկում է 1052-1060 էջերը. այս երեւոյթի բացատրութիւնը կը տրուի սոյն առաջաբանի երրորդ կէտում:

Մ. Արեղեանի ձեռագիր տետրակները սովորական աշակերտական տետրակներ են, որոնց մի քանի հատի միացումից ստացւում էր ստուար մի տետրակ:

Այս հատորը նախորդի պէս ունի «Յաւելուածներ» բաժին: Առաջին չորս յաւելուածը նշուած են իբրեւ յաւելուածներ Մ. Արեղեանի կողմից եւ մտնում են սոյն մշակուած մասի մէջ:

2. Իր ձեռագրի 19-րդ տետրակում—որը, ինչպէս յայտնի կը գտնուի քիչ յետոյ, գրուած է 16-րդ տետրակից անմիջապէս յետոյ—Մ. Արեղեանը 1059րդ քերթի երկրորդ էջի վրայ ունի հետեւեալ նշումը իր անելիքի մասին.

Գրելիք (14-17-րդ դարեր).

I. Եկեղեցական գրականութեան վերջալոյսն եւ արեւմուտը: Յովհան Ռոտունցի, Առաքել Բաղիշեցի, Առաքել Սիւնեցի եւ այլն:

II. Վիպական գրականութիւն:

III. Քնարերգուներ. Մկրտիչ Նազաշ, Թլկուրանցի, Աղթամարցի եւ ուրիշներ:

IV. Գուսանական երգեր—հայրեններ:

*Չորրորդ չըջան* — գրականութեան նորագումը 17-19-րդ դարերում:

Հետագայում, երբ Արեղեանը աւարտում է սոյն «գրելիքի» առաջին կէտը՝ բացառութեամբ Բաղիշեցու, 18-րդ տետրակի վերջին, 1183-րդ քերթի երկրորդ էջի վրայ նա նորից նշում է իր անելիքը.

Շարունակութիւն — Առաքել Բաղիշեցի.

*Ֆարման Մանուկի սիրավէպը.*

*Տաղասացութիւն*

1. Մկրտիչ Նազաշ

2. Թլկուրանցի

3. Գր. Աղթամարցի

4. Անանուններ

Գուսանական տաղեր:



Այդ երկու նշումներից կարելի է եզրակացնել, որ Մ. Աբեղեանը յստակ պատկերացում ուներ իր անելիքի մասին. նշումների առանձին կետերը տեղ-տեղ տարբերում են իրարից միմիայն ձևակերպումով, բայց ոչ բովանդակությամբ:

Սակայն, այդ «գրելիքը», ինչպես յայտնի է, հիմնականում գրելիք էլ մնաց. 1183-րդ էջով աւարտուող Առաքել Սիւնեցին Աբեղեանի «Հայոց հին գրականութեան պատմութեան» երկրորդ հատորի վերջին, հեղինակի կողմից մշակուած քեման էր:

«Գրելիք»-ից կարելի է եզրակացնել, որ Առաքել Սիւնեցուն պիտի հետեւէր Առաքել Բաղիշեցին, որը մեզ յայտնի 19-րդ տետրակում բացակայում է:

Բարեբախտաբար, Մ. Աբեղեանի քղթերի մէջ գտնուեց մի ձեռագիր տետրակ, որի առաջին 8 էջը ունի «Անանուն տաղեր» վերնագիրը, իսկ դրանց հետեւող 6 էջը՝ «Առաքել Բաղիշեցի»: Տետրակի ընդհանուր վերնագիրն է՝ «Նիւթեր հայոց հին գրականութեան», որ եւ դրոշմուած է շապկի վրայ: Թէ՛ տետրակից եւ թէ՛ գրութեան բովանդակութիւնից ու ձեւից կարելի է հաստատապէս ասել, որ դա Մ. Աբեղեանի վերջին շրջանի գրածներից է եւ որ այն բաղադրիչ մի մասը պիտի դառնար «Առաքել Բաղիշեցի» գլխի:

Նկատի ունենալով այն, որ Առաքել Բաղիշեցին Հայոց հին գրականութեան պատմութեան կարեւոր օղակներից մէկն է, առանց որի պակասաւոր կը լինէր այդ պատմութեան շարադրանքը, նպատակաշարմար համարուեց յիշեալ հատուածը՝ թէեւ այն չի ընդգրկում Բաղիշեցու ամբողջական դիմանկարը՝ տեղաւորել ընդհանուր հիւսուածքի մէջ:

3. Կոստանդին Երզնկացու բաժինը, բաղկացած 15 պարագրաֆից ու մի յաւելումից («Շահնամայի ձեւական ազդեցութիւնը»), աւարտուում է 16-րդ տետրակում, նրա վերջին, 1051-րդ էջի վրայ, ըստ որում յաւելումը մըտցուած է հետագայում. հակառակ Աբեղեանի սովորութեան՝ տետրակների շապիկները դէն նետել կամ էլ կենտրոնացնել նրանց վերջում՝ յաւելումը մնացել է պարփակուած իր շապկում:

«Հայոց հին գրականութեան պատմութեան» երկրորդ հատորի 19-րդ տետրակը բովանդակում է միայն մի պարագրաֆ, որի վերնագիրն է՝ «Վերածնութեան գրականութեան առաջին էտապը», քիւ 16, որ հետագայում մատիտով ջնջուած է ու դարձուած 1:

Թէ՛ այս՝ 16-րդից եւ թէ՛ պարագրաֆի ամփոփող բովանդակութիւնից կարելի է եզրակացնել, որ այն, ըստ սկզբնական յաջման, պէտք է լինէր Կոստանդին Երզնկացու ստեղծագործութիւնը ֆննարկող գլխի (որը, ինչպէս մեզ արդէն յայտնի է՝ համաձայն վերջնական ձեւաւորման՝ 15 պարագրաֆից էր բաղկացած) վերջին, յաւելումին նախորդող 16-րդ պարագրաֆը:

Փոխելով իր միտքը, Մ. Աբեղեանը համել է այս 16 պարագրաֆը 16-րդ տետրակից, նրա փոխարէն գրել յաւելումը, էջերը համարակալել, ապա շարունակել համարակալումը 16-րդ պարագրաֆի էջերի վրայ՝ հասցնելով այն 1052-ից՝ 1060-ի:

Այդպիսով, դուրս է գալիս, որ 16-րդ տետրակի անմիջական շարունա-

կուրսինն է 19-րդ տետրակը: Ապա ո՞ւր մնացին այդ դէպքում 17 եւ 18-րդ տետրակները:

16-րդ պարագրափը, այսինքն՝ «Վերածնութեան գրականութեան առաջին էտապը» աւարտում է հետեւեալ պարբերութեամբ. «Բարեբախտաբար գրի առնուած մնացել են գուսանական «հայրենները», որոնք մեր ֆնաբերութեան գոհար զարդերն են: Սրանց միասին էլ կը տեսնենք այս գործի շարունակութեան մէջ»:

Հետագայում Մ. Արեղեանը մատիտով երկու խաչ է դրել այս պարբերութեան վերջին, ու նախորդ քերթի (1059) երկրորդ էջում, կրկնելով երկու խաչը, նշնակէ մատիտով աւելացրել. «բայց նախ քան այդ, մի հայեացք ձգենք մեր եկեղեցական գրականութեան վրայ»:

17 եւ 18-րդ տետրակները պարփակում են հենց եկեղեցական գրականութեան այդ տեսութիւնը: Ինչպէս մեզ յայտնի է, 18-րդ տետրակի համարը Արեղեանի ձեռքով չի գրուած, բայց դրա փոխարէն նախորդ տետրակի հոռմէական XVII-ը դրոշմուած է Արեղեանի իսկ ձեռքով: Պարզ է, ուրեմն, որ Մ. Արեղեանը երկրորդ անգամ փոխել է իր մտադրութիւնը «Վերածնութեան գրականութեան առաջին էտապը» հատուածի տեղի նկատմամբ ու որոշել չդնել այն ոչ միայն «Կոստանդին Երզնկացի» գլխում, այլեւ նրանից անմիջապէս յետոյ, այսինքն՝ նրա եւ եկեղեցական գրականութեան տեսութեան արանքում:

Այդ՝ ո՞ւր դնել այդ պարագրափը: Արեղեանը 16 քիւր փոխելով մատիտով 1-ի, ապա նշնակէ մատիտով ընդհանուր վերնագրի «Տաղասացութիւն» (շապկի վրայ՝ «Տաղասացներ») և ենթավերնագրի «Ընդհանուր տեսութիւն» տալով, պարզ է, որ մտադրութիւն ունէր լրացնելու այդ նորաստեղծ գլուխը նոր պարագրափներով, բայց թէ ուր պիտի գետեղէր այս ամէնը՝ չէր որոշել ու իր տարակուսանքները նա նշել է՝ դարձեալ մատիտով՝ հենց վերնագրին կից հետեւեալ բառերով. «դնել վիպական ֆերբուածներից առաջ?? յետոյ?»:

Այդ տարակուսանքները Մ. Արեղեանը, որքան մեզ յայտնի է, չլուծեց: Վիպական ֆերբուածների մասին, որ ըստ նրա յայտնի պիտի հետեւէր եկեղեցական գրականութեանը, նա չգրեց: «Տաղասացութիւն» գլուխն էլ մնաց նոյնութեամբ՝ լոկ մեզ յայտնի «Վերածնութեան գրականութեան առաջին էտապը» պարագրափով:

Ելնելով այս ամէնից, այլեւ նկատի ունենալով, որ նշուած պարագրափը տեղի տեսակէտից միանգամայն համապատասխանում է Մ. Արեղեանի սկզբնական մտադրութեանը՝ ինստիտուտը որոշեց թողնել այն «Կոստանդին Երզնկացի» գլխում իբրեւ այդ գլուխը եւ նրան նախորդող գլուխները եզրափակող հատուած:

Յիշուած 16-րդ պարագրափը ներկայ հատորի մէջ նշուած է 17-րդ համարով, որովհետեւ Մ. Արեղեանը հետագայում՝ այդ պարագրափը գրելուց յետոյ, 15րդ պարագրափի վերջին հատուածը առանձնացրել ու դարձրել է 16րդ պարագրափ հետեւեալ վերնագրով՝ «Պարսկական բանաստեղծութեան ձեւական ազդեցութիւնը եւ չափածոյ բանաստեղծութեան կատարումը»: Այս նոր վերնագրի տակ մատիտով Արեղեանը նշել է՝ «միացնել տաղասացութեան»,

դնելով կողքին երկու հարցական, որով եւ արտայայտել է իր տարակուսանքը այս հատուածի տեղագրութեան առթիւ :

4. Ներկայ հատորի Ա. գլուխը, որ կրում է «Վերածնութեան գրականութիւն» ընդհանուր վերնագիրը ու «Կեանքի ու աշխարհայեցութեան փոփոխութիւն» ենթավերնագիրը, իբրեւ դասախօսութիւն, 1943 թ. յունուարի 18-ին, «Կեանքի եւ աշխարհայեցութեան փոփոխութիւնը 10-րդ դարի վերջերում եւ 11-րդ դարի սկզբներում իբրեւ հիմք Հայոց գրականութեան վերածնութեան շրջանի» խորագրի տակ, կարդացուած է ՍՍՌՄ Գիտութիւնների Ակադեմիայի Հայկական ֆիլիալում :

Նոյնը, առանց դասախօսութեան ժամանակ արուած սակաւաթիւ բացատրութիւնների եւ յաւելումների, տպագրուած է ՍՍՌՄ Գիտութիւնների Ակադեմիայի Հայկական ֆիլիալի «Տեղեկագրի» մէջ (1943, թ. 1, էջ 39-52) :

Նկատի ունենալով, որ հատորի համար գրուածի եւ «Տեղեկագրում» տրւածի մէջ էական փոփոխութիւններ չկան, տալիս ենք առաջինը :

5. Ներկայ հատորի «Յովհաննէս Սարկաւազ վարդապետ» գլուխը, որ բաղկացուցիչ մասն է «Նոր մտաւոր հոսանքի առաջին փուլերը գրականութեան մէջ» բաժնի, իբրեւ առանձին հատուած տպուած է Հայկ. Գիտ. Ակադեմիայի «Տեղեկագրի» մէջ (1944, թ. 1-2, էջ 31-60) :

Յիշեալ գլուխը Մ. Աբեղեանը, «Տեղեկագրին» տպագրութեան յանձնելուց առաջ, ենթարկել է զգալի փոփոխութեան թէ՛ ըստ բովանդակութեան եւ թէ՛ ըստ կառուցուածքի : Նա հարստացրել է իր գործը մի շարք նոր եւ կարեւոր նիւթերով, խմբագրել ու ընդլայնել է եզրակացութիւն-ընդհանրացումները, փոխել մի երկու հատուածի վերնագրերն ու կառուցուածքը, վերջից աւելացրել մի նոր հատուած՝ «Զգտում դէպի բնութիւն եւ ռացիոնալիզմ եւ դրա ազդեցութիւնը գրականութեան մէջ» եւ այլն :

Այս ամէնի հետեւանալով աշխատանքն ընդհանրապէս դարձել է աւելի մշակուն ու կատարեալ :

Նկատի ունենալով յիշեալ հանգամանքը, ինստիտուտը նպատակաշարմար գտաւ ներկայ հատորում տալ ոչ թէ այս հատորի համար Աբեղեանի կողմից նախադէս գրուած «Յովհաննէս Սարկաւազ վարդապետ» գլուխը՝ «Սարկաւազ վարդապետի կենսագրութեան շուրջը» վերտառութեամբ յաւելուածով, այլ վերջինիս հիմնովին վերամշակուած վարիանտը իր նշանանուն յաւելուածով՝ տպուած «Տեղեկագրի» մէջ :

Կարեւոր ենք համարում յիշելու նաեւ, որ այստեղ իբրեւ բնագիր օգտագործուում է՝ մեզ զբաղեցնող աշխատութեան «Տեղեկագրից» կատարուած այդ արտատպութեան հեղինակի գրադարանում պահպանուած այն օրինակը, որի վրայ նրա ձեռքով կատարուած են մի շարք նոր, ուշագրաւ լրացումներ եւ ուղղումներ :

6. «Դրելիքի» երկրորդ կէտը «Վիպական գրականութիւն» բաժինն է, որը նոյն «գրելիքի» երկրորդ վարիանտում կոչուած է «Ֆարման Մանուկի սիրավէպը» (տե՛ս երկրորդ կէտը) :

Մահը խանգարեց հեղինակին ի թիւս մի շարք այլ բաժինների գրելու նաեւ Ֆարման Մանուկի սիրավէպի մասին :

Ֆարմանի վէպի արձակ եւ չափածոյ տարբերակները կարելի է գտնել

միջնադարեան մի շարք հայ գրչագրերում: Այդ վէպի ընտիր վարիանտներից մէկը (չափածոյ) «Պատմութիւն Ֆարմանի Ասմանի» վերնագրի տակ, համադերձ փրանսերէն քարգմանութեամբ, հրատարակուած է Փարիզի «Անահիտ» ամսագրում (1904, ք. 3-11 եւ 1905, ք. 2, 4-9) եւրոպացի հայագետ Յր. Մաֆլէրի կողմից<sup>1</sup>:

Մ. Արեղեանի կարծիքով, որ մա արտայայտել է ինտիւստի եւ Մատենադարանի մի քանի աշխատակիցների, Ֆարմանի վէպը ծագումով հայկական չլինելով հանդերձ (դա հաւանօրէն ընդհանուր արեւելեան մի սիւժետ է), ստեղծագործական արմատական մշակման է ենթարկուել հայ իրականութեան մէջ: Նա գտնում էր, որ յիշեալ վէպը իր գեղարուեստական արժանիքների շնորհիւ հանդիսանում է միջնադարեան հայ գրականութեան ուշագրաւ յուշարձաններից մէկը, որը յատկապէս աչքի է ընկնում իր կենդանի պատմութեամբ, ժողովրդական պարզ լեզուով ու ոճով, սահուն-երաժշտական ուսանաւորով:

Այս նկատառումով էլ, ահա, Արեղեանը անհրաժեշտ էր համարում՝ Ֆարմանի վէպը մտցնել Հայոց գրականութեան պատմութեան մէջ:

#### ԵՐԿՐՈՐԴԻ՝ ՍԵՒԱԳԻՐ ՄԱՍ

7. Մ. Արեղեանի «Հայոց հին գրականութեան պատմութեան» երկրորդ հատորի այս մասը կազմուած է հեղինակի՝ Գէորգեան ճեմարանում 1899-1900 թուականներին եւ հետագայում կարդացած դասախօսութիւնների շարադրանքից(տես՝ «Արարատ», 1908, էջ 890 եւ ՍՍՌՄ Գիտութիւնների Ակադեմիայի Հայկական փիլիալի «Տեղեկագիր», 1941, ք. 5-6, էջ 85):

Օգտագործուած ձեռագիրը ամփոփուած է երկու տարբեր շապիկների մէջ, ըստ որում առաջին շապիկի մէջ գտնուում են հատորի «Տաղասացութիւն» բաժնի նիւթերը, երկրորդի մէջ՝ «Պատմագրութիւն» և «Երգիչներ» (Սայաթ-Նովա) բաժինների նիւթերը:

Առաջին շապիկի ունի 68 համարակալուած եւ մէկ չհամարակալուած սովորական տետրակի չափի քերթեր, երկրորդը 48+23 քերթեր, ըստ որում

<sup>1</sup> Վէպի համառօտ բովանդակութիւնը հետեւեալն է: Ասորեստանի Զարմանագան թագաւորը ծերութեան հասակում ունենում է մի արու գաւակ, որին կոչում է Ֆարմանի Աման անունով: Մեծանալով՝ Ֆարմանն աչքի է ընկնում իր գեղեցկութեամբ, իմաստութեամբ եւ քաջութեամբ: Պարսից թագաւորի դուստր Շահիշապուրինը լսելով Ֆարմանի համբաւը եւ տեսնելով նրան, սիրահարւում է եւ հօրից դառնի, երկու անգամ ծպտելով սոյնելում նրան: Պարսիկ նշանաւոր փաշէկան Հնդի Փուլպը փորձում է դաւել Ֆարմանին, սակայն վերջինս սպանում է նրան: Այդ բանի համար Ֆարմանը բռնադատւում է պարսից թագաւորի կողմից, բայց շուտով իր հաւատարիմ ընկեր Փարսառի ջանքերով նա ազատւում է բռնից եւ սիրած Շահիշապուրինի հետ հայրենիք վերադառնալով, ամուսնանում: Ժամանակ անց, մեռնում է Ֆարմանի հայրը, եւ նա գաւաւում է Ասորեստանի թագաւոր: Ֆարմանը կատաղի կռիւներ է մղում Շահիշապուրինի վերադառնելու եկած պարսից թագաւորի հետ եւ պարտութեան մատնում նրան: Շուտով Ֆարմանն ունենում է մի արու գաւակ (Շահիշապուրինի), սրբ մեծանալով դառնում է հօր նման գեղեցիկ, իմաստուն եւ քաջ մարդ: Յաղթողի երջանիկ ուրախ կեանքով 60 տարի ապրելուց յետոյ, մեռնում է Ֆարմանը: Նրա տեղը Ասորեստանի թագաւոր է դառնում որդին՝ Շահիշապուրին:

վերջինը սկսում է 8-րդ թերթից (որի առաջին էջը ջնջուած է ու ներկայացնում է շարունակութիւն այլ շարադրանքի) եւ վերջանում 31-ով :

Առաջին շապիկը ունի «Քանաստեղծներ . աշխարհիկ հոսանք . 15—18-րդ դար» վերնագիրը և մի շարք նշումներ կատարուելիք անհրաժեշտ լրացումների վերաբերեալ (հեղինակների անուններ, գրքերի վերնագրեր և էջեր) : Երկրորդը վերնագրուած է՝ «Առաքել պատմագիր . Զաֆարիա սարկաւազ . Աբրահամ կրետացի» :

Հրատարակութեան պատրաստելով նշուած նիւթերը, ինստիտուտը կատարել է հետեւեալը .

ա . Հանուած կամ կրնատուած են անմշակ մասերը եւ բնագիրը ծանրաբեռնող մէջբերումները, առանձնապէս Յովհաննէս Թլկուրանցու, Զաֆարիա Սարկաւազի եւ Սայաթ-Նովայի բաժիններում :

բ . Համապատասխան սկզբնաղբիւրների հիման վրայ՝ ստուգուած եւ նշուած են հեղինակի կողմից արուած բոլոր մէջբերումները :

գ . Տեստը լրացուած է մի շարք մէջբերումներով (գլխաւորապէս «Առաքել Դաւրիժեցի» գլխում), որոնց էջերը ցոյց են տրուած Արեղեանի կողմից :

դ . Զեռագրի լուսանցքներում եղած կարեւոր նշումները՝ վերնագրեր, դիտողութիւններ, բառեր, անուններ եւ այլն տրուած են տողատակի ծանօթութիւնների մէջ :

ե . Մոռացութեամբ կամ գրչի վրիպմամբ բաց թողուած բառերը վերականգնուած են փառակոսի փակագծերի մէջ . նոյնպիսի փակագծերի մէջ են տրուած աղմատ տեխտը հասկանալի դարձնելու համար արուած սակաւաթիւ խմբագրական լրացումները :

Տ . Հայոց հին գրականութեան 4-րդ շրջանի բովանդակութիւնն ու վերջինիս համապատասխան վերնագրումը եղել է Մ . Արեղեանի մտորումների առարկան երկար ժամանակահատուածում, շարունակ ենթակայ լինելով վերափոխման եւ խմբագրման :

Իր նեմարանական դասախօսութիւնների ձեռագիր տետրակներում այն անուանուած է «Վերածնութիւն եւ նոր գրաբար մատենագրութիւն», որ հետագայում մատիտով խմբագրուել է՝ «Հին լեզուի, ոգու վերածնութիւն եւ նոր գրաբար մատենագրութիւն»՝ լուսանցքում տրուած հետեւեալ ծանօթութեամբ . «Վերածնութիւն ոչ եւրոպական գրականութեան իմաստով, այլ վերակենդանացում» (սեւագիր մասի առաջին տետրակ, էջ 1) :

Տարիներ անց իր «Համառոտութիւն հայ ժողովրդական վէպի եւ հին գրականութեան պատմութեան» ապակետիպ աշխատութեան մէջ (Երեւան, 1923), որ նոյնութեամբ արտատպուել է ՍՍՌՄ Գիտ . Ակադեմիայի Հայկական ֆիլիալի «Տեղեկագրի» 1941 թ . թ . 5—6 «Վերածնութիւնը Հայոց հին գրականութեան մէջ» վերնագրի տակ, Արեղեանը նոյն շրջանը անուանել է «Հնի, կրօն-եկեղեցականի վերածնութիւն եւ նոր գրաբար գրականութիւն» («Տեղեկագիր», էջ 106) :

Նշուած յօդուածի ներածական մասում, որ գրուած է նոր, արտատպութեան կապակցութեամբ, Արեղեանը տալիս է հետեւեալ ձեւակերպումը . «Եկեղեցական գրականութեան վերածնութիւն, նոր գրաբար եւ աշխարհիկ գրականութիւններ» (ն . տ . , էջ 86) :

Վերջապէս, իր «գրելիք»-ում (1943-44 թ.թ.), Արեղեանը տուեալ շրջանը կոչում է «Գրականութեան նորոգումը 17-19րդ դարերում» («17-19րդ դարեր» ասելով Արեղեանը հասկացել է 1600-1830 ժամանակահատուածը, ինչպէս այդ նշումը է մի քանի տեղ սեւագրում) :

Ինստիտուտը գերադասեց պահել վերջին ձեւակերպումը :

Այս շրջանի սկզբնական մասի «Ներածութիւն» վերնագիրը տրուած է մեր կողմից :

9. «Գրելիքի» երկրորդ վարիանտում «Տաղասացութիւն» բաժնում իբրեւ չորրորդ գլուխ նշումը է «Անանուններ» թեման :

Ինչպէս ասում է առաջաբանիս երկրորդ կէտում, Արեղեանի թղթերի մէջ գտնուեց մի ձեռագիր տետրակ, որի առաջին մասը ունի «Անանուն տաղեր» վերնագիրը, իսկ երկրորդը՝ «Առաքել Բաղիշեցի» :

Քանի որ տուեալ նիւթը արտադրուած է վերջնական մշակման ենթակում չէ հեղինակի կողմից, այն տրուում է յաւելումների բաժնում (5-րդ յաւելում) :

10. «Գրելիքի» մէջ հաստատուն է «Վիպական գրականութիւն» ու «Քննարկներ» բաժիններին միանգամայն հաւասար տեղ է զբաղում «Գուսանական երգեր-հայրեններ» բաժինը :

Գուսանական երգերի մասին, ինչպէս յայտնի է, Մ. Արեղեանը ունի ընդարձակ մի հետազոտութիւն, որ տպագրուել է «ՀՍՍՀ Պետական Համալսարանի գիտական տեղեկագրում» (թ.թ. 2-3, 4 եւ 6, 1927-30 թ.թ.), ապա հրատարակուել առանձին (1931) :

Իր այս հետազոտութեան մէջ Մ. Արեղեանը ժխտում է Քուչակ Նահապետի հեղինակ լինելը նրան՝ Տեւկանցի («Հայերգ», Թիֆլիս, 1882) ու հետագայում մի շարք այլ բանասէրների կողմից վերագրուած սիրոյ երգերի նկատմամբ եւ ընդունում այդ երգերը իբրեւ գուսանական ժողովրդական, անանուն երգեր : Միաժամանակ Մ. Արեղեանը ասում է, որ 16-րդ դարի սկզբին, իսկապէս, գոյութիւն է ունեցել Քուչակ Նահապետ անունով աշուղ, որին, սակայն, պատկանել են միանգամայն այլ տիպի ու բովանդակութեան երգեր :

Իր հետազոտութեան ամփոփումը, իբրեւ «Ներածութիւն», Մ. Արեղեանը հետագայում գետեղել է 1940 թ. ՍՍՌՄ-ի Գիտութիւնների Ակադեմիայի Հայկական փիլիպի Գրականութեան եւ Լեզուի Ինստիտուտի հրատարակութեամբ լոյս տեսած իր «Գուսանական ժողովրդական տաղեր» ժողովածուի մէջ : Մի տարի անց, 1941 թ. «Վերածնութիւնը Հայոց հին գրականութեան մէջ» յոդուածում Մ. Արեղեանը կրկնեց իր այդ տեսակէտը («Տեղեկագիր ՍՍՌՄ Գիտ. Ակադեմիայի Հայկական փիլիպի», 1941, թ. 5-6, էջ 103, ծանօթութիւն) :

Մ. Արեղեանը մինչեւ կեանքի վերջը չփոխեց իր տեսակէտը Քուչակ Նահապետի մասին : Պարզ է միանգամայն, որ եթէ նրան վիճակուէր իրագործել իր միտքը՝ «Հայոց հին գրականութեան պատմութեան» 2-րդ հատորում յատուկ գլուխ նուիրել գուսանական տաղերին, ապա այս նա պիտի անէր միանգամայն հաւատարիմ իր 1931 թ. հրատարակած հետազոտութեան սկզբունքներին :

Այդ իսկ պատճառով, Ինստիտուտը, ցանկանալով գաղափար տալ ըն-

քերցողին յիշեալ չգրուած գլխի մասին, բարւոյ համարեց յաւելուածներում գետեղել՝ որոշ յապաւումներով՝ վերել յիշուած «Ներածութիւնը» (6-րդ յաւելում) :

Ինչ վերաբերում է այս հատորի մէջ գետեղուած «Քուչակ Նահապետ» գլխին (որ մտնում է Մ. Արեղեանի 1899—1900 թ.թ. կարդացած դասախօսութիւնների ցիկի մէջ), ապա դեռ այստեղ առաջադրուած են՝ լրիւ կամ ստորմասին վիճակում՝ այն բոլոր քեզիսները, որ բնորոշ են 1931 թ. հեղինակի հրատարակած «Հին գուսանական ժողովրդական երգեր» հետազոտութեան համար :

Եւ իսկապէս իր դասախօսութիւնների մէջ Մ. Արեղեանը՝

ա. Նշում է Քուչակի և Ակնայ ժողովրդական երգերի, հետեւապէս՝ հայրենների եւ անտունիների առնչութիւնը .

բ. Պնդում է, որ հայրենների առանձնայատկութիւնը պէտք է որոնել նրանց տաղաչափական առանձնայատկութեան, յատկապէս հայկական լինելու մէջ .

գ. Յայտարարելով մի կողմից, որ հայրենների ամբողջութեան մէջ պակասում է անհատական բնոյթը եւ որ, միւս կողմից, նրանք ոչ թէ մի հեղինակի, այլ մի քանի հեղինակների վերամշակումներ են — Մ. Արեղեանը դրանով իսկ սկսում է ժխտել այդ երգերի պատկանելիութիւնը Քուչակ Նահապետին :

Քուչակի մասին Մ. Արեղեանի ունեցած տեսակէտի կազմաւորման սոյն սկզբնական էտապի համար հետաքրքրական է այն, որ նա իր դասախօսութիւններում մի տեղ հայրենները դեռ իսկական ժողովրդական երգեր չէ համարում, այլ «ժողովրդական՝ մշակութիւն կրած գրագէտների կողմից» :

Հետագայում այս մտքին Մ. Արեղեանը անդրադառնում է միայն հարեւոցիօրէն, 1923 թ. ձեռագրի իրաւունքով հրատարակած «Համառոտութիւն հայ ժողովրդական վէպի և հին գրականութեան պատմութեան» աշխատանքի մէջ ասելով, որ «դրանք [հայրենները] ժողովրդական երգեր են, միայն առանձնապէս մշակութիւն կրած» (էջ 63) : Նայնք նա կրկնում է հայկական վերածնութեան մասին 1941 թ. հրատարակած մեզ յայտնի իր յօդուածում (էջ 103), որ հիմնականում արտատպութիւն է «Համառոտութիւն»-ից :

Իսկ «Հին գուսանական ժողովրդական երգեր»-ում նա վնասակասապէս յայտարարում է, որ հայրենները «քերական աւանդուած տաղեր են եղել եւ մէկ ժամանակի ու մէկ անհատի ստեղծագործութիւն չեն, այլ, բնդեակառակն, դրանց վրայ աշխատել են բազմաթիւ տերունդներ, եւ դրանք փոփոխութիւն, վերամշակութիւն ու զարգացում կրել են բնականաբար, երգիչների բերանին, երգելու ժամանակ, այն էլ դարերի ընթացքում» (էջ 115, տե՛ս նաեւ էջ 62) :

**11. ՍՍՏՄ Գիտութիւնների Ակադեմիայի Հայկական ֆիլիալի «Տեղեկագրի»** 1941 թ. թ. 5—6-ում (էջ 85—106) գետեղուած է Մ. Արեղեանի «Վերածնութիւնը Հայոց հին գրականութեան մէջ» յօդուածը :

Այս յօդուածում Արեղեանը նախ համառոտ խօսում է հայ գրականութեան պերիոդիզացիայի եւ վերածնութեան մասին ընդհանրապէս, ապա բե-

քում է երկու ընդարձակ հատուած՝ «Գրիգոր Նարեկացի եւ նգնաւորական ոգրերգութիւնը» եւ «Գրականութեան աշխարհականացումը 11-րդից 17-րդ դար» իր «Համաոտութիւն հայ ժողովրդական վէպի եւ հին գրականութեան պատմութեան» ապակետիպ աշխատանքից (Երեւան, 1923) եւ «Գրիգոր Նարեկացի» ուսումնասիրութիւնից, տպուած «Ազգագրական հանդէս»ում, 1916թ.:

Նկատի ունենալով, որ նախ՝ վերածնութեան խնդիրները հաւասար մշակութեամբ չեն ներկայացուած տուեալ հատորում (մինչեւ 14-րդ դար եւ 14-րդ դարից յետոյ), եւ երկրորդ՝ այս յօդուածում միեւնոյն խնդիրները տրուած են խտացած եւ ամփոփ, ինստիտուտը որոշեց այն տալ յաւելուածների բաժնում (7-րդ յաւելում)՝ անհրաժեշտ յապաւումներով:

### ԵՐՐՈՐԴ՝ ՏՊԱԳՐՈՒԱԾ ՄԱՍ

12. Մ. Արեղեանի «Հայոց հին գրականութեան պատմութեան» այս մասը կազմուած է «Աբարատ» ամսագրում հեղինակի տպագրած «Ուրուագծեր 19-րդ դարու Հայոց գրականութեան պատմութիւնից» յօդուածաշարից՝ 1908 թ., էջ 890—904 եւ 1103—1115, 1909 թ., էջ 257—270, 321—334, 417—438 եւ 721—733:

Հրատարակութեան պատրաստելով նշուած յօդուածաշարքը, որ հատուած գետեղուած է «19-րդ դարի սկզբի գրաբար գրականութիւնը» վերտառութեամբ, ինստիտուտը կատարել է հետեւեալը.

ա. Հանուած է «Յարութիւն Ալամդարեան» գլուխը, իբրեւ նոր գրականութեան վերաբերող քեմա:

բ. Յօդուածաշարքի «Մեր նոր գրականութեան սկիզբը» գլուխը դրուած է իբրեւ ներածութիւն 4-րդ շրջանի:

գ. Յօդուածաշարքը բաժանուած է համապատասխան գլուխների եւ ենթագլուխների, որոնց տրուած են վերնագրեր:

Սոյն հատորին վերաբերող բանասիրական բոլոր աշխատանքները կատարել են ընկ. ընկ. Խորէն Սարգսեանը եւ Արամ Ղանալանեանը: Սեւագիր մասի տեքստը արտագրել է ընկ. Արփիկ Խաչանեանը: Ամբողջ հատորի տեքստը համեմատել եւ նշել է ընկ. Ռուբէն Տօնեանը:

Հանգուցեալ գիտնականի ընտանիքը, յանձին նրա որդի Միքէլ Արեղեանի, քէ՛ր այս եւ քէ՛ր մասամբ նախորդ հատորի պատրաստման ու տպագրման ընթացքում ցոյց է տուել անհրաժեշտ աջակցութիւն, որի համար եւ ինստիտուտը յայտնում է շնորհակալութիւն:

Մ. ԱՔԵՂԵԱՆԻ ԱՆՈՒԱՆ ԳՐԱԿԱՆՈՒԹԵԱՆ ԻՆՍՏԻՏՈՒՏ



չարչարուող: Չկար կրօնական հարածութիւնն իր արտաքին ծանր ու կեղեքիչ ձեւերով: Բաւական էր միայն, որ բարեպաշտը, իր մէջ ամփոփուած, ջերմ հաւատով զիմէր Աստծուն: Այս տիպի կրօնաւորների լաւագոյն ներկայացուցիչն է եղել ինքը Շնորհալին. ոչ միայն իր ապրած համեստ միակերպ կեանքով, այլեւ իր Ոգրերգութեան թէ՛ բովանդակութեամբ եւ թէ՛ ոճով, որ համապատասխան է իր եւ իրա նմանների ներքինն: Ամէն ինչ չափաւոր, մեղմ, փոփուկ, հանդարտ. եւ ոտանաւորն էլ միակերպ, բայց սահուն ու սիրուն:

3. Վերջին դատաւտանը:— Շնորհալին այս երկի մէջ ունի մեծավայելուչ հատուածներ եւս: Վերջին դատաւտանի նկարագրի մէջ, որ մեր հին բանաստեղծների սիրած նիւթերից մէկն է, ինչպէս եւ մեղաւորների պատիժների թուարկութեան ժամանակ, մեք այս հեղարարոյ քերթոյի երեւակայութիւնը մեծ թափ ու թռիչք է առնում: Նա սաստիկ զրգածուած է: Բերենք մի քանի կտոր՝ կրճատումներով.

Յորժամ տարերքս գրգրդին,  
Հաստատութիւնքն սասանին,  
Իբր ըղծովու կոհակք կուտին  
Ի յեռանդանըն կաթսային.  
Լայնատարած դողայ զեալին,  
Ի թանձրութեանց հիմանց շարժին.  
Մի ըզմիոյ հետ խափանին,  
Կասեալ յերկուցրն տատանին,  
Լերինք հիմամբք զորհուրին,  
Եւ ուժգնակի բախմամբ թընդին,  
Կարծր բնութիւնք վիմաց հալին,  
Եւ ամենայն նիւթք հըրդեհին:

Լռութիւն է լինում. կէս-զիշերին յանկարծակի զոչում է Գարբիէլի փողը, հոգիները սլանում են իրենց տեղերից, ուր պոհուած էին: Գերեզմանները բացւում են, փառած մարմինները նորոգւում են, նոյնիսկ ծովի ձկների ու ցամաքի զաղանների կերածները: Հոգիները միանում են մարմիններին, եւ մարդիկ բոլորը դառնում են երեսնամեայ. ոչ ծեր կայ, ոչ մանուկ, ոչ արու, ոչ էգ եւ այլն: Բացւում է ատեանը, նստում է գատաւորը:

Թաղաւորում են աղքատները, քաղցածները, զրկուածները: Պատժւում են զրկողները, զտերը, սպանողները, պոռնիկները:

Պատժւում են եւ խարեբայ վաճառականները, նենգաւոր արհեստաւորները, աղքատներին ուղիղ չգաղտող դատաւորները, եւ շատ ուրիշները:

Պարգեւներ են ստանում արժանաւորները—առաքեալներ, մարգարէներ եւ այլն:

Ներսէս Շնորհալին իր այս Ոգրերգութեամբ հանդիսանում է երկրորդ եւ վերջին նշանաւոր եկեղեցական բանաստեղծն իրրեւ արտայայտիչ, ինչպէս ասուեց, արդէն մեղմացած, բայց իսկական բարեպաշտ կրօնաւորութեան—ներանձնաւոր վանականութեան: Նրա այդ երկն իր խորաթափանց անկեղծութեան համար, որ քնարերգութեան էական պայմանն է, շատ

սիրելի է եղել հետադադ սերունդներին: Սաղմոսի հետ միասին հայկական տարադասութեան հինգ սկիզբներում, 1565 թ., արժանացել է տպուկում, եւ այնուհետեւ յաջորդ երկու դարում նորից տպագրուել է աւելի քան ինն անգամ: Մեծ է եղել այդ գրքի ազդեցութիւնը, հմայքն ու պահանջը: Դարեր շարունակ գրաւորայ ոչ միայն սպօթել են եւ արտասուել, զաւելել է ոչ միայն «կարծր սրտերը ճմրպ», ինչպէս գրում է Ներսէս Լամբրոսացին, այլեւ դրանով ուսել են Աստուածաշնչի պատմութիւնն ու եկեղեցու գաւառութիւնը եւ բարոյական խրատներ են տուել: Երաւհեաւ բանաստեղծը չի մոռանում, որ ինքն իր կոչումով հոգեւոր գաւառաբարակ է: «Ընտիր եւ արդարեւ զերբնաիր, միանդամայն եւ խոկաշնորհ եւ բազմաշնորհ գրուած մը» այսպէս է բնորոշում այդ երկը բազմահմուտ բանասէր ու բանաստեղծ վարդապետը<sup>1</sup>:

### «ՈՂԲ ԵԳԵՍԻՈՅ»

1. Քերթուածի իրական պատմական նիւթը եւ ծագումը:— Իսկական բանաստեղծական յուզմամբ եւ արուեստով գլուխ բերում մի մեծ քնարական քերթում է Շնորհալու աշուհ երկը<sup>2</sup>, նրա գլուխ—գործոցը: Դրա նիւթը ոչ կրօնական է եւ ոչ կրօնասիրներ է վերաբերում, այլ աշխարհիկ է: Բայց դա մի արեւելեան արարական հեքիաթ էլ չէ, առանց ժամանակեան, տեղական եւ ազգային գոյնի, որի մէջ զեղեցիկ չափածոյ բանաստեղծութեամբ լայալին եղանակով պատմւած լինէր կորցրած սիրահաւ մասին, ու սիրահար հերոսը, մենակ կամ հաւատարիմ բնկերի հետ, երկը իր սիրածին սրտնելու եւ բազմութիւն բնական կամ տնրական արկածներից յետոյ՝ գտնէր նրան: Մեր աշուհ կրօնաւոր բանաստեղծը հետեւ է աշխարհիկ սիրուց: Նրա աշուհ քերթումն ինքի պատմական է. գրաւ մէջ վիպերգութեւ հեղինակի իրեն օրով կատարւած մի պատմական եղելութիւն: Նա երգել է, ինչպէս ինքը գրում է, «գիրս եղելոց, մեր ժամանակս զիպելոց»: Այն դարում սոմենամեծ նորութիւնն էր այդ — բանաստեղծութիւն յօրինել ժամանակակից քաղաքական դէպքերի վրայ: Բայց միանդամայն աշուհ երկն իր մէջ լայնօրէն անդրադարձած ունի հեղինակին ժամանակակից իրականութիւնը, հաւատարմական եւ ազգային իրական կեանքի պատկերը, յի է հայրենասիրական ոգեւորութեամբ, հարուստ եւ վաղուց նկարագրներով, լինի խաղաղ եւ բարօր կեանքի, բնութեան ու շէն քաղաքների, թէ քաջամարտիկ կոխներին, որ քրիստոնեաներն ինքնապաշտպանութեան համար մղում են ալլաղայիները դէմ, եւ թէ վերջիններին դործած վաշտապետութիւնների: Եւ աշուհ ամէնի վրայ բնագործակ ծաւալով սփռւած են հեղինակի յայտերն ու խոհերը, նրա զգայուն սրտի մօրմսքն ու կսկիծը, նրա յայտերն ու տենչերը, որ միայն իրենք չեն, այլ նաեւ իր ժամանակի քրիստոնէութեանն ընդհանրապէս եւ հայութեանը մասնաւորապէս:

Ի՞նչ է աշուհ քերթումն զգործողութեան հիմք կաղմոյ պատմական

1 Ղ. Աւետիս, Շնորհալի եւ տպագրւելու, Վենետիկ, 1873, էջ 277:

2 Ողբ Եղեւսիս յօրինեալ տեառն Ներսիսի Կլայեցւոյ, Տիւիս, 1829, ի տպարանի Ներսիսեան դպրոցի Հայոց:

դէպքը: Հին նշանաւոր Եղեւսիա քաղաքն իր շրջակայ գիւղերով աղատ էր մնացել թուրքական տիրապետութիւնից: Արդ զարի վերջերին այնտեղ կառավարիչ էր Թորոս անուանով մի հայ, որ այդ դարի վերջում սիրով ընդունում է խաչակիրներին: Նրանք, սակայն, չուտով սպանում են նրան, եւ Եղեւսիան իր դաւաճով մնում է նրանց ձեռին իրրեւ ստանձին կոմսութիւն: Հետզհետէ անարի են դառնում իշխող Փրանկները եւ զեւ կեսնք վարում: Եղեւսիայի վերջին կոմսը՝ Ճոսլին անուանով, առեւանդելով մի հայ իշխանի գուտարը, զնում է Եփրատ գետի միւս կողմն՝ իր զուարճութիւնն անելու: Քաղաքը մնում է առանց հօրը պաշտպանութեան: Այդ իմանալով Հայէսի կամ Բերիայի ամիրան՝ Ձանյի, որ տիրել էր զբլթէ ամբողջ Միջագետքին եւ Ասորիքին, շատ զօրքով արագ արշաւում, սրաշարում է Եղեւսիան: Քաղաքացիները մի ամիս քաջութեամբ պաշտպանւում են, բայց զրաից չստանալով սպասած օգնութիւնը, վերջը թուլանում են քաղաքի թշնամիների առաջ, որոնք զրոհելով սոնսւմ, աւերում են քաղաքը եւ բնակիչներին սոսկայի կոտորածի, կոզոպուտի եւ զերութեան մատնում: Քրիստոնեաներին մեծ սուղ է պատճառում այդ: Լուրը հասնում է Արեւմտեան Եւրոպա, եւ պատրաստւում են նոր խաչակրաց արշաւանքի: Այս է կատարւած դէպքը:

Ներսէսի Շահան կամ Զօրավար եղբոր սրբին, պատանի Ապիրատը, պաշարման ժամանակ եղել է Եղեւսիայում եւ այնտեղից ազատուելով զնացել է Ծովք եւ պատմել այն քաղաքի աւերումը: Ուրիշ փախստականներ էլ անչուչտ հասած կը լինեն նոյն գգեկը եւ պատմած նոյն աղետալի եղելութեան մասին: Շնորհային ահա այդ գէպի տպատարութեան տակ եւ Ապիրատի խնդրով հիւսել է իր «Ողբը»:

Շնորհային այդ երկը յօրինել է ըստ Երեւոյթին 1145 կամ 1146 թ., Խաչակրաց երկրորդ արշաւանքից առաջ, երբ Ապիրատը, թէեւ արդէն դինարով ձիաւոր, բայց դեռ «մանուկ տղայ» է եղել: Այս Ապիրատին (որ հետադաշում, 1195 թ. դարձել է կաթողիկոս՝ Գրիգոր Ապիրատ անունով) նա ուղղել է, ինչպէս տեսանք, վերելում յիշուած ոտանաւոր նամակը եւ ընդարձակ «Բան հաւատոյ» աշխատութիւնը: Արդ՝ իր պատանի տոհմիկի խնդրով եւ նրա ու նրա նման «տխմարների» եւ ոչ թէ «գիտունների» համար յօրինել է մեր քերթողն այդ «Ողբը», որ այսպիսի ծաղում ու նպատակ ունենալով հանդերձ՝ նրա դրական վաստակների պատին է, եռանդով ողուած մի գեղեցիկ քերթուած:

2. Դիմաւորութիւնը:— Բանաստեղծն իր այս զրուածքն անուանում է «Բարառնահան»: Եղեւսիան առնուած է դիմառնաբար իրրեւ որդեկորոյս որբեւայրի կին կամ «տիկին», որ ողբում է իր գլխին եկած մեծ աղէտը: Նա սկզբում ողբակից է հրաւիրում համայն քրիստոնեայ աշխարհը.

Ողբացէ՛ք, եկեղեցի՛ք,  
Հարստ'ւնք վերին առաքաստի,  
Քո՛րք եւ եղբա՛րք իմ սիրելիք,  
Որք յընդհանուր կողմ աշխարհի.  
Քաղա՛քք եւ զիւղք առհասարակ,  
Աղբք եւ աղինք որ էք յերկրի,

Հաւատացեա՛լըք Քրիստոսի,  
Ի երկըրպազուք նորին խաչի...

Դիմում է քրիստոնէական նշանաւոր կենտրոններին՝ Երուսաղէմ, Հռոմ, Կոստանդնուպոլիս, Ալեքսանդրիա, Անտիոք, բանաստեղծօրէն բնորոշելով նրանց կատարած դերերը: Ապա խօսքն ուղղում է Մեծ Հայքին, Հայոց Եկեղեցուն, առանձնապէս Վաղարշապատ եւ Անի քաղաքներին, եւ սաստիկ ողբալուց յետոյ պատմում է իր, Եղեւիայի, անցեալ փառաւոր վիճակը եւ արարացիներից կրած թշուառութիւնը:

Այս նիւթը մեր բանաստեղծը վիպերցիւ է մեծ հմտութեամբ իրրեւ մի գիտակ անձ, որ արդէն իշխում է իր կատարելութեան հասած արուեստին՝ երեւան բերելով բացազարտութեան թեթեւ ճոխութիւն եւ փայլուն գիւտեր: Որ նա խօսում է ոչ իր կողմից, այլ անձնուսուրած Եղեւիայի, այդ հէնց մի այնպիսի գիւտ է, որ ամբողջ երկին տալիս է մեծ կենդանութիւն: Նա հազուադէպ մոռանում է դիմառնութիւնը եւ գրում է իր կողմից, այսպէս, օրինակ, էջ 54 եւ հտ. 14 տողերի մէջ. «Բայց զի հնար ոչ լինիցի... Մի ըստ միոջէ գրեւ բանիւ... Զի այս անկար շարագրողին», եւ այլն: Կան հատուածներ եւ տողեր եւս, որ չեն յարմարում մի ողբերգու կնոջ: Բայց դիմառնութիւնը, այդ ճարտասանական ձեւն, ընդհանրապէս զեղեցկացրել է Շնորհալու երկը: Կարգալիս, մեծագոյն մասամբ, մոռացւում է բարառնութիւնը, եւ մեզ թւում է, թէ իրօք մի մանկակորոյս, դորովագուծ որբեւայրի թշուառ կին է խօսողն ու կոծողը, Եղեւիայի տիրուհին, որ լալով պատմում է իր գլխին եկածները: Եւ այդ կենդանի մարդկային էակի դառն ցաւն եւ սղեկտուր արտասուքը համակում է մեզ ի զութ եւ ի խանդաղատանք:

Լացէ՛ք, լացէ՛ք բարձրը ձայնիւ,  
Զիս ողբացէ՛ք կողկողակի:  
Եղեւիա՛ Ուրհայ քաղաք,  
Որդեկորոյս որբ եւ այրի,  
Կանչեմ առ ձեզ ձայն կանացի,  
Կականայիբ 'ւ ողորմելի,  
Քօղս ի գըլխոյ մերկանալով՝  
Զիմ պատառեմ ծածկոյթ զարդի.  
Փետտեմ ըզվարս իմ ցանկալի,  
Խըզեմ ըզհերս անխնայելի.  
Քարամբ ծեծեմ կուրծքս սրբաի,  
Բաղխեմ գերեսս իմ յապտակի:  
Նըստիմ ի սուգ ի տան մըթին,  
Որպէս օրէն է սըգաւորի.  
Եւ փոխանակ որդան զգեստի՝  
Սեւ ըզգենում գոյն տըխրալի.  
Հեղում արտօսը անչափելի,  
Յորդ եւ առատ՝ նըման գետի.  
Քանզի առակ եղէ յերկրի,

Տիեզերաց նախատեղի:

Եւ անցաւ որք ճանապարհի

Վա՛յ ի վերայ ասեն վայի:

(Էջ 24 եւ հաճա)

3. Էական կողմը:—Պաշարման, կոտորածի եւ կողոպուտի ենթարկուել են ոչ միայն Եդեսիան, այլեւ հայկական քաղաքները—Անին, Կարսը եւ միւսները, այն էլ մի քանի անգամ: Եդեսիան Անի քաղաքի աւերն ու կոտորածը պատմեալուց յետոյ՝ ասում է նրան (էջ 19) .

Վասն այսորիկ, ո՛վ եղիկի,  
Որ ես ներհուն այս ամենի,  
Ի քոյն յայնժամ իրստ ազետի  
Ծանի՛ր եւ զիմս ողորմելի...  
Քանզի նըման յոյժ տեսանի  
Իմըս քոյին հասեալ չարի:

Դէպքերը եւ ազետայից վիճակը շատ կողմերով նոյն եւ նման են եղել աւելի քան մի դարից ի վեր 12րդ դարի կէսից առաջ: Ուստի Շնորհալին ի դէմս Եդեսիայի երկել է իսկապէս նաեւ Հայաստանի այդ իրականութիւնը: Նա իր եռանդն ստացել է թէ՛ Եդեսիայի աւերման ցաւից եւ թէ՛, եւ աւելի եւս, Հայաստանի:

Դժբախտաբար այդ ողբերգական զոհացումները յարատեւել են եւ հետագայ մի մեծ շարք դարերում, որովհետեւ յաճախակի աւերմունքն է եղել Հայաստանի ճակատագիրը: Ուստի Շնորհալու ստեղծագործութեան արժէքն աւելի ընդարձակուել է: Եւ նրա «բարաոնական բանը», հեղինակի ժամանակակից կեանքի երգը, միաժամանակ եւ մեր ժողովրդի դարաւոր վէրքերի առաջին բանաստեղծական ողբն է, «հայրենասէրի ողբը», առաջին «Վէրք Հայաստանին»: Միւս կողմից՝ այս զեղեցիկ քերթուածի մէջ հանդէս է բերուած մի ուրիշ մեծ խնդիր եւս — քրիստոնեայ եւ մահմեդական ժողովուրդների, քրիստոնէութեան ու մահմեդականութեան հակադրութիւնը: Դա միմեանց հետ նրանց վարած կռուի առաջին բանաստեղծական արտայայտութիւնն է: Այս է կազմում քերթուածի էութիւնը — քրիստոնէութեան ու մահմեդականութեան հակամարտութիւն, եւ հայրենասիրական ողբերգութիւն այլողիկներից կրած աւերմունքի հիման վրայ:

Արիստակէս Լաստիվերտցին, Հայաստանի՝ յաւ օրերի այդ տկանատեսը, արդէն մօրմոքում էր Հայաստանի անկման, չէն երկրի աւերման համար եւ, ինչպէս տեսել ենք, երբեմն իսկական քնարական արձակ լանաստեղծութիւն էր յօրինում: Մեր հին պատմագրութիւնների մէջ էլ պակաս չի եղել հայրենասիրական ողբազին զգացման զեղումը: Բայց այդ ամէնն արձակ են եւ, բացի Լաստիվերտցու դրածից, աւելի հուստորական, քան մաքուր քնարական-բանաստեղծական: Նախորդ շրջանում մեր բանաստեղծութեան մէջ, ոչ էլ անգամ Գրիգոր Նարեկացու մօտ, չենք գրանում հայրենասիրական նուագը: Ներսէս Շնորհալու այս մեծ «Ողբի» 1070 երկատող տների մէջ առաջին անգամ լսում ենք մի չափածոյ եւ յանգաւոր

սրտայոյզ քնարերգութիւն: Բանաստեղծը մերթ սրտի կսկիծից բուռն ճիչեր է արձակում թշնամիներէ դէմ, մերթ մեղմ եւ անուշ, բայց խորին արամութեամբ լցուած, հառաչում է Հայաստանի համար. որոնում է նրա անցած հին փառքը, որ այլեւս չկայ: Ամբողջի մէջ տեսնում ենք մի անկեղծ կարօտալի վիշտ ու թախիծ վաղուց հեռացած ու կորած քաղաքական աղա-տութեան համար. տենչանք՝ ունենալու այն հին երկիրը, որ էր «նման փթթեալ ծաղկի», «սլոյժառայած ի զոյն վարդի», երանելի ու ցանկալի ամէնքի համար: Մի երկիր, որ վայելում էր ուրախ կեանք, երգ ու երաժշ-տութիւն, ամենալից սեպաններ, բարեկամական զուարճութիւններ: Ո՞ւր է այս ամէնը, — հարցնում է բանաստեղծը, գիմելլով իրեն Հայոց աշխարհին.

Բայց հարցանեմ, ո՞վ բաղձալի,  
Բանիս խրնդրեմ պատասխանի.  
Այժմ արդ ո՞ւր է թաղ քո զարդի,  
Եւ կամ պըտակըն հրաշալի:  
Ո՞ւր զարգարանքն գըշխոյի,  
Հարսին որդւոյ թաղաւորի.  
Ո՞ւր պաճուճանք հարսնարանի,  
Կամ ոսկեհուռ վերջաւորի:  
Է՞ր չէ փեսայն ի խորանի,  
Կամ փեսաւէրքն ի տաճարի.  
Ո՞ւր են մանկունքն առապատի,  
Զի ոչ հընչեն գերդըս Դաւթի.  
Զիա՛րդ լըռեալ ոչ հարկանեն  
Զփողըն հընչոյ տարսնացի.  
Ո՞ւր պարարակ եղնամուկին.  
Զիա՛րդ ի քեզ ոչ գնանին.  
Կամ մատըռուակքն բաժակին,  
Զի ոչ բաշխեն գանոյշ գինին.  
Ո՞ւր բարեկամք զուարճակից...  
Ո՞ւր քաղցրաճայն երաժշտի,  
Կամ գեղղեղումն եղանակի...

Արդ ո՞ւր դահոյք թագաւորի  
Վաղարշապատ քոյ քաղաքի,  
Կամ նախարարքն արքայի,  
Արարատեանըդ պաւտոի.  
Ո՞ւր են իշխանք որք առաջին,  
Կամ զինակիրք սրբ են վերջին.  
Ո՞ւր զօրականքն յասպարիղի,  
Կամ յեզէոնքն ի ճակատի.  
Ո՞ւր մեծամեծքն ի լոյսմոցի,  
Կամ ո՞ւր սեղանն ամենալի:  
Ո՞ւր են ազատքն ի տաճարի,  
Կամ տեառնորդիքն ի ծաղկոցի:  
Ահա բարձու այս վաղազոյն,

Յոյժ հեռացաւ որ չերեւի .  
 Անուրջք 'ւ երազք էին յայտնի ,  
 Արդ ծածկեցաւ ի պարթրմնի :  
 Այլ փոխանակ այսր ամենի՝  
 Յոյժ հակառակըն տեսանի .  
 Քանդի նըստիս սրբ եւ աշրի ,  
 Տըխուր դիմօք դերթ ի սըլի :

Ահա՛ Հայաստանի փոփոխութիւնն որ թշուառ ներկան Շնորհալու  
 օրով : Նա էլ ճիշդ նայն վիճակին է եղել եւ է՛ր , ինչպէս Եղեալն : Պակաս  
 դժբախտ չի եղել եւ Անի մայրաքաղաքը , որ ձեռքէ ձեռք էր անցնում :  
 Գրկցար Պահլավունին , Շնորհալու եղբայրը , մտադիր է եղել եւ նոյնիսկ  
 բանակցութիւն է սկսել Անիի իշխողներին հետ՝ կաթսայիկոտարանը Մովս  
 ղեղեանից փոխադրելու Հայաստան — Անի , բայց այս քաղաքի անկալուն  
 դրութիւնը հէնց պատճառ էր պարձել թոյնելու : այլ միտքը : Կարելի չէր  
 երգել Եղեալի վիճակը եւ անուս անել Հայսց քաղաքներից այլ մեծի  
 բախտը , որ հեղհեղ զէպի անկումն էր պնտմ պոնէ ազգային հայեացքով :  
 Եւ Շնորհալին Եղեալի սղրակից է հրաւիրում արանձնազէս նաեւ Անի  
 քաղաքը :

Բայց եւ թղթից յայս հրաւիրում ,  
 Արեւելեան քաղաքը Անի .  
 Կցո՛րդ լեր պու իմոյս ձայնի .  
 Եւ ըստօրիչ տարակուսի :  
 Քանդի երբեմն եւ դու էիր  
 Վայելչական հարսն ի քօղի .  
 Մերձաւորաց յոյժ ցանկալի ,  
 Հեռաւորաց փափաղելի :

Ապա սրտալի սիրուն նկարագրից յետոյ՝ բանաստեղծը վերհանում է  
 եկեղեցու անցեալ վիճակն Անիում եւ շարունակում .

Սուրն անուգորմ անօրինի ,  
 Որ մեր արեանն է ի սովի ,  
 Որ չէ յաղեալ եւ ոչ յաղի  
 Մինչեւ ի պոյ կատարածի ,  
 Նոյն նա եհաս ուրեմն ի քեզ ,  
 Որպէս յիս յայս ժամանակի :  
 Հրնձեաց զօրայն յանդատանի ,  
 Կանաչաւոր ի հասակի .  
 Զայլին խրկեաց արմատաքի ,  
 Մերկեաց յոստացն թղթիթենի .  
 Եհեղ զարիւն սըբրոց յերկրի ,  
 Հոսեաց նրման ջրբոց կետի .  
 Արար դիակն անթուելի ,  
 Անթաղ մեռեալ զէչ պաղանի .

Քահանայիցըն Քրիստոսի  
Արեամբ ներկեաց զեկեղեցի .  
Սարկաւազաց քրիստոնէի  
Մարմինքն անկեալ մէջ փողոցի :  
Եւ այլ բազումք որ ոչ թուի ,  
Եւ է՝ ասելն անկարելի :  
Որ քեզ հասին յայնրմ վայրի ,  
Բոյոր ամէն մասունք չարի՝ :  
Եւ արարին ըզքեզ պերի ,  
Քան ըզՍաղիմ այլ աւելի :

Այդ ամէն չարիքները կրած լինելու համար՝ Անին հրաւիրուած է տրոմակից լինելու :

Արդ ժողովեա զընտանիքս քո ,  
Վասն իմ ի լա՛ց նկատ 'ւ ի սրբի :  
Կոչեա՛ ձայնիւ կակառնելի ,  
Շարժեա ի յողբ զամէն հոգի .  
Զի զօվացումն այրման սրբոյ  
Ոչ է այլ ինչ , քան այս լինի . . .

Ներսէս Շնորհալու այս տխուր սյրերգով՝ վաղարչապատն ու Անի քաղաքը դառնում են Հայաստանի անցեալ մեծութեան սիմբոլներ , որ այնուհետեւ երգւում են եւ ուրիշներից : Նոյնիսկ սպաւոր «Մայր Հայաստանի» կոչուած յայտնի նկարի գաղափարը 19րդ դարում առնուած է «Ողբի» այս տողերից , որոնցով Շնորհալին պատկերացրել է աւեր Հայաստանը , «Նըստիս որբ եւ այրի , տըխուր դիմօք՝ գերթ ի սրբի» :

4. Իրականութեան հրապուրիչ ներքողը :— Շարունակենք տեսնել այս բանաստեղծութեան ուրիշ կողմերը : Նախ՝ թէ ինչպէս է նկարագրուած Եդեսիա քաղաքը՝ նրա բնական ղեկեցիկութիւնները , պարարտ հողը , ջրերն ու բուսականութիւնը , հարստութիւնները , չէնքերն ու մաքրութիւնը եւ չէն ու բերկրայից կեանքը եւ չըջակայ աւանները :

Ես մայր էի բազմորդութեան ,  
Անթիւ ծընայ դուստր եւ որդի ,  
Զորս մայրարար գիեցուցի ,  
Յըստեանց իմոց գկաթն արբուցի .  
Գեղեցկատիպ յօրինեցի ,  
Վայելչապէս զարդարեցի :  
Քանզի երկիր պարարտ էի ,  
Աղբիւր կաթին յորդ բըղխէի .  
Աւետարեր նրման վայրի ,  
Դէ այլ գերագոյն որպէս թուէի .  
Զուր կենդանի յինէն բըղխէր ,

1 Տպւում է «բարի» . ուղղւում եմ ըստ իմաստին՝ «չարի» :



Զուարթ ծաղիկ բոյս յօրինէր .  
 Գետոց նրման վրտակ հասէր ,  
 Ըզբուրատանս արբուցանէր .  
 Ծովն ի միջի իմ ծածանէր ,  
 Քաղցրիկ օգովըն ծիծաղէր .  
 Զաղտեղութիւն տըղմին մաքրէր ,  
 Ըհհրապարակսն դարդարէր .  
 Բաղմադուենի տունկ յօրինէր ,  
 Որպէս ըզդրախտըն որ յեղեմ էր .  
 Սաղարթաբեր ծառով ծաղկէր ,  
 Առատապոյնս պըտպուէտ էր .  
 Տերեւախիտ հեղիկ շարժէր ,  
 Հոտ անմահից յիւրմէ բուրէր .  
 Նարդոս , քըրքում ինձ ընծիւզէր ,  
 Վարդ , մանուշակ վերաբերէր :

Նախորդ շրջանում չենք դտնում այսպիսի բանաստեղծական նկարագիր , որի մէջ արտաքին բնութիւնը երկուսում լինէր ոչ թէ պատկերների կամ նմանութիւնների համար , կամ աշխարհօրէն իրրեւ սիմբոլիկ պատկեր , այլ անկախ կերպով , բնութիւնն ինքն իրրեւ երկի նիւթ : Կայ Գրիգոր Նարեկացու «Վարդավառի տուր» , որի մէջ արդէն զգացում է վերածնութեան շունչը , թէպէտ այդ էլ դարձեալ կրօնական նպատակ ու դիտում ունի : Արդարեւ մեր կլասիկ պատմադիրները , աւելի Մովսէս Խորենացին , պատմութեամբ ընթացքում ունեն դործողութեան վայրերի մի քանի գեղեցիկ տեղագրական կարճ նկարագիրներ , բայց ոչ ոտանաւար եւ այնպէս մաքուր բանաստեղծական , բաղմակոյրմանի եւ հեղինակի զգացմունքով տողորոտած , ինչպէս է Ծնորհալուց վերեւում գրութեմը : Սրանով մի նոր եւ աւելի գեղեցիկ ձեւով վերածնւում է մեր կլասիկների երկերի այդ երկրորդական կոյմը : Այստեղ , «Ողբի» մէջ Ծնորհալին մեղմ եւ անուշ , բայց եւ դուռնի ու նկարէն սնով , երկնադրել է տեսարանը : Ընթերցողն զրում է բնութեան եւ քաղաքի նուրբ եւ ակնհասոյ գեղեցկութիւնը , կարողանում է երեւակայն քաղաքն իր դիրքով ու բարեմանութիւններով , իր շրջակայքով , եւ նրա փայլուն փարթամութիւնը : Եւ այդ կատարում է մերթ շրջոյ նմանութիւններով , մերթ մի երկու նկարչական բառով միայն , երբեմն անմոտանալի յատակ ու հոսուն տողերով .

Ծովն ի միջի իմ ծածանէր ,  
 Քաղցրիկ օգովըն ծիծաղէր . . .  
 Տերեւախիտ հեղիկ շարժէր ,  
 Հոտ անմահից յիւրմէ բուրէր . . .  
 Առաւօտուն ցօղն իջանէր ,  
 Ոսկենքման ճաճանչ փայլէր . . .

Ծնորհալու արուեստի հրապոյրը մեծ է եւ այնու , որ նրա նկարագիրը տողորոտ է հեղինակի յոյսով . նա բնութիւնը չի պատկերահանում սառն եւ անտարբեր ձեւով : Իսկոյն զգացում է , որ նա սիրում է ամէն ինչ , որ

ինքը ներբողում է : Բայց միաժամանակ այլ բոլոր պայծառ պերճութեան վրայ քաջուած է մի սեւ տխրութիւն, մի անհուն թախիժ, որ եւ համակում է մեզ : Այդ ամէնն անցեալ է : Եւ պտտմունք է անցեալ ժամանակով : Այս է բանաստեղծի շնորհալիութիւնը, որ բայերի անցեալ ժամանակով միայն՝ զգալ է տալիս այն, որ յետոյ աւելի մանրամասն պիտի պատմի, այն, որ այդ

Բարիքն ամէն ըստոեցան,  
Եւ քաղցրութիւնքն գտնուցան :

5. Բարբարոսական ռազմական գործողութիւնների ռէպիստական պատկերը :— Պակաս ճարտարութեամբ չի վերհանել մեր բանաստեղծն իրականութեան այս դառն երեսն եւս — Եղեւսիայի կործանումը : Քաղաքի պաշարում, մարտերով պաշտպանութիւն եւ տուած ու կոտորած, այդ շատ սովորական կրկնում երեւոյթ էր այն պարբեր քաղաքական կեանքի մէջ : Գրեթէ բոլորովին նման ձեւով, ըստ Արիստակէս Լատալիբեացու, եղել է եւ Անի քաղաքի անկումը Եղեւսիայի զէպից ու թոսն տարի տաաջ, 1064 թ. : Ներսէս Շնորհալին եթէ անձամբ ենթակալ չի եղել այդպիսի սաղմական վայրագ դործպաշտեան, անշուշտ յաճախ լսել է ոչ միայն Եղեւսիայի, ալլիւ ուրիշ բերդերի մասին : Նա իր «Վերայտանութեան» մէջ պատմում է, որ իւր մաշկալիները (=տրորները) արեւելքից սփռուելով հասնում, պաշարում են իր հօր Մովսէս բերդը : Նրա հայրն ու ամբաստանները քաջութեամբ պաշտպանում են թշնամիները չեն կարողանում տոնել բերդը, բայց հայրը աշտարակի վրայ նետահար է լինում : Նա իր մահից ատաջ վրէժն ասնում է նետն արձակուից եւ մեռնում է «բարբար մահուամբ»<sup>1</sup> : Այս զէպըր երիտասարդ բանաստեղծն իր տաաջին երէկ մէջ արգէն բառական մանրամասն պատմել է : Նոյնն աւելի եւս ընդարձակ եւ արգէն հասուն արուեստով եղբերացում է նա Եղեւսիայի համար : Նա մեծ ասպանդով եւ բանաստեղծական կենդանի հիւստեածքով ու կաբուտութեայ շարտարութեամբ արձանադրել է միջնադարեան բարբարոսական սաղմական գործադրութիւնների բնորոշակ ու լայնատեղեան պատկերը : Սկզբում գեո համեմատաբար հանդիստ պատմում է Եղեւսիայի իշխանութեան հետզհետ թուրացումը չրջակայ մահմեդականներից—հաղարացիներից (=տրորներից) : Երբ հասնում է բուն զէպքին, նա դառնանում է տաւելութեամբ աս մարդալէմ գողանները եւ թանձր դոյներով նկարում է թշնամիների արարները : Գործադրութիւնն ամբողջ դառնում է մի ումեզ գինամիկա, շարունակ փափախուց մի նկար : Մեր աչքի առաջ չարժուում են մերթ գրից յարձակուպները, մերթ ներսի պաշտպանուպները կամ թէ միաժամանակ երկու կողմերը եւս, եւ մերթ հնչում է նրանց քաջալերական խօսքն ու ճառը կամ մենք տեսնում ենք միաժամանակ թշուառների ծանր դրութիւնը եւ ալլապիների կեանադործութիւնները : Եւ այս ամէնը վիպերգուած է մեծ վարպետութեամբ, շատ եռանդուն ու ցալտուն, իի դառնակսիք կամ բարկացալո զգացումով, բայց միշտ Շնորհալուն յատուկ վճիռ սճով : Քանի տաաջ է գնում վիպուածքը, աւելի խիստ

<sup>1</sup> Բունք չափաւ, էջ 553 եւ հուն :

լեզու է բանեցնում նա. զի աւելի եւ աւելի է զրգուում թշնամիների ոճիրներով, մինչեւ հասնում է վերջը սոսկալի անէծքների:

Պաշտպանուող քաջերն եւ արիները ժողովուում են միասին, երգւում են չլսել թշնամիներին եւ մինչեւ վերջը մարտնչել: Նրանք քաջալերում են միմեանց նախնի քաջերին յիշեցնելով: Հոյեւորականներն էլ խրախուսում են մարտիկներին: Սպասում են զբախց՝ Անտիոքից օգնութեան. ուստի հաւատակորդը շտապում է: Վերջապէս թշնամիները պարիսպը մի տեղ կործանում եւ մուտք են բաց անում: «Աստանօր սիրտ իմ ճըմլի», — ասում է պատմող այրին.

Երկամունքըս պարարին,  
Յաւ հարկանի որովայնիս.  
Միտք եւ հոգիս իմ ալլալին,  
Մինչդեռ յիշեմ զօրն ահաղին,  
Եւ զառաւօտն մըթաղին:

Բայց քաջարիները չեն միատուտ ու փախչում. այլ յարձակուելով մարտնչում են, պարսպի ընկած տեղը վերականգնում: Քահանաներն անդամ սրերով կռւում են, իսկ եպիսկոպոսները խրախուսում.

Հա'պա եղրա'րբք սիրելիք,  
Մի' զարհուրիք, առձայնէին.  
Զմահն ընտրեցէ՛ք զուք քաջութեան,  
Որ քան բղկեանա է՝ զովելին...

Միւս կողմից թշնամու զօրազուին է աշխատում քաջալերել իր զօրականներին պարզեւներ խոստանալով եւ սպառնալիքներ տալով: Զանգին ճանաչում էր իր զօրքի հոգին. նա յաւ զխոէր քաջալերութեան՝ վերջին միջոցը: Նա երբ տեսնում է, որ չեն կարողանում յաղթել, աւարի է մատնում քաղաքը: Թշնամին քաջութիւն է ցուցաբերում աւարի համար:

Մի ամիս գիմադրելուց յետոյ՝ յոչնում են. պարիսպը մի այլ տեղ առանց պահապանի է մնում: Թշնամիներից ոմանք բարձրանում են այնտեղ: Քաղաքի ժողովարդն այն տեսնելով զարհուրում է եւ սկսում է դուժեւելով փախչել: Թշնամի խուժանը մտնում է քաղաքը:

Սուսերամերկբք լինէին  
Մէջ քաղաքին յարձակէին,  
Եւ ժողովոյնն ընդմութիւն  
Մի ըզմիտջ հետ կասէին.  
Անդ առաջի ընթանային,  
Մինչեւ ի դրունքս գըղեկին:  
Իսկ մարդազմ չար պաղանին  
Ըղատյրասուրն քամէին,  
Եւ որպէս զայլք ի հօտ զառանց՝  
Ի մէջ նոցունց անկանէին...

Կատարւում է սոսկալի արիւնհահեղ կոտորած: Ժողովուրդը պիտակո-

բոյս դիմում է գէպի զգեալը (Ներքի բերդը, ինչպէս կոչել են Անիում)․  
դռները փակ են․ իրար վրայ են կուտակում զոնների մօտ։ Սրտաճմլիկ  
տեսարան է բացում, որ եւ շատ աղեխարշ նկարագրում է բանաստեղծը։  
Մարդկային թշուառութիւնը շատ մեծ է։ Կարելի չէ առանց յուզուելու  
կարգալ նրա մեծ արուեստով հիւսուած այդ հատուածի տողերը (էջ 48 եւ  
հան․), որ իրականութեան ռէալիստօրէն պօռնաճշգրիտ պատկերն է, մի  
իրականութիւն, որ յաճախ է տեղի ունեցել։ Դրանք նկարագիր լինելով  
հանդերձ՝ ե՛ւ ողբ են, ե՛ւ ցաւի ճիչեր։ Մի կողմում՝ անմեղ մարդիկ — կին,  
ծեր, երեխայ․ հայր ու որդի, մայր ու դուստր․ զարհուրալի տապնապի ու  
խուճապի են մատնուած, հեղձամղձուկ են լինում իրար վրայ դիզուած,  
այնպէս որ

Որպէս ի գետ կամ ի ծովի,  
Վերայ գըլխոցն լողային․

Միւս կողմում՝ մի վայրագ պատկեր․ այլազգիների բազմութիւնները  
հանգիստ սրտով ե՛ւ կոտորում են, ե՛ւ զեղեցիկներին ի գերութիւն ընտրում,  
իսկ սպանուածներին ու դերիններին կողոպտում, մերկացնում։ Կապուտ—կո—  
ղոպուտ ե՛ւ տներում, ե՛ւ եկեղեցիներում։ Սեղանները կործանուած են, խա—  
չերն ու պատկերները ոտնատակ տալիս։

Իսկ ի՞նչպէս է տօնում իր յաղթանակը ինքը Չանդի ամիրան։ Նա  
երգում է չվնասել զգեկի մարդկանց․ սրանք անձնատուր են լինում․ բայց  
նա երգմնաչափացութեամբ կոտորում է նրանց։ Ապա ինքն իր մեծամեծներով  
եւ Մահմեդի պաշտօնեաներով, ալախն հոյեւարականներով նստում է եկե—  
ղեցիներից մէկի սեղանում, հարճեր է նստեցնում նոյն տեղում եւ երգով  
գինարբուք է անում։ Նոյն անառակ շուայտութիւնները կատարում են եւ  
ուրիշ եկեղեցիներում։

Գործ դարչութեան անդ գործէին,  
Չոր ուսուցեալ էր Մէհմէտին․  
Չոր եւ խօսին է աղտեղի,  
Լըսելըն դարչ՝ սըրբասիրին։

Եկեղեցիներից մի քանիսն էլ, ասում է, դարձնում են ուղտերի եւ  
էջերի տուն․ մի քանիսի մէջ էլ բնակում իրենք, «որ են վատթարք, քան  
զանրանին», եղբակացնում է բանաստեղծը։ Գերիներ են միմեանց բաշխում  
եւ զեղեցիկներին ընտրելով ուղարկում Խորասան՝ մեծ սուլթանին, ինչպէս  
եւ խալիֆային։

6․ Մահմեդականութեան եւ քրիստոնէութեան կռուի հիմնական պատ—  
մառը, մեղքը։ Նոր հայեացք։ Երկրայութիւն։— Արիտակէս Լաստիվերտցին  
զարմանում էր, որ սելջուկեան թուրքերը, տարիներ շարունակ Հայերի հետ  
իբրեւ դրացի ապրելով, դարձեալ շարունակ շարութիւն են խորհում Հայերի  
համար։ Շատ տարիներ յետոյ նորահասակ երիտասարդ Ներսէսն իր առա—  
ջին աշխատութեան մէջ այսպէս է բնութագրում այդ այլազգիներին․

Արեանարբուք զազանացեալ,  
Չազիր գործովք անասնացեալ․․․

Սուրն անողորմ անօրինի,  
Որ մեր արեանս է ի սովի,  
Որ չէ յաղեալ, եւ ո՛չ յազի  
Մինչեւ ի դալ կատարածի:

Մահմեդականների եւ քրիստոնեաների կռիւն, ուրեմն, անվերջ պիտի լինի: Դրա հիմնական պատճառը նրանց տարբեր կրօնական հասկացութեան մէջ է գտնում Շնորհալին: Այս բացատրութիւնը չափ բնական էր այն դարերում: Բայց ինչո՞ւ տուժողը պիտի քրիստոնեաները, Հայերը լինեն: Այս հարցի նկատմամբ մեկնարան Շնորհալին, ցաւօք, հին մեկնարաններէց դէնը չի անցնում: Երբ նա Զանգի ամիրայի համար գրում է, թէ «Սորհէր ջընջել դայլս [=գայլ քրիստոնեայս] որ կային», ապա անմիջապէս աւերացնում է հետեւեալը (էջ 69) .

Ոչ գիտելով դայս յիմարին,  
՛Դ ոչ ըզմըտաւ ածել կուրին,  
Թէ ո՛չ ուժով իւրոյ բաղկին,  
Կամ զօրութեամբ իւր պիղծ դընդին  
Մատնեալ ի սուր ՚ւ ի գերութիւն  
Եղեւ Ուռհայ յառնուլ նորին .  
Այլ իմ մեղացըն քազմուքիւն,  
Եւ յաճախել գործոց չարին .  
Մատնեաց ի ձեռս անօրինին...

Եթէ այսքանը միայն լինէր եւ սրտ ետեւից անմիջապէս չարունակուէր 78րդ էջի ութերորդ տողից՝ «Արդ մի՛ պարծիր, ո՛վ անըզգամ», ապա այդ ե՛ւ բնական, ե՛ւ գեղեցիկ կը լինէր: Բնական կը լինէր, որովհետեւ թէպէտ այն դարերում կար վերածնութեան ուղու, նոր մտաւոր հոսանքի ազդեցութիւնը, բայց հինը դեռ բոլորովին չէր բացասուել եւ չէր դադարել գոյութիւն ունենալուց, մանաւանդ կրօնական աշխարհայեացքի այնպիսի կարեւոր մասը, որպիսին էր՝ աղէտները համարել աստուածային պատիժ մեղքերի համար: Ուստի կարելի չէր, որ Շնորհալու նման մի խիստ բարեպաշտ եւ մեկնարան եպիսկոպոս բովանդակութեամբ հարուստ մի քերթուած գրէր եւ այն զաղաւարը մէջ չըրէր: Բայց որ նա յետոյ երկար ու բարակ, ամբողջ 182 տողերի մէջ, Ս. Գրքից բաղմաթիւ օրինակներ բերելով պաշտպանում է մեկնարանների կարծիքը, այդ արդէն իր ստոնութեամբ եւ երկայնութեամբ վնասում է երկի վայելչահիւս գեղեցկութեանը . անբնական է թւում այդ լսել մի ողբացող կնոջից . տյգպէս յօրինում է ոչ թէ բանաստեղծը, այլ մեկնարանը:

Այդ կտորը, սակայն, մի ուրիշ տեսակէտով կարեւորութիւն ունի . դրանով մենք տեսնում ենք հասարակութեան որոշ խաւերի մէջ երեւան եկած նոր հայեացքը: Շարայրութեան ընթացքից պարզ նկատւում է, որ այդ մեծ հաստուածը յետոյ է աւելացրած: Դրան առիթ տուողն եղել է մի շատ հետաքրքիր նոր մտածմունք, այն, որ երկրայութեան ողին արդէն պործելիս է եղել . խոհուն մարդիկ սկսած են եղել կասկածել մեկնարանների

այդպիսի հին բացատրութեան ճշմարիտ լինելու եւ Աստուծու դատաստանի  
իրաւացի լինելու մասին .

Այլ զի ոմանք ընդդէմ բերին .

Եւ աստանօր հակառակին .

Ասին՝ զիա՞րդ իրաւացին

Այս է վճիռ դատաստանին :

Մի՞թէ բոլոր քրիստոնեաների մէջ նրանք են միայն մեղանչել , որ  
Աստուած նրանց է պատժել , — Հարցնում էին մարդիկ .

Կամ թէ արդա՞ր արդեօք էին ,

Որոց ի ձեռքս մատնէին ,

Ձանգի եւ իւրքն ամենեւին ,

Որ ըզնոսա չարչարեցին :

Մեկնաբան բանաստեղծը , հարկաւ , պիտի հանդստացնէր այդպիսի  
հարցերով զբաղուողներին , ասելով նրանց , թէ Աստուած սպառիկ պատժում  
է այնպիսիներին , որոնց ամէնից աւելի է սիրում , եւ պատժում է , ինչպէս  
եւ աշխարհում վարւում են , ոչ թէ լաւ մարդու , այլ «անարժան» վերջին  
մարդոյ եւ դահճի» ձեռով : Ձանդին եւ իրայիններն , ուրեմն , մի պատժող  
գործիք են միայն , ինչպիսին են նաեւ կարկուտը , խիստ եղեամբ , անչափ  
անձրեւը , կամ անխոնաւ երաշտը , մարախն եւ դաշտերն ապականոց զղուելի  
մուկը , — մի հայեացք եւ օրինակներ , որ գտնում ենք նաեւ մեր կլասիկ հե-  
ղինակների գրութեան մէջ , ինչպէս , օրինակ , նաեւ Մովսէս Որբենացու  
մեծ Ողբի մէջ : Այդպիսի «դահճիները» վերջն աւելի խիստ պիտի պատժուեն ,  
— ասում է Շնորհալին :

7. ԱՆԷԾԲՆԵՐԻ շարանը : — Արուեստի նկատմամբ որքան անյարմար է  
յիշուած երկար մեկնութիւնը մեղքով , նոյնքան պատշաճ եւ տեղին է շա-  
րունակութեան մէջ յսել որդեկորոյս մօր բերանից թափուող սոսկալի  
սպառնալիքն եւ անէծքն , ուղղուած Ձանդիին : Այդ մեծ հատուածի սկզբի  
մասի մէջ , որ հիւստուած է մեկնաբանների վերեւում բերուած օրինակներով ,  
դեռ համեմատաբար հանդիստ է խօսում վշտահար տիկիներ :

Հասարակութեան ներկայացուցիչ թշուառ կնոջ հոգին հետզհետէ աւե-  
լի է լցւում ատելութեամբ առ այն «արիւնհարբունները» , եւ առանձնապէս  
դէպի «Ձանդին արիւնակեր» , այնպէս որ նա նոյնիսկ եռում է կատաղի  
վրէժխնդրութեամբ : Եւ այդ ժամանակ խօսքի գիւտերն ու մէկը միւսից  
աւելի չարաղէտ պատկերները մեծ յորդութեամբ ու թափով յաջորդում են  
իրար , ասես թէ նրա բռնկած սրտի լրութիւնը դուրս թափելու համար :  
Նրա սիրտը չի հովանում , մինչեւ որ Ձանդիին ձգում է «ի հուրն անշէջ կի-  
զողական» , որ յաւիտեան «այրէ իսպառ , բայց ոչ ծախէ» : Այդ ժամա-  
նակ , ասում է նա ,

Ուրախ լիցին արդարք ի տէր ,

Մինչ հատուցման լինին դատեր .

Զի ի յարեան մեղաւորին

Լուսացեն ըզձեռս որպէս յաղբեր .  
Եւ ասացէ մարդ՝ արդարեւ  
Գուցէ Աստուած իրաւաբեր :

Այս վերջին տողերով խօսում է դարձեալ հեղինակը . նա ակնարկում է վերելում յիշուած երկրաշուքներին , որոնք իրաւացի չեն համարել Աստուծու դատաստանի վճիռը :

Դժուար է այստեղ անէծքի մեծ հատուածից (էջ 78-91) ընտրութեամբ տողեր մէջ բերել . բոռն եւ ուժեղ են դրանք զրեթէ բալորը , շատ ազդու են եւ նոյնիսկ ճնշող են չարարողձ արտայայտութիւնների կուտակումը .

. . . Աստուած իսպառ  
Կործանեցէ՛ զքեզ յաւիտեան .  
Եւ խլիկեցէ՛ զարմատըս քո ,  
Յերկրէ՛ հանցէ՛ կենդանական .  
Չարք ամենայն որք անիծան  
Ի սկըբրանէ մինչ ի վախճան . . .  
Վերագայցէ՛ն քոյդ գազաթան . . .  
Արդ՝ եղիցի՛ս դու հալածեալ ,  
Որպէս փոշի հոգմով հոսեալ . . .  
Եւ ճանապարհ քո խաւարեալ ,  
Յաջ եւ յահեակ զքեւ պաշարեալ . . .  
Ի դուր խորին ապականեալ  
Իջե՛ս դու անդըր կորուսեալ . . .  
Սըրով արեւըդ պակասեալ ,  
Լիցի՛ տանեաց խոտ ցամաքեալ . . .  
Ընդ քեզ եւ ազգրդ կորուսեալ  
Հապարացոց լիցի՛ ջրնջեալ .  
Որդիք ձեր որբ , կանայք դերեալ ,  
Լիցի՛ն մուրողք եւ տատանեալ . . .  
Ձինչս եւ ըզգոյս ձեր վատտակեալ  
Առցէ՛ն օտարք յափշտակեալ . . .  
Ձեր յիշատակ յերկրէ բարձեալ . . .  
Ի գոռնութիւն դարձցի՛ն տարերք ,  
Ձրհեղեղին ելցէ՛ն գետերք .  
Սեաւ ամպ մրթին կարկըտաբեր  
Ձքեզ արասցէ՛ անպաղարեր :

Եւ այսպէս բազմաթիւ անէծքների մեծ շարք : Այդ բոլորն աւելում է այն խոր համոզմունքով , թէ խօսքի ուժը մեծ է , եւ անէծքն անպայման կ'ազդի : Նախնական հաւատքը , ըստ որի թոյլում էին թոթովելով եւ անիծում չարարանելով , շատ մեծ է եղել մեր ժողովրդի մէջ , եւ յաճախ դրա արտայայտիչն է եղել մեր զրականութիւնը : Ըստ մեր հին «Վիպասանքի» Արտաշէսն անիծել է իր որդի Արտաւազդին , նոր վէպով՝ Դաւիթը՝ Մհե-

քին, եւ այդ անէծքները, վէպերի ասելով, կատարուել են: Այդպիսի մի անէծք է անում եւ Դաւթակ Քերթովն իր զրած դամբանականի մէջ: Դժբախտաբար այդ անհաւատքը բաւական դեր է կատարել նաեւ մեր ազգային պատմութեան նկատմամբ. իբր Մեծն Ներսէսի եւ ուրիշների անէծքները ծանրացել են մեր ժողովրդի վրին: Շնորհալին եւս հաւատում է, թէ նրանց անէծքների հետեւանքով Աստուած բարկացել է՝ «Բառնալով զթագաւորութիւն եւ զիշխանութիւն [Հայոց] եւ մատնելով ի սուր եւ ի դերութիւն [զհայս], եւ ցրուելով լստ հրէական տոհմին ի սարկութիւն եւ ի ծառայութիւն ամենայն ազգաց»<sup>1</sup>: Թէպէտ մեր բանաստեղծը հաւատում է անէծքի զօրութեանը, բայց չպիտի մոռանալ, որ այդ մեծ շարք անէծքները նրա իրեն կողմից չեն ասուած: Անշուշտ, նա համոզուած էր, որ Զանգին եւ միւս չարագործներն առանց անէծքի էլ կը պատժուէին. նա կը ցանկար, որ բոլոր մահմեդականները քրիստոնեայ դառնան, կամ քրիստոնեաները յաղթեն, եւ նրանց «վարեն [=բռնեն] մինչ յալն կոյս անրնակ»: Բայց որ նա «արիւնակերների» պատճառով ասէր Զանգին իր կողմից նաեւ «Ընդ քեզ եւ ազգդ կորուսեալ, Հաղարացոց, լիցի ջրնջեալ», եւ ուրիշ մի երկու նման տողերը, այդ ընդունելի չէ: «Յիսուս որդի» քերթուածի երգողը չէր կարող չլինել «հուման» — մարդային եւ չքարոզել «հումանութիւն» — մարդայնութիւն, չլինել մարդասէր ու բարեկութիւն դէպի ամէն ոք, եւ անիծել անմեղներին: Բայց եթէ այդպիսի մի երկու տողը չեն յարմարուած մեր հեղինակի մեղմ ու բարի հոգուն, դրանք շատ բնական են վշտահար, որդեկորոյս Որբեւայրու համար, որի բերանով խօսում է եւ տառապած հասարակութիւնը: Նա ոչ միայն Զանգին պիտի անիծէր, այլեւ նրա տղը ու տակը եւ ասէր նրան՝ քո արմատը (քոքը) կորուսի: Շնորհալին այդ տողերն էլ ասել տալով Որբեւայրուն՝ ճշգրիտ հետեւող է եղել իրականութեանը. այլապէս թերի կը լինէր իր «տիկնոջ» կերպարը: — Բայց մենք շարունակենք:

Բարկացալու եւ ցատումնալից անէծքներից յետոյ բանաստեղծը յօրինում է մի զօրեղ հակադրութիւն, որ իր կողմից բաց անելով անիծողի սրտի քնքուշ խորշերը՝ պարզարարում է նրա անէծքների հիմքը: Որդեկորոյս մայրն առանձին դորսով ու գաւրդուբանքով է վերաբերում դէպի սպանուած սիրասուն դաւանները. եւ Քերթովը զրա համար եւս գտնում է պատշաճաւոր ոճ, ծաղկալից, կոկ ու շնորհալի տողեր:

Բայց դո՛ւք որդիք իմ սիրելիք  
Ձէք ինձ մեռեալ, այլ կենդանիք.  
Քանզի յերկրի հաւատացեալք,  
Եւ ի յերկինքս պըսակիք:

Եւ նա, մայրը, խոնդակաթ սիրով նկարարւում է իր զաւակների համար մի բերկրալի տեսարան. նրանց յարութիւնն ու երանաւէտ կեանքն «անմահական դրախտում».

Յորժամ կենաց ցօղոյն արբջիք,

<sup>1</sup> Թուղթ ընդհանրական, Էջմիածին, 1865, էջ 425 եւ հտ. «Ատենաբանութիւն» ասուած հտուի մէջ:



Վաղվաղակի բուսանիջիք,  
 Որոտ ընդոստ վերարերիք...  
 Որպէս ծաղիկ բողբոջիցիք,  
 Սալարթապեղ պաճուճիցիք.  
 Ծառն կենաց մերձեալ հըպիք...  
 Աշխատեցեալք իբրեւ մըշակք,  
 Ի տապ տօթոյ աստ քրրոնեցիք,  
 Յորժամ հընձէք զոր ցանեցիք՝  
 Յանձնահաւան դրախտին հանդիք.  
 Ընդ զովարար արնկոյն նրստջիք,  
 Յաղբերէն կենաց արըջիք...  
 Անճառ լուսով լուսաւորիք,  
 Եւ թաղ ի գլուխ պըստկեսջիք...

Նահատակուածների այլ «անճառ լուսով լուսաւորուելը» պիտի լինի մնացողներին մխիթարութիւն: Այդ էլ իրականութեան անդրադարձումն է — ամէն մահացածի համար մաղթել հոգու լուսաւորում, — մի շատ հին կրօնական հաւատալիք եւ բարբի պիծ, որի գերապրուելը հասել է մինչեւ մեր օրերը:

Տ. Քաղաքական լատտեսութիւն եւ լաւ օրերի գեղեցիկ երազը: Աշխարհիկ կեանքի ծարաւն ու յաղթանակը բանաստեղծութեան մէջ: — Քրիստոնեաների համար մի բաւարարութիւն է պահուած երկրում. չուտով ամէն ինչ կը փոխուի, ասում է մեր Քերթովքը սրբեկոյրոյս կնոջ բերանով:

Ահա սկսաւ ինչ ժամանակ,  
 Փոխէ զպըզտոր ջուրն ի յըստակ.  
 Եւ տայ ըմպել դառնածաշակ  
 Այնմ որ արբոյց ինձ դըժընդակ.  
 Զվերջին մըրուրն կապուտակ  
 Արբուցանէ նըմին բաժակ.  
 Իսկ ինձ պայծառ եւ քաղցրունակ,  
 Զանձահարարն ըմպել վըտակ,  
 Ոչ թէ իմոյն միայն գիմակ,  
 Զոր ինչ հատոյց ինձ ձախողակ,  
 Այլ եւ եօթնիցըս չափ կըրկնակ  
 Բարձցի ի ծոց իւր հակառակ:  
 Իսկ ըզկապեալսդ որ էք ի փակ,  
 Արձակեսցէ տէր ընդարձակ.  
 Եւ զդերութիւնս իմ վտարակ  
 Դարձուցանէ աշտըն ի յարկ,  
 Մասնէ գլերիչս իմ ի յապտակ,  
 Սուր 'ւ ի գընդան ձեր փոխանակ:

Ենորհալին չափազանց լուստես է ապաղալի համար. նա անչուշտ լսած է եղել երկրորդ խաչակրութեան համար նոր պատրաստութիւնը Եւ-

ըողայտում: Նա յոյս մեծ ունէր, որ պիտի դան շատ չուտով, յաղթեն մահմե-  
դականներին: Այս յոյսը նրան ողբերգութիւն է պատճառում. նա խնդու-  
թեամբ ցնծում է եւ գեղեցիկ տողերով ու մեծ աշխուժով նոյնը հաղորդում  
է իր ժամանակակից ընթերցողներին:

Շարժէ կըրկին զազգըն Փրանկ,  
Անհուն հեծեալ եւ հետեալ:  
Իրր ըզծովու ալեաց կուտակ՝  
Բորբոքելով դան խիստ եւ բարկ.  
Ախան ծովու աւղի դունակ,  
Կամ գերթ աստեղք երկնից ի կարգ,  
Լընուն զամէն երկրի յատակ,  
Որպէս ըզծին ասրաքատակ:  
Հընչեն գերթ հողմըն հիւսիսակ,  
Ձամպըն վարեն ըզհակառակ,  
Մաքրեն զաշարհս բովանդակ,  
Յանհաւատից առնեն դատարկ.  
Ձմահմետական ազգ հասարակ  
Առնուն յաւար եւ յասպատակ.  
Գերեն զխորինըն Խորասան,  
ՁԲարէլ՝ առնեն խիստ աւերակ...  
ՁՄէքէ քակեն հիմն ի յատակ:  
Ձքարըն գլորեն ըզսեւորակ,  
Ձրգեն Կարմիր ծովուն յատակ:  
Որպէս առիւծ ընդ նաղալտակ՝  
Ձհետ մըտանեն նոցա երազ.  
Կամ գերթ առիւծ դոչէ առակ,  
Փախչին երէքն անհակառակ:  
Այսպէս ջընջին նոքա խողառ  
Ի սուր սուսեր՝ Է ի տէգ նիզակ.  
Եւ դայն առնեն փախրտտական  
Վարեն մինչ յա՛յն կոյս անընակ:  
Առնուն զծառայս եւ զաղախնեայս,  
Ձկանայս նոցա եւ ըզգաւակ.  
Տիրեն ամէն երկրի ծաղաց,  
Եւ յընդհանուր կողմն աշխարհաց.  
Քրիստոնէից հանուր ազգաց  
Փըրկիչ լինին յանօրինաց:

Ահա թէ ինչպէս է մեր Բանաստեղծն լռողարարձրել խաչակրաց ար-  
շաւանքների իրականութիւնը, կարծելով թէ նրանք գալիս են իրօք  
արեւելեան քրիստոնեաներին օգնելու եւ նրանց փրկելու մահմեդականների  
ձեռից: Բայց նրա լաւատեսութիւնն այդքանով չի սահմանափակում:

1 Բարէլ, Բաբելոն եւ կոչում յաճախ Բողղապ գողաքը:

Յովհաննէս Սարկաւազն իր դրած ալօթքով, ինչպէս վերեւում տեսանք, խնդրում է Աստուծուն, որ ցրուած եւ արտասուահոս տրամութեամբ վտարուած ու ցրուած ժողովուրդը ժողովուրի ուրախութեամբ եւ փրկուի. նոյնը Շնորհալին երեւակայում է արդէն շատ շուտով կատարելի, նոյնիսկ աւելի շուտ քան մի տարի («Ձի չէ ամով այս լինելոց»), եւ այդ մասին բանաստեղծութեամբ աւետում է.

Գան ժողովին յամէն կողմանց,  
Ուր հալածեալ են եւ ցրուած...  
Յայնժամ որդիքդ իմ հեռացած,  
Որ այժմ յինէն էք բաժանած,  
Գայք ի վերայ բարձեալ կառաց,  
Պալարակապ երիվարաց.  
Որք ցրուեցայք յամէն կողմանց  
Չորեքժապեան տիեզերաց.  
Ի գաւառաց հեթանոսաց,  
Եւ յաշխարհաց Պարսից, Թուրքաց:

Պիտի դան ժողովուեն աշխարհի բոլոր կողմերից, եւ ի՞նչ ուրախութիւն է որդեկորոյս մօր համար. բայց այդքանը միայն չէ.

Լինի աշխարհ քրիստոնէից  
Անչափ 'ւ անբաւ բարեօք լըցած:  
Լինի առատ պլտուղ բազմաց,  
Սերմանց 'ւ տմէն պլտղարեբաց.  
Մարդիկ ցրնծան զուարճացած,  
Յուտել յմպելըն պարարած.  
Որք վա՛յ ասեն, վա՛յ մեռելոց,  
Եղուկ կարդան դերեզմանաց,  
Թէ է՞ր չհասիք յօրըս կենաց,  
Յանգիւտ բարիս հառարակաց:

Ահա թէ ի՞նչ է տենչով երազում մեր բանաստեղծը: Հարկաւ, նա չի մոռանում եկեղեցու վերստին պայծառացումը, բայց էականն այդ չէ: Նա մեծ կրօնասէր լինելով հանգերձ՝ չի քարոզում «Մի՛ կալ հակառակ չարին» սկզբունքը. այլ, ընդհակառակն, սիրում է քաջութիւնը, քաջամարտիկ կռիւն այլազգի թշնամիների դէմ՝ նրանցից պաշտպանուելու համար: Նա համոզուած է, թէ մահմեդականութեան եւ քրիստոնէութեան կռուի մէջ պարտութիւնը մահմեդականներինը պիտի լինի: Եւ ինչ որ կարեւոր է՝ քրիստոնեաները պիտի յաղթեն ոչ թէ հին կրօնա-ճգնաւորական ոգին զարգացնելու, աշխարհն ունայն համարելու եւ մերժելու համար, այլ ուրախ-զուարթ կեանք վարելու, լաւ հագնուելու, ուտել-խմելու եւ նոյնիսկ պարարուելու: Շնորհալու ստեղծագործութիւնն, ուրեմն, լի է կեանքի ծարաւով, իբրեւ արապայտութիւն ե՛ւ իրեն հեղինակի, ե՛ւ իր ժամանակի հառարակութեան բաղձանքի: Այսպիսով վերջ է տրւում նարեկեան խիստ կրօնա-ճգնաւորական հայեացքին մեր բանաստեղծութեան մէջ, միաժամանակ եւ սկիզբն է

զըւում մի քաղաքական զեզեցիկ երազի — արեւելեան քրիստոնեաների լաւ օրեր եւ վերածաղկում եւրոպացիների օղնութեամբ: Բայց Շնորհալին դեռ չունի բուն հայրենիքի, մայր Հայաստանի անկախութեան, Հայոց թաղաւորութիւնը սեփական երկրում վերականգնելու երազը: Նա դարձել է եր-դիչ իր շրջանի արեւմտեան հայութեան սպասելիքների եւ ընդհանրապէս այն ժամանակուայ դրութեան, որի մէջ ապրել է ինքը: Միաժամանակ եւ նա դեռ 12րդ դարում բանաստեղծել է խաչակրութեան մասին, այն՝ որ մեր «Եղե-սիոյ ողբի» յօրինումից չորս հարիւր տարի յետոյ ծնուած իտալացի բա-նաստեղծ Տորկուատոյ Տասսոն պիտի երգէր իր «Աղատուած Երուսաղէմ» հռչակաւոր վիպական քերթուածի մէջ: Արդարեւ մեր բանաստեղծի երկի նիւթը խաչակրութեան շրջանի մի միջադէպ է միայն, քրիստոնեաների հա-մար մի դժբախտ եղելութիւն, իսկ նա ոչ պակաս ուժով նկարագրել է ռազ-մական իրականութեան այդ փառաւոր կոտորն եւս:

Եւ այսպէս՝ Ներսէս Շնորհալու ձեռով հմտօրէն կիրառուել է նրա աւագ ժամանակակից Յովհաննէս Սարկաւազ Վարդապետի տեսութիւնը, թէ բանաստեղծութիւնը հետեւում է բնութեանը, որ է՝ իրականութիւնը: Դժուար է կարծել, թէ նա ծանօթ չլինէր Սարկաւազի աշխատութիւններին, զի այն շրջանում արեւելեան եւ արեւմտեան վարդապետները, թէև քաղաքա-կանապէս բաժանուած քայքայ միմեանցից կրտրուած չէին: Արեւելքից միշտ եր-թեւեկել են Հայոց կաթողիկոսարանը, որի նշանաւոր եպիսկոպոսն էր Ներ-սէսը: Բայց եթէ սա տեղեակ էլ չլինէր Սարկաւազի տեսութեանը, կարող էր նրանից անկախ եւս արտայայտիչ լինել նոյն հայեացքին. ժամանակի ողու պահանջն էր այն: Նա անդրադարձրել է աշխարհիկ իրականութիւնը, հար-կաւ, ոչ բոլոր կողմերով, այլ այն միայն, ինչ որ չէր կարող պարսաւուել «անդուռն բերաններից», քանի որ այն դարում շատ բան դեռ անպատշաճ էր համարւում մի հոգեւորականի համար: Բայց ինչ որ նա երգել է վեհ ներշնչումով ու ողբերգութեամբ, դա մտքուր իրականութիւն է առանց զերբնական ուժերի եւ էակաների մասնակցութեան, որին հաւատում էին այն դարի մարդիկը, որով եւ լի է խաչակրութեան քերթող իտալացի բանաս-տեղծի նշանաւոր երկը: Որ մեր բանաստեղծը հեռու է այդպիսի վիպական հրաշայիքներից, դրա մէջ հէնց պէտք է տեսնել նոր մտաւոր հոսանքի յաղթանակը: Մեր բանաստեղծութիւնը 12րդ դարի կէսին արդէն երկըն-քից իջել էր երկիր եւ դարձել կեանքի եւ բնութեան զեզեցիկ արտացոլումը ոչ միայն իր ընդհանուր էութեամբ, այլեւ բովանդակութեան մանրամասնե-րով, ինչպէս և բնական ու պարզ ձեւով, շնորհալի Քերթողի փափուկ, տրտ-մական կամ յուրջ յոյսով եւ անուշ, սրտաշարժ շօտերով, որոնց ստեղծողը բնաւ չէր դիմում արուեստակեալ պերճութեան ու փայլի, աւելորդ դարձա-րանքների: Ամէն ինչ թեթեւ ու ճաշակաւոր, անբռնադրօս ու կենդանի:

## ԱՐՁԱԿ ԳՐՈՒԱԾՔՆԵՐԸ

1. Ատեմաքանութիւն:— Շնորհալին իր դրական երկերը յօրինել է ոտանաւորով. արձակ լեզուով գրել է միայն պաշտօնի վերաբերեալ դոր-ծերը: Բայց վերջիններս էլ իրենց տեսակի մէջ որոշ չափով դրական, աւելի

եւս պատմական արժէք ունեն: Դրանցից ժամանակով առաջինն է «Ատենա-  
բանութիւնը», որ նա ասել է իր կաթողիկոս ձեռնադրուելու առթիւ բազմ-  
ութեան առաջ: Անում է իր նախորդի, իր կաթողիկոս եղբոր, Գրիգոր  
Պաշաւունու գովքը՝ թուելով նրա արժանիքները, նուաասացնելով եւ ամ-  
բաստանելով իրեն: Գիտակցելով իր նոր վեհ պաշտօնի ծանր պարտաւա-  
նութիւնները՝ չարունակ համեմատութեամբ չեչտում է իր անարժանութիւնը:  
Նկատի ունի նաեւ ժամանակի ծանր դրութիւնը: «Զարհուրիմ երկիւղիւ  
նայեցեալ յիմս տկարութիւն եւ ի մեծի այսր աստիճանի բարձրութիւն եւ  
ծանրութիւն, մանաւանդ ի չար եւ յանման բարեաց ժամանակիս, որք ոչ  
միայն յարաաքնոց որք հակառակ են հաւատոյս՝ նեղեալ տաղանդիմք  
լստ մարմնոյ, եւ աղաւաղին կարգ եկեղեցւոյ, այլ եւ անսամբ քրիստոնէից.  
նաեւ յորոց կցորդ են կարգի մերոյ եւ ձեւոյ, որք յայսպս փոռամոյ ախտի  
հակառակ գտեալք Աստուծոյ եւ աստուածայնոյ աթոռոյս ի սկզբանէ հայ-  
րապետութեանս տեսուն մերոյ մինչեւ ցայժմ՝ որպէս ծանօթ է ամենեցուն,  
եւ դադաեալս ի Քրիստոսէ զեկեղեցի սուրբ ընդ հարկաւ տրարին անօրի-  
նաց՝ կամաւ եւ ո՛չ ի հարկէ» (էջ 421): Դժուարութիւններէից մեծն այն է, որ  
հայ ժողովուրդը, ասում է նա, «ոչ ի միում աշխարհի բնակեն՝ սրպէս  
այլոց ազգաց, զի զիւրին էր չըջել առ նոսա առաջնորդացն եւ սերմանել  
զրանն, այլ ըստ մեղաց մերոց ցրուեալ են ազգ մեր եւ ժողովուրդք ընդ  
ոյրորտ տիեզերաց ի մէջ օտարաւեռ ազանց: Նաեւ աթոռս սուրբ գրգուեալ  
է ի հաստատութենէ ի զանապսն եւ յանպատշաճ վայրս տարբերի ընդ հար-  
կաւ եւ երկիւղիւ այլասեոից եւ անօրնական եւ աննուէր ի մերասերաց,  
որում ոչ է կար համարձակ չըջել եւ ուսուցանել, այլ թաղնաբար լինել  
որպէս զվնասադարտս» (էջ 422): Վերջարանի մէջ նա մի ցանկութիւն  
ունի, որ Աստուած հաճի «փրկել զմեզ... եւ դարձուցանել զամենեւեմ յաշ-  
խարհն հայրենի... յարուցանել քաղաք արդար»: Ահա նրա ազդեցն ու  
փափայր:

Ով սիրում է ճոճաւն Փրաղներ, այնպիսուն հաճելի չի լինիլ այս ատե-  
նաբանութիւնը, որ վսեմ է իր պարզութեամբ, ազդու է ոչ թէ արտաքին  
ձեւով, այլ ջերմ ներքինով, որ բխում է ջերմ սրտից: Մէկ մէկ բանեցնում  
է երկար ասացուածներ, բայց ընդհանրապէս շատ հասարակ, իսկապէս մե-  
կին ոճով մի յօրինուածք է դա, ասանց որեւէ ճարտասանական ճոռոմ վար-  
դարանքների, կիրառում է հարցումներ եւ չըմումներ միայն եւ սակաւաթիւ  
պատկերաւոր ձեւեր: Բայց վրանց փոխանակ՝ նրա ճոռն ուժեղ է տրամա-  
բանութեամբ, մտածութեան կապակցուած ու կարգաւորեալ ընթացքով, որ  
այսպիսի խօսքերի համար անհրաժեշտ պայման է:

2. «Թուղթ ընդհանրական».— Գրա-պատմական եւ բանաստեղծի կեն-  
սագրութեան կողմից աւելի արժէք ունի Շնորհալու այս թուղթը, որ ուղ-  
ղուած է բոլոր Հայերին<sup>2</sup>: Սկզբում յայտնում է իր կաթողիկոս ընտրուելն եւ

1 Թուղթ ընդհանրական Ներսիսի Շնորհալու. Էջմիածին, 1865, էջ 411—426:

2 Անդ, էջ 1—112. «Թուղթ ընդհանրական Ներսիսի կաթողիկոսի Հայոց առ  
համօրէն հայտեռ ազինս»: «Ընդհանուր հաւատացեալն հայկապոնացի սեւից, որք յու-  
րեւելս ի սեփական աշխարհը հայաստանեայց բնակեալք, եւ որք յարեւմտեան հիւս-  
մանս սահմալք նսգեհոթեամբ, եւ որք ի միջերկրեայս՝ ի մէջ աշխարհու ազանց

կաթողիկոս եղբոր մահը. «Ինքն... եհաս անվնաս յանքոյթ եւ յառանց ալեաց նաւահանդիսան, եւ զմեզ եթող ի տաժանելի եւ յաղցաւոր կեանս ի մէջ օձից եւ կարճաց եւ զանազան խածանօղ զազանաց, երեւելեաց եւ աներեւութից, եւ ոչ այս միայն, այլ ծանրութեան բեռանց ի ներքոյ՝ հոգեւորաց եւ մարմնաւորաց»:

«Օձ, կարիճ ու զազան» կոչում է նա Հռոմկլան շրջապատող այլազգի բռնակալներին: Ուրիշ տեղ էլ՝ նոյնպէս գրում է, թէ կաթողիկոսը մեռնելով իրեն թողել է «ի ծովու աշխարհի եւ չուրջ եղելոց օձից եւ կարճաց» եւ վերջում յիշում է իր նեղութիւնը, ասելով, թէ եկողները կը պատմեն ձեզ «զմարմաւոր կրից մեր տաժանումն՝ զոր ունիմք ի չուրջ եղելոցս զմեօք»: Յայտնելով, թէ ինչ է իր պարտականութիւնը՝ խորապէս ցաւում է, որ «չըջել առ ամենեւեան» ընդ ամենայն կողմանս աշխարհի, եւ քարոզել... անկարելի է յաղաղս ժամանակիս չարութեան եւ բազմիշխանութեան: Եւ քաղաք Թալաւորական եւ բազմաթողով ո՛չ դոյ ազգի մերում, որպէս զի անգանօր նստելով յԱթոռ հայրապետութեան եւ վարդապետութեան՝ ուսուցանէաք ժողովրդեան մերոյ»: Շատ զժուար է եղել կաթողիկոսաւանի, ինչպէս մեր բանաստեղծի նիւթական կացութիւնը ծերութեան օրերում: «Այլ եմք իրրեւ զայճեամն յորսորդաց եւ ի շանց փախուցեալք ի քարանձաւիս յայս բնակելով, — գրում է նա, — յորում ո՛չ եւ մարմնական հարկաւոր պիտոյիւք շատացեալք ի գիւղից կամ յաղարակաց, յորոց ունիմք եւ ո՛չ մի: Նսեւ ո՛չ անգաստան հողոյ, զի վաստակօք եւ աշխատութեամբ դպէսս մեր ընուաք, եւ ո՛չ օգնութիւն ուստեք, որպէս արժան էր, ի թալաւորաց եւ յիշխանաց»: Չկարողանալով անձամբ «խրատել եւ ուսուցանել», ասում է նա, «մեք իրրեւ ի կամաւոր բանտէ եւ կապանաց՝ յայսմ տօթալին քարանձաւի արդելեալք՝ գրով ձեռին մերոյ խօսիմք՝ որպէս բերանով՝ ընդ ամենեւին»:

Նրա այս գրութիւնը չառ հարուստ ու բազմաբովանդակ է: Խրատներ ի մի մասն, ի հարկէ, սովորական ընդհանուր տեղիք են, բայց շատը չօչափելով ժամանակակից իրական կեանքի այլ եւ այլ կողմերը՝ տալիս են մեզ բարձրի ընդարձակ պատկեր: Սկզբում գրում է դաւանաբանական խնդիրների եւ կրօնական դիտելիքների մասին, որոնք, որովհետեւ Շնորհալու գրչից են ելել՝ աստիճան դարերի համար եւս արժեքաւոր են եղել: Ապա խօսքն ուղղում է ժողովրդի զանազան դասերին՝ կրօնաւոր, վանահայր, առաջնորդ, քահանայ, իշխան, դիւանաւոր, քաղաքացի, երկրադուրժ եւ ամէնից վերջը՝ կանայք: Այս ամէն ինը կարգի մարդկանց տալիս է իրենց վիճակին համապատասխան խրատներ: Կանանց, օրինակ, պատուիրում է «պարկեշտութեամբ եւ բարեձեւութեամբ լինել յամենայնի... եւ առաւել քան ոսկւով եւ արծաթով՝ ամօթխածութեամբ եւ պատկառանք զարդարել զանձինս»: Անմիտ երիտասարդներին դալթակդեցնելու համար ներկերով չայլազուներ իրենց երեսի գոյնը. կաւատութեամբ չպարապել, հետեւող չլինել

տարբերեալք, եւ որք յեւրաքանչիւր յեզերս աշխարհաց ըստ մեղաց մերոց ցրուեալք ի քաղաքս եւ ի դղիսիս, ի գիւղս եւ յագարակս»:

1 Անդ., էջ 148—162. «Պատասխանի առաջին թղթոյն Թագաւորին Հռոմոց Մանուէլին»:

կախարդութեան եւ դեղատուութեան աղանդներին: Այս մասին յիշում է նա իր նամակներից մէկի<sup>1</sup> մէջ եւս. «Կոնանցն՝ պատուէր տուք, — դրում է նա Թորոս քորեպիսկոպոսին, — ի կախարդութենէ եւ ի դեղատուութենէ եւ յամենայն դիւական աղանդաւորութենէ ի բաց կայ»: Արժանի չհամարել քրիստոնէական թաղման «նոյնպէս եւ որ զպիլծ եւ զալտեղի իրս ի կերակուրս եւ յըմպելիս խոռնեալ՝ տայ ուտել քրիստոնէի վասն դիւական սիրոյն [= սիրահարեցնելու համար]... զգուշացուցէ՛ք զնոսա յամենայն ի յայսպիսի բժժապործութենէ»:

Երկրպագործներին ու բոլոր ժողովրդականներին խրատում է՝ չապականուել «պղծալից պոռնկութեամբ եւ շնութեամբ», չհարբել զինով, «յորում զեղիսութիւն եւ յիմարութիւն է, որ է մայր պոռնկութեան եւ անիրաւութեան եւ վիճման եւ աղտեղի բանից տնարկանաց, յորմէ եւ սպանութիւնք լինին»: «Դարձեալ, — ասում է, — մի՛ զլեղուս ձեր տոնէք զործի սատանայի ի ձեռն չար եւ դատն յիշոցաց, մանաւանդ որ զհաւատ եւ զհոգիս տնարդեն, եւ զմկրտութիւն աւազանին եւ զմկրտիչ քահանային եւ զերես եւ զբերան»: Այդ պարճեալ՝ պատուիրում է կրթել մանուկներին եւ ուսում տալ նրանց. «Սաստեցէ՛ք չսովորել ի խօսս աղտեղիս եւ ի յիշոցատուութիւնս»: Այսպէս խրատում է ըստ պատշաճին նաեւ քաղաքացիներին, զինուորներին, իշխաններին:

Հոգեւորականների բարոյական եւ ուսումնական վիճակն անպայման աւելի ծանօթ է եղել Շնորհալուն, եւ նա երկար ուսուցանում ու խրատում է նրանց. իսկ մենք նրա «Ընդհանրականով» բաւական ծանօթանում ենք նրանց, ըստ եկեղեցական հայեացքի, ընկած բարքերին: Տեսնենք այդ մի փոքր մանրամասն, քանի որ նրանց այդ գրութիւնը կարեւոր է զրականութեան պատմութեան համար: Կրօնաւորների կեանքի մէջ արդէն մեծ փոփոխութիւն էր կատարուել. այլեւ չկար Ստեփանոս Տարօնեցու նկարագրած անընչապէր եւ անստացուած աշխարհուրացութիւնը: Ընդհակառակն, նրանք տահաւարակ արդէն բռնել էին, այսպէս ասած, աշխարհակալացման եւ աշխարհասիրութեան ուղին: Վաղ, անապատ քաղաքով հանդերձ՝ կրօնաւորները չէին կտրւում երկրաւոր ցանկութիւններից եւ միշտ ետ էին նայում դէպի աշխարհը: Հետաքրքիր է այն, որ կրօնաւորութիւնն արդէն դարձած է եղել հարստացման միջոց: «Բաղումք են ի ժամանակիս կրօնաւորաց, որ յաշխարհի առանց ժառանգութեան էին, եւ հարկատուք իշխանաց, եւ ալքատք ի դոյից, եւ կարօտք հարկաւորացն. եւ յորժամ զձեւ կրօնաւորութեան ընկալան՝ տեսաք եղեն ի վանորայս բազում ժառանգութեան, եւ փարթամացան ստացուածովք. եւ ոչ միայն հարկաւոր պիտոյիցն եղեն անկարօտ, այլեւ տւելորդօքն լցան, եւ յաշխարհի հոգովք եւ երկօք տաժանեալք, եւ աստ անհոգութեամբ եւ հեշտութեամբ ստուարացեալք»:

Այսպէս հարստանում էին նրանք, որովհետեւ վանքերում ապրելով փոխանակ հասարակաց աշխատանքին մասնակցելով՝ իրենց առանձին սեփական տնտեսութիւններն ունէին եւ դրանցով էին պարապում՝ «ի յիւր-

<sup>1</sup> Անդ., էջ 315. «Թուղթ ի Սամսոտիա քաղաք յաղագս արեւորդեաց դարձի», էջ 308 եւ հտն.:

հանց առանձնական դործս արի եւ արթուն լինելով, եւ ի հասարակացն՝ հեղեւ պղերգ»։ «Զպուշացուցանեմք, — գրում է Շնորհալին, — զճշմարտագուհիք երամս՝ յաղապս նոր եղելոյ սովորութեանդ ի վանորայս ի մերում ժամանակի, ալլեգործ իւրաքանչիւր սք լինելով ի կրօնաւորաց, որպէս ի զեօզս, որ անվայելուչ է կրօնաւորական կարգի»։ Մեր կրօնաւորներն, — ասում է նա, — իրար նախանձում են, «թէ ո՞վ քան զընկերս յընդարձակագործն տեղւոյ եւ ի սլարարտ երկրի տնկիցէ ալլի, եւ թէ՛ զիա՞րդ սնուցանիցէ իմաստութեամբ զնորասոյն տունկան»։ Եւ վտխանակ զարուեստս առաքինութեան ուսանելոյ ի միմեանց՝ յայլեկարծութեան հնարս վարժին անհմուտք ի հմտալուծիցն։ Արժան է, ասեն, աշապիսի օրինակաւ վաստակել եղամբք, եւ բրել ձեռամբ՝ փայտատօք եւ բահիւք, եւ հակառակ շոնկոցն զարմատս եւ գրոյսս արմատաքի խել... Այլ եւ հատանելոյն օրինակ դանազանեալ է՝ իւրաքանչիւր տնկոյն սեռից առ իմաստունան յոյնոսիկ, զի գոմանս հուպ յարմատան, եւ զալլսն ի բացեայ հատանեն. յոմանս սակաւ զուռն, եւ ի կէսս յոլովալոյնս թողան, եւ այս ամենայն՝ սրպէս զի յաճախադոյնս պողաբերեսցեն, եւ յոլովս զղինւոյն շափոյ սճեցուցեն զթիւս։ Թողից ասել զպատուաստելոյն հնարս, մի քան զմի տոսուելեալ ի հանձար, եւ զգործելոյն եռանդն ջերմութեան, զի ոչ զտիւն ոմանք բաւական համարին ժամանակ զործելոյ, ալլ եւ զգիշերն եւս խառնեն ընդ տունջեանն»։ Այսպէս մի ամբողջ արուեստ եւ ուսում ալլեգործութեան, որով պարսպել են կրօնաւորները։ Շատ բնական է, որ ալլապիսինների ուչ ու միտքն իրենց սեփական զործին է եղել։ Երբ ալլ եւ ալլ տեղերից իրար հանդիպում են ալլեաւէր կրօնաւորները, — ասում է նա, — նրանք իրար ողջունելուց յետոյ՝ ոչ թէ կրօնաւորական զործի մասին են հարցնում միմեանց, «այլ թէ յայսմ ամի, ո՞վ եղբայր, զիա՞րդ է սլաղաբերութիւն քոյին տնկոյն. առաւե՞լ է՝ թէ նուալ։ Եւ նա թախծեալ սրտիւ պատասխանէ՝ զինչ ասացից, ասէ, զպղէտոն որ պատահեցան. զի ոմանք ի ճճեաց մնասեցան, եւ յոմոնց ծագիլքն թօթափեցան, եւ ալլքն արեւակէղ եղեալ սկիւզկոց չորացան, եւ կէսք՝ նեխութեամբ ապականեցան, եւ թէ զի՞նչ արարից՝ անդիտանամ զելս վասնդիս եղելոյ։ — Եւ ընկերն թելադիր եղեալ նմին՝ խրատ տալ, զոմանս պատուաստել ի տնկոցն՝ որք սլաղապիւրոյք լինին, եւ զալլսն՝ զանազան փորձեալ հնարիւք բժշկել ի պատահելոց կրիցն» (էջ 28 եւ հտն.)։

Այս բոլոր աշխատանքն անում էին կրօնաւորները, որպէսզի շատ զինի ստանան եւ «սպահութեամբ եւ որկորատութեամբ» ապրեն, եւ ոչ թէ, ըստ կանոնի, բաւականանան «միաբանական կերակրով եւ հանդերձով». նրանք նոյնիսկ արբեցութիւն էին անում։ Գինին վաճառելով էլ էին պարսպում եւ արծաթ ամբարում, կամ թէ կրօնաւորին անվայել «լոյծ եւ մեղկ կեանք» էին վարում։ Ալլապիսիները թոյնելով ընկերակից կրօնաւորների կենակցութիւնը՝ առանձին էին բնակւում, «ոչ յաղապս ճշնողական վարուց՝ որպէս միաշնակեացք, ալլ վասն սղահութեան ախտի, զի զանձին իւրոյ աշխատութիւն ոչ հասարակաց եկեղեցւոյն, ալլ իւր միայնոյ ամբարիցէ... Զի առ բազումս, — տւելացնում է Շնորհալին, — քան զերկիւղն Աստուծոյ առաւել զօրէ ընկերակցացն ամօթոյ երկիւղ, յետս դարձուցանելով դժօթարութիւն մտացն ի չար՝ ցանկութեանց մեղացն կատար-



մանէ» : Դրանք, այդ թաքուն մեղք գործողները, դեռ համեմատաբար լաւերն են եղել : «Են ոմանք դարձեալ յաշխարհասէր եւ ի մեղի կրօնաւորաց, — շարունակում է Շնորհալին, — զի ... անձամբ խի ընդ աշխարհականս բնակին ի պիւպս եւ ի քաղաքս եւ ի բանից բերանոյ գարշութիւնս եւ ի պործս վատթարութեան, եւ յորովայնամոլութիւնս անպատկառս եւ յարեցութիւնս անառակս, եւ յամենայն անկարգութեանց բերմունս՝ առաւելուն քան զնոսա» (էջ 26) : «Դիւական երգերն» էլ պակաս չեն եղել այդպիսի կրօնաւորների բերանից :

«Եւ քանպի ի նիւթականացս ցանկութիւն զբազումս ի կրօնաւորաց ժամանակիս տեսնեմք ըմբռնելայ, որք զթեթեւանալն յայսպիսի ծանրութեան հոգաց՝ զժուարինս վարկանին», ուստի, ասում է Շնորհալին, «եւ մեք ոչ զենեմք օրէնս՝ աշխարհի կրօնաւորաց ամենեւին ի բաց կալ ի տնկապործութենէ եւ յամենայն դոյից ստանալոյ» : Նա լաւ գիտէ, որ այնպիսիներն իրեն չեն յսելու. ուստի պատուիրում է, որ նրանք դոնէ իրենց եկամուտներից մաս հանեն ուղբատների ու կարօտների համար, այն էլ իրենց ձեռով եւ ոչ թէ մահից յետոյ ուրիշների միջոցով :

Կրօնաւորների ուրիշ պակասութիւններ էլ թւում է կաթողիկոսը : Ինչպէս, օրինակ, չնչին պատճառով նրանք թողնում են իրենց եղբայրակիցներին ու չըջում են վանքից վանք : Հէնց որ նրանց մի նկատողութիւն են անում իրենց անպատշաճ պործերի կամ խօսքերի համար՝ զիչերը թողնում, փախչում են : Գոյութիւն են անում, «այլ եւ ստութիւն վասն պոպութեանն. ոչ լսի բանիւ, այլ եւ մեծամեծ երգմամբ ուրացութիւն», եւ նմանները : Եւ սակաւ չեն եղել ստահակները. «Յազգի մերոյ կրօնաւորաց զբազումս տեսնեմք անհրաժանդս եւ անխրատս եւ անհնազանդս աւաղապունից, եւ զրեթէ դրովանդակն բաց ի սակաւուց» (էջ 39) :

Թողնում ենք վանահայրերի եւ աշխարհի եպիսկոպոսս առաջնորդների համար պրուածները : Բերենք մի քանի բան քահանաների վերաբերեալ : Կան քահանաներ, —ասում է, — որոնք, ինչպէս լսում ենք, «յառաւօտէ մինչեւ ցժամ պատարալին ի վաճառաբողոցս քաղաքին չըջին ի տուրեւառութիւն վաճառոց» : Կամ հասարակաց զգեստներով եւ սպասեղի տրեխներով ելնում են բեմ եւ պատարալ անում. եկեղեցիների պայծառութեան եւ ընդհանրապէս մաքրութեան հոյ չեն տանում, վարում են զանազան աշխարհիկ պաշտօններ, եւ այլն : «Լսեմք զոմանց քահանայից ձիւլարժս լինել եւ զէնս առնալ ըստ զինուորաց, եւ ի խրախճանութիւնս խաղուց ձիրնթացից ընդ նոսին տրշաւէյ երկվարօք եւ ի յորս երէաց եւ ի նետաձգութիւնս եւ յամենայն ինչ յայսպիսիս» (էջ 89) : Վիճակաւոր առաջնորդ եպիսկոպոսներին էլ պատուիրում է՝ «Ո՛չ սրբնթաց ձիւլք շահատակէյ, եւ շամբք եւ բազէիւք որսակառօք բերիյ առ երէվայրիս եւ թոչունս, որպէս յսեմք զոմանց թէ իցեն» : Դրանք եպիսկոպոս լինելով հանդերձ՝ չեն տարբերուել աշխարհական տէրերից, եւ նրանց «բանք բերանայն» եղել են «անմտաբար խեղկատակութեամբ կամ աշխարհօրէն դառակամս կամ զանկաճութիւնս ի լեզուն յեղյեղով անարդէլ զոք» (էջ 57) :

Այսպէս՝ Ներսէս Շնորհալու «Ընդհանրական թղթից» իմանում ենք, որ հոյեւորական դասի հասկացութիւնների ու կենցաղի մէջ արդէն մեծ

փոփոխութիւնն էր մտել. 12րդ դարի կէսերին կրօնաւորութիւնն անգամ ձեւ էր դարձած: Այս փոփոխութիւնը կաթողիկոսը բացատրում է ժամանակի թշուառութեամբ, աղքատութեամբ, «յաղապս ձմեռն գոլով ի բարեաց՝ ժամանակիս», որ նա շեշտում է յաճախ (էջ 48, 50, 52, 65): Նաեւ ուրիշ թղթերի մէջ (օրինակ՝ էջ 309. «ի նուազեալ բարեաց ժամանակս մեր»): Այդպէս չէր առաջ, ասում է նա. Հայաստանեայց եկեղեցիները պայծառ էին սկզբից «մինչեւ յաւերումն աշխարհի ի հիմանց»: Որ հին բարի աւանդութիւններին հակառակում են, դրա պատճառն ուրիշ բան չէ, «քան թէ տգիտութիւն եւ ինքնօրէն անձնահաճ կամապաշտութիւն՝ որք ո՛չ տեսին դառաջին պայծառութիւնս, մինչ ողորմութեամբ տեսուն լի էր երկիր, այլ ի հայրածոնացս ծնեալ ժամանակի ընդ խրթնատեսակս նայեցան տգեղութիւն, որովք կապեալ են յամենայն ուրեք ազգ մեր յաղքատութեան, որպէս ընդ երկաթոյ ի ներքոյ լծոյ ծառայութեան իւրաքանչիւր ազգաց՝ ուր եւ իցեն. ոչք եւ հարկաւոր սիրտոյիցն կարօտ են ըստ մարմնոյ, թող թէ պայծառութեան եկեղեցւոյ ի խնդիր» (էջ 71): Շնորհալու հիմնաւորումը ճիշդ է մասամբ, ինչ որ եկեղեցիների բարեղարդութեանն է վերաբերում: Թէ չէ՝ կրօնական ոգու թուլացումը, որ սկսուած էր արդէն 11րդ դարից, բնական զարգացման հետեւանքով առաջատուութեամբ շարունակուել է մինչեւ 12րդ դարի կէսերը եւ յետոյ մինչեւ 17րդ դարը, ազդելով նաեւ մեր դրականութեան զարգացման ընթացքի վրայ:

Ներսէս կաթողիկոսի այս մեծ զրուիւնը որքան իր բովանդակութեամբ շատ կարեւոր պատմական փաստաթուղթ է, նոյնքան եւ արժեքաւոր մի դրական երկ է: Իրբեւ բանաստեղծի գործ՝ դա բնակոնարաբ յօրինուած է գեղեցիկ ձեւով, հեղինակին յատուկ հաճելի ոճով: Մարդ այդ կարգալով՝ երբեմն հրապուրւում է նրա կարգաւորեալ ու թեթեւ, միաժամանակ եւ յաճախ պատկերաւոր մտածութեամբ: Նա միտքն արտայայտում է սովորաբար կարճ ասացուածներով, յստակ ու սրտալի խօսքերով, խուսափելով բառերի եւ քերականական ձեւերի կրկնութիւնից: Զի մոռանում իր աստիճանին պատշաճ խրատական եղանակը. գրուցում է մեղմ, հանդարտ ու ծանր. ոչ հրամայողաբար, ոչ ինքնազով մեծամտութեամբ, այլ համեստաբար, իրեն էլ ոչ արդար համարելով: Ոչ մի չինձու խօսք չկայ. յաճախ խօսում է մեկնարան Շնորհալին: Գործածած նմանութիւնները մեծ մասամբ ոչ թէ բանաստեղծական պաճուճանքի համար են, այլ միտքն օրինակներով հեշտ հասկնալի եւ համոզիչ դարձնելու: Բայց դրանք միաժամանակ եւ առանձին համ ու հոտ են ընծայում նրա խօսքին: Այսպիսի գէպքերում երբեմն, ինչպէս ներքեւում բերուած հատուածների մէջ, ասացուածները բաւական ընդաճախուում են միջանկեալ խօսքերով, բայց մեծ մասամբ չեն կորցնում իրենց հեշտ հասկանալիութիւնը, սրովհետեւ հեղինակը չի մոռանում խօսքերի կապակցութիւնն ու մտածութեան թելը: Շատ բան, անշուշտ, Ս. Գրքի եւ ուրիշ կրօնական գրուածքների խօսքերով եւ օրինակներով է համեմատ, ինչ որ անհրաժեշտ էր ըստ ժամանակի պահանջի: Բայց պակաս չեն եւ իր սեփական գիւտերը, բնութիւնից եւ կենդանի իրական կեանքից առած, միշտ չմոռանալով, որ ինքը գրում է ոչ միայն խրատելու, այլեւ ուսուցանելու համար: Խօսելով, օրինակ, դրաւոր աղօթքների ծագման մա-

սին՝ զրուժ է. «Յառաջագոյն ի ժամանակս... մինչդեռ նոր ծաղկեաց դարունն հաւատոյ», ամէնքը «յինքեանց մտաց խօսէին զբանս աղօթից՝ ըստ ժամուն պիտոյից... Իսկ ի ժամանակս յետինս՝ քանզի հանդերձեալ էր ձմեռն մեղացն սառնամանեօք խստութեան ցրտացուցանել զորբորքումն առ Աստուած սիրոյն», զբա համար եւ հոգեկիր վարդապետներն իրենց աղօթքները զրելով թոյել են յետնորդներին: Բայց ի՞նչպէս են ասում քահանաներն այդ հոգեբուխ աղօթքները: Դիմելով նրանց՝ պատուիրում է. «Մի՛ իբր ջուր ընդ խողովակ անցանիցէք անմտաբար ընդ խորհրդական բանս աղօթիցն...» (էջ 68):

Շնորհալին ճանաչելով իր ժամանակի հոգեւորականներին, դիտէ, որ շատերին ախորժեի չեն յինի իր ասածները «կամ յաւապս ծուլութեան եւ մեղաստիքութեան, կամ վասն արհամարհելոյ զմեօք»: Այդպիսիներին էլ, ասում է նա, «Մեք զոր հրամայեալն է մեզ՝ արասցուք, աղապակելով որպէս դէտ ի բարձր դիտանոցէ զպատուիրանս Աստուծոյ ի լսելիս ձեր»: Եւ խկոյն աւելացնում է համեստաբար. «Բայց մի՛ ոք կարծիցէ զմէնջ, թէ իբրեւ առողջս զմեզ համարելով յախտից մեղաց՝ ձեզ միայն զբժշկականս զայս մատուցանեմք զեզ՝ որպէս հիւանդացելոց: Այլ ծանիցէ ամենայն ոք, զի մեք առաւել քան զամենեւեան ունիմք սէտս հոյւոց բժշկութեան: Բայց որպէս յիմար հիւանդի է զիրն առողջութեան զեզ, զոր մատուցանէ նմա ախտացեալ ոմն բժիշկ՝ ի բաց մերժել, տեսանելով զցաւս մարմնոյ նորա, — նոյնպէս իմասնո՛յ է ոչ զբնութեան բժշկին ունել փոյթ, թէ առողջ է եւ կամ հիւանդ, այլ զգեղին քննել զօգտակարութիւն, եթէ առողջանա՞ր իցէ, եթէ վնասակար: Արդ՝ եւ դուք մի՛ վասն մեր անարժանութեան եւ ի հոգեւորանս պակասութեան՝ զօգտակար զեզս հոգեւոց՝ զորս մատուցանեմք ձեզ՝ արհամարհիցէք եւ ոչ ընդունիցիք» (էջ 21):

Նկատի ունենալով, որ իսկական բարեպաշտ կրօնաւորները, — եւ կային դեռ բաւական թուով այդպիսիներն եւս, — զուցէ իրենից նեղամտան մտածելով, թէ իրենք խրատներ ի կարօտ չեն, առասում է նրանց. «Թէ՛պէտ եւ... չունիք ինչ սէտս կարեաց՝ մերոյ դուզնաքեալ բանից, այլ սքոյէս ծառայք՝ որք զհասարակական կերակուր հրամանս տնուն ի տէրանց բաշխել՝ ո՛չ միայն քաղցելոց, այլ եւ յապեղելոցն շնորհին, — նոյնպէս եւ մեր: Եւ ընդհանուր ծառայակցաց մերոց՝ հրամայեցաք ի տեսուն՝ տալ զբանին ի՞նչօտուր, հասարակաբար պարտիմք մատակարարել՝ փարթումաց դիտութեամբ եւ ազբառաց ի դիտութենէ, զօրաւորաց առաքինութեամբ եւ տկարացունիցն յառաքինութենէ» (էջ 23):

Իերենք նրա՝ երկար պարբերոյթներով եւ բարդ ասացումներով զրուած պրոպոյից իբրեւ օրինակ եւ հետեւեալ պեղեցիկ հատուածը. «Առ առաջնորդս սրբոց ուխտից վանականաց», այսինքն՝ վանահայրերին ուղղած պիի սկիզբը: Նա մարդուս երկու աչքերի նմանութեամբ խրատում է նրանց, թէ լաւ առաջնորդ լինելու համար՝ նրանք պէտք է ե՛ւ դիտութիւն ունենան, ե՛ւ առաքինասէր գործեր:

«Փոքր ինչ եւ առաջնորդացդ ի յերկինս ճանապարհորդելոցն [=կրօնաւորների առաջնորդներով] տացուք ծառայակցաբար զհոգեւորական եւ

դաստառածալին բանին կերակուր, որք աչաց ունիք գործ եւ սպասաւորութիւն մարմնոյ եկեղեցւոյ:

Զի զս'ր օրինակ աչք առաջնորդին անձին յամենայն չարժումն՝ ի լաւագոյնսն կամ ի վատթարագոյնս, ըստ այսմ նմանութեան եւ ոչ առաջնորդ՝ առաջնորդելոցն: Եւ որպէս իբրք աչացն, եթէ մաքուրք լինիցին ի յախտից ինչ ի ներքս անկելոց, սրտեւութեամբն անմոլար առաջնորդէ անձին յուղիղ ճանապարհն. իսկ եթէ չամանդաղք մթինք դերական լուսոյ՝ որ ի զլսոյ անտի յաչան իջանեն՝ խնուեւ անտեւութեամբն, սխալէ՝ եւ բնդ ինքեան ի խորխորատ մահու գրոլոր անձն իւր արկանէ, — ըստ այսմ օրինակի եւ առաջնորդք եկեղեցւոյ:

Որ սք էջկաքումք աչօք լուսաւորեալ իցէ, այսինքն՝ զիտութեամբ աստուածաշունչ գրոց, եւ առաքինաւք գործովք՝ ամբօնութեամբ եւ սրբութեամբ եւ ամենայն արդարութեամբ, զոր պատուիրանք Աստուծոյ ուսուցանեն, այսպիսին որպէս անձին իւրոյ, սոյնպէս եւ հոմօրէն եղբայրութեանն բարւոք առաջնորդէ յաստուածայինսն:

Իսկ որ զմի յաչացն բա՛ց ունիցի, եւ միւսոյն կապուցեալ իցէ, այսինքն՝ որ կամ զիտութիւն առանց գործոց առաքինութեան, եւ կամ առաքինութիւն առանց զիտութեան ունիցի, թերի՛ է ի բարեաց եւ ոչ կատարեալ. քանզի միտկանեաց նմանի այնպիսին: Զի թէպէտ եւ որ զլմաստութիւնն ունիցի՝ զիտէ զչաւիղս արդարութեան ճանապարհին ուսուցանել բանիւ, այլ ինքեան ո՛չ զնալովն բնդ նոյն՝ գործով, ո՛չ կարէ հաւանեցուցանել զայլս զնալ: Նոյնպէս եւ այն՝ որ սրբութեամբ վարուք իցէ միայն՝ առանց զիտութեան գրոց, թէպէտ եւ անձամբ իւրով զնայ բնդ ճանապարհ օրինացն Աստուծոյ, բայց զի այլոց՝ որպէս արժան է՝ ո՛չ զիտէ իմաստութեամբ առաջնորդել, մասն այնորիկ բազում անկարգութիւնս մասնէ յեկեղեցի:

Իսկ այնոքիկ՝ որ զերկոսեան տեսարանս աչաց խաւարեալս ունիցին ի լուսոյ, այսինքն՝ զի են տղէտք աստուածային զիտութեանց, եւ են պղերդ յամենայն գործս արդարութեան, մասնաւոր թէ՛ եւ հակառակօքն լցեալք, եւ յանդիման տալ զանձինս յառաջնորդութիւն եկեղեցւոյ. (որ եւ զբազումս տեսանեմք յայսպիսեաց ի մերումս թշուառացեալ ժամանակի՝ ձեռնամուխ եղեալ յայտոսիկ), — լինին աչպիսիքն ըստ տէրունական տաւկին, կոյր կուրի՛ յորժամ առաջնորդէ՛, առէ, երկոքին ի խորխորատ անկանին. որք ո՛չ յԱստուծոյ, այլ ի սատանայէ չարժեալք՝ զիմեն յառաջնորդութիւնն յայն՝ ի կրօնս ինքեանց եւ առաջնորդելոցն» (էջ 46 եւ հոն.):

3. Ուրիշ գրութիւններ: — Ներսէս Շնորհաւոյ միտմ են եւ բաղմաթիւ ուրիշ թղթեր, զբութիւններ, որ նա ուղղել է այլ եւ այլ անձերի, երբեմն իբրեւ պատասխան նրանց տուած հարցերի: Նոմակներ ժէջ կան նաեւ մասնաւոր, անձնական բովանդակութիւն ունեցողներ, բայց այդ գրութիւնները մեծ մասամբ վերաբերում են զաւանական եւ այլ կրօնական խնդիրներ, որոնցով հետաքրքրուել են ժամանակակիցները: Ուստի նա երբեմն զրանց մէջ զիմում է նաեւ մեկնութեան, մանաւանդ որ նա լաւ ծանօթ եւ վարժ էր մեկնութեան, քանի որ գրած ունէր նաեւ Մատթէոսի Աւետարանի մեկնութիւնը: Այդ գրութիւնները իբրեւ պատմական փաստ

առաջդիր կարեւոր են զլիաւորապէս Հայոց եկեղեցու պատմութեան համար, բայց երբեմն էլ ձեւով բարձրանում են եւ ստանում դրական արժէք իրեւ պերճախօսութիւն: Այդպիսիներն աչքի են ընկնում իրենց զօրեղ տրամաբանութեամբ, բերուած գեղեցիկ օրինակներով եւ զանազան ճարտասանական ձեւերի գործածութեամբ, ուսեղ հակաճառութեամբ եւ առարկութեամբ, մի քանի պէպքում նաեւ ծաղրով ու հեղնութեամբ:

Պատմութեան համար առանձին նշանակութիւն ունեն այն թղթերը, որոնք վերաբերում են այսպէս կոչուած «Միութեան խնդրին», այսինքն՝ հայկական եւ յունական եկեղեցիների միացման խնդրին, որ յարուցուել էր մի կողմից՝ Հայոց կաթողիկոսի եւ միւս կողմից՝ Բիզանդիայի Կիո Մանուէլ կայսրի միջեւ: Միութիւնը գլուխ չի եկել Ներսէսի մահուան պատճառով: Այդ թերթերից տեղեկանում ենք Ներսէսի խոհեմ, քաղաքապետ եւ զգոյշ բնաւորութեանը. տեսնում ենք, թէ ինչպէս նա պաշտպան է Հայոց եկեղեցու պատուին, թազաւորի հետ խօսում է եւ պահանջում է եկեղեցիների վերաբերմամբ խօսել ինչպէս հաւասարը հաւասարի հետ (էջ 159): Նա չի կամենում միութիւնը գլուխ բերել մենակ ինքն անձամբ, առանց Հայոց եկեղեցական ժողովի, որ պատրաստուած էր անելու: Ինքը պաշտպան է հայկական եկեղեցական մի քանի ծէսերի, սովորութիւնների միայն նրա համար, որ չգրգռի զրանց վարժուած ժողովրդին, թէ չէ պատրաստ է նոյնիսկ զիջող լինելու, «եւ այն, — աւելացնում է նա, — յաղազս աստուածային սիրոյն հազորութեան եւ ո՛չ իրր ի մոյրութենէ՝ զառնարով ի ճշմարտութիւնն» (էջ 221): Այսուպէս արդէն լսում ենք Ներսէսի այսպէս ասած՝ «պատամտութեան ձայնը»: Այդ եւս ծաղած էր անշուշտ նոր մտաւոր հոսանքի ազդեցութեամբ. բայց այդ մասին զործօն էր նաեւ: Յոյների մէջ ցրուած հայ ժողովրդին յունական կրօնական հալածանքներից ազատելու ներքին դիտումը<sup>1</sup>:

4. Գրիգոր Տղայ:— Ներսէս Ծնորհալուց յետոյ կաթողիկոս է դարձել (1173—1193 թ.) նրա վասիլ եղբոր որդին՝ Գրիգոր Պահլաւունին, «Տղայ» մականունով: Նա սնուել, կրթուել եւ ուսում է առել կաթողիկոսարանում եւ հաւանօրէն այնտեղ էլ մանուկ հասակում կոչուել է այդ մականունով: Նա էլ փափաղում է եկեղեցիների միութիւնն առաջ բերել, նկատի ունենալով, որ այդու կը թեթեւանայ յունական տէրութեան մէջ ապրող Հայերի վիճակը, բայց հաստատ պահելով «ճշմարիտ հայութիւնը»<sup>2</sup>: Այս մտքով շարունակում է նա բանակցութիւնները միութեան մասին Յոյների եւ հայ հոգեւորականների հետ. 1179 թ. ժողով է գումարում Հռոմկլայում, բայց Մանուէլ կայսրը մեռնում է, եւ միութիւնը գլուխ չի գալիս: Գրիգոր Տղայից մնում են մի քանի թղթեր<sup>3</sup>, որոնք գրուած են հմտութեամբ, երբեմն

1 Ընդհանրական, Էջմ., 1865, Միութեան խնդրի համար փոխանակուած քաղութերը եւ Ներսէսի եւ ուրիշների՝ էջ 113—280, 426—457: Ներսէսի միւս թղթերն ու գրութիւնները՝ էջ 285—411:

2 Անդ., էջ 449, 457:

3 Անդ., էջ 229 եւ հտն., 250 եւ հտն., 266 եւ հտն., 432 եւ հտն.: Վերջինս՝ «Պատասխանի վարդապետացն Հայոց Հեկախային կողմանց» կայ նաեւ՝ «Գրիգորի կաթողիկոսի Տղայ կոչեցեալոյ նամականի», Վենետիկ, 1865, էջ 53—90: Այստեղ նաեւ «Պատասխանի թղթոյն վարդապետին Գրիգորի Տուտէորդույն», էջ 5—52. Գրիգոր Տու-

եւ սուր ոճով, բայց չունեն առանձին զրական նշանակութիւն եւ կարեւոր են եկեղեցական պատմութեան համար:

Նրանից մնում է եւ մի ոտանաւորով գրուածք: 1187 թ. մահմեդականները Սալահադէինի ձեռով նորից տիրում են Երուսաղէմին. կործանւում է խաչակիրների հիմնած Թազաւորութիւնը: Այս դէպքն ազդում է ի միջի ալլոց եւ Հայոց կաթողիկոսի վրայ, եւ նա յօրինում է «Բան ողբերգական վասն առման Երուսաղէմի»<sup>1</sup>: Այն գրուած է Ներսէս Շնորհալու «Յգեսիոյ Ողբի» նմանողութեամբ բարառնաբար, ութավանկ տողերով եւ «ին» յանգով (1395 տող): Սօսում է անձնաւորուած Երուսաղէմ քաղաքը, սկզբում դիմելով նշանաւոր քրիստոնէական քաղաքներին, թուելով իր սրբավայրերը եւ ողբալով իր աղէտները: Լի է բացաղարձութիւններով, կրկնութիւններով եւ, ինչպէս յաճախ վարուել են մեր զրոյնները, բռնադբօսիկ տկնարկներով Հին Կտակարանի մէջ պատմուած դէպքերին: Չունի այն կենդանութիւնը, պատկերների փայլն եւ մտածութեան ու զգացմունքի խորութիւնը, ինչ որ Շնորհալու քերթուածը: Արժեքաւոր է միայն պատմութեան համար իր հաղորդած «Հարուստ պատմական իրողութիւններով եւ Պաղեստինում ապրող Փրանկների բարբերի, սովորոյթների ու հաստատութիւնների նկարագրով»:

#### ՆԵՐՍԷՍ ԼԱՄԲՐՈՆԱՅԻ

1. Կենսագրութիւնը:— Ինչպէս «Մէջերկրայքը» եփրատի եւ Ամանոսի միջեւ, նոյնպէս եւ Կիլիկիան Ամանոսից արեւմուտք՝ շատ հին ժամանակներից ծանօթ էր Հայերին, որոնք առեւտրական յարաբերութիւն ունէին այն կողմերի հետ: 11րդ դարում Հայաստանի քաղաքական աղէտների հետեւանքով՝ շատ հալ իշխաններ իրենց ժողովրդով տեղաւորում են նաեւ Կիլիկիայում, որ բիզանդական իշխանութեան ներքոյ էր, որ եւ իր ծովափնեայ դիրքով մի յարմարաւոր վայր էր Արեւմտեան Եւրոպայի հետ հաղորդակցութիւն պահելու համար: Հայութիւնը հետզհետէ թուով աճում է այնտեղ եւ տնտեսապէս զօրանալով դառնում է աղղեցիկ: Հայ իշխանները սկզբում բիզանդական կուսակալների պաշտօն են վարում, յետոյ տիրանում են որոշ բերդերի բիզանդական ղերիշխանութեան տակ. ապա ձգտում են նաեւ քաղաքական անկախ իշխանութիւն կազմելու: Բագրատունի Փաղիկ Բ. Թազաւորի մօտիկ ազգական Ռուբէնը 1080 թ. հիմնում է Կիլիկիայում անկախ հայկական իշխանութիւն, որ 12րդ դարի վերջում դառնում է Թազաւորութիւն ընդարձակ սահմաններով և յարատեւում է մինչեւ 1375 թ.: Այս նոր Հայաստանը ծովային մեծ առեւտրական յարաբերութիւն ունէր Եւրոպայի հետ եւ բարեկամական կապեր՝ մօտիկ խաչակիր իշխանութիւնների հետ, միաժամանակ եւ Հէր կտրուած Մեծ եւ Փոքր Հայաստանների հետ հաղորդակցութիւնից. նա շուտով ծաղկում ու բարձրանում է եւ քաղաքա-

տէորդու երկու թղթերն առ Գրիգոր Տղայ տե'ս «Արարատ» ամսուհիւր 1893, էջ 324 եւ հտն., իսկ «Թիւղթ վարդապետացն Հայոց հիւտիսային կողմանցն... տու... տէր Գրիգորիոս» տե'ս Ընդհանր., էջմ., էջ 426 եւ հտն.:

1 Բնագիրը ֆրանսերէն թարգմանութեան հետ տպուած է Փարիզում. Dulaucier, Recueil des Historiens des Croisades, Historiens Arméniens.

կանապէս, ե՛ւ տնտեսապէս, հանդիսանում է մի նոր կուլտուրական վայր իբրազմաթիւ նորաշէն վանքերով: Գրականութեան մէջ աչքի ընկնող ներկայացուցիչը 12րդ դարում է Ներսէս Լամբրոնացին:

Լամբրոնացու մեծ պապը, Օշին անունով մի ազնուական, Գանձակի կողմերից 1073 թ. տեղափոխւում է Կիլիկիա, ուր կուսակալ էր նրա ծանօթ ու բարեկամ Ապղղարիպ Արծրունի իշխանը: Սա տալիս է Օշինին Լամբրոն ամուր բերդը Տորոսեան լեռների մէջ: Օշինը եւ նրա որդին՝ Հեթում մնում են կայսերական ծառայութեան մէջ եւ դառնում են այն կողմերի յայտնի իշխանները: Այդ Հեթումի դուստրներից մէկի հետ ամուսնանում է Ներսէս Ծնորհալու մեծ եղբայրը՝ Վասիլ: Հետագայում Հեթումի որդին՝ Օշին անունով՝ Ծնորհալուց թաքուն կին է առնում Ծնորհալու կրտսեր եղբոր Ծահանի, նոյն եւ Զորավարի Ծահանդուխտ դուստրը: Այս Օշինի եւ Ծահանդուխտի զաւակն է Սմբատը, ապագայի Ներսէսը, որ ծնուել է 1153 թ., վախճանուել 1198 թ.: Ստեղծագ ժամանակ ծանր հիւանդացել է նա, եւ ծնողներն ուխտել են իրենց որդուն, եթէ առողջանայ, նուիրել եկեղեցու ծառայութեանը: Ուստի մանուկ հասակից նա կրօնական կրթութիւն եւ ուսում է առել Սկւեռա վանքում, որ շինել էր իր հայրը, եւ յետոյ՝ Ներսէս Ծնորհալու մօտ կաթողիկոսարանում: Այստեղ նա սովորել է նաեւ յայն, ասորի, լատիններէն լեզուները: Ծնորհալին նրան տուել է կուսակրօն քահանայի կարգ՝ մկրտութեան՝ Սմբատ անունը փոխելով ի Ներսէս, եւ յետոյ, երբ նա գեռ քաներկու տարեկան երիտասարդ էր, Գրիգոր Տղայից ձեռնադրուել է եպիսկոպոս եւ նշանակուել Տարսոնի, Լամբրոնի եւ Սկւեռա վանքի առաջնորդ:

Մեծանայով Ծնորհալու ձեռք տակ՝ Ներսէս Լամբրոնացին սիրում է ուսումն եւ գիտութիւնը, եւ վաղ երիտասարդական տարիքից արդէն անխնջ պարապում է գրականութեամբ՝ տնելով թարգմանութիւններ եւ յօրինելով մեկնութիւններ եւ այլ կրօնական երկեր: Բացի այդ՝ ազդուելով Ներսէս Ծնորհալուց՝ նա սերտ փարում է եկեղեցիների միութեան խնդրին, այդ նկատմամբ հետեւում է իր մեծ ուսուցչի, յետոյ եւ Գրիգոր Տղայի ուղղութեանն ու հայեացքին: Չափազանց ցաւում է, որ միութեան դրօժն տնկատար է մնացել: Սիրել է եւ միանձնական կեանք՝ իտէյալ ունենալով Գրիգոր Նարեկացուն:

«Ուսումնասիրելով օտարների մէջ տիրող եկեղեցական կարգ ու տարբը, եւ բաղդատելով Հայերի մէջ տիրացած անկարգութիւնների հետ, որոնք հետեւանք էին քաղաքական աննախանձելի ու վարատական կացութեան, Լամբրոնացին սկսում է սիրահարուել ուրիշների մօտ տեսածին»<sup>1</sup> եւ ինքնագլուխ ինչ-ինչ փոփոխութիւններ եւ նորութիւններ է մտցնում եկեղեցու կարգերի մէջ: Արեւելեան վարդապետները դժգոհում են նրա ընթացքից եւ այդ մասին յայտնում են Կիլիկիա Լեւոն Բ.ին, որ արեւելիկներին հաճելի լինելու համար յօժարում է Լամբրոնացուն հեռացնել իր մօտից: Այս հանգամանքներն ահա՛ առիթ են ընծայել Լամբրոնացուն յօրինելու իր նշանա-

<sup>1</sup> Մ. Օրմանեան, Ազգապատում. Կոստանդնուպոլիս, 1912, էջ 1479 եւ հոն. էջ 1518 եւ հոն.:

ւոր Աստնարանութիւնը եւ գրելու. Լեւոնին ուղղած թուղթը<sup>1</sup>: Աստնարանութիւնը, ըստ վերնագրին, խօսուած է «Յաստուածախումբ եւ ի տիեզերական ժողովն Տարսնի», որ տեղի է ունեցել 1197ին: Դա «միութեան խընդրին ի նպաստ եռանդուն եւ պերճարան յորդորական է», «ազգային դործերի քննադատութեամբ»: Լեւոնին ուղղած թուղթը գրուած է լի զայրոյթով իր հակառակորդների դէմ. արեւելցիներին համարում է «տխմարք եւ անկարգք եւ չիմար բանից շաղակրատողք»: Ահնարկելով Գրիգոր Տառնսրպուն եւ Քորայրեցուն՝ գրում է. «Ի Զորայեա պերկուց արանց, որք իրբեւ զչունա իրբա հաջեն՝ դիւս հաճեմ, որք վասն զԱնեցի արբեալն ի գուսանաց եւ յորովայնամոլութենէ, յարբեցութենէ ի կաթողիկոսութիւն քարչելոյ՝ զմեզ նախատեն» (էջ 232): Անեցին՝ Անի քաղաքի Բարսեղ եպիսկոպոսն է: Եւ այսպիսի նախատական խիստ խօսքերով նա անարգում է իր արեւելեան հակառակորդներին: Եկեղեցական պատմութեան համար կարեւոր այդ երկու գրութիւնները եթէ մի կողմից՝ վաւերացրել են ժամանակի բարքերի համար, միւս կողմից՝ ճշգրիտ բնութագրում են իրեն՝ Ներսէս Լամբրոնացուն իրբեւ համարձակ, բուն եւ եռանդոտ, բայց եւ կրքոտ ու յուզուող, տաքարիւն ու բռնկուող մի մարդու, որ իրեն զսպել չզիտէ: Բայց դրանք միաժամանակ եւ լաւ ապացոյց են նրա հոկտորական շնորհքին:

2. Համբարձման Ներբողեանը:— Ն. Լամբրոնացու ճարտասանութիւնն աւելի եւս փայլուն է նրա Հոգեդարտեան եւ Համբարձման ներբողեանների մէջ<sup>2</sup>, որոնցով նա հանդիսանում է տաղանդաւոր հոկտոր, լաւագոյն ներկայացուցիչը մեր Հոգեւոր պերճախօսութեան. ուստի եւ այստեղ մանրամասն, հարկաւ, մեծ կրճատումներով, տեսնենք նրա Համբարձման ներբողեանը, քանի որ մեր հին գրականութեան այս տեսակի երկերից ոչ մէկի վրայ առանձնապէս կանգ չենք տուել: Նա բնականաբար կիրառում է ամէն տեսակի ճարտասանական ձևեր՝ դիմում, բացառարձութիւն, ձայնարկութիւն, հարցում, նմանութիւն, կրկնութիւն եւ այլն: Դրանք նա բանեցնում է վարպետօրէն, ոճի պէս պէսութեամբ: Կրկնութիւններով էլ, օրինակ, նրա ասացուածը ոչ թէ թույլանում է, ճապող ու ծանձրալի դառնում, այլ, ընդհակառակն, զօրանում եւ գրաւչութիւն է ստանում: Ամէնն ասում է նա վայելուչ դարձուածներով, ոչ սակաւ բանաստեղծական պատկերներով, յորդ ու ծաղկուն, բայց պարզ ու մեկին ոճով, առանց կուտակարանութեան, հեռու մըլնութիւնից եւ բարդ ու պարբերական ասացուածներից: Ֆրազները յաճախ ետեւէ ետեւ. կազմում է երկ-երկու խօսքից, ինչպէս երկատող տները բանաստեղծութեան մէջ, դրանով որոշ չափականութիւն եւ կշռական դաշնակաւութիւն տառջ բերելով: Բայց Լամբրոնացու ներբողեանի գեղեցկութիւնը

<sup>1</sup> Տպագրուած Վենետիկ, 1865, «Ընտիր մատենագիրք» շարքի մէջ «Գրիգոր Կաթողիկոս Տղայ, Ներսէս Լամբրոնացի», նախ՝ «Գրիգորի կաթողիկոսի Տղայ կոչեցելոյ նամականի», էջ 5-90. յետոյ՝ «Ներսէսի Լամբրոնացւոյ Տարսնի եպիսկոպոսի աստնաբանութիւն», էջ 93-205. Թուղթ, էջ 207-248. Ճառք, էջ 249-326:

<sup>2</sup> Անդ, էջ 249-289. «Բարեբանութիւն ներբողական գովութեամբ ի Համբարձման տեառն Յիսուսի Քրիստոսի յերկնոյ»: Էջ 290-326. «Ներբողեան ասացեալ ի հրաշափառ գալուստ Հոգւոյն սրբոյ»:



միայն արտայայտական ձեւերի մէջ չէ, այլ աւելի եւս նրա ներքինի, ճառի ամբողջ կառուցուածքի եւ լիրիզմի մէջ:

Սկզբից հէնց նա իր բնաբանին պատշաճ մի շարք գիմուսներով դրաւում է ժամաւոր ունկնդիրներին ուշադրութիւնը եւ զարթեցնում նրանց հետաքրքրութիւնը՝ կենդանի հաղորդակցութիւն ստեղծելով իր եւ նրանց միջեւ, ինչ որ հարկաւոր է ամէն ճառախօսի: «Յնծա՛ այսօր, հա՛րսն ողջախոհ, եկեղեցի՛ հեթանոսաց, ի պատիւ յիշատակի փեսային քո Քրիստոսի խորհրդոց»: Այսպէս է սկսում նա այդ ճառը եւ ապա շարունակում. «Պարեցէ՛ք, ո՛վ մանկունք առազաստի, այսօր ուրախութեամբ, զի հաստատեցաւ սիրտ ձեր ի հանդէս փառաց նորա մեծութեան: Զուարճացեալ խրախոյս խընդութեան հարէք ի մէջ տաճարիս, դասապէ՛տք դասուց հանդիսի ժողովոյս: Քանզի ահա այսօր լրումն փափաքանաց ձերոց յերկինս երկնից կառուցեալ ամրացաւ: Ո՛վ արեամբ փրկեալ ամբիժ դառինն՝ սեպհական ժողովուրդք... այսօր եկա՛յք բարձրացիք սլացեալ ընդ նմին թեւօք հաւատոց ի փառս երկնաւորս, յոր մտեալ նստաւ ընդ աջմէ հօր, առհաւատչեայ եւ ճանապարհ ամենեցուն ձեզ»: Ապա իրեն դառնալով՝ ասում է. «Այլ ինձ, որ գտարտամութիւնս ընթադրեալ՝ պաշտպան կացի աւուրս մեծի, ո՛վ տայր հաւասարել խորհրդոյս եւ գամենեսեան գձեզ սիրացուցանել՝ իմաստութեամբ տօնելոյս»: Յետոյ մի մի կարճ ասացուածներով յիշեցնելով հրեշտակների երգակցումը սքանչելի փառքի տօնին, առաքեալների պշամ սքանչացումը եւ մարգարէների օրհնութեան երգերը՝ բացապանչում է. «Ո՛վ դուք եկեղեցւոյ մանկունք, բարձեալ գձայնս քաղցր եղանակա՛ւ սաղմոս ասացէք Աստուծոյ մերում, սուլմոս ասացէք թաղաւորին մերոյ, սաղմոս ասացէք»:

Անպայման մեծ է եղել ջերմ հաւատով եւ անկեղծ ոգեւորութեամբ ասուած այս խօսքերի ազդեցութիւնը հաւատացեալների վրայ, բայց այդ չի բաւարարել ճառախօսին. ուստի իսկոյն հառաչում է նա՝ «Այլ աւա՛ղ, զի հեղեղութիւն մեր ծանրացեալ ի զբաղմանէ մարմնոյ՝ հաւանել հրամանիք վերջացաւ, եւ գձաչակ համեզ գիտութեանս՝ ջամբել անձին երգօք օրհնութեամբ՝ յուլացաւ: Քանզի որպէս մարմնոյ ոչ է մի տեսանելն դյապեցուցիչ իւր համադամս՝ եւ ճաշակին, այսպէս ո՛չ է հաւասար լսել զբանս Աստուծոյ, եւ ո՛չ խուզողական հանճարովն որոնել. զի այսու պարարեալ բերկրի, եւ այնու երբէք ոչ միխթարի»: Շարունակելով զարգացնել ասածը՝ բերում է մի ուրիշ նմանութիւն, թէ մարդուս կեանքի համար բաւական կը լինէր մի տեսակ կերակուր, բայց նրա մարմնին տրուած են զանազան պտուղներ ու կերակուրներ, որպէսզի իւրաքանչիւրի էլ համ ու հոտն առնի եւ զուարճանայ: Այսպէս եւ նրա հոգուն տրուած են մէկից աւելի կերակուրներ — զանազան աստուածային տօներ, իրենց առանձին խորհուրդներով եւ անուշահոտ բուրմամբ, որպէսզի նրանցով զուարճացնի իր մտաւոր գիտութիւնները:

Եւ անմիջապէս կորովի ձայնով կանչում է Սատանային, իրրեւ ամենամեծ թշնամուն. «Ո՞ւր ես, անդե՛ղդք ի չարիս բանսարկու. ո՞ւր դու, զըրպարտի՛չ դատախազ. ե՛կ այժմ կա՛ց մեզ առնթէր, ոչ իբր զսիրելի, այլ իբրեւ զթշնամի» եւ այլն: Եւ այսպէս շարունակում է մի մեծ շարք խօսքեր, որոնցով Սատանայի տկարութիւնն ու պարտութիւնն է մէջ բերում,

սամաչեցնելով ու խայտառակելով նրան, եւ փառաւորում է համբարձումը, միշտ այնպէս ճառելով, որ կարծես Սատանան կողքին կանգնած լինէր: Եւ նա հաւատում է զրան եւ հաւատացնում է իր ունկնդիրներին: Հաւատում է, որ՝ ինչպէս հին դիւթերը, երգմնեցուցիչները սաստում էին չար ոգիներին, ինքն էլ իր այդ խօսքերով դուրս է քշել Սատանային: Ուստի իր ճառի այս նախորանի վերջում աւելացնում է. «Չայտոսիկ առ բանսարկու թշնամին ի դէպ էր մեզ ի սկզբանս բարբառել, եւ զմախանօք յաչաղօղն ի ժողովոյս մեր ամօթով արտաքս վարել եւ ապա զհոգեւոր սեղանս բարեկամացը սփռել եւ զամենեւեան կերակրել»:

«Հոգեւոր սեղանի», այսինքն ճառի կենտրոնական մասի նիւթն է, «(1) թէ զի՛նչ հարկ Աստուծոյ իջմանն ի յերկիր, (2) կամ այսօր՝ ուր էնն ի յերկինս՝ փառօք համբարձմանն»: Այս խնդիրներից առաջինն է փրկադործութեան խորհուրդը, փրկիչ Յիսուսն իրեւ մարդ յաղթել է մեղքին. մարդս հետեւելով նրան՝ նոյնպէս պիտի յաղթի մեղքին եւ վերադառնայ իր առաջին հայրենիքը. «Պարտաւորքս սրբեալք առ Աստուած դարձցուք»<sup>1</sup>: Այս խորհուրդը համառօտակի, թեթեւ, աշխոյժ ոճով բացատրելուց յետոյ՝ անցնում է երկրորդին՝ Համբարձմանը, որ ճառի բնաբանն է: Նոր Կտակարանի փոքրիկ պատմութիւնն եւ աւանդութիւնն ընդարձակում է՝ ստեղծելով մի վիպական երկ պատկերների ու տեսարանների բնութագրերն եւ խօսքերի մանրամասնութիւններով, միշտ աշխատելով ազդելու ժամաւորների երեւակայութեան եւ զգացմունքների վրայ: Եւ այստեղ երեւում է նրա մեծ շնորհքը:

Յիսուս իր աշակերտների հետ Զիթենեաց լեռան վրայ է եւ այնտեղից քկում է երկինք վերանալ. «Ի վայրն՝ ուր ուսան զճառս նորին թշնամեաց. եւ ուր լուսն զրանս չարչարանացն եւ երկեան, ծանուցեալ զփառաւոր համբարձումն՝ բերկրեցան: Ի լեռոն՝ ուր տեսին զնա յաղթաւ տարակուսանօք, անտի տեսին զնա սլացեալ ընդ ամպս լուսեղէն փառօք... Ի Կեդրոնեան ձորոյն՝ ուստի տարան զնա ի խաչ սուսերօք, ի նմանէ ամբարձաւ ի կառս քրովբէից նուրբ հոգմոցն թեւօք»:

Հանդէս է գալիս ամենից առաջ Յիսուսի մայրը. «Մայրն՝ ուր խոցեցաւ յայնժամ ի նախատանացն սայրասուր սլաքօք, այժմ տեսանէ զորդին իւր թաղաւոր պճնեալ պսակօք... Վասն այսորիկ ցնծայր, հրճուէր, եւ այսպիսի ինչ ի բարձրանալն որդւոյն զկնի բարբառ արձակէր.

— Այսօր սիրտ իմ հաստատեցաւ, և բերան իմ յարձակեցաւ ի վերայ թշնամեաց, ո՛վ անդրանիկ իմ եւ տէր, որ կափուցեալ տատանէր ի քո յանձառն խոնարհութենէ: Այսօր բարձրացուցեր զդուլս մօր քոյ փառօք, որդի՛ իմ եւ Աստուած, որ լուրթեամբ կտրանայր ի բամբասելն զկուսութիւն իմ յուրթի բժժանօք: Այսօր պայծառացուցեր զդէմս իմ՝ նշուլից հետոց ասինդ ճառագայթիւք, որ ի ժամ չարչարանաց քոց զղեցաւ սուգ՝ մթին ասուերօք...»:

Ապա Մարիամը դիմում է առաքեալների դասին, որ հաղորդակից լինեն իր ցնծութեանը.

1 Վերեւում յիշուած «Ընտիր մատենագիրք...», էջ 529 եւ հտն.:

— Ո՛վ Պետրէ, ընդէ՞ր լռես. ահա հրեշտակք ակումբ առեալ եղանակեն շուրջ զվարդապետան քո զօրհնութիւնս. ա՛ռ զդունդս քո, եւ խառնեալի պարս նոցա, երգակցեա՛լ, տալով օրհնութիւն այնմ՝ որ օրհնեաց զերկիր պալատեամբ իւրով, եւ պայծառացոյց զերկինս ընթացիւք իւրովք... Օղդոս ահա արտափայլէ ի փառաց նորա, եւ երկինք խոնարհի ընդ ոտիւք նորա, եւ բարապանք նորին բանան զդրունս մտից նորա. դուք մինչեւ ցո՞ր վայր պաշուցեալ՝ կամի՞ք տեսանել զընթացս նորա:

Բայց Յիսուսի աշակերտների ուշքն ուրիշ բանով է տարուած: Յարութիւնից յետոյ փոխուել է նրանց վերաբերմունքն առ իրենց ուսուցիչը. «Եւ այնուհետեւ սկսան յայլ դէմս կերպարանաց պատիւ տեսառն եւ վարդապետին առնել. ի նայելն ընդ նա զարհուրէին, յիշելով զթեւասքօղեալ սերովբէն... Ի խօսելն պատկառէին... Սէրն բորբոքեցաւ ի սիրտ նոցա նորոգապէս... յայս կոյս յայն կոյս ընթանային ամօթխածութեամբ եւ հայէին ի դէմս նորա անյազ փափագմամբ...»: Այսպիսի հոգեկան վիճակի մէջ էին նրանք, երբ Յիսուս ձեռները բարձրացնելով՝ օրհնեց նրանց, «եւ անդէն փութապէս մեկնեալ՝ սկսաւ վերանալ յերկինս: Իսկ նոքա սրտաթափ յուսակտուր խոնարհեալ, զերկիր համբուրեալ՝ շնորհ ունելով օրհնութեանն, յարուցեալ փութապէս եւ երազ պաշուցեալ նայէին ընդ երկինս յերթալն նորա»:

Նրանք յղնում են դէպի վեր պէնած նայելուց: Ահա տեսարանի մէջ շարժում է մտնում. գալիս են երկու բարեկամ հրեշտակներ՝ նրանց սփռփելու եւ դէպ երկինք նայելը դադարեցնելու: Ասում են.

— Արք գալիլեացիք, այժմ զի՞ կայք հայեցեալ ընդ երկինս անջրպետութեամբ ամպոյդ որոշեալք ի սիրելոյն: Այս Յիսուս որ վերացաւ ի ձէնը՝ սոյնպէս դարձեալ եկեսցէ: Արք դարձիք սպասեցէք սորա կրկին պալատեանս...:

Աշակերտները հարցնում են.

— Եւ զի՞նչ լիցուք աշակերտքս յանկարծ բաժանեալք ի վարդապետէն... Մեզ զի՞նչ տայք միխիթար, ո՛վ զուարթունք, ի տրտմութեան եւ ի ցնծութեան միջի վարանեալ աշակերտացս. ցնծութիւն՝ զի տեսաք զնա յայնպիսի փառս ճոխացեալ, եւ տրտմութիւն զի ստորեւ ի նմանէ եղաք աստ մնացեալ:

Հրեշտակներն ասում են.

— Արք գալիլեացիք, մի՛ հիանայք, ցնծացէք, զի դայ համբարձեալս ի յերկիր, եւ պսակէ զամենեսեան զձեզ ի նորոգութիւն յարութեանն հրաշապէս...:

Եւ ճառախօսը հրեշտակի բերանով նկարագրում է մի ուրիշ տեսարան. նա ունկնդիրներին երեւակայութեան առաջ բանում է աշխարհի վերջը, երբ Յիսուս փառքով կ'իջնի երկնքից երկիր, նրա հետ բոլոր հրեշտակները, մարդիկ էլ գերեզմաններից ամպերի վրայ ընդ առաջ կը թռչեն:

Դարձեալ փոխում է տեսարանը. հրեշտակները նորից դառնում են համբարձմանը:

— Ահա դուք տեսաք, — ասում են նրանք, — թէ ինչպէս սլացաւ նա, եւ թեթեւ քայլելով օդերի վրայ՝ սքանչելապէս բարձրացաւ ու ձեր մարմ-

նական աչքերից ծածկուեց ներքեւի ամպով: Այժմ բացէք ձեր մտաւոր աչքերը եւ դէպի երկինք յառեցէ՛ք՝ «ուսանել խորհուրդս անպատումս»:

Ի՞նչ է դա:—Այդ հասկանալու համար՝ ղենք այստեղ հետեւեալը քրիստոնէական գրուցարանութիւնից: Հին հայեացքով ամպերից վեր, տեսանելի երկնքից դէնը, էր երկնային զօրութիւնների կամ զուարթունների վայրը: Ներսէս Շնորհալու ըստ Դիոնիսիոս Արիսպապացու զբաժ մի աշխատութիւնից, որի մասին խօսուեց վերեւում, իմացում է, որ նրանք, այդ երկնայինները, բաժանում են ինը դասերի, որոնց ամէն երեքը կազմում են մի կարգ: Բարձրագոյն կարգի մէջ են՝ Սերովբէներ, Քերովբէներ եւ Աթոռներ. յետոյ զալիս են՝ Տէրութիւններ, Զօրութիւններ եւ Իշխանութիւններ. իսկ ստորին կարգի մէջ են՝ Պետութիւններ, Հրեշտակապետներ եւ Հրեշտակներ: Այս երկնային «հոգեղէնները» բոլորն էլ ընդհանուր անունով կոչւում են Զօրութիւններ կամ Զուարթուններ կամ Հրեշտակներ. բայց «հրեշտակ» կոչւում են սովորաբար իններորդ դասի զուարթունները միայն, եւ Ներսէս Լամբրոնացու այս ճառի մէջ «հրեշտակ» բառը միայն այդ նշանակութեամբ է դործածուած: Նրանք, լինելով վերին երկնքի ամենացած մասում, երկրին աւելի մօտ են եւ երեւում են մարդկանց, նոյնպէս երբեմն նաեւ հրեշտակապետները, առանձնապէս Գաբրիէլ եւ Միքայէլ:

Դառնանք Լամբրոնացու ճառին:

Նրանք, հրեշտակները, մարդկանց վերակացունեն են, տեղեակ են մարդկային գործերին, ուստի գիտէին, թէ ո՛վ է երկինք համբարձողը: Վերին կարգի երկնայինները մօտ են Աստուծուն, որի կամքը եւ նրանք հաղորդում են ցածի կարգերին: Բայց նրանք հեռու լինելով երկրից, չգիտէին, թէ ո՛վ է վեր համբարձողը: Ուստի իններորդ դասի հրեշտակներն այդ մասին տեղեկութիւն են տալիս վերիններին. «Քանզի Աստուած ի ստորնայնոցս ի վեր ելանէ», ասում է Յիսուսի աշակերտների հետ խօսող հրեշտակը, որ ինքն էլ ստորիններից էր: Յիսուս, ուրեմն, ամբառնալիս նախ հանդիպում է իններորդ դասին—հրեշտակներին, յետոյ հետզհետէ բարձրանում է դէպի վերին դասերը, մինչեւ հասնում է «Հայր Աստուծուն» եւ նստում նրա աջ կողմը: Ներսէս Լամբրոնացու ճառի այս մասը յօրինուած է ահա՛ այս «երկնային դասակարգութեան» եւ այս քրիստոնէական գրուցարանութեան վրայ. պատմում է Յիսուսի համբարձման գործողութիւնը, նրա ընթացքն երկնայինների դասակարգութեան — հիերարխիայի միջով:

Երբ Յիսուս հասաւ իններորդ դասի հրեշտակներին, նրանք, որովհետեւ գիտէին, թէ ո՛վ է համբարձողը, ցնծութեամբ եկան նրան ընդ առաջ, — ասում է պատմող հրեշտակը եւ շարունակում, թէ՛

«Ոմանք զդրունս աւետարանին համբառնալ, եւ ոմանք զթաղաւորէն հարցանեն ուսանել: Ներքինքս անուանեն զնա Թաղաւոր փառաց եւ վերինքն տարակուսին, թէ ո՛վ է սա Թաղաւոր փառաց, որ ընդ երկինս ճանապարհ է յերկրէ առանց օգնականի ինքնիշխանութեամբն հորդեաց: Գաբրէլեանքն ազադակէին. «Տէր զօրութեամբ իւրով, տէր կարօղ ի պատերազմի». եւ Միքայէլեանքն հիանան. եւ «Զիա՞րդ կարմիր ունի հանդերձ զի գոյն արեան եւ մարմնոյ»... Նրանք բողբոջում են Յիսուսին եւ աղաղակում:

— Տէ՛ր ամենակալ, մինչեւ ե՞րբ ոչ ողորմիս վերինս Երուսաղէմի, եւ քաղաքացն դբախտին, ուստի արտաքս ձդեցեր գերի գրնակիչն ՎԱՀԱՄ... Եւ

Յիսուս մխիթարական խօսքերով պատասխանում է.

— Փրկեաց զնոսա բազումք իմ, եւ սրտմոռթիւն իմ միայն զդէմ կալաւ: Հրեշտակներն ու հրեշտակապետները լսելով, որ մարդկային աղղը փրկուած է, ցնծում ու հրճւում են եւ ուղեկցելով համբարձող արքային՝ ձայն են տալիս վերիններին, որ շտապեն ճանապարհ բանան:

Եւ մինչդեռ հրեշտակներն ու հրեշտակապետները եւ սերովբէներն ու քերովբէները խօսում էին միմեանց հետ, — չարունակում է պատմող հրեշտակը դառնալով դէպի աշակերտները, — ինքը Յիսուս, որ հրեշտակների դիմացից էր գնում, առաջ անցնելով այսպէս պատասխանեց վերին դասերին.

— Ես եմ որ խօսիմ զարդարութիւն եւ իրաւունս փրկութեան. ես եմ որ իրաւամբք եւ արդարութեամբ յաղթեցի եւ կոխան զթշնամին հակառակամարտ՝ արարի. ես եմ որ զգերեալ աղղ մարդկան փրկեցի, եւ դարձեալ զյոյս նոցին յերկինս ուղղեցի. ես եմ որ զթշնամութիւն ի մարմին իմ սպանի, եւ խաղաղութիւն յերկինս եւ յերկրի արարի:

Վերին դասերը հարցնում եւ ասում են.

— Եւ զի՞ կարմիր են, ասեն, պատմութեան քս եւ հանդերձ քո՝ իբրեւ զհնճանահարի լիոյ հնճանի կոխելոյ... Արդ զի արարեր զայս ամենայն աստուածապէս՝ հաւատամք. մարմնոյ հանդերձ արիւնստ ընդէ՞ր զդեցեալ ես ի վերայ աստուածութեանդ փառաց, եւ բոսորատիպ դունովդ զնոյն պաճուճեալ... Եւ զի կարելի է սքանչելի դործ յերկրի անմարմնոց զօրութեանց՝ հաւատամք. բայց դու ահա տկար պատմութեանաւդ վանեցեր զմեծամեծ մարտս՝ հիանամք, եւ զյեղանակ բազմապատիկ իմաստից քոց ուսանել ըզձանամք. յայտնեա՛ ի յիսանութեանց եւ պետութեանց երկնայնոց զնորոգ ասուեստի քոյ իմաստս, Աստուա՛ծ մեր եւ տէր:

Յիսուս պատասխանում է.

— Ոչ թէ որպէս դուք կարծէք, ասէ, աստուածային զօրութեամբ իմ, ո՛վ երկնաւորք, ի դուռն ածեալ զմարդկան փրկութիւն ուղղեցի, եւ ոչ թէ կառք եւ երկվարք հրեշտակացդ ինձ ի մարտս պաշտպանեցին... այլ փրկեաց միայն բազումք իմ, եւ սրտմոռթիւն արդարութեան մարմնոյս իմոյ միայնակ առանձինն կացեալ ընդդէմ՝ կոխեաց զթշնամին: Միայն ի լեռանն պէսպէս փորձութեանցն յաղթեցի... Միայն ընդ մաքսաւորսն ճաշակեցի... Միայն ի խաչին չարչարանս դիմեցի... Զէն ոչ առի ի ձեռս զհրեղէն ձեր սուր, այլ տկար մարմին... եւ այսպէս պատերազմեալ յաղթեցի աշխարհի: Վասն այսորիկ արդարութեամբ իմով եւ կամաւոր մահուամբ զմեղաց մարդկան զմուրհակն պատառեցի. եւ այժմ ելանեմ նստել ընդ աջմէ հօր, բարեխօս եւ քահանայ հօտին իմոյ, զոր պատուակա՞նք արեամբք իմով դնեցի:

Այս որ լսում են հրեշտակների գնդերը, — չարունակում է պատմող հրեշտակը, — զարմանում են, որ նա իբրեւ տկար մարդ յաղթել է սատանային: «Սկսան ասա նոր եղանակաւ գերզս նմին վերերդել, եւ զմարդիկ ի կորովութիւն օրհնեղութեանն իւրեանց ժողովել:

— Ծափս հարէք, ասեն, ա՛ղզ հեթանոսաց, համաձայն քաղցր երգոցս հրէշտակաց, եւ աղաղակեցէք ընդ մեզ փառաց թագաւորիս ի ձայն ցնծութեան գովութիւն օրհնութեան... Ահա մտանէ քահանայապետս առ Աստուած պատարագաւն հաշտութեան... եւ առնէ խնդրուածս վասն ձեր փրկութեան. «Հա՛յր, կամիմ զի ուր եսն եմ ի ծայրագոյն գաւոյս... մտցէ եկեղեցի իմ տեսանել զփառս զոր ստացայ... Հա՛յր, զորս ետուր ինձ զինք արեան ժողովուրդ սեպհական, սիրեցի ի չափ սիրոյ քոյ ընդ միածնիս հաճութեան, եւ բարեխօսեմ ածել զնոսա ի պաախի փառացս իմ հաւասարութեան»: Ուրեմն մարդկային ազգի փրկութիւնը կամ նրա բարձրացումն, աստուածային զառնալը:

Այստեղ վերջանում է երկու հրէշտակների խօսքը: Անմիջապէս հետեւում է ճառի վերջաբանը, որի մէջ ճառախօսն արտայայտում է իր սեփական զգացումները՝ խօսքն ուղղելով նորից եկեղեցուն, այսինքն քրիստոնեայ ունկնդիրներին, եւ յորդորելով նրանց, որ հետեւեն Յիսուսին. «Ո՛վ մեծի չնորհիս, — բացազանչում է նա, — ո՛վ անճառ երախտեացս, որում արժանի գտար, եկեղեցի՛, ի համբառնալս Քրիստոսի... Ա՛րկ ի բաց զքօղ տգեղութեան երկրաւոր սահեցման... Ոտրիսխ քո յերկինս, դու ընդէ՞ր ի քառորինս կորանաս... Աստի՛ օ՛ն հրաւիրեցար զնալ ի յերկրէ յերկինս, յապականութենէ յանապականութիւն, ի միջոյ կարճաց ի հրէշտակաց զստակցութիւն: Դարձիւր յունայնութեանց եւ կեցո՞ղ դոսս քո յուղիղ պողոտայն զի... արժանի լիցուք յետ ելիցն աստի՛ երկնային տանն օթեւանացն...»:

Այսպէս՝ Ներսէս Լամբրոնացին իր Ներբողեանի բուն մասի մէջ զուարթ եղանակով նկարագրիներ է անում, բեմ հանում գործող անձեր եւ նրանց խօսել տալիս միմեանց հետ: Յիսուսի մայրը, Պետրոս առաքեալը, միւսները, ինքը Յիսուս, հրէշտակներն իրենց դասերով փոխ առ փոխ երեւան են գալիս ունկնդրի աչքի առաջ, հարցումներով ղեմում իրար, պատասխանում, հիացմունք յայտնում, խօսում մեծ ցնծութեամբ ու հաւատով: Տեսարանները հետզհետէ փոխւում են, ամէն ինչ շարժւում է, կարծես՝ մի վէպ է պատմւում դրամատիկ ձեւով. ամբողջը կազմում է մի մեծ գործողութիւն, արագ ու եռանդուն ընթացքով: Ճառախօսը սկզբից մինչեւ վերջը մեծ աւելում ու սրտի զեղումով բանաստեղծում է ինչպէս մի քերթող, վառում է ունկնդիր ժամաւորների երեւակայութիւնը, նրանց տեսնել է տալիս իր պատմածը եւ լսել է տալիս գործող անձերի խօսքերը: Ահա թէ ինչ է նրա արուեստի բնորոշ կողմը—ազդել ժամաւորների երեւակայութեան վրայ, առաջ բերել ողբերգութիւն ու ցնծութիւն տօնի առթիւ: Այժմ իսկ՝ կարդալիս մարդ գրաււում է, հաճոյք ստանում նրա վսեմ, ազնիւ ու պայծառ խօսքից, ո՛ւր մնաց այդ գեղակազմ տղամարդի կենդանի բեմասացութիւնը լսող հաւատացեալներն այն դարում: Բայց Ներսէս Լամբրոնացին հետամուտ է ոչ միայն ազդելու եւ հաւատը մեծացնելու, այլեւ կրօնի ուսում տալու: Այս նկատմամբ էլ նրա ճառը շատ հարուստ է, բովանդակալից: Եւ նա սովորեցնում է քրիստոնէական «կրօնագիտութիւնը» յաճախ Ս. Գրքի բառերով ու խօսքերով ոչ միայն պատմելով, նկարագրելով, ուրիշներին խօսեցնելով, այլեւ նոյնիսկ մեկնելով, բայց այնպէս նուրբ ու թեթեւ եղանակով, որ չի զգացւում, թէ մեկնում է:

Լամբրոնացու այս երկի վրայ դիտմամբ աւելի երկար կանգ առանք, զի դա մեր ընտիր ճառերից մէկն է, միանգամայն եւ մի պայծառ օրինակ է, թէ ինչպէս այս գրական տեսակը մնացել է նոյն հին կրօնական ներբողեանը, բայց փոխուել է ձեւի եւ ամբողջ յօրինուածքի գեղեցկութեամբ: Այդ բխում է ոչ միայն հեղինակի տաղանդից, այլեւ ընդհանուր նորոգիչ ոգուց: Ներբողեանի կամ ճառի այս գեղադան վերածումն էլ մի արտայայտութիւն է նոր մտաւոր հոսանքի. ո՞ր Լամբրոնացու այս ճառը, եւ ո՞ր նման թեմաներով հին ճառերը:

3. Ուրիշ աշխատութիւններ:— Ինչպէս վերելում ստուեց, մեր այս հեղինակը շատ վաղ հասակից սկսել է շարադրել եւ անդուլ ջանքերով գրել է բազմաթիւ երկեր<sup>1</sup>: Նրանից մնացել են բացի արդէն յիշուածներից՝ նաեւ ուրիշ թղթեր ու ճառեր, շատ մեկնութիւններ, այլեւ չափածոյ գրուածքներ — շարականներ եւ ուրիշներ, որոնք մեծ մասամբ կրօնական բովանդակութիւն ունեն: Նրա յօրինած հոգեւոր երգերը չունին բանաստեղծական արժէք. համարաձման շարականների մէջ, օրինակ, նոյն՝ քրիստոնէական գրուցարանութիւնն է յեղեղում ստուն եւ անպաճոյճ. բայց դժուար թէ ամբողջ կանոնը<sup>2</sup> մեր այս հեղինակի գործը լինի: Փոքր ինչ եռանդուն եւ իմաստալից է Զատիկի կանոնի յայտնի օրհնութիւնը<sup>3</sup>.

Այսօր յարեաւ ի մեռելոց  
Փեսայն անմահ եւ երկնաւոր,  
Քեզ աւետի՛ք խընդութեան,  
Հա՛րսն ի յերկրէ եկեղեցի.  
Օրհնեա՛ ի ձայն ցընծութեան  
ԶԱստուած քո, Սիօ՛ն:

Այսօր անճառ լոյսն ի լուսոյ  
Լուսաւորեաց զմանկունըս քո...  
Այսօր խաւարն անդիտութեան  
Հալածեցաւ երբեակ լուսովն,  
Եւ քեզ ծագեաց լոյս գիտութեան...

Ն. Լամբրոնացու ամենամեծ ոտանաւոր գրուածքն է՝ «Գովեստ ներբողական պատմագրական բանիւ յաղագս վարուց մեծի Հայրապետին տեառն Ներսիսի Կլայեցւոյ հայոց կաթողիկոսի»<sup>4</sup>: Այս 937 տողից կազմուած չափածոն յօրինուած է Ներսէս Շնորհալու հետեւողութեամբ ութաւանկ տողերով. յանդերը փոխուում են մեծ հատուածներից յետոյ: Դա մի պոեմա, մի քերթուած է բառիս սկզբնական նշանակութեամբ իբրեւ արուեստով արուած մի գործ, կամ ինչպէս ընդհանրապէս կոչուում են ոտանաւորով յօրինուած երկերը, մանաւանդ երբ մի որոշ երկայնութիւն ունին եւ վիպում են որեւէ

1 Բազմաթիւ մեկնութիւններ, երեք թուղթ, հինգ ճառ եւ այլն: Տե՛ս Զարք հանաւեան, Հայկ. հին դպրութիւն, էջ 654—660:

2 Շարական, Էջմիածին, 1861, էջ Գ. 355 եւ հտն.:

3 Անդ., էջ 283:

4 Տպագրուած է ի «Թուղթ ընդհանրական... Ներսիսի Շնորհալուոյ», Էջմիածին, 1865 թ., էջ 461—497:

դէպք: Այդտեղ պատմում է Շնորհալու կենսագրութեան մասին: Բայց դա մի քնարական, լիրիկական քերթուած է, քանի որ դրա մէջ արտայայտուած են նաեւ հեղինակի զգացումները առ Շնորհալին. նա ոչ միայն պատմում է, այլեւ գովում, ներբողում է: Այսպէս լինելով հանդերձ՝ նրա այս մեծ երկը, ինչքան էլ ոտանաւորով է յօրինուած, չունի առանձին զրական արժէք, որովհետեւ չի արտայայտուած բանաստեղծական ներշնչումով, կենդանի պատկերաւորութեամբ: Որքան նա ջերմ, բուռն մի հոգեւոր է հանդիսանում իր ճառերի մէջ, այնքան պաղ ու թոյլ է իրրեւ քերթող: Գուցէ այդպէս է մասամբ եւ այն պատճառով, որ նա անվարժ է եղել ոտանաւորներ հիւսելու:

...Զմինն յընտրելոց աչօք տեսի,  
Գովել բանիւքս բաղձացի.  
Այլ զի անվարժ ի չափ տաղի,  
Ոտանաւոր տառից կարգի,  
Քերթողական մեծ արհեստի  
Չեղեալ ներհուն ըստ արժանի...

Եւ այսպէս վերացական մտածութեամբ է յօրինել նա այս «Գովեստն» ընդհանրապէս: Զափաղանց ներբողում, մեծացնում է Շնորհալուն, բնութագրելով նրան՝ իրրեւ տէր բազում ու բազմազան բարեմասնութիւնների. այդ ժամանակ մէկ մէկ նա դիմում է սովորական ձեւերի.

Բանիւքն աղբիւր յորդ հոսեցաւ,  
Ծիծաղապէս ծաւալեցաւ,  
Մինչ ընդ աշխարհքս ծովացաւ,  
Եւ արբուցիչ մարդկան դըտաւ:

Հետեւեալ տողերը սակաւաթիւ զեղեցիկներին են..

Ծաղկեալ աղինք մեր փըթթեցան,  
Երանգ երանգ գունով ներկան,  
Ի նոր դարունս ուրախացան,  
Շքեղ փառօք ճոխ փայլեցան.  
Մարգագետինք եւ խաղ ցընծան,  
Յորոց անուշ հոտ բուրեցան...

Նպատակն եղել է իրրեւ «հետեւող» եւ «աշակերտ» գովելով պատմել Շնորհալու մասին, նրա վարքն ու արարքը.

Շարժեալ ստիպէ հարկ տէրունի,  
Ըղշարադրումն իմըս բանի՝  
Նիւթ գովեստի տալ յապառնի  
Հօրն որ արժան վարուը պատուի:

Այսպէս է սկսում նա իր երկը, եւ քիչ յետոյ դրում է..

Քանզի բազում հոգի բաղձայ  
Տեղեկանալ զայս յարակայ,



Անյազ անուանին սէր տենչայ  
 Տարաշխարհիկ հօտըն նորա .  
 Թաղծեալ ի սուգ նըստեալ ողբայ ,  
 Մխիթարիլ կարօտանայ ,  
 Յորմէ երբեք ոչ թուլանայ ,  
 Թէ նըշանակ վարուց չմնայ .  
 Եւ թէ պատմօղ ոք յառաջ գայ  
 Սիրովն ի բանս ուրախանայ . . .

Ներսէս Լամբրոնացին , ինչպէս ինքը գրում է .

Արձան կանգնեալ սրբոյն յապոյ : .

Եւ իսկապէս , նրա այդ քերթուածը մի «արձան» է , որ ապապայ սե-  
 րունդներին յիշեցրել է Շնորհալու կեանքն ու զրական զործունէութիւնը :  
 Դա հեղինակի իրեն համար էլ մի յիշատակ է այն մասին , որ նա մեր  
 գրականութեան մէջ սկիզբն է զրել մի նոր զրական տեսակի — ուսանա-  
 տրով կենսագրութեան : Լամբրոնացուն այս մասին հետեւել է իր աշակերտը ,  
 «Սաչատուր անունով մէկը , որ իր . . . վարդապետի վրայ գեղեցիկ ու քեր-  
 թողարան ողբ է շարագրել ոտանաւոր»<sup>1</sup> : Բայց մեզ յայտնի չէ , թէ այդ  
 մի կենսագրակա՞ն է արդեօք , թէ՞ մի դամբանական ողբ , ինչպէս է Դաւ-  
 թակ Գերթողի քերթուածը Դրդ դարում :

4. Թարգմանութիւններ :— Ներսէս Լամբրոնացին հմուտ է եղել օտար  
 լեզուներէ , նրան են յանձնել թարգմանել պաշտօնական գրութիւններն ու  
 նամակները , այլեւ «Գիր կարգաց յոտին եկեղեցւոյ» եւ «Օրհնութիւն թա-  
 գաւորի»<sup>2</sup> : Շատ նշանակալից են օրէնքների հաւաքումն ու թարգմանու-  
 թիւնները , որ են՝ «Աւրէնք յաղթող թագաւորաց քրիստոնէից՝ Կոստան-  
 դիանոսի , Թէոդոսի եւ Լեւոնի» , «Համառօտ ժողովումն օրինաց վերստին» ,  
 «Աւրէնք եւ գիրք ի ձեռն Մովսիսի՝ յելից զրոց» , այլեւ «Օրինագիրք մի  
 քաղուած ի Ղեւտական զրոց»<sup>3</sup> : Բերենք այստեղ թարգմանչի հետաքրքիր  
 յիշատակարանից հետեւեալը .

«Ձայս ծայրաքաղ աւրինագրութիւնքս տառապեալ եպիսկոպոս Տար-  
 սոնի թարգմանեցի ի ծերացեալ հելլենացի մատենէ , թուին ՈՒՅ [ = 645 +  
 + 551 = 1196 ] . . . Յամս քահանայապետութեանն Հայոց Գրիգորի<sup>4</sup> , որ երրորդ  
 էր նախնեացն իւրոց ի Հռոմկլայն , յաջորդ աթոռոյն , թուին ՈՒԲ  
 [ = 642 + 551 = 1193 ] , յութ եւ տասներորդ ամի նորին Հայրապետութեան ,  
 խնդիր եղեւ առ նոյն սրբազանն ի քաղաքաց եւ ի վաւառաց բնակչաց՝ քա-  
 ղափակամ արիմացն . զի որք Իսմայելացւոցն էին իշխանք ի քաղաքս եւ  
 դատաւորք՝ զղատ Հայաստանեայցս ոչ դատէին . այլ զինդրողսն իրաւանց՝  
 առ իւրեանց աւրէնս առաքէին . զի այս էր ի նախագլուի Մելիքացն հրա-

1 Ջորջ շանալեան , Հայկ . հին գպրութիւն , էջ 662 . «Ողբք ի տէր Ներսէս ար-  
 հին Տարսոնի , ասացեալ Սաչատուր պաշտօնէի , նորուն աշակերտի» :

2 Ջորջ շանալեան , Մատենադարան Հայկական թարգմանութեանց նախնեաց ,  
 Վենետիկ , 1889 , էջ 500 եւ հտն . :

3 Անդ . էջ 750—755 :

4 Գրիգոր Տղայ կաթողիկոսն է

ման առ դատաւորս քաղաքաց՝ յիւրեանց՝ յօրինացն զատ թողուլ զնոսին։ Եւ եկեալ ոսոխք յեկեղեցին՝ հարցանէին աւրէնս ի քահանայից եւ ի քահանայապետաց. ոչ ունէին գիրս, որով ընտրեսցեն զիրաւունս. զոր եւ այլոց ազգաց տեսանէին՝ քրիստոնէից եւ մսլիմանաց աշխնքն հռոմայեցոց, հելլենացոց, ասորոց, եղիպտացոց, արաբացոց, պարսից եւ այժմու իշխողացս թուրքաց։ Ի խնդիր եկին ապա առ հայրապետս ի Հայաստանեայց՝ արթունք, կղերիկոսք եւ աշխարհականք, խեթկեալք յայլոց ազգաց եւ նախանձեալք զբարսուքն։ Եւ խուզեալ ընդ նա մեր՝ յարկեզս գրոց կաթողիկոսաւրանին՝ ոչ գտաք աւրէն. բայց միայն զկանոնականս, որ ի սուրբ հարցն ժողովելոց էր գրեալ. եւ որ ի նոյն յարեցաւ ի նոցանէ կանոնս զգուշաւորս եկեղեցւոյ։ Իսկ քաղաքի արքեմս ոչ գտաւ ի մէջ Հայոց, ոչ յեկեղեցիս եւ ոչ առ իշխանս։ Եւ՝ կարի վշտացեալ հայրապետն՝ խնդրի առնէր առ այլ ազգս եւ պատահեալ անդ յասորոց Թէոդոս անուն կիրթ յիմաստութեան քահանայ, յայտնեաց տեսնոս զի զոյր առ ինքն այս համառատ աւրինազրուեցին, եւ հրաման տուեալ ինձ տառապեալ իւր ձեռնասուն որդւոյ Ներսէսի՝ յեղաշրջեցաւ ի հայս, նմին յիշատակ բարի, եւ զկնի եկելոցդ ուղղութիւն ընթացից։ Յետ որոյ ապա եւ ի հելլենացւոց արարի թարգմանութիւն մովսիսական աւրինացդ եւ Լէսնի եւ Կոստանդեայ աւրինացդ, ի նմանէ թարգմանեցի եւ զգիմնաքաղաքի արքեմիդ. եւ ընծայեցի որոց սիրենն վարիլ սովաւ եւ հաճոյ գտանիլ Աստուծոյ, եւ կառավարիչք քաղաքաց եւ գաւառաց։

Ներսէս Լամբրոնացին այս յիշատակարանի մէջ շատ լաւ բնորոշել է, թէ ժամանակի ինչպիսի կարիքից են ծագել քաղաքական օրէնքների ժողովածուները, որ մինչ այդ չեն եղել Հայերի մէջ։ Բայց այդ միանգամայն եւ Կիրիկիայի հայ պետութեան պահանջն էր եւ վերածնութեան շրջանի նոր մտաւոր հոսանքի արդիւնքը։ Ճիշդ նոյն ժամանակներում, մի ութ-ինը տարի առաջ, 1184 թ. սկսել էր կազմել եւ Մխիթար Գոշն իր «Դատաստանագիրքը» հիւսիս-արեւելեան Հայաստանում՝ եւ այս ոչ թէ մահմեդականների ազդեցութեամբ, այլ օրինագիրք ունենալու պահանջից։ Բայց ինչպէս երեւում է, Մխիթար Գոշի պործր գեո յայտնի եւ տարածուած չի եղել, դուցէ եւ զեւ շուարտուած։

## ԱՌԱԿԱԳՐՈՒԹԻՒՆ

### ՄԽԻԹԱՐ ԳՈՇ

1. Հիւսիս-արեւելեան Հայաստանի ազատումը մահմեդական բռնատիրութիւնից։—Սելջուկեան տէրութեան մէջ 11րդ դարի վերջերից սկսում են ներքին խռովութիւններ. առաջ են գալիս կենտրոնից անջատուած անկախ իշխանութիւններ թէ՛ Հայաստանում եւ թէ՛ այլ երկրներում։ Վրաստանը, որ համեմատաբար գերծ էր մնացել թուրքերի գործած մեծ աւերմունքներից, կարողանում է շուտով գորանալ. նրա թագաւորներն օգտուելով թշնամիների ներքին գծտութիւններից՝ իրենց երկիրը մաքրում են նրանց բռնակալութիւնից։

Գէորգի Գ. Թագաւորի օրով հանդէս է գալիս Զաքարեան կամ «Եր-

կայնարագուկ» (վրացերէն՝ «Մխարպրճելի») անունով յայտնի հայ իշխանական տոհմը, որ հաստատուելով Զորագետում՝ խնամացել էր այնտեղի Բագրատունի թագաւորների հետ եւ որի սերունդներն իրենց արձանագրութիւնների մէջ իրենց համարում էին ծագումով Բագրատունի՝ «յագգէ Բագրատունեան»։ Այդ տոհմից Սարգիս անունով մէկը, իբրեւ ժամանակին յայտնի մի պաշտօնեայ, 1161 թ. դառնում է Անու կառավարիչ, իսկ 1174ին՝ կոռավարչի տեղակալ։ Նա նշանաւոր է դառնում աւելի եւս Թամար թագուհու (1184-1210 թ.թ.) օրով։ Սարգիսը կարգւում է Վրաց թագաւորութեան ամիր-սպասալար, այսինքն՝ սպարապետ։ Մի տարի յետոյ նա մեռնում է։

Սարգիս որդիները վայելում են Թամար թագուհու շնորհքը եւ կատարում Վրաստանում ամենաբարձր պաշտօնները։ Նրանցից Զաքարէն դառնում է իր հօրից յետոյ՝ ամիր-սպասալար, իսկ Իւանէն՝ աթաբէկ, այսինքն՝ հազարապետ։ Այդ երկու եղբայրներն եւս շատ նշանաւոր են հանդիսանում եւ մեծացնում Թամարի թագաւորութեան սահմաններն ու փառքը։

Զաքարեանների մեծ աջողութիւնները տեղի էին ունենում այն ժամանակ, երբ Լեւոն Բ-ն ընդարձակել էր իր երկրի սահմանները՝ Կիլիկիայից դուրս նուաճումներ տնելով եւ ձգակալ դէպի Մեծ Հայաստան։ Թւում էր, թէ Զաքարեաններն ու Լեւոն թալաւորը պիտի աջողին միմեանց ձեռք մեկնել։ Երկու եղբայրները յարձակւում են եւ Էուբեան (Ետլեան) իշխանութեան վրայ, պաշարում Խլաթ քաղաքը, բայց Իւանէն անողուչութեան հետեւանքով դերի է ընկնում, եւ ստիպւած են լինում հաշտուել եւ բարեկամութեան դաշինք կռել՝ Իւանէի դուռտըր կնութեան տալով Էուբեան մելիքներին։ Զաքարեանների առաջխաղացումը կանգ է առնում Հայաստանի հարաւ-արեւմտեան կողմում Եղիպտոսի Էուբեան հզօր տէրութեան առաջ։ Դրա փոխանակ Զաքարէն իր արշաւանքը մինչեւ իր մահը շարունակում է դէպի Ատրպատականի կողմերը։ Թէ ինչպիսի կախում են ունեցել Զաքարեանները Վրաց թագաւորներից, այդ զեռ լիովին պարզուած չէ։ Բայց նրանք եղել են Հայաստանի տէրերը, ամէն կարողազրութիւններ անելու անսահման իրաւունքով։ Նրանք անուանում էին իրենց ձեռին դնող երկիրը «Թալաւորութիւն», «ինքնակալ պետութիւն», իսկ իրենց՝ նաեւ «Թագաւոր», «չահինչահ»։ Կիլիկիայի հայ եկեղեցականութիւնն եւս Զաքարէին ուղղած իր թղթի մէջ նրան կոչում է «մեծ սպարապետ եւ շահինչահ արեւելեան կողմանց»<sup>1</sup>։ Նրանք Հայաստանի գաւառները ոչ միայն իրենց էին սեփականում, այլեւ տալիս էին իրենց ղինակից հայ տղնուական տոհմերին, սրոնք իբրեւ վասալներ ենթարկւում էին Զաքարեաններին եւ անուանում էին նրանց իրենց «պատրոնը», այսինքն «տէրը»։ Այսպիսով վերականգնում է եւ ուժեղանում Հայաստանում Փէոդարական (աւատական) հասարակական-պետական կառուցուածքն իրեն յատուկ հիերարխական կազմով ու կախումով միմեանցից աստիճանաբար։

Իշխանութեան կենտրոնն էր Անի քաղաքը, որ թուրքերի տէրութեան ժամանակ էլ պահել էր իր առեւտրական մեծ քաղաքի դերը։ Կային եւ

<sup>1</sup> Կիր. Գանձ. Պատմ. Հայոց, էջ 159։

ուրիշ առևտրական կենտրոններ: Երբ հայ իշխանութիւններ են կազմուում, աւելի եւս զարգանում է առևտուրը նաեւ Արեւմուտքի հետ Կիլիկիայի միջոցով: Բարձրանում են վաճառականները, որոնք ունէին ոչ միայն դրամական մեծ հարստութիւն, այլեւ ղեկավար անելով կոմ վաճառութեամբ տիրանում էին մեծ կալուածների եւ անշարժ կայքերի:

Տնտեսական զարգացման հետեւանքով առաջ է դալիս կուսուրական բարդաւաճում եւ շինարարութիւն քաղաքներում: Ծաղկում է նաեւ եկեղեցական շինարարութիւնը: «Շինեցան բազում վանորայք, որ ի վաղուց ժամանակէ անտի աւերեալ էին ի հենիցն Իսմայէլի, — գրում է Կիրակոս Գանձակեցին (չջ 155), — վերստին նորոգեցան եկեղեցիք... շինեցան եւ նոր վանորայք եւ եկեղեցիք, որ ի հնոցն չէ՛ւ էին լեալ վանք»: Վաճառականներն ու Ֆէոդալները ոչ միայն աշխարհիկ շէնքեր էին կառուցում, այլեւ նուէրներ էին տալիս վանքերին ու եկեղեցիներին եւ ամէն կերպ նպաստում նրանց: Այս եղանակով նրանք միջոց էին գտնում իրենց կուտակած հարստութեան մի մասը դործադրելու:

Ասել չի ուղիւ, որ ինչպէս Բաղրատունիների շրջանում, նոյնպէս եւ այժմ հարստութիւնը տանում էր նաեւ ղէպի ճոխ ու փարթամ կեանքի վայելչութիւնը: Բայց ինչպէս այն ժամանակ, նոյնպէս եւ Զաքարեանների օրով սրւած էր վայելիւք եւ աշխատասիր դասակարգերի յարաբերութիւնը: Բուն արտադրող ժողովուրդը ենթակայ էր անխնայ կեղեքման ու չահալործման: Այսօրիսի ողջխալական հակասութեան հետեւանքով բնականաբար սրւում էին սոցիալական յարաբերութիւնները, եւ իրար ղէմ կանդնած էին երկու տնտեսապէս հակառակ կողմերը: Նայն Ֆէոդալական դրութիւնն ու գոսակարգային ներհակութիւնն էր եւ արեւմտեան հայութեան մէջ ու Կիլիկիայում: Շահագործող աշխատուորութեան դրութիւնն աւելի եւս ծանր էր մահմեդականների իշխանութեան տակ մնացած ժողովրդի համար: Գրիգոր Տղան (1173-1193 թ.թ.) ղեկ իր կաթողիկոսութեան առաջին տարիներում, որեմն Զաքարեան եղբայրների իշխանութիւնից առաջ, միաթեան խնդրի տոթիւ Գրիգոր Տուտէսդուն ի հազարտ ուղղած թղթի մէջ՝ գրում է. «Յամենայն Հայոց աղլաց եկեղեցիքս որ յայդ կողմանքդ են, մանուսնդ թէ ի բարբ անոս՝ խաղաղութիւն, անդորրութիւն ձեզ է պարգեւեալ ի վերստ: Թաղաւոր քրիստոսասէր, եւ իշխանք բարեպաշտօնք, պարգեւք դաւառաց եւ անդոք՝ հոգեւոր եւ մարմնաւոր հանդերձ ազատութեամբ. եւ դուք կամու անլիտանայք եւ անտես առնէք զբեկումն ազդիս, եւ ստոյգ պատճառօք հրաժարէք ի զլիսոյ կոշմանէ... Երբ զուք հրաժարէք, յոռաջ զո՞վ կոշմեք. զԱյրարատեանդ եթէ ղկարնեցիք, եթէ զՏաւոնեցիք՝ որ նեղեալ եւ զոլեալ են ի հարկապահանջ բռնակալացն, եւ կարօտին միայն աւուրն պարենի»: Այսպէս է նկարագրում Գրիգոր Տղան Հայերի վիճակը մի կողմից մահմեդականների, միւս կողմից վրացական իշխանութեան ներքոյ Գէորգ Գ.ի օրով, երբ սա Անին արդէն առել էր: Նա քրիստոնեայ տէրութեան մէջ ապրող Հայերի վիճակին հակադրում է տառապեալ

1 Գրիգորի կաթողիկոսի Տղայ կոչելոյ Նամականի, «Պատասխանի թղթոյն վարդապետին Գրիգորի Տուտէսդուոյն...», Վենիսիկ, 1865, էջ 87 եւ հտն.:

գրութիւնն այն Հայերի, որոնք դեռ գտնուում էին մահմեդականներէ ձեռին: Բայց յիշուած «հոգեւոր եւ մարմնաւոր ազատութիւնն» ունէին միայն «բարեպաշտօն իշխաններն» եւ հոգեւորականներն ու վանականները: Սրանք էին իշխաններէից ստանում «պարզեւք դաւառաց եւ անդոց»: Իսկ աշխատաւոր ժողովրդի տնտեսական վիճակը ծանր էր: Այս մասին, ինչպէս ստիորաբար, անուշադիր են պատմագիրները, բայց ոչ մեր այլ զրական յիշատակարանները, առանձնապէս առակները, որ կը տեսնենք յետոյ:

Որ իշխանները հովանաւորում էին վանքերը, այդ միայն նրանց բարեպաշտութիւնից չէր բխում, այլեւ նրա համար էր, որ գիտութիւնը, ուսումն եւ իրականութիւնը, ինչպէս առաջ, հոգեւորականներն էին մշակում գլխաւորապէս վանքերում: Երեւելի են հանդիսանում բազմաթիւ վարդապետներ, որոնց մէջ իր կեանքով, իր ուսուցչական եւ իրական գործունէութեամբ փայլում է Մխիթարը, Գոշ (= քարձ կարճամօրուս) սւելի անունով. «Այսպէս կոչէին զնա մականուամբ, քանզի հեղգազոյն եկին ալիք նորա», րացատրում է Կիրակոս Գանձակեցին (էջ 208):

Նշանաւոր վարդապետներից է եւ Հաղարծին վանքի առաջնորդ Խաչատուր Տարօնեցին «Կիտութեամբ հոշակեալ, մանաւանդ երաժշտական արուեստիւ: Սա պայծառացոյց զսուրբ ուխտն՝ որում առաջնորդ էր ինքն, որ յառաջ քան զդպրն նորա՝ ամայի էր եւ խամբացեալ: Զսա պատուէր մեծապէս թաղաւսն Վրաց Գիօրդի, հայր Թամարին: Եւ եկեղեցւոյն ձեռնադրոյն իւրով ետ դերկուս զեւզան, զԱրտասանս եւ զՏանձուտն, եւ այդի մի ի Միջնաշինին... Սա երեք զխաղն ի կողմանս յարեւելից, զանմարմին եղանակսն ի մարմին անձել, զարարեալսն յիմաստնաց, որ ցայն ժամանակս չէ՛ւ էր սրբաբեալ ընդ աշխարհս: Սա եկեալ զրեաց եւ ուսոյց՝ բազմաց»<sup>1</sup>: Յաւօք, Կիրակոսը չի յիշում, թէ Խաչատուր Տարօնեցին ս'րտեղից էր եկել արեւելք, ո՛րտեղից էր բերել երաժշտական խաղերը, եւ ո՛վքեր են եղել դրանց հնարողները: Այդ ձայնանիշները շատ կիրառուում են հետադաշտում, բայց 18-րդ դարի վերջերից ի վեր մոռացութեան են տրուած, եւ այլեւս հնարաւոր չի եղել նրանց վերծանութիւնը, որով յայտնի կը լինէին մեր հոգեւոր երգերի հին եղանակները, որ խաղերով նշանակուած են ձեռագրերի մէջ: Խաչատուր Տարօնեցին եղել է նաեւ երգեցող եւ բանաստեղծ. նրա յօրինածն է եւ «Խորհուրդ խորին, անհաս, անսկիզբն» բառերով սկսուած երգը, որ աւելում է պատարապի արարողութեան սկզբում եւ շատ ծանօթ ու սիրուած է եղել նաեւ իր վտեմ եղանակի համար:

2. Մխիթար Գոշի կենսագրութիւնը:— Այս «մեծ վարդապետի» մասին կենսագրական տեղեկութիւններ հաղորդում է գլխաւորապէս Կիրակոս Գանձակեցին<sup>2</sup>: Նա Գանձակ քաղաքից էր: Ծնողները՝ նրան տուել են «յուսումն Գրոց սրբոց»: Զափահաս դառնալով նա ձեռնադրուել է կուսակրօն քահանայ: Տարիներ յետոյ ցանկանալով աւելի «հմուտ լինել Գրոց սրբոց եւ առակաց խորոց՝ որ ի նոսա», աշակերտել է Յովհաննէս Տաւուշեցի վարդապետին, որ իր գիտութեամբ երեւելի է եղել այն ժամանակները եւ տեղեցտեղ

<sup>1</sup> Կիր. Գանձ. Պատմ. Հայ., էջ 199 եւ հտ.:

<sup>2</sup> Անդ., էջ 195—205, եւ այլուր:

չըջելով քարոզութիւնն արել: Սրա, ինչպէս եւ մի քանի ուրիշներ ժամ սովորելուց յետոյ՝ Մխիթարն ստանում է վարդապետական աստիճան: Բայց նա չի բաւականանում իր առած ուսումով, այլ դնում է արեւմտեան կողմը, Սեւ լեռը, եւ չյայտնելով, թէ ինքն արդէն վարդապետական պատիւ ունի, ուսանում է այնտեղի վարդապետների մօտ եւ շատ օգտւում է նրանցից: Վերադարձին Մխիթարը Կարին քաղաքում ծանօթանում է Քուրթ իշխանի հետ, որ այնտեղ էր «սարտուցեալ ի թագաւորութենէ Վրաց»: Նա շատ սիրում է Մխիթարին: Թէ ե՛րբ եւ քանի՛ տարի է ուսում առնում՝ այս «հռչակաւոր եւ դիտութեամբ մեծիմաստ» վարդապետը, այդ յայտնի չէ: Երբ վերադառնում է իր հայրենիքը, — ասում է Կիրակոս Գանձակեցին, — նրա դիտութեանը համբաւը տարածւում է ամէն կողմ, եւ շատերը ժողովւում են նրան աչակերտելու: Բայց յետոյ նեղուելով մահմեդականներից՝ դնում է Խաչենի դաւաժը Հաթերքի իշխան Վախթանգի եւ նրա եղբայրների մօտ, որոնք մեծ պատուով ընդունում են նրան:

Քուրթ իշխանը Թամար թագուհու օրով վերադառնում է իր հայրենի «աշխարհն Կայենոյ եւ Մահկանաբերդայ»։ Թագուհին շատ մեծարում է նրան՝ տալով նրան նրա հայրենի տեղերը, այլեւ ուրիշ շատերը: Այս որ իմաստում է Մխիթարը, յիշելով իր հին բարեկամութիւնն այն իշխանի հետ՝ Հաթերքից դնում է նրա մօտ եւ բնակւում է Գետիկ վանքում, որ Կայենոյ դաւաժում էր, Աղստեւ գետի վրայ, գետի աջ կողմում (ոչ հեռու Դիլիջանից): Վանքի առաջնորդը, Սարկաւազ անունով, որ Մխիթարի աչակերտներից էր, ուրախութեամբ ընդունում է նրան: Վարդապետն այնտեղ մնում է երկաթ ժամանակ:

Աստիկ երկրաշարժից քանդւում է Գետիկ վանքը. միաբանները Մխիթարի խորհրդով չեն ցրւում, այլ Իւանէ Աթաբեկից խնդրում են մի «բարեփայտութիւն» տեղ, որ անուանւում էր Տանձուտայ ձոր, եւ այնտեղ հիմնում են մի նոր վանք — «Նոր Գետիկ»: Նախ շինում են երկու փոքր եկեղեցի, յետոյ 1191 թ. սկսում են շինել եւ հինգ տարում աւարտում են մի «մեծափառ եկեղեցի կոմածոյ վիմօք եւ զեղեցկաչէն արուեստիւ, զմէթալարի երկնաշրման, սխրալի տեսողաց»: Շինում են եւ եկեղեցու դաւիթ «զեղազարդ կոմածոյ վիմօք»: Վանքի շինարարութեան օդնում են Հաթերքի տէրը՝ Վախթանգ Խաչենեցին եւ իր եղբայրները, Քուրթ իշխանի որդիները եւ դուստրը՝ Արզու Խաթուն, որ Հաթերքեցի Վախթանգի կինն էր: Շատ օգնում են նաեւ Զաքարէն եւ Իւանէն, որոնք Քուրթ իշխանի քեռրդիներն էին: «Քանդի նորա սենէին դիշխանութիւն դաւառին, եւ զսուրբ վարդապետն [Մխիթար] յոյժ սիրէին. քանզի Զաքարէ խոստովանութեամբ որդի էր նորա հոգեւոր [ուրիշ տեղ, էջ 158. «էր հայր խոստովանութեան նմա»]: Եւ ընծայեցին եկեղեցւոյն սահման ջրադարձովք լեռնէ ի լեռոն, եւ բով մի յԱրասաձոր եւ զԶօրաձոր ի նահանգին Բջնոյ եւ զԱղաւս ի դլուկ վանացն»: Շինում են մօտիկում եւ երկու գիւղ, այլեւ ուրիշ շէնքեր: Այսպէս Քուրթ իշխանի մերձաւորներն առանձնապէս՝ հոգում են Մխիթար Գոչի վանքի համար: Նրա դուստր Արզուն ոչ միայն շատ օժանդակում է շինութեանը, այլեւ, ասում է Կիրակոս Գանձակեցին, «արար եւ վարադոյր զեղեցիկ՝ դստերօք իւրովք՝ ծածկոյթ սուրբ խորանին, զարմանալի տեսողաց, ի մաղոյ այլ

ծից կակղազունաց, ներկեալ պէսպէս եւ զանաղան, զորժ քանդակակերպ եւ նկարեալ պատկերօք, ճշգրտապէս հանուածովք, տնօրինականօք Փրկչին եւ այլ սրբոց, որ հիացուցանէր պոետողսն...»: Նա նոյնն անում է եւ ուրիշ եկեղեցիների ու վանքերի համար: Այսպէս, իշխոսների հովանաւորութեամբ զարգանում են վանքերը — այն ժամանակների կուլտուրական վայրերը:

Ինչպէս վերեւում ասուեց, Մխիթարի յիտնականութեան համբաւը մեծ էր. նրա մօտ հաւաքւում էին բազմաթիւ աշակերտներ զանազան կողմերից. ամէնքը փափագում էին տեսնել նրան եւ սովորել նրանից: Ինչպէս ինքը Մխիթարը վարուել էր մի ժամանակ, շատ վարդապետներ ծածկում էին իրենց աստիճանը եւ աշակերտելով նրա մօտ՝ նորից ստանում էին վարդապետելու իրաւունք: Նրա աշակերտներից ոչ սակաւներ հետապալում յայտնի են լինում իրրեւ վարդապետներ: Նա մեծ յարգանք էր վայելում ոչ միայն իր աշակերտներից, այլեւ երկրի իշխողներից եւ եկեղեցականութիւնից: Նա հեղինակաւոր էր շատ խնդիրների մէջ: Նրբ պատարագի համար շարժական սեղան ունենալու խնդրի առթիւ Ձաքարէն եկեղեցականների ժողով է գումարում Անիում, եւ Մխիթարը հիւանդութեան պատճառով բացակայում է, եկեղեցականներն ասում են. «Անհնար է մեզ առանց մեծ վարդապետին առնել զայդ», այսինքն՝ ընդունել շարժական սեղանը: Իսկ երբ Մխիթարին թախանձելով բերում են, Ձաքարէն դիմաւորելով նրան, ասում է. «որովհետեւ եկիր դու, ինձ ոչինչ է փոյթ զնոցանէ»: Նա Մխիթարին աւելի բարձր է դասում, քան եկեղեցականների համալումարը: Չնայելով դրան՝ նա չի մեծամրտում, եւ մարդահաճութիւն չի անում. նա բնաւորութեամբ համարձակ է եւ առանց քաջուելու մեղադիր է լինում Ձաքարէին, որ իշխանարար է դործում եկեղեցական խնդիրների մէջ: Բայց եւ նա հողացող է իր աղդի համար. պատրաստ է որոշ կրօնական ծէսերի մէջ զիջող լինելու, միայն թէ ազգային կորուստ չլինի: Նա բարի է եւ ներողամիտ իրեն մեղադրողների վերաբերմամբ եւ Ձաքարէի մօտ միջնորդում եւ սպասում է շատերին, որ զօրավարն սւղում էր իրենց տեղերից փոարել:¹

Եւ այսպէս շարունակ աշխատելով եւ ուսուցանելով՝ նա 1213 թ. վախճանւում է, իր աշակերտներով ու միտրաններով ջրջապատուած, եւ թաղւում է իր շինած վանքում: Նրա ծննդեան թուականը յայտնի չէ: Նա մեռել է հասնելով «ի խորին ծերութիւնն», «ալեւորեալ եւ յի աւուրիք»: Եթէ այսպիսի ծերութիւնն է 80-85 տարեկան հասակը, ապա նա ծնուած պիտի լինի շուրջ 1130 թուականին: Այս արեւելեան մեծ վարդապետը, ուրեմն, ժամանակակից է Ներսէս Շնորհալուն եւ Ներսէս Լամբրոնացուն, եւ ինչպէս սրանք դրականութեան մէջ փայլուն ներկայացուցիչներն են արեւմտեան հայութեան, նոյնպէս եւ Մխիթար Գոշն իր վարդապետական ու դրական դործունէութեամբ արտացոլումն է հիւսիս-արեւելեան հայութեան վիճակի 12-րդ դարում:

3. «Դատաստանագիրք Հայոց».— Մխիթարի կենսագրութեան վերջում Կիրակոսը գրում է, թէ «Եթող նա յիշատակ եւ արձան դերեզմանի զիրս մտախորհս յօգուտ ուսումնասիրաց»: Եւ նա յիշատակում է հետեւեալները՝ «Համառօտ մեկնութիւն մարդարէութեանն Երեմիայի», «Սուղ ինչ կանոնք», թէ ինչպէս եւ ինչպիսի կարգով պէտք է պատարագ անել, «Գիրք մի Ողբք

1 Կիր. Գանձ. Պատմ. Հայոց, էջ 157—168:

ի վերայ բնութեանս՝ ի դիմաց Ազամայ առ որդիս նորա, եւ ի դիմաց Եւայի առ դստերս նորա», «Գիրք մի յայտարարութիւն ուղղափառութեան հաւատոյ ընդդէմ ամենայն հերձուածողաց՝ ի խնդրոյ մեծ զօրավարին Չաքարէի եւ Կոբոյ իւրոյ», եւ «Թուղթք խրատականք»: Կիրակոսի յիշածներէից հետաքրքիր կը լինէր «Ողբը», բայց այս դեռ յայտարարուած եւ տպագրուած չէ: Զեռարկերի մէջ նրա սնունով կան եւ ուրիշ երկեր, որոնցից տպագրուած են «Աղօթքներ», «Ասուկք» եւ «Գաղափարներու շարք»: <sup>1</sup> Վերջին երկուսը Մխիթար Գոշի ամենակարեւոր գրական գործերն են, եւ այդ երկուսն եւս ժամանակի արտայայտութիւնն են:

Հայոց հին կեանքը մինչեւ 12-րդ դարը կամ 11-րդ դարի վերջերը առաջ չի բերել որեւէ աշխարհիկ իրաւարանական աշխատութիւն. եղել են միայն եկեղեցական կանոնները: Սրանցով եւ սովորոյթի աւանդական դիրքերով բաւականացել են եւ աշխարհիկ ֆէոդալները, մասնաւոր զոր, ինչպէս յայտնի է, նրանք եւս մասնակցում էին եկեղեցական կանոնադիր ժողովներին: Աշխարհիկ օրէնսդրութեան չդրուած լինելը բացատրուում է այնու, որ մեր դրաւոր դպրութեան սկզբից ի վեր շատ դարեր դրուած են չի ունեցել ազգային ինքնուրոյն պետութիւն: Բայց զարմանալի է, որ Բագրատունեաց թագաւորութեան օրով եւս, զոնէ հարիւրամեայ խաղաղ շինարարութեան դարում, չի զգայուել դրաւոր օրէնքների պահանջ, եւ առաջ չի եկել հայկական որեւէ օրինակ: Այս բացատրում է այնու, որ շատ վաղ վերջ տրուեց ընդհանուր հայկական պետութեանը, եւ կաղմուեցին մի շարք մանր, իրարուց անջատ տէրութիւններ, որոնք չէին կարող ընդհանուր օրինադրքեր հրատարակել: Այդ եկեղեցին, հոգեւոր իշխանութիւնը, շատ զօրեղ էր իր ազդեցութեամբ նրանց վրայ. ուստի շարունակում էին եկեղեցական կանոններով բաւականանալ: Անիի թագաւորութեան վերջին տասնամեակներում դեռ նոր պիտի հաստատանար սեփական ազգային օրէնքների պահանջը, բայց վրայ հասաւ հայկական սոցիալ-քաղաքական կեանքի քայքայումը, երբ այլեւս միջոց չկար այդ մասին խորհելու:

Այդպիսի աշխատութեան առաջին փորձը եղել է Այսուկայ որդի Դաւթի ձեռով. նրա «Կանոնները» կամ «Կանոնական օրինադրութիւնները» արտայայտութիւն էին հիւսիս-արեւելեան հայկական գաւառների առաջին բարգաւաճմանը վրայ թագաւորների հովանաւորութեան ներքոյ: Այդ դրութիւնն, ինչպէս տեսանք, պնդով դարգանում է, եւ առաջանում է Չաքարեանների իշխանութիւնը Հայոց երկրի մի ընդարձակ տարածութեան վրայ. միւս կողմից մեծանում եւ ուժեղանում է հայկական պետութիւնը Կիլիկիայում: Երկու կողմերում էլ կաղմոււմ են հայկական աւատական իշխանութիւններ նման սոցիալ-քաղաքական պայմաններով. տնտեսապէս եւ կուլտուրապէս ծաղկում են նրանք, եւ ձգտում են աւելի եւս բարեկարգուելու: Եւ ահա՛ միաժամանակ երկու կողմերում եւս զգացւում է անհրաժեշտ պահանջ

1 Մխիթարայ Գոշի Դատաստանագիրք Հայոց, Իրաւաբանական հետազոտութիւնը հանդերձ Ծանոթութեամբ Վահան Ծ. վարդապետի Բատումեանց, Վաղարշապատ, 1880. բարձր գնահատութեան արժանի մի հրատարակութիւն, ընդարձակ «Յառաջաբանութեամբ» (1—180 էջ), բազմաթիւ Ծանոթութիւններով եւ ձեռագրական այլ ընթերցողածներով:



աշխարհիկ օրէնքներէ: Պէտք էր զբաւոր օրինազրքի միջոցով հիմնաւորել եւ հաստատել ազգային պետութիւններէ մէջ արդէն դոյութիւն ունեցող իրաւական դրութիւնը: Արեւմուտքում այդ, ինչպէս տեսել ենք, աշխատում է դըլուսի բերել Ներսէս Լամբրոնացին Հայոց կաթողիկոս Գրիգոր Տղայի հրամանով, հետագայում Սմբատ Սպարապետը, իսկ Արեւելքում՝ Մխիթար Գոշը Աղուանից Ստեփանոս կաթողիկոսի հարկադրանքով: Բայց այդ՝ ոչ լոկ կաթողիկոսների մտքի ծնունդն էր, այլ ընդհանրապէս այն ժամանակի մատուրակներէ, մինչեւ անգամ Հայաստանի այն մասերում, որոնք դառնում էին մահմեդականներէ ձեռին: Վերջիններէս դատաւորները հայերի դատը չէին անում, «այլ գինդրողսն իրաւանց՝ առ իւրեանց օրէնսն առաքէին», դրում է Ներսէս Լամբրոնացին: Այս էր այլազգի իշխողներէ կարգը: Իսկ հայերը չունէին դատաստանագիրք, որով ըստ օրէնքների լինէր արդարադատութիւնը, եւ դրանից առաջանում էին դատի ժամանակ շահախնդրական վերաբերմունքներ դատաւորների կողմից: Ոստիները սլահանջում էին աղւսային դրաւոր օրէնքներ. եւ քանի որ այդ չկար, եւս դառնալով դիմում էին այլազգիներին: Այս դատարանական ծանր դրութիւնը եղել է եւ՛ Արեւմուտքում, եւ՛ Արեւելքում, եւ այս շատ խորը վիտակցում է Մխիթար Գոշը:

«Դատաստանագիրք»-ն ունի մի «Նախադրութիւն», որի առաջին զլխի վերնագիրն է. «Պատասխանի այնոցիկ, որ բամբասեն զմեզ ոչ ունել դատաստան»: Եւ ուրա նա հէնց սկզբից դրում է. «Հանդերձեալ զրել զգիրս դատաստանաց, յառաջ սլատասխանի տացուք նոցա, որք բամբասեն զօրէնսն Քրիստոսի, թէ՛ դատաստան ոչ կայ ի նմա. քանզի բազումք են որ զով են զայլազգիս, որպէս թէ՛ իրաւացի դատաստան ունին»: Մխիթարը կրօնաւորի ու մեկնաբանի վայել պատճառաբանութեամբ արդարացնում է դատաստանագիրք չունենալը, եւ յետոյ երկրորդ զլխի մէջ բացատրում է, թէ ինչ պատճառից դրուած՝ ինքը կամենում է «զրել դատաստանք»: Առաջին պատճառն այն է, ասում է նա, որ «բայցում անդամ լուաք բամբասանս յայլազգեաց եւ ի քրիստոնէից, թէ՛ բնաւին ի Քրիստոս օրէնքս դատաստան ոչ կայ»: Եւ նա թւում է տառնելիւս սլատառներ, որոնցից եօթներորդն է. «Զի մի՛ վասն ոչ գոյոյ դատաստան՝ երթիցեն առ այլազգիս ի դատաստան»: «Ութերորդ՝ տեսանեմք զի այժմ՝ ոմանք յեպիսկոպոսաց եւ ի վարդապետաց եւ ի քահանայից եւ ի զխաւոր աշխարհականաց եւ յիշխանաց զի աշտոանօք եւ կաշառօք եւ տգիտութեամբ թիւրեն զուղիղ դատաստանն: Վասն որոյ սակաւուք դրոշմել կամեցաք զգիրս դատաստանի, զի լիցի ի յանդիմանութիւն այնպիսեացն եւ յուղղութիւն»: Նա չի մոռանում ուրիշների նախատական խօսքերը. իններորդ պատճառաբանութեան մէջ դարձեալ ասում է, թէ իր դիրքը գրել է, որպէսզի «յամենայն ժամ ի ձեռս առեալ յիշեմք. եւ ցուցցուք այլոց ազգաց, թէ՛ դրոց դատաստանաւ վարիմք. որով ըմբերանեալք մի՛ կարացեն նախատել զմեզ»:

Մեծ վարդապետն իրեն ճնշուած է զգացել հայկական արդարադատութեան այլազգի վատթար վիճակից. «Ի բազում ժամանակաց տարակուսեալ լինէի վասն սորին իրաց ի նախատելն զմեզ մերոց եւ օտարաց, — դրում է նա:— Այլ եւ հարկեաց զմեզ յայս սիրեցեալ աշակերտն Սուրբ Գրոց Պաւղոս հարկեցուցիչ բանիւք, եւ ոչ կարացի առնուլ յանձն պատճառ ունելով զտգի-

առաջինն էլ զմարմնոյս տկարութիւնս»։ Բայց երբ Ստեփանոս կաթողիկոսը մի քանի անգամ ոտիպում է նրան կատարել այդ պործը, նա վերջը սկսում է այն։ Վերջին ժԱ. գլխի մէջ՝ «Յիշատակարան սակաւութեան» յայտնում է, թէ եւր (1184 թ.) և. ուր (Դասնոյ անապատում եւ Հոռոմաշէն վանքում) սկսել է դրել «Նախադրութիւն»-ը, և. որպիսի նեղութեամբ։ Այստեղ նա թւում է զփութարութիւնները՝ «անպարապութիւն, զի ընդ ստեամբ ախտա-  
ժէտիս. զմանկունս ունէի բանի. և. զպանդխտութիւն. և. զանտեղութիւն զըր-  
ջութեան... և. զսակաւութիւն զործեաց զծաղրութեանց, և. զպաշտու-  
թիւն մատենից, յորոց զնիւթս հաւաքել ի զէպ էր բանից»։

«Նախադրութեան» միւս գլուխների մէջ Մխիթարը պարզում է իր հայկացքը դատաստանական խնդիրների և. անձերի մասին, ինչպէս են դա-  
տապարութիւն, դատաւորներ, վկաներ, երգում, օրէնքների աղբիւրներ, և. այլն, և. վերջապէս մի ամբողջ գլուխ (Թ.) դարձեալ ժամանակի ցառա-  
կողմի մասին՝ «Յապապ թէ ո՛չ է պարտ քրիստոնէի երթալ յատեան անո-  
րինի, զի բազում է միջոցն, որպէս այժմ ցուցանէ բանս»։ Եւ Մխիթարը  
մանրամասն խոսւմ է հայի և. մահմեդականի հասկացութիւնների տարբե-  
րութիւնները։ Բայց չնայելով դրան, տաւում է նա, «զբազումս տեսնեմք  
այժմ, զի յորժամ ի հոգեւոր դատաստանս մեր գիտեն թէ ոչ արգարանսն՝  
գիմեն և. զնան առ. այլապիս, զի թերեւս նոցա դատաստանաւն յաղթեցեն»։  
ստիպոցն»։ Ուրիշ տեղ (գլ. Զ., էջ 28) գրում է՝ երբ դատաւորներն ուղիղ  
դատաստան չեն տնում, «Գալթակցին միաք տկարացն և. գիմեն առ. այլազ-  
գիմն երթալ ի դատաստան»։

Բուն դատաստանադիրքը կապուած է երկու մասից, առաջին՝ «Եկե-  
ղեցական կանոնք», և. երկրորդ՝ «Աշխարհական օրէնք»։ Թէ ինչպիսի աղ-  
բիւրներից և. ինչպէս է օգտուել Մխիթարը իր գիրքը յօրինելիս, այդ մասին  
կարեւոր չէ աշտակ կանոն առնել։ Միայն պէտք է նկատել, որ նա, ինչպէս  
«Նախադրութեան» մէջ յայտնում էլ է, աղբիւրների պակասութիւն է ունե-  
ցել, և. ինչպէս երեւում է, աղբիւրները մի անգամից չի ունեցել ձեռի տակ,  
այլ հետզհետէ, և. այդպէս էլ հետզհետէ օգտուել է գրանցից։ Ուստի նրա  
գրքում յօդուածների դատաւորութեան մէջ զգացւում է օրէնքների խմբա-  
ւորման նկատմամբ սրու ձեւական թերութիւն։ Գալով բոլանդակութեանը՝  
պէտք է տեսլ, որ թէեւ Մխիթար Գոշն օգտուել է օտար աղբիւրներից, բայց  
նկատել է անեցել և. հայկական ուղիւրութիւնն ու ազգային իրաւարանական  
աւանդութիւնները, և. յաճախ քննադատում է իր աղբիւրների յօդուածներն  
և. իր տեսակէտն է տալ քաշում. օրինակ՝ «Մխիթարը, ինչպէս պարզ երե-  
ւում է նորա Դատաստանադիրքից, ամենեւին չէ համակրում մովսիսական  
խիտ և. վրէժխնդիր օրէնքներին, և. ընտրելով նոցա միջից մեղմազոյնե-  
րը՝ ինքն անղապար կա'մ կերպարանաւորում է նոցա և. կա'մ թողնում է  
դատաւորի տրտա կամքին նոցա զործածելը կամ չզործածելը»<sup>1</sup>։ Այդ իսկ  
պատճառով նրա Դատաստանադիրքը հիմնականում ունի ազգային բնոյթ ու  
զարգացման խոսքութիւն ի հակադրութիւն նախորդ քաղաքական շրջանի

<sup>1</sup> Մխիթար Գոշի Դատաստանադիրք Հայոց. «Յուսալաքանութիւն հրատարակող  
Վահան Վ. Բատաթեանի», էջ 117։

«այլազգի», այսինքն մասմեղական իշխողները շահերը պաշտպանող օրէնքների, իրօք մասմեղական կրօնի, «զի նոքա ըստ իւրեանց կրօնիցն առնեն զգառաստան», գրում է Մխիթարը: Այդ ազգային-կրօնական ներհակութեան հետեւանքով «Դատաստանապարքի բոլոր յօդուածներում կարմիր թելի նման անցնում է ազգային խորութեան պարպարը, ուր հայը հակադրւում է «այլազգուն», ուր իրաւական դերակշռութիւնը պատկանում է հայութեանը, յանձին ֆէոդալական դատի եւ դրա համապատասխան չափով սեղմւում, սահմանափակւում են «այլազգիները» իրաւաբանական պաշտպանութեան միջոցները»:<sup>1</sup>

Մենք այստեղ, հարկաւ, չպիտի խօսենք այս նշանաւոր աշխատութեան առանձին յօդուածների մասին, բայց կը ցանկանայինք մի երկու կէտ բերել Առաջին մասի երրորդ գլխից, «Յաղագս դատաստանաց վարդապետաց», եւ այս նրա համար, որ «վարդապետ» բառը յաճախ յիշատակւում է մեր հին գրականութեան մէջ: Հայոց եկեղեցու մէջ վերջին դարերում դրեթէ չի գործածւում «արեղայ» բառը մէջնական, կրօնաւոր, որ ձեռնադրւում էր կուսակրօն քահանայ, միաժամանակ ձեւականօրէն ստանում էր վարդապետի կոչում: Այսպէս չի եղել հնումն, երբ «վարդապետ» նշանակել է «ուսուցսոյ», «ուսուցիչ» (գոկասը), եւ այդ անունը իրրեւ մի դիտական տիտղոս, կոչում՝ առանձին ծիսակատարութեամբ արւում էր արեղաներին: Դրանով նրանք իրաւունք էին ստանում ուսուցանելու, քարոզելու ժողովրդին, եւ իրրեւ նշան այդ կոչման՝ կարող էին ձեռներին պաւպան բռնել: Վարդապետացուի դիտական պատրաստութիւնը քննելուց յետոյ: Արդ՝ Մխիթար վարդապետացու գիտական պատրաստութիւնը քննելուց յետոյ: Արդ՝ Մխիթար Գօշն իր Դատաստանապարքի մի ընդարձակ յօդուածով (88—93) կանոնադրում է եւ վարդապետական կարգը. քաղենք սրանից մի քանի հետաքրքիր կէտեր.

1. Հէնց սկզբից տասն է նա. «Եւ վարդապետք եղիցին ըստ իրաւանց նախակրթեալք Հին եւ Նոր Կտակարանաց եւ կանոնական հրամանաց»: Ուրեմն վարդապետացուները, նախ քան իրենց կոչումն ստանալը, պէտք է վարժուած լինին եկեղեցական ուսումով:

2. «Յերկուց եւ յերկու վարդապետաց կոչեսցին ի պատիւ հրամանի, թէ եւ պատահի միոյ աշակերտի. եւ թէ ղկամս եպիսկոպոսի եւ կամ եւս առաւել պհայրապետի ընդ իւրեանս առնուցուն, նաեւ զիշխանի, բարիօք եւս գործիցեն. ապա թէ ոչ՝ ըստ օրինացն յերկուց եւ յերկուց հաստատեսցին: Իսկ ի միոջն ղկարգեալսն եւ ղանձամբ ընտրեալսն իրաւունք կացցէ դատաստանի լռեցուցանել. այլ ըստ օրինացն ղկարգեալսն պատուի»: Ուրեմն առնուողն երկու եւ երեք վարդապետ միասին պէտք է վարդապետական իրաւունք տային վարդապետացունին:

3. «Իսկ [սրբ] նախակրթեալք ի միոջն վարդապետէ եւ ամբարտաւանեալք՝ յայլմէ առնուցուն պատիւ հրամանի տրհամարհելով ղիւրն, իրա-

1 Խ. Սամուէլեան—Հին հայ իրաւունքի պատմութիւնը, հատոր Ա., Երեւան, 1939, էջ 80:

ւունք լիցին դատաստանի՝ ի նմանէ զուսեալն երկրորդել»։ Հետաքրքիր է հետեւեալ կէտը .

4. «Այլ զայնոսիկ որ հանդերձեալ իցեն կոչիլ յաշտիճան հրամանի, զհամար ուսման գրոցն արժան է պահանջել, թէ ո՛ւր եւ կամ յուսմէ՛ դատաւ [≡զգիրս] զիւրաքանչիւր ընթերցաւ ուսմամբ . եւ այս առ այնք լիցի, զոր է յազումս չըջեալ անդիտանամք ուսմանն . զի մի՛ պատրեալ անկատարաւ զպատիւ տուալ՝ բազում վնասս խակութեամբն գործիցեն»։ Ուրեմն մեծ զգուշութիւն էին բանեցնում, որ տղէտները չստանային վարդապետական կոչում։ Իսկ եթէ պատահեն կանոնների անհամապատասխան կերպով վարդապետ կոչուածներ, «զայնպիսին լռեցուցանել իրաւացի դատաստանաւ, տուեալ ի ձեռոնէ զբաւազանն՝ տայցեն ցուպ շրջողութեան»։ Այդպիսիներին, ուրեմն, պէտք էր արգելել քարոզութիւն անել։ Կան եւ ուրիշ կէտեր «վարդապետ կոչման մասին»։

Վերջապէս պիտի շեշտել, որ Մխիթար Գօշի այս մեծ աշխատութիւնը, իրրեւ միակ հայկական օրինադիրք, շատ տարածուած եւ գործածուած է եղել ոչ միայն Հայաստանում, այլ եւ հայկական դպրութեամբայրերում՝ Լեհաստանում, Խրիմում, Ինչպէս եւ Վրաստանում, ուր մտել է Վրացական օրինադիրքի մէջ եւ այստեղից իրրեւ նիւթ ծառայել ռուսական օրէնսդրութեան համար։ Դրանից օգտուել է եւ Հեթում թագաւորի եղբայր Սմբատ սպարապետը իր «Յապագս դատաստանաց թագաւորաց» օրինադրքի համար, որ կազմել է Կիլիկիայում։ Այսքան ահա մեծ է եղել այս մեծ վարդապետի աշխատանքը երկրի գործնական ու կուլտուր-ստամական նշանակութիւնը։ Դրանից օգտուել է եւ հայոց հոգեւոր իշխանութիւնն իր իրաւասութեան ենթակայ գործերի համար վճռահատում անելիս։

4. Առակներ։— Ն. Մառը,<sup>1</sup> որի սիրով կատարած երկարամեայ հետազոտութեանն է արժանացել մեր հին գրականութեան այս ճիւղն եւ որի շնորհիւ շատ բանասիրական խնդիրներ պարզուած են եւ ունենք Վարդանայ առակների մեծ խումբով պատրաստուած մի ժողովածու, — ցոյց է տուել, որ թէպէտ եւ նշույսի անունը չի գտնուում հայոց հին գրականութեան մէջ, բայց հայերը հնուց անտի ծանօթ են եղել նրա առակներին, որոնցից մի քանիսը յիշատակւում են մեր հին մատենադիրների մէջ։ Բացի այդ՝ մօտաւորապէս 7-րդ դարում հաւանօրէն ճարտասանութեան կամ քերթողական արուեստի գրքերից թարգմանել են Ոլիմպիանու առակները,<sup>2</sup> որ Եղոպոսի առակներից են հռետորական խմբագրութեամբ. այդ առակները, ըստ Ն. Մառի, թուով տասն հինգ են եղել, որոնց վրայ հետադաշուած աւելացել են նաեւ ուրիշները եւ դարձել են քսան եւ երեք։ Հաւանօրէն 6-7-րդ դարում

1 Ն. Մառ, Ժողովածու Առակաց Վարդանայ, մասն Ա., Ներածութիւն, Ս. Պետերբուրգ, 1889; Նոյնի, Ժողովածոյք առակաց Վարդանայ, մասն Բ., բնագիր, ՍՊԲ., 1838; Նոյնի մասն Գ., Առակներ, Ս. Պետերբուրգ, 1894:

Տե՛ս եւ՝ Ժողովածոյք առակաց Վարդանայ, թարգմ. Հ. Յ. Վ. Տաշեան, Վիեննա, 1900, Ազգ. Մատենադարան, ԼԶ:

2 Տե՛ս Ն. Մառ, Ժողովածու Առակաց Վարդանայ Ա., էջ 289, ծան. մի ձեռագրի նկարագրի մէջ:

Թարգմանուել է նաեւ «Բարոյախօս» (Ֆիդիոլոգ) կոչուած գիրքը,<sup>1</sup> որի հեղինակը յայտնի չէ եւ որի մէջ խօսուած է կենդանիների «բարոյքի», այսինքն բարքերի բնաւորութեան մասին: Այս գրքին ծանօթ են երեւում նոյնիսկ մեր կրօնիկ հեղինակները՝ Ալաթանդեղոս, Եգնիկ Կողբացի: Եւ ուրիշներ: «Բարոյախօս» եւ Եղուպոսի առակները, Ոլիմպիոնոսի սինունով, շատ սիրուած են եղել հնում հայ հեղինակներից: Հատ-հատ ուրիշ առակներ եւս յիշատակում են մեր հին հեղինակները:

Գրիգոր Մազիստրոսը, ինչպէս տեսել ենք նոմականից մէկի մէջ, պատուիրում է դպրոցներում աշակերտներին սովորցնել քերականութեան եւ ճարտասանութեան հետ նաեւ «առասուլիսավորութիւն», այսինքն՝ աշակերտներին դրել, անգիր անել եւ մեկնել տալ առակներ, որ եւ մի շատ յարմար վարժութիւն է եղել ստադաշտ մեկնաբաններ պատրաստելու համար: Առակների հայկական ժողովածուներ, սակայն, յայտնի չեն, իսկ ժողովրդագրական առակները մշակելու եւ նրանցից ժողովածուներ կազմելու մասին՝ մտածել անգամ կարելի չէ մինչեւ 11-րդ դարի կէսերը եւ աւելի եւս ուշ: Ժողովրդական առակները, որոնցից մի քանիսը պատահաբար մէջ են բերում հին հեղինակները, նոյն բախտն են ունեցել, ինչ որ մեր հին ժողովրդագրական բանահիւսութիւնն ընդհանրապէս: Դրա պատճառն այն է, որ գրականութիւնը գեռ եկեղեցականների ձեռին էր. իսկ եկեղեցականը, ինչպէս յայտնի է, իր կոչումով արդէն ընդունակ էր մշակելու թէկուզ մի խոնարհ գրական տեսակ, ինչպիսին առակներն են: Դրանք մեր գրագէտ եկեղեցականի կոմից ոչ միայն արհամարհուած են եղել իրրեւ գեղջիկական, ուստի եւ անորժէք բաներ, այլեւ իրենց աշխարհիկ բնաւորութեան պատճառով հայրածուած: Զանազան տեսակի զուլակութիւն անողների հետ, ինչպէս են՝ «հաւահմայք», «հացահմայք», «հաւահմայք», մերժուած եւ հաղորդութեան անարժան են համարել նաեւ «գրախուսք, գրատեսք, չըջողք տունէ ի տուն, հետաքրքիր, գրաչարարք առասուլիսաւորք»: Վերջինը վերաբերում է առականութեանին. հայերէն «առասուլիս» բառը, բացի իր իսկական նշանակութիւնից, դորձաձուծ է նաեւ իբրեւ առակ, ինչպէս որ սոյն կրկին նշանակութիւններն ունեն համապատասխան յունարէն *mythos*, լատիներէն *fabula* բառերը: Միւրեւ Պօշը գրում է յաճախ «խրատէ առակ», «յանդիմանէ առակ» եւ այլն, «Ոլիմպիոնոս առակներից» 3-րդի խրատական մասն սկսում է «խրատէ առասուլիս»:

Այսպէս ուրեմն, հնում հայրածուած են եղել ինչպէս զուսանները եւ ուրիշները, այնպէս եւ առասուլիսախօսները, այսինքն առականութեան:

Բայց եւ այնպէս կեանքը կանոն չի առնում: Հոգեւորականի համար, ինչպէս տեսանք, այլեւս անպատշաճ չի համարուում, թէկուզ ողբի ձեւով, երգել աշխարհային կեանքի բարիքները եւ երկրի, տառնձնապէս քաղաքների, ծաղկումն ու աւերումը: Նա սկսում է յորինել նաեւ նոր գրական տեսակներ: Ապա 12-րդ դարից սկսած՝ նա ինչպէս ուրիշ երկրներում, մշակում է նաեւ առակներ: Եկեղեցականն իր կոչումով ուսուցիչ էր, վարժ մեկնաբանութիւնների մէջ գործադրուող աշխարհաւարան ձեւին. նա ամէն

1 Տպագրուած են Միւրեւ Պօշի առակների հետ, «Առակք Միւրեւորայ Պօշի, Վահետիկ, 1854. ետեւից, էջ 167 եւ հտն. «Առակք Ոլիմպիոնոս»:

առասպելի մէջ էլ տեսնում էր այլաբանութիւն. ուստի բնական է, որ նա սիրէր խրատական այլաբանութիւնը: Եւ սիրելով այդ, հոգեւորականները վերջ ի վերջոյ սկսում են ժողովել ամէն տեսակի պատմութեան, որոնց տալիս են խրատական այլաբանութեան ձեւը, եւ որոնք մեր հին զրականութեան մէջ յայտնի են մի ընդհանուր առակ անուան տակ:

Առաջին հեղինակը, որի համար հազարիցում են, թէ զրել է առակներ, է Ներսէս Շնորհալին (1102—1173), որի համար Կիրակոս Գանձակեցին գրում է,<sup>1</sup> թէ «Արար եւ առակս խորհրդալար ի գրոց, զի փոխանակ առասպելաց զայն աստուցեն ի գինարբուս եւ ի հարստնիս»: Շնորհալու անունով մնացած էան 120 «Առակք վասն ուրախութեան մարդկան»: Դրանք, սակայն, ինչպէս տեսանք, ռանտորելով հանելուկներ են եւ ո՛չ առակներ:

5. Մխիթար Գոշի առակները:— Իսկական առակների առաջին ժողովոյն աւ խմբագրողն է Մխիթար Գոշը: Ն. Մառը կասկածում է, թէ Գոշի անունով յայտնի առակները նրանք՝ Մխիթար Գոշինը լինեն. բայց նրա կասկածը չի հաստատուած համոյիչ հիմունքներով: Որ Կիրակոս Գանձակեցին, — որը ոչ թէ Մխիթարի աշակերտն է, ինչպէս սխալմամբ դնում է Մառը (Ժող. մասն Ա. էջ 66 եւ հտ.), այլ Վանական վարդապետի աշակերտը եւ Մխիթարին ոչ ժամանակակից, — որ Կիրակոսը չի յիշատակում, թէ Մխիթարն առակներ է գրել, այդ, ի հարկէ, չի կարելի իրրել. հիմք ծառայեցնել, ինչպէս անում է Ն. Մառը, կասկածելու, թէ Մխիթարն է հեղինակ նրա անունով յայտնի առակների: Գանձակեցին նպատակ չի գրել Մխիթարի բոլոր երկերի ցուցակը տալ եւ ոչ նրա բոլոր երկերն էլ նա յիշում է, ինչպէս ի միջի այլոց նա չի յիշատակում նաեւ Մխիթարի «Դաստատանագիրք»ն եւս:

Մառի կասկածի համար, սակայն, իրրել հիմունք ծառայել է նաեւ այն, որ էջմիածնի Մատ. մի ձեռագրի մէջ (թ. 2238), — որ ժողովածու է զանազան երկերի (մասամբ ամբողջապէս արտագրուած, մասամբ հատուածօրէն), — ի միջի այլոց կայ վերջում Մխիթար Գոշի առակների վերջին մասը՝ «Առակք ստեղծականք», որի համար իրրել հեղինակ, վերնագրի մէջ զբրուած է Յովհաննէս Ծործորեցին եւ որի վերջում կայ հետեւեալ յիշատակարանը. «Եւ զվերջացեալս ի բարեաց զործոց զտարտամ գրիչս զՅոհ ծանօթ բանի եւ տեղեալ երգնկացի: Իսկ այժմ՝ Ծործորեցի: Աղաչեմ չմոռնալ ի բարիս զիս եւ զիման ամենայն: Ի թուականիս Փրկչին ՌՅԺԶ: Եւ զպիտակ պէսս Գրիգոր զվերջին զծօլ յիշել աղաչեմ»: Նոյն տեղում ներքին լուսանցքում. «Իսկ ըստ հայոց էձձԳ աւարտ եղև. զիրքս»: Ապա մի յիշատակարան եւս, որ, ըստ Ն. Մառի, ժողովածուն կազմողինն է: Վերեւում բերուած յիշատակարանից Ն. Մառը եզրակացնում է, թէ Ծործորեցին յիշուած ժողովածուն կազմողը չէ, այլ առակների արտագրողն է: Որ ժողովածուի մէջ Ծործորեցին զարձել է առակների հեղինակ, այդ իբր նրանից է, որ ժողովածուի մէջ սկզբնապէս առակների համար հեղինակ յիշուած չի եղել. այդ իբր նրանից է, որ Ծործորեցու արտագրածը, որից օգտուել է ժողովածուն կազմողը, այդպէս է եղել: Որ Ծործորեցու արտագրածի մէջ հեղի-

1 Կիր. Գանձ. Պատմ. Հայոց, թիֆլիս, 1909, էջ 140 եւ հտ.:

նակ յիշուած շի եղել, այդ էլ ցոյց է տալիս, որ Մխիթարի անունով յայտ-  
նի առակները հին ժամանակ անանում են եղել: Հետեւաբար, հետագայում,  
չառ ուշ ժամանակ, արտադրողներն այդ առակները վերագրել են Մխի-  
թարին:

Այսպիսի ենթադրութիւններով, սակայն, եւ այն հանդամանքով, որ  
առակների ձեւադրները յետին դարերի են, կարելի չէ անստոյգ համարել  
Մխիթարի հեղինակ լինելը: Բանը որ ենթադրութեան է հասնում, կարելի  
է շատ տեսակ-տեսակ ենթադրութիւններ էլ անել: Քանի-որ մեր ձեռքը  
չի հասել Ծործորեցոյ արտադրածը, կարող ենք ենթադրել, որ դա ունեցած  
է եղել Մխիթարի անունը, բայց սկզբի թերթը կարող էր մտնուած կամ  
պակտած լինել, ուստի եւ յիշուած ժողովածուն կաղճոյն առակներն անա-  
նուն գրած լինէր իր ժողովածուի մէջ: Կարող է ժողովածուն կազմողը,  
քանի որ բոլոր առակները չէր արտադրում, այլ միայն վերջին մասը, մո-  
տացմամբ չլինել առակների հեղինակի անունը: Նա կարող էր նոյնիսկ  
գրած լինել Մխիթարի անունը, եւ մի արտադրող մասնաւոր, կամ թէ անդու-  
շութեամբ Մխիթարի տեղ Ծործորեցի ղենել, եւ այն եւ այլն: Կարելի չէ  
յոյ էնթադրութեան վրայ հիմնուելով հարցական թողնել այդ առակների հե-  
ղինակի ով լինելը, կամ յետին դարերում գրչակների ձեռով աւելացրած  
համարել Մխիթարի անունը, որ կայ ամբողջական ձեւադրների վրայ, թե-  
կուց գրանք շատ հին չլինեն:

Թէ Մխիթարի անունով մնացած առակները նրանն են, այդ ցոյց է  
տալիս նրանց բովանդակութիւնն էլ, որ տանում է մեկ այն ժամանակը,  
«երբ հայերը պէս քաղաքական ազատութիւն ունէին եւ մահմեդականներից  
աւելի ուժեղ էին պոյում իրենց»: Եւ այդ հէնց Մխիթար Գոշի ժամանակն է,  
12-րդ դարի երկրորդ կէսին, երբ հայերը թէ՛ Արեւելքում եւ թէ՛ Արեւմուտ-  
քում — Կիլիկիայում շատ աւելի ուժեղ էին, քան մահմեդականները:

Կանգ տանե՞ք մի քանի ուրիշ հանդամանքների վրայ եւս: Այս առակ-  
ների հեղինակը շատ հմուտ մարդ է եղել, ինչպէս եղել է եւ Մխիթարը:  
Նա զիտակցարար վերաբերուելով իր պործին՝ հարկ է համարել մէկ-մէկ ծա-  
նոթութիւններ տալ իր կառարած պործի եւ ընդհանրապէս առակների մասին  
իրբեւ մի գրական տեսակի: Այդ ծանոթութիւններից հէնց իմանում ենք, որ  
այդ ժողովածուն իր տեսակում ժամանակով առաջինն է մեր մէջ:

Ամենից առաջ տեսնում ենք, որ առակներ ժողովելն ու գրելը դեռ  
անպատշաճ է համարուում. ուստի եւ հեղինակը բացատրում է, թէ ինչու է  
ինքը գրել. «Թէպէտ անըմբռն [անպատշաճ] ատացեալքը կարծի, սակայն  
թանձրամտաց առաւել ախորժելի երեւին, որոյ ազգաւ սակաւը յօժարա-  
ցաք գրել»: Ապա այդ պործն ուրիշները ծաղրելի են համարում, եւ հեղի-  
նակը խնդրում է, որ չծաղրեն իրեն: Ամէն անգամ որ մեր հեղինակները  
մի նոր բան են մտցնում գրականութեան մէջ, ստիպուած են կամ ազա-  
պուցել, թէ թոյլատրելի է իրենց արածը, կամ խնդրել, որ չծաղրեն ի-  
րենց: Այսպէս, Կորիւնը մեր գրականութեան սկզբում դեռ ստիպուած է  
երկար ու բարակ տալացուցել, թէ ո՛չ միայն թոյլատրելի է, այլեւ հարկա-

ւոր է Մեհրուպ Մաշտոցի նման մարդկանց վարքը դրել: Ներսէս Շնորհալիքի իր «Ողբերգութեան» յիշատակարանում ստիպուած է ապացուցել, թէ կարելի է մեր այժմ սովորական դարձած տաղաչափութեամբ, որ այն ժամանակ զործածւում էր միայն աշխարհիկ երգերի համար, բանաստեղծութիւն յօրինել նաեւ հոգեւոր բաների մասին: Յովհանն Մամիկոնեանի «Ժողովրդական զրոյցներից ու երգերից խմբադրելով «Տարօնոյ պատերազմը», վերջը գրում է. «Յորժամ զչարագրութիւնս զայս ընդօրինակէք մի՛ ինչ թուեսցի ծաղրումեք»... Նոյնիսկ Մխիթար Գոշն իր «Դատաստանագրքի» համար, որ նորութիւն էր մեր դրականութեան մէջ, գրում է. «Եւ արդ մի՛ ոք պարտաւեսցէ զասացեալս, զի թէ տխմար ոք իցէ՝ ուսցի, եւ թէ կատարեալ՝ զպահանքի սմանէ ինքն լցցէ»: Ղերկացունցն պատրաստ եմք սիրով ընդունել զկաման»: Ճիշդ այսպէս եւ նայն Մխիթար Գոշն առակաների համար գրում է՝ վերջաբանում. «Եւ արդ մի՛ ոք ծաղր տոնիցէ զմեզ՝ զի տոնու ի սոցունց ի զլուցատրութիւն եւ յասացուածս ի դէպ համարեցաք, քան զաշխարհականացն վարիլ սովորութեամբ: Եթէ հաճոյ սմանց թուիցի, տեսնո չարս՝ ասպ թէ ոչ, թողութիւն մեզ արասցէ սիրով նորին» (էջ 153):

Մեծ դժուարութեամբ ուրեմն, նոյնիսկ առակի տեսուիլ մօտ է գործում եկեղեցականի դրականութեան մէջ: Դա ծաղրի առարկայ է, զի դրա առասպելն աշխարհիկ բնաւորութիւն սւնի. եւ եթէ եկեղեցականը մշակում է այն, որովհետեւ թանձրամիտներին ախորժելի է առակաների առասպելը, եւ զբանով հեշտ է սովորեցնել ու կրթել:

Մխիթար Գոշն առակաների մէջ տեսնում է բնականաբար երկու մաս. բուն պատմութեամբ եւ խրատական եզրակացութիւնը:

Պատմութեամբ, — որ նա կոչում է առակ, գաղափար, օրինակ, եղանակ եւ այլ բառերով, — ըստ Մխիթարի՝ լինում է երեք տեսակ՝ բարոյական, առասպելական եւ ստեղծական: Բարոյական առակաները (բարոյք, բարք և բնութիւն բոսից, որից եւ «Բարոյախօս» գրքի կոչումը) առնուած են կենդանիների բարքից, բնաւորութիւնից կամ բոյսերի յատկութիւններից եւ շատ քիչ ունեն կամ բնու չունեն զործողութիւն: Առասպելական առակաների մէջ պատմութեամբ վերաբերում է կենդանիներին, երբեմն եւ բոյսերին, իբրեւ գործող անձերի. իսկ ստեղծական առականերն առնուած են մարդկանց կեանքից, զործող անձերը մարդիկ են:

Խրատական եզրակացութիւնը, — որ հեղինակը կոչում է՝ խրատ, նշանակ, ճշմարտութիւն եւ այլ բառերով, — երկու տեսակ է՝ աշխարհիկ եւ եկեղեցական. «Դիցուք եւ սակաւուք առակք ստեղծականք, որ նման ասացելոցն կերպարանէ զճշմարտութիւնն աշխարհօրէն եւ եկեղեցականապէս» (Մխ. Առ., եր. 128):

Առակաների երկու մասերից հոգեւորական հեղինակի համար բնականաբար աւելի կարեւոր արժէք ունի այս երկրորդը, խրատական մասը, այն էլ աւելի եկեղեցական մեկնութեամբ, որովհետեւ հեղինակը ցանկանում է, որ խօսակցութեան ժամանակ մէջ բերուեն այդպիսի մեկնութեամբ առականեր, քան աշխարհականների սովորութեամբ վարուել, այսինքն առակաները լոկ աշխարհական մեկնութեամբ պատմել: Ուստի խրատները մէջ կարեւոր տեղ բռնում են հոգեւոր խրատներն ու հոգեւոր առաքինութիւնները: Բայց



Մի խիթարի նման մէկը չէր կարող անուշադիր մնալ դէպի կենցաղական խրատը, առօրեայ ընկերական յարաբերութիւնները, սոցիալական եւ ազգերի յարաբերութեան եւ նման խնդիրները կամ «Ճշմարտութիւնն աշխարհօրէն»:

Մի անգամ որ Հեղինակի համար առակի մէջ էականն է առակի «Ճշմարտութիւնը», ուստի եւ նա առակը մշակում է այնպէս, որ կարեւոր տեղ թոյնի «Ճշմարտութիւնը»: Կը նշանակէ՝ առակը յորինում է ոչ իբրեւ ինքնուրոյն բանաստեղծական տեսակ, այլ իբրեւ մի ուսուցչական, դիդակտիկական երկ, որ նպատակ ունի ակորժելի ձեւով խրատել եւ ազդել: Դրա համար առակի առասպելն այնպէս է յորինւում, կամ փոփոխւում (երբ ուրիշ ազբերները է առնուած), որ յարմարուի բարոյակրթական մասին, կամ դործողութիւնն այնպէս կարճ է պատմւում, որ երբեմն նոյնիսկ խրատական մասն աւելի մեծ տեղ է բռնում, քան պատմուածքը: Ուստի սակաւ ենք գտնում բանաստեղծական նկարչութիւն, կենդանիների եւ մարդկանց բնաւորութեան էական դժերի բնորոշում եւ ոչ էլ միշտ արագ եւ ուժեղ դործողութիւն ենք գտնում սեղմ ու սլաքաւ պատմուածքի մէջ, որ գեղարուեստօրէն յորինւած առակների կենդանութիւնն է կազմում: Արդարեւ Մի խիթար Գոչն էլ սեղմ ու հակիրճ է, բայց ոչ միշտ պայծառ ու կենդանի: Սովորաբար մի երկու ընդհանուր դժեր է աւելի նա եւ ապա խփոյն անցնում է խրատին: Երբեմն էլ պատմուածքն այնքան կարճ է եւ այնպիսի, որ դժուարութեամբ կարելի է եզրակացութիւն հանել, կամ հանած եզրակացութիւնը շատ թույլ կապով է կապւում պատմուածքին, կամ համապատասխան չէ նրան:

Հեղինակը, սակայն, իր խրատը բաւական չհամարելով՝ դեռ գրում է. «Ձառեալ նշանակալ. չափաւորապէս համեմատեցաք՝ պատճառս տալով տեսողաց բանին նմանապէս զթերին լցուցանել» (էջ 30): Կը նշանակէ՝ Մի խիթարն առակն ասողին ազատ է թողնում մեկնութեան թերին լրացնել, ճիշդ ինչպէս նա իր Դատաստանադրքի «կատարեալ» ընթերցողի համար եւս ասում է, թէ՝ «ղափական ի սմանէ ինքն լցցէ»: Այստեղ էլ, ուրեմն, առակների եւ Դատաստանադրքի հեղինակը նման ձեւով է մտածում:

Բնականաբար պիտի սպասենք, որ Մի խիթար Գոչն առակների մէջ եւս նայն հայեացքն ունենայ դատաստանի մասին, ինչ որ Դատաստանադրքի մէջ: Այստեղ նախադրութեան մէջ (էջ 28) պատուիրում է, թէ՛ դատաւորները պէտք է «ուղիղ դատաստան անեն» եւ ապա (էջ 32) գրում է. «Եւ թէ ոսոխքն յատենի անդ բանակոխ լիցին՝ մի՛ տայցեն թոյլ, այլ սաստեսցեն... Ուսցին եւ դատախաղքն, թէ ոչ վասն վիճոյ դան յատեանն... ըստ կարգի տայցեն խօսել ոսոխացն»: Այս երկու դադսփարն էլ, դատաւորի արդար մարդ լինելու հետ միասին, արտայայտուած ենք գտնում մի առակի մէջ:

Հաւաքւալ զբոյն տատրակի քակտեալ եւ իւր շինեալ. եւ եղեւ նոցա երթալ առ արդարն արագիւ ի դատաւորան, եւ անդ զմիմեանս նախատէին եւ պարծէին, տատրակ ողջախոհութեամբ կրօնաւորութեամբ. եւ հաւաքալ պաճօք քառասնօրէիւք. եւ նախատին ոմն կեղծաւորութեամբ, եւ ոմն զայլոց ուտելոյ զվաստակն: Բսկ դատաւորն երկուցն սաստէ եւ հարցանէ զհաւաքալ, թէ ընդէ՞ր քակտեցիր: Եւ նա ասէ. Շինուածու նշան ինչ ոչ տեսի, եւ վասն այն առի ինձ: Հարցանէ դարձեալ. Դո՞ւ էիր եղեալ զոր առեր: Եւ

նա ասէ՝ ոչ։— Եւ կամ ո՛չ էր երկու հեծան եգեալ եւ դերայ միտեանց։ Եւ ասէ՝ եգեալ էր։ Հրամայէ անդրէն դարձուցանել, նա եւ տուգանս եւս տալ։

Ձդատաստանն օգիիդ հրամայէ առակս դտուել, եւ ոչ յայտնի մեծաբանել, եւ կամ Թշնամանել գմիմեանց դատախազաց։ Եւ դարձեալ զի զոր չեցեմք եգեալ՝ ուստի ցանէ չառնուել, եւ զշինուածս յայլոյ՝ թէ եւ յոռի իցէ, չքակել։ (Մկ. ճն. 118)

Այստեղ ուրեմն, տեսնում ենք, թէ ինչպէս ոտոխները՝ Հաւրայն ու Տաւրաղը, դատաստանի են գնում արդար Արաղլի մօտ. բայց նրա առաջ իրար նախատում են, իրար հետ վիճում են եւ ամէն մէկն իր արժանաւորութեամբ պարծենում։ Դատաւորն երկուսին էլ սատարում է, ոպա հարց ու փորձ անում եւ դատաստան կտրում։

Տեսնենք մի ուրիշ դիժ էլ։ Դատաստանադրքի մէջ (Նախադրութիւն, էջ 29) Մխիթարը պատուիրում է, թէ «Դատաւորն մի՛ լուիցէ պոսոխին կամ զդատախազին բանն միայն»... Այսինքն նա մէկ կողմը միայն լսելով՝ չպիտի դատ անի։ Առակներից մէկի մէջ ասում է, թէ անընտրող դատողները՝ լինեն թաղաւոր, իշխան, դատաւոր, թէ եկեղեցւոյ աստճնորդ, «անփորձապէս դատապարտեն», այսինքն առանց քննելու դատապարտում են նոյնիսկ արտաքին տեսքից կամ համբաւից (այսինքն ուրիշներից լսելով)։ Եւ առակախօսը պատուիրում է, թէ չպէտք է «ի տեսչենէ կոմ ի համբաւէ դատել» (Մխ. ԺԸ. 19)։

Նկատենք եւ հետեւեալը։

Մխիթար Գոշի առակները, որոնց թիւը 190 է, խմբադրուած են, ինչպէս վերեւում ասացինք, մի շատ հմուտ մարդու ձեռով, ինչպիսին իրօք եղել է Մխիթարը։ Դրանց համար նա օգտուել է եզրպոսի առակներից ու Բարոյախօսից, ինչպէս եւ այլ գրաւոր աղբիւրներից ու ժողովրդական առակներից։ Անպայման կան եւ այնպիսիները, որ հեղինակի իրեն ստեղծածն են։ Նա, ինչպէս երեւում է, մեծ նիւթ է ունեցել ձեռի տակ, բայց ամէն ինչ որ ունեցել է, չի գործադրել. «Զբաղումս ի գիտելեաց եւ յանգիտելեաց թողաք իրր համադօրս յօրինակս եւ յառակս» (էջ 29)։ Բայց ամէն ինչ, որ նա առել է իր ժողովածուի մէջ՝ շատ սրու կերպով դատաւորել է ըստ նիւթի, այսինքն՝ ըստ գործող անձերի, նախ՝ երկինք ու երկիր եւ երկնայիններ եւ ապա՝ բոյսեր, լեռներ, կենդանիներ ու մարդիկ։ Ամբողջի մէջ երեւում է մի մտածող, կարգ ու կանոն սիրող մարդու ոգին։ Այսպիսի միակերպութիւն չունեն Վարդանայ առակները, որոնք եւ մի մարդու գրչից չեն գուրս եկած եւ ոչ էլ մի դարու արդասիք են։

## ՎԱՐԴԱՆ ԱՅԳԵԿՑԻ ԵՒ «ԱՌԱԿԻ ՎԱՐԴԱՆԱՅ»

1. Վարդան Այգեկցի։— Մեր հին գրականութեան հարստութիւններից մէկն է կազմում եւ «Վարդանայ առակները»։ Սրանց նախահայրն է Վարդան Այգեկցին, որ Մխիթար Գոշից մի սերունդ կրտսեր է. Մխիթարը վախճանուել է 1213 թ. խորին ծերութեան հասակում, իսկ Վարդանն այդ ժամանակ արդէն տարեքաւոր է եղել եւ անուանի՝ իր բանաստեղծական քարոզներով։ Ծննդեան եւ մահուան թուականը յայտնի չէ. ապրել է 12 եւ 13-րդ դարերի մէջ։ Ծնուել է մի բաղմանդամ ընտանիքում, հին Տլուք

դաւառի Մարաթա անունով մի բնակավայրում . ինքն իր մասին յայտնում է , գրելով . «սղորմելի Վարդանս որ ի Մարաթայոյ» , որ է՝ ի Մարաթայոյ : Սովորել է Կիլիկիայի Արքակաղին վանքում (Սսից Հիւսիս , մի լեռան վրայ) , որ մի ժամանակ եղել է կաթողիկոսական աթոռանիստ : Այդ ժամանակ եւ մօտիկ ծանօթացել է մի քանի իշխաններին՝ «յոյժ ծանօթացաք նոցա սիրով Աստուծոյ» , — գրում է նա :

Այնտեղ նա ոչ միայն կատարելադործել է իր ուսումը , այլեւ մշակել է իր համար դարին համապատասխան որոշ աշխարհայեացք յատկապէս դասակարգային յարաբերութիւնների վերաբերեալ : Իր թղթերից մէկում յայտնում է , թէ նուէր պիտի տալ սեփական աշխատանքով ձեւ բերածը միայն , որ Աստուծուն ընդունելի լինի . բայց իշխաններին այդ վիճակուած չէ . «Քանզի վա՛յ է զնա որ իշխան կամ առաջնորդ կացուցանեն յայս չար եւ ի դառն ժամանակիս : Զի թէ մեք որ սակաւ ունիմք զկարիքն , եւ իշխանութիւն եւ կարողութիւն ոչ ունիմք , բայց փոքր ի շատէ առանց զըրկանաց ո՛չ կարեմք մնալ , ապա վասն նոցա զի՞նչ ասացից , որ ունին զիշխանութիւնն եւ զկարողութիւնն եւ զբաղում կարիքն եւ զաւելորդն եւ զբաղում ծախքն , զոր բազում անգամ տեսայ չըջնելով ի մէջ նոցա : Եւ ազաշանաւք ամենայն սրբոց թողցէ Աստուած նոցա եւ մեզ ողորմութեամբ իւրով , քանզի մարդիկք եմք զիւրակործան» : Իշխանների ստացուածքն , ուրեմն , «զրկանքի» վրայ է հիմնուած . եւ այդ ասում է նա իրրեւ . իրականութիւն : Ինչպէս Եղիշէն Յազկերտ թարգմտորի չարութեան մասին խօսելիս՝ ասում է . «Թէպէտ եւ ոչ ունիմք հրաման բամբասել զիշխանն , բայց եւ ոչ զովորդ կարեմք լինել տշմիկ՝ որ աստուածամարտն լինիցի . այլ զանցս իրացն պատմեմք . . . ոչ բամբասէր մտօք , այլ ճշմարտութեամբ զեւս իրացն ասելով» , նոյնպէս եւ Վարդանն սկզբից դնում է , թէ իր ասածը բամբասանք չէ . «Եւ զայս ասելով ոչ եթէ բամբասեմ զիշխանն , քա՛ւ եւ մի՛ լիցի այս . զի զրեալ է , թէ մի՛ բամբասեր զիշխան ժողովրդեան քո : Այլ սղորմելով նոցա՝ զչարութիւնն սատանայի ցուցանեմ ձեզ» : «Աստուծոյ չարութիւնն» իշխանների ձեռով :

Եւ տեսէք , թէ նա ի՞նչ պրտանքով է վերաբերում դէպի մի իշխանի կէս զահեկան չարավատտակ նուէրը , որ նա տուել է ընդհանուր եղբայրութեանն Արքակաղին վանքում : Նա զիշխուր երազներ է տեսնում . այդ մասին . «Զառաջին [երազը] յորժամ առի [նուէրը մի իշխանից] , տեսայ ի նմին գիշերի . եւ ա՛հա լցաւ բերան իմ յանկարծակի դողրելի աղբով , եւ ոչ կարէի թափել զնա ի բերանոյ իմմէ . եւ իմ խնդրեալ անբայթ տեղի՝ փոխեցի զնա , եւ զութ աւրն ոչ փարատէր հոտ դարչութեան նորա ի քմաց իմոց : Այս յուսմանն ի ժամանակն եղեւ ի սուրբ ուխտն յԱրքակաղինին : Եւ տուրք իշխանին էր կէս զահեկան , զոր ետ հասարակաց եղբայրութեանն» :

Որ իշխանի տուրքը բոլոր եղբայրութեանը՝ Վարդանն է առել , այդ ցոյց է տալիս , որ նա Արքակաղին վանքի եղբայրութեան անդամներից մէկն է եղել եւ , հաւանօրէն , մի պաշտօնատար : Իր կեանքի այդ շրջանից արդէն նա եղել է կրօնաւոր : Նրա հետագայ կենսագրութեան մասին չկան տեղեկութիւններ . չի ստուգուած նրա «Ամթեցի երէց» լինելը , եւ իր «Ծխականները» կամ «ծուխն» ունենալը նախ Ամիդում , յետոյ՝ Տլուքում : Եթէ նա

«երէց» էլ եղած լինի, անշուշտ եղել է «վանական երէց», այսինքն կուսա-  
 փրօն քահանայ, թէ չէ՝ նրան սովորաբար անուանում են «Վարդապետ»։  
 Իրրեւ այսպիսին նա եղել է քարոյիչ, ոչ անպաճման մի վանքում նստած .  
 վարդապետները քարոյելով չըջում էին եւ տեղից տեղ աշխարհականների  
 մէջ։ Ծերութեան հասակում երիտասարդ կրօնաւորներին ուղղած մի խրա-  
 տի մէջ՝ նա գրում է. «նոյնպէս եւ ես, ո՛վ որդեակք, ի մանկութենէ՞ մինչեւ  
 ի ծերութիւն չըջեցայ ի մէջ աշխարհի [=աշխարհի մարդկանց] եւ տեսի  
 բազումս դմեցաւ մեծամեծս, եւ անշատի լուսւյ ծածկաբար ի գործսդացն դա-  
 րբս. նաեւ ուսայ յաստածեկէն զրոյց ուրոյ ոչ գոյ թիւ»։ Մանկութիւնից  
 (=երիտասարդութիւնից) մինչեւ ծերութիւն նա չըջել է, անշուշտ, իրրեւ  
 քարոյիչ վարդապետ։ Որ նա գրում է. «Անշատի լուսւյ ծածկաբար ի գոր-  
 ծոցացն դարս», ալք նա ծածուկ լսել է իրրեւ խոստովանահայր։ Դրանից,  
 առկա՞ն, պէտք չէ հետեցնել, թէ նա ծխատէր քահանայ է եղել. խոստովա-  
 նահայր լինում էին եւ վարդապետները։ Նա, ինչպէս ընդհանրապէս վարդա-  
 պետները, ունեցել է եւ իր «բնիկ ժառանգութիւնը», այսինքն բուն, իսկա-  
 կան վիճակը, քարոզչութեան թեմը «Կիւրխոյ երկրում», «Տլքոյ գաւա-  
 ռում», կենտրոն ունենալով իր հայրենի Մարաթան։ Այստեղ, այս կոյմե-  
 րում 11-րդ դարից ի վեր կազմուած էին հայկական մեծ գաղութավայրեր .  
 աշտեղ՝ Տլք գաւառում էր եւ կաթողիկոսական Ծովք բերդը։ Բնական է,  
 որ Ծովքից կաթողիկոսական աթոռի տեղափոխութիւնից յետոյ՝ նոյն գա-  
 ւառում եղել է հայկական հպուստի իշխանութիւն եւ պէտք է եղել նաեւ մի  
 քարոյիչ վարդապետի։ Թէ ինչպիսի՞ հայ ընակչութիւն է եղել այն գաւա-  
 ռում եւ նրա քարոյներն իրենց բովանդակութեամբ որպիսի՞ աղերս են  
 ունեցել տեղական ժողովրդի կեանքի հետ, այդ պարզուած չէ։ Նա մի քա-  
 րոյի մէջ դիմում է եւ արանց եւ կանանց («Դուք՝ դասք արանց», «Դուք  
 դասք կանանց») եւ տառնձին խրատներ տալիս նրանց. կանանց յորդորում  
 է, որ հնազանդ լինեն եւ հոգատար, իսկ արանց՝ որ սիրեն իրենց կանանց եւ  
 քաղցրութեամբ խրատեն նրանց, զի նրանք կարճամիտ եւ տկար են։ Բայց  
 սրանք քարոյչական ընդհանուր տեղիներ են։ Նոյնպէս սովորական է լոն-  
 դիմանել կանանց, նրա համար որ զարգարւում ու պճնւում են, երեսները չը-  
 պարում, ունքերին դեղ դնում, որպէսզի ղեկեցկանան ի դալթակղութիւն  
 երիտասարդների, կամ ղեկերով իրենց զրկում են երեսայ բերելու ընդու-  
 նակութիւնից, եւ նոյնը սովորեցնում ուրիշներին։ Մի ուրիշ ճառի մէջ նա  
 դժուարի տանջանքներով սարսափեցնում է վաշխառուներին, մշակների վար-  
 ձը կարողներին, նրանց, որ զրկում են որբերին, այրիներին ու տնանկներին  
 կամ խարում չափ ու կշռի մէջ, նրանց, որ կաթի ու զինու մէջ ջուր են խառ-  
 նում եւ այնպէս ծախում։ Այս ամէնն էլ սովորական, նոյնիսկ աստուածա-  
 շընչեան մոտիւններ են։

1 «Յաստուածային սուրբ գրոց խրատք վարուց առաքինութեան կարծի կարճոյ  
 եւ համառատ միայն զբանիցն գրել ողորմեւոյս Վարդանայ որ ի Մարաթոյ, եւ  
 այժմ ի ձորս Սուրբ Լեւոնի միանձանց առ մանկագոյնս կրաւնաւորս որ գան ի կարգս  
 կրաւնաւորութեան եւ կամ միանձնութեան ի ծերսդ վիմաց»։ Ն. Մառ, Ժողովածու  
 Առական Վարդանայ, Մասն Ա., էջ 297 (ռուսերէն)։

Եթէ այդ բովանդակութեամբ ճառերն առուել են Տլուքում, կարելի է դրանից հետեւցնել, ինչպէս վարուել է Ն. Մառը, որ այնտեղի հայ դաւանութիւնը չի եղել մի խուլ անկիւն, այլ մի առեւտրա-արդիւնաբերական հաբուստ կենտրոն եւ Վարդանի այդ քարոզներն ուղղուած են հաբուստ քաղաքացիներին եւ վաճառականներին դէմ:

Ճառերի այդպիսի բնոյհանուր բովանդակութիւնից կարելի է ենթադրել, թէ դրանց համար այն շնորհալի քարոզիչը հալածանքի է ենթարկուել եւ ստիպուած է եղել իրրեւ հարածական հեռանալ կամ փախչել իր բնիկ գաւառից ու հայրենի Մարաթա գիւղից: Դրա սրտածառը թաքնուած է, հաւանորէն, քաղաքական յեղեղունի գրութեան մէջ, կամ զուցէ մի ծանրակշիռ հարցի շուրջը սաստիկ բնոյհարման մէջ տեղի իշխողների հետ: Երկու տարի նա նիթական նկատութեան մէջ է ընկնում:

Պապոն իշխանի համար 1212 թ. դրած քաներկու ճառ աշխատութեան մէջ տեսնւում է. «Եւ այլ յայժ ծանոր եղեւ մեզ, զի երկու ամ է [ի] դրացումն աշխարհի էաք եւ ոչ ընդերձուն [ընթերցումն] դրոց. քանզի բունն է կարեք մարմնոյ յորժամ պակասէ. զի հարածական եղաք ի բնիկ ժառանգութենէ մերմէ յերկրէն Կիւրիսոյ եւ ի գաւառէն Տլքոյ եւ եկաք յԱյդեկա, եւ Աստուած ի բարի աջակաց պամենայն զսրծս մեր եւ զպէտս մարմնոյ, իսկ ի հիմն ուսմանէ յիշեալ հասաքցի... Հայոց սկա [=661+551=1212], եւ էր թաղաւոր Հայոց Լէոն Ընդերնեան՝ ի Կիւրիկիայ...»<sup>1</sup> Ուրիշ տեղ նա սոյն ճառի համար գրում է. «Ի չորրորդ ամի զաւատեան մերոյ ի Մարաթա ի սուրբ լերինս յԱյդեկա. եւ եզի ի դիւս զոր զրեցի ճառս իր. [=քան եւ երկու] ի խնդրոյ թաղաւորացն իշխանին որ կոչի Պապոնն»: Այս «չորրորդ ամն» է 1212 թուականը, երկու տարի էլ նկատութիւն է կրել մինչեւ Այդեկում տեղաւորուելը, ուրեմն նա իր հայրենի Մարաթայից, Տլուք գաւառից հալածական է եղել 1206 թուականին:

Շատ հաւանական է, որ իր ծանօթ թաղաւորացն իշխան Պապոնի (Բարդիլինի) հովանաւորութեամբ յաջողուել է Վարդանին դառնալ միաբան Սուրբ լեռան կամ Սեւ լեռան վրայ 12-րդ դարի վերջին քառորդին հիմնուած Այդեկ կրօնաստանի: Այստեղ էլ Վարդանը երկար, զուցէ մինչեւ կեսնքի վերջը, մինչեւ խորին ծերութիւն տալը է, ուստի կոչուել է «Այդեկցի»: 1229 թ. նա գեւ կենդանի է եւ աշխատում է ըստ մի գրութեան:

Այստեղ ալս «անապատում» կամ «սուրբ ուխտում» նա սրառալել է զլիաւարապէս զրականութեամբ, թղթակցել է շատերի հետ. զանազան հարցերով զիմել են նրան, ինչպէս Պապոն իշխանը, Անտիոքի Միքայէլ եպիսկոպոսը եւ ուրիշները, եւ նա սիրով պատասխանել է նրանց. զրել է ճառեր, խրատներ երիտասարդ կրօնաւորների համար. «Եւ նուսաստ յամենայն յերիս ճառս կարգեցի զրանս խրատուց նորմուս կրօնաւորաց մանկապանից եւ ո՛չ ծերոց»: Սկզբում նա աշխատել է առանց գրքերի, յիշողութեամբ, Պապոն իշխանի համար 22 ճառը յօրինել է «ի հին ուսմանէ յիշեալ», գրում է նա: Նրա գրքերը մնացել էին Տլուքում: Միքայէլ եպիս-

<sup>1</sup> Արտագրող գրչի տգիտութիւնից կամ անփութութիւնից են առաջացած սխալները:

կոպտսի հարցմանն էլ նոյնպէս է պատասխանել. «Կամ ես յանապատի-  
աստ հեռի ի գրեհաց եւ ի մեկնչաց», ասում է նա. «Եւ առաջի Աստուծոյ  
անսուտ ասեմ, որ չունիմ յանապատի աստ բազում գրեհան եւ կամ զմեկ-  
նութիւն հինգ բանիցս, զի եզից օրինակ եւ գրեցից: Ապա... սկսայց կատա-  
րել զհրամանս քո, զոր տայ սուրբ հոգին, ի հին յիշատակաց եւ յունմանց,  
բայց եւ յամենայն շնորհաց որ լինի եւ ոչ ի մեր օրանաց. քանզի խաւարե-  
ցաւ միտք իմ յաշխարհիս եւ նուազեցաւ լոյս աչացս եւ տկարացաւ ծերու-  
թեամբս»:

2. Վարդանի գրաւթիւնների բիւման կամ Գիւթն Էապէս նորութիւն  
չէ:— Նա քարոզում է, թէ աւելի լաւ է, որ կրօնաւորները կենան եղբայրա-  
նոցներում. նրանք պիտի աշխատեն եւ ապրեն իրենց աշխատանքով, սեփա-  
կանութիւն պէտք է չունենան: Նրանք նուէրներ պիտի ընդունեն միայն երբ  
կարող են աշխատել, այն էլ միայն երկրապորձներից եւ արհեստաւորներից.  
որովհետեւ, ինչպէս վերհեղում տեսանք, նա անընդունելի է համարում ա-  
նարդար եղանակով ձեռք բերւածը. ուստի իշխաններից պարզել ընդունել  
թոյլատրում է լսիկ ծայրայեղ կարիքի պէպքում: Այս վերաբերում է, հար-  
կաւ, կրօնաւորների անձնականին. թէ ոչ՝ դժուար է կարծել, թէ Վարդանը  
քարոզէր, թէ վանքերը չպէտք է նուէր ընդունէին. քանի որ այդ պարում եւ  
առաջ շատ սովորական էր վանքերին տալ ամէն տեսակ ընծաներ եւ անշարժ,  
եւ շարժական գոյքերով: Նա քարոզում էր, որ սեփականութիւն չունենան  
կրօնաւորներն անձամբ եւ ոչ վանքերը:

Ն. Ծնորհալու «Ընդհանրականի» վերլուծութեան ժամանակ տեսանք,  
թէ ինչպէս կրօնաւորներն ընկած էին անձնական հարստութիւնների ետե-  
ւից, սեփական աշղեղաբծութեամբ էին պարսպում: Մի քառասուն տարուայ  
ընթացքում Ծնորհալուց յետոյ՝ կրօնաւորների բարքերն աւելի ընկել էին,  
քան բարեքուլ: «Այդեկ» անունը հէնց յոյց է տալիս որ աշղեղաբծու-  
թիւնը մեծ տեղ էր բռնում այն անապատում, ուր ապաստանել էր Վար-  
դանը: Նա գրում է. «Ասա՛ ինձ, ո՛րդեակ, թէ ընդէ՞ր ելեր աշխարհէ եւ կամ  
ի խցաւոր վանից, յորժամ պիտոյ էր քեզ աշխիս եւ զրախոս տնդել: Ահա  
խաբեցեր զմարդիկ եւ զԱստուած, խաբեցար եւ դու. զի չես միայնակեաց:  
Ձի ուր արտավարութիւն աւելի քան զպէտան, եւ աշխի եւ զրախոս տնդի եւ  
բռնածանի վաստակով եւ ջրով, եւ ի գիշերի աղաղակէ զհետ գազանացն, եւ ի  
տունջեան գոչէ պարսաքարիւ. զհետ թռչնացն առ ի պահպանութիւն մրդոցն  
եւ ողկուղացն. եւ ի վերայ ախոցիկ ա՛յլ մեծապոյն կորուստ. զի վէճ եւ կը-  
ռիւ, նախանձ եւ մախանք ոչ պակասէ. առ ի՞մ եւ այն քո՛, — ո՛չ է այնպիսի  
սի վարքն միայնակեցի, այլ աշխարհականի»:

Ծարունակներ տեսնել, թէ ինչ է ասում այդ առթիւ Վարդանը երի-  
տասարդ կրօնաւորներին.

«Ո՛վ սրգեակը իմ, եղե՛ւ այսպիսի խոսովութիւն եւ վէճ եւ մախանք ի  
միջի մերում, եւ աստի առի գիտրձն զոր պրեցի: Քանզի բազում ծառս գեղե-  
ցիկ մրդաբերս տնդեալ էին առաջին միայնակեացքն որ բացին եւ սրբե-  
ցին զանապատս. որ է սակաւ ինչ պակաս ի քառասուն ամէն: Եւ այս եր-  
կու ամ է զի տնդեաց սատանայ մախանք ի միջի մերում եւ նախանձ ի  
վերայ մրդաբեր ծառոց եւ վէճ եւ աղաղակ. եւ մեծ պատերազմն ունէր զմեզ»

եւ տրտմութիւն զայս երկու ամս եւ ելք ո՛չ կարէաք դտանել, զի բաժնքի վէճն եւ մախանք ի միջոյ, եւ աւր քան զաւր յաւդորէր չարն ի շնչոյ դիւացն: Եւ եկեալ եղբարքն յեկեղեցի ի մուտս կիւրաղէին եւ խորհեցաք, թէ չա՛հ ինչ որ կայ մեզ ի մրդաբերացս. այդ խռովութիւն էր ի մեզ. եւ Քրիստոս հրամայէ թէ զաջ ահնն եւ զաջ ձեռն հատանել եւ զոգին սպրեցուցանել: Եւ զայս ասացեալ եղբարցն եւ դիմեալ իւրաքանչիւր ի տապար իւր եւ սուր ի վերայ եղեալ կոտորեցաք զամենայն մրդարեւոյն աւելի քան զհարիւր ծառս որ կային ի դրունս . թ. [=ինն] խցին՝ թղենիս եւ ընկուղիս, սերկեւելիս եւ սալորիս մշմշիս եւ արքակաղնիս: Եւ ես մեղաւորս քաջալերէի զեղբարսն, թէ մի՛ երկնչիք. զի այս վարձք է եւ ոչ զատապարտութիւն, պարծանք է անսպասիս եւ ոչ նախատինք: Եւ զայս արարաք եւ ի նոյն ժամս զրէի զգիրս զայս, եւ եղեւ խաղաղութիւն յայժ սղարմութեամբն Աստուծոյ»:

Ամէն վանքում, հարկաւ, չկար Վարդանի նման մէկը, եւ այդպիսի կտրուկ ձեռով չէին վարուել, եւ կոխն ու խռովութիւնը պիտի շարունակուէր անձնական սեփականութեան համար: Կային եւ շատ այնպիսիները, որոնք չէին հետեւիլ Վարդանին: Այդպիսիներին է ահնարկում նա զրելոյ ի միջի ալոց հետեւեալը.

«Վա՛յ զի կամա՛ւ սիրեցի դիտու աշխարհի եւ կեղծաւորեալ չընցաւ եւ ձեւացաւ առ աշս մարդկան. կամա՛ւ եւ գիտութեամբ մեղաւ եւ եղաւ ողորմեայի քան դամենեւեան: Բայց ո՛վ մանկունք նորս Սիսնի եւ ծնունդք սրբութեան նորին սուրբ արքանդին, գիտեմ, որ ի միտս ձեր ո՛ւնչոս տանէք եւ քամահէք զբանս իմ ասելոյ, թէ՛ «Ո՛վ դու զառանցեալ եւ զարշիլի արեւոր, որ լցար անաւրէն եւ շարատրեր շար գործաւք եւ չես ժամանեալ ի կարգ ոչտկերտի եւ դարձեալ վարդապետե՛ս մեզ զաւրէնս Աստուծոյ, զոր դու ոչ պահեցիր: Ժամ է քեզ լուկ եւ սրտանձել. զի ձանձրացան լսելիք մեր եւ տաղաւկացան սիրտք մեր ի քո ընդվայր շատարանութենէս: Նաեւ ո՛չ այլ ինչ խորինս եւ անծանալթս պատմես մեզ, բայց միայն զոր քաջ գիտեմք ի մանգութենէ մերմէ»:

Ահա թէ ինչ են ասել Այգեկցուն նրա հակառակորդները. իսկ նա այնպիսիներին պատասխանում է.

«Իսկ ես հաւանիմ եւ արդարացուցանեմ զմտածութիւնս ձեր զոր կարծէք վասն իմ: Նաեւ զրով ձեռին իմոյ բաղում արձանս կանդնեմ ի մէջ աշխարհի խոտտովանելոյ մինչեւ ի լրումն ժամանակաց, թէ՛ տղէս եմ եւ բազմամեզ: Եւ զի լցաւ երկիր գիտութեամբն Աստուծոյ՝ ըստ բանաստեղծութեանն Սողոմոնի եւ Եսայայ, եւ այդ ես ուստի՞ կարացից նորագոյնս ինչ պատմել ձեզ»: Բայց եւ այնպէս նա ասում, խրատում է, զի չի կարող այդչանել եւ քանքարաթաքոյց լինել: «Նաեւ չունք պահն զհաւատս ոչխարաց եւ զդրունս յաւաղակոյց, — ասում է նա, — եւ չար փշաք զայլի եւ զգրախոտ ամբարացանեն, եւ չար ծառայք շուրջ զբաղաքս փոսս հատանեն, որպէս զի անփնաս մնացեն բնակեալն ի նմա: Նա եւ զգաւակ քահանայի սնուցանէ դաշեակ պոռնիկ. եւ անկերպ յեւանն գտուր հատանոյ տոնէ ի պէտս մեր. եւ զպրատեսակ ճրագն լոյս արձակէ եւ զխաւարն հալածէ. անպէտ դալախագն եւ փոքր երկաթն հուր պարգեւեն ի սպասաւորութիւն կենաց մերոց: Ա՛յսպէս համարեցարուք եւ զուք զիս եւ զբանս իմ, ո՛վ որդեակդ, եւ Աստուծոյ լերուք շնորհակալ եւ զնա՛ աւրհնարանեալ փառաւորեցէք»:

Ուրիշ տեղ էլ նա գրում է .

«Ապա քահանայք եւ ժողովուրդք Աստուծոյ, այս ձեզ սակաւ մի բանք ի պատուիրանացն Աստուծոյ մերոյ, զոր անդադար լսէք եւ զիտէք ի մանկութենէ . զի լցաւ աշխարհ զիտութեամբ Աստուծոյ . վասն որոց կարճ եւ համառօտ զրեցի . որ կարէ իմանալ տիտմարն եւ տգէտն . եւ մի՛ մեղադրէք . զի չէ բանքս զերզ որ պատեհն է . զի ծերութիւնս եւ յերկար ցաւքս կուրացոյց զմիտս եւ զաշտ իմ» :

3. Առաւելաւոր փառքեր :— Ինքը Վարդանն էլ շեշտում է ,որ իր զրութիւններէ, իր քարոզներէ նիւթը նարութիւն չէ : Հայոց գրականութեան սկզբից ի վեր մեր ճառագիրները բանեցրել են նոյն կրօնական թեմաները— մեղքից խուսափում, զգլում, արտասուք, բարեկարծութիւն եւ այլ հոգեշահ խրատներ : Նարութիւն չի եղել ի միջի ալլոց նրա խրատը կրօնաւորներին՝ «զրեցէք, կարդացէ՛ք» : Բայց այդպիսի հին թեմաները, որ այն դարում զեռ չէին կորցրել իրենց արժէքը, նա մշակում է մի բոլորովին նոր, ինքնուրոյն ձեւով : Վարդանը յորինում է կատարելագոյն պարզ ու հաւատարակ, մեկին ու թեթեւ, ախորժարուր : Նա ոչ թէ ճառում է, այլ կենդանի լեզուով զրոյց է անում, սիրով խօսակցում իր ունկնդիրներէ, աւելի եւս ընթերցողներէ հետ, հոգալով ոչ միայն ժամանակակիցների համար, այլեւ ապագայ սերունդների : «Վա՛յ ինձ, մանկո՛ւնք Սիրնի, որ զայք հետ մեր յաշխարհի, զի ցանկամ տեսանել զձեզ եւ ոչ կարեմ, զի հոգացեա՛լ եմ ի զերեզմանի . ապա զրուքս այս խաւսիմ ընդ ձեզ մինչեւ ի հինգ եւ յեւթն ազգն . եւ կա՛մ հոգալս ի միջի ձերում» : Ահա յաւերժութեան համար մի անկեղծ ցանկութիւն, որ ուղղուած է ոչ առ իր անձը, այլ առ իր ապագայ ընթերցողները : Եւ այս անկեղծ ձգտումը շարունակ ուսուցանելու, տալիս է նրա երկին գրաւորութիւն, հետեւաբար եւ զեղեցկութիւն : Պակաս չեն, հարկաւ, նաեւ արտայայտութեան զեղեցիկ ձեւերը, բանաստեղծական պատկերաւորութիւնները, նմանութիւնները եւայլն, որոնք առանց որեւէ սրտնումի, բնականօրէն ելնում են նրա զրչի տակից : Նախորդ ճառագիրների խօսքն էլ այդ նկատմամբ ազդատ չէ :

Բայց Վարդանն ունի մի ուրոյն սճական յատկութիւն եւս, որ ըստ երեւոյթին նա առաջ է բերել Աւետարանին հետեւելով : Նա, ինչպէս Ն. Մառքոյց է տուել, իր ճառերի մէջ մտցրել է աշխարհական առակներ, որ «Վարդան Այգեկցոյց առաջ հայ քարոզիչներն ըստ երեւոյթին չեն կիրառել իրենց իրատական ճառերի մէջ» : Վարդանն է առաջին անգամ հոգեշահ, բարոյակրթական նպատակով օգտագործում առակները, որ նրա գաղափարները պարզում եւ հեշտ հասկանալի են անում : Այսպիսով նա խակապէս գտեղծել է մի նոր ձեւ, մի «առանձին գրական տեսակ», առաւելաւոր փառքեր, խրատներ : Դրանով նա իր խօսքը բազմազան է դարձրել, եւ աւելի զրաւիչ, հետաքրքիր եւ ազդու, մանաւանդ պարզամիտ ընթերցողների եւ ունկնդիրների համար : «Ապա թէ ախորժէք եւ կամիք լսելով, քահանայք, իշխանք եւ ժողովո՛ւրդք, նա՛ ես դարչելի եւ մեղաւք լցեալ ծերս ի վերայ խորհրդոյ ճառիս ցուցանեմ ձեզ այժմ պարզ առակաւ, թէ որպէս են այսաւր սիրտք եւ խորհուրդք ամենայն մարդկան : Եւ արդ՝ ահա էր ոմն փարթամ եւ յոյժ մեծատուն» :



Նա իր ճառերի համար առակաները քաղել է զանազան աղբիւրներից, երբեմն մանրամասնութիւնները մշակելով. բայց երբեմն եւ ինքն է ստեղծել:<sup>1</sup> Նրա ստեղծածն ու մշակածն է, օրինակ, «Վասն տասն վաճառականացն» առակը, որ գրուած է Պաղտին իշխանին ուղարկած քսաներկու ճառ [=գլուխ] ունեցող թղթի մէջ, որ յիշուեց վերեւում: Ինչպէս երեւում է, նա իր այս գրութիւնը մի քանի անգամ մշակել է. վերջին անգամ Կիլիկիայի Դրազարկ վանքում, որ Սիս մայրաքաղաքից հեռու է եղել մի օրուայ ճանապարհով: Այստեղ էր նստում Սսի եպիսկոպոսը, եւ այնտեղ է եղել մեծամեծների հանգստարանը. բայց որ գլխաւորն է՝ վանքի միաբանները պարպել են ուսմամբ եւ զրել կամ արտադրել են բաղմաթիւ ձեռագիրներ 12-14-րդ դարերում: Թէ ե՛րբ եւ ի՛նչ առթիւ է Վարդանը Այգեկից գնացել Դրազարկ վանքը, այդ յայտնի չէ: Նա երկար ժամանակ ցանկացել է իր յիշուած աշխատութեան մէջ աշխարհական առակ դնել, բայց իրեն չի յաջողուել, մինչեւ որ վերջապէս այդ գլուխ է բերել Դրազարկում, ինչպէս ինքը պատմում է նոյն աշխատութեան առաջարանի մէջ: Վերջինս հետաքրքիր է եւ այնու, որ այնտեղ Վարդանը «պատկերացնում է իր ստեղծագործութեան երկունքը»: Բերենք զրանից մի հատուած:

«Ողորմելիս Վարդան, որ ի Մարաթաոյ, ի միայնաւոր խցիս՝ ի սահմանս աստուածարնակ ուխտիս, որ կոչի Դրազարկ, [կամեցայ] ձեւացուցանել ժ [=տասն] առակաւոր բանիւ վաճառականս եւ ութ որողայթս առաջի նոցա եւ դտանել ը [=ութ] մեղս նման յորողայթսն եւ այն ը [=ութ] մեղսքն խաւսել առ ձեզ, ո՛վ քահանայք Աստուծոյ եւ բարեպաշտ իշխանք եւ հաւատացեալ ժողովուրդք Քրիստոսի Աստուծոյ մերոյ, եւ յայն ութ մեղք ժողովել զամենայն մեղս եւ զամենայն բարեկործութիւնս: Եւ յսլով աւուրս աշխատեցայ եւ բազում տնգամ սկսայ եւ ոչ յաջողեցաւ բանն. եւ տրտմեալ վարանեցայ. եւ իմացայ ստույգ որ տնրաւ անաւրէնութիւնք իմ խաւարեցոյց զմիտս իմ. եւ փախեալ կապեաց զլեզու եւ զշրթունս իմ: Իսկ անոխակայն Աստուած ոչ արար ըստ մեղաց իմոց, այլ հայեցաւ յաւգումն»: Ասլա մանրամասն պատմում է զիշերը քնի մէջ տեսած՝ ոկորում ծանր մզմաւանջային երազը, որ յետոյ փոխուում դառնում է մի ցանկալի տեսարան ու դործ իր համար: Երազներին միշտ սիմբոլիկ բացատրութիւն են տուել. Վարդանն էլ՝ զարթնելով՝ իր երազը բարենշան է համարում: «Եւ տալս սկսա, — շարունակում է պատմել, — եւ անաշխատ յարմարեցի եւ զրեցի կարդաւ ժ [=տասն] վաճառականս եւ ը [=ութ] առակաւոր որողայթս առաջի նոցա եւ ը [=ութ] մեղս եւ զառակս ըն [=ութն] մի առ մի. ընդ մեղսն խորհրդաւոր համեմատեցի եւ պարբանիւ տռնթեր մեղաց եդի. այս Գ [=այս դոյն = այսպէս] կարգելով»: Սրանից յետոյ գալիս է ընդարձակ աշխարհութիւնը՝ «Վասն տասն վաճառականացն», որ չենք բերիլ: Այստեղ կարեւոր չի խօսել նաեւ առանձին առակների ու նրանցից հանած բարոյակրթական խրատների մասին:

4. «Առակի վարդապետ»։— Այս ճառախօսի գործածած առակները դիւր են գալիս եւ բերանացի ու զրաւոր տարածւում են: Ինչպէս կարծում է Ն. Մա-

<sup>1</sup> Վարդանի գործածած առակները նրա երկերից հանած եւ ի մի հաւաքած տե՛ս Ն. Մառի յիշուած աշխատութեան երրորդ մասի մէջ, «Առակք Վարդապետայ Այգեկցւոյն», էջ 65—93:

որ, ամենայն հաւանականութեամբ նա ինքը կազմած պիտի լինի իր առակների մի երկու փոքրիկ ժողովածու. գուցէ եւ ուրիշները նրա ճառերից հանել են առակները եւ ի մի խմբել, որով եւ առաջացել են Վարդանայ առակները:

Այդ առակների ժողովածուները, սակայն, անփոփոխ չեն մնում, այլ փոխելու 17-րդ դարի կէսերը ենթարկւում են մեծ զարգացման: Հետզհետէ շատ նմանողներ են դուրս գալիս եւ կազմում են նորանոր ժողովածուներ թէ՛ Վարդանի առակներից եւ թէ՛ ուրիշ աղբիւրներից: Այսպէս զարգանում են առակների ժողովածուները՝ զի դրանց համար պահանջ կար: Դրանք հարկաւոր էին, նախ՝ քարոզութեան համար եւ պէտք է օգնէին քարոզիչ հոգեւորականներին, թէ՛ ո՛ր հոգեւոր խրատի համար ի՞նչ առակ կարելի էր պատմել: Առակների ժողովածուներն, ուրեմն, ծառայում էին նախ նոյն գործնական նպատակին, որի համար եւ դրանք կիրառել էր Վարդան Այգեկցին: Ապա, ինչպէս սկզբում ասուեց, առակներ սովորեցնում էին դպրոցներում եւ զանազան ձևերով վերամշակել ու մեկնել էին տալիս. ուստի եւ կազմւում էին նոր ժողովածուներ յաճախ վերամշակուած ձևերով եւ նորանոր մեկնութիւններով: Բայց որ զլիսւորն է՝ 12-13-րդ դարերում եւ յետոյ ամէն տեղ առհասարակ, այնպէս էլ մեղնում սիրում էին պատմուածքներ, առակներ ու զրոյցներ եւ առասպելներ: Ուստի առակների ժողովածուները զանազան էին հաճելի ընթերցանութեան գրքեր նաեւ աշխարհականների համար եւ զարգանում զանազան տիպերով եւ զանազան ծաւալով:

Որովհետեւ ժողովածուների սկիզբը դրուել էր Վարդան Այգեկցու առակներով, ուստի ժողովածուները երեւան են գալիս Վարդանի անունով, ունենալով վերնագիրս՝ «Գիրք առակաց ասացեալ վարդապետին Վարդանայ ի պէտս հոգևոյ եւ մարմնոյ պիտանի»: Մի ուրիշ ձեռագրի մէջ էլ, բաւական աղճատ ուղղադրութեամբ, «Արդ՝ գրեցաւ Առակաց գիրքս ընդ թերձումն յուսումնասէր մանկանց. զի ասացեալ է սայ առն աստուածայրանի եւ տիեզերայհոջակ եռայմեծին եւ երիցս երանեալ նաղելի բայրունուն եւ քաջ փաղերային Վարդանայ զի հոգւոյ եւ մարմնոյ շահ եւ օղուտ է ընդ թերձողաց»:<sup>1</sup> Ուրեմն «Գիրք առակաց» կամ «Առակաց գիրք Վարդանայ», Վարդանը զանազան է ամէն տեսակի եւ զանազան աղբիւրներից ժողոված առակների համար հեղինակ:

Ինչպէս երեւում է Առակագրքերի մեծ պահանջ է եղել, որ 17-րդ դարում՝ 1668, 1676, 1683 եւ 1698 թուականներին, ուրեմն երեսուն տարուայ մէջ չորս անգամ տպագրւում է Եւրոպայում, ուրիշ նիւթերի հետ, Վարդանայ առակների մի ժողովածու «Գիրք առասպելաբանութեանց որ է [կամ՝ որ ասի] Աղուէսագիրք» վերնագրով: Այդ տպագրութիւններով բնականաբար պակասում է առակների ձեռագիր ժողովածուների պահանջը, բայց եւ դրանցով մեծանում է առակների ծաւալումն ընթերցողների եւ առհասարակ պատմուածքների սիրողների, առակախօսների շրջանում: Անշուշտ նոյն պահանջն է դրպիչ եղել, որ մեր Առակագիրքը՝ «Աղուէսագիրք» անունով թարգ-

1 Տես՝ Ն. Մառի յիշուած աշխատութեան Ա. մասի մէջ, էջ 104, 160: Աղճատ ուղղագրութիւնը դիտմամբ անփոփոխ է բերւում այստեղ:

մանուել է արարեբէն՝ արարախօս քրիստոնեաների համար, ինչպէս աւելի ուշ՝ նաեւ վրացերէն լեզուով:

Մի անգամ որ առակների ժողովածուները դառնում են «ընթերցումն աւսումնասէր մանկանց», «հոգւոյ եւ մարմնոյ պիտանի», «հոգւոյ եւ մարմնոյ շահ եւ օգուտ ընթերցողաց», բնականաբար հոգեշահ առակների հետ՝ պահանջւում են նաեւ աշխարհային կենցաղական բնաւորութիւն ունեցողներ: Այս վերջին հանգամանքը պատճառ է դառնում, որ շուտով Վարդանայ առակների ժողովածուների մէջ մտնում են ոչ միայն առակներ սովորական մոտքով, այլեւ ամէն տեսակ պատմութիւններ՝ կենցաղային մոտիւներով, հեքիաթներ, անեկդոտներ, զանազան գրոյցներ, ոչ միայն գրեթէ, այլեւ ժողովրդի բերանից, վերջից ստանալով մի հոգեշահ խրատական մաս, որ շատ անգամ բռնադրօսիկ կերպով կցուած է բուն պատմութեան: Այսպէս, օրինակ, «Որիմար դողք» գլուխնալիքը:

Երկու գողք գնացին ի մեծատան միում յերգիք եւ կամէին գողանալ զինչս նորա: Եւ էր լուսնկայ, եւ իմացաւ այրն. որ գողքն ի յերգիքն եկին: Եւ ասէ կինն ջուրն, թէ՛ Ամէն գանձս եւ դրամն եւ զուժանն ուստի է եկեր քեզ: Եւ ասէ այրն. Երթալի ի գողութիւն ի գիշերի մեծատանց երգիք ի լուսնկայ լուսոյն, որպէս որ այժմ կա. եւ շուք լուսնիկն յերգից ի վայր ցայթէր զերթ հիմայ. եւ ես գերի առնէի զլուսնիկն՝ շուքն՝ բռնէի եւ ի վայր կիջնայի ի տունն եւ բան մի կասէի. որ ինչ գեղեցիկ զուժան կայր ի տանն, նա ամէնն ինձ կերեւնար եւ առնէի ի շուքն կապէի եւ զիս այլ ի հետ զուժանի. եւ շուքն զիս ի վեր կուհանէր ի տունն (տանիսն), եւ այսպէս վամէնն շահեր եմ: Իբրեւ լսեցին գողքն զբանս զայս, խիստ ուրախացան եւ հաւատացին պատրդական բանիցն եւ գրկեցին զշուքն, որ ի վայր իջնուն, անկան եւ խելաց թափեցան: Եւ այրն յարեաւ եւ ետպան զնոսա:

Յուցանէ առակս, թէ՛ մարդն որ գողանայ եւ սատանայական բանին հաւատայ, նա որպէս այն գողքն գորնչին. եւ պատճառն ի կնոջէն ելաւ, որ այն գողքն յերգից ի վայր անկան: Կինն ի կողէն է. եւ կողն ծուռ է եւ ինքն չար է (Առ. Վարդ. Բ., 298. ՄՂԷ):

Նոյնպիսի է «ձուհւոյ տղայ» գլուխնալիքն իր մեկնաբանութեամբ, որ խրատ էլ չէ (Առ. Վարդ. Բ., 175, ձՆԼ): Կամ՝ «Երէց ասորի եւ երիտասարդ հայ» պատմութեամբ, որի մէջ ասորի քահանայի տգիտութիւնն է ծաղրւում (Առ. Վարդ. Բ., 63, խԴ):

«Հարսն եւ սկեսուր եւ սկեսրայր» գեղեցիկ առակի մէջ շատ պայծառ ու նկարէն երեւում է ընտանիքի մէջ հարսի ստրկական վիճակը բռնակալ սկեսրի եւ սկեսրայրի ձեռի տակ, որոնց խոնարհ ծառան է նա եւ հլու հնազանդութեամբ ու մեծ համբերութեամբ պարտաւոր է կատարել նրանց ամէն անմիտ պատուէրները:

Նոր հարս մի եղև խոնարհ եւ համբերող. եւ կամեցան փորձել զնայ սկեսուրն եւ սկեսրայր նորա: Ասէ մին, թէ՛ Զդուռն փակէ: Եւ միւսն ասէ. Բաց. Մին ասէ. եւ փակէ զդուռն. հողմ է. Եւ իբրեւ գնաց եւ փակեաց զդուռն. եւ միւսն ասէ. Եւ բաց զդուռն, զի ծուռ է: Եւ սկսան ասել՝ փակէ եւ բաց: Եւ նա սկսաւ փակել եւ բանաւ կարգաւ եւ ասէ. Ի՞նչ փակեմ եւ դորայ բանամ: Եւ յերկարեաց եւ ոչ բարկացաւ:

Յուցանէ առակս, թէ՛ առաքեալքն եւ մարգարէքն մեծ համբերութեամբ եւ հեզութեամբ քարոզեցին աշխարհի եւ մեծ սպառնալիւսաւք փակեցին զդժոխքն, զի մի մտցեն ի նայ. եւ բացին զարքայութիւն ողորմութեամբ Աստուծոյ եւ շնորհաւքն, զի մեղաւորք դիմեն եւ մտցեն ի նայ յուսով ապաշխարութեամբ. այս է փակելն եւ բանալն (Առ. Վարդ. Բ., 67, խԷ):

Վարդանայ Առաքինների այս բազմազան մեծ նիւթը,<sup>1</sup> որ մինչև 19-րդ դարը շատ սիրելի է եղել ոչ պահանջկոտ ընթերցողների համար, դժբախտաբար դեղարուեռատական զարգացման տեսակէտով կէս ճանապարհին կանգ է առել, անպայման այն քաղաքական դրութեան պատճառով, որ ունէր Հայաստանը 14—17-րդ դարերում։ Մի թիկուրանցի կամ Աղթամարցի, իր խաղաղ անկիւնը քաշուած, կարող էր իր սիրոյ եւ բնութեան երկը հնչեցնել եւ զարգացնել այն դարերում. առաքինները գեղեցիկ մշակելու համար, սակայն, բաւական էր մի փոքրիկ խաղաղ անկիւնը։ Դրա համար պէտք էր, որ խաղաղ ապրելիս լինէր եւ աւելի պահանջկոտ լինէր այն հասարակութիւնը, այն քաղաքացի բնակչութիւնը, որից ծագել էին առաքինները եւ որի համար պէտք է արուեստաւոր նոր յորինուէին գրանք։ Այդպիսի հասարակութիւն եւ այդպիսի պահանջ, սակայն, չկար եւ չէր կարող լինել 14—17-րդ դարերում, երբ Հայաստանի քաղաքներն աւերւում էին եւ ժողովուրդն ընդհանրապէս աւելի յետադիւմում էր, քան առաջադիւմում։ Այդ պատճառով եւ առաքինների ժողովածուները մնում են իրենց նախնական ձեւով, բաւարարութիւն տալով միամիտ ընթերցողներին։

Ստեղծագործական հանճարը, կարելի է ասել, շատ քիչ է ձեռք տուել այդ ժողովածուների մէջ ամբարուած բազմազան նիւթերին, դրանք որոշ ուղղութեամբ բանաստեղծօրէն վերամշակելու համար։ Թէպէտ եւ կան ընտիր ու կենդանի ոճով համեղ ու սրամիտ պատմութեանքներ, եւս աւելի երկրորդ կամ երրորդ խմբագրութեամբ, բայց այդ ամէնը պատահաբար է կատարուած։

Նոյնպէս պատահաբար եւ ոչ գիտակցաբար ժողովրդականից ծագող առաքինների եւ դրոյցների հետ մտնում է նաեւ ժողովրդական լեզուն եւ ուսմկարանութիւնը եւ ընդհանրապէս ժողովրդական կեանքն ու ուրին։ Դրանց աղեցնութեան տակ՝ դրական ծագում ունեցող առաքիններն եւս, որոնք մաքուր գրաբար լեզուով են, երբեմն վերամշակւում են կենդանի ժողովրդական լեզուով ու ձեւով. գործադրութիւնը դառնում է աւելի լրիւ, պատմութեանքն աւելի շարժուն, եւ լեզուն խօսակցական ու զուարթ։ Նիւթն ուրեմն արտաքին ձեւով կենդանանում եւ ժողովրդական բնաւորութիւն է ստանում. բայց այդ արտաքինի հետ՝ ընդհանրապէս եւ ներքինն է ստանում ժողովրդական ողի։ Այդ կատարւում է երբեմն երկու-երեք վերամշակումներով։

Հետաքրքիր կը լինէր այստեղ բերել մի քանի օրինակներ այդպիսի վերամշակութիւն կրած առաքիններից. բայց այդ մեզ հետո կը տանէր, մանաւանդ որ ներքեւում բերուած են ուրիշ նպատակով բազմաթիւ առաքիններ։ Լաւ կը լինէր, եթէ կարողանայինք այստեղ գրել նաեւ այն առաքինների մասին, որոնք ծագում են հայ ժողովրդական բանահիւսութիւնից թէ՛ Մխիթարի եւ թէ՛ Վարդանայ առաքինների մէջ, կամ զուցէ դրանք են ժողովրդականացել եւ մինչև վերջերս պտտում են մեր ժողովրդի բերանին. շատ բան, հարկաւ, ընդհանուր արեւելեան դրոյցներից է ծագում թէ՛ Վարդանայ առաքնագրքերի եւ թէ՛ մեր ժողովրդական բանահիւսութեան մէջ։ Այս խնդրի ուսումնասի-

1 Ն. Մառի խմբագրութեամբ՝ «Ժողովածոյք Առաքնայ Վարդանայ», մասն Բ., քննադիր. 485 առաքիններ, յաճախ իրենց վարկանշներով, ինչպէս եւ այլ ընթերցութեանքով։ Տես նոյնի Գ. մաս, «Յաւելուածներ»։

րութիւնն եւս, որ դեռ չի կատարուած, մեզ շատ հեռուն կը տանէր, ինչպէս եւ այն, թէ արդեօք հայերի մէջ եղե՞լ է կենդանական վէպ ասածը, ինչ որ շատ հաւանական է: Այսպիսի մի վէպի մնացորդներ են ըստ երեւոյթին թէ՛ Առակապարթերի մէջ մտած եւ թէ՛ Ժողովրդի մէջ պատմուած բազմաթիւ առակները, ինչպէս եւ առածները, որոնց պորժող անձերը զանազան կենդանիներ են, առանձնապէս աղուէսն ու գայլը: Կենդանական վէպից են ծագում ըստ երեւոյթին «Պայլի պատահարները» («Պատահարք դայլի») — յիմար գայլի գլխին եկած բազմազան փորձանքները, որոնք մասամբ մտած են Վարդանայ առակների Ժողովածուների մէջ: Բայց այդ եւս յատուկ ուսումնասիրութեան խնդիր է: Մեր նպատակի համար այստեղ բուական է այն, որ պահովապէս կարելի է ասել, որ Ժողովրդական առակները բաւական ստուար թուով մտել են Առակապարթերի մէջ:

Այսպիսով ուրեմն, առակները դառնում են մի տեսակ միջոց Ժողովրդական տարրերը թէ՛ ըստ ձևի, թէ՛ ըստ բովանդակութեան մտցնելու մեր հին գրականութեան մէջ, եւ դրանց միջոցով մեր գրականութիւնը հետքստէ մօտենում է Ժողովրդին, ենթարկում է աշխարհիկ ոգուն եւ հոսանքին: Սկսում են գրականութիւնը յօրինել նաեւ աշխարհականների, Ժողովրդի համար: Ուստի եթէ Վարդանայ առակների հին Ժողովածուների մէջ երեւում է աւելի կրօնական ուղղութիւնը, հետագայ Ժողովածուների, կամ հին առակների նոր մշակութիւնների մէջ տեսնում ենք նաեւ նոր, ոչ-եկեղեցական մտածողութեան եղանակներ. եւ, որ վիճաւորն է՝ Ժողովրդական իրական կեանքի պատկերը մի բոլորովին նոր աշխարհայեցողութեամբ: Եւ այս այսպէս է ոչ միայն Վարդանայ, այլեւ արդէն Միխիթար Գոչի առակների մէջ: Այստեղ հնարաւոր չէ մանրամասն խօսել մեր հին գրականութեան այս նոր ոգու բոլոր կողմերի մասին. կ'առնենք միայն նրանցից մէկը հետեւեալ գլխի մէջ:

## ՍՈՑԻԱԼԱԿԱՆ ՅԱՐԱՔԵՐՈՒԹԻՒՆՆԵՐՆ ԱՌԱԿՆԵՐԻ ՄԵՋ

1. Դասակարգային պայքարը:— Այս հատուածի առաջին գլխի առաջին պարագրաֆի մէջ արդէն տեսանք, որ Բաղրատունիների իշխանութեան շրջանից ի վեր աւելի ու աւելի ծանրացած էր աշխատաւոր Ժողովրդի տնտեսական դրութիւնը: Մինչ մի կողմից՝ երկրի հարուստները, ինին աշխարհական թէ եկեղեցական, աղետական թէ քաղաքացի վաճառական, — փարթամացած վայելում էին կեանքի բարիքները, միւս կողմից՝ աշխատաւորութիւնը դիւպում ու քաղաքում տառապում էր չքաւորութեան ճիրաններում: Իշխողների հարստութեան աղբիւրը կազմում էր ոչ միայն առեւտուրն ու վաճառութիւնը եւ արդիւնաւործութիւնը, այլեւ աշխատաւորների շահագործումը. բուրժուազիան կեղեքում էր մանր արհեստաւորներին: Հողերը կենտրոնանում էին աշխարհական ու հոգեւորական իշխանաւորների եւ վանականների ու վաչխառուների ձեռին, որոնց անտեսութեան հիմքը կազմում էր երկրագործութիւնն ու շինականների հարստութիւնը, թէկուղ եւ կային «հողագործ իշխաններ» եւ վանականներ, որոնք իրենք անձամբ էին մշակութիւն անում: Այս անտեսական—սոցիալական յարա-

բերութիւնների հետեւանքով տեղի էր ունենում մի պայքար ճնշող եւ ճընշուած դասակարգերի միջեւ, եւ այս ո՛չ միայն Զաքարեանների տիրապետութեան երկրում, այլեւ Արեւմուտքում, հայկական իշխանութիւնների մէջ, այլեւ մահմեդական տիրակալների ձեռի տակ: Արտադրող ժողովուրդը նոյն կեղեքման ենթակայ էր նաեւ թաթարների իշխանութեան օրով 13-րդ եւ հետագայ դարերում:

Այս տնտեսական հակասութեան հետեւանքով առաջած գրութիւնն ու դասակարգային պայքարն արտայայտուած դտնում ենք առակների մէջ:<sup>1</sup> Տեսնենք, թէ ինչպէս է դժադրւում հասարակական կեանքի պատկերն առակաների մէջ, աւելի Մխիթար Գոչի, նկատի ունենալով, հարկաւ, ոչ այնքան առասպելական, որքան խրատական մասերը, որովհետեւ մինչ առաջինները կարող են ընդհանուր բնաւորութիւն ունենալ եւ մեծ մասամբ այդպիսի են, վերջինները ծագում են հայ հեղինակներից, որոնք եւ իրենց դասակարգի զաղափարախօսներն են: Վարդանի առակների մէջ արծարծւում են ընդհանրապէս նոյն զաղափարներն, աւելի աղատախօսութեամբ: Այստեղ կ'առնենք յատկապէս, նախ՝ ազնուականութեան եւ աշխատաւոր ռամիկ դասի յարաբերութիւնը եւ երկրորդի պայքարն առաջինի դէմ. ապա՝ այն խուլ պայքարը, որ երեւում է մի կողմից՝ քաղաքի տարրեր արհեստաւորների, միւս կողմից՝ քաղաքի եւ դիւղի միջեւ. երրորդ՝ թէ ի՞նչ վիճակ ունի եկեղեցականութիւնը եւ ի՞նչ կարծիք ունեն նրա մասին աշխատաւորները, կամ աշխատաւորութեան կողմը հոգեւորականութեան դէմ. եւ վերջապէս՝ հոգեւորականութեան հայեացքը հայերի եւ այլազգիների իրար հետ յարաբերութեան վերաբերմամբ:<sup>2</sup>

2. Աշխատաւորութեան պայքարն ազնուականութեան դէմ:— Երկրի գլուխը թագաւորն է, որ ունի իր երկրորդը: Առակախօս Մխիթարը թագաւորի երկրորդն անհրաժեշտ է համարում: «Հարկաւոր ցուցանէ առակս զերկրորդն ինեւ թագաւորի եւ բնաւ կարգաց. զի ոմն զբարեկարգութիւն պահիցէ, եւ միւսն զմարտն վանիցէ» (Մխ. ԿԸ. 64): Մնացած իշխաններին էլ թագաւորն ըստ պատշաճի պաշտօններ է տալիս (Մխ. ՀԶ. 70):

Թագաւորի գործը գլխաւորապէս այն է, որ նա կամ ասպատակում է ուրիշ երկիրներ, կամ թէ իր երկրի մէջ տեղէտեղ չըջնելով՝ ծանրանում է իրայինների վրայ:

1 Սրանով, հարկաւ, չենք ուղում ասել, թէ նախորդ դարերում չի եղել դասակարգային պայքար. Մեր հեղինակները լռում են այդ մասին, բացի գուցէ Արշակաւանի զրոյցից: Մեր նոր պատմաբաններն այդպիսի դասակարգային կռիւ են ուղում գտնել Յովհաննէս կաթողիկոսի Պատմութեան իրար յաջորդող երկու ասացուածների մէջ: Բայց դրանցից երկրորդը նրանք, գրաբար լաւ չիմանալուց, բոլորովին սխալ են հասկանում. ուստի նախորդ ասացուածի իմաստն էլ կտոկածելի է մնում դասակարգային պայքարի տեսակէտից: Այդ պայքարը մեր գրականութեան մէջ շատ որոշ երեւան է գալիս ամենաավագ առակների մէջ, որ եւ առաջին անգամ ցոյց է տուել առողբիս գրողն ներքեւում յիշուած իր աշխատութեան մէջ:

2 Մ. Արեղեան, «Հայոց միջնադարեան առակներն եւ սոցիալական յարաբերութիւնները նրանց մէջ», Երեւան, 1935, (արտատպուած է «Հիւ ՍՀ Կուլտուրայի պատմութեան Ինստիտուտի աշխատութիւնները» ժողովածուի Ա. հատորից, 1935 թ., Երեւան):

Յետ կարգեւոյ զիշխանս ի շուրսն, Լեւիաթան արքայ, ասեն, զիա՞րդ է՝ զի «չ շրջիս կամ ասպատակես: Եւ նա ասէ. Զի թշնամիք առ մեզ ոչ գոն, եւ անկարօտ եմք իմիք. զմերս վայելեսցուք. եւ ընդ ձեզ ոչ զբռնանամք, զի մի ծանր ձեզ եղէց: Եւ ասացեալքն հաճոյ նոցա թուեցաւ:

Ակնարկութիւն առական տոյպէս է. զի թէ թագաւորութիւն յայլմէ ոչ նեղիցի ի թագաւորէ՝ եւ բաւական կեանս ունիցի, բարի է խաղաղասէր լինել, նա եւ ոչ իւրոցն ծանրանալ շրջելով. ապա թէ հարկաւորի ի թշնամեաց, անարգութիւն է ոչ առաւ պատերազմ (Մխ. ԿԶ. 63):

Մխիթարն, ուրեմն, խրատում է, թէ երբ թագաւորը բաւական ապրուստ ունի, աւելի լաւ է խաղաղասէր լինել, եւ ոչ իրայիններէ վրայ ծանրանալ շրջելով: Թագաւորը ոչ միայն շրջելով է կեղեքում, այլեւ իր մօտ երկրպագու եկած իշխաններէջ շատերին կրանելով իրեն կերակուր է դարձ. — նուս: Նրանք էլ թագաւորից օրինակ առնելով՝ աւելի յանդուգն են դառնում, աւելի եւս յորդորում են չարիք դործելու եւ իրենցից թոյլերին եւ փոքրերին են ուտում: Եւ եթէ թագաւորը մէկ-մէկ մեղադրում ու յանդիմանում է այդպիսի իշխաններին, այդ արժէք չի ունենում:

Մեղադրեցան ձկունք ի թագաւորէն իւրեանց, թէ՝ Բնդէ՞ր վայլս ուտէք զմանունս: Եւ նոքա համարձակեալ ասեն. Վասնզի ի քէն ուսաք. եկեալ բողմաց յերկըրպագութիւն, եւ կլանելով կերակուր քեզ արարիր. ըստ այսմ եւ ինքեանք եւս յանդըգնադոյնք եղեն:

Զայնսով յանդիմանէ առակս, զի որով ինքեանք գործեն, զայլս բամբասել կամեւով առաւել եւս ի չարիս յորգորեն՝ քան թէ կարճեն. վասն զի գործով՝ քան բանիւ ի դէպ է լինել խրատուն (Մխ. Առ. ՀԵ, 69):

Ահա մի թագաւորութիւն, որ հիմնուած է այնոր վրայ, որ զօրեղը թոյլին ուտում է: Իսկական եւ վերջին ուտողը ժողովուրդն է կամ աշխատող դասը՝ լինի քաղաքացի թէ շինական, իսկ ազնուականները՝ թագաւորը, իշխաններն եւ եկեղեցականները՝ միայն վայելողն են: Այսպէս եւ Մխ. Է. 9.

«... Զձեզ իշխանս կարգեւով՝ այնպէս թագաւորեմ... Եւ յօրինեաց զկարգ թագաւորութեանն յանձն առնելով նոցա զորթ՝ գինէպետ, եւ զթգենի՝ հիպատոս, զդժնիկ՝ քաշձապետ, եւ զնռնենի՝ բժշկապետ. եւ զայլս ի պողոց ի դարմանս, զմայրս՝ ի շինուածս, զանտառս՝ յայրումն, զմորենի՝ ի բանտ, եւ զայլսն ամենայն յերաքանչիւր քործ»:

Այրուողը հասարակ ժողովուրդն է, որ, հարկաւ, զո՛հ չէ իր վիճակից. ուստի առակախօսը եզրակացնում է.

Յանդիման կացուցանէ առակս, թէ ոչ ոք կարէ ճոխանալ առանց անփառից, եւ ոչ բարձրանալ առանց անարգից:

Շատ տխուր է այդ թագաւորութեան դրութիւնը: Մխիթարի մի շարք առակների մէջ այս սոցիալական անհաւասար դրութիւնը խիստ զգալի է: Ժողովուրդն իշխանների սեփականութիւնն ու ստացուածքն է: Նրանք շատ ուրախանում են, երբ իրենց հպատակները յաջողութիւն են ունենում, բայց այդ ոչ թէ իրենց բարեսրտութիւնից, այլ որովհետեւ այդ յաջողութիւնն էլ իրենցն են համարում, քանի որ ուղած ժամանակ կարող են հպատակներից ամէն մէկին խփել եւ ուտել:

Վարուժանի տեսեալ բաղմորդի զւոր՝ գոհանայր զԱստուծոյ, եւ խնդակից նմա լինէր: Եւ ասէ լոր. Եթէ ճշմարտութեամբ գոհանաս, երանի է քեզ: Եւ անդէն

Երար զմի ի ձագուց նորա՝ եւ ըմբռնեաց: Ասէ լորն. Ահա յայտ եղեւ, զի ոչ վասն Աստուծոյ գոհանայիր, այլ վասն ագահութեան:

Յայտնէ առակս զբարս իշխանաց, զի ուրախ լինին ընդ ձեռամբ անկեղոց ընդ յաջողութեան, ինքեանց վարկանելով զնոցայն՝ քան թէ ստացողացն (Մխ. ձԺԷ. 99):

Իշխանները, որ զողերին պատժում են, իրենք աւազակութեամբ ու գողութեամբ են պարապում:

Գոյ զորէ բմբռնեաց առիւծ. եւ նա ասէ. Զմեռեալս ուտեմ, զի կենդանեաց ոչ յաղթեմ, իսկ գու զի յաղթող ես՝ անդանդաղ զայդ գործես:

Զբռնակալ իշխանս առակս բամբասէ. զի զգոյս պատժեն, եւ ինքեանք բռնակալութեամբ զնոյն գործեն, բայտ յանդիմանութեան առաքելոյ (Մխ. ՂԳ. 82):

Ո՞վքեր են այդ պատժուող գողերը. — միայն հասարակ ժողովուրդը: Իշխաններն ինչքան էլ գողութիւն ու զրկանք անեն, չարիքներ գործեն, ներանց համար դատ ու դատաստան չկայ: Դատուողն ու պատժուողը միայն ժողովուրդն է:

Դատելու ամենամեծ իրաւունքը, նոյնիսկ կաթողիկոսից աւելի, պատկանում է մարդապետին, այսինքն միջնադարեան գիտնականին: Բայց սա իրաւունք ունի դատելու միայն ժողովրդին, աշխարհականին, ռամիկին: Իսկ երբ իշխանաւորն է յանցանք գործում, այդ ժամանակ իբր թէ ինքը ժողովուրդն ասում է, թէ ժողովուրդը չպէտք է իշխանաւորին դատի. «Զի ամենայն իշխանաւոր Աստուծոյ ազնիւ ծառայ է»: Բայց չէ՞ որ յանցանքի մէջ բռնուել է այդ «ազնիւր».— Այո՛, բայց այդ «ինքն գիտէ եւ Քրիստոս»: Ուրեմն իշխանաւորի դատը միայն Աստուած պիտի անի եւ ոչ ժողովուրդը, որ իշխանութեան տակ լինելով, ասում է առակախօսը, պարտաւոր է հնազանդ մնալ իր իշխանին, նոյնիսկ եթէ նա զոյ աւազակ լինի:

Ի՞նչ պիտի լինէր դրա հետեւանքով աշխատաւորի դրութիւնը: Բերենք Վարդան Այգեկցու իրեն առակներէից մէկը.

ՄԵՆԱՏՈՒՆՔ ԵՒ ՄՇԱԿՔ, ԻՇԽԱՆՔ ԵՒ ՇՈՒՆՔ ԵՒ ԹՈՋՈՒՆՔ

Եւ զարձեալ այս չէ զարմացումն, ով ժողովուրդք Աստուծոյ, թէ Աստուած ի ձեռն մեղաւորի զայլ մեղաւորս որդորէ՝ դատաւ առ նա՝ յօստով ապաշխարութեան: Եւ զայս վասն այնորիկ առնէ Աստուած, զի տեսցին մարդիքն եւ զնա փառաւորեսցեն եւ ոչ գմարդն, որպէս եւ ցուցանեմ ձեզ յայտնապէս եւ պարզ առ իննակաւ:

... Եւ արդ՝ ահա տեսանեմ զմեծատուէսն, որ ի ձեռն մշակաղ գործեն եւ փշովք պատեն եւ պահեն զայգիս եւ զգրախոս. եւ ի ժամ հաշակման ողկուզիցն եւ պտղոցն ոչ զմշակսն յիշեն եւ ոչ զփռչն, այլ տանուտեառն շնորհակալ լինին. եւ նմա կեանք եւ խաղաղական հայցեն յԱստուծոյ՝ նոյնպէս եւ մատաղարդ մեծամեծ իշխանքն ի ձեռն շանց եւ գիշակեր թռչնոցն ոտան գերէսն եւ զթռչունսն: Իսկ ի ժամ հաշակման պարարտ եւ անուշահամ մսոյն ոչ զչունսն յիշեն եւ ոչ զթռչունսն, այլ իշխանին լինին շնորհակալ, եւ յԱստուծոյ խնդրեն. երկար ժամանակաւք վարել նմա զիշխանութիւն (Առ. Վարդ. Գ. 77, Ե. 1):

Այսպէս ուրեմն, այն աստիճան ընկած եւ մոռացութեան է տրուած աշխատաւոր շինական դասը, որ իշխանների համար գործող մշակները հաւասարում են տփն շներին ու գիշատիչ թռչուններին, սրոնց միջոցով իշխանները որս են անում: Վայելում են իշխաններն աշխատաւորի ձեռքի արդիւնքը, եւ աշխատաւորը մնում է քաղցած: Վարդան Այգեկցին այդ պատմում է իբրեւ մի սովորական հանրածանօթ երեւոյթ: Ուրիշ տեղ, սա—



կայն («Վասն զրկանաց») նա պաշտպանել է աշխատաւորի իրաւունքը զժողովքի սարսափներով զարհուրեցնելով մշակի վարձը կտրողներին: Սոցիալական խնդիրներ, սակայն, նա չի յարուցանում: Բայց արդեօք կեանքի մէջ չկային դրանք: Տե՛ս Մխիթար Գոշի առաջին առակը:

Աստուած յառնելն երբեմն զարարածս՝ երկեաւ հակառակիլ. եւ խառնեաց զծանրն ընդ թեթեւին, զտկարն ընդ հզօրին, զի թէ հակառակ գարձցին՝ առ միմեանս, եւ ոչ ընդ արարչին:

Խրատէ առակս զԹագաւորս՝ կարգել մեծամեծս ընդդէմ միմեանց, զի մի ընդ թագաւորս, այլ ընդ միմեանսն պատերազմեսցին (Մխ. Ա. 5):

Ըստ այս առակի, թագաւորի կառավարութեան սխտեմն այն է, որ նա «մեծամեծներին ու նուաստներին» իրար հետ կռուեցնում է, որպէսզի իր դէմ չենեն: Եւ վարչութեան այս եղանակը մի անհրաժեշտութիւն է համարում թագաւորական իշխանութեան զաղափարախօս եւ մեծ իշխանների ունձնակոտն բարեկամ Մխիթարը, որ խրատում է այդպէս վարուել: Նա մինչեւ անգամ Աստծու անուշով սրբապարծում է այդ, պատճառաբանելով, թէ Աստուած ինքն էլ այդպէս է վարուել արարչագործութեան ժամանակ:

Այսպէս ուրեմն, իրար դէմ հանել «մեծամեծներին եւ նուաստներին»: Բայց ովքե՞ր են դրանք: — «Մեծամեծքն» աղնուականներն են, աղատները, իսկ «նուաստքը», ոչ-աղնուականները, անաղատները, կամ «վար, ցած, խոնարհած, յետին, տառապեալ, չնչին, խեղճ» մարդիկը, ինչպէս բացատրւում է այդ բառը Հայկազնեան լեզուի Առձեռն բառարանի մէջ: Թէ այս բացատրութիւնը ճիշդ է, երեւում է Մ. Խորենացու Հայոց Պատմութեան մի հատուածից (Ա. դ. ԻԴ.): Այստեղ պատմադիրը երգիչներից առնելով զծագրում է թագաւորի զաղափարական տիպը, որի համար ի միջի այլոց ասում է. «Ոչ ընդ լաւագոյնսն խանդալը եւ ոչ զնուաստն արհամարհէր»: «Լաւագոյնքն» աղնուականներն են: Մ. Խորենացու ձեռագիրների Ա. խմբի մէջ «զնուաստն» բառի փոխանակ կայ «զսարուկսն»: Կը նշանակէ՝ հին ժամանակ նուաստ եւ ստրուկ բառերը հասկացւած են իրրեւ հոմանիշ: Այդպէս «նուաստ» կոչուել է ռամիկը, հասարակ աշխատաւոր դասը, ինչպէս այժմ էլ կոչում ենք վերին կամ բարձր դասակարգ եւ ստորին կամ ցած դասակարգ:

Մխիթար Գոշը, ուրեմն, խրատում է, որ թագաւորն աղնուականներին ու հասարակ, աշխատաւոր ժողովրդին իրար դէմ հանի, որպէսզի չկարողանան թագաւորի իրեն դէմ ելնել: Մի անգամ որ Առակագիրն այդ է քարոզում, նշանակում է իրականութեան մէջ գոյութիւն է ունեցել այդ կռիւր, դասակարգային պայքարը, եւ հէնց այդ է պատճառը, որ Մխիթարը հանդէս գալով իրրեւ թագաւորական իշխանութեան զաղափարախօս՝ ամենից առաջ, իր առաջին առակի մէջ հէնց այն հոգացողութիւնն ունի, որ յեղափոխական շարժումն ուղղուած չլինի թագաւորի դէմ: Կա՞ր արդեօք այդ շարժումը:

Դասակարգային պայքարը տեղի է ունենում այն ժամանակ, երբ ճնշուած, հարստահարուած դասը զիտակցում է իր դրութեան վատթարու-

թիւնն եւ իր շահերի հակադրութիւնը ճնշողները ու հարստահարողները դիմաց: Եւ Մխիթարի առականների մէջ տեսնում ենք, որ ռամիկը շատ լաւ գիտէ իր տառապագին դրութիւնը: Նա գիտէ, որ տէրերն իրեն տանջում են, կաշին քերթում են ոչ միայն կենդանի ժամանակ, այլեւ մեռնելուց յետոյ: Ուստի եւ նա ստիպուած է թաքնուել տէրերից:

Մեղադիր եղեն ոմանք կրքու, եթէ զիա՛րդ ի ջուր յահախ գեգերիս: Եւ ասաց. Զի ոչ շատանան զերկուորիս առ կենօք առնուլ, այլեւ մահուամբ մերկ ի մորթոյ առնեն:

Զլարաց տերանց առակս աղգէ, զի կենօք տանջի եւ մահուամբ (Մխ. 12.83):

Աշխատաւորն իր տէրերից ոչ մի լաւ բան չի սպասում. մինչեւ անգամ Առակախօսը խրատում է, թէ պէտք է զգոյշ լինել տէրերից, զի նրանց բարքն այնպիսի է, որ նոյնիսկ «քաղցր» տէրերը միշտ էլ բարի չեն:

Հաւ բնտանի յրմբռնել ստացողին իւրոյ. յոյժ աղաղակէր. եւ ոմանք մեղադիր լինէին, եթէ զմէ վայրագար կռիւս ամբառնաս: Որոց ասաց, թէ՛ Զարնուրիմ, զի ոչ յամենայն ժամու վասն բարւոյ ըմբռնէ. զի երբեմն գլխիվայր կախէ, եւ բազում աւուր ճանապարհ տանի. եւ երբեմն ի վերայ կայծախանց խորովէ եւ ուտէ:

Զբարս տերանց առակս յայտնէ, զի ոչ է յամենայն ժամու բարի ի նոցանէ գտանել. թէպէտ եւ քաղցր իցեն, այլ երբեմն եւ չարի ակն ունել արժան է, եւ զգաստ կեալ. եւ պատրաստութեամբ վարիլ ընդ նոռա (Մխ. 81ե, 106):

Խեղճ մարդիկը տուժալում են իրենց չքաւորութեան մէջ եւ մինչ մըտածում են իրենց դառն դրութիւնը թեթեւացնել, իշխաններն ու բռնակալ թաւաւորներն աւելի եւս տանջում են նրանց կոտ ու բեկարով եւ կոշորպտելով: Կարդանք «Աղօրք աղբաւի» առակը.

Այր մի աղքատ երթալոյ ի քաղաք մի. ի ճանապարհսն հիւանդացաւ եւ աղաչէր զԱստուած պատրաստել նմայ գրաստ տանել ի շինն. եւ անա գայ ոմն չաւրայբարոյ՝ հարկանէր զնայ: Արի յոտն. ասէ, եւ չալիէ զըւռակս. զի ոչ կարէ գայ զնոտ մաւրն իւրոյ: Եւ յարեաւ եւ լար գառնայգէս. զի ոչ կարէր կանկնել. եւ այրն չարարբարոյ ոչ դադարէր ի հարկանելոյ զնայ: Եւ նայ ասէ. վա՛յ ինձ. Աստուած իմ, փորանակ թեթեւացանելոյ ծանդրացուցեր զվիշտս:

Յուցանէ առակս, թէ աղքատքն տառագին վասն չքաւորութեան եւ խրնդրեն ինչք եւ ստացուածք ի յԱստուծոյ. եւ թաղաւորքն եւ բռնաւորքն, զինչ ունի, զան ալ կողոպտեն եւ թալնեն (Առ. Վարդ. Բ., 196, 81ե):

Թէ ո՛րքան հետզհետէ աւելի վատթարանում է աղքատների տնտեսական դրութիւնը, եւ իշխանները մէկը միւսից աւելի դաժան են դատնում, այդ լաւ արտայայտուած է հետեւեալ «Իշխան եւ այբի» առակի մէջ.

Իշխան մի կայր՝ յոյժ չար եւ անիրաւ: Եւ այլո՛ւ կ'են մի կայր ի նոյն քաղաքի, եւ իշխանն հարկ պահանջելով նեղէր զնա. եւ կ'ենն աղօթելով ասէր, թէ Աստուած զինքն խաղաղութեամբ պահէ: Քնացին ասացին իշխանին. թէ քո չարիք համար աղաւթք կու առնէ: Եկն ձեռնաւորն եւ ասէ. Ես քեզ լաւ չեմ արարել. դու ինձ համար է՛ր կու աղաւթես: Նայ ասաց, թէ քո հայտն վատ մարդ էր, եւ անիծեցի, նա մեռաւ, դու նստար ի նորա տեղն այլ (— աւելի) Խիստ չար, կու պախեմ, թէ մեռանիս, նա քո որդին այլ (— աւելի) Խիստ լինէ աս (Առ. Վարդ. Բ., 328, 802):

Մարդիկ տրվէն սկսել են դիտել սոցիալական անհաւասար դրութիւնք եւ մտածել դրա մասին: Զրկանք կրողները դասակարգային դիտակցութեան զալով, բնականաբար տրտնջում ու դանդաղում են իրենց վիճակից: Առակ-

ների մէջ «յանդգնում են» խօսել իշխանների դէմ, քննում են նրանց գործերը, դատում են եւ շատ չարիքների պատճառը նրանց համարում («Դատիչք լինին վարուց իշխանաց, եւ բազում պատճառաւ չարեաց դնեն նոցա»)։ Այս արդէն յեղափոխական մտքեր են, իսկ «յեղափոխական մտքերի դոյուլթինը որոշ դարաչքջանում՝ ենթադրում է արդէն յեղափոխական դատաւարդի դոյուլթինը»։ Կարգանք այս առակը։

Տրտունջ եղեւ տնկոց ամենեցուն զթագաւորէն իւրեանց, թէ առաջօք բաշխեաց զիւրաքանչիւր պատիւ, զի զոմանս ի տունս բնակեցոյ՝ որպէս զնարինջ, եւ զոմանս ի բուրաստանս, եւ զոմանս յայգեաստանս՝ եւ պատուին ի մարդկանէ, եւ զոմանս ի բրեւ զանարգս ի վայրի զպտղաբերս, որ եւ կերակուր լինին խոզից եւ կոխան գաղանաց, եւ զայլս յանտառս՝ որպէս զմայրս զսարդի եւ զնոճի եւ որ նմանս սոցին. զոր հարկանեն անխնայ, եւ անարգ քարշանօք ի շինուածս եւ յայրումն պատրաստեն։ Եւ նորա լուեալ կոչեաց դնոսա, եւ սաստեալ ի վերայ նոցա ասէ. Ո՛չ գիտէք, եթէ զխորհուրդ թագաւորին ոչ ամենեքեան գիտեն, որպէս եւ ոչ Սատուածոյն. եւ թէ այլ եւս յանդգնիք, մեծագոյն ունիք պատուհասիլ։ Եւ զարհուրեալք լռեցին։

Հանձնարեց զմեզ լինել կամ ի առակս. եւ հնազանդս Աստուծոյ եւ թագաւորաց, եւ ոչ տրտնջել զանճառ խնամոցն Աստուծոյ, եւ ոչ ծածուկ խորհրդոց թագաւորաց. այլ իւրաքանչիւր գործոյ ուշ ունել։ Զի ոչ եթէ վայրապար ինչ եղեւ կարգիլ ի թագաւորէն տնկոց զնոսա, որպէս եւ ոչ Աստուած եւ ոչ թագաւորք տնօրինեն վայրապար. զի զոմանս յայգիս կարգեաց ի պտղաբերաց, զոմանս ի բուրաստանս, եւ զոմանս զհամացեղս յանտառս, այսպիսի պատճառաւ զի գաղանաց եւ անասնոց կերակուր լինիցին, եւ մի նեղեցեան զմարդիկ պտածեալս ի նոցանէ՝ ուտելոքն. եւ թէ ի տունս ոմանք տնկեցան, անուտելիք մանաւանդ են. ուստի համարին մարդիկ լինել ի գոստան տեսլեան եւ ի բուրումն, զի կերակուր է բոքնաց բուրումն, եւ տեսլեան ի դուարճացումն՝ որպէս բուրաստանք. նա եւ ի բժշկութիւն եւս։ Եւ այլ թէ անտառք ի շինուածս եւ յայրումն պատշաճեցան, եւ այս նախախնամարար, զի մի՛ լիցի՝ որ զպտղաբերս հարկանիցեն ի շինուածս եւ յայրումն։ Այսպիսի եւ Աստուծոյն տնօրինի եւ թագաւորաց զանխուլ եւ անքննելի դատաստանաւ, եւ թէ ոք յանդգնի անկարգաբար ասել, դատապարտի (Միս. Ի. 21)։

Առակախօսը փորձում է «այրուողների» տրտունջը լռեցնել եւ քարոզում է հնազանդութիւն Աստուծոյն եւ թագաւորների եւ նոյնիսկ դատաստանաւ տուած ու սպառնում է իշխանների դէմ տրտնջողոյցներին։ Բայց կարգանք հեհեւալ առակը։

Կարգեցաւ հրամանատար եւ ի թագաւորէն բուսոց ճակնդեղ ի վերայ բանջարոց ի բրեւ գոեւող յամարայնի ի կերակուր մարդկան։ Եւ խանդացեալ սեխ եւ ձմերուկ, եւ այլ պտուղք բանջարաց եւ պարտիպաց՝ թաղթ եւ չաղգամ եւ ստեղծին եւ սկսան չարախօսել՝ եթէ սաստիկ ամենեւին է, եւ գոչող որովայնի։ Եւ գիտացեալ արքայի նոցա, տանջել զնոսա հրամայեաց, եթէ զի յանդգնիք բողբոջ իշխանի, զի հնազանդել պարտիք եւ ոչ քննիչք լինել, զի մի անկարգութիւն լիցի։

Յաճուցանէ առակս զյանդգնութիւն մարդկան, որ գատիչք լինին վարուց իշխանաց, եւ բազում պատճառաւ չարեաց դնեն նոցա. եւ ոչ իմանան թէ անորոշութիւն լուծանին կարգք իշխանութեանն՝ մինչեւ ի թնաւիցն ժամանէ իշխանն Աստուած (Միս. Ծ. 51)։

Տրտնջացողներին սուրբն տանջում են, որովհետեւ ոչ ոք չպիտի յանդգնի իշխանի դէմ։ «Զի հնազանդել պարտիք եւ ոչ քննիչք լինել, զի մի՛ անկարգութիւն լիցի»։ Այդ քննութիւնը, ինչպէս երեւում է Առակախօսի վերջին նախադասութիւնից, «հասած է եղել մինչեւ ամէնքի իշխան Աստուծուն»։ Բողբոջները երբեմն թագաւորի սաստեղուց զարհուրած՝ լռում են։ Բայց մի անգամ որ մարդիկ սկսել են տրտնջալ իրենց վիճակից, այլեւս

հնարաւոր չէ լսի խօսք ու խրատով լռեցնել եւ հնադանդեցնել բողոքողներին: Դասակարգային կռիւն սկսուած է իշխանների ու նրանց բռնութեան ենթակայ գիւղացիների միջեւ եւ առակազիր վարդապետը, որ իր կոչումով իրբեւ դատաւոր՝ իբր միջնորդ է երկու դասակարգերի՝ ազնուականութեան եւ չինականութեան միջեւ, ստիպուած է առերես դռնէ ամէն մէկին իր տեղն ու արժէքը տալ եւ քարոզել, թէ՛ «ոչ ոք կարէ ճոխանալ առանց անփառից, եւ ոչ բարձրանալ առանց անարից» (Մխ. է. 10): «Բնաւից կարօտ լինել մեծամեծաց եւ փոքունց առակա ցուցանէ, ոչ միայն թաղաւորաց, այլ ամենեցուն» իշխանաց եւ ալոյց աշխարհականաց. նմանապէս եւ յեկեղեցիս. զի պէտս ունին փոքունց եւ անարգաց» (Մխ. ՃԺԳ. 96): Բայց զբանալ բնաւ չի բարւոքում աշխատաւորի վիճակը: Ինչ միտթաութիւն աշխատաւորի համար, թէ իշխող եւ իշխուած դասակարգերն էլ պէտք են եւ իրենց արժէքն ունին աշխարհում, քանի որ նրան կարգել են ինչպէս «զմայրս ի շինուածս, զանտառն յալըումն». քանի որ նա աշխատում է, եւ ուրիշները վայելում են, իսկ ինքը միայն «այլում է»: Այլ տանջւողները, մաշկւողները, ինչպէս տեսնեք, թաք են կենում իշխաններից եւ նոյնիսկ մտածում են. «Ելցուք եւ մի՛ դարձցուք առ նոսա». ճիշդ ինչպէս մեր ժողովրդական մէկը՝ «Սասնայ Մուրի» մէջ՝ իշխանից դժգոհ ժողովուրդն ուղղւում է թոյնել հետնալ իշխանի երկրից:

Եղեւ երբեմն տրտունջ անդէպ, թէ՛ Վասն ծննդաց մեր աշխատիմք, եւ ստեամբք ժողովեմք կաթն, եւ մարդիկ ճմլեալ գոլակուն՝ տանուն ի մէնջ զվատապա մեր, ելցուք եւ այլ մի դարձցուք առ նոսա: Եւ մի ոմն ի նացանկ իմաստուն ասէ. «Ոչ է այդպէս. զի զաւելորդսն քան զպէտս ծննդաց մերոց տանուն մտրդիկ. եւ ինամեն մարդիկ զմեզ եւ ծնունդս մեր, դի տանա մք շատ քան թէ տամք: Եւ սակաւք զայս՝ ուրախ եղեն»:

Արտաէ տուտն զբրթիմնալ սպասաւորս, որք շատ կարծեն գինքսունցն քան զաւերանցն զոր առնուն, այլ ուստի ք յիմաստանց գիտն՝ դի տակու է ինքեանցն (Մխ. 2. 73):

Առակախօսը փորձում է, ուրեմն, ուրիշ կերպ համոզել բողոքողներին: Աշխատաւորները չպէտք է տրտնջան, թէ իշխանները նրանց աշխատանքը վայելում են, զի ազնուականները իբր նրանց աշխատանքի աւելորդ մասն են միայն առնում եւ զբա փախտնակ ինամք են տանում, պահպանում են նրանց: Առակախօսը ձգտում է նոյնիսկ համոզելու, թէ իբր տէրերի տուածք կամ կատարածն աւելի շատ է, քան տոածք: Աշխատաւորներն «իմաստուններից», այսինքն՝ հողեւորականներից իմանալով այդ, հանգստանում են մի առժամանակ եւ նոյնիսկ ուրախանում են միամտութեամբ: Բայց զբանալ չի վերջանում դասակարգային պայքարը: Ինչքան էլ աշխատաւորները տղէտ լինէին, պիտի տեսնէին, որ կան շատ իշխաններ, որոնք աշխատաւորներից կերակրւում են, բայց իրենց հարկատուներին ոչ ինայտում են եւ ոչ պահպանում գայլերի ու զաւանների գէմ, այլ, ընդհակառակն, իրենք զայլ դարձած՝ տանջում են նրանց: Կարգանք Միտթաքի հետեւեալ առակը.

1 Մեր «Սասնայ Մուր» ժողովրդական վէպը, ինչ որ պատմականին է վերաբերում, իր վերջնական յորինութեան ստանում է մինչեւ 13-րդ դարի կէսերը: Տե՛ս Մ. Աբեղեանի «Հայ ժող. վէպը», Թիֆլիս, 1908. ալլեւ «Ազգագրակ. հանդէս», գրքեր 13—17, 1906—1908:

Բեկեալ առիւծու ոտք՝ տրտնջէր զքնաւ կենդանեաց, եթէ՝ Հարկառուք իմ էք, զի իշխան գազանաց եմ. ընդէ՞ր այժմ ոչ պատարագիք՝ զի դարմանեցայց։ Եւ ասեն. Ձի ի քէն ինչ ոչ գտաք պահպանութիւն՝ ոչ յարջոյ եւ ոչ ի գայլոյ եւ ոչ յայլ ինչ քաղանէ. նա եւ ոչ դու իսկ ի մեզ ինայեցեք. այլ մեզ պատարագել Աստուծոյ արժանի, որ այդպիսի չտրեաց զքեզ պատահեցոյց։

Յայտնի է առաւկիս միտք. զի չար յառաջնորդաց յաշխարհայնոց եւ յեկեղեցականաց՝ տանջելով զՀնոգաւորեալսն եւ ոչ յայլոց պահէն ի վտանգէ։ Եւ ըստ արժանոյն անկեալք ի չարիս՝ Աստուծոյ գահութիւն մատուցուք, զի ոչ ի մէջնջ եղեւ (Միս. 26. 76)։

Իշխանները փորձում են մի ուրիշ կերպ էլ արգարտնալ։

Թուչունք առ Հասարակ զազալակ բարձին, եթէ՝ Չար է իշխանս մեր արծիւ, զի միշտ ի մէջնջ կերակրի՝ եւ յայլոց որոտղաց ոչ պահէ։ Եւ լուեալ ասաց, եթէ՝ Ձինչ քան զայն ձեզ բարի, զի երկու ծնանիս՝ որդի՝ եւ դմինն սպաւանեմ, զի մի՛ ծանր քեզ եղէց, եւ մերձ լինելով իմ՝ ոչ ոք կարէ որոտ զձեզ, եւ այլ ուրեք յանպատարատի զձեզ գտեալ՝ որսան. զուր զինէն ամբաստանէք։

Ըստ առաւկիս ուղոր են առնել թագաւորք ամենայն, ուռ իւրեանս ունել որդի՝ ասանգ թաղաւորութեան, զի մի՛ պատճառ կործանման իցեն յաշխարհի. եւ ի մերձ քեալն նոցա՝ չիշխէ ոք գործել չար (Միս. ձԺԴ. 97)։

Չեզ համար դրանից աւելի ի՞նչ լաւ բան կայ, — ասում են թագաւորներն աշխատաւորներին, — որ երկու որդի եմ ծնում, բայց մէկին սպանում եմ, որպէսզի ձեզ վրայ չծանրանամ։ Այն, որ արեւելեան թագաւորներն իրենց որդիներին, բայց թաղած ասանգից, կոտորել էին տալիս կամ հետոյնս իրենցից, Առաւիխօսը բացատրում է, ուրեմն, իբրեւ թագաւորի բարեհոյսութեան նշան, որպէսզի իբր «չծանրանայ» աշխատաւորների վրայ, եւ կամ աշխարհի կործանման պատճառ չդառնայ։ Բայց ուրիշների եւ հայ Արշակունեաց այլ սովորութիւնից ոչ ոք չէր խարուել, ի հարկէ, ուստի նոյն առաւիխօսը մէջ աւելանում է նաեւ հետեւեալը. «Եւ մերձ լինելով իմ ոչ ոք կարէ որոտ զձեզ, եւ այլ ուրեք յանպատարատի զձեզ գտեալ՝ որսան. զուր զինէն ամբաստանէք»։ Կը նշանակէ՝ թաղաւորը կամ իշխանն իրաւունք ունի փոխելիս աշխատաւորի վտտակը. բաւական է միայն, որ նրա հովանու տակ սպրկելով՝ այլ աշխատաւորն ուրիշներից ալլիւս չի կեղեքում. «ի մերձ կեալն նոցա՝ չիշխէ ոք դործել չար» (Միս. ձԺԴ. 97), ասում է Առաւիխօսը։ Իսկ եթէ այդպէս չի լինում, եթէ ուրիշներն էլ կեղեքում են, դրա մեղքն իբրեւ թէ իշխաններինը չէ։ Բայց արդեօք հաւատո՞ւմ են դրան։ Աշխատաւորները բողբոջում են. «Չար է իշխանս մեր... զի միշտ ի մէջնջ կերակրի եւ յայլոց որոտղաց ոչ պահէ»։

Այդ չար իշխանն ահա, ինչպէս վերելում բերում 26 առաւիխօսը, մի օր թուլանում, ընկնում է, եւ հղատակներն ընդվզելով նրա դէմ, հնարաւոր են դանում հարկ չտալ. ուստի եւ զազարեցնում են հարկատուութիւնը։ Որե՞ կողմը պիտի լինի այժմ Առաւիխօս Միսիթարի համակրութիւնը։ Նա պո՞հ է, որ ընկնում են այդպիսի չար ու տանջող իշխանները, ինչին «յոտաջնորդաց յաշխարհայնոց եւ յեկեղեցականաց»։ Բայց եւ այնպէս նա աւելի եւս պո՞հ է, որ չար իշխանները ժողովրդի ձեռքով չէ, որ պատժւում են. «Եւ ըստ արժանոյն անկեալք ի չարիս՝ Աստուծոյ գահութիւն մատուցուք, զի ոչ ի մէջնջ եղեւ» (Միս. 26. 76)։ Ուրեմն դարձեալ նա չի մոռանում իր դասակարգը եւ չի ուզում, որ աշխատաւորի ձեռքով պատժուի

չար իշխանը: Նոյնը նաեւ Վարդանայ առակների մէջ (Գ. ԽԸ , եր. 107):  
Եւ ոչ միայն այդ: Այնուհետեւ թեան գաղափարախօսը, հակառակ ժողովրդական առածի, թէ՛ «գեղ կանգնի, գերան կը կոտրի», խրատում է, թէ տկարները, ինչքան էլ թուով շատ լինեն եւ միաբան, չեն կարող հզօրին յաղթել, եւ թէ խելօքութիւն կը լինի, որ այդ ապստամբ տկարներն իրենց ուժը համեմատաբար պակաս ուժեղի, այսինքն՝ երկրորդական իշխանների գէմ փորձեն:

Ժողովեալ երբեմն աստեղաց՝ ասեն ի նոցանէ ծերագոյնքն. Մեր բազում եմք. զի՞մք՝ զտիւ եւ զգեշեր ոչ լուսաւորեմք նման արեգական եւ լուսնի: Ասէ ոմն. զի ոչ միաբանութեամբ վարեմք: Եւ խոնարհեալ միաբանութեամբ նախ հերքել զարեգակն, եւ ի ծագել լուսնի՝ պարտեցան եւ ասեն: Այսպէս ի ոմանէ սոլոտապաք, զի՞նչ եւ յարեգական ծագելն լիցուք: Եւ զղջացեալ զպարտութիւն խոտովանեցան:

Խրատէ առակս, թէպէտ եւ բազումք իցեն, եւ տկարք, հզօրի յաղթել ոչ կարեն: Խմտութիւն է՝ այլեւս տկարիւ զփորձ առնուլ՝ եւ զղջանալ որ եւ թողութեան է արժանաւոր (Մխ. Ե. 7):

Մխիթարն ինչքան էլ մի կողմից տկարներին խրատում է չապստամբել հզօրների գէմ, միւս կողմից, սակայն, հզօրներին էլ զգուշացնում է տրտալարներից:

Զրոյն մըջեան արջ փորէր եւ լեզուաւ ժողովէր եւ ուսէր. եւ հնարի մըջիւն աստակել զնա՝ երթեալ առ պիծակ եւ գոռեխ եւ մօեխ եւ շոնաճանճ եւ քրէս եւ առ նմանք սոցին. եւ աղաչէ օգնել իբր ալգալին: Յաւակցին՝ հարկանին զաչս եւ զլսելիս արջուն, եւ հարկանէ գլուխ զքարի, եւ նեխի եւ որդունք եւս ծնանին. եւ զստուկութենէ ցաւոց զբերան բացեալ գոչէր եւ նոցա մտեալ յորովայն՝ խոցառնն զաղխն. եւ նեղեալ դիմէ ի հոսանս ջրոյ, եւ այնչափ ի ներքս մտեալ՝ հեղձանի:

Զօրութիւն առակիս ոյսպիսի է. զի հզօրք զտկարս արհամարհեն, եւ ոչ երկնչին. սակայն իմաստութեամբ զօրանան փոքունք, եւ յաղթեն հզօրաց: Եւ այս իմաստութիւն է ի փոքունց իբրեւ ի մեծամեծաց երկնչել (Մխ. ՃԾԴ. 124):

Բոլոր իշխաններն էլ չար չեն ըստ Մխիթարի. կան եւ այնպիսիները, որոնք իրենց բերդերի մօտ տեղ են տալիս ժողովրդին ապրելու եւ իբրեւ կռուող պաշտպանում են նրան աւազակներից ու ասպատակաւորներից: Եւ այս անում են նրանք իբր մի բարեկործութիւն, իբր մի բարեպաշտական գործ, վշտակցելով տկարներին եւ փոխարէնն իբր թէ միայն աղօթք ու ժաղթանք ստանալով իրենց սղջութեան եւ հոգու փրկութեան համար:

Երամ ճընճղկու երթեալ առ արագիւ, եւ աղաչեալ զնա ասեն. Ի բոյն քոյ տեղի մեղ տացես հանել ձագս, եւ յօձից զձագ մեր պահեսցես: Եւ նա ասէ. Զի՞նչ ինձ առնիցէք, զի զայդ ձեզ առնիցեմ: Եւ ասեն. Ազօթս առնեմք, զի ձագք ձեր ասող-ջութեամբ աննիցին ի վրասակարութենէ օգոյ, եւ ի հանդերձեալուն կենաց արժանի լինիք յաղագս արդարութեան ձեր: Եւ յաղագս ոյսորիկ տեղի ետ նոցա: Եւ եղեւ ի հոսնէ նոցա ձագ, սղաց օձ առնուլ ի նոցանէ, եւ տեսեալ տառեղան՝ եհար աստակեաց զօձն. եւ շրջէր եւս շուրջ ի սահմանս միանգամայն աստակել զօձնս յաղագս փրկութեան նոցա:

Չվշտակցութիւն առակս ցուցանէ տկարաց՝ յերկաքանչիւրսն վայելել փրկութիւն սակա բարեկործութեան սոցա (Մխ. ՃԻԲ. 103):

Վարդանայ առակների մէջ, սակայն, այդ պաշտպանութիւնը չկայ: Մխիթարի այդ առակն այնտեղ փոխուել է այնպէս, որ իշխանն այլեւս չի պաշտպանում իր հովանուն ապաստանող ժողովրդին, այլ միայն իր զուար-

ճուրիւնն է անում. նա ժողովրդին խաբում է, ըստ առակի առասպելին, իբրեւ թէ օգնել չի կարողանում նրան, թէպէտ կամենում է: Այս արդէն 14-15-րդ դարերի հայեացք է, երբ հայ ազնուականութիւնն ընկած էր:

### ՄԱՆՐ ԹՌՁՈՒՆՔ ԵՒ ԱՐԱԳԻՒ

Ժողովեցան մանր թուշուքն եւ աղաչեցին զարաքիւն, զի գիցեն զբոյնս իւրեանց ի ներքոյ բնին արաքլի: Եւ եկեալ աւծըն բնակեցան ի խռիւսն, զոր կուտեալ էր արաքիւն ի բունն իւր: Եւ սկսան քարողել զնորածին ձագան մանր թուշնոցն: Եւ արաքիւն ունի սովորութիւն, որ տանի զգլուխն յետ ի վերայ թիկանցն եւ զկոտեցն կլկեցնէ իբրեւ զձնձղայս. եւ կարծէին մանրաձագերն, թէ՛ ապաշօէ (ապաշաւեւս ի զճաւ. ափսոսել, ցաւել) զմեզ. եւ ասէին առ նա, թէ՛ Շոտ շնորհակալ եմք քեզ. զի թէպէտ եւ աւգնել ոչ կարես, տրամակից լինիս մեզ:

Նշանակէ առակս, թէ թագաւոր ոմն կամ իշխան ոչ կարէ աւգնել ժողովըրդեանն եւ պահել ի թշնամեաց. այլ զհարկն յաւելորդ պահանջին ալքատացն եւ ինքեանք փափկանան, նոյնպէս եւ հոգեւոր առաջնորդքն զի խնամ ոչ տանին հոտին եւ ոչ հոգան զբորոտն զհիւանդացեալսն մեղօք, այլ զգէրն զեննն եւ ճարպոյն պարարտանա (Առ. Վարդ. Բ. 198. ՃԿԵ):

Ըստ առակի խրատական մասի, ժողովուրդն արդէն գիտէ, որ ազնուականութիւնն այլեւս անպէտք է եւ սելորդ է եւ զուր ծանրաբեռնութիւն: Նա միայն փափկանում եւ իր անձն է պարարում: Այսպէս է հոգեւորականութիւնը:

Բայց այդ չէ միայն: Վարդանայ առակների մէջ, որոնք ժամանակով աւելի ուշ են, աշխատաւոր շինականի ոյս դասակարգային ուղաքորն ընդդէմ ազնուականի՝ մի փոքր աւելի է շարունակուում: Աշխատաւորն այնպէս արդէն կատարեալովէս գիտակցում է իր արժէքը, իր շահերի հակադրութիւնն իշխանների դիմաց: Նա ըստ արժանւոյն զնահատում է այն թագաւորներին, իշխաններին ու պարոններին, որոնք ոսկով ու արծաթով զարդարուն ձիերի վրայ բաղմած ման են դայլոս եւ ապրում են աշխատանքով մշակի, որ չարչարում եւ յողնում է աշխարհը չէն պահելու. համար: Ուտում են իշխանները եւ երախտամոռ լինում. հեծնում են ձի եւ միայն աշխարհ աւերում:

### ԵԶՆ ԵՒ ԶԻ

Եզն եւ ձին խաւսեցան ընդ միմեանս: Ասաց ձին ընդ եզն. թէ՛ 'Ին ո՞յ կս կամ զի՛նչ պէտս ես: Ասէ. Ես ձի եմ, որ թագաւորք եւ իշխանք եւ պարսոյք կաղմեն զիս ոսկով եւ արծաթով եւ բաղմին ի վերայ իմ: Ասէ եզն. Ամէն աշխարհիս շէն եմ ես, որ վաստակիմ եւ չարջարիմ եւ խոնջիմ. եւ ապայ գու եւ քու թագաւորն ուտէք. եւ ամենայն մարդ զվաստակս իմ ուտեն, եւ թէ ոչ վաստակիմ, գու եւ քու թագաւորն մէկ հետ մեռանիք. եւ գու երախտամոռաց մի՛ լինար:

Ցուցանէ առակս, թէ մարդ կայ որ աշխատի քան զեզն. եւ մարդ կայ. որ հանապաղ զձի հեծնի ու աւեր ամէ աշխարհի. եւ թէ աշխատաւորն ոչ աշխատի, որպէս զեզն. նայ մեռանի ձին եւ հեծնող նորա (Առ. Վարդ. Բ. 151. ՃԻԷ):

Ազնուականն, ուրեմն այլեւս ոչ միայն անպէտք է, այլեւ պարապորդ, աւերածու: Այս գիտակցութիւնն այնուհետեւ մինչեւ այժմ էլ մնում է մեր աշխատաւոր ժողովրդի մէջ: Ինչքան էլ իրականութեան համապատասխան է եղել առածը, թէ «չը դատի, ձին ուտի», բայց եւ այնպէս ժողովրդա-

Պան տաակր, որ տապերին զբոսը զրի է առել 1885 թ. Աստապատ գիւղում<sup>1</sup>,  
ասում է .

«Ոսկէ թամբով ձին բռնան եղան ասաւ .

Ես ձի ամ ձիււորին .

Ոսկէ աթոռ ամ թագաւորին :

Եզն ասաւ .

— Ես եզն եմ եղնաւորին ,

Ոսկի աթոռ ամ ուշապորին .

Ես չգտեմ՝ արան ու գարին ,

Ղառղառնին [ազաւաններն] պոչի տակին կը շարունան :

Այսպէս ուրեմն, վերջ է վերջոյ աշխատաւորը, երկրագործ շինականն  
աւելի բարձր է դասուած, քան նրան կեղեքող ազնուականութիւնը : Եւ այսպէս  
էլ չէր կարող լինել, քանի որ տաակները տեսակը ինչքան էլ հոգեւորա-  
կանի ձեռով զրուած, իր արմատներն ունէր աշխատաւոր դասի մէջ եւ ու-  
սակներն իսկապէս նրա գրականութիւնն են : Հէնց այդ պատճառով էլ գրանց  
մէջ տեսնում ենք այն կոխը, որ կեղեքուած աշխատաւորները վարում են  
ազնուականութեան դէմ :

3. Արքեստաւոր քաղաքացիներ եւ քաղաքացիների վերաբերմունքն առ  
գիւղացիները : — Առականը լինելով ամենից առաջ քաղաքացիական զրա-  
կանութիւն, բնականաբար, նոյնիսկ Մխիթարի խմբադրութեամբ, իրենց  
նիւթն առնում են նաեւ քաղաքացիների կեանքից : Այսպէս, օրինակ, Մխի-  
թար Գոչի առականների մէջ հանդէս են գալիս առանձնապէս արքեստաւոր  
քաղաքացիներ — հիւս, գարբին, կառաւործ, կարող (դերձակ), պղնձա-  
դործ, երկաթագործ, արծաթագործ, սոկեդործ, խաղախորդ (կաշեգործ),  
մորթեգործ, բրուտ, կոշկակար, շինապութիւն : Բացի դրանցից, կան նաեւ  
տնկապործ, վաճառական եւ այլն : Այս արհեստաւոր մարդկանց մէջ տես-  
նում ենք մի խուլ մրցութիւն : Յաճախ վէճ է ծագում, թէ որի՞ արհեստն  
է աւելի բարձր : Այսպէս, օրինակ, Մխ. ճԿԵ. 133, գարբինն առաւելու-  
թիւն է արւում հիւսնից . ճԿԵ 134, երկրապործը դերազատ է պղնձապոր-  
ծից :

Արքային Սողոմոնի հանդերձ սնն կորէր արուեստիւ սքանչելի եւ յոյժ ուրա-  
խացեալ պանծալի . եւ բեհեպագործն ընդդէմ զիւրն յարգէ ուրուեստ : Եւ լուեալ ար-  
քայի կոչեաց պնոտ եւ բնարեաց ի մէջ նոցա, թէ անկազմ է կտաւ առանց կարողի .  
տակայն զս՝ կարէ արուեստիւն, եթէ չիցէ արարեալ կտաւ . զի եւ Ադամ զտերեւ եգիս  
եւ արար հանդերձ : Եւ այսու ասալին ցուցաւ կտաւագործ քան զկարող :

Ամենայն ուրեք տաակն տնալարաւ ցուցանէ զկտաւագործ, զոր բաղումք աշ-  
պանեն (Մխ. ճԿԶ. 133) :

Այս տաակով կտաւագործն աւելի բարձր է, քան կարողը, այսինքն՝  
դերձակը : Շատերն այսպնեւն են կտաւագործին, բայց թէ նա որքան գի-  
տակցում է իր արհեստի արժէքը, այդ տեսնում ենք ներքեւում գրուած  
առակից՝ Տամբատեցի կտաւագործի մասին : Ծագրն ու այսպնեւնը տես-  
նում ենք եւ ուրիշների վերաբերմամբ . խաղախորդը մորթեգործին է այ-

<sup>1</sup> Տպւում է Տ. Նաւատարդեանի «Հայ ժողովրդական հեքիաթներ»-ի մէջ . եօթ-  
ներորդ գիրք, թիֆլիս, 1891, էջ 85 :



պանութեմ եւ սա նրան (Մխ. ՃԿԹ. 135) . ուրիշները կօշկակարին (Մխ. ՃՀԱ. 136) : Այս ցոյց է տալիս տարբեր համաքառութիւնները վերաբերմունքը միմեանց : Տեսնենք մի ուրիշ կողմ — տարբեր վիճակների կամ դասերի յարաբերութիւնը : Այսպէս՝ Մխ. ՃԿԵ. 132 առակի մէջ դարբնութիւնը, քաղաքացու արհեստը, նախամեծար է դասուում, քան երկրագործութիւնը, շինականի պարապմունքը : Դա քաղքենիների կարծիքն է : Այդպէս չի մոտոծում, սակայն, ինքն Առակախօս Մխթարը . ամէն արհեստ ու պարապմունք, ժամանակին նայելով, կարող է աւելի մեծարելի լինել :

Ի Թագաւորելն սոկի խնդէր երկրպագութիւն յամենայն նիւթոց, եւ Թագաւոր զանձն կոչէր, զի պտտիւր եղեւ Թագաւորի. եւ նախաւ ամբարտաւանէր գործողի եւս ի վերայ արծաթագործաց եւ ալւոց, եւ ի գաւն ամենեցուն՝ ոչ եկն ցորեան տեսելով. Գամ, մինչեւ նախ ինձ եկեալ երկիր պագանիցէ :

Փոփոխելի առակս ցուցանէ զնիւթականքս, զի ոչ միշտ պատուին. զի յերեմիս մեծարի ամն, եւ երբեմն անպատուի. վասն բազում՝ անգամ՝ վտանգի սողոյն նիւթք ամենայն խնտրոհին ընդ ձեռամբ ցորենոյ : Նմանապէս եւ յալւսն է տեսանել, ըստ այսմ եւ յարուեստաւորս պատահի, որոք չէ պարտ ամբարհաւածել (Մխ. ՃԿԸ. 134) :

Վերջ ի վերջոյ ցորենը, ուրեմն դարձեալ երկրագործ շինականն է, որ չի երկրպագում «Թագաւորի պատիւը» ոսկուն եւ հողարտութեամբ պահանջում է, որ իրեն զան երկրպագեն : Դա շինականի կարծիքն է : Քաղաքացիների կարծիքը, սակայն, այդպէս չէ : Քաղաքի եւ դիւղի միջեւ տեսնում ենք մի խուլ պայքար, որովհետեւ քաղաքի տնտեսութիւնն ուրիշ բնութիւն ունէր, քան գիւղիները . քաղաքիներ նոր էր, արտոյ բարձրացող, գիւղիներ՝ հին, ընկած :

Այս միեւնոյնը պտնում ենք նաեւ հայոց դրականութեան մէջ 150—200 տարով աւելի վաղ, քան եւրոպական դրականութեան մէջ : Մխթարի մի քանի առակների մէջ ծաղրւում են ոչ միայն հոգեւորականները, այլեւ շինականները — մշակը, երկրագործը, հողագործը : Մխ. ԾԳ. 54. «Ձխատոր Գալիտոնս՝ Թիւրակէ կոչէր շինականաց . եւ յուեալ մշակի միոյ, առեալ եկեր կայթիւ (=կողովով), եւ խելադարեալ կուրացաւ» : Կամ հետեւեալը . Մխ. ԾԴ. 54. «Եկեալ հողագործ ոք ի պարտիղէ իւրմէ զսոխ բացում, կարծելով՝ զնա բանջար, եւ անկաւ յորոխյանածութեան ախտս» : Կան առակներ, որոնց մէջ եւս ծաղրում են իսկապէս յիմար գեղջուկները, բայց Մխթարն, ինչպէս երեւում է, զգուշութեամբ, ընդհանուր ձեւով «ոմն», «ոք» բառերով է պատմել : Այդպիսիներից են, օրինակ՝ Մխ. ԾԸ. 56, ԿԱ. 59 :

Վարդանայ առակների մէջ կայ դրա մի փոփոխակը, որի մէջ մի մարդ քաղաք է զնում մի էչ զնելու : Ուրեմն գիւղացի, որ քաղաք է զնում : Դրա մի փոփոխակն էլ ես զրի եմ առել 1885 թ. Աստապատ գիւղում : Այստեղ ծաղրում են Դարաշամրի գիւղացիները, որոնց վրայ են պատմում ամէն տեսակի դուարձայիքներ :<sup>1</sup>

4. Աշխարհականի հայեացքն եկեղեցականի վրայ :— Առակների մէջ ինչպէս ազնուականութեան, նոյնպէս եւ եկեղեցական դասի նկատմամբ արդէն փոխում է հայեացքը : Չնայելով որ Մխթարի առակները զբւլ է մի

1 Տ. Նաւասարդեանց—Հայ Ժողովրդ. հեքիաթներ, վեցերորդ գիրք, Թիֆլիս. 1890, էջ 54—61 :

Հոգեւորական, — առականերից մէկի մէջ (ՃԺԵ , էջ 98) տեսնում ենք, որ հեղինակը Հոգեւորական է, քանի որ նա քահանաների մասին խօսում է առաջին դէմքով, — բայց եւ այնպէս նրանց մէջ պարզ երեւում է աշխարհականի, այն էլ ոչ ազնուականի վերաբերմունքը դէպի Հոգեւորականը, որ եւ ապագայ է մի շարք առակաների աշխարհիկ ծաւման: Ինքն առակախօսն իրրեւ Հոգեւորական դեռ չառ մեծ կարծիք ունի եկեղեցականների մասին. նրանք, ինչպէս երկիրքը երկրից, չառ բարձր են աշխարհականներից եւ լուսաւորութեան աղբիւրն են:

Երկիր հայեցեալ ի բարձրութիւն լեռանց՝ համարձակեցաւ լինել և երկին. և ոչ կարաց զլուսաւորս ընդ ինքեամբ առնել նման երկնի՝ և լուսաւորել:

Յանդիրմանէ նշանակս զաշխարհական ոմանս. որ փքացեալ ի ճոխութիւն իւրեանց, զքահանայից կամին յափշտակել զպատիւ. սակայն լուսաւորին՝ քան լուսաւորեն, նման երկրի, զի լուսաւորի՝ քան լուսաւորէ (Մխ. Զ. 8):

Քահանայական տոհմը, թէպէտ աղքատ, բայց Հոգեւորով Հարուստ լինելով՝ արժանի է Առակախօսի կարծիքով նոյնիսկ թաղաւորական տոհմի հետ հաւասարուելու:

Խնամութիւն առնել ընդ միմեանս կամեցան թթենի և ձիթենի. և պանծայր ի զօրութիւնն իւր իւրաքանչիւր ոք, ձիթենի յարազուարճութիւն և ի պտղաւետութիւն, մանաւանդ զի պտուղ նորա նիւթ է ձիթոյ. և ձէթ նիւթ է լուսոյ, և զայս լուծիչ խաւարի: Իսկ թթենի ի քաղցրութիւն պտոյոյ, և զի սաղարթ իւր նիւթ է մետաքսոյ, զոր որդունք ծնանին, յորմէ կերպասք լինին, զոր թաղաւորք և իշխանք վայելեն: Որում և գրմագրէ ձիթենի զգիւրանցութիւն պտոյոյ նորա, և զախտաւորն լինել հանդերձ, քան թէ հարկաւոր, և զի ի գիշերի մերկանայ, բայց լոյս ի գիշերի վառի: Ասէ թթենի. Այլ ի տունջեան շիջանի: Եւ ասէ ձիթենի, Թէ՛ Ոչ շիջանի. այլ յազգակիցն իւր խառնի. Իսկ փառք քո ծաղկընկէց է և անցաւոր: Եւ այսու պարտեալ թթենի՝ և հայցէ լինել իրին:

Նշանակ առակիս այսպիսի է, զի թաղաւորական ազգ թէպէտ փառաւոր է, այլ երկրաւորօքն ճոխանայ, որք հոսանուտք են, որում թթենիդ է նշանակ: Իսկ քահանայական տոհմ թէպէտ և աղքատ իցէ, մեծապատիւ է հոգեւորօք, և արժան է զուգիւ ընդ թաղաւորական տոհմի (Մխ. ԺԳ. 41):

Բայց այդպէս չէ ժողովրդի Հայեացքը եկեղեցականի վրայ: Ինչքան էլ աս երեւում է դեռ կարգապահ եւ մեծ ազդեցութեամբ ռամիկի վրայ, ինչքան էլ կան նաեւ իսկական սեւազգեստ կրօնաւորներ, որոնք մի անդամ որոշած լինելով հեռանալ աշխարհից, միշտ սգաւոր են մնում եւ նոյնիսկ կարճ ժամանակով չեն ուզում ուրախանալ (Մխ. ՃԼԳ. , 112), բայց եւ այնպէս եկեղեցականութիւնն ընդհանրապէս ընկած է պատկերանում: Հոգեւորականը նոյնպէս յափշտակող է, ինչպէս եւ իշխանը. ուստի նրա դէմ էլ պայքարում է աշխատաւորութիւնը, եւ այդ պայքարն երեւան է դալիս յաճախ ծաղրով: Հին ճգնաւորական խտակեցութիւնն այլեւս ոչ միայն յարգանք չի վայելում եւ ազդեցութիւն չի թողնում, այլեւ, ընդհակառակն, ծաղրի առարկայ է:

Գնդածաղիկը և կորնգան և խոլորձ՝ առուոյտ կապոյտ և սէզ և նմանք ոռցին ծաղր եղեալ՝ զցինկ ասէին, եթէ՛ Զի՞ մեք զուարճացեալք կամք, և նա ծիւրեալ դեղնութեամբ: Եւ լուեալ՝ պատասխանեաց. վասն զի անմիտք էք և աներկիւզ, ոչ խորհիք եթէ՛ վասն մեր սուրք սրեն գերանդեաց. Իսկ ես խոկալով յայտոսիկ՝ զարհուրեալ դեղնիմ:

Յայտնապէս ցուցանէ առակս, թէ յոյժ անմիտք են որ մոռանան, եթէ

քնութեամբ մահկանացու է ազգ մարդկան. և պատրեալք յերեւելի ի մեծութիւնս՝ ծաղր առնեն զվարս երկիւղածս և զկրօնաւորս. ուստի յանդիմանին ի նոցունց անմտութիւն նոցա. և ինքեանք գիտելով զապականութիւն երկնաւորացս՝ ոչ պատրին. այլ ճնշեալ և երկիւղել միշտ ներգեւին (Մխ. ԼԳ. 39):

Մաղրում են, ուրեմն, կրօնաւորների կենցաղավարութիւնն ասելով, թէ՛ ինչո՞ւ մենք ուրախ ենք եւ նա հալումաւ է եղել, դեղնել: Ի հարկէ, Մըխիթարի համակրութիւնը ծաղրողների կողմը չէ, որոնց նա անմիտ է համարում: Մաղրում են կրօնաւորների վարք ու բարքը, նրանց դժժութիւնն ու ժլատութիւնը, եւ նոյնիսկ պահանջկոտ են նրանց եւ վանականների վերաբերմամբ: Աշխարհականները հիւր են դնում աղքատ կրօնաւորների մօտ, նրանց նեղլիկ քարանձառները, ցոյց են տալիս այդ դժուար տեղերն եւ միաժամանակ պահանջում են պարարտ կերակուրներ եւ խորտիկներ (Մխ. ՃԻԷ. 107):

Կրօնաւորները շատ անգամ բան չեն ունենում տալու. բայց եւ շատ անգամ էլ պատահում են այնպիսի ժլատ ու դժժի կրօնաւորներ, որոնք դեղի համար էլ բան չեն տալիս, եւ այդպիսիների գլխին աշխարհականները խաղեր են սարքում. «Ոչ ետուր դեղոյ, ետուր փորոյ» (Մխ. ԶԷ. 77):

Դրա պատճառն, անշուշտ, կեղծ կրօնաւորութիւնն է, կեղծ բարեպաշտութիւնը, որ յոճախ յանդիմանում է Միխիթարից: Կրօնաւորները կորցրել են իրենց խոնարհութիւնը (Մխ. ԻԵ. 29). կան այնպիսիները, որ մօտից վախենալով, այսինքն՝ զինուորական ծառայութիւնից փախչելով, ասում են, թէ կրօնաւոր են, բայց անապատում ապրելու փոխանակ՝ աշխարհում դատարկ չըլում են (Մխ. ՃԺԶ. 99):

Այսպիսի կեղծ կրօնաւորներ միշտ էլ եղել են. բայց 12-րդ դարում նրանց թիւը մեծացած է եղել, որ Ներսէս Շնորհալին, ինչպէս տեսանք, իր Ընդհանրական թղթի մէջ յատուկ ուշադրութիւն է դարձնում նրանց վըրայ: Եղել են, հարկաւ, եւ այնպիսիները, որոնք գնալով լեռը կրօնաւորելու, չեն դիմացել տեղի դժուարութեանն ու կեանքին եւ չուտով ետ են փախել աշխարհ՝ նորից իրենց հին կեանքին: Միխիթարի համակրութիւնն, անշուշտ, այդպիսիների կողմն էլ չէ (Մխ. ՃԴ. 91):

Շատ ուժեղ կերպով արտայայտուած է արդէն աշխարհական կեանքի ձգտումն առականների մէջ: Քահանայութեան ուսումը, օրհներգութիւնն ու սաղմոսն ալլելու չեն զրաւում, զի սուգ եւ տրտմութիւն են պատճառում: Թէպէտ դեռ գիտեն, որ այս աշխարհի տրտմութիւնը յետոյ այն աշխարհում ուրախութիւն է բերում, բայց եւ այնպէս այդ քարոզին լսող, հետեւող չկայ: Մարդիկ աւելի սիրում են իրենց հօր արուեստը, ուրախ երգը, խաղ ու պարը, «երկրաւոր ուրախութեանց պատրանքը»: (Մխ. ՃԼԳ. 112):

Սարեկ ետ գորգի իւր յուսումն քահանայութեան, եւ նա ի սուինս եւ ի մրմունջս թեւակոխէր: Եւ խրատէր քահանայն օրհներգութեանց եւ սաղմոսաց փոյթ առնել, յորմէ սուգ եւ զղջումն յոգի գործի: Իսկ նա ի պար յաւելոյր, թէ՛ Հօր իմոյ արուեստ ուրախութեան է պատճառ, իսկ քոյգ տրտմութեան: Եւ թէպէտ ուսաւ յետոյ՝ թէ տրտմութիւն այժմուս բերէ ուրախութիւն յետոյ, սակայն անյուր եւ ղեալ, դարձաւ ի տուն իւր:

Ձերկնաւոր ուրախութեանց զպատրանս առակս նշանակէ, որով զկատարածն իմանան, եթէ ի յոյր վախճանի, որպէս եւ տէր իսկ ասաց, նմանապէս եւ հոգեւորն սուգ յուրախութիւն յանգի (Մխ. ՃԼԳ. 112):

Այսպէս ուրեմն, ինչքան էլ տեսականի մէջ դեռ իշխում է ճշմարտական հայեացքը, դործնականի մէջ, ընդհակառակն, ուրախ կեանքը, աշխարհիկ ոգին է տէրը: Նոյնիսկ միայնակեացը սատանայի հետ պայման է կապում եւ նրա օղնութեամբ եպիսկոպոսական աստիճանի հասնելով եկեղեցին դարձնում է գուսանական նուազի վայր (Առ. Վարդ. ՄԻԳ. 252):

### ՈՒԽՏ ՄԻԱՅՆԱԿԵՑԻ ԸՆԴ ՍԱՏԱՆԱՅԻ

Ասի յառակաց, թէ միակեց մի սատանայի ուխտ եղ, որ տարի մի պահ կենայ, թէ զնա ի մեծութիւն հասուցանէ: Սատանայ յանձն էառ կատարել զինդրուածս նորա: Յորժամ վճարեաց զպահսն, շարժեաց զեպիսկոպոս քաղաքին, որ եղ զնա եկեղեցապան: Եւ ի միւս տարւոյն շարժեաց որ օրհնեաց զնա արդիայ. եւ ի միւս տարւոյն եղեւ մեռանիլ եպիսկոպոսին շարժեաց զթագաւորն եւ զքաղաքացիսն առնել իւրեանց եպիսկոպոս: Եւ յորժամ կամէր զգետաւորիլ զի ժամ արացէ, եկն սատանայ, ետ ի նա փոքրիկ չորեքալի մի եւ ասէ. իմ ամէն լաւին փոխարէն, որ զքեզ յայդ մեծագոյն աստիճանդ հասուցի, զայս արա. առ զայդ փոքրիկ չորեքալիդ ի ծոցդ դիր. եւ զգետօդ ի վերայ հագիր եւ յորժամ ի բնմն ելանես, նա մէկ մատամբդ ի վերայ մէկ լարին դարկ: Եւ այնպէս արարեալ պատրեալ եպիսկոպոսին՝ յանկարծակի հազարք հազարաց եւ բիւրք բիւրոց տասնալի եւ թմբկի եւ սուռնայի եւ շանկի եւ չորեքալոյ ձայն հնչեաց՝ ի մէջ եկեղեցւոյն: Զարհուրեցան թագաւորն եւ ժողովուրդն եւ ո՛չ զոք տեսանէին հարկանող նուազարանացն: Հրամայեաց թագաւորն րոնել զգուռն եկեղեցւոյն՝ եւ զիւրաքանչիւր ոք մերկացուցանել եւ փնդուել: Եւ այնպէս արարեալ ո՛չ զոք գտին պատճառ, եւ մնաց թագաւորն եւ եպիսկոպոսն միայն: Թագաւորն եւս մերկացաւ. եւ ոչ գտաւ առ նա ինչ: Եւ յորժամ մերկացուցին զեպիսկոպոսն, գտին ի ծոցն զչորեքալին այն, եւ ի չարարանս արկեալ խոստովան եղեւ գուրացութիւնն եւ զգաշինս, զոր եղեալ էր ընդ սատանայի: Յայնժամ կապեցին զնա ի յագի ամենի ձիոյ եւ թողին ի դաշտի մանրամասնաբար կոտորեալ եղեւ մարմին նորա. եւ այնպոս աւանդեաց զգառնացեալ հոգին ի ձեռն սատանայի:

Յուցանէ առակս, թէ ով ոք սատանայի բարւոյն եւ ուխտին հաւատայ. բաժին նորա վերջն այնպէս լինելոց է (Առ. Վարդ. ՄԻԳ. 252):

Պակաս ընկած է՝ իւր զօշաքաղութեամբ եւ քահանաների դասը: Առականութիւնը քահանաների արդար իրաւունքն է համարում, որ միայն մեռելների ստացուածքը կողոպուտ անելով ապրեն եւ ոչ թէ իշխանների նման նաեւ կենդանի մարդկանց ստացուածքը յափշտակեն անիրաւութեամբ. բայց իսկապէս այդպէս չի լինում (ՄԽ. ՃԺԵ. 98):

Քահանաները սուտ ու կեղծ են. ծոյլ են, խաբերայ, միայն արտաքին ծէսերը կատարող, մատաղի ետեւից ընկած: Աղուէսները լափելու համար քահանայ են դառնում (ՄԽ. ՂԸ 84):

«Հողեւոր առաջնորդքն... խնամ ոչ տանեն հօտին... այլ զղէրն զենեւ եւ ճարպովն պարարտանան» (Առակք Վարդ. Բ. 198. ՃԿԷ): Քահանաները, ինչպէս եւ եպիսկոպոսներն ազահուլթեամբ նոյնիսկ խոստովանութեան խորհուրդը դարձնում են եկամուտի սղրիւր, պոռնիկներին եւ պղծ մարդկանց նախ եկեղեցուց մերժում են վախեցնելով, իսկ յետոյ կաշառքով ընդունում են եւ հաղորդում: Քահանան նոյնիսկ անմեղներին մերժում է եկեղեցուց. իսկ չարագործներին կաշառքով ընդունում եկեղեցի (Առ. Վարդ. Բ. 257 ՄԻԶ):

Այսպիսի դրութեան ժամանակ հասկանալի է, որ մարդիկ, նոյնիսկ հովիւները չցանկանային այլեւս հաղորդուել:

Յաւուր զատկին տօնին եկին հաւատացեալք հաղորդել, եւ զոմն հովիւ բռնադատելն հաղորդել. եւ տեսալ ի րաց փախեալ ասելով. Ոչ հաշ է զի կերայց, եւ ոչ հրամենք: Եւ ասեն. Այդքան է խորհուրդն: Եւ ոչ հաւանէր առնուլ, այլ ի րաց զնաց:

Զար ամենայն ուստեք առակս ցուցանէ զանգիտութիւն վայրենացելոց ոմանց, զի յերեւելիս միայն հային եւ գայթակղին (ՄԹ. ձձԲ. 137):

Առաւիտիսն Միխիթարն այդ բացատրում է «վայրենացած մարդկանց անդիտութեամբ», բայց իրականի մէջ այդ առաջացած է եղել եկեղեցականներէ բարոյական անկման հետեւանքով: Եկեղեցու այդ խորհրդի ծաղրը երեւում է առակի պատմութեան ընթացքով: Նոյն ծաղրը տեսնում ենք եւ մի ուրիշ առակի մէջ, ուր հովիւը պապաններէ կերածն է Աստուծոյ մատաղ անում:

Ի ձեռաց շահենի յորտալն զերծաւ ձագ հաւրալի, եւ ասաց. Եղիցի պատարագ տեսնո: Ծաղր արար զնա հաւրալն. եթէ՝ Զոր ձեռք մատուցանես, այն պատարագ տեսնո:

Զհովուին ձեւացուցանէ զբարս՝ առակս, զի զկերակրեալս զազանաց եւ զրեկեալս գայլոց՝ նուէրս տեսնո ասէր լինել (ՄԹ. ձձԲ. 100):

Վարդանայ առակներէ մէջ աւելի զարդացած է քահանաների ընկած վիճակը. ուստի եւ ասու երգիծանքներ են յորինուած նրանց վրայ: Գող քահանաները եկեղեցու ոչ մի սրբութիւնս չեն պահում այն աստիճանի, որ գողացած կովը տիրոջից թաքցնելու համար նոյնիսկ եկեղեցու սեղանն են բարձրացնում եւ վարդապետը քաշում:

#### ԳՈՂ ՔԱՀԱՆԱՅ ԵՒ ԱՅՐԻ

Քահանայ մը գողացաւ զկով այրի կնոջ մի եւ էած ի յախոռն. եւ կին յիմացաւ, եւ ասէ առ քահանայն. Տէր, ժամ է մահուան իմոյ. եկ յախոռն, որ խոստովանիմ: Եւ յայնժամ անցուց զկովն ի ներսի տուն եւ անդի ի ժամայտուն եւ անդի եկեղեցին: Եւ ասէ կին. Տէր, առաջի բեմին պարտ է ասել զմահու. խոստովանութիւն: Եւ հանին զկովն ի բեմն եւ քարչեցին զվարդապետն ի դէմ: Իբրեւ մտան եկեղեցին եւ նստան, յայնժամ կին ի վեր կալաւ զվարդապետն եւ ասէ ընդ կովն. Ո՛վ վարչելի, զքեզ կով գիտէի. եւ արդ զքեզ պատարագաւ ո՛վ արար, ասայ ինձ:

Ցուցանէ առակս, թէ այսպէս համբերութեամբ եւ իմաստութեամբ պարտ է առաջնորդին եւ վարդապետին զամենայն ինչ քննել. եւ ստուգել ամենայն քահանայս եւ յիմանալ զվարս նոցա եւ որ չէ արժանի պատարագի, ծածկայրար յանդիմանել եւ ոչ տալ թուլ կրկին խաչել զորդին Աստուծոյ անարժան պատարագան եւ հաղորդութեամբն, որ չէ բարի անարժանութիւն (Առ. Վարդ. Բ. 73. ԾԳ):

Մենակեացները շնացուլ են (Առ. Վարդ. Բ. 69), նրանք էլ գողութիւն են անում եւ գողացած ապրանքը ծածուկ ծախում բոլորովին չնչին գնով, արդարացնելով իրենց, թէ Քրիստոս ասել է՝ ձրի սուսք, ձրի տուէք (Առ. Վարդ. Բ. 73. ԾԳ):

Որկրամոլութիւնն ու ուղահութիւնը հողեւորականների, այլեւ աշխարհականների ամենամեծ պակասութիւնն է. 15-րդ դարում Մկրտիչ Նաղաշը կուում այս ախտի դէմ իր ոտանաւորներով. նոյնը գտնում ենք եւ Վարդանայ առակների մէջ (Առ. Վարդ. Բ. 33. ԻԶ):

Այս ամէնի հետեւանքն այն է, որ ժողովուրդը ստուել է եկեղեցուց: Այլեւս ժամասէր չեն: Աւելի սիրով զուարճութիւն անելու, զուարճալի տեսարանների մտիկ տալու են գնում, քան աղօթելու եւ քարոզ լսելու:

## ԵՐԵՅ ԵՒ ԺՈՂՈՎՈՒՐՈՒ

Կայր էրէց մի ի գիւղ մի ե խիստ սաղմոսասէր. եւ գեղացիքն ոչ գային ի ժամ. էրէցն երթայր ի տունս նոցա եւ ասէր, թէ՛ ի ժամ եկէք: Եւ նոքա ասէին, թէ՛ Գամբ: Եւ ոչ գային: Եւ էրէցն օր մի սուտ խեւ եղաւ եւ զգաւագանն ի փիլոնին ձայրն ձալեց եւ ի վեր կալաւ եւ շուրջ գայր եւ գոռայր: Եւ ասեն գեղացիքն, թէ էրէցն խեւցաւ, երթամք եւ ծիծաղիմք: Ժողովեցան այր եւ կին եւ տղայ, մեծ եւ փոքր եւ եկին առ էրէցն: Եւ ասէ էրէցն ցփողովուրդն, թէ՛ Նստէք: Եւ նստան: Եւ ասէ էրէցն ցփողովուրդն. Ո՛վ մոլորեալք. քանի որ սաղմոսէի եւ աղաւթէի եւ ժամ ասէի, նա սատանայ կապել էր զսիրտն ձեր եւ քարացուցել՝ որ դժար թուէր ձեզ ժամ գալն. եւ այժմ սատանայի ձայնն եկիք շուտով լսել եւ ծիծաղել: Եւ բարկացեալ էրէցն ձգեց զփիլոնն եւ գնաց ի գեղէն (Առ. Վարդ. 265. Մ12):

Մարդիկ այլեւս հաւատքի խնդիրներով չեն զբաղուում. դրեթէ սառն եւ անտարբեր են դէպի այգալիսի վէճերը, որ միջնադարի էութիւնն էին կազմում: Յայտնի պատուական աղի առաւիլի մէջ՝ ճշմարիտ հաւատը բնակա-նարար դեռ քրիստոնեաներինն է. բայց դա հոգեւորականի տեսակէտն է:

## ԵՐԵՒ ԹԱԳԱՒՈՐԻ ՈՐԴԻՒՔ ԵՒ ՊԱՏՈՒԱԿԱՆ ԱԿՆ ԵՒ ԴԱՏԱԻՈՐ

Ասի ի պատմութեանց, թէ կայր թագաւոր մի եւ ունէր բազում ճոխութիւն եւ Գ որդի եւ ակն մի պատուական, որ առնէր բժշկութիւն: Եւ նա ետ նշան որդոց եւ ասէ, թէ՛ Յեա մահուան իմոյ, որ ունի զակո զայս, նա աւունէ զթագաւորութիւնս իմ: Եւ յորժամ մեռանէր ետ զակն ի միոյ որդոյ իւրոյ: Եւ Բ. որդիքն արարին իւրեանց ապակի ակն ի նմանութիւն այնմ ակին եւ եկեալ վիճէին ընդ միմեանս վասն թագաւորութեան. եւ գնացեալ առ իմաստուն դատաւոր մի առնել նոցա դատաստան: Եւ նա առեալ զակն եդ ի վերայ հիւանդին. եւ յայտնեցաւ զճշմարտութիւնն եւ նա ետ զթագաւորութիւնն այնմ որդոյն, որ ունէր զակն պատուական:

Առակս ցուցանէ զթագաւորն ամենեցուն Աստուած, որ ունի բազում որդիս ըստ արարչութեան եւ ետ զպատուական հաւատքն քրիստոնէից միայն. թէ որ ունիցի զայս, նայ ի ժառանգ արքայութեան ըստ այնմ, թէ որ ոք ոչ ծնցի ի ջրոյ եւ ի հոգոյ, ոչ մտանէ յարքայութիւնն Աստուծոյ: Բայց բազում մարդիկք ունին զձեւ հաւատացելոց, այլ ոչ ճշմարիտ հաւատըն. քանզի այլազգ սքանչելիք ոչ լինին, բայց միայն քրիստոնէից. զի սոքա ունին զճշմարիտ ակն, զի այնով ժառանգեցեն զհայրենի արքայութիւնն (Առ. Վարդ. Բ. 286. ՄՀէ):

Ինչքան էլ Առակախօսը ասելու լինի «պատուական հաւատքը քրիստոնեաներինն է», բայց եւ այնպէս աշխարհականը, նոյնիսկ հոգեւորականը չատ էլ չի հետաքրքրում դրանով (Առակք Վարդանայ, ձՆԲ, էջ 168—172): «Քրիստոնեայ եւ այլազգի, այլ եւ օրինակ վէճի յաղազս հաւատոյ» առակի եւ իր վարիանտների մէջ դրւում է այն խնդիրը, թէ որի հաւատն է ճիշդ, հայր՞, թէ՞ ուրիշ քրիստոնեաների, հայր՞, թէ՞ այլազգու, այսինքն մահմեդականի: Եւ պատասխանն այն է, թէ «12 քրիստոնեայ ազգերը» լծուած՝ ամէն մէկը հաւատի վէմն (վարիանտների մէջ՝ քար, լուսեղէն լեռ) իր կողմն է քաշում, բայց վէմը տեղից չի շարժւում (Առ. Վարդ. Բ. 171. ձՆԲ):

Այսպէս եւ «72 ազգերն էլ՝ ամէն ազգ լուսեղէն լեռը — Աստուած իր կողմն է քարշում, թէ՛ ես եմ առաջ. բայց Աստուած ամէնքինն է եւ անշարժ»: «Լուսեղէն լեռն Աստուած է եւ ՀԲ [72] լուծքն ՀԲ [72] միլաթն է, որ ամէն միլաթ դէմ իւր քարչէ, թէ՛ ես եմ յառաջ եւ Աստուածն ամենեցուն է եւ անշարժ»:

Այս ամենից, այս աղատախոսութիւնից արդէն շնչում է մի նոր ոգի, որով վերջնապէս կազմակերպւում է աշխատաւոր դասի հայեացքը եկեղեցու եւ եկեղեցականի մասին: Նրա համար եկեղեցականը նոյնն է, ինչ որ ազնուականը: Նա հոգեւորականութեան դէմ մաքառելով՝ վերջ է վերջոյ իրեն աւելի բարձր է դասում, քան հոգեւորականին, թէպէտ եւ չի համարձակւում այնպէս կտրուկ խօսել նրա դէմ, ինչպէս ազնուականի դէմ: Եկեղեցականը պատարագ է անում, մեղքի թողութիւն տալիս. բայց նա չէր անիլ այդ, եթէ չուէր աշխատաւորի վաստակը:

Բայց ո՞րն է աւելի բարձր, հոգեւորը, թէ՞ մարմնաւորը: Կարդանք «Եկեղեցի եւ ջրաղաց» առակը.

Եկեղեցին պարծեցաւ ի սրբութիւն իւր եւ ասաց, թէ՛ Ես եմ տաճար Աստուծոյ եւ յիս քան քահանայ եւ ժողովուրդը յաղութս մատուցանել Աստուծոյ եւ պատարագ. եւ հաշտի Աստուած ընդ աշխարհիս. եւ մեղաց թողութիւն լինի: Յայն ժամ դայ ջրաղացն եւ ասէ ընդ եկեղեցին, թէ՛ Զինչ դու ասես, արդար է եւ ճշմարիտ է. բայց դու զիմ երախտիքն մի՛ մոռանար. որ գիշեր ու ցերեկ կու աշխատիմ եւ կու դուրսիմ, որ կոյ ուտեն քահանայն եւ ժողովուրդն, եւ ասաց քան առ քեզ աղաթել եւ երկիր պագանել Աստուծոյ:

Յուցանէ առակս, թէ կան աշխարհի մարդիք, որ հանասուց աշխատին եւ դատին, որպէս մեղու. եւ թագաւորք եւ իշխանք եւ ամենայն մարդիք զվաստակս նոցա ուտեն եւ ապայ երթան յեկեղեցին եւ զԱստուած ակրհնեն եւ յիշեն (Առ. Վարդ. Բ. 151. ՃԻԶ):

Այսպէս ուրեմն, նախ մարմինը, ապա հոգին, նախ ուտել եւ ապա նոր եկեղեցի դնալ աղօթելու: Կարդանք եւ մէկ ուրիշը Վարդանայ առակնեաց:

### ԱՂՈՒԷՍ ԵՒ ԿԱՔԱԻ

Աղուէսն էաւ կաքաւ մի ի բերանն եւ կամէր ուտել զնայ. եւ ասէ կաքաւն. Արհնեալ է Աստուած, որ կոչեաց զիս իւր արքայութիւն. զի գերծանիմ ի յայս չաքեացս. եւ ապայ դու, աղուէս, գոհացիր զԱստուծոյ եւ ապայ ուտես զիս. քեզ մեծ վարձք է: Եւ աղուէսն կկեցաւ եւ հայեցեալ յերկինս եւ բացեալ զբերանն՝ ասէ. Գոհանամ զքէն, Աստուած բարի, որ պատրաստեցիր ինձ սեղան բարութեան: Եւ կաքաւն գերծաւ ի բերանոյն եւ թռաւ: Եւ ասէ աղուէսն. Ո՛վ անմիտս եւ յիմարս, յառաջն պարտ էր ինձ ուտել եւ ապայ գոհանալ զԱստուծոյ:

Յուցանէ առակս, թէ զխոստացեալ իրքն մի՛ համարիր քեզ եւ մի՛ շնորհակալ մարդոյ լինիս, մինչեւ առնուս եւ թէ ջուր տան քեզ, ի նոյն ժամն ի գողդ առ զինքն, զի շատք ասեն եւ ոչ տան զասացեալն իւրեանց, ո՛վ եղբայր, եւ սուտ լինին (Առ. Վարդ. Բ. 58. ԽԲ):

Ահա թէ ինչին է յանգում մեր միջնադարեան վերածնութեան միտքը մեր առակներէ մէջ. նախ ուտել եւ ապա դոհանալ Աստուծոց: Եւ չկարծէք, թէ այս դադափարը միայն մեր հին առակներինն է. դա բուն ժողովրդական հասկացողութիւն է, որ տարբեր ձեւով արտայայտուած գտնում ենք նաեւ մեր արդէ ժողովրդական առակներէ մէջ:

«Աղուիս զկաքաւ բռնից: Կաքաւ ասաց. «Ա՛ղուիս, ի՛նչ տ'էնիս»: Ըսաց. «Քի տ'ուտիմ»: Ըսաց. «Փառք տու Աստուծն, նոր զի կի»:—Ի՛նչ փառք իտու Աստուծն, կաքաւ բերնէն թռաւ: Աղուիս դարձաւ, ըսաց. «Ե՛նու տուն աւիւր ըլի, ի՛նչ չուր կուշտ չուտի, փառք տա Աստուծն» (Գ. Վ. Յովսէփեան, Փշրանքներ, Թիֆլիս, 1892, էջ 30):

## ՊԱՏՄԱԳՐՈՒԹԻՒՆ ԵՒ ԺԱՄԱՆԱԿԱԳՐՈՒԹԻՒՆ

1. Վանական վարդապետ:— Մխիթար Գոշը մեռնելուց առաջ աշակերտներին իր «ընտանի» մէկին, Մարտիրոս անունով, կարգում է Նոր Գետիկ վանքի առաջնորդ: «Եւ դրեաց կտակ առ մեծ հազարապետն Իւանէ, եղբայր Զաքարէի, — ասում է Կիրակոս Գանձակեցին,<sup>1</sup> — եւ յանձնեաց ի նա զվանսն եւ զառաջնորդն»: Այս նոր վանահայրը թէպէտ եւ էր «մանուկ տիօք, բայց կատարեալ իմաստութեամբ, ա՛յր քաղցրաձայն յերգս պաշտամանն, եւ առատամիտ ընթերցող, եւ երազ ի զրչութեան»: Եւ Մխիթար Գոշը չէր սխալուել իր ընտրութեան մէջ: Առաջնորդ Մարտիրոսի «իմաստութեամբ» փառաւորում ու հռչակում է նրա վանքը «քանզի ա՛յր շինարար էր. շինեաց եւ այլ ժամատուն... Շինեաց եւ դրատուն մի զեղեցկաշէն յարկօք... Եւ բազում եղբարք ժողովեցան վրաս հռչականուն տեղուն, եւ բազմաց եղեւ տեղի սննդեան եւ ուսման. որ եւ մեք իսկ սնեալ եւ ուսեալ եղաք ի նոյն վանս», — գրում է Կիրակոսը:

Այս պատմադիրը ծնուել է շուրջ 1200 թուականին:<sup>2</sup> Նրա «Գանձակեցի» կոչումը ցոյց է տալիս, որ նա եղել է կամ Գանձակ քաղաքից, կամ «յաշխարհէն Գանձակայ»:<sup>3</sup> Ուրիշ տեղէ՛ էլ նա Գետիկ վանքն անուանում է իր համար «տեղի սննդեան»: Պարզ է, որ նա մանկութիւնից մեծացել եւ ուսել է այն վանքում: Բայց նա չի դոհացել այնտեղի ուսումով:

Մխիթար Գոշի նշանաւոր աշակերտներից մէկն եղել է եւ Վանական վարդապետը. սրան նոյնպէս աշակերտել է Կիրակոս, եւ իր այս ուսուցչին էլ շատ դուրս էր նա՝ անուանելով նրան «ա՛յր սուրբ եւ պարկեշտ, եւ յամենայն դործս բարիս յառաջադէմ, ողջախոհ եւ զգաստ յամենայնի, եւ վարդապետական բանիւ քան զամենեւին՝ որ ի ժամանակին էին՝ զերազանցեալ, ծննդական մտօք եւ յարմար բանիւք»:

Վասն որոյ, — շարունակում է Գանձակեցին, — զեպերէին առ նա ուսման տղաբաւ ո՛չ միայն վարդապետական բանի, այլ ամենայն կեանք նորա եւ շարժումն անգիր օրէնք էին տեսողոցն»:<sup>5</sup>

Վանականը, անշուշտ Մխիթար Գոշից վարդապետական կոչումն ստանալուց յետոյ, շինել է մի վանք, որ կոչուել է Խորանաշատ. «վասն յուրմէկեղեցեացն՝ որ ի նմա, ընկալաւ զանունն, որ կայ հանդէպ Երզնկանից բերդին եւ ի թիկանց Գարդմանայ»:<sup>6</sup> Այստեղ, իր շինած վանքում, նա ուսում էր տալիս իր աշակերտներին:<sup>7</sup>

1 Պատմութիւն Հայոց արարեալ Կիրակոսի Գանձակեցւոյ, Թիֆլիս, 1909, էջ 207.

2 Յիշելով 1241 թ. կատարուած մի եղեւութիւն «Վասն Ռպանին Ասորւոյ» գլխի մէջ (Պատմ., էջ 263), նա աւելացնում է, թէ այդ տեղի է ունեցել «ի ժամանակի կենաց մերոց ամս քառասուն՝ պակաս կամ տուելի»: Ուրեմն նա ծնուել է շուրջ 1200 թ.:

3 Ինքը գրում է. «... սոքա երեքեանս էին յաշխարհէն Գանձակայ, ուստի եւ ես» (Պատմ. Հայոց, էջ 107):

4 Անդ., էջ 230:

5 Անդ., էջ 206:

6 Անդ., էջ 311, 333:

7 Համազասպ Ոսկեան, Յովհաննէս Վանական եւ իւր դպրոցը, Վիեննա, 1922, էջ 8: Այստեղ, էջ 10 բերուած մի յիշատակարանում կարդում ենք. «Արդ գրեցաւ



Գժբախտաբար այդ ժամանակներում սկիզբն է առնում Հայաստանի համար մի նոր եղբերական վիճակ, որ չորրորդն էր հայկական գրաւոր դըպրութեան շրջանում: Թաթարները Միջին Ասիայի խորքերից շարժւում են դէպի արեւմուտք: Նրանց հարուածից փլչում է Խորասանի թաղաւորութիւնը, եւ նրա սուլթանը՝ Ջալալադին՝ 1225 թ. զօրքի մեծ բաղմութեամբ փախչում է դէպի արեւմուտք, առնում Գանձակ, Տփլիսի եւ այլ քաղաքները, եւ պարսիկ, արաբ ու թուրք զօրքերով հեղեղելով Հայաստանն՝ անցնում է դէպի հառմենքի, այսինքն Իկոնիայի սուլթանութեան կողմերը: Այստեղ նա պարտւում է Իկոնիայի եւ Եգիպտոսի իշխանութիւնների, Փրանկների ու Կիլիկիայի հայերի միացեալ ուժերից եւ դառնում է Մուղան: Թաթարները յետոյ նրան հետապնդելով՝ քշում են մինչեւ Ամիդ եւ տնտեղ ոչնչացնում նրան եւ նրա բանակը:<sup>1</sup> Թաթարներից առաջ Խորազմի սուլթանի այս վայրագ արշաւանքն արդէն մեծ պատուհաս է դառնում մեր երկրի համար. այրացողներ են լինում քաղաքներն ու վանքերը, կանդ է առնում հայ իշխանութիւնների մէջ բարդաւածող շինարարութիւնը:

Աւերւում է նաեւ Վանական վարդապետի Խորանաշատի վանքը: Բայց նա չի դադարում աշակերտներին սւսում տալուց: Նա «ի սահմանս Տաւուշ բերդոյ» ստեղծում է իր համար մի նոր օթեւան. իր աշխատութեամբ փորում է իր համար «քարայրս ի կատարս բարձրագոյն քարի միւջ, որ կայ հանդէպ դեղջն» որ Ուրբուտն կոչի, ի հարաւայ կողմանէ Տաւուշ բերդի: Եւ շինեալ էր յայրի անդ եկեղեցի մի փոքրիկ, եւ անդ դադարէր վաղթութեամբ. իրբեւ տւերեցաւ առաջին վանք նորա, որ կայ հանդէպ բերդին Երդէվանից, ի Ջալալադին Սուլտանէն: Եւ անդ կայր գետեղեալ՝ ժողովեալ բազում զբեանս, զի յոյժ սւսումնասէր էր այրն, մանաւանդ թէ աստուածասէր: Եւ բազումք զային առ նա, եւ սւսանէին զբանս վարդապետականս ի նմանէ: Եւ իրբեւ շատացան մարդիկն, հարկ եղեւ նմա իջանել յայրէ անտի, եւ տա սոսորոտս քարին շինեաց եկեղեցի եւ սենեակս, եւ անդ դադարեալ էր»:<sup>2</sup>

Այստեղ է, որ Վանական վարդապետին աշակերտում է եւ Կիրակոսը. նա իր ուսուցչին զովելուց յետոյ՝ աւերացնում է. «Եւ զայս ո՛չ թէ միայն տկանջարուր տաւմ, այլ եւ տկանատես իսկ եմ, զի բազում ժամանակս կայաք տա նա ի վարժս կրթութեան ի սահմանս Տաւուշ բերդոյ, յանապատի տնոյ՝ զոր ստացաւ իւր բնակութիւն, եւ ազրիւրաբար արբուցանէր ամենեցուն զրանն վարդապետական»:<sup>3</sup>

Սակայն շատ երկար չի տևում Վանականի լուսաւորական դործունէութիւնն այս նոր վայրում. միայ է հասնում աւելի մեծ չարիքը: Թաթարներն ամբողջ Պարսկաստանին տիրելուց յետոյ՝ զայիս հասնում են «յաշխարհն Աղուանից ամենայն ախիւք բաղմութեամբ իւրեանց, եւ ի բերրի եւ յարգաւանդ դաշտին՝ որ կոչի Մուղան, իի՛ ամենայն բարութեամբ,

սողմոտարան... Չեւամբ Եսայի գրչի ի յերկիրս Տայուշ եւ ի գիւղս որ կոչի Թաւուշ ընդ հովանեաւ սուրբ Աստուածածնիս... յաթուս Խորանաշատի եւ Վանական վարդապետի...»։—Խորանաշատի վանքը մինչեւ այժմ էլ մնում է:

<sup>1</sup> Կիրակոս Գանձ. Պատմ., էջ 211—217:

<sup>2</sup> Անդ., էջ 230:

<sup>3</sup> Անդ., էջ 206:

ջրով եւ փայտիւ եւ մրգով եւ որսով, անդ զետեղեալ՝ հարին զխորանս իւրեանց: Այսպէս առնէին դամեանայն աւուրս ձմեռայնոյն, եւ ի ժամանակս զարնանայինս սփռնէին ընդ կողմանս ասպատակաւ եւ աւերմամբ. եւ դարձեալ դատնային անդրէն բանակէին»:<sup>1</sup> Նրանք առնում, կործանում են Գանձակ քաղաքը. հետզհետէ աւերում, կոտորում ու կողոպտում են ե՛ւ Հայոց, ե՛ւ Աղուանից, ե՛ւ Վրաց աշխարհները: Առնում, քանդում են եւ Վահրամի իշխանութեան ներքոյ գտնուած Շամքոր քաղաքը: «Ապա յարձակեցան ի վերայ այլ բերդիցն՝ որ ընդ իշխանութեամբն Վահրամայ, ի Տիրունականն, եւ ի յԵրզնկանքն, եւ ի Մաճնաբերդ, զոր ունէր Կիւրիկէ Բագրատունի... եւ ի Գորգման, եւ յայլ կողմանս: Ի Չարեքն եւ ի Գետարակս... Բայց այնոքիկ որ առին զՇամքոր, եւ ինս ամեանայն ախիւն իւրեանց ի Տաւուշ եւ ի Կաճարեթ եւ ի Նոր բերդ, եւ ի Գալ, եւ որ չուրջ զնսքօք. եւ ի նեղ արկեալ սլաշարեցին ցնոսս»:

Երջակայ գիւղերի բնակիչներն ասպատանելու համար դիմում լցւում են Վանականի քորայրը. թաթարները պաշտրում են նրանց. Վանականը երկու քահանայի հետ իջնում է թաթարների մօտ եւ աջոյում է կոտորածից ազատել ժողովրդին: Նրանք սրու թուով մարդկանց, որոնց մէջ եւ Վանականին ու Կիրակոս Գանձակեցուն, առնում են իրենց հետ: Վանականը նոյն տարին, 1235 թուականի վերջերին, ազատում է փրկանքով, իսկ Կիրակոսը փախչելով պրծնում է նրանց ձեռից: — Այս դէպքը մանրամասն պատմել է Կիրակոսը եւ նրա Պատմութեան այլ հատուածը բերուած է ներքեւում:

Վանականն ապատուելուց յետոյ 1236 թ. լինում է Տփլիսում: Այդ անխոնջ աշխատաւորը չի լքում ձախարդութիւնից եւ ձեռնթափ չի լինում իր սիրած գործից: Նա վերադառնում է Խորանաչատի վանքը, նորոգում է այն, եւ «առնէր նա շինուածս երեւելիս, — զրում է Կիրակոսը,<sup>2</sup> — դաւիթ շինելով ի կոփածոյ վիմաց ի դուռն մեծ եկեղեցւոյն, զոր իւր իսկ շինեալ էր, եւ զբան վարդապետութեանն ուսուցանէր այնոցիկ, որ ժողովէին առ նա յամենայն դաւառաց»: Այստեղ էլ նա վախճանւում եւ թաղւում է 1251 թ. «Եւ ժողովեցան անթիւ բազմութիւնք ի թաղումն նորս եւ մեծաւ սգով եւ տրտմութեամբ ողբային յոյժ, զի զրկեցան ի լուսաւոր վարդապետութենէն երանելոյն եւ ի հոգեշահ բանիցն»:

Վանական վարդապետը մի գեղեցիկ տիպարն է իր դարի շինարար ու տոկոն ուսուցչի: Նրա կեանքը մի հոյակապ դրուագ է, թէ ինչպէս Մխիթար Գոշի եւ ուրիշների աշակերտները, բազում «դրեանս հաւաքեալ» դրամներ շինելով, սփռում էին զիտութեան լոյսը եւ, հայկական իշխանութիւնների մէջ տրեւեյեան լուսլ անկիւններում ծաղկում էր կուլտուրան, լուսաւորութեան գործին նուիրուած անձերի անդուլ ջանքերով: Նրանք պատրաստում էին իրենց գործը շարունակողներ: Վանականն էլ, ըստ Կիրակոսի, «ի տղայական տիոցն աստուածապործ ծառայութեամբ կացեալ, բազում քրտունս եւ աշխատութիւնս ցուցեալ ի բունն վարդապետական, բազում քր-

1 Կիր. Գանձ. Պատմ., էջ 221 եւ հտն.:

2 Անդ., էջ 331—334:

դիս ի փառս ածեալ»<sup>1</sup> նրա այդպիսի «որդիներէց» մէկն է եղել եւ Մեծն Վարդանը, որ անուանում է նրան «համբաւատենչ եւ արդիւնական վարդապետն Վանական», «աստէն թողեալ անուն քաջութեան յաշակերտս իւր ի դիրս դանձուց եկեղեցւոյ, զորս ամբարեաց ի շնորհացն Աստուծոյ եւ ի յստակ մտաց ծննդականաց»<sup>2</sup> Իսկ Մաղաքիա Աբեղան<sup>3</sup> գրում է. «Ի դառն ժամանակիս փայլէր իբրեւ զարեւակն սուրբ հոգի վարդապետն մեր Վանականն յերկիրն արեւելեան երկրորդ արեւելք անուանեալ... Նոյնպէս եւ գովելի աշակերտքն իւր Վարդան եւ Կիրակոս, Առաքեալն եւ Յովսէփ Սաչաւնրման բաժանեալ զաշխարհն արեւելից լուսաւորեցին կենաբար վարդապետութեամբ... այլ եւ բազում որդիս ի փառս ածին, ճրի բաշխելով զտիրական խաչանիչ զաւազանն [=վարդապետական զաւազան, վարդապետութիւն] նմանեալ փառաւոր վարդապետին իւրեանց»:

Ուսումնասէր վարդապետ Վանականը սրարապել է նաեւ գրական աշխատութիւններով. նա գրել է իր ժամանակակից պատմութիւնն ըստ վկայութեան Վարդանի եւ Կիրակոսի: Վերջինս «Յառաջարանի» մէջ նախորդ պատմապիւրներէ շարքի վերջում յիշատակում է իբրեւ պատմութիւն գրող «Մեծիմաստ եւ հանճարեղ վարդապետն անուանեալ Վանական»: Ապա Լոռիի եւ Անիի ժողովների (1204 եւ 1205 թուականների) պատմութեան վերջում<sup>4</sup> աւելացնում է. «Զբովանդակ իրս՝ գրան եւ զգործ այսմ ժողովոյս գրեաց մեծիմաստ եւ տառամիրս վարդապետն Վանական յիւրում պատմութեանն, զի՝ տկանատու էր նա իրացն եղելոց, եւ ականջալուր, յաշակերտի կարգի գոյով յայնժամ առ մեծ վարդապետին [=Մխիթար Գոշ]: Այս եւ այլ յովով իրք գտանին ի դերս նորա, որք կամին մտադիւրութեամբ ուսանել»: Իսկ Վարդանը գրում է.<sup>5</sup> «Արդ ի վեց հարիւր ութսուն եւ հինգ [=1236] թուականէն Հայոց մինչեւ յեօթն հարիւր հորեքտասանս [=1265], յորում եմքս մեք, զսր ինչ արարին ազգն Նեառնաց ընդ իշխանս եւ ընդ իշխանութիւնս որ յայսմ կողմանէ ծովուն մեծի — ընդ Պարսս եւ ընդ Աղուանս, ընդ Հայս եւ ընդ Վիրս եւ ընդ աշխարհն՝ Հոռոմոց կոչեցեալ, ուր էին բնակեալ Հայք եւ Ասորիք եւ Յոյնք, Տաճիկք եւ Թուրքմանք — գրեալ են մանրամասնաբար Հայրն մեր եւ ընդ սուրբս Աստուծոյ փառաւորեալն Վանական վարդապետ, եւ հարազատն մեր Կիրակոս վարդապետն՝ հօրն համանման»:

Վանականի գրած պատմութիւնը, ցաւօք, չի մնացել, երեւան են եկել նրա անունով որոշ թուով երկեր՝ կրօնական բովանդակութեամբ:<sup>6</sup> Դրանց բոլորի համար իբրեւ հեղինակ յիշում է «Վանական վարդապետ» աշակերտների էլ այդպէս են անուանում նրան: Նոյն անունը տալիս է եւ նրա եղ-

1 Անդ, էջ 334 եւ հտ.:

2 Մեծին Վարդապետայ Բարձրեկոյցոյ Պատմութիւն տիեզերական, Մոսկուս, 1861, էջ 191 եւ հտ.:

3 Մաղաքիա Աբեղայի Պատմութիւն վանս ազգին Նեառնաց, Ս. Պետերբուրգ, 1870, էջ 12:

4 Կիր. Գանձ. Պատմ., էջ 167 եւ հտ.:

5 Մեծին Վարդապետայ Պատմ. Տիեզ., էջ 192:

6 Յուզակը տես Համ. Ոսկեան, Յովհաննէս Վանական եւ իւր պարոյը, Վիեննա, 1922, էջ 25—35:

րօրօրդին՝ «Ես աէր Մարգարէ՝ Լղբօրորդի Վանական վարդապետին, համա-  
խոհ եմ վերոյ գրելոցս ի յանդարձոյ հօրեղբօրն իմոյ»:<sup>1</sup> Բայց 1858 թ. աը-  
պագրուած է մի աշխատութիւն՝ «Յովհաննէս Վանական վարդապետի Տա-  
ւաշեցոյ Բացատրութիւն տգօթից Ամբակումայ մարգարէի» վերնաւրով:  
Որ Վանական վարդապետը կարող էր «Տաւուշեցի» կոչուել, այդ հասկանալի  
է. քանի որ նա ըստ «Յայտմարքի»՝ էր «ի Տաւուշ գաւառէն», եւ նրա  
վանքերը եղել են «յերկիրն Տայուշ», «ի սահմանս Տաւուշ բերդոյ»: Բայց  
որ նրա անունը եղած լինի «Յովհաննէս», այդ ընդունելի չէ. վերեւում  
յիշուած մի երկր տարաբնակ տուօղները, ըստ երեւոյթին, նրան չվսթել են  
Մխիթար Գոշի ուսուցիչ «Յովհաննէս վարդապետ Տաւուշեցի» կրօնաւարի  
հետ: Եւ ուրիշներն էլ հետապօյում այդպէս «Յովհաննէս... Տաւուշեցի»  
անունով շարունակել են կոչել Մխիթար Գոշի աշակերտ «Վանական վար-  
դապետին»: Անունը՝ «Վանական» իբրեւ յատուկ անուն դրնում ենք մի ու-  
րիշի համար եւս Կիրակոսի Պատմութեան մէջ,<sup>2</sup> ուր բազմաթիւ անունների  
շարքի մէջ՝ կայ «եպիսկոպոսն Բջնոյ՝ Վանականն եւ Գրիգոր», եւ մի տասն  
անուններից յետոյ՝ «մեծ հօգաւոր վարդապետն Վանականն»: Ինչպէս Բժշ-  
նոյ Եպիսկոպոսի անունը եղել է «Վանական», նոյնպէս եւ Կիրակոսի վար-  
դապետի անունը կոչուել է «Վանական», եւ ոչ «Յովհաննէս վանական Տա-  
ւուշեցի», որի մէջ «վանական» տունում է իբրեւ հասարակ անուն:

2. Կիրակոս Գանձակեցու «Պատմութիւն Հայոց»:- Վանականի նշա-  
նաւոր աշակերտներից է Կիրակոսը, յայտնի մի վարդապետ, որին Վարդան  
Արեւելցին անուանում է «բարունակաց պետ»: Գրականութիւն սերող է նա,  
հետաքրքրուող՝ ժամանակակից խնդիրներով, թէ կրօնական եւ թէ քաղա-  
քական: Բայց, ինչպէս երեւում է, աւելի շատ աշակերտների հետ գործնա-  
կան պարագայներով է պաշտօնի վարդապետը, աւելի դրդել է ուրիշներին  
գրելու, քան ինքը գրել է: Ուստի նրանից չեն մնում ուրիշ գրական երկեր,  
բացի նրա «Հայոց պատմութիւնից»: Սրա վրայ նա անպայման «բազում  
աշխատութիւն եւ երկար ջան» է գործադրել՝ նիւթեր ժողովելու եւ մշակե-  
լու, համարելով այդ իր համար մի «արձան գերեզմանի», ոչ թէ քառէ,  
«այլ կենդանի, զի յիշեցի ի սմա անուն Կիրակոսի»: Այսպէս է գրում նա  
իր գործի նախաբանի վերջում: Իր անուան անմահացման համար է հողացել  
նաեւ այնու, որ Առաջարանի սկզբի տապալումների պիտակապը կաղմել է  
«Կիրակոս»: Եւ խկոպէս, նրա յիշատակը կենդանի է մնացել իր միակ  
կարեւոր աշխատութեամբ, առանց որի անձանթ կը մնային, կամ թերածա-  
նօթ կը լինէին մեկ Հայոց եւ Հայաստանի պատմութեան շատ կողմեր, քա-  
ղաքական եւ կուլտուրական շատ եղելութիւններ եւ բազմաթիւ պատմական  
զէպքեր ու դէմքեր:

Նրա Պատմութեան առաջին մասը քաղուած է նախորդ գրաւոր աղ-  
բիւրներից՝ «Երիօք աշխատութեան հաւաքեալ ի նախադրելոց»: Այստեղ,  
սկսած Ս. Գրիգորից, շարունակաբար համառօտ պատմութիւն է անում

1 Ստեփանոս Օրբելեան, Պատմ. նահանգին Սիսական, Թիֆլիս, 1940, էջ 462:

2 Կիր. Գանձ. Պատմ., էջ 295:

բաա կաթողիկոսները յաջորդութեան, զյիսաւոր ուշադրութիւնը դարձնելով եկեղեցական անձերին ու դէպքերին եւ երկրորդաբար միայն մէջ բերելով քաղաքական եղելութիւններ: Մէջը կան եւ այնպիսի տեղեկութիւններ, որոնք յայտնի չեն ուրիշ պատմագիրներէ: Երբ հասնում է Ներսէս Ծնորդաւան, բերում է նրա մի ընդարձակ գրութիւնը՝ «Գիր հաւատոյ խոստովանութեան Հայաստանեայց եկեղեցւոյ»: Քանի պատմութիւնը մօտենում է հեղինակի ժամանակին, այնքան աւելի կարեւոր է դառնում իր նիւթով վերջը նոյնիսկ ժամանակակից իրողութիւնների եւ անձերի մասին է խօսում:

Երկրորդ մասը սկսում է Լեւոնի իշխանութիւնից եւ նրա թաղաւորելուց (1197 թ.) եւ հասցնում է մինչեւ 1265 թուականը: Այս մեծ հատուածի պատմութեան համար յայտնում է, թէ «է՛ որ ականջալուր, եւ է՛ որ տկա-նատես» է ինքը: Աշխատութեան ընթացքում էլ մէկ մէկ ցոյց է տալիս իր աղբիւրները, ինչպէս՝ երբ խօսում է Հեթում թաղաւորի ճանապարհորդու-թեան եւ նրա տեսածների ու լուսնների մասին, աւելացնում է. «բազում իրս զարմանալիս պատմէր մեզ զբարբարոս ազգացն...»: Բազմաթիւ առման մասին պատմելուց յետոյ՝ ասում է. «Եւ զայս ամենայն պատմեաց մեզ իշ-խանն Հասան, զոր Պոռն անուանէին... որ ականատես եւ ականջալուր էր իրացս»: Այսպիսի ծագում ունենալով, նրա հաղորդած հարուստ տեղեկու-թիւններն ընդհանրապէս մեծ արժէք ունին եւ արեւելեան, եւ արեւմտեան Հայոց, ինչպէս եւ Վրաց պատմութեան համար: Նա մանրամասն խօսում է Չաքարէ եւ Իւտնէ եկրայրների գործերի մասին, այլեւ Հայաստանի արեւե-լեան կողմի ուրիշ իշխանների ու վարդապետների, նրանց շինած վանքերի: Բերում է նաեւ թղթեր կրօնական խնդիրների վերաբերեալ: Առանձնապէս աւելի կոնկրետ ասում է թաթարների արշաւանքի, նուաճումների եւ հայերի ու նրանց յարաբերութիւնների վրայ: Թէեւ երբեմն մէջ է բերում նաեւ սին գրոյցներ, որոնց նա հաւատում է մեծ դիւրահաւանութեամբ, բայց նրա այդ գործն իր ամբողջութեամբ մեր առաջ բաց է անում մի շատ կարեւոր պատմական դարաշրջանի պատկերը: Անհեթեթ բաների մասին պատմուածք-ներն անգամ իրենց կողմից պարզում են այն ժամանակի եւ իրեն՝ Կիրա-կոսի, հետո նաեւ իր ժամանակակից մտաւորականների հասկացողութեան մակարդակը:

Ինչքան էլ զօրուար ժամանակներում էր ապրում նա, բայց եւ այնպէս նա յուսահատ չէր, եւ այս է նրա տնձնաւորն մեծ առաւելութիւններից մէկը. «Վասն զի յօժարեցաք մեք յիշատակ թողուլ յազգս՝ որ զարոյց են, քանզի տկն ունիմք մեք յուսով վերկութեան ի նեղութենէ աստի՝ որ պաշարեալս է զմեզ, ստկաւիկ մի ցուցցուք քննասիրաց զկերպարանս եւ զխօսս նոցա» (= թաթարներին): Այսպէս է սկսում նա իր Պատմութեան դրուխներէց մէկը,<sup>1</sup> որի մէջ շատ հանդիստ ու լիովին բնութագրում է թաթարներին, որոնց անձամբ յաւ ճանաչել էր ինքը: Քիչ պատմագիրներ մերոնցից՝ ունին այդ-պիսի նկարագիրներ:

«Էին տեսեամբ կերպարանաց զժողատես եւ ահագնալուր, մօրուս

<sup>1</sup> Կիր. Գանձ. Պատմ. Հայոց, էջ 257 եւ հտն. «Վասն ցուցման կերպարանաց թաթարին...»:

ո՛չ ունեւելով, բայց սակաւ ոմանց թուելով մագս ունեւելով ի շուրթն կամ ի կլափն. ակն նեղ եւ արագատես, ձա՛յն նուրբ եւ սուր բազմակեացք եւ տեւողք: Յորժամ անկանէր յաճախ ուտէին եւ ըմպէին անյաղ, յորժամ ո՛չ անկանէր, ժուժկալք էին. ուտէին զամենայն կենդանիս՝ զսուրբս եւ զանասուրբս եւ զմիս ձիոյ առաւել մեծարէին, անդամ անդամ յօշեալ եւ եփեալ, կամ խորովեալ առանց աղի, եւ ապա մանր կտրեալ եւ թացեալ յաղաջուր, այնպէս ուտէին. ոմանք ի դուճո ըստ նմանութեան ուղտուց, եւ կէսք նստելով ուտէին, եւ յուտելն հասարակ բաշխէին տէրանց եւ ծառայից, եւ յըմպելն զգմուզ կամ զգինի, առեալ մի ոմն մեծ ամանով ի ձեռս իւր, եւ փոքր բաժակաւ առեալ ի նմանէ, ցանէին յերկինս, եւ ապա՝ յարեւմուտս, ի հիւսիս եւ ի հարաւ. եւ ապա իւր իսկ ցրուողին պայն սակաւ մի ըմպեալ ի նմանէ, մատուցանէր աւագագունին: Եւ թէ ոք բերէր նոցա կերակուրս ինչ կամ ըմպելիս, նախ բերողին տային ուտել եւ ըմպել, եւ ապա ինքեանք ուտէին եւ ըմպէին. զի մի՛ մահացու գեղոց ինչ դժբիցին: Որչափ եւ կամէին՝ կանայս առնէին. բայց զպոռնիկս ամենեւին ոչ ապրեցուցանէին, որ ընդ իւրեանց կանայս. բայց ինքեանք ո՛ւր եւ հանդիպէին այլազեւաց, անխորի խառնուկէին, եւ գորովեան ատելիք էին. մինչ զի չարաչար մահուամբ սպաննանէին: Եւ պաշտօն ինչ ո՛չ գոյր առ նոսա, կամ երկրպագութիւն, բայց ստէպ զանուն Աստուծոյ յիշէին յամենայն իրս. զայս՝ թէ զէ՛նն Աստուծոյ գոհանային, եւ կամ թէ զայլ ոմն Աստուած կոչէին՝ մեք ո՛չ գիտեմք. եւ ո՛չ ինքեանք եւս: Բայց սովորաբար զայս ասէին. զի զարքայն իւրեանց ազգակից Աստուծոյ. զերկինս առեալ Աստուած իւր բաժին, եւ զերկիրս տուեալ Խաղանին. զի ասէին զՁանկզ Դանն, զհա՛յր Խաղանին, ո՛չ ծնեալ ի սերմանէ առն, այլ լոյս իմն եկեալ յաներեւութից, եւ մտեալ ընդ երդ տանն, եւ ասացեալ մօրն, թէ յղասջի՛ր եւ ծնցիս սրղի ինքնակալ երկրի. եւ յայնմանէ ասէին ծնեալ գնա:

Չայս պատմեաց մեկ Գրիգոր իշխանն որդի մարգարանին՝ եղբայր Ասլան պէկին Սարգսի եւ Ամիրային, յազգէ Մամիկոնէից, զոր իւր խակ լուեալ էր ի մեծ յառնէ միովէ ի կարի աւագացն, որում անսուն էր Դութու Նուբն, յաւուր միում յուսուցանել նոցա զմանկագոյնսն: Եւ յորժամ ոք մեռանէր ի նոցանէ, կամ սպաննանէին, է՛ր զոր բազում աւուրս շրջեցուցանէին ընդ իւրեանս, քանզի մտեալ գիւի՝ խօսէր անդուստ բազում բարբառմունս, եւ է՛ր զոր այրէին. եւ զկէս թապէին յերկրի խո՛ր փսիւրք, եւ ընդ նմին զնէին զգէնն եւ զհանդերձ, եւ զոսկի եւ զարծաթ, որ ինչ բաժին իւր էր: Եւ թէ ի մեծաց ոք լինէր, ի ծառայից եւ յաղախնեաց եւս զնէին ընդ նմա ի գերեզմանի, զի սպաս կայցի ասէին նմա. ալլ եւ ձիս, զի ասէին անդ պատեւրազմ սաստիկ լինել. եւ զոր յիշատակ կամէին առնել մեռելոց, ձեղքէին զփոր ձիոյն, եւ քարէին ընդ այն պամենայն միսն առանց ոսկեր. եւ տոպա զփորտոսն եւ զոսկերսն այրէին հրով, եւ կարէին զմորթ ձիոյն, իրբեւ. թէ զամենայն մարմինն ունիցի: Սրեալ փալոս մի մեծ, հարեալ ընդ որովայնն եւ հանեալ ընդ բերանն, այնպէս վերացուցանէին ի ծառ, կամ ի բարձրաւանդակ տեղւոջ:

Ալլ եւ կանայք նոցա կախարդք էին, եւ զամենայն ինչ հմայէին. եւ առանց հրամանի կախարդացն եւ վիւթիցն ոչ երթային ի ճանապարհ

ուրեք, բայց թէ նոքա հրամայէին: Այլ ևս խօսք նոցա խժականք ևս անծանօթք ի մէնջ. քանզի կոչէին զանուն Աստուծոյ՝ Թանգրի և զմարդն՝ հարիւրեան, և զկին՝ ախջի, և զանուն հօր՝ էշկա՛, և զմայր՝ ափա, և զեղբայր՝ ադա, և զքոյր՝ ափաֆի, և զգլուխ՝ քիւրօն, և զաչս՝ նիտուն, և զականջն՝ չիֆին, և զմօրուս՝ սախալ, և զերես՝ յիօզ, և զբերան՝ ափան, և զատամն՝ սխուր, և զհաց՝ օքմակ և զեղն՝ ափար, և զկալ՝ ունէն, և զոչխար՝ դոյնա, և զգառն՝ դուրդան, և զայծ՝ իման, և զձի՝ մօրի, և ըզջորի՝ լօսա, և զուղտ՝ քափան, և զչուն՝ նօխա, և զգայլ՝ չիփա, և զարջ՝ ալտու, և զաղուէս՝ հօփան, և զնսպաստակ՝ քապլալ, և զհաւ՝ քախեա, և զաղանի՝ կօկաչա, և զարծուի՝ դուշ, և զջուր՝ ուսուն, և զգինի՝ տարաու, և զծով՝ տանկըզ, և զգետո՝ ուլանսու, և զթուր՝ խօլաու, և զաղեղն՝ նու, և զնետ՝ որմու, և զթաղաւոր՝ մեղիֆ, և զմեծ պարոն՝ նուին, և զերկիր՝ էլ, և զերկինք՝ գօգայ, և զարեղակն՝ նառան, և զլուսին՝ սարա, և զաստեղս՝ սադրա, և զոյս՝ օտուր, և զգիշեր՝ սոյնի. և զգրազիր՝ բիքիֆչի, և զսատանայ՝ բառաեուտէ, և զայլ ալսպիտի խժական տնուանս, զոր ի բազմաց մեզ անծանօթք. խեղ այժմ ուկամայ ծանուցեալք»:

Կիրակոսի աշխատութեան վրայ կարելի չէ նայել զրական տեսակէտով. զա մի կարդաւորեալ տմբողջական երկ չէ, և ոչ էլ մի ժամանակագրութիւն տարիների յաջորդութեամբ. դէպքերն իրար ետեւից պատմուած են բաւական խառն դասաւորութեամբ. հեղինակը զիտակցել է իր երկից մի ամբողջութիւն ստեղծելու պահանջը, բայց չի գտել զրա համար անհրաժեշտ կարգը կամ կենտրոնը: «Իւրաքանչիւր ոք յառաջին աշխատասիրացն եզիտ տեղի ինչ բուն հարկանելոյ, կամ թաղաւոր երեւելի և կամ նահապետութիւնք աղգաց յայտնի, — գրում է նա իր Առաջաբանի մէջ: — Իսկ մեր յայտ յամենայնէ թափուր եղեալ. զի թաղաւորութիւնն վաղ ուրեմն բարձեալ, Արշակունին և Բագրատունին, և իշխանքն ոչ ուրեք երեւեալ Հայկազնի, բայց թէ ուրեք ուրեք զօգեալք և թաքուցեալք յօտար աշխարհի... Վասն որոյ, — շարունակում է նա, — աղաչեմք զկնի եկեալոյ ոչ աղարտել զաշխատութիւնս մեր, որպէս անուամունք. և խնչել քթօք, և յօք պոստել»:

Կիրակոսն, ուրեմն, իր տաւելով, հայկական քաղաքական մեծութիւն չլինելու հետեւանքով՝ չի կարողացել ևս յօրինել իր երկն իրեն. մէկ միութիւն կազմող, ներքին կապակցութեամբ շարունակական պատմութիւն: Նա պատմել է թո՛ւ չընկերով, մէկ Արեւելքի մասին, մէկ՝ Արեւմուտքի, մերթ՝ վրացիների, մերթ՝ թաթարների, երբեմն՝ հայոց եկեղեցական գործերի, երբեմն էլ՝ հայ իշխանների: Եւ այդ պատմել է նա պարզ, հեշտ հասկանալի ձեւով, առանց ձգտելու որեւէ ճարտասանական զարդարանքների ու վերամբարձութեան, կամ որեւէ խորիմացութեան ու նրբամտութեան, բայց մեծ մանրամասնութեամբ ու սիրով, որովհետեւ նրան տանջել է այն միտքը, թէ չպիտի մոռացութեան տալ իր ժամանակի եղելութիւնները կամ ինչպէս ինքը գրում է. «Զի հարկանեն զմեզ միտք մեր՝ ոչ տալ լուրթեան զայսպիսի աղէտ տարակուսանաց, զոր յուսք տկանջօք մերտիք, և տեսաք

աշօք»<sup>1</sup>։ Եւ համա էլ հէնց այդ հասարակ ու անդարդ, բայց ջերմ սրտով, մանրապատում հազարդումներէ մէջ է։ Նրա երկի մէջ կան շատ հատուածներ, որոնք մենակ, առանձին առած շատ գեղեցիկ ու գրաւիչ են իրենց պարզութեամբ եւ անկեղծութեամբ, երբեմն տնդամ իրենց միամտութեամբ եւ հեղինակի կենդանի տպրումներով։ Դրա համար բերենք այստեղ այն հատուածը, որի մասին լիշուեց վերելում։ Թաթարները մօտենում են վաճառական վարդապետի քարայրին։

«Իրբեւ եղեւ այս կործանումն աշխարհի ի Թաթարէն, եւ եկն Մօլար Նուինն յայն սահմանս, բնակիչք զեղջիցն այնոցիկ յայր անդ գիմեցին, եւ լցաւ արամբք եւ կանամբք եւ մանկութք. եւ եկեալ Թաթարն պաշարեաց զնոսա յայրի տնդը. եւ նոքա համբարս ո՛չ ունէին եւ ո՛չ ջուր. եւ է՛ր եղանակն ամառնային, եւ է՛ր տօթ յոյժ. եւ սկսան տապիլ յարգելանի անդ՝ իբր ի բանտի. եւ մանկունքն պապակէին ի ծորաւոյ, եւ մերձ էին ի մեռանել. եւ թշնամիքն ձայնէին արտաբուստ, թէ ընդէ՛ր մեռանիք, ելէ՛ք առ մեզ, եւ ապցուք ձեզ վերակացուս, եւ թողցուք զձեզ ի տեղւոջս ձերում. եւ կրկնէին եւ երեքնէին երգմամբ։ Ապա սրք էին յայրի անդ, անկունէին առ սոս վարդապետին, ազաչէին զնա եւ տսէին. «զնեա՛ զարիւն մեր ամենեցուն, եւ է՛ջ առ նոսա, եւ արա սէր ընդ նոսա»։ Իսկ նա ասէ ցնոսա. «ես զանձն իմ ո՛չ խնայեցից վասն ձեր, թէ զու հնար փրկութեան. զի եւ Քրիստոս զանձն իւր ի մահ ետ վասն մեր եւ փրկեաց զմեզ ի բռնութենէն սատանայի. ապա պարտիմք ի վերայ եղբայր մերոց զնոյն սէր ցուցանել»։

Ապա առեալ վարդապետին երկու քահանայս ի մէնջ, անուն միոյն Մարկոս, եւ երկրորդին Սոթթենէս, սրք ապա յետ այնորիկ առին զպատիւ վարդապետական ի նմանէ, զի տնդ էաք մեք ի վարժս կրթութեան Գրոց Սրբոց ընդ աւուրսն ընդ այնոսիկ, եւ էջ առ նոսա։ Եւ զլիաւորն կայր հանդէպ այրին ի վերայ բլրակի միոջ, եւ հովանի ունէին ի վերայ զլիսոյ նսրա վասն տօթոյն, զի ի տօնի Վարդապետին արգելին զմեզ։ Իրբեւ մօտ եղեն ի դօրադուխն, սրք ասնէին զնոսա՝ երկցս տնդամ հրամայեցին երկիր պապանել նոցա ի վերայ ծնգաց իւրեանց, իրբեւ ուղտ ի ժամ ճգնոյն. զի այնպէս էր սովորութիւն նոցա։ Եւ իրբեւ եկին տաաջի նսրա, հրամայեաց յարեւելս կոյս երկիր պապանել Խաղանին՝ արքային իւրեանց. եւ ապա մեղադիր եղև, թէ «իմ լուեալ է զքէն, թէ այր իմաստուն եւ երեւելի ես, եւ կերպորանք քո յոյս իսկ առնեն զքեզ»։ զի ա՛յր բարի էր տեսչեամբ, հանդարտ օրինակաւ յիստաւոր մորուօք, ծաղկեալ ալեօք։ «Գու իրբեւ

1 Անընդունելի է ասել, թէ «Որովհետեւ Կիրակոս հմուտ էր թաթար կամ տաթիկ լեզուին, առանձին ուշադրութեան կ'արժանանայ թաթար խմբապետին առջեւ, որ քինք կ'որոշէ «ի ոչնա գալութեան» գրեւ թուղթ եւ ընթեռնուլ» (Հ. Ոսկեան, Յովհաննէս Վանական եւ իւր գալութիւնը, էջ 94)։ Թաթարների լեզուից մի շարք բառեր բերելիս՝ Կիրակոսը գրում է. «Այլ եւ խօսք նոցա խժականք եւ անծանօթք ի մէնջ... Եւ զայլ աշխարհի խժական անուանո, զոր ի բազմաց մեզ անծանօթք. իսկ այժմ՝ ակամայ անուանեալք»։ Կիրակոսը միայն գերութեան ժամանակ կարող էր սակաւ ինչ սովորել թաթարերէն։ Նա գրադրութիւնը չպիտի անպատշաճաւ եւ տաճիկ (=արաբերէն) լեզուով անէր, եւ ոչ թէ չափերէն, քանի որ Հայաստանում էին գտնուում թաթարները եւ գործ ունէին հայերի եւ հայ իշխանները հետ։ Նրանք անպայման ունեցել են իրենց թարգմանները հայերի հետ յարաբերութեան ժամանակ։



լուար զհամբաւ գալոյ մերոյ ի սահմանս ձեր, ընդ է՞ր ո՛չ եկիր ընդ առաջ մեր սիրով խաղալութեամբ, եւ ես հրամայէի պահել զամենայն, որ ինչ քոյ էր, անվնաս՝ ի մեծէ մինչեւ ի փոքր»։ Պատասխանի ետ վարդապետն եւ ասէ. «մեք դարեմտութիւն ձեր ո՛չ դիտէաք, այլ երկիւղիւ եւ դողմամբ պաշարեալ էաք յահէ ձերմէ, եւ լեղուիդ անտեղեակ, եւ ի ձէնջ ոչ ոք եկն առ մեզ կոչել զմեզ առ ձեզ, վասն այս էր դանդաղումն մեր. արդ իբրեւ կոչեցիք, եկաք առաջի ձեր. մեք ո՛չ զինուոր եմք, եւ ո՛չ ընչից տեսաք, այլ արք պանդուխտք եւ օտարակոյնք, ժողովեալք յայլ եւ այլ աշխարհաց վասն ուսման ինչ մերոյ պաշտօնմանս. արդ աւտսիկ առաջի ձեր եմք, զոր ինչ կա՛մ է ձեր՝ արարէ՛ք ընդ մեզ, թէ կենօք եւ թէ մահուամբ»։ Յայնժամ ասէ ցնա իշխանն. «մի՛ երկնչիր»։ Եւ հրամայեաց նոցա նստիլ առաջի իւր, եւ բաղում հարցեալ զնա վասն բերդիցն եւ իշխանին վահրամայ, թէ ո՞ւր իցէ, զի կարծէր ցնա, թէ մարմնական ինչ իշխան իցէ ի վերայ հրկրին։ Եւ իբրեւ ասաց՝ զոր ինչ դիտէրն, եւ գայն ես՝ թէ դործակալ ո՛չ ինչ իցէ նա մարմնական, ապա հրամայեաց նմա, զի իջուցէ զմարդիկն յամբոցէ անտի աներկիւզս եւ խոստացաւ իւրաքանչիւր յիւրում տեղւոյ կեալ իւրովք վերակացութեւ, եւ յանուն նորա շինեալ զհեօդսն եւ զպարակսն։

Ապա ճայնեցին առ մեզ երկրցունքն, որք էին զհետ վարդապետին. թէ իջէ՛ք վաղվաղակի, եւ զոր ինչ ձեր է՝ բերէ՛ք ընդ ձեզ։ Եւ մեր իջեալ դուրսութեամբ առ նոսա, սրբէս գտօրինս ի մէջ զայլոց, երկուցեալք եւ դարհուրեալք, ակն ունէաք մահու, ասելով զհաւատոյ խոստովանութիւնն, որ ի սուրբ երբորդութիւնն. յառաջ քան զիջանէն մեր յայրէ անտի հաղորդեալ էաք պատուական մարմնոյ եւ արեան Տեառն. եւ տարան զմեզ ի փոքրապոյն աղբիւր մի, որ կայր ի մէջ վանիցն, եւ ետուն մեզ ջուր, զի յոյժ ծարաւի էաք զաւուրս երիս. եւ ապա տուան արեկին զմեզ ի տեղի ինչ յարպելանի եւ զաշխարհականս ի դաւիթս եկեղեցւոյն. եւ ինքեանք շուրջ զմօք պահէին զմեզ զդիշերն, զի ընդ երեկս էր օրն, եւ ի վաղիւ անդր հանին զմեզ ի գլուխ վանիցն ի բարձրաւանդակ տեղի ինչ, եւ խուզեալ տօրն որ ինչ կայր առ ումեք, որ պիտոյ էր նոցա. եւ որ ինչ յայրի անդ էր, եւ որ ինչ սպասք էր եկեղեցւոյն կամ շուրջառ, կամ այլ անօթ ինչ, կամ խաչ արծաթի, եւ երկու աւետարանս ընդելուղեալ արծաթով, զայն ետուն ցվարդապետն, զոր յետոյ առին ի մէնջ։ Եւ ընտրեալ ի մէնջ արա, որք կարող էին շրջիլ ընդ նոսա, եւ զայլն հրաման ետուն տանել ի վանսն եւ ի վիւղ անդր, եւ վերակացո թողին ինքեանց, զի այլք մի՛ խուզեացն զնոսա։ Հրամայեաց եւ վարդապետին կեալ ի վանս անդր, եւ եղբոր որդի մի էր նորա քահանայ, Պօղոս անուն, նա հրամայեաց վալ ընդ մեզ զկնի նորա։ Իսկ վարդապետն սուրբ խնայեաց յեղբոր որդին իւր, զի մանուկ տիօք էր, ինքն եկն զկնի նորա, յուսացեալ թէ հնարիցէ եւ զմեզ զերծուցանել։ Եւ շրջեցուցեալ զմեզ զկնի իւր աւուրս բազումս նեղութեամբ եւ տառապանօք, հետի՛ եւ բոկ եւս, եւ որք կարգեալ էին պահել զմեզ, արք պարսիկք էին ծարաւի արեան քրիստոնէից, նոքա առաւել կեղեքէին զկեանս մեր ամենայն տառապանօք յուղեգնացութեան, այնքան ստիպմամբ տանէին զմեզ՝ որպէս գերիվարս յասպատակի։ Եւ թէ գէշ լինէր ումեք վասն տկարութեան մարմնոյ, կամ խեղութեան սակաւ մի կասել ի գնացիցն, անխնայ ջարդէին զկառատիունսն, եւ

ձեռքին զմարմինսն դանալից մինչեւ զի զփուշս անգամ ոչ կարէին հանել առիցն՝ թէ եւանէր ընդ նա, եւ ո՛չ ջուր ըմպել ոք կարէր վասն ստիպողացն։ Էւ իբրեւ իջանէին, տանէին՝ լնուին զմեզ ի տունս նեղս, եւ ինքեանք շուրջ նստեալ սրահէին, եւ ո՛չ տային թոյլ ումեք ելանել յարտաքս ի պէտս կաթեաց մարմնայ, այլ ի նոյն տունս անցուցանէին զպէտսն, եւ ի նմին ազանէին գյուղով աւարտ։ Վասն որոյ ո՛չ կարեմ ընդ դրով արկանել զամենայն նեղութիւնսն, որ անցին ընդ մեզ, եւ զվարդապետն ո՛չ թողին առ մեզ, այլ ուրոյն հեռի ի մէջ յայլս ոմանս յանձնեցին զդուշութեամբ պահել։ Ապա առին եւ զիս յընկերաց իմոց զկնի իւրեանց ի պէտս դպրութեան դրել թուղթ եւ ընթեռնուլ։ Գօրն զկնի իւրեանց շրջեցուցանէին, եւ երկոյն հառելոյ բերէին՝ տային զմեզ ի վարդապետն երաշխաւորութեամբ. եւ դարձեալ զային առնուին հետի՝ կամ մերկ ի վերայ տրմուղ դրաստոյ. եւ այսպէս տունէին զօրս բազումս։

Իսկ իբրեւ անցին աւուրքն ամարանի, եւ եկն եղանակն աշնանային, եւ հանդերձեալ էին հեռանալ նոքա ի ծանօթ յաշխարհէն մերմէ ի հեռաոր օտարութիւն. ապա զանձինս ի մահ եղին ամենեքեան, եւ սկսան առ առկառ սակաւ փախչել ի դիշերի՝ ուր եւ կարացեն զերծանիլ։ Այսպէս եղեւ շնորհօքն Քրիստոսի ամենեցուն զերծանիլ՝ բա՛ց յերկուց երիցանց, որք ի տունջեան կամեցան զաղտ երթալ, եւ ո՛չ կարացին ղերծանիլ. զոր ըմբռնեալ ածին ի բանակն եւ սպանին առաջի մեր յերկիւղ եւ ի զարհուրումն մեզ. զի այսպէս առնէին ամենայն փախուցելոց։ Ապա յաւուր միում ասէ ցիս վարդապետն սքանչելի. Կիրակո՛ս. եւ ասեմ՝ զի՞նչ հրամայես վարդապետ։ Ասէ ցիս. որդեսոյ, գրեալ է թէ՛ յորժամ ի նեղութիւնս անկանիցիք, համբերեցէ՛ք. արդ պարտ է մեզ զբանս գրոյն յանձինս մեր ցուցանել. զի ո՛չ յաւ եմք մեք քան զսուրբսն առաջինս զԴանիէլ եւ զԱնանիանսն եւ զԷդեմիէլ, որք ի դերութեանն իւրեանց զբարեպաշտութենէ բուռն հարին, մինչեւ Աստուած ա՛յց արարեալ, փառաւորեաց զնոսա ի դերութեան անդ. արդ եւ մեք կացցուք խնամոցն Աստուծոյ, մինչեւ ինքն ա՛յց արասցէ մեզ, որպէս եւ կամի։ Եւ ասեմ. որպէս հրամայես, հա՛յր սուրբ, այնպէս արասցուք։ Դէպ եղեւ ապա յաւուր միում զալ իշխանին այնմիկ, որ գերեաց զմեզ ի տեղին՝ ո՛ւր էաք մեք ի սահեստի. եւ տեսեալ զմեզ՝ խոտորեցաւ առ մեզ. եւ մեր ընթացեալ ընդ առաջ նորա, ասէ ցմեզ. զի՞նչ պիտոյ է ձեզ. մի թէ քաղցեալ էք. տաց մեզ միս ձիոյ ի պէտս կերակրոյ. զի ինքեանք անխտիր ուտեն զամենայն սուրբ եւ անսուրբ անասունս՝ այլ եւ զմուկն եւ զամենայն սողունս։ Ասէ ցնա վարդապետն. մեք ձիոյ միս ո՛չ ուտեմք, եւ ո՛չ զայլ կերակուր ձեր. թէ կամիս շնորհ առնել մեզ, արձակեա՛լ զմեզ ի տեղի մեր, որպէս խոստացար. զի ա՛յր Ծեր եմ ես եւ հիւանդոտ, եւ ո՛չ եմ քեզ ի պէտս ինչ գործոյ զինուորութեան, կամ հովուութեան, կամ այլ ինչ ի պէտս ձեր։ Ասէ ցնա զօրադուին. յորժամ եկեսցէ Չուչուղայն, հոգացից վասն այդորիկ. եւ էր Չուչուղայն այն վերակացու տանն նորա. եւ է՛ր երթեալ ընդ զօրս նորա յաւար. այսպէս կացաք առաջի նորա երկիցս եւ երիցս իւն նա գնոյն պատասխանէր։ Ապա եկն այրն ի ճանապարհէն, եւ կոչեցին զմեզ ի դուռն իշխանին. եւ յղեաց նոյն այր առ մեզ հանդերձ թարգմանաւ, ո՞չ ապաքէն ասէք դուք, թէ ինչս տալ մեռելոցն օգուտ է հոգւոյ նորա. արդ մեռելոցն

«դնէ, դէնդանիս ընդէ՞ր ո՛չ փրկէ. տո՛ւր զոր ինչ ունիս, եւ գնեա՛լ զողի քո, եւ երթ՛ նիստ ի տան քո: Պատասխանի ետ վարդապետն եւ ասէ. մեր ինչքն ա՛յն էին, զոր առէք դուք՝ խաչքն եւ աւետարանքն. բայց յայնմանէ մեր այլ ոչ ինչ գոյ: Ասէ ցնա այրն. եթէ ո՛չ ունիս ինչս, եւ ո՛չ է հնար քեզ երթալ աստի: Պատասխանի ետ վարդապետն. ճշմարտութեամբ ասեմ քեզ, մեր ո՛չ ինչ կայ, եւ ո՛չ գին աւուր միոյ կերակրոյ. բայց թէ կամք են ձեզ՝ առաքեցէ՛ք զմեզ ի մի ի բերդիցս յայացոնէ, որ շուրջ կան դմեօք, եւ քրիստոնեայքն որք կան ի նոսա, դնեն զմեզ: Իսկ նոցա հատեալ զինս ծանունս ի վերայ նորա, եւ դարձեալ թեթեացուցին յայնմանէ, եւ առաքեցին զնա ի բերդն, որ կոչի Գազ: Իսկ նա խնդրեաց զմեզ գնոյ, զի ընդ իւրն եւ զմերն տացէ, եւ ո՛չ ետուն. ասեն՝ սա ի պէտք է մեզ թուղթ գրելոյ եւ ընթերցման, թէպէտ բազում գինս տայք, ո՛չ տամք զսա: Եւ բազում արտասուօք բաժանեցաք ի միմեանց. եւ ասէ ցին. որդեա՛կ, ես երթամ անկանիմ առ տոս Սրբոյ Նշանին, որ յանուն սրբոյն Սարգսի, խնդրել նովաւ ի Տեառնէ վասն քո, եւ այլ եղբարցդ՝ որ կան ի ձեռս անօրինացդ. զի թերեւս զերծուցէ եւ զձեզ Աստուած զթութեամբն իւրով: Զի էր ի Գազ խաչ մի սքանչեւագործ առ ամենայն նեղեալս, եւ մանաւանդ առ գերիս. զի որք ապաւինէին բոլորով սրտիւ, ինքն իսկ սուրբ վկայն Սարգիս բանայր զգնուն բանտից եւ արպելանաց, եւ լուծանէր զերկաթն, եւ առաջնորդէր մարմնաւոր խոտեւամբ ի տեղիս իւրեանց. եւ համբաւ սքանչելեացն տարածեալ էր ընդ ամենայն ազգս, զոր կանգնեալ ասէին սրբոյն Մեսրոպայ վարդապետին մերոյ:

Եւ եղև որպէս ասաց վարդապետն. գնեցին զնա ութսուն դահեկանի. եւ իրբեւ տարան զնա, ի նմին աւուր ասէ ցմեզ Մօլարն. մի տրտմիր ընդ գնալ մեծ երիցուն. զքեզ վասն այնորիկ ո՛չ թողաք ընդ նմա, զի պիտանի ես մեզ. մեծացուցից զքեզ իրբեւ զմի ի մեծաց խմոց. եւ թէ կա՛յ քո կին, բերից զնա առ քեզ. եւ թէ ո՛չ՝ ի մէնջ ասաց քեզ: Եւ առժամայն ետ մեզ վրան մի, եւ երկուս պատանին սպասաւորս մեզ, եւ ասէ. ի վաղիւն տաց քեզ ձի, եւ ուրախ արարից զքեզ, միամիտ կացջիր. եւ զնաց ի մէնջ: Եւ խնամօքն Աստուծոյ պատահեաց մեզ ի նմին դիշերի դազտաղնաց լինել ի նոցանէ եւ զերծանիլ. եւ եկաք ի տեղի սննդեան մերոյ ի վանքն՝ որ կոչի Գետիկ. եւ նա աւարեալ էր ի նոցանէ, եւ այրեալ շինուածքն որ ի նմա, եւ անդ դադարեցաք:»

3. Վարդան Արեւելցի:—Վանական վարդապետի նշանաւոր աշակերտն է սա, իր ժամանակի համբաւաւոր ղիտնական վարդապետը: Նրան կոչել են եւ «Մեծն Վարդան» ի տարբերութիւն ժամանակակից նոյնանուն ուրիշ վարդապետներէր: Նրանց զործերը սխալմամբ մէկը միւսին են վերադրուած. Վարդան Արեւելցու պատմական աշխատութիւնն էլ համարել են մի ուրիշ վարդապետինը—Վարդան Բարձրբերդցունը:<sup>1</sup> Մեծն Վարդանի ծննդեան

1 Մեծին Վարդանայ Բարձրբերդցու Պատմութիւն տիեզերական, ի լոյս ընծայեաց Մկրտիչ Էմին, Մոսկուա, 1861: Կայ եւ երկրորդ հրատարակութիւնը՝ Վարդան վարդապետ Մեծն, «Հաւաքումն պատմութեան Վարդանայ վարդապետի, լուսաբանեալ»: Ի

տեղը յայտնի է՝ նրա Արեւելիցի կոչումից երեւում է, որ նա Արեւելեան Հայաստանից է եղել, հաւանորէն Գանձակ քաղաքից կամ նրա շրջականերից: Մնուած է մօտ 1200—1210 թուականների մէջ: Վանական վարդապետի մօտ ուսանելիս՝ նրա աշակերտակիցն եղել է Կիրակոս Գանձակեցին: Սա պատմում է, որ Վարդանը գնում է Երուսաղէմ ուխտ, վերադառնալիս մանում է Կիլիկիա, լինում է Հեթում արքայի եւ նրա կալայրների մօտ: Ապա նա գնում է Կոստանդին կաթողիկոսի մօտ, որ նրան տեսնելով՝ շատ ուրախանում է, «եւ առ իւր պահեալ յոլով ժամանակս, սիրով կապեալ ընդ նմա, եւ զոր ո'չ կամէր երբէք մեկնիլ ի նմանէ»:՝<sup>1</sup> Կաթողիկոսը շրջաբերական թուղթ եւ եկեղեցական կանոններ է սւղարկում «խմաստուն եւ հանճարեղ վարդապետ» Վարդանի ձեռով Հայաստանի քաղաքներն, աւաններն ու վանքերը եւ երեւելի իշխաններին: «Յւ եկեալ վարդապետն Վարդան եւ որք ընդ նմա առաքեալքն ի կաթողիկոսէն յԱրեւելս, եւ շրջեալ ընդ դաւառս Հայոց, յեպիսկոպոսս եւ ի վանորայս եւ յիշխանս, եւ տուեալ ամենեցուն զհրամանս կանոնականս, եւ սրահանջեալ յամենեցունց ձեռագիր հաւանութեան սահմանին եղելոյ»: Վարդանը բազմաթիւ եպիսկոպոսների եւ իշխանների հաւանութեան գիրը, նրանց ստորագրութեամբ, ուղարկում է կաթողիկոսին Հռոմէլի 1246 թ., «եւ ինքն եկեալ ի Կայանայ ի միայնաբան իւր, զոր սուրբ Անդրէ կոչէին, հանդէպ անառիկ բերդին Կայանոյ. եւ անդ դադարեալ յուսուցանել զբազումս, որք աշակերտէին նմա, վարդապետական բանին»:՝<sup>2</sup>

Վարդանը, սակայն, յարատեւ մի վայրում չի մնում, այլ աստանդում է զանազան վանքեր — Խորվիրապ, Թեյկենեաց վանք, Սաղմոսաւանք, Հաղբատ, Հառիճոյ վանք, Աջջոցվանք, ամէն տեղ էլ ուսուցանելով եւ դրականութեամբ պարապելով: Նա ունեցել է բազմաթիւ աշակերտներ, որոնցից շատերը նոյնպէս աչքի ընկնող դործունէութիւն են ցոյց տուել. նրանցից մէկն է եղել եւ յայտնի դրող Յովհաննէս Երզնկացին:՝<sup>3</sup> Նա իր բազմակողմանի հմտութեամբ եւ անխոնջ վաստակով անուանի եւ հռչակաւոր է դառնում. 1264 թ. Հուլիսու էլլանը կանչում է նրան իր մօտ. նա գնում է վերադառնալուց յետոյ շարունակում է իր սովորական դործը մինչեւ իր մահը՝ 1271 կամ 1269 թ.:

Այս մեծ եւ արդիւնաշատ ուսուցչի դրական վաստակն էլ մեծ է եղել. — մեկնութիւններ, ներբողներ, հողեւոր երգեր, բազմաթիւ մանր երկեր, ինչպէս են՝ «Յապաղս մեկնութեան քերականին», «Թուղթ... առ Հեթում թաղաւորն», եւ այլն. նաեւ թարգմանութիւններ:՝<sup>4</sup> Կան երկեր էլ, որոնց

Վենետիկ, 1862. Հրատարակողների «Յառաջաբանը» տես նաեւ Զարեհանուէրի «Հայկական Մատենագիտութիւն», Վենետիկ, 1883, էջ 639 եւ հտն.:

Բարձրբերդը գտնուել է Կիլիկիայի սահմաններում:

1 Կիր. Գանձ. Պատմ. Հայ., էջ 278—296:

2 Անդ., էջ 295:

3 Հ. Ոսկեան, Յովհ. Վանական եւ իւր գաղտը, էջ 47: Աղբիւրը՝ Տաշ. Յուլ., էջ 46. «Հօրն մերոյ Վարդանայ վարդապետի»:

4 Միքայէլ Ասորու Պատմութեան թարգմանութիւնը, որի «Յիշատակարանը» տեսնել Մաղաքիա արեղայի «Պատմութիւն վասն սղգին նետողաց», Ս. Պետերբուրգ. 1870, էջ 55—63:

նրանք լինելը կասկածելի է, կամ թէ վերադրուած են նրան: Այդպիսիներէց պէտք է յիշել Վարդան աշխարհադրի «Աշխարհադրութիւն նորոգ թարգմանչին եւ երկրորդ լուսաւորչին Վարդանայ վարդապետի», որ աւելի ուշ ժամանակի գործ է:<sup>1</sup>

Նրա ամենակարեւոր ոչ-կրօնական աշխատութիւնն է վերելում յիշուած Պատմութիւնը, որ իբրեւ զրական երկ՝ շատ ցած է մնում Կիրակոսի Պատմութիւնից: Դրա մէջ Վարդանը ջանացել է օղտուելով հայ պատմագիրներէց եւ բաղմաթիւ այլ ազրիւրներից, հանդէս բերել իր բաղմակողմանի հմտութիւնը, յօրինելով ոչ թէ հայոց պատմութիւն, այլ «Պատմութիւն տիեզերական»: Իր «Նախերգանքի» մէջ խօսում է առաջ «անսկիզբն» ու «մի եւ միակ է-ի» եւ նրա ստեղծագործութեան, երկնի եւ երկրի ու հրեշտակների, բնութեան եւ այլի մասին, ոչ միայն ըստ Ս. Գրքի, այլեւ «որպէս ասեն իմաստունք», այլեւ «ըստ Արիստոտելի», կամ «որպէս ասեն գիտողք»: Իր ժամանակակիցների համար, ըստ նրանց հայեացքի, հետաքրքիր մի կրօնա-գիտական ամփոփ տեսութիւն է այդ: Բուն պատմութիւնն սկսում է Ադամից ու մարդկային ազգի ամէնութիւնից ըստ Աստուածաշնչի, մէջը հիւսելով նաեւ գիտնականների ստեղծած այլեւայլ գրայցներ, աւանդութիւններ ու բացատրութիւններ, այսպէս, օրինակ, Բաբելոնի աշտարակաշինութեան զարդարուն դրոյցը:

«Եւ սկսան առաւ շինել զաշտարակն յառաջին ամին Ռադաոււ՝ ասեն, ոսկեղէն եւ արծաթեղէն սարսղօք, շուրջն զնելով աղիւս՝ խորովեալ հրով զանկեալ բոով, կրով ու կպրով, արծաղահիմն խորամէջ յայնափսղոց բացեալ պատուհանաւք յուսարեբօք. ասեն եւ ահունա յուսարծակս դնել առ պատուհանաւքն: Անխոնջ վաստակօք զամսուն եւ զձմեռն դործէին եւ հողն ձեռն տայր. եւ շար խմն մըջմանց՝ յամենայն կսպմանց երպաց եւ իջողաց այր զայր գրգռէր եւ կին զրնկերն իւր: Եւ ոչ ոք ասէր, թէ ես շատ դործեցի քան զքեզ, այլ թէ դու շատ դործեցեր քան զիս, զի դեռ անախտ եւ անցաւ ունէին զբնութիւն: Եւ մինչեւ ցըստասուն ամն Ռադաոււ ոչ առին ողբապ գործոյն՝ մինչեւ հասուցին յօղն անտես, յործուտն եւ մղձկուտն եւ ի սատակողն, յոր թռչուն ոչ վերանայ, եւ թէ ձկտի՝ թեւակիղեալ անկանի: Եւ ասեն, թէ զոսկին ի յատակացն սրտեալ տարան ընդ մէջն մինչեւ ի վեր եւ հարէր ի ջերմութենէն, եւ մարդիկն ջանային եւս հնարիւք անկէզ մնայ. եւ ոչ կասեալ ի դործոյն. մինչեւ ինքն Տէր ողորմեալ դադար տայր առնուլ յանողուտ ջանիցն: Եւ զտանին զրսոյք ի տանն Ներքովթայ, եթէ նախ հրեշտակ եկն առ Ներքովթ, որ իշխան էր եւ որսայր շինողացն կերակուր, եւ ասէ ցնա. «Ես եմ հրեշտակ Աստուծոյ՝ կսպապեալ արեւելից. — այսպէս ասէ Տէր Աստուած երկնի եւ երկրի. «լուեցէք զաղարեցէք ի դայոյդ առ իս, զի ոչ կարէք. այլ ես եկից առ ձեզ ի ժամանակի եւ տաց ձեզ սանդուղս, որով կարէք դալ եւ դուք առ իս»: Եւ ոչ լուան հրեշտակին: Ապա ինքն ասաց ցէակիցսն իւր. «Եկայք՝ մեք իջցուք եւ բաժանեսցուք զրեզուս նոցա»: Եւ զի ստեղծուածք

<sup>1</sup> Վարդան Արեւելցու եւ նրան վերագրուած երգերի ու նրանց տպագրութիւնների եւ ձեռագիրների մասին Հ. Ոսկեան, Յովհաննէս Վանական եւ իւր. դպրոցը, 53—89: Այլեւ Գ. Զարբհանաւեան, Հայկ. հին դպր. Ա., էջ 738 եւ հտն:

ձեռաց նորա՝ ի ցամառնէ վարհուրեալք, փախչէին առ նա, ոչ պատժեաց զնոսա, այլ հոտով դրախտին արեւցոյց զնոսա, զի հանդէպ կայր դրախտին գլուխ բրդանն: Եւ այսպէս միիթարեալք զմայմամբ յանճառելի բուրմանէ հոտոյն՝ մոռացան զառաջին լեզուն: Եւ չարար զնոսա վաստակ միւսանգամ քակելով, այլ հողմոյն հրամայեաց դործ, եւ ոչ զսք սպան ի նոցանէ՝ զի ոչ չրջեաց, այլ հոսեաց: Եւ շատ ինչ բարի եղեւ. մի՝ զի ծանեան մարդիկ զիւրեանց տկարութիւն, եւ դարձեալ՝ զի պատճառք իմաստից եւ գեղեցկութեան ի խոշոր լեզուէն առաջնոյ եւ ի կոպտածեւ՝ փախկադոյն հելլենացւոց եւ սաստկագոյն հռովմայեցւոց, հոնն սպառնական եւ ասորին աղաչական, պարսիկն պերճական եւ ալոնն դեղեցկաձեւ, դուքն ծաղրական, եգիպտացին խորափաճայն եւ հնդկին ճճուող, եւ հայն եւս ամենազարդ եւ համեղական. եւ որպէս ազգի ազգի գոյնք գեղեցկութիւն առնեն եւ զանազանութիւնք հասակաց, աշուպէս եւ լեզուաց զանազանութիւնք: Եւ առաջին լեզուն մնաց առ Երեւայ, որ ոչ միարանցեալ ընդ այլսն: Եւ որպէս մեղքն բաժանեաց յերկու տուն զմարդիկ՝ ի Կայենին եւ ի Սեթայն, նոյնպէս եւ աստ երկու եղեն ազգ մարդկան՝ երեւ եւ Հի տանուտէրքն»:

Հետաքրքիր է, որ, ինչպէս հաւատացել են, թէ սկզբում մէկ լեզու է եղել եւ յետոյ է առաջացել լեզուների զանազանութիւնը, նոյնպէս՝ թէ աշխարհի վերջում պիտի լինի մի ազգ ու մի լեզու, բայց մարդկութիւնը մի ընդհանուր լեզու պիտի ունենայ. «Ի յարութեան հասարակ ի յերեւայն խօսի» [ազգ մարդկան]՝: Վարդանը, սակայն, համաձայն է մի ուրիշ կարծիքի. նա անմիջապէս կցում է. «բայց զայս է ասել, եթէ ցեղացեղ եւ բազմակարօտ մեր բնութիւնս եւ յոգնանուն երբ պարզի եւ մաքրի, անկարօտ լինի՝ զլեզուս հրեշտակաց առնու, ասէ սուրբն Եղիշէ, որով ընդ Աստուած եւ ընդ միմեանս խօսին»։ «բայց այս պէտք է ասել, որ երբ մեր [մարդկային] բազմացեղ, բազմակարօտ եւ բազմանուն բնութիւնը զտուի ու մաքրուի, անկարօտ դառնայ, ապա նա, — ասում է սուրբ Եղիշէն, կ'ունենայ հրեշտակների լեզուն, որով կը խօսեն [մարդիկ] Աստուծու եւ միմեանց հետ»։ Այսպէս է հին լեզուաբանական տեսութիւնը լեզուների ծագման եւ վախճանի մասին:

Աշտարակաշինութիւնից յետոյ անում է զանազան ազգերի, այսպէս ասած, համաժամանակեան պատմութիւնը մեծ համառօտութեամբ, յաճախ լոկ անունների ու տարիների թուարկութեամբ: Կարելորդ տեղ է բռնում, հարկաւ, հայոց պատմութիւնը, Հայկ ու Բելից սկսած մինչեւ վերջը: Հայերի հետ երեսուն են գալիս՝ հրեաներ, պարսիկներ եւ այլն, յետոյ նաեւ բիզանդացիք, արաբներ, թուրքեր, վրացիք, թաթարներ եւ ուրիշները: Քանի մօտենում է 11-րդ դարին, աւելի ու աւելի հարստանում է պատմութեամբ ընդարձակ տեղեկութիւններով եւ դառնում է ժամանակագրութիւն: Նրա հաղորդումների մէջ կան շատերը, որոնք ուրիշ աղբիւրներից յայտնի չեն եւ ունին պատմական նշանակութիւն: Կան եւ այնպիսիները, առանձնապէս հին պատմութեան վերաբերեալ, որոնք գիտական յերիւրանքներ

1 Երեւ կամ Հեբեր է, ըստ Ս. Գրքի, Աբրահամ Նահապետի նախնիներից մէկը, որի անունով, ինչպէս ենթադրում են, հրեաները կոչուել են նաեւ Եբրայեցի:

են, կամ անարժէք զրոյցներ, որոնց նա<sup>1</sup>, իր ժամանակի այդ գիտնականը, նոյնպէս հաւատ է ընծայել:

Թաթարների առաջին յարձակումներն, ըստ Վարդանի, տեղի են ունեցում 1221 թ.: Սպասելի էր, որ այդ տարիներից սկսած նա մանրամասն պատմութիւն գրէր իբրեւ եղելութիւնների ժամանակակից, բայց, ցաւօք, նա չի թողնում համառօտ ժամանակադրելու եղանակը: Իր այդ վարմունքն արդարացնում է ասելով, թէ որովհետեւ 1236—1265 թ. մանրամասնաբար պատմել են Վանական վարդապետն ու Կիրակոսը, նրանց դրածները «մեր ոչ համարձակեցաք երեքինել կամ բազմաբանել, այլ համառօտ բերեալ միայն զթիւ ժամանակին նշանաւոր իրաց եւ գործոց յիշատակաւ ի լրումն մերոյ գործածութեանս» յոլով ժամանակօք սկսեալ եւ թերի թողեալ, պատկառելով ի դրողացն պատուոյ, զորս վերագոյն յիշեցաք»: Մանրամասն պատմում է միայն իւր տեսակցութիւնը Հուլաւու էլղանի հետ: Այնուհետեւ յիշատակելով մի երեք դէպք, իր գործը վերջացնում է Կոստանդին կաթողիկոսի մահով, 1267 թ.: Բերենք յիշուած տեսակցութեան կտորը.

«Յեօթն հարիւր երեքսոսան թուին կոչեաց զմեզ Հուլաւու էլղանն ի ձեռն շնորհաւոր կոչեցեալ առն փառաւորելոյ յայնմ ժամանակի յամենեցունց եւ աւելի յաշխարհակալացն» ի Բաթու կուսակալէն հիւսիսոյ, ուր չողան եւ սրտուեցաւ նախ, այլ ի Հուլաւու էլղանէն, որ տարաւ իւրով ծախիւք եւ դրստութեք զմեզ եւ որք ընդ մեզ էին վարդապետք եղբարք մեր՝ Սարգիս եւ Գրիգոր եւ աւագ երէցն Տփիսեաց տէրտէրն: Եւ տեսաք զմեծն զայն ի մեծի աւուրս ամսամտի եւ տարեմտի իւրեանց՝ յամսեանն յուլիս ըստ հոռմայեցւոց եւ ըստ մեզ արաց: Եւ էր նոցա աւուրք ուրախութեան իբր չուսին մի, եւ կոչէին զաւուրսն զայնոսիկ Խառուքայ՝ իբր խորհրդատոնս յորս այլ զանքն՝ ազգայինք Չանկզ զանի, առ մեծն եկեալ խորհէին, զոր ինչ պատշաճ տեսանէին հանդերձ ամենայն աւաղանօքն իւրեանց, ամենեքեան նոր զգեցեալ՝ յամէն աւուր որիչ գունով փոփոխս: Անդ ինէին եւ ամենայն հնազանդեալքն իւրեանց շատ եւ երեւելի նուիրօք՝ Թագաւորք եւ սուլտանք, որպէս եւ ի մեր տեսն Թագաւորն Հայոց Հեթում եւ Թագաւորն Վրաց Դաւիթ եւ բրինձն Անտաքու եւ սուլտանք ի Պարսից կողմանց յոլովք: — Եւ ի տեսանել զմեզ՝ ծունր կրկնել ոչ ետուն եւ ոչ չոքել ըստ սովորութեան իւրեանց, իբր թէ արքայունք Աստուծոյ միայն երկրպագեն: Գինի եւ տուն օրհնել եւ ի մեր ձեռաց առնուլ: Եւ խօսք զոր ինչ հրամայեաց առաջին այս է. —

«Կոչել եմ զքեզ, որ տեսանես զիս եւ ճանաչես եւ ի սրտաց աղօթես վասն իմ»։ Եւ աւելորդ է թերեւս զամենայն գրել: Շատ խօսեցաւ, եւ մեք տուաք պատասխանի: Եւ նստուցին զմեզ, եւ զինի ետուն, եւ շարական պաշտեցին եղբարքն որ ընդ մեզ, եւ Վրացիքն զիւրեանց պաշտօնն, եւ Ասորիք եւ Հոռոմք զիւրեանցն: Յայնժամ տեսին զեկեալսն յամենայն կողմանց՝ մինչ ասել էլղանին, «Թէ զքեզ միայն եմ կոչեցեալ, զի՞նչ է այս նշանս, որ ոչ յառաջ եւ ոչ յետ, այլ մի աւուրք յամենայն կողմանց եկին ընդ քեզ տեսանել աւրհնել զիս»: Եւ յառաջեաց հրամայեաց ինքն. «Թուի թէ նշան է, որ Աս-

1 Մեծն Վարդ. Պատմ. Տիեզ., էջ 204:

տուժոյ սիրտն լաւ է ինձ»։—Ասացաք. «զմեզ այլ կալաւ դարմանք եւ պապ—  
ճառք զոր դուք հրամայեցիք»։—Ապա հրամայեաց, «թէ ծածուկ բռն ունիմ  
առ քեզ»։

Եւ յաւուր միում արար անապատ յոյժ. — եւ հեռի կացուցեալ զամե-  
նայն բանակն՝ եւ երկու արամք միայն խօսեցաւ ընդ մեզ յերկար՝ յիւր  
ծննդէնէ հետէ եւ ի մօրէ, որ քրիստոնեայ էր՝ առէ. «Եւ թէպէտ դայեակ  
անուցանէ զաւայն, իրր ի հասակ պայ՝ զիւր մայրն սիրէ. չենք օտար ի սի-  
րոյ քրիստոնէից — զոր ինչ ունիս ասելոյ՝ ասա». եւ բռնեալ էր զիմ ձեռքս։  
Եւ մեք ասացաք զինչ Աստուած երեւտ ասել բան, «թէ որչափ ի վեր եւ  
դու քան զայլ մարդիկ՝ մօտ ես յԱստուած։ Աստուծոյ աթոռն արդար դա-  
տաստանաւ է հաստատ։ Ամէն ազգի տուեալ է Աստուած տէրութիւն աշ-  
խարհի եւ ժողովեալ։ Մինչ ի քեզ աշխարհաւոր են լեալ, եւ աղքատաց՝ ան-  
ողորմ՝ ծանր շալակ են դրեալ. նոքա հազոց են հանեալ եւ լացեալ առաջի  
Աստուծոյ. — Աստուած առեալ է զիշխանութիւնն եւ յայլ ալլ տուեալ։ Թէ  
դուք աշխարհաչէն լինիք եւ աղքատաց ողորմած՝ ի ձեզանէ հառնու Աս-  
տուած զոր տուեալ է, թողու առ ձեզ, եւ զոր տալ կամի՝ զայն այլ սայ։  
Ի քո դրան հանց մարդ կացո, որ յԱստուծոյ երկնչի եւ զձեզ սիրէ, որ  
զլալով եկած տառապեալն, որ աղերս չունի եւ կաշառք՝ ուրախ ի տու-  
յուզարկէ եւ քեզ յիշեցնէ։ Եւ զաշխարհս տուր հանց մարդոյ, որ յստակ  
տեսանէ՝ կուրանայ ոչ՝ կաշառօք, եւ քեզ ասէ զիրաւն»։ — Եւ յայս կարգիս  
չատ խօսեցաք։

Հրամայեաց թէ, «ի սրտումս դրի զքո խօսեցեալքդ. — ո՞նց է որ զամէն  
զա՛յն ասացեր, որ իմ սիրտս կայր, որ ինձ զուր թուաց։ Աստուած խօսե-  
ցեա՞լ է ընդ քեզ, երեւեա՞լ է քեզ»։

Ասացաք թէ, «չէ՝ մենք մեղաւոր մարդ ենք. ապա զաստուածախօս  
մարդկանց զիրքն կարգացեալ ենք, եւ սիրտք թալաւորաց ի ձեռին Աստու-  
ծոյ են»։

— «Աստուած յայտնեա՞լ է քեզ առանց զրոյ»։—

Ապա ասացաք թէ — «առաջի Աստուծոյ խօսք մի եմ յասել, որ Աս-  
տուած լսէ եւ ապա զու, որ սուտ չկայ ի ներս»։

Հրամայեաց թէ — «ասա»։

Ասացի թէ — «զինչ քրիստոնեայ կայ եւ արքայունք ընդ ծով եւ ընդ  
ցամաք՝ ամենու սիրտն հեա քեզ լաւ են, եւ քեզ աղօթք են տոնում»։

Հրամայեաց թէ — «հաւատալ եմ որ հանց է, ապա յԱստուծոյ ճանա-  
պարհն չեն արքայունքն՝ ինձ ինչ աղօթք առնեն. եւ թէ առնեն՝ Աստուած երբ  
լսէ, մէջում արքայունն զԱստուած յերկնից յերկիրս բերէ չբերէ՝ ասացէք,  
որ յԱստուծոյ ճանապարհն կենան եւ աղօթք առնեն։ Մեր եղբարքն հետ  
մեզ վասն այն են ի կուռիլ, որ մենք քրիստոնեայ սիրենք եւ քրիստոնէու-  
թիւն կայ ի մեր տանս. նոքա տաճկասէր են եւ տաճկութիւն կայ ի նոցա  
տանն»... — Ապա ասէ ցմեզ. — «ոչխորենի է՞ր ես զդեցեալ եւ ոչ ոսկի»։

Եւ իմ ասացեալ թէ — «մեք մեծ մարդ եւ աստիճանի տէր չենք, լուկ  
աբեղայ միայն եմք»։

Եւ հրամայեաց թէ — «մեծացուցանեմ զքեզ ոսկի զգեստիւ, եւ շատ  
ոսկի տամ»։



Եւ մեք ասեմք — «ոսկին եւ հողն մեղ մի են. մեք այլ մեծ ուզեմք, որ վայել է զո մեծութեանդ — ողորմութիւն ի վերայ աշխարհի»:

Եւ հրամայեաց թէ -- «մէջում քթէթ կարեմ քեղ՝ խիստ դէշ եւ խիստ փաքրիկ լուկ աշնչափ, որ խունի դնես եկեղեցոյն. թէ չէ եկիր՝ ի՞նչ ասեն, թէ էլլանն ո՞նց տեսաւ զքեզ: — Եւ զայդ՝ զոր ասացեր, առնեմ, եւ մարդիկք յըսակեմ, որ տեսանեն զաշխարհս»:

Իսկ երբ հրաման ուղեցաք զնալոյ՝ այլ կոչեաց զմեզ եւ խօսեցաւ, եւ ունէր ի ձեռին բալիշ մի եւ երկու հանդերձ էր կարել տուել: Յիշեցուցաք թէ — «էլլան՝ այդ զո զրանդ հատանի եւ հանդերձդ մաշի, մեք անհատանելի եւ անմաշելի խնդրեցաք պարզեաք»:

Եւ հրամայեաց թէ — «առաջի օրն՝ զքո խօսքդ լմնեցի. — առլելս եմ գրել տուել՝ կարգալ սուր, եւ դինչ թո սրտիդ պիտի ունել՝ զայն այլ գրել ոտուր: Եւ ի սախալթու եւ ի շահարատին եմ յանձնել զերկիրդ եւ զքեզ — զոր ինչ ասես՝ առնեն»:

Եւ մեք շնորհակալ եղաք եւ ելաք:

Այս հատուածը կարեւոր է ոչ միայն իր բովանդակութեան, այլեւ ժամանակի խօսակցական աշխարհիկ լեզուի տեսակէտով: Այստեղ դառնում ենք արդէն միջին հայերէնի դրսեւէ բոլոր ձեւերը, այլեւ այն, որ արդէն ծագած է եղել արեւելեան աշխարհարարի «ուսմ» վերջաւորութեամբ խոնարհման ձեւը, ինչպէս է, օրինակ, «աղօթք են առնում», որ է «աղօթք են անում»:

4. Մաղափա Աբեղայի «Պատմութիւն վասն ազգին նետողաց»:<sup>1</sup> Այս հեղինակի կենսագրութեան մասին միայն այն դիտենք իր գրքից, որ նա եղել է վանական վարդապետի աշակերտ: Յիշելով նրա մահը 1251 թ.<sup>2</sup> գրում է. «Փոխեցաւ ի Քրիստոս աւազ եւ փառաւոր վարդապետն մեր վանականն եւ առաջ մեծ եթող մեզ, եւ ոչ թէ միայն մեզ աշակերտելոցս նմա, այլ եւ մմեայն աշխարհիս»:<sup>3</sup> Բերումս վերջին թուականն է «հայոց Զ եւ Ի» (=720+551=1271), երբ վախճանուել են «փառաւոր վարդապետքն հայոց Վարդան եւ Կիրակոս»:<sup>4</sup> Դրանից յետոյ շուտով աւարտում է նա իր աշխատութիւնը՝ պատմելով Հեթում թագաւորի (վախճ. 1270 թ.) որդի Լեւոն թագաւորի առաջին տարիներում տեղի ունեցած մի խարդաւանական զէպքի մասին եւ ապօթելով նրա կեանքի ու յայթոյ լինելու համար:

Գրումս վերջում կարդում ենք. «Կատարեցաւ պատմութիւն Տաթարիս գործերոց ԽԴ (=44) ամաց, բայց համառօտ, եւ ոչ ամէնն»: Սակայն ըստ երեւոյթին միբոյակ կայ կամ այս, կամ ներքեւում բերուած 1214 թուի մէջ: Մտադրեան իր աշխատութեան սկզբում գրում է թաթարների ծագման եւ Չանկզղանի մասին, սպա պատմում է նրանց յարձակումը Հայաստանի հիւսիս-արեւելեան կողմերում աղուանից եւ միաց երկիրների վրայ եւ

1 Մաղափա Աբեղայի Պատմութիւն վասն ազգին նետողաց, Ս. Պետերբուրգ, 1870. կայ նաեւ Երուսաղեմեան հրատարակութիւն. այստեղ այդ երկը թիւրիմացաբար վերագրուած է «Վարդան պատմիչին», այսինքն Վարդան Արեւելցուն: Հ. Ոսկեան, Յովհաննէս Վանական եւ իւր գլուխը, Վիեննա, 1922, էջ 115 եւ հա.

2 Անդ, էջ 12, 21:

3 Անդ, էջ 52:

յաղթութիւնը «ի թուականութեան հայոց ՈԿԳ» ( $=663+551=1214$ ): Երեք տարի անց առնում, աւերում են Գանձակ քաղաքը, յետոյ եւ ուրիշները: «Առին եւ զքարայրն մեծ վարդապետին բազում ընչիւք իլի, եւ տարան զինքըն զփառաւոր վարդապետն մեր Վանական՝ ծառայ՝ իւրովք աշակերտօքն»: Հայ եւ վրացի իշխանները չուտով ենթարկւում են թաթարներին եւ բարեկամ մնում նրանց. նոյնպէս եւ Կիլիկիայի հայկական իշխանութիւնը: Այնուհետեւ էլ Մաղաքիայի Պատմութեան նիւթը մեծ մասամբ նոյնն է, ինչ որ Կիրակոսինը եւ Վարդանինը թաթարների մասին, բայց մանրամասնութիւնների մէջ տարբերում է նրանցից: Բացի թաթարների վարած պատերազմական գործողութիւնների եւ նրանց կատարած տւերմունքների ու կոտորածների նկարագրից՝ այստեղ գտնում ենք նաեւ շատ բան ներքին կեանքի վերաբերեալ, ինչպէս են՝ հարկերը, ժողովրդին հասցրած նեղութիւններն ու կեղեքումներն այն ժամանակ, երբ հայերն արդէն ենթարկուած էին թաթարներին: Եղև եւ նաեւ բարեմիտ իշխողներ, որոնցից մէկն է եւ Հուլաու զանը եւ նրա որդին, որոնց կողմն է Մաղաքիայի համակրութիւնը: «Եւ էր Աբաղան բարի տեսլեամբ եւ գեղեցիկ հասակաւ ի մէջ Լ [=30] եղբարց իւրոց եւ յաւուրս զանութեան նորա էր տառապութիւն ամենայն իրաց ընդ ամենայն երկիր»:¹

Գրական տեսակէտով Մաղաքիայի այս դործն աւելի բարձր է, քան Վարդանի «Տիեզերական պատմութիւնը»: Պատմութեան համար կենտրոն է ունեցել «Նետողաց աղդի» — թաթարների արարքները Հայաստանում եւ Հայաստանի սահմանակից երկրներում, միաժամանակ ուշադրութիւն է դարձրել նաեւ զուտ հայկական գործերին, եւ եթէ երբեմն աւելի երկար է կանգ առել այս մասի վրայ, բայց դորձեալ ընդհանրապէս թաթարների հետ կապակցութեամբ: Նա յօրինել է առանց որեւէ մասերի բաժանելու, չարունակաբար, շատ պարզ ու հասարակ, միանգամայն եւ կենդանի ու հաճելի եղանակով, յաճախ իր ժամանակի խօսակցական լեզուով: Շատ մանրամասն է սրտառու է կերպով պատմել է Մարայ (Եգիպտոսի) Ֆնտուխտար անուանի յարձակումը Կիլիկիայի վրայ, Հեթում թագաւորի որդի Թորոսի ըսպանութիւնը, իսկ միւս որդուն՝ Լեւոնի գերութիւնն ու գերութիւնից ազատութիւնը:² Այս դէպքը մեծ ապաւորութիւն է թողել ժամանակակիցների վրայ եւ արժանացել յայտնի ժողովրդական երգին՝ «Աւաղ ըզլէոնն ասեմ, որ Տաճկա՛յ գուռն ընկել գերի»:³

5. Մխիթար Այրիվանցի:³ — Սրա «Հայոց Պատմութիւնն» եւս մի ժամանակագրութիւն է, սովորական ձեւով համառօտ, սկզբից — Աբամից մինչեւ 1289 թ.: Հեղինակն սուրբ է 13-րդ դարում: Այս, ինչպէս եւ միւս ժամանակագրութիւնները գրական արժէք չունին, բայց պահպանել են իրենապատմութեան աղբիւրներ: Գրեթէ բոլորի մէջ եւս երեւում է նոյն կրօնական եւ հայրենասիրական ոգին:

6. Սմբատ Սպարապետ: — Այս հեղինակը Հայոց Հեթում Ա. արքայի

1 Անդ, էջ 37:

2 Մաղաքիա Աբեղայի Պատմ. վ. ա. նետողաց, 1870, էջ 38—47:

3 Մխիթարայ Այրիվանցեւոյ Պատմութիւն Հայոց, Մոսկուա, 1860:

եղբայրն է. ծնունդ է 1208 թ., ինչպէս իր աշխատութեան մէջ<sup>1</sup> ինքը գրում է. «Ի թուին ՈՄԷ ծնաւ Սմբատ Գունդուստապլն թարգմանող Պատմութեանս»: Ռուբինեանների օրով Կիլիկիայում «դունդուստապլ» (connétable — ախոռապետ) պատուանունով էին կոչւում սպարապետները: Գրելով Կիլիկիայի Հայոց առաջին թագաւոր Լեւոն Բ.ի թագաւոր օծուելու մասին 1198 թ. եւ գովելով նրան՝ ասում է.<sup>2</sup> «Եւ ուր իմանայր թէ զոյ այր իմաստուն եւ գիտուն, եւ աջող ի գործ կամ ի զինուորութիւն, կամ ի խօսս եւ ի պատասխանիս, յղէր եւ կոչէր խոստմամբ, եւ յանգուցանէր պարզեւօք. յորոց մի ես եմ Սմբատ Սպարապետ թարգմանող տառիս եւ պատմութեանս»: Լեւոնի մահուան ժամանակ՝ 1219 թ. Սմբատը եղել է տասնութէկ տարեկան պատանեակ եւ, ինչպէս երեւում է, աչքի է ընկել իր ընդունակութեամբ եւ թագաւորից պարգև է ստացել: Ուրիշ տեղեր եւս ժամանակագրութեան ընթացքում յիշում է իրեն այսպէս՝ Կիլիկիայի վրայ Հոռոմի, այսինքն Իկոնիայի սուլթանի յարձակումների ժամանակ 1226 եւ 1246 թուականներին.<sup>3</sup> Հեթում թագաւորն իր այս սպարապետ եղբորը 1248 թ. զեսպան է ուղարկում թաթարների խանի մօտ. «Ի թուին ՈՂԷ զնացի ես Սմբատ Գունդուստապլս ի թաթարն. եւ ի թուին ՈՂԹ [=1250 թ.] դարձայ առ իմ եղբայրն Հեթում թագաւորն»:<sup>4</sup> Այս մասին պատմում է եւ Կիրակոս Գանձակեցին, ասելով թէ Սմբատ զօրավարը շատ մեծարուելով Ղանից՝ «դարձաւ երեւելի փառօք, եւ հաւատարիմ հրովարտակօք տուեալ նմա զաւառս բազումս եւ բերդս յոլովս, զոր յառաջ լեալ էր Լեւոնի արքայի, եւ զինի մահուանն ա՛ռ ի նոցունց Ալազին Սուլտանն Հոռոմոց»:<sup>5</sup> Սմբատը վախճանւում է 1275 թ.: Եգիպտացիները զօրքի մեծ բազմութեամբ յարձակւում են Կիլիկիայի վրայ. հայ զօրքերը, Լեւոն Գ. թագաւորի եւ Սմբատ Սպարապետի զօրավարութեամբ, չըրջապատում են թշնամիներին եւ կոտորում: Սմբատը, ճնայելով իր տարիքին, անձամբ արշաւասույր հետապնդում է թշնամիների փախչող զօրապետին Ամիրային. ձիու սաստիկ արագ վազելիս՝ քաջ Սպարապետի ոտքն առնում է մի ծառի եւ վնասւում է: Այլեւս չկարողանալով շարունակել թշնամու հալածումը՝ նա ետ է դառնում եւ մի քանի օրից յետոյ վախճանւում:<sup>6</sup>

Այն խառն ու խռովայոյց ժամանակներում, երբ պէտք էր միշտ պատրաստ լինել զէնքով դիմադրելու ամէն կողմերից ներխուժող թշնամիներին, Սմբատը ոչ միայն կորովի զօրավար էր հանդիսանում, այլեւ խոհեմ քաղաքագէտ: Նա, ինչպէս տեսնեք, կարողացաւ հեռաւոր ճանա-

1 Սմբատայ Սպարապետի եղբօր Հեթումի առաջնոյ արքայի Հայոց Պատմութիւն Յունացի Կոստանդնուպօլիս եւ Հայոց Մեծաց ըստ կարգի ժամանակաց. Մոսկուա, 1856, էջ 406. ձեռագրի մէջ վերնագրի վերջին բառերը եղել են՝ «Եւ յայտմ ժամանակի ժամանակագրութիւն». հրատարակիչը՝ Ոսկանց Յովհաննիսիանց կրկնել է՝ «ըստ կարգի ժամանակաց», տես «Յաւաքարան», էջ Բ:

2 Անդ, էջ 99:

3 Անդ, էջ 113 եւ 114:

4 Անդ, էջ 115:

5 Կիր. Գանձ. Պատմ. Հայոց, Թիֆլիս, 1909, էջ 302:

6 Տես Սմբատայ Սպարապետի. Պատմ. «Յաւաքարան», էջ 2, ուր իբրեւ սղբիւր յիշուած է Մ. Չամչեանի Պատմ. Հայ., հատ. Գ., էջ 277—278. իսկ այստեղ իբրեւ սղբիւր յիշուած է «Յիշատակարան Ռամանոսի ժամանակակից վարդապետի...»:

պարհ անցնելով յաջողութեամբ լուծել արտաքին քաղաքականութեան խնդիրը եւ բարեկամութեան զաշինք կոել թաթարական տէրութեան հետ: Բայց միայն արտաքուստ ապահովութիւնը չէր նրա հոգացութեան առարկան. հարկաւոր էր հայկական երկիրը եւ ներքուստ բարեկարգ վիճակի մէջ դնել: Ներսէս Լամբրոնացին արդէն կատարել էր քաղաքական եւ գինուորական օրէնքների հաւաքումն եւ թարգմանութիւն, բայց այդ օրէնքները համապատասխան չեն եղել, բաւարարութիւն չեն տուել տեղական պահանջին Կիլիկիայում: Այստեղ հայ պետութեան մէջ արդէն ընդունուած էին Արեւմտեան Եւրոպայի Ֆէոդալական եւ սրիշ կարգերը՝ վարչական, արքունի եւ այլն, եւ հայերը յենում էին աւելի Եւրոպայիների եւ աւելի մօտիկ Փրանկ իշխանութիւնների վրայ ընդդէմ հարեւան մահմեդական պետութիւնների, քան թէ յոյների վրայ: Ուստի Մմբատը Փրանսերէնից հայերէն թարգմանում է Անտիօքի Փրանկ իշխանութեան մէջ գործածուած օրենագիրքը՝ «Անտիօք Անտիօքայ» (Les assises d'Antioche), որի բնագիրը չի գտնուած: Թարգմանութեան սուղաբանի մէջ գրում է. «Եւ արդ վասն զի սովորութեամբ այն Անտիօքին կու գնայր աղլս մեր եւ դարպասս Հայոց, եւ սղարումն ինչ կու գայր մեզ վասն աղիտութեան եւ վտանգութիւնք ուլոց, եւ սղերգանք ինչ վասն հարցանելոյ անդ զմեծամեծ դատաստանն, եւ ես ուժգին տենչմամբ եւ բազում ուշիատութեամբ զտի զայն եւ հալճեցայ ի փոխելն. եւ երբ փոխեցի ես՝ յուղարկեցի զարձեալ ի յԱնտաքոյ զարպասն, որ գէմրնդիմեցին եւ հաստատեցին իրենց ձեռնադրերովն եւ վկայութեամբն, ու ստոյգ է եւ բոսրոյ բան բանի»: <sup>1</sup> Բացի սրանից՝ Մմբատ Սպարապետը 1265 թ. կազմել է եւ մի համառօտ ազգային օրինագիրք՝ «Յաւազս դատաստանաց թաղաւորաց», որի մէջ մտնում են օրէնքներ ու կանոններ աշխարհականների եւ եկեղեցականների համար: Նա օգտուել է Մխիթար Գոշի Դատաստանադրքից, բայց վերամշակելով սրա յօդուածները եւ յարմարեցնելով Կիլիկիայի պայմաններին ու Ֆէոդալական հասարակարգին ու սովորութիւններին: <sup>2</sup> Դա արտայայտութիւն է Կիլիկիայի հայ պետականութեան: «Պրեցի զսա, — ասում է նա, — վասն հաստատութեան սրբոյ եկեղեցւոյ, եւ վասն աշխարհի գատաւորաց եւ թաղաւորաց. եւ զսիրտ բանիցն առեալ եզի համառօտարար»: <sup>3</sup>

Մնում են Մմբատ Սպարապետից նաեւ քրոջն ու քեռայրին գրած նամակները եւ, սր գլխաւորն է, նրա «Պատմութիւնը», որ յիշուեց վերեւում: Այս մի ժամանակագրութիւն է, սկսած հայոց Ն (400+551=951) թուականից: Մինչեւ հայոց ՇՁԵ (=585+551=1136) թուականը բովանդակութիւնը նոյնն է, ինչ Մատթէոս Ուռհայեցու գործինը եւ մեծ մասամբ շատ համառօտ ու կրճատումներով քաղուածք է նրանից, երբեմն նոյնիսկ բառացի: Կան, հարկաւ, այնպիսի հաղորդումներ եւս, որոնք ուրիշ ազբւրներէից

1 Գ. Զարբձանաւեան, Հայկ. թարգմանութիւնք նախնեաց, Վենետիկ, 1889, էջ 306 եւ հան:

2 Խ. Սամուէլեան, Հին հայ իրաւունքի պատմութիւնը, հատոր Ա, Երեւան, 1939, էջ 90—95:

3 Գ. Զարբձանաւեան, Հայկ. հ. դպր. պատմ., Վենետիկ, 1897, էջ 774:

են ծագում: Այսո՞ւմ ՇԽԱ (=341+551=1092) թուականից առանձին ուշադրութիւն է դարձրած Կիլիկիայի Ռուբինեան իշխանութեանը, մահաւանդ ՇՁԷ (=1137) թուականից յետոյ: Հայոց ՁԼԵ (735+551=1286) թուականից մինչեւ 1331 թուականը եւ յետոյ եղածները, բնականաբար, մի անձանօթ շարունակողի դործն են: Այս հատուածը, ինչպէս մասամբ նաեւ Սմբատի դործի իր ժամանակակից մասը, ընդհանրապէս շատ կարճ հաղորդումներ են եւ ունեն տարէցտարի նշանակուած յիշատակարանի բնոյթ: Չնայելով դրան՝ պատմորաններն այդտեղ կը դռնեն թանկագին տեղեկութիւններ իրենց ճիշդ թուականներով:

Սմբատ Ապարապետի դործերը շատ կարեւոր են հայոց լեզուի դարգայման ուսումնասիրութեան տեսակէտով: Նա իր աշխատութիւնները յօրինել է այն լեզուով, որով խօսում էր ինքն ուրիշների հետ: Դա այլեւս ոչ դրարարն է, ոչ դրութարախառն կենդանի լեզուն, այլ Կիլիկիայի խօսակցական բարբարոս:

7. Ստեփաննոս Օրբելեան:— Այս հեղինակի կենսագրութիւնն իմո՞նում էնք հէնց իր գրքից: Նա գրում է Սիսական տան, այսինքն Սիւնիքի պատմութիւնը, խօսում է Հայաստանի այս նահանգի իշխանների եւ եպիսկոպոսների մասին: Վերջում այնտեղ իշխել են Օրբելեանները, — ասում է նա, — եւ ինքն էլ եղել է այնտեղի եպիսկոպոսը, ուստի պատմում է ոչ միայն իր կենսագրութիւնը, այլեւ մի մեծ պլուխ առանձնապէս նուիրում է Օրբելեան տոհմին,<sup>1</sup> բացի այն, որ ուրիշ տեղեր էլ յիշատակում է նրանց եւ իր մասին:

Այս տոհմի ծագման գրոյցը բոլորովին նման է Մամիկոնեանների ծագման պատմութեանը: Նրանց նախնին, Ճենաստանի մի արքայազն, ըստ Ստեփաննոսի, իր ընտանիքով ու մարդկանցով փախչում է իր ազգայինների ձեռից, տեղաւորուելով Վրաստանում՝ մեծ պատուի է արժանանում: Նրանք բնակւում են Օրբել բերդում եւ դրա համար կոչւում են Օրբէուլք, այսինքն Օրբէթեցիք: Այդ արքայազնի սերնդի մարդիկը դառնում են Վրաստանի սպառաւարներ եւ տէր շատ կալուածների: Բայց Գէորգի թագաւորը 1177 թ. կոտորել է տալիս նրանց. ապաւում են միայն երկու եղբայրներ: Նրանցից մէկը՝ Իւանէ՝ Թամար թագուհու օրով վերագառնում է Վրաստան եւ ստանում է Օրբել կալուածը. նրանից ծագում են վրացոյ Օրբելները: Երկրորդ եղբայրը՝ Ելիկամ՝ ծառայելով պարսիկների մօտ՝ կալւած է ստանում Երընշակ բերդը եւ ձահուկ աւանը. նա ամուսնանում է մի ճահկեցի հայ սպանուկանի գուսարի հետ: Նրանից ծագում են հայ Օրբելեանները:

Թամար թագուհու օրով Չաքարէ եւ Իւանէ եղբայրները հայ Օրբելեանների նախնի Ելիկամի որդի Լիպարիտին կալւած են տալիս Հրաշկաբերդը Վայոց Ձորում, այլեւ կալւածներ Կայենում, Գեղարքունիքում, Կոտաջքում, ապա եւ ամբողջ Սիւնիքն իր բերդերով: Այսպէս կազմւում է Սիւնիքի Օրբելեան մեծ իշխանութիւնը, որի կենտրոնն էր Արփա գիւղը:

<sup>1</sup> Պատմութիւն նահանգին Սիսական, արարեալ Ստեփաննոսի Օրբելեան արքեպիսկոպոսի Սիւնեաց, Թիֆլիս, 1910. գլ. հԱ, էջ 477—497:

<sup>2</sup> Անդ, գլ. ԿԶ, էջ 368—433:

Լիպարիտի որդի եւ յաջորդ «մեծ եւ արքայաշուք իշխան» Սմբատի օրով տեւիլի եւս զօրանում է Օրբելեան իշխանութիւնը, որ ենթարկւում է թաթարների դերիշխանութեանը եւ ապահով մնում: Սմբատին յաջորդում է իր եղբայր Տարսայիճը, որ վախճանւում է 1290 թ.: Սրան էլ յաջորդում է իր որդին՝ Ելիկում: Այս իշխանները բարեկամական կապ պահելով թաթար բռնակալների հետ՝ կարողանում են նրանց բռնութիւններից դերժ պահել իրենց իշխանութեան ներքոյ գտնուած ընդարձակ երկիրը:

Տարսայիճի որդին էր Ստեփաննոսը, որին իր հօրեղբայր Սմբատն անգաւակ լինելով՝ որդեգրում եւ կրթել է տալիս՝ «ի հրահանգս ընթերցման եւ երաժշտութեան»: Նա չուտով դառնում է զպիւր եւ սարկաւաղ: Հայրը նրան քահանայ է ձեռնադրել տալիս, «եւ մանկական տիօք կարգեալ կըղերիկոս», — ասում է նա իր համար. «վարժեցայ ի կրթարանի տասուածեղէն տառից... եւ տհա խաղութեամբ նոսայ յաթոռ վարդապետական»: Քահանայ ձեռնադրուելուց հինգ տարի յետոյ, 1285 թ., հայրը եպիսկոպոսների ժողովի որոշմամբ ուղարկում է նրան «ի թագաւորութիւնն Հայոց ի Կիլիկիա» «առնուլ ձեռնադրութիւն մետրոպոլիտութեան ի վերայ աթոռոյ Սիւնեաց»: Այդպէս էլ լինում է. նորուում է Տաթեւի մետրոպոլիտական տիոքը: Նա, երկար մաքառելով ըմբոստ եպիսկոպոսների դէմ, մեծ նեղութեամբ միացնում է իր ձեռքի տակ Տաթեւի եւ Նորավանքի (Վայոց Ձորում) առաջնորդութիւնները: Նորուում է Տաթեւի վանքը եւ իր բաժին հայրենի կալուածները նուիրում է վանքերին, նիւթապէս եւ բարոյապէս հովանաւորելով հայ լուսաւորութեան կենտրոններին: Ինքն եւ իր եղբայրները համաձայն ու սիրով կառավարում են երկիրը, ինքը՝ հոգեւոր աթոռը, եղբայրները՝ աշխարհական իշխանութիւնը, «պահելով զաշխարհս զայս ի խողաղութեան եւ զվանորայս ի շինութեան: Եւ զի յայսմ ժամանակի ամենայն աշխարհ ուերեալ եւ ապականեալ էր, եւ վանորայք խափանեալ ի պաշտամանէ, եւ ամենեքեան տահաւարակ զլմեալ ի տէրութիւն սորա [Ելիկոմի], աստ զհանգիստ առեալ զետեղէին... եւ էր տեսնել շնորհօքն Աստուծոյ զտունս պայս իբր զտապօսնն Նոյեան ի մէջ աշխարհաւործան տլեացն»:<sup>1</sup> Այն «տունը» ձգւում էր «ի Բաղաց մինչեւ ցԱյրարատ» եւ «ի զբոնէն Բարկուշատայ մինչեւ ցտահմանն Բջնւոյ»:<sup>2</sup> Ստեփաննոսը մեծ անուն եւ գիրք է ձեռք բերում արեւելեան եպիսկոպոսների մէջ, որոնց եւ ղեկավար առաջնորդն է հանդիսանում ընդդէմ արեւմտեան եպիսկոպոսների եւ Գրիգոր Անաւարդեցի կաթողիկոսի նորաձեւութիւններին:<sup>3</sup> Նա վախճանւում է 1306 թ.: Կոստանեանց, «ի հայկ. գրականութենէ ԺԳ.—ԺԿ. դարերում» [ուսեսերէն], Մոսկուա, 1914, էջ 6, մահուան թուականը դնում է 1309 թ.:

Ստեփաննոս Օրբելեանը մի կրօնասէր եւ տւանդապահ անձ է, միաժամանակ եւ հայրենասէր, զործունեայ, հետաքրքիր հմուտ ու լուրջ, զարգացմամբ եւ հասկացողութեամբ բարձր քան շատերը ժամանակակիցներից, հոգացող երկրի շինութեան եւ լուսաւորութեան: Լինելով ուսումնասէր՝ նա

1 Անդ, էջ 427—429, 431:

2 Անդ, էջ 447, 478:

3 Անդ, ԿԼ. ԿԼ, ԿԺ, էջ 447—467:

ձեռք է բերել եւ իր համար ուրիշ տեղերում արտադրել է տուել մի շարք մատենագիրներ: Իր այս յատկութիւններէ շնորհիւ նրա դրած Պատմութիւնք տարբերում է մեր շատ պատմագիրներէ գրուածներէ: Երկար ժամանակից ի վեր, ասում է նա,<sup>1</sup> — «եռայր յիս տարփումն բազմանաց եւ խորհէի... ընձեռել զրով ըստ խում կարի զպայապատութիւն նախարարութեան եւ զմեծ նահապետութիւն բարձր իշխանութեանս Սիւնեաց, եւ զնախագահութիւն վսեմական եւ աստուածամեծար աթոռոյ հայրապետութեանս այսմ... զի ի նուազեայ աւուրս եւ ի վերջին ժամանակս տեսաք ամենայնիւ բարձեալ եւ ջնջեալ զյիշատակ այսմ զեղեցիկ եւ մեծաւառ աթոռոյ տէրութեանց. մարմնականն բնաւին սպառեալ եւ ի մոռացոյն անկեալ. եւ հոգեւորն ոչ ընդհատ քան զնա մերձ ի սպառումն»: Ուրիշներէ պատմութիւններս մենք տեսեց ենք, — զրում է նա, — «Ձայլոցն տեսաք՝ զՄամիկոնեանն եւ զՏարօնոյն զԲագրատունեացն, զՎասպուրականացն, որք յետոյ թաղաւորեցին, զՎրացն, զԱղուանիցն»,<sup>2</sup> իսկ Սիսուկոն իշխաններէն չկայ: «Յայսմ երկօք սրունեալ, — շարունակում է նա, — ոչ պաք յառաջնացն զյիշատակ սացա ընդ զրով արկեալ, եւ զկնի եկեղոցս թողեալ արձան գովելի: Թէ ոչ էին գրեալ, եւ կամ թէ ի բազում աւերմանց եւ հինաճարութեանց կորուսեալ էր՝ ոչ գիտեմ»: Վերջում էլ նա կրկնելով զրում է. «Բազում խոյզ քննութեան ի մէջ առեալ՝ տեղեկացայ յաշխարհս հեռաւորս եւ մօտաւորս, ի վանորայս եւ յարկեղս կտակարանաց. այլ եւ ի գիտունս եւ ի տեղեակս հնագէտ պատմութեանց, եւ ոչ ինչ պաք յիշատակ զրուցաբանութեանց ուրոյն այսմ աշխարհի եւ կամ տեղեկութիւն իրաց»: Դրա համար եւ ինքը հոգ է տանում զրելու Սիսուկոն աշխարհի իշխանների եւ եպիսկոպոսների դարձերի մասին «զի ծանիցեն զպատիւ եւ զբարձ իշխանաց եւ հայրապետաց եւ իշխանաց եւ զամենայն կարգ սահմանի նոցա»: Այդ էր պահանջում Օրբելեան մեծ իշխանութեան պատիւը. աշխարհին պէտք էր իմացնել եւ յիշատակ թողնել ոչ միայն Օրբելեանների մասին, այլեւ թէ ինչպիսի՝ մեծ իշխանութեան երկրք տէր են եղել նրանք, եւ թէ ինքն Ստեփաննոսն ինչպիսի՝ մեծ աթոռի վրայ էր նստած: Նրա Պատմութիւնը, ուրեմն, արդիւնք է տոհմաւիրութեան, որ ընդհանուր մի դիժ էր հին դարերում իշխողների համար:

Պէտք էր յօրինել առանձին տոհմային պատմութիւն Սիսականի. բայց Ի՞նչ ազդիւրներից: Այստեղ արդէն Ստեփաննոս Օրբելեանը ներկայանում է իբրեւ մի գիտակ անձ: Հին ժամանակի պատմութեան համար առանձին զեռույթիւն է ցուցաբերում նա. մի կողմ է թողնում աստուածաշնչեան նախնական պատմութեանքները, որով սկսել են ուրիշները, նոյնիսկ Մովսէս Սորենացին. հարկ չկայ դրան. ամէնքն էլ, ամէն տոհմեր էլ, Աղամից են ծագում որդէցորդի: Նա չի ցանկանում, որ Սիւնիքի իշխանակոն տոհմը սկզբից մինչեւ վերջն անուանէ անուն ծննդաբանութեամբ առաջ տանի. դրա համար հարկ կը լինէր շատ բան յերիւրել. «Փափագելի է մեզ, — զրում է նա, — այժմ թողուլ զամենայն սնոտիապատում վէպս հնոցն, եւ բուռն հարույ միայն զերջանկաւէտ բարերաստութեանց եւ նախագահ նախկարգութեանց»:

1 Անդ, գԼ. Ա, էջ 8—10:

2 Անդ, էջ 17 եւ հտ.:

վեհափառ տէրանցն Սիւնի եւ ցեղին Սիսակայ. քանզի երկը աշխատութեանց յոլովք են եւ շահ օգնութեան եւ ոչ մի ինչ. յորմէ ի բաց տարեալ զձգտումն մտացս՝ պիտանիքն միայն ի մէջ անցեալ արձանացին մեզ»։<sup>1</sup>

Նա օգտուում է զբաւար աղբիւրներից, ամենից առաջ հին պատմագիրների յիշատակութիւններից Սիւնի տոհմի մասին. «Ապա հանդէս արարեալ ամենայն պատմագրաց Հայոց, եւ զսր գտաք՝ հաւաքեցաք ի նոցանէ ամենայն ճշդիւ, նաեւ սակաւ ինչ ի Պետրոսի՝ Սիւնեաց եպիսկոպոսի ճառիցն, որ վասն Բաբկայ՝ Սիւնեաց տեառն»։ Մանօթ հեղինակներից քաղած պատմութիւններն այժմ, ի հարկէ, առանձին արժէք չունեն, քանի որ ունենք բուն աղբիւրները, ինչպէս են՝ Մովսէս Պորենացի, Ագաթանգեղոս, Զենոբ եպիսկոպոս Տարօնացի, սր է Զենոբ Գլակ։ Բայց կան, սակայն, անձանօթ, այսինքն մեզ չհասած աղբիւրներ եւս, ինչպէս վերոյիշեալ Պետրոս եպիսկոպոսը, որի մասին խօսուել է սոյն աշխատութեան առաջին հատորի մէջ։ Բայց որ կարեւորն է, նա մեծ չափերով օգտուել է թղթերից, կաթողիկոսական շրջաբերականներից, հրովարտականներից, եկեղեցիների կաթաճական թղթերից, արձանագրութիւններից, գրքերի յիշատակարաններից, որոնք բոլորը պատմական վաւերագիր աղբիւրներ են, որով եւ Ստեփաննոսի Պատմութիւնն առանձին արժէք է ստանում հին մասի մէջ եւս, որ հեղինակին ժամանակակից չէ։ Եւ նա այդպէս վարուում է իբրեւ հասկացող հեղինակ։ «Եւ այլ ինչ ի հին նամակաց թաղաւորաց Հայոց եւ իշխանաց Սիւնեաց, նաեւ ի կաթողիկոսաց Հայոց եւ յեպիսկոպոսաց Սիւնեաց, որ մընացեալ էին ի վաղ ժամանակաց յամուրս քարանձաւին եւ որ ի սուրբ ուխտս հայրապետանոցիս Տաթեւու, եւ յարձանադրութեանց եկեղեցեաց եւ ի յիշատակարանաց գրոց։ Աստ եւ անդ դտեալ զթիւ աւուրց եւ զթուական ժամանակաց իշխանաց եւ եպիսկոպոսաց, եւ իւրաքանչիւր գործոց եւ բանից, շինութեանց եւ աւերմանց, նաեւ կարգի եւ սահմանի եւ պատուոյ սուրբ աթոռոյս եւ աւատատուր պարզեաց ի սուրբ եկեղեցիս զսր ժողովեալ սեւուրեղով՝ եղաք ի մի պարութայիկս սակաւ ինչ տեղեկութիւն, զոր հնար էր ի մէնջ եւ կար»։<sup>2</sup> Այս միեւնոյնը կրկնում է նա Պատմութիւնն աւարտելիս,<sup>3</sup> աւելացնելով նաեւ բանաւոր աղբիւրները. «էր ինչ եւ որ յաւանդութեանց ստուգողէս տրանց սրում վկայէին իրքն եւ տեղիքն, զհետ մտեալ ամենայն ճշդիւ ստուգութեան, ի բաց ձգեալ եւ զսոցանախոյզ զբարանութիւնն, զի մի՛ տաղտկացին լսովք»։

Արդարեւ նա իր Պատմութեան մէջ գնում է բաւական շատ ժողովրդական գրոյցներ, վանքերի ծաղման ու ձգնաւորների վրայ ասուած հրաշապատումներ եւ այլ աւանդութիւններ, եւ իբրեւ իր դարի սրբի՝ հաւատում է հրաշալիքների, բայց դիտէ, որ դրանք պատմութիւն չեն, այլ բերում է միայն, որպէսզի Սիւնիքի մասին, որքան կարելի է, շատ ծանօթութիւններ տայ։ Այդ բաների համար, — ասում է նա դիմելով ընթերցողին, — ոչ «աւելախոյզ զի ծանիցես». այլ պատշաճ եւ ի դէպ մերումս ձեռնարկութեան [վարկ-

1 Անդ. Գ., էջ 14:

2 Անդ., էջ 10:

3 Անդ., ՀԳ, էջ 505:



ցիս] : զի զՍիսական աշխարհի սկսաք ճառել զվէպս, վասն որոյ հարկ է սմենալնիւ զեղեալսն ի սմա զործս եւ հրաչս ցուցանել ձեզ»<sup>1</sup> Աւանդութիւնների եւ աւանդական բանահիւսութեան զբառումն եւս կազմում է հարցասէր Ստեփաննոսի Պատմութեան արժանիքների մի կողմը, զբանցով վառ գոյնով պատկերանում է մեզ տեղական աղբային կեանքը :

Եւ այս ամէն հաղորդումները, — լինեն զբաւոր յիշատակութիւններից հանած, թէ աւանդութիւնից զրի առած, — նա տալիս է մեկ պարզ ու թեթեւ ոճով, կամ հէնց յիշատակարանների լեզուով եւ անփոփոխ, եւ մարդախորժանքով կարողում է նրա Պատմութիւնը զանազան պատմական տեղեկութիւններից զբաւուելով :

Իսկ իբրեւ ուսեալ զբող՝ նա Սիսականի պատմութիւնն սկսելուց առաջ զնում է այդ նահանգի աշխարհադրութիւնը,<sup>2</sup> որ հազուադէպ մի դործ է մեր հին պատմագիրների մէջ. «Յուցմունքն սահմանաց աշխորհիս Սիւնեաց, եւ թէ զինչ ունի պարարտութիւն ի պէտս մարդկան, եւ որքանութիւն գաւառաց եւ անառիկ բերդից» : Գլուխն էլ վերջացնում է այսպէս. « Եւ արդ՝ այս այսքան տեղեկութիւն քեզ բերոց եւ պարարտութեանց եւ սահմանաց եւ բերդից եւ գաւառաց Սիսական աշխարհիս » : Յաւօք, աղճատուած է այդ գլուխը. պակասում են տեղեկութիւններն ուղի նահանգի սահմանների եւ բերքի ու պարարտութեան մասին : Այդպիսով մենք չենք կարողանում մանրամասն ու ճիշդ սրտել Օրբելեան իշխանութեան ներքոյ գտնուած երկրի սահմաններն ու մեծութիւնը : Պատմութեան վերջում<sup>3</sup> էլ զրել է մի ընդարձակ ցուցակ տասներկու գաւառների իրենց բազմաթիւ գիւղերով եւ եկեղեցական հարկի քանակով : Յաւօք, չեն բերուած աշխարհիկ իշխանութեանը տրուած հարկերը :

Աշխարհադրութիւնից յետոյ՝ Պատմութիւնն սկսում է Սիսակից, ըստ Մովսէս Խորենացու, եւ այնուհետեւ ժամանակարանական կարգով բերում է, ինչ որ գտել է Սիւնիքի իշխանների եւ եպիսկոպոսների մասին : Առանձնապէս պատմութեան նիւթ են գառնում այն նահանգի վանքերը, նրանց կալուածները, յատկապէս մեծ վանքեր Տաթեւն ու Նորավանքը, եկեղեցիների շինարարութիւնը, վստահայրերի եւ իշխանների ջանքերն իրենց վանքերը ծաղկած պահերու, նշանաւոր վարդապետներն ու վարդապետարանը : Գրում է նոյնպէս այդ կողմի եպիսկոպոսների յարաբերութիւնները Հայոց եւ Աղուանից կաթողիկոսների հետ, իշխաններին՝ միւս հայ եւ օտար իշխանների եւ թագաւորների հետ : Վերջապէս 10-րդ դարի վերջերում, Սիւնիքի Մմրատ իշխանի օրով, Բաղաց գաւառում կազմւում է այդ կողմերի թագաւորութիւնը, որ երկար մաքառելով թուրքերի կրկնուող յարձակումների դէմ՝ ընկնում է 1170 թ. : Բաղաց վերջին ժառանգը, իսաչենցի Հասանը, որին որդեգրել է Գրիգոր Թագաւորը, քաչւում է Խաչենի գաւառը, եւ վերջանում է Սիսական տոհմի թագաւորութիւնը Սիւնիքում : Նրա վերջին մնացորդներից մէկը, Համաուն անուհով, կրօնաւորելով Նորավանքում՝

1 Անդ, ԻԱ, էջ 79:

2 Անդ, Գ, էջ 12—14:

3 Անդ, ՀԴ, էջ 509—523:

մեռնում է 1231 թ., իսկ մի ուրիշը, Մահեան սնունով, փախչում է Անի, անյայտ է մնում: «Ահա զայսօրինակ բարձաւ տէրութիւն Սիւնեաց եւ Բաղաց, եւ եղեւ վախճան տոհմին Սիսակայ եւ նախարարութեան Սիւնեաց»:

Շուտով այնուհետեւ այն տոհմի տեղը լոնում են Օրբելեանները, եւ Ստեփաննոսը սիրով ու մանրամասն հիւսում է սրանց պատմութիւնը: Վերջիններս ղլխի մէջ, որ է «Յիշատակարան մատենիս նորին Ստեփաննոսի», նա յայտնում է. «Արդ յարմարեալ այս հանդէսը բանի շարադրեցաւ յաշխարհակալութեան մեծի եւ ինքնակալ արքայի Ղան Ղազանին... ի թուաթերութեան... 1299... ի վախ... ուխտիս նորավանից»:

Այս Օրբելեան պատմադիրը Սիսական տոհմը իրեն համար խորթ եւ «տար չի համարում, մէկ՝ այն պատճառով, որ Օրբելեանները հանդիսացել են այն նշանաւոր նախարարական տոհմի անմիջական յաջորդներն եւ նրանց երկրի իշխողները, մէկ էլ՝ որ նա եղել է «ի մօրէ ծնեալ Սիսական եւ ի հօրէ՝ Օրբելեան, որ Տարսայիճ կոչի»:<sup>1</sup> Հէնց դրա համար էլ նա անտարբեր կերպով չի հիւսում Սիսական իշխանների պատմութիւնն եւս: Նա հրճուանքով դրում է նրանց թագաւորելու մասին.<sup>2</sup> «Այժմ լուր ինձ եւ պատմեցից քեզ, ո՛վ պատուական ընթերցող, զպանծալի բանից լուրս. զի սեռս Սիսակայ որ ի Հայկայ՝ երբեմն խառնեալ էր ընդ թագաւորական ցեղն Արշակունի եւ Պահլավկայ եւ երբեմն ընդ Խազրայ թագաւորութեանն, եւ հուսկ յետոյ՝ ընդ Բագրատունիսն, բայց երբեք ոչ ըմբոստացան ի հայրենի տէրութեանցն: Իսկ յետ յորով ժամանակաց մինչ դուռն բացին նախ՝ Արծրունիքն եւ Թագ. կապեցին ընդդէմ Սմբատայ՝ Հայոց Թագաւորի, Թագ. կապեաց եւ Ատր-Ներսէս՝ Վրաց լոյսեալին. Թագ. կապեաց եւ Աղուանին Համամ... եւ ձորագետացիքն որ Կիւրիկեանքն կոչին, նաեւ Կարուցն եւ Վանանդայն որ Բասեանք կոչի»: Վերջիվերջոյ օտարների վրայ յենուելով թագաւորում է եւ Սիսական Սմբատը, որ «տուեալ էր զթոռն իւր... զկատրամիդէ կին Գաղկայ թագաւորի՝ որդւոյ Աշոտոյ...»: «Եւ զի յայնմ ժամանակի Բագրատունիքն իշխէին միայն Շիրակայ եւ Այրարատու... եւ Սիւնիք կտրեալ էր ի նոցանէ. վասն որոյ ոչ ինչ քրէական մեղս համարեցաւ [= իր թագաւորելը], զի թէ Բագրատունիքն (որք) դերութեամբ իմն ածեալ էին Հրաչէէ՝ այնմ արժանի գտան, ապա քանի՞ եւս առաւել սոցա անկ էր որ ի Հայկայ...»: Ահա թէ ինչպէս է արդարացնում Օրբելեանը Սիսական Սմբատի արարքն ընդդէմ Հայոց Բագրատունի թագաւորների, միաժամանակ շատ լաւ հասկանալով, որ ազգային տեսակէտով գովելի գործ էէր այդ, քանի որ դրա-

1 Անդ., ՀԱ, էջ 477 եւ հա.:—Ուրիշ տեղ, ԿԶ, էջ 416, իր հօրը՝ Տարսայիճին գովելուց յետոյ՝ յայտնում է, թէ նա աւել է «յԻմայելացոցն՝ զգուստր տեառն Սիւնեաց՝ զԱրուղիսաթունն, որ եղեւ քրիստոնեայ եւ երեւելի հւատաւոր... յորմէ ծնան արքիք երեք՝ Ելիկումն, Ստեփաննոս, որ կոչեցաւ յապսկոպոսութիւն...»: Կ. Կոստանեանցն (Ստեփաննոս Օրպէլեան, Ողբ ի ս. Կաթողիկէն, Թիֆլիս, 1885, էջ 6) այս կտորի հիման վրայ գրել է, թէ Տարսայիճը — «Սիւնեաց ալլաղի իշխաններից մէկի գտերն՝ Արղու խաթունին իրեն կնուծեան ուղղելով՝ նախ քրիստոնեայ մկրտել տուեց նրան եւ ապա ամուսնացաւ նրա հետ»: Կոսկաճեւի է այս բացատրութիւնը, քանի որ Ստեփաննոսն իրեն համար ասում է՝ «ի մօրէ ծնեալ Սիսական եւ ի հօրէ՝ Օրբելեան»:

2 Անդ., ԾԵ, էջ 299 եւ հա.:

նով թուլանում էր հայկական իշխանութիւնը: Լոկ հայ կամ «Հայոց թագաւոր» անունն անգամ այն դարերում հայկական ազգային միութեան մի աղբակ էր: Ըստ Մատթէոս Ուռհայեցու,<sup>1</sup> նրա օրով, երբ չկար «Հայոց թագաւորութիւնը», Կապանի թագաւորներն էին յիշատակուում պատարագի ժամանակ, եւ այսպէս Միջագետքի Ուռհա քաղաքում, այն էլ այն թագաւորները, որոնք արդէն մի փոքր գաւառի կամ մի երկու բերդի վրայ էին իշխում: Հայերին, որտեղ էլ լինէին, հարկաւոր էր, թէկուզ միսթարութեան համար մի հայ թագաւոր, քանի որ սեփական թագաւոր չունենալը համարում էր ազգային ամօթ ու նախատինք այլազգիների առաջ:

## ԲԱՆԱՍՏԵՂԾՈՒԹԻՒՆ

### ՍՏԵՓԱՆՈՍ ՕՐԲԵԼԵԱՆ

1. «Ողբ ի դիմաց Կաթողիկէին»։— Թաթարների տիրապետութեան «օրով, 13-րդ դարի վերջին քառորդից սկսում է ծաղիկել բանաստեղծութիւնը. իշխում է չափածոյ խօսքը: Մօտ երեք դար շարունակ զարգանում է մի բանաստեղծութիւն, որ հին հայ գրականութեան պարծանքներից մէկն է: Հետզհետէ երեւան են դալիս մի քանի քնարական տեսակներ հարուստ բովանդակութեամբ եւ զեղեցիկ ձեւով: Նրանցից առաջինն է Ստեփաննոս Օրբելեանի «Ողբը»:<sup>2</sup> Ստեփաննոսի ժամանակակիցներն են Խաչատուր Կեչառեցի, Ֆրիկ, Յովհաննէս Երզնկացի եւ Կոստանդին Երզնկացի. վերջինս թերեւս կրտսեր ժամանակակիցը:

Եթէ Ստեփաննոսի պատմութիւնը, ինչպէս տեսանք, արտացոլում է Օրբելեան իշխանների եւ իրեն՝ Ստեփաննոսի սոհմային պահանջի, ապա նրա այն քնարական քերթուածը, որ նա յօրինել է 1300 թուականին,<sup>3</sup> իր մէջ անդրադարձրել է հեղինակի եւ նրա ժամանակի հայ հայրենասիրական ողին ու խոհերը: Այս տեսակէտով պէտք է մատչել նրա այս բանաստեղծութեանը, որի «բուն վերնագիրն» է. «Բան բարառնական ողբալ դիմառնարար ի դիմաց Վաղարշապատու Ս. Կաթողիկէին». Ողբ աւաղականք եւ ձայն աշխարհականք լեալ անհուն հեծեծանօք աւերման աշխարհիս Հայոց եւ բնաւին սպառելոյ հայրապետութեան եւ թագաւորութեան համադունդ իշխանութեան, շարեալ չափարան բերմամբ հոմերական արհեստիւ ի Ստեփաննոսէ Սիւնեաց այցելուէ ի խնդրոյ շնորհազարդ վարդապետի Խաչատուրոյ Կեչառեցի»:<sup>4</sup> Ով որ էլ եղել է այս «վերնագրի» գրողը, — քերթուածի հեղինակը, թէ՞ հաւանօրէն ուրիշ ոքմին, — նա բնորոշել է դրա բովանդակութիւնը ոչ ամբողջ էական կողմով: Դա լոկ ողբ չէ: Քերթուածի վերջում

1 Մատթ. Ուռհ. Ժամանակագր., Վաղարշ., 1898, էջ 231:

2 Ստեփաննոս Օրբելեանի «Ողբ ի ս. Կաթողիկէին», բնագիրը առաջաբանով եւ ծանօթութիւններով հրատարակեց Կարապետ Կոստանեանց, Թիֆլիս, 1885:

3 Անդ., էջ 11:

4 Անդ., էջ 53 եւ հտ.:

կայ մի «Յիշատակ բանի ըստ անուան ուղղին»։ Ութ տնից յօրինուած մի «Յիշատակարան» է սա (ամէն մի տունը ութ տողերից եւ տարբեր յանդերով), որի տների առաջին տողերը կազմում են «Ստեփաննոս» (եւ ոչ «Ստեփաննոս») զլխակապը։ Տներից մէկի մէջ անուանելով յիշեալ խաչատրին «բարունապետ հոգւոյ լցեալ, Անյաղթ հետ[որ] շնորհօք ծաղկեալ», «բաներուն» եւ շատերից «զովարանեալ», ասում է, թէ նա «յԱրարատեան տանէն եկեալ»՝ «փութով մեծաւ» հարկադրել է իրեն գրելու իր քերթուածը՝ «ի յայս հանդէս բանից մղեալ»։ Այս ցոյց է տալիս, որ Օրբելեանի բանաստեղծութիւնն արդիւնք է ոչ լոկ անձնական խոհերի, այլ նրա պէս խորհել է նաեւ «Արարատեան տանը» ծանօթ նշանաւոր վարդապետը, խաչատուր Կեչառեցին, անպայման եւ ուրիշներն արեւելեան վարդապետներից։ Ի՞նչ է եղել այդ խոհն ու խոկը, եւ ինչի՞ արտայայտութիւն է այդ։

2-«Ողբքի» պատմական հիմքը նկատմամբ արեւմտեան հայուքեան եւ քեման։— Օրբելեանն իր Պատմութեան վերջին գլուխներից մէկի մէջ<sup>1</sup> մեծ զայրոյթով գրում է, որ, Լեւոն թագաւորի մահից յետոյ՝ Կոստանդին կաթողիկոսի վրայ դնելով «բարուրս բազումս զբաղատ բանից»՝ զրկում են նրան կաթողիկոսութիւնից եւ բանտարկում են չորս տարի։ Այս լինում է 1289 թ.։ Նրա փոխանակ կաթողիկոս են դնում Ստեփաննոս անուանով մէկին։ Այդ ժամանակներում Եզիպտոսի սուլթանը տիրում է Փրանկների իշխանութեան վերջին քաղաքներին եւ քրիստոնեաների մեծ կոտորածներ անում։ Պաղեստինն ամբողջ նորից ընկնում է մահմեդական լծի տակ։ Հերթը հասնում է Հայոց հայրապետական աթոռանիստ Հռոմկլային։ Մի ամիս պաշարելուց յետոյ՝ 1292 թ. առնում են եւ այս բերդը, կողոպտում, եւ կաթողիկոսին իր եպիսկոպոսներով եւ այլ մարդկանցով գերեվարում Եզիպտոս, ուր նա մի տարի բանտարկուած մնալով՝ մեռնում է բանտի մէջ։ Եւ այսպէս՝ մօտ 140 տարի յետոյ Հռոմկլան, Հայոց նշանաւոր կաթողիկոսների եւ գրողների նստավայրը, զաղարում է Հայոց կաթողիկոսի աթոռավայր լինելուց։ Կաթողիկոս է ձեռնադրւում 1293 թ. Գրիգոր Անուարդեցին, որ յօրինած ունի ներբողեաններ, մի գրուած, թուղթ ու բողմաթիւ շարականներ։<sup>2</sup> Նա նստում է Կիլիկիայի Սիս քաղաքում։ Կիլիկիայի Հայոց թագաւորութիւնը մենակ է մնում եւ չքաղաքացուած մահմեդական իշխանութիւններով։ Մէջ է դալիս աւելի զօրեղ կերպով հին քաղաքականութիւնը՝ կրօնական զիջումներով օգնութեան թիկունք ակնկալել արդէն հեռու ընկած քրիստոնեաներից։ Գրիգոր կաթողիկոսը, որ «գիտէր եւ զլեզու եւ զգրպութիւն լատին եւ յոյն ազգին», բռնում է Հռոմիւնների հետ միաբանելու ընթացքը։ «Եւ սկսաւ, — ասում է Օրբելեանը, — առ սակաւ սակաւ զամենայն աւանդութիւնս Հռոմոց եկեղեցւոյն սպրդեալ մուծանել ի մերս եկեղեցի. եւ ի մերոյս ի բաց քեցել մի մի»։ Առաջանում է դժգոհութիւն եւ խռովութիւն. «Իսկ մեք հանապաղ աղեցաւ եւ լերդախոց լինելով ի վերայ այսր ամենայնի՝ հաշեալ մաշեաք ծփական խորհրդովք ի տուէ եւ ի գիշերի»։ Եւ հետեւանքը լինում է այն, որ նա արեւելեան եպիսկոպոսների եւ իշխանների հա-

1 Անդ, ԿԸ, ԿԹ, էջ 436—467։

2 Զտրագանաւեան, Հայկ. հին դար. պատմ., Վենետիկ, 1897, էջ 779։

ւանութեամբ ու ստորագրութեամբ գրում է վերեւում յիշուած թուղթը կաթողիկոսին:

Հեռատես եւ խոհուն վարդապետները շատ լաւ հասկանում էին, որ շրջապատող մահմեդական տէրութիւններից վտանգուած էր նաեւ Կիլիկիայի Հայոց թագաւորութիւնը: Նրանք նկատում էին նաեւ արեւմտեան հայ հոգեւորականութեան գայթումը գէպի յունա-հոմէական եկեղեցիները, ինչ որ գտնութիւն էր պատճառել արեւելեան եւ արեւմտեան հայ եկեղեցականների միջեւ, սկսած գեռ Ներսէս Լամբրոնացու եւ Գրիգոր Տուսէորդու ժամանակներից: Այս ամենի արդասիրքն է ահա ուսումնադիր եպիսկոպոսի քերթումը, որ քարոզում է կաթողիկոսական աթոռի փոխադրել Արեւելք: Բայց կայ եւ աւելի կարեւոր կողմը:

Եթէ Շնորհալին, որ եկեղեցիների միութեան կողմնակիցն էր, համոզուած սպասում էր երկրորդ խաչակրաց արշաւանքի (1147-1149 թ.), թէ Փրանկները շուտով պիտի գան, եւ քրիստոնեաները տիրեն ամբողջ երկրին, եւ հալածուած ու ցրուած քրիստոնեաները դան ժողովուհն իրենց տեղերը եւ ուրախ կեանք վայելեն, — ապա այդ յոյսը չկայ այլեւս: Վերացել էր այդ եւրազը, որ թերեւ երբեք չէին էլ ունեցել արեւելեան հայերը իրենց բնիկ երկրում: Շնորհալին, թէպէտ ողբում էր Հայաստանի քաղաքական իշխանութեան կործանումը, բայց չէր մտածում Հայոց աշխարհում անկախ հայկական թագաւորութիւն վերականգնելու մասին: Նա իր քերթումածի մէջ ներկայացուցիչ է հանդիսացել արեւմտեան հայութիւն, 12-րդ դարի կէսերին: Իսկ Օրբելեանը 13-րդ դարի վերջերում արտայայտիչ է բուն Հայաստանցիների իղձերի ու տենչերի: Նա եւ Ուաչատուր Կեչառեցին եւ նրանց նման մտածող արեւելցիները ամփոփուելով իրենց մէջ՝ աշխատում էին մի նոր ազգային դադափարախօսութիւն գարդացնել եւ դրոշմով առաջ բերել ազգային հասարակական շարժում, այն, որ ցրուած հայերը ժողովուհն մայր հայրենիքի մէջ, եւ Հայաստանում, յատկապէս Վաղարշապատում լինի աղբի ոչ միայն եկեղեցական, այլեւ քաղաքական կենտրոնը: Ի՞նչ էր այս քաղաքական ձգտման հիմքը Մեծ Հայաստանում:

3. Թաքարական իշխանութիւնը 13-րդ դարում: — Զարմանալի չէ, որ թաթարների ծանրաւում տիրապետութեան շրջանում, 13-րդ դարի վերջում ծագում է Մեծ Հայաստանի քաղաքական ազատութեան գաղափարը: Դեռ Կիրակոս Գանձակեցին յոյս եւ ակնկալութիւն ունէր, թէ հայերը թաթարական լծից կը փրկուեն: Այսպիսի քաղաքական լաւատեսութեան հիմքն այն էր, որ թէպէտ եւ հայերն, առանձնապէս գիւղացիք, տնտեսապէս շատ նեղն էին, բայց ազգայնապէս դեռ բոլորովին ընկճուած չէին այլազգիներից. դեռ կային հայկական իշխանութիւններ, իրենց ներքին աւատական իրաւունքներով, թէպէտ թաթարների գերագոյն իշխանութեանը ենթակայ: Ինքը Ստեփաննոս Օրբելեանը Սիւնեաց մեծ իշխանութեան պալատականներից մէկն էր, Ուաչատուր Կեչառեցին կամ Կեչառուեցին էլ, ըստ երեւոյթին, էր յայտնի Պռոշեան տոհմից,<sup>1</sup> որ նշանաւոր Պռոշ իշխանից առաջ կոչւում

4 Յակովբոս վ. Տաշեան, Ուսումնասիրութիւնք Ստոյն Կալիսթինեայ Վարդուհ Աղեքսանդրի, Վիեննա, 1892, էջ 124 եւ հտն.:

էր Հաղորակեան (Սաղարակեան) կամ Վարդանաց (այլեւ Հայկազուն): Պահալաւունները սեփականութիւնն է եղել Կեչառուք կամ Կեչառուս (այլեւ Կեչառիս) (այժմեան Ծաղկաձոր կամ Դարաչիչակ) գիւղն եւ այնտեղի հոգահաւոր վանքը: Գրիգոր Մազիսարոսի շինածն է այնտեղի մեծ հոյակապ եկեղեցին: Իսկ 13-րդ դարի սկիզբներին այդ Կեչառուք գիւղն ու մենաստանը սեփական ստացուածքն էր Պոռչեան տոհմի, եւ նշանաւոր Պոռչ իշխանի հայրը, Սաղբակի որդի Վասակը, 13-րդ դարի առաջին քառորդին շինել է տուել այնտեղի փոքր դեղեցիկ եկեղեցին ի յիշատակ նաեւ իր պատրոնների, Իւանէ եւ Զաքարէ եղբայրների:<sup>1</sup> Թաթարական արշաւանքի երկրորդ տասնամեակի սկզբում հէնց նորոգում են այդ վանքը:<sup>2</sup> Կային եւ ուրիշ իշխանական տոհմեր: Այսպէս Զաքարեաններն, ենթարկուելով թաթարական իշխանութեանը, դեռ երկար պահում էին իրենց դերքը: Նրանք թաթարների օրով եւս առժամանակ ժառանգական իրաւունքով չէին կորցրել իրենց դերքը նաեւ Անիում: Բայց այս քաղաքի կառավարութիւնը հետագայում մոնղոլ խաների կողմից յանձնուած էր ուրիշ, սովորաբար հայ իշխանների:

Աւելի կարելի է հետեւեալ պարագան: Նրբ թաթարները տիրում են ամբողջ Հայաստանին, նրանց արշաւանքի աւերիչ հոսանքը, որ ինչպէս մորիկ տակն ու վրայ էր անում երկիրը, շուտով նստում է: Նրանց կառավարիչները՝ սահմանուած մեծ հարկերը ստանալու համար՝ աշխատում էին երկիրը խաղաղ պահել, հարստակ աշխատաւոր ժողովրդին ապահով եւ զերծ անել կողոպուտից եւ աւերմունքից: Նրանք ձգտում էին, որքան կարելի է չէնացնելու եւ բազմամարդ դարձնելու աշխարհը. վերաշինում էին իրենց իսկ ձեռով քանդուած աւանները, քաղաքները, ինչպէս Գանձակ, Կարին: Բացի այդ՝ երկրի դանազան մասերի յարմարաւոր հաղորդակցութեան համար՝ շինել էին տալիս ճանապարհներ, հալածում էին աւաղակներին: Յատուկ ուշադրութիւն էին դարձնում առեւտրական մեծ ճանապարհների ապահովութեան եւ կարաւանների ազատութեանը: Հայաստանի վրայով դեպի Տրապիզոն էր անցնում հին տարանցիկ ուղին, որ դործել էր Բագրատունիների եւ Զաքարեանների օրով եւ կապում էր Արեւելքն Արեւմուտքի հետ: 13-րդ դարի վերջերում թաթար զանների ձեռնբեկցութեամբ իբրեւ վաճառաչս մեծ կենտրոններ բարձրանում են Ատրպատականի քաղաքները՝ Սուլթանիա եւ Թաւրիզ. սրանցից էլ Հայաստանի վրայով էին առեւտրական ճանապարհները դիմում դէպի հիւսիս՝ Սեւ ծովի ափերն»<sup>3</sup> ու Խրիմ (Կաֆա, արդի Թէոդոսիա քաղաքը) եւ դէպի Արեւմուտք՝ Փոքր Հայաստանի — Իկոնիայի սուլթանութեան — եւ Կիլիկիայի հայ թագաւորութեան երկրով, որ բարեկամ եւ դաշնակից էր թաթարներին: Առեւտրական կապիտալի շնորհիւ զարգանում են նաեւ մեր երկրի քաղաքական կեանքն ու արդիւ-

1 Ղեւոնդ վ. Մ. Աւիշան, Այրարատ բնաշխարհ Հայաստանեայց, Վենետիկ, 1890, էջ 259—269:

2 Կ. Կոստանեանց, Ի հայկական գրականութենէ ԺԳ.—ԺԴ. դարերու, արտատպում ի հաւաքածոյէ ձօնեալ Ա. Ն. Վեռնովսկիի, Մոսկուա, 1914 (ռուսերէն), էջ 3:

3 Յ. Ա. Մանանդեան, Վասն վաճառականութեան եւ քաղաքաց Հայաստանի, Երեւան, 1930 (ռուսերէն), էջ 192, եւ հտն. «Ծաղկուն միջադարձին վաճառականութեան մոնղոլական շրջանին եւ մասնակցութեանն ի նմա քաղաքաց հայկական լեռնասնին» (ռուսերէն):

Պապորժութիւնը: Կարին, Երզնկա եւ այլ քաղաքներն առանձնապէս կարեւոր առեւտրական կենտրոններ են դառնում:

Առեւտրի, ինչպէս եւ երկրի կառավարութեան մէջ, բնականաբար, մեծ դեր էին խաղում եւ հայերը թէ՛ հին իշխանական տոհմերից եւ թէ՛ նորեկ ընտանիքներից: Առաջանում են եւ նոր մեծ կապիտալիստներ, որոնք իրենց հարստութիւնը ձեռք էին բերում թէ՛ հին յայտնի միջոցներով եւ թէ՛ աշխով, որ վերակացու եւ հսկող էին դառնում տէրութեան դանձարանը մրտնոդ հարկերի ու տուրքերի: Այսպիսի մեծ կապիտալիստներից պէտք է յիշատակել Պարոն Սամադիւնին, որի մասին տեղեկութիւններ են տալիս արձանագրութիւնները, սկսած 1263 թուականից մինչ 1291 թ., իսկ 1295 թուին արձանագրութիւններից մէկի մէջ յիշուում է նրա թոռ Բեսութան:<sup>1</sup> «Սամադիւնը եղել է մէկն Անիի այն երեք պատրոններից, որոնք «իրիցունա բաժինը» վերացրել են տաղմաճիւնների<sup>2</sup> միջոցով»: Այդ իշխանը, ուրեմն, եղել է եւ վարչական անձ. ըստ արձանագրութիւնների, նա կարգադրութիւններ է առել հողային սեփականութիւնների ու հարկերի, կայուածների առ ու ծախքի եւ փոխանակութեան մասին: Ինքը գնել եւ ուրիշներին տուել է կալուածներ, ի միջի այլոց 1264 թուականին, — ինչպէս Երեւանի Կաթողիկէ եկեղեցու արձանագրութիւնից իմացուել է, — նա գնել է իր հողով ու ջրով եւ Երեւան քաղաքը, որ 13—14-րդ դարերում յայտնի է եղել ոչ միայն իր այգիներով, այլեւ իր խանութներով իբրեւ վաճառաւահ մի վայր:

Շնորհիւ վարչութեան խաղաղասէր քաղաքականութեան եւ համեմատական բարեկարգութեան, չնայելով չափազանց ծանր հարկերին, Հայոց երկրի տնտեսական կեանքը սկսում էր փոքր ինչ աշխուժանալ: Երկրի ժողովուրդը ամենամեծ մասով հայ էր. ընկած դրութիւնից բարձրանում էին քաղաքները: Աւեր էր Վաղարշապատը, բայց ղեռ կանգուն հայաբնակ կենտրոններ էին Դուին, Անի, Կարս, Կարին եւ այլն. հոծ հայ բնակչութիւն են ունեցել Մեծ Հայաստանի մի քանի նահանգները, ինչպէս եւ Կիլիկիայի հայկական թագաւորութիւնը եւ ուրիշ կողմեր:

Հայաստանի բախտը սկսած Հուլաղու դանից (1256—1265 թ.) կապուած է եղել պարսկական մոնղոլների իշխանութեան հետ. «Իլդանները դովելի եռանդով ջանում էին նմանել Պարսկաստանի հին իշխողներին, որոնք հովանաւորում էին ղեխութիւնն ու զրականութիւնը»:<sup>3</sup> Սրանից հայերին, սակայն, այն մասնիկն էր միայն հասնում, որ նրանք ընդհանրապէս համբերատար էին դէպի այլազգիներն ու այլակրօնները: Այդ համբերութեան

1 Հիւսէ Պատմ., եւ Գրակ. Ինստիտուտի Տեղեկագիր, Ա. գիրք, Երեւան, 1938, էջ 165 եւ հտն. Կ. Ղաֆաղարեան, «Երեւանի Կաթողիկէի եւ նորայայտ յուշարձանի վիմական արձանագրութիւնները»: Այս յօդուածից են առնուում եւ մնացած տեղեկութիւնները Սամադիւնի վերաբերեալ:

2 «Տաղմա», «թամդա» ասուում էր քաղաքներից առնուող առեւտրի եւ արդիւնագործութեան հարկը. իսկ այդ հարկը հաւաքողները կոչւում էին «տաղմաճի» կամ «թամադաչի»: «Թամդա» բառի տեղ գործածել են նաեւ «բաջ», «բաթ»: 3. Օրբելի, Անւոյ աւերակները, էջ 61. Ման. Թարգմանչի:

3 Ստեփան Լէւոն Պուհլ, Իսլամական գերդաստանները. Թարգմ. Վ. Բարսուղի, Ս. Պետերսպուրգ, 1899 (ռուսերէն), էջ 181:

եւ երկրի խաղաղութեան հետ՝ բնականաբար լինում է նաեւ կուլտուրական առաջադիմութիւն. մանաւանդ որ թաթարները մինչեւ մահմեդականութիւն ընդունելը շատ չէին խառնուում Հայաստանի ներքին գործերին. չկար ընդհանրապէս կրօնական հտլածանք, հարկից ազատ էին մնում եւ նոյնիսկ հարստանում էին հողեւորականները, եկեղեցիներն ու վանքերը, որոնք եւ ազգային լուսաւորութեան ու կուլտուրայի կրողներն էին: Անգամ թաթարական առաջին տներէջ արշաւանքների ժամանակ եւ քիչ յետոյ արդէն եռանդուն կերպով սկսում էին նորոգել աւերուած վանքերը՝ Կեչառուք եւ ուրիշները, ինչպէս Վանական վարդապետն էր անում. կառուցում էին եւ նորերը, վարդապետները հաւաքում էին աշակերտներ, կազմում էին գրադարաններ: Հիմնում էին կամուրջներ, ջրմուղներ եւ նմանները: Մի քանի իշխանական տներ, կարողանալով թաթարների հետ բարեկամական յարաբերութիւն պահել, հովանաւորում էին վանքերին ու գիտնական վարդապետներին: Եւ այսպիսով Հայաստանում կանգ չի առնում լուսաւորութեան գործը, առաջ են գալիս գրողներ ո՛չ միայն հին սերնդից, այլեւ թաթարների օրով ծնուած նոր սերնդից: Նրանք պահպանում եւ զարգացնում են հայ կուլտուրական ժառանգութիւնը: Առանձնապէս յայտնի են դառնում հին Տաթևի վանքը, եւ ապա Նորավանքն ու Գայլեճորի վանքը Վալոյց Զոք դաւառում:

Այս փերջինը կոչւում էր եւ «Այրերաց վանք». դրա շինել տուողն ու հովանաւորն էր Խաղբակեան Պռոշ իշխանի որդին՝ Էաչի, սրտ ուսար՝ Վասակ, ինչպէս ասուեց վերելում, չէն էր պահում Կեչառուքի վանքը, որ քստ 1248 թուականի մի վիժմական արձանագրութեան, նորոգում են թաթարների աւերածութիւնների օրերում: Գայլեճորի վանքը հռչակւում է իբր զպրոցով իբրեւ «երկրորդ Աթէնք»: Այնտեղ ուսուցիչ էր Ներսէս Մշեցի (մեռ. 1284 կամ 1290 թ.) վարդապետը, որ աշակերտել էր Վարդան Արեւելցուն, գիտէր եւ յունարէն եւ յունական գրականութիւնը: Նա ոկրում գործել էր Տարօնի Առաքելոց վանքում, յետոյ հաստատուել Գայլեճորի վանքում: Նրա աշակերտներից մէկն եւ նրա յաջորդող էր Եսայի Նչեցին (մեռ. 1338 թ.), Սասունի Նիշ գիւղից. շատ հեղինակաւոր մի վարդապետ, ժամանակի համբաւուոր գիտնականներից մէկը, որին անուանում են «Եռամեծ փիլիսոփայ», «Անյաղթ հռետոր»: Նրանից մնում են եւ դրական աշխատութիւններ — Ս. Գրքի մեկնութիւններ, թղթեր, «Վիճարանութիւնք», «Մեկնութիւն քերականի»: Նա իր երկարամեայ գործունէութեան ընթացքում Գլաճորի վանքում պատրաստել է բազմաթիւ աշակերտներ, թուով մինչեւ 363, ինչպէս հաչւում են: Այդ վանքում, ինչպէս նաեւ միւսների մէջ, բացի Ս. Գրքի ու կրօնական դիտութիւնների հմտութիւնից, ուսուցանում էին նաեւ քերականութիւն եւ փիլիսոփայութիւն, Արիստոտելի, Պորփիրի, Դիոնիս Թրակացու եւ ուրիշների մեկնութիւններով: Նրանք ժողովում էին եւ ձեռագիրներ, զբաղւում էին ձեռագիրների արտագրութեամբ՝ գրքեր բազմապատկելու համար. երբեմն եւ ծաղկի գրելով ու մանրանկարներով զարդարում էին իրենց արտագրած ձեռագիրները: Եսայի Նչեցու աշակերտներից իբրեւ ծաղկարար եւ մանրանկարիչ, միաժամանակ եւ իբրեւ գիտնական վարդապետ, յայտնի է Մխիթար Սասունցի,



(1291—1337թ.)<sup>1</sup> Սա աշակերտել էր նախ Ներսէս Մշեցուն, յետոյ Յսայի Նշեցուն. ապա ուսուցիչ է եղել Մեծոփայ վանքում եւ պատրաստել բազմաթիւ աշակերտներ: Պարապել է եւ դրականութեամբ՝ յօրինելով ճառեր, մեկնութիւններ եւ այլ գրուածքներ:

Արդարեւ քաղաքական կացութիւնը 13-րդ դարի վերջին քառորդին շատ յարափոփոխ էր. թաթար իշխանները յաճախ զէնքի ուժով միմեանց դէմ էին ելնում. նրանցից շատերը յենում էին մասմեդականների վրայ եւ հակուած էին մասմեդականութեան կողմը եւ նոյնիսկ երբեմն հալածանքներ էին հանում քրիստոնեաների դէմ. բայց կային նաեւ զաներ, որոնք բարեմիտ էին դէպի քրիստոնեաները, զի սրտնց մէջ էին տեսնում իրենց թիկունքը: Այսպիսիներից էին Հուլաու զանը, որի համար Ստ. Օրբելեանը (էջ 419) գրում է. «Մեծ եւ բարեպաշտ արքայն աշխարհակալ, յոյսն եւ ազնկալութիւնն քրիստոնէից». նրա որդին՝ Ապաղա, «այր հեղ եւ բարի եւ խաղաղարար. եւ սա սիրող քրիստոնէից»: Ապաղայի մահից յետոյ (1282թ.), ինչպէս գրում է Ստեփաննոս Օրբելեանը,<sup>2</sup> «Նստի թագուտարն՝ եղբորորդի նորին՝ զան ամենայն աշխարհի. որ եւ Ահմադ անուանեաց զինքն. եւ խորհեցաւ քակել զօրէնս քրիստոնէութեան եւ առնել մըլման զամենայն արդ»: Նա իր պահը հաստատուն դարձնելու համար՝ 1286 թ. «գնաց անհուն զօրօք ի Սորասան ի վերայ Արդունին՝ սրբւոյն Ապաղայ զանին, զի սպանցէ զժառանգ թագաւորութեանն. եւ կալեալ զնա դարձաւ այսրէն: Իսկ Աստուածն քրիստոնէից յայնմ զիշերի դարձոյց զսիրտ մեծամեծացն առ Արդունն, զոր հանեալ ի բանտէ կապանացն՝ թաղաւորեցուցին եւ սուր ի վերայ եղեալ կոտորեցին զամենայն թշնամիս նորա: Հասեալ զկնի սատակեցին զԱհմադն եւ զհամախոհս իւր՝ զՀասան Մանլի շէխն, զՍահիպ դիւանն, զԱլինախն եւ զայլս բազումս:

Եւ էր ընդ նոսա թագաւորն Դեմետրէ, զոր սիրեաց Արդունն, եւ ետ նմա զամենայն աշխարհս Հայոց՝ զտունն Աւագեան [Աւազն Իւանէի որդին էր] եւ զտունն Շահանշահեան [=Զաքարէի] եւ զԳագեցին եւ զորդիսն Սաղուն Աթաբեկին: Եւ ինքն էր յոյժ սիրող քրիստոնէից եւ եկեղեցեաց: Էր ընդ նոսա եւ Տարսայիճն [Ստեփաննոսի հայրը], զոր յոյժ մեծարեաց եւ սիրեաց Արդունն: Ապա դարձաւ Դեմետրէ մեծաւ խնդութեամբ եւ ամենայն ապաստօք, եւ մեծամեծք Վրաց եւ Հայոց ընդ նմա: Եւ եկեալ ի Շարուր՝ գնաց նմա ընդ առաջ Տարսայիճն մեծամեծ պատուով, եւ արքունական ընծայիւք մեծարեաց զթագաւորն: Եւ նա առեալ տարաւ ընդ իւր զնա յերկիրն Աւագեան՝ յԱյրարատ. եւ բազում թախանձանօք բռնադրօսեաց զնա, եւ եղ Աթաբեկ ի վերայ ամենայն տէրութեան իւրոյ մինչեւ ի Տփլիս եւ յԱնի եւ ի Կարս... Եւ յայնմ հեռէ ունէր Տարսայիճն զաթաբէկութիւն աշխարհիս Հայոց եւ բազում դիւրութիւն եւ ողորմութիւն առնէր նեղեալ ազգին Հայոց»: Նա Տփլիս գնալով՝ այնտեղի արքունի դիւանի հարկատուութեան դաւթարից հանում է 150-ից աւելի հայկական վանքեր եւ ազատում է հարկից:

1 Կ. Կոստանեանց, Ի հայկական գրականութենէ ԺԳ.—ԺԴ. դարերու, արտատպում ի հաւաքածոյէ ձօնեալ Ա. Ն. Վեսելովսկիի. Մոսկուա, 1914 (ռուսերէն), էջ 6—8:

2 Ստ. Օրբ. Պատմ. նահանգին Ախալսան, էջ 425 եւ հտն.:

Թուում է, թէ արդէն տաղաքացի էր հայկական մարզերի քաղաքական միութիւնը մէկ հայ իշխանի ձեռի տակ, եւ վերականգնում էր Զաքարեան տիրապետութեան շրջանը: Բայց ցաւօք, երկար չի տեւում այն. Դեմեառէ Թազաւորը սղանում է 1289 թ., եւ յաջորդ տարին վախճանում է Տարսայիճը: Վերանում է Հայաստանի քաղաքական միութիւնը մի հայ իշխանի կառավարութեամբ, եւ հայ իշխանները մնում են իրարուց անջատ: Բայց դրանով չի մեռնում Հայաստանի քաղաքական միութեան դադափարը, դուրս է աւելի եւս ծաւալում է այն, անշուշտ ոչ ժողովրդի բոլոր խաւերի մէջ, այլ նշանաւոր իշխանների ու վարդապետների:

Այլ դրութիւն է ստեղծւում, երբ Թաթարների մեծամասնութիւնը Արղունի սրբի Ղազանի գահին (1295—1304) օրով եւ նրա հրամանով ընդունում են մահմեդականութիւն եւ հետզհետէ սկսում են, իրրեւ մոյեռանդ մահմեդականներ, աւելի ու աւելի նեղութիւն պատճառել հայերին, եւ հայերի ընդհանուր դրութիւնն աւելի ու աւելի վատթարանում է 14-րդ դարի կէսերին եւ յետոյ: Հայերն այն ժամանակ արդէն յուսախաբ են լինում իրենց քաղաքական իղձերի մէջ, բայց 13-րդ դարի վերջերում, եւ նոյնիսկ Ղազանի գահի օրով, որ բարեհաճ էր գէպի հայերը, դեռ կենդանի է եղել Հայաստանի քաղաքական անկախութեան դադափարը, որ եւ անդրադարձուեց է մեր բանաստեղծութեան մէջ: Տեսնենք այժմ այդ:

4. Օրբելեանի «Ողբի» նիւթն ու յօրինուածքը:—Այս քերթուածի հիմնական դադափարի համեմատ էլ աջողութեամբ ընտրուած եւ յարմարուած է նրա նիւթը (սիւժետը) եւ ընդհանուր յօրինուածքը: Ինչպէս միտումնաւոր վիպական բանաստեղծութեան մէջ անսկզբակի արւում է որեւէ բարոյական սլաւում, նոյնպէս եւ այս քերթուածի հեղինակն իր հիմնական դադափարը քարոզում է եւ իր զգացումներն արտայայտում է իրրեւ «Արքայուհի» անձնուորուած կաթողիկէի բերանով: Սա քերթուածի կենտրոնն է:

Ձայն բարձրագուծ եւ սահագին

Նման օղոցի որոտացին.

Կանչին սահեղ եւ սաստկադին

Գայ ի զաշտէլ Արարատին:

Այսպէս է սկսել Օրբելեանն իր «Ողբը»: Ձայնը լսում է ամէն տեղ եւ հրաւիրում է՝

Երթա՛լ ի գոտ աղաղակին:

Լսողներն այդ ձայնի վրայ դորթնում են մահաբեր քնից, խուռն կարաւան կապած իրար ետեւից դիմում են գէպի «Արամա[ղ]նեան տունը», լցնում Արարատեան գաշտը, հասնում Հայոց Նոր Քաղաքը—Վաղարշապատ: Եւ ի՞նչ են տեսնում.

Տեսին ի նմա զարքայուհին...

Ձմայրն լուսոյ Հայկայ դարմին,

Մերկ, խաշառակ ի բաթրոնին,

Ձանձամբ արկեալ զքուրճ խաւարին,

Հերքն ճողեալ որպէս կնաին,  
 Մտինքն ցամաք զերդ ըսկընդկին.<sup>1</sup>  
 Զկուրծքն բախէր քարամբ ուժգին,  
 Առուք արեանց իջանէին.  
 Մոխիր կուտէր նման բլրին,  
 Ֆանէր ձեռամբն ի դազաթին:  
 Երամք կանանց ճշող ջալլից  
 Շուրջանակի զնա պարէին.  
 Դասք երգողաց կանգնեալ կային,  
 Զգամբանական փողս ածէին.  
 Աւաղական ողբովք լային  
 Զգալարափողսն հնչէին.  
 Կէսքն շիւան մեծ քարշէին,  
 Կէսքն զվարսիցըն փետէին:

Եկողները հարցնում են ողբացող Արքայուհուն.

Այս ո՞վ, այս ո՞վ ի բազմացին  
 Նման մեծի տըքայուհոյն.  
 Այս ի՞նչ, այս ի՞նչ սուգ անհնարին...

Նա, մեծ թաղուհին, սրտի խորքից հուզոց հանելով պատասխանում է.

Այս ե՛ս, այս ե՛ս էջք Միածնին...  
 Իսկ այս՝ որ շուրջ զինեւ պարեն՝  
 Են իմ դստերքն որ նախ ելին...  
 Եկեղեցիք Հայաստանին.  
 Ժողովեցաք ի միասին  
 Լնուլ ողբովք զաշխարհ բնաւին:

Ուրեմն Արքայուհուն, այսինքն «Կաթողիկէին» [Դիմառնարար] չըջապատող լալկան կանոնց երամբ պատկերացնում է Հայաստանի «Կաթողիկէին» — մայր եկեղեցու գուտար եկեղեցիներն ու վանքերը, որ մեծ մասամբ նոյնպէս ամայացած էին: Եւ արքայուհին բացատրելով իր սուղի պատճառը՝ ուսում է եկողներին.

Երբեմն էի որպէս զերկին,  
 Հիմ հաւասար եմ գոհէին.  
 Երբեմն արփի արեւածին,  
 Այժմ խաւար անհնարին...  
 Երբեմն հարսն առագաստին,  
 Մածեալ գրկօքն իմ փեսային,  
 Այժմ եմ սեղեխ օտարոտին,  
 Անպէս նման հոսեայ ջրին:

<sup>1</sup> Սկնդեկ — ամուլ կամ երեխայ չունեցող սրբեւայրի կին:

Խաչատուր Կեչառեցին, անշուշտ, վշտահար սրտով պատմել է Օրբե-  
րյանին Վաղարշապատի Կաթողիկէի տխուր դրութիւնը, որ եւ անդրադար-  
ձուել է «Ողբի» մէջ.

Այժմ անպիտան նման աղբին,  
Եղեալ կոխան չորքոտանւոյն...  
... Սկիւթացի հօրանք թուրքին,  
Կամ խայտառակ մանկունք նոցին,  
Որք միշտ կոխան... առնէին,  
Տեղիք չարեացն, որք դործէին...  
Փոխան բուրմանցն նարդոսի  
Աղբք եւ աւիշք... կուտին...  
Հօրանք այծից... բունին:

Կր' նշանակի՝ Կաթողիկէն լքուած, անուշադրութեան է մատնուած  
եղել, մի ամայի անչէն դաշտի մէջ: Աւեր է եղել եւ Վաղարշապատ մայրաքա-  
ղաքը, եւ չաւրջը միայն խոշնարօտի տեղ: Այդ դրութիւնից է, որ «այլի»  
«Արքայունին», այսինքն ի բաց լքուած եկեղեցին, ճշարտվ ողբում է: Եւ նա  
բացատրում է իր ցաւալից վիճակի պատճառը, այն է՝ Հայաստանի քաղա-  
քական անկախութեան անկումը եւ այլադղինքերի տիրակալութիւնը, երկրի  
աւերումը, իշխանների դուրս քուլելը, կորչելը... Եւ քերթողը Արքայունու  
բերանով երկար կանգ է առնում Արշակունի, Բազրատունի, Արծրունի եւ  
նոյնիսկ Սիսական թագաւորութիւնների եւ նրանց կործանման վրայ, եւ  
վերջը յարում է.

Ահա՛ սոքա այսպէս անցին,  
Բնաւին ի բաց եղծեալ գնացին.  
Որպէս զստուերք այլ չերեւին.  
Նման երազոյ կարծեօք թուին:  
Որպէս ծաղիկք ամառայնոյն  
Արեւակէզ թարշամեցին.  
Որպէս սաղարթք վարսեալ ծառին  
Խորշակահար ցամաքեցին...  
Արդ ոչ եւս է, ոչ երեւին,  
Անէացեալք նման նանրին:

Ի՞նչ է եղել հայկական քաղաքական անկախութեան անկման հետե-  
ւանքը: Հայ իշխանութիւնները, — շարունակում է ողբացող Արքայունին, —  
անցան ոչնչացան, եւ

Միայն այրի դիւ աստ թողին,  
Որպէս գոչինչ ի բաց լքին:

Իսկ ի՞նչ է մտածում Արքայունին, որ նոյն է՝ ի՞նչ դադափար է քարո-  
ղում հեղինակը նրա բերանով: Նա շարունակում է առել.

Արդ մենացեալ յանվայր [=անշէն] դաշտին  
 Զերդ զգազան անապատին,  
 Զաջուերս ածեմ կողկողագին,  
 Զայն արձակեմ ողորմագին.  
 «Ո՞ւր էք, որդի՛քդ իմ սրբածին,  
 Եկայք առ մայրըս ձեր նախկին,  
 Որպէս օրէնն է գաւակին,  
 Տանել խնամ ծեր ծնօղին»:

Ահա թէ ի՛նչ է քարոզում նա — վերադարձ դէպի մայր երկիրը, հոգալ  
 առա համար: Վերադարձ այն ամէնքի, որոնք իրենց օտարական են համա-  
 րել Հայոց աշխարհից դուրս եւ միշտ կարօտով նայել դէպի իրենց մայր  
 երկիրը: Բայց տակաւին առհասարակ ուշադիր չեն այդ կոչի ձայնին. եւ  
 այրի թագուհու վիճակը մնում է նոյնը, որ վերեւում տեսանք: Նա ոտնա-  
 կոխ է այլազգիներէից:

Տեսէ՛ք զիմ փառքըն զառաջին,  
 Տեսէ՛ք զվերջին նախաստ անձին,  
 Թէ ո՛ւր էի, 'ւ ո՛ւր ընկեցին.  
 Յերկնից յերկիր զիս իջուցին,  
 Խորք անդնդոց զիս ծածկեցին...  
 Ո՞ւր են փեսայքն իմ առաջին,  
 Հայրապետաց ջոկքն որ անցին.  
 Ո՞ւր թաղաւորքն իմ են նախկին,  
 Ո՞ւր եւ աղատքն ընդ սեպուհին.  
 Ո՞ւր են իշխանք գահադէլին,  
 Նախարարաց կոյտքն որ կային:  
 Ո՞ւր զօրութիւնք բիւր բանակին,  
 Խոռոնեալ ամբոխքն անթուելին.  
 Ո՞ւր բարունիքն որ յիս կային...

Եւ մի մեծ չարք ճարտասանական հարցումներով յիշեցւում է Հայաստանի  
 անցեալ փառքն ու ճոխութիւնը, որ, — ասում է, —

Նման հողմոյ յիս չնչեցին  
 Ու անհետ ի բաց անցեալ գնացին:

Եւ իրեն մնում է լալ ու վա՛յ տալ իր դիւին եւ դիմում է եկողներին, որ  
 նրանք էլ վա՛յ տան:

Փոխան բուրմանցըն նարդոսի  
 Աղբք եւ աւիշք ի քեզ կուտին...  
 Փոխան զենմանց պարարակին  
 Հօրանք այծից ի քեզ բուռին.  
 Ա՛յ վա՛յ քեզ վա՛յ որ չմտաւին,  
 Վա՛յ քո փեսայքըն առաջին...  
 Վա՛յ դքո երէցն Արշակունին.

Վա՛յ զքո կրտսեր Բաղրատունին .  
 Վա՛յ զքո Սիւնին եւ զԱրծրունին .  
 Վա՛յ զՄամիկոնին եւ զԱղուանին ,  
 Վա՛յ զՇիրական եւ զՎանանդին .  
 Վա՛յ զՏարօնոյն եւ զԾովագին . . .

Այսպէս սաստիկ ողբ ու կոծ-բայց՝ մինչեւ ե՞րբ : Եւ Արքայունչի՞ն վերջը դիմում է իր «նախածին դուստրներին» (Հայաստանի եկեղեցիներին-վանքերին) , եւ նրանց , որ եկել էին նրա կոչին<sup>1</sup> եւ իր մօտ էին , խօսքն ուղղում է նաեւ այն ժամանակուայ բոլոր նշանաւոր վանքերին ու հայկական կենտրոններին , եւ հայաբնակ վայրերին , որ են՝ Դուին , Անի , «Սիւնիք եւ Աղուանք ընդ Վիրային» , Ամարաս վանք , Արտաղի Թագէտո առաքեալի վանք :

«Հաղրատ , Բջին եւ Ամատունին ,  
 Որ յԱրագած ես յԱնբերդին .  
 Բազումն եւ Կարս ընդ Բասնոյն ,  
 Կարին քաղաք բարձր հային ,  
 Վասպուրական տունըդ Վանին ,  
 Տարօն , Սասունք եւ Ծովային ,  
 Եւ այլ աշխարհ հայասեռին՝  
 Միջագետաց եւ Հոռոմին ,  
 Կիւիկիայ , Կողմ Ստորին ,  
 Պատուեալ զլիովքըդ մեր նախկին»<sup>2</sup>

Նա խօսքն ուղղելով այս ամէնքին՝ ասում է .

Թողո՛ւմք զողբանքըս ցաւազին ,  
 Առնե՛մք աւարտ լալեաց բանին .  
 Յուսահատիլ չէ պարտ բնաւին :

1 Բնագիրն է՝ «Զորս եւ առ իս ժողովեցին» — եւ նրանց որ ինձ մօտ ժողովեցին : «Ժողովեցին» բայն այստեղ յոգնակի Յ-ով դէմքով չէ , այլ եղակի 1-ին դէմքով : Վերջի «ն» տառը յօդ է :

2 Տպւած է «Կիւիկիայ կողմ ստորին» , իբր Կիւիկիան կոչուելիս լինէր «կողմ ստորին» : Ուղղում եմ ինչպէս գրուած է վերեւում : Այսպէս՝ «Կողմ Ստորին» , «Աշ- շխարհ Ստորին» կոչուած է հին Կոմագէնի եւ հետագայի եփրատեցի կոչուած աշ- խարհը , ներսէս Շնորհալու «Միջերկրայք» անուանած երկրամասը , որ , ինչպէս Շնորհա- Լու կենսագրութեան մէջ տեսանք , ընկնում էր Կիւիկիայից արեւելք եւ Եփրատից արեւմուտք եւ հիւսիս-արեւմուտք , որ եւ միաժամանակ Անտիոքի ֆրանկ իշխանութեան ներքոյ է եղել : Այնտեղ էին Սեւ լեռները , Կարմիր վանք եւ Ծովք ու Հոռոմկա կաթողիկոսական աթոռանիստները : Սրան է ակնարկում Օրբելեանը , երբ «Ստորին Կողմի» համար գրում է «պատուեալ զլիովքդ մեր նախկին» , այսինքն՝ նախկին կա- թողիկոսներով , որ են՝ Գրիգոր Վկայասէր , Գրիգոր Պահլաւունի , Ներսէս Շնորհալի եւ ուրիշները : Քիչ առաջ էլ «Ողբի» մէջ Օրբելեանը Կաթողիկէի բերանով ասում է . «Փեսայս[=կաթողիկոսը] այրի թողեալ լիս կաթողիկէս] հալածեցաւ յԱշխարհ Ստո- րին» : Ներսէս Շնորհալու «Եդեսիոյ Ողբի» մէջ էլ Անտիոքին դիմելուց յետոյ՝ ասում է . «Արդ՝ ի Ստորին Կողմն աշխարհի Զոր խօսեցաքս՝ շատասցի . Բայց բանքս մեր փոփո- խեցցի , Յեւս արեւու վերադարձցի , Առ Մեծըն Հայք , տուն թորգումի» : Օրբելեանի Պատ- մութեան մէջ (գլուխ ԿԸ , էջ 439) Մեծ Հայքը կոչուած է «Վերին Աշխարհ Արեւելից» :

Պէտք է զարթնել ինքնամոռացութեան քնից .

Զարթնուլ ի քնոյ զբաղականին :

Վախճան կը լինի հայերի կրած բազմամեայ չարիքին, կը նորոգուի կեանքն, — ասում է Արքայուհին :

Նա' [=ահա] նորոգումըն մեզ կրկին,  
Որ բնաւ չյիջեմք զփառսն առաջին.  
Կանգնէ [Աստուած] զաթոռ թագաւորին,  
Եւ զգաւազան պատրիարքին,  
Ամենեցունց ըստ իւր կարգին,  
Ուղղէ զգահայս տիրականին [=տէրութեան],  
Նոր զարգարէ փառօքըն հին,  
Եւս առաւել քան զոր էին.  
Տայ մեզ դռնէլ ձայնիւ ուժգին.  
«Վերջինս է մեծ քան զառաջին» :

Ահա Օրբելեանի քերթուածի նիւթն ու գլխաւոր գաղափարը : Հայրենասիրութիւնը նրա երկի մէջ աւելի խորացած է, դարձած մի կոնկրետ ձգտում : Այդ ալիւս ոչ թէ լոկ ողբ էր, ոչ թէ տարագիր ժողովրդին հաւաքելու եւ փրկելու մի տարտամ իղձ եւ աղօթք էր, որ երգել է դեռ Յովհաննէս Սարկաւազ Վարդապետը . ոչ թէ մի երազ արեւմտեան ազգերի ձեռով փրկուելու արեւելեան քրիստոնէութեան հետ, այլ քարոզում էր վերջ տալ ողբանքին, խնամ տանել սեփական երկրին, ձգտել բնիկ երկրում ունենալու եկեղեցական կենտրոնը . եւ Այրարատեան դաշտում, իր նախկին վայրում, վերանորոգելու Հայոց թագաւորական գահը : Այս արդէն մի նոր ու մեծ, պարզ ու որոշ զարգացում էր մեր հայրենասիրական երգի մէջ արծարծուած գաղափարի — սիրով կապուել բուն հայկական երկրի հետ եւ կը լինի «նորոգումը» :

Ծ. Ուրիշ ձեւակամ կողմեր :— Վերելում բերուած բովանդակութիւնից եւ հատուածներից կարելի է տեսնել, որ Օրբելեանի բանաստեղծութեան ձեւն ըստ ընդհանուր կառուցուածքի յարմար ու զեղեցիկ է մտածուած . ըստ ոճի կամ մանրամասների արտայայտութեան, սակայն, բաւական աղքատ է, չունի պերճութիւն . հայ թագաւորութիւնների մասին պատմող կտորների մէջ նոյնիսկ պրոզայիկ է հնչում : Բայց գրուածքն ընդհանրապէս չոր ու ցամաք չէ, ինչպէս գուցէ թուայ ոմանց : Դա աղւում է, որովհետեւ շնչում է մի անկեղծ ջերմ զգացմունք, որ կենդանութիւն է տալիս ամբողջին, եւ որովհետեւ իր էական գաղափարով մտածել է թելադրում ընթերցողին : Դրանցով այդ երկը հաճոյք է պատճառել իր ժամանակին, պատճառում է եւ մեզ իսկ :

Օրբելեանի քերթուածի ձեւական թերութիւնը պարզ ու հասարակ ոճի մէջ չէ, — քանի որ այսպիսի ձեւով էլ բանաստեղծութիւնը կարող է զեղեցիկ լինել, — այլ պակաս ինքնուրոյնութեան մէջ : Դա մասամբ նմանողութիւն է Ներսէս Շնորհալու «Նդեախոյ Ողբին» : Աւելորդ է այստեղ դնել այդ երկուսի մանրամասն համեմատութիւնը : Երկուսի մէջ էլ ընտրուած է դե-

մառնութեան ձեւը, Եղեւիան իրրեւ ողբացող այրի կին կամ տիկին, Վաղարշապատի Կաթուղիկէն՝ իրրեւ նոյնպիսի Թաղուհի: Երկուսն էլ ուրիշներին կոչում են ի ողբակցութիւն: Երկուսի մէջ էլ հին լաւ օրերի եւ ժամանակակից աղետալից վիճակի հանդիպադրութիւն, որ սակայն Ն. Շնորհալուց առաջ էլ արեւ է ողբացող Արիստակէս Լաստիվերտցին: Երկուսի մէջ էլ դրա համար կիրառուած են «ուր» բառով ճարտասանական հարցումներ: Կան նաեւ մի քանի նման պատկերներ եւ այլ թեթեւ նմանութիւններ, որ երկրորդական են, օրինակ՝ սղացող կնոջ նկարադրի մէջ Շնորհալին ունի՝ «Քարամբ ծեծեմ կուրծքս սրտի», Օրբելեանը՝ «Զկուրծքն բախէր քարամբ ուժգին»: Անցնել եւ այլեւս չերեւալ ստուերի պէս կամ երազի պէս. կամ «Որպէս ծաղիկ ամարայնի» (Ծն.), «Որպէս ծաղիկք ամարայնոյն» (Օրբ.): Բայց այդ ամէնը, բացի գուցէ բարաոնութիւնից, կարող են համեմատ լինել նիւթի նմանութեան պատճառով եւ միմեանցից անկախ եւս ծագած լինել իրական կեանքից: Բացի այդ՝ շատ ճարտասանական եւ բանաստեղծական պատկերաւորութիւններ այն ժամանակներում եղել են ընդհանուր տեղիներ եւ սովորական դարձուածներ. ինչպէս՝ Կաթուղիկէն անուանել են մայր եկեղեցի, իսկ միւս եկեղեցիները՝ նրա դուստրներ: Սրանից էլ կարող է ըխած լինել Վաղարշապատի Կաթուղիկէի բարաոնական պատկերացումն իրրեւ մի կին, չըջապատուած իր դուստրներով — եկեղեցիներով, վանքերով: Բայց այս ամէն ձեւական նմանութիւնները երկրորդական են, քանի որ Օրբելեանի երկի ընդհանուր յօրինուածքն ու նրա զարդացումը հեղինակի իրեն (գուցէ Խաչատուր Կեչառեցու հետ խորհրդակցութեամբ) ստեղծածն են եւ նիւթին ու թեմային յարմար ու վայելուչ մտածուած ու գլուխ բերուած: Եւ որ զլխաւորն է, ինչպէս վերեւում ասուեց, նա արտայայտիչ է դարձել արեւելեան հայութեան որոշ խաւերի:

### ԽԱՉԱՏՈՒՐ ԿԵՉԱՌԵՑԻ

1. Ողբ վասն իշխանաց:— Այս դրողի մասին չունինք ուրիշ կենսագրական տեղեկութիւններ, բացի վերեւում յիշուածներից, որ իմանում ենք Օրբելեանից, որոնցից եւ երեւում է, որ նա մի հեղինակ է, որ պատկառելի գիտնական է եղել, Կեչառուք կամ Կեչառիս վանքի առաջնորդ կամ միաբան, ուստի եւ ըստ ժամանակի սովորութեան կոչուել է Կեչառուքցի կամ Կեչառեցի: Գուցէ եւ այդպէս անուանուել է իր ծննդենիւրով: Քանի որ, ինչպէս տեսանք, Կեչառեցու զրդելով է Օրբելեանը զրել իր «Ողբը», ապա սպասելի է, որ նա ինքն էլ հայրենասիրական սպով տոգորուած լինէր: Ալիշանը յիշում է Կեչառեցու «Ողբը վասն աւերման տանս արեւելեան»<sup>1</sup> եւ բերում է սրանից ութ տող: Այդ, ըստ երեւոյթին, նոյնն է, ինչ որ մի ուրիշ ձեռագրի մէջ կայ «Ողբ Խաչատուր Կեչառեցոյն վասն իշխանաց» վերնագրով.<sup>2</sup> որովհետեւ սրա մէջ կան մեր բանաստեղծ բանասէրի իր մեծ

1 2. Ալեշան, «Այրարատ», էջ 268 ա., 152—2.

2 Հայաստանի Պետ. Զեռագրատուն (Մատենադարան), գրչագիր թիւ 425 (Գանձարան), էջ 681—685: Այս «Ողբի» արտագրութիւնը շնորհակալութեամբ ստացայ Մատ. Գիտ. աշխատակից Լ. Խաչիկեանից:



աշխատութեան մէջ առած ութ տողերը: Այս «Ողբը» կազմուած է երկու մասից. երկուսն էլ արուեստի տեսակէտից աննշան բաներ են, բայց արժէք ունեն իրենց պատմական բովանդակութեամբ:

Ինչպէս վերելում տեսանք, Սիւնիքի Տարսայիճ իշխանը, որ ընդարձակ սահմաններով Հայաստանի կառավարիչ էր, մեռել է 1290 թ., եւ դրանից յետոյ Արեւելեան Հայաստանի վիճակն սկսել է վատանալ: Ղազան զանի իշխանութեան սկզբում (1295 թ.), նրա զօրավար Նաւրուզը, որ «յոյժ առեցող էր քրիստոնէից եւ թշնամի եկեղեցեաց», հրամայում է «առհասարակ քակել զամենայն եկեղեցիս, եւ կողոպտել զամենայն այր քրիստոնեա եւ թլփատել զքահանայս»: «Քակեցին բազում եկեղեցիս. խողխողեցին բազում քահանայս. կտորեցին բազում քրիստոնեայս. եւ որք ի սրոյն մնացին՝ կողոպտեցին զամենայն ինչս. դերեցին բազում կանայս եւ մանկտիս»: Եւ այդպէս վարուել են, մինչեւ որ Կիլիկիայի Հայոց թագաւոր Հեթումի միջնորդութեամբ՝ Ղազան զանը հրամայել է դադարեցնել քրիստոնեաների հալածանքը, եւ «յինէր խաղաղութիւն մեզ եւ ամենայն աշխարհիս Հայոց», գրում է Ստեփանոս Օրբելեանը:<sup>1</sup> Խաչատուր Կեչառեցու «Ողբի» մէջ պատկերացում է ահա Արեւելեան Հայաստանի այս տիուր դրութիւնը 1295 թուականին, եւ երեւում է, որ նա այն միջոցին էլ յօրինել է իր քերթուածը, ինչպէս Փրիկն իր նշանաւոր մի բանաստեղծութիւնը, որ կը տեսնենք յետոյ: Նա ողբում է մէջ բերելով երկրի ըստ եկեղեցական հայեացքի ընկած դրութիւնը:

Ձերկիրս արեամբ, մեղաւք ներկեցաւ...

Ձեկեղեցեաց դրունքս փակեցաւ...

Ձաւազանին խորհուրդն ուրացաւ...

Ձխաջն եւ զհաղորդքն զայրացուցաւ,

Ձեկեղեցին սուրբ քամահեցաւ.

Ծաղր ու նախատ բազմաց մեք եղաւ.

Յերկաթ ու ի նեղ զընդան մեք մըտաւ,

Յաղքատութիւնս որ ժամանեցաւ...

Ի ձեռն չար աղղի դբաւեցաւ.

Բժժիչկ չունինք ցաւիս որ դիպաւ...

Ինչո՞ւ է այդպէս:— Որովհետեւ այլեւս չկան հին հայ իշխանները, — մտածում է քերթողը: Եւ նա իր քերթուածի երկրորդ մասի մէջ մէկ մէկ թւում է իր չըջանի նշանաւոր իշխաններին.

Մեռա՛ն իշխանքըն մեր ցանկալի,

Ու իրեանց որդիքն տղայ հասակի.

Սուգըն տիրեաց մեղ Խորայէլի...

Սադո՛ն, սիրա՛ծ մեծ Ապա զանի,

Գոված, ընտիր յամէն հանդիսի,

Ձաչերըդ բաց, զինչ Դամասկոսի,

Տես ըզգաւաւս ի յերերմանի,

Ձեկեղեցիքս ի մեծ վըտմնիկի,

1 Ստ. Օրբելեան, Պատմ. նահանգին Սիսական, Թիֆլիս, 1910, էջ 471—475:

Ու քահանայքս ի տաքտարայի,  
 Ձուլթլու բուղայն յարեան հալաւի,  
 Ձիւրեան նըման պատկերն ի մոխրի.  
 Ձարքայն չիշխեմ յիշել զվրացի,  
 Ձատլաս երեսն զԴեմետրէի,  
 Որ դեռ քըրտունքն ի վայր կու վաթի՝  
 Միրտըն քաշած, ու դեռ կենդանի:  
 Պարոն Պըռոշըն հեծելի,  
 Որ զերկաթի դուռն առնէր փոշի,  
 Աջու բազուկ էր նոր Սիոնի,  
 Հիմն հաստատ Հայոց հաւատի...

Նա այսպէս գովելով յիշում է եւ Պոռշի որդիներին, Տաքսայիճ իշխանին եւ ուրիշներին. վերջը բացականչում է տրամուլթեամբ լի.

Աւա՛ղ, թէ զորն ասեմ ի լալի,  
 Ձայն հին ու նորքն ի դերեզմանի:  
 Վա՛յ զմնացորդքս սուտ կենդանի,  
 Մակար չէաք ծընեալ յաշխարհի:  
 Արդ գերեցաք ու խիստ արժանի,  
 Մեր գերադարձքըն չեն ի միջի:  
 Ազնեա մեզ ի նեղութեան մերում,  
 Աստուա՛ծ, աղաչեմք:—

Այսպէս ազօթքով վերջացնում է նաեւ առաջին մասը:

Նրա երկի արժէքը միայն այն չէ, որ նա ազդուել է ժամանակի իրա-  
 կանութիւնից, այլ աւելի այն, որ որբալով Հայաստանի թշուառ գրութիւ-  
 նը՝ երկրորդ մասի մէջ կարօտով յիշում է հին նշանաւոր իշխաններին, ո-  
 րոնք «Կորիւնքն առեւծի» էին, «զաւրաւոր ի պատերազմի», «պատուեցան ի  
 դուռն արքունի» կամ, ինչպէս մէկի համար գրում է միջնադարի համար մի  
 անսպասելի համեմատութեամբ,

Հանց ուժընդակ էր ինքն յատենի,  
 Քան Քրիստոսի նըշանն [=խաչը] ի բեմբի:

Քերթողը խիստ ցաւում է, որ այլեւս չկան նրանք. եթէ լինէին այն-  
 պիսի իշխաններ, մեր երկիրն արիւնով չէր ներկուիլ: Թւում է, թէ նոյն  
 տարիներին հէնց մեր այս քերթողի մաքում ծագել է Հայաստանի կեն-  
 տրոնում հայկական քաղաքական իշխանութիւնը վերականգնելու դադա-  
 փարը, որ քիչ յետոյ երգել է Ստեփաննոս Օրբելեանը հէնց այս քերթողի  
 յորդորանքով: Պէտք է հայերին ուսուցանել, թէ ի՛նչ էր հարկաւոր իրենց  
 փրկութեան համար:

2. «Պատմութիւն Աղեփսանդրի Մակեդոնացւոյ».— Խաչատուր Կեչա-  
 ւեցին գրականութեան համար ուրիշ կողմից էլ որոշ գեր կատարել է: Թա-  
 թարների իշխանութեան օրով, 13րդ դարի երկրորդ կէսին, ինչպէս տեսանք,  
 կանգ չի առել հայկական քաղաքների բարդաւաճումը: Նրանց բնակիչ-

ներն էլ ունէին իրենց դրական պահանջը: Բացի գուսանական երգերից, որոնք զուարճացնում էին փարթամ քաղաքացիներին նրանց ուրախութեան խնջոյքների միջոցին, ծագում է նաեւ քեքեւ ընթերցանութեան գրքերի կարիքը: Սրբերի վարքերը, «Յայամուտրքի» մէջ մտած եւ ուրիշ վկայաբանութիւններն այլեւս չէին գոհացնում ընթերցասէրներին: Հարկաւոր էին, այսպէս ասած, գրութիւնի կամ գուսանական վէպեր եւս, որոնցով նրանք զբաղուէին իրենց պարապ ժամերին: Մեր դպրութեան առաջին դարում արդէն ղեղեցիկ լեզուով թարգմանուած էր Կալիսթենէսին վերագրուած «Աղեքսանդրի պատմութիւնը»,<sup>1</sup> որ սիրուած է եղել հայերի մէջ: Միջնադարում ասպետական ռոմանների մի առանձին ցիլլ են կաղմել Ճրանտիայում նաեւ Աղեքսանդրի վէպերը, որոնք մշակուած են հնութեան աւանդութիւնների եւ Փշոգարական սովորոյթների խառնուրդով: Ինչպէս երեսում է, մեզանում եւս 13-րդ դարի վերջերում պահանջ է եղել այդ գրքի համար, որ Սաչատուր վարդապետն անձամբ արտադրել է այն՝ «սրբադրեալ [=մաքուր գրելով] ի գրոց հնոց»:<sup>2</sup>

Բայց նա իբրեւ լոկ «գրիչ» չէ հանդէս եկել, այլ նաեւ իբրեւ քերթող. այն պատմութեան հատուածների վերջում գրել է քերթուածներ, որոնց մէջ նոյն նիւթը ժամանակի կենդանի խօսակցական լեզուով պատմում է նմանողութեամբ, կամ յօրինում, յարմարում է «ոտանաւոր նմանողական պատմութիւններ», որոնք կոչւում են «կաֆայք», այսինքն յանգաւոր ոտանաւորներ: Սրանց մէջ, սակայն, չի առնուում հատուածների բովանդակութիւնն ամբողջապէս, այլ այս կամ այն կէտր, որ արժանանում է հեղինակի ուշադրութեան, որից եւ ազդւում է նա: Ուստի այդ ոտանաւորները միասին չեն կաղմում մի կապակցուած պատմութեամբ: Այս ձեւով, սակայն, նա թարմացրել եւ աւելի եւս հետաքրքիր ու դրաւիչ է դարձրել Աղեքսանդրի առասպելախառն Պատմութիւնը: Յետոյ ուրիշները, — ինչպէս նոյն Պոռչեան տոհմից Ջաքարիա եպիսկոպոսը Գնունեայ, որ կոչւում է Գնունցի, ինչպէս եւ սրա ուսուցիչ Գրիգորիս Աղթամարցին, — նոյնպէս յօրինել են համանման քերթուածներ, որոնք հետագայում խառնուել են միմեանց եւ աղաւաղուել են, կրելով նորանոր խմբագրութիւններ յաւելումներով ու կրճատումներով: Այդ գրքի սէրն ու պահանջն այնքան մեծացել է, որ ծաղկադրուել եւ նկարադարձուել էլ է. Ջաքարիա եպիսկոպոսն էլ եղել է դրա նկարող ու ծաղկադրող. «Ջաքարիա եպիսկոպոս՝ դժողս եւ նկարողս Աղեքսանդր դրոց», գրում է նա իր համար: Ուրիշներն էլ նոյնն արել են, այնպէս որ կան ձեռագիրներ, որոնց ամէն երկու երեսին կայ մի նկար պատմուած դէպքերի վրայ:<sup>3</sup> Քերթուածներ գրուած կան նաեւ նկարների տակին կամ շուրջը եւ վերաբերում են երբեմն նկարներին:

Ինչո՞ւ է այսպէս սիրուել այս գիրքը: Դա միակն է եղել իր տեսակի

1 Պատմութիւն Աղեքսանդրի Մակեդոնացւոյ, Վենետիկ, 1842:

2 Տաշեան Յովովբոս, Ուսումնասիրութիւնք Ստոյն Կալիսթենեայ Վարուց Աղեքսանդրի, Վիեննա, 1892, էջ 86 եւ հտն., 112 եւ հտն.: Տեղեկութիւնների մի մասն առնւում են այս գրքից: «Սրբագրեալ» ոչ ուղղել ըստ այս բառի նոր նշանակութեան, այլ մաքուր գրել, արտադրել:

3 Անդ., էջ 113:

մէջ եւ ժողովրդականացած, իբրեւ Պատմութիւն Ալեքսանդր Մակեդոնացու, որի անձնաւորութիւնը ե'ւ արեւելեան, ե'ւ արեւմտեան շատ ժողովուրդներէ հիացմունքի առարկայ է եղել: Բայց կայ եւ հետեւեալ հանգամանքը: Այն ժամանակի պարզամիտ մարդիկն ընդհանրապէս շատ հեշտ հաւատում էին ամէն տեսակի հրաշալիքներով լի պատմութեան, որոնք դրդուում էին նրանց երեւակայութիւնը եւ դիւր էին գալիս նրանց: Յիշենք միայն, թէ ինչեր է պատմելիս եղել Հեթում թագաւորն առ Մոնղու դանն արած հեռաւոր ճանապարհորդութիւնից վերադառնալիս. «Բազում իրս զարմանալիս եւ անժանօթս պատմէր մեզ զբարբարոս աղգացն, զոր տեսեալ էր եւ լուեալ: Ասեն թէ կայ աշխարհ մի անդր քան զՂատայիքն, ուր կանայք են ի ձեւ մարդոյ բանականաց, եւ արքն ի կերպարանս շանց, եւ են անբանք, մեծք եւ մազեղք... Կայ կղզի մի աւազուտ, յորում բուսանի ծառօրէն ոսկի ինչ պատուական... եւ ի հատանին այլ բուսանի ի տեղին ըստ նմանութեան եղջերուաց»: <sup>1</sup> Սրանց նման բաներ են եւ Սուտ Կալիսթենէսի Փանտաստիկ պատմածները, թէ Ալեքսանդրը հեռաւոր երկրներում ինչ հրէշաւոր էակներ է տեսել: «Տեսաք շնագլուխս եւ անգլուխ մարդիկ, որք գաշն ունէին ի լանջըն եւ գրեքանն»: ... «Եւ էին յայնմ անտառին մարդիկ, որ տնկածոյք կոչէին, եւ ունէին մեծութիւն առ մարդ կանդունս քսան եւ չորս, եւ երկայնապարանոցք էին, եւ ձեռք եւ մատունք սղոցածեւ: ... Ապա անդուստ դնացեալ՝ եկաք ի դայարկուտ իմն վայր, ուր կային մարդիկ վայրենիք մման հսկայից, մեծութեամբ իբր զառաջինսն, լանջօք բոլորակք, քաւք, շէկք. եւ ունէին երեսս քրպէս գառիւծու... հերս ունէին կանդունս չորս եւ լայնութիւնն իբրեւ աշտէի, եւ եկին առ մեզ մաշկեայ պարեգոտովք, հզօրք յոյժ, պատրաստք պատերազմ տալ՝ առանց տիգաց եւ նետից»: Տեսնում են եւ երեքսրանի դազաններ, կրիայի չափ լուեր, մարդակեր մարդիկ, «թաւ իբրեւ ալծ», որ շան պէս հոգում են. հրաշայի ծառեր, ձկներ, «որք հուրք ոչ լինէին եփեալք, այլ ցուրտ ջուրք աղբերաց», հինգ ոտանի զազաններ, «հինգ աօք եւ այլք մեղաչք եւ մեղոտանի», եռկայնութեամբ իբրեւ կանգունս երեսուն»: «Անգլուխ» մարդիկ. «գլուխ ոչ ունէին բնաւ, այլ ի լանջս ունէին դաշս եւ գռեռան», եւ այլն: <sup>2</sup>

Դժուար թէ ինոր Կեսառեցին հաւատագած լինի ամէն այսպիսի, իբրաւով ասենք, «յաղփաղփ» բաների, բայց այսպիսի կտորներն էլ է նա վերածել քերթուածի.

Ա՛յ իմ հրաշագործ Աստուած՝  
Արարիչ աղգաց ամենեւ,  
Ու զարմանալի քոյ գործը՝  
Ձինչ պատմեն երամք տեսողի.  
Ըզոռւանովի ոչխարս  
Չո տեսաք ի Հունգուստանի.  
Բայց զայս տընկածոյ մարդիկ՝

<sup>1</sup> Կիրակոս Գոնձաւեցի, Պատմութիւն Հայոց, 1935:

<sup>2</sup> Պատմութիւն Ալեքսանդրի Մակեդոնացու, Վենետիկ, 1842., հատ. ՄԾԸ Մթ., էջ 168, 122 եւ հտն.:

Ձենք տեսել յառակս ամենի․

Այս են հըսկայքըն վայրենի

Որ են սըներ ի յանտառի,

Լանջը բոլոր թաւք շիկամորթի,

Երեսս ունել իբր առիւծի,

Հերս ունէին չորից կանգնի՝

Ու լայնութիւն զինչ աշտէի․

Պարեզաւտաւք մաշկեղինի՝

Պատրաստեցան ի կռիւ յայտնի․

Եւ խարճ ածին յանկարծակի

Երկուց կողմանց վտանգերի։

Տեսողացս է հիանալի,

Եւ ի մէնջ է ձեզ պատմելի...<sup>1</sup>

3. Կեչառեցու կարծիքն Ալեքսանդրի կեանքի եւ Պատմութեան մասին։— Կայ մի ուրիշ պարագայ եւս, որով այս գիրքն արժանացել է մեր այս Քերթողի առանձին ուշադրութեանը։ Առաջարանի մէջ՝ «Նախադրութիւն շարադրութեանց գրոց աշխարհակալին»՝ նա յայտնում է, թէ «Աստուածազան խնդիր հարանց հոգեւորաց եւ համչիրակ համբակաց եւ համակամ եւ մշտաշարժ սիրով ստիպել է» իրեն «արտաճառել... զաշխարհակալ իմաստունն, որ տիպ եւ գաղափար եղեւ նշմարիտ երկնաւոր քաղաքին՝ եւ կուսածին Աստուծոյն մերոյ Յիսուսի Քրիստոսի»․ որովհետեւ թէպէտ եւ Արիւտոտէլը զրել է այն վիպասանութիւնը, «սակայն արդիւնքն շահաւէտ ոչ տըրամադրեցաւ ի տարմալուկ մտաց նորա», այսինքն նա իր պատմածները չի նմանեցրել Քրիստոսի տնօրինականներին, որ եւ ինքն այն անում է «յօգուտ ոմանց բանասիրաց»։ Վերջն աւելացնում է, թէ Ալեքսանդրի կեանքը պատմում է «յօգուտ եւ յօրինակ ամենայն թագաւորաց եւ իշխանաց... եւ քաջահմուտ արանց պատերազմողաց .դ. [=չորս] են արտադատմունք՝ գիտութիւն, արիւթիւն, համբաւ եւ դատաստան։ Այսպէս եւ ըստ այսմ օրինակի վայել է արքայից եւ զօրապետաց իմաստուն եւ հանճարեղս լինել... Իսկ արդար դատաստանաւ՝ որ է մասն քառից խոհեմութեանց ըստ իմաստնոյն Պլատոնի, որ գրեալ է ի Տիմէական արամարանութեանն որ իսկապէս ի սա տեսանի լաւարարտ յաջողութիւն առ ասացեալ իրացս յայտարարութիւնքն»։

Բերենք նախաբանի բուն մասը, որի մէջ բացատրում է, թէ ինչպէս Ալեքսանդրի կեանքը «տիպ եւ գաղափար» կամ պատկերն է Քրիստոսի կեանքի։ «Աստանօր նախաճառեմք զծնունդ նորա [=Ալեքսանդրի], որ եղեւ շարժմամբ եւ նշանօք՝ բերելով զնկարադրութիւն ապէսնիազն Աստուծոյն որ եղեւ ի Բիթղաճէմ աստեղն գուշակմամբ եւ գալստեամբ Արաբացոց։ Իսկ յաղթութեամբն խուժադուժ ազգաց՝ յայտ առնէ զյաղթութիւն Տեառն խաչիւ ի վերայ խաւարասէր իշխանին։ Նաեւ քաղտումն Ծուրայ եւ Ծայրանայ՝ զաւերման դժոխոց բերէ զյիշատակ։ Իսկ զըմպանակն մահաբեր արբեալ նմա՝ արտայայտէ զճաշակումն լեղւոյն եւ քացախոյն վասն յառաջաճաշակ պտղոյ նախաստեղծին։ Իսկ փայլակն որ անկաւ ի ծով եւ աստղն զոր վե-

<sup>1</sup> Աւանուած է Յ. Տաշեանի գրքից՝ «Ուսումնասիրութիւնք Ստոյն Կալիսթեսեայ, էջ 120։

բացոյց արծուին՝ ցուցանէ զաւանդումն հոգւոյ հղօրին՝ որ ի ծոց ծնողի նորա: Եւ զչանթն հրացեալ ի ջուր՝ աղղէր զնսեմանալ լուսաւորացն. իսկ շամանդաղն՝ զխաւարն աշխարհատարած, որ ընդ բռամբ ածեալ չօջափէր իբրեւ զհանգերձ: Նմանապէս ամօք կենաց նորա ԼԳ [=33]. նունքանիւ չափեալ զժամանակ՝ ելանելոյ յաշխարհէ Աստուածն բանի»: Վերջն աւելացնում է, թէ ամբողջ համեմատութիւնը լիովին կը գտնես պրքիս վերջում:

Գրեթէ բոլոր ձեռագիրներն ունին բարառնութիւններն անմիջապէս կից վերջաբանական մի հատուած, որի խորագիրն է. «Եթէ տմենայն կեանք վարուց յաղթութեան եւ արիութեան, նաեւ վախճանն նշանօք առ տէրն մեր, զոր բերեմք մարգարէութեամբ». կամ ըստ ուրիշ ձեռագրի՝ «Եթէ որպէս առ Տէրն մեր Յիսուս Քրիստոս վերաբերի Աղեքսանդրոս»: Սրանից մի կըտոր տպագրուած է:

Սաչատուրը ջանում է համոզել, որ եթէ Եւային խաբող թշնամու ասածը, «Կամ առ Մովսէսիւ օձն օրինակ եղեւ տեսնն չարչարանաց... նաեւ պոռնկիլն Ովսէի եւ մեղանչելն Դաւթի ունի տեսութիւն մարգարէութեան, նաեւ պատկերն Աթենայ, ապա ո՞րչափ եւս առաւել այլս այս սքանչելի Աղեքսանդրոս Մակեդոնացի տիպ եւ զաղափար եղեւ երկնակալ թագաւորին մերոյ Յիսուսի Քրիստոսի, զոր Աստուծով եւ Աստուած օգնական պարգեւօք յայտ առնեմք»: Այս բերում է 18 բաղդատութիւն Քրիստոսի եւ Ալեքսանդրի կեանքի: ԿաՓաներից մէկի վերջին տողերի մէջ էլ նա գրում է.

Գաջ առիւծ էր [Աղեքսանդր] հեծելի...

Կարողութեամբ Սամսոնի,

Եւ օրինակ էր Քրիստոսի:

Սաչատուր Կեչառեցու այդ վարմունքը, որի դէմ 19-րդ դարում անգամ ծառացել են Եւրոպայում նստած կաթոլիկ վարդապետները, հետաքրքիր է նախ այնու, թէ մինչեւ ո՞ւր է հասել մեղնում միջնադարեան սքոլաստիկ մտածողութիւնը. մեր վարդապետները քրիստոնէական Աստուծո մարդեղութեան, այսպէս ասած «տնօրինականների» սիմբոլիկ պատկերները տեսել են ոչ միայն Հին Կտակարանի մէջ, այլեւ Աղեքսանդրի Պատմութեան: Այդ մի շատ պայծառ իլլուստրացիա — լուսարանումն է այդ ուղղութեան, դրա համար եւ կանդ առանք այդ մասին: Բայց միայն այդքանը չէ Կեչառեցու գործի պատմական նշանակութիւնը, այլ զա միաժամանակ ցոյց է տալիս, որ նոյնիսկ սքոլաստիկ վարդապետն ազատախոհ է եղել: Նա, որ ծանօթ է Պլատոնի, գուցէ եւ ուրիշ փիլիսոփաների երկերին, առանց քաշուելու ազատ մեկնութիւններ է տալիս «հաւատով աշխատելով», այսինքն հաւատալով իր ասածների ճշմարտութեանը, չմտածելով անգամ, թէ դրանով պրոֆանացիայի — սրբապղծութեան է ենթարկում իր կրօնի խորհուրդները: Եւ այդ անում է նա «աստուածադան հոգեւոր հայրերի» ու «համչիբրակ համբակների» ինդերելով՝ «յօդուտ ոմանց բանասիրաց»: Այսպիսի

1 Տաշեան, Ուսումն. Ս. Կալ., էջ 87, 100—105, 115:

2 Պատմ. Աղեքս. Մակեդ. էջ 195, ծանօթութեան մէջ:

ազատամտութիւնն, ուրեմն, լոկ անհատական չէր, այլ յատուկ էր եղել որոշ մտաւորական խաւի:

Ամէնքը, հարկաւ, այդպէս չեն մտածելիս եղել: Կեչառեցիւն գիտէ, որ իրեն մեղադրողներ էլ կը լինեն այդ բանի համար. ուստի Ալեքսանդրի կեանքըն իրրեւ «տիպ եւ գաղափար» Քրիստոսի ներկայացնելուց յետոյ՝ «Յիշատակարանի» մէջ գրում է. «Եւ արդ զայս այսպէս համեմատեալ՝ մի՛ սողտանիմք յոմանց, զի զպատճառն վերագոյն ճառեցաք. այլ ընթեռնելով զսա յիշման արժանի լիցի ի ձէնջ Խաչատուր Կեչառեցիոյ. զի ի յարմարում սակաւ բանիցս եւ ի գրչութիւն գրոցս հաւատով աշխատեցայ. նաեւ զի [այլ ընթեռցուած՝ «նա՛ զի»] հեթանոսական գրեալքն անմիաբան են եւ անվայելուչ՝ ի վերոյ շաղկապեալ բանիւք որակացեալ, եւ ներքոյ լի սնտոի կարծեօք եւ խաբէութեամբ»:<sup>1</sup> Շատ հետաքրքիր է եւ այս յիշատակարանը: Որ այս, այսպիսինքն Ալեքսանդրի եւ Քրիստոսի կեանքն այսպէս համեմատեցի, — ասում է նա, դրա համար թող չմեղադրուեմ ոմանցից. որովհետեւ պատճառը վերելում յայտնեցի: — Իսկ վերելում ասել էր, թէ «աստուածազան հոգեւոր հայրերը» ստիպել են նրան այդ մեկնութիւնները գրելու: Դրանք երեւի Կեչառուքի միաբաններ են եղել: — Չմեղադրէք ինձ, — ասում է նա, — այլ, ընդհակառակն, — շարունակում է նա, — այս որ կարգաք, ինձ յիշման արժանի արէք. «Որովհետեւ սակաւ խօսքերս (այսինքն իր բաղդատութիւնները) յօրինելու եւ այս գիրքը (Ալեքսանդրի Պատմութիւնն) արտադրելու համար հաւատով նեղութիւն կրեցի, մանաւանդ որ հեթանոսական գրուածքները (Ալեքսանդրի Պատմութեան) «անմիաբան» են, իրար չըռնող, հակասական են եւ «անվայելուչ», անվայել, անյարմար են՝ դրսից կապակցուած խօսքերով սրակաւոր են, այսինքն գեղեցիկ են յօրինուած, եւ ներսից լի են սնտոի կարծիքներով ու խաբէութեամբ: Կը նշանակի՝ թէ եւ Կեչառեցիւն արել է իր 18 բաղդատութիւնները, բայց նա չի ընդունել ամէն ինչ, որ պատմուած է Սուտ-Կալիսթենէսի գրքի մէջ: «Ալեքսանդրի Պատմութեան» կարծ ու գեղեցիկ քննադատութիւնն ըստ ձեւի եւ ըստ բովանդակութեան՝ մի անհրաժեշտ հիմք է Կեչառեցու եւ իր պէս մտածողների զարդացման աստիճանը որոշելու համար: Նրանք այնքան էլ խիստ պարզամիտ եւ զիրաւաւոր չեն եղել, որ այն գրքի չաղիաղիանքներն ընդունէին: Հարկաւոր էր նրանցից գատել Ալեքսանդրի լաւագոյն բարեմասնութիւնները: Դրա համար ահա նեղութիւն է կրել Կեչառեցիւն իր մեկնութիւնն անելիս:

4. Կափասներն եւ այլ փերքուածները: — «Ալեքսանդրի Պատմութեան» համար յօրինուած կափաների մասին դեռ չեն կատարուած բաւարար բանասիրական աշխատանքներ, որոնցով պարզուած լինէին նրանց աղճատումները եւ որոշուած լինէր, թէ որո՞նք են Կեչառեցու գրածները, որոնք՝ Ֆրիկինը, Գրիգոր Ալթամարցունը, կամ ուրիշներինը: Երկու քառակի նոյնութիւնը Ֆրիկի բանքերի հետ՝ ցոյց կը տրուի ներքեւում: Բացի այդ՝ պէտք է նկատի ունենալ, որ Կեչառեցու գրուածքներից սակաւաթիւ պատառիկներ միայն կան տպագրուած. չեն հրատարակուած նրա այլ բանաստեղծութիւններն եւս: Ուստի հնարաւոր չէ այժմ առհասարակ լիովին լուծաբանել նրա քեր-

<sup>1</sup> Տաշեան, Ուսումն., էջ 88 եւ հտ.:

Թողական դէմքը, պարզել նաեւ, թէ նա ի՛նչպէս է մշակել իր ըստ բովանդակութեան նմանողական կաֆաները, որքա՛ն եւ ի՛նչպիսի ինքնուրոյնութիւն է մտցրել նրանց մէջ՝ համեմատութեամբ «Ալեքսանդրի Պատմութեան»։ Այդ պատճառով այստեղ կը բերենք նրա անուշով եղած երկերից բաւարար հատուածներ, որոնցից կ'երեւայ նրա արուեստը։

Նա յաճախ յօրինում է բարառնութեամբ (սիրոստպոյոյիս), այսինքն կամ խօսքն ուղղելով անխօս կամ վախճանուած հերոսներին, կամ նրանց բերանից խօսելով։ «Ալեքսանդրի Պատմութեան» այն հատուածի համար, որի մէջ պատմուած է Ալեքսանդրի ու Դարեհի ճակատամարտն եւ Դարեհի յաղթուելն ու փախչելը, տպագրուած կայ հետեւեալը․

Ձա՛յն արար, ձա՛յն արար,  
Փող քընարին ձայն արար...

Հաներ զթուրը քո ճօհար,  
Ի երիվարդ քո հեծար.

Ձամբոխդ ի հանդէս տարար,  
Զօրօք զօրավիդ եղար.

Ի Դարեհի հանդէպ հասար,  
Ճակատըն բոյր անցար.

Փոթորակի պէս խառնեցար,  
Արծըւարար դու բարձրացար։...

Ճակատ առ ճակատ եղեն,  
Խառնեցան յանդուզն ու ահագին,

Դիակօք զվայրըն լըցին.

Խաւարաւ արեւն ի յերկին։

Խառնամբոխ մեծ հանդիսին

Աղեքսանդրու եւ Դարեհիս,

Սուսերամերկ կարաւանիս

Աճապարեալք ռատի դընդիս.

Դիաթաւալ արեան ծովիս,

Ճախր եւ ճակատ ի մէջ դաշտիս.

Կէսք վա՛յ ասեն յասպարիսիս,

Կէսք վա՛յ ասեն յաջողակիս։

Դարեհ՛, դարձաւ ալամդ ի չար.

Բաղդրդ նենդեց քեզ չարաչար.

Դարձի՛ր ի հետ ՚ւ արա քեզ ճար.

Հա՛ն արտասուս անձրեաչար.

Բանդ ի վերուստ է անհընար,

Խափանեցաւ խորհուրդդ անկար։<sup>1</sup>

Եթէ Կեչառեցու այս վիպական յատկութիւններն մէջ առանձին չնորհք չի երեւում, ընդհակառակն, ազդու եւ ճաշակաւոր են նրա ողբերն ու բարո-

1 Սիսուան, Համարութիւն Հայկական Կիլիկիոյ եւ Լիւոն Մեծագործ, հաւաքեալ ի հ. Ղեւոնդեայ վ. Մ. Ալիշան, Վենետիկ. 1885, էջ 399, ծան. 1—400։



յախօսական կաֆաները հայրենի չափով եւ կենդանի խօսակցական լեզուով  
յօրինուած. սրանց մէջ խտացրած, սեղմ արտայայտուած է որեւէ իմաստա-  
լից միտք ըստ ժամանակի ոգու: Այսպէս, օրինակ, մի որոշ շնորհքով է ո-  
գուած Ալեքսանդրի մօր ողբն իր որդու մահուան համար.

Մա՛րք մանկադուռից, լացէ՛ք,  
Վա՛յ տուք ինձ թշուառականիս.  
Որ փառաց թափուր եղէ,  
Խաւարի աչեր ծնողիս.  
Արեւն իմ շուտով մըտաւ,  
Քաղեցաւ շունչս իմ ու հողիս.  
Ծառըս ծաղկաթափ եղէ,  
Անպըտուղ կամ ի յաշխարհիս.  
Ա՛յ իմ միամօր որդի,  
Աղեքսանդր հօր մեծ արքայ.  
Չեղէ արժանի տեսող,  
Վա՛յ մօրըս քո Ոլտմպիայ.  
Ոչ բան մի բերնէդ լուայ,  
Թէ սրտիս մէջըն կայ եարայ,  
Քո ցաւուդ ես դեղ առնէի,  
Կամ հէքիմ բերէի բեջարայ:<sup>1</sup>

Գեղեցիկ են եւ հետեւեալ իմաստական-ուսուցական քերթուածները.

Հիւանդին Աստուած է դեղ,  
Որ մահու եւ տէրն է կենաց.  
Զհաքիմըն սարաբ ասնն,  
Խեթքնուն է բանս ասուցած.  
Զոր եւ իմաստուն խօսիւք  
Գալինոս բազմաց վկայեաց.  
Հրամանն ի վերուստ պիտի,  
Որ աւգնէ բըժիշկըն գոված:

Միեւնոյն միտքն արտայայտուած է բախտի պատկերով եւս ըստ ժողո-  
վորդական հաւատալիքի.

Յորժամ չարին ի յետ քակի  
Ու ձըդէ ի յաչքըն խոլոր,  
Ոչ դաւըք եւ ոչ մալն աւգնէ,  
Ոչ հարիւր հազար ձիաւոր:

Ահա եւ խաբուսիկ բախտի դէմ զայրոյթը, կամ մարդուս անճարու-  
թիւնը յեղյեղուկ կեանքի եւ ապագայի անյայտութեան առաջ.

<sup>1</sup> Կ. Կոստանեանց, Գրիգորիս Աղթամարցի եւ իր տաղերը, յաւելուած Աղեք-  
սանդրի Պատմութեան տաղերը, Թիֆլիս, 1898, էջ 121 եւ հտ.: Այս քերթուածը հա-  
մարում եմ Կեչառեցունը ըստ ամենայն հաւանականութեան:

է՛ չարիս, ես քեզ ո՞նց աւտամ,  
Երբ չունիս զոք ոչ մաւտեւոր,  
Ոչ զավլ, ոչ երգում ունիս,  
Զի քո սիրալն է նենգաւոր...

Այս եւ նախորդ քառեակը կան նաեւ Ծրիկի «Ընդդէմ Ֆալաքին» բա-  
նաստեղծութեան մէջ<sup>1</sup> եւ հաւանօրէն այստեղից են անցել «Ալեքսանդրի  
Պատմութիւնը»:

Երբ չարին ու Ֆալաք են մի,  
Միացե՛ր, ես ո՞ւմ գանդատիմ.  
Այս իմ սընուցած ծառայք  
Զըթողին սակաւ մի հանգչիմ.  
Տօլվաթն ի քամի նըման,  
Որ յերկրէ յերկիր վտարիմ.  
Աստուած գիտէ թ' ուր մեռնիմ,  
Կամ ես ո՛ւմ ձեռօք տի թաղուիմ:<sup>2</sup>

Վերջին տողերը հմմտ. Ծրիկի հետեւեալ տողերի հետ.<sup>3</sup>

Ոչ գիտեմ թ' ուր մեռանիմ,  
Ոչ ոք չունիմ որ թաղէ զիս:

Կեչառեցին սիրում է երգել կեանքի ունայնութիւնը, ուրիշ քերթուած-  
ներէ մէջ՝ երբեմն բազմաթիւ տներով, որոնք դասաւորուած են այբբենա-  
կան կարգով ըստ իրենց սկզբի տառի: Այդպիսիներից է, օրինակ, «Այս  
կեանքս է երազ նման» տողով սկսուած չարքը,<sup>4</sup> որ լի է բարոյակրթական  
խրատներով. բերենք դրանից հետեւեալներն իբրեւ օրինակ.

Ճանապարհ անբիծ գնայ.  
Որ չտիրէ տանջանքն անվախճան.  
Մի՛ խաբիր սնոտի սիրով,  
Որ խաւար բերէ հողեկան:  
Յիմար գինին չէ՛ բարի,  
Նայ է ամեն մեղաց բանալի.  
Նրման ախոր մի՛ լինիր,  
Որ չափէ զքամին ի սարի:  
Շատ ապրելըն չէ պարծանք.  
Պատասխանն իրաւ կու պիտի, եւ այլն:<sup>5</sup>

1 Ծրիկ, Բանաստեղծութիւններ, Երեւան, 1941, էջ 218 եւ հտ.:

2 Յ. Տաշեան. Ուսումն. Ստ. Կալ. Վարուց Աղեքս. 119 եւ հտ. «Հիւանդին  
Աստուած է դեզ», նաեւ Կ. Կոստ., Գր. Աղթ., էջ 121:

3 Անդ., էջ 31. «Գեղեցիկ պատկերք ու հերձ տողով սկսուող բանքի մէջ:

4 Յիշում է Ալիշանը իր «Այրարատ» աշխատութեան մէջ, էջ 259 եւ հտն.  
Կեչառուքի եւ Կեչառեցու մասին գրելիս, բերելով այս առաջին տողը:

5 Անձամբ առնուած էր Հայտատանի Պետ. ձեռագրատան (Մատենադարան) 1447  
թուականին գրուած թիւ 8689 ձեռագրից, էջ 70: Սկզբից պակաս է, մի թերթ հանած

Այս տաղից տարրեր է նոյն սկիզբն ունեցող հետեւեալ գեղեցիկ քերթուածը մարգկային կեանքի ունայնութեան մասին.<sup>1</sup>

Այս կեանքս է յերազ նրման,  
Զինչ զարթնու՝ լինի փոշիման.  
Ի քուն զինքն իշխան գիտէ,  
Երբ զարթնու՝ աղքատ է 'ւ անբան.  
Թէ քաղցել է՝ հաց տեսնու,  
Լըրջանայ՝ կարօտ 'ւ անպիտան:  
Այսպէս Աղէքսանդր եղեւ,  
Որ մտաւ ի նեղ գերեզման:

Աշխարհի երերուն կեանքի պատկերն ու ոչնչութիւնն է երգել Կեչա-  
ռեցին նաեւ հետեւեալ սիրուն կաֆայով.<sup>2</sup>

Այս կեանքս է ի ծով նրման,<sup>3</sup>  
Որ մարդիկ ի ներս կու լողան.  
Մարմինս է ի նաւ նրման,  
Հոգիս է դանձ անմահական.  
Մխոքս է նաւավար ճարտար,  
Որ հանէ զցամաքն յերեւան.  
Աւա՛ղ թէ կոտորի այս նաւս,  
Մեք ի վար մընամք փոշիման:

Աշխարհիս ունայնութիւնն ու մահն է ողբում նա երազի եւ մեռնող  
հօր պատկերով ու խրատական բովանդակութեամբ նաեւ հետեւեալ անտիպ  
քերթուածի մէջ, որ բերում ենք ամբողջութեամբ.<sup>4</sup>

ՈՂԲ ԱՊԱՇԽԱՐԻԹԵԱՆ  
ԱՍԱՅԵԱՆ Ի ԽԱՍՆՈՒՐ ԿԵՉԱՌԵՑԻՈՅ

Եղբա՛ւք, ձեզ խըբատ մի տամ,  
Մի՛ կենաք դուք շատ խոր ի քուն.  
Զարթի՛ք եւ արթուն կացէք,  
Խիստ ի մօտ եմք յօրն ի մահուն:

Աշխարհս է յերազ նրման,  
Զինչ լինի մէկ մ' անուշ ի քուն.  
Եւ ի քուն լինելն ի ներս՝  
Գանձ գըտաւ անթիւ եւ անհուն.  
Խընդալուն ցընծայր ի սիրտն՝  
Եւ ուրախ էր գանձին սիրուն.

Լինելով. նոյնն այբբենական կտրգով սկզբից սկսած («Այս կեանքս է երազ նման») կոյ թիւ 7709 ձեռագրի մէջ, էջ 153 ա:

1 Կ. Կոտո. Պր. Աղթ., էջ 125. Տաշեան, Ուսումն., էջ 127, հեղինակը Կեչա-  
ռեցին է:

2 Կ. Կոտո., Աղթ., էջ 115, տե՛ս եւ Տաշեան, Ս. Կալ. Ուսումն., էջ 119 եւ հտ.:

3 Պետ. Ձեռագրատուն, թիւ 7039 ձեռ. էջ 156 ունի «Աշխարհըս է ի ծով  
նըման»:

4 Առնում եմ Պետ. Ձեռ. վերեւում յիշուած թիւ 8689 ձեռագրից, էջ 70 եւ  
հտ.:

Եւ հանց համարէր յիւր միտքն,  
 Թէ լինիմ իշխան մեծատուն:  
 Երբ որ ի քրնոյն զարթեալ  
 Եւ տեսաւ որ է՛ր սուտ ի քուն,  
 Յայնժամ փոշիման դարձաւ  
 Ի վերայ իւր շատ խնդալուն:<sup>1</sup>  
 Յորժամ հրամայէ Աստուած,  
 Որ խնդիր գան մարդուն հողոյն՝  
 Պահիկ մը դադար չի տան,  
 Որ տեսնու գորգիքն իւր սիրուն:  
 Ձաչերն ողորմուկ ածէ  
 Եւ նայի ի դէմ սիրելնուն.  
 Ի ճարկէ ճարակ ընկնի,  
 Ձի գըտնու հնար գերծանելուն.  
 Հառաչէ սըտէն ի վեր  
 Ու կոչէ գմայր տղեկներուն:  
 Ու հանց պատասխան տայ իւրն.  
 Որ նուազի ի խեղճ յասելուն:  
 «Քո կէս մարմընոյդ եմ ես,  
 Որ կ'անցնիմ ի ներքեւ հողուն:  
 Տըզա՛յք, ձեր ծընողքն եմ ես,  
 Որ կ'երթամ 'ւ այլ ոչ գամ ի տուն:  
 Հիմիկ դուք ձեզ պէտ արէք,  
 Թողէ՛ք զչարն գնացէք հետ բարուն:  
 Չարին ատեցող լերուք,  
 Որ չլինիք բաժին դեհենուն.  
 Բարեացըն սիրող լերուք,  
 Գործեցէք 'ւ արէք ձեզ անուն.  
 Գիտեմ՝ քանի որ ապրիք,  
 Վերջը մահ է ձեզի գալուն»:

Ձեռագիրների մէջ կան Պաշտուր Կեչառեցու անունով եւ ուրիշ բանաստեղծութիւններ, այսպէս, օրինակ՝ հետեւեալները հայրենի չափով. «Տաղ ի Պաշտուր Կեչառացուէ՛» Ես եմ կորուսեալ ոչխար, մոլորեալ ի սուրբ բա հօտէն»,<sup>2</sup> որ ունի կրօնական խրատական բովանդակութիւն, աղօթախառն: Նաեւ «Պաշտուր Կեչառեցւոյ տապ[եալ] տաղ ոգէշահ եւ պիտանի՝ Թէ մարդ ես եւ միտ ունիս՝ ես տամ ձեզ (քեզ) խրատ մի քանի»:<sup>3</sup>

Բացի այսպիսի ոգեշահ, խրատական քերթուածներից՝ գտնուում ենք նաեւ «Վարդ ու պիւլպիւլի» մի վէպ<sup>4</sup> նոյնիսկ խառն թուրքերէն տնով. «Ի

1 Վերջին 12 տողերը տե՛ս «Արարատ» ամսագիր, 1918, էջ 250, էջը Զրիկի:

2 Վերեւում յիշուած թիւ 8689 ձեռ., էջ 69 բ.:

3 Պետ. Ձեռագրատուն, թիւ 7709 ձեռ., էջ 149 բ. վերջին երկուսը յիշում է եւ Աւիշանը «Այրարատի» մէջ, էջ 259 եւ հտն.:

4 Պետ. Ձեռագրատուն, թիւ 1636 ձեռ., էջ 35 բ. աւելում եմ անձամբ:

Քաջատուր վարդապետէ ասացեալ Կեչառեցւէ»։ Սկսում է այսպէս. «Յոր-  
ժամ եղեւ դարուն, եկ պիւլպիւլն այգին. Տեսեալ ըզթուփ վարդին ունայն ի  
նըմին, Տըրամեցաւ դառնագին, Արտասուէր ուժգին. զի ոչ եզիտ անդէն  
ըզիւր սիրելին»։ [յաջորդում է մի թուրքերէն տուն. եւ շարունակութիւնը  
հայերէն]։ «Ասէ ցալեգործն. «Եղբա՛յր սիրելի, ո՞ւր է վարդըս պայծառ, զոր  
աստէն թողի. Միթէ տեսեալ ես դու. տուր պատասխանի, թէ ով տարաւ զնա  
արար զիս գերի», եւ այն։ Կասկածելի է, թէ այս տաղը Կեչառեցունը լինի։

5. «Բարառնութիւնք ի մահն Աղեփսամդրի»։— Մահեղոնացի աշխար-  
հակալի պատմութեան վերջում դրուած են Կեչառեցու չորս բարառնութիւն-  
ներ, որոնցից յետոյ գրեթէ բոլոր ձեռագիրներն մէջ կայ այս յիշատակա-  
րանը. «Որք լսէք զաղիողորմ բարառնութիւնս՝ զյարմարող սորա զՊաշա-  
տուր Կեչառուեցիս յիշեցէք ի Քրիստոս»։<sup>1</sup> Դրանից յետոյ կայ մի հինգերորդ  
բարառնութիւն եւս խրատական բովանդակութեամբ, որ ոչ անհիմն կերպով  
Կեչառեցունը չի համարուում։ Առաջին չորս բարառնութիւնները ողբեր են՝  
Ալեքսանդրի, նրա մօր, նրա կնոջ եւ նրա նախարարների բերանից ասուած։  
Իրանք մեր աշխարհիկ պերճախօսութեան լաւագոյն օրինակներից են, չորսն  
էլ իսկական դեղեցիկ յօրինուածքներ, որոնց մէջ փայլում է հեղինակի ճար-  
տասանական արուեստը։ Ի դուր չէ, որ Ստեփաննոս Օրբելեանը Կեչառեցուն  
անուանել է «անյաղթ հոռտոր շնորհօք ծաղկեալ», «հօգւով լցեալ», «զովա-  
բանեալ», այլեւ «շնորհագարդ»։ Լեզուն հին հայերէն (գրաբար) է, եւ ոչ թէ  
ժամանակի այն խօսակցական լեզուն, միջին հայերէնը, որով յօրինուած են  
Կեչառեցու կաֆաները։ Այն դարում միջին հայերէնը գործածում էին բանա-  
տեղծութեան համար, իսկ ճառեր եւ այլն յօրինում էին գրաբար, ինչպէս,  
օրինակ, Յովհաննէս Երզնկացին, որ մեծ յաջողութեամբ ե՛ւ գրաբար է գը-  
րում, ե՛ւ միջին հայերէն։ Նոյն յաջողութիւնն այս երկու լեզուի նկատմամբ  
ունի նաեւ Քաջատուր Կեչառեցին։

Բարառնութիւնների նիւթի համար՝ հեղինակը բնականաբար օգտուել  
է «Ալեքսանդրի Պատմութիւնից»։ Սրա թարգմանութիւնից աղբրուած է նաեւ  
լեզուի նկատմամբ, եւ այս շատ հասկանալի է, քանի որ նա շատ զբաղուել է  
այդ գրքով եւ կաֆաները յօրինելիս էլ նմանել է դրան։

Բարառնութիւնների մէջ գտնում ենք մի երկու հեթանոսական հաս-  
կացութիւններ եւ աստուածների յիշատակութիւն. բայց վերջինս ոչ իբրեւ  
մի ձեւ պատկերաւորութեան համար, ինչպէս յաճախ վարուել են կեղծ-դա-  
սական զրողները եւ նոյնիսկ մեր յայտնի բանաստեղծները։<sup>2</sup> Այդ մասամբ  
հետեւանք էր հին յունական դրականութեան ծանօթութեանը, որ սկսուել էր  
արդէն 11-րդ դարում։ Գրեթէ Մազիստրոսը շատ սիրում է այդ կիրառու-  
թիւնը, երբեմն «պերճանալու», այսինքն պարծանքով բան ծախելու նպա-

1 Յ. Տաշեան, Ուսումն. Ստ. Կալ., էջ 107։

2 Այսպէս, օրինակ, երբ Յովհ. Յովհաննիսեանը գրում է՝

Երբ մատաղ մուսա ժպիտն երեսին  
Առաջին անգամ ինձ երեւեցաւ,  
Նա գեղեցկութեան սիրոյ պատկերին  
Երկրպագելու ինձ պատուէր տուաւ։

տակով: Այսպիսի «պերճանքից», սակայն, հեռու է **Կեչառեցին**։ Նա մի երկու յոյն հեթանոսական անուններ մէջ է բերում սակաւաթիւ անդամներ, այն էլ մեծ մասամբ հետեւելով «Ալեքսանդրի Պատմութեանը»: Շատ բնական է հնչում, օրինակ, լսել Մակեդոնացի հերոսի կամ նրա մօր բերանից իրենց աստուածների անունները: Եւ այս բարձրացնում է մեր հոգեւորի հասկացութիւնն իր արուեստի մասին։ Նա ողբացողներին իրենց խօսքն ասել է տալիս իրենց դարին եւ հաւատալիքներին համեմատ, ինչպէս մեր օրով վարւում են պատմական վէպեր գրողները: Բացի այդ՝ «չնորհօք ծաղկեալ» հոգեւորը բարառութիւններից իւրաքանչիւրի մէջ մեծ հմտութեամբ գրել է նրանց աստղի վիճակին ու կեանքին համապատասխան բովանդակութիւն:

Առաջին բարառութեան մէջ Աղեքսանդրի բերանով մանրամասն նկարագրւած է ուժեղ, առողջ, բազմայտղթ երիտասարդի մահացման աղէտը «ի հիւանդութեանն իւրում ըմբռնեալ դեղով»: Նա իբրեւ զաւաճանութեան զոհ, թունաւորւած լինելով, կուում է մահուան դէմ: Կեչառեցին այնպէս չնորհալի է յօրինած, որ այդ նրա հոգեւարքը կարգալիտ՝ մարդ խղճում է նրան, այն դժբախտ հերոսին: «Զիարդ էի կամ յորպիսի հասի տառապանս», ասում է նա, որ կարծում էին, թէ Ամոնից կամ Արամազդից սերւած լինելով՝ անմահ պիտի լինէր, «եւ այժմ յիմարեալ՝ անճողպրելի ի մահուանէ», որ յաղթէ յաղթողաց»: Նա մտաբերում է իր արարքները՝ սկսած արբուն հասակից, եւ վերջը տուայտուած՝ ասում է. «Արդ որ այսքան հօր եւ յաղթական փառաց հասայ, արդ այժմ կա՞մ տարաբերեալ ծիմամբ կուհալօք ի մահիճս մենական եւ մահահրաւէր: Տեսալս իմ ցանկալի՝ սեւաւցեալ, թխացեալ քան զբարինս եթովպական. հասալս իմ պանծալի՝ գթութեալ ի վայելչայի պերճութեանց. պիւլիս իմ ընդգրկեալ ծնդեալ իբրեւ ըղհասի՝ որ հասանէ ի մանդաղս մահու. ճակատ իմ լիտլիբ եւ մաքուր՝ ծրարեալ եւ պատեալ ի վարչամակս դեղոց. աչերս իմ ծովածաւալ սպառնտնկատ եւ քաղցրահայեաց՝ կաշկանդեալ եւ խիեալ մածմամբ՝ իբր խորդանց եւ ջրջիկանաց. վարս եւ հեր գլխոյ իմոյ փետեալ ցամաքեալ իբր դմանուչակ վարնայնոյ յերիս աւուրս սպառելով»: Այսպէս եւ բերանն ու լեզուն, ձեռքերն ու մէջքը եւ ոտներն ինչպիսի են եղել եւ են: Նա, ինչպէս յաճախ անում են մեռնողները, վերջը մտաբերում է իր պատանութիւնը, եւր Ստադիրացու (Արիստոտէլի) մօտ ուսում էր առնում, փիլիսոփայութիւն սովորում, ամէն ինչի մասին խոկայով եւ գիտութիւնների ու արուեստների մէջ խորանայով. «յորժամ ծաւալէաք ի ծաղիկ բուրաստանաց իմաստութեանն, ի գիտութիւն դոյլից եւ ի ծանոթութիւն աստուածայնոց եւ մարդկային իրողութեանց... Իսկ այժմ յիմարեալ անասնաբար, ոչ կարել գիտել զգիտողն. բայց զայս միայն՝ զի բաղկացեալ ի քառլից տարեւոյց ի նոյն իսկ լուծանիմ. զի ինքն միայն է անմահ որ ամենից տիրէ»: — Ահա՛ հին հեթանոս իմաստասէրի եղբակացու թիւնը մարդու եւ նրա մահուան մասին. նա բաղկացած է չորս տարրներից, մահանալիս յուժւում է նոյն տարրներին: Զկայ նրա համար անմահութիւն. միայն ինքն Աստուած է անմահ:

Երկրորդ բարառութեան մէջ ողբագին խօսում է աշխարհակալի մայրը. «Լացէ՛ք դիս, մա՛րք մանկադունից միամօր զաւակաց... զի ողիս թեաւ եւ չունչս եւ արտաքս. իսկ մարմին թշուառականիս առասպելաբար

չըջի, դիակեր լինելով տատանեալ կենաց իմոց: Արեւն իմ էանց եւ սպառնաց լուսինն լրացեալ. սարք զօրու աստեղացն ինձ թօթափեցան, եւ խաւարեցան տեսարանս ի հայեցուածէ»: Նա մտաբերում է իր յղացումն Ամոնից, ըստ եգիպտական մարդարէի ասելուն. յիշում է իր որդու սխրագործութիւնները եւ աւելացնում. «Եւ ես կարծէի զիս մայր կայսեր եւ ինքնակայս աշտ մեռելոյ մայր... Մեռանիմ ընդ իմ մեռելոյդ. կորնչիմ ընդ կորուսելոյդ. նուաղիմ ընդ ոգեւարիդ...»: Սոր ցաւում է, որ որդին հեռացել է Մակեդոնիայից, եւ ինքն այլեւս չի տեսել նրան: «Մաղեցար իբր արուեսակ, եւ ցնդեցար նման մրրկի. գոչեցեր ամառք իբր առիւծ, եւ տկարացար զինչ սարդի ոստայն. ծաղկեցար իբր զգարուն, եւ խորշակահար եղեր թարչամեալ, որ բազումք յինչն դարձուրէին, աշտ ես ի բազմաց կորնչիմ»:

Նա կին է, որդեկորոյս մայր՝ զրկուած եւ անոք, եւ իրբեւ կին եւ մայր էլ վերջացնում է իր ողբը. «Ուրեմն յաղթեցին ինձ անէծք մօրն Դարեհի կամ ծնողին Պաւրոսի արքային հնդկաց, որ ես այս թշուառութեանս հանդիպեցայ»: Կատարուել է Ալեքսանդրի կողմից սպանուածների մայրերի անէծքը, որ առել են Ալեքսանդրի մօրը:

Շատ աւելի թշուառ է Ալեքսանդրի մանկամարդ կինը՝ Հոռօսիանէ Դարեհի դուստրը, որ սրտառուչ կերպով սղբում է իր հիքութիւնը երկու կողմից. «Դարեհ չէ ի միջի հայրն իմ հռչակաւոր, եւ Ալեքսանդրէ բարձաւ ի միջոյ... տուն եւ հօր իմոյ քայքայեալ ցրուեցան, եւ ապարանք առն իմոյ մեծապէս տատանեցան, իսկ ես հոսայ իրբեւ զջուր, կոխան կղէ իբրեւ զհող անպիտան... Ա՞յդպէս առես զիս յաւնիդ ի ձեռանէ հօր իմոյ, տէ՛ր իմ Ալեքսանդրէ, զի եւ աւուր միոյ տեսեան երեսաց քոց ոչ եղէ արժանի. արարեր զիս դշխոյ եւ թագուհի, եւ քոյին տոսկալի սիրոյդ ես ոչ կղէ արժանի. որբ էի ի ծնողաց, արդ այրի եղէ ի գլխոյ: Կարօտիմ մահճիդ, գիրկս արկանեմ տապանիդ, խոնարհիմ քս զարչապարիդ, յանձն առնեմ զոգիս քում ոգւոյդ»: Սա էլ իր ողբը հեծեծելով վերջացնում է իրբեւ հին արեւելեան թագաւորի մի ամուսին. «Զի որպէս հանդերձեալ ես յաստուածոցն խառնիյ երամս, այսպէս եւ զիս արա դերեզմանակից եւ մահակից. զի կին կայսեր ոչ պարա եւ պատշաճ է զուղել ընդ ումեք»:

Թողնում ենք նախարարների ողբն ու կոծը, որի ժամանակ խօսքերի փոխանակութիւն է լինում նրանց եւ Ալեքսանդրի միջեւ:

Սաչատուր Կեչառեցու գրիչը թռիչք ու թափ է առել այս ողբերը յօրինելիս: Մաղկալից ու չքեղ է նրա ոճը պատկերաւոր արտայայտութիւններով, միանգամայն եւ թեթեւ, պարզ ու յստակ: Նա կարողացել է թափանցել իր բարառութիւններն ասույների հոգեկան վիճակի մէջ եւ իր հոգով անց կացնելով նրանց զղացմունքը՝ տալ մեկ այն՝ նրանց վիճակի համապատասխան լիրիզմով: Երբեմն կարծես նա բանաստեղծութիւն է յօրինում երկատող աներով՝

Տուն հօր իմոյ քայքայեալ ցրուեցան,

Եւ ապարանք առն իմոյ մեծապէս տատանեցան...

Այսպէս վարուել են նշանաւոր հռետորները. եւ դրանով էլ մեծ ազդեցութիւն են գործել ունկնդիրների վրայ: Կեչառեցին էլ իր այս երկերով

Հանդիսանում է իբրեւ աչքի ընկնող մի հոետոր, եւ կարծում եմ, որ նա իբրեւ քերթող էլ աւելի պատուաւոր տեղ կը ընկնէր մեր հին գրականութեան մէջ, եթէ ունենայինք նրա բոլոր երկերը: Բայց եւ այնպէս նշանաւոր հոե-տորները միշտ նուազ բանաստեղծ են, քան ճարտասան:

Տե՛ս երկրորդ յաւելումը՝ «Բարառնութիւնների հեղինակը»:

## Ֆ Ր Ի Կ

1. Գրականութիւն:— Վերջերս շատ խօսուեց, թէ Յրիկի նման բա-նաստեղծ ենք ունեցել եւ չենք տպագրել նրա երկերը, եւ նոյնիսկ իբր դիտ-մամբ թարգրել են այն, եւ Յրիկն անյայտ է մնացել: Մինչդեռ իրականու-թիւնն այն է, որ այս բանաստեղծը շատ լաւ ծանօթ է եղել հայոց հին դրա-կանութեամբ հետաքրքրուող ու պարագող մարդկանց: Սկսած 1513 թուա-կանից, «մեղապարտ Յակոբի» տաղարունից, Յրիկի այս կամ այն քեր-թումները գտնուում են զանազան ժողովածուների կամ պարբերական հրա-տարակութիւնների մէջ: Դեռ 1876 թ. Երուսաղէմի հայոց վանքի «Սիօն» լրագրի մէջ տպագրուած են սոցիալական խնդիրների տեսուկէտով կարեւոր քերթումները՝ «Վասն թալեհի եւ բրջի» եւ «Ընդդէմ Ֆալաքի» («է՛յ չարի, երբ ծոխ մարդոյն»): Տիրիսում 1882 թ. տպուած է վարդապետ Տեւկանցի շատ ծանօթ «Հայերը» ժողովածուն, որի մէջ եւ Յրիկի նշանաւոր «Գանգա-տը»՝ «Աստուած արգար եւ յիրաւի», այլեւ ուրիշ երեք բանաստեղծու-թիւնները: Յրիկից հրատարակութիւններ են եղել եւ յետոյ՝ 1885, 1896, 1905 թուականներին, ինչպէս եւ 1912 թ. «Հայ էջեր» ժողովածուի մէջ՝ վեց քերթում: Տպուել են եւ թարգմանութիւններ Յրիկից՝ Փրանսերէն եւ ռու-սերէն լեզուով եւ քննադատական յօդուածներ կամ ակնարկներ նրա մասին: Արդարեւ չունենք Յրիկի բոլոր կամ ստուար թուով տաղերի հրատարակու-թիւն մի գրքի մէջ, բայց միայն այս սիրուած ու ժողովրդական բանաստեղ-ծի քերթումները չեն եղել այդպիսի վիճակի մէջ: Պատճառն այն է, որ առկա մարդիկ մեղմում հնարաւորութիւն են ունեցել մեր հին գրականու-թեամբ պարագելու, եւ աւելի եւս քչերը միջոց են ունեցել ձեռագիրները պրպտելու, նրանցից ժողովելու այս կամ այն բանաստեղծի երկերը եւ տը-պագրել տալու: Չպիտի մոռանալ եւ այն, որ դրանք ցրուած են ձեռագիրների մէջ, որոնք գտնուում են այլ եւ այլ մատենադարաններում, այն էլ աշխարհի զանազան կողմերում: Մեր մի շարք հին հեղինակները դեռ սպասում են ի-րենց երկերի հրատարակութեանն եւ ուսումնասիրութեանը. Յրիկն այդ նը-կատմամբ տւելի բախտաւոր է եղել. նրա մասին խօսուել է եւ դասախօսու-թիւնների մէջ:<sup>1</sup>

1 Տողերիս գրողն էլ նրա մասին խօսել է թբիլիսիում, Հայ Գրողների Կով-կասեան Ընկերութեան հրաւերով 1916 թ. արած դասախօսութեան ժամանակ՝ «Ընդհա-նուր տեսութիւն հայոց հին բանաստեղծութեան», որ եւ յաջորդ տարում տպագրուել է թբիլիսիում: Նոյն դասախօսութիւնը նա կատարել է նաեւ Բաքու քաղաքում: Նա 1917 թ. գարնանը, դարձեալ Հայ Գրողների Ընկերութեան հրաւերով, դասախօսել է թբից լիսիում «Հայոց միջնադարեան առակները եւ սոցիալական յարաբերութիւնը նրան-մէջ», որ եւ յետոյ տպագրուել է Երեւանում: Այս դասախօսութեան ժամանակ խօսուել է եւ Յրիկի մասին:



Այսպիսի գրութեան մէջ էր, եթէ կարելի է այսպէս ասել, «Ֆրիկտ-գիտութիւնը», երբ 1918 թ. էջմիածնի «Արարատ» ամսագրի մէջ լոյս տեսաւ մի յօդուած՝ «Մոռացուած մի հայ երգիչ» վերնագրով:<sup>1</sup> «Մոռացուածը» բնաւ մոռացուած չէր. ինքը հեղինակն իր յօդուածի մէջ բաւական մանրամասն բերել է, ինչ որ իր գրութեանը հետոյ տպուած է եղել Ֆրիկից եւ սրա մասին:<sup>2</sup> Այդ յօդուածը մի ուսումնասիրութիւն էր Ֆրիկի եւ առանձնապէս նրա ապրած ժամանակի մասին. դա պիտի լինէր առաջաբան այն հրատարակութեան, որ ձեռնարկել էր հեղինակը: Նա էջմիածնի, Օքսֆորդի, Լոնդոնի, Պարիզի, Վիեննայի, Երուսաղէմի, Կոստանդնուպոլսի (Անտոնեան) մատենադարանների ձեռագիրներից հաւաքել էր Ֆրիկի երկերն իրենց այլ ընթերցումներով հանդերձ եւ պատրաստել տպագրութեան եւ սկսել էր նոյնիսկ տպագրել, բայց իրենց անկախ պատճառով գլուխ չեկաւ այդ գործը: Հետագայում եւս 1927 թ. փորձ եղաւ հեղինակի թոյլ տուութեամբ Երեւանում տպագրելու նրա ժողովածուն իր առաջաբանով հանդերձ, բայց դարձեալ անկատար մնաց այդ: Վերջապէս նրա ժողովածուն լոյս տեսաւ 1941 թ., բայց յայտնի չէ, թէ արդեօք ժողովածուի իրեն տպագրութեան համար պատրաստած գործի՞ց, թէ՞ սրա նախնականից:<sup>3</sup>

2. Կենսագրութիւն:— Ֆրիկի կենսագրութեան միակ աղբիւրը նրա բանաստեղծութիւններն են: Նրա երկերի լեզուն միջին հայերէնն է, բայց նա լեզուի հետ բաւական աղատ է վարում: Նրա գործածած բազմաթիւ խօսքի դարձուածներն ու լեզուական ձեւերը նկատի ունենալով՝ հաւանական է ենթադրել, որ նա եղել է Արեւելեան Հայաստանից, կամ ապրել ու գործել է աւելի ափսոսել, բայց ոչ թէ առանձնապէս Սիւնիքում, կամ Կիլիկիայում, ինչպէս կարծել են:

Կարելի է որոշել նրա մի քանի բանքերի գրութեան տարիները եւ սըրանցով՝ դրանց հեղինակի ծննդեան եւ մահուան թուականները՝ մօտաւոր հաշուով: Նա ծնուել է թաթարաց արչաւանքի սկղբներում, չուրջ 1236 թուականին, «Ընդդէմ Փալաքին» քերթուածը յօրինել է ոչ առաջ քան 1286 թուականը եւ հաւանօրէն հէնց այս թուականին. «Վասն Արղուն դանին եւ Բուղային» երկը յօրինուած է 1289 թուականից ոչ առաջ, ամենայն հաւանականութեամբ, հէնց այս թուականին, իսկ «Գանդատ» քերթուածը՝ հաւատարի 1295 թուականին: Այս վերջին քերթուածը յօրինելուց յետոյ՝ դեռ նա

1 «Արարատ» ամսագիր, էջմիածին, 1918, էջ 64—83, 171—203, «Մոռացուած մի հայ երգիչ», Տիրոյր եպիսկոպոսի: Այս յօդուածի մէջ կան չհասկացած կամ սխալ հասկացած կտորներից հանած եզրակացութիւններ, «վարկածներ», որոնց մասին չենք խօսիլ, դի բոլորովին անարժէք են: Բայց մնացածով մի կարեւոր գործ է դա, եւ այստեղ նկատի ունենք այդ:

2 Դրանից օգտուել ենք վերեւում: Աւելի մանրամասնութիւն ձեռք բերել ցանկացողը կարող է դիմել յօդուածին:

3 Ֆրիկ, Բանաստեղծութիւններ, ժողովածուն՝ համեմատութիւններով, ծանօթագրութիւններով եւ բառարանով. կազմեցին Ֆիլ. գիտ. թեկնածու Մ. Միրեան եւ Ե. Թորոսեան, խմբագրութեամբ Յ. Մելիքեանի, Մ. Միրեանի, Հ. Սիրասի, Արմֆանի հրատարակչութիւն, Երեւան, 1941: Այս հրատարակութիւնը, ցաւօք, անկրիտիկա—անքննադատ է, և վրիպակներով, թերի բառարանով, առանց բացատրական ծանօթութիւնների:

ապրել է շատ տարիներ եւ հասել է լի ծերութեան եւ վախճանուել է 14-րդ դարի առաջին կամ երկրորդ տասնամեակին:

Այս թուականների մասին տե՛ս «Երրորդ յաւելում», «Փրիկի կենսագրութեան շուրջը»:

Զի հիմնաւորուած այն կարծիքը, թէ «Փրիկ» անունը բանաստեղծի իսկական անունը չէ, այլ «բանաստեղծական անունը» կամ կեղծ անունը: Այդ պարզապէս մի անձնանուան նուագական ձեւ է, թերեւս, ինչպէս կարծել են, Փրեդերիկ անուան: Դ. Ալիշանը<sup>1</sup> գրում է. «Բարակ զգացման եւ ուղիղ մտաց տէր, նաեւ ճարտար տաղաչափ պէսպէս վանկերով՝ նորանուն քերդող մը կայ՝ Փրիկ, որդի Թադվոչի եղբորորդի Դոդոնայի, որուն ժամանակն որոշակի յայտ չէ, բայց այս (ԺԵ) դարէս ետք այլ չէ. գրուածքն բարոյական խրատք են, սակայն սրտով սպիռած»: Պակաս «նորանուն» չեն Փրիկի հայրն ու հօրեղբայրը, որոնց մասին ոչ մի տեղեկութիւն չի հաղորդել Ալիշանը, եւ ուրիշներն էլ չեն դառել ցայժմ:

Փրիկն իր տաղերի մէջ ընդհանրապէս յիշել է իր անունը, եւ տաղերի վերնագրերի մէջ էլ սովորաբար կայ Փրիկ անունը. բայց չնայելով դրան՝ որոշ չափով անորոշութիւն կայ այս կամ այն ոտանաւորների հեղինակի վերաբերմամբ, որովհետեւ մի վատ սովորութիւն է եղել հեղինակի անուան փոխանակ ուրիշ անուն դնելու: Դրա դէմ բողոքելով իր մի քերթուածի<sup>2</sup> վերջում գրում է մեր բանաստեղծը.

Ով զիմ անուննս խափանէ,

Զիւրըն գըրէ պարծենալոյ.

Աստէսն չառնէ ինքն թողութիւն,

Անդէն զըրկի ինքն ի բարոյ:

Կարեւորն այն չէ, թէ Փրիկն աշխարհակամ է եղել<sup>3</sup>, այն էլ, ինչպէս

1 Դ. Մ. Ալիշան, Յուշիկք հայրենեաց, հատ. Բ., Վենետիկ, 1870, էջ 125. «Ազգային վիպասանութիւն» յօդուածի մէջ:

2 «Արարատ», 1918, էջ 76. տես՝ Փրիկի «Բանաստեղծութիւնները», էջ 95. «Նորին Փրիկան ասացեալ», «Ի՛նչ անօրէն եւ անառակ» քերթուածը:

3 «Փրիկը եղել է աշխարհակամ. այդ մասին ինքը հեղինակը մի քանի յիշատակութիւններ է արել իր բանաստեղծութիւնների վերնագրերում. այսպէս, օրինակ՝ մի վերնագիր. «Այլ տաղ վառն բարեգործութեան մարդկան ի Փրիկէ աշխարհակամէ ասացեալ». կամ մի ուրիշը. «Փրիկ ճարտար աշխարհականէ» (Փրիկ, Բանաստ. Մ. Մկրտեան, էջ 9):

Փրիկի աշխարհական լինելու մասին էլ առաջին անգամ գրուած է Տերայր եպս.-ի շատ անգամ յիշուած յօդուածի մէջ: Նա իր կարծիքը հիմնաւորել է վերեւում բերուած առաջին վերնագրի վրայ, որ այդպէս կայ այդ տաղի հինգ ձեռագիր օրինակներից միայն մէկի մէջ կարմրագեղով գրուած, «այժմ եղծուած, հազիւ ընթեռնելի»: Բայց այս յօդուածագիրը չի նկատել, որ այնտեղ գրուած է ոչ թէ «ի Փրիկէ», այլ «ի Ֆրիկէ»: Այսպէս է տպուած նաեւ Փրիկի Բանաստ. էջ 89 նոյն քերթուածի («Իմ սիրտ, վատին մի՛ լսել») այլ ընթերցողների մէջ: Երկրորդ վերնագիրն էլ, որ բերել է Մ. Մկրտեանը, դարձեալ այդ տաղի չորս թէ հինգ ձեռագիրներից մէկի մէջ միայն կայ այդպէս: Տե՛ս Փրիկ, Բանաստ., էջ 95, «Ի՛նչ անօրէն եւ անառակ» քերթուածի այլ ընթերցողների մէջ: Սակայն սրա համար էլ պէտք է նկատեմ, որ Հայաստանի Պետական Թանգարանի Համար 383 ձեռագրից (որից առնուած է տպուած քերթուածը) եւ 1926 թ. արտագրած ունիմ այսպէս. «Եր. 272. վերնագիր»՝ «Փրիկ ճարտար աշխարհականէ»: Շատ պարզ երեւում է, որ այս երկրորդ «վերնագիր» ասածը ոչ թէ հեղինակի

ենթադրել են, անդրադէտ եւ անուս, այլ թէ նա ուսում է ստացել, ե՛րբ է մտել արդեօք հոգեւորական դասի մէջ եւ բանաստեղծութիւնները կեանքի ո՛ր շրջանում եւ ի՛նչպէս է յօրինել: Նա իր համար գրում է.<sup>1</sup>

Յիմ հօրէն զայս լսեցի,  
Թէ Քրիստոսի ըզբեզ կուտամ:

Այս ցոյց է տալիս, որ հայրն ուղեցել է որդուն հոգեւորական կոչմանը նուիրել: Այսպիսի դէպքում նրան մանկական հասակից արդէն, ըստ ժամանակի սովորութեան, պիտի սկսէին կրօնական կրթութիւն տալ, ուրեմն եւ գրապիտութիւն սովորեցնել: Մի տեղ<sup>2</sup> նա գրել է.

Ի մանկութենէ ի վեր  
Զիս ուսման խոցըն կու մաշէ:

Այս էլ նշանակում է, որ նա մանկութիւնից սկսած սիրել է ուսումը, եւ պարապել դրանով: Եւ իսկապէս, նրա բանաստեղծութիւններից տեսնում ենք, որ նա մեծ ծանօթութիւն ունի Ս. Գրքի եւ առհասարակ կրօնական խնդիրներին. մեծ հմտութիւն Աւետարանին, տալիս է Ս. Գրքի բովանդակութեան համեմատ խրատներ, ծանօթ է նաեւ ուրիշ երկերի, ինչպէս՝ Եփրեմի ճառեր, Վարդ սրբոց. շարադրում է դաւանաբանական քերթուածներ, աղօթելով հանդերձ, կամ Քրիստոսի տնօրինականքի պատմութեամբ: Եւ, վերջապէս, նա մէկ մէկ յօրինում է եւ գրաբար լեզուով, յաճախ կրօնական երկերի մէջ ընդունուած սովորական դարձուածներով ու պատկերներով եւ բանաձեւերով, ինչպէս եւ բազմաթիւ ակնարկներով, որոնք վերաբերում են եկեղեցու ընդունած հաւատի խնդիրներին: Կարելի չէ ասել, թէ այսպիսի գրուածքներն անուս մարդու են, եւ կամ թէ այդ ամէնը նա իւրացրել է եկեղեցում ժամերդութեան ժամանակ՝ ընթերցուածները լսելով կամ այլուր ուրիշների կարդացածներին ունկնդիր լինելով: Նա ինքը կարդացել է: Երբ նա գրում է.<sup>3</sup>

Անալի դարձել եմ ի միտս ու անհամ,  
Ո՛չ առնում ըզդըրոց ճաշակ եւ ըզհամ,—

այդ ապացոյց է, որ նա առաջ գրքեր կարդացել է եւ վայելել նրանց

գրածն է, այլ մի ուրիշ մարդու, որ դրանով ուղեցել է իր իմացած տեղեկութիւնը տալ բանաստեղծի մասին: Ապա՝ այն հանգամանքը, որ «աշխարհական» յիշատակութիւնը չորս-հինգ ձեռագիրներից միայն մէկի մէջ կայ, եւ որ երկու դէպքում էլ «Յրիկ» է գրուած, դեռ քննելի է դարձնում այդ երկու «վերնագիրները», թէ արդեօք հեղինակն է այդպէս գրել իր համար, որ կասկածելի է: Ապա դարձեալ՝ «աշխարհական» բառը ես միայն բերուած երկու ձեռագիրների մէջ գրուած գիտեմ, եւ ոչ թէ «մի քանի», ինչպէս գրել է «Յրիկի Բանաստեղծութիւնը» առաջաբանի հեղինակը:

1 Յրիկ, Բանաստ., էջ 63. «Յիսուս անուն յիս դթացոր» քերթուածի մէջ:

2 «Արարատ» ամսագիր, 1918, էջ 78. յիշուած յօդուածի մէջ: Զի առում, թէ ո՛ր բանքից է առնուած այդ երկու տողերը: Ըստ երեւոյթին՝ իրաւր ե իսկոպոսի ժողովածուն ամբողջապէս չի տպագրուած:

3 Բանաստեղծութիւններ, էջ 206. «Փափագել եմ ի ջուրն» քերթուածի մէջ:

Համ ու հոտը: Այս ամէնով հանդերձ՝ նրա երկերը չեն կրում հին քերթողական ուսման դրոշմ. պարզ երեւում է, որ նա չի առել վարդապետարանների մէջ ընդունուած իմաստասիրական ու հոետորական եւ սքոլաստիկ աստուածաբանական-մեկնաբանական ուսումնի իր նրբամտութիւններով: Դրա համար եւ, ինչպէս երեւում է, չեն հաւատացել, թէ նա կարողանար այնպիսի բաներ յորինել. ուստի նա ստիպուած է եղել գրելու.<sup>1</sup>

Տէր կենդանի է եւ օրհնեալ,  
Որ չէ ալոց բանքս ասացած,  
Զինչ ըզծաղիկ եմ ժողովել,  
Քան զմարգրիտ պայծառ շարած:  
Թէպէտ յերկար բան կու խաւսի,  
Ֆրրիկն ասել է ի մըտաց:

Ուրիշ տեղեր նա իր բանքեր յորինելու շնորհքն Աստուծուց է համարում. օրինակ, նա ասում է.<sup>2</sup>

Գոհանամք յողորմածէն...  
Որ զանարժանս արժանացոյց,  
Որ հանց գօհար բան ի շար կու գայ:

Երեւում է, որ ծաղրել են նրա պարզաբան գրութեանքերը, մանաւանդ այնպիսի կրօնականները՝ «Բան մեկնութեան», «Ասացուածք ի տնօրէնութիւն փրկչին»<sup>3</sup>, ասելով թէ նա ի՞նչ գիտէ, ե՞րբ է ուսում առել, որ այդպիսի բաներ է յորինում: Դրա համար եւ նա շատ նուրբ կերպով հեղնում է այնպիսիներին իր «ի ծնունդ սուրբ կուսին» քերթուածի մէջ:<sup>4</sup>

Ֆրիկն ի՞նչ հող է կամ մոխիր,  
Որ հանց գօհար բան շարէ նա.  
Ոչ է ծառայ վարդապետի,  
Ոչ կարդացել է օր մի նա.  
Ոչ է հօրէ առեալ միրաթ,  
Ոչ Աստուծոյ տուած նորա,  
Նա ե՞րբ կարէ հանց բան ասել,  
Ով որ կարդայ՝ օրհնէ ըղնա:

Այս տողերը սխալ բացատրելով<sup>5</sup> եզրակացրել են, թէ Ֆրիկն իբր էի

1 Ֆրիկ, Բանաստ., էջ 78. «Երբ քեզ խրատ էր պատրաստած» տողով սկսուած մեծ բանաստեղծութեան մէջ, բովանդակութիւնը գրքից է առած:

2 Անդ., էջ 50:

3 Ֆրիկ, Բանաստ., էջ 127, 150:

4 Անդ., էջ 126:

5 Բնագրի մէջ տպուած է «թէ», առնում եմ ըստ իմաստին այլ ընթերցուածը «ոչ»: Ապա յաջորդ տողի սկզբի «այս» բառն ուղղում եմ «ոչ» ըստ ամբողջի իմաստին. այլ տպէս անկապ եւ անմիտ է մնում դրա յաջորդ տողը: Եթէ «այս», այսինքն շնորհքն Աստուծուց է տրուած, ապա այլեւս կարելի չէր գրել, թէ «նա ե՞րբ կարէ հանց բան ասել»:

6 «Արարատ», 1918, էջ 78 եւ հտ., բայց յօդուածագիրն այս տողերի մէջ հեղ. նութիւն տեսնելով հանդերձ՝ տալիս է այդ սխալ բացատրութիւնը:

ծառայել վարդապետի, հետեւաբար ուսում չի առել, նա մի օր էլ չի կարողացել, հետեւաբար եւ անդրադառնալ է եղել. իբր հայրն էլ միջոց չի ունեցել, որ իր որդուն «գարոց տար ու կարդացնէր»։ Այդ տողերը, սակայն, հեղինակեամբ են ասուած. պէտք է հակառակ իմաստով հասկանալ։ Ժողովրդական լեզուի մէջ շատ յաճախ հաստատական ու դրական խօսքերն ասուած են բացասական ու հարցական ձեւով։ Այսպէս՝ բանաստեղծը երբ ասում է՝ «Ֆրիկն ի՞նչ հող է կամ մոխիր», նա ոչ թէ իրեն նուաստացնում է իրօք ինչպէս ուրիշ դէպքում,<sup>1</sup> այլ հեգնելով պատասխանում իրեն բամբասողներին՝ ստելով իսկապէս, թէ Ֆրիկը հող ու մոխիր հո՛ւ չէ, նա կարող է դո՛ւ հար բաներ շարել. նա ուսում է առել վարդապետի մօտ, շատ կարդացել է, հօրից էլ միրաթ — կրթութիւն<sup>2</sup> է ստացել, Աստուած էլ շնորհք է տուել նրան. հետեւաբար նա կարող էր այնպիսի «բան» յօրինել, որ ով կարդայ՝ օրհնի նրան։

Ուշադիր պիտի լինել, որ խնդիրն այստեղ սովորական գրել-կարդալու կամ ուսում առնելու մասին չէ, այլ գեղեցիկ ոտանաւորներ, այն էլ ըստ ձեւի եւ ըստ բովանդակութեան «գոհար բաներ» յօրինելու։ Այս բանաստեղծական շնորհքը նա, հարկաւ, վարդապետների մօտ չէր սովորել, եւ չէր էլ կարող նրանցից սովորել այն, որ բնատուր էր։ Բայց այդպէս չէին հասկանում այն ժամանակի սքոլաստիկները. նրանք կարծում էին, թէ այն էլ պէտք էր դարձնում — վարդապետարանում ուսած լինել։

Ժամանակակից բանաստեղծ Կոստանդին Ներզիսացին իր մի քերթուածի սկզբում գրում է. «Ոմանք շարախօսեն զինչն վասն նախանձու, թէ որպէս խօսի սա աշպիսի բան [խօսքը ոտանաւորների մասին է], զի վարդապետի չէ աշակերտութե», եւ ապա՝ բացատրում է. «ա՛յլ է աշակերտներին աշխատիին եւ այլ է շնորհքն ի հոգւոյն»։ Եւ ինքը բանաստեղծը պատմում է, թէ երբ տասնութինգ տարեկան ժամանակ վանքում ուսում առնելիս է եղել («ի վանքն յուսումն էի»), իր մէջ զգացել է բանաստեղծելու «աստուածատուր» շնորհքը։ Այսպէս եւ Ֆրիկը, որ հպարտ է իր «գոհար բաներով», անպայման ուսում առել է որեւէ վանքում կամ մի քահանայի մօտ, բայց յօրինել է բնատուր շնորհքով, որ «Աստուած տուած նորա»։

Նա յօրինել է բազմաթիւ «հայերէն բաներ», երաժշտական անսխալ ուղիւմ, որ ապացոյց է, թէ նրա շնորհքներից մէկն էլ եղել է երաժշտական զգացումը։ Նա հաւասար աջողութեամբ եւ գրեթէ հաւասար թուով ոտանաւորներ է յօրինել մեր երկու շատ ուղիւմ չափերով — «հայերէնի կարգով», որ է՝ 2+3+2||3+2+3 ոտքերով տողերը, եւ 4+4 յամբական տողերով. մի երեք բանն էլ ունի 3+3+2+3 պարզ ոտքերով։ Այստեղ կարեւոր չի այս ոտանաւորների մասին մանրամասնել<sup>3</sup>, միայն պիտի ասել, որ

1 Ֆրիկ. Բանաստ., էջ 119. «Բան պիտոսնի եւ լաւ՝ բանաստեղծութեան մէջ՝ «Ֆրիկն ի՞նչ հող է եւ մոխիր, որ այս բարոյս նա ցանկացու»։

2 «Միրաթ» բառն այսպէս «կրթութիւն» է բացատրուած («Արարատ», 1918, էջ 79)։

3 Այս չափերը մանրամասն ուսումնասիրուած են սրա հեղինակի մի ուրիշ աշխատութեան մէջ. «Հայոց լեզուի տողաշափութիւն, ուսումնասիրեց պրոֆ դ-ր Մ. Արեղեան, Երեւան, 1933, էջ 267—275» «Հայերէնի կարգ», էջ 198—209՝ «Յամբական ոտանաւորներ բարդ ոտքերով» եւ էջ 240—241՝ «Անապետեան 11-վանկանի, երրորդ ոտքը յամբ»։

Հայերէնի չափի մասին տե՛ս տաճնադէս Մ. Արեղեանի «Հին դուստնական

կան ազնապետներ, բառեր ետ ու առաջ ընկած, որով խանդարուած են չափերը:

Թէ բանաստեղծը միաժամանակ եւ երգիչ է եղել թէ չէ՝ այդ չգիտենք. մէկ քերթուածի վերնագրի մէջ կայ «երգիչ» բառը՝ «Վասն թալեհի եւ բրջի ի Ֆրիկ երգչէ»․ մէջին, սակայն, չի յիշուած Ֆրիկ անունը: Իսկ վերնագիրները համար չենք կարող ապահովապէս ասել, թէ հեղինակից են ծագում: Մի քանիսի վերնագիրներն են «Տաղ» կամ «Այլ տաղ Ֆրիկանն ասացեալ»: Աւելի դործածուած է՝ «Նորին Ֆրիկանն ասացեալ բառ...», կամ լոկ «Նորին Ֆրիկանն ասացեալ»: Այս «ասել» բայը չպիտի շփոթուի մէջ ձգի. դա դործածուած է «յօրինելու» իմաստով նոյնիսկ պատմութեան համար, օրինակ՝ «Հայոց պատմութիւն ասացեալ Մովսիսի Պորենացուց»:

Ֆրիկն իր «բաները» կամ «բանքերը», ինչպէս աւելի յարմար է կիրառել աշխարհագրութեամբ (սոյն բառը դործածուած է նաեւ որոշ բարբառների մէջ «բանք» կամ «բանս», նաեւ «բան» ձեւով) յօրինել է կարգալու համար եւ անձամբ գրելով: Այդ երեւում է նրանից, որ յօրինելու ժամանակ իր քերթուածն անուանում է «բան» եւ յետոյ դրա մասին գրում է՝ «ով որ կարգայ...», կամ «որ երբ կարգայ...»: Այսպէս, օրինակ, վերեւում բերուած վերջին ցիտատի մէջ: Մի ուրիշ քերթուածի մէջ եւս՝

Ով կարգայ զայս բաներս 'ւ ինքըն զմբաղի...

Թէ քննէք զայս բաներս ի միտ 'ւ ի հոգի...

Եւ ուսիք, որ կարգայք ի մէջ ժողովի...<sup>1</sup>

Երբ բանաստեղծն իր երկը յօրինելիս խօսում է դրա կարգալու մասին, կը նշանակի նա յօրինում է գրելով: Ոչ մի հիմք չկայ կարծելու, թէ Ֆրիկը բերանացի յօրինելիս լինէր եւ յօրինելիս թելադրած լինէր մէկին, որ գրէր. կամ բերանացի յօրինէր եւ իրար նման եւ այնքան մեծ ու երկայն բանաստեղծութիւնները անչիփոք միտը պահէր եւ յետոյ մէկին թելադրէր, որ գրէր: Այդ հնարաւոր է միայն կարճ բանքերի ու եղանակաւոր երգերի վերաբերմամբ, այլեւ վիպական քերթուածների, որոնց մտաբերմանն օգնում է գէպերի յաջորդութիւնը:

Թէ ե՛րբ է նա սկսել բանաստեղծել, այդ չգիտենք. նա իբրեւ քերթող աշխատել է նաեւ ալեւորութեան ու ծերութեան օրերին, ինչպէս յիշում է մի շարք երկերի մէջ, ինչպէս, օրինակ՝

...Երբ դարձաւ սեւդ ի սպիտակ:

Էջ 57

Քո սեւդ ի սպիտակ դարձաւ:

Էջ 86, 113

---

Ժողովրդական երգեր» աշխատութեան մէջ, Երեւան, 1931. էջ 15—43. «Արտատպ. ՀԽՍՀ Պետ» Համալսարանի «Տեղեկագիր» թիւ 2—3, 4, 6:

1 Ֆրիկ, Բոնաստ., էջ 153. «...Տնօրէնութիւն փրկչին» քերթուածի մէջ աղ-ճատուած տող է հետեւեալը. «Աստուած օրհնէ զայսն կարգացողն յորժամ երգէ գժրիկն յիշեալ» այլ ընթերցուածով վերականգնուած է «...որ ըզՖրիկըս յիշէ նայ», էջ 49, «Մինչ ամէն զմահն...» քերթուածի մէջ:

Թէ ինչո՛վ, ի՛նչ պարապմունքով է նա իր ապրուստը հայթայթել, այդ չի երեւում նրա բանքերից : Մի քանի անգամ նա խօսում է հարստութեան ետեւից լինելու մասին, բայց չի պարզում, թէ արդեօք անձնապէս ի՞ր մասին է խօսում, թէ՞ իրբեւ բարոյախօս՝ ընդհանրապէս, բայց իր վրայ դարձնելով ատելիքն եւ առաջին դէմքով խօսելով, միաժամանակ իր անձնակաշը խառնելով հետը. այսպէս, օրինակ՝ հետեւեալները մէջ.

Շատ ուրեցի մարդու մօրոյս...

Շատ սլարծեցայ ի վերայ ոսկոյս...

Էջ 92

Անշուշտ իրեն, հեղինակին եւ վերաբերում հետեւեալ տողերը, եթէ միայն յիշուած «Հարգայ», վարիանտ՝ «Հարգայ» բառը տեղանուն է.

Անկալ ի յոսկոյ ցննոր

Ու ըզհոգոց տունըն շինեցի...

Ասցի թէ շինեմ ես բերդ

Ու քաղաք եւ դարպասների...

Շատ մի [վար. դարգայ] դատեցայ, եղբա՛րք,

Ի Հարգայ [վար. Հարգայ.] ես շատ մի տարի.

Ասցի թիմ ջանօքս առնեմ

Մեծութիւն առանց հրամանի...

Էջ 42

«Հարգայ» անունը փորձել եւ նոյնացնել Կիլիկիայի «Հարգան» տեղանունն հետ.<sup>1</sup> Բայց այդ դեռ կարելի չէ հաստատ համարել: Կարծում եմ պէտք է առնել աւելի շուտ «Հարգայ» փոփոխակը եւ նոյնացնել «Հագրա», շուտ տուած՝ «Հարգա» տեղանունն հետ, որ նշանաւոր կենտրոն է եղել Աղձնիքում, թաթարաց իշխանութեան երկրում, քան թէ Կիլիկիայի մի հեռաւոր անկիւնում գտնուած մի տեղ, թաթարական տիրապետութիւնից դուրս:

Մաքուր անձնական բանաստեղծութիւն է «Ողբանք փոշիմանութեան» (էջ 25 եւ հտ.), որի մէջ կան հետեւեալ հետաքրքիր տողերը.

Բուռն եմ ածել ես աշխարհի,

Որ կու վազեմ հետ շատ շահի.

Զինչ տէրն երես՝ հերիք չածի,

Այլ մեծութիւն սիրտ ունէի.

Ժողովեցի շատ մի բարի,

Ըռակ արի զնա թաթարի...

Այն բաղային եմ նրմանի,

Որ փոքր որսին ոչ հաւանի.

Ով որ ածէ դաշքն այլ մեծի,  
 Քաղցած կենայ եւ անօթի:  
 Ահա եղաւ այնչափ տարի,  
 Որ տուն ու տեղն դեռ կու քակի.  
 Ձինչ մեծամեծ վաստակ արի,  
 Ամէն դարձաւ հող 'ւ ի փոշի:

Նա իր աշխատած հարստութիւնից զրկուել է թաթարների ձեռով՝ կա'մ կողոպտուելով, կա'մ հարկահանութեամբ: Կիրակոս Գանձակեցին խօսելով իր ժամանակի ծանր հարկերի մասին՝ գրում է. «Նւ ոյր ոչ դոյր՝ զուտերս եւ զդստերսն առնուին ընդ պահանջմանն». «Որ ոչ կարէր հատուցանել զսակն՝ զմանկունս նոցա առնուին ընդ պարտուցն»:<sup>1</sup> Արդ՝ կարծում են, թէ Պրիկի որդին էլ նոյն դժբախտութիւնն է ունեցել.<sup>2</sup> բայց այն բանաստեղծութիւնը,<sup>3</sup> որի մէջ յիշատակուում է այդ, կարօտ է բանասիրական քննադատութեան:

Տէ'ս Երրորդ Յաւելուած՝ «Պրիկի կենսագրութեան չուրջը»:

Կենսագրական տեսակէտից շատ հետաքրքիր է մի բանքը (էջ 40), որի սկիզբն է «Գնաց մանկութեան հասրաթն», բանաստեղծը խօսում է դառնացած հոգով. նա կորցրել է ամէն ինչ, ընկել է անհուն հոգսերի մէջ, չունի տուն ու տեղ, խոցւում է, ամբողջ օրը տանջւում է հարկի ձեռից —

Գնաց մանկութեան հասրաթն  
 Ու երեկ ինձ հոգ անհհուն.  
 Զրկած եմ երկու կենօք,  
 Վասն այնոր չեմ ելնել ի հուն:  
 Գազան 'ւ անասուն ու հաւ  
 Գէմ ունին իւրեանց տուն ու բուն.  
 Ոչ տուն ու ոչ տեղ ունիմ,  
 Կու խոցիմ զօրն ի յայն հարկուն:  
 [Վար.՝ Կու խոցիմ ի յանհաւատուն]:

Նա սկսել է գինու մէջ թաղել իր վիշտը, բայց քանի աւելի դինի է փսոսում, այնքան աւելի ծփանքի մէջ է ընկնում: Նա յոյսը կտրել է մարդկանցից, չի հաւատում, թէ որեւէ իշխան կ'օգնի իրեն, հասկանալի է՝ հարկի պարտքը տալով: Նւ վերջը մտածում է լինել, «սիրող վանքերուն», այսինքն վանական դառնալ, որպէսզի ծառայի Աստծուն, որ տէր է մարդուս «անձին ու հոգուն», եւ, եթէ աշխարհիս անցաւոր կեանքից, տուն ու տեղից զրկուած է, գոնէ անդեմի կեանքի ճարն ունի: Գինու զործողութիւնը նա ուրիշ երկերի մէջ էլ յիշում է.

Գանձով զընած ես դու գերի,  
 Դու է'ր խըմես զօրըն գինի:

էջ 28, տ. 91—92

1 Կիր. Գոնձ. Պատմ. Հայոց, Թիֆլիս, 1909, էջ 360, 349:

2 «Արարատ», 1918, էջ 83 եւ հտ.: Այստեղից եւ «Պրիկ, Բանաստ», էջ 10:

3 Անդ, էջ 40 եւ հտ. «Գնաց մանկութեան հասրաթն»:



Եթէ բառացի հասկանանք, Ֆրիկը գերի է ընկել, հարկաւ, թաթար-  
ների ձեռը, եւ փրկանքով գնուել, աղատուել է: Թէ նա ո՛ր տարիքին է ընկել  
այսպիսի դժբախտութեան մէջ, այդ դժուար է որոշել նրա բանքերով միայն:  
Ալեւորութեան ժամանակ նա իրեն դժբախտ է զգում մենակութիւնից:

Դու յէ՞ր կու դատիս, Ֆրիկ,  
Երբ չունիս դուն դուստր ու որդիք:

էջ 85, տ. 34

Երբ նրա «սեն սպիտակ է դարձել», արդէն յիշում է աշխարհի ունայ-  
նութեան մասին եւ մտածում.

Աճնալ ա՛մ յէ՞ր կու դատիս,  
Աշխարհիս երակ դու Ֆրիկ.  
Ոչ տուն ու [սէ] տեղ ունիս,  
Եւ ոչ կին, ոչ դուստր եւ որդիք:  
Ա՛մ երբ հանց ընկեր քո բախտ  
Ու թալեհն, ա՛մ, ի՞նչ կայ հարկիք...

էջ 113, տ. 60 եւ հտն.

Ինչքան էլ «դատելու», այսինքն աշխատանք անելու մասին է գրում,  
բայց ազքատ է, աշխատածը, երեւի, գինու է տալիս, զգալով նոյնիսկ, որ  
լաւ բան չի անում.

Թէ՛ [=երանի՛ թէ] լինէր ինձ դօլուաթ եւ խելք ի բարի,  
Որ կարի հա՛նց կենալ, ինչ որ կու պիտի:  
Է՛, աւաղ, է՛, աւաղ, ափսոս կու լինի,  
Ձիմ խելաց ուժն յինէն գինին կու տանի:  
Պարտական եմ հոգով, լեզուս կու կապի,  
Թէ չէ՛ ալ շատ բաներ յառաջ հանէի:

էջ 153, տ. 60 եւ հտն.

Դառն է նրա վիճակը ծերութեան ժամանակ. նա իրեն բոլորովին  
մենակ եւ անճար է զգում.

Ոչ գիտեմ թ՛ ուր մեռանիմ,  
Ոչ ոք չունիմ որ թաղէ զիս.  
Ոչ ունիմ տեղ հանգըստեան,  
Ոչ խընդացել եմ յորդիս...  
Ոչ եղբայր 'ւ ոչ զոք ունիմ,  
Որ աւաղէ, ափսոսայ զիս.  
Ոչ ծրլեմ, ոչ բուսանեմ,  
Ձերդ զաղընձած սերմ եմ գերիս:  
Թէ ունէի ճորտ ու ծառայ,  
Կամ կարեւոր յաստըւորիս,  
Սոքա ալ զիս ուրացան,  
Եւ ատեցին զազքատ հոգիս:

Զայս ի յիմ բախտէս ունիմ,  
Որ չի նայել քաղցր աչօք յիս.  
Ինձ նըման այլ չէ ծընել,  
Ինչ կու նայիմ ի վերայ բանիս:

Էջ 31—32, տ. 10—25

Նրա թշուառութիւնն այն աստիճանի է, որ վախենում է, թէ իրեն կարգին չթաղեն իր աղքատութեան պատճառով:

Եղովիկ ու վա՛յ ինձ այս ծերիս.  
Երկու կենօքըս չ'յաջողեաց,  
Այս խոց մնաց ի վերայ սրտիս:

Էջ 33 եւ հտ., տ. 32—35, 55—57

Է՛, Ֆրիկ, պատրաստ կացիր,  
Ի ծերութիւնդ չի դլորիս:  
Այլ չունիս փող մի պահած,  
Որ զքեզ թաղեն երբ մեռանիս...

Էջ 32 եւ հտ., տ. 32—35, 57—61

Ապա աղաչում է Աստուծուն, որ «օրհնեալ հողը ծածկէ» իրեն: Ահա թէ ո՛րքան ծանր է եղել նրա վիճակը ծերութեան օրերին. նա սոսկում է, որ կարող է չարժանանալ նոյնիսկ կարգին թաղման, որ ամենամեծ դժբախտութիւնն էր համարուում մինչեւ վերջերս մեր ժողովրդի մէջ:

Այսպիսի դժուար օրերին, երբ նա մենակ էր, տանջւում էր ե՛ւ նիւթապէս, ե՛ւ հողեպէս, նա հայեացքը բնականաբար պիտի դարձնէր դէպի եղբայրանոցները, լինէր «սիրող վանքերուն» եւ այնտեղ պտնէր մխիթարութիւն: Թէ նա իրօք մտել է որեւէ վանք, այդ որոշ չի երեւում նրա բանքերից. իսկ որ նա շատ փափապել է դրան, դուցէ եւ դարձել է որեւէ վանքի միաբան, մնալով իբրեւ աշխարհական, այդ զգացում է նրա բանաստեղծութիւններից:

Տե՛ս պարագրաֆ 8. «Հոյեհա՛ւ բանքեր եւ միստիկական ձգտում»:

Այսպէս ծանր ծերութիւն է ունեցել այս ժողովրդական բանաստեղծը, որի երկերը սիրուած են եղել եւ ամփոփուած մի տեղ «Ֆրիկդիրք» վերնագրով: Թէպէտ եւ նրա մասին չկան ուրիշներից հաղորդուած տեղեկութիւններ չբայց նրա բնաւորութիւնն ու գաղափարները լիովին ծանօթ են մեզ հէնց նրա սեփական բանքերից: Նա եղել է զգայուն սրտի տէր, դիտող ու խորհող, ոչ անտարբեր դէպի շրջապատի իրական կեանքը, կատարուած նշանաւոր եղելութիւնները: Նա անկեղծ կերպով տանջուել է հասարակական եւ ազգային թշուառ դրութիւնից. յաճախ վառուել է վրէժխնդրութեան բոցով, այնքան շատ նա ատել է ժողովրդի հարստահարիչներին: Նա առաջնորդուել է որոշ բարոյական սկզբունքներով, հարկաւ ըստ իր դարում իշխող ընդհանուր հասկացութեան եւ, ինչպէս շատերն իր ժամանակին, նա էլ տողորուած է եղել կրօնական ձգտումով ու միստիցիզմով: Եւ նրա երկերի հիմնական մտքերը վերաբերում են բացի անձնականից նաեւ ազգային, սո-

ցիալական եւ կրօնական խնդիրներէ, կրօնականը, սակայն, յաճախ ընկերականի հետ չաղկապուած:

3. Ազգային ու սոցիալական հարցեր:—Վերածնութեան շրջանի գրականութեան կարեւոր թեմաներից են այս երկուսը: Ազգային հարցն, ինչպէս տեսել ենք, առաջին տեղն էր բռնել քաղաքական անմխիթար դրութեան հետեւանքով. իսկ սոցիալականը ծագում էր երկու դասակարգերի տնտեսական վիճակի ծայրայեղ տարբերութիւնից: Մինչ ազնուականը, հոգեւորականն ու փարթամ քաղաքացին հարստանում ու վայելում էին, աշխատաւոր ժողովուրդը տառապում էր յետին չքաւորութեան մէջ: Եւ այսպէս Բաղրատունիների իշխանութեան ժամանակից ի վեր նաեւ թաթարների օրով: Սրանց դրած մեծամեծ հարկերը վերջին հաշուով ծանրանում էին գիւղացի ու քաղաքացի աշխատուորութեան վրայ. հարկահաններն եւս, լինէին այլազգի թէ՛ հայ, կեղեքում էին ժողովուրդին. դործում էր եւ վաշխառութիւնը: Եւ հետզհետէ թէ՛ դիւղում եւ թէ՛ քաղաքներում առաջանում էր մի կողմում՝ ընչազուրկ մասսա, որ ճուրտ ու ծառայ էր դառնում պաշտօնատար ազնուականութեան ձեռին, միւս կողմում՝ փարթամ հարուստներ ու չահագործողներ: Այս դրութիւնը, որի մասին կարեւոր է երկար կանգ առնել այստեղ, բնականաբար առաջ էր բերում դասակարգային սուր պայքար, որի արտայայտութիւնը 12—13-րդ դարի համար արդէն տեսել ենք («Առակներ» հատուածի «Սոցիալական յարաբերութիւններն առակներէ մէջ» գլուխը): Այս երկու խնդիրներն էլ, ազգային ու սոցիալական, չէին կարող չզբաղեցնել Թրիկի նման մի բանաստեղծի, որ ծնուել էր առակագիր Մխիթար Գոշի մահից մի քսան-քսանուհինգ տարի յետոյ, ժամանակով աւելի եւս մօտ էր Վարդան Այգեկցուն եւ ապրել էր Վարդանայ առակների սկզբնական զարգացման շրջանում: Երեք քերթուածների մէջ, որոնց երկուսի դրութեան թուականները շատ հաւանական ճշդութեամբ եւ մէկինը հաւատարի յայտնի են, առանձնապէս զօրեղ է հնչում Թրիկի ձայնն սոցիալին եւ սոցիալական հարցերի մասին:

4. «Ընդդէմ ֆալաֆին»:— Այս բանքը նա յօրինել է Արդուն դանի թագաւորութեան եւ Օրբելեան Տարսայիճ իշխանի աթաբեկութեան սկզբում, երբ յոյս մեծ կար սոցիալին վիճակի բարւոքման համար. ուստի բանաստեղծը լաւատեսութեամբ է յայտարարում դալիք քաղաքական փոփոխութեան մասին.

Հիմիկ դըժարեց բաներս,

Որ թաթարն եղաւ թագաւոր.

Զըրկեց դամենայն սալտարհս,

Ու դոյրերն եղիր մեծաւոր:

Այս ա՛յլ չի մընայ հանցեղ,

Ու ֆալաքն ոչում կարեւոր [=կարեկից],

Զարնու եւ ձրգէ ի վայր,

Զհամարէ զոչ ոք թագաւոր:՝

1 Թրիկ, «Բանաստեղծութիւններ», էջ 217 եւ հտ., «Արարատ», 1918, էջ 190 եւ հտ.: Այստեղ Երդ տողն է «Ու ֆալաքն», իսկ նախորդի մէջ՝ «Ու ֆալաքն»:

Ուրեմն վերջ կը լինի զրկանք-դուլում անող թաթարական թագաւորութեանը: Նրա այս համոզմունքը հիմնուած է այն տեսութեան վրայ, թէ մարդկային բախտը յեղյեղուկ է: Դիմելով բախտի անուին (չարիսի Փալաք)՝ նա ասում է.

Է՛յ չարիս, ամ քեզ ո՞նց ւառում,  
Երբ չունիս զոչով մօտեւոր.  
Ոչ զաւլ, ոչ երգումն ունիս,  
Զի քո սիրտդ է խիստ նենգաւոր:  
Զով որ կու սիրես այսօր,  
Կու դընես ի յոսկի աթոռ.  
Յեզուց կու ձրգես յաչից,  
Հաւատես հողոյն մոխրաւոր:  
Ոչ մուլքն, ոչ ապրանքն օգտէ,  
Ոչ հարիւր հազար ձիաւոր.  
Յորժամ չարին ի յետ քակուի.  
Եւ ձրգէ ի յաչքն խոլոր:

Դրա համար նա իրրեւ լաւ ապացոյցներ ունէր ժամանակակից թագաւորների եւ իշխանների արագ բարձրացումն եւ անկումը:

Ինչ վերաբերում է սոցիալական հարցին, այս բանքի մէջ նա, թէպէտ գեռ անհամարձակ, Փալաքի պատկերով, բայց արդէն դժկամակում է կեանքի մէջ տիրող անհաւաստութեան եւ անարդարութիւնների դէմ, որոնց ենթակայ էր եղել եւ ինքը: Ֆալաքի, ճակատաւրի կամ բախտի հին հաւատքը, որի դէմ պայքարել էր գեռ Նզնիկ Կողբացին, կարող էր ընդունելի լինել ուսմկի համար, բայց ոչ Ֆրիկի պէս խոհուն ու քրիստոնէաբար զարգուն մտքի: Ֆալաքը նրա բանքի մէջ մի լուի ճարտասանական ձեւ (Ֆիզուր) է, որով նա վերացական գաղափարից ստեղծել է ըստ հին Ժողովրդական հաւատքի մի խօսուն ու գործունէակ, որ իբր բաշխում է մարդկանց բախտը, եւ ապա մեծ աջողութեամբ իր մտածմունքն արտայայտել է մի կենդանի տրամախօսութեամբ, որ տեղի է ունենում բանաստեղծի ու վերացական գաղափարի անձնաւորման մէջ:

Այդ անհրաժեշտ էր բանաստեղծական գեղեցիկ արտայայտութեան համար: Բայց այս ձեւական կողմն է: Նրա Փալաքն այլեւս հին կոյր բախտը չէ, բախտի կոյր աստուածութիւնը, որ մարդկանց բաշխում է պատահական վիճակներ: Բանաստեղծը նրանցից պահանջում է բարոյական սկզբունք, այն է, որ մարդկանց բախտն ըստ արժանիքի պիտի տրուէր, արդար եւ ուղիղ դատաստանով, մինչդեռ Փալաքը ծուռ, անարդար դատաւոր է: Ինչո՞ւ:— Մի անգամ որ մարդ անյաջողութեան է հանդիպում, Փալաքն այլեւս չի ուղղում նրա դործը: Այսպէս է սկսել Ֆրիկն իր այս բանքը.

Է՛յ չարիս, երբ ծըռիս մարդոյն,  
Զօրն ի բուն փորես նորա հոր.  
Յորժամ դու քակես ըզմանն  
Ու չթողուս որ դառնայ յոլոր:

Սահուն 'ւ երերուն պահես,  
 Յասուրուրս ի գիւ 'ւ ի դըլոր·  
 Կապիճ մի չարի ցուցնես,  
 Թէ դու լից զայդ հողս ու ցընոր:

Այս իրեն՝ Փրիկի վիճակն է իր ծռուած բախտով, որ մինչեւ վերջը չի աւելում: Լաւ, իմաստուն, զիտուն, «ուզորդ» մարդիկը, — ասում է նա, — աջողութիւն չունին, աղքատ ու դժբախտ են, մի կտոր հացի կարօտ են մնում, նրանց տունը քանդւում է· իսկ վատ, անգէտ, յիմար, անհունար տւ ծուռ մարդիկը մեծ հարստութեան եւ իշխանութեան են հաճութալում:

Ե՛յ չարիս, ըզվատի տունըն  
 Կու ծեփես դու ոսկով րոյոր·  
 Ձաղէկն ի յերկիր ի ներս  
 Վըսարես որ ժողվէ կըսոր:  
 Ձայն որ խոզարած չվայլէ՝  
 Կու շինես ահեղ ձիաւոր·  
 Ու զուգորդ մարդկանց տունըն  
 Կու քակես առանց բահաւոր:  
 Փալա՛ք, թէ քեզ քուժր ասեմ,  
 Նայ ասեն, թէ մարդըն մոլոր·  
 Թէ չէ ի գիտուն մարդիքն  
 Յերակ յէ՞ր նայիս դու խոլոր:  
 Ձանգէտ ու զնաքաղ մարդիքն  
 Ասուրուրս առնես մեծաւոր·  
 Ձիմաստուն մարդկանց հացըն  
 Կու ձրդես ի սար կամ ի ձոր:

Մեր բանաստեղծն իր քերթուածի այս մասի մէջ առհասարակ տնհատական կեանքի մէջ տեղի ունեցող անհաւասարութեան դէմ է դժգոհում, եւ մանաւանդ այն տնտրողարութեան դէմ, որ մարդ ըստ արժանիքին չի դնահաստում եւ աջողութիւն ունենում:

Նրա անունով յայտնի նոյնիմաստ երկրորդ բանքի մէջ,<sup>1</sup> որ արուեստի նկատմամբ թույլ է, քան առաջինը, շեշտուած է դասակարգային անհաւասարութիւնը:

Թէ բուրջն ու թալեհն աղէկ՝  
 Յաստուծոյ է քեզ հրամայած,  
 Ձինչ յաշխարհըս մարդ որ կայ՝  
 Ձերդ մըշակ են քեզ կանգընած...  
 Այն մարդն սր թալեհ ունի  
 Յոչումէ իսկի չէ գրկած·  
 Ձօրըն նա պարապ նըստի,  
 Ու բարիքն ի մօտն է կուտած...

1 Պրիկ, Բանաստ., էջ 225 եւ հտն., «Վասն թալեհի եւ բըջի ի Պրիկ երգչէ»:

Մէկն թագաւոր լինի,  
Մէկն աղքատ մոխրին պառքիւս:

Այս իրական դրութիւնն է, աշխատող եւ չաշխատող դասակարգերի վիճակների մեծ տարբերութիւնը, որ միամտութեամբ բացատրուում է բախտով կամ Աստուծով: Բայց բանաստեղծը չի բաւարարում դրանով: Նա ցանկանում է հաւասարութիւն, եւ ձգտում է իրական անհաւասարութեան լուծումը որոնելու, բայց չի գտնում այն:

Զայս ո՞նց գիտենալ կարենք,  
Թէ այս է՞ր է (ի) հանց բաժանած...  
Զայս ո՞նց գիտենալ կարենք,  
Եւ մըտօքս ի հոգս եմ անկած.  
Ասեմ, թէ այս է՞ր լինի,  
Որ դամէն հաւասար չէ զուգած:

Նա դասակարգային պայքարի խնդիր չի դնում. բայց որ նա հասարականութիւնը բաժանում է երկու դասակարգի-անարժան վայելողներ եւ զրկուած արժանաւորներ, եւ որ նա դժգոհում է անարդարութեան դէմ, գտնելով այդ դրութիւնը ծուռ, եւ ցանկանում է, որ հաւասարութիւն լինի, այդ արդէն ըստ ինքեան դասակարգային պայքար է:

Ֆալա՛ք, դու (ես) ծրոխն ընկեր,  
Դու ուղղորդին ես խիստ նենգաւոր.  
Թէ չէ՞ դու հայեց ի նա,  
Որ չունի հոռնար հոգեւոր.  
Անկեւ է յոսկուն ի մէջն,  
Շրփոթել զինչ ըղթադաւոր:  
Ի՛յ չարիս, ամ քեզ ի՞նչ ասեմ,  
Քան դամէնն ես խիստ դու մոլոր...  
Ծուռ է զինչ որ դու կանես  
Ո՞վ լինի հաւա՛ն քեզ այդոր:

Այսպէս ամէն ինչ ծուռ է, Ֆալաքի դատաստանն ուղիղ չէ. նա ծուռ դատաւոր է: Այսպէս է գիտել եւ անձամբ զգացել բանաստեղծն աշխարհի իրականութիւնը: Նա դժգոհ է եղած դրութիւնից, չի կարողանում հաշտուել դրա հետ: Եթէ նա միայն նրանով վերջացնէր իր բանքը, թէ ամէն ինչ որ անում է Ֆալաքը ծուռ է եւ թէ ոչ ոք նրա արածին հաւան չէ, այդ կը նշանակէ՝ բանաստեղծութեան մէջ անդրադարձնել իրականութեան պատկերը: Այս էլ անշուշտ արժեքաւոր եւ մեծ գործ կը լինէր, մանաւանդ որ քերթողն իր երկի մէջ ցոյց է տալիս քննադատական ոգի, կանգնում է աշխատաւորների թեր եւ պահանջում հաւասարութիւն եւ ըստ արժանիքի վարձատրութիւն, դառնալով աշխատաւորական՝ մտքի ու զգացմունքի թարգմանը: Բայց նա այստեղ կանգ չի առնում, ասելի հեռուն է գնում:

Ֆալաքն ինձի բարկացաւ.  
— Մի՛ հաջել, անդէն ալեւոր,

Քանի ես Փալաք եմ լեւ,  
 Չեմ տեսել քան ըզքեզ մոլոր.  
 Ձարիւնդ ի վերաս ճըղես  
 Թէ Փալաքն է մեղաւոր.  
 Չգիտե՞ս թ'արարչէն լինի,  
 Չով կամի առնէ մեծաւոր...  
 Հաղար թէ Փալաք եմ ես,  
 Չեմ կարող որ տամ քեզ կտոր.  
 Հրամանքն Աստուծոյ լինի,  
 Ես առնեմ ըզքեզ թաղաւոր:

Ուրեմն ամէն ինչ տնօրինողն Աստուծու կամքն է, եւ ոչ Փալաք  
 ասածը: Կը նշանակի՝ բանաստեղծի դժգոհութիւնը վերջին հաշուով վերա-  
 բերում է Աստուծուն: Սակայն բանը որ հասնում է Աստուծուն, այստեղ ախ-  
 դէն ետ է կանգնում նա, ասելով.

— Փալա՛ք, քեզ մեղ ո՞վ դընէ.  
 Ձինչ առնես՝ զամէնն է աղւոր.  
 Գիտես ըզտալու տեղին.  
 Ձանարժանն ու զարժանաւոր:  
 Ապա մեզ հանցեղ թուի,  
 Թէ դու չես իրաւ դատաւոր,  
 Ձամէնն է հաշուով զուգել [Աստուած],  
 Ու զմարդիկք պահել ահաւոր:

Ուրեմն՝ մե՛ղ է այդպէս թւում, թէ չէ Աստուած ուղիղ դատաւորան է  
 անում: Ապա ինչպէս անձնականով սկսել էր, նայնպէս վերջացնում է իրե-  
 նով, ցանկալով, որ իր դժբախտութեանը վերջ լինի եւ հին վիճակը ետ  
 ասացուի:

է՛յ չարիս, ամ հերիք արայ  
 Ու ձդէ զքակտիլդ ի յոլոր.  
 Կրբէ զչարութիւն յինէն  
 Եւ զարձո գինչ հին կայ ի նոր:

Այս է մեր բանաստեղծի այս բանքի բովանդակութիւնը: Այստեղ  
 տեսնում ենք, որ ազգային եւ իր անձնական չարաբաստիկ հանդամանք-  
 ների եւ հասարակական անարդար անհաւասարութիւնների պատճառով  
 բանաստեղծութեան մէջ երեւում է դժգոհութիւն իրական անհաւասար սո-  
 ցիալական վիճակից, եւ մի վայրկեան միայն բանաստեղծի մտքի մէջ շո-  
 ղում է երկրայութեան ոգին, թէ Աստուած «իրաւ դատաւոր» չէ: Բայց  
 այս վերջինս, նրա մտքի ցլլըը, արտայայտւում է ղեռ շառ մեղմ, անհա-  
 մարձակ, նոյնիսկ երկչոտ եղանակով, ու վերջը բանաստեղծը նոյնիսկ հա-  
 մակերպում է եղած դրութեանը, թէ Աստուած ամէն ինչ հաշուով է արել,  
 անձնապէս միխթարւում է, թէ՛

Աղքատն իմաստուն լաւ է,  
Քանց հազար անդէտ դանձաւոր:

Այսպէս է եւ Աստուծու մօտ, դի

Աստէն նա [դանձաւորը] չունի հողի,  
Անդէնին է դառն ու մոլոր:

Ուրեմն ոչ թէ մի ծրագիրն ազգային ղրութեան եւ սոցիալական անարդար վիճակի բարոյքման համար, այլ լոկ մի մխիթարութիւն անդէնի կեանքով՝ ըստ աւետարանական Ալքատ Ղազարի առակի: Եւ այլպէս չէր կարող լինել 13-րդ դարում, երբ դեռ իշխում էր քրիստոնէական մեծ բարեպաշտութիւնը, եւ Ֆրիկն, ինչպէս նրա միւս երկերից կը տեսնենք, իր ժամանակի որդին էր այլ նկատմամբ:

Կենսագրական տեսակէտից էլ կարելոր է բանաստեղծի այս բանքը պարզ երեւում է, որ նա այս յօրինելու ժամանակները, 1286 թուականին, եղել է ալեւոր, մօտ 50—51 տարեկան. արդէն կոյրցած է եղել իր ստացած քրքրեալ աղքատութեան ու անյաջողութիւնների մէջ ընկած:

Տէ՛ս երրորդ յաւելում՝ «Ֆրիկի կենսագրութեան շուրջը»:

5. «Վասն Արղուն դամին եւ Բուլային».— Ֆրիկի այս քերթուածը նրա լաւագոյն գրութեանցից մէկն է: Սրա մէջ աւելի պայծառ երեւում են նրա բանաստեղծութեան էական կողմերը, նրա մի քանի հասկացութիւններն ու մտածմունքն ազգային եւ սոցիալական խնդիրների մասին, միաժամանակ եւ հայ ժողովրդի ծանր տնտեսական եւ ներքին քաղաքական դրութիւնը, այլեւ որսչ կենսագրական տեղեկութիւններ ենք ստանում հեղինակի մասին: Այս երկն իր հիմքում մի քերթուած է հեղինակի օրով կատարուած մի պատմական եղելութեան եւ իր ժամանակի վրայ, ոչ թէ ոտանաւորով ժամանակագրութիւն, այլ մի իսկական բուռն քնարերգութիւն:

Պատմական դիպումն է 1289 թ. Արղուն դանի դէմ յարուած դաւադրութիւնը, որ չի յաջողուել. կոտորուել են դաւադիրները: Հէնց այս թուականին էլ ամենայն հաւանականութեամբ Ֆրիկը յօրինել է իր այդ երկը:

Տէ՛ս երկրորդ յաւելում՝ «Ֆրիկի կենսագրութեան շուրջը»:

Օրբելեանը, ինչպէս տեսել ենք, Արղուն դանի համար հաղորդում է, թէ նա «խնքն էր յոյժ սիրով քրիստոնէից եւ եկեղեցեաց»: Այս պատմադէպը նրա մասին պարզապէս գրում է, թէ «Աստուած քրիստոնէից յայնմ դիւքերի դարձոյց զսիրտ մեծամեծացն առ Արղունն», որին հանում են բանտից, թաղաւորեցնում եւ կոտորում նրա թշնամի Ահմադ դանի ու սրա կողակիցներին: Ուրեմն հաւատում էին, թէ քրիստոնէական Աստուածն է թագաւոր կարգել հայերի բարեկամ Արղունին: Կը նշանակէ՝ հայերի համակրութիւնն ուղղուած էր առ Արղունը, ինչպէս եւ դէպի նրա հայր Ապաղա դանը եւ պապը՝ Հուլաւու դանը: Ֆրիկի համակրութիւնն էլ բնականաբար եղել է Արղունի կողմը եւ ոչ 1289 թ. նրա դէմ դաւադրութիւն սարքողների, որոնց պարտադրւին էր Բուլան: Նա քերթուածի սկզբում փառք տալով «արդար ու իբրաւ դատուոր» Աստուծուն՝ բացազանչում է եւ բացաբխում սպանուած դաւադիր Բուլային:



Տեսէք թէ ի՞նչ զարմանք եղեւ  
 Հետ Բուդային եւ Արուսիին :  
 Բուդա՛, դու ո՞նց կամիր նենգել  
 Աստուածազիր թագաւորին .  
 Ձոր քրիստոնեայքն ամէն հաւսար՝  
 Ի յԱստուծոյ կու խնդրէին :  
 ՁԱրդուն Ղանն Աստուած եղիր ,  
 Ո՞վ է յաղթող Արդուն Ղանին .  
 Արդունն ի՞նչ վընաս դորձեց ,  
 Գիտեմ՝ որդին էր Արաղին :

Արդուն Ղանն էր Բուդային «վեր քաշել» եւ ամէն բարիք տուել , մեծացրել այն աստիճանի , որ նա Արդունից պակաս չէր , — ասում է Ֆրիկը , — կամ , ինչպէս Օրբելեանը գրում է , եղել էր «չինքսան» , այսինքն «աւագաց աւագ» .

Դու քանց դԱրդունն չիր [=չէիր] պակաս ,  
 Ի քո յահէդ խիստ կու վախին [=կու վախէին] :  
 Բուդա էիր , չինքսան եղար ,  
 Բէկլար բէկի՛ էր [=էիր] հեծելին .  
 Ձգիտեմ , թէ զի՞նչ կամիր [=կամէիր] լինել ,  
 Դու չի՛ր [=չէիր] որդի Չանկըզ-Ղանին :

Իր ստացած բարիքների փոխարէն՝ Բուդան կամեցել է Արդունին սպանելով ինքը դառնալ թագաւոր . բայց այդ , — ասում է Ֆրիկը , — նրան տրուած չէր ի վերուստ :

Մրտիկ դրէ աշխարհ ամէն  
 Ըսքանչեկեացն երկնաւորին ,  
 Տեսէ՛ք , թէ ի՞նչ արար Աստուած  
 Ըզհատուցումըն հրդօրին :  
 Քակեց ըզբարձըն յաթոռոց ,  
 Ձախեց զգըլուկըն վիշապին .  
 Ով կուռըն տայ թագաւորաց ,  
 Իւրըն բերէ կործանութիւն :

Սատանան էլ , — ասում է բանաստեղծը , — այդպէս մտածեց իր ըստեղծողի նկատմամբ . բայց իր փառքից դրկուելով վայր գլորուեց , կործանուեց , անդունդն ընկաւ : Այդպէս էլ սատանայի դործակիցներին Աստուած

Հա՛նց խայտառակ հրապարակէ ,  
 Ձինչ ուր արար հետ Բուդային :  
 Տէրըն էղարկ երկնից ի վայր  
 Ձընքսա-Բուդին եւ Արուսին ,  
 Եւ ամենայն զլխաւորացն ,  
 Ձինչ ի մէկ տեղ խորհուրդ արին :

Ազգային-սոցիալական խնդիրը շատ կարեւոր տեղ ունի Թրիկի այս քերթուածի մէջ: Շարունակ զգացում է բանաստեղծի զայրոյթն առ դաւադիրները եւ սրտանց բաւարարումը, որ նրանք պատժուել են իրենց գործերի համար: Նրա այս երկու յոյգերը ծագում են երկու դրդիչներից: Մէկն այն է, որ, ինչպէս տեսանք, դաւադիրները ցանկացել էին «նենգել աստուածադիր թողաւորին», որ բոլոր քրիստոնեաների ուղածն էր. բնականաբար Թրիկն էլ ուրիշների հետ պիտի զայրանար նրանց դործի համար եւ գոհ լինէր, որ նրանք պատժուել են: Ներկորդ դրդիչն ազգային-սոցիալական է, այդ այն է, որ նա այդ դէպքից առաջ էլ սոսկալի ատել է դաւադիրներին, որոնց անունները դաւադրութիւնից ու կոտորուելուց առաջ արդէն իրենց չար գործերով հրապարակի վրայ են եղել եւ հանրածանօթ: Մեր քերթողի խորին ատելութեան գլխաւոր աղբիւրը, դա աշխատաւորութեան թշուառ իրականութիւնն է, որ շարունակ մաշել է քերթողին: Դա հայ ժողովրդի տառապալին վիճակն է այն բռնակալ մարդկանց ձեռին, խեղճերի հառաչանքն ու հեծութիւնը, զրկուած որբերի եւ այրիների քաշած նեղութիւնները, շատ մարդկանց տների քանդումը եւ ամէն տեսակի կեղեքումները, որ աշխատաւոր ժողովրդի գլխին բերում էին ոչ միայն դաւադիրները, այլեւ ընդհանրապէս բոլոր «մասսաչիները»:

Թրիկի «Բանաստեղծութիւնների» դրքի վերջում դրուած «բառարանի» մէջ «մասսաչիք» բառի դիմաց կայ «անծանօթ բառ»: Այս բառը մի քանի անգամ գործածուած է տուեալ քերթուածի մէջ, **Թաթարական դարաշրջանի** պատմութեան համար կարեւոր է, եւ պէտք է թէ՛ լեզուաբանները եւ թէ՛ պատմաբանները որոշեն դրա ճիշդ նշանակութիւնը: Նոյն շրջանում քաղաքներից առեւտրի եւ արդիւնագործութեան համար առնուող հարկը կոչւում էր «տաղմա» կամ «թաղմա», իսկ այս հարկը հաւաքողները՝ «տաղմաչի» կամ «թաղմաչի»: Նոյն կազմութիւնն ունի «մասսաչի» բառը «մասսա» բառից, որ մի անգամ գտնում ենք Թրիկի սոյն քերթուածի մէջ: Ըստ գործածութեան այս բառը նշանակում է՝ իշխանաւոր, կառավարիչ, վերակացու, պաշտօնեայ, իսկ «մասսա»՝ իշխանութիւն, կառավարութիւն (թաթարական), վերակացութիւն, գուցէ եւ կողոպտում, կամ սրանց նման մի բան: Մասսաչիներն, ըստ Թրիկի, կեղեքիչներ են: Ինչպէս յայտնի է, իշխող դաներից հողային ընդարձակ կալուածներ էին շնորհւում բարձր պաշտօնեաներին ու զինուորականներին, որոնք եւ ամէն կերպ չափազանց չահագործում ու հարստահարում էին ժողովրդին: Այդպիսիներից են եղել նաեւ Բուղան, որ «ամէն բարիք» ստացել էր Արդունից, այլեւ իր ընկերակիները («օրթախընին»)՝ նոյնը եղել են եւ ուրիշ կառավարիչները կամ պաշտօնեաները: Նրանք ոչ միայն ճնշում ու կողոպտում էին աշխատաւորներին, այլեւ իրենց մեծ թուով նախիրներն ու իաշների հօտերն արածացնելու համար՝ ոտնակոխ էին անում, աւերում մշակութած, չէն ու մարդաբնակ երկիրը, ձմեռն արան դնալով, ամառը քոչելով սարերը: Այս քոչուորութիւնը՝ հարկերի ծանրութեան հետ միասին՝ հայ ժողովրդի ու Հայաստանի պատուհասն էր դարձած. նստաբնակ ժողովրդին տեղահան անելով՝ իբր նախորդ ու հովիւ զջում էին այս ու այն կողմ: Շատ բնական է, որ ժողովրդասէր Թրիկը զայրանար այդպիսի կեղեքիչների վրայ եւ շատ գոհ լինէր, որ «արդար եւ

երաւ դատաւոր» տէրը խփել ոչնչացրել է Բուղային եւ նրա ընկերներին, որ նա անմեղ տանջուածներէ վրէժն առել է: Դրա համար եւ մեր բանաստեղծը վերեւում բերուած վերջին քառեակից յետոյ՝ իրրեւ հաւատացեալ իր գոհութիւնն է յայտնում.

Դու ես, տէ՛ր, խնդրող վրէժից,  
Ի խոր նայիս անդնդային.

Լսես ձայնի հառաչանաց,  
Եւ հեծութեանցըն տընանկին:

Դու զըրկելոց ես ողորմած,  
Որբերըն քո՛ ես եւ այրին.

Տէ՛ր, դու տեսար յերկնից ի վայր,  
Զինչ քո ծառայքըն քարշեցին:

Գէմ չի մնաց աղբիւր ու դէտ,  
Որ լացուցածքս չխմեցին.

Գէմ չի մնաց լեռներ ու դաշտք,  
Որ մատաչիքն չկոխեցին:

Զըմեռն յարան երթին [=երթային] լալով.

Դ՛ամառն ի քոչըն քարշէին.

Քըսան տարի դար [=տանջանք] քարշեցաք,  
Ու հալեցաւ ոսկը ու մորթին:

Լոկ չնչաւոր ենք մնացել,  
Խելք, զգայարանք մեզ չերեւին:

Ֆրիկի յիշած «քսան տարին» տանում է մեզ 1260—աւան թուականներէ, երբ 1261 թուականի հայ-վրացական ապստամբական շարժումից յետոյ՝ սկսում է աւելի եւս ծանրանալ ժողովրդի դրութիւնը, եւ Ֆրիկը կարող էր վշտահար սրտով ասել՝ «դար» — տառապանք, դառն օրեր քաշեցինք:

Անէծք ու վրէժխնայութիւն, ահա թէ ինչով է բորբոքուած Ֆրիկը մասաչիներէ հանդէպ: Եւ որքան մեծ է եղել ընդհանուրի թշուառութիւնը, նոյնքան եւ աւելի բուռն է մեր բանաստեղծի ատելութիւնը նրանց վերաբերմամբ: Նա անուններով յիշում է մի երեքին, որոնցից մէկի համար զբոսում է.

Տէրըն սաստեց խոյոր աջօք,  
Որ ցրուեցաւ տունն ու բարին.  
Հանց փոխարէն արար Աստուած  
Այն Գրիգորին եւ իւր աղղին.  
Որ ամենայն մարդ վկայեաց,  
Թէ օրթախնին անիծեցին:

«Գրիգորը» Գրիգոր Լուսաւորիչն է, իսկ նրա աղղը՝ հայ աղղը: «Աստուած, — ասում է Ֆրիկը, — Գրիգորի եւ նրա հայ աղղի վրէժն ա՛յնպէս առաւ, որ ամէն մարդ վկայեց, թէ [հայերը] օրթախներին [=դաւաղիր ընկերներին] անիծեցին», այսինքն՝ հայ ժողովրդի անէծքով կատարուեց այդ. Աստուած նրա, ժողովրդի վրէժն առաւ: Անէծքի կատարման այս հասկացու-

Թիւնը, որ դարեր շարունակ իշխել է հայերի մէջ, Թրիկի այս քերթուածի մէջ ուրիշ դէպքերում եւս ուժեղ կերպով երեւան է դալիս: Իսկ Գրիգոր Լուսաորչի հանդէս դալը բացատրում է այնու, որ եթէ «օրթախները» անողութիւն ունենային «քրիստոսադիք» թագաւորի դէմ, մահմեդականութեան կողմից պիտի վտանգուէր Գրիգորի հաւատը, հայոց եկեղեցին: Հայերը նեղութեան մէջ էին ոչ միայն տնտեսապէս, նկատմամբ այս աշխարհի [= «աստէնիս»], — ասում է Թրիկը, — այլեւ այն աշխարհի [= «անդէնին»], այսինքն կրօնի.

Յերկու դիմաց ինք պարտական,  
Մէկ՝ աստէնիս, մէկ՝ անդէնին:

Բայց մենք շարունակենք տեսնել, թէ ինչպիսի վրէժխնդրութեան կըրակով եռում է Թրիկի սիրտը: Մի ուրիշ «անգրէն» կեղեքիչի համար նա ցանկանում է.

Հանց խորտակէ Աստուած զնա,  
Որ իւր ազգովն ամէն ջնջին:

Իսկ մի երրորդի համար նա գրում է.

Տիրասպա՛ն, աստուածուբաց,  
Լիրբ 'ւ անամօթ այն շուն Սօֆին.  
Հանչաք վաղէ դռնէ ի դուռն,  
Մինչ որ անկնի ի մէջ գրբին:

Եւ վերջապէս բերելով Ս. Գրքի խօսքերը՝ բացականչում է.

Թէ երանի՛, որ հարկանէ  
Զորդիքն ի քարն՝ չարկամին.  
Մենք վա՛շ ասենք անձանց մերոց,  
Թէ ո՞նց տեսաք ըզթշնամին:

Սրանից էլ աւելի չէր կարող լինել ասելութեան եւ վրէժխնդրութեան բոցը հայ աշխատաւոր ժողովրդի չարկամների ու թշնամու վերաբերմամբ: Մեր գրականութեան մէջ կան ուրիշ նման անէծքներ եւս: Դաւթակ քերթողն էլ, ինչպէս տեսել ենք, անէծքներ է տալիս մի իշխողի, մի անձի սպանողներին, բայց դա հոստորական բնաւորութիւն ունի: Ներսէս Շնորհալու գօրեղ անէծքը «Նդեսիոյ Ոյրի» մէջ մի քաղաքի կոտորածի համար է, որ բանաստեղծն ինքը տեղում չէր ապրել: Իսկ Թրիկի խօսքերն աւելի ազդու եւ ուժեղ են, վերաբերում են ոչ թէ միայն մի անձի սպանման, կամ մի քաղաքի աւերման, այլ մի ամբողջ ժողովրդի շատ տասնեակ տարիներով կրած ամէն տեսակի ե՛ւ մարմնական, ե՛ւ հոգեկան տաղնապ ու տառապանքների, որ ոչ միայն զգացած է բանաստեղծը, այլեւ ինքն իր անձի վրայ կրել է այն:

Այդ ամէնի հետ կար նաեւ բարոյական կողմը. բաւական չէր, որ հաւրատահարում էին, այլեւ չարախինդ մարդիկը ծաղրում, վիրաւորում էին անմեղ ինդեներին, նրանց բարոյական զգացմունքին դիպչում, ինչ որ տանելի կարողանում բանաստեղծի զգայուն սիրտը:

Գիտե՛մ, կային հանցեղ մարդիկ,  
Որ ի մեր չարքն խնդային.  
Երբ նստէաք ի հրապարակ,  
Ամէն ըզմեզ ծիծաղէին:  
Հա՛նց բարեաես աչուի ունինք,  
Որ նոքա ա՛յլ զլիսլալային.  
Թող չյուսանայ մարդ ի դրամ,  
Եւ ոչ ի զուր մարդ ծիծաղին...

Այդ չարախինդ մարդիկը հարստացած մասսաչիներն են, որոնց տարաքներէց այնքան դառն ցաւով լցուած է մեր բանաստեղծը, որ չի հանդիստանում, շարունակ դրդուած ու դրդուած է մնում. ուստի կրկին և կրկին դառնում է նա նոյն խնդրին.

Ապա զայս ալ կամիմ ասել,  
Զինչ մասսաչիքն դործեցին.  
Խիստ յուսացան ի յանցաւորս,  
Եւ պարծեցան յիւրեանց մտին,  
Թէ մենք չինենք շատ մի թուման,  
Երթանք կախենք զորքն եւ զայրին.  
Հետ ընկերաց ծուռ են կացել,  
Եւ շատ մարդկանց տուն քակեցին...  
Զինչ որ տուել էր տէր նոցա,  
Զայն գոհութեամբ հերիք չարին...  
Հանց խար(ս)դանաւ տէրըն ծեծեց,  
Որ իմացոն զինչ դործեցին...  
Հա՛նց սատակեաց Աստուած գնոսա,  
Զինչ մասսաչեց [=մասսաչեաց] չար կամէին:  
Իսրայէլի գերիքն էաք,  
Զեռն ինք ընկել ի Բուլային.  
Ումեկ հատել էր ի սրտէ,  
Թէ ի՞նչ լինի ճար մեր բանին.  
Դառն եւ ողորմ ինք մնացել,  
Թէ ե՛րբ հասնինք մեր մուրաւին...

«Աստուած ա՛յնպէս սատկեցրեց նրանց (մասսաչիներին), ինչպէս (տանջուած մարդիկը) չար էին կամենում մասսաչիներին», — այսինքն՝ կատարուեց ժողովրդի տուած անէծքը: Հարնտահարուած խեղճ մարդիկը, — շարունակում է քերթողը, —

Յիւրեանց բարեացըն [=բարիքներին] զրկեցան,  
Դէմ Աստուծոյ շատ մի լացին.  
Գանդատ ասցին ի խոր սրտէ,  
Հառաչանօք զայս ասացին.  
«Տէ՛ր, մի՛ հաներ զմեզ ի կենացս,  
Մինչ որ մեր պարտքըս վճարին»:

Այս նշանակում է, թէ տանջուածներն աղօթել են, թէ իրենք չմեռնեն, մինչեւ որ իրենց «Հատուցումը» լինի, այսինքն իրենց վրէժն առնուի եւ իրենց աչքով տեսնեն Աստուծու արդար դատաստանը եւ մասսաւիների պատիժը:

Յրիկը շատ լաւ դիտէր, որ Բուդայի եւ սրա համախոհների ջնջումով չէր բորբոքւում կառավարութեան սխալները, դեռ չէր ոչնչանում «մասսաւը», դեռ մնում էր միւս մասսաւիների ոհմակը: Այս ամէնի ընաճումն էր կամենում նա, ծանր եւ անտանելի հասարակական ու քաղաքական կարգերի յեղաշրջումն էր տեսնում: Այս է նրան յուզում, եւ այս էր նրա երազի առարկան: Դրա համար, սակայն, նա դժբախտաբար ուրիշ միջոց չի գտնում եւ չի առաջարկում այս քերթուածի մէջ, բայց եթէ աղաչել Աստուծուն եւ անէծք:

Ձինչ մասսաւի կայ՝ հաւասար  
Ամենեքեան թող ժողովին.  
Որ աղաչենք ըզտէր Աստուած,  
Որ ցուցանէ՜ Արդուն Ղանին,  
Թէ չէ՜ աղէկ այն արտասուքն,  
Որ թափեցին օրթախընին:

Արդուն Ղանին Աստուած հասկացնի, — ասում է բանաստեղծը, — որ լաւ չէ այն արտասուքը, որ օրթախները — զաւաղիւր ընկերակիցները թափել են տուեւ: Ղանին արած այս նուրբ ազդարարութիւնը վերաբերում է նաեւ նրա մօտ ժողովուած բոլոր մասսաւիներին, որոնք դեռ կենդանի էին եւ հաւատարիմ էին Արդուն Ղանին. նրանք էլ պիտի իմանան, որ լաւ բան չէ այն չարիքը, որ բերում են ժողովրդի վրիպ: Բանաստեղծը, սակայն, անմիջապէս նրանց մի երեքի անունները տալով՝ «Հոգցող անուն» Աստծու հրամանով յայտնապէս զգուշացնում է նրանց, որ չուտ հոգ տանեն իրենց մասին, այսինքն՝ չարիքներ չգործեն, թէ չէ՝ նրանցով կը գրադուեն, ժողովուրդը նրանց անէծքը կը տայ, եւ Աստուած այդ անէծքը կը լսի, կը կատարի:

Կու հրամայէ Հոգցող անուն<sup>2</sup>  
Թաչար Ղուջան Սաղադաւին,  
Թէ չո՛ւտ հոգէ՛ք զիւրեանց բաներդ,  
Թէ չէ ի հետ ձեզ պարապին:  
Անէծքն չէ ոչում բարի,  
Շուտ կը բռնէ զազամորդին.  
Աստուած յերկնից ալանջ դրել,  
Խիստ կու լսէ մեղաւորին...

1 Յրիկի «Բանաստեղծութիւնների» մէջ տպուած է «ցաւցածն է», իսկ «Արաբատ» ամսագիր, 1918 էջ 176 է «ցուցանէ», որ եւ ուղիղն է:

2 «Հոգացող» եւ համանիշ՝ «ինամող», «խնամիչ», «նախախնամող» բառերն Աստուծու ստորգլխներն են: «Հոգացող անուն» կիրառութիւնն Աստուծու համար՝ համեմատիւր «Մէր անուն Յիսուս» կիրառութեանը, որ գտնուում ենք Ներսէս Շնորհաւոր մի երգի մէջ: Իսկ Յրիկը գործածել է «Յիսուս անուն»: Տե՛ս Յրիկ, Բանաստ., էջ 63: «Յիսուս անուն, յիս գթացար» քերթուածի սկզբում:

Քերթուածի վերջին մասը մի շատ ազդու հատուած է, որ առանձին առած կարող է լինել մի գեղեցիկ կրօնական բանաստեղծութիւն: Այստեղ արտացոլում է Յրիկի ուղղութիւնը, ոգին եւ իղձը: Նա դեռ կանգնած է հին կրօնական, քիբլիական գաղափարի վրայ, թէ ուրիշների հետ ինքն էլ մեղաւոր է. մեղանչել է եւ ժողովուրդը, թէ Աստուած օտար դաժան բռնակալների ձեռով մեղքի համար պատժում է ժողովրդին, բայց պատժում է իր սիրելիներին եւ վերահաս դժբախտութիւններով՝ լուի փորձում է մարդկանց: Այսպէս դեռ իշխում է նոյն հայեացքը, ինչ որ Ներսէս Շնորհալու ժամանակ:

Աստուած յերկնից ականջ դրել,  
Խիստ կու լսէ մեղաւորին,  
Թէպէտ որ քիչ մի կու դատէ,  
Բայց կու փորձէ զիւր սիրելին:

Եւ ահա իրեն մեղաւոր զգացող մեր այս բանաստեղծը, իբրեւ մի երկար տանջուած մարդ, երեսը գետնին դրած՝ արտասուքով թրջելով հողը՝ աղօթում է: Նրա աղօթքը հաւատացող մարդու, — Գրիգոր Նարեկացու խօսքով ասած, — սրտի խորքերից բխած մի ջերմ խօսք է առ Աստուած: Բայց նա միայն իր անձի փրկութեան համար չէ աղերսում, այլեւ ընդհանուրի. ոչ թէ հոգեւոր փրկութիւն է հայցում, այլ մարմնաւոր ազատում «մասախց»:

Տէ՛ր, որ զՅունան տուեր կէտին,  
Հաներ արձակ հող 'ւ ի գետին,  
Զայս մեղաւոր ծառայքս յետին  
Մի՛ տար տանել մեղաց գետին...<sup>1</sup>  
Ողորմութեամբդ կու մընամք,  
Որ վերջը առնես դու մեր չարին.  
Աւուրքս անցաւ հետ մասասխա,  
Եզըը չըկայ, հուն չերելին:  
Յաւս յերկարեց 'ւ ի յոսկր անցաւ,  
Այլ չի մնաց համբերութիւն.  
Տէ՛ր, վասըն քո աստուածութեանդ  
Յօդըն հասիր մեզ յատենին:  
Փրկեա՛ ըզմեզ ի տանջանաց,  
Երեւեցո՛յ դերեսս քոյին:

«Օղնութեան հասիր մեզ յատենին» — դատաստանին: Այս նշանակում է՝ «արդար եւ իրաւ դատ» արա մեզ համար, ինչպէս վարուեցիր Բուդայի եւ ընկերակների վերաբերմամբ, նրանց դիւան-դատաստանը տեսար, նոյնպէս վարուիր այժմ մնացած մասաչիների, ընդհանրապէս «մասասխ» հետ, վերջ տուր մեր կրած չարիքին ու ցաւին եւ փրկիր մեզ տանջանքից: Բայց թէ ի՞նչ միջոցով պիտի լինի փրկութիւնը, այդ չկայ: Յրիկի այս կերպի

<sup>1</sup> «Մեղաց գետ» — դժոխքի հրեղէն գետը, որի մէջ իբր ընկնում եւ քշւում են մեղաւորները:

աղերսն արտայայտութիւն է հասարակ մարդու, անճարակ ժողովրդի, որ խորն զգում է իր տառապանքի սոսկալի ծանրութիւնը եւ ցանկանում է ազատուել դրանից, սակայն որեւէ գործնական միջոց չի գտնում, բայց եթէ անիծել եւ «Աստուած-Աստուած» կանչել: Այսպէս եւ Ծրիկը, որ «արդար եւ իրաւ դատաւոր»-ով սկսում է իր այս նշանաւոր քերթուածը եւ նրանով վերջացնում: Այդ է նրա քերթուածի գլխաւոր, հիմնական դադափարը: Այդ էլ մի աստուածաշնչեան հասկացութիւն է. «Պատ արա ինձ, Աստուած, եւ իրաւ արա ինձ ի դատաստանի իմում»: Աստուծու արդար դատաստան եւ իրաւունք:

Բայց դրանով բնաւին չի նուաստանում նրա այս գործը, որ սերտ կապուած է ժամանակի իրականութեան, իրական կեանքի հետ, անդրադարձնում է առհասարակ ամէնքին մտատանջող հարցը, թէ ե՛րբ պիտի դայ թաթարական իշխանութեան վերջը: Եւ եթէ նա դրա համար մի կոնկրետ քաղաքական ծրագիր չի տալիս իր բանքին մէջ, դրա փոխանակ նա այնպիսի թանձր ու մոայլ գոյներով նկարել է ազգային-հասարակական ծանր վիճակը, եւ այնպիսի սրտամորմոք դպացմունքով խօսում այդ մասին, այնպէս սաստիկ սրտնեղում, թէ ինչու ուշանում է սպասած փոփոխութիւնը, «մասաքի» ու «մասաչիւնների» վերջը, եւ այնպէս մեծ իղձով եւ ուժգին թափով երգում է վախազած փոփոխութիւնը, որ անչափ դրաւում է եւ իր հետ յափշտակում ընթերցողին: Նա մեր գրականութեան մէջ հասարակական եւ ազգային-քաղաքական խնդիրների առաջնակարգ քնարերգուն է իբրեւ, այսպէս ասած, «սպարադալական» կամ «գիպուածական բանաստեղծ»: Բայց այդ քերթուածը չէ միայն:

6. «Գանգատ»:— Մինչ բանաստեղծն իր նախորդ երկու երկերը յօրինելիս 1286 թուականից ի վեր անձկութեամբ սպասում էր «արդար եւ իրաւ դատաւոր» Աստուծու վճռին, որով վերջ պիտի տրուէր ժողովրդի տանջանքին, 1295 թուականին հակառակն է լինում, սաստիկ հալածանք է սկսւում հայերի դէմ: Ուստի նա այդ միջոցին յօրինուած «Գանգատ»<sup>1</sup> բանքի մէջ, «սրտի դառնութիւնից» դժգոհութեան ձայն է բարձրացնում առ Աստուած, դառնալով արտայայտիչ այն ժամանակի հայկական ողետաւոր իրականութեան եւ փոխուած աշխարհայեացքի: Դա մի խիստ բողոք է աշխարհի ամէն անորդարութեան եւ անհաւասարութեան դէմ, լինի այդ բնական թէ ընկերական, եւ մանաւանդ այն անարդարութեան, որ հայ ազգը կրում էր՝ դրեր շարունակ չարչարուելով իշխանների ձեռին: Նորից մեր իրականութեան մէջ հարց է տրւում կտրուկ կերպով, թէ ինչու է քրիստոնեայ ժողովուրդն այնքան կեղեքւում աշխարհոյններից: Ներսէս Շնորհալու ժամանակ արդէն եւ կեղեքուց անկախ եւ ազատ քննադատութիւնն ու երկրայութեան ոգին գործում էին Աստուծու «արդար եւ իրաւ» դատաւոր լինելու մասին, — որովհետեւ ամենայն ինչ Աստուծուց էր ծագած ընդունւում: Բայց մեկնաբան

<sup>1</sup> Այս «գանգատ» վերնագիրը ձեռագրից չի ծագում, այլ Արիստակէս Վ. Տեւկարցի գրածն է: Տե՛ս նրա «Հայերգ» ժողովածուն, Թիֆլիս, 1882, էջ 143 եւ հտն.: Ձեռագրի մէջ վերնագիրն եղել է՝ «Բան ի Ծրիկ գրքոյն», վարիանտ՝ «Բանք ի Ծրիկ գրոցն»: «Ծրիկ գիրք» անունը ցոյց է տալիս, որ այդ վերնագրով մի ժողովածու է եղել Ծրիկի դրանաւորների:



բանաստեղծը հակաճառում էր այդպէս մտածողներին դէմ՝ իր պաշտպանութեան տակ առնելով Աստուծու դատաստանը, բացատրելով, թէ իբր մեղքի պատճառով էին հայերի գլխին դալիս այն ամէն չարիքները: Եզնիկ Կողբացուց սկսած միամտութեամբ հաշտուում էին այդ մեկնութեան հետ. իսկ այժմ, երբ կրօնական ոգին համեմատաբար թուլացել էր, այդ այլեւ չէր բաւարարում շուրջ վաթսուներեք հասուն տարիքն ունեցող Ծրիկին, նրա հետ, հարկաւ, նաեւ ուրիշներին, եւ ինքը բանաստեղծն արդէն դատ է ուկտում եւ վիճում նոյնիսկ «արդար եւ յիրաւի եւ ողորմած» Աստուծու հետ: Նրան զբաղեցնում է այս հարցը.

Ապա այս է՞ր որ կու լինի,  
Եւ թէ յումէ՞ր կայ եւ յայտնի:

Նայնպէս եւ մի ուրիշ երկի՝ մէջ ինքն իրեն հարց է տալիս.

Ձայս ո՞նց դիտենալ կարենք,  
Թէ այս է՞ր է(ի) հանց բաժանած:  
Ձայս ո՞նց դիտենալ կարենք,  
Ես մըտօքս ի հոգս եմ անկած,  
Ասեմ՝ թէ այս է՞ր լինի,  
Որ դամէն հաւսար չէ դուգած:

Կը նշանակի՝ բանաստեղծը երկար ժամանակ խորհում, ձգտում է Թափանցելու իրերի խորքը, գտնելու աշխարհում եղած եւ ազգային, եւ դասակարգային տնհարթութիւնների ու չարիքների իսկական արմատը: Ազգային դժբախտութիւնների հիմնական պատճառ նա համարում է այն, որ աշխարհում կան բազմաթիւ ուղեք, եւ ոչ թէ մէկը: Եւ այդ տեղից էլ սկսում է իր ասելիքը: 2է՞ որ սկզբում մէկ Ադամ-Եւա են եղել եւ «մէկ բարբառ համազգային»,<sup>2</sup> բայց զարմանալի է, շատ զարմանալի, —ասում է նա, — որ այն մի զոյգից

Ո՛րքան ազգեր ծնան յերկրի.  
Ուրիշ լեզու ամէն մէկի,  
Որ մէկ մէկի ոչ հաւանի:

Ապա նա թւում է իր ժամանակի իրեն յայտնի ժողովուրդներին, թըռւով քսան, որոնք իրենց ցեղական ու լեզուական տարբերութեամբ ընդ-

1 Ծրիկ, Բանաստ., էջ 227, «Վասն Թալեհի եւ բըջի»:

2 Շատ գեղարգայթ պիտի լինել գրեւու համար, թէ «Գանգատում» «վէճի բռնուելով Աստուծու հետ, Ծրիկն ամենից առաջ կասկածի տակ է առնում Աստուծաշունչը» (Ծրիկ, Ժողովածու, Երեւան, 1937, էջ 114 յօդուած Ա. Ղանալանեանի): Իսկ մի ուրիշն՝ աւելի եւս զարգացնելով իր նախորդի միտքը՝ գրում է. «Բր այս բանաստեղծութեան մէջ Ծրիկը համարձակօրէն վէճի կանչելով Աստուծուն, նախ եւ առաջ լուրջ կասկածի է ենթարկում «Աստուծաշունչում» նկարագրուած աշխարհի եւ մարդկանց արարչագործութիւնը: Ծրիկը չի հաւատում Ադամ-Եւայի լեգենդին» (Ծրիկ, Բանաստեղծութիւններ, Երեւան, 1941, էջ 10, Առաջաբան Մ. Մկրտչանի): Այսպէս գործողներն իրենց մտածածը վերագրում են Ծրիկին. թող կարդան նրա «Բան պիտանի եւ լաւ ասացեալ Ծրկանն վասն արարչութեան», եւ այլ կրօնական քերթուածները:

հանրապէս իրար դէմ անհաւան կերպով կանգնած են եղել: Այս անհաւանութիւնը կրօնականի մէջ աւելի մեծ ուժով է երեւան եկել: Մխիթար Գոշի առակների ուսումնասիրութեան ժամանակ արդէն տեսել ենք, թէ ինչպէս ծաղրում էին ուրիշների կրօնական ծէսերն ու սովորութիւնները. բայց հայերի եւ «այլազգիների», այսինքն մահմեդականների յարաբերութիւնն այն ժամանակ ընդհանրապէս բարեկամական էր: Այդպէս չէր գրութիւնը հարկը տարի անց: Հայերս, որ ճշմարիտ հաւատն ունինք, ասում է Ֆրիկը, տանջւում ենք այլազգիների ձեռին: Եւ նա գծագրում է 1295 թուականի թըշուառութիւնները.

Այլ կամք ի ձեռս անօրինի,  
 Որք կու վարեն անգին դերի.  
 Ո՞րքան քակեն եկեղեցի,  
 Քանի՞ շինեն պղծ մըղկիթնի:  
 Քանի՞ կանայս առնեն այրի,  
 Եւ ո՞րքան որք քրիստոնէի.  
 Ո՞րքան արիւն հեղան յերկրի,  
 Քանի՞ առնեն բան խոտերի:  
 Ո՞րքան տանջեն զմեզ յաշխարհի,  
 Եւ կեղեքեն զկեանս մեր յայտնի.  
 Եւ զո՛ւ ներե՞ս յամենայնի,  
 Դ՛ն անտե՞ս առնես զմեզ ի վըշտի:

Ինչո՞ւ պէտք է «արգար եւ իրաւ» Աստուածն այս ամէնը ներքի եւ այս անիրաւութիւնների վրէժը յայտնի կերպով չառնի: Եւ մի տեսակ յանդիմանութեամբ աւելացնում է՝ դիմելով Աստծուն.

Գիտե՞ս, մարմին եմք մըսեղի,  
 Գէմ արձա՛ն չեմք ինչ պըղընձի.  
 Եղե՛ղըն չեմք, կամ խո՛տ վայրի,  
 Որ խանձ արկեալ ես կըրակի,  
 Քան զանդաստան փըշաբերի,  
 Կամ մացառաց ինչ պըրակի:

«Լա՛ւ, աս ենք բարկացել ես հայ ազգի վրայ, ինչպէս երբեմն հրեաների վրայ, ուրեմն ինչ բարկութիւն որ քեզնից թափուի՝ մե՞ր պէխն պիտի դադ կուտակուի»: Այս հարցապնդումները եւ մանաւանդ հայ ժողովրդի ողբերգական վիճակը զօրեղ թափով են արտայայտուած, որովհետեւ բանաստեղծի վիշտն էլ սաստիկ է: Ժողովրդի կրած տառապանքի մեծութեան պատճառով մէջ է գալիս այն գաղափարը, որ թեթեւակի երեւում էր արդէն Մխիթար Գոշի առակների մէջ, թէ աւելի լաւ է մի՛ անգամից մեռնել ոչնչանալ, քան թէ տանջուել շարունակ:

Արդ՝ եթէ չեմք ինչ պիտանի,  
 Եւ կամ չունիմք գործ ինչ բարի,  
 Կամ քո սրտիդ եմք ատելի,

Որ չարարաք ըստ հրամանի,  
Նա՛ դու քնջե՛ դմեզ մէկ հետի,  
Որ քո բարի սիրտըդ հանդէի:

Այս՝ մի յուսահատական ճիչ է, որ ինքնաշարժ կերպով թռչում է բանաստեղծի բերանից. բայց իսկոյն նա զգաստանում է, որ հեզնել է Աստուծու «բարի սիրտը», եւ ուղղում է իրեն.

Թէ այս կամօքըդ քո լինի,  
Ամենակա՛լ Աստուած բարի,  
Նա՛ մեք տանեմք, որչափ պիտի,  
Եւ համբերեմք ամենայնի.  
Այլ որ վատութն է՝ թող կորի,  
Եւ զոր կամիս՝ թող ա՛յն լինի:

«Թող վատութը, թոյլը կորչի, թէ չէ՝ մենք, եթէ այս լինում է քո բարի կամքով, կը դիմանանք ամէն բանի. թող ամենակալ բարի Աստուծուդ կամքը լինի», — ասում է բանաստեղծը՝ այլեւս չյուսահատուելով իր ազդէ համար եւ համակերպելով Աստուծու կամքին:

Շարունակութեան մէջ անցնում է հասարակական ու բնական անհաւասարութիւններին: «Իմ աղղը թողնենք», — ասում է նա, — բայց մի՞թէ «արդար, իրաւ դատաւորի հրաման» է,

Որ մէկն ապրի տասն տարի,  
Մէկն հարիւր այլ աւելի,  
Մէկն ոչ ի տասն հասանի,  
Երկու-երեք ամսոց մեռնի:

Եւ նա թւում է բնական եւ սոցիալական անհաւասարութիւնները — մէկի վաղաժամ մահը, միւսի բազմամեայ անպէտք կեանքը. մէկը՝ խիստ ուժեղ, միւսը՝ սարսափելի վախկոտ. մէկը հանճարեղ ի բնէ, միւսն՝ անչընորհ. մէկը՝ հրեշտակի պէս գեղեցիկ, միւսը՝ անճոռնի տղեղ. մէկը՝ բարեգործ, միւսը՝ չար, սպանող, եւ այլն: Հապա դատակարգային անհաւասարութիւնները.

Մէկն ի պապանց պարոնորդի,  
Մէկն ի հարանց մուրող լինի.  
Մէկին հաղար ձի եւ ջորի,  
Մէկին ոչ ուլ մի, ոչ մաքի...

Մէկին ատլաս եւ դըրմըղի,  
Մէկին չապիկ մի չի հասնի.  
Մէկին հարամըն յաջողի,  
Մէկին հալալըն կորուսի...

Մէկին ըռախտ եւ դրեհի,  
Ճոխով նըստի ի պէտաւ ձի.  
Մէկն է բոպիկ եւ անվարտի,  
Հետեւակին առաջ փախչի.

Նա բարկութեամբ ի հետ հասնի,  
Զվիզըն կըտրէ եւ չողորմի·  
Զկին եւ զտղայքն առնու զերի,  
Եւ հանց տանի, որ այլ չթափի:

Սրանք են աշխարհի ուժեղներն եւ այսպէս են վարւում թոյլերի հետ:

Իշխան զըրեր եւ մէկ մէկի,  
Քան զքանասար զայլ՝ ոշխարի,  
Պամ զերդ վազան նապաստակի,  
Պամ քաջ առիւծ՝ ամէն հօտի:

Այսպէս է խիստ ուժեղ խօսքով բնութագրում Ֆրիկը կեղեքող եւ կեղեքուող դասակարգերը. աշխարհի իշխանները հօտերը պատառող դայլեր եւ առիւծներ են: Նա առանձնապէս կանգ է առնում նաեւ հարուստների կամ «բախտաւորների» եւ աղքատների կամ «անբախտների» վիճակի մեծ տարբերութեան վրայ: Բախտաւորների մէջ են եւ հոգեւորականները.

Անբախտը դայ ամօթալի,  
Հեղ եւ հանդարտ, առաքինի·  
Փայ եւ կանգնի յետին տեղի,  
Անշուք, անշնորհք եւ անյարգի:

Իսկ, ընդհակառակն, ահա թէ ինչպիսի վիճակ ունի «լուծն ի փորին», այսինքն՝ գիրուցի բեռը փորին՝ հաստափոր, ցնիփոր, աղէտ եւ անդործ քահանան.

Բախտաւորն դայ ճօճկտալի,  
Փայ եւ նըստի յաւադ բարձի·  
Լուծն ի փորին թէ շուրջ անցնի՝  
Ոչ ալելու մի չի զիպնի·  
Բայց վասըն մէկ աւուր տօնի,  
Որ թէ զատիկ, այլ տօն լինի,  
Նա՛ խաչամբոյրն իւր շատ անկնի,  
Մորթ եւ էրի եւ զաղանի:

Ամէն լու ու վատ բան, ամէն աննման անհարթութիւնները կախուած են բախտից, իսկ բախտն էլ Աստուծուց է տրւում.

Ամէն ի բախտըն դայ կուտի,  
Թէ Աստուծոյ տուեալ լինի:

Հետեւաբար բանաստեղծը բախտաւորի եւ անբախտի հակադրութեամբ եւս տարակուսում է Աստուծու «արդար եւ իրաւ» վերաբերմունքի մասին: Եթէ այդպէս է, Աստուծու վճիռն իրաւ է, ապա ինչո՞ւ աշխարհում գոյութիւն ունին այնպիսի չարիքներ, անհաւասարութիւններ ու դժբախտութիւններ: Բանաստեղծն ուղղում է իմանալ այդ երեւոյթի պատճառը, բայց նա

իր հարցերի պատասխանը չի գտնում, եւ երկրայութեան մէջ մնալով՝ վերջը նա իր հարցերի համար «մեղայ գալով», դարձեալ խոստովանում է, թէ Աստուծու «դատաստանն իրաւ» է. նա, Աստուած, ամէն մէկին դիտաւորութեամբ, որոշ նպատակով («նեաթով») է տալիս իրենց վիճակը, ուստի եւ ինչպէս որ Աստուած կամենում է, այնպէս էլ պիտի լինի:

Նա քեզ մեղայ երկնաւորի,

Տեառն Աստուծոյ ահեղ մեծի.

Քո դատաստանն է յիրաւի.

Նեաթով կնուտա ամէն մէկի:

Տէր, քո կամացն է աշխարհս ի,

Այսպէս լինել, զոր ասացի:

Քեզ օրհնութիւն ի մէնջ տացի,

Ամենազոր տեառնդ Յիսուսի:

Այս գէպքում էլ, ուրեմն, համակերպում է Աստուծու կամքին ոչ միայն նրա համար, որ վերջիվերջոյ իրաւ է գտնում Աստուծու դատաստանը, այլեւ որովհետեւ Աստուած «ահեղ, մեծ», «ամենազոր տէր» է.<sup>1</sup> կամ, ինչպէս «Ընդդէմ Փալաքին» քերթուածի մէջ ասում է, Աստուած

Զամէնն է հաշուով դուգել [=արել],

Ու դմարգիկք պահել ահաւոր:

Այսպէս ուրեմն՝ Ծրիկն իր երեք քերթուածներով, որ տեսանք եւ որոնց նիւթն են ազգային ու սոցիալական խնդիրները, հանդիսանում է մեծ հայրենասիրական բանաստեղծ, ժողովրդի ցուերով վշտահար մի երգիչ եւ բաւազոյն ազգային ազադայի ձգտման, թաթարական լծից ազատուելու իդէալի մի քարոզիչ: Նրա դրաւշութիւնն աւելի մեծ է այնու, որ նա ազգային խնդրի հետ միաժամանակ եւ իրար հետ կապակցուած ու միակերպ ուժով, գրաւում է նաեւ հասարակական-տնտեսական, դատակարգային եւ ընդհանուր մարդկային խնդիրներով: Եղակի ուժգնութեամբ եւ խորին ատելութեամբ աղաղակ է բարձրացնում աշխարհում իշխող ու հարստահարող կոպիտ ուժի գէժ, բուռն վայրոյթով նկարում կեղեքող պարոնին, շահագործող ուժեղին ու նրա վայրապութիւնը, հեղնութեամբ երդիծում բախտաւոր, աղէտ քահանային ու նրա պերճութիւնն ու վայելքը, եւ քնքշութեամբ արգահատում խեղճերին, թոյլերին ու կեղեքուածներին, միշտ ձգտելով մի բաւազոյնի, մի իդէալի:

Նա որոշ չի յայտնում, թէ ինչ է իր իդէալը: Բայց երբ նա դժգոհում է բաղձաթիւ աղգերի եւ լեզուների դոյութիւնից եւ մարդկանց վիճակի անհաստատութիւնից, այդ ցոյց է տալիս, որ նա բաղձում է, որ լինէր

<sup>1</sup> Լուսէ'ք, թէ ինչ են ասում: «Այսպիսով, Ծրիկն այս [«Գանգատ»] բանաստեղծութիւնից ինքնատիւնքեան բխում է այն եղբակացութիւնը, որ Աստուած «արար եւ յիրաւի» չէ, հետեւաբար նա Աստուած չէ (այսինքն Աստուածն Աստուած չէ: Մ. Ա.) եւ այդպիսին դոյութիւն էլ չունի» (Ծրիկ, Բանաստ., էջ 18, Առաջաբան Մ. Մկրտանի):— Քե'ղճ Ծրիկ, 20-րդ դարում էլ քաշելիք ես ունեցած եղել. այն էլ ինչպիսի:

աշխարհում մի ազգ ու մի լեզու, եւ որ բոլոր մարդիկ հաւասարապէս վայելին բարիքները: Նրա քննադատութիւնը հէնց՝ վկայ է նրա ազգային ու դասակարգային գիտակցութեանը. եւ նա դրանով խկապէս պայքարում է թաթարական բռնի ու կեղեքիչ տէրութեան եւ ընդհանրապէս իշխող դասակարգի դէմ:

Բերենք մի համեմատութիւն: Սուրբ Գրքի մէջ Յորը ահեղ ու հզօր Աստուծոց դանդաղում է եւ նրա հետ դատ վարելով արդար դատաստան է ուղում իր անձնական մարմնաւոր տառապանքի համար: Գրիգոր Նարեկացին 11-րդ դարի սկզբում իր Ողբերգութեան առաջին բանի մէջ «ահաւոր դատաստան» անող Աստուծուն դիմելով՝ ասում է.

Եւ ի դնելս իմ ընդ քեզ դա՛տ խառնեա աղերսիւ,  
Հզօ՛ր, մի՛... տաղտկալի քեզ երեւեսցի...  
Այլ իբր զբուրեալ խունկն հաճոյական...  
Ի վերստին գիւտ կորուսեալս հոգւոյ առակի  
Ընդունելի կամաց քոց լիցի:

Իսկ Ֆրիկը 13-րդ դարի վերջերում իր «Գանդատի» սկզբում գրում է.

Աստուած արդար եւ յիրաւի,  
Եւ ողորմած յամենայնի,  
Հանդէս [=դատ] ունիմ, բան մի վիճի,  
Թէ դու լսես քո ծառայի:

Ո՛րքան տարբերութիւն մեր այս երկու հին մեծ բանաստեղծների մէջ, մէկը վսեմ ու ճոխ ձեւով, միւսը՝ պարզ ու հասարակ, բայց ոչ պակաս գրաւիչ: Խնդիրը սակայն այդ չէ: Նրանք երկուսն էլ դատ են սկսում Աստուծու հետ: Նարեկացու «դատ դնելը» նոյնն է, ինչ որ Ֆրիկի «Հանդէս» եւ «բան վիճի»: Այս երկու դարձուածն էլ նշանակում են իր «իրաւունքը փնտռել», ուղել, պահանջել, ինչպէս օտար բառով ասում են, «դավա անելով» — դատ վարելով,՝ վիճելով, կռուելով:<sup>1</sup> Եւ ո՛րքան տարբերութիւն այս երկուսի «դատի» եղանակի, նիւթի եւ նպատակի մէջ: Մէկն աղերսախառն խոնարհութեամբ է դիմում «ահաւոր դատաստան» անող «հզօրին», միւսը դժգոհութեամբ ու համարձակ հարցապնդում է ուղղում նոյն «ահեղ, ահաւոր» «ամենագորին» իր արած դատաստանի համար: Մէկի դատի «խօսքն ընդ Աստուծոյ» վերաբերում է իր եւ իրեն նման կրօնաւորների անձնական հոգեւոր, այսինքն կրօնական կեանքին եւ իր «կորած հոգու» փրկութեանը, որ լինելու է անդէնի աշխարհում — երկնքում ըստ ժամանակի հաւատքի: Նա արտայայտիչ է իր դարի վանական-կրօնական կեանքի ու միասնիկա-

1 «Դատ» նշանակում է նաեւ «իրաւունք», իսկ «դատել»՝ նաեւ «վիճել»: Տե՛ս Հր. Աճառեան, Արմատական բառարան, «դատ» բառի տակ: «Հանդէս» նշանակում է նաեւ «դատաստան», իսկ «վէճ» բառը՝ նաեւ «կռիւ»: Տե՛ս՝ «Առձեռն բառարան» Հայկազնեան լեզուի: Օտար «դավա» բառը նշանակում է՝ դատ, վէճ, կազ. կռիւ: Տե՛ս Բաղդիրբ յաշխարհաբարէ ի գոբաբար, Վենետիկ, 1869, էջ 516, «տաւայ» բառը: Այլեւ Հր. Աճառեան, Թուրքերէնէ փոխառեալ բառեր հայերէնի մէջ, Վաղարշապատ, 1902, էջ 331՝ «Տավա» — կռիւ, դատ:

կան անուրջները: Իսկ միւսի «դատ ու վէճի բանի» նիւթն է ընդհանրութեան, ժողովրդի իրական դժբախտ կեանքն այս աշխարհում եւ նրա մարմնաւոր փրկութիւնը տառապանքից: Սա էլ արտայայտիչ է իր ժամանակի ազգային եւ հասարակական իրականութեանն, իր ժամանակի մտածմունքների ու ձգտումների: Եւ այսպէս մեր բանաստեղծութիւնն երկնքից իջնելով աշխարհականացել է արդէն եւ դարձեալ կապուել իրական աշխարհիկ կեանքի, երկրի հետ: Բայց այդ դեռ չի նշանակում, թէ արդէն առաւելութիւնը կատարելապէս տրուում էր երկրին. դրա համար դեռ հարկաւոր էր, որ ժամանակ անցնէր:

Ֆրիկն, իբրեւ տաղանդաւոր բանաստեղծ, բազմակողմանի կերպով արտայայտել է իր երկերի մէջ ժամանակի ամբողջ ուրիշ: Տեսնենք նրա բանաստեղծութեան այլ գծերն եւս:

7. Մեղքն իբրեւ ժողովրդի տառապանքի պատճառ եւ նրա փրկութեան միջոցը:— Սխալ է ասել, թէ Ֆրիկը Հայոց աշխարհին հասած դժբախտութիւնները հետեւանք չի համարում մեղքերի, եւ իբր նա «այդ կողմից խզում է այն կապը, որ ունի իր նախորդների հետ»: <sup>1</sup> Արդարեւ, նա «Գանգատի» մէջ առանձնապէս չի բերում մեղքը, որովհետեւ նրա խնդիրն է ազգային եւ դասակարգային անարդար եւ անիրաւ վիճակների դէմ բողոքելը. բայց այնտեղ էլ վերջը նա ոչ միայն համակերպում է Աստուծու կամքին, այլեւ կողմնակի յայտնում է մեղքի մասին՝ ասելով Աստուծուն, որ եթէ «քո սրտիդ կամք ատելի, որ չարարաք ըստ հրամանի, նա՛ դու ջնջէ զմեզ»: Աստուծու հրամանի համեմատ չգործելը հէնց՝ է մեղքը, որի համար եւ պատժում է Աստուծո՛ւ:

Մի բանի մէջ (էջ 147) նա թաթարների օրով կրած անվերջ չարիքների ժամանակն անուանում է «մեղաց դար» — մեղքի համար կրած ասնական, հալածանք, տառապանք.

Ես ի՞նչ գիտէի, եղբայր,  
Թէ մեղաց դարն հանց լինենայ,  
Զինչ որ կու քարչենք հիմիկ,  
Շատ չարիս,<sup>2</sup> եւ վճար չըկայ:

«Ես ի՞նչ գիտէի, թէ մեղքի տանջանքն այսպէս է, ինչ որ այժմ քաշում ենք շատ չարիքներ, եւ վերջ չկայ»: Մի ուրիշ բանի մէջ՝ «Վասն անմիաբանութեան քրիստոնէից», որ նա գրել է 1295 թ. հալածանքի ժամանակ, նա մասնաւորապէս մեղքի խնդիրն է դնում՝ այսպէս սկսելով.

Որք որ լսեն այս ողբերուս՝  
Թող ըզմեղաց սուգըն պահեն:

Նա խօսում է քրիստոնեայ ազգերի՝ յատկապէս ֆուստյանների, հայոցների մեղքերի մասին. ամէնքը «մեղաց տէր են».

1 Վ. Բրիւսով. Հայկական բանաստեղծութիւնը, 1916, էջ 73:

2 Սխալ է այս «չարիս» բառը բացատրել իբրեւ «հարկի մի տեսակ». ինչպէս գրուած է Ֆրիկի Բանաստ. Բաւարանի մէջ: Այդ պարզապէս «չարիք» բառի հայացական հոլովն է:

Ամէնքն ատողք են միմեանց,  
Վասն այն օտարք ըզմեզ կոխեն.  
Գէմ քրիստոնեայք մեծ մեղք ունեն,  
Որ հանց յերկար դար [=տանջանք] կու քաշեն...  
Թող թ'ապայ յո՞ր ազգի մեղաց  
Ձեկեղեցիքն հալածեն...  
Թապաւորքն չի հաշտին,  
Հետ միմեանց ոխ կու պահին,  
Հանապազ զաւր ժողովին  
Եւ զմիմեանս ի սուր քաշեն:

Նա մանրամասն նկարագրում է քրիստոնեաների իշխող դասերի ընկած բաժիքերը. վարդապետներ, եպիսկոպոսներ, թաղաւորներ, քահանաներ, վանականներ, միակեցներ, ճշնաւորներ ու հայրապետներ, ամէնքը, բացի աշխատաւորներից, մի առ մի ներկայանում են իրենց բացասական կողմերով եւ չեն պրծնում մեր բանաստեղծի հարուածող խարազանից: Ամէնքը մեղաւոր են ըստ իրենց կարգին: Քրիստոնեաները

Ձինչ մեղք որ կայ՝ զամէն գործեն.

Այդ պատճառով եւ, — ասում է նա, —

Ըզմեզ երես Աստուած ի ձեռն  
Անօրինաց որ կոտորեն:

Աստուած բորձիթողի է արեւ նրանց, քրիստոնեաներին, — ասում է նա.

Ապա ի՞նչ ցեղ առաջ երթան  
Դէմ թըշնամոյն, կամ ո՞նց յաղթեն:

Ֆրիկն այդ ամէնն առաջ է բերում սրտի ցաւով եւ յուսալով, որ Աստուած օգնութեան կը դայ, սխ չի պահել, եւ

Յարուցանէ մեզ թապաւոր  
Սուրբ, որ առնէ զարդարութիւն.  
Խնդրէ վրէժս ի թշնամեաց,  
Որ քրիստոնեաց խոր կու փորեն,  
Կը խորտակէ զմեր թշնամին...

Ապա վերջում, մեղքի թողութիւն խնդրելով եւ, ինչպէս ուրիշ բանբերի մէջ, ազօթքով դիմում է Աստուծուն, ասելով.

Յարույ եղջիւր մեզ փրկութեան.  
Օղնեա ազգիս քրիստոնէից...  
Մի՛ տար անձանց մեր սասանումն,  
Ոչ հաւատացըս մեր բեկումն...

Թէ ի՞նչ «սուրբ թաղաւոր» է Ֆրիկի ցանկացածը, այդ չի ասում նա: Հաւանօրէն մի հայ, կամ ուրիշ մի քրիստոնեայ, հաղիւ թէ Արղունի նման



մի թաթար թաղաւոր, քրիստոնեաների բարեկամ, քանի որ դժուար է կարծել, թէ թաթարի համար գործածէր «սուրբ» տիտղոսը, որ ընդունուած էր քրիստոնեայ թաղաւորների համար: Բայց յամենայն դէպս նա էլ, ինչպէս ժամանակակից Ստեփաննոս Օրբելեանը, փրկութիւնը տեսնում է մի թաղաւորի ձեռով, այլեւ քրիստոնեաների միասնութեամբ: Եւ փրկութիւնը «անօրէնների», այսինքն այլազգիների ձեռից, ոչ միայն հայ ազգի համար, այլ ընդհանրապէս քրիստոնեաների:

8. Մահուամ եւ ունայնութեամբ երգը:— Սոցիալիստն տնհաւասար եւ անարդար բախտի դէմ բողոքելով հանդերձ՝ բանաստեղծը, չարիքն ուղղելու համար, տեսանք՝ ոչ մի գործնական միջոց չի առաջարկում: Նա դեռ կանգնած է հին կրօնական հայեացքի վրայ, այն է՝ «անարդեւ զփառքն եւ զպատիւն անցաւորական», լինել իմաստուն եւ աշխարհն համարել ունայն»:

Աշխարհս ունայն է, քանի որ մահը գալիս, սրբում տանում է ամէնքին հաւասարապէս: Եւ Թրիկը ոգում է համայնաջինջ մահը՝ մի մեծ զագելով, որի առաջին մասը հետեւեալն է.<sup>1</sup>

Յորժամ որ մահն մօտենայ  
Եւ անողորմ գլորողն գայ.  
Ոչ ի ծէ՛ր կու խընայէ,  
Ոչ ի մանուկ 'ւ ոչ երեխայ.  
Ձի քըննել եպիսկոպոս,  
Ռչ վարդապետ, ոչ քահանայ.  
Ձի քըննել թագ(ա)ւոր 'ւ իշխան,  
Ոչ զայնոսիկ որ կու մուրայ.  
Ձի ասել, թէ պարտական (է),  
Կամ աղքատ է, կամ տրդայ.  
Ձի խըղճար յօտարականն,  
Թող թէ հաղար դռուն կու լայ.  
Անողորմըն բաժանէ  
Ձնոր պըսակած հարսն ու փեսայ.  
Բաժանէ ի մէկմէկէ  
Ձքոյր եւ զեղբայր՝ առնու գընայ,  
Հանց կրակ դնէ ծընողացն,  
Որ յաւիտեան երթայ մընայ.  
Ձհայրն ու մայրըն կու տանի,  
Կաթնակեր տղայն ի տուն մընայ.  
Հանց որբեր յետ կու թողու,  
Որ սար ու ձոր ամէն կու լայ.  
Ի հիմնէ՛ տուն կու քակէ,  
Որ այլ իսկի չէն չի մընայ.  
Հանց ցանկութիւն կու խափանէ,  
Որ իւրն նըման իսկի չըկայ.

Ոչ այն սըրբոց կու ամաչէ,  
 Որ Աստուծոյ բանիւ կու գայ.  
 Մեղաւորացքն չողորմի,  
 Չասէ՝ յէգուց նա դարձ կու գայ.  
 Ոչ ի զոգոյ 'ւ ի պիսակէ,  
 Ոչ յաղտեղաց կու գարչի նա.  
 Պահլաւանից եւ ի քաջանց  
 Ոչ երկընչի 'ւ ոչ վախենայ.  
 Ձինչ որ ծնեալ կայ՝ մեռանի,  
 Մահն ամէնի հասեալ կու գայ.  
 Ոչ մեծատան, ոչ աղքատի  
 Յերբ հասանի՝ համբեր չը տայ.  
 Հանց բընութիւն զինչ մահն ունի՝  
 Չեմ ի մընալ, թէ նա խըղճայ.  
 Յորժամ ելնի տաքն ու կակուղն,  
 Նա՛ հովն ու չորն անպիտանայ:  
 Լըսէ՛ խըրատ ի Ֆըրկանէս,  
 Իսկի յայս կեանքըս շահ չըկայ...  
 Փրիկն հանցեղ պարզ է խօսել,  
 Որ ամենա՛յն մարդ իմանայ,  
 Թէ ճըշմարիտ է բանս 'ւ ողորդ,  
 Որ այս կենցաղըս խաբ կու տայ...

Այս միեւնոյն ներթիւն նա դառնում է եւ ուրիշ քերթուածներ ժէջ,  
 մահը պատկերացնելով իբրեւ անողոք եւ ամենազօր տիեզերական ուժ, որ  
 անխնայ եւ անողորմ ոչնչացնում է ամէնքին, ամէնքին: Ուստի, — ասում է  
 նա, — «Իսկի յայս կեանքըս շահ չըկայ», «այս կենցաղըս խաբ կու տայ»,  
 այսինքն աշխարհիս կեանքն անօգուտ եւ խաբուսիկ է: Ինչի՞ է պէտք այս  
 կեանքն ու հարստութիւնը.

Տեսէ՛ք, թէ քանի՞ մարդ [իկ]  
 Աշխարհէս դարտակ մընացին.  
 Չամէնըն յետին թողին,  
 Անընչիկ ի հոն գընացին...<sup>1</sup>

Մահն ինչքան էլ ցաւալի տեսարաններ է բանում, Փրիկի բանաստեղծ-  
 թութեան մէջ չի դառնում կատարեալ ոչնչացման մի սուր զգացում, այլ  
 մահուան երգը ծագած լինելով քրիստոնէութեան էութիւնից, դեռ կապուած  
 է քրիստոնէական հաւատալիքների եւ հասկացութիւնների հետ: Դեռ իշ-  
 խում է Աւետարանի խօսքը՝ «Նրանի սգաւորաց, զի նոքա միսիթարեացին»: Ուստի  
 մահուան մասին բանաստեղծութիւնն ասում է իբրեւ միսիթարութիւն  
 տառապեալների համար. այսպիսիները մահով ազատում են աշխարհիս  
 դժնդակ աղէտներից: Բացի այդ՝ ով որ այս աշխարհում եղել է աղ-

1. Անդ., էջ 174:

քառ, բայց իմաստուն, այնպիսին ոչ մի երկիւղ չունի մահից, որովհետեւ եթէ նա այս աշխարհում բախտաւոր չի եղել, մեռնելուց յետոյ անդէնը հակառակ վիճակն է ունենում. մինչդեռ վայելող հարուստը, կեղեքիչը՝

Ի յանդէնն է դառն ու մոլոր:

Կամ մի ուրիշ տեղ գրում է Թրիկը՝

Ով որ այս կեանքս է խիստ ուրախ,

Անդէնըն շատ ի լաց կենայ:

Սոյն միտքը նա յաճախ կրկնում է եւ դրա ճշմարտութիւնն ապացուցելու համար նա մի ուրիշ գեղեցիկ դադելով շատ կենդանի պատկերացնում է աւետարանական Աղքատ Ղազարի եւ Մեծատան վիճակները ե՛ւ աստէն, ե՛ւ անդէն: Եւ այս նա յիշեցնում է իր մի շարք ուրիշ բանքերի մէջ եւս:

Յէ՞ր չես երթար ի միտքդ ի վար,  
Ե՛ր գերեվա՛ր մարդ ու տըխմար...  
Ի կեր 'ւ ի խում ի հետ մեղաց,  
Ի շուրջ կու գաս զօրն անդադար.  
Զըրկես ու տաս մարմնոյդ ի կեր,  
Գիրացընես որդանց համար.  
Գերեզմաներն ի վար հայեց,  
Տե՛ս քանի՞ մարդ կայ ի շար.  
Ամէն փրտեր ներքեւ հողին,  
Քան զմեզ քանի՞ հարիւր հազար...  
Քան զՄեծատունն այլ ո՞վ հարուստ,  
Այնչափ ունէր ակն ու գոհար.  
Կապայ հաղնէր ցեղք ի ցեղաց,  
Փողկապն ամէն մարդարտաշար.  
Ի կեր 'ւ ի խում ի շուրջ կու գար,  
Եւ անդէնէն չունէր խապար.  
Ամբարտաւան կեցաւ զամէնն,  
Յետոյ մեռաւ հանցիկուն յիմար:

Նրա դռանը կենում էր տառապեալ աղքատ Ղազարը կարօտ հացի ու հագուստի: Մեծատունը նրան չէր օգնում: Երկուսն էլ մեռնում են:

Մեռաւ, գընաց Աղքատ Ղազար,  
Տեղն է կանաչ սաղ ու պայծառ,  
Ամահութեան աղբիւրն առջին,  
Շուշան ծաղկունք հարիւր հազար:  
Նա՛ մեծատունն առէր լալով  
Թէ՛ «կաթ մի ջո՛ւր, Աղքատ Ղազար»...

Մահն, ուրեմն, զարհուրանք է միայն հարուստների, ուժեղների եւ կեղեքողների համար, որոնք զրկանքով վայելում են աշխարհի բարիքը եւ մահով զրկւում են դրանից: Իսկ ճնշուածները, սովալլուկներն ու տառապեալ-

ները մահով միայն ազատուած են իրենց թշուառ վիճակից: Մահը գոնէ հասարակութեան միակերպ է վերաբերում ամէնքին, եւ զրանով պէթ առնուած է անհաւասարութեան վրէժը եւ զոհացում տրուած սոցիալական հաւասարութեան պահանջին:

Այսպիսով մահուան եւ ունայնութեան երգը, որ սկսուած էր մեր միատիպական բանաստեղծութեան մէջ, մի նոր ձեւով եւ նոր բովանդակութեամբ կրկին երեւան է գալիս բոլորովին տարբեր Գրիգոր Նարեկացու մահուան երգից: Մինչ ըստ վերջինիս՝ ունայնութեան գաղափարը հեշտացնում էր ճղնաւորին աշխարհից կտրուելը եւ մահը միջոց էր տալիս նրան շուտով միանալու Աստուծուն, — ապա այժմ, 13-րդ դարում, ազգային եւ սոցիալական անարդարութիւնների հանդէպ դա հանդիսանում է, ինչպէս ասուեց, իբրեւ մխիթարութիւն, մօտ երկու դար աւելի վաղ, քան նման երգը, օրինակ, Փրանսիական գրականութեան մէջ: Եւ այնուհետեւ այս ցաւազար մրմունջը շարունակուած է յաջորդ դարերում, քանի որ ազգային եւ սոցիալական աղետաւոր դրութիւնը նոյնն է մնում: Մեր գրեթէ բոլոր բանաստեղծները երգում են այս ընդհանուր նիւթը, եւ ամէնքին էլ մերթ հանգրտացնում է, մերթ անհանգստացնում այս տիեզերական մեծ առեղծուածը, որ քնարերգութեան կարեւոր թեմաներից մէկն է:

9. Կրօնական ու հոգեշահ քանիք եւ միասնականացնում:— Ֆրիկը, սոցիալական անհաւասարութիւնը վերացնելու համար, ինչպէս ասուեց, ոչ մի դործնական միջոց չի առաջարկում: Նա հետեւում է աւետարանական խօսքին, թէ՛ սղաւորները մխիթարում են անդէնը: Բայց մխիթարում են ոչ ամէնքը, այլ «իմաստունները» կրօնական մտքով: Եւ Ֆրիկի քերթուածներն ամենուրեք մասով պտտւում են այս խնդրի շուրջը, թէ ինչպէս պիտի լինին «իմաստունները», «խելօքները»: Նրա այդպիսի բանքերն ունին հոգեւաւ բովանդակութիւն իրատական բնաւորութեամբ. դրանք են՝ «Բան ոգեւաւ», «Բան պիտանի», «Վասն հոգոյ», «Տաղ վասն հոգոյ» եւ նմաններ: Դրանց մէջ փափուկ շեշտերով միակերպ յեղեղւում են հոգու եւ մարմնի հակամարտութեան խնդիրը, այս աշխարհի եւ այն աշխարհի կամ աստեղի եւ անդէնի, երկնաւորի եւ երկրաւորի վերաբերեալ մտածութիւններ ըստ միջնադարեան սովորական կրօնական հայեացքի:

Սուտ է մարմին եւ սրնոտի,  
Ներքըն հոգին կերթայ փրտի:

էջ 29

Ուստի պէտք է հոգալ հանդերձեալ կեանքի, հոգու փրկութեան համար, զի հոգին առաւել է, քան մարմինը: Պէտք է միշտ պատրաստ լինել մահուան եւ վերջին դատաստանի համար, չպիտի խաբուել անցաւորին, քննել այս ու այն կեանքը, վերջին օրը հոգալ, լինել անընչասէր, հոգեւոր ճանապարհը բռնել զնալ, ուրանալ այս կեանքը, պահքով, աղօթքով ու յացով, արտասուքով սպանել մարմինը, մարմնաւոր վայելքների ետեւից չընկնել, կենդանի ժամանակն անել հոգու ճարը, աղքատներին օգնել, անցաւորը չսիրել, հոռաչելով զզջալ, «մեղայ դալ», կացքը փոխել, այս կեանքս ոչինչ համարել եւ այն կեանքին ցանկալ, իրեն համար անդէնը հայրենիք չինել, բարիք անել ուրիշներին, չառնել կաշառք, չատ վաշխ ու մեծ տո-

կոս, հետեւել միշտ աւետարանական խրատներին, մարմինն ուրանալ, որպէսզի հողին պայծառանայ. եւ շատ նմանները: Կարիք չկայ այստեղ նրա այսպիսի երկերի մասին առանձնապէս խօսելու. միայն պէտք է ասել, որ Փրիկն իր այսպիսի քերթուածներով հանդիսանում է մեր հին գրականութեան նշանաւոր կրօնական բանաստեղծներից մէկը: Հաւանօրէն նա իր այսպիսի բանքերը մեծ մասամբ յօրինել է իր կեանքի այն շրջանում, երբ ցանկացել է լինել «սիրող վանքերուն», եւ ինչպէս վերեւում գրեցինք, պուշէ եւ դարձել է որեւէ վանքի միաբան, մնալով առանց որեւէ քահանայական աստիճանի, իրրեւ մի աշխարհական կրօնաւոր: Այսպիսի վիճակով միայն հասկանալի է ծագումը ոչ միայն այդպիսի, այլ նաեւ այն բազմաթիւ կրօնական քերթուածների, որոնց նիւթն առնուած է Ս. Գրքից կամ այլ կրօնական գրոյցներից: Բերենք հետեւեալ աղօթքը, որ մի կտոր է մի մեծ բանքից:

Առաւօտ խաղաղութեան,  
Դէմ քո լուսոյդ եւ կու մընամ,  
Զինչ ըղձուկն յաղի ծովէդ՝  
Քաղցըր ջրբիդ ի դէմ կու դամ...  
Կենդանի աղբիւր դու ես,  
Ծարաւիս տուր, որ զովանամ:  
Ոչ ոսկոյ, ոչ արծաթոյ,  
Ոչ աշխարհիս կու ցանկանամ,  
Քո տեսոյդ եմ փափագած,  
Յայս կարօտոյս զօրն երերամ.  
Ժողովէ՛, տէ՛ր, ի քեզ,  
Որ քո լուսոյդ արժանանամ...  
Քան գրեզ ա՛յլ ծանօթ չունիմ,  
Քո դրանէդ ո՛ւր հեռանամ...

Այս գեղեցիկ մեծ քերթուածը՝ նա մի շնչով ոգել է այն ժամանակ, երբ կարծես դարձել է կրօնաւոր որեւէ վանքում, որի դռնից, իբրեւ Աստուծու դռնից, չի ուզում հեռանալ: Ապա՝ նա փափագում է, ինչպէս միատիկ, աստուածային լոյսին եւ Աստուծու «տեսին» կամ «տեսլեանն» արժանանալ. ինչ որ կրկնում է եւ ուրիշ բանքերի մէջ: Նա իր այդ գերակայ նրպատակին տիրանալ է աշխատում սիրով ըստ կրօնական հայեացքի, ուստի մի քանի քերթուածների մէջ սիրոյ դովքն է անում, այսպէս, օրինակ, հետեւեալի մէջ.<sup>2</sup>

Այս է համասփիւռ ծաղիկն,  
Որ թափէ ըզմարդն ի հողոյ.  
Դիտեմ թէ՛ դայս ո՛ւր ուղեմ,  
Սա կենայ ի լեառն ի սիրոյ...

1 Փրիկ, Բանաստ., էջ 62—69:

2 Անդ, էջ 62:

Մի ուրիշ քերթուածի մէջ՝ «Ուտանաւորք առացեալ Ֆրկանն յաղաղս կենդանի սիրոյ առ Աստուած»<sup>1</sup> բացատրում է, թէ սիրով են եղել ամէն նշանաւոր գործեր, որ Ս. Գրքի եւ այլ սրբազան գրքերի մէջ պատմուած են.

Քան զամէն ինչ յառաջ սէրն է գոյացել:

Այդ աստուածային սիրու շառաւիղն իրեն բանաստեղծի մէջ էլ է ծագում, եւ դրանով է, որ նա կարողանում է իր «գեղեցիկ բաները» յօրինել.

Թէ չըկայ սէր հոգոյն ի սրտէ բրդխեալ,  
Զայս ամէն գեղեցիկ բաներն ո՞վ առէր:

Ուրիշ քերթուածի մէջ էլ՝ «Նորին Ֆրկանն ասացեալ հաւատոյ»<sup>2</sup> իր առ Աստուած սիրոյ գովքն է անում.

Այս սէրս, որ ի յի՛մ սիրտս է  
Բընակել, զայն նա՛ զիտենայ,  
Որ ինքըն հանց սէր ունի,  
Որ նրման ընկեր չունենայ:  
Այս սէրս աշխարհիս սիրուս  
Չէ նրման, ով ինքս իմանայ՝  
Այս սէրս ի լուսոյ եկել.  
Ով սիրէ, նա՛ անմահանայ:

Ապա թէ այս սէրն իր սրտում ունեցողը՝

Շատ հոգւոյ [=հոգու] բաներ ասէ,  
Ով լըսէ եւ զինքն իմանայ,  
Զմարմինըն տաճար չինէ,  
Որ Աստուած գայ հանգչի ի նայ:  
Յանկայ երկնային լուսոյն,  
Եւ յերակ ըզմահն յիշէ նայ.  
Զամէն ցեղ մեղաց տեսակ՝  
Թող կոխէ ու անցնի գընայ:

Ուրեմն դարձեալ մի միստիկական փափաղ մահով միանալու Աստուծու հետ. Աստուած իր մէջ, ինքն՝ Աստուծու, կամ՝ որպէսզի

Երբ որ յարութիւն լինի,  
Նա անանց լուսոյն տիրանայ:

Դառնանք բանաստեղծի արուեստին:

10. Ստեղծագործութիւն իմֆնաշարժ ազդումով: Ձեւակամ կողմը:— Առաջին տպաւորութիւնը, որ ստացւում է Ֆրիկի բանքերից, այն է, որ դրանք մեծ մասամբ յօրինուած են սպոնտան կերպով, այսինքն մի ինքնաշարժ, ինքնարուէս ազդումով, առանց խորը խոկալու, մի տեսակ բնազդա-

<sup>1</sup> Անդ, էջ 159—166:

<sup>2</sup> Անդ, էջ 146—149:

բար: Կարծես մի ներքին ձայն խօսում է նրա մէջ, նա ունենում է մաքի լուսաւորութիւն եւ սաստիկ յուզուած ու լցուած, մտասոյզ ու յափշտակուած, դիմում է բանաստեղծութեան: Այդ է պատճառը, որ նրա քերթուածներն ունեն մեծ քնարականութիւն: Հոգեշահ բանքերն անգամ, որոնք թւում է թէ իբրեւ խրատներ պիտի լինէին սառն եւ անկենդան, ունին անձնական բնոյթ, ինքնաբոլի ելնում են սրտի խորքից եւ առանց որոշ ծրագրի, ինչպէս ասիերից դուրս ելնող գետ՝ յորդահոս զեղումներով եւ անարգել առաջ ընթանում: Եւ բանաստեղծն ինքը լաւ զգում է իր ստեղծագործութեան այս եղանակը.

Յորժամ որ զմիտքս կու պարզեմ [=կը մաքրեմ]

Ազդումն հոգոյս ի յիս կու գայ.

Երբ կու ծաղկի միտքս եւ հոգիս,

Լեզուս իմ հանց պըտուղ կու տայ:<sup>1</sup>

Այդ «հոգու ազդումը» — աւելնը, ըստ բանաստեղծին, Աստուծու շնորհն է. ուրեմն նա նոյն կրօնական հայեացքն ունի իր բանաստեղծութեան Ֆաղման մասին, ինչ որ Գրիգոր Նարեկացին:

Փառք Աստուծոյ միշտ կենդանոյն,

Որ հանց շնորհ նա մեզ կու տայ.

Որ կարենաք հանց բան ասել,

Որ իմաստունն հաւան կենայ:<sup>2</sup>

Այս միեւնոյն քերթուածի վերջին մասի մէջ նա ասում է.

Մեք գոհանամք յողորմածէն,

Թէ մի մեղաւորքս ոնց կու գըթայ.

Որ զանարժանս արժանացոյց,

Որ հանց գօհար ի շար կու գայ:

Փառք փառաց թաղաւորին,

Որ մեր մըտացըս լոյս կու տայ.

Զինչ արեւն ի շող ջըրին՝

Ի մէջ հոգոյս կու թըռուըռայ:

Ուրիշ գրուածները մէջ էլ<sup>3</sup> իր ոտանաւորներն անուանում է «գօհար բան», «գօհար բան շարել»: Թէ ինչպիսի ուժեղ, արտասուաթոր ապրումներով ու տանջալի յոյզերով է նա յորինել իր շատ երկերը, այդ պարզ տեսնում ենք նրա հետեւեալ տողերից,<sup>4</sup> որոնց մէջ նա աւելի եւս մանրամասն Նկարագրում է իր բանաստեղծելու պրոցեսը.

Շատ մի հայերէն բաներ խորհրդով գըրախտ տընկեցի,

Զաչիցս աղբերացըն ջուր քաշեցի զինչ որ սընուցի.

1 Զրիկ, Բանաստ., էջ 48:

2 Անդ., էջ 50:

3 Անդ., էջ 126, «Ի ծնունդ Սուրբ Կուսին» քերթուածի վերջում:

4 Անդ., էջ 44, «Բան ոգեշահ եւ լաւ» քերթուածի վերջում:

Զիմ լերդս զինչ ըզհաց կերայ, ա՛յ եղբայրք, ինչ որ բուսուցի,  
 Երկու լուսն ի մին դարձաւ գիշերին, մինչ որ հասուցի.  
 Անկա՛յ ի հոգոց ծոփըն, երբ որ գայս բաներս յիշեցի.  
 Զիմ միտքըս լողնորդ արի՛ւ ի ծովու յատակն իջուցի.  
 Զիմ աչեքը չափ արի ու ծովու ջուրըն չափեցի.  
 Վասն ա՛յն մարգարտին համար, որ ծովու յատակըն լինի:  
 Անչափ աղաչեմ զԱստուած, որ հոգոյ աչքըս բացուի,  
 Եւ իմ ըզգայարանքս յաշխարհի ժանգէս մաքրի:

Բանաստեղծն իր բանքերը «գօհար» կամ «մարգարիտ» է անուանում իրենց հոգեչա՛հ բովանդակութեան համար, իսկ վերջինս, — հետեւաբար եւ «գոհարը», «մարդարիտը», — է իսկապէս այն անանց, անմահ կեանքը, աստուածային լոյսը, Քրիստոսի տեսութիւնը, որը տեսչում է նա իբրեւ իր կրօնական իրէ՛տը: Ինչպէս ամբողջ քերթուածները, նոյնպէս ինքնաշարժ, անբռնազբօս ծնւում են եւ ձեւաւոր արտայայտութիւնները, նմանութիւնները եւ առհասարակ փոխարարերութիւնները, որոնցով շատ հարուստ է Փրիկի լեզուն: Կարելի է ասել, որ նա մեծ մասամբ նկարէն ձեւով, գունագեղ պատկերների շարքով է մտածում, քիչ անդամ վերացական արտայայտութեան է դիմում, ինչպէս, օրինակ, հետեւեալ տողերի մէջ.<sup>1</sup>

Գերի Փըրի՛կ, մարդ մի՛ խաբիլ,  
 Մի՛ սուտ վարուք կեղծաւորիլ.  
 Դընա ի յօն դիր շինութիւն,  
 Որ յաւիտեան անհոգ լինիս:  
 Այս կեանքըս դուք է եւ խաւար,  
 Եւ ի ձեռինդ լապտեր չունիս.  
 Դարանտկալն հոն կայ թաքել,  
 Ճարտար փայլէ՛ որ չըմբըռնիս:  
 Երբ ելանես, դու հոնց դընա,  
 Որ յետ յաշխարհս այլ չի նայիս.  
 Տարածամեալ օրն եւ դընաց,  
 Լաւ ընկերացն ե՞րբ հասանիս:  
 Մինչ դեռ ամառն է՝ պէտ արա,  
 Որ ի ձըմեռն չանկանիս.  
 Զիւնն ի վերայ լերանց իջաւ,  
 Յաջողութիւն դու քեզ չունիս:  
 Թէ՛ կալ ու կաս առնես այսօր,  
 Զիւնն ի վայր գայ, դու մըսես.  
 Երթայ արեւն, եւ դու մընաս,  
 Ի շինութիւն չը հասանիս:  
 Զիւնըն ալիքդ է սպիտակել,  
 Զըմեռն է այն, որ ուժ չունիս.  
 Տե՛ս՝ դու տըղայ չես անիմայ,

1 Անդ, է 35 եւ հտ.:



Աղէկ լըսէ', թէ խելք ունիս .

Թող զայս խաւար աշխարհս ի բաց ,

Լուս աշխարհի թէ ակն ունիս . . .

Երբեմն պատկերներն ընդարձակուում , կազմում են մի մեծ ամբողջութիւն , ինչպէս , օրինակ , հետեւեալ կոտորը , որի մէջ բանաստեղծը դիմում է Աստծուն՝ իբրեւ այգեղործի .

Թէ դընես ցանկ այս այգոյս ,

Ի կողոպտէն անհոգանամ .

Այգէգործ ըզքեզ գիտեմ ,

Թէ պէ՛տ չանես , նա՛ չորանամ :

Զիս տընկէ՛ ծառ յերկիր բարի ,

Որ ես հաստատ տրմատանամ .

Զհարաւային հողմըն գարնան

Հընչէ՛ յիս , որ բորբոքամ :

Զիս յօտէ՛ 'ւ ի խոր փորէ՛ ,

Որ ես վարթչիմ դուարթանամ .

Խաղացո՛ ջուր կենդանի

Յարմատ սրբախ , որ կակդանամ :

Առողա՛ յորդ վըտակով ,

Որ կանաչեմ եւ մանկանամ .

Մի՛ թողուր զիս անարեւ

Եւ անծաղիկ , որ գօսանամ :

Զիս սընո՛ եւ վարմանէ՛ ,

Որ ի ժամու պտուղ քեզ տամ .

Յանջրդիս եմ ցամաքել .

Ամպ չէ ցօղեալ , որ զուարթանամ :

Տօղեա՛ , տէր , զցօղ ողորմութեան ,

Լինի պտուղս իմ քաղցրահամ .

Աղերսեմ թագաւորիդ ,

Առնում պարգեւս եւ պարծենամ :

Ինքնարուխ ստեղծագործութեան հանդամանքից ծագում է նաեւ Թրի-  
կի արուեստի թերութիւնները : Արդարեւ առանձին ձեւաւոր խօսքերը դեղե-  
ցիկ եւ աղբու են , բայց պատահում է , որ նա իրար ետեւից շարում է պատ-  
կերաւոր «գոհար բաներ» , թեթեւութեամբ յօրինում է վերելում բացա-  
տըրուած հայրենի եւ յամբական չափերով բազմաթիւ տողեր , որոնց ներ-  
քին կապակցութիւնը մնում է տարտամ , կամ թէ մի երկար շնչով , մի նուա-  
գով , բերում է բազմաթիւ նմանութիւններ , այնպէս որ դրուածքը , կար-  
ծեա , այլարանութիւն է դառնում : Այսպիսի ընդարձակուած պատկերները  
մէկ մէկ մնում են անյատակ , մութն ու դժուար ըմբռնելի , զի բանաստեղ-  
ծըն էլ ետ չի դառնում իր երկերը յղկելու եւ կարդաւորելու . նա դրանք այն-  
պէս բնական ձեւով էլ թողնում է , ինչպէս սկզբում ինքնաշարժ ոգել է :

Այդպիսով առաջացել են բազմաթիւ աւելորդ կրկնութիւններ ոչ միայն տարբեր բանքերի մէջ, այլեւ նոյնի:

Ապա՝ մի աչքի ընկնող թերութիւն էլ այն է, որ քերթուածները յաճախ շատ երկարաշունչ են եւ այնպէս, որ երբեմն հեշտ չի հասկացւում կամ պարզ եւ արագ չի իմացւում բազմաթիւ տողերի կամ տների ու մասերի յաջորդականութիւնը մի հիմնական մտքի, մի թեմայի շուրջ, կամ թէ դրանք իրար հետ միանում են լոկ ընդհանուր բովանդակութեամբ: Պատահում է, որ նոյնիսկ մութն է մնում եւ չի որոշւում քերթուածի թեման, հիմնական միտքը: Արդարեւ մի բանքի համար՝ հեղինակն ասում է, թէ

Ֆրիկն անցեղ պարզ է խօսել,  
Որ ամենայն մարդ հասկանայ...

Բայց ոչ բոլոր բանքերն իրենց ամբողջութեամբ միշտ եւ իսկոյն հասկանալի են, թէպէտ եւ սովորաբար պարզ ու հաճելի են նրա տողերը:

Առնենք իրբեւ օրինակ նրա մի քերթուածը,<sup>2</sup> որի մէջ «անանց բարուն տիրանալու» միստիկական ձգտումը երեւան է գալիս սկզբում կենդանի կամ կենդանարար ջրի պատկերով, վերջը՝ ծովում որոնած գոհարի:

Փափագել եմ ի ջուրն, յուսով կու գընամ,  
Թէ հասնիմ յայն աղբիւրն, որ կենդանանամ,  
Ես խըմեմ յայն ջրէն ու հետ գոհանամ,  
Թէ թողուն մէկ պահիկ, յոր յինքն լողամ:  
Այն սիրովն յաւազանն ես գիւս յուսնամ,  
Նորոգիմ վերըստին քան ըզհին Աբամ:

Ապա մի երկայն չարք տողերի մէջ «ջուրը» դէն դնելով՝ ասում է, որ եթէ արժանի լինի՝ մեծապէս կը փայլի. եթէ «կենդանեաց երկիրն» է կամենում, Աստուծու օրէնքից չի հեռանալ. եթէ ուզում է «անանց բարուն տիրանալ», պիտի մոռանայ տուն ու անդ, քոյր, եղբայր, պիտի սառնիկ արտասուի, մեղքից մաքրուի եւ արդարանայ, թողնի հարստութիւնը, քուրձ հագնի, նեղ ճանապարհով գնայ, Աստուծուն մօտենայ, որպէսզի վերջին գառապտանի ժամանակ անվախ արժանանայ Յիսուսի տեսին, լաւ ընկերներէց ետ չմնայ: Յետոյ նորից վերադառնում «ջրին».

Յայն աղբիւրն եմ կարօտ, որ լաց կու կենան,  
Թէ հասնի կաթ մի յիս, որ արդարանամ:  
Երանի՜ ինձ հաղար, թէ հանց լինենամ,  
Որ ի մեծ աղբիւրէն կարօտ չի մընամ:  
Դու Աստուած ես գըթած եւ խիստ ողորմած,  
Յայն ջրէն ինձ արբոտ, որ ես լիանամ,  
Ի բըղխմանց սուրբ հոգւոյդ, որ ես զովանամ,  
Յերեսաց ի լուսոյդ ուրախ լինենամ...

1 Ֆրիկ, Բանաստ., էջ 47, մահուան մասին յօդոնուած ոտանաւորի մէջ:

2 Ֆրիկ, Բանաստ., էջ 203—208.

Դարձեալ՝ մի աւելի եւս մեծ շարք տողերի մէջ նկարագրելով իր հոգեկան վիճակն ու տենչանքը՝ ասում է, թէ վերջին դատաստանի օրը Յիսուսի աջ կողմը դնայ, խոստացած բարեքներին տիրանայ այն կեանքում, բայց կասկածում է այդ մասին, համարելով իրեն մեղքերով մեռած. «անըզգամ փորձողից» զնդանուած, ինչպէս մի յիմար կամ հարրած: Վերջն Աստուծուն դիմելով՝ աւելացնում է.

Երբ բացեր զիմ ըզմիտս, որ կու բզզամ,  
Վառեցաւ սէրդ ի յիս, զերդ հօւր կու եռամ.  
Խօսեցայ հետ սըրտիս, թէ ես ի՞նչ լինենամ,  
Ո՞վ հանէ յայս կապէս, որ ես դուրանամ:  
Տէ՛ր, զքո ձայնդ յիս հասո՛ւ, որ խաղաղանամ:  
Լոյս ծագեաց խաւարիս, այլ ոչ կուրանամ.  
Խըղճացիր ծառայիս, որ չանպիտանամ,  
Քարշեցեր զիս ի քեզ, տէ՛ր, ո՞ւր դառնամ:  
Երբ յիշեմ զայս գոհար բաներս ու ցընծամ,  
Չաճապին զիմ ըզմեղքն ու նըստիմ եւ լամ:

Պիտի սպասէինք, թէ քերթուածի վերջն է. բայց այս «գոհար բաներով» լուսաւորում է նրա միտքը, եւ զուգորդութեամբ ծնւում է «գոհարը» [=մարգարիտը] ծովի մէջ որոնելու հետեւեալ ընդարձակ պատկերներն ալ-լարանութեամբ.

Ձինչ ըզգետ յաշխարհիս բոլոր պիտի դամ,  
Ու մղանիմ ես Ծըրիկս ի ծովն ու ծըփամ.  
Ի յաղեաց կոծելոյն ես ո՞նց [վ. է՞ր] վախենամ.  
Երբ ծովուն ի միջին ես դարզ լինենամ [=ընկղմիմ],  
Երբ որ զիս հարցանեն, թէ ո՞ւր կու գընում,  
Ես նորա պատեհի պատասխանի տամ,  
Թէ՛ խնդրեմ զայն գոհարն, որ փարթամանամ  
Ու տեսնում՝ իմ մըտաց աչօքս եւ դողամ:  
Ո՞վ բերէ զինքն առ իս, որ պահ մի խընդամ,  
Կու քաղի շունչս յինէն, թէ ե՛րբ մօտենամ,  
Եւ առնում պահ մի յափս եւ ուրախանամ,  
Եւ հոգով եւ մարմնով ես անմահանամ:

Ես հաստատ եւ անբեկ նաւի կու մընամ,  
Որ մըտնիմ ես ի նա՛ եւ այլ չերերամ:  
Նաւապետ է Քրիստոս, ի հետ կու գընամ,  
Քան ըզնա այլ ինձի ճարտիկ չունենամ.  
Հասուացէ զիս յայն տեղն, որ ես կու ցանկամ...  
Թող մաշիմ ի յայս հոգս եւ խիստ հընանամ.  
Իմաստուն եւ ինչօք ապա լինենամ.

1 Ծրիկ, Բանաստ. սպրւած է «Կուտեմնում», իսկ «Արարատ» 1918, էջ 203  
ունի «Ու տեսնում»:

Երբ աննեմ քննութիւն ու զլաւն իմանամ,  
Երբ սահաւ մի աստ լամ, նա՛ անդ խընդանամ,  
Արարչէն ես պատիւ եւ փառ ըստանամ,  
Որ հանգչիմ ես անդէն՝ Ե ի նա դոհանամ:

Նախ՝ նկատեմ, որ «ի նա գոհանալ», այսինքն «յարարիչն գոհանալ» պարծուածը նշանակում է՝ դաւանել, խոստովանել, հանաչել արարչին իբրեւ Աստուած: Ապա՝ Քրիստոսի՝ նաւապետ լինելու համար իբրեւ համեմատութիւն՝ բերեմ հետեւեալ շարականները.<sup>1</sup>

Ծով կենցաղոյս հանապազ գիս ալեկոծէ,  
Մըրըրկեալ ալիք թըշնամին ինձ յարուցանէ,  
Նաւապետ բարի, լեր անձին իմոյ ապաւէն:  
Մերձ եմ յընկրլմիլ, օգնեա՛ ինձ, նաւապետ բարի,  
Քանդի ծանրացան ի վերայ իմ բեռինք մեղաց...  
Փըրկեա ի վտանգէ ըզնաւաբեկս ի յալեաց ծովուս...

Այստեղ երկար խօսուեց Ֆրիկի այս քերթուածի մասին իբրեւ մի օրինակի, թէ նա ինչպէս է յօրինում: Բացի այդ՝ մանրամասն բերուեց դրա բովանդակութիւնը, որպէսզի պարզուած լինի. որ մեր բանաստեղծի այս երկը զուտ կրօնական բովանդակութիւն ունի. թեման է, ինչպէս սովորաբար նրա միւս կրօնական երկերինը, «հոգով եւ մարմնով անմահանալ», «անանց բարուն տիրանալ»: Եւ նա այդ բանին հասնել է աշխատում սովորական միջոցներով — լինել իմաստուն եւ աստէն ապաշխարել անդէնի խնդութեան համար: Մի անգամ որ այս քերթուածի նիւթը, թոյլատրելի չէ թեթեւ մօտեցումով, — ինչպէս վարուել են, — ամբողջ քերթուածից պոկել հանել ծովի մէջ «դոհար» (=մարգարիտ) որոնելու պատկերը, որ տեսանք նախորդ Գրքաբարդարֆի վերջում եւս, եւ դրա մէջ դտնել ինչ որ ազգային բան,<sup>2</sup> կամ «հասարակական մի նոր կեանքի» ձգտում:<sup>3</sup> Այդ, կարծում եմ, կը նշանակի բնաւ չհասկանալ Ֆրիկի այս երկը, կամ թէ բռնի կերպով շուռ տալ դրա կրօնական իմաստը եւ իր ուզած բովանդակութիւնը դնել մէջը: Գէթ հին բանաստեղծութեան նկատմամբ պէտք էր լինել ուղղամիտ եւ ուղղատես: Նրա որոնած «դոհարը» կամ «մարգարիտը» ոչ թէ հասարակական երջանիկ կեանքն է, այլ անդէնի «միստիկական անմահ կեանքը», «անանց բարին», «հոգով ու մարմնով անմահանալը»: Կրօնական բաների մասին խօսելու համար՝ պէտք էր ծանօթ լինել նիւթին եւ կրօնական լեզուին: «Գո-

1 Շարական հոգեւոր երգաց, Էջմիածին, 1861, էջ 132 եւ հտն.:

2 «Արարատ», 1918, էջ 202 եւ հտ. Տիրայր եպիսկոպոսի յիշուած յօդուածը:

3 Ֆրիկ, Բանաստեղծութիւններ, էջ 15, Մ. Մկրտչի յիշուած աւաճառանի մէջ. «Ֆրիկը... ձգտել է, երբեք էլ հասարակական մի նոր կեանք, այնպիսի կեանք, որ կեղեքուող աշխատաստեղծեանը կարողանար երջանկութիւն բերել: Իր այս ձգտումն ու մտորումները Ֆրիկն ալլաբանօրէն արտայայտել է մի քանի բանաստեղծութիւններով. երջանիկ կեանքը՝ նրա փնտռած մարգարիտը կամ գոհարն է, որը ձեռք բերելու համար բանաստեղծը պատրաստ է ամբողջ աշխարհը պտոյտ գալ եւ ամէն մի դժուարութիւն յղթահարել»:

«Գործը» կամ «մարգարիտը» կրօնական լեզուի մէջ մի սիմբոլ է հէնց այդ հոգեւոր անմահութեան ըստ քրիստոնէական դադարի։ այսպէս, օրինակ, կրօնաւոր կաթողիկոսն իր հռչակաւոր օրհներգութեան մէջ Հռիփսիմեան հայերին անուանում է «վաճառականք առատը անյայտ մարգարտին» = «աներեւոյթ մարգարտի ճոխ վաճառականներ», այս դէպքում դնողներ, գրողներ ըստ «վաճառական» բառի երկրորդ նշանակութեան։ Բերեմ նաեւ Յոսէփ Սիւնեցու ներբողեանից՝ հետեւեալ կտորը, որով նա գովաբանում է Գրիգոր Տաթեւացուն. «Գրիգորիոս՝ վաճառականն անգին մարգարտին, որ զամենայն անցաւոր եւ զսնտոտ՝ դուրազին վաճառեաց եւ առ ոչինչ համարեցաւ, եւ միայն գլխաւորիտն Քրիստոս առ ինքն ընկալաւ»։

Փրիկի երկերի մէջ ուրիշ դէպքերում էլ կիրառուած են եկեղեցական դրականութեան մէջ սովորական դարձուածներ, արտայայտներ, պատկերներ եւ նմանները։ Դրանք արդէն ընդհանուր տեղիներ, են, բայց բանաստեղծից նորինորոյ ոգեւնչուած են, ուստի եւ կրում են իւրայատուկ դրոշմ։ Այսպէս են, օրինակ, իրեն հոգեպէս հիւանդ-համարելը Փիղիկապէս հիւանդի պատկերով, աշխարհիս կեանքը երազ ընդունելը, վերջին դատաստանն առ դժոխքը, որ բաւական յաճախ նա նոր ու թարմ ձեւով նկարագրում կամ յիշեցնում է ի վախ եւ ի զգուշութիւն մեղաւորներին, այսպէս եւ հոգու եւ մարմնի միջնադարեան հակամարտութիւնը.<sup>2</sup>

Հոգիս ի մարմինս ասաց.

«Այ տրխմար, ողորմ՝ ու լալի,

Վաղըն դատաստան լինի,

Զիս առնէ որդի գեհենի»։

Հոգիս է տրխուր նրստեր,

Զով տեսնու՝ լալով գանգատի,

Թ՝ «Եղայ հարամու ընկեր,

Թալանեց 'ւ արար զիս գերի»։

Ահա որ աշունն երեկ,

Կու շարժիմ, քամին կուտանի.

Յօգուածս ի թոռիլ արեր,

Զինչ կրտրած ծառն որ ցամաքի։

Ոտիցս ի դնալ առնում,

Նա'յ դողայ 'ւ ի յետ կոլորի,

Աչերս իմ սակաւ գոցի,

Իմ թութակ լեզուս կու կապի...

Յօրինում է յաճախ ոչ միայն սովորական ոճական ձեւերով, այլեւ Ս. Գրքից ակնարկներով՝ Ազամից սկսած, կամ զղջում է Աւետարանի խօսքե-

<sup>1</sup> Գիրք քարոզութեան... Գրիգորի Տաթեւացուն, Ամառան հատոր, Կ. Պօլիս, 1881=1190+551=1741, էջ 719. «Առաքել վարդապետի ասացեալ ներբողեան առ քաջ հետաքրքիր... Գրիգոր Տաթեւացի...»։

<sup>2</sup> Չիլիկ, Բանաստեղծ, էջ 171. «Տող... վասն հոգոյ»։

բով եւ առականքով: Ներսէս Շնորհալու «Յիսուս որդի» երկի ձեւով մի քերթուածի մէջ<sup>1</sup> էլ առնում է «Քրիստոս ի մէջ մեր յայտնեցաւ» յայտնի երգի տողերը: Եւ վերջապէս՝ կան ամբողջ բանքեր աստուածաշնչեան նիւթերի մասին,<sup>2</sup> բոլորն էլ յօրինուած գունեղ, պարզ, թեթեւ ոճով եւ անձնական զգացմունքով:

11. Մի քանի ուրիշ գրական տեսակներ (գրական սեւեր):— Յաճախ նա իր երկերի մէջ ստեղծում է անկեղծ, հոգեբուխ աղօթքներ, աղաչական ու ողբադիւն եղանակով, որոնց մէջ խօսելով Աստուծու հետ՝ աղաչւում է մեղմ լիբիզմով, զգացւում է ցաւատանջ հեղինակի ճնշուածութիւնը, կարծես, մի ծանր բեռան տակ:

Իմ մեղքն ի վերայ ուսիս  
Կու հակէ ի վայր կու տանի:

Աւելի եւս յաճախ խոր կրօնական ոգով տողորուած՝ ինչպէս մի բարեհազի ծերունի, գրոյցի ձեւով հանգիստ խրատում է իրեն, կամ իր անձով՝ ուրիշներին: Նրա խրատներն էլ, որ ընդհանրապէս աւետարանական բովանդակութիւն ունին՝ ուղղուած անդէսին, միշտ քաղցր ու համեղ են, երբեմն ժողովրդական ձեւով:

Ձայս վերայ ի՛նձ եմ խօսեցեալ,  
Մի՛ մեղադրէք, խըրատ կու տամ:

Ուրիշներին չվիրաւորելու համար այսպէս է ասում նա վերջին դատաստանի եւ դժոխքի մի զգածուած նկարագրի մէջ:<sup>3</sup> Բայց աշխարհի հարստահարիչները, աշխատաւորների քրտինքով լաւ ուտող-խմողները շատ բան ունին Ֆրիկի լեզուից նեղանալու. նա առիթ չի փախցնում ոչ միայն իւմորով, այլեւ դառն հեղնանքով, անգամ կծու սարկազմով ծաղրելու այնպիսիներին եւ նրանց վրայ բանաստեղծական երգիծաբանութիւններ յօրինելու: Ահա մէկը.<sup>3</sup>

Ի՛նձ անմիտ եւ անասուն,  
Գիտե՞ա՞ զոր տեղիքն կուգես...  
Հազար կապիճ մեղք ունիս,  
Այդով ո՞նց երկինք ելանես:  
Եղբա՛յր, թէ դու չա՛տ ուտես  
Ու խըմես, նա՛ չա՛տ հառաչես,  
Չասես, թէ դու մարդ ծընար,  
Յիրաւի ի յէջ նըմանիս.  
Երթաս թաւալիս յաղբիսն,  
Հետ թոքաս եւ հետ փուք հանես.  
Այդով դու ի՞նչպէս հասնիս  
Յայն սըրբոց դասն որ դու կուգես...

1 Պրիկ, Բանաստ., էջ 118 եւ հտ., «Նորին Պրկանն ասացեալ բան պիտանի չաւ»:

2 Անդ., էջ 167—170:

3 Անդ., էջ 155—158, «Բան շահաւէտ»:

Մի մեծ խրատի մէջ (47 քառեակ), որ սկսւում է «Է՛ր անօրէն եւ անառակ երիտասարդ» բառերով,<sup>1</sup> ամէն երկու տողով նկարագրում է անառակ հարստի վարք ու բարքը եւ ապա ուրիշ երկու տողով՝ թէ ինչպէս պէտք էր ապրել:

Դու զատամունքդ կըրճըտէիր,  
Զինչ նենգաւոր հարբած ուղտոյ.  
Քաղցըր պիտէր զինքըդ բանալ,  
Անուշ խօսել հետ սիրելոյ:  
Զլեղուդ մըխել ես չար ու սուր,  
Ձեռն ձանձրանալ յիշոնց տալոյ.  
Փառաբանող ստեղծած է դա՝  
Ձտիւ եւ զգիշեր, զառաւօտու:  
Բերանըդ պիղծ է ու զազիր՝  
Ի յամենայն պիղծ ուտելոյ...  
Զխռչակըդ լայն ես դու բացեր՝  
Զհարամն անհոգ ի կուլ տալոյ...  
Լանջացդ անուշ գայր քո յերակ,  
Ձեռն կնոջ անօրինոյ...  
Բազուկըդ հաստ էր եւ յաղթող՝  
Վասն կըռոյ եւ ծեծելոյ...  
Ձեռքըդ պիղծ է եւ անմաքուր՝  
Յաղտեղութեանց՝ լ ի զրկելոյ...  
Սիրտըդ լցած է նենգութեամբ,  
Քան ըզգայոյ եւ զառիւծոյ...

Վերջին մասի մէջ կենդանի նկարագրում է, թէ այդպէս ապրողն եւ իր խրատը չպահողն ի՛նչ վիճակ է ունենում վերջին դատաստանին: Մի ուրիշ քերթուածի մէջ<sup>2</sup> սուր երգիծաբանութեամբ դիմում է հարստին ու փարթաւին՝ ծաղրելով նրանց նիստ ու կացն ու վախճանը.

Է՛ր ես հագել դո՛ւ նասիճ  
Ու նըստել զինչ մէկ ի նուին.  
Ճորտեր են կանգնած յառջեւդ.  
Զըռօաչ գինին լընուին.  
Տառպելքն են ի դուռն եկել,  
Որ իւրեանցն կըտոր մուրային.  
Կանչէր թէ՛ ի զատ հանէք  
Յերեսէս, որ իրք չուզէին.  
Յորժամ դատաստան լինէր,  
Որ ըզքեզ յառաջ կոչէին,

1 Յրիկ, Բանաստ., էջ 95—104. «Խրատ ոգեշահ ասացեալ Յրկանն վասն երթ տասարդի եւ արեցողաց»: Մի ուրիշ ձեռագրի մէջ «Խրատ ոգեշահ ասացեալ Յրկանն վասն ցանկութեան երիտասարդի շնութեան»:

2 Յրիկ, Բանաստ., էջ 127—129, «Բան մեկնութեան»:

Ի՞նչ ես դու տուել նոցա,  
 Որ ի քո՛ դուռըն կու դային:  
 Ո՞ւր են այն ամէն ճորտերն,  
 Որ կանչեն անո՛ւշ պարոնին.  
 Թող զան ու թափեն ըզձեզ  
 Կըրակէն՝ ի հուր գեհենին:  
 Ո՞ւր է քո ոսկի կապայն,  
 Որ ծառայքն ի թեւն անուին.  
 Ո՞ւր է փափուկ անկողինդ,  
 Որ դիչերըն քեզ փըռէին:  
 Թխօր ոչ կապայ ունիս,  
 Ոչ անկողին ի մէջն ի հողին.  
 Յայգուց հուր ու բոց ածեն  
 Ի բերան ընօաչ խըմողին...  
 Ո՞ւր է ձեր ամէն դեկանն  
 Ու թաւերն եւ չառ ծառանին  
 Թող զան ու թափեն ըզձեզ  
 Ի ձեռացըն չար տանջողին...

Այդպիսիներն իրենց արդարացնել են ուզում՝ իրենց արարքների հա-  
 մար մեղաւոր բռնելով սատաւայիմ. այդ էլ ծաղրում է մեր բանաստեղծը.<sup>1</sup>

Ազէկ քըննէ ըզքեզ,  
 Ա՛յ յիմար, թէ ի՛նչ բանի ես.  
 Զչարն քո կտմաւ գործես,  
 Զսատանայ պատճառ դու դընես:  
 Եղբա՛յր, քեզ երդումըն տամ,  
 Սատանայ դու ե՞րբ տեսել ես.  
 Ասա՛, թէ ի՞նչ կերպ ունի.  
 Կամ ի յո՞ւմ բերնէ լսել ես.  
 Դու գմիտքդ սատանայ զուգես,  
 Ի յաշխարհս ի շուռ կու ածես.  
 Սատանայ զայն ի՞նչ գիտէ,  
 Զինչ որ քո մըտօքդ քըննես.  
 Յայն կեանքն ո՞վ առնէ մըտիկ  
 Այդ պատճառիդ ինչ որ դընես:

Սնամիտ պիտի լինել կարծելու համար, թէ Ֆրիկը չի հաւատում սա-  
 տանայի, ինչպէս եւ Աստուծու գոյութեան.<sup>2</sup> Նա վերելի տողերով միայն  
 ծաղրում է մեզքը սատանայի վրայ պցոյներին եւ սատանային իրեն, թէ չէ՝  
 մեր բանաստեղծը, ինչպէս ընդհանրապէս միջնադարում, ընդունում է սա-

1 Անդ, էջ 157:

2 Ֆրիկին աթէիստ էլ դարձրին. «Ֆրիկն իր մի քանի տողերի մէջ երեւան է  
 հայիս նաեւ որպէս աթէիստ: Նա շառաչուն ապտակ է զարկում «անճառելի», «անքըն-  
 ակի», «անեղ» Աստուծոյ» (Ֆրիկ, Ժողովածու, Երեւան, 1937, էջ 66. յօդուած Ե. Թո-  
 րոսեանի):



տանայի սաղրանքը նոյնիսկ իրեն համար, բայց դրանով չի արդարացնում նա ինքն իրեն: Նա չի բռնի էլ է խիստ ծաղրում այդ նկատմամբ, այն էլ խորի ծերութեան օրերին իր լաւագոյն բանքերից մէկի մէջ:<sup>1</sup>

Ջանացի թէ լոյսն ելնեմ,  
Ի խաւարըն խիստ մօտեցայ...  
Ալիքս է դեղին դարձեր,  
Նա մեղօք այլուի սեւացայ...  
Ականջս խարողին դըրի,  
ՁԱստուծո՛յ բանըն մոռացայ...  
Բելիար ինձ զայս ասաց,  
Թէ՝ «Քան զքեզ ինձ մէկ այլ չըկայ»:  
Ձիմ կամքս ես դու կատարել,  
Ես քեզ տամ՝ զինչ քեզ պիտեանայ,  
Տանիմ ըզքեզ իմ դարպասն,  
Որ անես աղէկ թամաշայ»:  
Ձթմբուկն էր ի ձեռն առել  
Ու ինձի կ'ասէր, թէ՝ «Խաղա՛,  
Որ ես հանգչիմ իմ դասովն  
Ու եղբայրն իմ Բեղդէրուղայ»:  
Հանցեղ դու շընորհք առնուս,  
Ով հայի ի քեզ՝ ծիծըղայ»:

Ահա թէ ինչպիսի «Թամաշայ» — տեսարան է բաց անում Բելիարը. նա հանդիսաւոր կերպով բազմութեան առաջ պար է ածում իր կամքը կատարող ծերունուն եւ խաղը ու խայտառակ զարձնում նրան. Ծրիկը մի բանքի մէջ<sup>2</sup> ինքն իրեն դիմելով ասում է, թէ «մեծ ատեանի» ժամանակ՝

Կապի քո բըլբուլ լեզուդ,  
Ի յահէն լինիս դու լեղակ,  
Ո՞ւր են քո ամէն բաներն,  
Հայերէն մասալ ու առակ:

Վերջին տողից պէտք է եզրակացնել, որ նա որոշ թուով «մասալ ու առակներ» պիտի դրած լինի, բայց յայտնի է միայն մէկը,<sup>3</sup> որ վերնագրի մէջ անուանուած է «տաղ»: Երկու հարուստ եղբայր կային Մարում, — ապում է նա: — Մեծ եղբայրն ուղում էր մորթել փոքրին, որպէսզի բոլոր հարստութիւնն իրեն մնայ: Պատից մի աղիւս պատմում է իր գլխից անցածները եւ համոզում մեծ եղբորը չդործել եղբայրասպանութիւն: Գեղեցիկ պատմուած առակ է, որի բուն դադափարն է մարդուն ոչնչութիւնը: Խօսող աղիւսը

1 Ծրիկ, Բանաստ., էջ 79—81. «Նորին Ծրկանն է ասացեալ լաւ հաւաստոյ» ուրիշ ձեռագրի մէջ. «Ովքանք զզջման ի հոգի ասացեալ Ծրկանն»:

2 Ծրիկ, Բանաստ., էջ 57 եւ հտն., «Նորին Ծրկանն ասացեալ հոգեշահ», սկսում է «Ծրիկ զինչ ծընծղայ ես դու» խօսքով:

3 Անդ., էջ 199—202. «Տաղ Ծրկան ասացեալ ի վերայ եղբայրասպանին»:

«կղբնապէս եղել է մի մեծ պարոնի մարմինը, որ զանազան արկածների հանգիստաց յետոյ՝ բանեցուել է իրբեւ աղիւսի նիւթ»<sup>1</sup>

Այսպէս՝ Ծրիկը կիրառուել է բազմազան բանաստեղծական ձևեր ու տեսակներ, երբեմն միեւնոյն բանքի մէջ։ Նա ե'ւ ձեւով, ե'ւ հարուստ բովանդակութեամբ հանդիսանում է մի ինքնուրոյն առաջնակարգ բանաստեղծ, որ հաւասար դեղեցիկութեամբ երգում է ե'ւ իր անձնական կեանքի վիճակը, ե'ւ ազգային-քաղաքական եւ հասարակական խնդիրներ, արտայայտիչ դառնալով իր օրերի իրականութեանը, պայքար մղելով ընդդէմ հարստահարիչներին եւ խորը հաւատալով ժողովրդի լաւագոյն ապագային։ Նա միաժամանակ եւ լաւագոյն կրօնական քնարերգու է։ Նա աչքի է ընկնում եւ այնու, որ աջողութեամբ յօրինում է զանազան տեսակներ, ոչ միայն իսկական քնարական քերթումներ, այլեւ խրատական երկեր, երգիծարարութիւններ, աղօթքներ եւ այլն, բոլորն անձնական զգացումով հեղեղուած։

Վերջապէս՝ այս էլ պիտի յիշել, որ նա շատ սիրում է նաեւ իմաստական ասքը, բայց ոչ իրբեւ մի առանձին տեսակ, այլ աղպիսի տողերով ու տներով նա համեմում է իր բանքերը, ինչպէս վարում են ժողովրդի մէջ շնորհալի խօսողները գործածելով առածներ։ Կարծես այդպիսիներին էլ հետեւում է եւ նրանց առածներից էլ օգտւում է մեր այս բանաստեղծը։ Յաճախ նրա քերթումների մէջ գտնում ենք մեծ վարպետութեամբ յօրինուած մի քանի իմաստալից խօսքեր, որոնց մէջ խտացրած կերպով արտայայտւում է հեղինակի բուն գաղափարը կամ խրատը, մեծ մասամբ իրբեւ բարոյախօսական եղրակացութիւններ։ Այսպէս, օրինակ, հետեւեալները նրա մի երկից.<sup>2</sup>

Ձինչ զօրն ի բուն մարդըն խորհի,

Գիշերն ամէնըն խափանի...

Ձինչ որ մարդոյ խորհուրդ լինի,

Ամէնըն հող է եւ քամի։

Այն բաղային եմ նմանի,

Որ փոքր որսին ոչ հաւանի.

Ով որ ածէ դաշքն այլ մեծի,

Քաղցած կենայ եւ անօթի...

Երբ ժամանակ մարդոյն ծռոփ,

Երես ի վայր նա դըլորի,

Երթայ դիպնի հանցեղ դարի,

Որ մինչ ի մահն ոչ վրձարի։

<sup>1</sup> Այս առակը նման բովանդակութեամբ կայ Վերնտիկի Միքիթ. Ձեռագրատանը, Թիւ 1823 (Գ. է), էջ 579—582, 1690 թուականի մի տաղարանի մէջ «Առակ լաւ եւ պիտանի» վերնագրով։ Վերջին երկու տողերն են՝ «Այս քանի բանս իւրմէն ասեր Աշըխ Բօջակն կունեհար»։ Սկզբի եւ վերջի երկու տները, որ ձեռի տակ ունիմ, նման էն Ծրիկի գործին։ Երեւի, Բօջակը նոյն բովանդակութիւնը վերապատմել է. բայց հաւաստի կարելի է ասել միայն ամբողջը նկատի ունեւող։ Գուցէ եւ Բօջակը իւրացրել է Ծրիկի առակը։

<sup>2</sup> Ծրիկ, էջ 25 եւ հտ., «Վասն ողբանք փռչիմանութեան»։

Կան քերթուածներ, որոնք մասամբ կազմուած են իմաստական ասքերի շարքից՝ այսպէս, օրինակ, նրա մի «Հոգեշահ եւ պիտանի» բանքը.<sup>1</sup>

Իմ սիւրտ, վատին մի՛ լսել,  
Ու չարին տեղ իսկի մի՛ տալ.  
Յայս աստուորիս վերայ  
Վատն իսկի մարդու չի մնալ:  
Այն մարդն որ ինքն վատ առնէ,  
Հանդիպի ինքն վատի մի ալ...  
Յորժամ քո չարկամն ընկնի,  
Դու ի քո սիրտը մի՛ խընդալ...

Թէպէտ եւ այսպիսի խօսքերը յաճախուած են Ֆրիկի երկերի մէջ, բայց նա իմաստարան քերթող չէ, այլ քնարերգու: Իմաստական ասքերը, որ առաջ անուանում էին «ասք իմաստնոց», մի առանձին դրական տեսակ են կազմում, եւ ունենք բանաստեղծներ, որոնք սիրում են այդ եւ յօրինում են ամբողջական իմաստա-ուսուցական դրուածքներ:

#### ԻՄԱՍՏԱՐԱՆՆԵՐ ԵՒ ՅՈՎՀԱՆՆԵՍ ԵՐՁՆԿԱՑԻ ԿԱՄ ՊԼՈՒՋ

1. Իմաստա-ուսուցական բանաստեղծութիւն:—Առակների հետ միաժամանակ 13-րդ դարի վերջին քառորդից ի վեր, մինչեւ 17-րդ դարը եւ յետոյ, ծաղկում է իմաստական եւ ուսուցական կամ խրատական բանաստեղծութիւնը: Հայրենասիրական որոշ գաղափար արծարծել եւ ուսուցանելիս է եղել իսկապէս նաեւ Ստեփաննոս Օրբելեանի «Ողբի» միտումը, բայց իմաստական բանաստեղծութիւն չէ այն: Վերջինս յօրինուած է սովորաբար միջին դրական հայերէնով ու ժողովրդական ոճով եւ բովանդակութիւն ունի ընդհանրապէս բարոյական գաղափարներ, երբեմն պարսաւի կամ խորհրդածութեան հետ միացած: Բանաստեղծներն իրենց ուրիշ երկերի հետ մեծ սիրով քերթում են նաեւ իմաստալից բանքեր կամ, ինչպէս հնում անուանում էին, «ասք իմաստնոց», «բանք իմաստութեան», որոնց մէջ կան այնպիսիները, որ ժողովրդական առածների եւ իմաստալից ասութիւնների համեղ ու դունեղ վերակերտումն են: Որքան մեր միջնադարեան առակները ձեւով մեծ մասամբ անմշակ են մնացած, այնքան աւելի գեղեցիկ են յօրինուած այս փոքրիկ իմաստական քերթուածները, որոնք մի քանի տողով, սեղմ եւ կուռ ոտանաւորներով տալիս են մեզ երբեմն ընդարձակ աշխարհայեցողիւն: Դրանց իմաստաբան հեղինակները մէկ մէկ փայլում են անձնակա՞ն համարձակ, իրենց ապրած դարաշրջանի նկատմամբ՝ անդամ խիզախ տեսութիւններով, բայց նրանց ասքերը մեծ մասամբ, ինչպէս մեր միջնադարեան առակները, տողորոտած են քրիստոնէական բարոյական գաղափարներով, զբաղւում են կրօնական ուղղութեան խրատներով, մերթ-մերթ նաեւ այնպիսի խնդիրներով, որ անձնապէս հետաքրքիր են եղել քերթողի ժամանակի մարդկանց համար: Կան հարկաւ եւ այնպիսի քերթուածներ, որոնց քարոզած գաղափարներն արժէք ունեն նաեւ ամէն տեղի եւ ժամանակի հա-

<sup>1</sup> Ֆրիկ, Բանաստ., էջ 89 եւ հտն., Վնորին Ֆրկանն ասացեալ Հոգեշահ եւ պիտանի»:

մար, քանի որ ընդհանուր մարդկային կեանքն է կազմում դրանց բանաստեղծների մտածութեան նիւթը: Թէպէտ եւ այդ քերթուածները պատարագ են բարոյակրթական քարոզներով, երբեմն կազմուած են մի ամբողջ շարք իմաստական ասքերից — բարոյական սենտենցիաներից, բայց դրանց հեղինակներն իսկական բարոյախօսներ — մորալիստներ չեն: Նրանց երկերն ուսուցական կամ խրատական լինելով հանդերձ՝ սովորաբար իսկական քնարերգութիւններ են, որովհետեւ ոգուած են անձնական տրամադրութեամբ, ջղոտ եւ խորն զգացած, եւ բարոյական խրատներն էլ ըստ երեւոյթին իրենց հեղինակների փորձառութեան եւ ապրումների արդասիւք են, ինչպէս, օրինակ, Ֆրիկի եւ Կոստանդին Երզնկացու:

Այս տիպի, ինչպէս եւ ընդհանրապէս խրատական եւ հոգեւոր քերթուածները կազմում են մեր հին բանաստեղծութեան հարուստ ճիւղերից մէկը, բայց դրանց զարգացման պատմութիւնն անել այժմ հնարաւոր չէ, որովհետեւ դեռ չի կատարուած բանասիրական աշխատանք, չեն ժողովուած եւ հրատարակուած բոլոր այդպիսի երկերը, որոշուած չեն շատերի հեղինակներն եւ նրանց ապրած ժամանակը:

Այս իմաստական ասքերը յօրինուած են սովորաբար հայրենի չափով, եւ լեզուով ու ձեւով շատ նման են միմեանց. ուստի հեշտութեամբ հնարաւոր է եղել դրանցից կազմել մեծ կամ փոքր շարքեր, մեծ մասամբ առանց հեղինակների անուան, եւ այսպէս էլ մտել են դրանք զանազան ժողովածուների կամ տաղարանների մէջ: Իբրեւ հեղինակներ յիշուած են Պլուզ եւ Ֆրիկ: Կան նաեւ սակաւաթիւ այնպիսիները, որոնք խառնուրդ կենդանացունք կամ ուրիշներինն են: Դրանց մասին այստեղ հնարաւոր չէ առանձին մանրամասնութեամբ խօսել: Յիշենք այսպիսի ոչ մեծ տաղաշարքերից մի յայտնին, որ սկսւում է «Կ'ուզես որ աղիդ կենաս» տողով, որ կայ եւ Ֆրիկի անունով, եւ անանուն:<sup>1</sup> Դրա մէջ կան նաեւ քառեակներ Պլուզի անունով վերելում յիշուածներից, ինչպէս եւ սիրոյ տաղերից: Բերենք առաջին երկու քառեակները, որոնք քարոզած խրատը խոնարհ եւ կակուղ բնաւորութեան մասին՝ շատ էլ չի յարմարուած Ֆրիկի ոգուն:<sup>2</sup>

Կ'ուզես որ աղիդ կենաս,  
Որ ամէն մարդ ըզքեզ սիրէ՝  
Դու հոգու նըման կացիր,  
Որ ամէն մարդ ըզքեզ կոխէ:

<sup>1</sup> Տպուած է Կ. Կոստանդանյի «Նոր ժողովածու, Գ. պրակ. Միջնադարեան հայոց տաղեր եւ ոտանուորներ» հրատար. մէջ, Թիֆլիս, 1896, էջ 35—40. առնուած է մի ձեռագրից, որի մէջ վերնագիրն եղեւ է՝ «Ֆրիկան ասացեալ զայս տաղս», մի ուրիշի մէջ նոյնն անանուն է եղել:

Այս տաղաշարքը եւ ունիմ Պետական թանգարանի համ. 383 ձեռագրից. վերնագիրն է՝ «Տաղ հոգոյ եւ մարմնոյ», անանուն: Նոյնը Լէջմիածնի Մատենադարանի համ. 2394, էջ 176. անանուն. իսկ Լէջմ. Մատ. համար 3081, էջ 127 ք. «Ֆրիկան ասացեալ զայս տաղս» վերնագրով:

<sup>2</sup> Այսպիսի իմաստական ասքերի շարքեր կան Վենետիկի Մխիթարեան գրադարանի ձեռագիրների մէջ, համար 74 (Ա. Տ.), էջ 255—258. անդ., համ. 730 (Զ. Ա.), էջ 85—87, անդ., համ. 1339 (=739 Ա. Բ.), էջ 21—34: Այլեւ Cod. Antonian համ. 2727. fol. 11—15 «Տաղ Աղամայ» վերնագրով:

Քանց զերկաթն այլ ի՞նչ ամուր,  
 Որ կըրական զինք կու հալէ.  
 Դու ջըրի նըման կացիր,  
 Որ կըրական ի քենէ վախէ:

Դնենք այստեղ մի իմաստական ասք եւս գիտութեան եւ ուսման մասին.<sup>1</sup>

Մտիկ կանթեղին արա,  
 Զուրն ու ձէթն ու լուսն ի շարս.  
 Կանթեղն է մըտաց նըման,  
 Զուրն ուսման, ձէթն գիտութեան:  
 Քանի միտք դու սո՛ւրբ ունիս,  
 Որ կարող ես սիրող ուսման,<sup>2</sup>  
 Գիտուն է հոգիս պայծառ,  
 Որ լուս տայ քեզ ի մըթութեան:

Մի անգամ որ իմաստական ասքերի ամբողջական ժողովածուներ ղեռ չեն կազմուած եւ հեղինակներն ըստ հնարաւորին ղեռ չեն պարզուած, եւ ղեռ չեն կատարուած մենագրական աշխատանքներ, հասկանալի է, որ այժմ կարելի չէ, ինչպէս վերեւում նկատուեց, դրանց զարգացման ընթացքը որոշել եւ ձեռն ու բովանդակութիւնը բնութագրել ինչպէս հարկն է:

Բաւականանում ենք այս գլխի առաջին պարագրաֆի մէջ դրուածով: Աւելացնենք միայն, որ ոչ միայն իմաստաբան հեղինակների անձնական, այլեւ ազգային ոգու եւ սրտմական փորձառութեան արտացոլումն եւս տնչուշտ մեծ է դրանց մէջ:

13-րդ եւ 14-րդ դարերում բանաստեղծներից առանձնապէս աչքի են ընկնում՝ Բացի Ֆրիկից, որ քնարերգութիւնների մէջ յաճախ իմաստական ասքեր է խառնում, նաեւ Խաչատուր Կեչառեցին, որ տեսել ենք, այլեւ Յովհաննէս եւ Կոստանդին Նրդնկացիները:

2. Երգնկան իբրեւ առեւտրական եւ կուլտուրական կենտրոն:— Այս քաղաքը, հին Երիզա (Երէզ) ւանք, հնագոյն դարերից ծանօթ է իբրեւ կռապաշտական կրօնական կենտրոն: Քրիստոնէական շրջանում նշանաւոր է դարձել քաղաքից ոչ հեռու, արեւմտեան կողմում, Սեպուհ լեռն իր Ս. Լուսաւորիչ եւ այլ վանքերով ու ճգնարաններով: Այնտեղ, ինչպէս եւ շրջակայքի ուրիշ վանքերում, կենում էին ոչ միայն կրօնաւորներ ու մենակեցներ, այլեւ գրագէտներ, որոնք ձեռք տակ ունէին շատ գրքեր եւ ուսում էին տալիս երիտասարդ սերնդին: Կանաչով եւ բնտիր պտուղների պարտէզներով շրջապատուած Երզնկա քաղաքը, Եփրատ գետի վրայ, այլեւ նրա բարերբեր դաւառը (հին Եկեղիք), կարեւոր գեր է խաղում թաթարների իշխանութեան օրով: Սահմանադրի մի մեծ քաղաք էր այն, որից արեւմուտք, փոքր Ասիա—

1 Տես եւ Վենետիկ Միքիթար. Մատ. համար 1339 մեծ տաղաշարքից: Տես եւ Նահապետ Քուչակի Դիւանը, էջ 91 ԽԱ:

2 Անդ, 6-րդ եւ 7-րդ տողերն այսպէս.

Դու սիրով ջանա ուսման,  
 Հոգիդ է պայծառ գունդ...

յում, տարածւում էր Հոռոմի (Հռոմ, Ռոմ) տէրութիւնը — Իկոնիայի սուլթանութիւնը: Առեւտրական տարանցիկ մեծ ճանապարհը Կիլիկիայից դալով՝ Թուրքերի իշխանութեան երկրից հասնում էր Երզնկա, այստեղից անցնում դէպի Մեծ Հայաստանի ներսը եւ դէպի հարաւ՝ Թաւրիզ քաղաքն եւ դէպի հիւսիս, Սեւ ծովի ափերը:<sup>1</sup> Համբաւաւոր վենետիկեցի ճանապարհորդ Մարկոյ Պոլոյի ուղեգրութեան (1271—1295 թ.) մէջ կարդում ենք Մեծ Հայաստանի մասին:<sup>2</sup> «Այս մի մեծ երկիր է: Սկսում է մի քաղաքից, որ կոչւում է Արդինկա [Երզնկա], ուր հիւսում են աշխարհի լաւագոյն բեհեզները: Նա ունի որեւէ վայր գոյութիւն ունեցող բնական աղբիւրներից լաւագոյն բաղնիքները: Երկրի ժողովուրդը հայեր են, որոնք հպատակւում են Թաթարին: Բազմաթիւ քաղաքներ եւ գիւղեր կան երկրի մէջ, բայց ներանց քաղաքներից ամենէն ընտիրը Արդինդանն է, որ արքայիսկոպոսական թեմ է, եւ Արդերոն [=Արզրում] եւ Արդիզի [=Արճէշ]: «Մի աւանում, կոչւած Պայպուրթ, որ անցնում ենք Տրապիզոնից Թաւրիզ դնալիս, կայ արծաթի հանք»:<sup>3</sup> Երզնկան իր նշանակութիւնը պահում է մինչեւ 15-րդ դարի մէջերը: Ռույ Գոնցալէյ դի Կլավիխոյի ուղեգրութեան (1403—1406 թ.) մէջ<sup>4</sup> ասուած է. «Երզնկա, Սուրմալու [=Սուրմառի], Իգդիր եւ Խոյ քաղաքներն այդ ժամանակում քաղաքական եւ առեւտրական կարեւոր կենտրոններ էին: Թաւրիզը Պարսկաստանի առեւտրական մայրաքաղաքն էր այդ շրջանում: Առեւտրական ճանապարհը Կենտրոնական Ասիայից դալիս էր Թաւրիզ եւ ապա դէպի Սեւ ծովի նաւահանգիստները, մասնաւորապէս Տրապիզոն»։ Երզնկա քաղաքն այսպէս է նկարագրուած.<sup>5</sup> «Ամէն քայլափոխի կային շատ գեղեցիկ պարտէզներ եւ այգիներ: Հայերն են շինել Արդինջան [=Երզնկան] եւ քաղաքի պարտէզներում կարելի է տեսնել շատ տեղեր քարերի վրայ փորագրուած խաչի նշանը... Քաղաքը շատ բազմամարդ է, եւ այնտեղ կարելի է տեսնել շատ գեղեցիկ փողոցներ եւ հրապարակներ: Շատ սլաշտօնական անձնաւորութիւններ ապրում են այստեղ, որոնց մեծագոյն մասը հարուստ մարդիկ են, եւ կան փարթամ վաճառականներ»։ Յիշում է Թահարթէն անունով մի հայ իշխան Երզնկայի: Առեւտուրը հայերն են անում. «Արդինջանի հողերից բազմաթիւ կարաւանները տանում են վաճառականական շատ ապրանք, դալով Սուրիայից դնում են Թուրքիա» [=Հռոմ]:<sup>6</sup>

Յովհաննէս Երզնկացու պատանութեան եւ երիտասարդութեան ժամանակ, 13-րդ դարի երկրորդ կէսին, Երզնկա քաղաքն եւ իր շրջակայ վանքերը եղել են ծաղկած դրութեան մէջ: Քաղաքի առաջնորդ եղել է Սարգիս Եպիսկոպոսը, մի չինարար եւ ուսումնասէր անձ. իսկ կառավարիչ իշխանը՝

1 Տես սոյն հատուածի առաջին գլխի 3-րդ պարագրաֆը՝ «Թաթարական իշխանութիւնը 13-րդ դարում»։

2 Աղբիւրներ Հայաստանի եւ Անդրկովկասի պատմութեան, Ուղեգրութիւններ, հատոր Ա. (1253—1582 թ.), Երեւան, 1932, էջ 48 եւ հտ.։ Տարանցիկ առեւտրական է Թաւրիզը։

3 Անդ., էջ 60 եւ հտ.։

4 Անդ., էջ 68։

5 Անդ., էջ 95։

6 Անդ., էջ 97։

նրա որդին՝ պարոն Յովհաննէսը, որ հետեւող է եղել իր հօր օրինակին, երկուսն էլ վայելել են մեծ վստահութիւն ղաների կողմից:

14-րդ դարում եւ յետոյ՝ Երզնկան յաճախ անցնում է թուրք ու թուրք-մէն ցեղերի մէկի ձեռքից միւսին, բայց, ինչպէս վերելի նկարագրից տեսանք, ընդհանրապէս պահում է իր նշանակութիւնն իբրեւ առեւտրական կենտրոն, միաժամանակ եւ հայերի համար իր վանքերով իբրեւ մի կուլտուրական վայր: 13-րդ եւ 14-րդ եւ նոյնիսկ 15-րդ դարերում Երզնկայից ծագել են մի քանի նշանաւոր եկեղեցականներ եւ գրադէտ վարդապետներ: Այս քաղաքի եւ իր շրջակայքի կուլտուրական կեանքի արտադրութիւնն են ահա եւ մեր երկու ականաւոր գրողները՝ Յովհաննէս եւ Կոստանդին Երզնկացիները:

3. Յովհաննէս Երզնկացու կենսագրութեան մասին բաւական տեղեկութիւններ ունենք իր գրուածքների յիշատակարաններից եւ ուրիշներից<sup>1</sup>։ Նա ծնուած է շուրջ 1250 թուականին Երզնկա քաղաքում, ուստի կոչուել է Երզնկացի, Երզնկայեցի: Իր ձեռով գրած մի գրքի մէջ գրել է իրեն համար. «Նուստ եւ տկարոզի Յոհաննէս Երզնկայեցի, սպասաւոր բանի»: Մխիթար Գոշի առակներէ մի մասի արտադրութեան յիշատակարանի մէջ 1294 թ. նա գրում է. «Զտարտած գրիչս զՅոհ. ծանօթ բանի եւ տեղեաւ Երզնկացի, իսկ այժմ Ծործորեցի, աղաչեմ չմոռանալ...»<sup>2</sup>։ Յովհաննէսը, որ յայտնի է նաեւ Պլուղ (կապուտաչուի) մականունով, ուսումն առել է Սեպուհ լեռան Ս. Մինաս վանքում, բայց այնտեղի ուսումով չի բաւականացել: Նա մօտիկ վանքերն էլ այցելելուց յետոյ անցնում է Հիւսիս-արեւելեան Հայաստան եւ աշակերտում համբաւաւոր Վարդան Արեւելցի վարդապետին Կայնոյ ձորի մի վանքում: Նա 1271 թ. վերադառնում է Երզնկա, եւ տասը տարի յետոյ այստեղից դնում Կիլիկիա, ուր, իբրեւ մեծ հեղինակութեան տէր վարդապետ, լաւ ընդունելութիւն է գտնում ժամանակի կաթողիկոսից եւ Հայոց թագաւորից, պարապում է ուսուցչութեամբ: 1284 թ. նրան դնում ենք Տփղիս քաղաքում: 13-րդ դարի վերջերում նա հաստատւում է Արտազու Ս. Աստուածածնի կամ Թադէոս առաքեալի վանքում, Ծործոր գիւղի մօտ շինուած, ուստի կոչւում է նաեւ Յովհաննէս Ծործորեցի: Ինչպէս ուրիշ տեղերում՝ այստեղ էլ այս վանքի առաջնորդը, Զաքարիա անունով մի ուսումնասէր անձ, սիրով ընդունում եւ պահում է նրան: Այստեղ էլ նա պարապում է նաեւ գրական աշխատանքով. 1316 թ. մի անգամ էլ ճանապարհորդում է ի Կիլիկիա եւ վերադառնալով Արտազու վանքը, այնտեղ էլ երեւի ապրել է մինչեւ մահը, որի ճիշդ թուականը յայտնի չէ. դնում են մօտ 1326 թ.: Վերջին գրական աշխատութիւնից մէկը, եթէ ոչ վերջինը, որ յիշուում է, է 1321 թ. կատարած մի թարգմանութիւն լատիներէնից, որ նա սովորել էր, երեւի, Կիլիկիայում եղած ժամանակ:

4. Երկերը:— Յովհաննէս Երզնկացին իր ժամանակի գիտնական վարդապետի մի տիպարն է, որ պարապում էր միաժամանակ եւ ուսուցչու-

1 Ղ. Աւիշան, Յուշիկք հայրենեայ Հայոց, հատ. Բ., Վենետիկ, 1870, էջ 457—493. «Երզնկա եւ Յովհաննէս Երզնկացի»:

2 Էջմիածնի Մատ. ձեռագիր համար 2238:

թեամբ, ե՛ւ գիտութեամբ, ե՛ւ գրականութեամբ ե՛ւ, ինչպէս ուրիշները, ազառ ժամանակին նաեւ զրչութեամբ, այսինքն ձեռագիրներ էր արտագրում: Նա ունեցել է ճարտար լեզու, եւ ամէն տեղ, ուր գնացել է, ճառեր է ասել եւ հիացում պատճառել իր ճարտասանութեամբ, միշտ քարոզչութիւն է արել եւ սովորեցրել: Լինելով ուսումնասէր՝ բազմակողմանի հմտութեան տէր է դարձել, աշխատելով իրրեւ մեկնիչ, տոմարագէտ, քերականագէտ: Յօրինել է ճառեր ու ներբողներ, այլեւ իրրեւ բանաստեղծ՝ տաղեր ու շարականներ եւ այլ քերթուածներ: Նրա աշխատութիւններից մի քանիսն արդիւնք են ուրիշների զբոսանքի. այսպէս՝ 1280 թ. Երզնկայի Ս. Գրիգոր վանքի միաբանութեան խնդրով գրել է «Կանոնք եւ սահման միաբանութեան եղբայրաց» կաթողիկոսի եւ ուրիշների զբոսումով յօրինել է Դիոնիս Թրակացու Քերականութեան մեկնութիւնը, նկատի ունենալով հին մեկնութիւնները:

Տվիդիքում նրանից խնդրում են, եւ նա գրում է «Յաղագս երկնային շարժման»: Ապա ուրիշներն էլ խնդրում են նոյն նիւթի վրայ գրել բանաստեղծութիւն, եւ նա գրում է «ան» յանգով հազար տողով ոտանաւորներ,<sup>1</sup> նկարագրելով երկինքն ըստ ժամանակի հասկացութեան, երբեմն եւ դիմառնաբար երկնքին դիմելով: Արուեստի տեսակէտից սակաւաթիւ գեղեցիկ տողեր միայն կան միջին, ինչպէս հետեւեալը՝ «Ներբողական գովեստ երկնի»:

Ո՛վ սքանչելի ձեզուն յարկի այս մեծի տան,  
Ի բարձրելոյն բանէ ձգեալ որպէս խորան...  
Դու յարկ մեծին ձեռամբ շինեալ արքայական,  
Ջահք ի բարձանց ի քեզ կախեալք անշիջական,  
Դու անթառամ ծաղկանց լուսոյ մեծ բուրաստան,  
Որք յանդաստան քո գեղեցիկ ծաղկադրեցան.  
Ոչ թէ միայն քո պարանոց դարդարեցան,  
Այլ բովանդակ մարմին եւ անձն չքեղացան:  
Յոյժ մեծութիւն քո հրաշագեղ անչափական,  
Հանդերձս նուրբ եւ պատմուճան քեզ կարգեցան,  
Ոչ թէ միայն կրկին ակունք որք ճոխացան,  
Այլ յողնակի ակունք լուսոյ շարադրեցան,  
Եւ մարդարիտքս լուսափայլ որք յեռեցան  
Ընդ գիշերոյ սպիտակափայլ ջահ ճախրական,  
Իսկ ի տուէ բաղձափայլիւն բոց կայծական,  
Յօր գիշերոյն աղօտ փայլունքն ծածկեցան:<sup>2</sup>

1 Տպագրուած է Նոր Նախիջեւանում 1792 թ. «Տետրակ համառօտ եւ լի էմաստնախոհ բանիւք, արարեալ հոգեւէից եւ իմաստուն վարդապետին Յօհաննիսի Երզնկացւոյ, որ եւ ասի Մործորեցի...»: Հեղինակի առաջաբանի վերնագիրն է. «Յաղագս երկնային շարժման, Յօհաննիսի Երզնկայեցւոյ շարագրեալ իմաստնոց բանից ի խնդրոյ բարեպաշտ եւ երկիւղազարդ պատանւոյն պարոն Վաղթտիկայի»: Անում է իր աշխատութեան ծագման պատմութիւնը: Երկրորդ մասը (էջ 21 եւ հտն.) ունի վերնագիրս՝ «Յաղագս որ ի ամա եղեալ բանիցն՝ կանխաբանութիւն»։ Համառօտ դնում է իր քերթուածի բովանդակութիւնը: Գրել է «ի խնդրոյ բարեպաշտ իշխանին Ապլոցի»:

2 Անդ, էջ 51:



Յաճախ նկարագրին անում է իրրեւ այլաբանութիւն կամ իրրեւ խորհրդանիշ—սիմբոլ որեւէ կրօնական հաւատալիքի կամ մարդկային կեանքի մի երեւոյթի, ինչպէս, օրինակ, հետեւեալն արեղակի ժապիւն.

Այլ եւ դպածառ լուսոյն աղբիւր միշտ հոսական,  
Բզեղեղեցիկ ակն աշխարհի լոյս ցուցական,  
Ձեռ ի կամարդդ քո բերես ջահ փայլական,  
Որ զկերակուրն հրոյ բաշխէ բնաւից պիտան:  
Սա մեզ խրատ օրբստօրէ քարոզական,  
Բզմա՜հ եւ վկեանք օրինակէ դէմ յանդիման,  
Առաւօտուն ծագմամբ զծնունդն մայրական,  
Երեկոյին թաղմամբ ըզմուտն ի գերեզման:  
Սա զօրինակ բերէ լուսոյն անեղական,  
Որ ի ծոցոյ հօրէ ծնունդ որդի եւ բան:  
Յարեւելից գեղով ծագէ փեսայական,  
Արագապէս ընթացս առեալ հրակայական,  
Չարեգականն արդարութեան պատմէ ըղբան,  
Չաննիւթ լուսոյն մեզ քարոզէ լոյս եղական:<sup>1</sup>

Յովհաննէս Երզնկացոց մնում են բազմաթիւ եւ բազմադան բովանդակութեամբ երկեր, բացի վերելում յիշուածներից նաեւ շատ ճառեր, մի «Ներբող ի սուրբ Լուսաւորիչն», որ առել է Լուսաւորչի տօնի օրը նրա անունով վանքում Սեպուհ Էռան վրայ, մեկնութիւններ, խրատական երկեր, ոտանաւորներ խրատական բովանդակութեամբ, այլեւ տաղեր, շարականներ եւ այլն<sup>2</sup>: Սրանց մէջ նա յաճախ ցուցաբերում է ջերմ սրտագին զգացումներ դէպի հայկական սրբավայրերը եւ անցեալը: Նրա բանաստեղծութիւնները, ցաւօք, դեռ չեն հաւաքուած եւ միասին հրատարակուած մի ամբողջական ժողովածուի մէջ:

Նրա անունով մնում են եւ բազմաթիւ իմաստական ասքեր եւս, առանձնապէս յայտնի են մի մեծ շարք ասքերը՝ «Երգ Պլուզ վարդապետի ասացեալ» վերնագրով:<sup>3</sup>

4. Յովհաննէս Պլուզի աշխարհայեացքը: Մարմնի իրաւունքը:— Մեր այս գրողն իր ասքերով հանդիսանում է իրրեւ իսկական իմաստաբան քերթող, հանդիստ ու դիտուն վարդապետ, լուրջ բնաւորութեամբ, աւելի մըտածող, քան զգացող: Նա իր ժամանակի աշխարհիկ ոգին շատ ուժեղ եւ բիւրեղակերպ ձեւաւորել է իր ասքերի մէջ: Արդարեւ նա դեռ երեւան է քերում մի քրիստոնէական յոռետեսութիւն, բայց արդէն խիստ տարբեր նախորդ չլինի հայեացքից: Աշխարհը նրա համար այլեւս մի հառաչանքի հովիտ չէ, լի շարժարանքներով ու շարիքներով, այլ մի զուարթ կեանքի

1 Սնդ, էջ 54 եւ հտ.:

2 Մանրամասնութիւնը տե՛ս Չարեհանաւեան, Հայկ. հին դպր. պատմ., Վենետիկ, 1897, էջ 750–767, «Երզնկացոյն երկասիրութիւնը»:

3 Ձեռի տակ ունիւմ Վենետիկի Միքիթարեան Մատենադարանի թիւ 324 թ. ք. ձեռագրից յատուկ արտագրութիւնը: Նոյնը մեծ մասամբ տպուած է Վ. Փափազեան, Պատմութիւն հայոց գրականութեան, Թիֆլիս, 1910, վերջի նմուշների մէջ, էջ 81:

վայր, որը, սակայն, իր մէջ ունի մի մեծ հակադրութիւն—մահը: Եւ որպիսի՝ գեղեցիկ պատկերաւորութեամբ, սեղմ ու լի բովանդակութեամբ, մի քառեակի մէջ կարողացել է արտայայտել նա այդ:

Աշխարհս է կանաչ մարդեր,  
Մենք ի մէջն ենք կաքու ծաղեր.  
Գըրողն է եղել քաղա,  
Կու կըրէ մէկ մէկ դար ի վեր:  
[Վարիանտ՝ Հրեշտակներն արծիւ դարձեր,  
Կու տանին զմեզ մէկ մէկ ի վեր]:

Մարդս չի կարողանում ուրախ եւ երջանիկ դալ իրեն, որովհետեւ մարդկային վիճակը եւ կեանքն իսկ անկայուն է.

Աշխարհս ի տուրպ նըման,  
Որ ի վեր 'ւ ի վայր թաւալի.  
Վերինն ի վայր դառնայ,  
Եւ վարինն ի վեր ոլորի:

Մըտիկ դու հիւսանն արա՛,  
Որ թապութ 'ւ օրոցք շինէ նայ.  
Մէկըն դայ եւ մէկն երթայ,  
Նայ իւր բան պակաս չի մընայ:

Այսպէս ուրեմն, ծնունդ ու մահ միասին են շարունակ եւ այս երկուսի մէջ մարդու բախտը վեր ի վայր է թաւալում: Անդգալի անցնում է կանաչ երիտասարդութիւնը, կարծես իսկոյն վրայ է հասնում ծերութիւնն իր երկիւղով, որ մարդու սիրուն շինուածքն անսպասելի պիտի քայքայուի:

Աշխարհս է ի ծով նըման,  
Ով որ դայ՝ անթաց չի մընայ.  
Յայս ծովս ես ի նաւ մըտայ,  
Գընաց նաւս, եւ ես չիմացայ:  
Եղեր մօտեցեր է նաւս,  
Վախեմ թէ քարի դիպենայ,  
Քակտի իմ աղուոր շինուածս.  
Ու տախտակըս մէկմէկանայ:<sup>1</sup>

Եւ մարդիկ կարաւան կապած զնում են անդէնը, առանց կշտանալու աշխարհից:

---

1 Վարիանտի մէջ աւելացրած է այս քառեակը.

Երթամ աղաչեմ զԱստուած,  
Որ հանէ գիհաց մի քամի,  
Այս մըթանըս լոյս մի տայ,  
Զմեզ քարի երկիր մի հանի:

Շատ թագաւորաց մեծաց  
Յիմաստնոց արանց լըսեցի,  
Թ'այնչափ չըկըշտանայ մարդն  
Աստնւորովս, ինչ որ մեռանի.  
Տանին գերեզման դընեն  
Եւ հողով իւր աչքըն լըցուի.  
Ապա փոշիմնայ 'ւ ասէ,  
Թէ հերիք է 'ւ այլ չի պիտի:

Մի անգամ որ մարդս անվերջ չի վայելում կեանքը եւ իր աշխատանքը եւ ծերութիւն ու մահ կայ, հետեւաբար ունայն է ամէն ինչ եւ անօգուտ՝ ամէն վաստակ: Կեանքի այս անկայունութիւնն ու մահն են ձգում մեր իմաստարանին յոռետեսութեան մէջ, թէ չէ՝ կ'ուղէր նա իրեւ «կաքաւի ձագ» անվերջ ապրել «կանաչ մարգագետնում»:

Աշխարհս է ոչինչ նման,  
Շատ դատին, դառնան փոշիման.  
Հալալ ու հարամ այնեն,  
Հոս թողուն 'ւ ի հոն կու դընան:

Յոռետեսութիւնը շատ բանաստեղծների տանում է դէպի հաճոյքը, բողոքական վիճակի վայելչութիւնը, բայց այս կենսութեան հայեացքը մեր գրականութեան մէջ 17-րդ դարի վերջերին է առաջ գալիս, իսկ 13-րդ դարը դեռ շատ մօտ էր հին կրօնական շրջանին: Ուստի ինչքան էլ մեր բանաստեղծի յոռետեսութեան հիմնական պատճառն աշխարհասիրութիւնն ու կենսասիրութիւնն է, բայց նա լոկ համակում է. տխուր վշտով՝ չհամարձակուելով անգամ դրա պատճառը բացայայտ շեշտելու կամ աշխարհն ու կեանքը երգելու: Ուրիշներին նոյն յոռետեսութիւնը տանում է դէպի ամենայնի ոչնչացումն եւ անտարբերութիւնը: Բայց մեր բանաստեղծը դեռ բարեպաշտ քրիստոնէայ է. նա հաւատում է անդէնի կեանքին: Ուստի նրա համար ամէն բան ոչինչ է, բացի դիտուն լինելուց, դիտութիւնից ու բարի գործից, յատկապէս աղքատասիրութիւնից, ինչ որ Ֆրիկն էլ քարոզում է, այն էլ աստէնիս արարքներն անդէնի նկատմամբ:

Մանկտի՛ք, երբ ի հաց նըստիք,  
Ձէնեցէք աղքատք ձեզ ընկեր.  
Մեռնիք 'ւ ի յանդէն երթայք,  
Կու նըստէք մէկ մ'այլ ի վեր:

Բայց բարեգործութիւնը, աղքատասիրութիւնը, որ արւում է «վարձքի» համար, դեռ բաւական չէ: Որովհետեւ մարդ չկայ, որ մեղաւոր չլինի. պէտք է ուրեմն զղլալ, սգալ, մեղքը լալ: Սակայն կարո՞ղ էր արդեօք մեր իմաստաբան Պլուզն իրագործել այդ: Մի Գրիգոր Նարեկացի 10-րդ դարում՝ համակերպուելով իր ժամանակի որոշ դասի փոխյարաբերութեանը՝ կարողանում էր շարունակ սգալ ու ողբալ, որովհետեւ նա խորը համոզուած էր, որ աշխարհն ու կեանքը վատ է, եւ մի'միայն չարիք. նա մերժում էր

աշխարհը, մեռցնում մարմինը, որ միանար Աստուծու հետ, եւ այդ էր ան-  
վերջ քնարերգում նա: Յովհաննէս Պլուզն, — եւ իր պէս մտածող ուրիշ-  
ները, — անընդունակ էր այդպէս վարուելու. նա չէր կարող ուրանալ աշ-  
խարհը, մեռցնել մարմինը. ուստի նրա ապաշխարական երգը սառն է հնչում  
եւ չի փրկում նրան.

Ելայ ժողվեցի զիմ մեղքն  
Ու դըրի առջեւս ու լացի,  
Յանդէնըն քարւան կ'երթար,  
Շարկեցի 'ւ ի հետ գընացի.  
Հրեշտակն այլ ի դէմս ելաւ,  
Թ' «Ո՞ւր կ'երթաս ողորմ ու լալի.  
Այդ չալակդ որ դու ունիս;  
Անդէնին քեզ տեղ չի ընկնի:»

Պլազը ոչ միայն դործնականօրէն չի կարողանում հետեւել նախորդ  
չրջանի միստիկական ձգտումներին ապաշխարութեամբ, այլ նա տեսակա-  
նօրէն էլ արդէն հակառակ է դրան. նա մարմնին դիտակցաբար տալիս է իր  
իրաւունքը: Նա մարմին ու հոգի, այս երկուսը միմեանց հաւասար ընկեր-  
ներ է համարում սկզբունքով, իր ժամանակի համար մի խիզախ տեսու-  
թեամբ: Բերենք նրա նշանաւոր քերթուածը, որի մէջ նա պարզում է իր տե-  
սակէտն ամբողջ միջնադարի մտքերն զբաղեցնող խնդրի մասին:

Երկուս ի մէկտեղ բերած,  
Ձերդ զընկեր կ'ասեն թէ՛ պահէ՛.  
Ու չորս բընութիւնս օտար,  
Հեռ իր(ե)րաց կ'ասեն թէ՛ սաղէ՛:  
Ձայս չորս յիրար ո՞նց պահեմ,  
Ամէն մէկ յինքըն կու քարչէ,  
Ձիս հոգս ի յայտոց միջին,  
Ձերդ կըրակ ըզմոմ կու հալէ:  
Հողըս չոր խուշկիկ առնէ,  
Ձուրսս դէճ կու ցըրտացընէ,  
Քամին զիս յերերք ունի,  
Կըրակին բոցըն կու վառէ՛:

Հանցեղ սիրելի չարկամ  
Մէկտեղ ո՞վ իսկի տեսեր է.  
Հողիս թէ ի վեր քարչէ,  
Հողըս ծանր ի վայր կու հակէ:  
Վախեմ թէ հողոյս լըսեմ,  
Նա՛ հոգո՛յս բանըն դըժարէ՛.  
Եւ հետ հոգոյն ո՞վ թըռչի,  
Երբ նորա տունըն հեռի է:

Բանաստեղծը նայնիսի երկբայում է, թէ կարելի լինի իրար հետ  
իրրիւ ընկերներ հաշտ պահել հողին ու մարմինը, որոնք իրար հակառակ

ու «չարկամ» են, ինչպէս չորս տարրները: Նա հնարաւոր չի համարում մարմինը թողնելով՝ հոգու հետ դնալ. եւ ոչ ոք էլ չի կարող հոգու հետ վեր ալանալ, ասում է նա, քանի որ «Նորա [=հոգու] տունը հեռի է»: Բացի այդ՝ կենդանի մարդը մի թոյլ էակ է՝ կազմուած լինելով չորս տարրերից, որոնք իրար աննման են, մէկմէկու չարկամ են, միմեանց հակառակ ազդեցութիւն ունին, եւ մարդս նրանց պահանջին ենթակայ լինելով՝ անհրաժեշտօրէն պիտի կատարէ նրանց, որ է՝ իր մարմնի կամքը: Բերենք եւ հետեւեալը, որ Վայ իբրեւ շարունակութիւն նախորդ քերթուածի.

Հինգ դուռն է ի բաց թողած,  
Թէ՛ փակէ՛ որ դող չի մտնէ:  
Ըզդողըս ես տանէս ունիմ,  
Որ զղըռներս ի բաց կու պահէ:  
Ծաղուած ես ի չորս իրաց,  
Այդ ցեղ չէնքդ ամուր չի լինի.  
Օղըն հողուն ի՞նչ նրման,  
Հուրն ու ջուրն են խիստ ատելի.  
Ի հակառակէ ստեղծած,  
Եւ եղած ես մարդ կենդանի,  
Վերնայ օդն ու հուրն ու ջուրն,  
Եւ մարմինըդ դառնայ փոշի:

Այսպէս ուրեմն, մարդուս մարմինն ունի հինգ զգայարաններ, որոնց դռները բաց է թողած եւ կարելի չէ փակել եւ կտրուել աշխարհից. մարդս ուզի չուզի բաւարարութիւն պիտի տայ մարմնին, որը կարելի չէ մեռցնել հոգին փրկելու համար: Այսպիսի աշխարհայեցութեամբ վերջ է տրուած հին կրօնական քնարերգութեանը, որ միատիկական բնաւորութիւն ունէր եւ արտայայտում էր անվերջ ողբասացութեամբ ու մարմինը մեռցնելու ճիգերով: Եւ եթէ այժմ էլ բանաստեղծը դեռ քարոզում է մեղքը լալ ու սղալ, այդ ինքն անկարող է անել, դա մի երանելի վիճակ է, որ իրենից շատ հեռու է: Ուստի նա անմիջապէս շարունակում է.

Երնեկ ես նորա ասեմ,  
Որ զաշխարհս ի սուգ կ'ուզենայ.  
Զիւր մեղքն ի յիշումն ածէ,  
Զօրն ի բուն նըստի նա ու լայ,  
Արտասուքն սապոն լինի,  
Սեւութիւնն ըսպիտականայ.  
Թէ չէ՝ օր հարսնիցըն դայ,  
Նա հանդերձ հարսին չունենայ:

Եւ նոյնիսկ այս լացն էլ, որ երանելի մարդիկն արել են եւ անում են, ըստ մեր իմաստաբանի՝ ոչ մի օգուտ չունի եւ աւելորդ է: Ահա թէ նա ի՞նչպէս է արտայայտել այդ միտքը հետեւեալ տողերի մէջ.

Մէկ մարդ մի ճուհար ունէր  
 'ի ի խելաց շահել չը կարաց .  
 Զինչ խելքն ի վերայ եկաւ,  
 Նա'յ գընաց ճուհարն ի ձեռաց:  
 Գընաց նա ի վայր նըստաւ՝  
 Ողորմիկ ու շա'տ մի իլաց .  
 Նորա լացն ալլ ի՞նչ շահէ,  
 Երբ գընաց ճուհարն ի ձեռաց:

Վերջապէս՝ փոշիացող մարմինը, որ իր տան դռները բաց ունի արտաքին աշխարհի դիմաց, ամենեւին պատասխանատու չէ մեղքի համար. հոգու «ամալը» — գործը, արարքն է ալ, եւ նա թող պատասխան տայ.

Հոգին հողվըրտովն անցաւ  
 Ու զմարմինն ի հողն անիծեց,  
 Թէ՛ «դմեղքն ես ու դո՛ւ արաք,  
 Յանդէնն ի՛մ երեսն ամաչեց»:  
 Մարմինն ի հողուն ի դուրս  
 Այս խօսօք զհոգին վճարեց,  
 Թ' «ես հող էի՛, հող դարձայ .  
 Բո ամալն է՝ ըղբեզ բըռնեց»:

Այսպէս՝ մարմինն ստանում է իր իրաւունքը: Սրանից յետոյ մի քայլ էր միայն մնում, որ բանաստեղծը մարմնի գովքն անէր, եւ մեր բանաստեղծութիւնը թողնելով իր մոայլ բնաւորութիւնը՝ դառնար լուսաշող ու զուարթ: Բայց Պլուզից չեն մնում այսպիսի սաղեր: Առանց որեւէ հիմքի նրան/վերադրել են մի սիրոյ երգ, որի մասին կը խօսուի յետոյ:

6. Ուրիշ իմաստակաւ աւգեր:— Յովհաննէս Պլուզի անունով երեւան են եկել եւ ուրիշ ասքեր, որոնք մասամբ ղեռ մնում են ձեռագիրներ ի մէջ եւ չեն հաւաքուած ի մի: Այս ասքերն ունեն ընդհանուր խրատական բովանդակութիւն եւ մասամբ ժողովրդական առածների եւ իմաստալի ասացուածքների բանաստեղծական զարգացումն են իբրեւ քառեակներ: Բերենք հետեւեալները.<sup>1</sup>

Աւա՛ղ, մեզ հայիլ պիտի  
 Յայն արեւն որ լոյս կու ծագէ .  
 Շատ կայ ի յարեւ նըման,  
 Ի պընչէն օձըն կու վազէ:  
 Գիտուն մարդն յարեւ նըման,  
 Ոսքըն լուս պայծառ կու ծագէ .  
 'ի անդէ՛տ մարդն օձուն նըման,  
 Հանապազ ըզմարդ կու խոցէ:  
 Մարդ կայ որ հազար արժէ,  
 Հա՛ղար կայ որ մէկ մի չարժէ .

<sup>1</sup> Տպուած են՝ Վ. Փափազեանի «Պատմ. հայոց գրականութեան» աշխատութեան վերջից դրուած «Նմուշներ» մէջ, էջ 82 եւ հտն.:

Ան մարդն որ հաղար արժէ,  
Անպէսին մօտ փող մի չարժէ:

Վերջին քառեակի առաջին երկու տողը յայտնի ժողովրդական առած է:

Բազան ի անտառ մորին,  
Թէպէտ բո՛ւ, թէպէտ բազա է.  
Ճոհարն ի ծովուն միջին,  
Թէպէտ քա՛ր, թէպէտ ճոհար է:  
Խելօքն ի յանգէտն ի մօտ,  
Միտք արա, թէ ի՛նչ նըման է.  
Ճըրադն ի յառջեւ կուրին՝  
Կու վառի, ՚լ ինքրն չի գիտէ:  
Խելօքն է ի ծով նըման,  
Որ քանի չափես՝ կու տանի.  
Անդէտն է ի տիկ նըման,  
Փառչ էլէլ լընուս՝ նա՛ սլատուի:

Առնենք եւ հետեւեալները վերելում յիշուած ձեռագրից.

Չորս բան ա՛ռ խըրատ յինէն,  
Որ դամէն աշխարհս քեզ արժէ.  
Ձայլոց մեղք դու մի՛ քըններ.  
Ձքոյդ յերակ մըտօքդ անտիճէ:  
Ձկատուած մօտ ի քեզ դու տե՛ս.  
Եւ դմահուդ օրըն դու յիշէ:  
Ձխըրատս ի սիրտդ տընկէ,  
Ձքեզ յամէն չարեաց այս փըրկէ:  
Լաւ մարդ ես նորա ասեմ,  
Որ բանայ դբերանըն համով.  
Հանցեղ լեզուն գին չունի,  
Ձինչ լընուն տուն մի ճոհարով:  
Լեզուն է դործիք բանի,  
Արդարոց քան զհալած ոսկի.  
Ձմարդոյն է մէկ փերթ ստեղծեր,  
Եւ օձուն է երկու ճըղի:  
Այն մարդն որ երկու խօսի,  
Ձմէկըն քաղցր եւ զմէկըն լեզի,  
Եղբայր է օձին եղեր,  
Եւ զնորա անէծքն ընդունի:

Այսպէս եւ մի շարք ուրիշ իմաստական ասքեր, որոնք կան Պլուզի անունով:<sup>1</sup> Կան ասքեր եւս, որոնք որոշ ձեռագիրների մէջ Պլուզի անունով

<sup>1</sup> Այս ասքերի մի մասը տպագրուած են «Պղնձէ քաղաք», 1731, էջ քճիդ., «Բանք պիտանիք եւ օգտակարք ասացեալ առաջնոց» վերնագրով:

են, ուրիշները մէջ՝ անանուն, կամ երբեմն մի տեղ՝ Պլուզի, մի ուրիշ տեղ նոյնը՝ Ծրիկի անունով։<sup>1</sup>

## ԿՈՍՏԱՆԴԻՆ ԵՐԶՆԿԱՑԻ

1. Կենսագրական։— Յովհաննէս Երզնկացուն ժամանակակից է մեր այս անուանի բանաստեղծը, որ նոյնպէս, ինչպէս Յովհաննէսը, արտադրութիւն է Երզնկայի եւ իր շրջակայքի կուլտուրական կեանքի, որ տեսանք վերեւում։ Նրա կենսագրութեան մասին, ցաւօք, գրեթէ բան չգիտենք։ Բայց նա բախտաւոր է եղել այնու, որ նրա քերթուածները, թուով քսաներկու, մեզ հասել են 1336 թ. Թաւրիզում կատարուած մի արտագրութեամբ. դրանց վրայ աւելացած են ուրիշ երկուսը մի տաղարանից (ԻԴ եւ ԻԵ քերթուածները)։<sup>2</sup> Արտագրութիւնն ունի հետեւեալ յիշատակարանը. «Բայց գրեցաւ սայ ի Թաւրէժ ի Դաուլազայի Մնջայրանս... ձեռամբ մեղապարտ եւ դատապարտեալ ոգոյ՝ նուաստ գրչի Ամիրիս՝ մականունն Փօլին Քալայմաչ՝ ի Յուսոփայ որդուս՝ Միթոռի թոռն՝ ի վայելումն անձին իւրոյ... ի թուիս 926 [=1336] ի նաւասարթի դրէցաւ այս գիրս, ամէն»։ Կոստանդինի բանքերից մէկն<sup>3</sup> ունի այս վերնագիրս. «Բան Կոստանդնեայ առ մեր հոգեւոր եղբայրն Ամիր, հոգով ի հոգի եւ սրտէ ի սիրտ»։ դա սկսւում է այս սողերով.

Պարո՛ն Ամիր, մեր պարծանաց եղբայր եւ սիրելի.

Ձայս սակաւ բանքս ի կարգի որ վասն ձեր շարագրեցի,

Աղէկ մըտիկ դի՛ր ու ճանչէ՛, ուժով է բանքս եւ պիտանի.

Բայց յանգէտ մարդիքն ի մօտ է անպիտան, դառն եւ լեղի։

Բովանդակութեամբ ամբողջապէս կազմուած է իմաստական ասքերից, որ բանաստեղծն ուղղում է իր մտերիմ բարեկամին։ Ենթադրում են, թէ այս «պարոն Ամիրը» նոյն Ամիր Փոլինն է, որ Թաւրիզում իր համար արտագրել է Կոստանդինի քերթուածները։ Թէ պարոն Ամիրն ի՛նչ պարագաներով մեր բանաստեղծի սրտակից «սիրելին» է եղել, այդ յայտնի չէ։ Հաւանօրէն նա Կոստանդինի հետ միասին մանկութեան ժամանակ ուսել է մի վանքում, քանի որ բանաստեղծն անուանում է նրան «հոգեւոր եղբայր», բայց մինչ Կոստանդինը դարձել է վանական, նրա ընկերը մնացել է աշխարհական։ Կարծում են, թէ Կոստանդինը կենդանի եղած պիտի լինի դեռ 1336 թ., երբ Ամիր Փոլինն արտագրել է նրա բանաստեղծութիւնները. բայց այդ կարծիքը հիմնաւորուած չէ։ Միայն այն ստոյգ է, որ Կոստանդինի քսաներկու քերթուածները յօրինուած են յիշուած 1336 թուա-

1 Տես՝ Նահապետ Բուլչակի Դիւանը, Փարիզ, 1909, էջ 81 եւ հտն. «Նրատական եւ այլ արանական երգեր», որոնք տպուած են Սուտ Բուլչակի անունով, եւ էջ 125—129, «Մանօթագրութիւններ», որոնց մէջ նոյն անունով տաղերից ինը յիշուած կան Պլուզի անունով, վեցը՝ Ծրիկի անունով, իսկ երկուսը՝ ե՛ւ անանուն, ե՛ւ Պլուզի, ե՛ւ Ծրիկի անունով։

2 Կոստանդին Երզնկացի եւ իւր քերթուածները, ուսումնասիրութեամբ հրատարակեց Հ. Մ. Պոտուրեան, Վենետիկ, 1905։ Այս հրատարակութեան մէջ ենթադրաբար վերագրուած են Կոստանդինին նաեւ ԻԳ եւ ԻԶ քերթուածները։

3 Անդ, ԻԱ, էջ 153։



կանից առաջ: Ապա նրա բանքերից մէկի մէջ՝ մի ցուցմունք կայ հեղինակի ապրած ժամանակի համար. խօսելով կեանքի ունայնութեան եւ մահուան մասին՝ նա գրում է.

Թէ լինի հօր փառիշահ զերդ Ղազան,  
Ձմնայ՝ քանի է ինք սրտով զերդ գազան:

Այս տողերի մէջ Ղազան զանը (1295—1304 թ.) յիշում է այնպիսի ձեւով, որ նա մեռած պիտի լինէր այդ գրելիս: Կը նշանակի՝ Կոստանդինն իր այդ բանքը յօրինել է 1304 թուականին կամ յետոյ, հետեւաբար նա ապրել է 13-րդ եւ 14-րդ դարերի մէջերը: Որ մեր բանաստեղծն իր մի քերթուածի մէջ անուանում է իրեն Կոստանդին Երզնկացի, այդ ցոյց է տալիս, որ նա ծննդով Երզնկայից է եղել, կամ թէ մանուկ հասակից սնուել, ուսել, կրօնաւորել ու գործել է Երզնկայի վանքերում: Ինչպէս նրա բանաստեղծութիւններից իմացում է, նա վաղ հասակից արդէն ցոյց է տուել գրական շնորհք: Վանականները կեղծ բարեպաշտութեամբ ասել, նոյնիսկ հալածել են մեր քերթողին այն պատճառով, որ նա աշխարհիկ երգերի մոտիւններով կրօնական բանքեր է յօրինել: Այլեւս ուրիշ բան չգիտենք Կոստանդինի կեանքից, բացի նրա բանաստեղծութիւններից, որոնց մէջ տեսնում ենք նրա խոհերն ու գգացումները:

2. Կրօնական եւ խրատական բանք:— Կոստանդինն իր բանաստեղծական աշխատանքներն սկսել է, անշուշտ, իր նախորդներին հետեւելով, կրօնական քերթուածներով: Նրա առաջին (Ա.) երկն, ըստ Ամիր Փոլինի ժողովածուի, է մի կրօնական գրութեան, իսկապէս Ս. Գրքի պատմութեան բովանդակութիւնը ոտանաւորով: Դա մի համառօտ, բայց ճաշակաւոր պատմութեան է՝ հետեւողութեամբ Գրիգոր Մագիստրոսի եւ Ներսէս Շնորհաւոր: Իսկ Երկրորդ (Բ.) քերթուածը կրօնական իմաստով խրատական «բանք» է, որ հաւանօրէն նրա այս տեսակի գրութեանցից առաջինն է ժամանակով: Դրա առաջին տունն այս է.

Ահա սկիզբն առնում բանից  
Եւ խըրատ տամ հասարակաց.  
Իմաստութիւն ձեզ ցուցանէ՝  
յով որ հոգոյ աչք կայ ի բաց:  
Ձինչ մարգարիտ շարեալ յոսկի՝  
Հանց գեղեցիկ բանն ի մըտաց,  
Բայց անդիտին ոչինչ թուի  
զինչ մարգարիտն ի մէջ խոզաց:

Ամբողջը մի գովք է ոչ թէ «աշխարհիս» կամ «երկրաւոր իմաստութեան», այլ «երկնաւոր իմաստութեան» կամ «աստուածային գիտութեան», որի հիմքն է սէրը.

Ով սէր չունի իր հաւատար,  
որ գիտութեան հիմն է դրբած,

Նա՛յ զգիտութիւնն աստուածային  
Հըպարտ հողով իսկի չգիտաց .  
Հանց տես թէ հիմն ի վերայ ջրոց  
կայ անհաստատ իրք մի շինած :

Կոստանդինն երկրորդ «Բանքը» յօրինել է ըստ երեւոյթին այն ժամանակ, երբ իր կրօնական ուխտն է արել . նա քարոզում է չսիրել այս աշխարհը , անցաւոր բաների հետեւից չդնալ , եւ վերջը խնդրում է Աստուծուց , որ իրեն բաշխէ երկնաւոր պարգեւը .

Տէ՛րբւ վերին , ի քէն խնդրեմ ,  
Կըթա՛յ ի յիս , հայր ողորմած ,  
Եւ բաշխէ՛ անարժանիս  
քո երկնային մեծ պարգեւաց .  
Որ արբիմ շնորհօք Հոգոյն ,  
կենամ սիրովն երկնաւորաց .  
Եւ թողո՛ւմ դայս անցաւորս  
ես Կոստանդինս յինէն՝ ի բաց :

Այս երկու քերթուածներն էլ սովորական են իրենց բովանդակութեամբ , բայց գեղեցիկ են իրենց պարզութեամբ ու կենդանութեամբ : Կան տողեր ու տներ , որ յիշեցնում են բանաստեղծի միւս երկերը . ինչպէս , օրինակ , երկնքի ստեղծագործութեան պատկերը .

Կամարակապ խորանն երկնից  
առանց սիւնի հաստատեցան ,  
Գեղեցկութիւնք վայելչապէս  
դարմանալի յօրինեցան .  
Ծաղկեալ երկինքն աստեղինօք՝  
լուսաւորօք զարգարեցան ,  
Ի գիշերոյ զարդ աստեղացն  
եւ ի տունջեան արեգական :

Ա, էջ 64

Գեղեցիկ տներից է , օրինակ , եւ հետեւեալը .

Լըսէ՛ քեզ բան խիստ գեղեցիկ ,  
ծաղիկ քաղած է ի բազմաց ,  
Անմահութեան պըտուղն է սայ ,  
որ է յերկնից յաշխարհս իջած .  
Թէ զնորայ ճաշակն առնուս ,  
կամ սէր ունիս 'ւ ես ծարաւած ,  
Այլ չհաւանիս անցաւորիս ,  
Թողուս զամէն աշխարհս ի բաց :

Բ, էջ 75

1 Արտագրողն իր անունն էլ աւելացնելով՝ այս տողը դարձել է՝ «ես Կոստանդինս եւ զԱմիրս որ գրեցի ի մենէ ի բաց» : Արտագրողի աւելացրածը դուրս ձգելուց յետոյ՝ «ի մենէ» բառն էլ , որ թողել է հրատարակիչը , բնականաբար դարձնում եմ «յինէն» :

Այս երկրորդ «բանքի» մէջ արդէն Կոստանդինը յոյց է տալիս իր հա-  
որոնք կարող են իրեւա առածներ գործածուել, ինչպէս հետեւեալ տունը, որ  
կուսն եւ ընդունակութիւնը յօրինելու կարճ ու կտրուկ իմաստակամ ասեմք,  
կազմուած է չորս այդպիսի խօսքերից.

Քանի հասնիս ի մեծութիւն՝  
խոնարհ կացիր մարդկան ու ցած:  
Որչափ լինիս դու իմաստուն՝  
չստ մի՛ խօսիլ մէջ անգլխաց:  
Աղքատին մի՛ բարկանալ,  
որ չըզատէ զքեզ Աստուած:  
Քո ընկերին հոր մի՛ փորել,  
թէ չէ՝ այն քե՛ղ կայ պատրաստած:  
Բ. էջ 75

Ուրիշ գրուածքների մէջ էլ նա կերտում է իմաստական ասքեր, որ  
մենք կը տեսնենք իրենց տեղում. բայց մեր բանաստեղծի առաջին գրական  
մեծ արժանիքը դրանց մէջ չէ, այլ այլաբանօրէն յօրինուած կրօնական եր-  
կերի մէջ:

3. Արեգակի, գարնան եւ լուսու բանքեր:— Սրանց մէջ արդէն տեսնում  
ենք կեանքի ու բնութեան սիրահար շնորհալի բանաստեղծին, որ հետեւող  
չէ ուսուցական քերթութեանը: Նա իւրացրել է Գրիգոր Նարեկացու այն  
տաղասացութիւնը, որ հոգեւոր իմաստով, անձնական չեղտերով երգում է  
ուրախ, լուսավառ բնութիւնը: Կոստանդինի այս կարգի քերթուածները շատ  
աւելի մաքուր ու ջինջ են, ուստի եւ աւելի գեղեցիկ են, քան իր վարպետ  
Գրիգոր Նարեկացու Ծննդեան ու Վարդավառի տաղերն իրենց մթնութեամբ  
եւ բառախաղերով: Արդարեւ, այլաբանութիւնը դեռ մէկ-մէկ ազդում է  
մտքի պայծառութեան վրայ, բայց Կոստանդինի արուեստն աւելի զարգա-  
ցած է, բանաստեղծն ընդհանրապէս խուսափում է այլաբանական անյստա-  
կութիւնից: Նա կամ բաւականանում է վերնազրի մէջ միայն յիշելով, թէ  
իր բանքը հոգեւոր է, կամ իր երկի անկախ մեկնութիւնն է անում՝ զննելով  
այն իր գրուածքի վերջում, երբեմն էլ մեկնութիւնը դնում է իրեւա առան-  
ձին քերթուած, այնպէս որ բուն բանքը մնում է իրեւա մի մաքուր օրհներ-  
գութիւն քննութեան, կամ թէ այնպէս է յօրինում, որ կարելի է եւ հոգե-  
ւոր, եւ մարմնաւոր նշանակութեամբ հասկանալ այն: Նա բնութիւնից առ-  
նում է ընդհանրապէս մեղմ ու քնքուշ տեսարանները, արեգակի ծագումը՝  
լուսով ու գոյնով, զարնանային կեանքով ու բուրմունքով լցուած: Այս տե-  
սակի երկերի մէջ է ահա ամէնից աւելի փայլում Կոստանդինի բանաստեղծա-  
կան տաղանդը: Որովհետեւ նա կեանքի եւ բնութեան էութիւնը գտնում է  
լոյսի եւ սիրու մէջ, ուստի նրա երգերի մէջ լոյսն ու սէրը դարձել են մի  
տեսակ պաշտամունքի առարկայ. նա ներբողում է արեգակի ծագում, դար-  
նան դարուստ, լոյս ու սէր, յօրինելով մէկը միւսից գեղեցիկ քերթուածներ  
(Գ, Ե, Զ, ԺԱ, ԺԵ, ԺԶ): Հետեւենք նրա այս երկերին այն կարգով, որով  
գրուած են Ամիր Փոլինի ժողովածուի մէջ:

4. «Գարուն»։— Երրորդ քերթուածի վերնագիրն է՝ «Այս գարունս զգալուստն Քրիստոսի պատմէ առակօք»։ Այլարանական լինելը չառ պարզ է եւ ինքը բանաստեղծն իր երկի երկրորդ մասի (վերջին չորս տները) սկզբում դարձեալ այսպէս է յայտնում այդ մասին.

Լղսակաւ բանքս որ գրեցի  
վասն դարնան եղանակաց,  
եւ յիշեցի օրինակաւ  
ըզյարութիւն դատաստանաց...

Կը նշանակի՝ գարնան նկարագիրը նա անում է իբրեւ օրինակ Քրիստոսի, ինչպէս ասում են, «Երկրորդ գալստեան», երբ մեռելները յարութիւն պիտի առնեն եւ դատաստան լինի ըստ քրիստոնէական հաւատքի։ Այս երկի մէջ դեռ զարգացած չէ Կոստանդնի արուեստը։ Քանի որ դատաստանի ժամանակ արդարները պիտի ցնծան, իսկ մեղաւորները պիտի լան, ուստի բանաստեղծը գարնան նկարագիրն անում է նկատի ունենալով ե՛ւ սրանց, ե՛ւ նրանց։ Բայց երբեմն մեղաւորների մասին խօսելիս հետանում է գարնան պատկերից եւ հետեւում հանրածանօթ կրօնական պատկերացումներին, որ կապ չունին գարնան հետ. ինչպէս, օրինակ, քերթուածի առաջին տան ներքեւում ընդգծուած տողերի մէջ.

Գարունն լինի ուրախութիւն  
եւ ցընծութիւն երկրածընաց.  
Կիսոց մի գայ մեծ հարսանիք,  
կէսք մի յերկաթ, ի բանդ 'ւ ի լաց,  
Ոմանք ծաղկին զերդ բուրաստանք.  
Դոյն ըզգոյնով ցեղք ի ցեղաց.  
Ոմանք զգեմուն մեծ տրամուրիւն  
եւ չարչարին ըզհետ դիւաց։

Միւս տների մէջ երկակողմանի նկարագիրներն առնուած են պարտէզի՝ եւ արտ ու բուրաստանի գարնանային աշխատանքից եւ բուսականութիւնից. այստեղ էլ, սակայն, մեղաւորների համար բերուած չոր ու անպիտան, լաւ պտուղ չտուող ծառերը, փուշն ու հրով այրելը, որ կրկնուած են տարբեր տների մէջ, ինքնուրոյն գիւտեր չեն, բայց յարմարում են գարնան եղանակին, ինչպէս հետեւեալների մէջ.

Ծառքն ծաղիկս ի վեր փըչեն,  
թէ կան դալար ու չեն մըսած.  
Ով որ ընդրի չոր 'ւ անպիտան,  
նոքայ հըրոյն եմ պատրաստած.  
Բուրաստանքն զարդարին,  
վարդն փրօէ տերեւ չարած,  
Վասն այնոր ինք թաղաւոր,  
որ համբերէ ի մէջ փըշաց։

Կամ հետեւեալ տների մէջ.

Ահա եղեւ յորդոր գարուն,

յայտնեցաւ զինչ կայ պահած.  
 Ու զինչ ծածուկ գործք ու սերմանք,  
 զիրենք ցուցին յամէն ցեղաց:  
 Ահա բարի սերմանահանքն  
 հընձնացեն զպտուղ բարեաց.  
 Իսկ սերմանողքն չարութեան  
 ժողովեցեն փուշ խապամաց:  
 Ծառ մի ծաղկեալ գեղեցկապէս  
 եւ լի պըտողով կայ զարդարած.  
 Եւ մին մի չոր եւ անպիտան,  
 յինքն մահաբեր փուշ կայ բուսած.  
 Վասն այնորիկ սուրբն հրեղէն  
 ի մեծ ծառոյ կայ պատրաստած,  
 Որ ոչ բերէ պըտուղ բարի,  
 Նայ հատանէ հասարակաց:

Բանաստեղծն այս քերթուածի մէջ գեռ շատ անվստահ է շարժւում  
 իր յօրինման ժամանակ: Կարծես նա իր աշուղին փորձն է անում  
 այսպիսի մի երկ ստեղծելու, ուստի չի խիզախում շատ հեռանալու  
 ընդունուած հին ձեւերից, եւ այնպէս է յօրինում, որ ալլաբանութիւնը  
 թափանցիկ լինի եւ անդէտներն էլ հասկանան բուն կրօնական իմաստը,  
 նրանք որ

Զմարմինքըն են զարդարել  
 գեղեցկապէս ու խիստ պայծառ,  
 Եւ չեն ի հասկանալ,  
 մըտօք ճանչել բան ծածկաբար:

Դ, էջ 82

Իսկ ցնայելով քերթողի անհամարձակութեանը՝ արդէն երեւում է  
 նրա ընտիր ճաշակը եւ մտածութիւնը իւրայատուկ գեղեցիկ ձեւերով,  
 առանձնապէս գարնան հրճուալից նկարագրի մէջ, ինչ որ վերաբերում է  
 արդարներին: Այստեղ պատկերները ոչ թէ յարասութիւն են Աւետարանի,  
 այլ ինքնուրոյն գիւտեր են եւ շատ թարմ ու զուարթ են, ինչպէս, օրինակ,

Ոմանք ծաղկին գերգ բուրաստանք  
 գոյն ըզգոյնով ցեղք ի ցեղաց:  
 Ծառքըն ծաղիկս ի վեր փըչեն,  
 Թէ կան դալար ու չեն մըսած:  
 Վարդըն փըռէ տերեւ շարած:

5. «Բանք յերկու դէմս»:— Մեր հին բանաստեղծութեան գոհարներից  
 մէկն է նրա առաւօտեան օրհներգութիւնը (Ե. քերթուած, էջ 85—88), որի  
 վերնագիրն է. «Բանք յերկու դէմս մտաց տեսութիւնք ի հոգի եւ ի մարմին».  
 զոր առակօք խօսի այսպէս: «Առակօք խօսի» դարձուածը ցոյց է տալիս,  
 որ այդ բանաստեղծութիւնը յօրինուած է ալլաբանական նմանութեամբ,  
 բայց ալլաբանութիւնն այլեւս պարզ չէ եւ, ինչպէս հեղինակը յայտ—

նում է, բանքը կարող է եւ «ի մարմին» հասկացուել: Քրիստոնեայ հաւատացեալի վսեմ ներշնչումով ստեղծուած լուսաբացի մի նկարագիր է դա, որի մէջ պատկերներն, աւելի ու աւելի հրապուրիչ, յաջորդում են միմեանց: Մենք բանաստեղծի հետ տեսնում ենք բնութեան զարթօնքը, լուսազարդ շքեղութիւնն եւ կենդանութիւնն ու շարժումը. միաժամանակ եւ նրա հետ զգում ենք նրա սէրն առ առաւօտեան լոյսը եւ նրա խորագգաց սրտի սքանչացումը, որով նա դիտում է նախ կէսգիշերային արթուն-անքուն լուսատուները եւ ապա բնութեան միւս գեղերը:

Զարթի՛ք ի յերազուտ,  
բացէ՛ք զաչերս՝ ով կայք ի քուն.  
Տեսէ՛ք մէջ գիշերիս շա՛տք,  
որ պահ մի չեն լել ի քուն,  
Անդադար ի շուրջ զալո՛վ  
կան հրամանաւ մի Աստուծուն,  
Որ բանիւ դերկինք ի վեր  
կամար կապել երես քամուն:

Բանաստեղծը զարթնում է քնից, վեր կենում. երբ երկար գիշերն անցնում է, տեսնում է՝ լուսինը պայծառ եւ բազմաթիւ աստղերն՝ «ի յիր սպասուն»՝ զարդարում են երկինքը: Երեւում են առաւօտուայ նշանները. ծագում է պայծառ լուս-աստղը Արուսեակի՝ (=Արեգակի) առաջից.

Մի աստղ ելաւ պայծառ  
առջեւ Արուսեակին լուսոյն.  
Ունէր լոյս գեղեցիկ  
քան զաստեղացն այլ գերագոյն.  
Յտես ըզնա լուսին,  
եւ հրաման տայ աստեղնոյն.  
Հաւասար ի մայր մտան,  
նուազեցան յիրենց լուսոյն:

Եւ ահա դուրս է գալիս ինքն արեգակը.

Ձերեսս երկնից երաց,  
երբոր ծագեց լոյսն արեւուն.  
Տղայ երեւեցաւ,  
քաղցր կոչի իրենն անուն.  
Հոգի հաւասար երես շատոց  
պայծառ լոյս աչերուն,  
Ով սիրով մընաց լուսոյն  
Արուսեակին առաւօտուն:

Մանուկ Արեգակի ծնունդը, բնութեան մեծասքանչ խորհրդուն եւ երեւոյթը, հոգի եւ կենդանութիւն է բերում, ամէն կեանքի աղբիւրն է:

1 Քրիստոնէական կրօնական լեզուի մէջ «Արուսեակ» է կոչւում յաճախ արեգակը, որ եւ իբրեւ սիմբոլ՝ նշանակում է Քրիստոս:

Ամէն բարիք պարգեւեւում է մարդուն Արեգակի ծագելիս: Առաւօտեան լուսաբացին է, որ Աստուած, սիրով լցուած, քաղցր է նայում արարածներին. եւ վերջապէս լուսածաղի ժամին է բերում անմահութեան անուշ հոտը, որ հարբեցնում է հոգիները, եւ մահը յաւիտենական կեանքի փոխում. բանաստեղծը այնպէս յափշտակուած է առաւօտով, որ տենչում է, որ կեանք, խնդութիւն, սէր լինի իր համար առաւօտեան, նոյնիսկ իր մահը:

6. «Բանք յաղագս Արեգական արդարութեան»:- Պակաս գեղեցիկ չէ եւ այս բանքը (Զ, էջ 88-90), որի վերնագրի մէջ հեղինակը դարձեալ դրում է. «զոր առակօք խօսի», եւ թէ այլաբանութիւնը վերաբերում է Գրիստոսին, «որ եւ ծագեաց ի հօրէ միածին որդին»: Այստեղ էլ նկարագրուած է զարնան արեգակի ծագումն ու նրա սքանչելի աղբեցութիւնը բնութեան այլ եւ այլ կողմերի վրայ: Առաջին անգամ մեր բանաստեղծութեան մէջ խանդավառ ոգով, արագաթուիչ սլացքով ու թափով փառարանում է արեգակը կարծես մի արեւապաշտից. լոյս ու ջերմութիւն, խաւարի հերքում, ձմեռնային սառնամանիքի վերացում եւ աշխարհի ցնծութիւն:

Ահա՛ դիչերս էանց,  
նըչան եղեւ առաւօտուն.  
Ասողըն պայծառ ծագեց,  
աւետաւոր երեկ լուսոյն.  
Խաւարն հերքեցաւ  
ու ցընծացաւ աշխարհս ամէն.  
Երնեկ ետուն միմեանց,  
որ արժանի եղէն լուսոյն:  
Զինչ որ ի բանդ կային  
եւ ի խաւար ի խոր զընդան,  
Նա՛յ լոյս ծագեց նոցայ  
յարեգականն ի մեծ լուսոյն.<sup>1</sup>  
Երկիրս էր սառն ու պաղ,  
ու ցուրտ ձրմեռն ու հողմային,  
Ահա եղեւ զարուն  
յարեգականն ի մեծ լուսոյն:

Սկսում է բնութեան մէջ կենսաբեր շարժումը—ծիլ ու ծաղիկ, ջրերի խաղացում եւ ընդհանուր կենդանացում.

Երկիր կենդանացաւ,  
ու լեռն ու դաշտ կանաչ բուսան.  
Ծաղիկ բերին ծառերն  
յարեգականն ի մեծ լուսոյն.  
Ծաղկունքըն զարդարին  
ազգի ազգի գոյն ըղբոյնով,

1 Հմմտ. «Ժողովուրդը որ նստէր ի խաւարի, ետես լոյս մեծ. եւ որոց նստէին յաշխարհին եւ ի ստուերս մահու՝ լոյս ծագեաց նոցա»: Աւետարան ըստ Մատթ. Դ, 16.

Փըռի վարդըն կարմիր  
 յարեզական ի մեծ լուսոյն :  
 Ակունքըտ յորդորին  
 ու ցընծալով յառաջ խաղան ,  
 Գետերտ ոլոր կապին  
 յարեզական ի մեծ լուսոյն :  
 Զինչ որ կայ արարած ,  
 ու անհոգի մեռած կային ,  
 Ահա՛ կենդանացան  
 յարեզական ի մեծ լուսոյն :

Բանքի այս առաջին մասն այնպէս է յօրինուած , որ կարծես թէ դրա հեղինակը մեր ժամանակի մի բանաստեղծ լինի , որ հիացած է արեզակի հրաշակերտ զօրութեամբ եւ երգում է այն առանց որեւէ «ծածուկ» մտքի : Բայց դա Քրիստոսի ծննդեան մի գովք է այլաբանութեամբ :

7. Խորհրդաւոր մամուլքեան օրինակներ :— Ինչի՞ց է բխում Կոստանդընի այս հիացական խորասուզումն առաւօտեան լոյսի մէջ եւ բնութեան այսպիսի վեհ ըմբռնումը , որ ունի նա , կամ այն , որ լոյսն ու սէրը նրա համար մի տեսակ պաշտամունքի առարկայ են : — Անշուշտ այդ ծագում է ամէնից առաջ բնութեան լուսագեղ տեսարանի տպաւորութիւնից : Բայց այդ չէ միայն : Նա ներշնչուած է նաեւ քրիստոնէական սիմբոլիզմից , որով Քրիստոս կոչւում է «լոյս» , «արեզակն արդար» , «արդարութեան արեզակ» : Սրա լոյսն՝ «իմանալի լոյս» , եւ Քրիստոսի «ծնունդն ի հօրէ» (ըստ դաւանութեան) ասւում է նաեւ «ծագումն ի լուսոյ» , Քրիստոս՝ «լոյս ի լուսոյ» : Այսպէս երգւում է «Արեւազալի» եւ «Քրիստոսի Ծննդեան» շարականների մէջ .

Լո՛յս , ի լուսոյ ծագումն , արեզակն արդար...  
 Ի ծագել լուսոյ առաւօտուս  
 Ծագեա ի հոգիս մեր զլոյս քո իմանալի :

Կոստանդինն , ինչպէս եւ իր «Հոգեւոր եղբայրները» , շատ անգամ երգել են Քրիստոսի համար նաեւ .

Ի հօրէ ծագեցար  
 Լուսաւորել զարարածս ,  
 Արդարութեան արեզակն...  
 Լոյս ի լուսոյ ծագեալ ի հօրէ  
 Եւ լուսաւորեաց ըզտիեզերս ,  
 Ծնունդ յանըստուեր լուսոյն...  
 Լոյս ի լուսոյ զմեզ լուսաւորեա...  
 Լոյս ի լուսոյ ի հօրէ առաքեցար...<sup>2</sup>

Այս խորհրդանշանները , սիմբոլները , ինչպէս արդէն տեսել ենք , եկեղեցու մէջ մտել էին արեզական աստուած Միհրի (Միթրա) կրօնի ազդե-

1 Շարական , Էջմիածին , 1861 , էջ 597 , 24 , 27 , 672 , 50 :



ցութեամբ:՝ Արդ՝ Կոստանդին Երզնկացին սոյն հին նիւթն է երգում, նոյն «լոյս Աստուածը», կամ աստուածային լոյսը եւ «արդարութեան արեգակն» ու նրա ծագումը. բայց մինչ հոգեւոր երգերի մէջ, որպէսզի Փիղիկական լոյսն ու Փիղիկական արեգակը Հասկացուն, աւելացնում էին «իմանալի» եւ «արդար» կամ «արդարութիւն» բառերը, Կոստանդինը մի փոփոխութիւն է անում. նա այս որոշիչները դուրս է ձգում եւ առնում միայն լոյս եւ արեգակ: Նրա երգն, ուրեմն, այնպէս է յօրինւում, որ թւում է թէ նա փառաբանում է իսկական Փիղիկական արեգակն եւ նկարագրում է լոկ առաւօտեան լոյսի ծագումն իր շարժումներով եւ աղբյուրութիւններով, բայց իրապէս այդպէս չէ: Փիղիկական լոյսից եւ արեգակից ստացած ներշնչման հետ իշխում է եւ հաւատացեալ քրիստոնեայի զգացմունքն առ արդարութեան արեգակն եւ սրա ծնունդը, այնպէս որ նա երգում է միաժամանակ եւ նիւթական, եւ իմանալի լոյսերը, եւ Փիղիկական արեգակը, եւ արդարութեան արեգակը կամ, ինչպէս ինքը հեղինակը ճիշդ բնորոշում է, նա ստեղծում է «Բանք յերկու դէմս մտաց տեսութիւնք ի հոգի եւ ի մարմին»: Եւ այս է տալիս նրա բանաստեղծութեանն առանձին ուժ ու վսեմութիւն: «Արդար», «իմանալի» բառերի բացթողումով արձակւում են մեր կրօնաւոր բանաստեղծի թեւերը. նա արդէն ազատ թռիչք է գործում իր սիրած բնութեան մէջ եւ երգում լոյս, առաւօտ, արեգակի ծագում, ուրախ գարուն, այնպէս, ինչպէս ինքն զգում ու հասկանում է բնութիւնը: Դրա հետեւանքով եւ մեր բանաստեղծութիւնը ձեռք է բերում մի նոր անկախ գրական տեսակ — բնութեան ֆնաքերգութիւն, որի մէջ մեծ տեղ են բռնում բանաստեղծի անձնական տպաւորութիւնները բնութիւնից ու զգացումները մի ներքին ջերմութեամբ եւ կրօնական խորհրդաւորութեամբ կամ «խորհրդականութեամբ», ինչպէս ասում էին հները: Եթէ լուսոյ եւ արեգակի հին պաշտամունքը քրիստոնէական հաւատքի մէջ մտել էր իբրեւ մի սիմբոլ — խորհրդանշան միայն, այժմ այդ սիմբոլը մեր բանաստեղծութեան մէջ դառնում է արդէն ինքնուրոյն երգի նիւթ: Բնութեան երգն, ուրեմն, ոչ իբրեւ մի հատուած ուրիշ մեծ երկերի, ինչպէս Ներսէս Շնորհալոյ «Եդեսիոյ տղրի» մէջ է: Բայց այսպէս դեռ Կոստանդինի քերթուածների ոչ-մեկնական մասերի մէջ:

Անդէտ մարդիկը, որոնք խելամուտ չեն կրօնական գրականութեանն ու հաւատալիքներին, հեշտութեամբ միայն Փիղիկական նշանակութեամբ կը հասկանան Կոստանդինի այդպիսի քերթուածները, եւ այդպէս հասկացողներ եղել են թէ՛ Կոստանդինի եւ թէ՛ մե՛ր իսկ՝ ժամանակակիցներից: Կոստանդինը, սակայն, այդպէս չի մտածել, այդ երեւում է ոչ միայն վերնագիրներից, այլեւ քերթուածների մեկնական մասերից: Ահա թէ ի՞նչ է գրում նա վերեւում բերուած արեգական բանքի չորրորդ տնից յետոյ.

Է՞ր չէք ի զարմանալ  
ու կամ հարցուկ լինիլ բանիս,

1 Մ. Աբեղեան, Հայոց հին գրականութեան պատմութիւն, Ա. հատոր. «Հոգեւոր Երգ» հատուածի երկրորդ գլուխ՝ «Ձեռն եւ բովանդակութիւնը», պարագրաֆ 6. «Միհրիկ Կրօնի աղբյուրութիւնը», էջ 501:

Վասն այս արեգականս

եւ իր պայծառ յցեալ լուսոյն .

Այս նո՛ր ծագեց մեզ լոյս

քան զարեգակն , ու ա՛յլ պայծառ .

Զինչ լուսաւորք կային՝

ծառայ կոչին այն մեծ լուսոյն :

Ինչո՞ւ չէք դարմանում ու հարցնում , թէ այս ի՞նչ արեգակ է պայծառ լուսով (որ երգում է ինքը) , ի՞նչ նոր մեծ լոյս է ծագել արեգակի պէս ու նրանից էլ աւելի պայծառ , այնպէս որ բոլոր լուսաւորները նրա ծառան են , — այսպէս հարցնում է բանաստեղծը եւ անմիջապէս պատասխանում .

Ի լուսոյն ի սկըզբանէ

լի լուսով շառաւիղ ծագեց ,

Լոյս ի լուսոյ ծընաւ

յարեգական ի մեծ լուսոյն :

Այս լոյսս ի յայն լուսոյն ,

որ ինքն է աէր ամէն լուսոյն ,

Ու թագաւոր կոչի ,

՛ւ ամենուն լո՛յսն ի յիր լուսոյն :

Բանաստեղծն այստեղ բառախաղ չի անում , այլ ընդունուած բանաձեւով եւ «շառաւիղի» օրինակով խօսում է քրիստոնէական դաւանանքի մասին եւ բացատրում , թէ իր երգած լոյսը , ե՛ւ ամէն լոյս , ե՛ւ ամէնի լոյսն աստուածային լոյսից է . (արդարութեան) արեգակի մեծ լոյսից , եւ սա էլ աստուածային հայր Աստուծոյ լոյսից «ի սկզբանէ» ծագած մի «շառաւիղ» (ճառադայթ) , ինչպէս ընդունում եւ բացատրում էին դաւանաբանութեան մէջ : Որ բանաստեղծը «լոյս» ասելով հասկանում է մտաւոր , հոգեւոր լոյսը , կամ քրիստոնէական կրօնի լոյսը , այդ պարզ երեւում է այս Զ. բանքի վերջին երեք տներից . ոչ քրիստոնէաները , որ չեն հաւատում «արեգական եւ իր լուսոյն» , — ասում է նա , — «չունին մասըն լուսոյ յարեգականն ի մեծ լուսոյն» , իսկ ինքը Կոստանդինը փափաղում է , որ լուսաւորուի «յարեգականն ի մեծ լուսոյն» : Բայց որ նա գրում է , թէ ամէն լոյս եւ ամէնի լոյսն աստուածային լոյսից է , պէտք է հասկանալ նաեւ Ֆիդիկական արեգակի լոյսը , քանի որ այն էլ ծագում է Աստուծուց , բայց , հարկաւ , ոչ իբրեւ աստուածային լոյսի մի մասն , իբրեւ նրանից ծագող մի «շառաւիղ» (ճառադայթ) , այլ իբրեւ Աստուծու «արարած»<sup>1</sup> լոյս :

Կոստանդինի քերթուածները , առանձնապէս Ե—ը ճիշդ հասկանալու հա-

1 Դիոմամբ այստեղ այսքան կանդ ենք առնում այս խնդրի վրայ , որովհետեւ անհաճ եւ անփուլ կերպով հրատարակել են եւ սովորեցնում են , թէ Կոստանդին Երզնկացին այս քերթուածներով իբր հանդիսանում է «պանթէիստ» : Այդ մարդիկը կամ պանթէիզմ չեն հասկանում , կամ սնամտութեամբ բարձրացնել են ուզում մեր հին բանաստեղծներին : Այդպիսիների ասելով՝ ձրիկի համար Աստուածը գոյութիւն չունի , նա «աթէիստ» է , Կոստանդին Երզնկացին , անգամ Գրիգոր Նարեկացին «պանթէիստ» են... : Առանց դրան էլ մեծ է մեր հին բանաստեղծների փառքը :

մար՝ կանգ առնենք եւ հետեւեալի վրայ: Լուսածաղն, առաւօտեան արեգակն ու գարունը հեթանոսական ժամանակից ի վեր կապուած են եղել նաեւ մի ուրիշ հաւատալիքի հետ, այն է՝ մեռելների յարուլթիւնը պէտք է լինի գարնանն արեւածաղին: «Մազդեդական յարուլթիւնը վախճանական արշալոյս է, մինչդեռ վեդայական արշալոյսն ամէնօրեայ յարուլթիւն է»: Ըստ հայ ժողովրդական հաւատքի, արշալոյսն ամէն օր կրկնուող յարուլթիւն է միաժամանակ եւ հոգիների դատաստան, որից տարրեր է վերջին դատաստանը: Հաւատում են, թէ ամէն օր արեւածաղին բացում են երկնքի գոները եւ ինչպէս հին իրանական հաւատքով՝ լուսոյ աստուածը, որի աթոռն է արեգակը, այդ գոների առաջ դատաստանի է նստում. իրանացիների համար առաջին դատաւորն է Միթրան, առաւօտեան արեգակի աստուածը, ըստ հայ ժողովրդական հաւատքի՝ Քրիստոս, որ հարկաւ քրիստոնէական ժամանակում փոխանակել է հեթանոսական աստուծուն: Դատաստանից յետոյ արդարները գնում են անմահութեան անուշակ դրախտը:<sup>1</sup> Այս հաւատալիքը մինչեւ մեր օրերը կենդանի մնում էր մեր ժողովրդի մէջ եւ արտայայտում է նրա լուսաբացի ժողովրդական աղօթքների մէջ: Սրանցից հանրածանօթ է հետեւեալ հիմնը, որ անշուշտ դալիս է շատ հին ժամանակներից.

Լուսացա՛ւ, լուսացա՛ւ:  
 Լոյսն է բարին,  
 Ծիտն է ծառին...  
 Երկնքի դռները բաց է.  
 Ոսկի աթոռ դըրած է.  
 Քրիստոս վըրան նըստած է.  
 Լուսաւորիչ կանգնած է,  
 Ոսկէ զըրիչ բըռնած է.  
 Մեծ ու պըստիկ գըրում են,  
 Արդարները խաղում են,  
 Մեղաւորներ լալում են:  
 Լուսացա՛ւ, լուսացա՛ւ:

Այս հին հաւատալիքն եւս իր կողմից ազդել է Կոստանդնի Արեգակի ու գարնան երգերի վրայ: Մեռած բնութիւնը վերակենդանացնող գարունը դարձել է մի խորհրդաւոր օրինակ ոչ միայն Քրիստոսի ծննդեան համար, որով աշխարհս, ըստ հաւատացեալների, ստացել է մի նոր հոգեւոր կենդանութիւն, — այլեւ Քրիստոսի «երկրորդ գալստեան» եւ մեռելների յարուլթեան, երբ եւ դատաստան պիտի լինի: Դրա համար եւ Կոստանդինն, ինչպէս տեսանք Գ. քերթուածի մէջ, այդ երգում է գարնան պատկերով եւ վերնագիրն էլ դնում է. «Այս գարունս զգալուստն Քրիստոսի պատմէ առաւօք»:

Նա գարնանային առաւօտեան լուսաբացի պատկերով երգում է երկրի կենդանացումը Զ. քերթուածի մէջ: Եթէ վերջինս հասկացւում է Քրիստոսի Ծննդեան համար, նրա Ն. քերթուածի մէջ՝ «բանք յերկուս դէմս», չատ

<sup>1</sup> Մանրամասնութիւններն եւ աղբիւրները տեսնել Մ. Աբեղեանի «Հայ ժողովրդական հաւատքը». Dr. Manuk Abeghian; Der armenische Volksglaube, Leipzig, 1899, էջ 19 եւ հտ.:

կտորներ յարութեանն են ակնարկում, եւ կարող են այսպէս էլ հասկացուել,  
ինչպէս են հետեւեալները.

Հոգի հաւասար երեստ,  
շատոց պայծառ լոյս աչերուն,  
Ով սիրով մընաց լուսոյն  
Արուսակին առաւօտուն:  
Քաղցր է ծընունդ լուսոյն,  
երանի տամ ես այն մարդոյն,  
Որ բաժին ինքն ունենայ  
ի յայն լուսոյն առաւօտուն  
Թէ դուռն կայ երկնից  
պարգեւատու մի Աստուծուն,  
ի ծագել արեգականն  
ի մեզ բացվի դուռն բարոյն:

Կամ հետեւեալները.

Թէ անուշ հոտ կայ բուրել  
'ւ ի կե(ա)նք փոխէ զդուռն մահուն,  
Են շատոց հոգի հարբած  
յանուշ հոտոյն յառաւօտուն.  
Թէ անմահական սէր կայ՝  
Որ հոգի տայ հոգեստնուն,  
Իմ բաժին սէրն ու հոգին  
խառնել ի սէրն առաւօտուն:  
Թէ ինձ կեանք կամ խընդութին  
բաժին կայ ի դուռն ի Սիրուն [=Աստուծու],  
Մէկ պահու սէրն ի սըրտէ՝  
Թող լինի ինձ յառաւօտուն...

Շատ ու թափանցիկ են մանաւանդ այս տողերը.

Ով կամի սիրով լինիլ  
ինքն յարութեան որդի լուսոյն,  
Թող խընդրէ ի յայն Սիրոյն [=Յիսուսից],  
որ ինքն յարեալ առաւօտուն.  
ի Սիրուն սէր յաւելու  
սիրով դընալ տունն ի Սիրուն [=Աստուծու]:  
'Ի ով Սիրոյն ինք հետեւի՝  
հասնի սիրովն առաւօտուն [=յարութին առա-  
ւօտին]:

Եւ վերջապէս այս վերջին տողերը շատ պարզ կերպով ակնարկում են,  
որ Կոստանդնի երգած առաւօտը խորհրդարար վերաբերում է նաեւ յարու-  
թեան արեգակի ծագմանը: Այսպէս է իր համար աղօթում մեր բանաստեղծը.

Տէ՛ր, զըթա՛յ յիս ի ծառայս,  
եւ տուր բաժին ինձ յայն հոգոյն,

Որ շատոք ին ցանդացել,  
բայց քիչք հասան առաւօտուն...  
Խընդրեմ ի քէն, տուր ինձ,  
սէր ի սիրուն առաւօտուն:

8. Վարդ ու սոխակի այլաբանական սիրավէպը եւ սիրոյ գովաբանութիւն:— Մեր բանաստեղծը, որ լոյսի սիմբոլիզմից անցնում էր արեգակի եւ լոյսի երգերին, ինչպէս վերեւում բերուած կտորներից կարելի է տեսնել, լոյսի հետ անհրաժեշտօրէն սէր էլ էր երգում, քանի որ քրիստոնէական Աստուածը ոչ միայն «Լոյս» էր, այլ միանգամայն եւ սիրոյ Աստուած եւ «Սէր» էլ կոչւում էր: Նա հաւատում էր, որ ինչպէս աստուածային լոյսից է «ամէն լոյս» եւ «ամէնի լոյսը», նոյնպէս եւ «Սէր» Աստուծուց է ամէն սէր. «Ի Սիրուն սէր յաւելու»: Աստուածային սիրուց է, որ ծագում է արեգակը.

Թէ Տէրն [=Աստուած] ի յարարածս  
Հայի քաղցր ի յիր սիրուն,  
Յայն պահուն է որ լինի  
նըշան լուսոյն առաւօտուն:

Առաւօտեան լոյսն, ուրեմն, Աստուծու քաղցր աչքից է, եւ նա քաղցր աչքով նայում է իր սիրուց: Ահա թէ ինչ Հայեացք ունէր Կոստանդինը ե՛ւ սիրոյ, ե՛ւ լոյսի ծագման մասին: Հէնց դրա համար էլ նա Լոյս երգելիս չի մոռանում եւ սէրը: Բայց նա առանձնապէս էլ երգում է սէրը: Բնութեան այս խանդավառ բանաստեղծը, որ իր ներշնչումները բնութիւնից ստանալով աստուածային լոյսն երգելիս առնում է Փիղիկական լոյսն այլաբանութեամբ, չէր կարող իր կրօնական բանքերի համար չօգտուել սովորական իմաստով աշխարհիկ սիրու երգերի ձեւերից: Եւ իսկապէս՝ մեր հոգեւորականների յօրինած բանաստեղծութեան մէջ առաջին անգամ, — նրանից առաջինը ժամանակով՝ ցարդ յայտնի չէ, — նա կիրառում է վարդ ու սոխակի սիրավէպը, սիրոյ շատ տարածուած այս այլաբանութիւնը:

Հայոց գրականութեան մէջ վարդը երեւան է դալիս. 10-րդ դարում արդէն, բայց վարդ ու սոխակի այլաբանութիւնն ընդհանուր գրականութեան մէջ, որքան յայտնի է, նախ երգել են պարսիկ բանաստեղծները: Մեր բանաստեղծների համար հեշտ ընդունելի է եղել այս այլաբանութիւնը, քանի որ վարդը մեղնում հնուց արդէն կապուած է եղել սիրու հետ. հեթանոսական ժամանակներում արդէն այս ծաղիկը նուիրական է եղել սիրու աստուածուհի Աստղիկին: Ուստի մեղնում եւս այս սիրավէպի այրանութեան տակից պարզ ցոլանում է զգայարանական հեշտաւէտ սէրը:

Արեւմուտքում, — առնում ենք առանձնապէս Ֆրանսիան, — այս սիրավէպն ստացել էր աւելի վերացական եւ ուսուցական բնաւորութիւն: «Կղերականները սիրոյ մասին գրելով՝ սիրոյ նիւթի մէջ բնականաբար մտցրել էին իրենց բոլոր մտաւոր սովորութիւնները. նրանք են եղել գլխաւորապէս, որ քրիստոնէական աստուածաբանութեան զիմաց հաստատել

էին մի իսկական սիրային թէոլոգիա, սիրոյ աստուծուն տալով Յիսուս Քրիստոսի տեղը, եւ այդ սիրոյ աստուծու փափկութեան նստաւայրը յօրինելով եղեմական դրախտի պատկերով, ի անուն նրա օրինադրելով մի տասնաբանեայ պատուիրանք եւ վերջապէս՝ կաղմելով մի ամբողջ դաւանանք ու պաշտամունք, ինչպէս եւ սիրահարների մի եկեղեցի, որ ունէր իր հաւատացեալներն ու հերետիկոսները, իր սրբերն ու մեղաւորները: Կղերականները կուրտուազական (մեծարական, քաղաքավարական) սիրոյ վրայ գործադրում են նոյնպէս իրենց վերացականութեան մոլութիւնն ու իրենց դիդակտիկական ձգտումը, եւ նրանց աղդեցութեամբ՝ «սիրոյ արուեստները» բռնում են երգերի ու վէպերի տեղը. գրում են սիրելու արուեստ, թարգմանում են Օվիդիոսի «Սիրելու Արուեստը»: Վերացականութեան եւ դիդակտիկական բանաձեւերի սէրը երեւակայութեանը մոտք էր տալիս միայն այլաբանութեան կողմից, եւ այլաբանութեան յանգան սիրոյ մասին գրող բոլոր կղերականները: Եւ այս միջոցը միայն չթողեց, որ չոր ու ցամաք օրինադրութեան մէջ ընկնեն եւ շատ ու քիչ դունաւորեն վերացականութիւնը»:՝ Այսպիսի բնաւորութիւն ունի նաեւ Փրանսիական նշանաւոր սիրավէպը՝ «Վարդի ոռմանը» (Le roman de la Rose), որի առաջին մասը գրւած է 1230-ական թուականներին, իսկ երկրորդ մասը՝ մի ուրիշ հեղինակի ձեռով մօտ 1277 թուականին, ուրեմն, հաւանօրէն Կոստանդին Երզնկացու մանկութեան տարիներին: Դա սիրելու արուեստ է եւ կուրտուազական սիրոյ օրինադիրք:

Այսպիսի սիրավէպեր եւ սիրելու «արուեստներ» եւ օրինադրքեր չեն առաջ եկել մեր գրականութեան մէջ, դի մեզնում կեանքի մէջ չի եղել գրանց պահանջն ունեցող արքունիք, «կուրտուազական» վերաբերմունք տիկիների հանդէպ: Չեն եղել եւ «կուրտուազ ասպետները», այն ժամանակի կիլիկեան բառով՝ «ձիաւորները»: Ճիշդ նոյն դարում թաթարական բռնապետութիւնն էր Մեծ Հայաստանում, եւ հայ ազնուականութիւնն արդէն դէպի քայքայում եւ անկում էր դիմում: Ուստի մի քանի սիրավէպերը, որ մնացել են մեր հին գրականութիւնից, ոչ վերացական, ոչ էլ ուսուցական բնաւորութիւն ունին: Վարդ ու սոխակի սիրավէպն այլաբանօրէն կիրառւում է ոչ թէ իբրեւ «սիրոյ արուեստ», այլ իբրեւ մի սիրոյ քերթում՝ ընդհանրապէս սէր գովերգելու համար:

Արեւմուտքում եւս, հարկաւ, յօրինուած կան նաեւ հզօր սիրոյ քերթումներ, նոյնիսկ 14-րդ դարում: Բայց համեմատութեան համար բերենք այստեղ մի փոքր կտոր իտալական վերածնութեան վերջին շրջանի, 16-րդ դարի նշանաւոր բանաստեղծ Տորկուատոյ Տասսոյից: Նրա հռչակաւոր «Ազատուած Երուսաղէմ» վիպական քերթումի մէջ՝ զէնքերի շահիւնի ու չօինդի եւ արինահեղ կոտորածների ու մահուան հետ՝ մեծ տեղ է արուած նաեւ սիրոյ քնարական դովքին: Ահա նրա Երջանիկ կղզիների մէջ Երջան-

1 Histoire de la Littérature française par Gustave Lanson, Paris, 1895, էջ 121 եւ հտ.:

2 Տորկուատոյ Տասսոյ (1544—1595 թ.), «Ազատուած Երուսաղէմ»: Օգտուում եմ ռուս. թարգմանութիւնից: Տասն եւ հինգերորդ ու տասն եւ վեցերորդ երգեր: Տե՛ս յատկապէս էջ 236 եւ հտ., 16-րդ երգ, ութեակներ 12—17:

կութեան տաճարը, սիրոյ կախարդական ամրոցն իր մարդկային սիրահար զոյգով, շուրջը ծաղկող ու պտղող ծառեր, ականակիտ լճակներ իրենց մէջ լողացող սիրատարի ու հրապուրիչ, մերկամարմին ջրանուշներով: Գարնանային գեղեցիկ բնութիւն սիրով լցուած:

«Սիրավառ թռչունները  
Ճօճում են զմրուխտ շուաքարանները,  
Եւ իրենց միայն հասկանալի լեզուով  
Հառաչում են իրենց խինդ ու վշտի համար»:

Այդ թեւաւորներէց մէկը, խառնուտիկ փետուրներով մի կարմրակտուց թռչուն, մարդկային ձայնի նման հնչիւններով երգում է վարդի մասին.

«Ահա վա՛րդը, որ պատրաստ է բացուելու.  
Որքան պակաս են բացուած նրա թերթերը,  
Այնքան աւելի հմայք կայ նրա մէջ:<sup>1</sup>  
Բայց ահա՛ նա փթըթել է մեր առաջ,  
Ու փթթումից յետոյ իսկոյն ծաղկաթափ.  
Եւ այդ այլ եւս այն ծաղիկը չէ,  
Որ գեղուհիների սրտում նախանձ էր բորբոքում,  
Եւ նրանց կրակոտ պաշտողների հայեացքը զբաւում:  
Բաւական է մէկ օր միայն,  
Որ թառամի ծաղիկը մեր կեանքի:  
Ամէն տարի բնութիւնը նորոգւում է,  
Իսկ մեր երիտասարդութիւնը չի վերադառնում:  
Քաղե՛նք ուրեմն վարդն առաւօտեան.  
Օրը կ'անցնի, եւ իրիկնադէմին արդէն կը թառամի նա.  
Քաղե՛նք շուտով սիրոյ ծաղիկն  
Ու սիրենք, քանի կարող են մեզ սիրել»:

«Լուեց երգեցիկ հաւքը, եւ իսկոյն  
Օղը նորից լցուեց թռչունների ճռուողիւնով.  
Աղաւնիները համրոյրներ են տուիս,  
Եւ ամէն ինչ բոնուած է դարնային հրայրքով:  
Ե՛ւ կազնին, ե՛ւ դափնին, թփերն ու խոտեր,  
Ինքը հողը, գետնի ջրերը,—  
Ամէն ինչ միայն սէր է շնչում,  
Ամէն ինչ անձնատուր է սիրոյ բուռն իշխանութեանը»:

Մեր Կոստանդին րաֆաստեղծութեան մէջ էլ (Քերթուած ԺԱ, էջ 110—118) սէրը դրուած է դարնային թարմ ու գեղեցիկ բնութեան մէջ, բայց առանց որեւէ կախարդանքի ու յաւերժահաբսնների: Ամէն ինչ բնական ձեւով է, հարկաւ, որոշ այլաբանութեամբ—ծաղիկներն աղջիկներ են, եւ ամենազեղեցիկը վարդն է, որին նախանձում են միւս գեղուհիները: Հաւ-

1 Հմմտ. հայ գուսանական հայրէնք՝ «Վարդն բացուած մի՛ սիրէ... Վարդըն պուլպուլիկ սիրէ»...:

քերը (թուշուհները) տղայք են: Զկայ մարդկային սիրահար զոյգը, դրա փոխանակ այլաբանօրէն բլրուէն ու վարդն են սիրահար: Զարդարուն բուրաստանում սիրավառ հաւքերը, գեղեցիկ հաղնուած եւ ծաղիկների անուշ բուրմունքից հարբած, իրենց սէրն են քաղցր եղանակում: Այստեղ էլ սէրը ներգործում է բնութեան բոլոր երևոյթների վրայ, թափանցում է ե՛ւ կենդանի էակների, ե՛ւ ծառ ու ծաղկի, անգամ ջրերի մէջ: Ամէն ինչ լցուած է սիրով, ամէն ինչ լինում է սիրով եւ կենդանի ու գեղեցիկ է միայն սիրով:

Սիրով արեգակի լոյսից գեղեցկանում, բացւում, փթթում է վարդը. նրա պայծառ տեսքից ուրախանում են երիտասարդները ու մոռանում ամէն հոգս ու տրտմութիւն: Բայց նա ինքը վշտերի մէջ է, քանի որ վաղանցիկ է իր փթթած կեանքը: Ուստի կրակի պէս վառուող այդ գեղանի սիրուհին իր սիրական բլրուլի առաջ բանում է իր սիրատանջ սիրտը եւ հրաւիրում նրան, որ համբուրի իրեն՝ վարդին՝ ու կշտանայ սիրով. որովհետեւ կը դան, կը քաղեն իրեն, — ասում է նա՝ — ու բլրուէն այլեւս չի դառնիլ նրան:

Ահա՛ մեր Կոստանդնի սիրավէպի նիւթը, որ էապէս նոյնն է, ինչ որ նրանից աւելի քան 250 տարի յետոյ յօրինող իտալացի հռչակաւոր բանաստեղծինը: Մեր քերթուածի մէջ սէրը նոյնիսկ աւելի վեհ ու մսեմ է, զի դա հեշտանք չէ փափկութեան դրախտում, այլ, ըստ կրօնական հայեացքի, բխելով Սէր Աստուծուց՝ դարձած է յաւերժ կենդանութեան աղբիւր, մի աստուածային ստեղծագործ կենդանարար ու գեղեցկացնող զօրութիւն ամբողջ բնութեան համար:

Տեսնենք բնադրից հատուածներ:

Այսօր եղեւ պայծառ դարուն,  
ցընծան ծաղկունք եւ յարդորին,  
Հաղնին ցեղք է ցեղաց  
մանդրուն հաւերն՝ ի հաւն խօսին.  
Ի վերայ լերանց քարձանց  
զոյն ըզզոյնով ծաղկունք փրփին,  
Ծածկեն գերեսս երկրի,  
ըզլենոն, ըզգալտ ու զբաղչանին:  
Են գեղեցիկ փետուր հագել  
փոքրիկ հաւերն ի ծաղկոցնին.  
Ու հազար դասըս դասով՝  
քաղցրաձայնեն զանլուելին.  
Հարբել են յանուշ հոտոյն,  
ու նստել (են) ի վրայ ծաղկին.  
Ի սիրու են ըստեղծած,  
սէր կայ յիրենք որ կու խօսին:  
Բուրաստանք է զարդարած,  
ու ցեղ ու ցեղ հաւեր խօսին.  
Ու ամէն հաւ սէր ունի  
ու շատ հասարթ ի յիր սրբոյն.



Յանդադար քաղցրը ձայնէն  
քունն է հատել ի գիշերին .  
Ու ամէն հաւ յիւր դիմաց  
վասն ի սիրուն քաղցրը խօսին :

Ահա թէ ո՛րքան ուժեղ է արտայայտել մեր բանաստեղծը թռչունների  
գարնային հրայրքը — ցանկութեան բոցը : Ծաղիկները ցնծում են : Վարդը  
դեռ չի բացուած . մանիչակի նախաձեռնութեամբ՝ ծաղիկները — հորոտ-մո-  
րոտ, ձիւնծաղիկ, շուշան, նունուֆար, նարգիզ, մասրենի, սօսամբ ծաղիկ եւ  
ուրիշներ — հաւաքում, խորհուրդ են անում, որ կտրեն վարդենին, ասելով՝

Որ ոչ դայ վարդըն կարմիր,  
ու գեղեցիկ տերեւ փռին,  
Եւ ի նորա պայծառ տեսուն  
որդիք մարդկան ի մեզ չհային :

Ուրեմն այստեղ փթթած վարդը գեղուհիների նախանձն է շարժում ,  
քանի որ նա է գրաւում տղաների հայեացքը :

Բլբուլը, վարդի սիրահարը, յանկարծ վեր է կենում ու ձայն տալիս  
ծաղիկներին, թէ վարդը քնից դարթնել է իր կանաչ վրանի մէջ : Վարդը  
որ լսում է բլբուլի ձայնը, բաց է անում վրանի դուռը, հանում կանաչ  
կապան եւ կարմիրը հագնում : Ծաղիկները թառամում են, ոմանց տերեւնե-  
րը թափում, ուրիշները փախչում, բարձր լեռներն են ելնում . ոմանք ամօ-  
թից կապտում ու սուգ են անում, մի քանիսն էլ երկիւղից դողում են ու  
դեղնում : Իսկ վարդը զարգարում է բուրաստանը, բլբուլը գալիս, նստում է  
նրա դիմաց եւ հոյակապ տողերով ամենասփիւ սիրոյ գովքն է անում սքան-  
չացած, ասելով՝

Թէ՛ «Սէր է Ծառն ու սէր Ծաղիկն,  
ու սէր հաւուն ձայնն ի Ծառին .  
Սէր է վարդն ու սէր՝ բլբուլն,  
սիրով նըստել (ի) վերայ վարդին .  
Սիրով են գոյն ու գոյն  
ու գեղեցիկ այն ծաղկընին .  
Վասն սիրոյ փոքրիկ հաւերն  
ի ծաղկընուն վերայ նըստին» :  
Նա՛յ բլբուլն ուրախանայ  
ու բազմի (ի) վերայ վարդին .  
Թէ՛ «Հազար բարի գալուն  
վարդին՝ ծաղկանց թաղաւորին» :

Վարդն էլ խանդակաթ զմայլանքով պարզում է իր սիրոյ աղդեցու-  
թիւնը եւ իրեն, եւ ամէնի վրայ .

Նա՛յ դառնայ վարդն ի բլբուլն  
ու պինդ փռէ զիր տերեւնին .

Թէ՛ «Ես այլ եմ սիրու տէր,  
 ուսկայ սըրտիս մէջն է գեղին:  
 Թէ՛ չըկար սէր յիմ սըրտիս  
 ու ես ունի անհոգութիւնն,  
 Նա՛յ ես է՞ր ի կախ լինի  
 զօրն ու գիշերն ի մէջ փըշին.  
 Ես սիրո՛վ կամ կենդանի  
 ՚Լ եմ զարգարել զիմ տերեւներն.  
 Ու թէ սէրն յիսնէ զատի,  
 նա՛յ զիս տանի հողմ ու քամին:  
 Բըլբո՛ւլ, մի՛ դու զարմանալ  
 զպայծառ վարդիս գեղ պատկերին,  
 Զի ով որ սէր չունենայ՝  
 առ ինք չըկայ գեղեցկութիւնն.  
 Զուրըն սիրո՛վ յիս վերանայ,  
 որ յարմատոյս առ իս քամի.  
 Դի ի լուսոյ արեգականն  
 ես ժողովեմ գեղեցկութիւնն:  
 Ի յիմ անուշ հոտոյս  
 կենդանացան որ զհոտն առին.  
 Դի ի յիմ պայծառ տեսուս  
 ուրախացան ՚Լ ի խաղ մըտին.  
 Զինչ որ յաշխարհի կայ  
 հողս ու ցընոր ու սըրտմութիւն՝  
 Ի յիմ շնո՞փոր տեսուս  
 փարատեցան երբ զիս տեսին:  
 Յով որ սէր կայ յիւ սըրտին,  
 նա՛յ զիս նորայ կամակ տանին:  
 Որ քանի նայ յիս հայի,  
 նա՛յ հանդարտի սէրն ի սըրտին:  
 Առնուն զիս եւ տանին,  
 սիրով փըռին ի մըճլիսներն,  
 Որ ի յիմ պայծառ տեսուս  
 ուրախանան ՚Լ ըմբեն զգլինին:  
 Ահայ կա՛մ ես զարդարած  
 ՚Լ իմ տերեւիս զերդ հուր վառին.  
 Ու բացել եմ զիմ սըրտիս  
 մէջն ի դիմացս որ է գեղին.  
 Ար՛եկ զիս համբուրէ.  
 ու կըշտացիր սիրովըտ հին.  
 Ահա՛ զան եւ զիս քաղեն  
 ՚Լ այլ ոչ գըտնուս ի բաղչանին»:

Սիրոյ այս դովքը 13-րդ դարի վերջերում կամ 14-րդի առաջին քառորդին՝ մեր հին բանաստեղծութեան մի աննման, մի փարթամ փթթած ծաղիկն է, որ, թէեւ այլաբանութեամբ, բայց այնպէս գունագեղ ու վճիտ է յօրինուած, եւ այնպէս պատշաճ է յարմարեցրած իրական կեանքին, որ պարզապէս հոտիացում է աշխարհիկ բովանդակութիւնը: Չնայելով որ հեղինակը վերնագիրը դրել է՝ «Բանքս վարդի օրինակաւ զՔրիստոս պատմէ», բնականաբար շատ գծուար կարելի էր կրօնական այլաբանութիւն համարել այն: Ուստի բանաստեղծն ստիպուած է ինում գրելու մի առանձին քերթուած (ԺԲ, էջ 119—125) այս վերնադրով. «Մեկնութիւն վարդին համարօտ: Վասն անգիտաց շինեցի. դի կարծէին եթէ մարմնաւորաց էր բանք վարդիս: Ես վասն այն դրեցի»: Այս «մեկնութեան» մէջ նա բացատրում է, թէ վարդը Յիսուս է, Մանիչակը՝ Յուդան, Բլբուլը՝ Քրիստոսի յարութեան փողը փչող Գարրիէլ հրեշտակը եւ այլն: Հեղինակն ինքը թերեւս սկզբից հէնց մի կրօնական այլաբանական բանք է ցոնկացել յօրինել աշխարհիկ սիրու երգի ձեւով ու մոտիւներով, բայց նրա զրաժն իսկապէս աշխարհիկ բանք է դուրս եկել. իսկ մեկնութիւնը, որ յետոյ աւելացրել է, չի յարմարում բուն գործին:

Միւսնոյն նիւթին եւ այլաբանութեանն են վերաբերում նաեւ Կոստանդնի ԺԵ. եւ ԺԶ. (էջ 132—142) բանքերը, որոնց առաջինի վերնագրի մէջ՝ «Բան գարնան օրինակաւ խորհուրդ ի Քրիստոս. մի՛ մարմին հասկանայր գրանս, այլ հոգեւոր», զգուշացնում է հեղինակը սկզբից, թէ ինչպէս պէտք է հասկանալ իր «ի խոր ծածկեալ բանը», «ծածուկ բանը»: Այս սիրավէպի մէջ նորանոր կողմերից լրացում է գարնան դեղազարդ պատկերը: Դա ջերմին, լուսաճաճանչ ու հրճուարից մի հարսանիք է մայր երկրի համար ձմեռնային մռայլ մթութիւնից եւ սառած քարացած մեռելութիւնից յետոյ, երբ հարաւ հողմի փչելով վերանում է ամէն տրտմութիւն եւ կենդանացած շարժում, ծաղկում է բնութիւնը:

Հեզ որոտայ ամբ ցօղարեր,  
Կամար կապի յերկինս ի վեր,  
Հոսէ յերկիր ահեղ գետեր.  
Հաւսար գերկիր են արբուցել...

Ծովըն դըրուրդ առնու սիրով,  
Խաղան գեռունք յերկիր 'ւ ի ծով.  
Ակունքտ յորդոր գան պող ու հով,  
Եւ քարէն յառաջ բըխել:

Ահեղ դոչեն գետերտ յորով՝  
Յորդ ի լերունքտ ի վայր գալով.  
Գան ման ի ման ծաւալելով,  
Սիրով ի ծովն երես զըրել...

Հաւերըտ դան քաղցըր ձայնով,  
Ծիծեռն ի հետ սաղմոսելով.  
Գայ արտուտիկըն կարդալով,  
Ձառաւօտուն է բարբառել:

Ամէն կենդանի էակ, կապանքից արձակուած, տեղից շարժուած է, ծնում եւ աճում: Ժողովուրդ եւ եւ ծաղիկները բուրաստանում. վարդը մի-այն դեռ չի երևում:

Բլբուլն եհաս շաքարերան,  
Աւետարեր մեծ յարութեան.  
Վարդին եհար կանաչ վրբան,  
Որ դայ բազմի գերդ հուր վառել:

Բայց վարդը ծածկուելով կանաչ կասկայով՝ թաքնուած է.

Կամով ծածկի ի մէջ փըշին,  
Ձերդ որ ի յամբ մըտնու լուսին:

Բլբուլը աղաչում է վարդին, որ երեսը բանայ, բայց վարդը, հակառակ բլբուլի յորդորներին, մերժում է նրա խնդիրը. որովհետեւ, իբրեւ մի ամօթխած աղջիկ, չի համարձակում աղատ երեւան դալ եւ երեսը ցոյց տալ, քանի դեռ ժամանակը չի հասել, եւ անդէտները բամբասում են: Վերջիվերջոյ նա դուրս է գալիս, նրան տեսնող ծաղիկներից ոմանք գունաթափուած ու փախչում են. իսկ գեղեցիկները շրջապատում են նրան ու դովում նրա գեղեցկութիւնը: Ուրախանում է բլբուլը, մեծ հրաւէրք է անում. գայիս են բլբուլները (տղաները) խմբերով. մեծ խնջոյք են անում նուազելով: Վարդն այժմ առանց քաշուելու բազմում է նրանց մէջ եւ ասում բլբուլին, թէ նա այժմ որքան կ'ուզէ թող դովի իրեն: Ապա տեղի է ունենում վարդ ու սոխակի մէջ մի. դրոյց, որով վարդը պարզում է, թէ ինչ է սպասում. իբրեն աշխարհում — լինել դեղ, վարդաջուր, եւ բանաստեղծն իրեն դառնալով ասում է.

Կոստա՛նդ, ի խոր ծածկեալ է բան,  
Ձայս որ առ մեզ տուեր նըշան.  
Տուր դոհութիւն անլըռական  
Այնմ որ կամաւ է խոնարհել:

9. Անճնական բանաստեղծուքիւն:— Լոյսի ու սիրու, դարնան եւ արեւակի սիրահար քերթողի բանքերը, որոնց պատկերներն առնում էին բնութիւնից եւ աշխարհիկ երգերից, խորթ եւ անհաճոյ են երևում Երզնկայի վանականներին, որոնք թէպէտ սիրով լսում էին «Շահնաման», բայց քրթմնջում էին, թէ Կոստանդինը մարմնաւոր բաներ է յօրինում: Կային եւ նախանձողներ նրա շնորհին: Բանաստեղծը շատ վշտեր է կրում «սուտ եղբայրներից», որոնք չարախօսութեամբ բամբասում էին նրան: Նա թէպէտ եւ հպարտութեամբ արհամարհում էր այնպիսիներին, որովհետեւ նրանք «անդէտ» ու «անմիտ» էին, բայց լինելով դիւրագոյաց՝ հոգով շատ վերդովում է եւ կռիւ է սկսում նրանց դէմ իր երկերով: Այդ առթիւ նա յօրնում է իմաստական աստիք, այլեւ անճնական քնարերգութիւններ վշտահար գեղումներով իր խոցուած սրտից: Այսպիսով նա ստեղծում է մի նոր տեսակի քնարերգութիւն — անճնական բանաստեղծութիւն, որի համար

Նվաթ Լեն Գառնում Բանաստեղծի իրեն ապրած անձնական հանդամանքները, սէրն ու ատելութիւնը, բախտն ու դժբախտութիւնը, ինչ որ մասամբ արդէն տեսանք Ֆրէկի բանքերի մէջ: Անհատն ուրեմն ընդհանրութիւնից անջատուելով ասանում է իր արժէքն եւ պաշտպանում ու ցուցադրում է իրեն: Կոստանդին անձնական Բանաստեղծութիւնները կարեւորութիւն ունեն եւ աշուղ, որ ըստում են ոչ թէ մի որեւէ սոսկ անձնական պատճառից, այլ որ նա սիրում է կեանք, բնութիւն, լոյս ու գարուն: Եւ իսկապէս կեանքի ու բնութեան սէրը, եւ սրա համար կրած թախիծն ու վիշտն են կազմում նրա ստեղծագործութեան, ինչպէս եւ նրա Բանաստեղծական հառաչների ու դանդառների էական կողմն ու յատկանիշը: Եւ դրանով է, որ արժէքաւորում են նրա բանքերն իր անձնականի մասին, որոնց մէջ նա, իր սրտի ցաւերը երգելու հետ՝ պարզում է եւ իր աշխարհայեցութիւնը:

10. «Տեսիլը»: Հայեացքն իր Բանաստեղծութեան ծագման վրայ: — Ը. քերթուածը (էջ 97—101) ունի այս բացատրական վերնագիրը. «Ոմանք Հարախօսեն զինչն վասն նախանձու թէ որպէս խօսի սա այսպիսի բան, զի վարդապետի չէ աշակերտել. զի այլ է աշակերտելն եւ այլ է շնորհքն ի հոգւոյն. զոր ես պատմեմ ձեզ յաղագս տեսլեան իմոյ, զոր տեսի ի զարմանալի տեսիլ, մինչ ի վանքն Կայի հնգետասան ամաց. զոր տեսի այր մի արեգակնազգեստ եւ լի լուսով»:<sup>1</sup>

Ոմանք Հար են հետ ինձ ու նախանձով են յիմ վերայ՝  
Վասն իմ զըրեալ բանիս, որ առ մարդիկ երեւենայ.  
Ասեն, թէ՛ «Ո՞նց զըրէ բան քաղցրահամ ու մեզ կարդայ,  
Որ ի մեր միջիս ընդեր կամ համեմատ իւր չըկայ»:  
Կոյր են հոգւով աջօք, մըտօք յիմար են անյիմայ,  
Թէ աէր ո՛վ է խելաց կամ այս շնորհիս որ առ իս կայ.  
Ես եմ աման հողէ, 'ւ յիս լըցած կայ խաղիմայ.  
Զոր ես խօսիմ հոգւով՝ այն մեծ տիրոջն է մանանայ:  
Ով գող է այս դանձիս ու կամ նենգով ինձ լինայ՝  
Աստուծոյ է հակառակ, 'ւ ինք դատաստան առնէ նորայ:

Բանաստեղծը չի բաւականանում ասելով, թէ իր շնորհքն Աստուծոյց է, եւ իր նենգ նախանձորդներն Աստուծու հակառակ են գնում, նա անդէտներին այդ հասկացնելու համար՝ դիմում է տեսլի պատկերին, մեղմ ու փափուկ ձեւով ստեղծելով մի սիրուն բանք, որի ուրիշ նմանը չկայ մեր տեսլական զրականութեան մէջ: Դա ե՛ւ տեսիլ է, մի վիպական երկ, ե՛ւ անձնական Բանաստեղծութիւն: Նա պատմում է, թէ երբ տասնուհինգ տարեկան մանուկ էր եւ վանքում ուսում էր առնում, մի գիշեր քնած ժամանակ տեսնում է, որ՝

1 Այս վերնագրի մէջ, էջ 97, տպուած է՝ «աշխատիւն», «զարմանալի» առանց սկզբի «ի» նախդրի, «վանք» առանց վերջի «ն» յօդի. մինչդեռ նոյնը հրատարակչի առաջաբանի մէջ, էջ 11, տպուած է անսխալ «աշակերտելն», «ի զարմանալի», «վանքն»:

Մանուկ մի լուսեղէն, յաթոռ նըստել որպէս արքայ,  
Նըման արեգական է գեղեցիկ որ լոյս կու տայ:

Մեր մանուկ Կոստանդինը, զարհուրած եւ առանց հարցնելու, թէ ով է նա, երկրպագում եւ նրանից երեք խնդիր է անում. խնդիրներից վերջինն է՝

Ասացի. «Ես եմ աղքատ 'ւ յերակ բանի կտրօտ կեցայ,  
Շնորհէ դու այս դերոյս մասն ու բաժին ինձ եւ զիլայ:»

Տէրը շնորհում է նրան այդ ընդունակութիւնը: Եւ այնուհետեւ նա հանգստութիւնը կորցնում է, եւ յետոյ միայն, երբ ուսման մէջ վարժուում է, հասկանում է իր տեսլի խորհուրդը.

Եղեւ յանկարծակի ինձ բան խօսիլ ով ուղենայ.  
Այնպէս որ ես ի յիմ խօսից չարելըն զարմացայ.  
Սիրով ու մեծ յուսով ես այս բանիս ի փորձ մըտայ,  
Զհոգիս փոխան տուի, 'ւ ապայ ես այն հոգոյն հասայ:  
Իմ բանս ի յայն լուսոյն եկել առ իս ինձ մանանայ,  
Որ իմ աչօքս ես զինք բարձր ի յաթոռ նըստած տեսայ...

Բանաստեղծն, ուրեմն, իր տաղանդը համարում է Աստուծու յայտնութեամբ պարգեւուած մի շնորհ: Դրա դիտակցութիւնը նրան ոչ միայն ուրախութիւն է պատճառում, այլեւ հպարտութիւն.

Այսօր հոգովս ուրախ եմ եւ ի մեծ մուրատ հասայ,  
Որ ես առանց չրթունք կու խըմեմ յայն դինուն չիչայ.  
Սարխօշ եմ յայն սիրուն, 'ւ է միտքս ի հօն յուր ինք լինայ.  
Չունիմ շատոց կարիք, ով է չարկամ ու զիս որսայ:  
Ես եմ մէջ աշխարհիս զերդ ըզյիմար ի յանդիշայ.  
Ոմանց թուիմ խելօք, ոմանց խիստ խել ու անյիմայ,  
Ոմանք չարին հետ ինձ, կըրճեն ատամ ի յիմ վերայ,  
Դ՛ ոմանց պատեհ թուի զարիւնս հեղուլ իր կամ լինայ...

Այս տողերից երեւում է, թէ ինչպէս հալածել են աւիւնով հարբած, «աւեսլ» բանաստեղծին: Յաւօք, պակասում է այս քերթուածի վերջին մասը՝ ձեռագրից թերթ դուրս ընկած լինելով: Բայց առանց դրան էլ՝ մենք լաւ տեսնում ենք վշտացած բանաստեղծի ազնիւ հոգին ազնիւ էլ ներշնչումով:

11. Իմաստալիան աւքեր:— Կոստանդինը վարպետ իմաստաբան է եւ շատ էլ յօրինած ունի իմաստական ասքեր: Նրա ղէնքն իր չարկամների դէմ կռուելու համար՝ է ղլխաւորապէս բարոյական խրատը, իմաստալից ասացուածները, որոնք բխելով բանաստեղծի իրեն անձնական կեանքից, յօրինուած են խիստ զգայուն, թրթռուն ու եռանդուն: Յաճախ իմաստա-խրատական ու քնարական տները փոխիփոխ յաջորդում են միմեանց եւ կենդանի ցոլացնում են հեղինակի զգացումներն ու խորհրդածութիւններն իրեն եւ իր հակառակորդների վերաբերեալ. դրանք ուղղուած են ղլխաւորապէս «չար

ընկերներին» դէմ:<sup>1</sup> «Քան յազազս չար ընկերաց եւ պատրաստ կալ մոլորեցուցիչ ոմանց, որք հակառակին բարութեան» (քերթ. Դ, էջ 80—84): Այդպիսի ընկերները մօտենում ու մոլորեցնում են ինչպէս քաղցրախօս թշնամիներ, գառնազգեստ գայլեր, թունաւորող բժիշկներ. հպարտ, չարասիրտ ու կոյր առաջնորդներ են նրանք, բարին ատոյղ ու նախանձող, տղէտ յիմարներ, որ մարմիններն են միայն զարդարում, չեն հաւանում իմաստուն ու գիտուն մարդուն, որին «խեւ» են անուանում: Բանաստեղծն ինչքան էլ աշխատում է սառնասիրտ լինել, չի կարողանում. զի այն տղէտներն իրեն են դիպչում, չեն հասկանում իր գրուածքների բուն իմաստը, չեն ըմբռնում «ծածուկ բան», «բան ծածկաբար», այսինքն այլաբանութիւն, ու չեն գնահատում իր գրուածքները:

Թէ մէկ մի զանձն ի մահ եղել ու պնայ ի ծովն ի վայր,  
Ջոհար բերէ ի դուրս, նա՛ անպիտան կոչէն զնա քար...  
Գիտունն ի յանդիտաց մէջըն ծառայ է չարաչար,  
Որ նրման խամ ապիկու յաժան ձրլեն սնդին ջոհար:

Նրա վրդովմունքն այնքան մեծ է, որ իմաստական բանքը հետզհետէ փոխում է մի դառն ողբի ու երգիծանքի իր անմխիթար ժամանակի վրայ ընդհանրապէս:

Հազար աւաղ տամ ես որ տէրն ըզմեղ յետնորդս արար  
Ի յանցեայ ժամանակիս՝ որ մեղ չըկայ իրք մըխիթար.  
Հովիւ չունինք տեսող ու մենք ենք մոլորեալ ոչխար,  
Շատ դայլք են յարձակել ի վերայ մեր խիստ անհամար.  
Պիտէր մեղ նաւապետ մարդ կենդանի զերդ Նոյ արդար,  
Որ մեղ տապան գործէր, ծովուս լինէր եղր ու վրճար...  
Չունինք մարդ կենդանի, հոգւով մեռած ենք հաւասար...  
Ի մէջ ծովուս ծրփինք, ոչ նաւ ունինք, ոչ նաւավար:

Վերջը բանաստեղծն ինքն իրեն դառնալով խրատում է իրեն.

Ձհողիդ քանի՞ մաշես, է՛ր Կոստանդին, զօրն անդադար.  
Հերիք արա սըրտիդ, դքեդ ի ծովո՛ւղ մէջըն տեսար.  
Դարձի՛ր ի յետ նայէ՛, ու գի՛տ խելօք թապտիր ու ճար,  
Որ չմնաս ի մէջ ծովուն, ՚ւ յեղր ի հանգիստ խկի չհասար:

Այսպիսի մի անձնական, միաժամանակ եւ հասարակական քնարական երկ է եւ է. քերթուածը (էջ 91—96), որ վերնագիր ունի «Յազազս անգիտաց սուտ խօսելոյ զբանս, անպիտան եւ հակառակ կալ իմաստնոց»: Բանաստեղծը խիստ յուզուած է «անգէտ եւ անմիտ» մարդկանցից, այնպէս որ նա տանջւում է, կորցնում իր հանգստութիւնը եւ բողոքի ու հառաչի ճիչեր է արձակում բարկ խօսքերով, ուժեղ եւ անմոռանալի չեչոտերով:

1 Տես նաեւ՝ Քերթուածներ՝ Բ, էջ 74 եւ հտն., Դ, էջ 80 եւ հտն., Է, էջ 91 եւ հտն., Թ, էջ 102 եւ հտն., ԺԴ, էջ 129 եւ հտն., ԺԷ, էջ 142 եւ հտն., ԻԱ, էջ 154 եւ հտն., ԻԲ, էջ 158 եւ հտն.:

Փըրիաթ<sup>1</sup> կանչեմ հաղար 'ւ անեղ հառաչ բերեմ լալով,  
ի յանգէտ մարդկան ձեռաց զհոգիս երեմ անչջ չըրով.  
Եմ յիմար դարձել ու խել ու սաւդայի<sup>2</sup> ի շուրջ պալով  
Եւ վասըն էչ ու անյիմայ ոմանց՝ հանեմ զհոգիս շուտով:  
Ես չունիմ հանգըստութիւն, 'ւ յերակ խոցիմ անգէտ խօսով...

Նա խիստ հարուածներով խարազանում է իրեն հալածողներին, որոնք անհոգի կենդանիներ են, չզիտեն մի պիտանի եւ խելօք խօսք ասել, ասելով ատում են իմաստուն մարդուն: Եւ Կոստանդնի այս քերթումա՞ծը հետզհետէ դառնում է լաւ, բարի, իմաստուն եւ վատ, չար, տգէտ մարդկանց յաւերժ հակամարտութեան մի հոյակապ պատկեր. եւ որովհետեւ բանաստեղծը նըկատի ունի մի կողմից՝ ինքն իրեն եւ միւս կողմից՝ իր հակառակորդներին, ուստի նրա բնորոշումները եւ՛ շատ սիրազեղ են ու փափուկ ոճով, ինչպէս սովորաբար յատուկ է Կոստանդնիին, եւ՛ խիստ, ցասկոտ ու ատելաբար, ամբողջը ազնիւ ձգտումով լցուած, անկեղծ ու խոր զգացումով ոգուած, դառն պանդատի եւ հոգեռանդն ջերմութեան խառնուրդով:

Զիմաստունն ո՞վ է յաղթել, թող թէ՛ հընար բերեն չարով,  
Կամ զուգեն բանք աղտեղի եւ բամբասեն սուտ խօսելով.  
Նայ լոյս է, եւ նայ խաւար, որ չկայ հընար մերձենալով,  
Զի յիրմէ փախչի հեռի ի խոր տեղիք բընակելով:

Եւ այսպէս իրար յաջորդում են մի շարք դեղեցիկ տներ իմաստուն եւ անմիտ մարդկանց մասին.

Իմաստունն է առաւօտ, աւետարոր է ցընծալով,  
Իսկ անմիտն ի խաւարի կայ թանձրացել երազ քընով:  
Իմաստունն արեգական պէս է պայծառ եւ լի լուսով,  
Իսկ անմիտն է խաւարի տուն եւ տեղի, լի ցաւով:  
Իմաստունն է բուրաստանք ծաղկով լըցած գոյն ըզգոյնով,  
'Ի անմիտին սիրտն է ի լի մութն ու մըլար սառնամանով:  
Իմաստունն պըտուղ բարի, անմահութեան ճաշակ տալով,  
Իսկ անմիտն է անպտուղ, դատարկացեալ եւ լի փըշով:

Իմաստունն աշխարհից կուշտ է, միտքն՝ առատ, իսկ անմիտը՝ ցանկութեամբ լի, քաղցած ու ծարաւ, ծակաչք. իմաստունը գնում է ճշմարտութեան ճանապարհով, իսկ անմիտն ընկած է խորխորատ ու ծով... Մի թուրութիւն միայն ունի իմաստունը.

Իմաստունն ոչ երկընչի թէ՛ հարկանեն վինքըն սըրով,  
Բայց յանգէտ մարդու խօսից խոցի հոգով ու մարմնով,  
Զի անգէտն եւ անըզգամն Աստուած չունի ինք գիտելով:

Եւ խոցւում է մեր բանաստեղծը, որ այնպիսի մարդիկն աշխարհի սկզբից ի վեր հակառակում ու չար են կամենում իմաստուն մարդկանց եւ

1 Փրիաթ—բողոք:

2 Սաւտայ—մեղամաղձիկ:



հալածում նրանց: Եւ նա ընկնում է մեծ յոռետեսութեան մէջ աշխարհի վե-  
րաբերմամբ, գրելով՝

Բովանդակ աշխարհս է դայլ  
եւ միաբան կան մի ժողով,  
Նա՛յ դառին ո՞ւր կայ հանդիստ  
մէջ դալենուն ինք կենալով.  
Ով խելօք է եւ ուզէ  
զինք կենդանի սըրտի կամով՝  
Թող լինի ի յաշխարհէս  
ինք անծանօթ հրաժարելով...  
Լաւ է ինձ մէջ դադանաց  
մարդակերաց բընակելով,  
Քանց անմիտ ՚ւ անիմաստ  
որ յիս խօսի յանդէտ բանով:

Բանաստեղծն իր դրութիւնից մի ելք է որոնում եւ խրատելով իրեն՝  
գրում է.

Կոստանդին՝, է՞ր կաս ազար  
՚ւ ի սիրտ ելնես թէզ մ՝ ըշտապով.  
Վասն անդէտ ՚ւ անմիտ ոմանց՝  
զքեզ է՞ր տանջես շատ ցընորով.  
Ոչ կարես հաւան պահել  
դու զամէն մարդ հետ քեզ սիրով:  
Թէ կամիս հանդիստ կենալ,  
որ չըմաշես դու զքեզ հոգով՝  
Մի՛ փառաց դու հետեւիլ,  
մի՛ անդանիլ անեզր ի ծով,  
Զի ծովուն ոչ կայ հանդիստ,  
յերակ ծըփի յալիս քամով:

Սոյնպիսի անձնական եղանակով յօրինել է նա եւ միւս աւքերը, ինչ-  
պէս, օրինակ, Թ. քերթուածը, որի սկիզբը չունենք: Այստեղ խրատներն  
իբր ուրիշի կողմից ուղղուած են Կոստանդինին: Դրանցով նա երբեմն անձնա-  
քըննութիւն է անում եւ ինքն իրեն խրատական խօսքեր ուղղում, յանդիմա-  
նում իր պակասութիւնները, բայց այնպիսի ձեւով, որ դրուածքն ստանում  
է ընդհանուր խրատական բնաւորութիւն: Սիրում է, որ ուրիշներն իրեն դո-  
ւեն, վրդովւում է ուրիշների խօսքերից, մինչդեռ, — ասում է, — պէտք է  
լինել խոնարհ, անփառասէր, համբերող, մի խօսքով՝ լինել «իմաստուն եւ  
հանճարեղ մարդ կատարեալ»: Իր ամենամեծ պակասութիւնը նա իր լեզուն  
է դտնում, իր բանաստեղծութիւնը, լի թանկագին խրատներով, որ իբրեւ  
քեւ դնում է ուրիշների վրայ.

Լեզուն նրման հըրոյ  
բազում անդառք է հըրդեհել.

Դու լեր խալաս ոսկի,  
 որ շատ հետեր ի հուր մըտել.  
 Լեզուն հողմըն սաստիկ,  
 որ շատ խըռիւ է տարտարել.  
 Դու լեր ծառ պըտղարեր՝  
 ի մէջ երկրի արմատացել:  
 Լեզուն է հեղեղատ,  
 շատոց հիմունս է կործանել.  
 Դու լեր վէմ հաստատուն,  
 զըլուխ անդեան հիմըն շինել.  
 Լեզուն է յորդ քամի,  
 ծովուն խըռովութիւն բերել.  
 Ի վա՛տ կաց ի նմանէ՝  
 յատուկ ծովուն քօհար պահել:

Բայց կարո՞ղ է արդեօք Կոստանդինն «ի գատ կենալ» իր լեզուից, այսինքն հրաժարուել իր բանաստեղծութիւնից:

12. Մարմնի իրաւունքը:— Մեր քերթողն իր ասքերը յօրինում է մի ներքին կռուով «հողու եւ մարմնի» միջեւ: Մենք զգում ենք, որ նա, զգալով հանդերձ իր մեծութիւնը լեզուագարների դիմաց, ճիշդ է անում կարուելու աշխարհից, զսպելու իրեն, հեռանալու մարդկային անձնասիրութիւնից ու անախառութիւնից: Սակայն եւ այնպէս՝ նա ոչ մի կերպ բաւարարութիւն չի գտնում, եւ ի վուր թ. քերթուածի մէջ, կարծես մի բարեկամի կողմից, ինքըն իրեն խրատներ է ուղղում.

Քո սիրտտ ի յաշխարհիս  
 ի հասրաթէն է հուր վառել.  
 Քանի որ շատ սիրես՝  
 նա՛յ շատ դըռներ է քեզ բացել.  
 Մարմինտ է ցանկութեամբ  
 ի յաշխարհիս սէրըն մաշել.  
 Քանի որ շատ վայլես՝  
 յետեւ կաքօտ ես մընացել:  
 Մարմինտ որ էր տըղայ՝  
 նըման ծողկի գեղեցկացել,  
 Իսկ այժմ ահայ հասեր  
 չէ երիտասարդ ես կատարել.  
 Հիմի գայ ծերութիւնն,  
 որ ինք ըզմահն էր գուշակել.  
 Ոչ փա՛ռք այլ երեւի,  
 եւ ոչ պատկեր գեղով լըցել:

Եւ ահա յետոյ դալիս է մահը, եւ յարութիւն դարունն իր բոլոր պարզանքով: Բայց արդեօք այդ մահը եւ «անդէնը» սարսուցնո՞ւմ է Կոստանդին Երզնկացուն, ինչպէս իր ժամանակակից Ֆրիկին: — Բնաւ ո՛չ:

Կոստանդինը սիրում է մարմինն ու աշխարհը: Եւ նա վերջիվերջոյ բռնկում է եւ խնդիրը բացայայտ դնում Ժ. (էջ 107—109) քերթուածի մէջ, որ մի պատասխան է նախորդ քերթուածի մէջ իբր բարեկամից տրուած խրատին ի դէմ: Բերենք այդ շատ հետաքրքիր բանաստեղծութիւնը, որի վերնագիրն է՝ «Կրկնեալ պատասխանի այսպէս ի դէմ»:

Հոգով տուեր խըրատ  
դու Կոստանդեայ կամաւ լըսել.  
Ասէ, թէ՛ հասկացայ,  
կամիմ պատասխանի առնել:

Եւ ի՞նչ է նրա պատասխանն իր խրատատու բարեկամին: Նա սրա առաջ բաց է անում իր տանջուած սրտի ծածուկները, ասելով.

Մի՛ այդչափի ի գործոց  
զիս յայտնապէս յանդիմանել.  
Տըկար եմ եւ անգօր,  
մի՛ ծանր ու մեծ բեռն դընել:  
Հոգիս է խիստ յօժար  
բանից իմաստընոց լըսել.  
Մարմինս է հեշտասէր,  
զի յաշխարհէս է ինք ծընել.  
Ի յերկուքիս միջին  
մոմ եմ ի մէջ հըրոյն վառել.  
Անհիմն եւ անհաստատ՝  
եմ անհանգիստ ի չուրջ եկել:  
Ի չորս հակառակէս  
ուսկամ յերեւ եմ մընացել.  
Զի հուրն ի վեր քաշէ,  
նա՛յ հողրս ծանդր ի վայր հակել.  
Սակաւ մի ի ջըրոյն՝  
բոցըն հըրոյս է հանդարտել.  
Քամին է յօգնութիւն  
եւ բորքէ զհուրըս վառել:  
Երկու կամաց ծառայ  
դըժար է ինձ յիրաց սաղել.  
Կամ հուրն ի ծոցն առնուլ  
ու անվընաս զինքըն պահել.  
Կամ մարմնաւոր ոտօք  
վերայ ծովուն թեթեւ քայլել.  
Կամ զհոգմն արագընթաց  
մարդ ընդ ձեռամբն է արգիլել:

Եւ այսպէս՝ նա չի կարող չսիրել աշխարհը, քանի որ «հեշտասէր մարմինն» «աշխարհից է ծնուած». նրա, այդ կրօնաւորի, սիրտն աշխարհի

կարօտով վառւում է, ինչպէս կրակով: Նա չի կարող ե՛լ հողուն, ե՛լ մարմնի կամքին ծառայել, ինչքան էլ ցանկանում է: Հնարաւոր չէ հաշտեցնել այդ երկուսը, որ իրար հակառակ են, ինչպէս չորս տարրները, որոնցից կազմուած է մարմինը: Եւ այսպիսի հալումաչ եւ անհանդիստ հոգեկան վիճակի մէջ են, — ասում է նա, — ոչ միայն ինքը բանաստեղծը, այլեւ ուրիշ շատերը:

Ձայն եմ ես ինձ խրատ  
եւ ի յանդիմանութիւն գլբերէ,  
Եւ զիս բաղմաց նըշան,  
վըկայ եւ օրինակ բերել:

Անմիտ կեղծաւորները, սակայն, ուրիշի վիճակը չեն հասկանում՝ խոցում են Կոստանդնին եւ կսկիծ ու վէրք հասցնում նրան, յարձակւում նրա վրայ: Բայց մենք շարունակենք տեսնել, թէ ինչպէս այդ համեստ կրօնաւորը վշտահար կերպով եւ անհամարձակ սփռում է իր սրտի ցաւերը.

Ինձ չէ՛ պարտ համարձակ  
նրման եղբօր ի քեզ խօսել.  
Այլ ինձ երես գլնել  
փոխան հողոյ՝ ով որ կոխել:  
Ի սըրտէ արտասուք  
ու շատ դանդատ լալով բերել,  
Ով որ սիրով սըրտի,  
եղբայրութեամբ ի յիս նայել.  
Ձի շատ կըսկիծ ու վէր  
ի մաղդկանէ է յիս հասել.  
Իմ սիրտս է խոց զուգած,  
Դառն ցաւօք է զիս տանջել:  
Եմ հողէ պարիսպ ածել  
ու բերդ ամուր անուն հանել.  
Ձերկիր պատերազմաւ  
ի յիմ վերայ եմ յարձակել.  
Ես եմ առանց սըլէհ  
ու մերկ եմ յանդիման կանգնել.  
Հաղար դեհաց խոցեն,  
ու չերեւի, թէ են խոցել:  
Նա՛յ կէսք մ'ասեն՝ Դայ է  
յիմար ու խեւ մաղաս կաթել.  
Ու կէսք մ'ասեն, թէ Պարտ  
է զայսպիսոյս արիւնն հեղել:  
Նայ ես պատասխանեմ,  
թէ՛ Կոստանդին, չէ պարտ լըսել,  
Եւ ոչ քեզ հաւատալ  
ամէն մարդու՝ է ի սիրտ մըտել:

Ահա թէ ինչպիսի ուժգին անկեղծութեամբ խօսում է բանաստեղծն իր անձնական զգացմունքների ու վիճակի մասին, իր զանգատին տալով անմոռանալի դոյն: Մենք տեսնում ենք շնորհալի բանաստեղծի՝ յուզիչ դրութիւնը եւ նրա մէջ գտնում մի մարդ, որ բարձր է իր ժամանակակից վանականներից, որ եւ ունի իր հաստատ համոզմունքը եւ չի ընկճւում իր հակառակորդների առաջ:

Անշուշտ, նա մենակ չի եղել իր ազատ հասկացողութեամբ. իր հայրենակից Յովհաննէս Երզնկացին էլ, ինչպէս տեսանք, նոյնն է արտայայտել իր իմաստական ասքերով: Այս երկուսի այդ երկերը ոչ միայն դադափաբորով նոյն են, այլեւ ձեւով, առանձնապէս չորս տարրերի պատկերով, նոյնիսկ մի երկու տողերի նմանութեամբ. այնպէս որ, ըստ երեւոյթին, նրանցից մէկն աղդուած է միւսից: Բայց շնայելով այդ նմանութեանը, նրանք շատ տարբեր են միմեանցից: Մինչ Յովհաննէս Երզնկացին յօրինում է հանգիստ, սառն մտածմունքով, Կոստանդինը մի զգայուն բանաստեղծ է, աւելի քնաբերդու, քան բարոյախօս: Նա իր անձնական շեշտերով երգում է ոչ միայն իր սեփական ապրումները, այլեւ իմաստա-խրատական ոտանաւորները: Եթէ Յովհաննէս Երզնկացին աւելի մտածելով է մարմնին տալիս իր իրաւունքը, Կոստանդինն իր խառնուածքով նոյնիսկ անհնար է համարում չսիրել ու չերգել աշխարհի կեանքը, բնութիւնը ու մարդկայինը:

13. «Սիրու բաները»:— Հոգու եւ մարմնի ինզրի մասին այնպիսի պարզ խոստովանութիւնից յետոյ մեր բանաստեղծն այլեւս չպիտի դիմէր այլաբանութեան եւ սէր պիտի երգէր նաեւ ոչ կրօնական իմաստով: Եւ հաւանօրէն այս շրջանից յետոյ են յօրինուած նրա սիրոյ երգերը, որոնցից երկուսը կորստի չեն մատնուել:<sup>1</sup> Դրանցից առաջինի վերջում հեղինակը, մի տեսակ իրեն արդարացնելու համար, դրել է հետեւեալ յիշատակարանը.

Եղբարք մի կան հետ մեզ սիրով,  
Աշխարհի բան ուզեն դըրով.  
Նա՛յ ես վասն այն յայտնի ձայնով՝  
Սիրու բաներս ասցի յօլով:

Այդ «աշխարհի բան» ուզող «եղբայրները» պէտք է եղած լինին Կոստանդինի սննդակից աշխարհականներ: Չնայելով որ նա «յայտնի ձայնով», այսինքն առանց այլաբանութեան է յօրինել սիրոյ երգը, բայց դեռ ոչ կատարեալ վստահութեամբ է անում մարմնի դովեասոր. տաղի վերջում ինքն իրեն յանդիմանում է՝ համարելով այդ ունայն, սուտ, անշահ եւ անօգուտ, սխալ եւ անցաւոր բանք եւ խրատում է իրեն՝ «դառնալ» (= ետ կենալ) դրանցից, որովհետեւ իրեն «բաժին իրք մ'ալլ անկաւ», այսինքն ինքը կրօնաւոր է: Երկրորդ տաղի մէջ, սակայն, նա արդէն իբրեւ սկզբունք է դնում, թէ կին սիրողն է «ճշմարտութիւն եւ անմահութիւն գտնում».

<sup>1</sup> Քերթուած ԻԴ, էջ 169—171. «Տաղ սիրոյ»: Քերթուած ԻԵ, էջ 171—173. «Տաղ սիրոյ ազնիւ»:

Ով ընկեր ի քո սիրուդ բանտ ի զընտան՝  
Հաղեղէթ եւ անմահութեանդ է նա տես:

Սէր ունեցողն է «կենդանի հոգեւոր մարդը», ասում է նա. իսկ առանց սիրոյ մարդուն նա, կնոջ բերանով, անուանում է «անբան եւ անասուն»: Այսպիսի հասկացողութիւն յայտնելուց յետոյ՝ բանաստեղծն այս երկրորդ տաղի մէջ արդէն համարձակ է. նա այլեւս չի զոյջում իր «աշխարհի բանքի» համար, այլ, ընդհակառակն, գրում է, թէ առանց իր սիրած էակի չկայ իր համար «կեանք մուրատով»:

Այլ չըկա՛յ քեզ, Կո՛ստանդին, կեանք մուրատով,  
Երբ ի յիւր քաղցր տեսուն հանց կարօտ ես,  
Է՛ս սուրաթ պայծառ ու սրտկե՛ր լուսատես,  
Զիմ աչերս ի քո սիրուտ յէ՞ր կու դատես:

Կոստանդին Երզնկացու այս երկու սիրու տաղերը մեր այս տեսակի ամենահին բանաստեղծութիւններն են, որ մինչեւ այժմ երեւան են եկել, եւ հէնց իբրեւ այդպիսիք հետաքրքիր են: Մարմինը, մարմնի գեղեցկութիւնը միայն չէ, որ գովում է դրանց մէջ, այլ արտայայտում է նաեւ սիրահար երգչի հոգեկան վիճակը: Տաղերն արուեստակուած չեն, այսինքն ճարտար ձեռքով չինուած լոկ ոտանաւորներ չեն, այլ սիրաբուխ են, Կոստանդինն արժանի: Շատ պարզ զգացում է, որ այդ կրօնաւորը երգում է անկեղծութեամբ իր սեփական ասրումները: Անշուտ, նրա այս երգերի մէջ եւս, ինչպէս առհասարակ մեր դուստնական սիրու տաղերի, մեծ տեղ է բռնում սիրուհու մարմինը: Նա եւս յափշտակուած է կանացի գեղեցկութեամբ, կնոջ «պայծառ ու լուսատես պատկերով», «մորճ ու շիտակ» հասակով: Նա եւս սիրավառ գովքի է արժանացնում կնոջ՝ լուսանման բոլոր դէմքը, սեւ մազերը, «չուրջ երեսին մազերն ոլոր», չրթունքների ներսում «ակն ու արեգակ շարած» ատամները, կարմիր երեսը, անգամ գոյնգոյն հաղուստը, մանր քայլուածքը, — մարմնի մի գովք, որ անպայման հնուց է գալիս, որ եւ մասամբ գտնում ենք արդէն Գրիգոր Նարեկացու, ինչպէս եւ հետագայ բոլոր սիրոյ երգիչների ու դուստնների երգերի մէջ: Բայց մինչ մեր միստիկ մեծ բանաստեղծը խորին ակնածութեամբ եւ հոգեւոր հիացումով աղօթում ու երկրորդագում է Սուրբ Կոյսին, իբրեւ մի սուտուածային անհասանելի, աննիւթական էակի, — մեր այս Երզնկացու համար իր սիրածը մի մարմնաւոր կին է, մի իսկական տարփածու գեղուհի, որ դառնում է մեծ հիացմունքի առարկայ: Մի սնգամ որ նա տեսել է իր անձկալիին, այլեւս սրա գեղեցիկ պոստկերը չի հեռանում իր մտքից, եւ նա, այդ կրօնաւորը, մնում է հարրած դրութեան մէջ: Երբ նրան «իմ աչքըս տեսաւ», — ասում է նա, —

Զօրն ես ի յիւր սէրըն կենամ,  
Յերակ հետ իւր տեսուն զընամ,  
Զաչերս արեամբ հետ իւր թանամ,  
Զիրայ հոգիս յիսնէ տարաւ:

Երբ որ անուշ հոտն յիս բուրեց՝  
 Զիս ի խելաց չուտով թափեց.  
 Ի յայն պահուն սիրտս իմ եփեց,  
 Երբ իւր տեսն ինձ երեւեցաւ:

Ապա իր տեսած կնոջ նկարագիրն անելուց յետոյ՝ դարձեալ մեր առաջ  
 բաց է անում նա իր հոգեկան վիճակը, որ ունի տարփալիի կողմից առանց  
 պատասխանի մնալուց:

Ես եմ կարօտ ի յիւր սիրուն,  
 Զինչ ծարաւած յերկիր ցօղոյն,  
 Կամ զինչ գարնան անուշ քամուն,  
 Թէ երբ հընչէ հողմըն հարաւ:  
 Քանի որ յիմ տեսում՝ զատեր,  
 Կենաց ճարակն է ինձ հատեր,  
 Լացն ու հառաչն է զիս պատեր,  
 Հոգու քաղիլ ու սրտացաւ:

Թէպէտ եւ Գրիգոր Նարեկացուց մինչեւ Կոստանդին Երզնկացին երեք  
 դար ժամանակամիջոց է ընկել, բայց մենք, ցաւօք, չունենք ոչ մի սիրու  
 երգ, որ այդ երկար ժամանակաշրջանում յօրինուած լինէր, եւ նոյնիսկ  
 չգիտենք էլ, թէ արդեօք եղե՞լ են ուրիշ սիրոյ երգիչներ եւս՝ բացի գուսան-  
 ներից, որոնք միշտ էլ գոյութիւն են ունեցել: Սակայն քանի որ դեռ չէր մե-  
 ռել կրօնական ոգին եւ Կոստանդինն ինքն էլ մի վանական էր, ուստի Գրիգոր  
 Նարեկացու Ողբերգութիւնից եւ Աստուածածնի երգից անցումը Կոստանդինի  
 երգին՝ կատարուել է, ըստ երեւոյթին, բնականօրէն: Երեւում է, որ այս  
 բանաստեղծի սիրու երգերի վրայ ազդեցութիւն է թողած գուսանականների  
 հետ նաեւ մեր միասիրական բանաստեղծութիւնը: Նա կինը երգում է նը-  
 ման ձեւերով ու յատկութիւններով, ինչպէս միասիրի երգիչն իր Աստուծուն  
 կամ իր պաշտած Ս. Կոյսին: Կինը, թէեւ մարմնաւոր, ոչ աստուածային  
 էակ, նրա համար հանդէս է դալիս գաղափարական պատկերով, միասիրա-  
 կան Սէր ու Լոյս Աստուծու յատկութիւններով: Լուսոյ եւ արեգակի եր-  
 գիչն իր սիրոյ առարկան ամէնից առաջ երեւակայում է բնականօրէն իրրեւ  
 մի լուսատու էակ, իրրեւ մի արեգակ ու լուսին: Եթէ միասիրի երգիչ Գրի-  
 գոր Նարեկացին, խաւարի մէջ նստած, գիմում է իր Լոյս Աստուծուն եւ ա-  
 սում. «Կամք քո յիս, եւ խաւարն ինձ ճառագայթ»,<sup>2</sup> նոյնպէս եւ մեր այս  
 կրօնաւոր տաղերգուն «խաւարած սրտով» նստած է կէս դիշերին, եւ նրա  
 տարփալին, իրրեւ մի լուսեղէն էակ «լուսատես պատկերով», արեգակ ու  
 լուսին, լոյս է ծագում նրան, նրա աչքերին, եւ լուսաւորում նրա մռայլ ու  
 տրտում հոգին:

1 Տպուած է աղճատ ձեւով: «Հիմ տեսնումս», ուղղում եմ «յիմ տեսնումս», որ  
 է՝ իմ աչքից:

2 Գրիգորի Նարեկայ վանից վանականի Մատենադարձութիւնք, Վեհետիկ, 1840  
 Ողբերգութիւն. Բան ԿԵ, էջ 167:

Ի յերկրի ի՞նչ կայ նրման քեզ օրինակ,  
Դու ի յերկնից լուսեղէնքն ես նրմանակ.  
Քու տեսովդ ես դու լուսին պատրի թամամ,  
Որ իմ սրբտիս խաւարեալ՝ լուս կու ծագես:  
... Երբ որ դուն յորդորելով մանրաքայլես,  
Առեն՝ արեւ ծագեցաւ ի մէջ գիշերիս...

Այսպէս եւ ուրիշ տողերի մէջ արւում է լոյսի համեմատութիւն:

... Իմ աչերուս լուս ծագեցաւ:  
Երբ դունըզդուն ելնէ փայլէ,  
Զերկիբ ի յիւր լուսոյն հալէ:

Գրիգոր Նարեկացին դիմելով Աստուծուն՝ դրում է.

«Միայն թաղաւոր ինքնակալ զօրեղ... դալստեանդ քոյ ակն ունիմ եւ ողորմութեան փրկչիդ սպասեալ յուսամ. ի յոտս քո անկանիմ, եւ զդարչապարիդ հետս համբուրեմ...»<sup>1</sup> Կոստանդնի համար եւս իր սիրած կինը թաղաւոր կամ թաղուհի է.

Դու սուլթան ես, պէհլասապ շատ ծառանով,  
Զծառայիս ձայնն գիտեմ որ կու կանչես...  
Թէ լինէր որ դքեզ տեսնի առ յիս դալով,  
Եւ խընդութեամբ ի դէմ դայի քեզ սիրով.  
Ի յերկրի երես դընի քեզ կոխելով,  
Ու հողիս անդ հանէի յօժար կամով:

Այս գետնաքարչ ստրկացումը բռնակալ սիրոյ (այսինքն՝ սիրական կնոջ) առաջ, ինչ որ ընդհանուր է արեւելեան ժողովուրդների բանաստեղծութեանը, անշուշտ խորին հնութիւնից ի վեր յատուկ է եղել նաեւ մեր գուսանական սիրոյ երգերին, եւ սրանցից օգտուել է մեր միստիկ բանաստեղծը: Բայց էականն այստեղ այն է, որ այդ սիրոյ բռնակալութիւնը նոյն կերպ ազնուացած է երկու դէպքում էլ. որովհետեւ ինչպէս միստիկի համար Սէր Աստուծու ծառայութիւնը սիրով՝ մի փրկութիւն է, բաւական է որ նա ողորմութեամբ քաղցր աչքով նայէ իրեն, — նոյնպէս եւ մեր այս սիրոյ երգչի համար նոյնպիսի ծառայութիւնն ազատութիւն է.

Դու հուքմով փատիշահ ես քու եասիրով,  
Եսսիր կամ քո ծառայ՝ զինքն ազատես.  
Ես ազատ եղել եմ այսօր յերկրի վրայ,  
Թէ ծառայ սրբտի կամով զիս տեսանես:

Ինչպէս որ միստիկը շարունակ զրադուած է Աստուծով եւ փափագում է տեսնել նրան, նոյնպէս եւ մեր այս երգչի հոգուն յարատեւ իշխում է սէրը, եւ նա տեսնում է իր սիրելիին մեծ կարօտով, ինչպէս տեսանք վերե-

1 Անդ, ԿԶ, էջ 171.



ւում բերուած տները մէջ: Միստիկը համար՝ Աստուծոց բաժանուած վիճակը պատճառ է դառնում անվերջ ողբ ու լացի. այսպէս եւ մեր այս երգիչը հառաչում եւ արտասուում է, որ իր սիրուհին հեռու է իրենից, ինչպէս տեսանք վերեւում, այլ եւ հետեւեալ տողերի մէջ.

Դու քանի հեռացեալ ես այս քո դերուս,  
Արտասուքն ի վայր թափես ի յաչերուս:

Սիրելի կնոջ ներկայութիւնն ու տեսքը միայն արբեցնում է սիրահարին. եւ նա միայն մի խնդիր ունի.

Բուրաստանք ծաղկով ի լի տես թէ վառես.  
Որ ի յիս անմահութեան հոտ կու բուրես.  
Դու ծաղկանց ես թաղաւոր վարդի գունով,  
Զիս ի քո դիմացդ ի փուշն յէ՞ր կու դատես...  
Ա՛յ սուրաթ պայծառ ու պատկեր լուսատես,  
Զիմ աչերս ի քո սիրուտ յէ՞ր կու գատես.  
Դու դարնան քամի, ես ծաղիկ ծարաւած,  
Իմ ծարաւ սըրտիս համար հողմը հընչեց:

Միստիկ Գրիգոր Նարեկացու բոլոր ձգտումն է անվերջ սիրով անբաժանելի միանալ իր Աստուծուն, նոյնպէս եւ մեր այս բանաստեղծն է վա՜րդուած անվախճան սիրով, անբաժան կերպով, լինել իր սիրածի հետ, որ նրա համար մի տաճար, մի աստուածային տուն, մի սրբութիւն է միստիկի Աստուծու յատկութիւններով՝

Թէ սիրտ ունիմ՝ սէր անվըճար,  
Որ բաժնելոյ այլ չըկայ կար.  
Նա իմ հողոյս եղեր տաճար...

Այսպէս մեր առաջին սիրոյ երգի վրայ, ինչպէս համեմատութիւնից կարելի է տեսնել, խիստ աղդել է մեր միստիկական բանաստեղծութիւնը, եւ այդ աղղեցութիւնը յարատեւել եւ հետագայ բանաստեղծներէ սիրոյ երգերի մէջ: Նման ձեւերն առաջացել են, հարկաւ, մասամբ նաեւ երկուսի, Գրիգոր Նարեկացու եւ Կոստանդին Երզնկացու երգած նիւթերի էութեան նմանութիւնից, մէկը համար հզօր սէր առ Աստուած, միւսի համար նոյնպիսի սէր դէպի իր տենչալին, եւ երկուսի համար եւս հոգեւոր ձգտումն միանալու նրա հետ, որին սիրում է ինքը: Միստիկը միացումն իր Աստուծու հետ լինում է աղօթողի մահից յետոյ. այդպէս չէ, հարկաւ, մեր սիրերգուի համար. այդ կը լինի միայն այն ժամանակ, երբ նա իր սիրածի հետ խընջոյքի-ուրախութեան կը նստի.

Զնայ երբ ի խաղ տեսնում նազով,  
Լուսին սուրաթ սիւհ մազով,  
Ես ի յիւր դէմ ելնեմ սազով,  
Եւ թէ ծառայ լինիմ կամով:

Յայնժամ լինի այն մեզ նըշան,  
Երբոր խըմեն չինի՝ չիշան,  
Նըռան գունդով<sup>2</sup> զգինի ուռչան,  
Որ քու տեսուտ նըմանեցաւ:

«Մէջլիս», «Ժողով» — խնջոյք, ուրախութիւն, զինի, նուազ ու երգ, պար ու խաղ անբաժան են սիրու երգերից, — դա հարսանիքն է, — ինչպէս նոյնը գտնում ենք նաեւ Կոստանդնի Վարդ ու սոխակի սիրավէպի վերջում: Այդ ժամանակ է միայն տեսնում նա կատարեալ եւ անբաժան սէրը: Կոստանդին Երզնկացին, հարկաւ, չի ունեցել այդ ուրախութիւնը. նա կուսակիցի վանական էր: Բայց որ նա ունեցել է, ինչպէս ասում են, իր «արտի հատորը», որին եւ երգել է նա, այդ անկասկած է: Նա անյոյս սիրով սիրել է եւ երգել նրան, — անալոյսան աւելի մեծ թուով բանաստեղծութիւնների մէջ: Անյոյս սիրով մինչեւ կեանքի վերջը սիրել եւ երգել է իր հռչակաւոր Լաուրային նաեւ մեծանուն իտալացի բանաստեղծ Պետրարքան (1304—1374 թ.), մեր Կոստանդնի կրտսեր ժամանակակիցը: Բայց ո՞րքան տարբերութիւն այս երկուսի կեանքի մէջ: Իտալացի քերթողը, որ կուսակիցն էր դարձել իր անյոյս սիրոյ համար, մի փառապանք երգիչ, ամէնքից յարգուած ու դուրեւած հէնց իր քնքուշ զգացմունքով լի բաղմամբիւ շնորհալի երգերի համար, մի դափնեպսակ երգիչ, որի կեանքի մանրամասնութիւնները յայտնի են եւ որի գրական դործերը մնացել են: Իսկ մեր Կոստանդնի կեանքի մասին գրեթէ բան չգիտենք, բայց եթէ այն, որ նա իտալացի բանաստեղծից ուռալ արդէն շնորհալի կերպով երգել է ոչ, եւ որ նա նոյնպէս դժբախտ է եղել, բայց աւելի եւս նաեւ իր սիրու երգերի համար, որոնք, ինչպէս եւ նրա միւս քերթուածները, մնացել են ոչ բոլորը: Նրա կեանքն իր մէջ ներկայացնում է հայ ժողովրդի ընդհանուր կեանքի պատկերը:

14. Բանքեր անգնական վշտի, աշխարհիս ունայնութեան եւ մահուան մասին: — Կոստանդնի «յայտնի ձայնով» երգերը նրան աւելի եւս վիշտ են պատճառում, եւ նա իր դործով ու գաղափարներով մենակ է մնում իր շըրջանի կեղծաւոր մարդկանց մէջ, որոնք յարձակում են նրա վրայ, յիմար ու խելաղար անուանում նրան: Նա ոչ մի մխիթարութիւն, ոչ մի սիրելի մարդ չունի. սիրելիներն անգամ խորթանում են նրանից: Նրա ԺԹ. (էջ 147—149) քերթուածը, — «Բանք խօսիլ ի ժամ տրտմութեան, զոր գրեցի առ պա(հն վա)ս(ն) սուտ եղբարց, զոր վիրաւորեցայ», — ամբողջապէս դառն արտասուքով ողորդուած անձնական վշտի մի սրտաճմլիկ հեծեծանք է: Սիրոյ կենսութեան երգիչը մտերմական սէր էր որոնում մարդկանց մէջ, բայց չէր գտնում այն. նրա կեանքը «չունէր դիւրութիւն», քանի գնում ծանրանում էր. նա չէր վայելում հանգիստ ու ուրախութիւն, շարունակ վիշտ ու նեղութեան մէջ էր: Եւ նա խորտակուում է, ընկնում յուսահատութեան մէջ, մահաւանդ որ վերջ չէր տեսնում իր տանջանքներին:

1 Տպուած է աղճատ ձեւով «Էլընի», ուղղում եմ «չինի» ըստ իմաստին:

2 Տպուած է «գինով», ուղղում եմ «գունով» ըստ իմաստին:

Ես քանի՜ հառաչ բերեմ  
 կամ ի սրբոյն կենամ ազար,  
 Եւ յերակ զօրն ի դուսայ  
 հոգօք մաշեմ զիս անդադար.  
 Ես չունիմ հանդրատութիւն,  
 'ւ ուրախութեան ինձ չըկայ ճար,  
 Որ պահ մի հանդիստ առնում,  
 կամ դուրանայ կեանքս դըժար:  
 Զերդ ի ծով կամ տատանել,  
 յերակ ծրփիմ յալիս խաւար,  
 Եւ չըկայ եզր ի ծովիս,  
 կամ թէ ճամբուս թէզ կայ վըճար.  
 Ոչ ունիմ ես օգնական,  
 յոյս 'ւ ապաւէն ինձ կամ եար,  
 Որ ի յայս շատ ցընորէս  
 լինէր խօսօք ինձ մըխիթար:  
 Ոչ ունիմ մարդ սիրելի  
 ի (յընտանեաց) ինձ կամ օտար,  
 Որ գըթայ սըրտովն ի յիս,  
 կամ աղիտայ զիս իր եղբայր.  
 Ով սըրտով էր սիրելի՝  
 եղաւ հեռի յիսնէ 'ւ օտար.  
 Նա՛ օտարին ի՞նչ մեղ դընեմ,  
 երբոր լինիմ յիրմէն ազար:

Այլեւս ուրիշ մխիթարութիւն չէր մնում կեանքի ու բնութեան սիրով  
 վառուած հրճուալից երգչին, բայց եթէ սթափուել իր արբեցութիւնից եւ  
 առնել, որ «սուտ կենցաղ», այս «երազ» կեանքը չ'արժեր, որ մարդ  
 դրա համար մտածուի լինէր. մանաւանդ որ դողի պէս դալիս է ամենազօր  
 եւ ամենասպան մահը, որ ոչ մի բանի մտիկ չի տալիս, դալիս յանկարծ որ-  
 սում է ամէն մարդու եւ գերեւլարում: Բանաստեղծն այսպիսով դիմում է  
 աշխարհի ունայնութեան ու մահուան ցաւազար երգին՝ անձնական վշտերի  
 մխիթարութիւն դառնալով դրա մէջ, քանի որ մահն է վախճան ամէն ան-  
 հատական տանջալից կեանքի: Աշխարհն ունայն է ոչ այն պատճառով մի-  
 այն, որ մահ կայ, այլեւ որ չկայ ոչ մի բարութիւն ու շահ, չկայ սիրելի եւ  
 անկեղծ ընկեր, չկայ իսկական վայելչութիւն, չկայ, կենդանի ոգի, նոյնիսկ  
 «մարդ» չկայ.

Այս կեանքս է ունայն եւ Ժառանկ ենք մահու,  
 Զունի՛ մեղ դըրունք բարութեան եւ շահու.  
 Երազ է խաբող եւ խայալ՝ անցաւոր,  
 է՛ սո՛ւտ սիրելի եւ ընկեր նենգաւոր:  
 Յուցնէ՛ մեղ սիրո՛ւ դուռն ու տա՛յ շատ նիւշան,

Բայց է՛ ի ծածոնկ զազանի՛ պէս ու շան .  
Նըստեալ է սաղի՛ սայ ի մեծ ջամիաթ,<sup>2</sup>  
Հանել զի ոչինչ սուտ բաներն ի ղիմաթ:<sup>3</sup>

Զգինին որ բաժնէ՝ կայ ի ներս մահու դեղ,  
Ոմանք որ խըմեն՝ արբենան ցեղ ու ցեղ .  
Հոգւով են մեռած ու թուին կենդանի,  
Ու՛ որ ենք խըմել յայն գինուն շիշանի...

Եւ Կոստանդինն իր ԺԴ. (էջ 128—132) քերթուածի մէջ մեծ ուժով եւ տխրութեամբ, բայց հանգիստ երգում է աշխարհի ունայնութիւնն ու մահուան գործած աւերածութիւնները: Նա չի վրդովւում, զի կեանքը նրա համար արդէն անարժէք էր: Մահը նրան ցաւ կը պատճառէր, եթէ նա մահով զրկուելու լինէր այն գեղեցիկ կեանքից, որ նա երազել էր լոյսի շողիւնից եւ սիրոյ հրաշքից կերտուած: Նա ամէն բանի մէջ ամենասպիտ սէր էր տեսել, եւ իր համար սէր էր որոնել կեանքում, բայց փոխարէնն ատելութիւն էր գտել:

Զայս ի յո՞վ հարցունկ լինիմ,  
որ ինձ խըրատ տար կամ կար,  
Թէ ղիս է՞ր աշխարհս ամէն  
հանց կու ատեն թըշնամարար .  
Զով սիրով ես ընդունիմ,  
Թէ ի սըրտէ ինձ տայ խապար,  
Նայ յետեւ ինք յերեսաց  
ցուցնէ զիւր սէրն ու անկատար:  
ԺԹ, էջ 148

Եւ մի անգամ որ կեանքի մէջ չկայ սէր, հետեւաբար չկայ եւ գեղեցկութիւն («Զի ու՛ որ սէր չունենայ՝ առ ինք չկայ գեղեցկութիւն»), ապա թէկուզ ոչնչանայ այն — անսէր, պաղ կեանքը: Ահա թէ ինչից էր ծագում նրա հանգստութիւնը մահուան եւ ունայնութեան մասին երգելիս:

Ես սիրո՞վ կամ կենդանի .  
՛ւ եմ զարդարել ղիմ տերեւին .  
Ու թէ սէրն յիսնէ զատի,  
նա՛յ ղիս տանի հոգմ ու քամին:  
ԺԱ, էջ 116

Հաւանորէն մեր այս սիրելի բանաստեղծն է 14-րդ դարի առաջին քառորդին 1304 եւ 1314 թուականներին ձեռագիրների մէջ յիշատակուած Կոստանդինը, Երզնկայի վանքերում «միարան եղբայր»՝ կամ «հոգեւոր հայր»,

1 Մաղի—մատուակ:

2 Զամիաթ— խնջոյք:

3 Ղիմաթ—գին, արժէք:

ապա նոյնինքը նաեւ «միայնակեաց»:<sup>1</sup> Նա է, որ իր յուսախաբ կեանքի վերջին տարիներն անց է կացրել մի սառն ու մոռյալ խուցի կամ քարայրի մենաւորութեան մէջ տխուր ու տրտում, եւ անշուշտ այնտեղ էլ աչքերը յաւիտեան խփել, երազելով վառ գարուն, լոյս, սէր:

15. Գուսանական երգերի ձեւական ազդեցութիւնը:— Հասարակական եւ ընդհանրապէս աշխարհական կեանքի արդեցութիւնը մեր հին կուլտուրական կենտրոնների — վանքերի վրայ՝ քանի գնում՝ զօրանում էր: Վանականներին շատերը, ինչպէս տեսել ենք, 12-րդ դարի երկրորդ կէսին արդէն իսկապէս անուշով միայն կրօնաւորներ են եղել. խի իրենց նիստ ու կացով, ապրուստով ու հասկացութիւններով շատ էլ չեն տարբերուել աշխարհականներից: Այդպիսիների բերանից կրօնական երգերի հետ անբաժան են եղել նաեւ գուսանական սիրոյ տաղերը, բայց իրենք ըստ երեւոյթին տակաւին խոտելի են համարել այնպիսի բոլոր աշխարհական բաների յօրինումը: Միայն Կոստանդինն աշխարհիկ ոգուց զբոսած՝ վերջիվերջոյ գուսանների սիրած նիւթն էլ բանեցրել է ի «գայթակղութիւն» «սուտ եղբայրներ», որոնք նոյնպէս ընդունում էին մարմնի իրաւունքը, բայց կեղծաւորում էին: Մինչ այդ՝ գուսանական ուրախութեան եւ սիրոյ երգերի ազդեցութիւնը վանականների բանաստեղծութեան վրայ՝ եղել է աւելի ձեւական կողմից՝ ոտանաւորի չափերով եւ որոշ թուով մոտիւնների ու պատկերների հետեւողութեամբ, ինչ որ տեսնում ենք արդէն Գրիգոր Նարեկացու տաղերի մէջ եւ, ոտանաւորի նկատմամբ, նաեւ Ներսէս Շնորհալու երկերի մէջ: Կոստանդին Երզնկացին էլ բնականօրէն այդպէս է վարուել նախ քան սիրոյ երգեր գրելը:

Ձարմանալի է, որ նրա բանաստեղծութիւններից ոչ մէկը հայրենի չափով չի, որ այնպէս յաճախ կիրառել են Յովհաննէս Երզնկացին ու մանաւանդ Ֆրիկը: Նրա սիրած չափն է մեծատող քառանդամ յամբական ոտանաւորը, որի սկզբում դնում է սովորաբար եռալանկ, նոյնիսկ երկավանկ անդամ:<sup>2</sup> Սիրոյ բանքերից մէկը 11-վանկանի է՝ 3+4+4 անդամներով, եւ մի երեք բանաստեղծութեան մէջ էլ բանեցրել է նա երկանդամ յամբական ոտանաւորը: Յօրինում է շատ ռիթմիկ, ընդհանրապէս ճիշդ պահելով ռիթմական շեշտերը, ինչպէս վարուել են սովորաբար մեր հին բանաստեղծները:

Գալով յանգերին՝ պէտք է ասել, որ Կոստանդինը մի քանի բանքի քառատող տների առաջին երեք տողերը կաղմում է միասնաձայն յանգերով, իսկ չորրորդ տողը վերջացնում տարբեր յանգով, որ կրկնում է յաջորդ տների չորրորդ տողերի վերջում (aaab cccb dddb եւ այլն): Մի բանքի (քերթ. Ժ2.) առաջին տան չորս տողն էլ ունին նոյն յանգը, որ կրկնում է միւս տների չորրորդ տողերի վերջում: Գուսանական երգերի նմանողութեամբ են արուած յանգերի այսպիսի կիրառութիւններն եւս, ինչ որ դանում ենք նաեւ 18-19-րդ դարի աշուղական երգերի մէջ եւս:

1 «(Յիշեոջիք) ընդ նմին (Գրիգորիսի) եւ հոգեւոր հայրն իւր զԿոստանդին միայնակեաց, որ բազում առաքինութեամբ զտրդարեալ է»: Մ. Պատուրեան, Կոստանդին Երզնկացի, Վենետիկ, 1905, էջ 13 եւ հա.:

2 Մ. Աբեղեան, Հայոց ընդունի տաղաչափութիւն, Երեւան, 1933, էջ 241 եւ հա.:

16. Պարսկական բանաստեղծութեան մեական ազդեցութիւնը եւ չափածոյ բանաստեղծութեան կատարումը:— Եթէ կրօնական հանգամանքների հետեւանքով միայն ձեւական կողմից էին նմանում մեր գուսաններին, ապա այլազգիների բանաստեղծութիւնների բովանդակութիւնից խուսափում էին նաեւ քաղաքական տեսակէտով: Սակայն մինչեւ այժմ դեռ չի պարզուել հայկական եւ իրանական գեղեցիկ գրականութիւնների յարաբերութիւնն ըստ ձեւի եւ ըստ բովանդակութեան մեր վերածնութեան շրջանի առաջին երեք եւ ոչ յաջորդ դարերի ընթացքով: Բայց այդ չի նշանակում, թէ մեր քերթողներն անծանօթ են մնացել պարսկական երգերին: Ապրելով իբրեւ հարեւաններ եւ միեւնոյն տէրութեան մէջ, հայերը հնադոյն ժամանակներից արդէն իւրացրել էին իրանական վիպական բանահիւսութեան շատ հատուածներ, իսկ Կոստանդին Երզնկացու ժամանակներում իրանական շրջիկ գուսանները մուտք էին գործում եւ Հայաստան: Մեր այս բանաստեղծն իր ԺԳ. (էջ 128 եւ հտն. «Բանք յողազս անցաւոր մեծութեան...») քերթուածի վերնագրից յետոյ գրել է հետեւեալ ծանօթութիւնը. «Այր մին [նստ]ել կայր ու Շահնամայ ասէր ձայնով. նայ եղրայրք խնդրեցին, թէ ի Շահնամայի ձայն մեզ ոտանաւոր ասայ. ես չինեցի զբանքս զայս. ի Շահնամայի ձայն կարգացէք»:

Այս հետաքրքիր ծանօթութիւնից իմանում ենք, որ իրանական աշխարհիկ բանաստեղծութիւնը 13—14-րդ դարերում թափանցած է եղել անգամ մեր վանքերը, եւ «եղրայրները», այսինքն Կոստանդինի կրօնակից վանականները սիրով լսելիս են եղել Շահնամա եւ նոյնիսկ ցանկացել են դրա «ձայնով» ոտանաւոր լսել հայերէն: Շահնաման, հարկաւ, միայն Երզնկայի վանքերում չի ասուել, եւ աւելի եւս սիրով մեր աշխարհականներն են այն դարերում լսել Պարսից այդ մեծ գիցազներդութիւնից: Պէտք է կարծել, որ Հայաստանում Շահնաման «ձայնով ասել են» պարսկերէն լեզուով: Այս մեծ քերթուածից հայերէն հին թարգմանութիւն, այն էլ ոտանաւորով, յայտնի չէ. հատուածները անշուշտ կը պատմէին հայերէն, ինչպէս դեռ եւս մեր օրերում էլ պատմում են հայերէն: Կոստանդինի հաղորդածը՝ «ասել ձայնով», «ի ձայն կարգալ»՝ վերաբերում է ոտանաւորին, քանի որ նրանից խնդրում են յօրինել ոտանաւոր «ի Շահնամայի ձայն», այսինքն այնպիսի չափով, որ կարելի լինի Շահնամայի պէս առողանել: Եւ նա յարմարում է մի քերթուած 11-վանկանի տողերով, ինչպէս Շահնաման է, անապետտուն ոտքերով, սկզբից ունենալով մի յամբ: Այսպիսի մի չափը, որ գործադրել է նաեւ Գրիգոր Նարեկացին, շատ հեռու է Շահնամայի չափից, բայց կարելի է «ձայնով ասել», «ի ձայն կարգալ» ինչպէս Շահնաման: Կոստանդինի քերթուածի բովանդակութիւնն է աշխարհիկ ունայնութիւնը եւ ոչ թէ աշխարհիկ վիպական նիւթ: Ուրեմն պարսկական մեծ գիցազներդութեան նմանողութիւնը եղել է լոկ ըստ ձեւի:

Տե՛ս չորրորդ յաւելումը՝ «Շահնամայի ձեւական ազդեցութիւնը»:

17. Վերածնունդի գրականութեան առաջին էտապը տեւում է մօտ ե—

1 Յիրդուսի, Բանաստեղծի ծննդեան հաղարամեակին նուիրում ժողովածու, Երեւան, 1934, էջ 157—222. «Ռոստոմ Զաւ», հայ իրանական վէպ, գրի տուաւ Արամշէս Բարսեղեան:

րեք հարիւր տարի, 11-րդ դարի առաջին տասնամեակներէց մինչեւ 14-րդ դարի առաջին քառորդը, մինչեւ Կոստանդին Երզնկացիին: Այնուհետեւ մօտ 75 տարի գրականութիւնը յայտնի չէ մեզ մինչեւ Առաքել Սիւնեցի եւ Բաղիշեցի — եկեղեցական բանաստեղծութիւնը: Եթէ մի յետադարձ հայեացք ձգենք այս երկար ժամանակաշրջանի գրականութեան ընթացքի վրայ, կը տեսնենք, որ, չնայելով հայերի անբարեյաջող քաղաքական վիճակին, մի իսկական ինքնուրոյն վերածնութեամբ աշխարհիկ միտքը թափանցում է հայ եկեղեցականի գրականութեան մէջ: Մեր բանաստեղծութիւնը՝ Գրիգոր Նաբեկացու Ողբերգութիւնից ի վեր՝ ձեռք է բերում նոր գրական տեսակներ եւ բազմաթիւ նոր թեմաներ — կրօնական միստիկական զգացումն ու մտածութիւնը, հայրենասիրութիւն, բնութեան սէր ու երզ, աշխարհի ունայնութեան ու մահուան դաղափարը, անձնական հանգամանքներ, բուն ժողովրդական աշխատաւոր դասի իրական կեանքն ու աշխարհայեացքը, սոցիալական խնդիրներ, ժողովրդի զանազան դասերի յարաբերութիւնն ու դասակարգային պայքար, դժգոհութիւն եղած դրութիւնից, աշխատաւորի բողոքը սոցիալական անհաւասարութեան դէմ, երգիծանքը վատ կարգերի, աղգային քաղաքական ձգտումներ, կրօնական երկբայութիւն, աղոստախոհութիւն եւ այլն: Ահա մի նոր աշխարհայեցողութիւն, կրօնական կաշկանդումից ազատութիւն, որ հետզհետէ, թէպէտ դանդաղ եւ ընդհատումներով, արտայայտուած ենք զանում մեր գրականութեան մէջ:

Որ մեր բանաստեղծութիւնն այսպէս շուտ, եւրոպականից շատ վաղ է թօթափել միջնադարեան ոգին, դրա պատճառը պէտք է տեսնել անշուշտ ոչ միայն ցեղի ընդունակ բնաւորութեան ու նրա այն մեծ շարժման մէջ, որ, ինչպէս տեսել ենք, ունեցել է 10-րդ դարում, այլեւ իր հայրենիքի դրութեան մէջ: Բացի արեւմտեան քրիստոնեայ ազգերից, հայերը չփութմ էին նաեւ արեւելեանների հետ՝ սլաւոնիկների եւ արաբների: Թէպէտ իրանական եւ հայկական բանաստեղծութիւնների յարաբերութիւնը եւ առանձնապէս իրանականի ազդեցութիւնը մերի վրայ ըստ ձեւի եւ ըստ բովանդակութեան, ինչպէս վերելում աստեղ, ղեռ չի ուսումնասիրուած, բայց արդէն պարզ է, որ մեծ է եղել արեւելեան ժողովուրդների կուլտուրական ազդեցութիւնը հայկական քաղաքային եւ ընդհանրապէս հասարակական կեանքի վրայ, հետեւաբար անպայման նաեւ գրականութեան վրայ: Այս ներքին եւ արտաքին հանգամանքների շնորհիւ տհա մեր բանաստեղծութեան մէջ լինում է մի կատարեալ յեղաշրջում, որ ընկնում է Պրովանսի մօտաւորապէս նոյնպիսի բանաստեղծութեան հետ միաժամանակ, հարկաւ, Պրովանսից անկախ, քանի որ մեր բանաստեղծութիւնն իր նախապատրաստութիւնը կեանքի մէջ ունենում է 10—11-րդ դարերում, երբ Փրանկների հետ յարաբերութիւն չունէին հայերը: Յաջորդ 12-րդ դարի վերջում եւ 13-րդի սկզբում միայն, այն էլ Արեւելքում ունեցած շփումով, նոր ղեռ մտաւոր շարժում էր սկսում առաջ դալ Իտալիայում եւ Ֆրանսիայում, ուրեմն՝ մերինից բաւական ուշ: Բացի այդ՝ մեր բանաստեղծութեան զարգացման ընթացքը տարբեր է լինում եւրոպականից: Առնենք Փրանսիականը եւ սիրոյ քերթուածները:

Պրովանսի բանաստեղծութիւնն ընկնում է: Այնտեղ, ինչպէս եւ Հիւսիսային Ֆրանսիայում, բանաստեղծները պարապում են արուեստակեալ

չինծու ձեւերով. միշտ միեւնոյն ընդհանուր դադափարներով, կնոջ պաշտամունքի ու գեղեցկութեան մի գովքով միայն, այն էլ քարացած, աւանդական դարձած ու դժուար հասկանալի խրթին արտայայտութիւններով եւ ուտանաւորի բարդ, խճճուած տեսակներով: Չկայ անհատական գիացում, չըկայ բնութեան սէր. աւելի ու աւելի լոկ դատողութեան մի բանաստեղծութիւն, մտաւոր վարժութեամբ յօրինուած: 14-րդ դարի առաջին քառորդից, — ուրեմն մեր Կոստանդին Երզնկացու ժամանակից, — նոյնիսկ կանոն է դրոււմ, թէ սէրը չպէտք է սովորական ձեւով երգել, այլ միայն այլաբանութեամբ, եւ թէ կանանցից միայն Ս. Կոյսին եւ միւս սրբուհիներին կարելի է երգել: «Նրանց գոված կինը միայն կնոջ դադափարն է, նրանց տարփանքը՝ միայն տարփանքի դադափարը. ամէն ինչ նրանց գլխով անցնում է իբրեւ վերացական շինուածք եւ ոչ նրանց սրտով իբրեւ կենդանի յոյզ»:<sup>1</sup> Ահա թէ ինչպէս են բնորոշում Պրովանսի եւ Փրանսիական սիրոյ բանաստեղծութիւնը 14 եւ 15-րդ դարերում:

Մեր սիրոյ երդը, — այս ենք առնում միայն, — բոլորովին ուրոյն եւ աւելի յաջող ընթացք է ունենում: 10—11-րդ դարում արդէն լինում է Աստուածածնի կրօնական գովքը գուսանական սիրերգի մոտիւններով. ապա վարդ ու սոխակի պատկերով փառաբանում է սիրաբորբոք տարփանքը. 13-րդ դարի վերջում կամ 14-րդի սկիզբներում այդ երգն ազատւում է այլաբանութիւնից, եւ եթէ հետագայում եւս Աստուածածնի անունով են սիրերգում կամ վարդ ու սոխակի պատկերով կամ այլաբանութեամբ եւս գրում են, այդ ոչ թէ նրա համար, որ թոյլատրուած չէր բացայայտ երգել սէր, այլ որ այլաբանական ձեւը դիւր էր գալիս կրօնաւորներին, իսկ եթէ Աստուածածնի անունով են սիրերգում, այդ այնպիսի վճիտ աշխարհիկ երգ էր լինում, որ բանաստեղծները յայտնում էին, թէ կ'ուզէք՝ աշխարհիկ սէր հասկացէք: Միւս կողմից՝ բանաստեղծութիւնը 12-րդ դարից սկսած ձգտում է ազատուել կաշկանդանքից, խրթնաբանութիւններից ու «ծածուկ ճառերից», եւ Դանտէից մի դար առաջ արդէն մեզնում կարիք է գրացւում կենդանի խօսակցական լեզուով գրելու: Բայց որ գլխաւորն է՝ ինչքան էլ շատ միակերպութիւն կայ մեր սիրոյ երդի մէջ եւս, բայց եւ այնպէս 15—16-րդ դարերում մեր այդ երդը, ինչպէս առհասարակ տաղասացութիւնը, ոչ միայն չի ընկնում, այլ, ընդհակառակն, աւելի զարգանում, ուռճանում է եւ ստեղծւում են շատ բնորոշ ու փայլուն բանաստեղծութիւններ: Առաջ են գալիս վիպական քերթուածներ՝ կրօնական ու այլ բովանդակութեամբ, ինչպէս նաեւ սիրավէպ առանց որեւէ այլաբանութեան, նովելլաներ եւ այլն: Սրանց կողքին, շատ վաղ դարերից ի վեր, մինչեւ վերջը միշտ գոյութիւն է ունեցել գուսանական բերանացի երդը, սիրոյ եւ ուրախութեան տաղը, բոլորովին զերծ որեւէ կրօնական կաշկանդանքից եւ այլաբանութիւնից: Բարեբախտաբար գրի առնուած մնացել են գուսանական «Տայրէնները», որոնք մեր քնարերգութեան գոհար վարդերն են: Սրանց մասին էլ կը տեսնենք այս գործի շարունակութեան մէջ:

Բայց նախ քան այդ մի հայեացք ձգենք մեր եկեղեցական դրականութեան վրայ:

<sup>1</sup> Histoire de la Littérature française par Gustave Lanson, Paris 1895, էջ 84 եւ հտն.:



# ԵԿԵՂԵՑԱԿԱՆ ԳՐԱԿԱՆՈՒԹԵԱՆ ՎԵՐՋԱԼՈՅՍՆ ԵՒ ԱՐԵՒՄՈՒՏԸ

## ՃԻԳԵՐ ԱՆԿՄԱՆ ԱՌԱՋՆ ԱՌՆԵԼՈՒ ՀԱՄԱՐ

1. Աւերմուսներին դարեր:— Մենք թեւակոխում ենք այժմ մի պատմական ընդարձակ շրջան, որ կամ անծանօթ է, կամ սակաւ ծանօթ, զի մեր պատմաբանները խուսափել են ընդհուպ մօտենալու մեր ժողովրդի այս հինդհարիւրամեայ պատմութեանը 14-րդ դարի առաջին տասնամեակից մինչեւ 19-րդ դարի սկիզբները: Կարծես մի մեծ մոռայլ ու արեկոծ տարածութիւն են կազմում այդ դարերը, որոնք, չնայելով իրենց փոքր հանգրուաններին՝ աղետալի հետեւանքներ են ունեցել մեր ժողովրդի համար, աւելի եւս չարաչար, քան արաբական, սելջուկեան եւ թաթարական բռնատիրութիւնները: Այստեղ կարող ենք եւ կարեւոր է միայն ընդհանուր կերպով գծել մեր երկրի ու ժողովրդի չարարաստիկ վիճակն այս մեծ շրջանի առաջին դարերում:

Ամենից առաջ աչքի է ընկնում իշխող տոհմերի եւ իշխողների յարաւիտիոս դրութիւնը, որին ընկերակից էին յարատեւ պատերազմները, ուստի եւ երկրի յարատեւ աւերումն ու ժողովրդի աւելի եւս կեղեքումներն ու քայքայումը: Թաթարներն ընդունում են մահմեդականութիւն, եւ ընդհանրապէս այլեւս բարեհաճ չէին դէպի քրիստոնեայ հայերը: Մոլեռանդների կողմից տեղի էին ունենում սաստիկ ճնշումներ: Ծուռով, 14-րդ դարի երկրորդ տասնամեակից, Պարսկաստանի մոնղոլական հարստութիւնը, որ տիրում էր նաեւ Հայաստանին, թուլանալով խաղալիք է դառնում զօրաւոր կառավարիչների ձեռին եւ վերջապէս ընկնում է (1344 թ.): Առաջ են դալիս մի շարք ինքնազուլիս խաներ զանազան կողմերում. Հայաստանը մնում է Ատրքպատականի իշխողների ձեռին: Պաները կարճատեւ տիրակալութեամբ յաջորդում են միմեանց եւ իրար հետ կռուելով աւերում են երկիրը մինչեւ մեծ աւերիչ Լանկթամուրը:

Այդ ժամանակներում բարեյաջող վիճակի մէջ չէր նաեւ Կիլիկիայի հայկական թագաւորութիւնը: Դադարել էր հայերի դաշինքը թաթարների հետ. երկրում մեծանում էին երկպառակութիւնները. կաթողիկոսները յաճախ զիջումներ էին անում կաթոլիկ եկեղեցուն, ինչ որ խռովութիւններ էր առաջ բերում: Դրսից անընդհատ յարձակում էին շրջակայ մահմեդականները մասամբ այն պատճառով, որ հայերը չէին կտրուում արեւմտեան տէրութիւններից, թէեւ ոչ մի շահ չունէին նրանցից եւ չէին կարողանում մի ընդհանուր լեզու գտնել Եդիպտոսի տէրութեան հետ, որի ձեռով եւ վերջիվերջոյ 1375 թ. ընկաւ այն կողմերի հայկական անկախ թագաւորութիւնը:

Նոյն տարիներում Հայաստանին տիրում են երկու թուրքմէն հարստութիւններ — Ղարաղոյունլի, որ է Սեւ խոյի (1378—1469 թ.), կենտրոնը Թաւրիզում, եւ Աղղոյունլի, այսինքն Սպիտակ խոյի հարստութիւն (1378—1502 թ.), կենտրոնը Ամիդ (Դիարբեքիր) քաղաքը: Միաժամանակ եւ Չանգիզ խանի սերունդներից (կանանց կողմից) Լանկթամուրը 1380 թ. ակտում է Ջաղաթայի խանութիւնից (Տրանսօկսիանում — Բուխարայում,

Սիր-Դարիա գետից հիւսիս, արդի Ուզդեկատան երկրում) իր արչաւանքները Պարսկաստանի վրայ, աւերում է նաեւ Ատրպատականն ու Հայաստանը։ Նրա բանակները 1387—1402 թ. մի քանի անգամ հեղեղում են Հայաստանը եւ քարուքանդ անում Արցախ, Սիւնիք, Երնջակ, Կարբի, Բջնի, Գառնի, Կողբ, Սուրմարի, Կոզովիտ, Արճէշ, Կարս, Վան, Մալաթիա եւ այլն. մտնում են նաեւ Կիլիկիա, 1400 թ. անցնում են Անատոլիա։ Այստեղ Իկոնիայի (Հոռմի) սուլթանութիւնը 1294 թ. կործանուած էր թաթարների ձեռով, եւ կազմուած էին մի շարք իրարուց անկախ իշխանութիւններ. 1299 թ. մի թուրք ցեղապետ՝ Օսման անուանով՝ իրեն հռչակել էր սուլթան եւ հետըհետէ զօրանալով ընդարձակել էր իր տէրութեան երկիրը։ Կազմուել էր տաճիկների օսմանեան տէրութիւնը։ Լանկիթամուրը 1402 թ. ջարդում է օսմանեան թուրքերին եւս Անկիւրիայի մօտ, եւ վերջապէս կազմուում է նրա հսկայական մեծութեան տէրութիւնը՝ կենտրոն ունենալով Սմրղանդ մայրաքաղաքը։

Լանկիթամուրի մահից (1405 թ.) յետոյ մեծ խռովութիւն է սկսւում նրա ժառանգի եւ նուաճուած տէրութիւնների միջեւ. օսմանցիներն ու թուրքմէշները վերականգնում են իրենց իշխանութիւնները։ Ղարադոյունլիների ցեղապետը՝ Ղարա Եռուսֆ՝ պատերազմում է Լանկիթամուրի որդի Շահրուհի դէմ (1405—1417 թ.)։ ապա նոյն պատերազմը շարունակում է Ղարա Եռուսֆի որդի Իսքանդարը (1420—1437 թ.), մինչեւ որ դառնում է տէր Ատրպատականի եւ Հայաստանի մեծ մասին՝ կենտրոն ունենալով Թաւրիզ քաղաքը։ Իսքանդարից ապստամբում է իր եղբայր Զհանշահը (1437—1567 թիւը), եւ իշխում է նաեւ Հայաստանի մեծ մասի վրայ (Այրարատ, Սիւնիք, Վասպուրական եւ ուրիշ կողմեր)։ Մի առժամանակ համեմատաբար խաղաղում է երկիրը. Զհանշահի սրբին իբրեւ ընդհանուր կուսակալ Հայաստանի եւ այլ երկիրների՝ նստում էր Նախիջեւանում՝ իր ձեռի տակ ունենալով կառավարիչ բէգեր Երեւանում, Վանում, Տփղիսում եւ ուրիշ տեղերում։ Բայց շուտով սկսւում են պատերազմներ Աղղոյունլիների եւ Ղարադոյունլիների միջեւ, յաղթում են Աղղոյունլիները 1469 թ. եւ տիրում են նաեւ Ատրպատականին եւ ամբողջ Հայաստանին ծանր լծով։ Նրանց իշխանութիւնը, սակայն, երկար չի տեւում։

Սեֆեան տոհմից Շահ Իսմայիլը (1502—1520 թ.) Շարուրում ջարդում է թուրքմէշներին, նուաճում է ամբողջ Պարսկաստանը, մայրաքաղաք դարձնում եւ Թաւրիզը։ Իշխում է Սեֆեան հարստութիւնը (1502—1736 թ.)։ Այս նոր պարսկական տէրութիւնն արեւմուտքից սահմանակից է դառնում օսմանեան տէրութեան հետ. սկսւում է դարուոր պատերազմ օսմանցիների ու պարսիկների միջեւ. Շահ Իսմայիլի օրով հէնց օսմանեան տէրութիւնը կցւում է Հայաստանից Կարնոյ, Կամախի եւ Մշու գաւառները։ Բայց երկարատեւ պատերազմի ընթացքում Հայաստանի զանազան մասերը յաճախ մէկից միւսին են անցնում մինչեւ Շահ Աբաս թաղաւորը (1587—1628 թ.) եւ յետոյ։ Երբեմն էլ օսմանցիները տիրում են եւ ամբողջ Հայաստանին, բայց արեւելեան Հայաստանն ընդհանրապէս մնում է պարսկական իշխանութեան ներքոյ։

Այսպէս՝ այս երկու հարիւր եւ աւելի տարիների ընթացքում Հայաստանը

տանում իշխել են զանազան տոհմեր՝ մոնղոլ ու Թուրքմէն, Թուրք ու պարսիկ — բոլորը մահմեդական, թշնամի միմեանց եւ աւելի եւս հայերին: Պատերազմները գրեթէ անընդհատ էին. նոյն տոհմի իշխողներն անգամ յաճախ միմեանց դէմ էին ելնում, եւ Հայաստանը շարունակ դառնում էր պատերազմների ասպարէզ: Մահմեդականները, որ վայրագ անգթութեամբ կոտորում էին միմեանց եւս, աւելի եւս մեծ դաժանութեամբ էին վերաբերում դէպի քրիստոնեայ հայերը, որոնց իրենց թշնամիներն էին համարում կոռուղ կողմերը: Ուստի սուր ու կոտորած, աւար ու աւեր միշտ կախուած են եղել անպաշտպան հայ ժողովրդի վրին: Ոչ միայն Լանկթամուրը, այլեւ ուրիշները մասսայական կոտորածներով բնաջնջում էին ժողովրդին, գերեզմարում, մի տեղից միւս տեղը քշում: Բնակիչներն իրենք էլ զլխակորոյս դուրս էին գալիս իրենց բնիկ երկրից, գնում Փոքր Ասիա, Կ. Պոլիս, Բալկաններ դէպի քրիստոնեայ հայերը, որոնց իրենց թշնամիներն էին համարում կոռուղ եւ այլն աւելի մեծ բաղձութիւններով, քան սելջուկեան եւ թաթարական արշաւանքների օրով: Աւելի սոսկալի է լինում գերութիւնը, երբ հին պատերազմող բռնակալների սովորութեամբ հրամայում են ժողովրդին գաղթել Լրկրից դուրս, իրենց հոեւում այրելով, աւերելով ամենայն ինչ, որ պէսպի հետապնդող թշնամին միայն ամայի երկիր դոնի: Քանզուում են քաղաքները. գետնի տակն են մտնում Դուլինի, Անիի նման վաճառաչահ կենտրոնները. ոչնչանում է արդիւնադործութիւնը, դրեթէ դադարում առեւտուրը: Պակասում է հողագործութիւնը. մշակուած, բերրի դաշտերը խոպանանում եւ ամայի դառնում: Չորանում, արմատախիլ են լինում այգիներն ու պարտէզները: Փոքրանում է երկրագործ հայ ժողովրդի թիւը. նրա տեղը հետզհետէ բռնում են վաչկատուն թաթարները, քոչուոր թուրք ու քուրդ ցեղեր, որոնք երկար ժամանակ դեռ չեն դառնում նստակեաց եւ քոչուորութեամբ աւերում են չէն ու մշակուած հողերը, յաճախ յափշտակում անպաշտպան քրիստոնեայ ժողովրդի ձեռից այգիներն ու տները: Կըրկնըւում են համատարած սովերը: Միւս կողմից՝ սովալլուկ ու մերկ ժողովուրդը տառապում է կողոպտիչների եւ հարկահան կոչուած հարստահարիչների ձեռին: Օսմանեան երկրում ժողովրդի համար մի պատուհաս է դառնում նաեւ «մանկաթուղով» ասածը: Այս ամէնի հետ շարունակուած են կրօնական հալածանքները եւ մոլեռանդ կառավարիչների, եւ Փանատիկ մահմեդական ամրոխի կողմից. փակում կամ քանդում են եկեղեցիները, ստիպում են մահմեդական դառնալ, եւ թշուառ ժողովուրդը յաճախ բռնի հաւատադիտի է դառնում. տեղի են ունենում նաեւ բաղձաթիւ նահատակութիւններ կրօնի համար:

Այսպէս ահա հայ երկիրն ապրում է մի գրեթէ անընդհատ փոթորկայոյց վիճակ եւ վերջիվերջոյ մի սոսկալի անկում, տնտեսական ու կուլտուրական: Հայաստանի պատկերն անգամ փոփոխւում է թէ՛ աղագործին, ըստ բնակչութեան ցեղերի: Եւ թէ՛ նոյնիսկ ըստ աշխարհագրական անունների, իսկ ժողովուրդը յետադիւմում է ըստ ամենայնի: Այսպիսի դրութիւնն առաջ է եկել հետզհետէ, աստիճանաբար, եւ մեր պատմաբանները պէտք է դեռ նոր պարզաբանեն այս աստիճանական անկումը բոլոր մահրամանութիւններով: Դեռ նոր պէտք է յայտաբերուեն ի միջի այլ բաների նաեւ հայկական կուլտուրայի նեցուկ հայ ազնուականութեան աստի-

ճանական ոչնչացումը կամ աննշան դրուժեան վերածուելը, ինչպէս, օրինակ, Սիւնեաց մեծ իշխանութեան Օրբելեան տոհմի, որ սպառուել է 1438 թուականին: Աւելի եւս կարելոր է իմանալ մեր կուլտուրայի — լուսաւորութեան ակութեան — վանքերի վիճակը ե՛ւ նիւթական, ե՛ւ կուլտուրական կողմից 14—17-րդ դարերում եւ հետագայում:

2. Ունիթոռական գրականութիւն եւ լատինաբան ազնաւ հայերէն:— Այս աւերմունքների մեծ շրջանի առաջին դարում հայոց վանքերը բնականաբար դեռ բոլորովին ընկած չէին: Նրանք էին, որ դեռ շարունակ հակադրում էին Կիլիկիայի իշխանների եւ բարձր հոգեւորականութեան ձգտումին՝ քաղաքական նպատակով կրօնական գիջումներ անելու կաթոլիկ եկեղեցուն: Հռոմն արեւելեան հայ վանականների դիմադրութիւնը խորտակելու համար մի նոր միջոցի է դիմում. նա պարսկական մոնղոլ հարստութեան թուլացման սկիզբներում հէնց՝ 1319 թ. քարոզիչներ է ուղարկում Արեւելք: Հիմնում են Մարաղայի լատին եպիսկոպոսութիւնը՝ կենտրոն ունենալով մայրաքաղաքը՝ Սուլտանիա: Հայ վարդապետները սկզբում հետաքրքրւում են լատին եպիսկոպոս Բարթոլիմէոսի (մեռ. 1333 թ.) ոչ թէ կրօնական քարոզներով, որոնցով նա հռչակուած էր այն կողմերում, այլ նրա բնագիտական հմտութիւններով: Այդ ժամանակ դեռ ծաղկած դրութեան մէջ էր Վայոց դաւառում Գայեծորի (Գլաճորի) վանքը, որի մասին խօսուել է վերեւում. նրա վանահայր Նսայի Նչեցին, որ իր աշակերտների մէջ վարժեցրել էր դիտութեան սէր, թոյլ է տալիս նրանցից մէկին՝ Յովհան Գոնեցուն 1328 թ. գնալ յիշուած լատին եպիսկոպոսի մօտ՝ նրա նոր դիտութիւնը լսելու եւ լատիններէն սովորելու: Գոնեցին հրապուրւում է կաթոլիկ քարոզչից ու «լատին աստուածաբանութեան արուեստակեալ ձեւերից», յարում է կաթոլիկ եկեղեցուն եւ մի քանի ընկերներով 1330 թ. հաստատուելով Երնջակի Ապրակունիս կամ Ապարաններ վանքում՝ սկսում են քարոզել միացում կաթոլիկ եկեղեցու հետ: Նրանք ունենում են հետզհետէ աւելի ու աւելի հետեւողներ Նախիջեւանի եւ Ճահուկի գաւառներում. ըստեղծւում է կաթոլիկ եկեղեցու հետ միանալու հոսանքը եւ միացումը գործնապէս, կամ «միաբարութիւնը», որ յայտնի է լատիններէն «ունիթոռութիւն» անունով:

«Ունիթոռները» գործում էին թէ՛ բերանացի քարոզներով եւ թէ՛ դրաւոր կերպով: Մի կողմ թողնելով եւ նոյնիսկ արհամարհելով հայոց դրականութիւնը, անարգելով ամէն ինչ, որ հայկական է — ծէս, սովորութիւն եւ այլն, նրանք լատիններէնից թարգմանում էին կաթոլիկական ոգով կրօնական դրքեր, մեկնութիւններ, քարոզներ եւ այլն, նոյնիսկ լատին ծիսաբաններ, երբեմն եւ ուրիշ բովանդակութեամբ դրքեր, որոնցով տարածում էին հայերի մէջ Արեւմուտքի սքոլաստիկական ուղղութիւնն ու գաղափարները: Այս ունիթոռական դրականութիւնը, հարկաւ, դրական արժէք չունի:

Ունիթոռների նախանձախնդրութիւնը լատին եկեղեցու համար այն աստիճանի է հասնում, որ եթէ հնար ունենային, հայոց լեզուն կը փոխարինէին լատիններէնով. բայց որովհետեւ այդ անել անկարելի էր, ուստի նրանք հայոց դրական լեզուն ձեւում են ըստ լատիններէնի. կիրառում են նորաստեղծ հոլովական ու խոնարհման ձեւեր, նոր տեսակի նախդիրներ, բառերի

լատինաձեւ շարադասութիւն ու համաձայնութիւն, լատիներէնի հետեւողութեամբ կազմուած նոր բառեր եւ արտայայտութիւններ եւ այլն: Այսպիսով առաջ է զարկաւ մի «տարօրինակ լեզու», մի լատինաբան հայերէն, որ բացի հայոց լեզուն խանգարելուց ոչ մի բանի եւ ոչ ոքի պիտանի չի եղել: Այս ունիթոռական աղճատ լեզուն իր գրականութեամբ հանդերձ բաւական դորձածութիւն է ունեցել եւ երկար է տևել, մինչև նոյնիսկ Մխիթարեան միաբանութեան հիմնադիր Մխիթար Սեբաստացին, որ եւ 1721 թ. առաջին անգամ Վենետիկում տպագրել է տուել Պետրոս Արաբոնացի քարոզչի «Առաքինութեանց դիրքը»... «Նորում [=յորում, Մ. Ա.] նախ ընձեռնիմ գեթեանց առաքինութեանց... Անդրաձեցեալ [=թարգմանեալ, Մ. Ա.] ի լատինականէն ի հայ բարբառ, ի գաւառն Նախիջևանու, ի վաղնջուց ժամանակաց: Իսկ աժմ ի լոյս ածեցեալ [=ածեալ, Մ. Ա.] աշխատասիրութեամբ եւ սրբագրութեամբ տևառն Մխիթարայ վարդապետի Սեբաստացույ Արքայ հայր կոչեցելոյ»: Այս դեռ սրբագրուած լեզուով է: Վենետիկում 1772 թ. կատարուել է դրա երկրորդ տպագրութիւնն էլ, որի մէջ յիշուած է, թէ թարգմանութիւնը եղել է 1339 թ.:<sup>1</sup>

3. Յովհան Որոտնեցի եւ վանական դպրոցներ:— Ունիթոռների հայրենամերժ եւ աւանդուրաց անդուստլ զործունէութիւնն առաջ է բերում յուզումներ, խռովութիւն, եւ բնականաբար չի մնում առանց զօրեղ հակադեցութեան, որ ունենում է իր բարերար հետեւանքները ոչ միայն հայոց եկեղեցու համար, այլեւ ընդհանրապէս կուլտուրայի, լուսաւորութեան եւ մասնաւորապէս գրականութեան նկատմամբ: Տաթևի, Գայլեճորի (Գլաճորի) եւ մի քանի ուրիշ վանքեր, որոնց մէջ գեռ շարունակում էր հայկական ուսումը, իրենց աշակերտներին կրթում էին լինելու ոչ միայն ուսումնասէր, այլեւ հայրենասէր, եւ անաղարտ պահպանելու հայոց լեզուն, ինչպէս եւ ազգային եկեղեցին իր աւանդութիւններով: Նրանց աշակերտներն ահա հակառակ են ելնում ունիթոռներին եւ բերանացի, եւ զրաւոր քարոզներով: Այդպիսիների մէջ առաջին տեղը բռնում է Յովհաննէս Որոտնեցին, Կախիկ մականունով (1315—1388 թ.):<sup>2</sup> Նա Օրբելեան տոհմից էր, «ի գաւառէն Որոտնոյ ի գեղջէն Վաղանդնու՝ որդի մեծի իշխանին Իւանի, որ էր զարմէ առաջին իշխանացն Սիւնեաց, յորմէ Վասակն էր... յոյժ իմաստուն եւ գիտնական հին եւ նոր Կտակարանաց, լուծիչ Աստուածաշնչոյ նրբից եւ արտաքինոյ»:<sup>3</sup>

Գրիգոր Տաթևացին եւս իր Ներբողեանի<sup>4</sup> մէջ գրում է. «Գոլով նորա ազատ պարազատ յաղնէ Սիսական բնիկ Հայկազնի. գաւառաւ Որոտնէի իշխան ազգաւ, տիրելով բազմաց եւ փարթամ գոյից»: Օրբելեանները վաղուց իրենց համարում էին Սիսական տոհմի ժառանգներ, ուստի զարմա-

1 Զարբ., «Հայկական մատենագիտութիւն», Վենետիկ, 1883, էջ 49:

2 Այս թուականն է գնում Մ. Օրմանեանն իր «Ալգապատումի» մէջ:

3 Պատմութիւն Լանկ-թամուրայ եւ յաջորդաց իւրոց, արարեալ թովմա վարդապետի Մեծօրեցւոյ Փարիզ, 1860 էջ 14 եւ հտ: Տպուած է Մովսէս Կաղանկատուացու «Աղւանից պատմութիւն» Բ. հատորին կից:

4 Գիրք քարոզութեան, Ամարան հատոր Գրիգորի Տաթևացուոյն, Կ. Պոլիս, 1741, էջ 711 եւ հտն. «Նորին Գրիգորի Ներբողեան ողբերգաբար ոգեւալ ի թաղումն տիեզերալոյս վարդապետին իւրոյ Յօհաննու Որոտնեցւոյն»:

նալի չէ, որ Որոտնեցուն այն առհմից են դնում: Նա Գայլեձորի հռչակաւոր վարդապետ Եսայի Նչեցու աշակերտն էր՝ չառ առանամեակներ նուիրուել էր ուսման, սովորել, — ինչպէս գրում են, — օտար լեզուներ, հմուտ էր գլխաւորապէս լատիներէնին, հետեւելով արեւմտեան ուսմունքներին եւ կաթողիկական դպրոցներում ընդունուած մեթոդներին: Նա ուսումնասիրել էր նաեւ հայերի մէջ հնուց ընդունուած արտաքին գիտութիւնները, Փիլոնի, Արիստոտելի, Պորփիրի եւ ուրիշների երկերը: «Բազմահանճար իմաստիւք առյցեալ, — գրում է Տաթեւացին յիշուած ներբողեանի մէջ, — ընդ ողեշունչ մատենի՝ յարտաքինսն վարժեալ սոփեստի»: «Ի սմանէ ընթերցումն սուրբ գրոց եւ վարժումն արտաքին կրթութեանց, տեսական իմաստից եւ գործնական արդեանց չարայարութեանց: Ի սմանէ յոքնանկար նորագիծ տառք, եւ երաժշտական եղանակք... Մեկնութիւն հոգէշունչ մատենից... եւ արտարացումն արտաքին սոփեստից»: Ուրիշ տեղեր Գրիգոր Տաթեւացին իր «վարժապետ» Որոտնեցուն անուանում է «մեծ հռետոր Հայոց», «ազգիս Հայոց մեծ հռետոր»:

Այս շնորհալի անձը թողնում է աշխարհիկ կեանքը եւ հաստատուելով Տաթեւի վանքում, որ հնուց նշանաւոր էր եղել իր վարդապետարանով, նա նորից կազմակերպում է այն վանքի դպրոցը եւ ուսուցանում է այնտեղ բազմաթիւ աշակերտների, աշխատելով իր ձեռ բերած բոլոր ուսումը տալ նրանց:

Այն ժամանակներում յայտնի է դառնում Նախիջևեանից ոչ չառ հեռու Աստաղատի վանքի (Կարմիր վանքի) դպրոցն եւս, ուր ուսուցանում էր «մեծ վարդապետն Սարգիս»: Ունիթոռները հէնց սրա աշակերտների միջոցով անկարգութիւններ են առաջ բերում, ուստի նրանց դէմ կոռուելու համար՝ Յովհաննէս Որոտնեցուն, իր աշակերտների հետ միասին Տաթեւից հրաւիրում են Ապրակունիսի վանքը, ուր նա շարունակում է ուսուցանել մինչեւ կեանքի վերջը: Նա մօտիկից զօրեղ ախոյեան հանդիսանալով ընդդէմ Երնջակի եւ Նախիջևեանի ունիթոռների եւ մեծ ժողովրդականութիւն ստանալով՝ արդելք է դառնում կաթողիկոսեան տարածուելուն հայերի մէջ:<sup>2</sup> «Ժողովեաց առ ինքն զբաղում աշակերտս յամենայն զաւառաց եւ լուսազարդեալ պայծառացոյց զազգս Հայոց վարդապետօք եւ քահանայիւք». «որ իրբեւ արեգակն վայլէր ընդ ամենայն ազգս Հայոց եւ լուսաւորէր զամենեւեան գիտութեամբ», — գրում է Թովմա Մեծոփեցին:<sup>3</sup> Հետաքրքիր է, որ Ապրակունիսի եւ Աստաղատի վանքերի դպրոցները մեծ յաջողութիւն են ունենում եւ հռչակ են վայելում ոչ միայն իրենց երկու վարդապետների շնորհիւ, այլեւ Որոտնեցու աշակերտ եւ Դրիմեցի Մաղաքիա վարդապետի նիւթական օժանդակութեամբ, որ, ինչպէս գրում է Մեծոփեցին, էր «Ի ծովահայեաց քաղաքէն Դրիմայ» [հաւանօրէն Կաֆայից, այժմեան Թէոդոսիայից], «յոյժ մեծատան որդի», «չինեաց զվանորայս Հայոց», «վասն զի զերկուց

1 Գիրք հարցմանց... Գրիգորի Տաթեւացւոյն, Կ. Պոլիս, ՌՃՀԸ=1729, էջ 773. այլեւ Քարոզագիրք, Ամարան հատոր, էջ 721:

2 Թովմա Մեծոփեցի, Պատմ., էջ 39 եւ հտ.:

3 Անդ., էջ 15 եւ հտ., 55 եւ հտ.:

վարդապետաց դասատուներն՝ զՅովհաննու եւ զՍարգսին՝ նա պահէր ի շինութեան՝ զԱպրակունեացն եւ զԱստապատին»։<sup>1</sup>

Յովհաննէս Որոտնեցին ուսուցանում էր ոչ միայն բերանացի դասաւանդութեամբ ու քարոզներով, այլեւ դրաւոր աշխատութիւններով. նա զբարած ունի դաւանաբանական աշխատութիւններ, մեկնութիւններ, քարոզներ եւ այլն։ Ինչպէս Գայլեճորի վանքի դպրոցում, Որոտնեցու դպրոցում եւ շարունակում էին ուսումնասիրել հին փիլիսոփայական երկերը։ Նրանից մնում են Արիստոտելի, Պորփիրի եւ Փիլոնի գործերի մեկնութիւններ, որ նա արել է, անշուշտ, իր աշակերտների համար։ Նրա անունով կան նաեւ առակներ, որոնցից է եւ հետեւեալը.

«Ասի յառակաց, թէ զաղուէսն բռնեալ կենդանի քերթեցին եւ մին փողի չափ մորթ ի վերայ զլիսին թողին, եւ այնչափ ի վերայ աղոյն եւ ի վերայ ճանգերոյն։ Եւ թողին դնալ։ Յայնժամ մարդիկն տեսեալ՝ ծիծաղէին թարճրաձայն։ Եւ ասէ աղուէսն. «Գեմ արեղայ ի մէջ հարսանեաց չեմ՝ որ կու ծիծաղիք»։<sup>2</sup>

Որոտնեցին վախճանուել է 1386 թ., ըստ ուրիշների՝ 1388 թ. Ապրակունիսի վանքում եւ այնտեղ էլ թաղուել։ Նրա մահուան առթիւ Մեծոփեցին գրում է. «Ի սոյն աւուրս հանգեալ [Որոտնեցին] ի Քրիստոս, եւ խաւարումըն եղեւ աշխարհիս Հայոց»։<sup>3</sup> Ահա թէ ինչպէս է անդրադարձել նրա մասին նրա երիտասարդ ժամանակակիցը, նրա աշակերտի աշակերտը։ Եւ նա, Մեծոփեցին, իրաւունք ունէր. «Զի ոչ միայն սով մարմնական տուաւ մեզ, — գրում է նա, — այլ եւ սով հոգեւորական»։ Այդ հոգեւոր սովը վերացնելու համար Որոտնեցու աշակերտները նրա մահից յետոյ տեղափոխուում են զանազան վանքեր. «Մեծն Յակոբ գնաց յերկիրն Արարատեան եւ բնակութիւն իւր արարեալ զսուրբ ուխտն Սաղմոսավանից, որ 20 ամ աշակերտեալ էր Յովհաննու Որոտնեցոյ։ Եւ վարդապետն Գրիգոր գնաց աշակերտօք իւրովք ի դաւառն Եկեղեցաց յԵրզնկայն. եւ այլք աստ եւ անդ ցրուեալ եղէն»։ Սրանցից Յակոբ ու Միսիթար վարդապետները գնում են Ռշտունիք։ Ապրակունիսի վանքում Որոտնեցու ամբիոնը ժառանգում է Գրիգոր Տաթեւացին, որի մասին կը խօսուի ներքեւում։<sup>4</sup>

«Մարմնական սովից» եւ իշխանաւորների բռնութիւններից, ինչպէս եւ նիւթական պակասութիւնից Ղրիմեցի Մաղաքիա վարդապետի եւ Յովհաննէս Որոտնեցու մահից յետոյ, ստիպուած է լինում «մեծ վարդապետն Սարգիս, որ ունէր զսուրբ ուխտն Աստապատու», թողնելու իր վանքը եւ գնալու «ի Հեր քաղաք սակաւ աշակերտօք ի նոյն ամի դառնութեան»։ Նա այնտեղ է անց կացնում «ղաւուրս սովոյն դառնութեան», ապա անցնում

1 Անդ, էջ 15 եւ հտն։

2 Պետ. Մատենադարան, Ձեռ. թիւ 57 (նոր համար), 91 (հին համար)։ Ժողովածու Յովհ. Որոտնեցու երկերից, Լուծմունք, գիրք պարագմանց, առակներ (160-րդ էջից)։ Առակներից յետոյ (էջ 172) յիշատակարան. գրիչը՝ Ռըստակէս Սեբաստացի. հաւաքած է «ի լուսաւոր բանից տեսաւ իւրեանց եւ վարժապետին Յովհաննու Որոտնեցոյ»։ Առակների մի մասը կայ Վարդանայ առակների մէջ։— Հաղորդեց ՀՍՍՌ-Գիտ. Ակադ. Գրականութեան Բնաստիտուտի գիտ. աշխատակից Վիգէն Սեւումեան։

3 Անդ, էջ 15։

4 Անդ, էջ 33։

4 Քաջբերունեաց դաւառը եւ, տեղի եպիսկոպոսի սիրալիր ընդունելու թեամբ, հաստատուում է «ի մայրաքաղաք վասն Սուխարայ, որ այժմ Խարա-  
բաստոյ վանք կոչի»: «Եւ նստաւ յաթու վարդապետութեան: Եւ ժողովեցան  
առ նա բազումք ի դրոց աշակերտաց եւ ի կրօնաւորաց եւ յուսումնասիրաց  
աւելի քան 60 կարգաւորք եւ ուսումնականք: Եւ ուսոյց զամենայն ծովեղերս  
Վասպուրական գաւառիս ուսմամբ եւ գիտութեամբ»: 1 Նա այստեղ գործում  
է 1389—1402 թուականը: Նրա մահից յետոյ նոյն տեղում մեծ աջոգութեամբ  
ուսուցանում է «սպտիկառելի քաջ վարդապետն», որ սակայն «ի հալածմանէ  
անօրինաց» ստիպուած է լինում իր աշակերտների հետ գնալու Տոսպ երկի-  
րը, Սախապատի վանքը, ուր եւ վախճանւում է 1406 թ.:

Յիշենք եւ Արճիշոյ գաւառի Մեծոփայ վանքը, որ նշանաւոր է հանդի-  
սանում Յովհաննէս անունով մի ուսումնասէր կրօնաւորի աշխատութեամբ: 2  
Նա այդ վանքում սովորելուց յետոյ՝ ցանկանում է աւելի բարձր ուսում  
առնել եւ վարդապետական աստիճան ստանալ: Եւ որովհետեւ «ոչ զոյր վար-  
դապետ ի ծովեղերս Վասպուրականի», նա մի քահանայի հետ գնում է Յով-  
հաննէս Որոտնեցու մօտ՝ տասներկու տարի աշակերտում է նրան: Որոտնե-  
ցին 1386 թ. մտադրւում է նրան վարդապետական իշխանութիւն տալ, բայց  
յանկարծակի հիւանդանում եւ վախճանւում է, մեռնելուց առաջ պատուի-  
րելով իր աշակերտ Գրիգոր Տաթեւացուն՝ Յովհաննէսին վարդապետական  
աստիճան տալ: Այդպէս էլ լինում է: Յովհաննէսն այնուհետեւ վերադառ-  
նալով իր հայրենի երկիրը՝ ծաղկեցնում է Մեծոփայ վանքը զպրոցով ու  
չինարարութեամբ. նա յաջողում է նոյնիսկ մի եկեղեցի շինել այնտեղ եօթ  
դժուար տարիների ընթացքում՝ 1402—1409 թուականների մէջ. «Եւ սկիզբն  
արար շինութեան սուրբ եկեղեցւոյն յաւուրս Չաղաթային [այսինքն՝ Լանկ-  
թամուրի օրով 1402 թ.], յորմէ ամենայն եկեղեցիք Հայոց ի հիմանէ քա-  
կեալ լինէին»: 3

Այսպէս՝ մեծ խեղճութեան ու տաղնապի, նեղութեան ու կողոպուտ-  
ների, հալածանքների ու կոտորածների, անգամ Լանկթամուրեան աւեր-  
մունքների օրերին կային դեռ վարդապետներ, մեծ մասամբ Յովհաննէս Ո-  
րոտնեցու աշակերտները, որոնք անսպառ եռանդով, ամէն տնտեսական զր-  
կանքներ կրելով, ճիգեր էին անում լուսաւորութեան ճրագը վառ պահելու  
մեր վանական զպրոցներում: Նրանք պահում էին բաղմաթիւ աշակերտների  
խմբեր, երկար տարիներ, նոյնիսկ տասնամեակներ սովորեցնելով նրանց ոչ  
միայն հայոց եկեղեցու մէջ ընդունուած ուսմունքը, այլեւ արտաքին դիտու-  
թիւնները, որքան կարողացել էին իրենք ձեռք բերել: Եւ հեշտ չէր այն ժա-  
մանակ ուսում առնելը. վարդապետները յաճախ նեղւում ու հալածւում էին,  
եւ ստիպուած էին լինում մի տեղից մի ուրիշ տեղ թափառելու, անգամ փախ-  
չելու իրենց բաղմաթիւ աշակերտների խմբերով: Բայց եւ այնպէս նրանց  
մեծ ճիգերը ավարդիւն չեն մնում. նրանք կարողանում են Հայաստանի որոշ  
թուով անկիւններում, դոնէ ժամանակաւորապէս, կուլտուրական եւ եկեղե-  
ցական անկման առաջն առնել:

1 Թովմա Մեծոփեցի, Պատմ., էջ 35 եւ հտն.:

2 Անդ., էջ 52—61:

3 Անդ., էջ 58:



4. Գրիգոր Խլաթեցի Ծերեմց:—Այդ վանքերում աւանդուած առարկաների մէջ եղել է եւ գրչութեան արուեստը, որով գրքեր արտադրելով՝ բազմացնում էին: Այս նկատմամբ կարելի է չէ չիշել այստեղ Գրիգոր Ծերենցին, «որդի հաւատարիմ առն Աստուծոյ ծերի, գորով ի քաղաքէն Խլաթայ, յաշակերտացն մեծին Սարգսի՝ հոգեւոր հարազատ եւ համշիրակ»: Նա չի նստում Սարգսի վանքում (Սուխարայ ուխտ), այլ Բղնունեաց երկրի Արծկէ քաղաքի Յիպնա կոչուած վանքում: Նա պարապում է գրչութեամբ. «Տիւ եւ գիւրեր գիրս գրէր, եւ զամենայն տղքատու կերակրէր... եւ զամենայն վարդապետս եւ կարգաւորս ի նոյն յորդորէր... Եւ 50 ամ գիրս գրեաց տիւ եւ գիւշեր անհանդիստ տքնութեամբ»: <sup>1</sup>

Նա ներկայանում է եւ իբրեւ գրական աշխատող. «Բազում երգս գանձուց եւ տաղից յիշատակ թողեալ ինքեան»: Գրել է թղթեր զանազան մարդկանց ուղղած: Նրանից մնում է «Յիշատակարան աղէտից», որ ստանաւորով յօրինած մի պատմութիւն է Հայաստանի 1386—1422 թ. թշուառութիւններէ, որոնց ժամանակակից եւ ահանառէս է եղել ինքը: <sup>2</sup> Բացի այդ՝ նա «գերից ժամանակաց պատմութիւնս ի լոյս ածէր ի հարցանելն եւ ի պատասխանատուութիւնս, եւ զգիրս սրբոց մարտիրոսաց եւ վկայիցն որ կոչի Յայսմաւուրց՝ սակաւաբան եւ անվթար շարադրեալ ի սրբոց հնոց եւ նորոց վարդապետացն՝ ի լոյս էած»: Իր կազմած «Յայսմաւուրք»-ի մէջ նա աւելացրել է նաեւ իր օրով նահատակուածների պատմութիւնը: Այս անխռն աշխատատւորին իրեն էլ 1425 թ. աւելի քան 75 տարեկան հասակում չարչարելով նահատակում են «պիղծ աղղն Մարաց», — ասում է Մեծոփեցին եւ ապա պատմում ուրիշ երեք վարդապետների նահատակութեան մասին եւս: Ոչ միայն գրասիրութեան, այլեւ ուսումնասիրութեան մի տիպար է եղել այս վարդապետը: Երբ Գրիգոր Տաթեւացին 1409 թ. Տաթեւի վանքից Մեծոփայ վանքն է տեղափոխուում եւ դասաւանդում է աւելի քան 80 հոգու, Գրիգոր Խլաթեցին, չնայելով իր անցած տարիքին, մօտ վաթսուեանամեայ հասակին, Արծկէի վանքից գալով այնտեղ՝ ունկնդիր է լինում հոգակաւոր գիտնականի դասախօսութիւններին: <sup>3</sup>

5. Գրիգոր Տաթեւացի:— Տաթեւեան վարդապետարանի բարձրագոյն ուսումը եւ ժողովրդականութիւնը պահուում եւ աւելի եւս մեծանում է շնորհիւ Գրիգոր Տաթեւացու, որ մի աւանդապահ, ղործունեայ եւ բազմադէտ ուսուցիչ է եղել: Ըստ Առաքել Սիւնեցու՝ նա «ընթերցման էր պարապող, աշակերտաց էր մարզող... ծածուկ բանից բացայայտող»: «Ի գիշերի խոկմամբ զիմաստս գրոց հաւաքէր, եւ տուընջեան աշակերտացն պատմէր»: Արտաքուստ էլ նա գեղեցիկ է եղել, այնպէս որ երբ ամէն կողմից աշակերտելու էին դալիս նրա մօտ, — ասում է Առաքել Սիւնեցին, <sup>4</sup> — «նախ ի տեսն ուրա-

1 Թովմա Մեծոփեցի, Պատմութիւն, էջ 41 եւ հտն.:

2 Յիշատակարան աղէտից Գրիգորի Խլաթեցւոյ՝ պատմական վիպասանութիւն, Վաղարշապատ, 1897. հրատ. Գր. Խալաթեան. արտատպութիւն «Արարատ» ամսագրից, 1897, էջ 176—192:

3 Թովմա Մեծոփեցի, Պատմ., էջ 52:

4 Առաքել վարդապետի ասացեալ Ներբողեան առ քաջ հոգեւորն... Գրիգոր Տաթեւացի... Տպուած է Գր. Տաթեւացու Քարոզների Ամարան հատորի վերջում, էջ 716 եւ հտն.:

խանային, եւ ասլա խօսիւքն ցնծային: Նախ ի պատկերին զեղեցկութիւնն խնդային, եւ ասլա ընդ բարբառոյն համեղութիւնն զուարճանային»:

Նրա հայրն արճիւնցի էր, մայրը՝ փարպեցի, ինքը ծնուած էր մօտ 1446 թ.<sup>1</sup> Վայոց Ձորում, ուր բնակւում էին ծնողները: Երկար տարիներ, ըստ Մեծոփեցու 28 տարի, աշակերտել էր նա Յովհաննէս Որոտնեցուն, որից եւ ստացել էր վարդապետական իշխանութիւնը Երզնկայում, իսկ ծայրագոյն վարդապետական գաւազանը՝ 1387 թ. Ապրակունիսում: Որոտնեցին, վախճանուելուց առաջ (1388 թ.), — ասում է Մեծոփեցին,<sup>2</sup> — «կոչեաց զմեծ վարդապետն [Գրիգոր] եւ զընկերակիցսն նորա, օրհնեաց զնոսա... եւ եղ զԳրիգոր ամենեցուն դլուխ եւ ուսուցիչ»: Ինչպէս երեւում է, Գրիգորն արդէն յայտնի է եղել իր գիտութեամբ, եւ նրա հոգեւոր եղբայրներն էլ ցանկացել են, որ նա՝ լինի Որոտնեցու ժառանգը. «Եւ յաջորդեաց յաթոռ սորա [Յովհաննու] քրիստոսածաւալ աղբիւրն եւ անմուտ արեգակն՝ երկրորդ լուսաւորին Գրիգորիոս վարդապետն Տաթեւացի հաւանութեան եւ կամօք մեծ վարդապետին Սարգսի...<sup>3</sup> եւ համշիրակ եւ եղբարց իւրոց՝ Յակոբայ Ստղմոսալանիցն Արարատեան գաւառին եւ Գէորգայ Երզնկացոյ, եւ ամենայն աշակերտաց զնդին» եւ ուրիշների, որոնք, ինչպէս տեսել ենք, գնում են զանազան վանքեր:

Գրիգորը, սակայն, երկար չի մնում Ապրակունիսի վանքում, երեւի նոյն պարագաները — սովը, տնտեսական պակասութիւնը, որ ստիպում են Սարգիս վարդապետին հեռանալու Աստապատից, նոյն ժամանակում հարկադրում են եւ Գրիգորին թողնելու Ապրակունիսը եւ իր աշակերտների հետ գնալու Տաթեւ, «Ի տուն Օրբելեանց առ իշխանն Սմբատ՝ որդի Իւանէի՝ Թոռն Բուռթէի»: Սմբատ իշխանը, որ Յովհաննէս Որոտնեցու եղբայրն էր, հաւանօրէն կանչել էր նրան՝ իր մօտ իր վանքում ուսուցանելու: Այդպէս էլ անում է Գրիգորը. Տաթեւի վանքում ժողովում է ամէն կողմերից բազմաթիւ աշակերտներ եւ ամէն եռանդով պարասլում նրանց հետ 1390—1409 թ.:

Ըստ Գայլեճորի վանքի աւանդութեան, ինչպէս Որոտնեցին՝ Տաթեւացին եւս հմուտ էր ոչ միայն հին եկեղեցական եւ հայկական գրականութիւններին, այլ ուսումնասիրել էր նաեւ յունական փիլիսոփաների գործերը, ինչ որ Արեւմուտքում եւս անում էին, եւ ծանօթ էր ունիթոոնների մէջ ընդունուած դրականութեանը: Հաւանօրէն, ինչպէս կարծում են, նա գիտէր նաեւ լատիներէն լեզուն: Իր զպրոցում նա սովորեցնում էր իր իմացածը, այն է՝ հայոց գրականութիւն, Հին եւ Նոր Կտակարանների մեկնութիւն, սուրբ հայրերի գրուածքներ, «զգիրս արտաքին իմաստասիրացն», «լուծմունք արտաքին դրոց»,<sup>4</sup> որ են Պղատոնի, Արիստոտելի, Փիլոնի եւ Պորփիրի գրուածքները եւ նրանց բացատրութիւնը: Բացի այդ՝ աշակերտներին վար-

1 Մ. Օրմանեան, Ազգապատում, էջ 1981. Թուականները բերւում են մեծ մասամբ ըստ Օրմանեանի հաշիւների:

2 Թ. Մեծոփեցի, Պատմութիւն, էջ 17. 33 եւ հտ., 56:

3 Աստապատի վանքի ուսուցիչը, որ յետոյ, ինչպէս տեսել ենք, տեղափոխւում է Խառաբաստա վանքը:

4 Թ. Մեծոփեցի, Պատ., էջ 51, 34:

Ժեյնում էին նաեւ երաժշտութեան, ճառասացութեան եւ գրչութեան արուեստներին:

Գրիգորի համբաւի վրայ ամէն կողմից հաւաքուում են նրա մօտ աշակերտներ, ոչ միայն Սիւնիքի զանազան տեղերից, այլեւ Եկեղիքից, Արարատից, Զուլայից, Աստապատից, Շամախուց, Կապանից, Գանձասարից, Փայտակարանից, Թաւրիղից եւ այլն: Գալիս են նաեւ Արճէշի կողմերից: Ինչպէս արդէն տեսել ենք, Սարգիս վարդապետի մահից յետոյ՝ նրա աշակերտներին սովորեցնում էր Վարդան վարդապետը, որ մի չորս տարի յետոյ վախճանում է: «Եւ որք մնացեալ աշակերտաց նորա, — գրում է Մեծոփեցին, — թողեալ զնացաք ի գաւառն Սիւնեաց առ մեծն Գրիգոր վարդապետին ամենայն Հայոց... Որ եւ նա ուրախացեալ յոյժ՝ սիրով ընկալաւ զմեղ իրբեւ զորդիս իւր սիրելի հոգեւոր եւ բաղձալի. զի հայր նորա էր ի գաւառէն Գալբերունեաց ի քաղաքէն Արճիշոյ»: «Եւ երկոտասան եղբարք, աշակերտք մեծին Սարգսի, մեք էաք որ յետ մահուան նորա զնացաք յաշակերտութիւն նորա», շարունակում է Մեծոփեցին, յիշելով իր ընկերների անունները՝ վերջին տեղում յարելով «եւ ես անարժանս թովմա»: Տաթեւացին ժողովում է իր աշակերտներից շատերին եւ վաթսունից աւելի քահանաներ, ինչպէս եւ Արճէշի կողմից եկած տասներկու կրօնաւորներին եւ սկսում է «ուսուցանել զգիրս արտաքին իմաստասիրացն», ապա եւ ուրիշ գրուածքներ: Նա իր գործը կատարում էր դժուար ժամանակում, երբ «ոչ գոյր անգործութիւն եւ ոչ հանգիստ խաղաղութեան վասն անօրինաց չարութեան»: «Բռնաւորն Յուսուփ, տէրն Թաւրիղու, էառ զՈրոտն ի Սմբատայ իշխանէ, վասն բարեխօսութեան նոցա եկն. եւ նա ոչ լուաւ աղաչանաց վարդապետին»: Այդ Յուսուփը Ղարա-Ղոյունի Ղարա-Յուսուփն է, որ Լանկ-Թամուրի մահից յետոյ վերականգնել էր իր տէրութիւնը (1405—1420 թ.): Այն ժամանակ Գրիգոր Տաթեւացին, «ի հալածմանէ անօրինաց», առնելով իր աշակերտներին, 1409 թ. տեղափոխում է Արճէշի գաւառը, Մեծոփայ վանքը. վանահայր Յովհաննէս վարդապետը սիրով ընդունում է նրանց: Հաւաքւում են զանազան կողմերից շատ ունկնդիրներ եւս, եւ աւելի քան ութսուն արեղայ, եւ Տաթեւացին մի ամբողջ տարի պարապում է նրանց հետ, մեկնելով Ս. Գրքի հետ «եւ զգիրս գրչութեան երկոքեան վարդապետացն Գէորգայ Լամբրոնացոյն եւ Արիստակէսի»: Այստեղ էլ, սակայն, նա չի կարողանում հանգիստ կատարել իր ուսուցչական գործը. նրա աշակերտները մի տարի յետոյ՝ «գաղտնադողի առնում են նրան», այսինքն փախչւում են, գնում Արարատեան գաւառը, «առ մեծ վարդապետն Յակոբ Սաղմոսավանից՝ հոգեւոր հարազատն իւր: Եւ մեք ամենեքին՝ վարդապետք եւ աշակերտք զնացաք առ նա», աւելացնում է Մեծոփեցին: Հետեւը գնում են եւ ուրիշները, որոնց թւում եւ Մեծոփայ վանահայրը՝ Յովհաննէս: Յայտնի է, թէ ո՛րքան է մնում Տաթեւացին Սաղմոսավանքում: Տաթեւից գալիս են նրա աշակերտները եւ քեռորդին, եպիսկոպոս Առաքել Սիւնեցին, վերադարձնում են նրան Տաթեւի վանքը, բայց նա այլեւս երկար չի ապրում. հիւանդանալով շուտով վախճանում է 1410 թ., ըստ ուրիշների՝ 1414 թ. աւանդներին:<sup>1</sup>

<sup>1</sup> Թովմա Մեծոփեցի, Պատմութիւն, էջ 34, 51 եւ հտ., 59 եւ հտ.:

Ահա իր ժամանակի մեծ վարդապետը, որ չնայելով դժուարութիւններին՝ եռանդով անվհատ շարունակում է իր ուսուցչական գործունէութիւնը, պարապելով բազմաթիւ աշակերտների հետ, որոնք իրենց «վարժապետի» հետ աստանդում էին, փախչում Հայաստանի այս կողմից այն կողմը: Մեծովեցին, ցաւօք, չի յայտնում, թէ ինչպէս եւ ում օգնութեամբ էին ապրում այն ուսումնասէրները բազմութիւնները: Անշուշտ օգնում էին առանձին անհատներ. վերելում տեսանք «մեծատան որդի» ճգնաղգեաց Մաղաքիոս վարդապետի նիւթական օժանդակութիւնը վանական դպրոցներին: Մի նոյնպիսի օգնութիւն յիշում է եւ Գրիգոր Տաթեւոցին իր «Ամարան հատորի» վերջում գրուած «Յիշատակարանի» մէջ (էջ 721): Նա իր ուսուցիչ Յովհաննէս Որոտնեցուն եւ ուրիշներին յիշելուց յետոյ՝ ասում է.

Եւ զՀարապետ միայնական,  
Որ նա եղել մեզ օգնական,  
Հոգալ ըզպէտրս մարմնական  
Աշակերտաց մերոց լըման,  
Յիշման ի տէր լիցի արժան:

Երեւի վանահայրերն էլ էին հոգում նրանց մարմնական կարիքները: Բայց անշուշտ այդ չէր այնքան նեղութիւն պատճառում այն սակաւապետ մարդկանց, որքան իշխողների կեղեքումը եւ խռովայոյզ վիճակը, որ արդելք էր լինում նրանց իրենց սիրած ուսումով պարապելու: Գրիգոր Տաթեւացին էլ ոչ թէ նիւթական պակասութեամբ էր մտահոգուած, այլ, ինչպէս ինքը գրում է,<sup>1</sup> իրենց տկամոյ կրած չարչարանքներով, իրենց ստրկական ծառայութեամբ եւ որ իրենք իսկապէս ստրկացած են եղել խոտոսիրտ տէրերի ձեռին: Նա խնդրում է, որ Ս. Գրիգորի բարեխօսութեամբ Աստուած աղատի իրենց «յաշխարհակալէն յըստ հոգւոյ գերողէն եւ յըստ մարմնոյ նորին արբանեկաց չարաչար տանջողաց»:

Գրիգոր Տաթեւացու համբաւը մեծ է եղել ոչ միայն նրա սրբակրօնութեան եւ ուսուցչական գործունէութեան համար, այլեւ նրա բազմաթիւ գրական աշխատութիւնների: Դրանցից այստեղ կը յիշենք միայն երեք մեծ հատորները, որոնք տպագրուած են դեռ 18-րդ դարում:

Նրա «Հարցմանց գիրքը»<sup>2</sup> երկուսն են՝ մեծ եւ փոքր: Վերջինիս վերնագիրն է՝ «Հարցմունք Գէորգ վարդապետի եւ լուծմունք Գրիգորի նորին հարազատին»:<sup>3</sup> Այս Գէորգ վարդապետը վերելում յիշուած Գէորգ Երզնկացին է, Յովհաննէս Որոտնեցու աշակերտներից մէկը, որ նոյնպէս պարապել է գրականութեամբ՝ գրելով լուծմունք ու մեկնութիւն: Տաթեւացին մանրամասն պատասխանել է նրա 14 հարցումներին «չըջաղայութեամբ տօմարի Հայկազեոն սեռից հարիւրից կրկնակի քառից եւ վեցեակ վեցից», որ է՝  $836 + 551 = 1387$  թ.:

1 Գիրք քարոզութեան որ կոչի Ամարան հատոր, արարեալ... Գրիգորի Տաթեւացուն, Կ. Պոլիս, ՌՃՂ. (=1330+551=1741), էջ 421, Ս. Գրիգորի քարոզի վերջում:

2 Գիրք հարցմանց... Գրիգորի Տաթեւացուն, Կ. Պոլիս, ի Թուրքի Հայոց ՌՃՀԸ. (=1478+551=1729):

3 Տպագրուած է նախորդի վերջում, էջ 773—789:

Մեծ «Հարցմանց դիրքը», ինչպէս հեղինակը յայտնում է վերջում դրուած «Յիշատակարանի» մէջ, աւարտել է, «ի չընթացողութեան Հայկազեան տօմարի ՊԽԶ Թուի», որ է՝  $846 + 551 = 1397$  Թուականին: Գրել է «ի խնդրոյ ումիմն բանասիրի Ատոմի», «բազում միջոցաւ եւ փախստեամբ ի տեղիս»: Սկզբի «Յառաջարանի» մէջ (էջ 4 եւ հտ.) յայտնում է, թէ գրել է «ի խնդրոյ ուրումն աշակերտի Ատոմի», այլեւ թէ իր աշակերտներն էլ շատ անգամ աղաչել են իրեն «գինդիրս ոմանս լուծոնել»: Բացի այդ՝ աւելցնում է նա, «Ձի աշխատութիւն իմ մի միայն լիցի ներկայիս լսելոյ, հոգ տարայ եւ յետնոցն դըշաւ աւանդել»: Ուրեմն չի բաւականացել բերանացի դատախօսելով, իր դատախօսածն աւանդել է եւ գրաւոր: Դա հարց ու պատասխանով յօրինուած մի դասագիրք է իսկապէս այն բոլոր խնդիրների մասին, որ հետաքրքրելիս են եղել տփն ժամանակի հարցասէրներին: «Յիշատակարանի» մէջ (էջ 772) յայտնում է, թէ «է՛լ ինչ ի սմա հաւաքեալ ի լուսաւոր բանից վարդապետաց սրբոց բոտ դրոյն կամ իմացուածոյն»: Օգտուում է եւ արտաքին իմաստունների կարծիքներից: Կայ բան էլ, որ իրենից է գրել: «Ձոր եւ ես զօրէն մշակաց բազմահաւաք պտղոց. կամ փունջ մի տնուշահոտ բազմերանդ ծաղկանց, կամ չնչին Թուջնոյ զխորիսիս մեղու, կամ որպէս զլոմայս արևոյն տառապեալ զոյիւ աղերս [=պարզեւ] ընծայեցի ի դանձանակ ճոխութեան ձերդ մեծութեան, իմաստասէր եւ ճշմարտասէր եկեղեցոյդ Հայաստանեայց եւ ընթերցասէր մտաց»:

«Յառաջարանի» մէջ խօսում է իր կիրառած տրամաբանական մեթոդի մասին: Դրանից առաջ, գրքի սկզբում, գրել է ամբողջ աշխատութեան «մեծ ցանկը» — քառասուն զլուխ, վերջից քառասունմէկերորդը՝ «Հարցմունք Գէորգայ»: Այդ ցանկի վերականգնութիւնից արդէն իմացում է գրուածքի ամբողջ բովանդակութիւնը — «վիսաւոր բանք»: Յետոյ էլ ամբողջը բաժանում է տասն հատորի, եւ ամէն հատորի սկզբում դնում է նոյն հատորի ցանկը՝ պրակների բաժանած, եւ յողա ամէն մի պրակն ունենում է իբրեւ մի մաս, որի վերնագրի մէջ յայտնում է, թէ «մեծ ցանկի» որ կէտին է համապատասխանում, օրինակ՝ «զլուխ Գ. ի մեծ ցանկէն եւ առաջին պրակ երկրորդ հատորիս. վասն թիւրութեան հերձուածողաց»: Եւ վերջապէս՝ անհրաժեշտ է համարել այդ մեծ գրքի ամէն մի վերին լուստնցքում էլ դնել հատորը, պրակը, բովանդակութիւնը. օրինակ, «Հատոր Բ. պրակ Ա. վասն հերձուածողաց»: Այսպէս ամէն միջոցներ ձեռք է առել, որպէսզի, ասում է նա, զիմելով ընթերցողին, «զիւրաւ գտցես զամենայն զոր եւ խնդրեսցես առանց չփոթելոյ ի կարգի իւրեանց»: Այս ամէնը, հարկաւ, մի լոկ արտաքին ձեւ է, բայց այդ միայն վկայում է, թէ որքան, — մեր ժամանակի համար անգամ նախանձելի, — մեծ հոգացողութեամբ է վերաբերուել նա ղէպի իր ընթերցողները, եւ որքան մեծ արժէք է տուել նա իր դործադրած նիւթի բաշխմանը եւ դասաւորութեանը:

Այստեղից եւ ընդհանրապէս «Հարցմանց գրքի» բովանդակութիւնից երեւում է, որ շատ կարգադատ, շատ մտածած մարդ է եղել Գրիգորը, լաւ ծանօթ տրամաբանութեանը, կշտողաւորող եւ համեմատող, դասաւորող, տեսակաւորող եւ ուսանողների ղիւրութեան համար խորհող: Նոյն ոգին երեւում է եւ նիւթի բացատրութեան կամ չարադրութեան մէջ: Զգտելով հար-

ցումներին ըստ կարելոյն լիակատար պատասխանել, բերում է նոյն խնդրի մասին դանազան վկայութիւններ ու պատճառներ, բազմաթիւ կարծիքներ ու լուսարանութիւններ, եւ որպէսզի ընթերցողի համար չփոթում առաջ չգայ, սովորաբար դիմում է թուարկութեան — առաջին, երկրորդ եւ այլն, թուարկութիւնները հասցնելով երբեմն մինչեւ 30-ի, եւ աւելի եւս: Որպէսզի իր գործը թերի եւ անբաւարար չլինի, նա բերում է նաեւ հակառակորդների կարծիքները եւ ընդդէմ պատասխանները: Օրինակ՝ տառերորդ հատորի մէջ շատ երկար խօսելով «Վասն հանդերձեալ աշխարհին», մերժում է կաթոլիկների ընդունած «քաւարան» ասածը, եւ նոյն հատորի ԺԳ. պրակ դընում է «Վկայութիւնք հակառակացն եւ պատասխանիք նոցին» (էջ 695), այսպէս սկսելով. «Այլ եւ տեսցուք զվկայութիւնիս հակառակացն եւ յարմարեսցուք զպատասխանին, զի առձեռն պատրաստ լիցի»:

«Հարցմանց դրքի» խնդիրները, բնականաբար, ամենամեծ մասով կը բռնական են, «Ընդդէմ նոցա որք զբախտն եւ զհարկն ասեն», այսինքն ճակատադրի հաւատքն ընդունողների դէմ. «Ընդդէմ հրէից», «Ընդդէմ արիոսեանց», «Ընդդէմ հոգէմարտիցն», «Ընդդէմ Նեստորի եւ երկաբնակացն», «Աստուածաբանութիւն ըստ Դիոնիսիոսի» եւ այլն: Խօսում է եւ հրեշտակների եւ դեւերի, մեղքերի եւ առաքինութիւնների, մարդու հոգու եւ բազմաթիւ ուրիշ նիւթերի մասին: Հետաքրքիր է «մեծ ցանկի» ԺԵ. գլուխը՝ կամ հինգերորդ հատորը. «Վասն կազմութեան մարդոյն», որի մէջ բերում է ոչ միայն մարդակազմութեան, այլեւ բնախօսութեան վերաբերեալ դիտելիքներ, տալով ժամանակին հետաքրքրող հարցերի պատասխանները: Օրինակ՝ Ս. Գրքի մէջ պատմում է, թէ մարդը հողից է ստեղծուել. ուստի առաջին հարցումն է. «Վասն է՞ր մարդն ի հողոյ ստեղծաւ»: «Պատասխանի՝ Ասեմք վասն բազում պատճառի: Նախ՝ որպէս ասացաւ ի վերոյ, հողն ունի զայլ դ [=երեք] տարերքն խառնեալ. յորժամ ի հողոյ ասէ՝ [Ս. Գիրք] իմանալի է զդ [չէորս] տարերս»: Ուրեմն՝ մարդն իսկապէս չորս տարրներից է կազմուած եւ ոչ թէ միայն հողից: Ապա բերում է թուարկութեամբ ինն ուրիշ պատճառներ եւս հողից ստեղծուելու, օրինակ՝ «Իններորդ՝ զի մայր մեր հողն է, ե՛ւ սեղան, ե՛ւ տեղիք, ե՛ւ գերեզման, թէպէտ եւ այլ տարերքն են մեզ ապրկանք, այլ մեր ի մօրէ՛ ծնանիմք»:<sup>1</sup>

Կան դատողութիւններ եւ ապացոյցներ, որոնք շատ միամիտ են. բայց չպէտք է մոռանալ, որ հեղինակն ապրել է 14-րդ դարում: Այսու հանդերձ՝ նա եղել է մեծ մտածող, ուժեղ տրամաբանող, եւ նրա երկերի մէջ կան նաեւ իր ժամանակի համար շատ լուսաւոր մտքեր եւս: Այսպէս, օրինակ, ճակատադրի հաւատքը հերքելիս՝ իրեւ մի երրորդ հիմք դնում է հետեւեալը (էջ 8 եւ հտ.). «Երրորդ՝ եթէ զոր ինչ ասէաք եւ ճշմարիտ էր, յայնժամ բանս մեր ոչ հետեւէր իրացն, այլ իրն բանիցն հետեւէր. որ է՛ յայտնապէս սուտ. զի մնացականն ոչ մնացականին ո՛չ հետեւի: Այլ անդառնալով [ = ուրիշ կերպ պատասխանելով, այլ կերպ ասած ]. զի հետքն՝ ընթացից ոտիցն հետեւին, եւ ոչ ոտքն հետոցն. եւ ստուերն՝ մարմնոյ, եւ ոչ մարմինն՝ ստուերին:

1 Գրեգոր Տաթեւացի, Գիրք Հարցմանց, էջ միթ=229:

«Ապա ուրեմն յայտ է, զի բանն զիրն ո՛չ կարէ ճշմարտել. այլ իրն զբանն ճշմարտէ, յորժամ զոյ կամ ո՛չ զոյ...»: Այսպէս ուրեմն՝ «բանը», խօսքը, մտածութիւնն է հետեւում իրականութեանը, ոչ թէ իրականութիւնը՝ խօսքին, որ մտածութեան արտայայտութիւնն է:

Աւելորդ է այստեղ զնել կաթողիկէ եւ հայկական աստուածաբանութիւններին հմուտ անձի կարծիքը:<sup>1</sup> «Տաթեւացին անկասկած պէտք է դասել ժամանակին գիտնականներուն շարքը: Հարցմանց գիրքը, թէ ո՞նով եւ թէ պարունակութեամբ համահաւասար կերպարան եւ արժէք ունի միջին դարու հռչակեալ լատին աստուածաբաններուն, Թոմաս Ակուինացիի, Ալբերտոս Սուարեցիի, եւ սկովտոս Երինացիի (Thomas Aquinatis, <sup>2</sup> Albertus Sueviensis, <sup>3</sup> Scotus Erigena<sup>4</sup>) զործերուն հետ, հանգիստալիս առաւելութիւններով եւ համանման թերութիւններով: Ասկէ կը հետեւցնենք թէ ոչ միայն լատիներէնի հմտութեամբ, այլեւ լատիններուն ընդունած ձեւերով ուղած է մաքառիլ անոնց դէմ: Մինչեւ իսկ կրնանք տեսնել, թէ Հարցմանց գիրքին միջին բացատրութիւններ կրնան լուսաբանուիլ Սկոլաստիկեաններուն լատիներէն դարձուածներուն համեմատութեամբ»: Սրանից, սակայն, չպէտք է հետեւցնել, թէ Տաթեւացին լատինարան հայերէնով գրած լինի. նա յորինում է մաքուր հայերէնով: Բայց զարմանք է, որ այդպէս գրելով հանդերձ՝ նա մէկ մէկ դործածած լինի օտարաբանութիւններ, յատկապէս երբ իր կաթողիկէ հակառակորդների կարծիքներն է մէջ բերում:

Գրիգոր Տաթեւացու երկրորդ մեծ աշխատութիւնն է «Քարոզգիրքը», երկու մեծ հատոր. առաջինը՝ «Զմերան հատոր»,<sup>5</sup> երկրորդը՝ «Ամարան հատոր»:<sup>6</sup> Այս երկրորդի վերջում (էջ 720 եւ հտ.) կայ հեղինակի յիշատակարանը, որից իմացում է, որ նա քարոզների գիրքը կազմել է «ի ստորասուղեալ ժամանակի ի թուարեութեան մեծի յուլին հարիւր յիսուն եւ վեցերորդի ամի» (856+551=1407): «Զմերան հատոր»-ն, ասում է, պարունակում է ճԿ (=160) քարոզ, եւ «Ամարան հատորը»՝ ձՁԴ (=184): Նա յայտնում է, որ քարոզների մէջ կան այնպիսիները, որոնք իրենք չեն, այլ ուրիշներից են առնուած. ուստի վերնագիրների մէջ դրուած են «նորին» եւ «յայլմէ», «զի յատկացին ի միմեանց, եւ մի՛ դողացեալ թուեսցին տխմարաց մտաց»: Ուրիշներից առած քարոզները բաւական թիւ են կազմում, հեղինակների անունները չի յիշում սովորաբար: Առաջին հատորի (էջ 15) երկրորդ քարոզն է «Եւամեծի Յօհաննու Որոտնեցւոյ տիեզերալոյս բարունապետի...»:

Այստեղ, հարկաւ, չպիտի խօսենք քարոզների բովանդակութեան մասին, որ շատ բազմազան է, ընդհանրապէս բարոյակրթական եւ ուսուցական.

1 Մ. Օրմանեան, Աղգապատում, էջ 2029:

2 13-րդ դարի ամենից գիտուն եւ մեծ աստուածաբանը:

3 13-րդ դարի սքոլաստիկ փիլիսոփայ եւ աստուածաբան:

4 9-րդ դարում, սքոլաստիկայի հիմնադիրներից մէկը:

5 Գրք Քարոզում, սքոլաստիկայի հիմնադիրներից մէկը... Գրիգորի Տաթեւացւոյ, Կ. Պոլիս, Թուրք ՌՃԶԹ (=1489+551=1740):

6 Գրք Քարոզութեան, որ կոչի Ամարան հատոր, արաբեալ... Գրիգորի Տաթեւացւոյ, Կ. Պոլիս, Թուրք ՌՃԶ (=1490+551=1741):

ուղղութեամբ: Խօսում է, օրինակ, սիրոյ, խոհեմութեան, արիութեան եւ գործի, հեղգերի, երկրագործների մասին, այլեւ քնի, «Հալալ ամուսնութեան», «վասն արդար վաճառաց եւ կշռոց», եկեղեցու խորհուրդների եւ այլն եւ այլն: Մեծ տեղ են բռնում նաեւ սրբերի ու տօների վերաբերեալները:

Տաթեւացու «Քարոզը», որ իբրեւ տեսակ, փոխանակել է հին «ճառին» եւ «նեբրողեանին», չունի վերջիններիս պերճ ու պաճուճած եւ եռանդայից ձեւը, ընդհանրապէս սառն ու ցամաք է, պարզուկ ու հասարակ, խօսուած լեզուին մօտ, բայց ոչ միջին հայերէնով: Իշխող տոնն է հանգիստ սովորեցնող ուսուցչի, որ տալիս է լուրջ բացատրութիւններ. ազատ չէ սքոլաստիկ ձեւերից, թուարկութիւններից եւ մեկնութիւններից, որոնք իր ժամանակի մարդկանց համար անհրաժեշտ ու հաճելի են եղել: Առաքել Սիւնեցին չափազանց գովելով իր «մեծ վարդապետ» Գրիգորին՝ անուանում է նրան «մեծ հռետոր», «քաջ հռետոր», «հոգեչարժ լեզուի» ակէր: Անշուշտ, նա իր բերանացի քարոզների մէջ աւելի հռետորական շնորհ է ցոյց տուել, քան գրաւորների մէջ: Յովհաննէս Որոտնեցու թաղման ժամանակ տասը նրա ներբողեանն<sup>1</sup> խկապէս հարուստ է ճարտասանական ձեւերով — հարցում, բացազանչութիւն, կրկնութիւն նման կազմութեամբ խօսքերի եւ այլն. կան նաեւ պատկերաւոր եւ առատարան արտայայտութիւններ առանց ճոռոմութեան, տրամադին զգացմունքով եւ անկեղծ սիրով լի մի գեղեցիկ ներբողեան, Սուրբ Գրքից առած նմանութիւններով մի երախտագիտական գովեստ արժանաւոր դործչի:

Բայց ինչպէս էլ լինի, այս շրջանի վարդապետների դիւսաւոր երկերը մեծ մասամբ ունեն ոչ թէ գրական-գեղարուեստական արժէք, այլ ընդհանրապէս կուլտուրական: Կարելի է, հարկաւ, մեր ժամանակի չափանիշով վերաբերուել նրանց գիտական գրուածքներին ու գործունէութեանը: Առասպելներն ու զրոյցները, սին գատողութիւններն անվամ պարզում են այն դուրս ողին ու հասկացութիւնները, կեանքն ու բարքերը, էլ չենք ասում կան նաեւ բազմաթիւ փայլուն մտքեր ու գատողութիւններ, որոնք այն ժամանակի համար ակներախ են: Զպէտք է մոռանալ, որ այն մարդիկ տքնել եւ յօրինել են գործնական նպատակի համար — պատրաստել, ըստ իրենց ժամանակի հասկացութեան, գիտուն աշակերտներ, որ ընդունակ լինէին մաքառելու եւ աղգային անկման առաջն առնելու:

Նոյնպիսի գործնական նպատակի համար է յօրինել Գրիգոր Տաթեւացին իր ուրիշ աշխատութիւններն եւս, այսինքն՝ «զԱրիստոտելի գրոց լուծմունան, զՍտորագրութեանցն, զՊէրիարմէնիասին, եւ զԱռաքինութեանցն. նաեւ զՊորփիրին զպարապմանց լուծմունքն զՍաղմոսի քաղուածոյն, զԱռակաց քաղուածոյն, եւ զիմաստութեանն, եւ զԺողովողին... զՅորայ լուծմունքն, զՅօհաննու աւետարանի քաղուածուն զԼուծմունքն Արիստակիսի եւ Գէորգեայ զրչութեանն... զՔաղուածուն Մատթէոսի աւետարանին, եւ զԵսայեայ քաղուածուն, եւ զՈւկեփորիկն, եւ այլն»:<sup>2</sup>

1 Քարոզգիրք, Ամարան հատոր, էջ 711 եւ հտն. «Նորին Գրիգորի ներբողեան ողբերգաբար ոգեալ ի թաղումն տիեզերաւոյս վարդապետին իւրոյ Յօհաննու Որոտնեցու» (գլուխ ՃԶԵ):

2 Տես՝ Գիրք հարցմանց. էջ 791. «Յիշատակարան տպեցման Գրքոյս»:



6. Թովմա Մեծոփեցի:— Քաջբերունեաց դաւառից էր սա. սովորել է Մեծոփայ վանքում, նաեւ վերելում յիշուած Սարգիս վարդապետի մօտ. աշակերտել է, ինչպէս տեսել ենք, Գրիգոր Տաթեւացուն: Նա իր ժամանակի ուսումնասէր ու դործունեայ վարդապետներից է եւ առանձին մասնակցութիւն է ունեցել կաթողիկոսական աթոռը 1441 թ. Սիս քաղաքից Վաղարշապատ տեղափոխելու դործի մէջ: Իր յիշատակը մնում է գլխաւորապէս երկու փոքրիկ գրաւոր աշխատութիւններով:

Նրա առաջին գործն է վերելում շատ անգամ յիշուած «Պատմութիւն Լանկ-Թամուրայ եւ յաջորդաց իւրոց»,<sup>1</sup> որ գրական արժէք չունեցող մի հասարակ գործ է: Իսկապէս մի տեսակ ժամանակագրութիւն, մեծ մասամբ յիշողութեամբ գրուած, երբեմն նոյնի կրկնութիւններով: Եւ ինքը հեղինակն էլ լաւ գիտէ իր գրուածքի թերութիւնը. այսպէս՝ (էջ 44) խօսելով չորս վարդապետների նահատակութեան մասին, աւելացնում է. «Այս չորս վարդապետքս յաւուրս մեր անօրէնք սպանին... Այս էր ի յ 874 [=1425] թուակոնին աւելի կամ պակաս. դու անմեղադիր լիւր, զի ծեր էի եւ յետ 50 ամացս սկսայ. վասն այսորիկ յետ եւ յառաջ գրեցի»: Բայց եւ այնպէս Թովմայի աշխատութիւնը պատմական տեսակէտով կարելոր է: Հայաստանից դուրս կատարուած եղելութիւնների մասին գրածները շատ համառօտ են, եւ մասամբ անճիշդ: Հայաստանի վերաբերեալ պատմութիւնն սկսւում է 1386 թուականից Սիւնիքի աւերմունքով հիւսիսային թաթարների ձեռով: Այդ համառօտ պատմում է Լանկթամուրի 1387 թ. դործած կոտորածներն ու դերութիւնները Հայաստանի զանազան կողմերում, մի առ մի յիշատակելով տեղերի անունները: «Եւ անտի [Թաւրիդից] չուեալ եկն յերկիրն Սիւնեաց ի վերայ գղեկին Երնջակու. եւ ապա ի վերայ երկրին Ճակատուց՝ էառ զքաղաքն Սուրբ Մարի ի հիմանց տապալեալ դամուրն մեր... եւ զերեաց զքաղաքն եւ դամենայն չրջակայ գեղորայան»: Հայերն ամբողջում են Բարդուղ լեռան վրայ, որ թշնամիները չեն կարողանում առնել: «Եւ անտի չուեալ եկն յերկիրն Արարատեան եւ Կարբու եւ Կոտայից. եւ խաբեալ [պաշարեալ] զամուրն Բջնոյ՝ էառ զնա եւ սպան զեպիսկոպոս աշխարհին զտէր վանական, որ էր այր իմաստուն եւ գիտնական... Եւ զայլ ամենայն բաղմութիւն հաւատացելոց չարչարէին տանջանօք, սովով, սրով, զերութեամբ, անտանլի չարչարանօք եւ անսպորոյն բարուք անմարդաձայն արարին զամենալից պաւռն Հայոց... Եւ առեալ զառ եւ վաւար եւ զգերին անթիւ, զոր ոչոք կարէ ճառել զաղէտս եւ զղառնութիւն մերոյ ազգին: Եւ ընթացեալ բազում զօրօք ի Փայտակարան Տփղիս քաղաք, էառ զնա եւ գերեաց անթիւ եւ անհամար»:

Համեմատաբար մանրամասն պատմում է յաջորդ տարում (1388 թ.) դարնանը Լանկթամուրի յարձակումը Ղարա-Ղոյունլի թուրքման Ղարա Մահմադի վրայ եւ պարտութիւնը Ճապաղջրում, ինչպէս եւ նոյն տարում նրա զօրքի ջարդուելը Սասունի վրայ յարձակուելիս: Պատմագիրն անձամբ եղել է այս իրողութիւնների մէջ: Նա գրում է. «Եհան զմեզ զառ ի վեր չերինն խուժայ: Եւ նոյն օր հասին զօրք Չաղաթային [=Լանկթամուրի]

1 Թովմա Մեծոփեցի, Պատմ., Փարիզ, 1860:

ի վերայ մեր... Եհաս մեղ ի յօգնականութիւն... և մեք ի լեռն ելանէաք... Եկն Եհաս առ մեղ... Որ եւ ես ի ներս կայի» (էջ 21-28): Նա անձամբ եղել է եւ Վանի մեծ կոտորածի մէջ. «զոր տեսաք աչօք եւ լուաք ականձօք մերովք»: «Բայց ո՞վ կարէ պատմել զթիւ դերեացն եւ զսպանումն անմեղացն... զի լցաւ աշխարհ ամենայն դերութեամբ Հայոց. մեռան քահանայք եւ աշխարհականք, հաւատացեալք եւ անհաւատք... Աւա՛ղ եւ եղո՛ւկ ամենայն Հայոցս՝ զի աւերեցաւ ամենայն երկիրս. զի յԱրճիշոյ մինչեւ ի տունն Վրաց. եւ մինչեւ ի Կուր դետն Աղուանից չաղախեցաւ արեամբ անմեղաց երկիր ամենայն չարչարանօք, սպանմամբ եւ դերութեամբ: Եւ յետ դնալոյ նորա յաշխարհէս մերմէ եկն սով սաստիկ յաշխարհս մեր եւ տարածեցաւ յամենայն տեղիս... Զի ոչ կարեմ պատմել զդառնութիւնս մեր զոր տեսաք աչօք եւ լուաք ականձօք. զի ջնջեցաւ մարդկութիւնս, մահաւանդ Հայկազ-եան դաւառիս» (էջ 30 եւ հտն.):

Ապա պատմում է, թէ 1395 թ. Լանկթամուրը Միջագետքից դարձեալ արշաւում է Հայաստանի վրայ, սրով ու հրով եւ դերութեամբ աւերում Երզնկա, Բասեն, Արարատեան դաւառը, Սուրմառի, Կողբ եւ այլն: Դրան էլ յաջորդում է սովը: Կռիւ է լինում Չաղաթայի եւ Յուսուփի (Թուրքման Ղարա Յուսուփի) միջեւ, որ փախչում է Չաղաթայի ձեռից: Երրորդ անգամ էլ Լանկթամուրը 1401 թուին արշաւում է մեր աշխարհի վրայ, 1402 թ. անգութ կոտորածներ անում Սերաստիայում, յաղթում է Իւտրումին [=սուլթան Բայազիդին], վերադառնալով աւերում, գերում մինչեւ Վրաստան եւ ետ գնում իր քաղաքը:

Այնուհետեւ Մեծոփեցին աւելի ու աւելի մանրամասն գրում է Լանկթամուրի յաջորդ Շահ-Ռուհի (1405-1447 թ.) եւ Ղարա Ղոյունլի Ղարա Յուսուփի, սրա որդի Սքանդարի (1420-1437) եւ սրա եղբայր Ջահան-շահի օրով կատարուած դէպքերի մասին: Շարունակ պատերազմներ, յարատեւ նոյն աւերումները, կողոպուտները, շատ կարճատեւ խաղաղութիւն այս կամ այն շրջաններում, այն էլ մեծ հարկապահանջութեամբ նեղում են մերկ, ընչազուրկ ժողովրդին: Պատմագիրն իր պատմած եղելութիւններին ոչ միայն ժամանակակից է, այլեւ ականատես եւ անձամբ կրել է շատ նեղութիւններ: «Եւ այս կսկիծ դառնութեանս անճառելի է ընդ դրով արկանել, զայս սղէտ տարակուսանաց նեղութեանս: Բայց սակաւ մի ծանօթութիւն տամ յետ մեղ եկելոցդ զի լայով լայք զկորուստ ազգիս Հայոց, զի անձամբ ի ներս կայաք» (էջ 91), եւ ապա որքան կարող է՝ սրտաճմլիկ նկարադրում է երկրի թշուառութիւնը: «Եւ այս եօթն ամբն են որ ի ներքոյ դառն պատուհասի կամք. զի սուրն կորոյս, սովն սղան, գերին պակասեաց, դաղանք կերան զմարդիկ, թռչունք կերան զվաստակս...» (էջ 95): Վերջին դէպքը որ պատմում է, Շամշուտէ քաղաքի, ապա եւ Տփղիսի առումն ու կործանումն է 1440 թ. Ղարա Ղոյունլի Ջահան-շահի ձեռով:

Ինչքան ըստ երեւոյթին աննշան է Մեծոփեցու այս պատմական դործը, բայց նա դրանով շատ պայծառ տալիս է մեղ իր չարաբաստիկ ժամանակի թշուառութիւնների տխուր պատկերը 1386-1440 թ., երկրի անկումն աւելի քան Լանկթամուրի ձեռով՝ նրանից յետոյ իշխող թաթարների, թուրքմենների ու քրդերի վայրագ արարքներով: Յարատեւ իշխում է մի

մղճաւանջային դրութիւն, որ շատ զգայուն սրտով եւ կենդանի ցուցադրում է մեր այս պատմագիրը, որովհետեւ ինքն էլ ուրիշների հետ անձամբ ապրել է շատ բան: Պատկերը լրիւ է, քանի որ նա միաժամանակ խօսում է նաեւ վանքերի եւ նշանաւոր վարդապետների — Յովհան Որոտնեցու, Գրիգոր Տաթեւացու եւ նրանց աշակերտների անդուլ գործունէութեան մասին՝ Հայաստանում լուսաւորութեան ու գիտութեան ճրագը դռնէ՝ վառ պահելու այդ աղետալից դարում: Այդ մենք տեսել ենք արդէն:

Մեծոփեցու երկրորդ աշխատութեան նիւթն է կաթողիկոսական աթոռը 1441 թ. Սիւ քաղաքից Վաղարշապատ տեղափոխելը եւ Կիրակոս կաթողիկոսի աթոռակալութիւնն ու անկումը յաջորդ երկու տարում:<sup>1</sup> Սկզբում անուններով յիշում է այն նշանաւոր վարդապետներին, որոնք զանազան վանքերից հաւաքուելով եկեղեցական ժողով են անում: «Եւ այլ բազում վանորայք եւ կրօնաւոր սուրբ հարք եւ պատուական երիցունք աւելի քան դերեք հարիւր անձինս եւ բազում միայնակեացք. եւ ողատք եւ որդիք աղատաց ձեռնաւորք եւ տանուտէքք. եւ անթիւ եւ անհամար բազմութիւն ժողովրդեան՝ արանց եւ կանանց»: Մի խումբ հեռաւոր վարդապետներ եւ եպիսկոպոսներ դրաւոր թղթով իրենց համաձայնութիւնն են տալիս աթոռի տեղափոխութեան համար: Ապա Մեծոփեցին մի առ մի թւում է այն պատճառները, որոնց հետեւանքն է եղել կաթողիկոսական աթոռի տեղափոխութիւնը, որ կատարւում է Հայոց եկեղեցու անկման առաջն առնելու համար: Այդ վերաբերում է Հայոց եկեղեցու պատմութեանը:<sup>2</sup> Այստեղ այն միայն պէտք է շեշտել, որ այդ խնդիրն, ինչպէս տեսել ենք, մեր բանաստեղծութեան մէջ արծարծուած էր դեռ 1300 թ. Ստեփաննոս Օրբէլեանի «Ողբի» մէջ եւ այժմ, մօտ դար ու կէս յետոյ, իրադրուում էր Գրիգոր Տաթեւացու եւ ուրիշների աշակերտների — լաւագոյն հոգեւորականների ձեռով, որոնցից մէկին եւ այդ գործին նախաձեռնողներից ու ձեռներէցներիցն էր ինքը թովմա Մեծոփեցին:

Բայց նրանք եկեղեցական դասի մի փոքր մասն էին կազմում, այն էլ ոչ ամէնքը լաւագոյններից: Այն կողմում կար կրօնաւորների, վանականների ստուար մեծամասնութիւնը, նրանք, այսպէս ասած, աշխարհական վանականներն էին, որոնք վանքերից օգտւում էին միայն իրենց վայելքների եւ հաճոյքների համար, իսկ իրենց կենցաղով չէին տարբերւում աշխարհականներից եւ երբեմն ամէն տեսակ արտոններով ապականուած եւ աւելի եւս ընկած քան աշխարհականները:

Թովմա Մեծոփեցին իր Պատմութեան մէջ հանդէս է բերել 14-15-րդ դարերի անձնուիրութեամբ աշխատող լաւագոյն վարդապետներին, իսկ այստեղ, նրա այս փոքրիկ երկի մէջ մենք տեսնում ենք եկեղեցական դասի վատթար կողմերը 15-րդ դարում, նրա բարոյական քայքայումը, զեղծումները, խարդաւանքներ, կաշառակերութիւն, անուղղայ եւ անկարգ ու վաւաշ, հեշտասէր ու ցոփ կենցաղ եւայլն: «Անառակութեամբ եւ արբեցու-

1 Թովմա Մեծոփեցու «Յիշատակարանը», հրատարակեց յառաջաբանով Կարա-ետ Կոստանեանց, Թիֆլիս, 1892:

2 Տես անդ, էջ 7-48, Կ. Կոստանեանցի առաջաբանը. «Ս. էջմիածնի վերանորոգութիւնը ԺԵ. դարում»:

թեամբ եւ պիղծ վարուք չըջէին, եւ ինքեանք կապող եւ արձակող նստէին Հայոց» (էջ 56), — եւ այսպէս իրենք կաթողիկոսները:

Վանական կրօնաւորներ յանկումը սկիզբն էր առել շատ վաղուց. Ներսէս Շնորհալու գրուածքների մէջ արդէն այդ տեսանք: Այդ գրութիւնը երբեմն զօրանալով, երբեմն թուլանալով յարատեւել էր, եւ 15-16-րդ դարերում արդէն, կարելի է ասել, ծայրայեղութեան էր հասել: Թէպէտ կային, անշուշտ, եւ սրբակրօններ, բայց նրանք փոքրաթիւ են եղել եւ հետզհետէ կորցրել են իրենց ազդեցութիւնը: Այդ է պատճառը, որ էջմիածինը 1441 թ. դառնալով եկեղեցական կենտրոն, երկու հարիւր տարի շարունակ, մինչեւ 1640-ական թուականները, չի կարողացել դառնալ նաեւ կուլտուրական կենտրոն եւ առաջ բերել գրականութիւն:

### ԱՌԱՔԵԼ ՍԻՒՆԵՑԻ

1. Կենսագրական:— Տաթեւեան զպրոցի առաջնակարգ եկեղեցական բանաստեղծն է Առաքել Սիւնեցին, որի կենսագրութեան մասին շատ բան չգիտենք: Նա Գրիգոր Տաթեւացու քեռորդին էր եւ աշակերտել էր նրան, ինչպէս պէտք է եղրակացնել նրա հետեւեալ տուգերից.<sup>1</sup>

Զմեծ վարդապետն իմ դասասաց,

Գրիգոր անուն պատճառ բարեաց,

Յիշէք յաղօթս ձեր առ աստուած...

Զիմ մեծ բարունապետն յոյժ իմաստասէր

ԶԳրիգոր մեծ ճգնաղպեաց աղերսէք առ տէր...

Զմեծ վարդապետն իմ հանճարեղ...

Առաքելն արքեպիսկոպոս էր, «Սիւնեաց վերադիտող», այսինքն դըլխաւոր տեսուչ, առաջնորդ, որ նստում էր Տաթեւի վանքում: Նա բնականաբար հովանաւորում եւ օժանդակում էր իր առաջնորդարան վանքի ծաղկմանը: Ինչպէս տեսել ենք, նա անձամբ ուրիշների հետ դնում էր Սաղմոսավանք՝ Գրիգոր Տաթեւացուն իր աշակերտներով վերադարձնելու Տաթեւ, որտեղից նա այլազգիների պատճառով ստիպուած հեռացել էր: Թովմա Մեծոփեցին, որ Տաթեւում լսում էր Գրիգորին, շատ գովում է Առաքելին. «Եւ էր սուրբ ուխտին առաջնորդ հեղահովին եւ ընտրեալն յորովայնէ՝ սուրբ եպիսկոպոսն տէր Առաքել եւ մեծ իմաստասէրն, քուերորդին մեծ վարժապետին, որ ունէր զմիտքն իբրեւ զհրեղինաց. եւ էր սիրող ամենայն առաքինութեանց»: Ուրիշ անգամ այս պատմադիրը նրան անուանում է «իմաստասէր եպիսկոպոսն եւ վարդապետն Տէր Առաքել»:<sup>2</sup>

Գրիգոր Տաթեւացին էլ 1407 թ. գովեստով է խօսում Առաքելի մասին, գրելով թէ իր գրքով<sup>3</sup> յիշատակումն լինի՝

1 Առաքել Սիւնեցի, «Աղամագիրք», Վենետիկ, 1907, էջ 229, 271, 332 (յիշատակարանի մէջ):

1 Թովմա Մեծոփեցի, Պատմութիւն, էջ 51, 53:

3 Գր. Տաթեւացի, Գիրք քարոզութեան, Ամարան հատոր, վերջին յիշատակարան, էջ 721:

Նախ քեռորդուոյն իմոյ ըստ մարմնի,  
Ծընընդամիտ երգարանի,  
Առաքելոյ առաքինի,  
Եւ Սիւնական զըլխոյ արհի:

Վերջին տողից էլ իմանում ենք, որ Առաքելը եղել է Սիւնիքի «արհի», որ է՝ դիւխաւոր առաջին եպիսկոպոսը, արքեպիսկոպոսն ու առաջնորդը (զլուխը):

2. Երկերը:— Բացի առաջնորդական դործերից եւ գրականութիւնից նա ամենայն հաւանականութեամբ ունեցել է նաեւ ուսուցչական գործունէութիւն, եւ իր աշակերտների համար յօրինել է «Մեկնութիւն կամ համառօտ լուծմունք Սահմանաց՝ գրոցն Դաւթի անյաղթի», եւ «Քերականութեան մեկնութիւն» կամ «Քերականութեան լուծումն»: Եւ ի դուր չէ, որ Մեծօրհայրն նրան «իմաստասէր» է անուանում:

Բացի այս երկուսից՝ Առաքել Սիւնեցին ունի նաեւ բազմաթիւ ուրիշ արձակ գրուածքներ, մեծ մասամբ քարոզներ եւ ներբողներ,<sup>1</sup> բայց նա աւելի չափածոյ գրող է, մի «ծննդամիտ երգասաց», արգասաւոր բանաստեղծ: Տաղարանների եւ վանձարանների մէջ կան բազմաթիւ տաղեր, որոնց հեղինակ դրւում է Առաքել Սիւնեցին կամ «Տէր Առաքելը» կամ «Տէր Առաքեալը», ինչպէս նա ինքն իրեն անուանել է իր գրուածքների մէջ: Բայց կան շատ այնպիսի տաղեր էլ, որոնց հեղինակը յիշուում է լոկ «Առաքել» անունով, եւ այդպիսիները կարող են նաեւ Առաքել Բաղիշեցունը լինել: Հաստի կամ հաւանօրէն Առաքել Սիւնեցունը համարում են մօտ յիսուն տաղ եւ մի մեծ աստղաբաշխական քերթուած «Վասն երկոտասան կենդանակերպիցն ... ասացեալ ի յԱռաքել վարդապետէ», միջին կայ նաեւ այս տողը. «Տէր Առաքել գրեցի զայս բան»:<sup>2</sup> Այստեղ քննութեան չենք առնիլ նրա այս երկերը, այլ միայն նրա մի մեծ քերթուածը, որ յայտնի է «Աղամգիրք» անունով: Առաքել Սիւնեցին, ըստ երեւոյթին, ունի նաեւ աշխարհիկ ոգով բանաստեղծութիւններ, անգամ սիրու երգեր, բայց տողերիս գրողը ձեռի տակ չունի այնպիսիք:<sup>3</sup>

1 «Բաղմամուկ», 1913, մարտ, էջ 97—101. Մ. Պոտուրեանի «Մատենագրութիւնք Առաքել Սիւնեցունի».— Այստեղ յիշուած են 12 արձակ գրուածքներ, որոնց վրայ պէտք է աւելացնել նաեւ վերեւում յիշուած ներբողեանը, որ նա ասել է Գրիգոր Տաթեւացու մահուան առթիւ:

2 Տպագրուած է 1792 թ. Նոր-Նախիջևանում, Յովհաննէս Երզնկացու «Յաղագս երկնային շարժման» [տպուած է «Տետրակ համառօտ եւ լի... վերնագրով»] աշխատութեան ետեւում, էջ 62—73:

3 Ռուսերէն թարգմանուած «Հայոց բանաստեղծութեան ծաղկաքաղի» մէջ (Մոսկուա, 1940), էջ 259—261 «Աղօթք» վերնագրով. Առաքել Սիւնեցու անունով տպուած են 19 քառեակներ, որոնք շատ գեղեցիկ սիրու երգի տներ են: Ոչ մի կերպ հնարաւոր չեղաւ ինձ գտնել գրանց հայերէն բնագիրը: Այդ ժողովածուի Հայ իմբացիւն էլ չկարողացաւ յայտնել, թէ որտեղից են թարգմանել տուել յիշուած բանաստեղծութիւնը: Ցաւալի է, որովհետեւ Տէր Առաքելի ամենագեղեցիկ գործերից մէկը պիտի փայ առանց նկատի առնուելու այս աշխատութեան մէջ:

3. Աղամգիրք Գ.:— Առաքելի Աղամգրքի երրորդ տպագրութիւնը<sup>3</sup> կազմուած է երեք զրքերից, որոնք ոչ թէ նոյն երկի մասերն են, այլ ամէն մէկը մի առանձին դործ է. բայց երեքն էլ յերարեւում են նոյն նիւթին, առաջին մարդկանց — Աղամ—Եւայի մեղանշմանն ըստ Ս. Գրքի: Ամենից առաջ 1401 թուականի սկզբին յօրինուած է երրորդ (Գ) ղերքը, ինչպէս ինքը հեղինակը յայտնում է այդ գրքի «Յիշատակարաններէ» մէջ:<sup>2</sup> Այդ մի փորձ է մի նոր դրական տեսակի: Առաջին գլուխը ութվանկանի քառասող նոյնայանդ տնկրով (թուով 30), դրամատիկական ձեւով մի յօրինուածք է, մենախօսութիւններ Աղամի եւ Եւայի, եւ կամ խօսքերի փոխանակութիւն այս երկուսի միջեւ: Դրախտից արտաքսուելուց յետոյ է. նախ՝ ինչպէս մի տեսարանի մէջ հանդէս է գալիս Աղամը, յետոյ՝ Եւան: Դիմում են խարոզ բանասարկուին, թէ ինչո՞ւ նա նախանձում է մարդուն, կնոջը դարձնելով իր չարիքի ընկեր՝ զրկել է նրանց անճառ փառքից, անմահ կեանքից, ինքն էլ ոչինչ չօգտուելով պիտի ժառանգի անէծքն ու անչէջ հուրը: Բանասարկուել վրայ յարձակուելուց յետոյ՝ յիշում են իրենց կարգրած վիճակը.

Աղամ ասէ.

Ձերդ զարեգակն էի մարմնով,  
Ճառագայթեալ պայծառ հոգով.  
Աստուածատիպ ծովկեայ լուսով,  
Ընդ հրեշտակաց պարակցելով:

Եւա ասէ.

Եւ որպէս հարսնն զարդարեալ,  
Եւ յառադաստ լուսոյ բաղմեալ.  
Որպէս գըշխոյ փառօք հըրճուեալ,  
Նորանշոյլ ճառագայթեալ:

Աղամը մեղմութեամբ յանդիմանում է Եւային. սա մեղքը ձգում է իրեն խարոզի վրայ.

Եւա ասէ.

Ինձ վայել է՝ դոր գուն ասեօ,  
Պատճառ չորեաց եղէ ես քեզ.  
Բայց դու ուկանջ դիր սր լըսես,  
Ձիս հէնց խաբեաց՝ զինչ ես ըղբեղ:

Աղամ ասէ.

Ես ի սիրոյ քո յաղթեցայ,  
Վասն այն ի քէն հէնց խորեցայ.  
Ով որ կընռջն ա՛յլ հաւատայ,  
Այսպէս չարիք լինին նմա:

1 Առաքել Սիւնեցի, Աղամգիրք, հրատարակեց Մ. Պոտուրեան, Վենետիկ, 1907. Երեք գիրք՝ Ա, Բ, Գ, ձեռագիրների բաղդատուութեամբ. հին տպագրութիւններէ մէջ՝ 1721 թ. եւ 1799 թ. պակասում է Բ գիրքը:

2 Անդ, էջ 321. «Ի յութ հարեւր Հայոց թուականն եւ յիսներորդ մտեալ նոր ամ», էջ 323. «Ի յութ հարեւր Հայոց թուականն եւ յիսներորդ սկսեալ նոր ամ»:

Եւա տսէ .

Ես վասըն քո չար չկամեցայ ,  
Վասն ա՛լ փառաց զայն խորհեցայ .  
Քո ինձ լըսելն ես չչահեցայ ,  
Այլ զքեզ քան զիս առակ տեսայ :

Աղամբ շարունակում է իր յանդիմանական խօսքերը : Եւան արդարա-  
ցընում է իրեն .

Եւա տսէ .

Ինձ լըսեցեր վասըն փառաց ,  
Հանդիպեցար անարդանաց .  
Համբերեացուք չարչարանաց ,  
Քանզի կերար մեք հետ իրաց :

Յետոյ երկուան էլ զղջաղին ողբում են իրենց վիճակը .

Աղամ տսէ .

Ահա բանամ զրեբանս ցաւօք ,  
Աղաղակեմ հառաչանօք ,  
Սաստիկ դռնէմ դառն արտասուօք ,  
Քանզի ի հուրն անկայ ազգօք :

Եւա տսէ .

Կըսկըծեցաւ սիրտս ի փորիս ,  
Ընդ ճաշակել զառըն սողիւս .  
Մորմոքեցաւ առ իս հողիս ,  
Ընդ բարբառել թիւնաւորիս :

Աղամ տսէ .

Հառաչելով զանձն իմ բախեմ ,  
Գոչմամբ ըզուիրտըս պատառեմ .  
Ճիչ բառնայով ողաղակեմ ,  
Մինչեւ ի հող դարձեալ նիրհեմ :

Եւա տսէ .

Քունըս հատեալ է ինձ յաչաց ,  
Ի սաստկազին հառաչանաց .  
Երկունք մահու զիս պաշարեաց ,  
Զի ինձ անչէջ հուրն է փառած :

Աղամ տսէ .

Լալով իմ սիրտս ոչ հանդարտի  
Որքան ողբամ՝ հողիս մաշի .  
Հեղձամղձուկ լինիմ յերկրի ,  
Յետոյ ի հուրն անչիջելի :

Եւա առէ .

Ինձ հուր վառեալ կայ ի սրբտիս ,  
Եւ մորմոքէ միշտ ըզհոգիս .  
Ծուխ ու ծըծումբ այս մըրըրկիս  
Չթողու հանգչել ինձ յաշխարհիս :

Աղամ առէ .

Ես որպէս մոմ հալեալ դողամ ,  
Հառաչանօք զանձն իմ ողբամ .  
Թ՛ յորժամ մատնիմ ի դատաստան ,  
Աստուծոյ ի՞նչ տամ պատասխան :

Եւա առէ .

Դու որ յինէն եղեր խարած ,  
Այդքան ողբաս տարակուսած ,  
Ես որ պատճառ եղէ չարեաց ,  
Ինձ թէ քանի՞ հուր կայ վառած :

Վերջը երկուսն էլ մեղքը ձգում են Աստուծու վրայ, ասելով, որ եթէ  
նա ծառն ու պտուղը կամ օձը ստեղծած չլինէր, կամ իրենց պատուիրան  
տուած եւ անձնիշխան թողած չլինէր, ապա

Չէաք խարեալ որպէս անբան,  
Կամ մերկացեալ զփառս անվախճան :

Շարունակութեան մէջ իշխում է ոտանաւորով մեկնաբանութիւնը  
հեղինակի կողմից, թէ ինչու նախամարդերն այնպիսի փորձանքի պիտի  
հանդիպէին: Նա մեղադրում է նախնիներին, որ օձին են լսել եւ ոչ Աս-  
տուծուն. նրանք պատասխանում են, թէ իրենց յանցանքը մի խրատ պիտի  
լինի մարդկանց համար: Աղամը դարձեալ ողբում է, որ կորցրել է իր նախ-  
կին վիճակը: Հեղինակն իր կողմից դիմում է բանասարկուին եւ օձին՝ ուժեղ  
խօսքերով բնորոշելով նրանց. դեւերը պատասխանելով՝ արդարացնում են  
իրենց: Ապա նա մի գլուխ նուիրում է «արարչութեանը» եւ վերջին գլուխը  
(Ժ), դարձեալ «վասն օձին եւ բանասարկուին, թէ որպէս պատրեաց զնախ-  
նիսն»: Այս է ահա այս «Աղամբերի» Բ-Ժ գլուխների բովանդակութիւնը:

Մէջը կան սակաւաթիւ գեղեցիկ տներ. բայց այնքան մեծ տեղ են  
բռնում մեկնութիւնն ու դասողութիւնները ժամանակին հետաքրքրող  
կրօնական հարցերի մասին, որ ամբողջութիւնը դառնում է ձեւով անկա-  
տար մի երկարաբան գործ: Հեղինակը չի կարողացել մինչեւ վերջը պահել  
սկզբնական յղացման ձեւը. գործող անձերին — Աղամ, Եւա, Բանասարկու,  
օձ, Աստուած — հետզհետէ բեմ հանելով՝ նրանց բերանով յայտնել կարեւոր  
համարած նիւթը: Այդ, երեւի, անհնարին է եղել այն շրջանում, երբ իշ-  
խում էր սքոլաստիկական մեկնաբանութիւնը, որը բանեցնելը համարւում  
է ամէն հեղինակի համար մի անհրաժեշտ պահանջ ու պարծանք, մանա-  
ւանդ որ Առաքելն իր այս աշխատութիւնը յօրինել է Գրիգոր Տաթեւացու



հրամանով ու ծրագրով եւ «Նա ուղղեաց ըզկարգ բանին ըստ իւրաքանչիւր պատշաճին», ասում է նա երկրորդ յիշատակարանի մէջ:<sup>1</sup>

Բայց եւ այնպէս Տէր Առաքելի այս բանաստեղծութեան մէջ որոշ չափով կայ մի նորութիւն, որ ըստ երեւոյթին հաճելի է եղել ժամանակակիցներին:

4. Աղամգիրք Ա:— Առաջին գիրքը բաւարարութիւն չի տուել բանաստեղծ հեղինակին իրեն. ուստի նա 1403 թուի սկզբներին գրել է մի ուրիշ «Աղամգիրք», ըստ տպագրածին՝ Ա-ը,<sup>2</sup> ըստ գրութեան ժամանակի՝ երկրորդը՝

Ի յութ հարիւր Հայոց թվական,  
Յիսուն 'ւ երկու մտեալ նոր ամ,  
Ոորհրդաւոր բանքս գրեցան՝  
Ի խրախութիւն սըրտից մարդկան:

Այս գիրքն էլ նախորդի պէս լի է նման թերութիւններով եւ աւելի եւս մեծ չափերով, որովհետեւ ամբողջի ծաւալն էլ աւելի մեծ է. բայց անպայման մեծ են սրա եւ առաւելութիւնները: Այս անգամ Առաքելը գրել է մի գեղեցիկ վիպական բանաստեղծութիւն, մի գրական տեսակ, որ վաղուց արդէն սիրելի էր հայ ընթերցողներին: Նա յօրինել է մի կրօնական քերթուած՝ նիւթ առնելով Ս. Գրքից Նախնիների մեղանչումը — դրախտի կորուստը, ինչ որ շատ ուշ դարձած է բանաստեղծութեան առարկայ այլ ազգերի մէջ: Այս քերթուածն իր վիպական մասով մի սիրուն նորութիւն էր մեր կրօնական բանաստեղծութեան մէջ, մի ուշագրաւ ընթերցանութեան գրութեւք, որ բաւարարութիւն է տուել ոչ միայն ժամանակակիցներին, այլեւ հետագայ դարերում, անգամ 19-րդ դարում, ինչպէս երեւում է այն հանգամանքից, որ դա երկու անգամ տպագրուել է 18-րդ դարում՝ 1721 եւ 1799 թուականներին: Այժմ էլ դրա որոշ մասերը կարդացւում են հաճութեամբ:

Պատմութեւք ճաշակաւոր է. Աստուածաշնչի պարզ զրոյցը ճոխացրած, կենդանացրած է՝ ստեղծելով արտաքինի եւ ներքինի — հոգեկան կողմի հա-

1 Անդ, էջ 324, բերենք եւ հետեւեալ տները.

Վերադիտողն իմ ըստ հոգոյ,  
Եւ աղգակից հիքիս մարմնոյ,  
Նա հըրամեաց ինձ գըրեւոյ  
Զոտանաւորքս ըստ խորհըրդոյ:  
Ասաց գըրել ինձ ըստ կարգի  
Յաղազս նախնեացն յիշատակի,  
Վասն Աղամայ եւ Եւայի,  
Ի դէմս օճին եւ բանսարկուի:  
Բաքունապետ յոյժ պանծալի,  
Ծով իմաստից, ծաւալք շնորհի.  
Ի նոյն շնորհէ մասն ինչ առի,  
Զոտանաւորքս շարագրեցի...

Ապա 16 գեղեցիկ տներով գովաբանում է նա Գր. Տաթեւացուն:

2 Անդ, էջ 229:

ճար թարմ մանրամասնութիւններ, նոր մոտիւններ, միջադէպեր ու նկարագիրներ:

Սկզբում, Ա. գլխի մէջ, պատմում է արարողութեան մասին, իսկ Բ. գլխի մէջ խօսում է «Վասն զեղազարդութեան Նախնեացն եւ գրախտին»։ մի նոր յղացում, որ չկայ Ս. Գրքի մէջ: Ամբողջապէս լոյս ու փայլ է, ծաղիկ ու բուրմունք, անմահութեան հոտ, բերկրանք ու ցնծութիւն: Եւ երջանիկ է Ադամն իր փառքով:

Անդ լոյս սիրոյն ճառագայթէր,  
Եւ խնդութեամբ փառքն փայլէր.  
Ուրախութիւն յորդահոսէր  
Եւ հըրճուանաց ձայնն հնչէր:

Այս գլուխը (20 տուն) գրուածքի չքեղ նկարագիրներէից մէկն է, հաւասար զեղեցիկ եւ գրեթէ բոլոր տները.

էր փառք գրախտին անպատմելի,  
Զբքնադատես եւ սրխրալի,  
Ծաղկունքն տայր փայլւս փայլի՝  
Արեգական նման եւ լուսնի:

Դէմքն Ադամայ փառօք ծաղկեալ,  
Եւ որպէս լոյս ճառագայթեալ.  
Յովմունք լուսոյ անտի հոսեալ  
Եւ որպէս հուր փայլատակեալ...  
... Բուրէր եւ հոտ անմահութեան,  
Բերկրեալ խայտար ինքն բնդ ինքեան:

Ադամ ծաղիկ էր նորածին,  
Լուսարողոյզ զարնանային,  
Փրթթեալ փառօք ի մէջ գրախտին՝  
Ծափլս ծափի տայր ի սըրտին...  
Ոտօքն ճեմս առեալ պարէր,  
Ի մէջ ծաղկանցն որ վառ վառէր  
Զեռօքն ծափլս հարկանէր,  
Զի խնդութեանցն ոչ հանտարտէր:

Ծառն եւ ծաղկունքն որ ի գրախտին՝  
Զերդ զարեգակն փայլէին,  
Յանուշահոտ բուրմանց նոցին՝  
Որպէս թըմբրեալ լինէր Նախնին:

Մարմնովն անմահ էր 'ւ անթառամ,  
Փառօք ծաղկեալ էր զանազան.  
Սըրտիւ ցընծայր խրախճանական,  
Բերկրեալ ի փառլս արքունական...

Անդ հող գրախտին փայլլս փայլէր,  
'Ի ի ջրոյն ցովմունք լուսոյ հոսէր,  
Օդք զանմահից հոտն բուրէր,  
Հուրն վառեալ ճառագայթէր:

Ամէն ինչ լուսաւոր ու փայլուն էր, բայց միակերպ չէր Աստծու եւ մարդու, ծառերի ու ծաղիկներին լոյսը, — ասում է բանաստեղծը:

Անդ կերպ լուսոյն էր զանազան,  
Յեղ մ' անեղին, ցեղ մ' եղական,  
Ա՛յլ ազդ գրախտին, ա՛յլ ազդ մարդկան,  
Ծառք եւ ծաղկանցն այլ զանազան:

Բանաստեղծը տեսանելիքի հետ չի մոռանում նաեւ լսելիքը, հոտոտե-  
լիքն ու ճաշակելիքը:

Անդ աչքն ի զոյն ծաղկանցն հըրճուէր,  
Ականջն ի ձայն զուարթնոցն զմայլէր,  
Ռենկունք յանոյշ հոտոյն թըմբրէր:  
Բերանըն միշտ քաղցր ճաշակէր:

Աղամի փառքն ու հըրճուանքն աւելի մեծ էր եւ այնու, որ նա, Աստու-  
ծու պատկերը, ծաղկում էր աստուածային լուսով, իսկ

Աստուած ընդ փառք մարդոյն հանդէժ  
Եւ յիւր պատկերն ուրախանէր:

Կան միայն Աստուած ու հրեշտակներ եւ երկու նախնիները: Կան եւ Սաղայէլն իր դեւերով, որոնք արդէն երկնքից կործանուած են անդունդ եւ ընկած են իրենց սկզբնական փառքից: Գեղապարզ դրախտը, նախնիների բնակարանը, ու նրանց դրախտային վայելչութիւնը դրդուում է չար Սաղա-  
յէլի նախանձը եւ այս դառնում է մի մոտիւ, մի դրդիչ քերթուածի մէջ զոր-  
ծողութիւն առաջ բերելու: Եւ բանաստեղծը բնական ձեւով անցնում է «վա-  
սըն բանասրկուն եւ օձին եւ խարմանն» (Գ. զլ. 130 տուն): Այստեղ երեւում է Քերթողի շնորհք տեսարաններ ու դրութիւններ, հողեկան վիճակներ ըս-  
տեղծելու, զործողութիւնն ընդարձակելու եւ զործող անձերին խօսեցնելու  
իրար հետ եւ բնութագրելու աւելի իրենց ասած խօսքերով:

Ամենից առաջ հանդէս է գալիս Սաղայէլը, «չարն առաջին», իր դեւե-  
րի հետ (տներ 1—51): Նա Աղամի դրախտային երջանկութիւնը տեսնելով՝  
նախանձից տրաքում է: Բայց աւելի լաւ է՝ բերենք Քերթողի տողերը:

Չայս ամենայն տեսեալ չարին՝  
Հեղձամղձուկ լինէր յանձին.  
Եւ մորմոքէր կըսկըծաղին՝  
Պիղծ Սաղայէլ չարն առաջին:  
Որպէս ըզհուր վառեալ հնոցին՝  
Նա բորբոքէր զչարն ի հոգին.  
Եւ դիզանայր ծուխ նախանձին,  
Կայր խաւարեալ բոլորովին:  
Ողբայր սաստիկ հառաչադին,  
Եւ մախանօք մաչէր զհոգին.  
Չար նախանձովն որ առ Նախնին՝  
Հանդիստ չունէր ամենեւին:

Զմադձ դառնութեան իւրոյ անձին  
Փրսխէր զդասօքըն անդընդային .  
Սպառնմամբ ցասնոյր չար բանակին ,  
Դի ի բարկութիւն շարժէր զնոսին :

Ժողովւում են նրա մօտ խաւարային դասերը , որ իմանան , թէ ի՛նչ է  
կամենում իրենց պետը : Եւ նա

Ասէ «Բերէ՛ք զարկածք չարին  
Առ հասարակ ամենեքին .  
Արկէ՛ք ի բովս հրահալոցին ,  
Տեսցուք , թէ զինչ ծնանիցին :

Սաղայէլի հպատակները բերում են «չարի արկածները» , այսինքն չար  
փորձանքները , ամէն տեսակ մեղքերի պատրանքները , ինչ որ ապագայում  
լինելու էին , լցնում են անչէջ հրատի բովի (քուրայի) մէջ ու բորբոքում եւ  
իրենց խօսքերն ասում , ճիշդ ինչպէս նոյնը , ըստ միջնադարեան սնհաւատ-  
քի , իբր չար ոգու զօրութեամբ անում էին կախարդները : Եւ ի՛նչ են ասում  
չար ոգիները Սաղայէլին : Մենք Ադամի ծնունդներին չար կ'անենք , — ա-  
սում են նրանք , — իսկ նրան , այդ առաջին մարդուն , դու պիտի խորտա-  
կես : Դու հակառակ կանդնեցիր Արարչին , եւ մենք քեզ հետեւելով՝ անճառ  
փառքից արտաքսուեցինք , իսկ այս հողածինը մեզ հակառակ՝ պիտի զնայ  
եւ բնակուի Հօգրի մօտ : Այդ դէպքում մենք էլ չենք կարող յաղթել նրան :  
Այժմ է ժամանակը նրա կորուստը հնարելու : Մենք քեզ շատ բամբասեցինք ,  
թէ ինչո՛ւ հակառակ բան չի մտածում : Դու շատ զօրք ունես .

«Այնպէս մեծ չար խորհեա՛լ դոցին ,  
Որ յաւիտեան ոչ աղատին .  
Զի վիշտք չարեաց հոգեղինին  
Յիւր Արարիչըն հասանին :

Մինչ այդ Բանսարկուի բովը վառւում է եւ

Հալեալ ծընաւ զպատկեր չարին ,  
Որպէս եւ որթն յանապատին :

Այդ ժամանակ ահա Բանսարկուի մտքում ծնւում է իր անելիքը .

«Ուրախ լերուք , ասէր ցնոսին .  
Ես իմացայ զկորուստ մարդին» :

Եւ նա բացատրում է , թէ իրենք անհնազանդութեան պատճառով են  
արտաքսուել երկնքից , այնպէս պիտի անել , որ Ադամն էլ չհնազանդի Աս-  
տուծուն եւ արտաքսուի դրախտից :

«Ես Ադամայ յաղթեմ , ասէր ,  
Բայց դուք կացէ՛ք այլոցըն տէր :  
Բայց թէ յաղթեմք հոգեղինին ,  
Այն որ հընարք է մեր չարին ,

Այլ հնարեսցուք դանհընարին՝  
Մինչեւ ի մահ դու Անմահին»:

Եւ բանաստեղծը թուում է բազմաթիւ չարիքներ, մեղքեր, որ չար ու  
գիները պատրաստում են մարդու համար:

Ասեն. «Բերէք զանպակ գինին,  
Ըղգառն եւ զմրուրն խաւարային.  
Թաս բըռնեսցուք նախաստեղծին,  
Զի նա արբցէ զմահն իւր անձին»:  
Բերին զխաղողն դառնալի,  
Զողկոյղըն չար որպէս լեղի.  
Արկին ի հընձանըս թիւնալի,  
Զի բարկութեան բաժակ լիցի...  
Սըրտմտութեամբ զայն կոխէին,  
Եւ բարկութեամբըն ճըմլէին.  
Ի վիշապաց գինի հանին՝  
Խառնեալ թիւնօք մահաբերին:  
Զսրտմտութիւն իժից չարին.  
Զմըրուր մաղձից թիւնաւորին,  
Զի որ ըմպէ զնա կամովին,  
Այլ հնարք չըկայ թէ բըժըշկին:

Պէտքէս սկաւառակներ ի մէջ լցնում են այն գինին, որ զանազան մեղ-  
քերի որակ ունէր, — «Ոմն գինի յիմարութեան», «ոմն գինի մոռացութեան»,  
«ոմն գինի խարէութեան», զողութեան, ազահութեան եւ ամէն տեսակ մեղ-  
քերի գինին: Այսպիսի չարիքներ նիւթելուց յետոյ՝ Սաղայէլը մտնում է օձի  
մէջ, որ սկզբից հէնց ռի ունէր Ագամի դէմ, որովհետեւ սա նրա անունը «օձ»  
էր դրել, իսկ այս անունն այն կենդանին իր համար պարսաւ էր համարում:  
Բանսարկուն որ մտնում է նրա մէջ, իր թոյնով լցնում է նրան, որ առաջ  
թունաւոր չէր:

Գալիս է թունալի օձը Եւայի մօտ կանգնում ու խաբում նրան (տներ  
52—72) .

Ասէ. «Ուրախ լեր եւ բերկրեա՛,  
Քեզ աւետիս տամ ՚ւ Ագամայ»:

Նա նենդութեամբ ձեւանում է նախնիների հնազանդ բարեկամը եւ ոչ  
անգէտ, ինչպէս անասունները, այլ իբրեւ իմաստուն, որ գիտէ ծածուկ բա-  
ները, լինելիքները. գիտէ, որ մարդկանց համար մի ուրիշ մեծ փառք կայ,  
որ Ստեղծողը ծածկել է, չի յայտնել նրանց: Եւան հաւատում է, թէ նա ա-  
մէն բան գիտէ: Իսկ օձը շարունակում է շողոքորթելով.

«Դու իմ դըշխոյ ես անձնիշխան,  
Ի ես քո ծառայ հնազանդութեան.  
Որքան դու տէր լինիս ու իշխան,  
Այնքան փառօք ես ճոխանամ...»

«Բայց երբ հասնիս այնժմ փառաց,  
Հրաշափայլիս իբրեւ զԱստուած.  
Ի յանճառ կեանս հըրճուանաց՝  
Յիշեա, թէ նո՛ղոյս բարբառեաց»:

Ուրեմն նա, որպէսզի հաւատացնի Եւային, թէ իր ասելիքը ստոյգ է, այնպէս է ձեւացնում, թէ իբր ինքն իր (օձի) օգտի համար էլ է մտածում: Բայց նախ քան զաղանիքը յայտնելը՝ մի պայման է դնում, որ Եւան այն չասի Ադամին, Ադամը չիմանայ այն.

«Զի նա հըպարտ է, բարկանայ,  
Եւ անկատար բանքս մընայ.  
Բայց դու հնազանդ ես, հաւատա՛,  
Զի դու լիցիս տէր Ադամայ»:

Այսպէս նա խորամտնակութեամբ դրդւում է Եւայի անձնասիրութիւնը: Ապա պահ մը լռում է, մինչեւ որ կախարդելով խելքահան է անում նրան, եւ ասում, թէ՛ ինչու Ստեղծողը նախանձել է եւ պատուիրել. «Մի՛ ուտէք յամէն ծառոց»: Եւան յիմարանում, դառնում է օձի խօսակիցը եւ առանց Ադամին հարցնելու՝ պատասխանում է.

«Ծառոց դրախտիդ որ ոյսըր կան՝  
Մեզ ուտելոյ հրաման տուան,  
Բայց ի ծառոյն չար գիտութեան,  
Ասաց չուտել, զի մահ կուտան»:

Խրոխտալով ուրախանում է Զարը. նա արդէն գիտէ զաղանիքը եւ ասում է, թէ Տէրն այդպէս պատուիրելով՝ խարել է նրանց, եւ որպէսզի իր ասածը հաստատի, աւելացնում է, որ եթէ այն ծառը բարիքի պատճառ չլինէր, ինչո՞ւ պիտի Աստուած ստեղծէր այն: Դրա պտուղն ուտողը ոչ թէ կը մեռնի, այլ կ'աստուածանայ.

«Թէ դուք ուտէք՝ աչք ձեր բանան,  
Իբրեւ զԱստուած լինիք բնութեան:  
Ահա ձեզ ձայն մեծ աւետեաց,  
Որ ի յականջըս ձեր հընչեաց,  
Ձանճառ խորհուրդ զոր Տէր ծածկեաց,  
Ես յայտնեցի ձեզ սիրելեաց»:

Այստեղ վերջացնում է օձն իր ասելիքն ու դերը: Բանաստեղծը դառնում է Եւային եւ շատ կենդանի պատկերացնում է նրա վիճակը պտուղն ուտելուց առաջ, ուտելիս եւ յետոյ (տներ 73—86): Նա, թեթեւամիտ Եւան, ցնծում է փառամոլութեամբ. կարծես մի նոր արեւ ծագած լինէր իր դիմին: Նա արդէն մոռացել է Աստուծու պատուէրը եւ մինչեւ անդամ խէթ սրտով էր վերաբերում նրան, որ արգելել էր պտուղն ուտել. զի երկնքից ընկած չար փայլակն, այսինքն Սաղայէլը, — ասում է բանաստեղծը, — նրա խելքն առել էր, միտքը խաւարեցրել: Ուրախութիւնից ի՞նչ էր անում նա.

Խաղայր մարմնով զինչ դիւահար,  
ձեմս առնելով պարէր յերկար,  
Վաղէր ի ծառն անասնաբար:

Պտուղն առնում է ձեռը, բայց դողում է մարմնով. զի դեռ կասկածում է, թէ մի՛ գուցէ կորուստ լինի: Պտուղը գնում է բերանի մօտ, բերանը չի քայքայում, բերանի սրահապանները — չըթուներն ու ատամները փակւում, արդելում են.

Իսկ չար լեզուն որ բարբառէր՝  
Ի ներսիւսէ զփականս բանէր...  
Բացեալ զբերանըն զըժնային՝  
Ծամեաց ըզթիւնքն օձի լեզուին,  
Ձմաղձըն մահու որ ի պըտզին՝  
Նա կլանէր բոլորովին:

Եւ յանկարծ պտտահում է սպասածի հակառակը.

Յանկարծ լինէր ի հիացման,  
Ետես զոր ոչ կարծէր յինքեան.  
Խլիցին զլուսոյն պտտմուճան,  
Լինէր խաւար զիշերանման:

Նա սկսում է մորմոքալ, կսկծալ, հառաչելով աղաղակել. սաստիկ զոռում, գոչում է ինչպէս անբան, բարձրաձայն ճչում է մոլեգնած.

Նա արտասուս սաստիկ հոսէր,  
Լալով միշտ զանձն իւր հեղեղէր,  
Որպէս սգաւոր զհերսըն փետէր,  
Եւ արեամբ զանձն իւր շաղախէր:  
Որպէս մոլեալ ինչ կատաղէր,  
Որ ես ըզմիս բազկին ուտէր.  
Քունըն հատեալ, հանգիստ չունէր,  
Յաղաղակէն ոչ զաղարէր:  
Յերկինս հայել՝ աչքն մըթնէր,  
Դիտել զերկիր՝ միշտ խաւարէր.  
Յետ եւ յառաջ տարակուսէր,  
Յաջ եւ յահակ միշտ երերէր:

Եւայի դառն դիպուածի նմանը ոչ եղել է եւ ոչ էլ կը լինի, — ասում է Քերթոզը, — ամէն տեսակ դժնդակ ցաւ երեւում էր նրա մէջ: Նա այնքան կակիծ ունեցաւ, որքան ունենում են մարդիկ, երբ մեռնում են եւ դժոխքում տանջւում անվերջ:

Հերթը հասնում է Ագամի խարուկւուն (տներ 87—130): Ս. Գրքի այս կարճ խօսքը՝ «Եւ ետ առն իւրում ընդ իւր, եւ կերան»՝ բանաստեղծն ընդարձակել, դարձրել է առն եւ կնոջ յարաբերութիւնների մի սիրուն պատկեր, որի մէջ Եւան, որ արդէն ճաշակել է բարու եւ չարի դիտութեան ծառի պտուղը, հանդէս է գալիս ոչ իրրեւ մի սրբազամիտ էակ, այլ արդէն ճանա-

չում է իր չարն ու բարին, եւ մարդու թոյլ կողմը, եւ թէ ինչպէս պիտի ազդել նրա վրայ, որ ենթարկուի իր կնոջը եւ հետեւի նրան: Աղամը միամիտ ու թոյլ է, նա սիրում է Եւային. սկզբում տատանւում է, բայց Եւան, ինչպէս ասում են, լեզու է թափում, մինչեւ որ

Խարբալեցաւ միտքն Աղամայ...  
Խելքն ընդ աչացն դընացին,  
Եթող զԱստուած եւ ոչ ըզկին:

Պէտք է կարդալ այս հատուածը՝ բանաստեղծի թեթեւ ներչնչումն եւ Աղամ—Եւայի խօսքերի գեղեցիկ տողերը վայելելու համար: Այստեղ կը բերենք սակաւաթիւ տներ միայն:

Եկն առ Աղամ որպէս օտար,  
Մերկ, խայտառակ անասնաբար.  
Աղամ տեսեալ գնա դարմանայր,  
Թէ զի՞նչ եղեւ այդքմ պատճառ:  
Ասաց, թէ՛ «Զի՞ կու լաս դու, կի՛ն».  
Զի՞ հառաչես ողորմագին.  
Այդ ի՞նչ չարիք որ քեզ եկին,  
Ո՞ւր է քո լոյս պատմուճանին...»:  
Ասէ, թէ՛ «Զիս չարըն խաբեաց.  
Պըտղով ծառոյն, զոր Տէրն յայտնեաց.  
Առի ձեռք իմ չորացած,  
Եւ մերկացայ յանճառ փառաց:  
Բայց թէ դու սէր ունիս ընդ իս,  
Փութով լսէ՛ քո կողակցիս.  
Առ կե՛ր եւ դու զպըտուղս ընդ իս,  
Զի մնամ ընդ քեզ ես ի դրախտիս:  
Թէ կայր քո սէր ընդ իս նախկին».  
Այն սէրն այսօր երեւեսցին.  
Վասըն սիրոյ քո Արարչին  
Յիշեա՛ եւ զմեր սէրն առաջին:  
Բայց թէ չլըսես ամենեւին,  
Յորժամ եհաս ցաւս իմ անձին,  
Սուտ է քո սէրն այն առաջին,  
Զի ոչ հոգաս վասն իմ դարձին:  
Թէ անասնոց լինէր այս չար,  
Դեռ մեզ պիտէր զնոսին հոգալ.  
Ես քո մարմին՝ ա՛յսպէս խոցեալ,  
Դու ա՛յդպէս կաս անհոգացեալ...  
Ես որ զիպայ այս փորձութեան՝  
Մեռեալ ի հող դառնամ անձամբ,  
Հողիս ստանջի անանց մահուամբ,  
Թող դու մընա՛ս յայդ խնդութեան»:



Պատասխանեալ Աղամ նրմին,  
 Խանդաղատեալ ի սէր նորին.  
 Տարակուսեալ մորմոքէին  
 Ոչ գիտելով ըզդեղ ցաւին:  
 «Մի՛ մեղադրեք դու ինձ, ո՛վ կին,  
 Ես նոյն սիրովն եմ առաջին.  
 Բայց թէ ուտեմ զսլտուղ ծառին՝  
 Ես քեզ նրման պատուհասիմ...»:  
 Ուրախացաւ կինն քի հոգին,  
 Զի ետ սիրով զպատասխանին.  
 Հընար զըտաւ թըշուառ հոգին՝  
 Սիրով խաբել զմարդն առաջին...

Նա զանազան ձեւերով ջանում է համոզել մարդին, որ հետեւի իրեն.

«Թէ դու սիրով ուտես վասն իմ՝  
 Իմ նենպութեան մեղքն ջընջին»:

Վերջիվերջոյ Աղամը՝ Եւային աղատելու համար՝ ինքն էլ ուտում է պտուղը եւ նոյն վիճակն ունենում, ինչ որ կինը. նա աղաղակելով, ողբում ու վա՛յ է տալիս իրեն:

Յաջորդ Դ գլուխը (12 տուն) ամբողջապէս Աղամի ողբն ու սուգն է, որ անում է նա՝ կանխատեսելով իր եւ իր սերունդների ապագան՝ դրախտից զրկուելը, մահը, դժոխքը եւ այլն: Այդ ողբի մէջ մի գլուխ (Ե, 28 տուն) նուիրուած է «Վասն հոգեվարին եւ ճանապարհի հոգւոյն եւ պատեւրազմի դիպի եւ կայանին հոգւոցն»: Հոգեվարի մասին խօսում է եւ Դրիգոր Տաթեւացին:<sup>1</sup> Մարդու մահուան ժամանակ՝ հոգին երբ բաժանւում է մարմնից, դէպի երկինք է դիմում իր հրեշտակի ետեւից՝ «գնալ ի կայանս հոգւոց»: Նա դժուարին եւ անտես ճանապարհին՝ սուրստփած ու ապշած վիճակի մէջ է ընկնում. զարհուրում է դեւերի բազմութիւնից, «որ դառն եւ դաժան կերպարանօք շուրջ լինին ի վերայ հոգւոյն եւ պատեւրազմին ընդ նա»: «Զամենայն մեղս իւրեանց տեսանեն եւ առաջի բերեն դեւքն մանր քննութեամբ, զոր դործեալ են եւ զոր մոռացեալ»: Տաթեւացին ազդուել է Անտոնի տեսիլից, որ գրել է Աթանասը:<sup>2</sup> Այս երկուսից էլ ներշնչուել է եւ Առաքել Սիւնեցին: Նիւթի յղացումն, ինքնուրոյն չէ, բայց նա բանաստեղծել է Աղամի բերանից իրեն՝ Աղամի եւ նրա սերունդների համար եւ զգացմունքի ու պատկերի բաւական ուժեղ մանրամասնութիւններով, որոնց մէջ նա անկախ եւ ինքնուրոյն է:<sup>3</sup>

1 Դիւրք քարոզութեան, Զմերան հատոր, Կ. Պոլիս ՌՃԶԹ (=1189+551-1740), էջ 230-223:

2 Վարք սբբոց հարանց, հատոր առաջին, Վենետիկ, 1855, էջ 17-80. «Վարք Երանելոյն Անտոնի Եգիպտացւոյ միայնակեցի, թուղթ Աթանասի»:

3 Համեմատելու համար դնում ենք այստեղ Անտոնի տեսիլը (էջ 61): Միայնակեաց Անտոնը աղօթելիս «Ղգաց զինքն յափշտակեալ մտօքն, եւ... տեսանէր զինքն իբրեւ արտաքոյ ինքեան եղեալ եւ իբրեւ յօղս զինքն առաջնորդեալ յոմանց: Եւ տե-

Առաքելը թանձր դոյներով նկարում է մի տեսարան, որով խիստ պիտի սարսռային կրօնամիտ ընթերցողները. եւ Ադամին հետ ասէին.

Վա՛յ իմ աւուր հոգեվարին,  
Վա՛յ որ առեալ զհոգիս տանին.  
Վա՛յ ապշութեան ճանապարհին,  
Վա՛յ որ չդիտեմ, թէ ո՛ւր տանին:

Պառնիխուռն երեւում են դեւերի գնդերը, ահեղ դէմքերով, բերանները բաց արած, մեռելի «մեղաց նամակը», այսինքն մատեանը բռնած: Ուղեկից հրեշտակը թոյլ է տալիս, եւ նրանք պատում են հոգու շուրջը, կատաղում նրա վրայ, տանջելով նրան՝ զանազան կերպերով կռւում են նրա հետ,

Պէտպէս դիմօք կերպարանին,  
Զարտեսակը եւ դժնային.  
Մըմբռալով միշտ կատաղին,  
Եւ պատառել ջանան զհոգին...

Դէմքն այլակերպք եւ ահագին,  
Զարհուրական կերպարանին.  
Հուր ցոլանայ յւրնդաց նոցին,  
Եւ պաշարէ զդերեալ հոգին...

սանէ զոմանս դառնիս եւ անհնարին դժնեայոս, որք կային յօդս եւ կամէին արգելուել զնա զի մի՛ անցցէ: Բսկ որք մարտնչէին ընդ նոսա, առաջնորդէին Անտոնի, եւ պահանջէին նոքա բան ի սոցանէ եւ ասէին, թէ տեսցուք մի՛ գուցէ պարտապան է մեզ. քանզի կամէին ասել իմն բան ի նորա ծննդեան եւ արգելուին զնոսա: Բսկ որք առաջնորդէին Անտոնի, ասէին ցնոսա, թէ դժնեգեան նորա տէր ի բաց ջնջեաց. այլ յորմէհետէ եղեւ միայնակեաց եւ խոստացաւ Աստուծոյ իշխանութիւն ունիմ խնդրել ձեզ համարս: Յայնժամ նոքա ամբոստան եղին եւ յանդիմանել ինչ ոչ կարացին, քանզի ողատեցաւ ինքն եւ անարգել եղեւ նմա ճանապարհին»: Դարձեալ քիչ յետոյ (էջ 62). «Եւ ի վեր հայեցաւ եւ ետես զսմն երկայն տհաշնատես չարտեսիլ եւ տհաքին, քանզի կայր եւ հոտանէր մինչեւ յամպո, եւ ելանէին ոմանք իբրեւ թուցեալք, եւ նորա տարածեալ զձեռնս եւ զոմանս արգելոյր եւ ոմանք ի վերոյ քան զնա թուցեալք եւ անցեալք՝ այնուհետեւ աներկիւղ եւ անհոգ վերտցեալք: Եւ ի վերայ այսպիսեաց եւ երկայն կրճէր զատամուսնս, եւ ի վայր անկելոցն ի նմանէ ուրախ լինէր: Եւ անդէն վաղվաղակի ձայն եղեւ առ Անտոն եւ ասէ. իմա՛ որ եղեալք: Եւ բացան նորա միտքն եւ գիտաց զի հոգւոյն էին անցք ճանապարհին. եւ երկայնս որ կայր, նա է որ զչարի ընդ բարիս հաւատացելոց, եւ որ դատապարտք են նմա՝ զնոսա ունի եւ արգելու եւ չտայ անցանիւ: Բսկ որք ոչն հաւանեցան նմա, ոչ կարէ ըմբռնել, այլ ի վերոյ քան զնա զանց առնեն»:

Աւելորդ չի լինիլ այստեղ բերել նաեւ Սերապիոնի պատմածն Աբբա Մարկոսի հոգու մասին, երբ այս ճգնաւորը վախճանուում է. «Բսկ ես ի վեր նայեցայ ավշեալ եւ տեսի հոգի նորա ի կառս հրեշտակոց սպիտակ աղաբողոքամբ պատեալ, եւ տանէին զնա դուռնդ հրեշտակաց փառօք յերկնս սաղմոսիւք եւ երգովք ընդ վերին լուսաւոր օդսն: Եւ տեսի զըննիչ ոգւոց. տեսի եւ զգուշութիւն սատանայի զի կային մնային եւ արգելուին զնա ժամ մի: Եւ լուայ ձայն յերկնից որ ասէր. ի բաց կացէք յերեսաց լուսոյդ, որդիք խաւարի: Յայնժամ ձայն եբարձ մի՛ ոմն ի դիւանցն, աղաղակեաց եւ ասէ. փախեալք, որդիք սատանայի, եւ ամօթալից եղբուք, զի այրդ այդ արդար է: Եւ իբրեւ անց վերացաւ հոգի նորա ընդ ամենայն փորձութիւն սատանայի, տեսի իբրեւ զաջ հրեղէն ի վերայ նորա, եւ աներեւոյթ եղին յինչն»: Վարք ս. Հարանց, հատ. երկր., Վենետ., 1855, էջ 205:

Ձայնիւ գոչեն յոյժ սաստկագին,  
Որպէս ճայթմունք յորոտ ամպին .  
Եւ ճըչել ձայնից նոցին  
Սարսեալ հոգւոցն նուագին . . .

Հոտ դարչութեանց յոյժ զազրագին  
Որ ի դիւաց զասէն բուրին . . .

Շուրջանակի պատեն զհոգին,  
Ըստ վեց շարժմանցն ուր յանձին,  
Ի վեր, ի վար, յաջ 'ւ ահեկին,  
Յետ եւ յառաջ մըրցեալ կըռուին . . .

Ի խաւարեալ օդոց միջին  
Խաւարային դիմօք յայտնին .  
Հոգին ապշեալ միտքն ցընդին,  
Միջարեկեալ յուսահատին :

Եւ զօղանջեն զոչմամբ նոքին .  
«Այո՛, այո՛, աչք մեր տեսին  
Ձարկածք չարեաց մերոց ի դմին  
Ի սկըլբանէ մինչ ի վերջին» :

Նրանք ջանում են յսփշտակել հոգին . բայց երբ հրեշտակն ասում է՝  
«Ի ձեզ սաստէ Տէր»՝ ցլւում :

Այս աղբյւր խորտակուած, նուաղած հոգին հրեշտակը հանում է  
հոգիներին կայանը, ուր հոգիները՝ նայելով իրենց գործած մեղքերին՝ դաս  
դաս ամբարբուած սրահում են հառաչանքով եւ լաց ու կոծով մինչեւ դա-  
տաստանի օրը, վա՛յ տալով իրենց առաջուց, երբ յարութիւն եւ դատաստան  
պիտի լինի :

Սրանից յետոյ բանաստեղծն երկու տառնձին գլուխներով (Ձ, 37 տուն,  
է, 56 տուն) գրում է «Վասն ահեղ դատաստանին քննութեանցն» եւ «Վասն  
տանջանաց դժոխոց», որոնք երկուսն էլ մեր քերթողներին սիրած նւթերից  
են եւ նորանոր կողմերից եւ ինքնատիպ մտքերով ու պատկերներով մշա-  
կուած են Ասաքելի ձեռով : Աղամզըփի այս վերջին երեք գլուխները (Ե, Զ,  
է) շատ հաճելի են եղել մեր հներին, ուստի զրանք մի քանի ուրիշ հաստուած-  
ների հետ, իրրեւ անկախ քերթուածներ, առնուած են ծագկաքաղ ժողովա-  
ծուների մէջ :

Դժոխքի տանջանքների նկարագրով եւ ամանջուողների ողբով՝ վեր-  
ջանում է եւ Աղամի ողբը .

Այս ողբ երգոց նախաստեղծին,  
Որ դէմ բնութեանը բարբառին .  
Այս դոյժ ողբոց միշտ կատարին  
Յանցեալն, ներկայս եւ յապառնին :

Այսպէս է վերջացնում բանաստեղծն աղբ գլուխը, միանգամայն եւ  
Աղամի «տեսիլը» : Մենք զգում ենք, որ դործող անձը, Աղամ, մեղանջելուց  
յետոյ, դեռ Աստուծուն չհանդիպած, իր գլխին վայ տալով, ինչպէս մի կար-

ճատեւ երազի մէջ տեսնում է շատ երկար ու դառն բաներ, ե՛ւ Աստուծուն իր վճռով, ե՛ւ հոգեւորը, ե՛ւ վերջին դատաստանը, ե՛ւ դժոխքը: Բանաստեղծը, ցաւօք, տարտամ ու ոչ պայծառ է յօրինում Ադամի այս «տեսիլը», մէկ մէկ էլ իր անձը, դէմքը խառնում է վիպական պատմութեան մէջ եւ աւելորդ կրկնութիւններով ձեռք դարձնում այն: Արուեստի պակասութիւն է այդ: Աւելի մեծ պակասութիւն է այն, որ դժոխքի տեսլից յետոյ, մոռանալով որ ինքը վէպ է յօրինում, նա երեք գլուխ (Ը, Թ, Ժ, էջ 56—77) նուիրում է մեկնարանութեան եւ իր տեսութիւններն է բացատրում իրեն հետաքըրքող նիւթերի մասին («Վասն չարին թէ ուստի՞ ունի զսկիզրն կամ զի՞նչ է», «Վասն ցանկալոյ բարոյն», «Վասն մարդոյն թէ՛ ո՞րպէս է պատկեր Աստուծոյ...»): Պատմութեան չեն վերաբերում նաեւ ԺԲ. եւ ԺԳ. գլուխներն (էջ 82—102) իբրեւ մեկնութիւններ: Այս հինգ գլուխները երբ անջատում են, մնացած ԺԱ, ԺԴ, ԺԵ գլուխների մէջ պատմում է քերթուածի դործողութեան շարունակութիւնը. «Վասն՝ յետ յանցման Ադամայ՝ հարցափորձելոյն Աստուծոյ, որ ասաց, թէ՛ Ո՛ւր ես»:

Յետ ողբալոյն Տեառն Ադամայ  
Հարցաքննել դայ ըզնոսա .  
Ձի զըզացեալ ասեն մեղայ,  
Եւ ջընջեսցին յանցանք նոցա :

Տէրն ասէ .  
Ո՛ւր ես, Ադամ, մարդս առաջին .  
Ո՛ւր է քո փառքն հրաշալին .  
Փառօք եզի դքեզ ի դրախտին,  
Եկեալ չգտի ընդ նոյն տեղին :

Ադամ ասէ .  
Լուայ ըզձայն զնալոյ քոյին,  
Որ հեռանաս վասն իմ յանցին .  
Երկեայ միայն կեալ ի դրախտին,  
Եկեալ թագեայ առ թգենին, եւ այլն :

Տիրոջ, Ադամի, Եւայի միջեւ տեղի է ունենում մի տրամախօսութիւն, որի հիմքը Ս. Գրքից է, բայց շատ սիրուն զարգացրել է բանաստեղծը: Նըրանք «մեղայ» չեն ասում եւ մեղքը նոյնիսկ Աստուծու վրայ են ձգում: Եւ Աստուած դնում է իր յայտնի վճիռը Ադամի, Եւայի եւ օձի վերաբերմամբ: Այս ԺԱ. գլխի բնական շարունակութիւնն է ԺԴ. եւ յետոյ՝ ԺԵ գլուխն («Վասն տարակուսանօք փոշիմանելոյն նախնեացն ի զրկմանէ ծաղկապանծ փառացն», «Վասն զղջմամբ ողբալոյն Եւայի»): Ադամն ու Եւան դրախտից արտաքսուած են, զղջում են իրենց յանցանքի համար, եւ ցաւ ի սիրտ յիշում են դրախտի վայելչութիւնները. ողբում են իրենց ողորմելի վիճակը եւ մխիթարում են, որ վերջը պիտի փրկուեն: Այս գլուխները դեղեցիկներից են. բանաստեղծը մի երկրորդ անգամ Ադամի բերանով սքանչացած նկարագրում է նրանց կորցրած դրախտի շքեղութիւնը եւ աւար-

տում վիպական քերթուածը, բայց ոչ «Աղամգիրքը»: Նա գրում է էլի 11 գլուխներ, «Վասն կողին» [այսինքն՝ կնոջ] եւ այլն, որոնք սքոլաստիկական մեկնութիւններ են, որոնցով Առաքել Սիւնեցին իր սրամտութիւնն է ուղեցել ցոյց տալ: Մի գլխի մէջ (ԺԸ) բնութագրում է կանանց ոչ լաւ կողմից, առաջարանի մէջ գլուշացնելով այսպէս.

Թէ հանգիպիս դու մօտ ի կին,  
Ձայս բանքս մի՛ կարգաւ նոցին.  
Որ չանարդեն զղըրող սորին,  
Կամ բանքս ելնէ յաչաց նոցին,  
Կամ զի կողն ոսկր է անըզգայ,  
Ինքն ըստ ինքեան բան չիմանայ,  
Վասն այն կընծըն խելք չըկայ,  
Ձինչ որ լըսէ՝ չուտ հաւատայ:

Եւ այսպէս ամբողջ 36 տուն: «Կողն» այնքան մեծ տեղ է բռնում «Աղամգրքի» այս երկրորդ մասի մէջ, որ ամբողջը կոչուել է նաեւ «Կողմգիրք»:

Առաքելը չի բաւականացել երկու «Աղամգրքերով», որոնց մասին խօսուեց վերելում. նա նոյն 1403 թուականին, ինչպէս յիշատակարանից (էջ 270) իմացում է, դրել է մի երրորդ (ըստ տպագրութեան Բ=երկրորդ) Աղամգիրք տասնումէկ (6+5) վանկանի տողերով սկզբից մինչեւ վերջը «էր» յանգով: Բովանդակութիւնը նոյնն է, ինչ որ նախորդ երկուսինը: Գրուածքն աւելի սեղմ է, վիպական մասը շատ չնչին է, աւելի ուշադրութիւն է դարձրած մեկնութեանը, թէ ի՞նչ «խորհուրդ» ունի Աղամի մեղանչումը: Կան, հարկաւ, նաեւ սովաւաթիւ գեղեցիկ տներ:

Առաքելն ունի եւ մի չորրորդ հատոր Աղամգրքի, որ դեռ չի տպագրուած: Այդ կոչել են «Դրախտադիրք», գրուած է 4+4+5 վանկանի տողերով, ամբողջը նոյն յանդերով: «Հեղինակին նպատակն եղած է այս աշխարհի բնակիչներն իր հետ առնելով՝ փնտռելու ելնել այն անծանօթ քաղաքը՝ ուսկից արտաքսուած էր Աղամ»:<sup>1</sup>

5. Յօրինումս Բի քերութիւնն եւ գրական արժէքը:— «Աղամգրքերի» գեղարուեստական կողմից թուլութիւնը ծագում է գլխաւորապէս այն հանգամանքից, որ հեղինակը կրկին նպատակ է դրել՝ 1. ոտանաւորով բանաստեղծօրէն պատմել Ս. Գրքի զրոյցը. 2. ոտանաւորով յօրինել հին մեկնաբանների կարծիքները Ս. Գրքի զրոյցի մասին եւ իրենից էլ, որքան կարելի է, շատ բան աւելացնել ուրիշների ասածների վրայ: Այդ վերաբերում է «մարդեղութեան խորհրդին», որով բացատրել են Աղամ-Եւայի զրոյցը:

Նա իր մեկնութիւններն անում է ոչ միայն յատուկ գլուխների մէջ, այն էլ երբեմն ընդհատելով պատմութեանը, այլ մէկ մէկ նաեւ պատմութեանը ընթացքում: Ինչքան էլ կոկ ոտանաւորներով են գրուած այդ կտորները՝ այժմ դրանք, բացի թերեւս սակաւաթիւ քառասուններից, գրական արժէք

<sup>1</sup> «Բազմավէպ», Վենետիկ, 1913, մարտ, էջ 99. Մ. Պոտուրեանի «Մատենագրութիւնք Առաքել Սիւնեցւոյ» յօդուածի մէջ:

չունեն։ Առաքելի աշխատութեան այդ մասը մեզ համար հետաքրքիր է այնու, թէ որքան զօրեղ է եղել այն դարում սքոլաստիկական բացատրութիւնը, եւ որքան չնչնահաւատ են եղել այն ժամանակի գիտնականներն անգամ, որոնք իրենց «գիտնականութիւնը» ցոյց են տուել պարծանքով, բազմաթիւ այնպիսի համեմատութիւններ անելով եւ «խորհուրդներ» ու «խորհրդաւորութիւններ» գտնելով, որոնց վրայ միայն դարմանալ կարող է արդի մարդը։ Այդ նկատմամբ այստեղ բաւական է միայն յիշատակել «Աղամգիրք Ա-ի» ԻԲ գլուխը (էջ 159 եւ հտն.)։ Բանաստեղծ Առաքելին կաշկանդել է Գրիգոր Տաթեւացու ազդեցութիւնը եւ կարծես նա մրցում է իր քեռու հետ, ոտանաւորներով մեկնութիւններ անելով երբեմն նոյն խնդիրներէ մասին, ինչ որ Տաթեւացին բացատրել է իր աշխատութիւններէ մէջ։ Եւ բնական է այդ, քանի որ Տաթեւացին է տուն տուել նրան Աղամի եւ Եւայի մասին գրելու եւ նոյնիսկ «ուղղել է ըզկարգ բանին» առաջին գրքի (ըստ տպագրութեան՝ Գ. գրքի) վերաբերմամբ։<sup>1</sup> Որ Առաքելը երեք գիրք է յօրինել նոյն նիւթի մասին, այդ ցոյց է տալիս, որ իր գրութեաններն ըստ երեւոյթին բաւարարութիւն չեն տուել նրա գեղարուեստական զգացմանը, անշուշտ հէնց այն սառն մեկնաբանական դատողութիւնների պատճառով։ Նրա երեք Աղամգրքերը թողնում են այն տպաւորութիւնը, թէ դրանք առանձին փորձեր են մի մեծ քերթութեան համար, ինչպէս մի մեծ կոմպոզիցիայի համար կատարուած նախանկարներ, որոնց հիման վրայ պէտք է գեղարուեստագէտն ստեղծեր իր իսկական երկը։ Բայց բանաստեղծն այդ չի արել, եւ նրա այդ երկերը մնացել են իրարուց անջատ եւ անկախ, բայց եւ չափազանց նման բաներ։

Եթէ առաջին Աղամգրքի մեկնաբանական մասերն (վերջի գլուխները եւ վերելում յիշուած՝ Ը, Թ, Ժ, ԺԲ, ԺԳ, 56-77, 82-102) անջատուէին ի մի առանձին յաւելուած, — եւ դժուար չէր այդ անելը, եւ հեղինակը Բ եւ Գ (ըստ տպագրութեան) Աղամգրքերի վիպական գեղեցիկ կտորներն օգտագործած լինէր Ա. Աղամգրքի մէջ, ապա կ'ունենայինք մի հատիկ իսկական գեղեցիկ վիպական քերթութեան, փոխանակ երեքի։ Այնպէս էլ, սակայն, ինչպէս կայ, Առաջին Աղամգրքը (ըստ գրութեան ժամանակի՝ երկրորդը), մեր երրորդ կրօնական բանաստեղծական մեծ երկն է, որ ունի իր բազմ-

1 Առաքել Սիւնեցի, Աղամգիրք, Վենետիկ, 1907, էջ 324.

... Նա հրամայեց ինձ գրելոյ

Ձոտանաւորքս ըստ խորհրդոյ։

Ասաց գրել ինձ ըստ կարգի,

Յաղագս նախնեացն յիշատակի,

Վասն Աղամայ եւ Եւայի,

Ի դէմս օձին եւ բանասարկուի։

Բաբունապետ յոյժ պանծալի,

Ծով իմաստից ծաւալք շնորհի,

Ի նոյն շնորհէ մասն ինչ առի,

Ձոտանաւորքս շարագրեցի։

Մի քիչ վերելում էլ Գրիգոր Տաթեւացու համար ասում է.

Ձի նա ուղղեաց ըզկարգ բանին,

Ըստ իւրաքանչիւր պատշաճին։

մաթիւ առանձին գեղեցկութիւնները: Առաջին երկուսը՝ Գրիգոր Նարեկացու Ողբերգութիւնը եւ Ներսէս Շնորհալու Ողբերգութիւնը («Յիսուս որդի») քնարերգութիւններ են: Իսկ Առաքելի դործը մի առարկայական բանաստեղծութիւն է: Այդ էր ժամանակի պահանջը: Կրօնական ոգին չէր մեռած, բայց սառած էր. մարդկանց հարկաւոր էին կրօնական բանաստեղծական գրութիւններ, ոչ թէ նրանց վրայ աղօթելու եւ իրենց մեղքերն ողբալու համար, այլ զուարճութեամբ կարդալու եւ սովորելու:

## ԱՌԱՔԵԼ ԲԱՂԻՇՅՑԻ

«Ողբ մայրաքաղաքին Ստրմպօլա եւ վասն զալստեան Փրանկաց ազգին եւ ազատիլ զաշխարհն Հայոց Առաքել վարդապետէ ասացեալ», տպուած է «Անահիտ», 1901, էջ 217. «Վենետիկ վանք, Տաղարան թիւ 529, բաղադատած ուրիշ ձեռագրի մը հետ»:

Աթոռն իջմիածին տեղափոխուելուց յետոյ՝ չի դադարում քաղաքական անկախութեան մասին երազն ու երդը, որ սեւեռուած մնում էր նոյնիսկ մեր ժողովրդի ամենադժբախտ օրերին, երբ 1453 թ. օսմանեան Սուլթան Մահմեդ II առնում է Կ. Պոլիս, կոտորում քրիստոնեաներին, այդ դէպքը ցնցող տրտմական տպաւորութիւն է թողնում արեւելեան քրիստոնեաների վրայ... Վերջին քրիստոնէական պետութիւնը, որ արեւելեան քրիստոնեաների յենարանն էր, յոյսն ու ապաւէնը, ընկնում է: Արեւելքն ամբողջ մնում է մահմեդականների ձեռին:

Այդ ցնցող տպաւորութեան տակ, ահա, Առաքելը, ինչպէս քերթուածից իմանում ենք, նոյն 1453 թուին ողբում է այդ եղելութիւնը: Քերթուածը շատ մեծ է, 4+4+4+4 տողերով, սկզբի մասի բոլոր տողերը (թուով 52)՝ վերջացնում է «Ստրմպօլ» անունով:

Արդ ամենայն ազգք եւ ազինք  
ողբան ըզքեզ, քաղաք Ստրմպօլ.

Երկրորդ մասի (30 տող) ամենաառաջին տողը՝ «Բիւզանդիա» անունով.

Այլեւ կոչեմ զքեզ յանուանէ,  
ընտիր քաղաք Բիւզանդիա,  
Որ անօրէնք պաշարիցին  
եւ արարին ըզքեզ դադա.

Երրորդ մասը, 62 տող, բոլորը իմ յանդով, բացի վերջին 6 տողը, որ ի յանդով է:

Կոծի պատճառն այն է, որ քրիստոնէութեան կենտրոնը դառնում է «Հարադործաց հանգստարան»: Հիացմունքով խօսում է Կ. Պոլսի հին քրիստոնէական փառքի մասին, չի՛չեւով դաւանաբանական վէճերն ու հալածանքները յոյների կողմից, որ այդ ժամանակ չկային, այլ միայն ընդհանուր քրիստոնէական եւ կուլտուրական տեսակէտով մօտենալով քաղաքին:

1 Տես՝ Զարբհ., Պատմ. հայերէն դպրութ., Բ. Նոր մատենագրութիւն, Վենետիկ, 1878, էջ 250:

Դու մարգարիտ տեսակ գանձուց  
Հոգեւորաց, դու Ըստըմպօլ,  
Յանկարծակի կողոպտեցար  
յանօրինաց դու Ըստըմպօլ:

Երկրորդ մասի մէջ դուրս եկ Բիւզանդիայի նախկին փառքը եւ ողորմելի դառնալը եւ հեթանոսների ժամանակ ծաղրելի դառնալը. միակերպ հինը եւ արդէն տխուրը, եւ վերջը նորոգման յոյսը:  
Վերջը դուրս եկ:

Արդ ակն ունիմ կատարածին,  
Թէ նորոգիս Բիւզանդիա,  
Եւ ազատիս յանօրինաց բռնութենէ,  
Բիւզանդիա:

Ի՞նչպէս պիտի ազատուի: Նորոգում է խաչակրական արշաւանքների գաղափարը, «Փրանկաց աղղն», որ արեւմտեան քրիստոնեաները պիտի շարժին, միարան,

«Գայցեն ծովով եւ ցամաքով որպէս դաստեղս, որ ոչ թուին»:  
Նախ Ստամպոլ քաղաքը կ'առնին, ապա  
«Ելցին յերկիրն Արեւելից եւ կոտորին զամենեւին,  
Որպէս առիւծ մըռնչելով ի յանօրէնս համարձակին»:  
Կ'առնին Երուսաղէմ:

«Անթիւ լինի դօրք Փրանկին որպէս  
զաւաղ յեղրը ծովին»,  
«Առցին զՀոռոմոց աշխարհն ամէն,  
մինչեւ ի Մըսըր հասանին,  
«Քակին զդիւաց բնակարան, զանօրինաց ուխտատեղին»:  
Կ'առնին Շահաստան, Դավրեթ, Խորասան, ամէնքին կը գերեն:  
Եղեսիոյ ողբի նմանողութիւնը երեւում է: Իսկ Հայոց ազգի՞ն ինչ:

«Ազգըս Հայոց պայծառանայ,  
զի յայլազգեացն ազատեսցին,  
Բերկրեալ ցնծան ամենեքեան  
որպէս յաւուրս Լուսաւորչին»:

Յետոյ պատմում է Տրդատի ու Գրիգորի գնալը Հռոմ եւ մի տարի այնտեղ մնալը եւ «դաշինքը» Կոստանդինոսի հետ, Հայոց ազգը Փրանկի հետ դաշինք կապեց,

«Սիրով դաշինս հաստատիցին՝  
զազգըս Հայոց ընդ Փրանկին:  
Չորս հարիւր մարդ ի հոն թողին  
յԱրշակունեաց Պաշլաւունին»,



Զի մընասցին եւ աճեացին,  
 Փրանկ ընդ Հայս միաբանին:  
 Արդ առաջնորդք նորա լինին  
 արիական Փրանկ աղգին:  
 Առցին զգաւառն Արարատեան,  
 որ է տեղիք Լուսաւորչին.  
 Թաղաւորին յէջմիածին  
 Վաղարշապատ սուրբ քաղաքին»:

Հեղինակն իրեն համար վերջը գրում է .

«Ես անարժան ամենայնի  
 որ վարդապետ անունս կոչի...  
 Եւ ասացին տէր ողորմի  
 ինձ Բազմամեղ Առաքելի:

Դա չի կարող Սիւնեցին լինել, որ այդ ժամանակ կենդանի չէր լինի:  
 Ողբի կարեւոր նպատակն է մարգարէական տոնով քաջալերել լքուած-  
 ներին եւ յուսադրել քաղաքական ազատութեան վերաբերմամբ, կենտրոնը  
 Վաղարշապատ, որ չունի Շնորհալին:

Բանաստեղծութիւնը, որ իր գաղափարով կարեւոր եւ ուժեղ է, այն-  
 քան թոյլ է իր միակերպ ձեւով. բայց ժամանակակիցների համար անշուշտ  
 արժէքաւոր, նրանց հարկաւոր է բովանդակութիւնը, որ է կենդանի, յու-  
 սալից շնչով ու հաւատքով, թէ հնուց «սուրբ հայրապետներից» մարգա-  
 րէութիւն կայ Փրանկաց աղդի գալու համար, այն էլ իբր Տրդատի զօրքից  
 (ազատներից) արեւմուտքում մնացած հայերի առաջնորդութեամբ:

Այդ հաւատը մնում է մինչեւ օրս, այժմ էլ նախորդ իմպերիալիստա-  
 կան պատերազմից հայ ժողովրդի եւ Հայաստանի մեծ աւերմունքի ժամա-  
 նակ դեռ կենդանի մնում է յոյսն ու հաւատը, թէ Հայաստանը, ինչպէս ա-  
 ռասպելական Փենիքսը, մոխիրների միջից կը վերակենդանանայ եւ կ'աճի:<sup>1</sup>

1 Առաքել Բաղիշեցու տաղերին եւ նրա մասին գրուած աշխատանքներին  
 ծանօթանալու համար դիմել Հայկական ՍՍՌ Պետական Գրադպատի Հրատարակած  
 «Հայ հին եւ միջնադարեան գրականութեան համառոտ բերլիոգրաֆիա»-ին, կազմեց  
 Յով. Պետրոսեան, Երեւան 1941, էջ 163—164: Խմբ.

Հ Ր Ա Ց Ո Ւ Մ

## ՏԱՂԱՍԱՑՈՒԹԻՒՆ<sup>1</sup>

1. Մկրտիչ Նաղաշ:— Մինչեւ 14-րդ դարը մեր բանաստեղծութիւնն արդէն ունի ձեռք բերած իր գլխաւոր թեմաները՝ կրօնական-միասնական զգացումն ու մտածութիւն, հայրենասիրութիւն, բնութիւն ու սէր, աշխարհի ունայնութիւն ու մահ եւ խրատական երգեր, այսինքն՝ քնարերգութեան դրեթէ բոլոր խնդիրները: Մի տեսակ ինքնուրոյն վերածնութիւն քրիստոնէականի եւ հեթանոսականի միացումով:

Յաջորդ դարերում այդ միեւնոյն անսպառ նիւթերի մասին միայն աւելի արուեստաւոր եւ ուժեղ ու նորանոր կողմերով պէտք է երգեր յորինուէին: Բայց մեր կեանքը թաթարաց լծի տակ ճնշուած էր, երբ քաղաքական աղատութիւնը ոչնչացուած էր եւ խաւարած էին լուսաւորութեան կենտրոնները թէ՛ կենտրոնական Հայաստանում եւ թէ՛ Արեւելքում ու Արեւմուտքում: Բնականաբար այս աղետալից շրջանում չէր կարող զարգանալ այդ վերածնութեան ոգին: Չարմանալ միայն կարելի է, թէ այդ հարստահարութիւնների ու կեղեքումների, այդ անվերջ պատերազմների ու աւերմունքների շրջանում ի՞նչպէս չի մեռնում բոլորովին բանաստեղծութիւնը եւ դեռ մինչեւ տնդամ երեւան են դալիս մի շարք բանաստեղծներ, որոնք իսկապէս զարգացնում են մեր բանաստեղծութիւնը: Դժբախտաբար, այդ բանաստեղծներից շատ բան չի մնացած, շատ բան էլ դեռ ձեռագրերի մէջ է եւ եթէ տպագրուած են՝ ցրիւ են, ուստի այժմ իսկապէս չենք կարող մեր բանաստեղծութեան զարգացման ճիշտ պատկերը տալ: Մենք խօսենք միայն մի քանիսի մասին, որոնց երկերն աւելի են յայտնի:

Դրանց մէջ առաջին տեղը, ըստ ժամանակի, ունի Մկրտիչ Նաղաշը՝ ծնուած Բաղէշ քաղաքի մօտ, Պոռ գիւղում: 1430 թ. ձեռնագրուել է Եպիսկոպոս եւ այնուհետեւ եղել է առաջնորդ Ամիր քաղաքի: Մեռած պիտի լինի 1470–1480 թուերի մէջ: Եղել է ծաղկող կամ նկարիչ, միաժամանակ եւ բանաստեղծ: Նա կեանքը նուիրած է եղել իր հօտի բարօրութեանն այն նեղ ժամանակներում, Ամիրի բռնակալներից ստանալով որոշ դիւրութիւններ եւ իրաւունքներ հին եկեղեցիները նորոգելու եւ նորերը շինելու: 1440–ական թուականներին, երբ մոլեռանդ մահմետական ամրոխը քանդում է նրա մեծ ջանքերով շինած գեղեցիկ կաթոլիկէն, նա սրտի ցաւից հեռանում է Ամիրդից՝ պանդխտելով Կ. Պոլիս եւ ապա Կաֆա (Թեոդոսիա)․ բայց յետոյ նրան դարձեալ հետ են բերում իր վիճակը, ուր նա ոչ միայն բարեկարգութիւն է մտցնում, այլեւ Շահնշահի աւերմունքների ժամանակ (1450 թ.), իբրեւ միսթարող հովիւ է հանդիսանում իր հօտի համար, խնամք տանելով աղ-

<sup>1</sup> Այս բաժինը կազմում է երրորդ շրջանի վերջին մասը: Խմբ.

քատներին, գերիներին դնելով եւ ամէն տեսակ օգնութիւն հասցնելով կարօտեալներին :

Մկրտիչ Նաղաշը թէպէտ ունի մի-երկու երգեր վարդ ու բլբուլի մասին, ինչպէս եւ ուրիշներ, ու ծաղիկներով ալլաբանական երգեր, բայց զարուհն ու սէրը, զուարթ բնութիւն երգելը չէ նրան յատուկ. նա շատ լուրջ կրօնաւոր է եւ շատ տողորուած է իր առաջնորդական վսեմ կոչմամբ, ուստի եւ իր բանաստեղծութեան մէջ եւս մի նպատակ ունի՝ միտքարեւ, սովորեցնել, կրթել եւ այլն. նա սովորեցնում է կրօնական ոգով քրիստոնէական բարոյականութիւնը :

Նրա խրատական ոտանաւորները, մասամբ ունենալով մի քանի գեղեցիկ ներշնչման կտորներ, ընդհանրապէս շատ տոգոյն, թոյլ ու միակերպ են, թէպէտ դրանց մէջ էլ երեւում է ազնիւ վարդապետն իր բարոյական հասկացողութեամբ եւ անկեղծ զգացումով : Այստեղ նա ամէն չարիքի աղբիւրը, աշխարհի սկզբից ի վեր, անձնական փորձից սովորած, համարում է մարդկանց երկու կիրքը՝ ազահութիւն («Վասն ազահութեան») եւ ռխակալութիւն («Որատ խռով չկենալու եւ ռխ չպահելու») :

Ի սկզբանէ մինչ ի վախճան  
Ամէն վնաս ու դործեցան,  
Ազահութիւնն եղեւ պատճառ,  
Որ ի բարեացն զրկեցան :

Ազահն դայլ է պատառող  
Եւ ծարաւի արեան մարդկան...  
Կաթուղիկոսքն շատացան  
Անօրինացն բռնութեան,  
Եպիսկոպոս օրհնեն անրան,—  
Ամէնն վասն ազահութեան :  
Եպիսկոպոսք զկանօնն անցան,  
Որ պոռնկաց կուտան հրաման,  
Կաշառ առնեն կարմիր դեկան,—  
Ամէնն վասն ազահութեան :  
Վարդապետերս ուր նոր ելան,  
Բանին եղեն վաճառական,  
Եւ քարոզեն զհաճոյս մարդկան,—  
Ամէնն վասն ազահութեան :  
Հարեղանին զվանքն ուրացան,  
Եւ ի գիւղօրայքն ի շուրջ կուգան.  
Սաղմոս ասելն մոռացան,—  
Ամէնն վասն ազահութեան :  
Երիցաներն յիրար կռուան,  
Բիր վերուցին եւ դաւազան,  
Փետեն մօրուս, կոտրեն բերան,—  
Ամէնն վասն ազահութեան :

Ազահուլթեան հետ միասին աշխարհի չարիքների պատճառն է ռխա-  
վալութիւնը, վրէժխնդրութեան ոգին: Եւ, բնականաբար, Նաղաշը չափա-  
ւորութեան հետ քարոզում է եւ քրիստոնէական ներողամտութեան, խաղա-  
ղասէր ու անյիշատի ոգին: Ոխակալ մարդը, ինչքան էլ աղօթք անի ու  
պահք պահի, թեկուզ կուսութեամբ անց կացնի կեանքը ու աստուածային  
քոյր օրէնքները պահի եւ իմաստութեան աղբիւրը լինի, — «բաժին չունի ի  
Քրիստոսէ»: Ընդհակառակը, հաշտ ու ներողամիտ ոգով, չարին բարի անելով՝

Թէ ի յատակս դժոխոց ծանր մեղօք ընկղմեալ ես,

Թէ խոնարհիս քո ընկերին, յերկնից խորանն վեր ելանես:

Եւ բանաստեղծը մէկ մէկ թւում է այն վատթար գործերը, որ գործ-  
ուել են ու գործուում են ազահուլթիւնից, — զողութիւն, հաւատուրացու-  
թիւն, ընտանեկան երկպառակութիւն եւ այլն, պատերազմներ, արիւնհե-  
ղութիւն, աւերմունք ու դերութիւն: Նոյն ազահուլթիւնն է պատճառ  
զարձել եւ մեր եկեղեցու անկման. կաթողիկոսները շատանում են (ըստ ժա-  
մանակակից Թոմա Մեծփեցու՝ մի քանի տարուայ մէջ վեց կաթողիկոս են  
փոխում եւ վեցն էլ թունաւորուած մեռնում), եկեղեցականների անկարգու-  
թիւնը մեծանում, բոլորը միայն ազահուլթեան համար: Մկրտիչ Նաղաշի  
այն կտորները, որ ժամանակի այս ընկած դրութեանն են վերաբերում,  
խսկապէս շատ կծու եւ դառն են, եւ դրանք մեր բանաստեղծութեան մէջ  
առաջին բաւական գեղեցիկ դարձմանքն են ապականուած եկեղեցականու-  
թեան:

Նաղաշն իբրեւ իսկական բանաստեղծ, թէպէտ զարձեալ խրատական  
ոգով, հանդէս է դալիս չորս քերթուածի մէջ, որոնք ձեւով շատ անզարդ են,  
բայց լի են զօրեղ եւ համակող զգացմունքով. նա դրանց մէջ դրել է իր  
ապրած կեանքն ու սիրտը, եւ քնարականութեամբ զարգացրել խրատական  
բանաստեղծութիւնը: Բացի այդ՝ փայլուն ձեւի փոխանակ, որ պակասում  
է, նա երկու քերթուածի մէջ մտցրել է երկախօսութիւնը, որ շատ կեն-  
դանացնում է դրուածքի ընթացքը: Նիւթի տեսակէտից նոյնիսկ նորութիւն  
ու թարմութիւն ենք գտնում այդ բանաստեղծութիւնների մէջ:

Առաջին անգամ նրա մէջ գտնում ենք պանդխտութեան մեծ վիշտն ու  
թշուառութիւնը պատկերացած, որ մեր ժողովրդի սրտի տխուր լարերից  
մէկն է եղել ամենահին ժամանակներից սկսած մինչեւ օրս, եւ որ բանաս-  
տեղծն զգացել է իր հոգու խորքով.

Զղարիպին հայն դիտեմ, օր վա՛յ կու տամ...

Զղարիպութիւնն յորժամ յիշեմ քան զուռ դողամ:

Պանդխտութեան երգերը, անշուշտ, Նաղաշից աւելի վաղ են ծագել  
մեզանում, քանի որ նրանից առաջ ղժբախտ ճակատագիրը շատ անգամ  
ստիպել է հայերին ոչ միայն խմբերով գաղթել՝ բռնի եւ յօժարակամ  
կտրուելով հայրենիքից, այլեւ ժամանակաւոր կերպով դիմել օտարութեան՝  
քնտանիքի ապրուստը ճարելու եւ բռնակալների հարկահանութեանը բաւա-  
կանութիւն տալու համար:

Պանդխտել են եւ Նաղաշի՝ իրեն նման մարդիկ։ Դրանց՝ այդ օտար երկիր թափառողների բոլորի վիճակը շատ խղճալի է, եւ այդ այնպէս ուժեղ կերպով պատկերացնում է մեզ բանաստեղծը իր երկու երգի մէջ, որ նրան կարելի է համարել մեր առաջին մեծ պանդխտի երգիչը։

Ղարիպին կեանքն է լալի ողբերգական,  
Դառն ու լեզի, լի տրամութեամբ ի նեղ զընդան»...

Աւա՛ղ զղարիպն ասեմ, որ յօտար երկիր հանդիպի,  
Աչերն արտասուօք ի լի, յերեսէն ի վայր կռթափի.  
Յորժամ ի մեջլիս նստի, յանկասկած սրտիկն արունի,  
Ջաչերն ի բոլորն ածէ, կարեւոր եւ զոք նա չունի։

Առաջին մեծ ցաւը սրանեղութիւնն է, որ ունի իր սիրելիներից զըրկուած պանդուխտը, այն, որ նրան ճանաչող ու հասկացող չկայ, չունի կարեկից ասպնջական. մարդը մենակ է մարդկանց մէջ, ինչպէս մի բանտում, նա խորտակում, նուաստանում է հոգեպէս։

Որ թէ լինի պարոնորդի եւ անմամն,  
Հանած վարած ասեն նմա մոլորական։...

Ղարիպին խելքն է կորեր, միտքն է մոլար.  
Եւ թէ լինի քան զՍողոմոն մտօք ճարտար,  
Որ թէ խօսէ բուն մի քանի անգլին ճոհար,  
Սաստեն նմա թէ լուռ կացի՛ր, անդէ՛տ յիմար։

Միայն բնական կարօտը չէ ուրեմն, որ նրան յիշել է տալիս իր սիրելիներին, ու ցանկանում է տուն դառնալ, այլեւ այն, որ նա ապրել է ուժգում, ապրել մարդկանց մէջ, այդ է, որ նրա կեանքը դառնացնում է, հացը լեզի դարձնում, սիրտը փոքրում գալարեցնում։

Հոգի՛, մի՛ ասեր զարիպ,  
Թէ չէ՛ իմ սիրտս կարունի,  
Ղարիպն ի յօտար երկիր  
Գեմ խիստ դիժար կուլինի։

Այս դեռ նիւթական պական չունեցող պանդուխտն է. իսկ աղքատ պանդուխտը եւ նրա անհանգիստ մտատանջութիւնը, անքուն դիչերների հոգսը թէ «վաղիւն ես ի՞նչ լինիմ դերիս, երբ լուսանայ»։ Եւ բանաստեղծը նկարում է մեզ քաղցած զարիպի շատ ողորմելի վիճակը, երբ նա «երես ի քաշ» փողոցներն է դուրս գալիս մի կտոր հաց մուրալու. շատերը նրա առաջը դուռը փակում են ու մի կաթ ջուր էլ չեն տալիս. եւ նա նստում, լալիս է։ Բայց պէտք է ապրել, ճար չկայ. նա գնում փոխ է ուզում. ոչ ոք չի տալիս։ Եւ նա ստիպուած գնում մտնում է մի տուն՝ քաջուկելով «ի տան տիրուն զինչ ի շանէն խիստ վախելով», բայց դարձեալ դուրս են հրում

անարգելով, եւ նա ետ է դառնում տրտում եւ արտասուելով: Եւ վերջապէս ամաչելով մտնում է մի տուն, ուր հազար բարիքով լի սեղան է դրած:

Նա՛ հազար գէշ ասէն նմա անարգելով,  
Ապա թէ տան կտոր մի հաց տրտնջելով...

Բայց որքա՛ն թշուառ ու ողորմելի է, երբ այսպիսի դարիպը հիւանդանում է փողոցում՝ անտէր, մէն մենակ, եւ մեռնում ու թաղում է: Շատ թանձր գոյնով է նկարում բոնաստեղծն այս ողբալի տեսարանը, այս մեռնող պանդխտի հոգեկան ու Ֆիզիկական տանջանքները եւ մարդկանց անգթութիւնը դէպի իրենց նմանը.

Եւ կայր անկեալ մէջ փողոցին անտիրական...  
Ծիծաղելով առին տարան յեղեր հոգին...

Բաւական չէ, որ բոնաստեղծը հոգու խորին կարեկցութեամբ լցուած նկարագրում է այդ թշուառութիւնը, այլեւ նա չի մոռանում վերջում կարեկցութիւն քարոզելու իրրեւ վարդապետ եւ նոյնիսկ ազօթելու ամէն զարիւթների համար, որ Աստուած օգնէ նրանց եւ հասցնէ իրենց փափաղին: Մի քերթումով մէջ, որ երկախօսութիւն է պանդխտի եւ իր բարեկամի մէջ՝ պանդուխտն իր վշտահար սիրտն է բաց անում, նմանեցնելով իրեն երամից դատուած ու մոլորուած մի երերուն թռչունի, որ հանդիստ կը դռնի միայն այն ժամանակ, երբ երամին կը հասնի: Նրա համար այնքան սոսկալի է պանդխտութիւնը, որ նոյնիսկ «զարիպ» բառը լսել չի ուզում: Բանաստեղծն աշխատում է փորձել սփոփել պանդխտին, թէ հոգ չունի, մէկ [օր] Աստուած նրան էլ կը դարձնի հայրենիք: Բայց պանդուխտն ամենեւին չի մխիթարւում, եւ վերջիվերջոյ բանաստեղծին ուրիշ բան չի մնում, բայց եթէ ասել.

Ամէնքս եմք զարիպ, եղրա՛րք, հայրենի մարդ իսկի չունի,  
Հաւասար գնալու եմք, զի այն կեանքն է մեզ հայրենի...

Այս միեւնոյն դործնական, խրատական մտքից է ծագում նաեւ Մկրտիչ Նազալի հայեացքն ու երդն աշխարհի ունայնութեան մասին, որ բաւական մօտ է Կ. Երզնկացուն, թէպէտ ոչ այնպէս փայլուն ու զունագեղ, բայց ոչ պակաս ներքին ուժով եւ ինքնայատուկ շնորհքով: Նա եւս աշխարհի ունայնութիւնը տեսնում է նրա անհաստատութեան մէջ: Աշխարհը մարդուս բարիք չի տալիս. եթէ մի օր ուրախութիւն է տալիս, յետոյ դալիս է մշտական դառնութիւնը. մարդս միմիայն խարուսիկ յոյսերով է ապրում, եւ իզուր հանգիստ, ուրախութիւն ու հարստութիւն որոնելով՝ աշխարհի հոգսերով ու մեծ աշխատանքներով տառապում, եւ դեռ ոչինչ չստացած՝ մէկ օր էլ յանկարծ դալիս է մահը եւ «յարեւուն դատարկ հանէ եւ առնէ ողորմ ու լալի»: Եւ ազահութեան դէմ երգող վարդապետի համար՝ խրատական եղրականացութիւնը պիտի լինէր յորդորը՝ չսիրել աշխարհը աւելի, քան կարելորէ, չփարուել նրան եւ ապրել անասունի նման, չցանկալ հարստութիւն ու մեծութիւն, այլ բարին դործելով բաւականանալ կերակրով ու հանդերձով,

որովհետեւ «աւելին քեզ ցաւ կը լինի»։ Ունայնութեան երդն, ուրեմն, Նա-  
ղաշի գրչի տակ դառնում է մի խրատ, չափողացուած ու խորը գիտակցուած,  
մի բացատրութիւն, թէ չպէտք է ագահ լինել, որովհետեւ աղահոսութեան մէջ  
ոչ մի խորհուրդ չկայ, քանի որ մարդն ինքը չի վայելում իր մեծ աշխա-  
տանքները։

Բայց դու զայս գիտացի՛ր թէ յի՞նչ կու գատիս,  
Երբ թողուս օտարաց 'ւ ի հող մտանես։

Անչաւշտ, Նաղաշը չի քարոզում անդործութիւն եւ ոչ էլ աշխարհուրա-  
ցութիւն, ինչպէս միտելք Նարեկացին։ Եւ միայն անցաւորի համար, որ  
մարդ ինքը չի վայելելու, չաշխատել անասունի նման եւ չմոռանալ հոգեւո-  
րը, յաւիտենականը։ Նա միայն չափաւորութիւն է քարոզում։

Աշխարհս տունն է լի զանձով,  
Փարթամութեամբ եւ մեծութեամբ.  
Այլ եւ սեղան է բարելի,  
Որ ամենայն ոք ցանկանան.  
Որք իմաստուն են, հաւատով  
Ըզջափաւորն առնուն, դնան։

Եր. 13

Ինչքան էլ աշխարհն ունայն է համարում, եւ մարդկանց աշխարհի մէջ  
մի ժամանակաւոր հիւր միայն, բայց եւ այնպէս նա չի արհամարհում աշ-  
խարհը, ուստի եւ բոլորովին անտարբեր չի համակերպում մահուան առաջ։—

Ճանապարհ հեռաւոր ունիս դնալու.  
Ճար չունի՛ս, ճար չունիս փրկիլ ի մահու։—

յուզուած բացականչում է նա մահուան համար, գիմեյլով ինքն իրեն, եւ ապա-  
նկարագրում իր իսկ տենչն ապրելու մահուան բոլէին։

Յորժամ մահ քեզ տիրէ 'ւ օրն հասանի,  
Եւ հոգիդ ի մարմնոյդ ելեալ բաժանի,  
Նա՛ հայիս աստ եւ անդ ողորմ ու լալի,  
Ոչ օգնէ քեզ եղբայր եւ ոչ սիրելի։  
Ծուրջ ածես ողորմուկ զաչերդ ու նայիս,  
Հետ թափես արտասուք ու հետ շուարիս.  
Ոչ օգնէ մեծութիւն 'ւ ոչ սէր աշխարհիս,  
Զինչ բարի դործեցեր՝ նա զայն տի տանիս։

Եր. 6-7

Մահը եւ ապրելու այս տենչն աւելի զօրեղ կերպով երգել է Նաղաշը  
«Ողբ վասն մեռելի» քերթուածի մէջ, գրուած 1469 թ. Մերտին քաղաքի  
կոտորածի մասին ժանտախտից, որ վարդապետն ինքն իր աչքով տեսել է-



Աչօք տեսայ դառն կսկիծ ողորմագին .  
Լալով լացի եւ ողբացի արտասուագին ,  
Դառն արտասուօք զողբս ասացի նոր մեռելին . . .

Այդ ողբը մի ժամանակ մեծ ժողովրդականութիւն է դտել՝ երգուելով նորատի ննջեցելոց յուղարկաւորութեան ժամանակ եւ մինչեւ անգամ մտել է Մաշտոցի մէջ, ուստի եւ փոփոխութեան է ենթարկուած , մէջն աւելացրած են տներ , որ ուրիշ օրինակներում չկան : Բանաստեղծին , բնականօրէն , ոչ մի հասակի մարդու մահն այնպէս ցաւ չի պատճառում , որքան անմեղ երեխաների , նորատի մանուկների ու երիտասարդների , որոնք այնքան հեռու են մահից , եւ նա , ծերութեան հասակում , շատ սրտաւուչ , խորին յուզմունքով նկարագրում է այդ մահը , որ ամէնից արտասուելի է .

Լացէ՛ք այսօր եւ ողբացէ՛ք ամենեքեան ,  
Դառն արտասուօք հառաչեցէ՛ք դուք միաբան .  
Զի հանց կսկիծ այլ չէ տեսեր մարդ բանական ,  
Որ սար ու ձոր եւ ծառ ու ճեղ ամէն կուլան :  
Աղէկ մանուկ աղւոր պատկեր արեւնման ,  
Յունքն կամար , աչքն կանթեղ էր յանդիման ,  
Յամէն անձամբ եւ հասակօք ինքն աննման ,  
Ամէն մարդոց էր սիրելի եւ սիրական . . .  
Մանուկ անկեալ եւ թաւալէր ողորմագին ,  
Քանզի հասեալ էր օր մահու բուռն առենին ,  
Հայէր ողորմ յաջ եւ ի ձախ , քակտէր հողին ,  
Ծար չունէր , ոչ օգնական յայնմ առենին :  
Յայնժամ ելաց , լալով ասաց . «Ինձ խղճացէ՛ք ,  
Եւ զենէհար ի մահուանէն զիս թափեցէ՛ք ,  
Եւ ի ձեռաց սուրբ հրեշտակին ազատեցէ՛ք ,  
Զի դեռ մանուկ եմ , զենէհար , զիս պնեցէ՛ք» :

Ապա մեռնողը ազիւղորմ կերպով հօր երեսին է նայում , աղաչելով , որ օգնի իրեն . Թշուառ հայրը պատասխանում է հառաչելով՝ Թէ պատրաստ է հողին տալու որդու փոխանակ , բայց ոչ մի բան չունի փրկելու նրան , եւ որդուն ուրիշ բան չի մնում , բայց եթէ լալ իր «կանաչ արեւն մանկութեան» :

Գեղեցիկ դոյնն երեսաց թառամեցաւ ,  
Եւ ծովային աչքն ի լուսոյ պակասեցաւ ,  
Վայելուչ զօրեղ բազուկըն թուլացաւ ,  
Լար արծաթոյ ոսկի մանեակըն մանրեցաւ :

Եւ մեռնողն իր վերջին հրաժեշտը տալով եւ իր համար պատարագի հոգ տանելով ընկնում է «դառն ու դժուար ճանապարհը» , որ նա չի կամենում գնալ , որովհետեւ դեռ ժամանակը չէ . դեռ սրտում փափագներ ունի , որ նա անկատար հետը գերեզման է տանում : Այս մահը եւ նարեկացու մահը արդէն որքա՛ն տարբեր են . վերջինս ամենեւին չի յուզում եւ չի ցաւում ,

թէ կեանքից զրկուելու է, այլ միմիայն իր հոգու փրկութեան համար է հոգում, մեռնելիս անգամ միմիայն ապաշխարելու եւ ազօթելու վրայ մտածելով. իսկ այստեղ էականն է այս դառն ցաւը աշխարհը թողնելու համար. փրկութիւնն արդէն ձեւական է դարձել. «Ձենէհար ինձ պատարադ դրէ՞ք պաշար», «սուրբ աղօթիւք զիս յիշեցէ՛ք դուք միաբան, պատարադօք հաշտեցուցէ՛ք զԱստուածն բան, որ զիմ հոգիս արքայութեան առնէ արժան»:

2. Քերպալքէ:— Մահուան այս երգը, որ մեր քնարերգութեան ամենադըլիսաւոր թեմաներից մէկն է, իր ձևով եւ բովանդակութեամբ կատարելութեան է հասել «Քերոբէի տաղի» մէջ («Հայ էջեր», եր. 76, 1 տ.): Թէ ո՛վ է այդ տաղի հեղինակ Քերոբէն, ո՞ր դարում է ապրել եւ ունե՞նք արդեօք նրանից մնացած ուրիշ քերթումներ եւս, այդ յայտնի չէ: Ըստ Հ. Պոտուրեանի (Les Trouvères Arméniens, եր. 163)՝ նա ապրած պիտի լինի 15-րդ դարու վերջերում: Այսպիսի երգիչը չէր կարող ուրիշ տաղեր եւս յօրինած չլինել. բայց դժբախտաբար մինչեւ այժմ բան յայտնի չէ: Այդ տաղի մէջ նա հանդիսանում է իսկական արուեստաւոր երգիչ: Նիւթը Մկրտիչ Նաղաշի նոյն երիտասարդի մահն է, եւ նկարագրի մէջ էլ մէկ-մէկ նոյնը: Բայց մինչ Նաղաշը ինքն է երգում եւ մեռնող մանուկին ու իր հօրն է խօսել տալիս, այստեղ բանաստեղծը դերեզմանից դուրս է կանչում նոր թաղուած մեռելին եւ նրան խօսել տալիս իր մասին: Բանաստեղծը քնարերգութիւն չի յօրինում, այլ վէպ. սեղմ, խորացրած դործողութեամբ ու նկարագրով, որ խիստ սրբաւոր է աղւեսդութիւն է թողնում, երբ բանաստեղծն իր սեփական զգացումն արտայայտում է «Վա՛յ անձն իմ, եղուկ, հաղար վա՛յ» բացականչութիւններով, որ կրկնում է ամէն էջում իր պատմածի եւ թէ մեռելի՛՜ ամէն մի տնից յետոյ եւ ուժեղ ցնցում ընթերցողին, մտածմունքի մէջ ձգելով, չնայելով ինքը բանաստեղծը եւ նոյնիսկ դերեզմանից խօսող մեռելը շատ մեղմ ու հանդիսաւ են պատմում: Բանաստեղծն իր ամբողջ էութեամբ զգացել է մահուան սոսկումը, որ շատ մեծ է եւ մեծ է յուզիչ կացութիւններով եւ կեանքի ու մահուան զօրեղ հակադրութիւններով: Հէնց սկզբից մարդուս Փրկիկականի համար ստանում է մի սարսուռ դերեզմանի տռաջ, որի մէջ հոտում է գեղեցիկ ու խիստ նազելի մանուկը.

Երէկ հոգվեքօքն անցի, հոտ առի զքիմբա կափուցի,  
Դայլ մ՝ երկուք յառաջ դնացի, նեղ ու խոր դնդան մի տեսի.

Վա՛յ անձն իմ, եղո՛ւկ, հաղար վա՛յ:

Մանուկ մի պառկած տեսի գեղեցիկ ու խիստ նազելի,  
Հարցուկ ես նորա եղայ թ՝ ի՞նչ կանես, այդ քեղ չէ տեղի.  
Վա՛յ անձն իմ...

Դարձաւ ու ճուղապ ետուր թէ՛ կանգնե՛ց, կարիճ գովելի,  
Ես ա՛յլ քան ըդքեղ էի գեղեցիկ ու այլ ցանկալի.

Վա՛յ անձն իմ...

Մեռելի տռաջին խօսքերից մենք խորն զգում եւ տեսնում ենք մարդուս դառն ճակատագիրը, որ ոչինչ է ինքը, եւ այսօրուայ զուարթ ու փարթամ մարմինը վաղը մի զլուելի գէշ է, եւ ի զուր կափուցանում է քիմբը ու

հեռու փախչում, քանի որ ինքը մեռելի ընկերն է, բայց երբ մանուկն ափսոսում է պատմել իր անցած կեանքը, իր հոգեւարքի գալարումները, նրա ամէն մի խօսքը մուրճի պէս հարուածում է մեզ, որովհետեւ մենք տեսնում ենք քաղցր եւ լաւ բաների կործանումը, տեսնում ենք կեանքի եւ մահուան անհուն տարբերութիւնը եւ մարդու կատարեալ անզօրութիւնը: Մի կեանք, որ ճոխ, ուրախ ու լիառատ, անհոգ ու առոյգ է, մի մարմին, որ ուժեղ ու գեղեցիկ, առոյգ եւ շնորհալից է, մի մարդ, որ ամէնքի համար ցանկալի ու հիանալի է, շրջապատուած սիրելի ազգականներով ու բարեկամներով, մի խօսքով՝ ամէն բարեմասնութիւններով լի, մի կատարեալ բախտաւոր մարդ, որ մահուան մասին երբեք էլ չի մտածում եւ իր բարի գործով չի պատրաստուել անդէնի համար. որովհետեւ մահն իրենից շատ հեռու է երեւակայել, այլ միայն կերել, անուշ խմել է, ճարտար խօսել, այս մարդը յանկարծ ցաւից բռնւում է. նա սկզբում զարմանում է, որ հիւանդացել է, բայց շուտով ընկնում է անկողին, թուլանում ու կարկամում է: Ողորմազին ուզում է, որ օգնեն իրեն, բայց չեն կարողանում օգնել: մարմինը թուլանում է, լուսատու եւ ցանկալի աչքերը կուրանում են, զօրաւոր բազուկը անշարժ է մնում, զարմանալի ճարտարախօս լեզուն կապւում է եւ վերջիվերջոյ աւտում է մանուկը.

Հոգիս ի մարմնոյս ելաւ, ու մընաց մարմինս դարչելի,  
Այն իմ սիրելիքն ամէն ողբալով լային դէմ ինձի.  
Վա՛յ անձն իմ, եղո՛ւկ, հազար վա՛յ:

Բայց այդ չէ միայն մարդու ոչնչութիւնը. լսենք մեռելին եւ տեսնենք նրա ողբալի վիճակը, որ անխուսափելի ճակատագրականութիւն է:

Այն իմ քոյր 'ւ եղբայր՝ որ իւրեանց էի ցանկալի,  
Շուտով ինձ պատանք բերին՝ «թէ՛զ հանէք որ, խիստ չհոտի»:

Սիրելիներն իսկ, ուրեմն շուտ դէն են չպրտում իրենց սիրեցեալին, որ արդէն «դարչելի» է: Դրանից էլ աւելի դառնութիւն չի կարող լինել:

Կոստանդին Երզնկացու մէջ արդէն, որ նոյնպէս երգում է գեղեցիկ մահը, կայ այդ դարչութիւնը, բայց նուրբ. այնտեղ մահը գեղեցիկ մարդկանց միայն «քաշէ գերեսին գոյնն, որ է դերդ ծաղիկ», «ոչ այլ գեղեցիկ երեւին սուրաթով», «որ ոչ աչք ունին, ոչ լեզու կամ բերան. դարձել են փոշի եւ ոսկերք են ցամաք, այն անձն, որ պայծառ էր, քան դժիւն ըսպիտակ»: Մկրտիչ Նաղաշի մէջ «աւաղ զայն աղուոր մանկութիւն, որ դարձան ի հող եւ ի փոշի»: Իսկ Քերովսէի մէջ գեղեցկութիւնը դարչանքի է վերածւում, մի զգուշելի ոչնչութեան, որից թրթռում է բանաստեղծի վշտահար սիրտը:

Բայց այդ չէ միայն: Նրանք ինչպէս գերու, կողոպտում են նրան՝ կարծես ապացուցելու համար, թէ չպիտի սիրել աշխարհի փառքն ու հարստութիւնը, խելով զարդարանքներն ու հագուստը, ու իրենցից շատ հեռու խոր ու գէճ դնդանի մէջ հողով ծածկում եւ ասում, թէ «անշարժ եղիցի»:

Ահա թէ ի՛նչ է պահուած մարդու համար, թող նա քիմքը չկափուցանի

եւ չչտնայի հեռու վախճել: Միջնադարեան հաւատացեալի համար, սակայն, մահուան արհաւիրքն աւելի երկարատեւում է հանդերձեալի տեսարանով, մահով չի ոչնչանում մարդը, մեղաւոր մարդը,

Խիստ ողորմելի է մարդ, որ մեղօքն ի հողն իջանի.  
Երթայ նա անլոյս խաւար, տարտարոս 'ւ ի հուր գեհենի.  
Ոչ սուրբ բարեխօս լինի, ոչ եկրայր եղբօրն օգնելի:

Մկրտիչ Նաղաշի մէջ դոնէ այն միամիտ հաւատը կար, թէ պատարագը, մնացողների աղօթքը կ'օգնի մեռելին. այստեղ այդ ամէնը անարժէք է. միակ բարեխօսը մնացել է Աստուածածինը, որին դիմում է նաեւ Նաղաշը, եւ միակ մէջոցը սեփական բարի գործն է կենդանութեան ժամանակ, բայց այդ էլ չի անում մարդ, հարուստ մարդը, որովհետեւ չի հաւատում իր մահուան, եւ իր գործն այնպէս չի բռնում, որ մեռնելիս չչուարի:

Մըքին Քերովբէ անխել բառքդ է պաղ ու խօսքդ է քամի,  
Թէ խիստ իմաստուն ես դու, նայ արա՛ծն արակ դու քեզի.  
Քանի յաշխարհիս կ'սցեր՝ չես գործեր դու գործ մի բարի,  
Ըղիպաւ աշխարհիս սիրէ, որ կ'որուստ է՝ քեզ 'ւ ամենի:  
Վա՛յ անձն իմ, եղո՛ւկ, հազար վա՛յ:

3. Յովհաննէս Թլկուրանցի:<sup>1</sup>—Մինչ Քերովբէի տնայի մէջ աւելի մարդուս ոչնչութիւնն ենք տեսնում, քան սարսափը մահից: Յովհաննէս Թլկուրանցու մահուան երգերի մէջ՝ ընդհակառակն: Այս բանաստեղծը, որի կենսագրութիւնից միայն այսքանը գիտենք, որ 1489—1525 թ. եղել է Սսի կաթողիկոս, իր ամբողջ էութեամբ դոյրում ու սարսափում է մահից, որովհետեւ ամենամեծ չարիքը, որ կայ մարդու համար, դա մահն է.

Է՛, մա՛հ, քանի ըզքեզ յիշեմ՝  
Կու դողամ եւ կու սարսափիմ.  
Չկայ քան ըզքեզ լեղի,  
'Ի ամենայն լեղւոյն լեղի ես:  
Լեղի՛, 'ւ ամենայն լեղւոյ՝  
Մի՛թէ դու ի քե՞ղ նման ես.  
Դժոխք քան զքեզ լեղի,  
Եւ յետոյ զայն ալ դու բերես:

(Եր. 46)

Նա այնքան ատում է մահը, որ նոյնիսկ բորբոքում, զայրանում է Աստուծոյ դէմ, որ քէն պահելով մարդոց դէմ՝ մի յանցանքի համար մահ է ըստեղծել:

Է՛, մա՛հ, դու քէն ունիս,  
'Ի Աղամայ որդին կու հանես.  
Կամ՝ մեղաց հարուած ես դու,  
Ի մահու պտղէն ծնեալ ես:

<sup>1</sup> Աււան աղա:

<sup>2</sup> Կ. Կոստանեանց, Յովհաննէս Թլկուրանցին եւ իւր տաղերը, Թիֆլիս, 1892:

Մահուան մնացած պատկերացմամբ եւ առհասարակ աշխարհի անցաւորութեան մասին իր հասկացողութեամբ Թլկուրանցին չի տարբերում նախորդներից. միայն որովհետեւ նա խիստ աստուծոյ եւ սարքաւորում է մահից, ուստի եւ հանգիստ երգել չի կարողանում այդ նիւթերը, այլ ընդհակառակը, նոյնիսկ եօթանասուն տարեկան հասակում մի բուռն եւ ուժգին թափով պատկերացնում է մահուան ոչ միայն դառնութիւնը, այլեւ ամենայնթաւաթը, որ ոչ մի մարդու, ոչ սրբի ու մարգարէի, ոչ ուժեղի. ու թաղաւորի մտիկ չի տալիս, այլ ամէնքին հաւասար ընկճում, հաւաքում է իր բոան մէջ ու խորտակում, եւ ինչպէս Քերովբէի տաղի մէջ, գեղեցկութիւնը անուշահոտ մի դարչելի «դէշ» բան դարձնում.

Թէ հաղիդ է վեց զրահ,  
 Նեա՛ նետես՝ ու ի թափ անցրնես,  
 Տանին զնա ի բանտ ամես,  
 Դէմ դռանն քար մի ձգես:  
 Արծիւ ես, յերազ թռչիս,  
 Լայնածիփ գթեւդ տարածես,  
 Զինչ աշխարհս հզօր մանուկ,  
 Ի թեւիդ ծայրն ծրարես:  
 Հազար երանի՛ նորա,  
 Զոր բարի դործով գտանես.  
 Հեղեղ բոցեղէն տարեր,  
 Զոր ի մէջ մեղացն լմբունես:

(Եր. 47)

Թլկուրանցու այս անհանդստութիւնն ու սարսափը, նրա զայրոյթը, ատելութիւնն ու դարչանքը մահից՝ ծագում են նրա ընդհանուր խառնուածքից, որի էական դիմն է կեցաստիքութիւնը: Նա ոչ միայն ապրելու տենչ ունի, այլեւ գեղեցիկ, ուրախ ու դուարթ ապրելու, եւ կ'ուզէր յաւիտեան այդպէս ապրել՝ միայն սիրելու եւ գեղեցկութիւնը դիտելու համար, Բայց դրան խանգարում է մահը, ոչ միայն նրանով, որ զրկում է սիրելուց ու գեղեցկութիւնը տեսնելուց, այլեւ նրանով, որ, ժամանակի հայեացքով, այդպիսի կեանքն ու սէրն ընդհանրապէս, այս աշխարհի համար վտանգաւոր էր, իսկ այն աշխարհը մարդուս բերողը մահն է: Եթէ չլինէր մահը, մարդ այդ վտանգից ազատ կը լինէր եւ կը սիրէր ու վայելչութեամբ կ'ապրէր ընդմիջտ՝ առանց որեւէ վրդովմունքի: Բայց այն միտքը, թէ մահ կայ, ինչպէս մի թոյն միշտ կաթում է նրա վայելչասիրութեան մէջ, — ահա թէ ինչո՛ւ մահն ամէնից մեծ չարիքն է.

Թէ չէր մահո՛ւն օրն ու դժոխքն  
 Եւ կամ սարսափ դատաստանին,  
 Նա՛ այս աղէկ էր զինչ ասաց  
 Խեւ Յովհաննէս Թլկուրանցին:

(Եր. 36)

Այսպէս է վերջացնում նա իր կենսուրախ սիրոյ երգերից մէկը (տե՛ս եւ. եր. 28, 30-31, 37, 49-50): Այսպէս է յաճախ վերջացնում, երբեմն եւ սկսում սիրոյ երգերը (տե՛ս նաեւ «Հայ էջեր», եր. 32):

Բանաստեղծը փորձում է արդարացնել իրեն, թէ սէրը մարդկային բնութեան մի պահանջ է, որի համար մեղադրել կարելի չէ իրեն, քանի որ Ադամից սկսած (եր. 27-33) մարդիկ միշտ յաղթուել են նրանից (եր. 33-34) եւ առաւ է, թէ կրօնաւորներն անպայ լեն.

Ինձ մեղադիր յէ՞ր կու լինիք,  
Հարիւր տարւոյ հաբեղանին,  
Որ ճերմակն է՝ դարձեր դեղին,  
Կտրէ զկօրտիկ պատարադին  
Ու զքեզ ուզէ առջեւ խաչին (եր. 32):  
Սէրն կուտանի զամօթն երեսէն  
Ի հաբեղայէն եւ ի վարդապետէն.  
Երէց, սարկաւադ կու ձգէ ի կարգէն,  
Տանի զխելքն ի պլխուն, զամօթն երեսէն (եր.  
34):

Թէ վարդապետն զձեզ տեսնու,  
Մոռնայ զուսումն ու շատ գրունք (եր. 16):  
...Զմիակիցին խելքն տանիս,  
Որ կացեր է զօրն անարատ (եր. 29):

Եւ վերջապէս Աստուած կնոջը ստեղծել է սիրոյ համար (գու ստեղծի՞ր գիինն ի կողէն վասն Ադամայ սիրոյն համար) (եր. 27), եւ նրան սիրում են ոչ միայն մարդիկ, այլ ինքն Աստուած է սիրում, քանի որ գեղեցիկ կինն արարչութեան պատին է.

Պարծանք ու մա՛շ քո ծնողին,  
Փառք ու պատիւ քո Արարչին (եր. 22):

Բայց այս մտածութիւններն ամենեւին չեն հանգստացնում բանաստեղծին, որովհետեւ սէրը դարձեալ մնում է իրրեւ մի մեղանշականութիւն («Ով որ մեղաց ճաշակն առնու՝ այլ Աստուծոյ չի տար խաբար») (եր. 28), ուստի եւ նա տանջւում է երկուութեան մէջ, ու նրա սիրոյ եւ ուրախութեան երգերը, մահուան յիշատակով, վերջում մեծ մասամբ դառնում են եւ զլջման երգեր.

Բացէն ասեմ, ճարակ չկայ.  
Մահու մեղաց ներքեւ եմ ես.  
Հայիմ ի քեզ, հայիմ ի նա,  
Որ ի հողոյ ստեղծեր զքեզ:  
(եր. 39)

Բայց ինչքան էլ մահը թունաւորում է նրա հոգին, ինչքան էլ մահուան երգերի մէջ նա երգում է անցաւորութիւնը, բայց եւ այնպէս թլկուքանցին յոռետես չէ. աշխարհը նրա համար ոչ միայն ոչինչ չէ, այլ, ընդ-

հակառակն, ամենալաւ բանն է, եւ նոյնիսկ Աղամայ անմահութեան դրախտից լաւ, որ պիտի վայելէ: Երբ դարուն է պայծառ, այգի ու պարտէզ, դաշտ ու լեռներ զարդարում են կանաչ զգեստներով ու ծաղիկներով, երբ չնչում է անուշ քամին, թռչուններն անուշ երգում, քաղցր գալիս է սոխակի ձայնը, եւ մարդ նստում է վարդենիների մօտ, ծառի թանձր ստուերում, առջեւն ունենալով արագ վազող խոխոջուն ջուրը, ու թեւն ընկերի վզով ձգած՝ սիրով խմում է անուշ գինին եւ ուրախութիւն անում: Դա մի այնպիսի բան է, ասում է Թլկուրանցին, որ դրանից լաւ բան չկայ, եւ մարդ նոյնիսկ Աղամայ դրախտի հետ չի փոխիլ այս կեանքը, եթէ միայն չլինէր մահը («Տաղ դարնան», եր. 35):

Այս աշխարհասիրութիւնն արդէն այն չէ, ինչ որ Կոստանդին Երզնկացին ունէր իր զարնան եւ արեգակի, լուսոյ եւ սիրոյ փառաբանական երգերի մէջ, որտեղ ամէն ինչ մի կրօնական հրճուանք էր աստուածային բնութեան գեղեցկութեան ու յաւիտենականութեան առաջ: Այստեղ արդէն մարմինն է իշխում իր թանձրացած, երկրաւոր, ցանկական պահանջով. մարդը երկնային ուրախներից իջել է իրական աշխարհը եւ իրական կեանքի վայելքը: Իսկ այդ վայելքի մէջ էական տեղը մեր Թլկուրանցու համար բնութիւնը չէ [գրաւում] իր գեղեցկութիւններով եւ խորհրդաւոր ուժերով, որ մարդուն մի հոգեւոր վայելչութիւն է ընծայում, այլ ինքը, մարդու մարմինը. բնութիւնը նրա, այդ մարմնի համար միայն մի գեղեցիկ դրօսավայր է, մի կանաչ պարտէզ, ուր կարելի է ծառի ստուերում նստել, վայելք քաշել, խնդում անել: Այդ պատճառով Թլկուրանցին, գոնէ ինձ ծանօթ երգերի մէջ, չունի բնութեան երգեր, ինչպէս Կոստանդինը: Նրա «Գարնան տաղը» նոյնիսկ (եր. 35) մի «ուրախութեան» տաղ է, եւ դարունը նրա համար միայն ուրախութեան ամենալաւ ժամանակն է, որովհետեւ

Գարնանային ամիսն երբ գայ,  
Հաւասար ծաղկի ձոր ու դալար.  
Գետերդ յորդոր գնացք առնուն,  
Ի լեռներուն թափին ի վայր:

Այդ ժամանակ, բնութեան այդ զարթումի հետ՝ զարթնում է մարդու մէջ ուրախութեան եւ սիրոյ բնական յոյզը —

Գէնա բահար, այլ՛ւի բահար,  
Այլ՛ւի կու տան սիրոյ խաբար:

Այս պատճառով, սիրելի կինը բանաստեղծին ներկայանում է գրեթէ [միայն] իր գեղեցիկ մարմնով, որ յափշտակում է նրան եւ որին մեծ սիրով նւիրում է տաղեր: Գեղեցիկ մարմնի նկարագրի համար, Նարեկացու ժամանակից սկսած, ուրեմն 10-րդ դարուց, կազմուած է եղել որոշ ձեւ ու ճաշակ, որով թւում են, ինչպէս անում է Նարեկացին, հասակը, աչք եւ ունքը, ալիքը, ձեռքերը, բերանն ու շրթունքը, լեզուն ու ձայնը, ծամերը կամ վարսերը, ծոցը, ժպիտը, պատմուճանը, դօտին (քամար), քայլուածքը, կեցուածքն ու շարժուածքը: Դրա հետ միասին առաջ են գալիս ոչ միայն

արտաքին նկարագրի համար ընդհանուր պատկերներ եւ նմանութիւններ երկնային լուսատուներից, բոյսերով ու անիւնքով, որ բանեցնում են երգիչները, այլեւ գեղեցկութեան մի ընդհանուր իտէալական պատկեր, որի մէջ առանձին բանաստեղծները շատ քիչ փոփոխութիւն են մտցնում նախելով իրենց ճաշակին կամ սիրած կնոջը եւ կամ իրենց հակումներին, աւելի կամ պակաս տեղ տալով մարմնին: Երգչի անհատականութիւնը երեւում է, գլխաւորապէս, ոչ այդ նկարագրով, այլ իր տրամադրութեամբ, որ նա դնում է իր երգի մէջ: Թէպէտ եւ մինչեւ Թլկուրանցին յայտնի են միայն երկու երգիչ՝ Նարեկացի, Կոստանդին, որ ունեն այդ նկարագիրը, և Թլկուրանցին առաջինն է, որի երգերի մէջ մեծ տեղ է բռնում արտաքինը, բայց եւ այնպէս այդ երեքի համեմատութիւնից հենց պարզ երեւում է վերելում գրածի ճշդութիւնը: Շատ բան Թլկուրանցու մէջ ընդհանուր տեղիք է, թէպէտ եւ առանձնայատուկ ուժով արտայայտուած:

Այդ գեղեցկութեան իտէալն, անշուշտ, մեր հին երգիչներից է դալիս եւ 10-րդ դարում արդէն գրեթէ ամբողջ պատրաստ է. թէ արաբական աղգեցութիւն կա՞յ դրա մէջ թէ չէ՞՝ այդ չգիտեմ, բայց քանի որ 10-րդ դարու է, նոր պարսկական չկայ: Երգոց երգի աղգեցութիւնն անպայման երեւում է, բայց այդ ճաշակը շատ հեռու է հին հրէականից:

Կոստանդինին, քանի որ նրան հետաքրքրում է աւելի ներքինը, դրաւում է գեղեցիկ պատկերը իր մի քանի էական դժբերով, իր մորճ ու չիտակ հասակով եւ մանաւանդ պայծառ դէմքով եւ ոլորուն սեւ մազերով: Թլկուրանցուն, ընդհակառակը, մարմնի բոլոր մասերի հետ՝ ամէնից առաջ յափըշտակում են ծով-ծով աչքերը, թուխ ու մեծ (եր. 29, 37, 25, 31, 33, 36, 39, «Հայ էջեր», 32), որ արեգակի նման փայլում են:

Արեւնման շողշող կը տաս,

Յորժամ սիրով զաչերդ ածես (եր. 29):

Մի պատկեր եւ նմանութիւն, որ նոյնիսկ Վահագնի երգի մէջ ենք գտնում՝ «Աչկունքն էին արեգակունք», որ եւ Նարեկացու մէջ նմանեցրած է ծովի:

Աչքըն ծով ի ծով ծիծաղախիտ,

Ծաւալանայր յառաւօտուն

Երկու փայլալնաձեւ արեգական նման:

Այս բոլորի հետ՝ այս գեղատեսիլ պատկերը ներքին գրեթէ ոչ մի արժէք չունի, բայց եթէ այն, որ «անուշ քաղցր եղանակ» ձայնով զրոյց անում եւ բնական գեղեցկութիւնը բաւական չէ, արուեստով էլ գեղեցկանում է եւ ծեփծեփում, ու դրանով աւելի դրաւիչ դառնում ու յափըշտակում մարդկանց թունաւորելու համար: Այդ է Թլկուրանցու երգի կիլնն իր թանձրացած մարմնով, որ բանաստեղծի համար ամէն ինչ է:

Կիլնն քաղցրիկ զրոյց ունի,

Խայթաւ ի հետ առնէ գալար,

Յանկարծ զթիւնքն ի մարդ թափէ,

Որպէս զականաւ բռնէ անճար:



Յունքն քաշէ, դաշքն դեղէ,  
 Սենէշանայ քան դրեկիար,  
 Միշտ պռունկն ծումռէ,  
 Զմարդիկ կու ձգէ ի քարն ի վայր (եր. 27):  
 Պազ մի յերեսէդ կ'աժէ զՍորասան,  
 ԶՀապաշ ու զՇմէն տիլու Հնդստան,  
 Երկու վարսդ է գին Զինի եւ Սութան,  
 Պուլլար, Ստամպուլ է Շէհրի եաղզան (եր. 34):

Այսպիսի մարմին երգողի ու գնահատողի համար, բնականաբար, սէրն այլեւս մի ներքին մտերմական ուժ չէ, հոգեկան դաղտնի ցաւերի ու վշտի աղբիւր, այլ Փիղիքական յոյզի մի բռնկում միայն գեղեցիկ կնոջ տեսքից, բայց այնպիսի բռնկում, որ նրան յափշտակում, վառում է եւ սպառում. եւ այսպէս ամէն անգամ, երբ նրան երեւում է գեղեցիկ պատկերը: Բանաստեղծն այդ ժամանակ դառնում է մի աչք, սեւեռած գեղեցիկ սիրելիին կամ բարեկամին, ինչպէս անուանում է նրան երգիչը, նրա մարմնին եւ մարմնի բոլոր մասերին, եւ նրանից խելքամաղ լինելով՝ տանջւում է ինքն եւս մարմնով: Դրա համար եւ նրա երգի մէջ մարմնի նկարագրի հետ տեսնում ենք եւ երգչի իրեն մարմնի խորտակումը, որ ունենում է սիրոյ առարկայից:

Կնոջ տեսքից նա, մանաւանդ երբ յանկարծ է պատահում, եւ այս մոտիւր սոփորականն է, ալեկոծւում է (եր. 25), նրա մարմնով սարսափ է անցնում, ամբողջ մարմնով դողում, շունչը կտրւում է, սիրտը մարում եւ ուշադնաց լինում («Հայ էջեր», 8, 32).

Հանդոյն այլովդ տեսիլ զմրուխտ,  
 Տպադիտն ալն ու ջուհար  
 Ինձ անկասկած ի դէմ ելաւ,  
 Շունչս քաղեցաւ,  
 Զթողիր յիս համբերութիւն (32):  
 Քանի տեսնիմ՝ կուտարստփիմ,  
 Սրտիկս ի փորիկս կանցնու կրծիցս (եր. 32):  
 Թէ վարդապետն զձեզ տեսնու...  
 Ամեն անձամբ ի դող ելնու (եր. 36):  
 Յանկարծակի մէկ մի տեսայ,  
 Թուլցայ անկայ ի տեսլենէն...  
 Երբ իմ աչերս ի քեզ դիպաւ...  
 Զարհուրեցայ ի տեսլենէն... («Հայ էջեր», 32):

Սէրը նրա համար խաւարած սրտի լուսատու էակը չէ, ինչպէս Կոստանդնի համար. Թլկուրանցու սիրոյ արեգակը, ինչքան էլ փայլուն է, երեւան է դալիս իր այրող, խորտակող ուժով, որին ոչինչ չի դիմանում. նա երգչի սիրտը անվախճան կրակ է լցնում (եր. 31) եւ այրում, վառում է նրան.

Քո սէրն ի յիս դիպաւ, ստոյգ կայրիմ ես (38) :  
 Ես քեզ տեսայ նման լուսոյ,  
 Ձէտ արեգակն որ նոր կելնու,  
 Սիրտս այրեցաւ բարկ կրակով,  
 Ես մնացի խեւ կապելու (49) :  
 Ձինքն ճօճար՝ դէտ զուռի ճեղ,  
 Հրով այրէր զերկիր ամեն...  
 Երբ իմ աչքերս ի քեզ դիպաւ,  
 Նա վառեցայ զէտ մոմեղէն («Հայ էջեր», 32) :  
 Ես եմ ափ մի հող, դուն հրեղէն ես,  
 Քանի՛ զիմ այրած սիրտն արիւնեւ (39) :  
 Քո սէրն զիս մոմ արար,  
 Դու ինձ պողպատ ու կայծքար ես (38) :  
 Արեւ նման շողշող կըտաս,  
 Յորժամ սիրով զաչերդ ածես...  
 Դու զվէմերն խորտակես,  
 Դու զլերունքն հալ հանես,  
 Ձով դու սիրես, նադար առնես,  
 Անանց կրակով զանձնիկն այրես...  
 Ճօհան վզովդ բերդեր քակես (29) :  
 Ձեզ ի՞նչ դադար ես դիմանամ,  
 Որ դուք հալէք, հանէք լերունք,  
 Սիրով քակէք բարձր բերդեր.  
 Ի ի դիւ հանէք վէմք ու սարունք (37) :

Բնական է, որ այսպիսի սիրոյ առարկան չափի ներկայանար իբրեւ  
 Թաղաւոր, որ ծառայութիւն ու ստրկութիւն է պահանջում, կամ իբրեւ  
 ազատութիւն բերող տիրուհի (ինչպէս Կոստանդնի համար), այլ իբրեւ մի  
 դահիճ, որ զոհ է, մատաղ է (Էր. 30) պահանջում, ինչպէս սիրոյ հին անողոք  
 աստուածուհիները. նա սպանում է, կեանքից կտրում է (Էր. 34), —

Դու ինձ լեր դատաւոր, արա՛ դատաստան,  
 Սիրով մի՛ սպաներ, ճէլէտ էֆենտի.

Եւ այս վերջին տողը նա կրկնում է ամէն տան համար :

Դու գիշեր եւ ցերեկ մէջ իմ սրտին ես,  
 Անմահ ու անգրող զարիւնս հեղեր ես...  
 Չարկամն զայդ չէր անէր՝ զինչ որ դուն կ'անես.  
 Անթուր 'ւ անդանակ զարիւնս հեղեր ես (38) :

Այսպիսի սէրն արդէն մի հիւանդութիւն է, որ, ինչպէս ասում են,  
 առաջնաում է կախարդուելուց միայն, եւ դրաւելով դրանով բռնուածի ամ-  
 բողջ էութիւնը, գիշեր ու ցերեկ դրանով զրադեցնելով միայն՝ տանում է  
 ինքնամոռացման ու խելացնորութեան եւ դարձնում է նրան քնից կտրուած  
 մի խելագար :

Յորտեղ որ կընտրիմ զիս կըմոռնամ ես.  
Մի՞թէ զիս դեղեցիր, կամ կախա՞րդ ես.  
Զքո ծով ծով աչեքդ դեղով լցե՞ր ես (39):  
Սէրն հանէ զմարդն ի խելաց  
Որ այլ ըսկի չկայ խաբար,  
Իմաստութիւնըն խափանի,  
Եւ հանց դառնայ քան զգլխահար(27, 49, 32):

Մարդ որ սիրոյ կուհանդիպի,  
Նա քան զկրակ կուրինի վառ,  
Այլ ոչ աղօթք ի միտ կուգայ,  
Ոչ յայսմաւուրք կարգայ ու ճառ (26, 36):  
Սէրն կուտանի զամօթն երեսէն  
Ի հարեղայէն եւ ի վարդապետէն... (34):  
Ով որ մեղաց ճաշակն առնու,  
Այլ Աստուծոյ չի տար խաբար (26):

Եւ այսպիսի հիւանդին բժշկողը միայն իր սիրոյ առարկան կարող է լինել, որի կողքին նստելով եւ նրա երեսին նայելով միայն կը հանդարտի։—

Հանցեղ նետով զիս խոցեցիր,  
Որ այլ չունեմ բժշկարար (25):  
Հիւանդ եմ ես, ողջանամ, երբ նստիս ինձ յաջ (33):  
Նիստ որ հայիմ յերեսդ ի վայր. (31):  
Արի ինձ դեղ արա, իմ ճարն դու ես (38):

Իր սիրոյ այս ամբողջ նկարագրի, իր այս հոգեկան վիճակի հետ, Թլկուրանցին մեղ չի տալիս գեղուհու ներքին արժանիքը, որ ինքը չունի ոչ մի քնքշութիւն դէպի իր բարեկամը։ Մի տեղ միայն նա գրում է.

Է՛ մեղը ու կարագ եւ կեղեւած նուշ,  
Քեզ ծուռ նայողին յաչքն հազար փուշ,  
Սիրով մի՛ սպաներ, ճէլլէտ էֆենտի (34):

Բայց այստեղ եւս ոչ թէ սիրելիի մասին է հոգ տանում, այլ իր «դահճին» համոզել է ուզում իր անկեղծութեան մասին, ինչպէս եւ ուրիշ տեղ՝

Թէ զիս յիշես, թէ չյիշես,  
Ես կուտիրեմ սրտով զքեզ (29):

Բայց այդ սիրելին երեւի անպատասխան է թողնում, որ երգիչը մի տեղ յանդիմանում է նրան՝

Աշկարհս խորոտիկ գէմ դու մենակ չէ՞ս  
Աստուորս շատ իկէ՛ւ այլ տի դայ քանց քեզ (39):

«Հայ էջերի» մէջ տպուած է «Տաղ Յովհաննէսի վասն սիրոյ», որի

վերջում հեղինակն ինքն իրեն կոչում է «Խեւ Յովհաննէս»<sup>1</sup> Այդ տաղն անպայման Թլկուրանցունն է, ոչ միայն «Խեւ Յովհաննէս» անունն համար, այլ մանաւանդ իր ոգով եւ տրամադրութեամբ ու բովանդակութեամբ:

Այս մեծ ուժն ու խորութիւնն առաջանում է նրանից, որ երգիչը թողնում է իր բարեկամի մարմինը մի կողմ, եւ միայն սիրոյ մեղ արդէն ծանօթ ազդեցութիւնն է վեր հանում իր բոլոր կողմերով: Այսպէս վարւում է նա, որովհետեւ այստեղ ոչ թէ իր հրճուանքը, բախտաւոր սէրն է երգում, այլ սիրոյ ցաւը, որովհետեւ, ասում է նա,

Քաղցր լեզուով խոցոտեցայ... .

Կերակրեցաք ի մի սեղան, ու խմեցաք ի մի կթխայ,

Մէկտեղ ելաք, մէկտեղ նստաք, ան ժամանակն ո՞ւր է հիմայ.

Ո՞ւր է դաւըլտ, ո՞ւր է երգումն, որ բռնեցաք զաստուած վկայ,

Ի վար անկաք, օտարացաք, չարկամն եղեւ մեզ մահանայ:

Այսպիսի վիճակը բնականաբար կարիք չի զգում բարեկամին գովելու, այլ միայն իր վիշտը երգելու: Եւ երգում է նա «արիւն արցունքով»:

4. Գրիգոր Աղթամարցի:<sup>2</sup>— Յովհաննէս Թլկուրանցուց կրտսեր, բայց երիտասարդ ժամանակ նրան ժամանակակից է մեր երկրորդ սիրերգող կաթողիկոսը, Գրիգոր Աղթամարցի, ծնւած 15-րդ դարի վերջերում: 1515 թ. արդէն ունի բանաստեղծութիւններ, իսկ 1569 թ. դեռ կենդանի է յիշւում:

Սա իր աշխարհայեցողութեամբ եւ երգի վերջում դրած ապաշաւանքով շատ չի տարբերւում Թլկուրանցուց. նոյն հայեացքն ունի ունայնութեան եւ մահուան մասին, ինչ որ նախորդները, նոյնպէս երգեր՝ նուիրուած սիրոյ, գեղեցկութեան եւ աշխարհային վայելքների ու մահուան, ինչպէս Թըլկուրանցին, միայն աւելի գեղեցիկ ձեւով, բուռն աւելնով եւ մաքուր ու խորացրած բովանդակութեամբ: Ժողովրդական ձեւով մի երգի մէջ բողոքում է մահուան դէմ, որ գալիս, բռնի եւ անազոտոյն կերպով զրկում է մարդուս աշխարհի վայելչութիւնից.

Յամէն առաւօտ եւ լոյս

Պիւլպիւրն էր նստեր յայգւոյս,

Քաղցրիկ ձայնէր վրայ վարդոյս,—

Կ'ասեն, թ'արեկ ե՛լ այգւոյս:

Աշխարհը նրա համար մի «ուրախարար» տեղի է, մի նորատունկ, գարնանային ծաղկած այգի, շրջապատած ցանկապատով, տնով, աւազանով, անուշ ջրերով, ծաղիկներով, կարմիր ու սպիտակ վարդերով. մարդն ուղում է վայելել այդ ուրախարար տեղը, կեանք ու լոյս տեսնել, այդ այգու պտուղն ուտել, վարդի հոտն առնել, գինին խմել.—

1 Թլկուրանցին իր տաղերի մէջ կոչում է իրեն «Թլկուրանցի» (28), «Խեւ Յովհաննէս Թլկուրանցի» (30, 31, 33, 36, 37, 37, 44, 49, 50, 56), «Յովհաննէս» (39), «Խեւ Յովհաննէս» (42), «Յովհաննէս Թլկուրանցի» (45, 47). իսկ երկու տաղի մէջ (Ե, ԺԵ) հեղինակ չի յիշուած:

2 Կ. Կոստանեանց, Գրիգորիս Աղթամարցին եւ իւր տաղերը, Թիֆլիս, 1898:

Քաղեմ փունջ մի վարդ այգւոյս,  
Դնեմ մէջ կարսի դինւոյս,  
Ուրախանամ այս հոտոյս:

Ահա թէ ի՛նչ է մտածում մարդս միշտ, բայց եւ ինչ են նրան ասում՝  
դուրս արի քո այդ այգւոց: Մարդը բողբոջում է:

Ձեմ ելներ ես այս այգւոյս,  
Այս իմ նորատունկ այգւոյս,  
Յայս ուրախարար տեղւոյս,  
Եւ այս նորաչէն տներուս...  
Դեռ չեմ տեսեր կեանք եւ լոյս...  
Ի՛նչպէս ելնեմ ես այգւոյս:

Բայց աւա՛ղ, երիտասարդ կեանքը ստիպուած պիտի զրկուի այդ վա-  
յելքից եւ նրա համար աշխարհը կործանուի:—

Մաղկունքն վերացան յայգւոյս.  
Վարդն թափաւ իմ այգւոյս.  
Ցանկն քակեցաւ յայգւոյս,  
Ահա՛ որ ելայ այգւոյս:

Բայց մարդուս այս դառն ճակատագիրը, թէպէտ Աղթամարցուն եւս  
միշտ ապաշաւել է տալիս Թլկուրանցու նման, բայց չի խանգարում դարուն  
եւ առանձնապէս սէր երգելու հոգեզմայլ արբեցութեամբ (Կոստանինան, Նոր  
ժողովածու, Բ. պրակ, եր. 16):

Գարունն է բացուեր, վարդ ի պաղչանին.  
Քաղցր եղանակեն պիւլպիւն ու զումրին.  
Սիրով են վառեալ ի կարմիր թփին,  
Կանաչ ու կարմիր տերեւ կու հագնին:  
Գինով եմ, գինով, հարբեր եմ սիրով,  
Գինով եմ, գինով, ցերեկս արեւով.  
Գինով եմ, գինով, գիշերս երազով:

Եւ նա իր արբեցման ու երազանքի առարկան երգում է մի «բեղուն  
խանդով, գոյների հարստութեամբ եւ թարմութեամբ», որոնց մէջ շատ բան,  
հարկաւ, նախորդ բանաստեղծներից, ուրեմն եւ «Նրդ երգոց»-ից է առած  
խորեւ սովորական ձեւեր, բայց իր անկեղծ աւիւնով այնպիսի գեղ ու փայլ  
տուած նրանց, որ չլացնում է ընթերցողներին, ինչպէս եւ Աղթամարցին ին-  
քը չլացած է եղել իր գեղունու «աստուածագիծ պատկերից»: Իսկոյն երեւան  
է գալիս կրակոտ բնաւորութիւնը, որ վառուած է, յափշտակուած է մի ճոխ  
անձից եւ ուզում է նկարել այն: Եթէ նա նկարիչ լինէր, կ'առնէր վրձինն ու  
ներկով կը հանէր այդ, որ միշտ իր աչքի առաջն է:—

Եթէ յաչաց մարմնոյս ծածկիս,  
Մտաց աչօք ինձ երեւիս (80):

Բայց նա խօսքերով է ուզում նկարել, եւ բառերը բաւականութիւն չեն աւելիս նրան՝ այդ պատկերն իր ուզած նրբութեամբ գծելու եւ միշտ նորանոր գոյնների, նորանոր ձեւերի է զիմում՝ օգնութեան կանչելով. բազմաթիւ ծառեր ու ծաղիկներ, հրեղէններ ու թռչուններ, բուրբալտ խնկեր ու ակներ, բնութեան երեւոյթներ ու լուսատուներ: Նմանութիւնների այս կուտակութիւնը, ծնուած սիրազգաց սրտից, վերջիվերջոյ դարձեալ գոհացում չի տալիս նրան, որովհետեւ իր գեղուհին աստուածամման է: Նա ոչ միայն մարմնով կատարեալ է, այլեւ վերնային է իր հոգով. —

Վերնոց վեհագոյն եւ աշխարհի զարդ,  
Ուշիմ եւ խոհեմ անօրինակ մարդ... (63).  
Տիպ եւ դազափար Տեառն Աստուծոյ ես,  
Պատկերով պատառեալ, քան զՄիքայէլ ես,  
Ի մէջ հողէղինացս հրեղէն ես (62):  
Դու սքանչելագործ, քան Զօրաւոր խաչ (64):  
Մաքուր պատկերով նման հրեշտակի... (57):  
Սոսկալի վարսաւոր սրովբէ (76):

Գեղուհու այս ներքին մասի հետ, որ առաջին անգամն է երեւում մեր բանաստեղծութեան մէջ, մենք տեսնում ենք Ալլթամարցու քնքուշ գորովական վերաբերմունքը դէպի իր սիրոյ տիրուհին, որին նուիրում է իր երգը, մի վերաբերմունք, որ չունէր Թլկուրանցին:

Պատկեր ես քո Ստեղծողին չաղկապեալ ի քառանիւթէ  
Տիպն իւր դոյացոյց զքեզ, նկարեաց 'ւ եհան յարգանդէ.  
Զխա՞րդ օրինակ տամ քեզ յանչնչից եւ յանզղայէ,  
Յայս իմ ալրեցած սրտէս զայս ընծայ ընկալ ընդունէ:  
(Եր. 77)

Ուրիշ տեղեր քնքուշ հոգատարութեամբ երգում է.

Օրհնութիւն Փրկչին ի քեզ իջանի,  
Կամօքն Աստուծոյ կենաս կենդանի.  
Գունդ չար այսովն ի քէն հալածի,  
Զերդ զարեղակն փայլես ի յերկրի (64):  
Միշտ կանաչ կենաս քան զնշդարենի...  
Բազուի լոյս աչաց քո թշնամւոյն:  
Քեզ միշտ հովանի բանն հայրական,  
Միքայէլ հրեշտակն քեզ պահապան,  
Աշխարհիս կենաս անիորձ 'ւ անսասան,  
Անմեղ 'ւ անարատ եւ անապական (Եր. 69):  
Ի յամէն զիմաց բղխէ քեզ բարին,  
Եւ քեզ հովանի նշան սուրբ խաչին,  
Պահապան լիցի աջն հայրենին,  
Եւ վրկէ զքեզ ի չար վտանդէ:

(Կոստ., Բ. պրակ. եր. 18)

Այս քնքշութեան հետ երեւում է նաեւ մաքուր եւ ազնիւ տարփանքը գէպի գեղուհին, որ ինքն եւս մի հրեշտակ է, հեռու թլիւրանցու հեշտալից բորբոքումից, աւելի մօտ Կոստանդինին: Սակայն Աղթամարցու սէրը դրա համար պակաս ուժեղ եւ կարօտակէզ չէ, նա էլ պակաս չի այրւում, հաւատամ ու մաշւում եւ ծարաւի (68) տեսնելու նրան. նրա սէրն էլ շղթայում, փշխում է նրան իր ուժով. —

Հանց սխաւթով իջնուս քան զխան,

Դրիր զգերիս զընձիւ ու զընտան (59):

Բայց նա տանջանք բերում է միայն իր բացակայութեամբ. —

Ուներդ է քաշած քան զթափած թուր,  
Թարթափդ քո թեք քան զնշտար սուր.  
Սպանանես զերիս օրն հազար բիւր...  
Ոսկի ի Հնդկաց, ակն պատուական,  
Շուրջ դամ եւ փնտրեմ զքեզ անխափան.  
Ես եմ քեզ խնդրող եւ վաճառական  
Ի բազում մտաց ծածուկ 'ւ անգուման:  
Նայեա'ց մէկ ընդ իս աջօքդ մէստան,  
Կամ քաղցրիկ խօսէ կամ տո'ւր պատասխան...  
Ով որ դու նայիս եւ առնուս նատար,  
Լինի քան դմոմ՝ պողպատ է թէ քար:  
Սիրով լափեցիր ու արիր սիրտս խոց,  
Կուտապիմ 'ւ այրիմ որպէս զհնոց,  
Սրտէս կութափի յովով հուր ու բոց,  
Զայդ աստուածագիծ պատկերդ քո ինձ ցո'յց:  
Քո մէջքդ է բարակ քան զուռի վարոց.  
Սպիտակ ատամունք, մարգարտէ չարոց.  
Դու քաղցրատեսիլ եւ պտուղ ծառո'ց.  
Այդ շիրին լեզուէդ տո'ւր երկու գրուց:  
Քան զչամբայ եղեգն ելեր ես շիտակ.  
Ուներդ է կամար որպէս զաղեղնակ,  
Աչերդ է պայծառ որպէս զծովակ,  
Ղարդ եղայ ի ներս, եղայ անճարակ:  
Թարթափդ է խանչար՝ ինքն պաւղպատ զուտ,  
Այտով զիս հարկի 'ւ արիւր խուրդ ու մուրտ,  
Ամպի պէս ածիւր ինձ սաստիկ կարկուտ,  
Թէ ես մեռանիմ քեզ շահ չէ, օդուտ (57, 59):  
Վտա'կ Եղեմայ եւ գե'տ Յորդանան,  
Սելովմայ աղբիւր եւ ջուր ես յուզման,  
Անկեալ եմ հիւանդ մերձ առ քո դրան,  
Սպասեմ հանապաղ ես առողջութեան...  
Ելանես դնաս, ես լինիմ յառաջ,  
Կամ խօսի'ր ընդ իս կամ նստի'ր ի յաջ:  
Գիչեր եւ ցերեկ եմ ես երերուն,

Ոչ կենամ ի դուրս, ոչ օդիմ ի տուն...  
 Զարկած է վրադ քեզ կարմիր վրան,  
 Բազմիս ահաւոր 'լ ես քեզ յանդիման,  
 Սիրտս փափազի եւ կայ ի դողման,  
 Աչերս է կարօտ տեսողդ աննման:  
 Զի՞ւրդ բաժանիմ ի քէն կենդանի,  
 Առանց քո տեսուդ չունչս կուքաղի (62—64):

Իսկ իր սիրոյ ներկայութեամբ, սիրուհու տեսքը ոչ միայն չի ջախջախում նրան, այլ, ընդհակառակը, նրա սիրտը լցնում է մի անուշ բերկրալից երջանկութեամբ, նրան հանգստացնում ու լուսաւորում է եւ հոգով փաթաւացնում (62)։

Պայծառ արուեստի ի յառաւօտու,  
 Եւ եմ քեզ փափագ, ի յիսնէ ես հեռու.  
 Իմ շուշան ծաղիկ, կարմիր վարդն դու...  
 Լինի՜ թէ աչուերս քեզ արժանանայ:  
 Իմ սուն իմ սրտի 'լ իմ ուրախութիւն,  
 Իմ շունչ ու հոգի 'լ իմ կենդանութիւն...  
 Բերկրութեան բաժակ, ոչ ապի յայաթ,  
 Ես եմ ծարաւեալ, արբո՜ ինձ մի կաթ... (67—68) :  
 Նոր դարուն եղեւ, եւ նոր առաւօտ...  
 Նոր ձայն արձակեց, նոր նստաւ ի մօտ...  
 Հեռացաւ ու գնաց յինչն տրտմութիւն,  
 Եկն եհաս այսօր ինձ ուրախութիւն.  
 Այլ փափագ չունիմ իմ փափագս դուն... (69) :  
 Գեղեցկազեղ, քաղցրաբարբառ  
 Սէր քո ունի խորհուրդ անճառ,  
 Իմանալի արեւ պայծառ,  
 Լուսաւորեա՛ միտս իմ խաւար...  
 Երեւեցան ծաղկունք յերկրի,  
 Նստցուք ընդ քեզ ի պարտիզի.  
 Երգեցից սէ՛ր քեզ, սիրելի՛,  
 Սիրա իմ ի սէր քո տոչորի...  
 Բնակեալ ես դու յիմում սրտիս,  
 Ծրարեալ ունիմ զքեզ ի հոգիս...  
 Թէ տեսնեմ զքեզ կրկին,  
 Լուսաւորի միտս իմ մթին,  
 Եւ տամ համբոյր շրթանց քոյին,  
 Նա՛ վերանամ ես ի յադին (80) :

Աղթամարցին իր սէրը բուռն ուժով երգել է երկու անգամ. նախ՝ վարդ ու սոխակի ալաբանութեամբ, մի սիրովէսով, երկրորդը դրած 1523 թ., որի մէջ այն մտաւին է, ինչ որ միւս երգերի մէջ. այն է՝ վիշտ սիրոյ բացակայութիւնից եւ հրճուանք նրա ներկայութեամբ։ Աչուն է. վարդը



չկայ այդուամ, սոխակը անհանգիստ որոնում է վարդը՝ նրան գտնելով եւ վախենալով նրա վիճակի համար, որ փորձանք պատահած չլինի: Նա անիծում է այգին, որ չի պահել վարդը: Միգունցէ այգեգործն է արել այդ, կամ ծաղիկները քէն պահելով՝ վրէժ են առել: Ծաղիկները պատասխանում են, թէ տեղեկութիւն չունեն վարդի մասին: Սոխակը թռչուններին է հարցնում վարդի մասին. թռչուններն էլ բան չգիտեն. սոխակի ցաւը մեծանում է: Այգեգործը մխիթարում է նրան, թէ վարդը չի կորել, կը գնայ: Սոխակը ուրախացած օրհնում է այգին, եւ նամակ գրելով վարդին՝ իր վշտահար սէրն է յայտնում եւ խնդրում է տեսակցութիւն: Վարդը ժողովում է ծաղիկներին ու մէնքի առաջ կարդալով նամակը, ինքն էլ նամակով պատասխանում է, թէ սոխակը քիչ համբերէ, եւ ժամադիր է լինում պարտէզում: Սոխակն ուրախութեամբ սպասում է: Գարունը բացւում է, բացւում է եւ վարդը:

Երբոր արեւն ի խոյն եկեալ ժամանեաց,  
Ամպն ի վերուստ ցօղով յանկարծ որոտաց.  
Բուռան ծաղկունք յերկրի հազարք հազարաց,  
Վարդն չէր Կ միջի, պլպուլն որոնեաց...  
**Ծառոյ տեսաւ կանաչ զտերեւն վարդին,**  
Այլ պատուական պայծառ որպէս զառաջին,  
Վարդն էր վարագուրով ի մէջ գահոյին,  
Ծաղիկունքն հաւասար երկրպագեցին [43]:

Պլպուլն ուրախացած փառք է տալիս Աստուծուն, որ իր աչքով տեսնում է վարդը թփերի մէջ:

Երկրորդ «Գարնան տաղը» մի տեսակ շարունակութիւն է առաջինին: Երբ հեռացած պլպուլը գալիս է այգին, ծաղիկները աչքալոյս են տալիս վարդին՝ թէ գալիս է իր սոփակ սիրելին: Սոխակը կանչում է ղումրիին (տառթակին), որ միասին տեսնեն վարդի ելքը: Նրանք վրան են խփում պարտիզում, վարդի կանաչ թփի դիմաց, վարդը քնած է կոկոնում. սոխակը սկսում է երգել զաղէշներ.

Գիշեր ցերեկ կամ էրէրուն,  
Եւ ես կ'այրիմ ի դէմ վարդուն.  
Թէ ե՞րբ ելնէ ինքն ի քնուն,  
Քանի՜ կանչեմ զար իւր սիրուն... (46):

Ծաղիկները նախանձելով ասում են, թէ բաւական է անժամանակ երգի, թող սոխակը ելնի գնայ իրենց պարտէզից: Սոխակը պատասխանելով իր սէրն է գտնում եւ սիրտը բանում: Վարդը նրան քաջալերում է, որ աւաղորդութիւն չդարձնէ նախանձողներին եւ իր երգը շարունակէ: Ծաղիկները դարձեալ ասում են — «Քանի՜ կանչես, մէկ պահ լսէ»: Սոխակը պատասխանում է.

Ասաց, թէ սէրն կունեղէ,  
Որ վրայ վարդին աչքդ եղէ,

Սիրտս վկայ հետ իւրն հերթ,  
 Քանի՛ խոցէք, ասէք թէ ե՛րթ,  
 Հողմն շարժէ զվարդին թերթ,  
 Նա ի դողման դառնայ իմ լերթ...  
 Աղաղակեմ արտասուալի,  
 Յայգւոյս չերթամ ես այլ տեղի: [49]

Այդ ժիջոցին վարդը հետզհետէ կարմրում է, անմահութեան հոտ բուրում, պլպուլը սիրով արբենում եւ ուրախանում. վարդը տեսնելով, պլպուլն տնուշ երգում է.

Ծիծաղեցաւ ինքն մէկ պահ,  
 Պայծառացաւ տիպն քան զջահ.

եւ կարմիր գոյնով վառում է, իսկ սոխակը

Հոտոյն եղեւ խեւ ու արբած (49 եւ հտ.):

Վարդը, սակայն, ամաչկոտ է, ազատ չէ իր սիրոյ համար: Թռչունները կատակելով ծաղրում են սոխակին, թէ «Վարդն չի նայեր ինքն երակ»: Նա տանջւում է, գանգատւում է վարդին, կասկածում է, թէ մի գուցէ վարդն իրեն չի սիրում, եւ հաւատացնում է վարդին իր սիրոյ անկեղծութեան մասին: Վարդը քաջալերում է նրան, որ երգէ եւ իր՝ վարդի ահն ու երկիւղը վերացնէ.

Ձկանաչ փարտէս ետ կուրանամ,  
 Ձքեղ որ տեսնում, ուրախանամ,  
 Այլ ի քեզնէ ոչ հեռանամ (50):

Պլպուլը զարթնում է կէս դիչերին, վարդը փթթում է առաւօտեան, սոխակը յափշտակւում է եւ մտնելով վարդի վրանը՝ սիրոյ գովական համբոյր է ուզում: Վարդը, սակայն, սիրելով հանդերձ՝ դեռ անառիկ է, նա միայն գովում է սոխակին, ուղարկելով դարձեալ ուրիշ ծաղիկների մօտ: Հաւատարիմ դուժբին մխիթարում է սոխակին եւ համոզում վարդին, որ պլպուլն ընտրէ եւ ոչ ուրիշ թռչունների: Բայց վարդը պատասխանն ուշացրել է.

Եղեւ պլպուլն թեւաթափ,  
 Թէ ե՛րբ ածեմ զվարդն ի յափ.  
 Քանի՛ Փիրղան կանչեմ անչափ,  
 Ի դէմ վարդին հարկանեմ ծափ:  
 Ի ձեր սրտին դուք սէր չունիք,  
 Վասն այն զիմ ձայնս չընդունիք»:   
 Վարդն կ'ասէ. «Մ'ենե՛ր հերիք,  
 Ես կուկանչեմ, ունեմ կարիք» (52 եւ հտ.):

Այս վէպի մէջ գործողութիւնը սիրավէպի մի սքեմայ է. բայց դրա գեղեցկութիւնը գործողութեան մէջ չէ, այլ սիրոյ գեղեցկացման մէջ, որ բարձրանում է ցողաթուրմ պարտիզում, գեղազարդ բուրմունքի մէջ, սիրա-

տարփ սրտի այն խռովածուի նուազումների, անհանգիստ որոնումների ու ապաստումների մէջ, երբ սէրը հեռու է կամ անպատասխան, եւ այն դաշն հրճուանքի մէջ, երբ յոյսը զօրանում է:

5. Քուչակ Նախապետ:<sup>1</sup>— Վանայ Սառակոնիս գիւղում թաղուած են Քուչակ աչղը եւ իր մեծ պապ Նահապետ, «որ մականունն աչղը Քուչակ ասի»։ Նրանց ղերեզմաններն ուխտատեղի են տեղացիների համար: Թոռ Քուչակը, «անուն բարի մտական», իր ստացած մի աւետարանի յիշատակարանի մէջ, գրուած 1637 թուին, յիշում է իրեն եւ իր մեծ պապին: «Մեծ պապ» ասելով անպայման պէտք է հասկանալ պապի հայրը կամ պապի պապը, եւ իրաւամբ եզրակացնում է Կոստանեանը, թէ «այն ժամանակ 1637 թուից չորս հինգ սերունդ դէպի յետ գնալով՝ կը տեսնենք, որ Քուչակ Նահապետն ապրել է 16-րդ դարու սկզբներում»։ Այդ հաշուով Նահապետ Քուչակը ժամանակակից է դառնում Այթամարցուն: Քուչակի երգերի առաջին հրատարակող Տեւկանցի «Հայերգի» մէջ յիշում է նրա երգի համար, թէ «օրինակուած է ՌԼԱ (1582) ի Սեբաստիա եւ նոյն օրինակէն հանած է Կրեկն ՌՃՂԵ (1746) թուին Պետրոս երէց»:

Թէ ո՛վ է եղել այդ Նահապետ Քուչակը եւ ի՛նչ կեանք է ունեցել՝ այդ մասին էլ ուրիշ ոչ մի բան չգիտենք: Նա «վարպետ» աչղդ է եղել եւ իր արուեստի համար անպայման թափառել է շատ կողմեր: Եւ վերջապէս նրա անունով հրատարակուած երգերի նրանք լինելը միայն Տեւկանցի վկայութիւնից գիտենք, որ ասում է, թէ «Այս ծովական գիշերս ի բուն» երգը<sup>2</sup> Նահապետ Քուչակինն է, անշուշտ ձեռագիրներից առնելով այդ տեղեկութիւնը: Կոստանեանց «Նոր ժողովածուի» Գ. պրակի եր. 44-ում բերում է մի տաղաչարք 1682 թ. գրած մի տաղարանից «Հայրենի կարգաւ» վերնագրով: Դրա մէջ որոշ երգեր նոյնանում են «Հայերգի» երգերի հետ: Զոպանեանն էլ Վենետիկի մի տաղարանից, գրուած 1642 թուին, բերում է տաղեր, որոնցից մի մասը եւս կայ Կոստանեանցի 1682 թուի տաղարանի մէջ, մասամբ նաեւ «Հայերգի» մէջ եւ, վերջապէս, Պարիզի ազգային գրադարանի մի տաղարանի մէջ կան տաղեր, որ կան նաեւ Վենետիկի վերոյիշեալ տաղարանի մէջ, ինչպէս եւ «Հայերգի» մէջ: Տաղերը բոլորը անանուն են: Երկու երգ միայն Կոստանեանցի Գ. պրակի եր. 37, 38 («Ես ան հաւերուն»... , «Բանիկ մի»...), 1617 թուին Կաֆայում գրուած տաղարանի մէջ գրուած են Յրիկին վերադարձ տաղաչարքի մէջ, որոնք կան նաեւ Վենետիկի տաղաչարքի մէջ, առաջինը նաեւ «Հայերգի» մէջ:

Սրատականները կամ անանուն են, կամ վերաբերում են Յովհաննէս Պլուզին ու Յրիկին:<sup>3</sup>

Ակնայ ժողովրդական երգերը շատ նման են Քուչակի երգերին իրենց դարձուածներով ու ձեւով, երբեմն ամբողջ բովանդակութեամբ եւ ձեւով ու չափով: Պէտք է կարծել կամ Քուչակն օգտուել է այդ երգերից, կամ նա երկար ապրել է այնտեղ, որ նրա երգերն այդտեղ ժողովրդականացել են,

1 «Նահապետ Քուչակի դիւանը», Փարիզ, 1902:

2 Իսկապէս այդ երգով սկսուող տաղաչարքը:

3 Նահապետ Քուչակի դիւանի մէջ բոլորը, լինեն անանուն, թէ Պլուզի կամ Յրիկի անունով, թէ Քուչակի, գրուած են իբրեւ Քուչակի երգեր:

եւ նա կեանքի վերջում միայն հաստատուել է խառակոնիսում: Այն կարծիքը (Les trouvères Arméniens), թէ խառակոնիսցի Քուչակի, Պարիզի Ազգային գրադարանում գտած մի տաղն իր լեզուով ու ոճով բոլորովին տարբերում է Քուչակ Նահապետի երգերից, անշուշտ այն է ապացուցում, որ խառակոնիսում երկու Քուչակ են ապրել, դա թոռ Քուչակի երգն է: Քուչակի առեղծուածը յիշուած հրատարակութեամբ մթնել է. պէտք է Պուլզի եւ Ֆրիկի տաղերը ջոկել եւ անանուաները միայն Քուչակին վերագրել: Եւ սիրոյ երգերը մեծ մասամբ անանուն են, բացի մի երկսից:

Կոստանեանցի Բ. պրակ, եր. 60 երգի վերջում — «Ես Քուչակն եմ Վանեցի, ի գեղէն խառակոնիսայ, լցեր եմ հարիւր տարին, էլ չի գար մտքիկս ի վերայ», եւ իսկապէս երգն ազաւազուած է չափով ու բովանդակութեամբ: Եւ այդ երգը Քուչակինը չէ, այլ մի սարկաւազի. Քուչակն ուրեմն աշուղ է, լոկ երգող եւ հեղինակ: Արդեօք նոյնը չէ՞ եւ այս դէպքում:

Ի՞նչ են այդ սիրոյ երգերը: Դրանց «Հայրենի կարգաւ» վերնագիրը, երգի մէջ յիշուած «Հայերէն ասել», «Հայրին», «Հայրէն ասաց», «Հայերէն կասէ», «Հայրին ասի», «Հայերէն ասա՛» բառերը ազաւազումն են «Հայերէն» բառի: Ժողովրդական երգի մէջ յիշուած է պարզապէս «Հայերէն ասել»<sup>1</sup>, ինչպէս Ակնայ երգերի մէջ «անտունի ասել»: Դա կասուած է եղել, անշուշտ, որոշ եղանակի եւ տեսակի հետ:

Եւ իսկապէս, մինչդեռ սովորական տաղաչափութիւնն իր էական բնաւորութեամբ նման է ասորական եւ ուրիշ երգերի տաղաչափութեան եւ շատ հաւանական է ասորերէնից անցել է հայերէնին՝ առանձնայատուկ ձեւ ստանալով, եւ նոյնիսկ չարականների ազատ տաղաչափութիւնը գտնում ենք ուրիշ ազգերի մէջ, այդ երգերի տաղաչափութիւնը միայն հայերէնին է՝ յատուկ, յամբ-անապետեան մի ոտանաւոր, որ կազմուած է 4 տողերից կամ 8 կիսատողերից, շեշտ ունենալով 2,5,7,10,12,15 վանկերի վրայ, որոնցից 2 եւ 12 վանկերի շեշտերը կարող են ազատութիւն ունենալ, իսկ մնացած շեշտերը, եթէ ոտանաւորը չի ազաւազուած, անպայման հաստատուն են: Յանգը տողավերջում է լինում, բայց կարող են կիսատողերը եւս յանգ կազմել, որով ոտանաւորը վերածւում է ութեականների. —

Կարմի՛ր վարդ կանանչ թփով,  
Կանանչ թո՛ւփ կարմիր խնձորով,  
Քանի՛ լամ ու զքեզ ուզեմ,  
Ջարթըցընեմ ոգոց հանելով.  
Թէ՛ զու կու սիրես սրտովդ,  
Ինձ ասա՛ — ես եմ կարօտով.  
Թէ՛ չես ի սիրել սրտով՝  
Սուրբ Սարգիս՝ Լ Աստուած քեզ խռով:

Հնազոյն գործածութիւնն այս տաղաչափութեան գտնում ենք Նարեկացու տաղերի մէջ, որոնք անյանգ են դեռ: Այնուհետեւ նոյն չափը

<sup>1</sup> «Հայերէն բաներ», «Հայերէն մասաւ ու առակ» (Ֆրիկ):

բանեցրել են Ն. Ծնորհալի, Մկրտիչ Նաղաշ, Գրիգոր Աղթամարցի եւ ուրիշ շատերը: Հնագոյն ժողովրդական երգը՝ 13-րդ դարուց «Աւաղ զԼեոնն ասեմ», որ տաճկաց դուռն ընկել գերի» այդ չափով է: Նոր ժողովրդական երգերի մէջ այդ չափը [կայ] միայն Ակնայ երգերի մէջ, որոնք բովանդակութեամբ եւ ձեւով էլ նման են Քուչակի երգերին: Միջին դարում անշուշտ կարող է երգիչները մէջ յիշողութիւն պահուած լինել այդ չափի բնիկ հայերէն լինելու մասին:

Ի՞նչ է եղել այդ չափով յօրինուած նախքան Նարեկացին. հոգեւոր երգը շարականոցի մէջ այս չափով չէ. անպայման աշխարհիկ երգերն են յօրինուած եղել այս չափով, որ Նարեկացին գործ է ածում երկու տաղի համար, նոյնպէս եւ Ծնորհալին, իսկ 13-րդ դարուց, երբ աշխարհիկ ոգին զօրանում է՝ դա դառնում է սիրելի չափերից մէկը մեր բանաստեղծների եւ երգիչների համար, մեծ մասամբ դարձեալ աշխարհիկ նիւթի համար: Կը նշանակէ 10-րդ դարից առաջ եւ յետոյ աշխարհիկ երգը, ուրեմն զլիսաւորապէս սիրոյ երգը, հետագայում նաեւ պանդխտի երգը, յօրինուելիս է եղել այդ չափով: Եւ քանի որ այդ չափը բանեցրել են հասարակ երգիչները կամ ժողովրդի մարդիկ, ուստի դա մնացել է ժողովրդական տարրական ձեւի մէջ, իրրեւ երկու կիսատողերից կազմուած քառեակներ, որին հետագայում փոխանակել է մեր արդի քառեակը: Եւ իրրեւ այդպիսին՝ շատ յարմար է եկել իմաստական-խրատական յօրինուածքի համար, եւ ապա հետզհետէ, նոյնպիսի մի քանի աւելի մեծ քերթուածների համար գործածուել, որոնց տները, մեծ մասամբ, դարձեալ անջատ կարող են առնուել:<sup>1</sup>

Քանի որ այդ չափը բնիկ հայերէն է, բնականաբար եւ այդ չափով յօրինուած սիրոյ երգերի մէջ մենք պիտի գտնենք մեր ժողովրդի իսկական սիրոյ երգը: Գրանթ է առաջանում այն, որ մինչ մեր միւս քնարերգուների մէջ անհատական բնոյթը եւ օտար ազդեցութիւնն աւելի է երեւում, մինչ նրանց գրուածքների եւ ժողովրդականի մէջ համեմատաբար պակաս նմանութիւն կայ, — «Հայերէնի կարգով» երգերը կան իբրեւ ժողովրդական երգեր, դրանց ամբողջութեան մէջ մի անհատական բնոյթը պակասում է, եւ որ զլիսաւորն է՝ օտար ազդեցութիւնը նոյնպէս: Ընդհանուր բնոյթը եւ երգելու եղանակը մէկ է: Դրա պատճառն այն է, որ դրանց հեղինակը, իսկապէս հեղինակները, հին ժողովրդական երգերն են առել մշակել, — ինչ-

1 Աղթամարցի, եր. 72, 76 (սիրոյ), 83 (խրատական), 85 (խրատական), 92 (մահ, առաջին կիսատող): Մ. Նաղաշ, եր. 3 (ունայնութիւն), եր. 29 (առաջին կիսատող, ծաղկունք), եր. 35 (ղարիպի): Նոյն չափով Կոստանեան (ժողովրդական), Բ. եր. 55, 60 (վանեցի Քուչակի երգ Խառակոնիսի), Գ. Բրակ, եր. 28 (Ունայնութիւն), եր. 30 (Վասն կենաց): 35 (Յրիկի, խրատական), 40 (Յրիկի Վասն ողորմութեան), 44 («Հայերէնի կարգաւ», սիրոյ): Ա. պրակ, եր. 38 (Մարտիրոս Ղրիմեցու, Վասն քաղաքին Ամասիա), եր. 68 խրատական Հայերգի հետ նոյն): «Հայ էջեր», եր. 13 (տաղ իշխանացն, ողբ), եր. 13 (Տաղ Վարդանանց խառնուած), եր. 32 (գարձեալ Հայերէն, Ունայնութեան վրայ, Յովնատի Բիստացի), եր. 35 (Յրիկի, Վասն ողորմութեան), եր. 39 (Յրիկ, Ընդդէմ Պաւլաքին), եր. 42 (Յրիկ Ա. հատուած խրատական), եր. 55 (առաջին կիսատողով), եր. 63 (առաջին կիսատող), եր. 76 (տաղ Բերովբէի), եր. 86 (մահ), եր. 87 (մահ), Մանանայ, եր. 274—«Զկիցայն ի ձեռն առեալ ասա»: Նոյն, 272 (Յով. ողբ. վարդապաւ եւ...):

պէս այժմ անում է Յովհաննէս Թումանեանը, — եւ նորից ետ է դարձրել ժողովրդին:

Թէ դրանք մի բանաստեղծի չեն՝ երեւում է եւ նրանից, որ կան քառեակներ, որոնք կնոջ կողմից են ասուած, ինչ որ գտնուած ենք եւ ժողովրդական երգերում (ԻԳ, ԼԶ, ԽԷ, ԾԷ, ԾԹ, ՅՀ, ՂԵ, ՃԺ, ՃԾԲ, ՃՀԱ, ԼԷ, Խ, ԽԷ, ԻԹ, ԶԳ.):

Դրանք իսկական ժողովրդական երգեր չեն, ուրեմն, այլ ժողովրդականը՝ մշակութիւն կրած գրագէտների ձեռով, եւ դրա համար մտած տաղաբանների մէջ:

Թէ երբ է սկսել այդ մշակութիւնը՝ այդ մասին հաստատ բան կարելի չէ ասել: Պէտք է սպասել հին ձեռագրերի: Սակայն դժուար է կարծել, թէ Կոստանդին Երզնկացուց առաջ, ուրեմն 14-րդ դարուց առաջ, որեւէ եկեղեցական, նոյնիսկ աշխարհական երգիչ, ձեռք առնէր մշակելու այդ: Դրանց ազատ բնաւորութիւնը պահանջում է, որ սիրոյ երգն ինքն եւս ազատուած լինէր այլաբանական կաշկանդումից եւ մեղանշական համարուելուց: Արդ՝ այդ ժամանակը Թլիկուրանցու եւ Աղթամարցու շրջանն է, 15-16-րդ դարերի մէջ, ուրեմն մօտաւորապէս այն ժամանակ, երբ ապրել է Քուչակ Նահապետը: Կարող էին նոյն բանն անել նաեւ աշխարհական երգիչները, — եւ այնպիսի մասամբ այդպէս էլ է, — բայց գրագէտ աշխարհական երգիչ այդ դարերից առաջ դժուար թէ լինէր, որ այդ բանը հողեւորականներից անկախ անէր եւ այնպիսի ազատ մտածութիւն ունենար, որ հողեւոր սրբութիւնը սիրոյ երգի վերածէր, ինչպէս ԼԷ, ԼԸ (Եր. 50): Դա 15-16-րդ դարուց առաջ սրբապղծութիւն պիտի համարուէր՝ գրի առնելու եւ մշակելու, եւ սէրը կրօնականից բարձր դասուէր:

Ի՞նչ է այս սիրոյ երգերի արժանիքը, — նոյնը, ինչ որ մեր ժողովրդական երգերինը, միայն աւելի մեծ աստիճանով, որովհետեւ դրանք մշակուած են: Նախ ձեւի կողմից այդ երգերը լինելով քառեակներ, — կամ շատ-շատ՝ զարգացած 2-4 տողով, ուրեմն վեցեակներ կամ ութեակներ (ինչպէս յատուկ է մեր ժողովրդական երգին), — իրենց փոքրիկ ծաւալի մէջ, ինչպէս եւ ժողովրդական քառեակները, տեղ չեն տալիս ոչ զբացմունքի եւ ոչ մտքի ընդարձակութիւնն ու ճապաղելուն, այլ, ընդհակառակն, միայն մի միտք ու մի զգացում են արտայայտում — սեղմ ու հակիրճ, բայց այնպէս բխողացած ու փայլուն, որ երբեմն նոյնիսկ շրացուցիչ են իրենց նուրբ, սուր ու համարձակ դարձուածքներով, երեւակայութեան յանկարծական վառ ու շրջեղ թռիչքներով: Սօսքի գիւտերն ու պատկերները երբեմն մեզ զուարճացնում են, երբեմն հիացում պատճառում, երբեմն էլ ժպիտ պատճառում իրենց սրամտութեամբ եւ միամիտ չարաճճիութեամբ (170), եւ միշտ հրապուրիչ են իրենց սրտաբուխ թարմութեամբ եւ ինքնատիպ եւ մեզ ընտանի զգայնութեամբ եւ միշտ համապատասխան արտայայտած գաղափարին ու զգացման: Նկարագիրն անում է շատ ճոխ ու կենդանի, միանգամայն եւ զգացուած, ազնիւ եւ ուժեղ, ինչպէս ԻԵ, ԻԸ (Եր. 48): Բայց, որ գլխաւորն է, բանաստեղծն իր երգի մէջ արտաքին գեղեցկութեան նկարագիրն անելիս, սովորաբար, ոչ թէ լուի նմանութիւնների է դիմում, ինչպէս Թլիկուրանցին ու Աղթամարցին, այլ, ինչպէս լինում է եւ ժողովրդական երգի մէջ,

ամէն ինչ դնում է շարժուն գործողութեան մէջ, եւ եթէ լոկ նկարագիրն է անում՝ մանրամասներով ընդարձակում է նմանութեան առարկայի մի գործողութեամբ կամ վիճակով. հմտ. 2. (եր. 44), ՃԾՁ (եր. 75): Նոյնպէս վարում է նաեւ հոգեկան վիճակի նկարագրի համար, ինչպէս հետեւեալի մէջ (Գ. եր. 44). մենք տեսնում ենք, թէ ինչպէս սիրահարը կարօտակէ՞ման է գալիս եւ յանկարծ պատահում է իր ետրին եւ սրտի պապակն անցնում է:<sup>1</sup> Բանաստեղծն այդ հոգեկան վիճակը յայտնում է մի լոկ նմանութեամբ, բայց այնպէս կենդանի եւ ուժեղ, որ այլեւս ոչ մի պակաս չի մնում: Կամ տեսէք, թէ ինչպէս հետեւեալի մէջ, իսկը նարեկեան պատկերով, հանում է իր սրտի անձկութիւնը եւ ամբողջ մարմնով տանջուելը սիրող ցաւից. —

Սրտիկս է խալկին եղեր, զօրն ըզքո ղուսան կու եփէ.  
Անձիկս է չոր փայտ եղեր ու զկրակն ի վառ կու պահէ.  
Տեսեր եմ որ միան եփի նա զկրակն դադրեցունէ.  
Թողե՛ր միտն զիր ոսկորն, դեռ ի կրակն փայտ կու ձգէ:  
(ԸԿ եր. 56)

Կամ հետեւեալի մէջ աղեղ ունքերի ուժը. —

... Ունքերդ է կամար կապեր ու կ'երթայ ի Մարըն թալան,  
Շատ առ շատ գերի բերէ, շատ խօճայ ու շատ պաղրկան.  
Գերիս ալ ի հետ բերիւր ձգեցիր ի ծով ի զընդան:

(Եր. 75. 78)

Այսպիսի երեւակայութեամբ եւ արտայայտութեան ուժով է հէնց, որ մեր սիրերգերի այս «հայրենի կարգը» մեր նոյն տեսակի երգերի մէջ առաջին տեղն են բռնում, եւ դրանց երգիչը՝ Նահապետը՝ մեր երկրաւոր սիրոյ երգի մեծ վարպետն է, ինչպէս Նարեկացին՝ երկնաւոր սիրոյ, երկուսըն էլ բխած նոյն ցեղի միեւնոյն հանճարից եւ միեւնոյն ոգուց, եւ արուեստի որքան նմանութեամբ, միանգամայն եւ մեծ տարրերութեամբ — մինչ Նարեկացին իր ամէն «բանի» մէջ պատկերների մի յորդահոս ու պղտոր հեղեղով արտայայտում է մի գաղափար ու մի զգացում երկնային սիրոյ, կազմելով նոյն նիւթի համար բազմաստեղնեան դրուազներ, — նոյնն անում է Քուչակը երկրաւոր սիրոյ ընդարձակ վէպից առնելով ամէն քառեակի մէջ մի գաղափար ու մի զգացում, բայց արտայայտելով մի պատկերով, մի կարճ խօսքով, միայն այնպէս թափանցող, հզօր եւ միանգամայն պարզ ու վճիռ: Նարեկացու սէրը զղջման եւ անճաղարչանքի, աշխարհի ոչնչացման բռնն տողորումն էր միտիքական մղձաւանջից, մոռալ անձկութեամբ, մինչ Քուչակը կապուած է երկրին, զուարթ ու լուսաւոր, հեշտալից ու բուրաւէտ երկրին. դրա համար՝ մինչ Նարեկացու հեծկլտացող թառանչների հետ մենք գալարում ու սարսում ենք, մեզ վրայ զգալով միջնադարեան ճգնաւորի տուայտանքները մութիւր խուցում, այստեղ մենք միայն գիւրանում ենք քնքուշ ու հաճելի երազանքներով, սրամիտ խօսքերով, եւ սրտի խորքից դուրս թռած սիրոյ հառաչանքը նոյնիսկ, առանց տառապանքի

<sup>1</sup> «Պաղ Զուր պրծել կու գայ սարէն»:

ճչերով բռնանալու մեզ վրայ՝ մեզ օրօրում է պատանեկական մի թեթեւ ու քաղցր աւաղով եւ տանում այն պարզ ու գեղջուկ կեանքը, այն ժպտուն բընութեան գեղեցիկ ծոցը, որից ծագել են այդ ազնիւ երգերը սկզբնապէս :

Գարնանային դրօսանքը, լուսնւոյ պարտէզը, առաւօտեան ցօղաթաթախ ու կանաչ, անուշարոյր ծաղիկներով, դունազարդ եւ ծաղկած ծառերի ստուերներով, պարտէզի միջով անցնող առուակը իր կանաչ եղրներով (Ղէ), թռչնիկների սիրոյ երգը եւ ծառերի ստուերում նստած խմելը (ՃԺԴ), ձորակից իջնող ջրերը, զբօսանքը սարերում եւ սիրելիի համար ծաղիկ քաղելը (ԽԳ) եւ այնտեղ հէնց քնելը կաքաների, թռչունների երգի տակ՝

Այս դիչեր լերանց բարձանց  
Ծաղկունանց ի մէջն եմ ի քուն,  
Իմ եարն ի վերեւ գլխուս կու խմէ,  
Ես անհոգ ի քուն (ՃԿԶ), —

կամ լուսնկայ խաղաղ պարզ դիչերները (49) եւ այլն : Այս ամէնը մի հեշտաւից դիւրութիւն է ընծայում : Մենք տեսնում ենք այս լեռնային թարմ բնութիւնը, այս այգին ու սարը, այս զբօսանքը, այս «հայերէն» երգն ու ուրախութիւնը, որ անում են հէնց այդ երգի ստեղծողները այգիներում : Դա մի երիտասարդական անհոգ ու խաղաղ կեանք է, որ բոլորովին հեռու է միտքի տանջադէմ ոգուց եւ բոլորովին հեռու մեր ազգային դարաւոր տառապանքից : Կարծես այդ երգիչները եւ իրենց հասարակութիւնը, ինչպէս մանուկները, ոչ մի ուրիշ ցաւ չեն ունեցել, բացի իրենց սիրոյ վըշտից, կարծես դրանով մեր բանաստեղծութիւնը վրէժ է առնում դարաւոր ողբերից :

Այս երգերի գրաւչութիւնը գլխաւորապէս հէնց նրա մէջ է, որ մեր ժողովրդի հարազատ ոգին ենք տեսնում այնտեղ, այն էլ կենդանի կեանքից նկարած, բազմազան վիճակների մէջ, սիրահար տղան ու աղջիկը, սիրող ամուսինները, աղջկայ անուան կոտորուելը (115), աղջկայ անուան համար հոգացող մայրը, որ արգելք է լինում սիրահարների տեսակցութեանը, փողով աղջիկ գնելը (167), բռնի ամուսնութիւնը (12 գ, 34), ընտանեկան կեանքը, պանդխտի վիշտը եւ այլն, բոլորը բազմազան ձեւերով պատկերացում են այս երգերի մէջ, որ եւ ապացոյց են այդ երգերի ժողովրդական ծագումն ունենալուն, որովհետեւ միայն ժողովրդական երգը այսքան լիառատ կեանք է ցոլացնում իր մէջ : Այստեղ առաջին անգամ, առաջիններից յետոյ, մեր գիւղացու, մասամբ եւ քաղաքացու մաքուր ձայնն ենք լսում, առանց որեւէ դիտման կամ ալարանութեան, ինչպէս առակների մէջ :

Մտքի ու գաղափարների խորութիւն եւ հարստութիւն եւ կազմակերպուած աշխարհայեցողութիւն որոնել այս երգերի մէջ կարելի չէ, ինչպէս ամէն նայնպիսի ժողովրդական երգերի մէջ, քանի որ դրանց հեղինակների հոգին եւս խորը չէ, եւ իրենց առօրեայ կեանքից, իրենց վայրկեանի մտածմունքներից ու գիացումներից շատ հեռու չեն գնում : Այդ երգերը սիրով տողորուած թռչունի անուշ ու դաշն մի-մի կարճ ճռուողիւն են միայն, մերթ ուրախ ու դուր, յաճախ տխուր ու դժգոհ, երբեմն սիրոյ դուա-



սանք ու հրճուանք, դանդաղ տու լաց, յաճախ տենչանք ու կարօտ եւ սրտի ալրոց ու հառաչ, որովհետեւ ինչքան էլ սէրն աշխարհի ամենաքաղցր բանն է, «Քան զսէրն այլ քաղցրիկ պտղւոյ ի յաշխարհս չհաւատամ թէ լինի» (63), բայց դա միաթամանակ ունի եւ իր դառնութիւնները, ամենամեծ դառնութիւնները, որովհետեւ յոյգերից ամենազօրեղն ու ամենապահանջկոտն է. նա պատասխան է ուզում եւ ամէն մի շնչին բանից վրդովւում եւ ցաւ է չինում իր համար եւ տանջւում նոյնիսկ այն ժամանակ, երբ երջանիկ է: Դրանից է առաջանում սիրոյ երդի էական տխուր ու լալազին դիժն ընդհանրապէս բոլոր նոյնպիսի երգերի մէջ. սիրոյ երդը մի սիրոյ էլեգիա է, մի ողբերգութիւն սիրոյ բանտի մէջ շղթայուածի:

Վերլուծել այդ սիրոյ բոլոր քաղցրութիւններն ու դառնութիւնները՝ մեզ հեռու կը տանէր, այստեղ միայն մի քանի կէտեր մատնանիշ կ'անենք.

1. 12—14—48. Թէ ինչպէս սկսւում է սէրը, եւ սկզբից հէնց կաշկանդում սիրահարին, որ առանց սիրածին չի կարող ապրել, եւ անիծում է միայն բաժանողին:

2. Աղջիկը նաղերով դրաւում է տղային (17, 16). սա սրտայոյզ կերպով աշխատում է ողորբել անձնատուր չեղող աղջկան (119, 22). տղան հեռանում է, բայց սէրը բորբոքում է եւ վերադառնում է (126, 143, 155):

Աղջիկն անողորմ եւ անմատչելի է եւ պահանջում է հաւաստիք իրեն արժանի լինելու (57, 59, 11), եւ աղջիկն ընկնում է ակնասր (90): Տղան սպառնում է սարերն ընկնել եւ մեռնել եւ դրանով պատիժն առնել (19, 111), հաւատալով, որ աղջիկը սիրտի ողբայ իրեն, եւ այն ինչպէ՛ս (51):

3. Սիրուն խանգարողներ կան, բայց տղան յարատեւում է (106, 103), աղջիկը համբերութիւն է քարոզում (13, 11), տղան ուզում է համբերել, բայց դժուար (130):

4. Տեսակցութիւն միայն գիշերը, որովհետեւ բամբասանքը մեծ է (58, 64, 65), տղան ուզում է հեռանալ յայտնի սիրելու համար (132, 34):

5. Տղան հանդիպում է եւ աղջիկը խոստանում է գիշերն ընդունել (158), տղան գնում է, եւ աղջիկը խնդում եւ ցանկանում է, որ գիշերն երկարի (171, 41), բայց մոլորան աղան է տալիս (117) եւ լոյսը բացւում է, եւ պէտք է հեռանայ (137):

Ահա Ռոմէոյ եւ Ջուլիետայի տեսակցութիւնը, անմեղ սրտերի տեսակցութիւնը: Եւ մեր սիրոյ երգերը, որոնց թրթիռն ու գեղգեղանքը թէպէտ միշտ սիրոյ ցանկութիւնից է ծագում, միշտ մի անարատ ու անբիծ ըզրգացմունքով լի, բացի մի երկու քառեակից, երբեք բանբառակ, յայրատ ու պաղտոտ: Տեսէք, թէ մի սխալ, անպատշաճ խօսքի համար ինչպէս վիրաւորուել է գեղուհին եւ ինչպէս սիրահարը ամաչում է դրա համար եւ տանջուելով զղջում է իր ասածի համար եւ աշխատում հաւատացնել իր սիրոյ մաքրութեանն ու անկեղծութեանը (73):

Այսպիսի մաքրութիւնը, բնականաբար, ծագում է ցեղի իրեն ոգուց, որ եւ քրիստոնէական դարաւոր կրթութեամբ աւելի դառնաւ էր:

Ա՛յ իմ նշենի ծաղիկ,  
Դեղնեցար ու դարձար ի նուշ,  
Բերանդ է փոքրիկ, անուշ,  
Պուկներդ է ամբու ու նուշ,  
Այն օրն ի մօրէդ ծնար,  
Դու լայիւր 'ւ ամէն խնդային,  
Հանց մաքուր ել ի յաշխարհէս,  
Թ' երկիր լա՛յ նա՛ դու ծիծաղիս (54):

Ահա թէ ի՛նչ է խրատում սիրահարն իր սիրականին:

16-րդ դարում սիրոյ երգն, ուրեմն, բուն ժողովրդական աղբիւրին դիմելով այսպէս աչնուանում է եւ կատարելապէս աշխարհականանում. բայց դրանք ժողովրդական լինելով՝ չունին ոչ մի ականարկ, թէ ինչպէս հին կրօնական ոգին այս վիճակին է հասնում:

Քուչակի երգերի մէջ միայն մաքուր խրախճանքը նուրբ ու քնքուշ, փառաբանում է երգը, գինին եւ ուրախութիւնը.

Աչուն էր, եղաւ դարուն,  
Ա՛հ, քանի՛ կենանք մենք ի տուն.  
Եկէք որ պաղչան մտնումք  
Ու խմենք հետ ծառ չքերուն.  
Պլպուլն ի վարդին սիրուն  
Համբերէ՛ գինչ մանչն ի գինուն.  
Նստեր ի վերայ ճղին՝  
Սաղմոսէ ինքն տունէ տուն (65):

Ուրիշ տեղ (78) իր եարին հիւրասիրող կինն ասում է.

Հննցկուն հարի՜ֆնի բերեմ,  
Որ ամէնն ի քեզ նմանի,  
Ծովերդ քեզ գինի անեմ,  
Ու նավերդ ի տօտօքանի:

Կամ տեսնում է իր եարին խրախճանք անելիս (74).

... Նստեր է ծառին չքին,  
Կը խմէ գիւր լուրջ ապիկին.  
Կիմէ ու հայերէն կ'ասէ թէ  
Ի՛նչ անուշ է սէրն ու գինին (74):  
... Նա տեսայ իմ եարն ալ ի հաց.  
Կթխակ ի գինով լեցած՝  
Իմ եարին առջեւն է դըրած.  
«Իմ եա՛ր, խըմէ՛ իմ դիաց,  
Որ ելնէ հոգիս քո գիմաց» (59):  
Ա՛յ իմ նշենի ծաղիկ,  
Ծաղկեցար ու դարձար ի նուշ

Բերանդ է աղուշ մաղուշ,  
 Պըռկըներդ է ամբաւ ու նուշ...  
 Զարախդ որ ափիդ ունիս,  
 Դու խմէ՛ որ ասեմ՝ անո՛ւշ.  
 Պագնեմ զայդ բերնիդ բոլորն,  
 Որ գիւնոյն հոտ գայ անուշ (59) :

Այստեղ, այս «հայերէն կարգի» երգերի մէջ միայն մենք տեսնում ենք հանդարտ ու մեղմ երգութեամբ խրախճանքը, որի մէջ հաւասար փառաբանում են երգ, կիւն ու գինի: Բայց երգը ինչքան ազնիւ է, չունի այն բուռն աւիւնը եւ զուարթ յափշտակութիւնը, որ յատուկ է այդ կարգի երգերին, էական տեղն այստեղ բռնում է սէրը, գինին ու երգը միայն նրա անբաժան զարգարանքն են:

6. Աշխարհիկ երգ, ուրախութիւն:— Սակայն մենք ունեցել ենք և բուն խրախճանքի երգեր:

Ներսէս Շնորհալին Հայաստանի անցած փառքը ողբալիս գրում էր հարսանեկան ուրախութեան համար.

Ո՛ւր պարարակ եզն ամուլին,  
 Զիարդ ի քեզ ոչ զենանին,  
 Եւ կամ մատուռակքն բաժակիմ  
 Զի ոչ բաշխեն զանոյշ գինիմ.  
 Ուր բարեկամք զուարճակիցք...  
 Ուր քաղցրահամ երաժշտի  
 Կամ զեղգեղումն եղանակի...  
 Ուր են ազատքն ի տաճարի  
 Կամ տեսնորդիքն ի ծաղկոցի...  
 Մանկունքը քո զուարճալի  
 Նըման նորոգ բուրաստանի,  
 Դատերը քո պաճուճալի  
 Յերգ եւ ի քնար միշտ ի խաղի (12-16) :

Այս խրախճանքի երգերից դժբախտաբար ոչինչ չի մնացել մեզ: Կեանքն ինչքան էլ աւերածութիւնների պատճառով դառն լինէր, բայց ունէր եւ իր ուրախութեան պահանջը, եւ աշխարհականների մէջ անսլայման շարունակուել են ուրախութեան երգերը, որ յիշում է Նզիշէն: Կրօնաւորները, սակայն, դժուար թէ շատ վաղ սկսէին մշակել ուրախութեան երգը, որի մէջ փառաբանուէին միաթամանակ կիւն ու գինի, պար ու նուագ, սիրով կեր ու խումբ բնութեան ծոցում: Դրա համար պէտք էր, որ մտածութիւնը բոլորովին ազատուէր միստիքական մղձաւանջից եւ մարմնին ոչ միայն սիրոյ կողմից, այլեւ կերութեամբ՝ տրուէր կատարեալ ազատութիւն. Թլիկուրանցին (+1525) նոյնիսկ, որ հոգով սիրում է, ինչպէս տեսանք, ուրախութիւնը բնութեան գրկում, «Զթեւն բոլոր վզին, սիրով խմէր զանուշ գինին», այդ լաւ է համարում, եթէ չլինէր մահուան օրն ու դժոխքը եւ դատաստանի սարսափը: Նա նոյնիսկ արբեցութեան դէմ գրուած մի տաղում խրատում

է — «Թէ սէր ունիս հետ Աստուծոյ, դու զգինին ու բողբ ատէ. գինին է մայր ամենայն չարեաց... Քան զգինին յետեւ հացէն երկու երեք՝ այլն անշահ է»։ Այսպիսի հայեացքի տէրը, բնականաբար, ինչքան էլ սէր երգէր, չէր կարող խրախճանքի երգ յօրինել, եւ եթէ երգելու լինէր՝ պիտի դիմէր այլաբանութեան։

17-րդ դարու սկզբի տաղարաններում գտնում ենք մի քանի ուրախութեան երգեր, ուրեմն ամէնից ուշը 16-րդ դարու երգեր, որոնց մէջ գինին եւ խրախճանքն են փառաբանում։ Սարկաւազ Բերդակցին (Թերեւս այն սարկաւազը, որի մի սիրոյ երգը Կոստ. Բ. եր. 60-ում աղաւաղուած երգել է Սառակոնիսցի Քուչակ Նահապետը) գովում է խաղողը (Կոստ. Գ. եր. 67) իբրեւ մի «անմահութեան պտուղ», որ բոլոր պտուղներից գեղեցիկն է եւ նրանց թագաւորը։—

Թեւիլ քաշած է յոսկւոյն միջէն,  
Դու մարգարիտ ոսկի շարած,  
Քո մէկ պտուղդ ածէ ճուհար,  
Տպազիոն ակն ու գոհար...  
Զքեզ հրեշտակն եբեր Նոյի,  
Որ քո պտղովդ ուրախանայր։

Ապա առանձին սիրով պատմում է գինի պատրաստելը, գինին, որ մարդու սիրտ բաց է անում, սիրով մոռանալ տալիս չարակամութիւնը եւ ներող է դարձնում մարդուս։

Յորժամ խմէ աղքատն ի քէն,  
Որ գհացն եւ զջուրն մուրանայր,  
Նա եւ լինի տէր աշխարհիս,  
Արարածոցրս պատսպար։  
Յորժամ խմէ կոյրն ի քէնէ,  
Որ ի մօրէն ծներ խաւար,  
Հանց քաղաքաց տայր մեկնութիւն,  
Որ չէ տեսեր, չունի խապար։  
Յորժամ խմէ մունճն ի քէնէ,  
Որ ի լեզուէն քամ ու տկար,  
Զերտ ղթութակն առնու լեզուն,  
Մասխարանայ, քան զդիւահար։

Շատ պարզ երեւում է արդէն գինու սիրահար զուարթ երգիչը, որը, սակայն, չի կարողանում դեռ ազատ երգել եւ ինքն իրեն յանդիմանում է դրա համար։

Ո՛վ Սարկաւա՛գ Բերդակացի,  
Դու ի գինւոյն ի՞նչ շահեցար,  
Այնչափ ունիս սէր հետ գինւոյ,  
Որ գովեցիր սրտովդ յօժար։

Եւ Սարկաւազն իրեն արդարացնում է, թէ գինին չէ երգում, այլ պատարազի «բաժակը», որ «հողուն է լուսարար», քանի որ առանց գինու «ոչ ժամ լինի, ոչ պատարազ»։ Գինու գովքն, ուրեմն, դեռ այն սքողւած, աշխարանական, անհամարձակ վիճակի մէջ է, որ ունէր սկզբում նաեւ սէրը։

Նոյն նիւթը «վասն խաղողի» (Կոստ. Գ. 63) մշակել է Աստուածատուր անունով մէկը (1617 թ. ձեռագիր), պարզաբար իբրեւ գինու գովք, գուարթ եւ ուրախ։

Ա՛յ լի՛ց ու տո՛ւր, ա՛յ լի՛ց ու տո՛ւր,  
Անապակէդ ա՛յ լի՛ց ու տո՛ւր։

Կրկնում է շարունակ երգիչը։

Սկզբում, բոլոր պաղարեններից առաջ, այդում խաղողն են տնկել, առում է, եւ բարձր ձայնով գովել, ապա պատել են այգին, պայծառ ծաղիկներով ու պտուղներով լցրել ու գինու գովքն աւել։

Քո կոճերդ է ի կանգուն,  
Ողիւյզն մեծ եւ քաղցրագոյն,  
Պտուղն ի վառ դէմ արեւուն  
Քան զկանթեղ մէջ գիշերուն։  
Ա՛յ լի՛ց եւլն։

Ապա նոյնպէս պատմում է գինեգործութիւնը եւ գինու գործածութիւնը պատարազին, բայց ոչ արդէն աշխարհիկ մտքով․

Քո անունդ լինի բաժակ,  
Որ դուն ի շուռ դաս համարձակ...  
Դու ես գունով վէտ մանուշակ,  
Կարմիր ետղութ ակն սուտակ,  
Քեզ քահանայքն են մատուակ...  
Սարկաւազունք յառաջ եկին,  
Սաղմոսելով մեծարեցին,  
Տարան դրին եկեղեցին,  
Եւ սուրբ խնկօք զարդարեցին։  
Ա՛յ, լի՛ց ու տո՛ւր...  
...Զգաւա՞րն ի լի արա՛ ու տո՛ւր  
Թո՛ղ շատ ապրի՛ս ի՛մ Խաչատո՛ւր։  
Ա՛յ, լի՛ց ու տո՛ւր...

Իսկական ուրախ գուարճութեան գիներդու է Մարտիրոս Խարասարցին իր երկու երգերով, որոնք յորինուած են այբբենական սկսուածքով (Կոստ. Բ. 47 հտ.)։ Սա ոչ թէ գինին է երգում, այլ գինարբուքը, տօնական հացկերութիւն (եր. (49))՝ հիւրերի ու դրացիների հետ մի ուրախ աղօղակին զէպքի առթիւ։ Բազմական են քահանաներ, հիւրեր, դրացիներ եւ ռամիկներ, որոնց հոգսը տանում է երոխք։ Գինին գովւում է արդէն իբրեւ նպա-

տակ, եւ երգիչն ուրախանում է, որ ձեռքին ունի նորից անուշ, պարզ, անխառն գինու գաւաթը, եւ կամկար շատ ուտել-խմելը տանձ ու խնձորով, նուռով զարդարած սեղանի շուրջը և ծաղիկներով զարդարած կարասի շուրջն ուրախանալը ու նոր կարաս բանալը հրճուանք է պատճառում նրան։

Այսօր տօնեմք, ձեզ պւետի՛ս,  
Ահա ցնծամք յայսմ տօնիս,  
Բարով տեսայ գաւաթն յստիս.  
Աւետիս տամ Հայոց ազգիս...  
Ինձ մեծ աման տո՛ւր թէ ունիս,  
Ի քեզ նայեմք երիցանիս,  
Լի՛ց տո՛ւր, եղբա՛յր, Բո՛նչ կու նայիս,

Աւետիս տամ Հայոց ազգիս:  
Խնդամք ամէն շուրջ կարասիս,  
Խորվենք հոգ տաք ոչխրրի միս,  
Ծաղկունք բերենք մէջ ժողովիս,

Աւետիս տամ Հայոց ազգիս:  
Ճերմակ դինի, լաւ դեղ սրտիս,  
Ճաշակն անոյշ, համն ա՛ռ տե՛ս.  
Մեք այլ այտից, խմենք այտից.

Աւետիս տամ Հայոց ազգիս:  
Յարի՛ ի վեր, հաշտեա՛ց ընդ իս,  
Յարի՛ խմէ՛, համբուրէ՛ դիս,  
Նոյնպէս ամէն ժողովրդիս,

Աւետիս տամ Հայոց ազգիս (49 եւ հտն.):

Սէրը, հաշտութեան համբոյրը, հիւրասիրութիւնը, պատուելը, աննենգ սիրտը, միաժամանակ սիրոյ բարեմաղթութիւնները, ազգի հոգսը նոյնիսկ, եւ ծաղրը, ծիծաղը անբաժան ընկերներն են այսպիսի ուրախութիւնների:

Այսօր խմենք քաղցր եւ յորդոր,  
Բարեկամաց ի հետ բոլոր.  
Գինիս աղէկ, ճաշակն աղւոր,  
Անո՛յշ խմենք քաղցր եւ յորդոր:

Դա աղատ ուրախութիւնն է լաւ խմողի, որ սիրում է գինին ու խընջոյքը իր բոլոր սրտով եւ առանց քաշուելու ի ցոյց է դնում մարմնապաշտութիւնն առանց որեւէ շնորհալիութեան եւ խորութեան, այլ, ընդհակառակը, մի տեսակ կոպտութեամբ, պարծենկոտութեամբ, որ ինքը կարողանում է լաւ խմել. «Զի խմող մարդն է ծովի խոր»:

Այո՛, խմենք քաղցր եւ յորդոր...  
Հիւժեալ մաշիմ գլուխ ի կոր,  
Փառասիրիմ մարմնով գինչ հօր,  
Քե՛զ, Մարտիրո՛ս, գինով խոչկոր,  
Անոյշ խմենք քաղցր եւ յորդոր (49):

Նաղաշ Յովնաթան:<sup>1</sup>— Խրախճանքի ամենից նուրբ եւ աղնիւ ու ճաշակաւոր երգիչն է Նաղաշ Յովնաթանը՝ ծնուած 1661 թ. Շոռոթ գիւղում, եւ իր հայրենի գիւղում էլ վախճանուած 1722 թուին: Սա իսկական բանաստեղծ եւ նկարիչ է, որ շատ եկեղեցիներ զարդարած է եղել իր նկարներով, մի «շնորհալից վարպետ իմաստուն», լաւ ծանօթ իր ժամանակի ուսմունքներին, շատ ճանապարհորդած, իրեւն սարկաւազ մերթ ծառայած եկեղեցում, շատ յարգուած եւ դիրք ունեցող մի մարդ:

Նրանից յայտնի են 26 տաղ, որոնցից մի քանիսը կրօնական եւ խրատական ու երգիծական են, մեծ մասը սիրոյ եւ ուրախութեան:

Նաղաշ Յովնաթանը խոհուն մարդ է եւ կորովի, բարոյականութիւն արձող. նա շատ մարդ է տեսած եւ աւելի շատ մտածած. իր բանաստեղծութեան մէջ մենք տեսնում ենք մի ամբողջական աշխարհայեցողութիւն, որով քրիստոնէական ոգին եւ աշխարհասիրութիւնն արդէն հաշտուած են, ինչպէս արդի մարդու համար, եւ վերջ է տրուած մեր հին բանաստեղծութեան ցաւազին շեշտերին: Դա մի աշխարհական հայեացք է եւ ոչ կրօնական:

Զիշտ է, աշխարհս նրա համար եւս սուտ, անցաւոր մի երազ է, խաբէրայ եւ անհաւատարիմ, քանի որ «էս գիշեր հոգիդ ի բաց պահանջին», եւ մարդ պիտի դատաստանին ներկայանայ, — բայց աշխարհիս ունայնութիւնն ու մահը նրան այլեւս սարսուռ չեն աղդում եւ բնաւ չեն պղտորում նրա պարզ եւ քնքուշ հոգին: Որովհետեւ եթէ Աստուած մարդուս համար անկել է այն կեանքի արքայութեան դրախտն իր պտուղներով ու ծաղիկներով, իր լուսաւոր օթեւաններով եւ հրեշտակների սաղերով ու տաղերով, — նա եւ մարդուս համար այս աշխարհում պարզեւել է դարնանային դրախտը, հացն ու գինին, «աստուածազարդ սեղանը» (85, 88, 90 եւ այլն): Պէտք է, ուրեմն, եւ այս վայելել եւ այն չմոռնալ: «Մարմնաւոր ուրախացէք, հոգեւորին մի՛ կենայք ծոյլ» (85): «Մարմնով խմէք, ուրախացէք, հոգով մեղաց զղացէք» (88), — այս է նրա ամբողջ աշխարհայեացքի սեղմ արտայայտութիւնը:

Հոգեւորի համար բաւական է միայն, որ մարդ արդարութեամբ ապրի, եւ նա դրա համար տալիս է իր դործնական խրատները՝ «Որտոտ պիտանի վասն հոգւոյ» (եր. 75). չլինել հպարտ, ապերախտ, նախանձոտ, ունենալ սէր. լինել աղքատախնամ, ծնողասէր, չար չանել ուրիշներին, չսիրել հայհոյանք, աղքատի դատաստանն արդարութեամբ վարել եւ առհասարակ արդար լինել յարաբերութիւնների մէջ. ժամ գնալ, աղօթել, «պատուել վարդապետն ու քահանէն», նրանց օրհնութիւնը տնից անպակաս անել, որովհետեւ «նոքա են մեր կերակրին աղբն», — բոլորը սովորական աւանդական խրատներ, որ Յովնաթանը մանկութիւնից սովորել է:

Այս են այն դործնական խրատները, որ տալիս է Յովնաթանը, սրանք սովորական քարոզներ են, բայց այնպէս համեղ եւ անուշ ասուած, իսկը ժողովրդական ձեւով ու մտածութեամբ եւ շնորհալի կերպով, հանգիստ ու խաղաղ սրտով եւ այնպէս ծանրութեամբ ու կշռով, խորը համոզուած իր ասածին, եւ բնական ձեւով, առանց որեւէ արուեստականութեան, որ այդ տաղը մեր խրատական մեծ տաղերի տեսակի (եւ ոչ քառեակների) մէջ կաթելի է ամենից աղնիւր եւ գեղեցիկը համարել:

1 «Նաղաշ Յովնաթան աշուղը եւ Յովնաթան Յովնաթանեան նկարիչը», Փարիզ, 1910 թ.:

Այս աւանդական խրատներէց, սակայն, մի բան նա դուրս է ձգում.—

Պաս կու պահես ու սէր չունիս՝ էն ասէ՛.  
Ի՛նչ օգուտ սատանայէն՝ ամէն օր պաս է,  
Որ անգեղջ նախանձոտ չար ու վատվաս է.  
Անչէջ կրակն է նորա եաթաղըն (77):

Պաս պահելը, մարմինը տանջելն, ուրեմն, ոչ մի արժէք չունի հանդերձեալ կեանքի համար: Այսպիսով մի կողմ է դրւում մարմնատանջ ճգնաւորական միտքը, եւ բանաստեղծը կարող է ազատ կերպով, հանգիստ խղճով «մարմնաւոր ուրախանալ», առանց հոգուն վնասելու երկիւղի: Մարմինն իր պահանջն ունի եւ նրան բաւականութիւն պիտի տալ իր պահանջի համեմատ. հոգին էլ իրն ունի, նրան էլ «արդարութեան խօսքերը» կատարելով պիտի բաւականութիւն տալ: Այս երկուսն ալլեւս իրար չեն խանգարում:

Մի անգամ որ մարմնատանջ հայեացքը դէն է դրուած, աշխարհի ու նայնութիւնն ու վերահաս մահը նրան ալլեւս ոչ միայն արդեւ չեն լինում մարմնաւորապէս ուրախանալուն, այլ նոյնիսկ պատճառ են դառնում, որ մարդ վայելի եւ, որքան կարելի է, շատ եւ լաւ վայելի այս աշխարհի բոլորքները: «Թասըն գինի լից տուր խմեմք», ասում է նա, «Զէրա յաշխարհս օր քան զօր չարըն կու շատանայ» (86), որովհետեւ «Անցեալ օրին օր չի հասնիր» (90) եւ «Այսօր քանց վաղըն աղէկ» է (68), որովհետեւ «Սուտ աշխարհըս անցաւոր է, մարդըն երազ կու նմանի» (եբ. 85) եւ մարդ իր հետ ոչինչ չի տանելու, «աշխարհիս մալըն կու մնայ աշխարհիս վերան» (91), ուստի մարդ «քանի սաղ է՝ ածէք խմի» (58):

Կեանքը շատ կարճ է, ուստի պէտք է բոլէն ձեռքից չթողնել՝ վայելչութիւն անելու համար:

Այլ կէ՛ր խըմէ՛ հետ ընկերաց,  
Քանի որ Փրսանդ կայ ձեռաց,  
Գալ տարի ո՞վ սաղ, ո՞վ մեռած.  
Խարճէք, եղբա՛ւրք իմ, ցնծալով,  
Ուրախութեամբ եւ պարելով,  
Ծափըս ծափի հարկանելով:  
Է՞ր պարապ կու մնաս, սաղի,  
Ֆալաքն է մեր յօմբին եաղի.  
Աշխարհս մեղ չէ մնալ պաղի,  
Լի՛ց, տո՛ւր, եղբայր իմ, ցնծալով,  
Ուրախութեամբ եւ պարելով,  
Ծափըս ծափի հարկանելով (78):

Նաղաչն որ այս դառն կեանքըս մէկ օրէն հիւր է,  
Վաղըն մեռնիմ՝ կ'ասեն «Նաղաչ Յովնաթան ո՞ւր է».  
Մեղ ողորմի տուողի հոգւոյն անմահութեան հոտըն բուրէ՝  
Սիրով խըմէք, խաղաղութեամբ ուրախ լիցուք (86):



Եւ բանաստեղծի սիրոյ եւ ուրախութեան երգերը, տողորուած այս մտքով, մի առանձին հրապոյր ու գեղ, աւելի խորութիւն ու ներքին բովանդակութիւն են ստանում, մանաւանդ որ նրա ուրախութեան երգերը երբեք հոգու պահանջը չեն մոռանում իր ուրախութեան վայրկեաններին] :

Ապա ում սրտի քէն ունի՝ հանի, հաշտութեամբ մընայ,  
Լաւ մարդըն այն է՝ ոնց որ եկեալ՝ այլ այնպէս գնայ (81) :  
Սիրով խըմէք, խաղաղութեամբ ուրախ լիցուք,—

կրկնում է նա մի երգի մէջ (85) .

Աստուած սիրէք՝ ում սրտում նախանձ կայ՝ հանի (85) :  
Թոյլ միք տալ, որ եղբայրութեան սէրն հովանայ (86) :  
Պարտիմբ ընտրել զբարութիւնս, մերժել ի մէնջ զչարիս (87) :  
Թէ ձեր մէջըն խռով մարդ կայ՝ ելէք սիրով հաշտեցէք (88) :  
Մինակ մի՛ ուտէք, բաժանեցէ՛ք, հաւասար շարէ՛ք (82) :  
Եկայք այսօր ժողովեցէք, ընկերք միաբան,  
Պարկեշտութեամբ բազմիլ սեղան, եղբայրք պատուական,  
Զուարճանալով արասցուք սէր եւ բարեկենդան (90) :

Այս պատճառով Յովնաթանի ուրախութեան տաղերը մեր հին բանաստեղծութեան ամէնից զուարթ եւ լուսաւոր երգերն են, որոնց մէջ կեանքի հրճուանքն արտայայտուած է ամենագորեղ, միաժամանակ եւ ազնիւ շէշտերով : Նրա երգը այլեւս լաւ ուսողի մի սին պարծանք չէ, կոպտաբար փառաբանող ուտել խմելու հաճոյքը, ինչպէս մի Մարտիրոսի երգ, այլ բարոյախօսի ու ճաշակաւոր արուեստաւորի մի նուրբ ու գեղեցիկ վայելչութիւն, որի մէջ աւելի շատ հոգեւոր զուարճութիւնն է տեղ բռնում . նրա սեղանը ինքը ոչ միայն բարելի է, այլեւ զարգարուն է —

Սեղանըս լի է ծաղիկ (68) :  
Սեղանըս լցեալ միւրգ ու ծաղիկ,  
Զլինի վեր քաղէք (81) :

. . . Վարդ ըռեհան եւ զարանֆիլ ծաղկունք խորհրդաւոր . . .

Նարգիզ, զամպաղ եւ սուսամբար, եասաման եւ սըմպուլ (85) ,—

դրուած է միշտ գեղեցիկ բնութեան մէջ եւ մարդիկ ուրախանում են՝ ծափաւորով ու ցնծալով, երգելով եւ Աստծուն փառք տալով, իրար համբուրելով եւ մեծարելով .

Բերէք տաղարան շարական,  
Թողէք մանկունք ձայնիւ կարդան (71) :  
Կանչէք տաղեր եւ շարական (79) :

Սաղերն ածէ՛ք, տաղերն կանչեցէ՛ք, ծափ տուք եւ պարէ՛ք (82) :  
Մանկունքն երգեն տաղ շարական քաղցր որպէս բլրուլ (85) :  
Ո՛վ մանկունք սուրբ եկեղեցւոյ, քաղցր ձայնիւ երգեցէք (88) :

Հաճոյքը ստանում են ոչ թէ գինիներից ու կերակուրներից, որոնք լուրջ պատճառ են լինում սրտերը բանալու, այլ աւելի բնութիւնից, գեղարուեստից եւ մարդկանց բարեկամութիւնից:

Ձգիտեմ ընկերներին ով աւելի լաւ սրտի խօսք է ասել, քան այս նաշաւը:—

Այսօր ուրախութեան օր է,  
Թասերըս կարգաւ բոլորէ՛...  
Եղբարք նստած շարէշար,  
Որպէս թափ մարգարտաշար...  
Պարոնայքն պատուելի,  
Մէկ քան բղմէկ սիրելի...  
Դուք որպէս աստղ պայծառ էք,  
Վարդ եւ կնդրուկ հոտ առէք,  
Քաղցր ձայնիւ բարբառէք... (67):  
Նորահաս մանկունք հանճարեղ,  
Խելքըն բոլոր, խօսքըն համեղ,  
Ձեռացներըն վարդ ու զամբել...  
Հոտ առէք, եղբա՛րք, ցնծալով,  
Ուրախութեամբ եւ պարելով,  
Մափրա ծափի հարկանելով (78):

Այս ուրախ ընկերութեան մէջ վատ մարդ չկայ, որ «մէկ խօսքի չհամբերելով մէջլին աւելի», այդպիսին դուրս է ձգւում (78): Նրանք բոլորը սիրով լի են եւ սրտով պայծառ, ինչպէս նրանց չըջապատող բնութիւնը եւ օրը, որ հէնց սիրտը բաց է անում եւ ոչ գինին,—

Այսօր նման է վարդի,  
Եւ ծառոց ծաղկազարդի,  
Սիրտ կու բացուի շատ մարդի (67):

Գեղեցիկ բնութիւնն իր զարդարանքներով անհրաժեշտ պահանջ է խրախճանքի համար:—

Ձիման լինի կանաչ խոտ,  
Մանուշակ սըմպուլի հոտ... (68):

Նորափոր դնացք առուոց փրփնջագոչ պաղպաղունակ...  
Այլ եւ ցուրտ աղբիւր բղխեալ քաղցր եւ անուշ խիստ դովելի,  
Աւազան ջրով լցեալ պարզ եւ մաքուր որպէս հայելի...  
Թունկ եւ կուժ գինով լցեալ ի մէջ ջրոյն սաստիկ ցրտացեալ,  
Ջրոյն երեսն մերդ եւ ծաղկունք, վարդ ըռեհան,  
Խնձոր կարմրացեալ (74):

Յաւուրս գարնան ժամանակին՝  
Փթթեալ ծաղկեցաւ այդին.  
Հնչէ քաղցր ձայն տատրակին... (77):

Վարդըն որ փըթըթեալ բացուի եւ այլ ծաղկունք զանազան,  
Ծառոց պտուղ անուշահամ, հոտ կընդըրիի պատուական,  
Մէջլիսըն զարդարեալ ցնծայ զինչ դրախտըն եղեմական...  
Անմահութեան հոտըն բուրէ աստուածազարդ սեղանէս (88):  
Մեր առջեւն կանաչ պաղչա, ծաղկունք եւ չիման,  
Աստուածազարդ սեղան եղեալ աչաց յանդիման... (60):

Բնութեան մի հրճուալից գովք է Զատիկի տաղը (103) եւ «Ի վերայ  
գարնան եւ ուրախութեան» (107):

Այս կենսութեան երգիչը, հակառակ նարեկացուն, որ մեռնելուց յետոյ  
ուզում էր, թէ իր գիրքն ուրիշներէ բերանով աղօթէ, մի բան է միայն ցան-  
կանում մնացականներից, որ իր մահից յետոյ էլ նրանք ուրախանան. «Յի-  
շեցէք Նաղաչ Յովնաթան, ածէք խմէք կարմիր կթխան» (71), յաճախ կըրկ-  
նում է նա:

Այս միեւնոյն կենսախինդ հայեացքով նա երգում է եւ սէրը, որ կեան-  
քի խնջոյքի մի մասն է, կինը, բնութիւնը: Գինին եւ երգ ու պարը անբաժան  
մի ընկերութիւն են կազմում նրա ուրախ ու բախտաւոր կեանքի համար, եւ  
եթէ խրախճանքի երգերի մէջ կինը երեւան չի գալիս ընկերների հասարա-  
կութեան մէջ, որովհետեւ սէրը սրտի ծածկարանում է, երգերի մէջ, սա-  
կայն, անբաժան են գինին, երգն ու բնութիւնը:

Սիրոյ ամենալաւ ժամանակն է օրհնեալ գարունը (41, 50), երբ բաց-  
ւում է պարտէզի վարդը, որով զարդարում է սիրականն իր գլուխը, պար-  
տէզ տանելով (40) պինի մաղալ եւ ուրախանում (89), թաս տալով տարփա-  
ւորին (36), ծաղիկ քաղելով ու ծիծաղելով. բաղչի նման զարդարուած գե-  
ղուհին, ինքը մի նոր կանաչ պարտէզ:

Ես տաղ կանչեմ, դու է՛լ խաղա (38):  
Պաղչի մէջըն մեկնենք խալի,  
Սեղաններ՝ գիւնոյ սիւրահի,  
Պապ տուր, որդիդ Աստուած պահի (41):  
Վարդըն ձգեցիր գոգիս մէջ, գոգիս...  
Թասըն դէսլ ինձ մօտ խմեցիր (41):  
Թող Յովնաթան մէկ տաղ ասէ քո թասին» (42)  
Դու քո ձեռքն թաս մի՛ խմեր,  
Եկ միատեղ նստեմք սեղան (61),  
Մէկ ձեռնիւ գինւոյ թասըն,  
Մէկ ձեռնիդ սմբուլն (66, 54, 59):

Նա նոյնպէս ազատ, անվախ վայելել է ուզում սէրը, որովհետեւ այս-  
տեղ եւս երիտասարդութիւնը չուտ անցնում է եւ մահը վերահաս է:

Ծոցիդ չամամներն խիստ է նորահաս,  
Վախեմ թէ թառամի, շատ մի՛ կենար պաս... (63):  
Նոր փռուած վարդի նըման ես,

Ախսո՛ւ որ խիստ շատ նազ կ'անես .

Գնաց դովրան՝ կու փոշմանես... (43) :

Դու էլ կու մեռնիս , չես անմահական ,

Ինձ է՞ր կու պահես տրխուր տրտմական (63) :

Գիտեմ որ դու քանց զիս սիրոյ թամահ ես .

Նրոնեբըդ հող կու դառնայ , է՞ր պինդ կու պահես ,

Թող համբուրեմ օրհնեմ , հոգով զարդարուես (41) :

Այս միեւնոյն հայեացքը պանում ենք նաեւ Քուչակեան մի երգի մէջ .—

Թուիս աչք ու ունքեր ունիս , լայն ճակատ ու կարմիր երես ,

Այդ ճերմակդ որ դուն ունիս , զշամամ ծիծերդ որ ի ներս ,

Մեռնիս այլ անգին երթաս՝ զայդ ճերմակ ծոցիկդ ի՞նչ անես

Զամէն որդերն ուտեն , դու է՞ր զիս մահրում կու պահես (47) :

Եւ եթէ այստեղ սիրահարի փորձը՝ ողորկել իր անառիկ գեղուհուն՝ ցոյց տալով նրան աշխարհի ոչնչութիւնը՝ մի ինքնաբերական խօսք է , իսկ Նազաչի այդ խօսքերը բխում են նրա որոշ աշխարհայեացքից , այդ երկուսը տակայն , հոգով շատ մօտ են իրար , եւ Նազաչի սիրոյ երգերը , ինչպէս եւ Քուչակինը , մեր հին սիրերգութեան մի—մի առանձին տեսակի կատարելագործութիւն են , նոյն ժողովրդական ոգով , մաքուր եւ զգաստ , եւ նոյնիսկ տարփալից վայրկեաններում նուրբ . Քուչակինը միայն մօտ են աւելի արեւմտեան ժողովրդական երգերին , իսկ Նազաչինը՝ արեւելեան : Այդ պատճառով եւ՝ մի կողմից Նազաչի երգերի , միւս կողմից Քուչակեան ու ժողովրդական երգերի մէջ ոչ միայն նոյն ընդհանուր ոգին ենք գտնում , այլեւ շատ մոտիւններ , արտայայտութիւններ , զարժուածներ եւ պատկերներ ու զրութիւններ նոյնն են . նոյնիսկ մեր այժմեան հասկացողութեամբ շատ ազատ , հեշտասէր : Տների մէջ , որոնց թիւը մի քանիսն է , Յովնաթանը չի հեռանում Քուչակից կամ ժողովրդական երգից : Միայն մինչ «հայրենի կարգի» սիրերգը , ժողովրդական քառեակների մշակութիւն լինելով , սեղմ կերպով պարունակում է ընդհանրապէս սիրովէպից բաղմագան միջադէպեր , շատ զազափարներ եւ արտայայտութեան ձեւեր , Յովնաթանի սիրերգն անհատական կեանքի արտայայտութիւն լինելով՝ համեմատաբար միատեսակ է թէ՛ իր յղացման , թէ՛ իր ընդհանուր եղանակի եւ թէ՛ արտայայտութեան ձեւի մէջ :

Դժբախտաբար նրա կենսաբերութիւնը չգիտենք , բայց երգերից երեւում է , որ նա սիրուել է եւ մէկ անգամից աւելի , եւ նրա երգերը ոչ [թէ] արուեստով յօրինուած ընդհանուր դրութիւններ են , այլ առնուած են ապրած կեանքի պատահարներից (48...) , այսինքն երգիչը ոչ թէ ընդհանուր զգացումներ է երգում , այլ իր սեփականը : Այդ պատահարներն , անշուշտ , մանր բաներ են , բայց սրտի համար մեծ՝ եւ նա դրանով երջանիկ է :

Նրա ետքը կա՛մ յայտնում է , որ սիրում է նրան , կամ խօսք ուղարկում (35 , 60 , 46 , 48) , կամ ծիծաղում նրան (36 , 39) , կամ նամակ գրում (36 , 37 , 39 , 44 , 47 , 56) , կամ բարեւ տայիս (40 , 43) , բարեւ ուղարկում (47 , 48 , 54 , 58) , կամ նրա մօտ գնում (40 , 48) , նրա հետ խօսում կամ վարդ ու ծաղիկ ձգում նրան (41) , կամ նրա սիրով ծարաւ է (42 , 54) , ծոցը նշանց

տալիս (42), ծիծաղելով աչքով անում (44, 46, 49, 53, 65), խնդրում, որ պատկերը քաշէ (47), նամակ ուզում տարփաւորից (47), մտիկ տալիս Նաղաշի աշխատանքին (52), կամ նրանից վարդ առնում (65), կամ պայման եւ ուխտ դնում նրան (69) :

Բանաստեղծը նրա համար տաղ է դրում (44, 48, 52), ծաղկում (48), նրա պատկերը քաշում (47, 49), նամակ է դրում (47), խարար խնդրում (58) :

Եւ այդպիսի կենսութեան ու սիրոյ մէջ բախտաւոր երգիչը, որ բոլոր լիակատար վայելել է ուզում, չէր կարող իր խորքում տխուր սիրերդ յօրինել, այլ միայն ուրախ. բայց եւ այնպէս նրա երգերն իրենց արտայայտութեան եղանակով մեծ մասամբ տխուր են եւ չունեն այն հրճուալից բնաւորութիւնը, ինչ որ խրախճանքի երգերը : Այստեղ պէտք է նկատի ունենալ երկու դրութիւն : Նա իր սրտի ուրախ թրթիռն է միայն յայտնում իր տարփածութիւն, միայն [թէ] ողբալին եղանակով, որովհետեւ նրա ուրախութիւնը շատ մեծ է : Երգիչը լալիս, արտասուում է, բայց ոչ թէ արտամութեան արտասուք է թափում, այլ ուրախութեան : Մեծ ուրախութիւնը, չափազանց մեծ հաճոյքը նոյնպէս է ազդում մարդուս վրայ եւ նոյնպէս հիմնովին քայքայում մարդուս կազմութիւնը, ինչպէս չափազանց արտամութիւնը, եւ վերջ ի վերջոյ մի թախծալից հիւանդալին հանդստացնող վիճակի մէջ ձգում սիրահարին : Այսպիսի վիճակի մէջ է Յովնաթանն իր սիրով :

Այդ բոլորն սէրը, որ «քաղցր, միանգամայն եւ դառն է», ինչպէս ասում է Ստաֆֆոն իր մի նշանաւոր սիրերգի մէջ, քնականաբար պէտք է երգուէր դժբախտ սիրոյ ձեւով, տխրալին եղանակով, որովհետեւ դա եւս տարփաւորին ձգում է նոյն հոգեկան անհաւասարակշռութեան եւ արեքցութեան մէջ, որովհետեւ այդ սէրը բոլորն է անսահման՝ ուզում է փորձել սէրը : Եւ այս յատկանիչը ունեն մոլոր մեծ սիրերգուները, մանաւանդ արեւելեան, որոնց մէջ սէրն աւելի կրքոտ ու խանդալաթ է : Երջանիկ սէրը երգւում է դժբախտ սիրոյ ձեւով, որովհետեւ այդ ժամանակ մարդս կորցնում է իր հոգեկան հաւասարակշռութիւնը եւ բոլորն հարեքցութեան մէջ ձգւում. «կուզեմ հողիս հանեմ» : Եթէ տխրում է նա իսկապէս, ոչ թէ նրա համար, որ չի սիրում եւ սէր է պողպատում, ինչպէս «հայրենի կարգի» մէջ, այլ կամ հեռու է սիրականից, կամ մի երկու օր լուր չունի նրանից, թշնամուց քաշուելով լուր չի ուղարկում, հետը չարունակ տեսնուել է ուզում, սիրականը նազեր է անում :

Յովնաթանն այն երջանիկ վայրկեանին, երբ իմանում է, թէ իր սէրը փոխադարձ է, իր սէրը երգում է նոյն յատկանիչներով, ինչ որ «հայրենի կարգի» մէջ դժբախտ սիրահարը, բայց մի մեծ տարբերութեամբ, որ երգն այստեղ մեղմ է, հանդիստ, որովհետեւ արդէն իր էական պահանջը, որ է փոխադարձ սիրուելը, բաւականութիւն է ստացած :

Իմ եարըն նըստել դամով,  
Լեզուն քանց շաքար համով,  
Ինձ կու սիրէ իւր կամով .

Զա'լում, ուրախ եմ, ամա՛ն, ամա՛ն (35) :

Պաղչումըն ծաղիկ քաղես,

Ծածուկ դէպ ինձ ծիծաղես,

Կրակով սի'րտս դաղես .

Զա'լում, էրվել եմ, ամա՛ն, ամա՛ն :

Գիր ես գրել տոշխարով,

Մէջըն լցրել շաքարով,

Յովնաթանին շատ բարով .

Զա'լում, կարդացի, ամա՛ն, ամա՛ն (36) :

Այսպիսի մի երգի մէջ «զալում» հնչիւնն արդէն դառնում է փաղաքըշութիւն, ինչպէս եւ ժողովրդական երգի մէջ «Պուճուր աղջիկ, զալում ես» . նա զալում է ոչ թէ իբրեւ «անգութ, վայրագ, հարստահարիչ», ինչպէս նշանակում է այդ բառն իսկապէս, այլ իբրեւ մի շնորհքով ու յաջողակ եւ կտրիճ, որ կարողանում է գրաւել տարփաւորին, եւ ծաղիկ քաղելով ու ծիծաղելով նայելով միայն «սիրտը կրակով դաղել, ալրել, բայց ոչ անյոյս տանջանք, այլ անուշ հաճութիւն բերող կրակով . նոյնպէս ոչ թէ յուսահատ օգնութեան մի ճիչ է այլեւս «ամա՛ն, ամա՛ն» բացականչութիւնը, ինչպէս հին «ղէնահար», այլ դա միայն ցոյց է տալիս, թէ ինքը որքան շատ սիրում է իր գեղուհուն : Եւ երբ որ նա նոյն երգի մէջ իրեն «վըշտահար» (դարդլու) է անուանում, — կամ հիւանդ է «խոցուած սրտով» — այլեւս ոչ ոք չի հաւատում, թէ նա իսկապէս վշտահար է, հիւանդ, այն մըտքով, թէ դժբախտ է, այլ դա միայն ցոյց է տալիս, թէ սէրը որքան յաղթահարէ է եւ ջարդում է նրան :

Եւ վերջապէս նոյն երգի մէջ, ետրի խօսքը, թէ սիրում է երգչին, միայն աւելի եւս բորբոքում է նրան՝ «խօսքդ սիրտըս կու էրէ», եւ նա աւելի եւս կարօտում, ծարաւում է իր տարփածուին ու ցանկանում նորանոր տենչալի լուրեր ստանալ նրանից, ցանկանում է, որ նա իր ծարաւը յագեցնի եւ համբոյրով բժշկի իրեն : Բայց որովհետեւ այդ չկայ, ուստի նա եւ դանդաշում է եւ գութ հայցում, ինչպէս ապերջանիկ սիրահար :

Այսպէս, ուրեմն, Նաղաշի երգերով մեր քնարերգութիւնը կատարելապէս աշխարհականացել է, նա արդէն նոր ժամանակի երգիչ է : Նրա երգը պէտք է երեւան գար ոչ թէ 17-րդ դարի վերջերում, այլ 15—16-րդ դարերում : Բայց 14-րդ դարու վերջերից Հայաստանը Լանկթամուրի արշաւանքից սկսած (1387 թ.) եւ նրա մահից յետոյ սոսկալի աւերածութիւնների ենթակայ եղաւ զանազան բռնակալների ձեռին կռիւների ասպարէզ դառնալով . քաղաքներ ու գիւղեր աւերուեցան, գերութիւն, սով, վաղթ, կոտորած . . . Ապա օսմանցոց եւ պարսից շահերի մէջ ծագած պատերազմը, որ 250 տարուց աւելի տևեց (1473 թուից), մերթ օսմանցոց, մերթ պարսից ձեռն անցնելով . մինչեւ 1639 թ. հաշտուեցին եւ Երասխ ու Կուր գետերի մէջ հղած երկիրը անցաւ պարսից, եւ ութսուն տարու չափ մեր արդէն բոլորովին աւերուած երկիրը խաղաղութիւն ունեցաւ, երբ հայոց մէջ սկսուեց վեքածնութեան շրջանը :

Այս խաղաղութեան շրջանի որդին է ահա Նաղաշ Յովնաթանը, որ ապ-

բել է պարսից համեմատաբար բարուռք կառավարութեան շրջանում, մի լիառատ ժամանակ, ինչպէս նկարագրում է Զաքարիա սարկաւազը, որով եւ հատկանալի է եւ նրա երգերի ուրախ բովանդակութիւնը: Այդ ժամանակ եւ նոր պարսկական ազգեցութիւնը զօրանում է հայ ժողովրդի վրայ եւ դրա հետեւանքն է, որ Նաղաշի երգերը իրենց վրայ կրում են արդէն պարսկական քանաստեղծութեան ազգեցութիւնը, ոչ միայն բառերի եւ պատկերների, այլեւ ոտանաւորների վրայ. նրա գործածած չափն արդէն երբեմն տարբերւում է մեր հին բանաստեղծական մաքուր շէտական չափից, եւ երբեմն դարձել է զուտ վանկական, մօտիկ Ֆրանսերէնին: Նրանով իսկապէս փակւում է մեր հին երգիչների շարքը եւ սկսւում է նոր աշուղների շրջանը: Նաղաշը միջին տեղն է բռնում հինի եւ նորի:

## ՅՈՐՐՈՐԴ ՇՐՋԱՆ

### ԳՐԱԿԱՆՈՒԹԵԱՆ ՆՈՐՈԳՈՒՄԸ 17—19-ՐԴ ԴԱՐՈՒՄ

#### ՆԵՐԱԾՈՒԹԻՒՆ

16-րդ դարը եւ 17-րդ դարու առաջին քառորդը հայոց կեանքի եւ գրականութեան ամէնից անկեալ շրջանն է: Մահմեդական թուրքերն էին բարձրացել բիւզանդական զահի վրայ եւ իրենց պատերազմական բնաւորութեամբ, շարունակ արշաւանքներ էին անում՝ աւերելով թէ՛ իրենց եւ թէ՛ դրացի երկիրները: Հայաստանը, ինչպէս առաջ, ա՛նէրիչ պատերազմների ասպարէզ էր երկու մահմեդական, քրիստոնէութեան եւ քաղաքակրթութեան թշնամի սլետութիւնների մէջ: Մի կողմից տաճիկներն էին աւերում եւ սոցա թողածը՝ պարսիկները:

Եթէ այդ դարեր շարունակ տեւող պատերազմների մէջ քիչ ու շատ լինում էին կարճատեւ խաղաղութեան շրջաններ՝ այդ ժամանակ էլ ժողովուրդը կրօնի պատճառով հալածուած, ճնշուած հարկերի տակ, ենթակայ կեղեքումների:

Անկումն իր վերջին ծայրն հասնում է 17-րդ դարու սկզբին, երբ պարսից Շահ-Աբաս թագաւորի ձեռով երկրի աւերմունքն իւր վերջին ծայրն է հասնում — հարիւր հազարաւորների բռնի գաղթեցնելով, եւ ապա սով ու ջալալիք:

Այդ վերջին աւերմունքը եւ վերջին հարուածն է տալիս հայոց հին քաղաքակրթութեանը, որ արդէն նուազած էր շատ: Հայերն այնուհետեւ կամ պէտք է ոչնչանային եւ վայրենանալով ընկնէին, եւ կամ, եթէ աղդի մէջ կենսունակութեան դեռ ուժ կար՝ մեծ ջանքերով նորից ձգտէին կենդանութեան: Բարբախտաբար այդ ուժը կար հայոց մէջ, եւ վերջին ծայր հասած աւերմունքից յետոյ, անմիջապէս նորոգութեան ձեռնարկութիւնն սկսուեցաւ եւ այն շատ կողմերից: Սկսուեցաւ մի վերածնութեան շրջան հայոց կեանքի եւ գրականութեան մէջ, որ սկզբում շատ դանդաղ առաջ դնաց՝ Հայաստանի անկալուն քաղաքական դրութեան պատճառով, եւ յետոյ՝ շատ

արագ քայլերով, երբ այս դարու առաջին քառորդից յետոյ՝ այդ ամէն տա-  
րուայ պատերազմներին վերջ դրուեցաւ:

Մեր հնի եւ նորի բաժանումը լինում է ոչ թէ 18-րդ դարում, այլ 16-  
րդ դարու վերջերը եւ 17-րդի սկզբներում, երբ համատարած իշխում էր աւե-  
րակ եւ թանձր տգիտութիւն. երբ «տգիտութեամբ խոսանացեալ եւ կոր-  
դացեալ էր ազգս Հայոց, — ինչպէս գրում է Առաքել պատմագիրը, — եւ  
ոչ միայն ոչ ընթեռնութիւն, այլ եւ ոչ զգիրս գիտէին եւ զգորութիւն դրոց.  
վասն զի անպիտանացեալ էր գիրքն յաչս մարդկան եւ իբրեւ զկոճեղս փայ-  
տից անկեալ յանկեան ուրեք՝ լցեալ հողով եւ մոխրով»: — Անկումը սոսկալի  
էր. մեր հին քաղաքակրթութիւնը գրեթէ ամբողջապէս ոչնչացել էր այդ  
ժամանակ: Մարդիկ կտրուել էին հնից այն աստիճանի, որ հոգեւորական-  
ներն եկեղեցուց դուրս աշխարհական հագուստով էին շրջում, տրեխներով  
ու չուխայով սեղան բարձրանում եւ մոռացել էին նոյնիսկ շատ եկեղեցական  
կարգեր:

Եւ հնի հէնց այս մահուան մէջ է, որ սկսում է ծնուել նորը՝ հնի վե-  
րածնութեամբ: Պէտք էր հայութիւնը փրկել վերջնական անկումից եւ վայ-  
րենացումից: Եւ ահա՛ 17-րդ դարու սակաւաթիւ լաւագոյն մարդկանց բոլոր  
ձգտումը կենտրոնանում է այն բանի մէջ, որ կենդանացնեն մեռնող հայ  
կեանքը: Դրա համար երկու ճանապարհ է ներկայանում նրանց — վերածնել  
հին հայ կեանքը, դիրն ու գրականութիւնը եւ ապա օգտուել եւրոպական  
լուսաւորութիւնից, որ մեր նոր գրականութեան համար նոյն գերը պիտի  
խաղար, ինչ որ հին բիւզանդականը մեր հին գրականութեան համար: Այս  
երկու ուղղութեամբ առաջ է ընթանում մեր մտաւոր շարժումը Շահարաս  
Ա.—ի օրերից սկսած մինչեւ 19-րդ դարու վերջը, հարկաւ ժամանակի բնա-  
կան շրջափոխութեամբ: Եւրոպացիներից ազդուելը սկզբում շատ թոյլ էր,  
առաջ էր գալիս միայն դպրեականների, վաճառականների, կաթողիկ քարո-  
ղիչների եւ տպագրութեան համար եւրոպա դնացող մարդկանց ձեռով, բայց  
այդ ազդեցութիւնը հետզհետէ զօրանում է եւ 19-րդ դարու երկրորդ կէսից  
առաջին տեղն է բռնում. մինչ հնի վերածնութիւնը հէնց սկզբից զօրեղ է եւ  
նոյն թափով շարունակւում է մինչեւ 19-րդ դարու կէսերը, երբ թողնելով  
իւր կրօնական բնավորութիւնը՝ աշխարհականանում է:

Հնի մեռելութեան մէջ վերածնութիւնն առաջ են բերում ոչ թէ Մխի-  
թար Աբբան եւ Մխիթարեանները, այլ Ամբերդցի Սարգիս եպիսկոպոսը (մե-  
ռել է 1620 թ.), որ միաբան էր Սաղմոսափանքի, եւ Տրապիզոնցի Տէր Կիրա-  
կոսը (մեռել է 1621 թ.), որոնք բուն երկրի մէջ հիմնում են Սիւնեաց Անա-  
պատը Տաթեւի մօտ: Դրանցից անբաժան պիտի համարել եւ Սիւնեցի Մով-  
սէս վարդապետին, որոնք եւ եղել են «առիթ լուսաւորութեան ազգիս Հա-  
յոց»: Դրանք եւ դրանց աշակերտներն են, որ մտածում եւ գործում են մեր  
խոսանացած կեանքը նորոգելու համար:

Այդ մարդիկն իբրեւ վերածնողներ, ինչպէս յատուկ է ամէն վերա-  
ծնութեան մարդու, աչքերը դարձնելով դէպի մեր հինը՝ շատ ճիշդ նկա-  
տում են մեր հին կեանքի ամէնից կարեւոր կողմը: Այնտեղ նրանք տես-  
նում են ամէնից առաջ՝ ծաղկած վանքեր եւ անապատներ եւ իրենք եւս մե-  
ծամեծ ջանքերով կարողանում են հետեւելով հներին՝ նորերը հիմնել: Զար-



մանալի է, թէ ինչպէս 17-րդ դարու այն անասելի աղքատութեան մէջ հնարաւոր է լինում ոչ միայն բազմաթիւ հին վանքեր նորոգել, այլեւ շատ նորերը կանգնեցնել՝ դարին յատուկ մի ճարտարապետութեամբ: Մխիթար Աբբան իւր հիմնած վանքով ահա այս միեւնոյն գործն է շարունակում, ինչ որ տեղի է ունեցել 17-րդ դարում Հայաստանում:

Վանքերը կենդանանալով՝ կենդանութիւն եւ թարմ հոսանք են մըտցնում ժողովրդի թմրութեան մէջ: Զարթնում է նոր ուժով կրօնական ոգին: Արդարեւ այդ վանական եւ անապատային կեանքի հետ անխուսափելի կերպով նորոգում են նաեւ հին ճգնաւորութիւնն ու խոտակրօն կեանքը, նոր ուժ են ստանում հին անպէտք հասկացողութիւններն ու աշխարհայեացքը, բայց դա արգելք չէր լինում, որ մեր վանքերը մի անգամ էլ կատարէին իրենց պատմական քաղաքակրթական դերը, որ ունեցել էին 10-րդ դարում: Դրանք մեղմացնում էին ժողովրդի կոշտացած ու բրտացած բարքերը եւ, որ գլխաւորն է, գիր ու դրագիտութիւն էին տարածում: Որովհետեւ վանականներին շատերը լուի աղօթքով չէին պարապում եւ իրենց ամբողջ կեանքն աշխարհից կտրուած չէին անց կացնում, այլ սովորում էին կարգալ, գրել եւ մտնելով ժողովրդի մէջ՝ քարոզում էին նրան եւ երեսխաների համար «դժբախտներ», այսինքն զպրօցներ հիմնում: Մեր վանական եւ ծխական զպրօցները սկիզբն ահա՛ այս ժամանակից է դալիս:

Ապա այդ մարդիկը մեծամեծ, իսկապէս հիացմունք պատճառող ջանքերով աշխատում են կարգալ եւ հասկանալ մեր անհասկանալի դարձած ու մոռացուած գրականութիւնն ամբողջ, թէ՛ եկեղեցական եւ թէ՛ աշխարհիկ բնաւորութիւն ունեցող ձեռագիրները՝ ինքնուրոյն թէ թարգմանական երկերը՝ որքան որ կային կամ ճարում էին: Նրանք արտագրում են բազմաթիւ նոր ձեռագիրներ, աշխատում են զոտել ունիթոռների ձեռով լատինացած գերաբար լեզուն. յօրինում են քերականութեան, տրամաբանութեան եւ այլ նոր դասագրքեր՝ օգտուելով գլխաւորապէս հին գրքերից, եւ նոյնիսկ թարգմանութիւններ էլ են անում: Շարժման գլխաւոր կենտրոններ հանդիսանում են Էջմիածին եւ Նոր Զուղայ, որտեղից եւ այս մտաւոր շարժումն անցնում է Կ. Պոլիս: Այս ամէնի հետեւանքն այն է լինում, որ բնականաբար առաջ է գալիս մի գրաբար գրականութիւն, որի առաջին ներկայացուցիչները լինում են Սիմէոն Զուղայեցի եւ Առաքել Դաւրիժեցի, իսկ վերջինը Արսէն Բագրատունի:

Իմ նպատակը չէ 17 եւ 18-րդ դարերի գրականութեան մասին խօսել այստեղ. այլ այն միայն շեշտել եմ ուզում, որ ինչպէս մեր՝ 19-րդ դարու կեանքի ձգտումը, նոյնպէս եւ գրաբար գրականութիւնը բնական շարունակութիւն է նախորդ երկու դարերի: Այն, ինչ որ 17-րդ դարն սկսել էր եւ որ այդ եւ յաջորդ դարում շատ գանդաղ կերպով եւ մեծ ընդհատումներով էր առաջ գնացել բուն երկրի մէջ, 19-րդ դարն՝ ստանում է իբրեւ ժառանգութիւն եւ աւելի յաջող հանդամանքների մէջ աւելի արագ է առաջ տանում եւ զարդացնում: Անցած դարու նոր գրաբար գրականութեան սկիզբն, ուրեմն, 17-րդ դարու շարժման մէջ պէտք է տեսնել եւ ոչ 18-րդ դարու մէջ: Եւ որովհետեւ 19-րդ դարու գրաբար գրականութիւնը կարելի է բաժանել աշխարհաբար գրականութիւնից, քանի որ առաջինն իւր գրական

խնդիրներն աւանդում է երկրորդին եւ լինում է ժամանակ, գրաբարից աշխարհաբարին անցման շրջանում, երբ միեւնոյն մարդիկը երկու լեզուն եւս, հինը եւ նորը, բանեցնում են, — ապա եւ մեր նոր գրականութիւնն սկսում է 17-րդ դարում, եւ այս վերջին երեք դարերը շարունակութիւն են միմեանց: 17-րդ դարն է միայն, որ շարունակող չէ նախորդին, այլ միայն վերածնող: Ի՞նչ է մեր նոր գրաբար գրականութեան իշխող գաղափարն ու զգացումը սկսած 17-րդ դարից մինչեւ վերջը: — Երկու բան, կրօնասիրութիւն եւ հայրենասիրութիւն, որոնք երկուսն էլ զօրեղ կերպով արտայայտուած գտնում ենք արդէն Առաքել Դաւրիթեցու երկի մէջ: Կրօնասիրութիւնը, կամ աւելի ճիշդ՝ կրօնական-եկեղեցական զգացումը նորոգուած էր նոր վանական կեանքով՝ հնի ազդեցութեամբ եւ նմանողութեամբ. բայց եւ հայրենասիրական գաղափարը, որ, իհարկէ, 17 եւ 18-րդ դարերում միշտ այնպէս չէին հասկանում, ինչպէս այժմ, արդիւնք էր հին գրականութեան ազդեցութեան: Եւ այս մասին հներից անպայման ամենամեծ դերն է կատարել Մովսէս Խորենացին, որ այս շրջանում սիրուած, շատ կարգացուած եւ ամէնից շատ արտագրուած գիրքն է եղել մեր հին պատմագիրների մէջ: Այս է պատճառը, որ մեր հին պատմագիրներից առաջին անգամ նրա Հայոց պատմութիւնն է տպագրւում 1695 թուին՝ աշխատութեամբ Վանանդեցի Թովմայ եպիսկոպոսի, որ դրա համար մինչեւ Ամստերդամ է գնում: Մի անգամ որ տպագրութեան արուեստը բանում էր հայ գրքերի համար, պէտք էր մատչելի դարձնել եւ տարածել սիրուած պատմական երկը: Եթէ Խորենացու Հայոց պատմութեան երեւան գալն իւր ժամանակին՝ իրրեւ առաջին պատմութիւն Հայոց՝ նշան է եղել ազգի ինքնագիտակցութեան, այժմ էլ ամէնից առաջ նոյն դրքի տպագրութիւնը պիտի լինէր ազգի մէջ ինքնաճանաչութիւն եւ հայրենասիրութիւն մտցնելու համար:

Բայց Խորենացին մենակ բաւական չէր հին կեանքի վերածնութեան համար: Ուստի եւ 18-րդ դարու սկզբից Կ. Պոլսում, որ ժամանակի յարմարաւոր մտաւոր կենտրոնն էր հայոց համար, աշխատում են տպագրել եւ հետըհետէ տպագրում են մի շարք մեր հին մատենագիրներից, ինչպէս՝ Ագաթանգեղոս, Փաւստոս Բիւզանդ, Եղիշէ, Զենոբ Գլադ, Մեսրոպ Երէց, Ստեփանոս Օրբելեան եւ այլն. իսկ կրօնական բովանդակութիւն ունեցողներից՝ Նարեկացի, Յաճախապատում, Եղնիկ, Լամբրոնացու Ատենաբանութիւն, Ճառքնոցի եւ այլն: Հին գրականութեան մի պատկառելի վերածնութիւն, ուրեմն, տպագրութեան միջոցով, եւ այս ա՛յն ժամանակ, երբ Վենետիկի հայ միաբանութիւնը դեռ նոր էր հիմնւում եւ երբ նա դեռ շատ ուշ, միայն 18-րդ դարու վերջին քառորդում պիտի երեւան գար իբրեւ հին լեզուի վերածնող եւ գրականութեան հրատարակիչ:

Բարեբախտութիւնը սակայն այն էր, որ Մխիթար Աբեայից յետոյ (1676—1749), որի մեծ դործը գրաբարի համար է՝ նրա Բառարանը, Մխիթարեանների մէջ գոնէ 18-րդ դարու վերջին քառորդում հանդէս են գալիս մի քանի իսկապէս աշխատող եւ բեղմնաւոր անձեր: Միքայէլ Չամչեանն իւր քերականութեամբ (1779 թ.) եւ Հայոց պատմութեամբ (1784—1786 թ.) մի անգամից բարձրացնում է Մխիթարեանների անունը, որ մինչ այդ գրեթէ յայտնի չէր, եւ խոշոր ազդեցութիւն է թողնում հետագայ սերունդների

վրայ: Մխիթարեանները սեփական տպարան՝ ձեռք են բերում միայն 1788 թուին, երբ սկսում են մտածել եւ նախնեաց տպագրութեան մասին. բայց այս մեծ գործը շատ դանդաղ եւ առանց որոշ ծրագրի է առաջ գնում: Հազիւ մի չորս-հինգ զիրք լոյս ընծայած՝ վախճանւում է երկրորդ արքահայր Ստ. Մելքոնեանը (1750—1800) եւ դադարում է գործը եւ միայն Սուքիաս Սոմա-լի (1824—1846) օրով դարձեալ սկսւում է, այս անգամ կանոնաւորապէս եւ յաջողութեամբ: Վենետիկի Մխիթարեանները գրանով վաստակում են նախ-նեաց մատենագրութեան հրատարակիչներ լինելու փառքը, թէպէտ եւ առաջնութիւնը նրանց չի պատկանում: Բայց այս հանդամանքն ի հարկէ չի պակասեցնում նրանց վաստակի արժանիքը:

Նրանց անուան փայլը գնալով աճում է. որովհետեւ եթէ մի կողմից Չամչեանը իւր Քերականութեամբ դրարար լեզուն էր յատկում եւ միջոց ընծայում հեշտութեամբ սովորելու այն, իսկ իւր Հայոց պատմութեամբ ազգային անցեալի ուսումնասիրութիւնն էր գիւրացնում, միւս կողմից Ինճիճեանը իւր Հնախօսութեամբ եւ Հայաստանի աշխարհագրութեամբ Հայոց հին ու նոր աշխարհն էր ծանօթ դարձնում. եւ վերջապէս այս ամէնի վրայ աւելանում էր Հայկազեան լեզուի նոր բառագիրքը (1836—1837 թ.), մի հսկայական աշխատանք, որով անգնահատելի ծառայութիւն է մատուցուել եւ դեռ շատ երկար կը մատուցուի մեր լեզուի ուսումնասիրութեան համար: Դրանց հետ միացած եւ բազմաթիւ դրքեր ու դասագրքեր՝ կրօնական-եկեղեցական, փիլիսոփայական, պատմական, աշխարհագրական եւ այլ բովանդակութեամբ, յաճախ նոյնիսկ մեծամեծ հատորներով, հրատարակում են անխոնջ աշխատութեամբ: 19-րդ դարու առաջին կէսը մի բուռն գործունէութեան շրջան է Մխիթարեանների համար, երբ նրանք հրապարակը լցնում են իրենց գրական աշխատանքներով եւ թարգմանութիւններով, աւելի շատ գրքերով, քան կարդացողներ կային եւ շատ շատ աւելի, քան հասկացողներ:

Այսպիսով Մխիթարեանները գլուխ են բերում այն, որ երկու հարիւրից աւելի տարիներ առաջ ձեռնարկել էին հայ վարդապետներն Արեւելքում. բայց բուն երկրի մէջ մեծամեծ դժուարութիւնների եւ քաղաքական դժբախտ պատահարների հետ կապուած լինելով՝ դուրս էին գալիս այնպէս, ինչպէս կը ցանկանային կատարած լինել այդ գործի համար աշխատողները: Մխիթարեանները բարեբախտաբար իրենց ձեռքն են առնում գրականութեան այս վերածնութիւնը եւ վայելելով եւրոպական յարմարութիւնները եւ խաղաղ ու անվտանգ կեանքի դիւրութիւնը՝ անընդհատ առաջ են տանում: Նրանք մատչելի են դարձնում մեր հին գրականութեան կարեւորագոյն մասը. կենդանացնում են, միայն դրքերում, հին գրաբարը ոչ միայն կատարելապէս գտելով լատինաբանութիւններից, այլեւ նորոգելով, հարցա-տացնելով եւ ազնուացնելով այն աստիճանի, որ ընդունակ է դառնում այնպիսի բանաստեղծական գրութեան արտայայտութեան համար, որ չէր ունեցել հնումը:

#### ՊԱՏՄԱԳՐՈՒԹԻՒՆ

Վերածնութեան շրջանի մէջ պատմագրութիւն իսկական իմաստով՝ գոյութիւն չունի: Մի քանի այդ անունը կրողները լոկ անարուեստ նկա-

բաղբոջներ են իրենց ժամանակի, կամ իրենցից սակաւ առաջ պատահած դէպքերի, որոնք Հայաստանի կամ հայոց դիւտով են անցել, դիւաւորապէս օտարներէց կրած հարստահարութիւնների ու ճնշումների նկարագիրը: Այդ պատմադիրները, իսկապէս, դրականութեան նիւթ չեն կարող լինել, որքան պատմութեան ուսումնասիրութեան համար իրրեւ աղբիւր կարող են ծառայել:

Մարդկանց հետաքրքրութիւնը զարթնած է եւ ուղում են ծանօթանալ հին ու նոր մարդոց: Հների ծանօթութիւնը ձեռք են բերում հին մատենադիրներ եւ յատկապէս Սորենացի կարգալու, իսկ ժամանակակից իրողութիւնների ծանօթութիւնը՝ ակնատեսների պատմութիւնը լսելով, եւ որպէսզի կարողանան ամէնքն այդ պատմութիւնը լսել, կարիք է դրացում աւանատեսների վկայութիւնը դրի առնելու: Եւ դրի են առնում: Բայց այդ գրուածների մէջ քննադատութիւնը, դոկումենտների խուզարկութիւնը եւ վկայութիւնների (ականատեսների) կոնտրոլը բոլորովին բացակայում է: Գիտական երկեր չեն:

Այդ պատմադիրներից են. —

1. Առաքել Դաւրիթեցի:<sup>1</sup> Առաքել վարդապետ, Թաւրիզ քաղաքից, Փիւլիպպոս կաթողիկոսի աշակերտներից, Ս. Էջմիածնի միաբանութիւնից, սնուած (երեւի մանկութիւնից) եւ «վարժեալ» Մայր Աթոռում, եւ ծերութեան օրերը հասած, եւ այնտեղ էլ, ինչպէս ինքն «ալին ունէր ընդ հովանեաւ նորին ամփոփիլ ի հոյ», մեռած ու թաղուած միաբանութեան ղերեղմանատանը ՌՃԺԹ=1670 թուին. (տապանագիրն է — «Պատմադիրն այս է տապան Առաքել վարդապետի ՌՃԺԹ»): Իր ժամանակակիցների վկայութեամբ՝ բաւական անուն ստացած, անշուշտ իր ուսման կամ հմտութեան համար. «Ստեփանոս Լեհացի իր մէկ թարգմանութեան (Դիոնիսիոսի Արիստոփանէսի գրոցը) յիշատակարանի մէջ Էջմիածնի ուսումնարանի վրայ խօսելով՝ կր գրուէ՝ — «Ձայնու ժամանակաւ բաղում էին երեւելի վարդապետք (յէջմիածին), քաջաբանք, բանաստեղծք աստուածային դրոց, քաջք զիտունք եւ հմուտք, յորոց մի է եւ Առաքել վարդապետն իլիպասան, որ զժամանակադրութիւնս հայրապետաց եւ թաղաւորաց ղեղեցիկ յարմար բունիւ դրոյմեալ» (Ձարբհ., եր. 172), որի պատճառով նոյնիսկ կենդանութեան ժամանակ յայտնի էր Առաքել պատմադիր անունով:

Այս վկայութիւնից երեւում է, որ Առաքել վարդապետը ժամանակի նշանաւորներից մէկն է, շատ ճանապարհորդած Արեւելքում եւ Արեւմուտքում, նուիրակ Փիլիպպոս կաթողիկոսի Յունաց աշխարհում, Ասպահան, Ամասիա, Սեբաստիա, Ուռհա, Հալէբ:

Առաքելի ծննդեան թիւը յայտնի չէ: 1651 թ. սկսել է գրել իր Պատմութիւնը Փիլիպպոս կաթողիկոսի յորդորով. նրա մահից յետոյ ղադարել է գրելուց, եւ այնուհետեւ Յակոբ կաթողիկոսի հրամանով վերջացրել է 1662 թ.: ՌՃԺԱ=1662 թուին, երբ նա իր Պատմութիւնը վերջացնում է,

1 «Պատմութիւն Առաքել վարդապետի Դաւրիթեցւոյ սակաւ ղիպուածոց Հայաստանեայց եւ գաւառին Արարատայ եւ մասին Գողթան գաւ սոխ, սկսեալ ի ՌԾԴ թուականէն Հայոց մինչ ի ՌՃԺԲ թ.», Վաղարշապատ, 1884:

յիշում է եւ (դլ. Ժ.), որ ինքը ծերացել է եւ «Կարի պակասեալ ի զօրութեանց, եւ մահն եկեալ հանապազօր իմոց աչացս կանգնեալ»: Իսկ յիշատակարանի մէջ (ԺԶ.) «այլեւ դիպեցաւ պատահել ինձ այս գործ, ոչ ի ժամանակս առոյգ երիտասարդութեան, այլ յողորմելի ծերութեան, վասն զի ծեր էի, նաեւ յոյժ ցաւաւար մարմնով, եւ ի լուսոյ աչքս պակասեալ եւ ի պնդութենէ ձեռքս թուլացեալ դողայր. սոյնպէս եւ յայլոց յամենայն կարողութեանց տկարացեալ, եւ մահու հրաւէրք ամենեքեան հանդէպ աչացս եկեալ կացեալ»:

Պատմագրի անձնական վկայութիւնն իր ծերութեան համոր ոչ թէ նրա գոյութեան վերջին տարու՝ 1662 թուականի համար պէտք է հասկանանք, այլ աւելի՝ Պատմութիւնը գրելու ամբողջ ընթացքի համար եւ դուցէ նոյնիսկ սկզբնաւորութեան ժամանակի համար, որ է ՌՃ=1651: Արդ, եթէ ընդունենք իր պատմութեան ընթացքի կէսին 1656 թ. նա ծեր է եղել, եւ ուժից ընկած, եւ աչքի լուսից պակասած, իսկ այդպիսի ծերութեան համար պէտք է ընդունենք առնուազն, որ 60–65 տարեկան է եղել այդ ժամանակ, իսկ 1670 թուին, ուրեմն, 74–79 տարեկան հասկում մեռել է, որ եւ մի անհաւանական թիւ չէ: Ուստի բոլոր այնք նա ծնուած կը լինի 1591–1596-ին: Այս հաշուով, նա Շահարասի առաջին արշաւանքի ժամանակ, ՌԾԲ=1603 թուին 7–12 տարեկան պիտի եղած լինի: Եւ այս համարուում է խօսքին. — «Ես ինձէն իսկ տեսանելով դաւերս Հայաստան աշխարհին եւ զնուազիւն մերոյս ազգին, եւ զչարութիւնն մահմեդականաց», իսկ երկրի աւերումը եղել է Շահարասի բռնի դաղթից, Ջղալօղլու եւ Շահարասի կոռներից եւ նոցանից յետոյ եկած Ջալալոյ եւ սովի ձեռքից, որ տիրել է ՌԾԵ=1606–1609 թուականներին, երբ «եղեն ցիր եւ ցան ազգն Հայոց եւ գնացին իւրաքանչիւր ոք հանդէպ երեսաց իւրոց դտանել տեղի կելոյ եւ ապրելոյ... Զի յազգէն Հայոց՝ որքան դարիպականք կան յասացեալ գաւառս, յայս ժամանակիս եւ յայս պատճառէս են գնացեալք» (եր. 65, դլ. է):

Ուրեմն Հայաստանի աւերմունքը, բոլոր Առաքելի 1603–1609 թ. լինելով, որ եւ պատմում է սրտառուչ գրչով (այնուհետեւ եղած աւերմունքը մասնակի է եւ հայրենիքից դուրս համար է պատմում), պէտք է ենթադրենք, որ ահանատես համարուելու համար այդ դէպքերը (1603–1609) կատարուել են նրա գոնէ 7–13 կամ 12–18 տարեկան հասակի ընթացքում, որ համապատասխան է մեր ենթադրած թուականին:

Սակայն այս տարիքը հակասական է թուում, Առաքելն իրեն Փիլիպպոս կաթողիկոսի աշակերտ է անուանում, իսկ Փիլիպպոս կաթողիկոսի համար գրում է. «Գալով սորա ի տես տղայութեան չորեքտասան ամաց աւելի կամ պակաս», երբ ութ ամսից յետոյ սա հանդիպում է Մովսէսին, երբ սա գեռ կաթողիկոս չէր<sup>1</sup>:

1 Կաթողիկոս եղել է 1629 թուին. եւ Սարգիս պարոն տէրը (մեռած Ռկթ=1720) յանձնում է սրան քարոզչութեան ժամանակ: Մովսէս քարոզչութեան է ելնում Սրապիոնի մահից յետոյ (մեռել է ՌԾԵ=1606), ուրեմն շուրջ 1610–Փիլիպպոս 15-ի մօտ պիտի լինի, որով նա ծնուած պիտի լինի 1590-ի մօտերը, ուրեմն Առաքելը հասակակից է Փիլիպպոսին: Այս ասելը անսովոր չէ:

Եթէ 1606-ին Փիլիպպոս 15 տարեկան լինէր, ուրեմն նա ծնուած պիտի լինէր 1591 թուին եւ հասակակից Առաքելին: Այս ժամանակի համար մի անսովոր բան չէ հասակակցի մօտ ուսում առնելը, երբ փոքրերն էլ մեծերից ուսում էին առնում: Այլ մանաւանդ թէ Առաքելն իրեն Փիլիպպոսի աշակերտ է անուանում ըստ «կարգի վարդապետաց», սկսեալ ի Գօշէ Մխիթարայ գաւազանաւն՝ որ իջանէ յէջմիածնի դասատունն»:

Յամենայն դէպս ինչ որ էլ լինի՝ Առաքելն էջմիածնի դպրոցի վարդապետ է, ուրեմն բաւականին մեծ հասկում էջմիածին եկած եւ Փիլիպպոս կաթողիկոսից ստացած վարդապետական գաւազան: Եւ իրեւն էջմիածնի դպրոցի գիտուն աշակերտ՝ հետաքրքիր է նրա հայեացքն ու զարգացումը տեսնել թէ որքան է: Ինչպէս երեւում է, այդ դպրոցը կարողացել է կարճ միջոցում բաւական ուսում տալ իր աշակերտներին, թէպէտ եւ դրաբարի ոչ կատարեալ ուսումը, հին դրաբարի, բայց եւ այնպէս գրեթէ անսխալ պարզ շարադրութիւն կարողացել է անել եւ, որ գլխաւորն է, իրեւն Սիմէոն Զուղայեցու քերականութեան աշակերտ, լատինացած լեզուին ենթարկուելու տեղը, աւելի հետեւել է ժողովրդական պարզ շարադրութեանը, կենդանի ժողովրդական ձեւերին ու դարձուածներին, չխորշելով, ճշտութեան ու պարզութեան համար, նոյնիսկ գաւառական ու թուրքերէն բառերից, որ եւ ոչ թէ պատմագրի պակասութիւն, այլ առաւելութիւն պէտք է համարել, զի ամէն պատմութիւն կամ գրոյցների ժողովածու, ինչպէս է Առաքելի Պատմութիւնը, իւր կենդանութիւնը, գոյնն ու երանգը ստանում է միայն ժամանակի կենդանի լեզուով պատմուելովը: Առաքել պատմագիրը, անշուշտ, ոչ շատ անգամ հասկանալով, դեղեցիկ դործադրել է մանաւանդ ուրիշներին խօսքերը մէջ բերելիս չխորշելով նոյնիսկ զուտ աշխարհաբարից: Բայց նա նոյնիսկ այդ հասկանալով է անում, քանի որ թուրքերէն եւ գաւառական բառերի դիմաց յաճախ դրաբար բառեր է դնում փակագծի մէջ: Այս լեզուն լատինացած հայերէնով գրողների համար, հարկաւ, ինչպէս Ոսկանի, որ առաջին ստադիոնն է Ամստերդամում, պիտի համարուէր «աղաւաղեալ ի գրչաց անհմտաց եւ անուղայից արանց եւ բանաստեղծից»:

Սակայն այդ դպրոցը, միւս կողմից, տուել է Ս. Գրոց բաւական ծանօթութիւն եւ հին սովորութեամբ Առաքելն եւս իր գրուածքի մէջ ցոյց է տալիս, որ ինքը գիտէ Սուրբ Գիրքը, թէ Ս. Գրքի ձեւերից օգտուելով եւ թէ, որ աւելի յաճախ է պատահում, խրատական կամ նկարագրական օրինակներ բերելով Սուրբ Գրքից:

Եկեղեցու հարազատ գաւակ, եկեղեցական ոգւով սնուած, առանց աշխարհական գաղափարների մտանկցութեան: Կրօնասիրութեան եւ անարատ բարոյականութեան հետ՝ աւելի զօրեղ է պատմագրի մէջ հայրենասիրութեան ոգին, որից նրա պատմութիւնն աւելի շունչ է ստանում, ինչպէս է բռնի գաղթի նկարագիրը:

«Եւ զօրապետացն՝ յետ ընդունելոյ զայսպիսի զաշխարհակործան եւ զսաստիկ հրաման ի թագաւորէն, եկեալ իւրաքանչիւր զօրավար իւրով զնգաւն՝ դիմեցին յիւրաքանչիւր հրամայեալ գաւառսն աշխարհիս Հայոց. եւ իրեւն հողմնախառն հուր ընդ եղէգն ընթացեալ, հապճեպ տաղնապաւ վաղվաղակի դամենայն բնակիչս գաւառացն կարգեալք յիւրաքանչիւր բնա-

չութեանց, եւ արտառահման արարեալ յիւրաքանչիւր տեղեաց, իբրեւ զոլորս բազմութեան հօտից եւ հանդէտց զառաջեաւ արարեալ՝ բռնութեամբ վարեալ՝ ածեալ բերեալ հասուցին ի գաւառն Արարատու, եւ զլայնանիստ դաշտն նորա լցին ծագէ ի ծագ. քանզի ի ստորոտէ լերանցն Գառնույ մինչ ի յեղրն Երասխայ մեծի գետոյն, լայնութիւնն էր բանակին. իսկ զերկայնութիւնն դոյլիմբ կշռեաց դու, բայց ես ասեմ աւուր միոյ ճանապարհ. եւ յայլուր տեսի՝ որ հինգ աւուր ճանապարհ էին դրեալ» (28):

«Եւ եղեն երեք բանակք մեծամեծք եւ անհունք. առաջին՝ բանակն ժողովրդեանն, երկրորդն՝ բանակն Պարսից, երրորդն՝ բանակն Օսմանցւոց: Եւ այսպէս դիպեցաւ պատահումն՝ զի յորժամ չուէր բանակ ժողովրդեանն, իջեալ բանակէր ի հանգրուանս նոցա Շահաբասն զօրօքն Պարսից. եւ ի չուելն նոցա բանակէր ի նոյն տեղին Ջղալօղլին զօրօքն Օսմանցւոց, եւ այսպէս գհեաւ միմեանց կրնկակոխ գնալով գնացին, մինչեւ հասին ժողովուրդքն եւ Պարսիկքն ի գեղն Ջուղայ, եւ Օսմանցիքն հասին ի Նախչուան: Եւ այնուհետեւ ո՛չ թողացուցին Պարսիկքն ժողովրդեանն զկա՛յ առնուլ՝ եւ ոչ ժամ մի, այլ կարի սաստիկ տաղնապաւ նեղէին զժողովուրդն, զոմանս մահու հարուածով դանելով, զոմանց զուռնս եւ զականջս հատանելով, եւ զոմանց դուռնն կտրեալ ի ձող ցցէին, որպէս գեղբայր Առաքել կաթողիկոսին, որում անունն էր Յօհաննան, զսորա եւ զայլոյ ումեմն առն զգլուխն կտրեցին, եւ ի ձող ցցեցին յեզր գետոյն Երասխայ. զայսոսիկ եւ առաւել քան զոյսոսիկ խոշտանգանս կտտանաց ածէին ի վերայ ժողովրդեանն, ի յա՛հ եւ յերկիւղ ժողովրդեան եւ տեսողացն, զի փութանակի անցցեն զդետն: Զայս ամենայն վտանգս ածէին ի վերայ ժողովրդեանն խորամանկ աղոյն Պարսից յահէ Օսմանցւոց, որք զկնի նոցա դային» [29]:

«Իսկ ողորմելի ժողովրդեանն հայէին յառաջ զանհուն գետն տեսանէին իբրեւ գծով՝ որ խեղդէր, եւ յետուստ զսուրն Պարսից՝ որ սպանանէր, եւ ճարակ փախչելոյ ոչ գտանիւր. եւ առհասարակ աղիողորմ ողբա, եւ յորդարտասուս յաչաց հեղեալ առնէին երկրորդ Երասխ. եւ ձայն լալեաց, եւ հառաչանաց, ճչանաց, վայոց կսկծանաց, մորմոքանաց ընդ միմեանս խառնեալ զոչեցուցանէին ուժգին աղաղակաւ. իսկ ողորմութիւն եւ փրկութիւն ոչ ուստեքէ էր:

Աստանօր կարի հարկիւ պիտոյ եղեւ մերում ժողովրդեանն հինն Մոյսէս՝ եւ նորին աշակերտն Յեսու առ ի փրկել զնորս Իսրայէլ ի ձեռանէ երկրորդիս Փարաւօնի, եւ կամ դադարեցուցանել զուղիս յորդահոսան եւ լայնատարած գետոյն մեծի, եւ ոչ եղեւ դտեալ. քանզի յորդութիւնք մեղաց մերոց փակեցին ընդդէմ մեր զգուռն ողորմութեան զթածին Աստուծոյ:

Եւ անողորմ զօրացն Պարսից վարեալ զժողովուրդն լնուին ի գետն, եւ նոքա ի մէջ գետոյն եւս քան գետս բազմացուցանէին զձայն աղաղակին եւ զողորոցն ի վտանգն: Եւ ոմանք ի նոցանէ կալեալ զեզերս նաւացն, եւ ոմանք զպիոցն, եւ ոմանք զագիս ձիոց՝ եւ զգանց զգոմշոց, եւ ոմանք իւրովի լողեալք անցանէին: Եւ որք անհմուտք էին լողելոյ եւ անգօրք, ծերք եւ պառաւունք, տղայք, եւ աղջկունք, եւ մատաղ մանկտիք լցեալք էին յերեսս ջրոյն. եւ գետն առեալ տանէր զնոսա իբրեւ զխուլ ի ժամանակս գարնայ-

նոյ. եւ գետատար մարդով ծածկեալ էր երեսն գետոյն, եւ թէպէտ անցին, որք անցինն, այլ բազումք այնք էին՝ որք հեղձմամբ ջրոյն մեռան:

Եւ հեծեալք ոմանք ի զօրացն Պարսից՝ որք ունէին ուժեղ ձիս եւ ինքեանք արք արի եւ կարող, չըջելով ի մէջ քրիստոնէից տեսեալ նկատէին զուստերս եւ զդատերս քրիստոնէից, եւ որոց հաւանեալ սիրտք իւրեանց, եթէ կոնանց, եթէ աղջկանց, եւ եթէ տղայոց. էր զի խաբէին զտեսարան, թէ տուր՝ զի վասն թո անցուցից ընդ գետն յայնկոյս, եւ իբրեւ անցուցանէր, ո՛չ դնէր անդէն ի գետնի, այլ առեալ երթայր յո՛ր եւ կամէր: Եւ այլք զողովթեամբ առեալ տանէին: Եւ այլք յափշտակութեամբ եւ սպանութեամբ առեալ ի տեսարցն տանէին: Եւ բազումք մարք զտղայս, եւ տեսարք զհիւանդս ի ճանապարհին ընկեցիկ արարեալ լքեալ թողեալ զնային, վասն անհանդուրժելի եւ անըմբռնելի վտանդին, որ ժամանեալ էր ի վերայ նոցա: Եւ միանդամոյն ասեմ՝ զի թշուառութիւնք՝ եւ արհաւիրք անտանելիք հասին ի վերայ յազգիս մերոյ, եւ ոչ բաւեմ թէ որով տարազու հիւսեցից ողբս դամբանականս եւ աշխարանաց ի վերայ բեկման հայկական սեռիս, որք այսքան չարակամութեանց եղեն ընդունակք: Զի թէպէտ ըստ սարասի հնոյն Իսրայէլի լինէին վարեալք վերի ձեռամբ երկրորդիս Բաբելոնացոց, այլ ոչ զոյր երեմիա, որ խրատէր, եւ ո՛չ Շղեկիէլ, որ լուսաւորէր եւ ո՛չ Յեսու կամ Զօրարարել՝ որ զդարձն առաջնորդէր, այլ եղեալք իբրեւ զհօտս անհովիւս ցրուեալք եւ հալածեալք առաջի զայլոց պատառողաց եւ զիշատող զազանաց, որք վարէին բռնութեամբ: Եւ նոքա երթալով երթային եւ լային, որք բարձեալ տանէին զսերմանս իւրեանց:

Իսկ յաջորդ սորին, ո՛չ եղեւ տեսանելի՝ որ ասէ, զալով եկեացեն, եւ ցնծացեն, վասնզի ոչ եկին եւ ոչ եղեւ ցնծութիւն, այլ անդէն մնացին ուր եւ տարեալ արդեւին այսինքն, յաշխարհն Պարսից» (30-32):

[Այսպիսի] նկարագիրներ մեր պատմութեանց մէջ քիչ կը պատահենք Եղիշէի ժամանակից ի վեր:

Ոգին, ուրեմն, մեղքով բացատրելը նոյնն է, ինչ հների մէջ: Սակայն նա մեղքի համար համարելով հանդերձ այդ պատահարները՝ խիստ ուրախանում է, որ մատնիչները իրենց պատիժն են ստանում, ինչպէս երկու եպիսկոպոսների համար (եր. 35): Բայց, միւս կողմից, շատ սառնասրտութեամբ պտտում է (եր. 157) Մեղքիսեթ կաթողիկոսի իւր միսն ուտեցնելը, այլեւ (եր. 159) սքանչանում, հիանում է, որ Մեղքիսեթն իւր պատիժն է ստանում, [որ] Սրապիոնին արհամարհել էր: Առաքելը մոռանում է նոյնիսկ, որ այդ անարգ վարմունքն հայ կաթողիկոսի հետ է լինում, ինչքան է անարժան լինէր: Սակայն այդ մոռացումն եւս պատմագրի հայրենասիրութիւնից է: Եւ ի՞նչպէս չուրախանայ Առաքելը, քունի որ իր պատմական նեղ հայեացքով Հայաստանի աւերման եւ աղքատութեան նախապատճառը Մելիսեթին է համարում, որ հրաւիրել էր Շահին այն աւերմունքների, որոնց համար գրում է.

«Եւ զայս ամենայն լսելով եւ դրելով մեր, ճմլին սիրտք մեր, եւ դալարին աղիք որովայնի մերոյ, եւ աչք մեր վտակս արտասուաց թորեալ իջուցանեն, վասն եկելոյ հասելոյ թշուառութեանս ժողովրդեանս մերոյ: Եւ ոչ բաւեմք աստանօր՝ թէ որով օրինակաւ՝ եւ կամ որով տարազու ողբս



առեալ աշխարհացուք ի վերայ բեկման ազգին եւ աշխարհին մերոյ, յազապս որոյ ել հրաման մահաբեր ի բերանոյ երկրորդ Սաբիւտոսին եւ շունչ հրախառն յրոնգաց նորին՝ եւ եկեր զեղեւնափայտս Լիբանանու, քանզի անմարդաբնակ արար միահաղոյն զամենայի եւ զյուսթի աշխարհս Հայոց: Վասն զի ի քչելն զերկիրս՝ ո՛չ թէ զմի կամ զերկու գաւառս վարեաց ի պարսկաստուն, այլ զբաղումս: Եւ սկսեալ ի սահմանացն Նախշուանու եւ անցեալ ընդ եղեգաձոր, առ եղերբ Գեղամայ, եւ Լօւլոյ, եւ զՀամդաշխման գաւառն, զԱպարան, զՇարապխանէն, զՇիրակունսն, զԶարիշատ, եւ մասն ինչ ի գեղորէիցն Կարսայ, եւ զձօրն Կաղզվանու բնակին, եւ բովանդակ գերկիրն Այալկերտու, եւ զգեղօրայսն Մակուայ, եւ զերկիրն Աղբակու, և զՍալմաստու, եւ զԽոյայ, եւ զՈրմի, եւ որ ինչ պանդուխտք և զարիպականք մնացեալք էին ի քաղաքն եւ ի գեղօրայսն Թարվիզու, զգաշոն Արարատու բովանդակ, եւ զԵրեւան քաղաք, զերկիրն Արարուշայ, զՄարտիկունուց ձոր, զԳառնու ձորն, զՈւրծաձորն: Եւ յառաջ քան զայս՝ զԳաւառն Կարնոյ, եւ զԲասենու, եւ զԽնուսայ, եւ զՄանազկերտու, եւ զԱրծկէոյ, եւ զԱրճոյ եւ զԲերկրու, եւ զՎանայ, աւարով եւ գերութեամբ բերեալ էին յԵրեւան, եւ ընդ սոսա քչեցին եւ տարան:

Արդ՝ զայս ամենայն գաւառքս՝ եւ որք ընդ սոքօք էին, հրամայեաց շահն, որ քչեցին եւ տարան յաշխարհն Պարսից, եւ արար աւերակ եւ անմարդաբնակ զվայելուչ աշխարհս Հայոց:

Որ եւ այժմ տեսանեմք զարդաւանդ եւ զբերրի զհող, զարտ եւ զանդաստանս սորա, եւ զաւերակս բազմապատիկ գեղօրէիցն եւ զմեծանխտ աւանացն:

Նա եւ զաւերումն և զտապալումն եւ զքայքայումն զանառիկ և զամուր և զհաստահեղոյս վիմարդեամբք և կրով մածուցեալ զանմատոյց բերդօրէիցն:

Եւս առաւել զմեծափառ եւ զհռչակաւոր վանորայսն, զտեղի եւ զհանդըստարան սրբոցն Աստուծոյ:

Եւ զերկնաման եւ զբարձրաբերձ եւ զգմբէթաշէն կոփածու և հաստահեղոյս վիմօք կառուցեալ զեկեղեցիս աշխարհիս հայոց: Յօրում յօրինեալ զանազան եւ պէս պէս նկարս եւ տեսակս շուշանաց եւ կենդանակերպից, դեղեցիկ յօրինուածովք քանդակեալք ի վէմս՝ պէս պէս հնարակերտութեամբ: Որոց ձեւն եւ դիր շինուածոյն եւ սիւնքն եւ աստեղագէսք կամարացն ազգի ազգի, եւ լուսանցոյցքն եւ դրունքն, եւ ամենայն ինչ խորհրդական:

Նա եւ զբարեհամ եւ զականակիտ զմշտահոսան աղբերակունս ջուրցն: Եւ զկարկաջահոս ծիծաղախիտ յաւէտընթաց յառաջախաղաց վտակս ջուրցն, որ ի գլխոց ձիւնաբարդ սպիտակափայլ բարձրաբերձ լեռանց առ ի ստորեւ հոսեալ իջանէ ի դաշտ անդր եւ զշինութիւն նոցին մատակարարէ:

Նա եւ զբաղցրաշունչ եւ զառողջարար եւ զկենդանապարզեւ զօդ եւ զհողմ սորին: Եւ զայլ ամենայն վայելչութիւնս սորա տեսանելով հեղձամբըձուկ եղեալ փղձկիմք՝ եւ հարեալ յարտասուս ողբամբ եւ աշխարեմք՝ զի անապատ եղեւ վայելուչ եւ քաղցր աշխարհս մեր: Եւ ազգ եւ ժողովուրդ մեր խելալք ի տեղեաց եւ անջատեալք ի հայրենի եւ ի բնիկ ժառանգութեանց, եւ յօրհնեալ յերկրէ, որ լի է նշխարօք սրբոց Աստուծոյ, եւ ոռոգեալ արեամբ սրբոց վկայից՝ և օրհնեալ քարոզութեամբ սրբոց առաքելոց՝ եղեն վտարան-

զեալք եւ տարամերժեալք յերկիր օտար եւ յազգ աշխատեալ եւ աշխալեզու, որ եւ թշնամիք հոգւոյ եւ հաւատոյ, եւ արեան ծարաւիք մարմնոյ: Որք եւ անգէն օր առուր առ սակաւ նուազին, ոմանք մահուամբ եւ կորստեամբ, եւ ոմանք հաւատոյ ուրացութեամբ, որք վառնան յանօրէն օրէնս պղծոյն անապատի:

Եւ յաղադս երկնանման եւ ադինասարաս եկեղեցեաց զի՞նչ ասացից՝ որք ի խաւարի մնացեալ եւ ի բնակչաց թափուր եղեալ՝ մերկացեալ ի զարդուց՝ եղեալ հանգրուանք համբարուաց եւ ջայլամանց ըստ Եսայեայ տեսանողի, որջք աղուհսուց եւ նապաստակաց, մակաղատեղք խաչանց եւ անգէոց, բոյնք թռչնոց եւ աւերաբնակ բուաց: Փոխանակ օր առուր նորոգման, օր զհետ առուր խարխալեալ եւ քայքայեալ աւերեալ փլուզանի. փոխանակ բուրման խնկոց անուշից՝ լցեալ ողբովք՝ լռեալք ձայնք փառաբանչաց, եւ կատարմունք տօնից տարեկանաց, եւ մատուցմունք փրկական պատարադաց» (38-40):

Եւ իրաւ, Սորենացու հայրենասիրութեան ոգին անցել է այդ վարդապետին. Սորենացին այդ «Դասատան» սիրելի դասագիրքը պիտի եղած լինի, որ եւ Առաքելի մահից 25 տարի յետոյ իբրեւ «չքնաղալէպ» եւ գեղեցկաչար պատմութիւնս նախնեաց մերոց», որ Թոմաս Էպիսկոպոս «ընծայէ ծաղիկ բերկրութեան ցանկալի ազգին Արամեան»: Սորենացու հայրենասիրութեամբ, բայց եւ առանց Սորենացու ճարտասանութեան, պարզ ու բնական, Սորենացուց աւելի սրտառուչ է ողբում իւր հայրենիքը, որից աւելի գեղեցիկ չէր կարող ոչ մի իրեն ժամանակակից բանաստեղծ ողբալ:

Եւ կամ հետեւեալ կտորը (43-44), որի մէջ ջուղայեցոց՝ բանալիները գետը ձգելն է նկարագրում, որին կարծես ինքն էլ մասնակցում է: Որքան սրտառուչ եւ տխուր իր պարզութեան մէջ, կարծես ամբողջ վիշտ լինի եւ, իրաւ, բարտառութիւն զրուած, մի բանաստեղծութեան կենդանի պատկեր է: Եւ ի՞նչպէս չմորմոքուեն, քանի որ նրանք պիտի թողնէին ամենայն բարութեամբ լի աշխարհը (Եր. 150), ուր «լիութիւն եւ առատութիւն է», ուր են «գերեզմանատունք հարց եւ նախնեաց նոցա, վանորայք եւ ուխտատեղիք, ուր դամբարանք են սրբոց, եւ մանաւանդ մեծահանգէս աթոռն սուրբ Էջմիածին, ուր կայ սուրբ աջն Գրիգոր Լուսաւորչին, որով օրհնի սուրբ մեռոնն, ուստի զնացեալ սփռի յազգս Հայոց հաճեալին սրբոյ Աթոռոյն Էջմիածնի եւ կաթողիկոսի նորա՝ որ անդ նստի... Քառի ի վերայ աջոյն եւ Էջմիածնի ամենայն ազգն Հայոց կանգնեալ կան»: Եւ այդ յիշելով ուզում էին գերիները դառնալ հայրենիք: Սակայն անյոյս, զի «նոքա երթալով երթային եւ լային», եւ «ո՛չ եղեւ տեսանելի՝ որ ասէ, դալով եկեսցեն եւ ցնծասցեն» (32):

Թէ Առաքել վարդապետը ո՛րքան ճիշդ ըմբռնել է հայի ժամանակակից զգացմունքն ու տենչանքները եւ ոգին, եւ շատ գեղեցիկ կերպով արտայայտել, մեզ համար պարզ կը լինի, եթէ համեմատենք ժամանակակից մի ոտանավորի հետ. — «Ափսո՛ս քեզ, հայոց խղճիկ ժողովուրդ»: Եթէ Աբրահամ վարդապետի ասածը չլինէր, ոչ ոք կարող չէր ասել, թէ դա Առաքել վարդապետինն է, նոյն զգացմունքը, նոյն ձեւերով եւ նոյնիսկ նոյն բառերով

արտայայտուած: Նոյն հայրենասիրութեամբ լցուած, նա զտրյանում է այն «անմիտներէ» վրայ, որոնք դադիթականութիւնը լաւ բան են համարում, որոնք «լուան դարիպականքն Նախջուանու, թէ շահն զդարիպականսն Թաւրիզու քչեց տարաւ ի պարսից աշխարհն: Լաւ իմն դործ զայն ինքեանց համարեցան»: Եւ զալիս իրենք էլ շահիսեւան են դառնում, Պարսկաստան զնալու համար, «եւ շահն վասն հաճելոյ զմիտս նոցա եւ զնոցին նման անմտացն պատրելոյ, հրամայեաց խղլաթ (պարգեւ) տալ նոցա», եւ քչել տանել, որտեղից այլեւս չպիտի վերադառնային (եր. 110, գլ. ԺԳ):

Բայց որքան աւելի մեծ սրամտութեամբ լցուած է, երբ հայերը, Պարսկաստանում աղքատացած, շահից օգնութիւն են ուզում եւ նա դրամ է փոխ տալիս, երեք տարուց յետոյ ետ ստանալու պայմանով, իսկ եթէ չկարողանան տալ՝ կամ իրենք մահմետական դառնան, կամ որդին ու դուստրը «թաւաւորական ծառայ» դառնան:

«Այլ իբր անբան եւ անմիտ անասուն գոլով՝ զնացին եւ առին զթաւաւորական գանձն, որ էր որպէս զմահարար Թոյնս օձի, եւ պատճառ նոցին կորստեան. եւ ոչ եղեն մտախոհ, թէ որպէս զփուշ օձի է գանձն այն մահացուցանող: Այլ երկոքին մելիքն իւրեանց ժողովրդովքն առին զթաւաւորական գանձն, Ղարապաշ մելիքի ժողովուրդքն առին երեք հարիւր թուման: Ղրիսեալան մելիքի ժողովուրդքն առին հարիւր թուման, եւ լաւ իմն գլխտ բարւոյ համարեցան զայն անձանց իւրեանց» (եր. 112-113):

Կարծես թէ խորենացու, մեր այդ ամենամեծ հայրենասէր մատենադրի խօսքերն ենք լսում, որ անաչառ կերպով խարազանում է հայ ազգի քաղաքական անհեռատեսութիւնն ու անմտութիւնը. «Իսկ արբշիւ, եւ անագորոյն, եւ անիմաստ, եւ անասնաբարոյ ազգս Հայոց՝ ոչ ի սկիզբն խորհեցան, եւ ոչ ի վերջն հայեցան՝ թէ զինք է լինելոյ վերջ գործոյս այսորիկ»: Մի գործ նրանց դէմ լարուած՝ օրինաւորութեան քողի տակ՝ նրանց դէմ կրօնական հալածանք հանելու եւ դէպի հոգեւոր ու ազգային կորուստ տանելու:

Ժամանակի վիճակն էր այդ. կրօնի պատճառով հայ ազգը հալածւում էր, եւ կարելի է ասել, որ Առաքելի ամբողջ գրութէ մի համազգային վկայաբանութիւն եւ նահատակութիւն է, ինչ որ ընդհանուր ազգին է վերաբերում, բայց եւ մասնաւոր նահատակութիւններով էլ լի է Առաքելի Պատմութիւնը (գլ. ԽԳ-ԽԼ), որոնք մի տեսակ յաւելուած են Առաքելի Պատմութեան, եւ կարեւոր յաւելուած՝ ժամանակի վիճակը լաւ ըմբռնելու համար: (Ի՛նչ «Վասն նահատակութեան տէր Անդրէաս քահանային»), որ եւ ամէնից գեղեցիկն է, եւ նախնի վկայաբանութիւնների հետ կարող է մրցել:<sup>1</sup>

Սակայն այդ վկայաբանութեանց մէջ՝ մեզ պատմադիրը չի տալիս երեւակայական կամ առասպելական զարդարեալ պատմութիւն, այլ մի իրական թշուառ աշխարհի նկարագիր, որի մէջ եթէ պատմելու ձեւը ժողովրդական պատմողների եւ մեծ մասամբ ավանատեսների բերանից առած լինելով՝ ժողովրդական բնաւորութիւն է ստացել, հիմքը իրական է: Այստեղ

մենք տեսնում ենք մոլլաների, մահմեդական սուլտանների եւ մուֆթիների կառավարութիւնը, թէ ինչպէս մահմեդականը քրիստոնէին անպատուել կարող է ամէն տեսակ, եւ քրիստոնեան պէտք է լռէ, թէ չէ նահատակութիւնը նրա համար պատրաստ է: Ջուր խմելիս կամ լուացուելիս աղբիւրից՝ եթէ մահմեդականը գայ՝ հայը պիտի հեռանայ, եթէ չի ուզում նահատակուել: Նոյնիսկ լամուկները կարող են նեղել հային, եւ հայը պէտք է լռի, եթէ չի ուզում նահատակուել: Բաւական է մի հայի համար սուտ ասեն, թէ նա ցանկացել է մահմեդական դառնալ, եւ պիտի դառնայ, եթէ չէ ուզում նահատակուել եւ այն էլ ինչպէս եւ ինչ չարչարանքներով:

Եւ Առաքելը, ինչպէս իւր ժամանակակիցները, իրենց կենդանի հաւատքով չէին կարող անտարբեր մնալ այդ աղգայիներէ թաղմաթիւ նահատակութիւնների առաջ:

Եւ այսպիսով, վկայաբանական պատմութիւնը գրաւել է մեր հայրերի մտքերը հնուց ի վեր, թէ թարգմանութեամբ եւ թէ ինքնուրոյն հեղինակութեամբ, թէ օտար եւ թէ մանաւանդ հայ վկաների: Այդ տեսակի ընթերցանութիւնը սիրելի էր ազգին այն ժամանակ, եւ Առաքելը չէր կարող իւր Պատմութեան մէջ չառնել այդ պատմութիւնները, եւ հէնց այդ պատմութիւնները պէտք է նրա ժամանակակիցների վրայ մեծ տպաւորութիւն թողնէին, եւ Առաքելի Պատմութիւնը մի սիրելի եւ ժողովրդական գիրք դարձրնէին, ինչպէս եղել է իրօք:

Ժամանակի ուղին հերոսական էր, որը բռնի գաղթի ժամանակ ծնեցընում էր դիւցազներ եւ դիւցազնուհիներ. «Կանայք եւ տղայք եւ աղջկունք... իբրեւ տեսին զինքեանս մատնեալս ի ձեռս անիրաւ մարդադէմ գաղանաց, որ վարեն զնոսա ի գերութիւն եւ պէս պէս աղտեղութեամբ ապականեն զսրբութիւն նոցա... պատէին գերեսս փակեղամբ եւ ձորձով իւրեանց եւ յամբով բարձրութենէն ի յայրէ անտի ի վայր արկանէին զինքեանս եւ մեռանէին» (Եր. 37):

Այսպէս եւ թաղմաթիւ քաջ նահատակներով աւելի եւս զօրանում էր ժողովրդի մէջ աղգային եկեղեցու հաւատը, ջերմեռանդ փափագանօք համբուրելով «դուրբա», նրանց մարմնի մասունքը եկեղեցիների մէջ դնելով եւ բոլոր բաղմութեամբ դիմելով սրբի թաղմանը, մի աղգային մեծ հանդէս կատարելով այն տխուր ժամանակին, երբ հայը զրկուած էր ամէն հանդէսից ու մի տեղ խմբուելու հնարաւորութիւնից, թէպէտ եւ մահմեդականներն այդպիսի տխուր հանդէսներ կատարեյն անգամ արդելում էին (Եր. 417): Մինչդեռ աղգային միութարութիւնն այդպիսիների գլխին լոյս է իջեցնում, չարաչար պատժում է հաւատուարացներին, որ միեւնոյն է՝ աղգուրացներին:

Այդպիսի մի պատմութիւն դռնում ենք ԽԹ. դիւսում (428 Եր.), մի Ղարաչորակի վրայ, որ հաւատ ուրանալու վրայ դոռնադար է լինում: Եթէ Առաքելն իր քրիստոնէական բարեպաշտութեամբ հաւատում է լոյս իջնելուն, նա հաւատում է եւ դոռնադարութեանը, որով հասարակ ժողովրդից բարձր չէ նա իւր սնոտիապաշտութեամբ: Բայց նորա

անոտիապաշտութիւնն աւելի լաւ երեւում է «Ջոհարների» մասին գրածից (գլ. ԾԳ., ԾԴ.), որ իւր պատմութեան հետ բնաւ կապ չունի, այլ կցուած է. — «Կայծ, որ է եաղութ... ով որ ի հետն պահէ՝ նա ի մարգիկ ընդունելի լինի, եւ զարկուածի լաւ է»։ «Սարգիօն... ի հետն պահէն զարիւն կտրէ», նոյնպէս միւս զոհարների համար. «Վնասակար թուեալորք չմերձենան ի նա. սեաւ հազ... փորցաւութեան լաւ է, երկու պատերազմողի որ կողմն որ աւելակշիռ արմատ լինի՝ այն կողմն յաղթող լինի, կինն որ ի ծնունդն զաւմատ քարն ի բազուկն կապեն արձակի Աստուծով»։

Արդ, այսպիսի մի մարդ, որի բոլոր գիտութիւնը միայն մի քանի կըրօնական գրքեր կարդացած լինելն էր եւ շատ ճանապարհորդութիւններէ ժամանակ իւր հարցասիրութեամբ ձեռք բերած ծանօթութիւնները, — չմոռնանք, որ մինչեւ 1662 թ. 24 գիրք էր միայն հայերէն տպուած, որից 5-ը Սաղմոս, 3-ը Յիսուս որդի, 2-ը Ժամագիրք, —ը Տոմար, 1-ը Հարանց վարք, 1-ը Աղթարք, 1-ը Կիպրիանոս. իսկ մնացածները ուրբանեան կաթողիկէ դպրոցի կրօնական եւ քերականութեան ու պատմութեան գրքեր, — Պէտք է գրէր մի մեծ չրջանի պատմութիւն, որ շարունակութիւն էր նախորդ դարերի եւ որի պատմական նշանակութիւնը ապագայի համար մեծ պիտի լինէր։ Այդպիսի մի անձն չէր կարող, անշուշտ, պատմական առողջ դատողութիւն ունենալ եւ ոչ իսկ պատմական ընդարձակ աշխարհայեցողութիւն, որ կարողանար իրողութիւնները կշռադատել իրենց պատճառներովն ու ծանրակշիռ հետեւանքներով։ Ուստի եւ նրա գրած պատմութեան մէջ նոյնիսկ շատ հրաշալի բաներ են մտնում, որոնց նոյնիսկ ինքը հաւատում է. օրինակ, թէ ինչպէս Փրիպպոս կաթողիկոսը մի գիւհաւոր է բժըշկում աղօթքով, կամ Պօղոս վարդապետի եղնիկները, որոնց կանչում է իւր մօտ (գլ. ԺԹ.), կամ Պօղոս վարդապետի դռնբացէքին՝ դռները ինքն իրեն բացուելը. կամ նոյնիսկ մեռելին յարութիւն տալը (ԻԱ. գլ., եր. 197), եւ նոյն ինքը հաւատում է այդ պատմութեանը, վասն զի «ամենեքեան արժանացեալք էին շնորհաց Սրբոց Հոգւոյն»... եւ այսպիսի պատմութիւնները համարում է «արժանի լսելոյ... վասն զի հոգին Աստուծոյ վերակացու էր նոցա»։

Այսպիսի բաների հաւատքով եւ հասկացողութեամբ Առաքել վարդապետը ոչնչով բարձր չէ ռամիկ ու տգէտ ժողովրդից։ Բայց եւ այնպէս, չնայելով իւր մեծ միամտութեանը, նա լաւ կերպով ըմբռնել է ժամանակի ոգին եւ մանաւանդ Շահարասի քաղաքականութիւնը, ձգտումներն ու նպատակը, գործ գրած խորամանկ միջոցները, մինչդեռ իր ժամանակակիցները չեն հասկացել այդ թաղաւորին, եւ նա զանազան դրոյցների հերոս դարձած, նոյնիսկ քրիստոնեասէր է համարուել։

«Արդ՝ որք գովեն զայս շահ թէ քրիստոնէասէր եւ աշխարհաչէն եւ խաղաղարար թագաւոր էր, այս է նորա քրիստոնէասիրութիւնն, որ զամենայն աշխարհն քրիստոնէից՝ զՀայոց եւ զՎրաց աւերեաց. եւ զամենեւեան սպառեաց սրով եւ սովու եւ դերութեամբ. եւ զմնացեալսն վարեալ տաբաւ ի Ֆահրապատ եւ յԱսպահան, որ նոքա եւս օր առօր անդէն սպառին

պէս պէս կերպիւ։ Եւ ով ոք որ գովել կամի դնա , թող յառաջ հայեցեալ նկատեսցէ զարարեալ դործս նորա , զոր արար ընդ քրիստոնէից՝ եւ ապա դովեսցէ զնա» (Եր․ 100) :

Ինչպէս երեւում է շատ դովողներ եղել են , խաբուած նրա խորամանկ միջոցներէց , որ դործ էր զնում՝ բռնի գաղթեցրած հայերի սիրտը շահելու համար։ Սակայն Առաքելը նրա հոգու բոլոր մանրամասնութեանց մէջ է , կարծես մի քաղաքագէտ եւ հոգեբան լինի։ Նա Շահարասի հոգու խորքն ու սկիզբն է մտնում վերլուծելով . «հանձարեղնի խորհուրդս չարեաց (Եր 52) . հարուստն ի խորհուրդս չարեաց Շահարաս (Եր․ 73) . խորամանկն ի հնարս չարեաց Շահարաս (Եր․ 75) . կամայօթար կամարարն անկելոյ արուսեկին Շահարաս» (Եր․ 86) :

Նա տալիս է մեզ իրողութիւնների նկարագիրը , այն էլ ոչ միշտ ժամանակագրական կարգով , որովհետեւ ժամանակը չէ գտած , այլ խոռոչ։ Այս ժամանակագրութեան մի լրացումն պէտք է համարել Գլ․ 1Ա․ կաթողիկոսների ժամանակագրական կարգը , ինչպէս եւ ԾԱ․ եւ ԾԲ․ գլուխները , որոնց մէջ օսմանցոց եւ պարսից թագաւորների ժամանակագրութիւնն է տալիս , որքան որ կարողացել է ժողովել։ Եւ պատճառաբանական պատմութիւն նա գրել էլ չէր կարող , քանի որ իրողութիւնները հազիւ թէ ժողովել է նա , այն էլ գրեթէ միմիայն բերանացի աղբիւրներից (38, 63, 66, 67, 68, 70, 92, 151, 161, 162, 137, 147, 148, 149) . դրաւոր աղբիւրներ քիչ է դործածում (Եր․ 28—111) :

Նա ամէնրի բերանից ժողովում է իրողութեանց ճիշդ մանրամասնութիւնները , մեծ ծախքով եւ նեղութեամբ , կատարելով «յոքնաշխատ եւ դբազմաներկ գտաթանելի դործս եւ՝ աւուրս յոլովս ի սմին դեգերելով եւ ի յոլով երկիրս եւ յաշխարհս շրջագայելով ի խնդիր գրուցած պատմութեան ոչ միայն ի քրիստոնէից , այլեւ յայլոց աղանց հարցանելով , եւ ամենեցունց զասացեալն գրելով , եւ վասն գտողութեան բանին դտանելոյ , եղեւ զի զմի պատմութիւն տասն անգամ եւ աւելի կրկնելով դրեցի , եւ զամս ինն ի սմին դեգերելով , եւ զինչս ծախելով , հազիւ թէ զայսքան պատմութիւնս ի մի վայր հաւաքեցի եւ գրեցի , եւ բնաւ ոչ ոք եղեւ ինձ ձեռնտու» (յիշատակ․) : «Այլ եւ թէպէտ ի շրջագայութիւնս աշխարհաց ի բազում տեղիս մասնաւորաբար եղեւ գրեալ ի սմանէ , սակայն սկիզբն սորին եղեւ ի բարձրագահ աթոռն , ի սուրբ էջմիածին , եւ կատարումն եւս ի նոյն տեղին» :

Առաքելի պատմութեան ընթացքից հէնց երեւում է նրա հարցասիրութիւնը եւ պատմութեան նիւթ հաւաքելու համար շրջագայելը։ Այնպէս որ նրա այս վկայութեանը լիովին հաւատալ կարող ենք։ Նա հարցասէր է եւ յիշատակարան պահող , հետաքրքիր ծանօթութիւն ձեռք բերելու եւ պատմելու։ Սակայն , դժբախտաբար , նա պատմութեան ամբողջութիւնը եւս սկսում է շարադրել հէնց այդ 1615—1662 թ․ ընթացքում , երբ ծանօթութիւնների մեծ մասը ձեռք է բերում շրջելով , առանց ժամանակ ունենալու նախ ծանօթութիւնները դասակարգելու եւ խմբագրելու։ Եւ թէպէտ նա արագութեան ետեւից է ընկած , բայց նա խիստ զգայուն է հայ ազգի եւ ֆեկեղեցու շահերին , սրտով ու հոգով հայ լինելով , խիստ յաճախ ցոյց է

տալիս իւր ատելութիւնը առ ամէնը, ինչ որ կորստաբեր է համարում հայ ազգին եւ եկեղեցուն :

Բայց եւ այնպէս նրա պատմութիւնը, միւս կողմից, ցոլացնում է այն մարդոց կրքերը, որոնք իբրեւ դործիչ կամ ականատես՝ տեղեկութիւն են տուել նրան, թէպէտ եւ նա ստուգութեան համար տասն անգամ փոփոխութեան է ենթարկում իւր պատմութիւնը: Սրա հետեւանքն էլ այն է լինում, որ արտաքին ձեւի մէջ անխուսափելի կրկնութիւններ եւ աւելորդաբանութիւններ չառ է անում (եր. 152) :

Սակայն այդ ամէնը աւելի նրանից են առաջանում, որ նա իւր աղբիւրները իսկապէս չէ կարողանում մշակել, այլ, կարելի է ասել, զանազան մարդկանցից ինչպէս լսել է, այնպէս էլ չարել է: Այնպէս որ Առաքելի պատմութիւնը կարելի է համարել զանազան գրոյցների անմշակ ժողովածու, որոնք ծերերի բերանին շատ անգամ պատմուել են, եւ ինքը դուրսէ ուրիշներին, եւ պատմուելով արդէն մի որոշ ձեւ ու կերպարանք են ստացել: Օրինակ՝ մի պատմող կը լինէր Այրարատի քշելու մասին, միւսը Զուղայի քշելու մասին: Նա եր. 33 Այրարատի քշելու պատմութիւնը վերջացնում է Սպահանում տեղափոխելով, եւ եր. 33 նորից սկսում է Գառնուոյ քշելը — դարձեալ դարձցուք...», որովհետեւ այդ պատմութիւնը ուրիշից է լսել: Եր. 40 նորից գառնում է Զղալօղլուն, եր. 41 նորից Զուղայեցոց քշելուն:

Այդպիսի մի-մի անկախ գրոյցներ են եւ բազմաթիւ նահատակութիւնները եւ Զալալիների մասին պատմածները (Զորակ, Սուլեյման-բեկ եւ այլն) եւ վկայութիւններն ու Շահաբասի մասին պատմածները եւ առհասարակ գրեթէ բոլոր պատմութիւնները:

Այսպիսի դէպքերում, անշուշտ, կարելի չէ խօսել Առաքել պատմագրի գրուածքի գեղարուեստականութեան մասին, դրական արժէքի մասին: Նրա ոճը միայն կենդանի է, որովհետեւ զգացմունքով գրուած է, եւ որովհետեւ ժողովրդի բերնից է առնում անմիջապէս եւ բարեբախտաբար լեզուն շատ չէ փոփոխում: Այդպիսի ժողովրդական հերոսների կենդանի պատմութիւն է պիղծ Զոմարի սատակումը:

Առաքելը մատենագիր չէ, բայց նա չունէր նոյնիսկ մատենագիր լինելու պատրաստութիւն, որ կարողանար մի միութիւն մտնելով իւր գրածի մէջ, մատենադրական մի երկ տալ մեզ, որի մէջ իրողութիւնները, մի կենտրոնի շուրջ խմբուած, պատկերանային բանաստեղծական կենդանութեամբ:

Սակայն եւ այնպէս, նրա պատմութեան բուն մասը, իրերի բնական ընթացքով, երկու բանի շուրջ է պտտում.

ա) Հայաստանի (մասամբ եւ Վրաստանի) աւերումը եւ անկումը Շահաբասի եւ Օսմանցոց ձեռով (զլ. Ա.) .

բ) Վերածնութեան սկիզբը Հայաստանում նոյն միջոցներին Առաքել կաթողիկոսի մահից (1586—1662), երկու սերնդի վարդապետների միջեւ եղած կռիւներով, մինչեւ Մովսէս կաթողիկոսի օրով նոր սերունդը յաղթում է եւ վերանորոգութիւն է սկսում Մովսէսի եւ Փրիպպոսի օրով, մինչդեռ հին սերունդը ի դէմս՝ Դաւթի, Մելքիսէթի, Սահակի աւերմունքներ է

գործում : Առաքելի համակրութիւնը , հարկաւ , նոր սերնդի կողմն է , որի համար եւ իւր պատմութիւնը գրում է : Ինքն էլ դոցանից մէկն է : Շարունակ գովում է նոր սերունդը , իսկ հինը պախարակում :

Բուն պատմութիւնը վերջանում է ԻԶ . գլխում , Փիլիպպոսի մահով եւ վանքերի շինութեամբ (Վերջին թիւը յիշուած ՌՃԸ=1658) :

Այնուհետեւ եկած գլուխներն արդէն իբրեւ յաւելուածներ պէտք է համարել : Եւ ապա վիպաբանական եւ իւղիահարների պատմութիւն , ինչպէս եւ մի քանի տարեգրական տեղեկութիւններ : ԾԴ . գլուխը «Պատմութիւն Ազունից աշխարհին արարեալ Մարեցի Յովհաննու վարդապետին» : Այդ յաւելուածներից մի քանիսը շատ ուշ աւելցրած է , ինչպէս հրէից Սարեթար պատմութիւնը , որ միայն Աւետիք երիցու գրչադրի մէջ կայ :

2 . Զաքարիա Սարկաւագ :՝ — Ծնուած Քանաքեռում ՌՃԼԶ (1136+551=1686-60=1627) թուին , ինչպէս ինքը յիշում է (Գ . հատոր , եր . 2) , 1687 թուին 60 տարեկան է եղել :

Զաքարիա սարկաւագն իր գրութեան եղանակով Առաքել վարդապետի աշակերտն ու հետեւողն է , թէպէտ եւ իւր գրաբար լեզուով Առաքելից բարձր է շատ անգամ , բայց իբրեւ պատմագիր սուր է կանգնած Առաքելից : Ճշմարիտ է , Առաքելը եւս շատ անգամ բաւական միամիտ է , բայց նա քիչ ու շատ էլի ճաշակ ունի , կարողանում է նիւթերի մէջ ընտրութիւն անել , դատել եւ պատճառներն ու հետեւանքները վերլուծել եւ փոքր ինչ դասաւորել նիւթը : Մինչդեռ Զաքարիան , այդ ժամանակի կրթուած ու շատ ճանապարհորդած եկեղեցականը կատարեալ պարզամիտ է մի լեռան հովուի , մի ուղտապանի չափ : Խիստ նեղ հայեացքով , դրեթէ ամէն բանի , որ լսել է , հաւատում է :

Բաւական չէ նրա գրածների մէջ նահատակների վրայ լոյս իջնելը , դեւերի՝ մարդկանց գլխին կատարած գործերը ճշմարիտ պատմութիւններ են համարում , մի բան , որին հաւատում էին բոլոր ժամանակակիցները , այլեւ այնպիսի գրոյցներ ու ժողովրդական սնոտխապաշուութիւններ է բերում Զաքարիան իբրեւ պատմական իրողութիւններ , որոնք նոյնիսկ մի ժամանակում կազմուած չեն , այլ դարեր շարունակ ապրում են ժողովրդի մէջ : Եւ Զաքարիան , այդ զարգացած , ճանապարհորդած դրագէտը հաւատում է այդ ամէնին : Պէտք է երեւակայել , ուրեմն , թէ Զաքարիայից սուր կրթութեամբ մարդիկ՝ եկեղեցականներ ինչերին կարող էին հաւատալ այն ժամանակ , — էլ չենք տեսնում թանձր խաւար մարդիկ :

Նա իւր վաթսուհամեայ հասակում , ՌՃԼԶ=1678 թուին , ժամանակի Յովհաննավանքի առաջնորդից , «Ի Սարգիս վարդապետէ խոհեմայ եւ բանասիրէ» հարկադրուած սկսում է գրել կամ անել «Կոնդակ սուրբ ուխտին Յովհաննու վանից» , որ եւ նոյն 1687 թուին աւարտում է : «Յամենայն օր դեպերէի , — գրում է Զաքարիա , — թէ ընդէր ոչ գոյ հաստատուն կոնդակ վանացս , որ ամենայն արձանք որմոցն դրեալ լինի ի նմա , եւ վարանէի միշտ առ այն» : Զաքարիան միշտ մտածում է այդ անել , բայց ձեռնահաս

1 Զաքարիա Սարկաւագի Պատմադրութիւն , Ա . Բ . Գ . հատոր . Վաղարշապատ , 1870 :



չի լինում, որովհետեւ իւր առաջին տէրերը Զաքարիա եւ Յովհաննէս վանահայրերը նրան մարմնաւոր դործերով են զրազեցնում: Սարգիս վանահայրը գորդում է նրան այդ անելով՝ լինելով բանասէր:

Եւ նա դրում է Յովհաննավանքի կոնդակը կամ պատմութիւնը, «թէ ի պատմադրաց, թէ ի յիշատակարանաց, թէ ի յարձանաց եւ թէ ի լրոյ իմաստուն արանց եւ ի դիտուն ծերոց»:

Եւ Զաքարիան, հաւատարիմ իւր ծրագրին, նախ համառօտարար խօսում է, թէ ընդհանրապէս ե՞րբ են հայոց մէջ վանքեր շատ շինուել եւ թէ յատկապէս ե՞րբ է շինուել Յովհաննու վանքը, որի հնութիւնը մինչեւ Լուսաւորիչ է հասցնում: Այնուհետեւ խօսում է այդ վանքի թեմի եւ վիճակի մասին, թէ ե՞րբ է այդ վանքը նորոգուել եւ ծաղկել:

Իւր գրութեան եւ աղացուցման եղանակով հետեւում է Առաքելի Ը. գլխին — «Պատմութիւն վասն սրբոյն Գրիգորի մերոյ Լուսաւորչի աջոյն»: Բայց մի բանի վրայ յատուկ ուշադրութիւն է դարձնում Զաքարիան. բացի մատենագիրներից ու գրեթէ յիշատակարաններից՝ օգտւում է եւ արձանագրութիւններից, նա ընդօրինակում է պատերի վրայ եղած արձանագրութիւնները եւ մանրամասն ճշգրտութիւն մտցնում իւր Կոնդակի մէջ, որով Զաքարիայն հանդիսանում է մեր հնագրական արձանագրական թանկագին յիշատակարանները ժողովողների նախահայրը: Մի բան, որ շատ կարեւոր է:

Այնուհետեւ աշխատում է Յովհաննավանքի առաջնորդների անունը, որքան որ կարողացել է ձեռք բերել՝ յիշատակել ժամանակագրական կարգով, յիշելով միանգամայն եւ իւր աղբիւրները: Առանձնապէս կանգ է առնում իւր ժամանակի երեք նշանաւոր առաջնորդների վրայ՝ Զաքարիա Վարչապատցի (ՌՃԶ=1637—1659—ՌՃԸ), Յովհաննէս Կարբեցի, (1659—1679—ՌՃԻԸ) եւ Սարգիս Կարբեցի, որի ժամանակ եւ դրում է Կոնդակը: Վերջացնում է Կոնդակը՝ տեղեկութիւն տալով նոյն վանքի Մ. Յովհաննու մասունքի մասին, որի համար ժողովում են այնտեղ ամենայն ուրուկը եւ գոթիք: Եւ թէ ինչպէս Մոդնու վանքն է շինւում եւ մասունքն այնտեղ փոխադրւում: Վերջին դրութիւններում իւր նախորդների պատմութիւնն է անում: Այս դրուածքը հնագրական-պատմական կարեւոր տեղեկութիւններ ունի, եւ արժէքը միայն այդ տեղեկութիւնների մէջ է:

Երեւի Զաքարիայի այս Կոնդակը հաւանութիւն է գտնում, եւ նրան մի քանի բանասէրներ յորդորում են պատմութիւն էլ գրելու:

Պատմութիւնը երկու հատոր է:

Զաքարիայի Պատմութիւնն իսկապէս պատմութիւն չէ, սուտ ու ճշմարիտ, առասպել ու իրողութիւն վայրիվերոյ, խառնիխառն ժողովուած են մի տեղ՝ առանց որոշ դասաւորութեան, առանց որեւէ կարգի: Ժամանակագրական ճշգրտութիւն, ի հարկէ, պահանջել կարելի չէ մի պարզամիտ մարդուց, որ պարզ սուտը ճշմարտից ջուկել չի կարողանում եւ առօրեայ չնչին, մանր ու մուկ դէպքերը իբրեւ կարեւոր պատմական եղելութիւն՝ արձանագրում է:

Զաքարիայի Պատմութեան երկու հատորները մէկմէկուց բոլորովին տարբեր արժէք ունին: Առաջին մասը, սակաւ բացառութեամբ, որ աւնուած

է յիշատակարաններէց եւ Առաքել պատմագրից կամ ականատեսից է լսած. (Ա. ԺԶ., եր. 28)՝ իբրեւ պատմական երկ՝ արժէք չունի, որովհետեւ զուտ ժողովրդական զրոյցներէց եւ երգերէց է առնուած, որոնց հիմքը, սակայն, անշուշտ պատմական է: Առաջին հատորը, իսկապէս, մի ժողովրդական բանաստեղծութեան ժողովածու պիտի համարել եւ ոչ պատմագրութիւն որով եւ Զաքարիան, այս միամիտ մարդը, անգիտակցօրէն, իր պարզամտութեան պատճառով, հանդիսացել է հայոց Փոկլորի-ժողովրդագիտութեան առաւելին հաւաքողը Սորենացուց յետոյ, բայց եւ Սորենացուց աւելի հարուստ ու հարազատ կերպով, քանի որ նա, հաւատացած լինելով թէ պատմութիւն է տալիս, մեզ ժողովրդական անդիր բանահիւսութեան օրինակներ է տալիս եւ կամ բովանդակութիւնը, առանց փոփոխելու եւ հետաքրքիր մանրամասնութիւններով, որով նա հանդիսանում է իբրեւ ժողովրդական գրող, որի գրուածի մէջ մնում են ժողովրդական պարզութիւնը, կոպիտ, բայց թարմ կեանքը:

15 եւ 16 ու 17-րդ դարը մի դիւցաղնական շրջան է. 15-րդ դարում, Լանկթամուրի արշաւանքից յետոյ նոր ազգեր եւ պետութիւններ էին կազմակերպում, մի կողմից օսմանեան պետութիւնը եւ ազգը, միւս կողմից քրդերն էին ձգտում պետութիւն կազմելու (Ղարա Եոսսուֆ Սասունում, Իսկենդար, Ջհան շահ), միւս կողմից թաթարների հին պետութիւնը կործանուել է Լանկթամուրի յաջորդ Շահրուխի ձեռով նոր պետութիւն պիտի կազմուէր եւ, վերջապէս, Միջագետքում Ջհանգիր թուրքմէնների իշխանապետութիւնը: Մինչեւ որ Ջհանշահի մահից յետոյ Ուզուն Հասան, այս Ջհանգիրի որդին բարձրանում է պարսից դահը եւ Հայաստանի միահեծան տէրը դառնում (1468 թ.): Բայց նոյն ժամանակ օսմանցիք Կ. Պոլիսն առնում են եւ կազմակերպում, եւ սկսում է երկու նոր կազմակերպուած պետութիւնների մէջ երկուս ու կէս դար շարունակ կռիւ: Ուզուն Հասանը յաղթում է (1473): Ուզուն Հասանից յետոյ խռովութիւն է ընկ, նում, եւ Շահ Իսմայիլ Սեֆեան իշխանը հակառակորդներին ընկճելով՝ Թաւրիզում հաստատում է իւր դահը: Յետոյ Թահմազ որդին, Սուտարանդ, Շահաբաս:

Այսպէս նորոգում է Սեֆեան ցեղով պարսից պետութիւնը եւ յաղթական կերպով մեծ պատերազմներ է մղում օսմանցոց դէմ, դիւցաղնական կռիւ, եւ շատ բնական է, որ ինչպէս պարսից բոլոր հարստութեանց սկզբնաւորութեան մասին, նոյնպէս եւ այս հարստութեան մասին կազմւում են շատ զրոյցներ եւ երգեր, որոնցից է եւ Շահ Իսմայիլի եւ ապա Շահ Թահմազ Սուտարանդի, Շահաբասի եւ Շահսեֆիի մասին: Ահա այդ զրոյցներն ու երգերն են եւ Զաքարիայի պատմութեան նիւթը կազմում:

Սակայն եթէ այդ զրոյցները պատմութիւն չեն, նոցա հիմքը պատմական է եւ նոցա մէջ շատ ղեղեցիկ երեւում է ժամանակակից կեանքը, բնաւորութիւններ եւ ղէպեր, կենցաղական զօներ, որոնք հետաքրքիր են, որովհետեւ Զաքարիան անպաճոյճ, բայց բնական ու կենդանի է հանում, եւ այս տեսակէտից Զաքարիայի պատմութեան այդ զրոյցների մասը լրացուցիչ է իւր ժամանակի բուն պատմութեանը:

Այդ զրոյցները կամ անեկդոտները, ինչ որ հայոց է վերաբերում՝ կենարոնը կազմում է Շահաբասը:

Այսպիսի պարզամիտ մարդը բնականօրէն ոչ միայն ինչ որ Շահաբասի վրայ պատմուում է՝ պիտի բերէր իբրեւ Շահաբասի պատմութիւն, այլեւ ուրիշ շատ առասպելներ եւ սնոտիապաշտութիւններ եւ այնպիսի նկարագիրներ, որոնք պատմութեան հետ բնաւ կապ չունին<sup>1</sup>:

Ինչ որ լսել է կամ տեսել եւ իրեն կարեւոր է թուացել, առել է իւր պատմութեան մէջ. երկրաշարժ, արեւակի խաւարում, սուլ, մարախ, երկնային օգերեւոյթներ, հետաքրքիր զրոյցներ, առասպելազարդ պատմութիւններ, որոնք իրողութեան վրայ հիմնուած թէ զուտ առասպելական՝ բոլորը կարեւոր բաներ են Ձաքարիայի աչքին, այն պատճառով, որ քննադատութեան կատարեալ բացակայութիւն է:

Ձաքարիայի պատմութիւնը, առաջին հատորի վերջում եւ Բ. հատորի մէջ ներկայանում է, այսպիսով, իբրեւ մեծ պատկեր, որի հիմքը պատմական է, յիշատակարաններից քաղած եւ կամ անձամբ տեսած, իսկ այդ հիմքի վրայ շարուած են առասպելները եւ զրոյցները, ակնհասեօի նկարագրութիւնների հետ միասին խառն: Եւ այդ իսկ պատճառով թէ ինչով էր զբաղւում իւր ժամանակի հայ եւ պարսիկ մարդու միտքը, հայ ժողովրդի մտաւոր կեանքն ու աշխարհայեցողութիւնը, բարքերը, նիստն ու կացը, սովորութիւնները, սնոտիապաշտութիւնները, հաւատալիքը՝ աւելի եւս պարզ են երեւում այդ գրուածքի մէջ, քան մեր որեւէ ուրիշ պատմական կարեւոր երկի մէջ: Առաջին անգամ մենք այստեղ ենք տեսնում հայ դիւզը, այն էլ գըլ-խաւորապէս Արարատեան երկրի, Քանաքեօը, որը Ձաքարիայի ծննդավայրն է, մի գիւղ, որ յետոյ տաղանդով պիտի նկարագրէր Աբովեանը:

Այստեղ մենք տեսնում ենք, թէ ինչպէս նենգութեամբ են վարւում իրար հետ պարսիկները եւ օսմանցիք: Շահը տիրում է Երեւանի բերդին եւ հրաման է տալիս օսմանցի բերդապահներին՝ ուր ուզում են երթան. «Եւ նոքա առին զդէշն Մուրթուկայ փաշային, եւ ելին ի դնալ: Իբրեւ զնացին կէս աւուր ճանապարհ, նենգաւոր ազգն Պարսից զնացին զկնի նոցա, եւ կոտորեցին զնոսա, եւ յափշտակեցին զինչսն» (Բ. Զ. եր. 12): Նոյն հայեացքը պարսից վրայ, ինչ որ Առաքելն ունի, որ այսպիսի դէպքեր նոյնպէս բերում է: Կամ ինչպէս պարսիկ ծառայողը դաւաճանում է իւր ազգին եւ օսմանցոց հրաւիրում՝ խոստանալով Երեւանը նոցա տալ (Բ. Գ. եր. 5): Կամ ինչպէս պարսիկ խանը Մաղապրեղի սուլթանին, որ պարսից գերելխանու-

1 Օրինակ՝ Բ. գլ. ԾԴ. եր 108 «Վասն միւս նշանին երկնից», որ վիշապ հա-  
նելու պատմութիւնն է: Կամ Բ. գլ. եր. 55 «Վասն գեւիին կերպարանեալ կին», նոյնը  
եւ Գանձակեցու մէջ, որ եւ Միքիթ Այրիվանեցին իբրեւ նշանաւոր դէպք առնում է  
ժամանակագրութեան մէջ, մարդկանց հետ յարաբերութեան մէջ մտնող պարսիկ յաւտ-  
նի առասպելն է: Նոյնպէս Բ. Լ. եր 31—«Վասն սրտապատառ առն», «որ ի միում ժա-  
մու առան գոյն փոխեաց», կամ աւելորդաբանութիւններ ու դատարկախօսութիւններ,  
ինչպէս Բ. ԼՍ. եր. 53 «Պատմութիւն միւս վիշապին», եւ յաջորդ գլուխը «Վասն օ-  
ձաշար առն», որպէսզի եղրակացնէ. «ամօթ աշուցիկ որ ստեն, ընդ է՞ր ստեղծան աշա-  
պիսի անարգ կենդանիք»: Բ. Է. եր. 12, — «Պատմութիւն կռապաշտ առն», որ պատժ-  
ւում է Սասունոյ սնունդը չտալու համար: Առպէս եւ պատմութեան մէջ առնում է  
իբրեւ տարեգիր, Բ. ԼԶ. եր. 63—«Վասն իջանելոյն լուսոյն երկնից», կամ Բ. ԾԳ. եր.  
108 — «Վասն նշանացն երկնից» երկրաշարժից առաջ:

թեան տող էր, խղճալու տեղ, տիկ է հանում եւ շահին ուղարկում, — բաւական էջը, որ նրա բացակայութեան ժամանակ նրա բերդն օսմանցիք առել էին եւ նրա որդուն սպանել եւ կիներն էլ իրեն դաժամէժ արել: Բայց պարսիսիկըն երեւում է եւ իւր լաւ յատկութեամբ. Թահմադ զուլի բէկը, պատուի զգացմամբ լցուած՝ սպանում է դերութեան մէջ այդ դաւաճան Մուրադ բէկին եւ Խոնթկարն ասում է — Բարուք արար, զի ծառայն իւր սպան» (Բ. Կ. եր. 7 եւ հտ.):

Այստեղ մենք տեսնում ենք թէ՛ հայոց եւ թէ՛ մահմեդականների մէջ տիկ հանելը, կոպիտ բարբեր հայ գիւղացոյց մէջ, որոնք իրենց դիւին մահմեդականներից եկած խստութիւնն ու դադանաբարոյութիւնը իրենց համագիւղացիների վրայ են դործադրում՝ դադանաբար պատժելով հասարակաց ստացուածքը դողացող տանտէրին (Բ. Բ. եր. 1 եւ հտ.), եւ մեր սարկաւազը կարծես համակրում է «եւ աստ տե՛ս դու զհարչարանս նորա» (Բ. եր. 4), «տեսէ՛ք եւ այժմ լուարուք» ասում է ողբերգութեամբ:

Մարդկանց սրտերն ամբողջապէս քարացած են, եւ միայն նիւթական շահի ետեւից են ընկած, անիրաւութիւնը, սպանութիւնը նրանց համար սովորական երեւոյթ է: Եւ այդ բոլոր առաքինութիւններն ու արատները Զաքարիան մեր աչքի առաջ է դնում եւ մեզ համար շօշափելի դարձնում, մեզ ցոյց է տալիս դրանք դործողութեան մէջ եւ զանազան մասնաւոր անցքեր պատմելով: Կենդանի արտայայտիչ պատկերներ, բայց եւ մեծ մասամբ զրուելի ու քստմենլի:

Եւ այդ բրտութիւնը, կոպտութիւնը նոյնիսկ մտնում է Զաքարիայի պատմութեան մէջ, նրա ոճի մէջ, քանի որ մի լուսանկար է անում նա: Կոպիտ խօսուածք, լեզու, նկարապրութիւն ու մտածմունք: Խաները մի-մի բռնակալներ են, ինչպէս եւ ամէն դօրեղ. նրանց ձեռին է սպանել ու ներել ամէնքին: Ոչ միայն շահը խիստ սլատժել գիտէ, այլեւ նոյնիսկ իւր զուարճութեան համար տանջել ժողովրդին:

3. Աբրահամ կաթողիկոս Կրետացի:՝— Ծննդեան եւ կրթութեան մասին ոչինչ յայտնի է: Ծնուած է Կրետէի Կանդիա քաղաքում: Քսան եւ հինգ տարի առաջնորդ եղած Թեքիրտաղի (Ռոդոսթօ), կամ ինչպէս ինքն է գրում՝ Թրակիոյ քաղաքին, ուստի եւ երբեմն Աբրահամ Թեքիրտաղցի է կոչւում: 1734 թ. հայոց ՌՃԶԻ կաթողիկոս է դառնում (ուխտի եկած լինելով էջմիածին) եւ մեռնում է 1736 թ.: Սիմէոն կաթողիկոսի «Ջամբուում» խիստ գովասանքով է խօսւում Աբրահամ կաթողիկոսի մասին, թէ «էր ահարկու եւ չքեղատես, մեծանձն եւ խելօք, ճարտարայեղու եւ հանճարեղ»: Այս պատճառով եւ սիրելի է լինում Պարսից Նազր Շահին, որ Աբրահամ կաթողիկոսին «յինքն պահէր եւ շատ խորհուրդ եւ առնելիս իւր ընդ սմա տնօրինէր եւ հարցանէր»: Նոյն «Ջամբուում» սրա համար ասում է. «քան զամենեսին առաւել արար զբարերարութիւնս եւ զօգուտս սրբոյ Աթոռոյս եւ ազգիս եւ բոլոր երկրիս մերոյ: Նազր Շահ կոչեցեալն այնքան էր ահեղ եւ զարհուրեւիլ, մինչ քարինքս հալէին յահէն, եւ յանուանէին: Սակայն ողորմածն Աս-

1 Աբրահամ կաթողիկոսի Կրետացւոյ Պատմագրութիւն անցիցն իւրոց եւ Նազր շահին պարսից, Վաղարշապատ, 1870:

տուած այնքան քաղցրացոյց յաչս նորա զսրբազան Հայրապետս մեր, որպէս զՅովսէփ առ Փարաւոն եւ զԵսթեր առ Արտաշէս, որոյ բան եւ խնդիր մի ոչ անկանէր յերկիր առաջի աշխարհոյ բռնաւորին» :

Արքահամ կաթողիկոսի Պատմադրութիւնից հէնց այդ եւս երեւում է, ինչ որ «Ջամբուր» նրա համար դովեւտով գրում է :

Այդ պատմութիւնն իսկապէս պատմութիւնն չէ, այլ անձնական յիշատակարան (mémories), եւ իբրեւ այդպիսին՝ մեր պատմութեան մէջ մի առանձին տեղ է բռնում եւ, կարելի է ասել, եղակի է իր տեսակի մէջ, քանի որ մեզանում պատմական յիշատակարաններ չատ չկան : Արքահամն այն է մանրամասն արձանագրում, ինչ որ ինքն արել ու գործել է, կամ մտածել է : Շատ քիչ բան՝ ուրիշներէից լսած : Հէնց այդ պատճառով եւս Արքահամի յիշատակարանը շատ հետաքրքիր է, նա ուրիշներին նկարագրելով հանդերձ՝ դարձեալ աւելի ինքն իրեն է նկարագրում, իւր ճաշակը, հասկացողութիւնները, առաքինութիւններն ու արիւթիւնը, բայց նա ինքն իրեն նկարագրելով՝ նկարագրում է միանգամայն եւ ժամանակի ընտիր հայ եկեղեցականներին, որոնց լաւագոյն օրինակներէից մէկն էլ ինքն է :

Այստեղ մենք տեսնում ենք, ամէնից առաջ, թէ ինչպէս մի դադթական հայ մարդ մանկութիւնից բարեպաշտական կարօտութիւն ունի սուրբ աթոռները տեսնելու, մանաւանդ «Վասն Հայաստան երկրի վանօրէից եւ ուխտատեղեաց» : Եպիսկոպոսը թողնում է իւր Թրակիոյ վիճակը (մօճիկ = 1719 թ.) տասներորդ տարում առաջնորդութեան եւ դնում Երուսաղէմ ուխտ, իսկ ապա, 15 տարի յետոյ, ճանապարհ է ընկնում, հարիւր օր ճանապարհորդելով՝ հասնում է Ս. Էջմիածին, երկրպագում է սուրբ տեղերին : Ապա ցանկանում է Տարօնի Ս. Կարապետ ուխտ դնալ, վեհը չի թողնում եւ նա լսում է : Բայց եւ այնպէս՝ փափաղանօք ուխտ է անում Արագածի ստորոտներին վանքերին : Եւ թէպէտ՝ «աւարացեալ անձամբ», բայց դնում է Արարատի միւս վանքերն էլ ուխտ «այնու մտօք եւ հաւատով, զի բուժիցիմ ի չարաչար տենդէ ցաւոյս» : Խոր Վիրտալ, Ակոռու մօտ՝ Մասիսի Ս. Յակոբայ աղբիւրը, Հաւուց թառ, Աղջոց վանք, Ս. Գեղարդ, Գետաղդէլ :—Միւս վանքերն այլեւս չէ կարողանում շարունակել այցելել, զի վեհը մի քանի պատճառներով իւր մօտ է կանչում :

Գալուստին իսկոյն ներկայացնում են Արքահամ վեհապետին՝ սրբազան կաթողիկոսին, «որ էր նստեալ ի պարտէզն՝ ի ներքոյ մեծի աշանին» : Կաթողիկոսը սիրով ընդունում է, «զի սաստիկ սէրն որ արծարծեալ էր ի սրտի մերում Ի. ամէ ի վեր բոցախալէալ յայտնի երեւիր», դրում է պարզապէս Արքահամ : Նա ամենայն ակնածութեամբ է վերաբերում Արքահամ կաթողիկոսին, որ չի թողնում մեր Կրեոացուն իրենից հեռանալ, «որքան պաղատեցի եւ աղաչեցի, չեղեւ հնար. եւ ոչ ետ թոյլ եւ հրաման, այլ ասաց, եթէ Տէր կամեսցի, ի դալ ամի եւ ես կամիմ գնալ ի Տարոն... Կա'ց առ իս աստէն եւ ի միասին դնացուք եւ անդ կատարեալ զուխտ քո»... «Եւ ես խոստացայ մնալ մինչեւ ցայեկեկութն, եւ ապա չուել. որ եւ ծիծաղեցաւ երանելին եւ ասաց բարի է, այնպէս եղիցի» :

Կաթողիկոսի հետ ուխտի է գնում Յովհաննավանք, որի առաջնորդ Յակոբ վարդապետը գալիս հրաւիրում է «զվեհն վասն օծմանս. խորանին»,

ապա Մաղմուգաւանք եւ միւս սրբատեղիքն ուխտ անում: Այստեղ սիրուն նկարագրում է կաթողիկոսի հետաքրքրութիւնը, եւ թէ ինչպէս «նրբահայեաց» է նա եւ «ցաւեցող վասն ամենեցուն», եւ ասպնջականներին ձանձրութիւն չտալու համար ածապարում է ս. Աթոռը, մանաւանդ որ ժամանակը խառնակ էր եւ Թահմազ խանի արշաւանքի զրոյցները պտտում եւ համոռն են վեհի ականջին: Կաթողիկոսը շտապում է, որ հոգայ «զհոգս ամենեցուն եւ զի այսպէս բնաւորեալ է»... (եր. 4 եւ հտ.):

Շատ ճիշդ բնութագրում է Աբրահամը մեր սեւագլուխներին՝ տգէտ եւ ապերախտ, ոչ մի բանի հոգ տանել եւ ոչ ցաւել, իւրաքանչիւրն իր հանդրատութիւնը, բարեկեցութիւնը որոնող եւ դրա համար ջանացող եւ այն ապահովող, հասարակացրոյր հոգսը, «զամենայն ցաւս ընկենու ի վերայ գըլխոյն», «պաշտիչ ուրուականին իւրոյ», կեղծաւոր ու շողորձութ մեծաւորի առջ՝ այն էլ իւր օգտի եւ բարեկեցութեան համար, իսկ մեծաւորի մեռնելուց յետոյ՝ երբ այլեւս չա՛հ չունին, եպերել եւ հեգնել «որպէս ի բնուտ անտի ունին զայն ազգն մեր, որոյ զպատճառն՝ ոչ այլ ինչ գիտեմ, եթէ ոչ զտգիտութիւն եւ զապերախտութիւն»: Ինչո՞ւ է տարբերում այս բնութագիրն այժմեան վիճակից: Մի՞թէ Աբրահամ կաթողիկոսն իւր ժամանակի մարդկանց լուս չի ճանաչում եւ որքա՞ն գեղեցիկ նկարագրում է նրանց, սուր, կտրուկ, չոր, բայց այրող:

Մի՞թէ այսպիսի մարդկանց մէջ կաթողիկոսն իրաւունք չունէր տեսլու Աբրահամին «զքեզ ինձ Աստուած առաքեաց տեսանելով զխեղճութիւնս իմ... լե՛ր ինձ խորհրդակից, ցաւակից եւ կարեկից»... Մի կաթողիկոս, որի «սիրտը կարի նեղացեալ է, զի ի հեռուն հետէ ի դուրս չեմ ելեալ», եւ որի վրայ է ս. Աթոռի ամբողջ հոգսը, որ թէպէտեւ նոյն բարեպաշտական փափազն ունէր մի քանի մերձակայ վանքեր ուխտի գնալու, «բայց ցաւն ժամանակիս եւ զրադմունքն ոչ ետուն թոյլ» (եր. 5):

«Նշանակն եւ տարին ծանր էր եւ յօղն առկականեայ», շատերը հիւանդանում եւ մեռնում են, հիւանդանում է եւ վեհը, եւ մեր Աբրահամը տառապում եւ վատանում է (եր. 7) եւ չի ուզում հեռանալ կաթողիկոսի մօտից, թէպէտ եւ «երանելին» երեք-չորս անգամ առում է, «զնա՛ հանգստացիր, խեղճ ես, եւ ի ճանապարհէ եկեալ դադրած ես», եւ եպիսկոպոսը գնում է միայն մտածելով, թէ մի՛ դուցէ հիւանդը նեղանայ կամ տրտմի իւր չգնալու համար. այնուհետեւ եւս «զմահճոյն նստելով՝ վարանէաք, եւ ընդ միմեանս հայելով լռելեայն տրտմեալ երեսօք տարակուսէաք»: Մինչեւ որ երանելին իւր օրհնութիւնը տալով «աջ ձեռն ի մէջ ձեռացս հեշտ եւ հանդիստ աւանդեաց զմաքուր հոգին իւր ի ձեռն հրեշտակի բարւոյ, ա՛յնպէս, որպէս թէ ոք հանցէ խնձոր մի ի ծոցոյ եւ տացէ բարեկամին կամ սիրելոյ իւրոյ»:

Եւ այդ այն ժամանակ, երբ այդը կատարելուց յետոյ Նաբիր խանի արշաւանքի ա՛հից Երեւանի հայ բնակիչներից կանայք ու մարդիկ փախըստեայ գալիս են էջմիածին:

Այս ծանր տարին ոչ ոք չի ուզում, երեւի, կաթողիկոս լինել: Ամէնքը Աբրահամին են մատնացոյց անում, որ հրաժարւում է՝ ասելով «թէ չեմ բաւական այդմ դործոյ... մանաւանդ զարիպ եւ օտար եմ»: Զուռով

քարշում տանում են Երեւանի փաշայի մօտ. Աբրահամը լալիս ողբում է, չի ուզում կաթողիկոսութիւնը, որովհետեւ ընտրութիւն պիտի լինէր եւ Սպահանի ու Ստամպուլի քաղաքցիք պիտի ընտրեն — «Ապա թէ ոչ՝ Սուրբ Աթոռին եւ կաթողիկոս նստողին մեծ վնաս կը լինի» (9)։ Բայց փաշան առարկում է, «եթէ Սպահան եւ Ստամպուլ մինչեւ երթեւեկութիւն գրեթե լինի եւ ընտրութիւն վասն ուսման, ի մէկ տարին չլինիր, եւ ահա երկուց կողմանց զօրք եւ պատերազմունք երեւին, եւ էջմիածին ի վերայ ճանապարհին է, մինչեւ ցայն օրն վանքն պիտի քակուի, եւ միաբանքն անգլուխ գոլով մինն ոչ մնայ, այլ ցրուին. այնուհետեւ ի՞նչ օգուտ է ձեր ընտրութիւնն»։ Ահա համոզող պատասխան։

Ժողովում են շրջակայ իշխաններն ու եպիսկոպոսները եւ նրան զոռով դնում են «ի ծառայութիւն եւ ի ներքոյ լծոյ սուրբ էջմիածնի եւ Աթոռոյն մեծի սուրբ հօրն մերոյ Գրիգորի Լուսաւորչի»։

Եւ մեծ հոգացողութեան մէջ է նորընտիր կաթողիկոսը, անծանօթ երկրին, մարդկանց ու միաբաններին, ել ու մուտքին եւ արարողութեան։ Եւ, որ գլխաւորն է, ամենեւին փող չկայ, իսկ վանքի ծախքը մեծ եւ անթիւ։ Բայց որ գլխաւորն է՝ Ղարսում ջարդում է Նազիր շահն օսմանցոց, եւ եկել է Արարատի կողմը։ Կաթողիկոսին Մելիքջան քալանթարն իմացնում է, որ պիտի ելնել Նազիր խանի առաջ ընծաներով։ Նազիր խանը սիրով ընդունում է, երեք օր իւր մօտ պահում։

Եւ մայր Աթոռի ու եկեղեցու օգուտը խորհող կաթողիկոսն օգտուելով յաջող հանդամանքից, ոչ միայն իւր կաթողիկոսական հրովարտակն է առնում, այլեւ ուրիշ երեքը էջմիածնի պահանջները թողնելու, եւ «զի թուրքացողքն ի հայրենեացն ղրկեսցին, եւ մի՛ ոք դայցէ ի վանքս, եւ նեղացուցէ առանց հրամանաց խանին»։ «Յորմէ եւ ես վստահացեալ հրաւիրեցի զնա գալ ի վանքն թամաշայ եւ ղիարաթ»։ Եւ նա գալիս է ու բանակում գեղի մօտ անդում. «զցորեանն եւ զգարին իսպառ կերցուցին երիվարացն եւ արաթուր կոխեցին, զի ժամանակ էր հնձոց. եւ զի եւս էր հնձեալ», գանգատում է կաթողիկոսը, եկած օրը կաթողիկոսը խանին ընդառաջ չի գնում, որովհետեւ «այլք... խելացնորեալք ոչ ուսուցին ղիս զծէսս պարսից եւ զսովորութիւնն երկրին»։

Սարսափում է Ծերունի կաթողիկոսը. «ահլւ պակեայ, եւ ի կենցաղս յուսահատեցայ, եւ սկսայ այնուհետեւ ղյետին եւ զհրաժարական զողջոյնն տալ, ներումն եւ ալօթս խնդրել յամենեցունց. եւ մտեալ ի սուրբ տաճարն՝ անկեալ առաջի սուրբ իջման տեղւոյն, լալով եւ հառաչանօք, եւ դառն արտասուօք յանձնելով զհոգի իմ յԱստուծոյ, եւ այսպէս պաշարեալ երկիւղիւ, եւ լքեալ սրտիւ զնացի ի բանակն կիսամեռ»։ Բայց որքան է մեծ լինում նրա սրտի ուրախութիւնը, որ «մինչ ակն ունէի տանջանաց եւ մահու», խանը իրրեւ մարդ է վարում եւ «խլլայեաց ինձ», եւ «ո՞վ ոք ոչ զարմացի, — բացականչում է Ծերունին, — փա՛ռք ա՛յ հրաշագործութեանն, մեծ են գործքք տէր, եւ յոյժ խոր են խորհուրդքք», եւ ապա խաչով ու թափորով բերում են խանին էջմիածին։ Եւ խանն ամենայն հետաքրքրութեամբ դիտում է ու լսում է ժամերգութիւնը եւ մինչեւ իսկ 300 փութի ողորմութիւնն առալիս։ Եւ նոյն ղիշերը իւր կանանոցն է ուղարկում վանքը տես-

ներ. միւս օրը լուսանալիս՝ նորից դալիս, խօսում, ուրախանում է, մինչեւ անգամ շնորհակալութիւն յայտնում եւ միխթարում՝ ասելով «մի հոգար եւ մի՛ տրտմիր եւ բնաւ մի՛ երկնչիր, այս օճաղս մեր է»...

Կաթողիկոսն այժմ խրատուած՝ ընծաներով հետը մինչեւ Փարաքար է գնում:

Լինում է Եղիւարդի դաշտում մեծ ճակատամարտը, օսմանցիք կոտորւում ու փախչում են, եւ կաթողիկոսը գիականների ու վիրաւորների միջից անցնում է, ազատում շատ վիրաւորներ կոտորելուց — թուրք, հայ, հոռոմ, ու խնամում:

«Հանձարեղն եւ երկրորդ Ալեքսանդրն» պաշարում է Կարսը, նեղը լըծում օսմանցոց, Երեւանը եւ Այրարատն ընկնում են պարսից ձեռը եւ խաղաղութիւն է լինում: Նազիր խանը արշաւում է Թիֆլիս եւ կանչում է խաներին եւն., նաեւ կաթողիկոսին եւ խիստ պատուէրներ տալիս Երեւանայ խանին, որ լաւ վարուեն կաթողիկոսի եւ հայերի հետ, եւ կաթողիկոսը շատ ուղամներ է ստանում հայոց համար, այլեւ ազատում 300 տուն հայեր՝ Թիֆլիսից Խորասան քչելուց: Այլեւ հոգ է տանում երկրի հարկի մասին, որ աղքատներին չնեղեն:

## Ե Ր Գ Ի Զ Ն Ե Ր

Այդ երկու հարիւրից աւելի տարիների ընթացքում եկեղեցականների եւ եկեղեցական նիւթի մէջ բանաստեղծութիւն չկայ, բայց բուն ժողովրդի մէջ եղել է, անչուշտ, բանաստեղծութիւն, եւ աւելի ժողովրդական երգիչների մէջ, որոնք մեծ մասամբ աշխարհաբար լեզուով են երգել, իրենց տեղական բարբառով, շատ քիչ տեղեկութիւն ունենալով Ս. Գրքից եւ գրաբար լեզուից: Այգալիսի շատ երգիչների անուններ են յիշում 17-րդ եւ 18-րդ դարերի համար եւ սրանց ժառանգները յարատեւում են մինչեւ մեր օրերն իսկ: Բայց դժբախտաբար դրանց երգածները չեն ժողովուած ու գրի առնուած, ուստի եւ կորած են. իսկ գրուածներն եւս հրատարակուած չեն:

Այսպէս, 17-րդ դարու երկրորդ կէսի երգիչներից մէկն է Խասպէկ երէց, որ երգել է արեւմտեան բարբառով, խառն գրաբարի հետ. ունի երեւի կրօնական կրթութիւն, եւ երէց լինելով՝ Աստուածածնի վրայ էլ տաղեր է ասել, որոնք, սակայն, տպուած չեն: Կոստանեան Բ. պրակ, եր. 11, կայ՝ «Տաղ ի վերայ վարդին եւ անուշահոտ ծաղկանց», որ սովորական ձեւով մի հասարակ գովեստ ու նկարագիր է վարդի եւ ծաղիկների, թէպէտ եւ ստոր հին բանաստեղծներից, բայց ճաշակը դեռ երեւում է ոտանաւորի եւ բառերի ընտրութեան մէջ: Աւելի գեղեցիկ է 1670 թուին գրած մի տաղ (Կոստ. Գ. պրակ, 15)՝ «Տաղ սիրոյ եւ ուրախութեան», որ նկարագիր է դարնան բնութեան, ծաղկող այգու, ծառ ու ծաղկի եւ երգեցիկ թռչունների, յատկապէս պիւլպիւլի եւ վարդի (որի համար «Խումբ առեալ պայծառազգեցաւ վարդն. կարմիր սպիտակ, յայտնեցաւ ի մէջ կոկոնին երփնազարդ ճշմարտապէս», իսկ պիւլպիւլը — «Աղաղակէր քաղցր ձայնիւ պիւլպիւլն վարդին սիրուն, ոչ դադարէր երազ չըջելոյ վարդին սիրոյն»... «Առաւօտէն մինչ իրիկուն. գովք ասէր»...): Գեղեցիկ նկարագրուած է սոխակի սէրն առ վարդը, թէ ինչ-



պէս նա զարթնում է կէս դիշերին, կաքաւում, ծիծաղում, արտասուում ծիծաղելով. կամ երգելով ու ճոռողելով փարւում վարդի շուրթը, անթարթ աչքով նրան նայում: Իսկ միւս կողմից՝ ինչպէս վարդը ննջում է ցողի մէջ մանրամասնիկ ողողուելով, մինչդեռ միւս ծաղիկները «հոտ անուշ բուրբէնի թփին գոյնզգոյն ծաղկածաւալ» մի տեղ խմբուած ու պար առած սոխակի քաղցր ձայնով հրճւում են, գովում են բոլոր թռչուններին ու սոխակի համար արջայական դահոյք պատրաստում:

Անշուշտ այս երգն այլաբանական է՝ թռչունը—տղայք, ծաղիկունը—աղջկերք. վարդը սիրուհին, եւ ծաղիկները նրա բնկերուհիք: Բայց հէնց առանց այդ այլաբանութեան եւս ուղղակի իբրեւ բնութեան երգ՝ մեր գեղեցիկ երգերից մէկն է:

Պատկէկ երէցից ուղիղ հարիւր տարի յետոյ ապրել է Սայեաթ-Նոփա, — որ աւելի մեծ եւ զուտ քնարական երգիչ է, մեծ թերեւս զուցէ նրա համար, որ նրա գրածներից աւելի բան ունինք: Սակայն Սայեաթ-Նոփան ուրիշ կարգի երգիչների է պատկանում: Նա աշուղ է:

1. Սայեաթ-Նոփա:<sup>1</sup>— Սայեաթ-Նոփան աշուղ է, այսինքն՝ ժողովրդական երգիչ:

Սայեաթ-Նոփայի հայեացքն աշուղութեան վրայ երեւում է նրա մի քանի երգերի մէջ: Ախվերդեանի հրատարակութեան մէջ գրած առաջին երգը (1759 թ. դրած) մի գովասանք է քամանչայի. արծաթէ տկանջով, գլուխը ջահաւիր քարած, շիրմայի (փղոսկրեայ) կոթով, փորը սաղափով նախշ արած, ոսկէ սիմով, էրկաթը փանջաբայ արած, վարաղնած ճիպոտով, ռաշի պոչից ձարը:

Քամանչան (աշուղի նուագարանը) «Ամէն սաղի մէջըն գոված դամն» է, որ «պարապ վախտին բախա» է ուղւում, «մեծըրւում է այլևնումը» չայով ու սուրճով. նրա «բոլորքը» շարւում են «գողալնիրը», եւ նա «մէջլիսի կէսն է». նա «չատ տխուր սիրտ խնդացնում է, հիւանդի դողը կտրում», «երբ քաղցր ձայնը վեր է ունում» կամ «քաղցր յանգով խօսում», ոչ միայն «ածողին երկու է շինում», եւ «հետը խաղացողի սիրտը բաց անում», այլեւ լսողներին «քաղցր զող ու սախա է ցոյց տալիս», այն աստիճանի, որ «չատին զարթուն լուսացնում է», չատին էլ օրօր կարգալով «բնեցնում է բանգով՝ ինչպէս մի անուշահամ զինով յիքը ոսկէ թաս»:

Երգիչն իւր նուագարանի արտաքին ղեղեցկութիւնը նկարագրելով՝ պատրաստում է նրա ներքին ազդեցութիւնը բնութագրելու: Այդ նպատակով պիտի խօսքով է ասում, քամանչայի արժանաւորութիւնը զգալ տալու համար:

1 Սայեաթ-Նոփա, լոյս գցած աշխատասիրութենով Գէորգայ Ախվերդեան, Մոսկուա, 1852:—Մի բառով, Գէորգ Ախվերդեան, որի վաղաժամ մահը զրկել է հայոց գրականութիւնը իւր բանիբուն ու սիրող մշակից, — Ախվերդեանը դժբախտաբար միայն իւր մի հատորն է լոյս ընծայել՝ «Գու. անք», առանց ժամանակ ունենալու միւս գուսանների ժողովածուն եւս հրատարակելու, ինչպէս եւ «Առակ, ասած, վիճակախողեր եւ ամենայն տեսակ խաղեր», որոնց ժողովելու, կարգաւորելու սիրահար էր նա. Նրա հրատարակութիւնն իւր յառաջաբանով եւ ծանօթութիւններով ոչ միայն իւր ժամանակին, այլեւ այժմեան ժամանակին պատիւ կը բերէր ամենայն մարդու (անշուշտ մի քանի բան հնացած):

Սակայն «նաքաղ» (վատթար) մարդը չի կարող քամանչի այդ ազդեցությունը տեսնել, քամանչին նրա «պասն է», ուստի եւ երգիչը յորդորում է «ջանք անել աւելի եւս լաւ օրերի», այսինքն գործերի ետեւից լինել:

Ահա այսպէս դիտէ երգիչը իւր նուազարանի ու երգի ուժը, որ ոչ ոք կարող է վիճելով (ըստ աշուղների) նրա ձեռքից խլել, այսինքն նրան յաղթել, իսկ, ընդհակառակն, «քանի սաղ է Սայեաթ-Նովան, շատ բան կը տեսնի այդ քամանչէն», շատ յաղթանակներ կը տանի, միայն հարկաւոր է, որ խալխն աղօթք անէ, որ «սպրի նորա ածողն»:

Ի՞նչ պիտի լինի այդ երաժշտութեան նպատակը, արդեօ՞ք միայն ուրախացնել: Երգիչն արդէն այն խօսքով թէ՛ «նաքաղ մարդ քիզ չի կանայ տեսնի, դուն նրա պասն իս» ակնարկում է իւր մեծութեան եղանակին: Նա իրեն տնուանում է մի տարի առաջ, 1758 թ. գրած (ԼԲ. եր. 131) երգի մէջ «խալխի նոքար», որ «համով պիտի ծառայէ» ամէնքին, թէպէտ եւ այդ ծառայութեան մէջ շատ դառնութիւն է կրում: Եւ ինչ է այդ դառնութիւնը. նա իբրեւ խալխի նոքար խալխի կամքը պիտի կատարէ. իսկ խալխի կամքն է զուարճանալ ու սիրոյ երգ լսել. սակայն աշխարհը միայն զուարճութիւն ու սէր չէ. «վուր տիղ հարսնիք, վուր տիղն սուք, վուր տիղ սոյբաթ խաղ է ըլում, վուր տիղ ժամ, վուր տիղ պատարագ, վուր տիղ սիրով տաղ է ըլում», — այսինքն ուրիշ խօսքով՝ զուարճութեան հետ խառն է եւ սուգը, մարմնի հետ միացած է եւ հոգին: Մարդս երկուութիւնից է կաղմուած, որոնք իրար հակադիր են ըստ քրիստոնէական հայեացքի, եւ Սայեաթ-Նովան կանգնած երկուութեան առաջ՝ չի իմանում ի՞նչ վճիռ տայ, «թէ որ հոգուտ կամքն իս անում, մարմինդ բեղամաղ է ըլում», եւ բացականչում է՝ «վուր մէ գարդին կու դիմանաս, դուն ջրատար Սայեաթ-Նովա»:

Հոգին պահանջում է եւ ասում է. «թէկուզ իմանաս, դիտենաս աստղերու համբարքն սիրուն, անբարի գուրծն կորած է», այդպէս է ասում «Հարանց վարքն սիրուն, Աւետարանի խօսկերն՝ մարգարտէ կարգը սիրուն». նա քարոզում է, «թէ էս կինաց փառքն չուզիս՝ էն կինաց արմասն կուտան. թէ հոգուտ խաթիր չալ հաղնիս՝ գար քաշած ատլասն կուտան». նա պահանջում է մեղքը խոստովանել եւ անձնուրացութիւն: Սակայն աշխարհն էլ իւրն է պահանջում. նա այդ քարոզից խելքի չի գալիս, նրա անձի մէջ նստած է անախտելի չար դեւը», որ մինչեւ դուրս չգայ, մարդ չի ուղղուիլ. խօսք ու խրատներով բան չի լինում, նրանց համար աւետարանի խօսքերը «լալ ու դովար են խոզի առջեւ ածած», ուստի «թէկուզ դպրատանն պահ տաս՝ ծեծով չի խրատուի խիւն... բեղասն ասըլ չի դառնայ. թողով չի սխալակուի սիւն, ծուռ փետըն չի դրստի ունդան»: Ուստի եւ Սայեաթ-Նովան ի գուր կամենում է դրստել իբրեւ «դուրպար» այդ ծուռ փայտը: Նրան չեն հասկանում եւ նրանից ուրախ երգ են ուղղում, «խալխին համով դուլուզ անել» միայն: Բայց դեռ նա բարի է, ինքն իրեն մխիթարում է աշխարհի այդ անուղղելիութիւնից եւ կոչում. «ով քիզի լեղի սլարքեւէ, դուն տո՛ւ շաքար», միայն պէտք է ջանք անել, որ իր «չուչէն չկոտրին, չխփին քար», եւ շարունակում է միառժամանակ եւս խալխին համով ծառայել:

Սակայն այս երկուութիւնը նրան հանդիստ չի թողնում: Նրա աչքի

առաջ (ԼԳ., եր. 136, գր. 1759 թ.) կանգնած է շարունակ աշխարհի ունայնութիւնը մի պատուհանի պատկերով, որի միջից նայելով՝ տեսնում է կեանքի բազմատեսակ եղանակները. այդ պատուհանից մտիկ տուողը խոցւում է դաղերով, այնտեղ «սուտը շատացել է», դուրթը ճամպայ չէ գնում, բարեկամները թշնամի են դառնում», «զովլաթն էյթիրար չունի»: Կամ եր. 143, երգ ԼԵ. (1759 թ.) «Շուռ էրիտ չարիս ու փալազն, զովլաթն միզնից խռով ա, ում հաքին հին շալ ին տեսնում, էլ չին ասում թէ էս ո՞վ ա». «Իմաստուններն չտեսան էս աշխարհիս հուտն ու համքն»:

Սակայն այդ ունայն աշխարհն էլ ոչ մի մարդու մնալու չէ, մահը պատրաստ է. ոչ ոք չի կարող ասել, թէ «առաւօտից մինչեւ մութն կարող է ապրել», քանի որ Աստուծու ձեռին «հեշտ է մարդու աշխարհք ել ու մուտքը»: Եւ «Չուրս դլխանի ուշի վրէն աջալն դրիլ է թամքն», «մէր ու մանուկ բաժանուեցան, մանուկն էնդուր ունի լալու», եւ, որ ամէնից դժուարն է՝ «Սատանէն մէ դամբ է գրի Ագամի զաթն որսալու. շատն սատանէն է տանում, վիրջն մնում է վա՛յ տալու»:

Այս ամէնն ի նկատի ունենալով գող ու սափան այլեւս չեն գուարճացնում երգչին. անցել է նրա «վաղուան քաղցր փառքը», նրա դառն վիշտը շատանում է հետզհետէ եւ մանաւանդ համբերութիւնը հատնում է, չի դիմանում խալիի դափին: Նա կեանքից ձանձրանում է. «Մարթ համաշայ մէկ չի ըլի»: Եւ այդ դառնութիւնը հետզհետէ աւելի մեծանում է, որովհետեւ «էրէկ լաւ էր, կանց վուր էսօր», իսկ ապագայի համար եւս յոյս չունի, քանի որ նա յաճախ յուսահարուել է՝ «վալէրումէն բեզարիլ իմ»: Միանգամ արդէն այդ քրիստոնէական յոռետեսութեան հայեացքին հասած՝ այլեւս նա, անշուշտ, «խաղերից էլ պէտք է բեզարէր», ինչպէս որ բլբուլը լաց է լինում, երբ վարդի խարը շատանում է, այնքան կոկոն քաղում են, որ չեն թողնում ժամանակին բացուի վարդը: Լալիս է, ոգրում է երգիչը աշխարհի վրայ, ուր սուտը շատացել է, եւ ցանկանում է «բաղերից բեզարած բլբուլի պէս դուրս թռչել» աշխարհից, դի «լաւ մարթն էն է՝ դլուին պահէ աշխարումս էյթիրարով» կամ «լաւ մարթն էն է՝ սիրով անէ բարի հրեշտակներու կամքն»:

Բայց ի՞նչպէս պէտք է սրահել դլուին աշխարհում էյթիրարով: Շատ պարզ է այն ժամանակի հայեացքով: Պէտք էր ուրանալ աշխարհն ու մարմինը եւ միշտ հոգու ետեւից երթալ:

Թէ ի՞նչպէս է հասկանում ժամանակակից մարդն այդ անձնուրացութիւնը, որ հետեւանք է այն հայեացքի, թէ՝ «աշխարհս միզ մնալու չէ, մալ անիլն ինչի՞ն է չահ» (եր. 136, 143), կամ «վուր չէ Ուռնիելի նման, կալ անիլն ինչի՞ն է չահ», շատ զեղեցիկ երեւում է Գ. Երզնցի, եր. 52, գրած գեռ 1753 թուին: Այդ է՝ նախ կրթել իրեն «հայա (ամօթ), աղաք (համեստութիւն), ար (ամօթ) սիրելով», ապա «Աստուած, հոգի, երա (ընկեր, աւետարանական իմաստով) սիրել, «գիր, դալամ, դաւքար սիրել»: «Խրատ, սարք (համբերութիւն) ու շար (արդարութիւն, դատաստան) սիրել», «աղբատ, դոնաղ, տար սիրել», եւ վերջիվերջոյ «վանք, անապատ, քար սիրել»: Այս է «Աստծոյ շարքումը», այս խրատներն են գրած «Հարանց վարքումը», «հալալ

մտիկ անիլ հացի ու աղի (արդարութեան), հպարտութիւն չանիլ, այլ խոնորհ լինել»:

Բոլորը կրօնաւորի համար եղած պահանջներ (նոյնպէս գիր սիրելը), որոնցով մարդ Աստծոյ դուր կը գար, բայց որոնցով «հոգու խաթեր մարմնու ումբը կէս է լինում»: Ուստի եւ դեռ 1753 թուին երանի է տալիս իրեն, եթէ միայն այդ կարողանայ անել: Այդ աշխարհութեան հայեացքը հետզհետէ զօրանում է նրա մէջ, որքան աւելի նա յուսախար է լինում, եւ մեր երգիչը վերջապէս քաշում է վանք, հակառակ իւր խոստմանը, թէ «քանի սաղ է Սայեաթ-Նովէն, շատ բան կուտեսնիս, քամանչա»:

Սայեաթ-Նովան աշուղ է, եւ իբրեւ աշուղ իւր բանաստեղծութեան նիւթ ունի սէրը, որ երգւում է սովորաբար վէճերի եւ ուրախութիւնների ժամանակ: Նրա երգերի մեծ մասը նուիրուած է այդ նիւթին, որ երգւում է աշուղական ձեւերով:

Սայեաթ-Նովայի այդ իդէալի նկարագիրը երբեմն մի կանխանմանութիւն է միայն, մի թեմայի զարգացում, որ նման ձեւերով արդէն շատ բանաստեղծներ արել են. գրեթէ բոլոր նմանութիւնները կարելի է գտնել 15-16-րդ դարու բանաստեղծների մէջ: Եւ ինքը, Սայեաթ-Նովան անկախ չէ գտնում այդ ձեւերը, այլ շատ հաւանօրէն պարսկերէն կամ թուրքերէն երգերից պատրաստ առնում է, որին ապացոյց են եւ յանգերը՝ օտար բառերով: Անհատականութեան կնիք դրեթէ չկայ: Եւ եթէ մենք Սայեաթ-Նովայի տիկինը համեմատելու լինենք Աղթամարցու տիկնոջ հետ, ոչ մի առանձին տարբերութիւն չենք գտնիլ, որովհետեւ դա մի որոշ տիկին չէ, որ գովում են, այլ տիկնոջ՝ «արեղակնափայլ» երեսով տիկնոջ գաղափարը, գեղեցկութեամբ, եւ գրեթէ միայն արտաքին գեղեցկութեամբ կնոջ վերացականութիւնը:

Ամէնից առաջին տեղը բռնում է կնոջ արտաքին գեղեցկութեան գովքը, կնոջ պաշտամունքը, սիրոյ արտայայտութիւնը, մարմնական աննման գեղեցկութիւնը, որի «նման աշխարհիս մէջ չի տեսած» (Զ., 61, դ.). կամ՝ «թամամ աշխար պտուտ էկայ, չթողի Հարաչ, նադանի. Չտեսայ քու դիդարի պէս՝ դուն գիփուռնին բաչ, նադանի» (ԻԵ., 112 ա.):

Ընդհանուր պատկերի մէջ, բնականօրէն, ամէնից աւելի գրաւում են աչքերը, որոնց համար զանազան նմանութիւններ է բերում. — «Օսկու մէջն մինայ արած աչկիրդ ակնակապ թաս է» (ԺԸ., 93, բ.), կամ՝ «աչկիրդ կարմիր վարդ, նուր բացարած տուխտ» (ԺԶ., 88 դ.):

Դռչ ու քիկուլմէ. — «բոյէմէդ չուրս մատն աւելի լցուիլ է դռչդ ու թիկուլմը» (Դ. 55, բ.):

Ռանգդ շաքարի» (ԺԶ. 88 ա.)

«Ռանգդ փռանդի ատլաս է» (ԺԸ., 93, բ.)

«Քու տէրն բաղն ինչ կոնէ, քու հուտն ռեհան իս չինի...

«Աշխարքն ծով, դուն մէջըն նու, ման իս գալի, լանդ իս անում» (ԺԿ., 139, դ.)

«Ղուրբան իմ ծուցիդ նուանը» (ԼԶ., 141, Բ.)

«Լիզուդ օսկէ դարամի պէս» (ԽԱ., 151, Դ.)

«Մէջիդ՝ հաղիդեմէն (զործիք՝ պղնձէ թել քաշելու) քաշած  
սիրմա մաւթուլի (արծաթեայ) նման է»... (Լ. 127, Դ.)

«Երիք հարուր ու վաթսուն ու վից ամէն անդամդ դարարի»  
(Դ. 55, Դ.):

Յաճախ Սայեաթ-Նովան իւր եարին նմանեցնում է ծաղիկների եւ  
յատկապէս վարդի, սակայն վարդի եւ սոխակի այլաբանութիւնն չի անում,  
այլ լոկ նմանութիւն. այլաբանական երգ չունի Սայեաթ-Նովան. ամէնից  
զեղեցիկ համեմատութիւնը իւր եւ իւր եարի վիճակի համեմատութիւնն է  
(Ժ. 73):

Ուստի՞ դու քսս, դարիբ բըլբուլ,  
Դու մի՛ լաց 'լի, ես իմ լալու.  
Դու վարթ պըտռէ՛, ես գողալին,—  
Դու մի՛ լաց 'լի ես իմ լալու:

Արի՛, բըլբուլ, խօսի՛ բառըն,  
Օխնըլի՛ քու էկած սարըն.  
Քի վարթն էրից, ինձ իմ եարըն,—  
Դու մի լաց 'լի, ես իմ լալու...

Բնութիւնն առհասարակ զրեթէ տեղ չունի. միայն եարի ման գալը  
պարտիզում (ԻԲ. 154): Սայեաթ-Նովայի սիրած նմանութիւններն են նաեւ  
թանկագին քարեր եւ մետաղներ: «Ոնգին ակն վրէդ շարած՝ անրան օսկու  
ռախտ իս, դողալ»... (ԽԱ., 102, ա.),

«Սկանդարի Զուլզարի թողած ջաւահիր իս, անգին լալ իս,  
Դանդն դանդի միջէն հանած, հիդքաշած մսխալ մսխալ իս» (ԻԱ.  
102, Դ.):

Հագուստը եւ զարդը նոյնպէս գովասանքի առարկայ է.—

... Թէ խամ հաքնիս, թէ վար հաքնիս,  
Կու շինիս դումաչ, նաղանի...

Բարակ միջքիդ թիրմա շալն՝ նման է օսկէ քամարին.

Ղալամն ձեռին չ'է կանգնում, մաթ շինեցիր նաղըչքարին:

Դուն կրակ, հաքածդ կրակ, վո՞ւր մէ կրակին դիմանամ:

Հինդու դարամքարու վրէն ծածկիլ իս՝ մարմաչ, նաղանի:

Դաստամազիդ թիլի մէջըն մէ շալա մարջան է քաշած (ԻԵ., 112):

Չնայելով Սայեաթ-Նովան ժամանակի բոլոր թանկագին բաներով դու-  
վում է իւր գողալին, բայց եւ այնպէս յաճախ բառ չի դտնում դովելու:

«Ճար, քիզ ինչո՞վ թարիփ անիմ՝ աշխարումս բան չմնաց.  
Կրակէ ծովեմէն դուս էկած՝ ուշ, ջէյիրան իս ինձ ամա»:  
ԺԸ., 93, դ.):

«Ղումաշ ասիմ՝ շուրեղէն է կու մաշուի,  
Սալբի ասիմ՝ ախըր մին օր կու տաշուի,  
Ջէյիրան ասիմ՝ շատ մարթ քիզիդ կու յաշուի (համեմատուել),  
Բաս վո՞ւնց թարիփ անիմ՝ միրա (երկին) իս, գողալ:  
Թէ մանուշակ ասիմ՝ սարեմէն կոսին,  
Թէ ջաւայիր ասիմ՝ քարեմէն կոսին,  
Թէ վուր լուսին ասիմ՝ տարեմէն կոսին,—  
Արեգագի նման՝ փարա (լոյս բոլորակ) իս, գողալ:  
(ԺԶ., 88, բ. դ.)

Ներքին դեղեցկութիւնը շատ քիչ է ոգեւորութեան նիւթ դառնում  
Սայեաթ-Նովայի համար, ինչպէս առհասարակ մեր ժողովրդական երգերի  
համար: Բանաստեղծը բաւականապէս մի քանի ընդհանուր ականարկներով.  
«դուն իոմ էն զլիէն դոված իս, ես քիզ նուրմէկ դովիմ արի» (Դ. 55, դ.),  
բայց դեռ արտաքինն է գովում: Կամ՝ «դուն էն զլիէն իմաստուն իս, խելքդ  
յիմարին բաբ մի անի» (Ը., 66, ա.), կամ ազգն է գովում «տսիդ առկերում  
դոված» (Ը., 66, բ.), — «խօսկերդ քաղցր քաղցր է, լիզուդ շաքար ու նա-  
բաթ է» (ԺԴ. 84, դ., ԺԷ., 90, բ., ԺԸ., 93, բ.):

Ինչպէս կնոջ պատկերի մէջ անհատականութիւն չկայ, նոյնպէս եւ  
յաճախ զդպրումների արտայայտութիւնների մէջ տարբերութիւն չկայ.  
զդպրումները միեւնոյն ձեւով կամ ֆորմուլով են արտայայտուում: Հէյրան  
լինել (Թ., 69, բ.), այրուել սիրուց, «էրած խորված ման իմ գալի, մի տիզ  
չկայ մար ունենամ» (ԺԴ., 81, դ.), «Սիրտս էրից՝ ջէյիրանի նման ման  
գալը», կամ՝ «վախում իմ թէ՛ ինձ էլ էրիս՝ անհանգչելի հուր իս, ախպեր»,  
«Հուր իս էլխով կրակած» (ԺԱ., 75, ա. բ.), «Կրակ նընդած վառ իս էլի»  
(ԺԱ., 76, ե.), «Ինձ հուրեան, բիրեան արիր» (76, դ.):

Սայեաթ-Նովան կնոջ պաշտամունք ունի եւ սէր է գովում, եւ սէրը  
երգում է կանխանման ձեւերով, բայց զուտ անձնական չէտերով: Այդ սէրը  
մի իդէալական գաղափար չէ, այլ մի իրական նւթական գուարճութիւն,  
բայց ոչ ֆիզիկական կրքի գուարճութիւն, հեթանոսական սէր — Սայեաթ-  
Նովայի միտքը հեռու է այդ բանից, երկրաւոր զգայականութիւնից: Եւ այդ  
սէրն անարատ մաքուր է:

Սէրը պէտք է հաստատ լինի (Ը. 66, դ.), եւ մարդ մի հատիկ եար  
ունենայ: Այդպիսի սէր ունենալու համար պէտք է երկուսն իրար հաւասար  
լինեն (ԺԴ., 81, ա.): Այդպիսի ետրն անգին է, որից ոչ մի բանով բաժա-  
նուել ու հեռանալ չի լինի, ոչ մարդարտով ու արմատով, ոչ մահով, ոչ ա-  
հով եւ ոչ շահի հրամանով (Բ. 50):

Նրա անձնական զգացումը երեւում է դժբախտ սիրոյ մէջ, երբ ետրը

նազ է անում (ԺԷ., 90 ե., Թ. 69, ր.) եւ հեռացնում է եարին (Ը., 66, դ.) ուրիշին լսելով. երբ նրա եարն իրենից նեղացած է եւ աշխատում է սիրտն առնել (ԻԸ., 119 եւ հաւատացնել, որ ինքը յանցանք չունի (Ը., 66, ր. ե. 58, ա.): Այդ ժամանակ կսկծում ու լաց է լինում անհատական կերպով (Զ., 62, ե. ԻԴ., 111, ե., ԺԸ., 93, դ.) կամ մահ ցանկանում (ԻԲ., 106, ե., ԺԱ., 103, ե.), որովհետեւ անանց սիրեկանի՝

«... ինչ կոնիմ սոյրաթն ու սազն,  
Ձեռնեմէս վեր կոծիմ չանդիրն մէկ-մէկ,  
Չունքի ուշկ ու միտկըս իրար շաղեցիր,  
Փահմէս կու հիռացնիմ յանդիրն մէկ-մէկ»:

«Առանց քեզ ինչ կոնիմ աշխարհիս մարլն...  
Կու հաքնիմ մազեղէն, կու հաքնիմ շալըն,  
Կ'երթամ ու ման դուքամ վանքերն մէկ-մէկ:  
Բըլքամ մէ մարթ ուստ գայ՝ վուր ինձ խրատէ.  
Գո'ղալ, քու էշխեմէն սիրտըս ազատէ»: (Է. 64):

Եարից խոստում եւ հաստատուն երդում է ուզում՝ հաստատ. երդում խոստանալով (ԻԵ. 112, ե.): Այսպիսի երգերի մէջ պակաս չեն հնչուններ, որոնք իրօք մի փափուկ բանաստեղծի սրտից են բղխում ու մեզ տանում ի ցաւ եւ ի խնդութիւն:

Նա թափառէ՛ր է ուզում իբրեւ աշուղ, երբ սիրեկանը մերժում է իրեն (Ը. 67, ե. Ժ.): Աղաչում, խնդրում է գթալ իրեն (Զ. 61, դ. Ը.), ասելով՝ որ պակսի՝ եարին կը սրակսի (Ը. 67, ե.):

Եւ իսկապէս Մայեաթ-Նովան դժբախտ է իւր սիրոյ մէջ. «Ինչո՞վ չ'էլաւ, չռատ էկա՞ր մէ լա՛ւ եարին, Մայեաթ-Նովա» (ԺԳ. 82, ե.): Նա դըժբախտ է, որ իւր սիրածն ուրիշին է պատկանում:

## 19-ՐԴ ԴԱՐԻ ՍԿՋԻ ԳՐԱԲԱՐ ԲԱՆԱՍՏԵՂՄՈՒԹԻՒՆԸ

1. XIX դարի սկզբի մխիթարեան րանաստեղծները եւ նրանց նախորդողները:—Վերածնութեան առաջին շրջանի մարդիկը, հաղիւ գրել-կարդալու եւ գրոց լեզուի ուսումը սովորած, առանց արտաքին ծանօթութիւնների, մի քանի կցկուսւր ճարտասանական, տրամաբանական ու պատմական տեղեկութիւններ ստացած մի սերունդ, անշուշտ չէին կարող ոչ միայն բանաստեղծութիւն, այլեւ ընդհանրապէս արժէքաւոր գրականութիւն առաջացնել, մանաւանդ որ վերածնութեան գործը նպաստաւոր պայմանների մէջ չէր բուն երկրում եւ շարունակ ընդհատւում էր: Եւ եթէ այդ մարդիկն արտադրէին էլ գրական երկեր, դրանք պիտի լինէին մեր հնի նմանողութեամբ պատմագրութիւն ու քնարերգութիւն: Ուսումն ու գրադիտութիւնը եկեղեցականների ձեռին է, եւ բնականօրէն գրականութեան մշակութիւնն էլ նրանք պիտի անէին. բայց հոգեւորականը իւր կոչմամբ արդէն ընդունակ չէր արդմակողմանի գրականութիւն եւ մասնաւորապէս բանաստեղծութիւն

առաջ բերելու: Այդ շրջանի մարդկանց միտքն զբաղուած է գլխաւորապէս կորցրած ծանօթութիւնները հետ բերելով, զեղեցկի վրայ ոչ մտածելու ժամանակ ունէին եւ ոչ հնարաւորութիւն: Գեղեցկի բաւականութիւնը նրանք տալիս էին հին երգարաններ արտագրելով կամ տպագրելով, կամ, երբեմն տաղեր յօրինելով, որոնք շատ աւելի ստոր են, քան իրենց նմանողութեան օրինակները:

Այս նոր երգերի ու տաղերի նիւթն եւս կազմում են, հարկաւ, վարդն ու սորակը, կամ ինչոյքի ուրախութիւնը, բայց ամէնից առաջ՝ կրօնական-բարոյական դադափարները: Ժամանակի ոգին էր այդպէս. կրօնական ջերմեռանդութիւնը մեծ էր, ուստի եւ պահանջ էր զգացւում ոչ միայն նոր կրօնական տաղերի ու պանծերի, այլեւ նոր աղօթքների: Նոյնիսկ ժողովրդական երգիչները, որոնց մէջ գլխաւոր տեղը բռնում է Սայեաթ-Նովան 18-րդ դարու երկրորդ կէսում, կրում են իրենց մէջ ժամանակի այդ ոգին:

Սակայն միայն քնարերգութեամբ ու աղօթքներով չի բաւականանում մեր վերածնութեան միտքը. 17-րդ դարում արդէն ձգտումն է երեւում նաեւ վիպական բանաստեղծութիւն առաջ բերելու. բայց դարձեալ կրօնական-եկեղացական բովանդակութեամբ: Ուստի վէպի նիւթ են Ս. Գրքի եւ ուրիշ կրօնական պատմութիւններ, որոնք ոտանաւորի են վերածւում, ինչպէս եղել է եւ մեր հին գրականութեան մէջ: Եւ ինչպէս սիրոյ ու կրօնական տաղերը, նոյնպէս եւ այս բանաստեղծութիւնը շատ կոնվենցիոնէլ է, զուրկ կենդանի երակից, չոր ու ցամաք պատմութեան, եւ միայն ոտանաւորով հետեւակ գրուածք:

Տէր Կովստա քահանայ:— Այս մեռած բանաստեղծութեան մասին գաղափար կազմելու համար բաւական է յիշատակել այստեղ Կ. Պոլսեցի Տէր Կովստա քահանայի «Ոտանաւորք բանք ի դործս առաքելոց», որ տպուած է Կ. Պոլսում 1704 թուին: Հեղինակն ինքը դրքի վերջում ասում է, թէ մի պատմագիրք է տեսել, որի մէջ գրուած է եղել, թէ 536 թ. Յուստինիանոս կայսրի օրով «հռչակեալ Արադորոս՝ կիսասարկաւադ սրբուհւոյ եկեղեցւոյն Հռոմայ զարմանալի Ֆիլիսօֆոս եւ վարդապետ տաղաչափութեանց» ոտանաւոր է դարձրել «Գործք առաքելոցը». ինքն էլ իմանալով, որ Հայոց մէջ չկայ այսպիսի բան՝ իւր կողմից տաղաչափում է այդ գիրքը, հետեւելով Ներսէս Շնորհալու «Յիսուս որդի» երկին: Իայց ո՞ր «Յիսուս որդին», ո՞ր սրա աշխատութիւնը. այնտեղ ոտեղծագործութիւն կայ եւ ջերմ զգացում, որով համակւում է ընթերցողը. իսկ այստեղ սառն, մեքենայական տաղաչափութիւն միայն «Գործք առաքելոցի» բառերի:

«Զբանն առաջին զոր արարի  
Սակս չիւղութեան ամենայնի,  
Ո', Թէոփիլէ այլ բարի  
Աչակերտ բանին ճշմարտի:  
Զոր սկսաւ Յիսուս առնել  
Եւ ապա մեզ ուսուցանել:  
Մինչեւ յօրն պատուիրելոյ  
Սրբոց առաքելոցն իւրոյ:



Ի ձեռն հոգւոյն վկայեալ  
Ընտրեալ զնոսա եւ վերացեալ:  
Որոց եցոյց զինքն կենդանի  
Յետ չարչարանացն եւ խաչի:  
Բազում արուեստս նոցա ցուցեալ  
Յաւուրս քառասուն նոցա երեւեալ»:

Եւ այսպէս մինչեւ վերջը:

Աստաքատցի Աբրահամ վարդապետ:— Աւելի լաւ վիճակի մէջ չէ դրահանութիւնը ե՛ւ 18-րդ դարու վերջում, ե՛ւ )-րդի սկզբում: Հայրենասիրական գաղափարը, սրի վերջին դարու բանաստեղծութեան գլխաւոր շարժիչն է, դեռ չի դառնում կրօնական-եկեղեցականից: Այդ ներկայանում է կամ դեռ ողբի ձեւով, ինչպէս մեր հին գրականութեան մէջ է եղել. կամ թէ, ինչպէս դարձեալ յաճախ հնումը եղել է, կենտրոնացած է էջմիածնի շուրջը, որի անունը ժողովրդականացնելու եւ սիրելի դարձնելու համար գրում են ներբողեաններ ու տաղեր: Թէ ինչ աստիճանի ցամաք ու սնանկ է դրահանութիւնը այս մասին, այդ կարելի է տեսնել 1807 թուին Կ. Պոլսում տպուած «Ներբողեան սրբոյ Աթոռոյն էջմիածնի» գրքոյկից, որ յորինել է նուիրակ Աստաքատցի Աբրահամ վարդապետը «Զինի Աստուծոյ՝ օրհնեալ ազգիս Հայոց հոգեւոր հայրն եւ մայրն՝ են երկոքին սոքա. այսինքն Լուսաւորին հոգւոց մերոց սուրբն Գրիգոր. որ ամս հնգետասան ի բովս չարչարանաց՝ որպէս ոսկի մաքրեցաւ. եւ Աստուածակերտ աթոռս սուրբ էջմիածնի... Սոքա են յետ Աստուծոյ երախտաւորք մեր եւ բիւր բարեաց պատճառք. զորս պարտիմք ճանաչել. եւ առաւել սիրոյ արժանի համարել ըստ առաքելոյն: Թեո. Ի. 12. 13. զնորհս բարերարութեանցն մի՛ մոռանալ ըստ Սիրաքայ, ԻԹ. 20.: Եւ յամենայնի զսոցանէ զօհանալ. ի հաւատս սոցա հաստատուն մնալ» եւ այլն: Մտադ սպասում է, թէ էջմիածնի համար մի կենդանի ներբող գտնի, որի մէջ ցոյց տրուի նրա նշանակութիւնը հայ կեանքի մէջ, նրա կատարած դերը եւ տեղը, գտնում է մի ահադին կուտակութիւն Սուրբ Գրքի վկայութիւնների, որ ծայրայեղ աստիճանի սքոլաստիկ մեկնութիւններով յարմարեցրած են էջմիածնի վրայ:

«Վասն զի՝ որպէս ասէ Արիստոտէլ զլուին ճեմականաց դասուն, ի սեռս իւրաքանչիւր իրաց՝ մին է առաջին եւ զովելի քան զամենայն: Զորօրինակ՝ ի յիննեակ դասակարգութիւնս հրեշտակաց՝ առաջին եւ զովելի են Սերօբէհն. ի տասն երկինս՝ հրեղէն երկինքն. ի մէջ լուսաւորաց՝ արեգակն. ի չորս տարերս՝ հուրն. ի մէջ հողմոց՝ հարաւայինն. ի յօթն հրահալելիս՝ ոսկին. ի մէջ ականց՝ աղամանդն. ի մէջ ծաղկանց՝ վարդն. ի քաղցրահամ ուտելիս՝ մեղրն. ի կերակուրս՝ հացն. ի հեղուկ նիւթս՝ բաղասանն. ի վերինս՝ Սիօն. ի քաղաքս՝ սուրբ Երուսաղէմ. ի տասն սեռականադոյն սեռս՝ գոյացութիւնն. ի յառաքինութիւն՝ սէրն. եւ ի յաղօթս Աստուածուսոյց աղօթքն: (Զորոց ամենեցուն զովութեան պատճառս՝ տե՛ս ի մեկնութեան Հայր մերին, ի զլուին եօթներորդ, յօրինեալն ի մէնջ:) Արդ՝ որպէս ի սեռս իւրաքանչիւր էակի՝ մին է զլուիս ամենայնի, առաջին եւ զովելի քան զամենայն, ըստ որում կարգաւ ցուցաք. ըստ այսմ օրինակի՝ ի վանորայս եւ

ի յեկեղեցիս հայկազեանս ազգի՝ է ամենազովելի եւ առաջին՝ գլուխ եւ մայր ամենեցուն՝ Քրիստոսահիմն եւ Աստուածակերտ Աթոռս մեր՝ Սուրբ Էջմիածին։ Եւ սոյն այս ցուցանի՝ ըստ տասն ստորոգութեանցն Արիստոտէլի» (Եր. 16)։ — Եւ ապա վարդապետը Արիստոտելի տասն ստորոգութիւններով ապացուցանում է, թէ ինչպէս Էջմիածինը գովելի է «ըստ գոյացութեանն, ըստ քանակութեանն, ըստ առնչութեանն, ըստ որակութեանն, ըստ երբին, ըստ ուրին» եւ այլն։

Բայց այդ դեռ բաւական չէ։ Գովելի է Էջմիածինը նաեւ նրա համար, որ եօթն սեղան ունի. իսկ սեղանների եօթն թուի մէջ մեծ խորհուրդ կայ, եւ ի՞նչ է այդ խորհրդաւորութիւնը։ «Նախ զի եօթն են մոլորական աստեղքն։ Երկրորդ՝ զի նահապեան Նոյ առ ջրհեղեղան, յամենայն սուրբ անասնոց եօթն եօթն եմոյծ ընդ իւր ի տապան... Երրորդ՝ զի թիւն եօթնեակ ի թուարանից կոյս կոչի... Չորրորդ՝ զի եօթն էին ընտիր եւ ղեղեցիկ հասկերն՝ որք միանգամ ելանէին ի միում փնճի, ի նշանակ լինութեան եօթն ամաց, զոր Փարաւօն Լուս եւ Յովսէփ մեկնեաց... Հինգերորդ՝ զի եօթն էին ճրագարանքն ոսկիածոյլ Աշտանակին, զոր արար Մովսէս... Վեցերորդ՝ զի եօթն էին գլխակը գլխոյն քաջին Սամփսօնի»... Եւ այսպէս մի ահագին շարք, ամբողջ վաթսուս երես, որոնց մէջ Էջմիածնի անունը բարձրացնելու համար բացատրում է եօթն թուի խորհրդաւորութիւնը։ Նոյնպիսի մի շարքով (61 երես) գովաբանելով Էջմիածնի երկու կաթողիկէն, չորս սիւնը, ցոյց է տալիս հինգի եւ չորսի խորհրդաւորութիւնը, եւ վերջապէս գովում է Էջմիածին անունը, եւ մինչեւ անգամ դումարում է տառերի թուական նշանակութիւնը եւ եղրակացնում. «Էջմիածին՝ խորհրդաւոր անուն, որոյ տառքն ըստ համարողական հաշուի բաղկացուցանեն զթիւ ՌԵՂԸ։ Եւ աստի հազար հինգ հարիւրն» (որ է երեցս հինգ), զամենասուրբ՝ Երրորդութեանն եւ զհնգից զդայութեանց կատարեալ կենդանւոյ ցուցանէ խորհուրդս։ Եւ իննսուն որ է իննիցս տասն՝ զՔրիստոսի բնակելոյն ինն ամիս ի յորովայն սրբոյ Կուսին, եւ զինեակ հրեշտակաց, եւ զստիճանաւորացն եկեղեցւոյ՝ նշանակէ՝ խորհուրդս։ Այլ եւ՝ ցուցանէ զտասն երկինս եւ զտասնաբանեալ օրէնս, զտասն խորանս, եւ զտասն սոթրոգութիւնս, զտասն եղանակս ձայնից, զտասն հոլովս անուան, եւ զտասն զօրութիւնս հոգւոյն» եւ այլն։

Ահա թէ ինչպէս եւ ինչպիսի միջոցներով են մի դար առաջ աշխատել բարձրացնել Էջմիածնի անունը եւ կռուել օտար քարոզիչների դէմ։ Ինչ որ ասես՝ կայ այդ ներբողականի մէջ, բայց Էջմիածինը չկայ։ Արրահամ վարդապետը, որ իւր ժամանակի գլխաւորականներից մէկն է եղել, մինչեւ անգամ տաղեր է յօրինում Էջմիածնի համար եւ եղանակներն էլ նշանակում, թիւնչպէս պիտի երգեն։ Նոյնիսկ աղօթքներ էլ է գրում ուղղուած Էջմիածնին, եւ այս ամէնը Աստուածաշնչի խօսքերը ժողովելով եւ յարմարեցնելով Էջմիածնի վրայ։ Դա «գլխաւոր» տիրացութեան մի արդիւնք էր, որ դրանից աւելի բան չէր կարող արտադրել «ի փառս Մօրն Հաւատոյ»։ Դրժբախտաբար այդ անմտութիւններն էին գրաւում ժամանակի հասկացողներին։

Գրիգոր Գապասախալեան։ — Նոյնպիսի մի տիրացութեան արդիւնք է եւ Կեսարացի Գապասախալեան Գրիգոր դպրի «Ներգարանը», տպ. Կ. Պոլիս.

1803 թուին: Այդ մարդն եղել է ժամանակի ականաւոր երգիչը, ծանօթ արեւելեան եղանակներին եւ երաժշտութեան, եւ անպայման գործնական նըպատակի համար հրատարակել է իւր երգարանը, որի երեսին «չարագրեցեալ» է գրում, բայց ունի եւ մի երկրորդ մաս, որի երգերն իրենք չեն: Այստեղ ամենայն ինչ կայ, ե՛ւ թուրքերէն ու յունարեն երգեր իրենց թարգմանութիւններով, ե՛ւ աղօթքներ, ե՛ւ երաժշտութեան մասին: Իւր յօրինածն առաջին մասն է, որի տաղերի մեծ մասի համար նշանակած է թէ ինչ եղանակով պիտի երգուին. եղանակները թուրքական կամ արաբական են:

Մի կողմ թողնելով աղօթախառն երգերը՝ «Աղբերս աօ Ս. Հոգին Աստուած», «Առ Հայրն երկնաւոր», «Առ Մայրն երանութեան» եւ այլն, ինչպէս եւ բարոյակրթական երգերը՝ «Յեղ խրատօրէն» կոչուածները, մենք այստեղ տեսնում ենք, որ տաղասաց դպիրը սիրահար է բնութեան, դարնան, վարդի ու երգնակի (սոխակի), որոնց եւ վերաբերում են տաղերի խոշոր մասը: Բայց նա բնութիւն երգելով հանգեւած բնութիւն չի տեսնում. նրա երգած երկինքը երկինք չէ, այլ միջնադարեան երեւակայութեան երկինքը: Ահա թէ ինչպէս է սկսում նրա «Երգն ի վերայ երկնի»:

Ի յոջնչէ կացելոց.

Համաեղեալ գոյացելոց.

Նախարակիդրն՝ հանրիցնոցին.

Ի յԱստուծոյ դոյ ածելոց.

Կամարատես՝ մեծ շրջանակ.

Յոյժ աննրման՝ լայն բնդարձակ:

Եւ այսպէս, մինչեւ տների սկզբի տառերը կազմեն «Ի Գրիգորէ»: Երկինքը բանաստեղծի համար է դեռ մի «գերակայան», մի «բախճանական տեղ ցնծութեան յորում բարիքն երանութեան», մտքից ու խելքից վեր մի լուսաւոր տեղ, մի «անսին խորանայարկ», լայն բնդարձակ, ուր սրբերի հոյներն են կենում եւ տեղի է լուսնի եւ արեւի: Դա կրօնական հայեացքով երկինքն է, «Վերին Երուսաղէմը», որ եւ մի ուրիշ երգով դարձեալ դուրում է Գապասախալեանը: Շատ հասկանալի է, որ այսպիսի՝ երկինքը չպիտի տեսնէր բանաստեղծը եւ այդպիսի բնութիւնից ոչ մի տպաւորութիւն չստանալով՝ նրա երգն էլ բնութեան տրամադրութիւն չպիտի վարթեցնի:

Այսպէս եւ «գեղեցկատեսիլ յերեսս երկնի կարի ցանկալի, արծաթանման բոցաճաճանչ յոյժ զարմանալի» աստղերը նիւթ են դառնում ոտանաւորի ոչ իրենց թողած տպաւորութեամբ, այլ իրենց մասին եղած աւանդութիւններով, հաւատալիքներով ու անապաշտութիւններով: Այսպէս եւ օգը, երկիրը, ծովը դուրում է Գապասախալեանն առանձին երգերով, նա միայն Փիղիկիական եւ կրօնական աշխարհադրութիւն է գրում եւ ոչ թէ բանաստեղծութիւն:

Մեծ թուով երգեր ունի նուիրուած եւ վարդին ու երդնակին, որ սրան էլ հրապուրում են ինչպէս մեր միջնադարեան երգիչներին. բայց ոչ մէկի մէջ չի երեւում այն եռանդն ու կորովը, արտայայտութեան այն ուժը, որ ունին

Յովհաննէս Թլկուրանցին կամ Գրիգոր Աղթամարցին. չկայ ոչ մի նոր գեղեցիկ գիւտ խօսքի: Այստեղ էլ անշուշտ վարդն ու սոխակն իրենց սիրոյ տըխրութեամբ եւ ուրախութեամբ անբաժան են դարնան ծաղկալից, գեղեցիկ եղանակից: Այստեղ էլ վարդը բացւում է ու բուրում փայլելով. դարունը ծաղկում է. դաշտերը զարդարւում եւ ուրախանում են, գետերը հոսում, քամին փչում, Թռչունները կարկաչում քաղցրանուագ եւ վարդը կարիք է դրում, որ «զարմանատիպ» սիրահար սոխակը երգէ իրեն եւ կանչում է նրան, — եւ այս է ամէնը, ինչ որ Գրիգոր գպիրը հեղեղում է իր սիրոյ երգերի մէջ: Եւ այս ամէնը յօրինուած են հների փշրանքներով՝ միայն մի բարի նպատակով, որ հայերէն բառեր լինին յայտնի եղանակներն ասելու համար: Հետեւեալները Գաղաստխալեանի լաւագոյն երգերն են:

#### Ի ՎԱՐԴԵ ՅԵՐԳՆԱԿՆ

Արի՛, սէր իմ, արի՛ երգեա ցնծալի.  
Եղանակաւ՝ միշտ քաղցրաձայն բաղձալի.  
Ահա եհաս դարուն ծաղկեալ՝ սիրալի.  
Սիրտ վշտալի՝  
Ես վիրալի  
Վարանեալ.  
Եմ սգալի՝  
Միշտ խղճալի  
Ընկեցեալ:

Ողբերգական երգով եկ ձայն արձակեա.  
Ինձ լալադին եղանակաւ ձայնակցեա,  
Ձայն դուրի՝ երգ ցանկալի դու երգեա.  
Սիրտ վշտալի եւ այլն:

Լալով, ողբով, աղաղակաւ արտասուեմ.  
Չքնաղ ձայնիդ՝ քոյին ահա ըսպասեմ.  
Նովաւ յաւէտ՝ զովանալով հանդարտեմ.  
Սիրտ վշտալի եւ այլն:

(Սորա ձայնն է՝ ողբերգական՝ լո՛ւր սէր իմ:  
Պիւր կիտէրիմ՝ պիւր արտըմա պազարըմ):

#### ԱՌ ԵՐԳՆԱԿՆ

Արի՛ երգնակ դու ցանկալի,  
Շըքեղաձայն զարմանալի.  
Գեղեցիկ ես Թռչնոց համայնց,  
Երգեա սիրով միշտ ցնծալի.  
Գովելի, գովելի, գովելի, գովելի լի լի:  
Սիրով ցընծա՛ ոստոստելով  
Քաղցրիկ ձայնիւ երգակցելով.

Ձայն քո սիրուն զարմանալի

Արի երգեա երգ ցընծալի.

Գովելի եւ այլն:

Սիրակարկաջ դու պանծալի,

Ջարմանաձայն հիանալի.

Արժան բարի՝ երգ արկելոյ.

Երգեա՛, սէր իմ, միշտ սիրալի,

Գովելի եւ այլն:

Ուրախացեալ՝ ցընծա՛ սիրով.

Արի՛ փութով ձայնիւ երգով

Ահա է ժամ երգս առնելոյ,

Գարուն եհաս՝ հոտ բուրելով:

Գովելի եւ այլն:

Էլի՛ճ Ձայնիւ՝ ասէ սըմա:

Կէօրտիւմ պիր դօն՝ չէ յիրանայ:

Ղուկաս Իմնիմեան:— Նոյն անկենդան, կեանքից կտրուած և հետեւակ քանաստեղծութիւնն են անուամբ մինչեւ երեսնական թուականները նաեւ Վեներտիկի Մխիթարեանները: Առաջին մեծ ոտանաւոր դրողն է սրանց մէջ 18-րդ դարու վերջում Ղուկաս Իմնիմեանը (1758–1833): Ինճիճեան եւ բանաստեղծ, շատ տարօրինակ է, բայց Մխիթարեանների յատկութիւնն է այդ. նոյնն եղել է եւ Ալիշանը եւ ուրիշները: Բայց մինչ Ալիշանն իսկական բանաստեղծ է, Ինճիճեանը միայն հնախօս եւ աշխարհագրութիւն ու պատմութիւն գրող: Եւ եթէ ես այստեղ կարեւոր եմ համարում կանդ առնել դրա, ինչպէս եւ նախորդների վրայ, միայն նրա համար, որ պարզ լինի թէ ինչ վիճակի մէջ է եղել բանաստեղծութիւնը անցեալ դարու առաջին քառորդում:

Ինճիճեանը, հարկաւ, ոչնչով չէ տարբերուում իւր նախորդներից ու ժամանակակիցներից, բայց եթէ նրանով, որ ինքն աւելի կարդացած ու զարգացած մարդ է. ուստի աւելի իմաստալից է գրում: Նա իբրեւ քերթող հանդէս է գալիս 1794 թուին Վենետիկում տպուած «Ամարանոց Բիւզանդեան» գրքով, որ երկու մասից է կազմուած: Առաջին մասի մէջ, որ ունի վերնագիրս՝ «Ծանոթութիւնք աշխարհագրական ատհասարակ նեղուցին Կ. Պոլսոյ», նա տալիս է «ի մի հաւաքեալ համառօտիւ գրեթէ դամենայն կարեւոր եւ դերեւելի տեղեկութիւնս նեղուցին ի հին եւ ի նոր պատմութիւնս եւ զստորագրութիւն դրից նորա»: Այս աշխատանքը Ինճիճեանի հնասէր եւ փորձ գրչի արդիւնք է, որ այժմ եւս կարդացուած է իբրեւ բաղմաղան ծանոթութիւնների մի ժողովածու: Դա իւր ժամանակի համար մի գեղեցիկ ուղեցոյց է եղել Կ. Պոլսի: Բայց Ինճիճեանը գրանով միայն չի բաւականացել. կցել է եւ մի երկրորդ մաս բանաստեղծական՝ «Ամարանոց Բիւզանդեան», որի մէջ «ոտանաւոր չափամբ ստորագրեն ծափեղերեայ գիւղօրէջ նոյն նեղուցին», նախ եւրոպական ափը եւ ապա ասիականը:

Ինճիճեան բանաստեղծն այստեղ միեւնոյն վարդապետն է աշխարհա-

գրութիւն գրողն է: Չնայելով որ նա բնութեան գեղեցկութիւններն է նկարագրում եւ գովում, ուրեմն աշխարհական նիւթ է բանեցնում, բայց կրօնական նպատակի համար: Եթէ հին աստուածաբանները բնութեամբ Աստուծու գոյութիւնն էին ուզում ապացուցանել, հնախօս կրօնաւորն այս գրութեամբ շարունակ զգալ է տալիս Աստուծու մատը բնութեան մէջ եւ բնութեան գովեստը շուռ է տալիս եւ դարձնում փառաբանութիւն Աստուծու: Վարդապետը բնաւ չի ուրանում ինքն իրեն. ուստի կարեւոր է համարում մի երկրորդ երգ եւս գրել, որի մէջ խրատներ է կարդում բիւզանդացիներին արծաթսիրութեան, անձնասիրութեան, աշխարհասիրութեան ու փառասիրութեան մասին: Եւ այսպէս նա տաղաչափում է մի «նախերգանքից» ու երկու երգից» կաղմուած բանաստեղծութիւն, մօտ երեք հազար տող, քառեակներով աների բաժանուած, բոլորը 10-վանկանի տողեր՝ միայն իմ յանգով: Նա նորոգում է Շնորհալու ժամանակի ճաշակը յանգերի վերաբերութեամբ, որ նոյնիսկ Կոմիտաս քահանային զիւր չէր եկել:

Ինճիճեանը հարկաւ բանաստեղծութիւն չէ անում: Այս ահագին զանգուած տողերի մէջ շատ քիչ քառեակներ են պատահում, որոնք զգացում ունին. բանաստեղծութեան փոխանակ ճարտասանութիւնն է բռնում. առանց գործողութեան միակերպ սառն նկարագիր է: Բնութիւնը չի կենդանացնում բնթերցողին, որովհետեւ ինքը հեղինակն էլ, թէպէտ ազդուած է երեւում Բիւզանդիոնի գեղեցիկ տեսարաններից, ուր ծով, լեռ, հովիտ, դաշտ ու անտառ միացած են, բայց չի կենդանացնում իւր երեւակայութեան մէջ այդ բնութիւնը: Եւ հետեւանքը այն է լինում, որ հեղինակն իւր աշխատութեան այս մասի մէջ եւս՝ աւելի իւր տեղադրական եւ հնադրական հմտութիւնն է ցոյց տալիս, քան թէ բնութեան առաջացրած տրամադրութիւնը: Առաջին երգն ամբողջ մի ոտանաւորով աշխարհագրութիւն է. իսկ երկրորդ երգը մի հասարակ խրատ: Ժամանակի պահանջն է այդպէս ոտանաւոր չինել մի նիւթ, որի համար ոտանաւոր պէտք չէ: Այսպէս է, օրինակ, եւ Մկրտիչ Աւգերեանի (1762-1854), մեծ բառարան կաղմողի «Բան գործնական» (1812 թ.), որ է զբաբար ոտանաւորով մի «կրթութիւն չորս բարոյական առաքինութեանց վրայ», եւ կամ Ման. Ջախջախեանի Արուեստ աստուածսիրութեան» խրատականը (1819 թ.):

Բայց չնայելով այս ամէնին՝ Ինճիճեանի գրութեամբը իւր ժամանակին իւր տեսակի մէջ մի նորութիւն է եւ մի քայլ առաջ է տանում մեր բանաստեղծութիւնը: Նորութիւնը նիւթի բնորոշութիւնն է. այն՝ որ Ինճիճեանը ցոյց է տալիս, թէ բացի կրօնականից, «խրատօրէն երգերից», էջմիածնի ներբողեանից եւ վարնան վարդ ու սոխակից՝ ոտանաւորի նիւթ կարելի է դարձնել եւ բնութիւնը, երգել բնութեան տեսարանները, կամ, ինչպէս ինքն է ասում, կենդանադրել Արարչի այդ գեղեցկագիր գործը, «կրկին նորոգել բնութեան ստեղծուածը»: Նա իւր երկի սկզբում, ինչպէս հներն անում էին, զիմում է «զուարթուն ոգուն», որ սովորեցնէ իրեն «զգու նիւթական յաննիւթ գով բանին» հեղուլ, բայց դժբախտաբար զուարթուն ոգին օգնութեան չէ հասնում եւ Ինճիճեանի միայն նպատակն է գովելի մնում:

Այս շրջանում անարժէք ոտանաւորներ են չինում եւ միւս Միխիթար-

եան քերթողները՝ Աւետիքեան, Ջախջախեան, Թոմաճեան եւ նոյնիսկ Բագրատունի, որոնց բանաստեղծութիւնները բաւական ուշ, 1852 եւ 1853 թ.թ. ամփոփուած են երկու հատորի մէջ՝ «Տաղք Մխիթարեան վարդապետաց»։ Երրորդ հատորը, հրատար. 1854 թ., իւր մէջ՝ ունի Յդուարդ Հիւրմիւղի (1799-1876) տաղերը, որ սակայն ես նկատի չունիմ՝ ձեռի տակ չունենալով։

Գարրիէլ Աւետիքեան։— Գարրիէլ Աւետիքեանի (1751-1827) վեց երգերից իսկական բանաստեղծութեան հոտ բուրում է միայն «Մօրն սրբոյն Ալեքսիանոսի եղերերդը», եւ հենց այդ պատճառով կասկածելի է թուում թէ արդեօք որդեկորոյս մօր այդ սրտառուչ ոգրը մի թարգմանութիւն կամ նմանութիւն չէ՞ որեւէ եւրոպացի բանաստեղծի։ Միւս երգերը՝ Տրդատի, Շուշանի, Գարեգին Սրուանձտեանի, Վարդանի ու Վահանի վրայ դրած տաղեր են, բոլորը կրօնական բովանդակութեամբ։

Մանուէլ Ջախջախեան։— Աւետիքեանի ոտանաւորներից շատ աւելի բարձր չեն Մանուէլ Ջախջախեանի (1770-1835) քերթուածները։ Այդ ոտանաւորների արժէքը իմանալու համար հարկաւոր է իմանալ թէ ինչպէս են յօրինուել դրանց մեծ մասը։ Մխիթարեանների այս մեծ սերնդի մէջ մի տարօրինակ դրական սովորութիւն է եղել. նրանք զուարճացել են ոտքերով ու յանգերով եւ ոտանաւոր գրելով՝ իրար հետ հանաքներ են տրել։ Զբաղուած լինելով ուրիշ դրական ծանր աշխատանքներով՝ բառարան գրելով, թարգմանութիւններ անելով եւ այլն, մէկ մէկ էլ պէտք են զգացել հանգստանալու եւ իրենց հանգստութիւնը գտել են քերթողութեան մէջ։ Բայց քերթողութիւն ի՞նչ տեսակի։ Ինչպէս հին աշուղները իրար հետ բաս մանլիս՝ միմեանց առեղծուածներ էին առաջարկում. յանդեր ու ոտքեր տալով, եւ մրցակիցը պէտք է իւր ոտիս պատասխանը տար առաջարկուած յանգերով ու ոտքերով, ճիշդ նոյն ձեւով իրար հետ մրցում են եւ Մխիթարեան ընկեր քերթողները։ Իրենց բառով ասեմ, նրանք յօրինում են «բռնայանգ» եւ «բռնակարգ» ոտանաւորներ։ «Յորժամ տացի բանաստեղծին նիւթ ինչ հանդերձ յանգական բառիւք, եւ ըստ այնմ պահանջեսցի դտաղն, կամ թէ քերթալն ինքնին՝ այլոյ ուրուք տաղի յանգաւոր բայիւք եւ չափովք յօրինեսցէ ինչ կամ դարձուցէ նմին պատասխանի, այս ազգ քերթուածաց կոչի բռնայանգ»։ Նիւթը եւ յանգն ու չափն ուրեմն տալիս են քերթողին եւ պատուիրում նրան, որ բանաստեղծ է եւ նա բանաստեղծում է «բռնայանգեր»։ Բայց այս դեռ քիչ է. այստեղ քերթողն երեւի ազատ է դեռ տրուած յանգական բառերը դասաւորելու մէջ. բայց «եթէ որով առեալն իցէ կարգաւ զծայրայանգ յայնսն՝ անփոփոխ նովին իւրումն անստերիւր պահեսցի տաղի, ասի յայնժամ եւ բռնակարգ»։ Ահա՛ թէ ինչով են զուարճանում այս քերթողները. նրանք «բռնադբօս» յանգեր են չարժում։

Այսպէս Առան Սիսակեանը, այսինքն Արսէն Բագրատունին 1825 թուին առաջարկում է Վահրամ Ռուբինեանին, այսինքն Ջախջախեանին (Մխիթարեան քերթողներն աշուղների պէս իրենց կեղծ անուններն ունին)՝ գրել մի բռնայանգ եւ բռնակարգ ոտանաւոր հենց իրեն Ջախջախեանի այդ տեսակի քերթողութեան վրայ, ընդամէնը չորս տուն 15-վանկանի տողերով. առաջին տան յանգերը պիտի կազմեն լայնալիմ մախիմ, խիմ, կապիմ բառերը. երկրորդինը՝ բարեբար, կամար, չար, անդադար. երրորդինը՝ մպառաղ, ախոր-

ժակ, օրինակ, ժամանակ. իսկ չորրորդինը՝ կենաց, հիւսեաց, բարեաց, ի բաց: Եւ Զախջախեանը զրուժ է այդ ոտանաւորը (Տաղք. Բ. 89): Զարմանալ պէտք է, թէ ինչպէս նա այսպիսի բռնազրօսութեամբ դեռ կարողանում է իմաստ դնել իւր ոտանաւորի մէջ: Բազրատունին ինքն էլ ապա նոյն յանդերով պատասխան է զրուժ Զախջախեանի ոտանաւորին (Տաղք Ա. 143): Եւ այդ դեռ բաւական չէ, Զախջախեանը նորից ուրիշ ոտանաւորով, նոյն յանդերով պատասխանում է Բազրատունուն, եւ սիրահարուելով այդ յանդերին՝ դարձեալ ուրիշ երկու ոտանաւոր էլ է զրուժ «Յուսով խարիմք» եւ «Յամենայնի խոհեմութիւն»: Եւ այդ անում է նա մեծ սիրով եւ պարծանքով.

Եթէ զիպուած բռնազրօսիկ ինձ կարկառէ նպատակ,  
Իմ մեղուօրէն ճախրէ զնովաւ քերթողական ախորժակ —

Զախջախեանը վարպետն է այս կարգի ոտանաւորներին. ունի մօտ յիսուն այսպիսի քերթուած. նրա ոտանաւորներին մէջ բազմաթիւ են եւ այնպիսիները, որոնք միեւնոյն յանդերով են կազմուած, ինչպէս՝ 19 քերթուած միեւնոյն մեհեանդե—դահաւանդե, երթեւեկեւ տաբեկ եւ այլն յանդերով (Բ. 68—82):

Ասիլ չի ուզիլ, որ այսպիսի ոտանաւորները լոկ մեքենայական արդիւնք են մի տեսակ սրամտութեան. բանաստեղծութիւն որոնել այդտեղ կարելի չէ. քերթողին տրուած է յանդ եւ ասում է զովիւր յոյներին եւ նա զրուժ է «Գովեստ յունաց» (Բ. 62):

Զելլենական զարմիցն ըզպիրն  
Առնում զովել նիւթ ոչ ըստերջ:  
Վարժեաց ուսմամբ մեծըն Սոզոն  
Զազգ սովորեալ յանդորձ գոգօն.  
Զորսըդ ձրկանց եւ զխեչափառ  
Իմաստութեամբ լից լուսափառ.  
Եւ որք վարժեալ քաղել զհօրոտ,  
Զարեսական ուսան գորոտ: Եւ այլն:

Բայց նոյն քերթողը նոյն յանդերով եւ հակառակն է զրուժ՝ «Պարսառ Յունաց»:

Աղբ պանծալի երբեմն պերն,  
Ամենայնիւ կաս արդ ըստերջ.  
Եւ զոր ուսոյց թողէս, Սոզոն,  
Եգիպտական էր այն գոգօն:  
Արհեստ քո արդ է զխեչափառ  
Կամ ձուկն որսալ լուսնոյն ի վառ.  
Հեռի ի քէն նախնին որոտ,  
Թութ քաղեսջիւր տնկեա հօրոտ: Եւ այլն:



Ապա նոյն բանաստեղծը գլջում է իւր վերջին գրուածքի վրայ եւ նոյն  
յանդերով գրում է «Զեղջ ընդ պարսաւին Յունաց» .

Թէ աղբն Հելլէն երբեմն ըզգօն եւ գինուք պերմ  
Այդ յիմաստից յամենայն բարեաց ըստերջ ,  
Մի զարմանար , ծնցի կրկին Լիկուրդ Սողոմ .  
Թողցեն դարձեալ համակեալ կան ի գոգօն :  
Ի նըւաղիլ լուսոյն ծիւրի եւ խեչալառ .  
Եւ պատարի յորժամ լուսինն լուսալառ .  
Եւ երբ թխալին երկինք հողմուտ յամպրոպ յորոտ ,  
Եւ գեղեցիկն ի դաշտ տապաստ դընի հօրոտ : Եւ այլն :

Ի՞նչ կարելի է ասել այս տղայամիտ խաղերի համար , որ անում են  
Վենետիկեան քերթողներն իրենց հասուն տարիքում , եւ որ սահմանուած են  
միայն ընկերներին զուարճացնելու համար :

Առեր ահա՛ զոր ինձ ետուր յանդ ի վրսեր ,  
Խնդրուածոյդ մի՛ անխող գիտ դու ասեր .  
Թէ քաղցրասցի երգս անպաճոյճ քան ըզհանուրց ,  
Յետ կարգալոյդ արկ ի մախաղդ եւ կամ քուրճ :

Եւ իսկապէս , «քուրճ ձգելու» բաներ են դրանք : Եւ բանաստեղծներն  
իրենք եւս , նոյն ինքն Զախճախեանը մեծ բան չեն համարում այս տաղերը .

Գիտեմք անշուշտ նիւթեալս աւիշկ չէ ինչ ախորժ յօրինակ ,  
Եւ ո՞ գիտէ վարձահատո՞յց լիցի ներող ժամանակ :  
Ոչ չուք անձանց այլ դիւրութիւն միայն խնդրեմք մեր կենաց .  
Ոչ թէ պըսակ զոր բաղդն ագահ հէգ քերթողին ոչ հիւսեաց .  
Բանդեալն եռմոս թէ մըմնջէ ա՞կն ունիցի ինչ բարեաց .  
Իմ , Սիսակեան , լուր նըւագիս . թէ չախորժես կաց ի բաց :

Այս «բանտեալ եռմոսները» , չղթայտկապ տաղերը , շատ բան չեն  
տալիս մեր մտքին , եւ ոչինչ մեր զգացումին : Այդ տաղերի մէջ Մխիթա-  
րեան քերթողները զբաղւում են իրենց առանձին խնդրներով , ընկերական  
կեանքի մանր վէպներով . ոտանաւորով գովում են միմեանց , կարծես մի  
տեսակ սիրահարուած են մէկմէկու եւ իրար կրթել ու խրատել են ուզում :  
Նրանք փակուած իրենց վանական պատերի մէջ՝ իրենցից , իրենց զբաղան  
աշխատանքներից , իրենց բառախաղերից դուրս աշխարհ դրեթէ չեն տես-  
նում : Եւ այս ամէնը երգւում է ներդաշնակ , երաժշտական ոտքերով , լիա-  
հնչիւն յանգերով , մի խօսքով հիանալի տաղաչափութեամբ , բայց աւա՛ղ ,  
միայն այդքան : Մարդ ցաւում է որ այդ գեղեցիկ տողերը , լիքը յանդերը  
չունին լի եւ հարուստ բովանդակութիւն . որ այդ ներդաշնակ տողերից չի  
կազմւում եւ ներդաշնակ միութիւն յօրինուածքի . այլ միայն կցկտուր , յա-  
ճախ անյարիր շարուածքներ են առաջ գալիս , լաւագոյն դէպքում հատ հատ  
առաձանման , իմաստալից խօսքերով , որոնց վրայ դռնէ մէկ մէկ հանգչում  
է կարդացողի ծանրացած միտքը :

Բարոյական գաղափարները, որ Ջախջախեանը դնում է իւր «բռնա-  
յանդ» եւ ոչ «բռնայանդ» ոտանաւորներին մէջ, շատ սովորական վարդապե-  
տական քարոզներ են, բոլորն ընդհանուր բնաւորութեամբ: Աստուած իւր  
գերազոյն իմաստութեամբ մարդկանց վիճակը պէս պէս է ստեղծել, որպէս-  
զի հնարաւոր լինի աշխարհում ապրել. ուստի մարդ չպիտի դժգոհի իւր վի-  
ճակից. որովհետեւ

Եթէ անցնիւր ոսկի թաղից էր տրժանի,  
Ի քոյդ փարախ կամ յաղօրիս ո՞ տարժանի:  
Կամ թէ գեղջուկ քո պէս մրէ անպէտ քարտէզ  
Ո՞ր բուհ յայնժամ ըղքոյդ հեշտին բըրէր պարտէզ:

Մի հին գաղափար, որ զբաղեցրել է մեր վարդապետներին, այն է թէ  
աշխարհում անպէտք բան չկայ. աստուածային տեսչութեամբ, որ չպէտք է  
ուրանալ, ամենայն ինչ որոշ նպատակի համար է ստեղծուած.

Ոչ թօնք անպէտք եւ ոչ երաշտ,  
Ոչ առիւծուց ոչ վագերց վաշտ...  
Ոչ անպիտան տեսցես դու գիժ,  
Եթէ յաջացդ առցես զբիժ...

Աշխարհի մէջ ամենաբարձր բանը, որ արժանի է երգչին կիթառին՝ է  
առաքինութիւնը միջնադարեան քրիստոնէական կրօնական իմաստով: Առա-  
քինի է նա, որ «ճարտարապէս ընդոտնէ զընդդիմակից մարմին հետ», որին  
չեն դրաւում աշխարհի փառք ու պատիւը, ճոխութիւնը, ոչ քաջութեան ա-  
նունը, ոչ աշխարհի սէրը, որ յաղթում է կրքերին եւ որի ուշ ու միտքը  
միշտ Աստուծուն է ուղղուած.

Երբ նստի յառուտի, եւ կամ կողմանի ի ծաղկեայ պարտէզ  
Շիթք շիւղք ամենայն զԱստուած նկարեն իբրեւ ի քարտէզ:

Ունեցածով գոհանալ, հոգ չտանել աշխարհում գանձ ժողովելու, որ  
մարդուս համար ցեց է: Թէպէտեւ ուսումնականներին չեն յարգում մեր ազ-  
գի մէջ, բայց միշտ պէտք է աշխատել, աշխատութիւնն ամէն բանի կը յաղթէ.

Վաստակը չըքելը՝ իմ ժառանգ յաւերժակից պայազատ,  
Անմահութիւն քանդակեալ նահատակիս ի ճակատ,—

Ահա՛ Միլիթարեան կուսակրօնի միլիթարութիւնը իւր մենաւոր կեանքի  
մէջ: Ամէն բանում խոհեմութիւն է հարկաւոր եւ քաջ մտածողութիւն.

Թէ ոչ կըշռէ ահլն դիտող,  
Ինչ որ արժէ ձիգ լայնալիճ.  
Թէ ոչ ըզժամ գիտէ որսող,  
Չարժեն եւ խուռն հաւք ի ճահիճ:

Այս նիւթերի վրայ պիտի աւելացնել եւ այն, որ տաղերգութեան

առարկայ են դառնում Զախճախեանի համար նաեւ կրօնական բաներ— Աստուածածնի ծնունդ, Փրկչի ծնունդ, սրբեր եւ այլն, ապա բուն Մխիթարեան ընտանեկան կեանքի դէպքեր, ուղերձներ, ձօներ՝ ուղղուած այցելուներին. իրենց «աստուածապատիւ» հոգեւոր տիրոջը, աթոռակալներին, նորընծաներին, «ի հանդէս ընդունելութեան վարդապետական դաւազանի երկուց նորընծայ վարդապետաց», «ի հանդէս սքեմառութեան», «ի հանդէս ուխտագրութեան» եւ այլն. բոլորը միայն Մխիթարեաններին, այն էլ միայն ժամանակակից Մխիթարեաններին հետաքրքրող բաներ, զուտ Մխիթարեան «հայրենասիրութեամբ» գրուած:

Ընդհանուր հայ ազգայինը, հայ ազգային վիճակը, խնդիրները չեն հետաքրքրում Զախճախեանին, եթէ այդ խնդիրների մէջ չուզենանք դնել լեզուի այն երկար դովեստը — «ի վերայ լեզուի բան», որի մէջ սակայն հայ լեզուի մասին չէ խօսուում, այլ ընդհանրապէս լեզուի: Նոյնպէս «ի պարսաւադիրս նախնեաց երգիծարանութեան» մէջ մարդ սպասում է գտնել դովեստ հայ նախնիների, բայց այդ խոշոր, բոլորը Կր յանգով կազմուած քերթուածի մէջ այն միտքն է յայտնուում, թէ ամենայն բան, որով ներկայ դարը պարճենում է, իւր սկիզբն ունի հին դարի մէջ, եւ միայն ի միջի այլոց հետեւեալ միամիտ ազգային սնափառութեան տողերն են մէջ դաւիս.

Երբ Յոյնն ի դաշտ՝ մեր ցրտահար  
Ընդ վայրասուն ցիռ եւ իշեար,  
Եւ կամ որսայր զանգօր ճապար,  
Եւ բուտ քաղէր կաղին եւ խար,  
Հայկ նախահաւ գիրապարար  
Յատոր ցորեան եւ ի յաշար,  
Ձեռնոյր թիկունք յիւր ի քովթար  
Եւ ի սամոյրն ի յոսկեկար...  
Բամբիչն Հայոց էր ի ժանուար,  
Աշխոյժ մանկտին քաջ ձրավար...

Բանաստեղծութեան նիւթ դառնում են եւ գրքերի տպագրութիւնը, ի միջի այլոց Խորենացու տպագրութիւնն եւս ողբերգի է այս քերթողին. եւ պէտք է խոստովանել, թէպէտ եւ դարձեալ «բռնաշնչ», բայց լաւազոյն տողերն է ներշնչել նրան.

Երգել խնդրես զանչուք Խորնի  
Որ առ ինեւ պերճ քան զԱնի,  
Որ զԱրամեան դարմ եւ համբաւ  
Պայծառացոյց ի շուք անբաւ:  
Այո՛ հնչեմ կերկեր ի փող  
Քերթողահօր իմում ներբող,  
Որ զիմս երգէ դիւցազունն Հայկ  
Տոհմիս որդւոց արեւ եւ այգ.  
Որ ինձ վիպէ դքսն Արամ  
Հիւսեալ նմին հիւսք անթառամ:

Ֆարենշան մեզ այս տարի,  
Որ յիւր եղիտ բաղուկ արի,  
Ձնորայն կանգնել արձան արդար  
Ի տիպ աչաց դորժոց տիպար,  
Տալ յընթերցուած ազդին Հայոց  
Ձորս են ի փառս եւ զոր ի խոց,  
Ձոր նայն սուկեաց քաղցր ի յառաջ,  
Եւ կնքեաց յողբ ու ի թառաջ:

Պէտք է կարծել թէ Խորենացու Ողբը գոնէ պիտի ազդէր քերթողին, եւ նա այստեղ պիտի բարձրանար ընդհանուր ազգային վիճակին եւ իսկական Հայրենասէր դառնար. բայց ոչ: Նա սղբում է միայն Հայոց ձեռագիրներ ի կորուստը, մնացածն անտարբեր է նրա համար.

Ինձ դի՞ պիտին կոթողքդ եւ սիւն,  
Ձոր հուր վատնեաց ներկեաց արիւն.  
Ինձ առիմէ՞ խոյր քո եւ բարձ,  
Ձոր աջ անդուլթ վաղուց երարձ...

Կամ նոյն յանգերով եւ նոյն խնդրի մասին գրած երկրորդ բանաստեղծութեան մէջ.

Ոչ դամբարտակս եւ ոչ զսիւն  
Ողբամ յարտօսր ողջամբ արիւն:  
Ձոր բաղդ Յոնեաց՝ բաղդն եւ երարձ,  
Ձթազ ազդիս զգահն եւ զբարձ:

Եւ այսպէս, «Աստուած տուաւ եւ Աստուած առաւ», ուրեմն «Աստուծով մխիթարուիս»: Եւ այս «Աստուծով մխիթարուիսը» այն աստիճանի դեռ իշխում է, որ տեղ է դրել նոյնիսկ սգաւոր «Ոգի Հայաստանի» պատկերի տակ, որ երեւի առաջին անգամ այս մեծ Մխիթարեաններից մտածուած եւ զետեղուած է Խորենացու այս 1828 թուի տպագրութեան վերջում: Ահա՛ թէ ինչպէս է հնչում Ձախջախեանի այդ ոտանաւորը՝ «Արձանագիր առ ոգին եւ զերերգակ ընդ կործանումն Հայկազեան զահու».

Ողիդ վսեմ, զթագն եւ զբարձ  
Թէ ինձ ողբաս զոր բաղդն երարձ,  
Մի՛ լար. բաղդին բարքն են անդարձ:  
Թէ զբարձման սըղաս դու խանձ,  
Լա՛ց, ա՛ռ եւ դիմ արտօսր անսանձ.  
Ո՛հ, լա՛մ ըղձեզ հեռ եւ նախանձ:

Մինչ Խորենացու սրտից արիւն է կաթում, երբ յիշում է գահի անկումը, 19-րդ դարու ուսեալ վարդապետը, Յունաստանի ազատութեան օրերում նրա ողբի տակ ասում է. «Մի՛ լար. բաղդին բարքն են անդարձ»: Բայց եւ նոյն վարդապետը լալիս է եւ լացի հրաւիրում, որ այդ անկման պատճառն են եղել «հեռ եւ նախանձը»: Եւ ուրիշ բան էլ սպասել կարելի

չէր մի կրօնաւորից, որի համար բանաստեղծութեան գլխաւոր նիւթը ընդհանուր բարոյական խրատն է կազմում: Ահա թէ ինչ է ասում նա այս մասին մի բռնայանդ, բայց գեղեցիկ տողերով հարուստ քերթուածի մէջ՝ «Մուսայն առ Արամեան քերթողս».

Նիւթ քերթածաց նախ եղիցի ձեզ Արամազդ,  
Գործք եղիւսեանց եւ ուղղութիւնք հանճարիմաստ.  
Ոոտումն ախտից եւ կրթութիւնք մտաց հրահանգ»...

Անշուշտ, անմարմին վերացական բարոյականը չէ, որ երգի նիւթ դառնալով պիտի կարողանար «զանհագնեղակն ի յԱրամեանց ջնջել արատ», ինչպէս ցանկանում է Ջախջախեանը վերոյիշեալ երգի մէջ, այլ բուն ազգային կեանքը, մարդու թրթռուն սիրտը: Եւ այն, ինչ որ Ջախջախեանը խորատներ կարգալով ուղղում է հայ բանաստեղծներին, դրանով իսկապէս իւր եւ իւր ընկերների երկերն է բնորոշում.

Առ ի՞նչ չարժիք դուք գերկնուղէչ սօս եւ նոճի  
Առ սիւք հողմոց, քէ բանիցդ յերգ՝ սիրտ ոչ փօփի:  
Կամ թէ քերդողն ամեհացեալ դերգ սէդ առիւծ,  
Բաշ ծածանէ՝ ծեծէ դձեռ, բայց սիրտն է հիւծ.  
Կամ թէ սրալար աստ անդ սուրայ իրբեւ թռչուն,  
Զբռնի մոռանայ եւ ոչ գիտէ ո՞ւր իցէ չուն...  
Են եւ քերդողք երկայնաթռիչք քան զՄասիս,  
Յորոց ճախրել թէ եւ պչնուս՝ խոնջեալ կասիս:

Մեր «սիրտը չի ճօճում» այդ «երկայնաթռիչք բանաստեղծութիւնից, ու «խոնջացած ետ ենք կասում», որովհետեւ գրուածքի «սիրտն է հիւծ» եւ որովհետեւ բանաստեղծը իւր «բոյնը մոռանում է», բայց բոյնը ոչ այն վերի տողերի իմաստով: Բանաստեղծութեան բոյնը ժողովուրդն ու իրական կեանքն է, որ չունի Ջախջախեանը: Նրա ամբողջ բանաստեղծութեան մէջ միայն «ի սուրբ Վարդանաւս» բռնայանդում, գրուած 1828 թուին, հետեւեալ տողերն են գտնուում ժամանակակից կեանքի մասին.

Նըստի մչակ ընդ հովանեաւ ի բարտի  
Լայ զիւր վաստակ ծածկէ զլալիս զոր պարտի.  
Հայի ի քիրտն յամարայնի՝ և ի դարուն,  
Ոչ իւր մընայ մեղուացն անմեղ գունդ պարուն:  
Զհօտ իւր խըլէ Մար յուղիահար շոյտ ի քայլ.  
Ոչ թէ ըզմին որպէս ներսը քան զայն դայլ:

Ահա թէ ի՞նչը պիտի լինէր մեր բանաստեղծութեան «բոյնը», որ վերջում միայն գտել է Ջախջախեանը, բայց դժբախտաբար այն ժամանակ, երբ արդէն ուշ էր: Բայց նա մեր ապագայ բանաստեղծութեան այդ նիւթը գտել է կիսատ. նա շատ չափաւոր է իւր տենչանքների մէջ: Վարդանանց դործքը գովելով Եղիշէի նմանողութեամբ, նա խնդրում է.

Սո՛ւր Վարդանանք, զայս երգ ձօնէ իմ գուսան  
 Ընդ փունջ ծաղկանց որ յարենէ ձեր բուսան.  
 Վարձ ոչ հայցեմ դահ Պահլաւկաց հաւասար,  
 Ոչ զԱրծրունեաց զոր հիմնարկեաց Սանասար: ...  
 Դարձցի մաղթեմ անդրէն Մասիս եւ Մարանդ,  
 Կանդնել ձեզ սուրբ տաճար ի կորդ ի մարմանդ: ...

Եւ այս հասկանալի է մի բանաստեղծի համար, որ մի քիչ վերելում  
 Մուսային Այրարատ հրաւիրելով՝ խնդրում է

Ոչ զԱրամեան երգածայնել ինձ բաղդ յոյր  
 Զքաջահաղթ նախապըսակ կամ Պարոյր.  
 Եւ ոչ զարին վիշապայաղթ դոռ Տիգրան,  
 Շամփրեալ ըզթոք ի նիղակին սուր ճիրան:  
 Այլ Վարդանանց արեան զոր հեղ գոռ Սասան,  
 Լեր դրուագօք բարձրածայնիւք վիպասան: ...  
 Ո՛վ երջանիկ սրբոյ գարուն գերդաստան,  
 Ի դա պանծա՛ ի դա ողո՛րմ Հայաստան.  
 Ոչ թէ ի Հայկ ոչ ի Տիգրան կամ յԱրայ,  
 Ոչ եւ բերրի դաշտ զոր ցանեաց քեզ Շարայ:

Հեռո՛ւ ուրեմն ամենայն ինչ որ աշխարհական է. հեռո՛ւ հայրենի աշ-  
 խարհ եւ քաղաքական կեանք, եւ դեռ սրբեր ու սրբեր միայն:

Վերջում յիշենք եւ այս, որ 1789, 1804 եւ 1815 թուերին գրուած երեք  
 քերթուածներ կան, — «Նուագ յաղթութեան ի հանդէս մենամարտութեան  
 Որատեանց, Ողբերգեալ ի թատեր Մխիթարեանց», «Ի նենգախոշոչ մահ  
 Խորովայ Մեծի յաւարտ ողբերգութեանն եղբերդ», «Ի թատերական ող-  
 բերգութեան Երուանդայ Հայոց արքայի»: Սրանցից յայտնի էր լինում, որ  
 18-րդ դարու վերջերում արդէն Մխիթարեանց [կողմից] հայերէն ներկայա-  
 ցումներ են տրուած, եւ երեւի Զախջախեանը հայերէն, ի հարկէ, գրաբար,  
 պիէսներ է գրել պատմական բովանդակութեամբ: Նոյնպէս Թոմաճեանի  
 քերթուածների մէջ կան երկու երգ «Յողբերգութենէ սրբոյն Աբղլմսեհի»,  
 գրած 1802 թուին:

Եղիա Թոմաճեան:— Եղիա Թոմաճեանի (1777—1848) մեծ վաստակը  
 մեր գրականութեան համար է՝ Հոմերոսի Իլիականի եւ Ոդիսականի թարգ-  
 մանութիւնը. իբրեւ ինքնուրոյն բանաստեղծ սակաւաթիւ քերթուածներ ու-  
 նի եւ շատ անշան է, թէպէտեւ Զախջախեանի չափ բռնայանգեր չի կաղ-  
 մում: Այդպիսիներն ընդամէնն երկու են թուով՝ «Յարկածս իւր ողբ եկեղեց-  
 ւոյն Հայաստանեայց», մի հին նիւթ, որ սա էլ դնում է իւր բռնադրօս յան-  
 գերի մէջ, ապա «Առ Հայաստան խրախոյս ի պարտութիւն Տուղրիլայ  
 ի Մանազկերտ»: Այս վերջին նիւթը նոյն յանգերով եւ յանգերի նոյն  
 դասաւորութեամբ երգել է նոյն 1828 թուին եւ Արսէն Բաղրատունին,  
 երեւի մրցելով Թոմաճեանի հետ: Տուղրիլի այդ պարտութիւնը Մանազ-  
 կերտի մօտ, որ ոչ մի առանձին նշանակութիւն չի ունեցել թուրքերի  
 յառաջխաղացման շարժման համար եւ բնաւ չի ազդել Հայաստանի բախտի

վրայ, անչափ ոգեւորում է այս երկուսին եւս անշուշտ միայն այն պատճառով, որ «բռնայանգ եւ բռնակարգ» ոտանաւոր են գրում, այսինքն նիւթն եւ յանգերը տուողը պատուիրել է նրանց ոգեւորուել այդ նիւթով եւ խոշորացնել այդ դէպքը: Եւ այսպէս վարուել են մեր քերթողները: Բազրատունու քերթուածը՝ «Հայաստան առ Խուժաստան ի Մանազկերտ» անպայման շատ աւելի բարձր է քան Թումանեանինը, իւր թափով ու ուժգնութեամբ, որ առաջանում է սակայն ոչ թէ նիւթից, այլ զօրեղ խօսքերից: Բերենք մի մի հատուած երկսից եւս:

Գլուխ տարւոյդ հաս նաւասարդ,  
 Վառեա՛ց հայկազն ի զէն ի զարդ.  
 Հաստահարուստ իբրեւ բարտի,  
 Ճօճեա զտէգդ որպէս պարտի:  
 Թաղիդ, բարէ, եհաս դարուն.  
 Դու յարքայից անց ի պարուն:  
 Քո երկնաճեմ սար ի Մասիս.  
 Ահ արկանել ազգաց կասի՞ս.  
 Ձի ցնծասցէ քաջն իմ Արամ,  
 Եւ մանկըտոյն նորուն երամ:  
 Օ՛չ լիասցին իբրեւ Շարայ,  
 Իցի՛ւ առլէզը կանգնեն զԱրայ.  
 Ձի գող մեղուդ Տուղրիլըն բոռ,  
 Տապաստ մեղուացն անկցի ի գոռ:  
 Եւ դու ըզթագդ առցես, Թորգոմ,  
 Ճաճանչ հատցէ շիջեալըդ մոմ.  
 Դո՛ւ բարձրասցիս դեղով նոճի,  
 Որ ի դեփիւռ անուշ ճօճի: Եւ այլն:

Իսկ Բազրատունին գրում է.

Ի զալ ամսոյն մեր նաւասարդ  
 Ձգեցան ազինք զինուց ըզգարդ,  
 Բարձրացաւ բախտ մեր զերդ բարտի,  
 Գունդ թշնամեաց մերոց պարտի:  
 Իբր այժեմանց հոյլք ի զարուն  
 Խայտան Հայոց կոյսք ի պարուն,  
 Եւ ի բոլորըս քո, Մասիս,  
 Որ հովանի ոչ պակասիս,  
 Խոնեալ կաքաւ կայթէ Արամ  
 Որդւովք իւրովք երամ երամ:  
 Առատութիւն դայ քեզ, Շարայ,  
 Ձիք Շամիրամ Դըժբախտ Արայ.  
 Հալածեցան իբրեւ ըզբոռ  
 Ի ծուխ ցամառ մարտկացըս գոռ:

Նիստ կեր զմեղըր քո, Թորգոմ,  
Ձախ աստեղաց վառեա քեզ մոմ:  
Ի բաց կացցէ չիրմաց նոճի,  
Որ ի մոռնէ ախուր ճօճի: Եւ այլն:

Թոմաճեանի միւս ոտանաւորներն են «Ի սուրբ Դաւիթ մարգարէ», «Ի հարսանիս մեծաց պայազատաց բարերարաց ազգիս», «Առ աղնուազարմ պատանի Յ. Գարեգին Տատեան», — «որ ուսումնական յաղթանակաւ արքունի հրովարտակին դարձ առնէր ի Փարիզոյ ի հայրենիս անդր ընդ Վենետիկ անցեալ յայց վանացս»: — Այս վերնագիրներն արդէն ցոյց են տալիս արժէքն այդ բանաստեղծութիւնների, որոնք քառասնական թուականների ծնունդ են: Աւելի աչքի է ընկնում 1843 թուին դրած «Տաղերգութիւն ի մեծն Մխիթար Աբբայ»: Հոմերոսի Ոդիսականի թարգմանչին վայել էր այսպէս նմանողութեամբ այսպէս սկսել իւր այդ տաղերգը.

Ինձ, երկին, զԱյրն երդեա, որ յազգէ հողածին  
Վերառեալ հրաշացաւ որպէս մարդ երկնային.  
Ինքն ողջոյն լուսազգեաց իրր արփի գերակայ,  
Եւ զերկրորդն զխաւար փարատեաց Թորգոմայ:  
Ինձ դարձեալ զայն ասա. այրն անյանց զի՞ զի  
Բազմադէմ լըլկանօք տանջեցաւ յաշխարհի.  
Բայց եւ ճեառ զիւր ձգեաց ի նորոգ գերդաստան,  
Բերկրեցաւ ծնընդովք, բերկրեսցի եւ յապայն:

Սպասում ենք մի նոր Ոդիսականի, բայց բարերախտարար կարճ է կտրում Թոմաճեանը, մի երկու խօսքով նկարագրում է Հայաստան դրախտը, Ադամ, Ջրհեղեղ, Նոյ, Հայկ:

Ճետք սորա քաջազունք, որ ի վէպս հրաշանան.  
Ձի թէպէտ փոքր յածու, գործ ցուցին աննրման:

Եւ ապա Արամին, Տիգրանին ու Վահագնին յիշելուց յետոյ՝

Մի՛ այլ չառ, իմ քնար, զիմ ըզքաջս յուշ ածեր,  
Ձի մի՛ երդ քո յապայն ցաւ ածցես կարեւէր:

Հայաստանի վիճակը թշուառ է. աւեր այգի, աւեր տունք է նա.

... Հարուածեալ տուն Հայկայ դիւցազին,  
Ա՛հ իսպառ իւրթնացաւ, հետքն անգամ չերեւին:

Հայաստանը մի կոյրերի աշխարհ է, ուր մարդիկ

Ձեռն ի ծնօտ գերարտօսը յորդ հեղուն ի յարկին,  
Ձայն յողորմ այր ընդ այր կողկողին, ո՞ւր է լոյս.  
Այսպէս ազգն իմ նըստեր եւ անյոյս: ...  
Գու՞թ հարաւ Արարչին. «մինչեւ ցե՞րբ այդ խաւար  
Թախճութեամբ պաշարէ զԱրամեանն ըզդաւառ»:  
Ձայն հնչեաց աստուածեան, «Հա՛պա յոյս եղիցի».  
Եւ եղեւ լոյս արհի Մըխիթարս արփենի:



Մխիթարն ուրեմն է Հայաստանի լուսաւորիչ արեղակը եւ նրա ծնունդ-  
նէրը միմեանց հետ մրցում են հայերի մէջ «իմաստից ճրագը» վառելու հա-  
մար .

Ոմն յիմաստ աստուածեան , ոմն ի վարժըս բնական ,  
Կէսք յաշխոյժ Պառնասին , կէսք ի գիր հայկաբան :

Այդ ոտանաւորն իւր շօշափած խնդրով , թէպէտ թոյլ արտայայտու-  
թեամբ , աւելի մեծ նշանակութիւն ունի քան Մխիթարեան քերթողների  
միւս բազմաթիւ ոտանաւորները . սրա մէջ դռնէ ազգի լուսաւորութեան  
հոգն է տարւում : Բայց Թոմասեանը դրանով ոչ մի առանձին նշանակու-  
թիւն չի ստանում մեր բանաստեղծութեան համար , որովհետեւ նրանից  
առաջ , ինչպէս կը տեսնենք , ուրիշները նոյնն արդէն երդել են աւելի զեղե-  
ցիկ եւ ուժեղ կերպով : Մխիթարեան վարդապետն ուշացել է եւ նա իւր «Ար-  
փենի Մխիթարի» տաղերգութեամբ 1843 թուին , միայն թոյլ արձագանք է  
տալիս ուրիշների երգածին եւ սրբացնում Մխիթարին : Թոմասեանը ոչ  
նիւթի եւ ոչ ձեւի ստեղծող է , նա չէր կարող ուղղութիւն տալ մեր դրակա-  
նութեանը :

Արսէն Բագրատունի : Նոյնիսկ Արսէն Բագրատունին (1790—1866) ,  
Մխիթարեանների այս համբաւեալ քերթողը , իւր ստուարահատոր տաղերով ,  
կարելի է ասել՝ ոչ մի շարժում չի մտցնում մեր բանաստեղծութեան մէջ : Ես  
կրկին անգամ համբերութիւն ունեցայ սրա , ինչպէս եւ միւսների տաղերը  
ծայրէ ծայր կարդալու , շատ տաղեր նոյնիսկ կրկին ու կրկին անգամ ,  
եւ ցաւում եմ , որ չգտայ արժանի այն գովեստին , որ տալիս են նրանք իրենք  
վնենետիկեցիք առաջ եւ այժմ՝ համարելով նրան մեծ բանաստեղծ , «ատտիկե-  
ցի եւ լատին քերթողաց արժանաւոր անձն՝ իր լեզուովն , մտքովն ու սրտով» ,  
այնպէս որ «ոչ լոկ ազդային՝ այլ նոր ժամանակաց ընդհանուր մատենա-  
գրութեան ասպարիղին մէջ ալ , իրաւամբ եւ պատուով նշանաւոր տեղ մը  
կրնայ գրաւել» : «Կը փայլի քերթողական եւ իսկաչնորհ հանճար , վառվռուն  
միտք եւ բացատրութիւն , զարդարուն զեղեցիկ լեզու մը : Անկարելի է կար-  
դալ Եղերք սոխակին , Գանգատ Պառնասայ եւ Դատաստան Ապողոնի , Յաղ-  
թանակ արդարոց , Դաշտիկն յաւար , ու անոնց նման տաղերը եւ չխոստովա-  
նիլ թէ ասոնք արտադրողը սովորականէ դուրս հանճար մըն է ու նախնի քեր-  
թուածոց աշխուժիւն ու եռանդով կրթուած միտք» :

Բայց դժբախտաբար այնպէս չէ : Արդարեւ Բագրատունին անխոնջ  
պարապող մարդ է եղել . լաւ իմացել է մեր գրաբարը եւ հին ու նոր օտար  
լեզուներ . շատ կարդացել է Աստուածաշունչ , ինչպէս եւ Հոմերոս եւ ուրիշ  
դիւցադներգութիւններ , մեր հին մատենագրութիւնը . ուսումնասիրել է  
օտար բանաստեղծութիւններ , որոնցից եւ թարգմանել է բաւական բան .  
նա արտադրել է ինքնուրոյն շատ բան , — բայց այս ամէնով հանդերձ նա  
մեր գրականութեան համար ծառայել է ոչ իւր ինքնուրոյն բանաստեղ-  
ծութեամբ : Նա է՛ եւ կը մնայ իբրեւ թարգմանիչ , հայկաբան , քերականու-  
թիւն դրող : Իսկ իբրեւ բանաստեղծ ոչ միայն արժանի չէ այն դովեստին , որ  
տալիս են նրան , այլեւ չի կարող իւր ժամանակի առաջնակարգ հայ բանաս-  
տեղծների շարքը դասուել : Նա առաջին տեղն է բռնում միայն Մխիթա-

րեաճ այս առաջին քերթողների մէջ, բայց եւ իւր էութեամբ շատ էլ բարձր չէ նրանցից:

Նրա տաղերը, Հրատարակուած 1852 թուին, կաղմում են մի մեծագիր ստուար հատոր եւ բաժանուած են մի քանի մասերի՝ «տէրունականք», «կրօնականք», «բարոյականք», «կենցաղականք», «սթափականք», եւ ապա «թարգմանութիւնք»: Ի՞նչ է այս տաղերի նիւթը. ինչո՞ւ է հետաքրքրուում եւ ոգեւորւում Բագրատունին. ի՞նչ նորանոր գաղափարներ է արծարծում նա իւր երգերի մէջ:

Նրա «տէրունական» տաղերը նուիրուած են Քրիստոսի ծննդին եւ մոգերի երկրպագութեանը: Նիւթն ուրեմն շատ հին է եւ մեր շատ բանաստեղծներից յաճախ երգուած: Բագրատունին եւս իւր երիտասարդ հասակում, երեւի նոր կրօնաւոր դարձած, 1811—1814 թուականներին իւր հարկն է վճարում այդ հին նիւթին: Առաջին տաղն՝ «Ի ծնունդ Տեառն», որ գրուած է 18-րդ դարու իտալացի նշանաւոր բանաստեղծ Մետաստազիոյի (1698—1782) նմանողութեամբ, խոկապէս մի զեղեցիկ քերթուած է շնորհալի ու փափուկ անուշութեամբ, կենդանի ու հարուստ երեւակայութեամբ, թէպէտ եւ սովորական գաղափարներով. այն է՝ մանուկ Փրկիչը գարնանային մի առաւօտ է ծագում մարգկանց համար, մի ճշմարիտ ոսկեղէն դար բանում, գթութիւն ու սէր, հաւասարութիւն ու խաղաղութիւն բերելով աշխարհ: Եթէ Բագրատունին բաւականացած լինէր միայն այս քերթուածով, շատ էլ չէինք ցաւիլ. բայց նրա գրիչը բեղմնաւոր է, եւ հէնց սկզբից հակուած է դէպի վիպականութիւնը. ուստի եւ նրա կրօնական զգացումին չէր կարող դոհացում առլ միայն «ըստ Մետաստասեայ» քնարերգութիւնը: Պէտք է նորից մի քանի անգամ նոյն բանն երգել մեծամեծ քերթուածներով, երկար, վիպական տողերով, առանց սակայն մի որեւէ խորութիւն մտցնելու նիւթի մէջ. այլ, ընդհակառակն, ծանծաղացնելով այն, եւ ոչ միայն մտքերի, այլեւ խօսքերի եւ նոյնիսկ հատուածների կրկնութիւններ անելով: Այսպէս, օրինակ, ամբողջ տասնութ տող 1812 թ. դրած մի քերթուածից, առանց այլեւայլութեան, բառացի առնում դնում է 1813 թուին դրած մի ուրիշ քերթուածի մէջ:

Բագրատունին իւր այս հասակում արդէն երեւում է տարուած է հեթանոսական դիւցազներգութեան: Բայց ի՞նչ աւելի անդիւր եւ անպատեհ՝ քան Փրկչի խոնարհ ծնունդը վիպել հեթանոսաբար եւ Քրիստոսին անուանել «վեհազուն ծնունդ անմահին Ոլիմպեան» (եր. 29), եւ կամ «Ծիրանեփառ» հայր Աստուծուն դնել Ոլիմպոսի կատարին, ինչպէս հոմերական Ձեւս, բարձր գահի վրայ: Այսպէս, ծնւում է մանուկ Յիսուսը անշուք այրում. հաւատքը անձնաւորել իբրեւ մի լուսազգեստ, պառաւած կոյս, ներկա է նրա ծննդեանը, բայց երկբայում է թէ նորածին մանուկը լինի նա, որին նա չորս հազար տարուց ի վեր սպասում է ինքը: Այդ ժամանակ նա

Կոչէ ի սրբառէն զարտօսը զթառաչ զաղերս մաղթանաց:

Եւ հոգւոց ելեալ ասէր առ նոսա դիմօք սըզազգեսաց:

Բաւական չէ, որ Հաւատքը, վերացական գաղափարն անձնաւորեալ է, նրա արտասուքն ու մաղթանքներն եւս, ըստ հին մեկնաբանների,

և որեալ են այստեղ. եւ Հաւատքը պատուիրում է զբանց գնալ Բարձրեալի մօտ եւ հարցնել թէ արդեօք մտնում ծնունա՞ծը նա՞ է, որ պիտի դայ: Եւ ահա այդ արտասուքն ու մտղթանքները սեւազգեստ խմբով, թեւերը բաց են անում, դիւակոր, աչքերը խոնարհած հասնում են Ոլիմպոս, պատում են Միրաննփառի բարձր գահը, լաց ու կոծով փարում են նրա ծնկներին եւ ասում նրան ինչ որ պատուիրել էր Հաւատքը:

Սոնարհեաց բարձրեալն ի վերին գահուն զունկն իւր անմոլար  
Անժըպիտ գիմօք զաղերսըն լսել, սակայն հեղաբար:  
Առ ապա ի վեր ըզգլուխ իւր ահեղ եւ զուլան կամար,  
Ի շարժել յօնից սասանեալ դողաց Ոլիմպեայ կատար:  
Եւ ո՞ հանդարտէր ի լուր պատգամաց լեզուին աղբարար.  
Հայեցաւ յերկիր, ձայն ետ որոտման ի սոյն յայս տիպար:

Ճիշդ ինչպէս ամպրոպային Զեւսը Ոլիմպոսի դիւին: Նա Հաւատքի դեսպաններին բացատրում է թէ նորածինն իւր որդին է եւ ապա կանչելով հրեշտակները բանակը՝ հրամայում է, որ գնան պաշտեն իւր որդուն:

Եւ ընդ բարբառոյն որոտաց երկին շանթից ի փայլակ,  
Հողոց անմահից ծածանեալ յերեւ սօսափիւն բանակ,  
Եւ երկրպագեալ տէրունեան ոտից գընան յանդաստակ,  
Գլուխ ոսկեվարս լուսաթեւ թըռչին արի պատանեակը:

Հրեշտակներն իմաց են տալիս եւ հովիւներին, որոնք նոյնպէս գալիս են երկրպագելու նորածին արջային:

Այս միեւնոյն նիւթը, ինչպէս եւ մողերի երկրպագութեան մասին քերթուածը՝ «Ի յայտնութիւն Տեառն» նա վերածած ունի նաեւ բեմական ձեւի, բաժանուած չորս փոքրիկ արարուածների, երեւի Միխիթարեանների աշակերտական թատրոնում խաղալու համար: Դրանք առաջին հայ օրատորիաներն են, կրօնական թատրերգութիւններ, որոնց ներկայացման համար առանձին բեմական յարմարութիւն չի պահանջում: Բաղրատունին այստեղ էլ ներշնչուած է անշուշտ Մետաստազիոյից, որը նոյնպէս ունի բաւական թուով օրատորիաներ: Գործողութիւնը ի հարկէ շատ պարզ է, չկայ դրամատիկական զարգացում եւ ոչ բնաւորութիւնների ուսումնասիրութիւն. զբանց, ինչպէս պէտք էր, փոխանակում է կրօնական-բարոյական այլաբանութիւնը, որով երեք մողերի տեղ հանդէս են գալիս անձնաւորեալ Հաւատք, Յոյս եւ Մէր, եւ ապա իշխում է Աստուածային հրաշալիքն ու սքանչացումն այդ հրաշալիքի վրայ: Բայց դժբախտաբար սառն է հնչում Բագրատունու քնարերգութիւնը, եւ մանաւանդ միջի երգերը չունին այն ցնծազին խանդավառ յափշտակութիւնը, որ անհրաժեշտ է:

Ինչպէս էլ լինի, Բագրատունին իւր այս կրօնական դրամաներով մի մեծ նորութիւն է մտցնում մեր գրականութեան մէջ, մի բոլորովին նոր տեսակ, որ մինչ այդ գոյութիւն չի ունեցել մեզնում: Արդարեւ, ինչպէս տեսանք, Զախճախեանի եւ Թոմաճեանի ոտանաւորները մէջ յիշում են 1789, 1802 եւ 1804 թուերի համար «Միխիթարեանց թատր», կամ «Թատե-

բական ողբերգութիւն», բայց Բազրատունու այս օրատորիաները, դրուած 1812 եւ 1813 թուերին, ինձ ծանօթ հնագոյն դրուածքներն են իրենց դրամատիկական ձեւով, թէպէտեւ քառասուն տարի յետոյ միայն հրատարակուած, ուստի եւ ոչ մի ազդեցութիւն չթողած մեր դրականութեան վրայ:

Բազրատունու «Կրօնական» տաղերը պէտք է հասկանալ կրօնաւորների եւ կրօնաւորութեան վերաբերեալ: Դրանք նուիրուած են նորընծայ կրօնաւորեալներին, այս կամ այն ձեռնադրութեանը, սրա կամ նրա սքեմ ընդունելուն, նորընծայ բարեկամների առաջին պատարագին, Մխիթարեան Աթոռակալի ընտրութեանը, օծմանը եւ այլն, — բոլորն էլ ըստ աւոր պատշաճի յօրինուած ոտանաւորներ, Մխիթարեան ընտանիքի մէջ տեղի ունեցող դէպքերին հանդիսաւորութիւն տալու համար: Տաղերիս նիւթից հէնց կարելի է գուշակել, թէ ինչպիսի դադափար պիտի արծարծուի դրանց մէջ: Դա հոգու եւ մարմնի, երկնքի եւ երկրի միջնադարեան կուրծն է: Պէտք է կռուել աշխարհի բռնակալ սիրոյ դէմ, որ մարդուս հոգին չլթալկապ, քչում է դէպի խաւար անդունդը. պէտք է յաղթել այդ կորստաբեր սէրին եւ ամաչեցնել սատանային, որ մարդուս թշնամին է: Եւ այդ նորընծայ կրօնաւորողները, նորոգուելով անունով ու գործով, իբր քաջ զինուորներ մարտնչում են չար թշնամի հրեղէն սպառազէնների դէմ. եւ այդ նրանք կարողանում են անել, որովհետեւ կատարելով ամենամեծ գործը, այսինքն իրենք իրենց ինքնակամ նուիրելով Աստուծուն իբրեւ զոհ, դառնում են հրեղէն հրեշտակներ եւ սարդենի պտակներով սլանում են դէպի երկինք, մտնում Փրկչի տունը՝ երկնային կամարը, ուր յաւիտեան պիտի ապրեն: Կրօնաւորը նման է փիւնիկի, որ ինքն իրեն ողջակիզելով՝ հրաշալի կերպով կրկին նորոգւում է յաւիտեանական կեանքի համար:

Այս է ահա՛ այդ կրօնական տաղերի նիւթը, որ անհրաժեշտօրէն շարունակ հեղհեղում է քերթողը, քանի որ բոլորը միանման դէպքերից առթուած բաներ են: Դա մի շատ հին նիւթ է, որ շատ աւելի գեղեցիկ կերպով երգել է Կոմիտաս կաթողիկոսը՝ Հռիփսիմեանց մի Անձինքի մէջ, որի խորութիւնն էլ չունին Բազրատունու այս տաղերը: Հռիփսիմեանք իրենց նուիրելով Քրիստոսի սիրուն՝ դառնում են Հայաստանի փրկութեան պատճառ. բայց եւ մեր բանաստեղծն անկեղծ սրտով ուրախանում է իւր նորընծաների ձեռնադրութիւնների համար, ուրախանում է նրա կարծիքով եւ «հարսն անարատ Հայաստան», որովհետեւ

Աղդէն սարսին սանդարամետք ի խաւար,  
Եխած զմատն արիւն ակամբ Բելիար,  
Ձի յաջորդէ Յեսու զՄովսէս յամալր  
Քակել զամուրս, թափել ժանիւն ընդ աւար:

Աթոռակալին նուիրուած քերթուածների մէջ մեր քերթողը մեծ թեթեւութեամբ չափազանցութեան մէջ է ընկնում, ուժգին տողերով գովելով նրան իբրեւ Աստուծու ընտրածի, եւ զուտ մխիթարեան տեղական դէպքը խոշորացնելով իբրեւ մի համազգային բան.

Զարթիր, զարթիր, տուն Սիսակայ, զարթո՛ւ եւ պար նուագածու.  
Հայրենի մեր աշխարհին սուրբ թագաւոր օծաւ իշխան,  
Առէ՛ք տաւիղ կընդընդոց փող եւ բամբիւսն Գողթան,  
Գողթան շրոխնդն յարուսցէ գբլուրս եւ զանառու  
Յաղթող երգոց ձայնիւ Կոչել մըրցական  
Ըղիտնարհ միտս իմաստնոյն՝ ըզսիրտն ի տէր սիրոյն ի վառ:

Այդ նոր առաջնորդը, «Թագաւորը», որ յաւելեալ կոչում ունի «Դի-  
տապետ Սիւնեաց», է մի արեգակ, որին երգում է տիեզերքը, որովհետեւ նա  
ձմեռուայ կապանքը քանդում է եւ այլն:

Ո՞վ է սա նոր արքայ եկեալ ի Սիւնիս,  
Անձաւք լերանցըն Սիսակայ հարցանեն:  
Ընտրեալն է դա եթերին նորապըսակ տէր երկրիս,  
Գայ ի պարտէզ քո սիրելի շունչ հարաւոյ ի հիւսիս.  
Հոյլ վարդից եւ շուշանաց եւ համասպրամ ցիր նըկարէն  
Փըթթեանդ ոտիւք տէրունեան դարչապարաց լուսեղէն:

Ահա թէ ինչպէս բարձրացնել դիտէ Բաղրատունու Մուսան իւր մեծա-  
ւորին: Եւ ինչի՞ համար, որովհետեւ

Յաւուրց Մուշեայ պակասեցին հարք որդւոց,  
Պակասեցին ի տուն Հայկայ պետք հարանց,  
Մինչեւ յարեաւ Մըխիթար, մինչեւ յարեաւ դէտն Ադոնց,  
Որ այդ յերկնից պատգամէն յառեալ ի մեր յոյժ լալօնս,  
Զի՞ յամէ մեզ, ասէին, աթոռակալ ժառանգ մանկանց:

Եւ այժմ այդ ուշացած աթոռակալն ընտրւում եւ օծւում է:

Միխիթարեանց այս սովորութիւնը, որ կարծեմ Կ. Պոլսից է ծագել,  
անցնում է ետ Կ. Պոլսի վրայով Հայոց եկեղեցու մէջ եւ երկար ժամանակ,  
կարելի է ասել մինչեւ մի տասն ու հինգ տարի առաջ, էջմիածնում եւս  
պարտք էին համարում գրաբար ճշման ոտանաւոր ուղերձներով շնորհա-  
ւորել կաթողիկոսի դալուստը, օծումը, նոր տարին եւ այլն: Դրանք քնա-  
բերգութիւն չեն հարկաւ, այլ միայն մտածուած յանդեր ու ոտքեր, որոնց  
մէջ սակաւաթիւ տողեր միայն ունին զգացմունքի շեշտ: Դրանց կատա-  
րելատիպը կարելի է համարել ահա՛ Բագրատունու այս քերթուածները,  
որոնց մէջ փայլուն արտաքին, զարդարուն լեզու, փարթամ ասացուածներ՝  
որքան ասես՝ կայ, բայց ի դուր կը լինի որոնել զգացմունքի ուժեղութիւն,  
եթէ չասեմ զգացմունք. իսկ իմաստ ու դադափարի նկատմամբ դատարկու-  
թիւն է իշխում:

Նոյնպիսի չնչնութիւն են ներկայացնում զազափարներով եւ «բա-  
րոյական» տաղերը: Աշխարհումս խաղաղ կեանք ասածը չկայ, այլ միայն  
ցաւ ու աղէտ, թախիծ ու տաղնապ:

Գանձեալ կան քեզ աղէտք ցաւոց դարան,  
Սրտի մտաց երերական

Բքայորդոր ձմեռն ալեաց խուժան  
Փոթորկայոյզ ծով դառնութեան :

Աշխարհս մի ծով է եւ մարդս նրա վրայ մի նաւ, որ ալիքների ձեռին խաղալիք է դարձած, դիւաշունչ հողմը առնում տանում է դէպի նաւարեկութիւն, — մի հին դադափար եւ նոյնիսկ նմանութիւն, որ սակայն Բագրատունին մանրամասնութեան մէջ նորոգում է: Նոյնպիսի մի նորոգած ձեւով երգում է նա վերջին դատաստանը, որ մեր հին բանաստեղծների սիրած առարկան է եղել եւ որի ժամանակ երեւում է որ վերջին յաջողութիւնը ոչ թէ անօրէնն ունի, այլ արդարը:

Բագրատունու «կենցաղական» կոչած տաղերը, որոնք թուով ամենից շատն են եւ լի դովեստի արժանացած, նիւթով շատ աւելի բարձր չեն: Դրանք մասամբ ուղղուած են իւր ընկերներին. մէկի մէջ իւր սէրն է յայտնում, միւսի մէջ իւր շնորհակալութիւնը ստացած պարգեւի համար. կամ թէ լացով ճանապարհ դնում իւր ընկերին. մի չորրորդի մէջ դանդատում, որ իւր սրտի հատոր ընկերն իրեն նամակ չի գրում: Կան եւ կաղանդի շնորհաւորութիւններ իրենց հոգեւոր տիրոջը կամ «Առ կարգակիցն ճանապարհորդի Հնդկիս օգտախնդրի ազգիս», իսկ թէ ինչ է՝ այդ օգուտը՝ չի իմացւում. այդ կարգակիցն արիութեամբ ծովեր է անցնում, սրտում ունենալով ազդի սէրը:

Հայկ կառուցող հայրենեաց

Զքեզ որդի դաւանեաց.

Պարթեւն արթուն եւ ցանկալին քո Սահակ,

Մխիթարայ զորավարք՝ քեզ հարկանեն փողոց հըռչակ.

Տես արդէն, տես ի տըխուր դէմս հայրենեաց

Բաղդր շողեալ ըզժըպիտ որդեգորով քո դըզուանաց:

Կան եւ ուղերձներ նուիրուած Աղեքսանդր Ռափայէլ Ղարամբեանին նրա դարուստը կամ ծնունդը շնորհաւորելու համար, որովհետեւ նա դպրոց է բացել: Մի քերթուած Ռուսաց Աղեքսանդր Բ. կայսեր այցելութեան առթիւ. ուրիշները Լեւոն ԺԲ. պապի Ուրբանեան դպրոցի սաների հետ ճաշկերոյթի առթիւ, եւ այլն: Եւ վերջապէս բռնայանգ խաղեր Ջախջախեանի հետ, եւ ահագին թուով ոտանաւորներ նուիրուած Տիւզեան ընտանիքի որեւէ զուտ ընտանեկան դէպքի, ինչպէս ծնւում է մի երեխայ, պէտք է ոտանաւոր դրել. մեռնում է մէկը՝ դարձեալ ոտանաւոր է հարկաւոր. հիւանդութիւնից առողջանում է մի ուրիշը՝ ինչպէ՞ս կարելի է ոտանաւորով խնդակեցութիւն չյայտնել. հապա երբ հարսանիք է լինում, ի հարկէ պէտք է հարսին գովել... Բագրատունին այդ րադմաթիւ տաղերի մէջ դառնում է Տիւզեանների տանու քերթողը, որ իւր՝ նրանցից վայելած բարիքների համար գրաբար յանգերով ու ոտքերով վարձահատոյց է լինում: Դրանք գրչի վարժութիւններ են միայն երբեմն ձիգ ու երկար տողերով, եւ սահմանուած են միայն մասնաւոր մարդկանց սրտերը շոյելու համար:

Նրա կենցաղական տաղերի մէջ շատ գտվում են «Դաշտիկն յաւար, եզերք մշակի», որ մի ութվանկանի դուգայանգ ոտանաւոր է մեծավերջ

եւ չափի պատճառով հէնց աշխուժ եռանդով է ընթանում: Բովանդակու-  
թիւնը մի շատ հասարակ բան է: Երիտասարդ որդին ծերունի հօր հետ,  
բախտից հալածուած, գալիս բնակւում են բնութեամբ հարուստ մի ամայի  
գաշտում. մշակում են. հինգերորդ տարուայ վերջը մշակութիւնը տալիս է  
իւր արդիւնաւէտ պտուղը: Այդ ժամանակ հայրը մեռնում է, եւ որդին մեն-  
ժենակ է մնում ու առում է.

Այն ինչ արդարն յինէն գնաց,  
Վահն յեթերէ զմեղս իմ յիշեաց.  
Յիւրմէ գընդէն ետ ասպատակ  
Առնուլ վրէժ արագ արագ:

Իսկ թէ ի՞նչ է արել որդին, ի՞նչ մեղք է գործել նա, որի համար  
Աստուած վրէժ է առնում, յայտնի չէ այդ: Անշուշտ մի մեղք գործել է, որ  
ասպատակաւորները երեք կողմից վրայ են տալիս, աւերում են արտ ու այ-  
գին, տիրում երկրին եւ իրեն մշակին էլ «հանեալ գանիւ ու ի քարչ ընդ երի-  
գուտ վարեն գիս գարչ»: Եւ նա այնուհետեւ մի մխիթարութիւն ունի, —  
յիշելով իւր անցեալ աշխատանքը ողբալ:

Նախարանն այնպէս է, որ մարդ սպասում է մի գառնազին զօրեղ ող-  
բի, մի զգացմունքների բուռն զեղման.

Մելպոմենէ, հար ինձ քընար  
Երգել ձայնիւ ողբերգարար...  
Լացցեն նուաղ լերանց փապարք,  
Մըռնչեացեն ձորք եւ անտառք.  
Երեսք մարգաց հարցեն դալուկ,  
Արտօսը հեղցեն սողեալ առուք.  
Յաւերժահարսանց պար գեղեցիկ  
Ձեռն ի ծնօտի նըստցին լըռիկ.  
Զի մեր դաշտիկն յաւար եղեւ,  
Յոյս վաստակոցս ել ի դերեւ:

Բայց այդ նիւթն աւելի վիպական-նկարագրական է քան քնարական:  
Քնութեան նկարագիրները շատ ընդհանուր են եւ ամէն տեղի. մշակութեան  
եւ աւերմունքի նկարագիրը նոյնիսկ համաչափ չէ տարուած, եւ վերջը բա-  
նաստեղծի թափը թուլանում է եւ սառն է հնչում այն մասը, երբ հեծեծա-  
գին ողբը պիտի լինէր: Գուցէ կարելի է այլաբանութիւն համարել այս  
քերթուածը եւ Հայաստանի պատկերը տեսնել մէջը, բայց այդ կը լինէր ձգ-  
ձըգուած բացատրութիւն:

Նիւթով շատ աւելի ստոր բան է եւ միւս դովուած քերթուածը «ի մահ  
սոխակին եղերք հովուի», որի գեղեցիկ մասը հէնց սկիզբն է.

Աչք գեղեցիկ ցոլազին  
Լացէք զմահ սոխակին:  
Վա՛յ եւ եղո՛ւկ ինձ հիբիս,  
Սուգ եւ ի յիմ սիրելիս.

Զամենեսին մի խաւար  
 Դրնէ յարտօսը անդադար :  
 Մի՛ գիտ, մի՛ գիտ ըստփէք,  
 Մի՛ դիւր սրբաբիշ տայք երբէք .  
 Զի սէր սոխակն իմ լըռեաց  
 Սան իմ սիրուն երգասաց,  
 Զի սէր հաւիկն իմ մեռաւ  
 Սան իմ սիրուն անպարտաւ :  
 Նըզով ի սեւ օրն եւ ժամ  
 Յոր դիւր տարմին լիք երամ,  
 Օրն եւ տեղին սեւ նըզով՝  
 Ուր տեսի զնա մօտ երզով :

Եւ այս բոլորն ինչո՞ւ համար : Մի արճեչցի հովիւ մի անգամ սրինդ է փչում : Լսում է մի սոխակ նրա նուագը, մօտենում է եւ ինքն էլ երգում է : Հովուի խնդրի վրայ այդ սոխակը նախ նստում է նրա ուսին, եւ ապա

Անդուստ ածեալ ըղթեւերն  
 Ի ծայր սրընդիս զայր նըստէր :  
 Ելեալ եւ իմ մեղմաքայլ,  
 Երգ փոխելով ալլ եւ ալլ  
 Եկի՝ Լ ի տուն իմ մըտի :

Հովուի կինը սրնդի ծայրից ընդունում է սոխակին, փայփայելով ղենում է վանդակում, ուր երգելով նա զուարճացնում է հովուին եւ իւր ընտանիքին :

Սակայն ի սեաւ մանդաղէ  
 Ժպիրհ մահուն ո՞վ ապրէ :

Մի ամառ այդ սոխակը սատկում է եւ կարծես աշխարհը կործանւում է . կարծես այդ սոխակից էր կախուած ոչ միայն հովուի, այլեւ աշխարհի բախտը : Եւ ողբում է ու ողբում հովիւը ու չի մխիթարւում :

Ո՛հ, մի՛ ստիպէք երկարել,  
 Սիրտ ոչ բերէ զբանիս թեւ...  
 Ոչ բըժըշկի սըրտիս խոց...

Եւ այսպէս մօտ երկու հարիւր տողանի մի տհաղին քերթուած, որի մէջ այլաբանութիւն էլ կարելի չէ լինում տեսնել, ուստի եւ ծաղրական մի բան է դառնում իւր մեծափայելուչ լըջութեամբը : Ծաղրելի է դառնում մանաւանդ եւ նրանով, որ արճեչցի հովուի բերանից լսում ենք՝ Ամինդաս, Անակրէոն, Տիրուլ, Ուրփէոս, Ոսիան, Բարդ, Պոտմեթես, Առիւծ լիբեան, Հիմալայք եւ այլն, եւ այլն : Եթէ կլասիկական կեանքից առած ոտանաւորներն մէջ, ինչպէս «Ի մահն Կեսարու», կարգում ենք Ժողովուրդ արիսեան, դիք եւ կամ դից անուաններ, այդ հասկանալի է, որովհետեւ նիւթն է պահանջում այդ : Բայց երբ մի արճեչցի հովիւ է այսպիսի անուաններ արտասա-



նում եւ կամ նոյն ինքը Բաղրատունին մխիթարեան մի վարդապետ, այդ արդէն տաղտկալի է :

Եւ Բաղրատունու ամենամեծ ծառայութիւնը մեր դրականութեան համար՝ այն է, որ նա այդ կեղծիքը՝ կեղծ դասական ուղղութիւնը մտցրել է մեր բանաստեղծութեան մէջ: Կրթուած լինելով կլասիկական դրականութեան վրայ, նա կարծում է թէ աստուածները կամ դից աստուածները, որ յիշում են հին լանաստեղծները, մի բանաստեղծական պաճուճանք են միայն եւ այդ պաճուճանքը կարելի է եւ հայ կեանքի քերթուածների մէջ գործածել: Նրա համար գրեթէ չկայ Աստուած, այլ աստուածք, դիք, անմահք: Եւ այդ անմահները մի քանի քերթուածների մէջ վխտում են՝ Մուսա, Մելպոմենէ, Պոլիմնիա, Մնեմոսինէ, Պիղաս, Արամազդ, Ապոլլոն, Պիմալլաք, Փայթոնք, Փերոս, Արէս, Պոսիդոն եւ այլն եւ այլն. նոյնպէս Հելիկոն, Պինդոս, Պաուսաս եւ այլն եւ այլն. դրանից հետ բազմաթիւ ակնարկութիւններ հին կլասիկական աստուածներին: Ընթերցողն անպայման պէտք է ձեռք տակ ունենայ մի յատուկ անունների բառարան, ապա թէ ոչ՝ բան չի հասկանալ Բաղրատունու լաւագոյն համարուած քերթուածներից: Որովհետեւ, օրինակ, ի՞նչ կը հասկանայ մարդ առանց բառարանի հետեւեալ երկտողից՝

Մեզ տխրոնեան հարսն սիրած

Պարզէ զգլխով վրան ներկած :

Բառարանը միայն մեզ տեղեկացնում է, որ Տիթոն եղել է Տրոյացի իշխան, Պրիամոս թագաւորի եղբայրը, որին իր գեղեցկութեան պատճառով սիրում է Արշալոյսը, Ափրոդան, եւ անմահացնում նրան: «Տիտոնեան սիրած հարսն» ուրեմն արշալոյսն է, եւ յոխանակ պարզաբար ասելու թէ «մեզ արշալոյսն զգլխով պարզէ վրան ներկած», Բաղրատունին վերի տողերն է կադմում: Զախճախեանն իւր լաւագոյն քերթուածի մէջ, «Մուսայն առ Արամեան քերթողն», գրում է հետեւեալը.

Բառք անապակք՝ որպէս ուսոյց հաւ ձեր Թորդոմ.

Բայց ոչ մոայլք՝ մինչ լուցանել լապտեր եւ մոմ.

Կամ ի Տարօն չուել պանդուխտ կամ ի Դըւին,

Մեռելահարց՝ զի՞նչ այն բառից ձեզ միտք թըւին :

Բաղրատունու քերթուածները հասկանալու համար ահա՛ հէնց այդ միջոցներին պիտի դիմել: Այդ պատճառով թէպէտ եւ քանի քանի անգամ կարդացի նրա գոված «Առ դանդատ Պառնասեաց եւ դատաստան Ապոլլոնի» տաղը, որի մէջ քառասուն-յիսունից աւելի դիցաբանական անուններ միայն կան, — բայց շատ քիչ բան հասկացայ: «Լապտեր եւ մոմ» էլ վառեցի, բայց դարձեալ գոհ չեղայ թէ իրօք կատարելապէս ըմբռնել եմ այդ քերթուածի միտքը: Այո՛, իմացայ, որ Առանը, այսինքն բանաստեղծ Բաղրատունին, իրեն երեւակայում է հովիւ Բիւրակնեան լեռներում, իւր տաղավարում ճաշում է զմայլելով բնութեան գեղեցկութեանը: Այդ ժամանակ յանկարծ վերելից տեսնում է իջնում են

Կառքս կրկին երկածի քառահոլով անուագործ,  
Ութոտանի երիվարք ի դիւ դոլով քաջափորձ:

Այսինքն երկու, ոտանաւորով դրած նամակներ է ստանում, որ եւ ուրիշ են լինում այս քերթուածը գրելու, — ասած է ծանօթութեան մէջ, թէ չէ ընթերցողն ինքը չէր հասկանալ: Եւ ապա դժուարանում եմ ասել որոշ բան, բայց եթէ այն, որ հեղինակը մեծ տենչանք ունի մեծ բանաստեղծ դառնալու սրաթեւ Պիղասի վրայ նստած՝ Պինդոս բարձրանալու եւ մեծ բանաստեղծների հետ անմահութեան մահով մեռնելու: Բայց «չիք սէր Կամենայց, ո՛հ, յանտերունջ իմ գրոհիս՝ սակաւ բնատուր վեհ ոգի՝ աստուածաստեղծ մեծութիւն», ասում է քերթողը: «Պարբ Մուսայից հայկազանց փախեան ի գող Ագրիոյ», այսինքն Վենետիկի Միխիթարեան վանքը. բայց այդտեղ էլ նրանք բանաստեղծութեան համար պահանջուած յարմարութիւնը, հանդիստն ու պարապը չունին: Իսկ Հայաստանը հո՛ր բնաւ յարմարութիւն չունի բանաստեղծներ ծնեցնելու համար. բայց մի ժամանակ այդպէս չէ եղել, մեր բուն երկրում էլ մի ժամանակ մուսաները գուարճացել են:

Ինչքան այս քերթուածի մէջը մութ եւ դանդաղ է, այնքան վերջին մասը կենդանի է եւ գեղեցիկ, որովհետեւ խօսում է իրական կեանքը, սիրտը: Բանաստեղծը մտքով սլանում է Հայաստան, բայց ինքն օտար աշխարհում է, որ նման չէ իւր երեւակայած եղեմական աշխարհին:

Եւ դառն ողբոց յիշատակ, ով ցանկալի հայրենիք,  
Անդ էր երբեմն հեշտասուն քո Մուսայից ճեմելիք...  
Բիւրակն ի ծիր ծաղկազուարճ բիւր խոխովիւր բարեհամ  
Խայտայ ի բոյլըս հոտից, հազար երէ խուռներամ.  
Փռչէ հովուիկ նուրը սրբինդ, հօտք ըղկընի իւր դըրդին,  
Նստի գողարիկ օրիորդ, կըթէ զըստինքս նոցին:  
Հոյլ վրտակին կարկաջոտ, անդ Երասխայ քարավէժ  
Եւ ծիածան ի ցընցուղսն՝ հերքել սաստիցն ըզվըրէժ...  
Երկինք ջերին կապուտակ՝ ամպը ոսկեփայլ շուրջ ի խիտ,  
Շաղն ի ցօղել չայեկան ի ծոց երկրին մարգարիտ...  
Անդ է հոգւով իմ Մուսայն, սակայն մարմնով աստ պանդուխտ  
Ի խորշ նըստի Ագրիոյ յեղալուր ծովուց ի քերցն ուխտ:...

Քերթուածի այս գեղեցիկ վերջը, որ ես ամբողջը չբերեցի, որից կարծես ազդոււմ է Գամառ Փաթկպան իւր «Իմ սոխակին» երգը երգելիս, — դուն է նմանութիւն կայ, — է եւ միակ հայրենասիրական արտայայտութիւնը Բագրատունու քերթուածներէ մէջ: Այո՛, ուրիշ դէպքերում էլ յիշում է նա Հայաստանի անուններ, բայց հայրենիքը հեռուից մշուշով պատած է երեւում նրան. հայրենիքը եւ հայրենի յիշատակութիւնները երգի նիւթ չեն դառնում, այլ միայն իբրեւ մի արտաքին ձեւ օգնում են նրան, ճիշդ ինչպէս եւ յունական աստուածների, աշխարհագրական տեղերի անուններն եւ նրանց առասպելներն ու զրոյցները:

Մի կողմ թողնելով մի քանի պատմական անձերի վրայ տաղերը, ինչպէս եւ «սթափական» բռնայաններն «ի հերիսայն», «անէժք ի ճանճս», որոնց

մասին խօսել չարժէ, — տեսնում ենք որ Բագրատունու բանաստեղծութիւններին նիւթը ամենամեծ մասամբ հասարակ բաներ են. նա աղքատ է եղել մտքերով եւ նրա մտքերն ու տրամադրութիւնն ընդհանրապէս պրոզայիկ են:

Ինչի՞ մէջ է ուրեմն քերթող Բագրատունու արժանիքը: Երկու բանի մէջ, նախ՝ նա բնութիւն սիրող է, գիտէ զգալ եւ նկարագրել բնութիւնը. եւ ապա՝ նա հասարակ ու պրոզայիկ նիւթերն եւս հարուստ ու ճոխ լեզուով արտայայտել գիտէ: Կարելի է ասել Բագրատունին առաջիններից է, ի հարկէ ժամանակով, մեր նոր գրականութեան մէջ, որ կարողանում է իսկական բնութիւն տալ, լինի այդ ընդարձակ նկարագիրներով, թէ կարճ պատկերներին ու նմանութիւնների մէջ.

Երփնիւ ծաղկանց դաշտ եւ հովիտ  
Վէտ վէտ խաղայ ծիծաղախիտ.  
Նըկարակերպ բուսոց կանաջ  
Հիւսկէն օթոց սրփուի ընդ առաջ.  
Բացեալ մարմանդք զիւրեանց զծոց  
Գըգուեն զայգիս սիրեալ տնկոց.  
Աղբերականց պարդեալ խոխոջ  
Գոչէ նդ ծործոր լերանց խոռոջ.  
Հեղիկ ի մարգ սողոսկ ընդ դար  
Հազիւ կըքեն ըզգեղ դալար:  
Բացատ լերանց գեղեցկադիր  
Ոսկեզօտիք փայլեն ի ծիր.  
Յաւերժ մայրեաց խորրիտ յեթեր  
Ընդ սոսուիւն շարժին ըստուեր.  
Պարզ եւ յըստակ օդ քաղցրասիդ  
Բուրեն վարդից հոտ անուշիկ:  
Մեզ Տիտոնեան հարսըն սիրած  
Պարզէ զգըլիով վըրան ներկած  
Ոսկետըտուն վարդապըսակ  
Ընդ աշալուշն եւ ընդ երեսկ.  
Շուրջանակի յաչաց եզերք  
Հոյլ հոյլ ոսկի սփռին իւր հերք:  
Բերեմ մի օրինակ էլ նմանութիւններից.

Որպէս ալիք անդնդոց  
Ի ծուփ երկմիտ տատանին  
Ի խիտ հողմոց դուպարած,  
Մինչ ուժղնադոյնն անկասկած  
Ոստեալ վարէ ի Հանդերին.  
Եւ կամ զօրէն Եփրատէս  
Գարնանազայր թափ առեալ  
Վանեալ զըլէ ամեհի  
Թումբ եւ կամուրջ եւ մայրի՝

Թումբ եւ կամուրջ եւ մայրի՝  
Ըզընաւս ի մի տառ ձուլեալ...

Երբեմն նմանութիւնները հոմերական ձեւով այնպէս ընդարձակ-  
ւում են, որ ինքնուրոյն քնաւորութիւն են ստանում եւ մարդ զբաւուելով  
նկարագրած տեսարանից՝ մոռանում է նոյնիսկ երգի բուն նիւթը: Այս  
ազդեցութիւն է անշուշտ իւր ընթերցանութեան. ինչպէս պատմում են,  
Իլիականը նա բերան ասելիս է եղել: Բայց ընդհանուր առմամբ Բազրա-  
տունու տաղերի մէջ աւելի ճարտասանութիւն կայ քան բանաստեղծութիւն.  
աւելի սովորովի է, արուեստ ունի, քան ինքնաբոլի ստեղծագործութիւն եւ  
զգացում. ուստի նրա նկարէն ու պերճ ոճը իւր բոլոր սեթեւեթանքով հան-  
դերձ՝ միակերպ է, ձանձրալի է իւր դիմումներով, պարսկոր նուագներով  
եւ այլն: Նա ոչ միայն իշխան է լեզուի, այլեւ ոտանաւորի. միանման յաջո-  
ղութեամբ նրա գրչի տակից դուրս են դալիս ե՛ւ կարճ, սրընթաց տողեր,  
ե՛ւ դանդաղ, ծանր ու մեծավայելուչ ասացուածներ երկար տողերով: Հեշ-  
տալուր հնչիւններն ու վանկերը, երաժշտական շեշտերն ու յանգերը երբեմն  
յափշտակում են ընթերցողին: Բայց աւա՛ղ, այդ ամէնն ապարդիւն են  
անցնում, որովհետեւ տաղերն արտաքին գեղեցկութեան [համեմատ] չունին  
ներքին հարստութիւն, եւ մարդ յոգնում, նոյնիսկ ուժասպառ է լինում,  
երբ կարդում է մի չնչին միտք անլերջ երկարութեամբ զարգացրած, մա-  
նաւանդ երբ յաճախ այդ չնչին միտքն եւս բառերի եւ խօսքերի հեղեղի մէջ  
կորչում է: Մարդ զգում է շարունակ, որ մի սնամէջ քերթողութեան հետ  
դորձ ունի. իսկ այդ բաւական է ամենայն բանաստեղծութիւն մեռցնելու  
համար:

Եւ այս ամէնն առաջանում է նրանից, որ Բազրատունին քնարական  
բանաստեղծ չէ, քնարական ոչինչ չունի, բայց եւ այնպէս նա իւր գեղե-  
ցիկ հասակը կորցնում է քնարերգութիւն անելով: Նա «գիւցազանց մար-  
դարէ» է, ինչպէս ինքն իրեն անուանում է մի տեղ, ծնուած եւ յիպական  
բանաստեղծ եւ առանձնապէս գիւցազներգու լինելու: Եւ 1830 թուից յետոյ  
նա այդ զգում է եւ ինքն իրեն նուիրում է միայն իւր «Հայկ գիւցազնին»,  
դադարելով այլեւս քնարական քերթուածներ յօրինելուց, եւ եթէ դարձեալ  
զբում է բաւականաչափ մեծ ու լիռքը քերթուածներ, դրանք, այսպէս ա-  
սած, ի պաշտօնէ շինուած բաներ են, գրեթէ բոլորը նուիրուած Տիւղեան  
ընտանիքին:

Բազրատունու բանաստեղծութեան զարգացումը ի հարկէ «Հայկ գիւ-  
ցազնի» մէջ է. բայց եւ այդ քերթուածն իւր ժամանակին առանձին կ'առ-  
նեմ. որովհետեւ դա ծնունդ է մեր 19-րդ դարու բանաստեղծութեան ոչ թէ  
առաջին, այլ երկրորդ երեսնամեակի:

Գրիգոր Փեշտիմալեան:— Ինճիճեանի ու Գապասախալեանի ժամա-  
նակակից է Գրիգոր Փեշտիմալեան (+ 1837), որի բանաստեղծութիւնը  
զուտ կրօնական է: Կենսագրութիւնն ինձ յայտնի չէ: Եղել է «մեծիմաստ  
պատուելի վարժապետ» Կ. Պոլսում, — եւ այսքանն էլ բաւական է: Իբրեւ  
վարժապետ յօրինած ունի դասագրքեր՝ Քերականութիւն (Կ. Պոլիս  
1829), Տրամաբանութիւն (Երուսաղէմ 1854), Լուսաշաւիղ, «որ է բացա-

տրութիւն Նիկիական հանգանակին» (Կ. Պ. 1848) եւ նոյնիսկ Բաղդերք Հայկաղեան լեզուի. ունի եւ մի բանաստեղծական երկ «Դիմառնութիւն» (Կ. Պ. 1845): Մահից յետոյ կատարուած այս տպագրութիւնները ցոյց են տալիս, որ նա յարգանք ու հեղինակութիւն է վայելել իւր աշակերտների մէջ. եւ իսկապէս մեծ անուն է ունեցել Փեշտիմալճեանը: Գերմանացի բողոքական քարոզիչները մինչեւ այժմ մեծ գովեստով են խօսում նրա մասին՝ անուանելով նրան հայ Երազմոս<sup>1</sup>, որ իբր իսկապէս բողոքականութեան է դարձած եղել, ծածուկ մասնակցել է նրանց ժողովներին եւ իբր մինչեւ մահը հաւատարիմ բարեկամ է եղել Աւետարանական եկեղեցուն, թէպէտեւ երբեք արիութիւն չի ունեցել հրապարակով ինքն իրեն բողոքական խոստովանելու: — Այդ պատմութիւնը ցոյց է տալիս միայն, որ Փեշտիմալճեան պատուելին քարացած մարդ չի եղել. հետաքրքրուել է Հայոց եկեղեցուց զուրս եղած բաներով, եկեղեցական վերանորոգութեան խնդրով եւ շատ հետո է եղել իւր ժամանակակիցների հալածասիրական ոգուց: Լինելով ջերմ կրօնասէր, նա ծարաւի է եղել կենդանի ոգու եւ զուցէ կարծել է, թէ այդ կը գտնի բողոքականների ժողովում: Բայց որ նա բողոքականութեան յարած լինի, այդ հաւանական չէ: Այդ ժամանակ ով որ հայոց եկեղեցուց կաթողիկոսների կամ բողոքականների հետ յարաբերութիւն էր ունենում, թէկուզ արտաքին, համարւում էր կաթողիկ կամ բողոքական եւ հալածանքի ենթարկւում. նոյն սխալ հայեացքն, ինչպէս երեւում է, ունեցել են եւ ժամանակի բողոքական քարոզիչները՝ բողոքական համարելով նրանց, որոնք իրենց մօտ գնացել եկել են: Յայտնի է Մատթէոս պատրիարքի նեարւային աններող վերաբերմունքը դէպի կաթողիկոսներն ու մասնաւորապէս դէպի բողոքականները. իսկ արդ նա Փեշտիմալճեանի յարգողներից մէկն է եղել եւ նրա «սրտի իղձը» կատարելու համար՝ նրա մահից ութ տարի յետոյ, 1845 թուին Կ. Պոլսում տպագրել տալիս նրա «ցանկալի մատենանր», որ է «Դիմառնութիւն ի չարչարանս Քրիստոսի Փրկչին մերոյ», եւ այս՝ «յօդուտ աղբիս»:

Այս գրքի մէջ, բացի Փեշտիմալճեանի վերոյիշեալ դիւաւոր աշխատանքից, գետեղուած են իբրեւ մի չորրորդ մաս նաեւ նրա տառնովեց «մաղթանքներն առ Աստուած եւ առ սուրբս նորա»: Դրանք աղօթախառն տաղեր են, որ հեղինակն «աղերս» է անուանում, եւ որոնց մէջ առանձնապէս աչքի է ընկնում այն հանգամանքը, որ նրան զրաւում են ամէնից աւելի հայ եկեղեցին եւ հայ աղղային սրբերը, ինչպէս՝ Ս. Էջմիածին, Լուսաւորիչ, Արդար թագաւոր Հայոց, Տրդատ թագաւոր, Ս. Թարգմանիչը, Ներսէս Շնորհալի, Վարդան Մամիկոնեան:

Փեշտիմալճեանն իւր բանաստեղծութեան վրայ նայում է նախ՝ իբրեւ վարժապետ. նա ոտանաւորներ է դրում «ի հրահանգութիւն մանկանց» իւր դպրոցի, որպէսզի նրանք իրենց վարժապետի օրինակներով վարժուին «ի յօրինուածս նմանատիպ գրուածոց»:

<sup>1</sup> Mission und Evangelisation im Orient. 1908, հր 76. Տեղեկութեան համար շնորհակալ եմ իմ աշակերտ Գալ. Իսքենդերեանից:

... Որք չեն վարժ ի յուսման  
Քերթողական բանից չափման,  
Կըրթին ի սա՛ դէթ անազան,  
Իբր ի նըկար ինչ ուրուական:

Ապա՝ նրա հայեացքով բանաստեղծութիւնը մի բարեպաշտական գործ է, որ մանուկներին տալիս է կրօնական հոգեւոր կրթութիւն, եւ կարծում է, ճիշդ ինչպէս Նարեկացին, թէ լւր աշխատանքը հոգեւոր բժշկութիւն եւ առողջութիւն պիտի բերէ ընթերցողներին:

Այս հայեացքը բնականօրէն թելադրել է նրան նախ՝ «աղերսներ» դրել եւ ապա՝ իւր «աղերսների» մէջ բանեցնել բազմազան տաղաչափական ձեւեր, որոնց մէջ, եր. 245, աչբի է բնկնում «Աղերս առ ս. Խաչն աստուածընկալ» որ գրուած է Բագրատունուց առաջ Բագրատունու «հայկական» կոչուած չափով: Մի անգամ որ այդ աղերսները այդպիսի ծաղում ունին, այլեւս դրանից կարելի չէ պահանջել բանաստեղծութիւն. դրանք մեծ մասամբ միակերպ յորինուած բաներ են, դիմումներ սովորական նմանութիւններով. օգրինակ՝ Շնորհալու աղերսն այսպէս է սկսւում.

Աղբիւր ես բարի, կենաց վտակի  
Որպէս եղջերու փափագի,  
Հողիս ծարաւի:  
Ճրագ լուսարփի, Արամեանս ազգի  
Յոլացո՛ւ ըզլոյս քո պայծառ,  
Աչացս իմ սրտի:

Այսպէս եւ Շնորհալուն կոչում է՝ ոստ դաւազանի, ծաղիկ նազելի, տւռ ողկուզալի, երկիր բերրի, պարարտ ձիթենի, լեռոն կնդրկի, մառան բարելի եւ այլն, եւ այդ նմանութիւններին համապատասխան մէկ մէկ խընդրուածքներ անում նրանից:

Նման ձեւով գովում է եւ էջմիածինը, — «Աղերս առ շնորհածին ծնողըն մեր Սուրբ էջմիածին».

Լուսակերտ խորան փառաց՝  
Երկնաւորին,  
Կառուցեալ յԱրարատեան  
Մեծի դաշտին:  
Սեպհական պարծանք ազգիս  
Պըսակ անգին.  
Դու լե՛ր միշտ պատսպարան  
Իմոյ անձին. եւ այլն:

Փելտիմալճեանի երկերը ժամանակի կրօնական սլահանջին բաւարարութիւն տալու են սահմանուած: Խրիմեան Հայրիկը պատմում էր, թէ ժամանակակից պատրիարքներից մէկը (անունը մոռացել եմ) մի անգամ աւել է Գրիգոր պատուելիին, թէ ամէն սրբերի գովեցիր ու աղօթեցիր, մեր ա. Թագէոս Առաքեալին ինչո՞ւ մոռացել ես: Պատուելին պատասխանում է,

Թէ Թագէտս Առաքեալը շատ հեռու է ընկած, ուստի միտը չի եկել նա: Բայց մի քանի օրից յետոյ նա բերում է եւ Հայաստանեայց առաքեալի աղերսը, որի սկիզբն է՝ «Առաւօտ լուսաբեր Հայաստան երկրի, Թագէտս առաքեալ, ընդէ՞ր կաս հեռի»: Աղերսը հաւանութիւն է գտնում, եղանակ յարմարեցւում նրան եւ երդւում: Եւ Գրիգոր պատուելիի բաղձաթիւ աղերսներից այդ մէկը, որ չի առնուած նրա «Դիմառութեան» մէջ, իւր եղանակի պատճառով ապրում է մինչեւ այժմ իբրեւ երգ: Խրիմեան Հայրիկի սիրած տաղերից մէկը դա էր:

Փեշտիմալճեանին եւ նրա հոսանքով ընթացողներին անշուշտ եկեղեցուց եւ սրբերից շատ աւելի մեծ ոգեւորութեան նիւթ պիտի տար եւ աւետարանական պատմութիւնը, որին նուիրուած է մեր այս քերթողի «Դիմառնութիւնը», գրուած 1820 թուականի մօտերը: Այս երկը, որի մէջ մի քանի հատուածներ դարձեալ ջերմ աղօթքի կերպարանք ունին, համեմատաբար աւելի բարձր է քան աղերսները. բայց եւ այնպէս սա եւս բանաստեղծական յղացման արդիւնք չէ: Եթէ Ինճիճեանը ոտանաւորով աշխարհագրութիւն է անում, Փեշտիմալճեանը մի բանաստեղծական կրօնադիտութեան գիրք է գրում՝ Քրիստոսի տնօրէնութեան վրայ, որի մէջ ոտանաւորով պատմուած եւ մեկնուած են Փրկչի չարչարանքը, խաչելութիւնը եւ այլն, հետը միացրած եւ Հին Կտակարանից ակնարկներ եւ նոյնիսկ աւանդութիւններ: Լինելով մեր վերածննդեան շրջանի միմիայն ներքին հոգեւոր ուղղութեան արտայայտիչ, առանց եւրոպական ազդեցութեան, նա մտածում է այնպէս, ինչպէս միջնադարում մտածում էր, օրինակ՝ Ներսէս Ծնորհալին: Այդ հասկացողութեամբ պահանջուած է, որ պրոգայիկ նիւթն եւս բանաստեղծօրէն գրուի, որպէսզի տպաւորութիւն թողնի եւ երեխաները հեշտ սովորեն.

Ոտիւք չափեալ քերթողական,  
Առ անձանձիր վերժանութեան.  
Եղեալ ի ձեւ դիմառնական,  
Առ շարժութիւն կրից հոգեկան:

Փեշտիմալճեանը նոյնիսկ իւր լեզուով եւ ոտանաւորով եւս ազդուած է Ծնորհալուց. վերջինիս պէս նա շատ պարզ ու վճիռ է գրում. սիրում է ութվանկանի տողեր, եւ ամբողջ խոշոր հատուածներ միեւնոյն յանգով է վերջացնում. բայց բոլոր երկը նոյն յանգով չի յօրինում, ինչպէս վարւում են Ինճիճեանը եւ Յովհան Վանանդեցին իւր առաջին գրուածքների մէջ: Նա ճաշակով համեմատաբար բարձր է իւր ժամանակակիցներից:

Չունենալով ոչ մի դադափար թատրերգութեան մասին՝ Փեշտիմալճեանը յօրինում է մի տեսակի թատերական երկ: Նա ոչ թէ մեկնում կամ պատմում է Քրիստոսի տնօրէնութիւնը, այլ դրամատիկական ձեւով գործող անձեր է մէջ բերում եւ միայն նրանց խօսել տալիս, եւ այս ձեւը պահում է սկզբից մինչեւ վերջը: Դա մի բոլորովին նոր ձեւ էր մեր պարականութեան մէջ, որ իւր արտաքին նորութեամբ միայն պիտի հաճելի լինէր ժամանակակիցներին: Հէնց այս պատճառով եւ նա իւր երկը կոչում է «Դիմառնութիւն», որովհետեւ այստեղ մեռած անձերը, եւ նոյնիսկ երկինք, եր-

Վիր, աստղ եւ այլն կենդանանում եւ խօսում են իրրեւ կենդանի անձեր: Այս երկը կը դառնար միջնադարեան քրիստոնէական թատրերգութեան նման մի բան, եթէ միայն հեղինակը ներկայացման մասին մտածած լինէր եւ քիչ ու շատ յարմարեցրած դրան: Բայց նա այդ ձեւն ընտրել է միայն աւելի եւս ազդու անելու համար. ուստի եւ ոչ թէ արարուածները ու տեսարանների է բաժանում նա «Դիմառութիւնը», այլ մասերի եւ գլուխների, որով եւ նրա երկը բռնում է մի տեսակ միջին տեղ դրամատիկական ու վիպական ձեւերի մէջ. մինչդեռ նոյն ժամանակներում Բազրատունու դրուածքն, ինչպէս տեսանք, արտաքուստ դրամատիկական է: Եւ այս հասկանալի է. Փեշտիմալ-ճեանը հին մարդ է, երիտասարդ Բազրատունին համեմատաբար նոր, եւ սրան ծանօթ էր դրամատիկական ձեւն օտար դրականութիւններից: Դրանց երկերն առաջին ձգտումներն են դրամատիկական տեսակն առաջ բերելու մեր գրականութեան մէջ, եւ այս տեսակէտից հետաքրքիր:

Այսպէս, թելադրուած անշուշտ Կտակ-Գրքից, Փեշտիմալճեանն առաջին արարուածի առաջին տեսարանի մէջ (հեղինակի առաջին մասի առաջին գլխի մէջ) երեւան է հանում Քրիստոսին խաչի վրայ, դեռ չմեռած. Կոյսը խաչի առաջ ողբում է ինքն իրեն եւ իւր որդուն երկինք ու երկիր կանչելով իրեն սփոփելու.

Ո՛ր օր սըպոյ, օր մահաբեր,  
Օր խաւարի անլոյս դիշեր,  
Եհար ըզսիրտ իմ կարեւէր  
Սաստիկ ցաւոց սըրեալ սուսեր:  
Ահացըս լոյս եղեւ ըստուեր,  
Շիջաւ յանկարծ սրտիս լապտեր.  
Կար զօրութեան իմ կենսաբեր  
Բարձաւ յինէն որպէս թէ չէր...  
Երկի՛նք, երկի՛ր, լուռ կայք ընդէ՞ր,  
Փռեթացարո՛ւք զիս սփոփել.  
Զի բաց ի ձէնջ չունիմ ընկեր  
Ոչ ի ստորինս եւ ոչ ի վեր:

Եւ ահա՛ բեմ են մտնում երկինքն ու երկիրն անձնաւորեալ եւ յուսադրելով Կոյսին՝ յայանում են, թէ Յիսուս պէտք է խաչուի, որպէսզի մարդկային ազգն ազատուի՝ սատանայի ձեռով անկումից.

Զի եղիցի մահուան իւր դին  
Ազատութիւն մարդկան ազգին:

Այս խօսքի վրայ ներս է մտնում Բանսարկուն եւ ինքն իրեն «... ցընելով՝ մարդու անկման պատճառը մարդուն իրեն է համարում: ... ւում է մի վիճաբանութիւն, որի ժամանակ բեմ են դալիս եւ մասնաւորում վէճին նաեւ հրեշտակներ, եւ վերջը Բանսարկուն ստիպուած է լինում ... կածելու, թէ մի՛ դուցէ այս խաչեալը կործանէ իւր իշխանութիւնը. ... տէ իւր կապեալ ոգիները դժոխքի բանտից:



Շարունակութեան մէջ տեսարանն անփոփոխ միեւնոյն է մնում. Կոյսն անդադար ողբում է, դիմելով այն ամէնքին, Աստուածաշնչի այն բոլոր անձերին, որոնք ըստ մեկնաբանների որեւէ կերպով գուշակել են Քրիստոսի մարդեղութիւնը, եւ զարմանքով հարցնում է, թէ ինչո՞ւ նրանց գուշակութիւնները չեն կատարւում. իւր որդին ահա՛ խաչւում է: Այդ անձերը՝ Գաբրիէլ հրեշտակ, մողեր, հովիւներ, Եղիսաբէթ, Չաքարիա, Յովհաննէս Մկրտաւիչ, Սիմէոն ծերունի եւ ուրիշներ, ինչպէս եւ Հին Կտակարանի նահապետներ, մարդարէներ եւ այլք, պարտք են համարում հետզհետէ հանդէս դալ եւ մխիթարել Կոյսին եւ յայտնել, թէ այդպէս էլ պէտք է լինի եւ թէ իրենց մարգարէութիւնից ոչինչ չի վրիպիլ, իսկ քահանայապետներն ու դպիրները եւ հրէից ամբոխը միւս կողմից հրճուանքի մէջ են. դեւերը սակայն երկիւղով կասկածում են: — Կրօնոսուոյցն ուրեմն ոչինչ պաակա չի թողնում, ինչ որ Քրիստոսի կեանքին է վերաբերում. երբեմն մանրամասն, երբեմն համառօտ ակնարկներով անցնում է ամէն բան: Սակայն այսպէս լինելով հանդերձ՝ շատ հաստուածների մէջ նա իւր երեւակայութեամբ կենդանացնում է խօսքն ու նկարագիրը.

Առ քեզ գոչեմ արտասուահոս,  
Ե՛կ, մերձաւորդ իմ Ղազարոս.  
Տե՛ս, որ զքեզ ձայնիւ յարոյց,  
Ի սիայտ մահու լըռէ անխօս: ...  
Դառն խորշակ հարաւ դըլխոյս.  
Եկէ՛ղ ըզտունկըս բարեբոյս.  
Թառաւեցաւ ծաղիկն հոգւոյս.  
Եղէ ես ծառ պլտղակորոյս:

Իսկ Ղազարոսը սփոփելով նրան՝ պատմում է իւր դրութիւնը գերեզմանի, որ միեւնոյն է դժոխքի մէջ.

Եհաս օրհաս կենաց հիքոյս,  
Ժամանեցի ի բանդ անլոյս: ...  
Խուժան դիւաց անդընդասոյզ  
Պլտուտկէին դինեւ ի խոյզ.  
Ըսպառնային ըզցաւս անբոյժ,  
Ըզհուր անչէջ, զանմեռ որդունս:  
Ուր խանչէին որպէս ըղխոզ  
Ամբարշտաց ժողովք յայլ կոյս.  
Ի ծով հըրոյ ծըծըմբայոյզ  
Ի լեղ անկեալ որպէս դեռունս:  
Օձք եւ կարիճք զեղունին թոյնս  
Որպէս ըզգեստս առատահոս.  
Գազանք հըրէջք սուր ի լեզուս  
Գիշատէին ըզմեղաւորս: ...

Այս ամէնը տեսնելով՝ սարսափած մնում է Ղազարոսը. բայց երբ Քրիստոս ձայնում է նրան,

Յայնժամ շարժեալ դրանց դժոխոց  
 Խռովեցան անդունդք խորոց,  
 Ձահի հարեալ գումարք այսոց  
 Մատեան միմեանց ի հարց ի փորձ.  
 «Այս ի՞նչ, այս ի՞նչ», — ասեն այլոց,  
 «Գոչեաց առիւծ ահեղագոչ.  
 Իբրեւ ամպրոպ շփոթ ամպոց  
 Զամենեսին ահիւ պակոյց»։ —  
 Անդ բանսարկուն ասէ նոցին.  
 «Զայս մի անդամ լուեալ է իմ  
 Մինչ յանէից ի դոյ եկին  
 Երկիր, երկինք, եւ մեր ի նմին:  
 Ահա՛ այս ձայն է Արարչին,  
 Որ դըրըրդեաց զամենեսին.  
 Արդ կասկածիմ եկեալ ինքնին  
 Յաւար առցէ զիմ տուն դանձին»:

Դեւերը խորհուրդ են տալիս Բանսարկուն հաւաքել իւր զօրքը եւ պատերազմի պատրաստուել. նա չի համաձայնում՝ քաջ իմանալով Արարչի զօրութիւնը: Այն ժամանակ կատաղում են դեւերը եւ

Գոռան, խանչեն մոլեգնաձայն.  
 «Արդ դիտ հնար, ով գոռ իշխան,  
 Պատճառ չարեաց մեր կորստեան»...  
 Անդ բանսարկուն գոչէ այսոց.  
 «Ի դուրս արկէք զՂազարոս.  
 Դեռ քառօրեայ չէանց միջոց,  
 Էարկ աղմուկ ի տարտարոս»:

Այս խօսքի վրայ մի այլանդակ դեւ վազում է դէպի Ղազարոսը եւ նորան դուրս ձգում գերեզմանից:

Ասել չի ուզիլ, որ բոլոր անձնաւորութիւնները խրտուիլակներ են միայն եւ ոչ մարդիկ. նրանք ծառայում են լոկ Աստուածորդու մեծութիւնը եւ մարդեղութեան խորհուրդը բացատրելու համար: Բայց մի վեհ պատկեր է ներկայացնում ինքն Տէրը, այսինքն Յիսուս խաչի վրայ. նա լուռ տանջում է ամենայն համբերութեամբ. քիչ է խօսում եւ խօսում է միայն նրա համար, որ ցոյց տայ, թէ որովհետեւ աշխարհի անկումը Բանսարկուի հպարտութիւնից ու ըմբոստացումից է ծագել, ուստի եւ ինքը խաչի վրայ ամենամեծ խոնարհութեամբ պիտի բարձրացնի անկեալ աշխարհը: Նա մէկ մէկ արտասանում է իւր «եօթն խօսքերը», ինչպէս «Հայր, թող դոցա, զի՛ ոչ գիտեն զինչ գործեն» եւ այլն եւ բացատրում, թէ ինչպէս արդարութեան օրէնքի տեղ դնում է գթութեան օրէնքը: Մխիթարում է իւր մօրը եւ քնքշութեամբ հոգում նրա մասին:

Վշտահար մայրը պահում է շարունակ նոյն ողբացող վիճակը. լալիս է իւր եւ իւր որդու վրայ. դովում է որդուն. չի կարողանում հասկանալ,

թէ ինչու մարդկային ազգը չպիտի փրկուէր առանց իւր որդու անարդ վիճակին եւ տանջանքներին: Նրա վիշտն աւելի մեծանում է, երբ յիշում է իւր որդու հրաշագործութիւնները: Նրա դառնագին հեծեծանքը, ողորմադին տեսիլն այն աստիճանի է հասնում, որ նոյնիսկ որդուն խաչի վրայ մոռանալ է տալիս իւր ցաւերը: Եւ այստեղ, այս սղաւոր մօր ողբի ու բողոքի մէջ Փեշտիմալճեանը մէկ մէկ իսկական քնարերգու է դառնում:

Տեսարանը սկսում է փոխուել միայն այն ժամանակ, երբ Յիսուս վերջին խօսքն է արտասանում: — Երբորդ մասի սկզբում Քրիստոս արդէն դերեղմանի մէջ է. նա մտնում է դժոխք եւ կործանում չարի իշխանութիւնը: Դժոխքում կապուած հոգիները մէկ մէկ, Ադամից սկսած չին Կտակարանի բոլոր յայտնի անձերը միանման կերպով դիմաւորում են Փրկչին, որ նրանց ամէնքի հետ կարճ կամ երկար խօսքեր փոխանակելուց յետոյ՝ բանտարկուած թիւնից ազատում է նրանց: Արդարներից յետոյ առաջ են զալիս մեղաւորներն իրենց լաց ու կոծով, յուսակտուր աղաղակով. սակայն այս շարանին վերջը լռեցնում են դեւերը, գոչելով:

Կարկեցարո՛ւք, չարեաց դումարք,  
Վայրաղօղանջ շո՛ւնք նետահարք:

Այստեղ իսկապէս վերջանում է Քրիստոսի չարչարանքի դիմառնութիւնը, սակայն կրօնադիտութեան դասադիրքն ամբողջական անելու համար՝ ետեւից զալիս են եւ երեք պատկերներ Յարութեան, Համբարձման եւ Հոգւոյ զալստեան համար, որոնք իրարուց անկախ բնաւորութիւն ունին:

Մեր այժմեան պահանջին ի հարկէ Փեշտիմալճեանը բաւարարութիւն չի տալ. բայց պատմութեան մէջ ամենայն բան իւր տեղում պիտի առնել եւ այն ժամանակ յաճախ այժմեան անարժէքը ստանում է արժէք՝ դառնալով մի օղակ դէպի կատարելութիւն դիմող զարգացման շղթայի մէջ: Այս տեսակէտից դատելով՝ հասկանալի է լինում, թէ ինչո՛ւ ժամանակակիցները դրաւել են այդ «մեծիմաստ» եւ «պերճիմաստ» պատուելիի տաղաչափութեամբ: Բաւական է միայն համեմատենք նրա աղերսները Ղազար Զահեցու աղօթքների եւ կամ իրեն ժամանակակից Գապասախալեան դպրի եւ Աստապատցի Աբրահամ վարդապետի աղերսների հետ, որպէսզի համոզուենք, թէ Փեշտիմալճեանն աւելի անկեղծ զգացող է եւ պարզ ու մաքուր մտածող. իսկ նրա «Դիմաւորութեան» հետ բնաւ համեմատուել կարող չէ հարիւր տարի առաջ հրատարակուած «Գործք առաքելոցը» Կոմիտաս քահանայի: Նա մի աստիճան ազնուացնում է մեր վերածնութեան շրջանի կրօնական բանաստեղծութիւնը եւ մինչեւ անգամ աղբում յաջորդների վրայ, ինչպէս Խրիմեան Հայրիկի: Բայց եւ այնպէս Փեշտիմալճեանն իւր ամբողջ էութեամբ, ինչպէս նկատեցի, մի տնասուն քերթող է, որ հոգւոյով մեր միջնադարեան բանաստեղծների կարգին է պատկանում եւ մի առանձին թարմ երակ չի մտցնում մեր, թէկուզ կրօնական, բանաստեղծութեան մէջ: Եւ այս հասկանալի է թէ ինչո՛ւ:

Դպրոց, լրագրութիւն, քարգմանակամ եւ ինքնուրոյն գրականութիւն:—Մեր հնի վերածնութիւնը եւ հնի նմանողութիւնը միայն բաւական չէր

կենդանի բանաստեղծութիւն առաջ բերելու: Եւրոպական միտքը պէտք է ներգործէր. բայց մինչ այդ եւրոպացոց հետ ունեցած հայոց յարաբերութիւնը արտաբնական էր, ուստի եւ ազդեցութիւնը աննշան:

Եւրոպական մտքի իսկական ազդեցութիւնը շատ բնականօրէն սկըւում է դադթավայրերում եւ դպրոցով եւ այս միայն 19-րդ դարու առաջին քառորդից: Արգարեւ Կ. Պոլսում 18-րդ դարու վերջերից արդէն բացւում են ժողովրդական դպրոցներ, բայց դրանք հին ձեւով են կազմուած եղել եւ ժողովրդի մէջ գրագիտութիւն տարածելով հանդերձ՝ հային երկար ժամանակ չեն կարողացել ծանօթացնել եւրոպական քաղաքակրթութիւնը: Դրանց պատուելիները փակուած են մնացել մեր ներքին նեղ շրջանակի մէջ, եւ միշտ պատկառանքով են նայել դէպի Վենետիկեցիք՝ համարելով նրանց կատարելութիւն եւ նմանողութեան աղբիւր, չմտածելով անդամ մրցել նրանց հետ: Ռուսաստանի հայերն աւելի ուշ են կենդանութեան նշան ցոյց տալիս, բայց մի անգամ շարժուելուց յետոյ՝ գլխաւոր հոգսը հէնց սկզբից տանում են նոր ձեւով դպրոցներ հիմնելու համար: Աղաբաբեան դպրոցն Աստրախանում (1810 թ.), Լազարեան ձեմարանն (1816 թ.) ու Ներսիսեան դպրոցը (1824 թ.) հաստատուած հայ դադթավայրերում, հետագայում պիտի իրենց բարերար ազդեցութիւնն անէին նաեւ բուն երկրի հայ ժողովրդի վրայ, որ 19-րդ դարու առաջին երեսնամեակում դեռ տառապում էր պարսկական եւ թիւրքական դժպետութիւնների ձեռքին:

Բաւական ժամանակ պիտի անցնէր սակայն, մինչեւ որ եւրոպական լեզուների եւ կեանքի ծանօթութիւնը այս նոր դպրոցների միջոցով մի առողջ հոսանք մտցնէր հայ անշարժութեան մէջ եւ հայ միտքը դուրս դալով ինքնազոհ դրութիւնից՝ կտրուէր միմիայն մեր միջնադարին նմանելուց եւ ազդի յառաջդիմութեան էական պայմաններից մէկը համարէր հայ կեանքի մէջ փոխադրելու ամէն ինչ որ եւրոպական է: Եւ այս ձգտումը եւրոպականին նմանելու, որ ծնւում է դադթավայրերի դպրոցների մէջ, գնալով զօրանում է եւ կամաց կամաց ներքին բնաւորութիւն է ստանում: Առանց թուլանալու եկեղեցական-կրօնական զգացմունքի մէջ՝ մարդիկ տեսնում են, որ եկեղեցուց դուրս ուրիշ բան էլ կայ. եւ չեն բաւականանում հայ եկեղեցական անցեալով: Հայ միտքը բացւում է, եւ սովորում են դիտել եւ ուսումնասիրել կեանքը, լազդատութիւն դնել հայի եւ օտարի ունեցածի մէջ. որոշւում է հայրենասիրութեան դադափարը, որ հետզհետէ աւելի մեծ ծաւալ է ստանում: Հայրենասիրութիւնը նրանց եռանդ է ներշնչում հայ կեանքը մի նոր ձեւով նորոգելու: Իսկ դրա միջոցներ են համարւում նոր ուսումն ու գիտութիւնը, գիտական գրքերի թարգմանութիւնը եւ վերջապէս լրագրութիւնը:

Լրագրութիւնը ծնունդ է առնում արդէն 18-րդ դարու վերջում: Առաջին ամսաթերթը, «Աղդարար» (1794—1796) լոյս է տեսնում Մադրասում Յարութիւն քահանայ Շմաւոնեանի ձեռով, եւ ապա Վենետիկում հրատարակւում են Ինճիճեանի խմբագրութեամբ «Տարեգրութիւն» (1800—1802) եւ «Եղանակ Բիւզանդեան» (1803—1820), որոնք տարեթերթ են, այսինքն տարէնը մի գիրք են լոյս ընծայում:

Լրագրութիւնն ազդանիշ էր, որ հայութիւնը իւր նեղ շրջանակից պի-

տի դուրս գար: Հայը սկսել էր հետաքրքրուել թէ իրենից դուրս, հեռում քինչ է կատարուում: Ահա «Ազգաբարի» ծրագրերը. «Ազգ արարող յորմէ իմացումն լինելոյ է ընթերցողաց ծայրաքաղ անցքն նոյնոյ ամսոյ, եթէ ի դանդան կազեթաց, եթէ ի դանդան քարտեսաց եւ եթէ այլոց զանազան գրոց. նաեւ բանք հարկաւորք եւ քաղցրալուրք, եւ ի վերջնումն տետրակին՝ զօրացոյց մի հետեւեալ ամսոյ, պարունակեալ ի նմա զսօսն սրբոց եւ զաւուրս ծննդեան եւ լրման լուսնայ»: <sup>1</sup> Ինճիճեանի ձեռով խմբադրուած տարեթերթերն եւս մանրամասն տեղեկութիւններ են տալիս նախորդ տարուայ մէջ զանազան երկիրներում կատարուած քաղաքական, եկեղեցական ու գիտական դէպքերի, դիւտերի մասին. գիտելիքներ՝ բժշկական, բնագիտական եւ այլն: «Ազգաբարի» օրացոյցին այստեղ փոխանակում է «գուշակութիւն օդերեւոյթ փոփոխութեանց», — կարծես բաւարարութիւն տալու համար մեր պապերի պահանջին, որ չէին կարող ապրել առանց էֆիմերական գուշակութիւնների:

1812 թուին Կ. Պոլսում կազմուած է մինչեւ անգամ «Արշարունեաց ընկերութիւնը», որ իրեն նպատակ է դնում «ազգին մէջ գրականութեան ոգի դարթուցանել՝ ոչ միայն նախնեաց մատենադրութիւնն ի լոյս ընծայելով, այլ եւ ազգին օգտակար գրոց հրատարակման ձեռնառու ըլլալով»: <sup>2</sup> Այս ազատասէր ընկերութիւնը իւր ծախքով 1815-ից տպագրում է Ինճիճեանի «Եղանակ Բիւզանդեանը»: Այս ընկերութիւնն է, որ առաջ է բերում եւ «Դիտակ Բիւզանդեանը» (1812—1816), մի չաբաթաթերթ, որ սակայն ոչ Կ. Պոլսում, այլ Վենետիկում Մխիթարեանների ձեռով է խմբագրւում եւ տպագրւում, անշուշտ այն պատճառով, որ Կ. Պոլսի պատուելիներն ընդունակ չէին լրագիր խմբագրելու: Դա սկզբում զրադուած է գլխաւորապէս եւրոպական եւ նոյնիսկ ամերիկեան քաղաքական անցքերով, առանձնապէս Նապոլէոնի արարքների մասին լուրեր տալով, իսկ վերջին երկու տարին, երբ խմբագրում է Ջախջախեանը, առանձին տեղ է տալիս նաեւ ռուսումնական եւ բանասիրական խնդիրներին: Դժբախտաբար, որքան քաղաքական լուրերին ընդարձակ տեղ է տրուած այս լրագրի մէջ, «Ժամանակակից ազգային խնդիրներն եւ դէպքերը բոլորովին անյիշատակ են թողուած»: <sup>3</sup> Եւ այս հասկանալի է: Մխիթարեանների հռչակը մեծ էր, բայց հեռու Վենետիկը չէր կարող ազգային կեանքը ցոլացնող եւ կեանքի հետ կապուած լրագիր հրատարակել այդ ժամանակ, մանաւանդ որ, տեսանք, վենետիկեան քերթողներն անգամ նոյն միջոցին շատ էլ չէին հետաքրքրւում ազգային ժամանակակից խնդիրներով: Բայց ինչպէս էլ լինի, այս առաջին վենետիկեան լրագիրները, հրատարակուած ռամկական աշխարհաբարով, շատ նպատակ են հայերի աչքը բանալու եւ օտար ազգերի կեանքին ու գործունէութեանը ծանօթանալու: Եւ եթէ Մխիթարեան խմբագիրներն ազգային կեանքն անուշադիր են թողած, բայց եւ այնպէս «առաջին անգամ հոս (Դիտակ Բիւզանդեան) կը հանդիպենք ազգային առաջադի-

1 Գ. Գալեմքերեան. Պատմութիւն Հայ լրագրութեան, Վիեննա, 1893, Ա, եր. 24:

2 Նոյն, եր. 28:

3 Նոյն, եր. 34:

մութեան յորդորակներու, Արշարունեաց ընկերութեան անդամներէն խօսուած»<sup>1</sup>։ Եւ այս շատ էր արդէն։

Այս շարժումը բնականօրէն իւր հետ բերում է եւ պահանջ մի նոր տեսակի գրականութեան, որ չի եղել հնումը։ Դասագրքերի, կրօնական, պատմական եւ այլ բովանդակութեան գրքերի հետ սկսում են մէկ մէկ երեւան գալ եւ բանաստեղծական քաղաքամուտքիւնքը եւրոպական աղգերի գրականութիւնից։ 1793 թուին արդէն Նոր Նախիջևանում տպագրւում է Ֆենեյոնի Տեքեմաքը, որ մի ժամանակ Եւրոպայում ամէնից ժողովրդական եւ տարածուած գիրքն է եղել եւ իւր խրատական բնաւորութեամբ շատ յարմար էր մեր գրագէտների այն ժամանակուայ ճաշակին։ Ուստի եւ մի քանի ուրիշ թարգմանութիւններ էլ է ունենում հետագայում, երկրորդ անգամ Ջախջախեանի ձեռով վենետիկում 1826 թուին։ Նոյն տեղում մի տարի առաջ տպագրւում է, դարձեալ Ջախջախեանի թարգմանութեամբ, Գեաների «Մահ Արէլի», որ բնականութիւնից զուրկ մի հովերգութիւն է եւ արժանացած հայերէն թարգմանութեան անշուշտ նրա համար, որ կրօնական բնաւորութիւն ունի, եւ որ մեր բանաստեղծներն այն ժամանակ շատ աւելի դրախտով, Աղամ-Եւայով էին հետաքրքրւում քան Հայաստանով։ 1824 թուին լոյս է տեսնում Միլտոնի «Դրախտ կորուսեալի» արձակ թարգմանութիւնը Հ. Աւգերեանի ձեռքով։ Հնդկաստանի հայերն եւս անմասն չեն մնում այս թարգմանութիւնների մէջ. Կալկաթայում, ուր 1821 թ. հիմնւում է Մարդասիրական ձեմարանը, 1826-ին Շատորբիանի Ատալան է տպւում, իսկ Մադրասում, 1818-ին՝ Վորտերի Յուլիոս Կեսարը, եւ 1812-ին՝ Ֆլորիանի Նումա Պոմպիլիոսը, որ Տեքեմաքի յատկութեան մի գիրք է եւ երկրորդ անգամ արժանանում է թարգմանուելու Ե. Հիւրմիւղի ձեռքով։

Այս թարգմանութիւնները, գլխաւորապէս կրօնական-բարոյական ուղղութեամբ վիպական երկեր եւ նոյնիսկ թատերգութիւններ, դանդաղ, բայց անընդհատ շարունակւում են եւ հետագայում, գլխաւորապէս վենետիկեցոց ձեռով, որոնք տալիս են հին եւ ֆրանսիական կլասիկներից մի քանի կարեւոր երկեր՝ դժբախտաբար գրաբար լեզուով։ Եւ այսպիսով նոյնիսկ 19-րդ դարու սկզբներից առաջ է գալիս գեղարուեստական թարգմանական գրականութիւն, որ գոյութիւն չունէր առաջ։ Դա արդէն նշան էր, որ հայ գրական միտքը շարժւում էր եւ պիտի բաժանուէր սքոլաստիկայից եւ միջնադարեան միակողմանի ու միակերպ պրոզայիկ բանաստեղծութիւնից ու մի նոր ճանապարհով ընթանար։ Հարկաւ դեռ շատ ժամանակ պիտի անցնէր, մինչեւ որ ճաշակը, գեղարուեստական հասկացողութիւնը դարձնէր եւ թարգմանութիւնների միջոցով ազնուանար ու բարձրանար եւ թօթափելով հինը՝ կարողանար նմանել եւրոպականին եւ առաջ բերել մի նոր տեսակի, թէկուզ նմանողական, բանաստեղծութիւն, որ արտայայտիչ լինէր կեանքի, իւր մէջ ցոլացնէր մեր իրականութիւնը եւ բաւականութիւն տար հասարակութեան ձգտումներին։ Ամէնից առաջ յաջող կերպով այս բանը կարող էին անել Մխիթարեան բանաստեղծները, որոնք քիչ ու շատ

<sup>1</sup> Նոյն, եր. 33։

ժանութ էին եւրոպական բանաստեղծութեանը. բայց նրանք ժողովրդի կեանքով չէին ապրում, ուստի եւ իրենք ինքնուրոյն երկերի մէջ թոյլ, մանկական ու բաւական պարզամիտ են: Բայց եւ այնպէս դրանց բանաստեղծութիւնները, ինչպէս եւ Փեչտիմալճեանինը, եթէ ժամանակին տպագրուած չինէին, կարող էին որոշ չափով բաւականութիւն տալ ժամանակակիցներին, որոնք այդ նկատմամբ շատ էլ պահանջկոտ չէին: 19-րդ դարու առաջին երեսնամեակում սակայն, որքան գիտեմ, գրեթէ ոչինչ չէ տպագրուած:

1829 թուին Մոսկովում Մուգայֆ Արաքստեան շատ բան խոստացող անուան տակ հրատարակում է մի գիրք: Դա Լազարեան Ճեմարանի սաների բանահիւսութիւնները ժողովածուն է, որով նրանք եթէ մի կողմից պարծանքով ուզում են ցոյց տալ իրենց յառաջդիմութիւնը «քերթողութեան եւ ստեղծաբանութեան» մէջ, միւս կողմից «առ հասակակիցս արձակեն զառաջին զայս փունջ բանահիւսութեանց, հրաւիրեալ զնոսա յայս սղբիւր լուսաւորութեան, դալ աջակցել ի քերուաքանդակ ճախարակութիւն տողաչափութեանց»:

Շատ բնորոշ է այս կոչը իւր ժամանակի համար: Մարդիկ կրթւում են դպրոցում, կարգում են եւրոպական լեզուներով բանաստեղծութիւններ, նոյնը որոնում են եւ հայոց մէջ ու չեն գտնում: Բայց դպրոցը տուել է նրանց աղբի պակասութիւնը հոգալու միտքը, չեն կարող անտարբեր մնալ: Չկայ բանաստեղծութիւն, բայց պէտք է ստեղծել: Ուրեմն ի՞նչ պէտք է անել: Պատասխանը շատ պարզ է եւ երեխայական: — Հարկաւոր է հրաւիր կարգաւ հայ դպրոցների բանաստեղծներին, որ զարթնեն: Եւ այդ անում են Լազարեան սաներն իրենց աշակերտական շարագրութիւններով ու ճարտասանական վարժութիւններով, որոնք անշուշտ սրբագրուած ու չինուած են իրենց հայկաբանութեան ուսուցիչ Միքայէլ ծայրագոյն վ. Սալլանթեանցից:

Այն բազմաթիւ անուններից, որոնք դրուած են ոտանաւորների տակին, եւ ոչ մէկն էլ ասպագայում գրական շնորհք չի ցոյց տուել, որքան յայտնի է. բայց եւ բոլոր գրածներն էլ աննշան բաներ են. մեծ մասամբ ձօներ՝ Զատիկի, Ծննդեան, Նոր տարուայ եւ այլն առթիւ ուղղուած Լազարեան իշխաններին. մի սովորութիւն, որ տեսանք, միայն այդ Լազարեան սաների մէջ չի եղել եւ միայն նրանք չեն, որ իրենց երախտաւորներին տուել են այնպիսի մականուններ, ինչպէս՝ աստուածադոյզ, դիւցապատիւ, դիւցազնափայլ, սխրափայլ դասու դիւցազանց զուգաթոռ, դիւցածնունդ, մեծամեծարար հերոսք, արքայապսակ դիւցազանց վեհազնեայ անմահից բարձակից եւ այլն: Դա ժամանակի ողորմելի ոգու արտայայտութիւնն էր:

Սակայն այնպէս լինելով հանդերձ՝ այդ ժողովածուն մի մանկական թոթովանք է, որ ցոյց է տալիս, թէ լեզուն պիտի բացուի: Դրա մէջ արդէն երեւում է, որ «մուգաները» ոչ միայն բարոյական խրատներ ու Աստուածաշունչ են սիրում եւ տաղաչափում նրա հատուածները, այլեւ ոգեւորւում են մեր անցեալով բնոյճանբալէս. ունին արդէն հայրենիքի գաղափար, որով պարծենում են, որովհետեւ այդ հայրենիքը դրախտն է. ցոյց են տալիս ուսման սէր եւ ուրախանում են, որ պարսից բռնակալ լծից ազատւում է հայ ազգը: Դրանք ոգեւորութեան նոր նիւթեր են, որ Լազարեան սաներն

առաջարկում են մեր բանաստեղծներին մշակելու, եւ որոնցով այնուհետեւ պիտի զբաղուէր մեր ապագայ բանաստեղծութիւնը:

Եւ առաջինը, որ նոյն ժամանակներում այս եւ նման խնդիրներ է նիւթ դարձնում բանաստեղծութեան, է Յովհան Վանանդեցին, որ թէպէտ ինձիճեանի ու Փէշտիմալճեանի ժամանակակից է եւ Բաղրատունուց մի սերունդ առաջ մեռած, բայց շատ կողմերով տարբերում է նրանցից եւ իսկահական հիմնադիրն է դառնում մեր նոր ոգով գրականութեան:

Յովհան Վանանդեցի:— Յովհան Միրզաեան Վանանդեցին (1772–1840) ծնւում է Վան քաղաքում: Չորս տարեկան հասակում որբ է մնում հօրից. աղքատ մայրը շատ նեղութիւն է կրում իւր բողոքանդած ընտանիքը պահելու համար եւ իւր ութ տարեկան որդուն տալիս է Կոտեց անապատը իրբււ փոքրաւոր մի ոմն Գոսպար վարդապետի: Այստեղ նա ցոյց է տալիս առանձին սէր ուսման եւ կարողւոյ երեւի հէնց իւր վարդապետից է սովորում, իսկ գրելը վանքի կոնդակագրից: Միաբանները տեսնելով նրա ընդունակութիւններն՝ առանձին խնամք են տանում վրան. շուտով դպրութեան չորս աստիճան է ստանում՝ Ամիրզադէ անունը փոխելով Յովհանի: Ուսման փափաքը նրան Կ. Պոլիս է տանում իր քսանամեայ հասակում, Երբ լաւ ծանօթ էր Աստուածաշնչին, գիտէր շարական ու Նարեկ, ի հարկէ մեծ մասամբ անգիր սերտած, ինչպէս սովորական էր ժամանակի համար: Այս միջոցին նա անգիր անել է սկսում եւ «բառարանը»:

Մայրաքաղաքում նրան յաջողւում է մտնել «մայր դպրատունը», ուր ստանում է իւր ժամանակի իսկական մեծ ուսումը, սովորում է քերականութիւն, ճարտասանութիւն եւ տրամաբանութիւն «յոտս գերիմաստ ուսուցչացն տիրացու Յարութեան եւ մահտեսի Մանասէի Կարնեցոյ»: Սկզբում ապրում է մեծ նեղութեամբ, իւր հացը հայթայթում է ուրիշների համար նամակներ դրելով, բայց դպրատան վերակացու Շնորհք Մկրտիչ Միրիճանեան ամիրան, տեսնելով նրա ընդունակութիւնն ու յառաջդիմութիւնը, շաբաթական երեք դահեկան թոշակ է նշանակում նրան, որպէսդի աւելի մեծեռանդով կարողանայ պարապել. եւ յետոյ նոյնիսկ իւր տունն է ընդունում նրան ապրելու, սեղանակից անելով իրան:

Վանանդեցին այս հասակում արդէն ցոյց է տալիս բանահիւսութեան շնորհք եւ յօրինում է ճառեր կրօնական բովանդակութեամբ, որոնցով զուարճանում էր Շնորհք ամիրան իւր ազատ ժամերին: Այդ ճառերից մէկը գրում է նա իւր մայր դպրատան, իւր հովանաւոր ամիրայի եւ իւր երկու վարժապետների վրայ, կամենալով երախտահատոյց լինել նրանց: Մի անգամ ամիրան խնջոյք է տալիս Զաքարիա պատրիարքին. եւ բաղմականները խնդրում են Յովհանին, որ իրենց խնջոյքի առթիւ մի ոտանաւոր յօրինէ: Նա ճաշի միջոցին գրում է ուղած ոտանաւորը ու կարդում. ամէնքը հաւանում են եւ խնդրում պատրիարքին, որ մի «վերտառութեամբ», այսինքն մականունն դնելով, պատուէ Յովհանին: Ամիրայի ցանկութեամբ՝ պատրիարքը «Վանեցի» կոչումը՝ որ երեւի թիւր չէր գալիս ամիրային, փոխում դարձնում է «Վանանդեցի» ի յիշատակ Դուկաս Վանանդեցու:

Վեց տարի սովորելուց յետոյ՝ Յովհան Վանանդեցին Շնորհք ամիրայից վարժապետ է ուղարկւում Զմիւռնիա, ուր եւ ուղեւորւում է 1798 թ.



ապրիլին: Այստեղ ամուսնանում է նա, եւ տասնութ տարի վարժապետութիւն անելուց յետոյ ձեռնադրւում է քահանայ եւ մի առանձին գրքով, «Կերակուր քահանայից», բացատրում է քահանաների պարտականութիւնները: Կեանքի վերջում տաս տարի յօդացաւութեամբ տանջուելով մեռնում է 1840 թ. փետրուարի 3-ին եւ ամէնքից յարգուած՝ պառոտով թաղւում է:

Յովհան Վանանդեցիին ունեցել է միայն հայ ուսում. չի իմացել ոչ մի եւրոպական լեզու, տեղեակ է եղել բացի տաճկերէնից նաեւ պարսկերէնի եւ արաբերէնի. եւ ինչպէս երեւում է պարապել է պարսից գրականութեամբ, որովհետեւ կենսագիրն<sup>1</sup> ասում է թէ պարսկերէնից թարգմանել է ոտանաւորով «Փէնտի ազդար» կոչուած բարոյական բանաստեղծութիւնը: Հին կլասիկներ չի կարդացել, բայց նրանց մասին, ինչպէս եւ դիցաբանութեան մասին, տեղեկութիւն ունի եւ մէկ մէկ գործ է ածում դից անուններ: Քաջ ծանօթ է եղել հայ մատենագրութեանը, որից եւ ստացել է իւր ամբողջ դարգացումը: Սիրող լինելով գրականութեան, նա աչակերտական հասակից արդէն դրել է ոտանաւորներ, բայց բանաստեղծութեամբ պարապել է իսկապէս Զմիւռնիայում եւ յօրինել է շատ բան: Նա գործել է սակայն եւ իբրեւ վարժապետ ու պատրաստել է շատ աչակերտներ, որոնցից յետագայում նշանաւոր է լինում Մսեր Մսերեանը, որ հիացմունքով ու մեծ ակնածութեամբ է խօսում իւր սիրած վարժապետի վրայ: Սա իւր աչակերտական երախտագիտութիւնն արտայայտելու համար 1853 թ. Մոսկուայում հրատարակում է Վանանդեցու «Ճառ ներբողական ի սուրբ Խաչն Քրիստոսի եւ սլաւապարական առասացութիւն ի Սուրբ Նշանն Վարագայ», որ գրուած է 1815-16 թուին: Ճառի վերջում կայ եւ ոտանաւորով «Ներբող բարեբանութեան ի սուրբ նշանն Վարագայ»: Դա մի կէս քնարական, կէս վիպական ներբող է նման նոյն բովանդակութեան հին երկերին, լի մեկնաբանական բացատրութիւններով: Նրա գլխաւոր բանաստեղծական երկերն են՝ «Տեսարան հանդիսիցն Հայկայ, Արամայ եւ Արայի», որ ժամանակով ամէնից հինն է, բայց տպագրուած է 1856-ին Զմիւռնիայում. «Արփիական Հայաստանի», Կ. Պոլիս 1836 թ. եւ «Ոսկի դար Հայաստանի», որ տպագրուած է մահից մի տարի յետոյ, 1841 թ. Զմիւռնիայում:

Վանանդեցին նոյնպէս հին դպրոցի մօրդ է եւ իւր մէջ կրում է իւր ժամանակակիցների բոլոր պակասութիւնները բանաստեղծական արուեստի նկատմամբ: Եղել է մտածող ոգի, օժտուած երեւակայութեամբ եւ խօսքի շնորհքով, բայց նրա բնատուր շնորհքն անկիրթ ու անմշակ է մնացել, եւ ինքն եւս զգում է այդ, ուստի եւ ցաւելով գրում է թէ բանաստեղծում է դիւցազներգութիւն «չունելով իսկ եւ տեսութիւն անգամ նախնի հազներգութեանց մերոց կամ օտար ազգաց յայս վաստակ յարացոյց, եւ ո՛չ եւս ի նոյն պիտանեգոյն զամբողջ հնախօս մատեանս»: Այդ ժամանակ ոչ Հոմերոսի եւ ոչ Վիրգիլիոսի թարգմանութիւններն էին հրատարակուած եւ ոչ իսկ Բազրատունու տաղերը. իսկ Վիդայի Քրիստոսականը, թարգմ. Թոմաս Տեանի հրատ. 1832 թուին, չէր կարող ազդել Վանանդեցու երկին, քանի որ նա ծեր էր եւ իւր երկերը յօրինած արդէն: Բանաստեղծութեան վիպական

1 Ոսկի Դարի յառաջաբան:

ձեւն ուրեմն ամբողջ ինքը պիտի ստեղծէր, իսկ ինքն առանց նախորդների չէր կարող բնականօրէն նոր գեղեցիկ ձեւ առաջ բերել զբաղանութեան մէջ։ Այս պատճառով նրա երկն աչքի է ընկնում ճաշակի եւ արուեստի բացակայութեամբ։

Ամենամեծ թերութիւնը, որ վնասում է Վանանդեցու աշխատանքին, այն է՝ որ նա ոչ մի գաղափար չունի դեղարուեստական երկի միութեան մասին, եւ իբրեւ հին սերնդի մարդ, կարծում է, որ եթէ մի պատմական նիւթ բանաստեղծական ոճով ոտանաւորի վերածուի, կը դառնայ վիպական քերթուած։ Նրա «Արփիականն» ամբողջապէս Ագաթանդեղոսի Պատմութիւնն է ոտանաւորով գրած։ Յօրինուածքի կատարեալ բացակայութիւն է. նիւթի մասերի յարմարում, աւելորդ բեռը դուրս ձգել եւ պակասը լրացնել չգիտէ նա։ Բայց եւ այնպէս, թէպէտ եւ անծանօթ արուեստի պահանջին, բնազդաբար զգացել է միութեան կարիքը եւ աշխատելով գործողութիւնը կենտրոնացնել Ս. Գրիգորի շուրջը՝ մի քանի մեծ փոփոխութիւն է մտցրել Ագաթանդեղոսի պատմութեան մէջ։ Նա տառացի չէ հետեւել Ագաթանդեղոսին սկզբից մինչեւ վերջը, այլ ամբողջ սկզբի մասը, Խոսրովի պատերազմները, Անակի դործը, Տրդատի փախուստն ու Լիկիանէսի մօտ ծառայելը, պատմել է տալիս Գրիգորի դայեակին, եւ Գրիգորն այս պատմութիւնների ազդեցութեան տակ զննում է ծառայելու Տրդատի մօտ։ Այնուհետեւ Տրդատի քաջագործութիւնները պատմել է տալիս Լիկիանէսին Դիոկղետիանոսի առաջ, եւ վերջապէս Հռիփսիմեանց նահատակութիւնը հրեշտակն է պատմում Ս. Գրիգորին Խոր-Վիրապում։ Այս եւ սրանց նման փոփոխութիւններով գործողութիւնը որոշ չափով արագանում եւ սեղմ է դառնում, բայց դժբախտաբար ամբողջ միջին մասը, Լուսաւորչի քարոզութիւնը, բաց չի թողնում, որով եւ Վանանդեցու քերթուածի կէսից աւելին աւելորդ մի ծանրութիւն է դառնում եւ մի գործը երկուսի վերածնում։

Ինչքան էլ նա «Արփիականի» մէջ կապուած է մնում Ագաթանդեղոսին, չի վարւում սակայն Կոմիտաս քահանայի Գործք Առաքելոցի պէս։ Վանանդեցին բանաստեղծ է. նորից յօրինում է Ագաթանդեղոսը։ Ագատ զգալով իրեն մանրամասնութիւնների մէջ, ստեղծում է ամբողջական պատկերներ ու դրութիւններ եւ երբեմն իսկական վիպական ողուով շատ յաջող կերպով կարողանում է մէջ բերել զբաւիչ ու կենդանի մանրամասնութիւններ, արտաքինի եւ հոգու նկարագիրներ։ Իսկ այս արդէն մի խոշոր յառաջդիմութիւն է մեր վերածնութեան վիպական բանաստեղծութեան մէջ։ Ահա թէ ինչպէս է նկարագրում Դիոկղետիանոսի վիճակը, երբ նա լսում է Գոթաց Հռչէ թաղաւորի մենամարտի հրաւերը.

Դիոկղետեայ յունկն հարեալ ուխտ այսանակ ամբակուռ,  
Յոսկերս ողջոյն եւ ընդ իրանն ահռից տաբաւ զսարսուռ.  
Ի սաստկաշունչն որպէս յորժամ տատանս առնու հողմոց՝ ուռ,  
Այնպէս դողայր ըստ ջերմնոտաց, իւր դալկացան դէմք համուռ։  
Վարանական ի հողս անկեալ՝ քունն հեշտին գայր ի խոյս,  
Կասկած ընդոստ յերերոսէն զարդեանցն ի բաց մերժէր յոյս.

Զի ոսկերացն ուժոյ տկա՛ր ի վռռ խիղախ անխրախոյս ,  
Կնատասուն միշտ փափկացեալ Արեսեան չէր ողւոյն կոյս :  
Կարճեղ ջղաց փոխան ղյո՛յն մտաց ձկտէ՛ր աստ եւ անդ .  
Հնարից ինչ մարթել ի գիւտ զանճն պահել անվկանդ» :

Ապա պատմում է թէ ինչպէս կայսեր կոչի վրայ՝ զանազան կողմերից  
իշխանները ժողովւում եւ ներկայանում են կայսրին .

Մարզից մարզից հապ խմբէին իշխանորեար ի մի վայր ,  
Որպէս յախորժ սրինդ հովուի խաշանց բագուրդ գառն ի մայր .

Լիկիանէսը պատմում է Տրդատի քաջագործութիւնները .

Ասաց , իսկոյն եւ Տրդատէս կայսեր եկաց յանդիման .  
Սէդ ի հասակ ճետ Պահլաւիկ , ցոլք հրափայլք յիւր ական .  
— Իմ է այդ գործ ի հաճեալաց , ասէ , կանգնիլ ախոյեան .  
Վազիւ յայս ժամ՝ նա ձերբակալ շառաղենացի յայս ատեան :

Ապա մանրամասն նկարագրում է Տրդատի հագուստն ու զինումը եւ  
մենամարտի ելնելը .

Պղնձէնիւթ փողոց դանդիւն ժամազգեցիկ ի պայքար ,  
Աշխոյժ յերկուց վառեալ կողմանց թնդիւն գործէ հիարար ,  
Սիրտ յոխերիմ ի ճակատուն դան ի տեղի վազարար ,  
Բաղձ ի հոգիս դէտակն ի պսակ մենամարտիցն ուժղնակար :  
Սօս երիվարք գոռ ի փոինչ դափր հատանեն յասպարէզ ,  
Եւ կարախին յերկուց կողմանց ըոց բորբոքէ անձնակէզ .  
Երկոքեանն ի՛սկ մտրակ ի կուշտ տան արշաւել ի կրկէս ,  
Շրջանս առնուն արձակ խաղան , յերկար բաղխին սաստկապէս...

Եւ երբ Տրդատը բռնում բերում է Գոթաց թագաւորին կայսեր առաջ ,

Ծափ զծափի սիրտ ի կայտիռ հռովմէական համազունդ ,  
Ի դոչ վաչից զքարանձաւս արձագանգեն տան ի թունդ...

Երբ Դիոկղետիանոսի մարդիկը թագաւորի հարսնացու են որոնում ,  
բանաստեղծն առիթից օգտւում է գեղեցկութեան հետեւեալ նկարագրին անե-  
լու (Եր . 148) :

Հռովմայ ողջոյն թնդայր սահման յաղջկանցն ի վազ ճեպերազ ,  
Դեղք չպարեալք ի հրապարակս փայլակէին կարդ ի կարդ .  
Զփղոսկրեայն ուսովք ծածան վարսից խարտեալըն գիսակ ,  
Նոճեսարաս զանգամայօղն յարդարեր պե՛րձ գհասակ :  
Երփն գեղոց չքնադացոյց դէմք չողէին արծարծուն ,  
Լուսնեացն երեսս ակն այծեմանց կաթնածով ի՛նչ լուսաբուն .  
Թօնք մրազարդք աղեղնակեալ կիսաբոլոր մէտ ի քուն ,  
Նռնակեղեւ այտիցն ցոլք հրավառեալք ի փաղփին :  
Տաշտից խնոց ծնօտքն ի տիպ , բոյր անուշից հոտեան .

Ռնգունքն որպէս Լիբանանու իսկ զաշտարակս գեղազան .  
Շրթանց փափկիկ կարմրալարք երփն հարեալք ի յորդան ,  
Կաթուած մեղու լեզուին շնորհք զրոյց բլխին քաղցրաբան :  
Կճեայ կրծոց փայլուն տեսիլ ի գոյն վառեալ շուշանաց ,  
Բարեյարմար մատանցն ճիւղք ձիւնապայծառք ընդ ձեռաց .  
Նոյն եւ մարմնոյն համայն մասամբք անհամեմատն յօրինուած ,  
Զբնաւից դիտէր զսիրտ ի խանդ գերեւ տարփանաց :

Բայց երբ խնդրակները չար ոգու դրդմամբ բռնի կերպով մտնում են  
կուսանոցը ,

... Հոբիսիմեայ՝ ցոյս արձակեալ դէմք հրաշատես զարփենին՝  
Ստուեր զայլոցն ածէ գեղովք օրիորդաց նահանգին ,  
Յապուչ հարեալ հոյլք յուղակաց ի սխրանս գան հիացման...  
Իսկ երբ նրա պատկերը ցոյց են տալիս թագաւորին ,  
Որպէս ուրուք սիրտ կաթոգին ի սէր վառեալ երկրէից ,  
Անակնկալ ի ձեռս անճառ բերցէ ճոխանս զանմահից , —  
Կամ ընդ ծաղկանց վաղաթարչամ վայելչութեան երանդից  
Զանթառամից հասցէ ունիլ զպերճութիւն հրճուալից , —  
Ունդ ի հոգի նոյնպէս ի ներքս ածեալ կայթէ՝ Քաջն արանց ,  
Յայլո իբրու ի խելս եկեալ վաչ վա՛շ դանչէ հրճուանաց .  
Համայնց ի բաց փախչին դեղձանք , յայն կայ եւ ե՛թ ակնբաց ,  
Վայրկեանք դարուց նմա բերեն երկարութիւն չըջանաց :

Ես կ'ուզէի , առանց երկարութիւնից վախենալու , մի երկու հատուած  
եւս մէջ բերել ցոյց տալու համար , թէ ինչպէս հանդարտ ու սիրուն պատ-  
մել գիտէ այս մոռացուած բանաստեղծը :

Ոոր տխրութիւն զանհնարին աղունս ածեալ ի դուպար ,  
Զարջայն յանձուկն ի Հոբիսիմեայ գեղոյն լլկէր չարաչար :  
Ցայդ եւ ցերեկ յանմխիթարն անկեալ ի սուգ անդարման ,  
Եւ յայլոյ խելս ալյանդակեալ կոծէր ջայլէր ի կական .  
Կուրքն դառինք եւ ըմպելիք հոտս ի ժահրիցն Ստիդսեան ,  
Ի քիման ազդեալ յանբերելի ածեն մշտացն ի տուգան :  
Աւազանուոյն իւր ի շուարս անկեալ առ դիւտ հնարից ,  
Դիւրումն ի սիրտ ածել պետին յայն ի մորմոք ցաւալից .  
Երէվայրեացն որսոյ տան ժամ բոլոր զօրացըն խմբից ,  
Փոքու զաղէտս մեղմել ցաւոց որ մահարերն է սրտից...  
Այն ինչ ի կառս Տրդատ ելեալ ելոն ճեպէր ընդ քաղաք ,  
Շեշտ ի վերայ դայր պատուհա՛ս շանթ բարկութեան երկնառաք...  
Ոտոսճարակ ի շամբս անկեալ անզգամէր չարաչար ,  
Մերկ զանձն ընդ դաշտսն կոծելով ընդ գայոս գայր կնճաբար...

Այս ցաւալի դէպքի վրայ սուգը բռնում է ամբողջ աշխարհը եւ նոյն-  
իսկ բնութիւնը սգում է .

Բերկրանաց փախեան խնձիղք, բոխք ապալերք խոնեցան,  
 Դաշտաց լերանց յեղծ եկին գեղք, ծառք գեղուղէչք խամրացան...  
 Լցաւ քաղաքն պանծալի մառախլապատ խաւարաւ...  
 Նոճի հասակն անդ Աշխենայ մեծ թագուհւոյն գեղապանծ,  
 Յաղէտաւոր յայս կորացեալ դիպուած դնէր ոստաքանց,  
 Ձայլէր կոծէր անմխիթար, վտակս հոսէր արտասուաց:  
 Ո՞ր փառք, ասէր, Հայաստանի, այր աշնկէց շանթահար,  
 Ո՞ւր պանծաղոյն քո այն դահոյք յարփեան ցովուհն ալնասար,  
 Աւա՛ղ ցաւոյս... արդ ի շամբից ի տիղմն գաս հիգարար,  
 Ընդ բեհեղաց ծածկոյթ մարմնոյ գայոից շաղախք պատասպար,  
 Ձիա՞րդ սիրոյ քո սերտ ընկերս սփոփս առից գէթ ինչ խուն,  
 Որ յամենուտ արդ կողոպուտս եմ ի փառաց բարձրագոյն:  
 Ձիա՞րդ սիրոյ քո սերտ ընկերս սփոփս առից գէթ ինչ խուն,  
 Որ յամենուտ արդ կողոպուտս եմ ի փառաց բարձրագոյն:  
 Ո՞ր փութասցի յԱպողոնին անդր ի մեհեան երազմոյն  
 Ձելից ստոյգս առնուլ գուշակս այսմիկ դիպաց դառնադոյն:  
 Հա՛յր իմ հօրը, դու Աշխարադ պետդ Ալանաց ոգի սերտ,  
 Ձքո դստրիկս եկ տեսանել խանձեալ ի ցաւս իբրու շերտ...

Բերած հատուածներից երեւում է թէ ինչպիսի վիպական ոգի է ունեցել Վանանդեցին եւ ինչպիսի եռանդով կենդանացնում է նա պատմուածքը: Նա մի անգամից մեր թմրած, սառն ու անշունչ բանաստեղծութեանը հոգի ու շունչ է տալիս. ամսոս միայն, որ Արփիականի տասն հազարից աւելի տողերից երկու երրորդ մասը աւելորդ բեռն է:

Պակաս չի վնասում Վանանդեցու երկին եւ նրա ճաշակը ոճի, գլխաւորապէս բառերի ընտրութեան նկատմամբ: Ուտանաւորը կշռուած ոտքերով եւ հնչուն յանգերով, երկար վիպական տողերով, բաժանուած քառեակների, թողնում է նիւթին պատշաճ լրջութեան տպաւորութիւնը: Բայց այն վայելքը, որ ընթերցողն ստանում է ուտանաւորից եւ խօսքի յարմարաւոր արտայայտութիւններից, որոնք այն ժամանակ նորութիւն են եղել մեր գրականութեան մէջ, յաճախ անսպասելի կերպով ոչնչանում է բառերի եւ երբեմն չարահիւսութեան անպիտանութիւնից: Նա սիրող եւ հետեւող է 11-րդ դարու փշացած ճաշակին, որի նմուշը գտնում ենք Գրիգոր Մագիստրոսի եւ Նարեկացու տաղերի մէջ, այլ է՝ լեզուի գեղեցկութիւնը որոնել խրթնութեան մէջ: Վանանդեցու այս պակասութիւնը մասամբ ներելի է լինում, եթէ նկատի ունենանք, որ նա հին, մեռած լեզուով է գրում, եւ որ նա առաջինն է, որ խոշոր բանաստեղծական երկեր է յօրինում յանգաւոր ուտանաւորով, ուստի եւ ինքը պիտի ստեղծէր մի նոր բանաստեղծական լեզու, կարիք պիտի ունենար հարուստ բառարանի՝ յանգեր ու ոտքեր կազմելու համար: Այս պատճառով նա բաւական ազատ է վարում բառերի վերաբերմամբ. գործ է ածում քիչ գործածական եւ դժուար հասկանալի բառեր, յաճախ այնպիսի արմատներ, որոնք պարզ կերպով գործածական չեն, կամ նորանոր բառեր է ածանցում եւ բարդում. կամ բառերը մի բոլորովին անսովոր նշանակութեամբ բանեցնում: Եւ վերջապէս կան բառեր եւս, որ Առձեռն բառարանի մէջ չկան: Այս ամէնը բաւական դժուարացնում է ըն-

Քերցողին, որ սակայն հետզհետէ վարժոււմ է այս խորթուրորթութիւններին:

Չպէտք է մոռանալ մի հանգամանք եւս: Մեր լեզուական կրթութիւնն այժմ հիմնուած է մեր կլասիկական համարուած դրաբարի վրայ. մենք այժմ շատ աւելի հեշտութեամբ հասկանում ենք մեր առաջին դրաբար մատենագիրները, որոնց լեզուն եւ աւելի է ազդել մեր աշխարհաբարի վրայ. մինչդեռ դրանց հետ զուգընթաց եւ դրանցից յետոյ կան շատ դրաբար գրուածքներ, որ դպրոցական ուսման նիւթ դարձած չլինելով՝ մինչեւ այժմ եւս խորթ են մնացել մեզ համար: Արդ՝ Վանանդեցու ժամանակ եթէ Մխիթարեան դպրոցում մեր հին լեզուի այս բաժանումն եղած էր եւ Մխիթարեան դրոյներն արդէն հետեւում էին դասական դրաբարին, — ուրիշները սակայն այսպիսի խորութիւն չէին դնում. ուստի եւ յաճախ այնպիսի լեզու են բանեցնում, որ մեզ դժուար հասկանալի է. մանաւանդ որ այդ ժամանակ Հայկազեան լեզուի ընդարձակ բառարանը դեռ չէր հրատարակուած եւ բառերի նշանակութիւնները դեռ ճշգրտած չէին: Վանանդեցին ուրեմն ամէն ինչ ինքը պէտք է սովորէր գրեթէ մեծ մասամբ առանց բառարանի օգնութեան, եւ երեւի դժուար բառերի համար անձամբ բառարան է կազմած եղել իւր համար. յաճախ ի հարկէ սխալ մեկնութիւններով, եւ այդ հազուադէպ երեւացող բառերը դարձ է ածել անխտիր իւր քերթուածների մէջ:

Նոյն պահասութիւնները, որ ունի Արփիականը, կան եւ Ոսկի Դարի մէջ եւ մինչեւ անգամ աւելին եւս: Արփիականի մէջ, թէպէտ թոյլ կերպով, կայ գործողութիւն եւ նոյնիսկ մի միութիւն, որ առաջանում է անշուշտ նըրանից, որ Աղաթանգեղոսն եւս որոշ չափով գեղարուեստական գրուածք է. Ոսկի Դարի մէջ այդ էլ չկայ: Այս խոշոր քերթուածը, մօտ 5600 15-լսանկանի տողերից կազմուած, անասելի տուժում է նրանից, որ առանց որոշ ծրագրի եւ յաջորդականութեան է յօրինուած, եւ ծանրաբեռնուած է կրկնութիւններով եւ անպէտք մասերով: Բովանդակութիւնն է ընդհանրապէս Հայաստանն իւր պատմութեամբ եւ աշխարհագրութեամբ:

Առաջին երդի սկզբում Մահակ Բագրատունին խնդրում է Խորենացուն գրել Ոսկի Դարի մասին, եւ Խորենացին պատմում, իսկապէս նկարագրում է Ոսկի Դարի կեանքը, բնութիւնը, համառօտ անցնելով Աղամից եւ մանրամասն պատմելով ջրհեղեղի մասին: Այստեղ մենք կը գտնենք եւ ամէն աւանդութիւն ժողովուած՝ Նախիջեւան, Ակոռի, Սիմ, Տարրան, Մարանդ անունների համար, եւ վերջը թէ ինչպէս մարդիկ տարածուում են Հայոց աշխարհի զանազան կողմերը: Նիւթը դիւցադներդութեան համար մի անպէտք բան է, բայց կան մէջը կենդանի երեւակայութեամբ եւ աշխոյժ եռանդով առաջ տարուած այնպիսի հատուածներ, որոնց նմանը չունի մեր հին բանաստեղծութիւնը: Այսպէս, օրինակ, կենդանիների ելքը Նոյեան տապանից (եր. 14 եւ հտն.), որից աւելորդ չի լինել մի քանի տներ դնել այստեղ, քանի որ այս բանաստեղծն այժմ այլեւս չեն կարդում:

Բայց յապրացու մեր տապանին բացման՝ զնոր տեսարան  
Մեր իսկ աչօք անդր ի Մասեաց տեսաք լերին յարտեւան.  
Օգոյն դիմօրդ դղորդէր յարկ թռչնոցն ի թափ թեւածման,

Եւ գետնոյն զի՞ թնդէր յատակ ցամաքայնոցն ի կայթման :  
 Մռինչա առիւծն որոտացեալ եւ յագին տա՛յր ուժղին թափ ,  
 Իբրեւ զանիւ հիւսայր հրոյ յորսոյն ի գիւտ վառ ի թափ .  
 Խոփոռադէմ բիրա ի բնաւից բացեալ վերայ զանթարթափ ,  
 Եւ ընդ խռան յանձն ապաստան երկիր խաղայր հարթատափ :  
 Ընդ առապարս ցռուն սաստիկ հնչեալ բառանչ բոմբահան ,  
 Ի դալարեացն անկեալ խնդիր , հովտաց յածէր ընդ սահման .  
 Զաղատութեան հարեալ դիպաց յանձկանաց չէ՛ր կապարան ,  
 Եւ ոչ ունկանցն աղդէր քրթինջ քանդի չոռնէր հարկահան . . .  
 Վա՛շ վա՛շ՝ ո՞րպէս իբր ի փողոյ լուր վառեալ շեշտ յասպարէս ,  
 Փառք զլանջօք ձին որոտայր դափր հատեալ ի կրկէս .  
 Խինջադռ իբրեւ տօնից սուր արշաւեալ ի հանդէս ,  
 Ընդ զառիվայր խաղայր լերին յարօտ գիմել փութապէս :  
 Նապաստակին սուր էր վազումն ականջ ընդ ուն ի կռռան ,  
 Առ ի կողաց յածեալ լերին վէմ գտանել յօթեւան .  
 Յանձինն ի պուրծ հանճարադիւտ չրջան գործէր ի սուրման ,  
 Յնդոյր ի կեանս յառապարացն եղեալ ամուրս ապաստան :

Այսպէս իրենց բնաւորութեան համեմատ մի քանի խոշոր գծերով նըկարագրուած են եւ միւս չորքոտանիներն ու թռչունները . իսկ կապի՞կը .

Կապիկ ի դէմս անդ ծամածուռ նոցուն տարեալ ղուրուական ,  
 Խաղայր , կայթէր , խլիրաս տայր , սողէր , սուրայր մունջ ի բան .

Զկենդանեաց նմա զբօսանք էր խառնիճաղանճ կարաւան ,  
 Յայն զմայլուն յամպախաղաց մնայր լերին յարուեան :

Երկրորդ երգի մէջ զարձեալ սկսում է երկու նախաստեղծից եւ պատմում է արուեստների ու երկրագործութեան գիւտը , անելով մի տեսակ ազգադրական եւ դիդակտիկական բանաստեղծութիւն : Ապա թէ ինչպէս մարդիկ ցրում են Հայաստանից դէպի Սեհասար , Հայկի եւ Բէլի մասին , Հայկի դալը Հայաստան , Բէլի կռիւր եւ այլն :

Երրորդ երգն սկսում է Արամից եւ Խորենացու համառօտ պատմութիւնն է անում , խօսում է Հայոց առեւտրի մասին եւ թէ ինչ զաղթականութիւններ են եկել Հայաստան : Արշակունիներից յետոյ գրում է Բաղրատունեաց մասին եւ Հայոց պատմութիւնը համառօտ տեսութեամբ բերում հասցնում է մինչեւ նոյնիսկ Ռուսաց տիրապետութիւնը :

Զորրորդ երգի մէջ նորից դառնում է դրախտին եւ Հիացմունքով նկարագրում է , երբեմն առանձին գեղեցկութեամբ , Հայաստանի բուսականութիւնն ու բնութիւնն ընդհանրապէս : Ապա մի անպէտք հնախօսութիւն է անում ապացուցանելու , թէ դրախտը Հայաստանում է եղել : Հետեւելով Ինճիճեանին՝ ոտանաւորով Հայաստանի աշխարհագրութիւնն է անում , նկարագրելով լեռները , գետերը , գաւառները : Վերջը Հայոց աստուածապաշտութիւնն ու կրօնն է գովում եւ պաշտպանում եւրոպացի քարոզիչների դէմ , վիճելով նրանց հետ :

Ի՞նչ է այս բանաստեղծութեան արժէքը :

Վանանդեցու գլխաւոր արժանիքն ի հարկէ ձեւի մէջ չէ, որը շատ անպատար է իւր ամբողջութեան մէջ: Թէպէտ մանրամասնութիւնների ստեղծող է հանդիսանում եւ գիտէ զգալ բնութիւնն ու երբեմն սիրուն նկարագրել, քայց նա ընդհանրապէս պրոգնա եւ բանաստեղծութիւն չի տարբերում եւ ամէն ինչ խառն ի խառն ոտանաւորի է վերածում: Նրա գլխաւոր վաստակը, որով նա մեր գրականութեան մէջ տեղ պիտի բռնի, չօշափած գաղափարների եւ նոր տեսակի զգացումների մէջ է: Այս նկատմամբ Վանանդեցին իսկապէս խոշոր նորամուծութիւններ է բերել մեր բանաստեղծութեանը, երբ համեմատում ենք սրա գործն իր նախորդների ու նոյնիսկ ժամանակակիցների հետ եւ երբ ի նկատի ենք ունենում այն աղղեցութիւնը, որ նա թողել է յաջորդների վրայ: Նրանով է իսկապէս սկսւում մեր նոր բանաստեղծութիւնը, որովհետեւ նրա գրուածքների մէջ առաջին անգամ գտնւում ենք մեր 19-րդ դարու դեղեցիկ գրականութեան գրեթէ բոլոր գլխաւոր գաղափարներն ու զգացումները: Շատ բան ի հարկէ սաղմնային գրութեան մէջ է, որովհետեւ 19-րդ դարու առաջին երեսնամեակում շատ գաղափարներ էլ դեռ նոր էին ծնւում մեր մէջ եւ պարզուած չէին:

Վանանդեցին մի կողմից շարունակելով հին կրօնական ուղղութիւնը, միւս կողմից բանաստեղծութեան առաջ դնում է մի նոր խնդիր, ազգային քաղաքական անցեալը: Նրա ձեռքով սկսւում է, այսպէս ասած, Հայոց քաղաքական անցեալի բանաստեղծութիւնը, քաղաքական անցեալից առած հայրենասիրական քերթուածների շարքը, որ հետզհետէ աւելի ընդարձակւում է, եւ որի մէջ աւելի ու աւելի ուշադրութեան է առնւում ներկայ կեանքը: «Տեսարանի» մէջ արդէն, որ միւսներից վաղ է գրուած եւ յիշուած է «Արփիականի» մէջ, վիպական քերթուածների նիւթ դարձնում է Հայկ,<sup>1</sup> Արամ, Արա. առանձին երգերով եւ ապա մի շորորորդ երգով եւս՝ «Յորդոր նմանիլ նախնեաց», ամփոփում է անում առաջին երեք երգերի: Նոյն նիւթը նա յեղեղում է եւ Ոսկի Դարի մէջ եւ մասամբ նոյնիսկ Արփիականի մէջ:

Սա արդէն մի մեծ յեղափոխութիւն է մեր բանաստեղծութեան մէջ: Դարեր շարունակ քաղաքական կեանքը մերժուած է եղել երգի արժանանալուց. քերթողները միակերպ միայն վարդ ու սոխակ, պարտեղ ու դարուն են երգել եւ կամ եկեղեցի ու սրբեր, կրօնական խնդիրներ, Հին ու Նոր Կտակարանը, շատ շատ՝ Հայոց եկեղեցական անցեալից՝ հայ սրբեր. իսկ այժմ բանաստեղծը առանց թողնելու կրօնականը՝ ոգեւորւում է Հայոց քաղաքական անցեալով: Նա աչք դարձնելով դէպի հեռաւոր անցեալը, այնտեղ բացի սրբերից տեսնում է նաեւ քաղաքական աշխարհական կեանքը եւ հեռաւոր անցեալի միջից հանում է մեր պատմութեան առասպելական դիւցազներին, որոնք նրա համար սակայն իրական էին, եւ պարծանքով երգում է «Հայ-

1 «Հանդէս դիւցազին մերոյ Հայկայ» երգի բովանդակութիւնն է՝ Հայկի ծընունդն ու անունը, Հայաստանի աստուածապաշտութիւնն ու մարդկանց զեղծումը, ջրհեղեղի մասին. մարդկանց բազմաճառ եւ բաժանուիլը: Աշտարակաշինութիւնը, Հայկի ապստամբութիւնը, պատերազմը եւ յաղթութիւնը, Հայկի միապետութիւնը, աշխարհաշինութիւնը եւ մահը:—Այս «Հանդէս դիւցազին մերոյ Հայկայ» ուրեմն նա խաղաղափարն է Բաղրատունու «Հայկ դիւցազնի»:



կեան ազատութեան» համար կռիւը, որով սկսւում է հայ ազգի «ահեղադին տէրութիւնը» (Տեսարան, եր. 51) եւ թէ ինչպէս օտարները հնազանդւում են հայերին եւ

Յօրէ անտի պայծառ փայլէ պարծանք ազգին,  
Երբ միապետ հանդիսանայ մեր այս նախնին.  
Յաջողք բարեաց ի Հայաստան յաճախեցին  
Ձքնաղ ցուցեալ համայն ազանց այլ աշխարհին:

Չկայ քաղաքական ազատութիւն առանց հայրենիքի, եւ Վանանդեցին մեր անցեալ կեանքի հետ բնականօրէն յիշեցնում է մեր մոռացուած հայրենիքը, որ մեր անցեալի հետ հաւասար եւ նրանից էլ աւելի դրադեցնում է քերթողին: «Ո՞րն է աշխարհ Հայաստան», ինքն իրեն հարց է տալիս նա. եւ պատասխանն այն ժամանակի համար շատ պարզ էր: Մենք մի այնպիսի հայրենիք ունինք, որի նմանը չի ունեցել եւ չունի ոչ մի ազգ: Մեր հայրենիքը դրախտն է, մարդկութեան առաջին եւ երկրորդ օրօրանը, — մի հին աւանդութիւն, որ վաղուց արդէն բնիկ զրոյց էր դարձել եւ որ 18-րդ դարու վերջում եւ 19-րդի սկիզբներում շնորհիւ Չամչեանի եւ Խնճիճեանի զօրեղ կերպով նորոգուել էր հայ գրագէտների շրջանում եւ ազգային մեծ պարծանք էր համարւում. ուստի եւ պէտք է տեղ գտնէր բանաստեղծութեան մէջ: Եւ ահա՛ Վանանդեցուց սկիզբն է առնում Դրախտ Հայաստանի եւ Նոյեան Հայաստանի գովքը, որ այնուհետեւ երկար ոգեւորում է մեր բանաստեղծներին, մինչեւ անգամ աշխարհաբար դրողներին, ինչպէս Գամառ Քաթիպա եւ ուրիշները: Դա մի սին պարծանք էր, բայց սիրով կապում էր սրտերը երկրի հետ, այն երկրի, որ ուրանում էին իր բնիկները.

Հրճուի՛մ, վա՛չ ինձ, Հայկեա՛ն է տուն ուր եւ դրախտն էր գետեղ.  
Ուստի քառից բաշխին գետոցն առաջը ուխել յաղթագեղ.  
Երկիր բեղնուտ, վայր փափկութեան յերփն ծաղկանց լուսագեղ,  
Եւ նախահարցն իսկ նախ քան ջուրը կացեալ զողող տուն չքեղ,  
Անդէն եւ Նոյ զվեցդարեան ձգեալ զաւուրս իւր կենաց...

(Ոսկի Դար, 9):

Դրախտը, Նոյի փրկութեան տեղը, մեր երկիրը, մերն է եղել. եւ բռնական եզրակացութիւնն այն պիտի լինէր, թէ ինչո՞ւ պիտի թողնել, որ օտարները խլեն մեզինից այդ պարծանքը, որ մերն է եւ մենք պէտք է գովենք ու սիրենք:

Զի թէ մարդկան յերկեակն աճուրդ մեր կաց երկիր նախապար,  
Զմեր եւ հի՞մ կալին պարծանս, որ յետինն են դեհ օտար:

(Նոյն, 3):

Եւ Վանանդեցին ձեռնարկում է մի դիւցադներդութիւն դրելու, որով կարողանար հայ երիտասարդներին հասկացնել Հայոց ազգի պարծանքը թէ անցեալի եւ թէ հայրենիքի նկատմամբ:

Բանաստեղծն ուրեմն սկսել է արդէն մտածել ազգի եւ հայրենիքի վը-

րայ, համեմատել ներկայ վիճակն անցեալի հետ եւ երազել ապագայի համար: Ազգն ու հայրենիքն է շարունակ նրա մտքի մէջ:

Հուր է սեղանոյ իղձ աղբասիրին  
Արծարծուն վառեալ ի ներքս ի հոգին .  
Ուր խաղաղականք եւ այլք ըստ կարգին  
Ազգային դարձուածք հաճոյ ճենճերին:

Այդ ազգն ու հայրենիքը անցեալում՝ ներկայանում են նրան դաղափարականօրէն գեղեցիկ, համակ քաջութիւն, քաջազնութիւն եւ բարեչինութիւն:

Ի Հայաստան նախ կանգնեցան շէնք եւ քաղաքք ի հիմանց,  
Անդեայք եւ հօտք անդ խայտացին նախ ի ծնունդս սերմանց...  
Հայաստանին են նախարուեստ վաճառականքն ի հանճար,  
Որք զառաջինն ի տուրեւառս կարգ հաստեցին զճարտար, եւ այլն:  
(Ո. Դ. 88):

Ամէն ինչ լաւ է եղել անցեալում, ասում է բանաստեղծը, ափսոս միայն, որ իմաստութիւնը պակաս է եղել Հայոց միջից: Մեր նախնիքը յաճախ, մինչ հաւատարիմ ծառայել են օտարին, ղինուել են իւրայինների դէմ եւ պատրաստ են եղել իրենց պետութիւնն ուրիշներին մատնելու, — իրենցը քանդել են ուրիշներ շինելու համար:

Բա՛րէ փառաց քոց, Հա՛յաստան, զի Հաստողին շնորհաց բան  
Ի քեզ յառաջ հնչեաց յատուկ ի մարդկաճայն բարբառման...  
Քոյդ հնչեցին անձաւք լերանց նախ արձադանդ պարզ ի դարձ,  
Քոյոց կայից ծառք եւ ծաղկունք յակճիւ հարան շքարարձ,  
Գետք եւ աղբիւրք ի քէն ըղիման ուխտ յորդեցին նախապարձ,  
Բայց իցի՛ւ թէ քոյին որդիք զքոյդ գիտէին շուք, յանկա՛րծ...  
(Ո. Դ. 353):

Եւ հայրենիքի արժէքը չճանաչելու, իսկ օտարներին հաւատարիմ ծառայելու այդ ոգին մեր պապերից ժառանգել ենք մենք եւ պահում ենք մինչեւ այժմ մեր արիւնի մէջ:

Ի Մոսկովաց հայեա՛ց Կայսեր՝ զոր Հայոց տայ գովութիւն,  
Ազգ է անկեղծ եւ մտերիմ առ ո՛ր եւ է տէրութիւն .  
Զոր եւ արգիւնքն ի նորս եւ հինս հաւաստիս տան հաստատուն,  
Սակայն զի՞նչ չահ, զի յանհոգս են զիւրեանց յարգել ընդի տուն:  
(Ո. Դ. 325):

Ի՞նչ չահ հայ ազգի ամէն բարեմասնութիւններից, երբ անհոգ են մընում բնիկ տունը յարգելու: Եւ ոչ միայն դրանից օգուտ չունին, այլեւ տեսէք թէ ինչ է եղել դրա հետեւանքը:

Վայրավատին ուստի Հայկեան եղեալ սերունդք ի հաւար,  
 Շքեղ պատուոյն անկան փոխան՝ մերգուզանացն ի խաւար.  
 Ոսկեդրուագ յարկացն շէնք եւ սրահից դեղապար,  
 Յաւով ասեմ, յատակեցան յանշէնս եղեալ առապար:  
 Ստրկութեան անուրն ի մերս անյոյժ կապեալ պարանոց,  
 Հայրենատուրն խաղառ քերքեաց ի վիճակէն աւալոց.  
 Երկիր՝ որ դրախտն էր փափկութեան անմահութիւն ծաղկանոց,  
 Դժնեայն եղեւ աղգաց կոխան՝ մեր յանդարման սրտից խոց:  
 Խեթիւ ի մեղ զի հայեցաւ Արփին արդարն յիւրն ի դատ,  
 Զմեր դիմացն ի տխրաթոյր մերկել տեսիլն ըզախատ,  
 Մերոցն եղեալ ժանս դրացեաց կատականաց ի նախտո...  
 (Ռ. Դ. 326):

Եւ այս ամէնը ինչո՞ւ համար, ի՞նչ մեղք են արել, որ Աստուած պատ-  
 ժում է հայերին: Այո՛, մեղանշել են, բայց այլեւս ոչ միջնադարեան հայ-  
 եացքով, այլ միայն նրանով, որ օտարասէր հայն անհոգ է իր բնիկ տունը  
 յարդելու համար, եւ դրա համար հէնց այդ օտարների նախատինքի, ծաղր  
 ու ծանակի առարկան է դարձած: Արդարեւ եղել են մեր պատմութեան մէջ  
 շրջաններ, երբ հայերն ընկած դրութեան մէջ են եղել, բայց ոչ այժմեան  
 պէս, որովհետեւ այն ժամանակ առաջ են եկել տղամարդիկ, որոնք «փոյթ  
 յառնէին յաղդին պատիւ ձեռնարկուք», իսկ սո՛յժմ... այժմ բանաստեղծն  
 անմխիթար է:

Սակայն դարդիս անփառունակն եմք աղետից ողբերգուք.  
 Աշխարհակալ մեր միացաւ պայծառ թաղին փայլատակ,  
 Արքայադանց համակ բարձաւ տոհմեղութեան յիշատակ.  
 Զի ցան եւ ցիր յուրոտս անկան յօտարազգեացն ի պառակ,  
 Նորոգութեան ոչ ունելով զակնկալեաց նպատակ:

Ահա թէ ինչ վիճակի մէջ է պատկերանում հայ աղդն ու աշխարհը  
 բանաստեղծին, եւ նրա սիրտը կտրատուում է տեսնելով այդ ամէնը, եւ սըր-  
 տի խորքից ձայնում է:

Ո՛ւլ, զի՞ հօգւոյս փղձկէ զկայս չարախտալար այս արկած,  
 Եւ կենդանւոյն զմահունն տայ կլնուլ օրհասս վայրանկած:

Եւ այսպէս մեր բանաստեղծութիւնն արդէն գտել է իւր իսկական խո-  
 րը գզացմունքի աղբիւրը. դա հայրենասիրութիւնն է իսկական ընդարձակ  
 իմաստով, որ միանգամից իւր բոլոր թափով դալիս է բարձրացնելու մեր  
 քերթուածները եւ զօրեղ շեշտեր հնչել տալու նրանց: Եւ Վանանդեցու այդ  
 շեշտերի մէջ մենք գտնում ենք ե՛ւ Այիշան, ե՛ւ Գամառ Քաթիպա, ե՛ւ Պեշիկ-  
 թաշեան եւ նոյնիսկ Արուիեան: Եւ այսպէս էլ չէր կարող լինել, քանի որ  
 բանաստեղծութիւնը կապուում է կեանքի հետ, իսկ կեանքն ու կեանքի ձրգ-  
 տումները նոյն են եղել դրանց ժամանակ:

Բանաստեղծն առաջին անգամ սկսում է վերլուծել ներկայ հայ կեան-  
 քը, որի մէջ ոչ մի մխիթարական բան չի գտնում: Հայն ընկած է, «վայրան-

կած» այն աստիճանի, որ շատ հայեր հայ անունն անարգանք են համարում իրենց համար։

Անունն՝ որ բուն էր պարծանաց ի նախնեաց քաղցր դարուն,  
Այժմիկ, վա՛յ ինձ, յանախորժակն անկեալ դնի հիգութիւն.  
Զի են բազումք, որք անարգանս անձանց դնեն Հայ զանուն,  
Յայլոց միտեալ յիմար մտօք ազնուանալ յետին տուն:  
Ի ծայրայեղն այո՛ մոլիլ կենցաղազէտ չէ մարդկան,  
Բայց մերքն եւ յայս անղգամեալ զսիրտ կալան խժական:

(Ո. Դ. 326):

Հայն այլասերուել է. քաղաքական իշխանութեան անկումից յետոյ՝ սկսել է ցրուել այլ եւ այլ կողմեր եւ իւր բնիկ ազգային ոգին հեշտութեամբ յեղափոխում է իւր դիւրափոխ բարձրով. նայելով թէ որ երկրում է, նըրանն էլ ընդունում է շարունակ փոփոխելով, այն աստիճանի, որ

«Մինչեւ զհայութեան անուն չյիշել յայլազանց երկրին.

Որով օր աւուր կորուսեալ գյարգ եւ զշուք անձին.

Առ օտարազգիս անկած ցուցանեն զազգն գլխովին»:

(Տեսարան, եր. 140):

Սրանից էլ աւելի ստորանալ չի լինիլ մի ազգի համար:

Ի՞նչ է դրա պատճառը եւ ի՞նչ պիտի լինի դրա ճարը, — հարց է տալիս բանաստեղծը եւ պատասխանում:

Ոչ թէ ընդհանուր ազգի բնաւորութիւնն է պատճառ այս խորին անկմանը, այլ կրքաւթեամբ պակասութիւնը: Ուրեմն պիտի կրթել հայութիւնը: Եւ ո՞վ պիտի հոգայ կրթութեան համար: — Ամենայն հայ մարդ եւ յատկապէս քերթողները: Եւ այսպիսով բանաստեղծութիւնը Վանանդեցու դրչի տակ ստանում է մի նոր ազնիւ նպատակ. նա մինչեւ հիմա դուրս էր Աստուծոյ եւ սրբերի, վարդի ու սոխակի փառաբանութեան համար, իսկ այնուհետեւ պիտի պարապի ազգի վերաշինութեան գործով, հասարակութիւն կրթելով: Եւ այս նպատակին նուիրում է Վանանդեցին իւր երկերը: Լինելով ժամանակակից ինձիճեանի ու Փեշտիմալճեանի, նա նոյնիսկ իւր Արփիականը գրում է «ոչ ի պատիւ այնքան սրբոց հռչակ հարեալ դովութեան... Ամենապարծ քանդի նոքա ի փառս կան պարաւոր», որքան Հայաստանի «երգակների» համար. եւ նա համոզուած է, որ իւր օրինակին պիտի հետեւեն շատերը նոյնպիսի երգեր յօրինելով:

Վեհազանցն այո՛ ի սիրտ վառեսցի խանդումն անուշակ

Երազ ի յորդոր դալ քաջազնութեան յարդեանցն ի գուշակ:

Եւ հայ բանաստեղծների այդ աշխատանքի արդիւնքն այն պիտի լինի վերջը, որ պիտի դադարի դժնեայ դանդատն ազգից, որ արդէն ձգտում է յարութիւն առնելու, եւ պիտի դայ մի օր, որ պիտի կործանուի հայ ազգի խաւար ու խարխուլ ամբարտաւր, որ կարծես նրա կոչումն է դարձել:

Զմբենցի զազգեն, որ յառնել զիտէ, զժնեայ քանքարտակ,  
Նսեմն այն կոչման հիմն ի վեր դայցէ խարխուլ ամբարտակ:

Ահա թէ ինչո՞վ է ողեւորւում եւ ի՞նչ նպատակ է դնում Վանանդեցին  
մեր բանաստեղծների համար. նրան ողեւորողը ազգի սէրն է, եւ այս սէրն է  
գրելում նրան գրիչ առնելու.

Մշտատենչիկ սոյն այս խանդանք յազգին ի սէր սիրավառ  
Նշածաղիկս իմոց ալեաց գերկանց մատոյց նոր պատճառ:

Ի՞նչպէս եւ ինչո՞վ պիտի առաջ բերել ազգի վերաշինութեան դործը:  
Վանանդեցին այդ մասին ունի որոշ հայեացքներ, որ ցրուած են նրա եր-  
կերի մէջ եւ որոնք ամփոփուած են նրա «Տեսարանի» չորրորդ երգի մէջ,  
որ մի ղիդակտիկական քերթուած է, ամբողջական մտածութեամբ, լի հա-  
րուտ եւ առողջ դադափարներով: Այստեղ հանդէս է գալիս վարժապետ եւ  
քահանայ բանաստեղծը, որի գլխաւոր հոգսն է կրթել աճող սերնդի սիրտն  
ու միտքը: Դաստիարակութեան մի ամբողջ ծրագիր է բանում նա ընթերցո-  
ղի առաջ:

Ուսման էական հոգին պիտի կազմի նմանող լինել մեր հայրերին, թէ  
հոգեւոր եւ թէ մարմնաւոր: Այս պատճառով եւ Վանանդեցու գրեթէ բոլոր  
բանաստեղծութիւնը զբաղւում է մեր քաջ եւ իմաստուն նախնիքների ա-  
քարքները ի տես հանելով: Նոյնիսկ «Տեսարանի» այս չորրորդ երգի մէջ  
համառօտ, բայց ուժեղ կերպով թւում է մեր նշանաւոր նախնիքները Հայկից  
սկսած մինչեւ անդամ բիւզանդական հայազգի կայսրները:

Մեր այս են նախնիք եւ որք ի սոցայն կարգի դերագանց.  
Ճոխ բարեկրթութեան ազգին յայտնեցան հայր ի Հայկազանց.  
Գանձեալ եւ դարգիւնս լցին զաշխարհ մեր ի շուք պարծանաց,  
Անպարտ զօրացան ի կոր կործանել զոգին թշնամեաց:

Մանուկը պէտք է աշխատի իր ընտիր նախնիքների հարազատ զաւակը  
լինել.

Հետեւեա, որդեա՛կ, անշեղ հետեւեա ուշ ընդ կուրծս ածեալ,  
Զի ընտրադոյն հարց զաւակ զարգացիս հարազատ ընթրեալ:

Եւ ի՞նչ է հայրերին նմանող լինելը, — թէ ոչ նախնեաց արդիւնքը,  
որ ամբարուած կայ ազդաշինութեան համար, մարդ պէտք է ճանաչէ եւ ինքն  
էլ աշխատի վրան եւ մի քայլ առաջ տանէ: Պէտք է հայրերի գործով ողեւո-  
րուել եւ նրանց դործը շարունակել.

Ապա մանուկ դո՛ւ, հարազատ ծնունդ գերարուն քաջաց,  
Զօրացի՛ր հզօր անմոռաց պահել զչուք քոց նախնեաց.  
Զանք յարավաստակ մի անդործ կացցէ ի քեզ եւ թմրած,  
Զազգին զօգտաւէտն ի հանդէս կացո՛ւ յամենայն շարժուած:  
Զաւակ ես քաջաց, մի՛ շիջի ի քեզ ոգին նախահարց.  
Զարմ ես վեհազանց, յարեա՛ց ի նոսա յօրանալ ի վարձ.

Քանզի զի՞նչ օղուտ ունիլ զնախնիս ի մեծ դիւցազանց,  
Եւ նուաստանալ անտոհմից դործովք ի կարգ վառ արանց:

Ազգասիրութիւնն ուրեմն ազդաշինութեան մէջ է տեսնում բանաստեղծը եւ անհատը պարտական է անել ամէն բան հասարակութեան եւ ազգի համար:

Քեզ յատուկ պարտիս զհասարակաց բարին վերադրեալ.  
Զի թէ մեռանիլ վասն հայրենեաց քաղցր է եւ գովեալ,  
Զի՞նչ այլ ինչ մնայ՝ որում աղդայինք չեն սլարտաւորեալ:

Իսկական հայրենասիրութիւնը ազգին յարելու, միութեան մէջ է եւ ոչ երկպառակութեան, ներքին կռիւնների, բաժան բաժան լինելու մէջ: Եւ քերթողը ժամանակի կրօնական կռիւններին ու պառակտումներին ակնարկելով՝ կոչ է անում.

Յարեսցուք յաղգ մեր, սիրեսցուք զաղգ մեր սէր համեստադին.  
Մի՛ զփառքս մեր թողցուք ի յազուրդ որդւոց օտարին:

Այսպիսի ազգասիրութիւնն ահա՛, որ միութեան ու ազդաշինութեան մէջ է երեւան գալիս, դառնում է աղբիւր ազգի բարդաւաճման.

Ազգին շինութեան սէրն է նախադրիւր յերկնից վտակեալ  
Որով ազգային գործոց դարաստանք ծաղկին ոռոգեալ:

Այս տողերի մէջ մարդ կարդում է ապագայի Պեշիկթաշեանի «Եղբայր եմք»-ը: Բայց եւ Վանանդեցին հայրենի հաւատի աւանդապահութիւնը քարոզելով՝ ընդունում է խզճի աղատութիւն եւ խրատում է կրօնի վէճ չհանել, օտարազգիներին յարգել:

Վարեսջիր անկեղծ ընդ օտարազգիս հոգւով հեղութեան.  
Մի՛ նիւթեր զջար, կա՛լ խաղաղութիւն՝ որքան մարթական.  
Մի՛ բամբասանօք եղծեր զնոցուն վաւանդն այլական,  
Զի ի հարց նոցին յատուկ է նոցա իսկ գործադրութեան:

Կրօնի աղատութիւն ընդունելով՝ հանդերձ՝ նա իւր կեանքի վերջում սակայն սաստիկ զայրանում է ամերիկեան բողոքական քարոզիչների դէմ, որոնք այդ ժամանակ հաստատուել էին Ձմիւռնիայում: Անշուշտ նա շատ վիճաբանութիւններ է ունեցել նրանց հետ եւ տղտորուել է իւր հոգու խաղաղութիւնը, որ հարկ է համարել իւր Ոսկի Դարի վերջում վիճաբանել նրանց հետ: Այդ հատուածը, որ յետոյ աւելացրած բան է եւ վնասում է երկի ամբողջութեանը, ցոյց է տալիս այն ատելութիւնը, որ նա տածում է դէպի օտար քարոզիչները, որոնք փոխանակ հեթանոսներին երթալու, քրիստոնեաների մէջ քրիստոնէութիւն էին քարոզում:

Մերոց կարգաց մեք սիրահաճ եմք ի սրտէ եւ հաւան...  
ՅԱմերիկեան ձեր դարձարուք յորջ նորափոր ոսկեծոր,  
Ի վայրենեաց ճեպեցէք սարս որսալ էրէս ի ծործոր.

Սինէ, ձեարոն եւ որ այլք են անհաւատից մոլար փոր,  
Զձեղ կոչեն, է՞ր յուլանայք, հա՛ վաղեցէք ուժգնասոր:

Վանանդեցու զայրոյթը շատ հասկանալի է. կաթուղիկութեան վէճերը  
դեռ չվերջացած՝ վրան աւելանում է եւ բողոքականութեան վէճը, որով եւ  
ազգաշինութեան գործը խանգարւում է նոր երկպառակութիւններով: Ուստի  
եւ մեր բանաստեղծը բողոքում է ասելով.

Յիմանալին մի՛ սողոսկիք յԱրփաւորչին մեր այգի,  
Դաւարազեղ զի ծաղկեացի պտուղ բերել զյարգի.  
Մշտահարուածն՝ ի թշնամեաց անմեղ մանկունք Հայ ազգի  
Հարան մարմնով, մի՛ եւս հարցին վէրս ընդունել ի հողի:

Երբեմն նկարագրելով միսիոնարների վարմունքը, դրանց բանեցրած  
հնարները, խաբեբայութիւններն եւ խորամանկութիւնները, լիառատ դանձի  
միջոցով միամիտ մարդկանց հրապուրելը, հայոց հին կարգերի ոչնչացնելը,  
չի համբերում եւ սրտմտած բացազանչում է վերջը.

Շանց եւ թռչնոց դէշ ձեր ոսկերց օ՛չ թէ մատներ կոտորած:

Նա դէմ է դուրս գալիս եւ բողոքականների կրօնական դրքերին, որոնք  
«ընդդէմ մերոց ծիսից բերեն զրան բարեքանդ», եւ իրաւունք է տալիս Պատ-  
րիարքին, որ նշովսւմ է նրանց գրքերը.

Մունջ կարկեսցի՛, մեղ չէ պիտոյ Ամերիկեան սին քարոզ...  
Մանկունք Հայկեան, մի՛ յայնոսիկ իղձս լայնէք վայրապար.  
Մի՛ ընթեռնուք զգիրս նոցա, ուր իմաստութեան չիք նպար:

Եւ այսպէս Վանանդեցին իւր ծերութեան օրերում դառնում է երգիչ  
միսիոնարների դէմ կռուողների: Նրա մոլեռանդութիւնը սակայն միայն  
կրօնական գրքերի դէմ է ուղղուած. որովհետեւ իսկոյն անմիջապէս աւելա-  
ցընում է, թէ չպէտք է փակուած մնալ միայն հայ ուսման մէջ:

Մի՛ մոռանար եւ յայլ առուաց թռչակ առնուլ պիտանի,  
Միայն զի մի՛ զքո զեղծցեն վայելչութիւն մայրենի:

Այստեղ արդէն դարձեալ երեւան է վալիս երիտասարդ Վանանդեցին  
իւր յառաջդիմական ոգով, որ ազգի փրկութիւնը տեսնում է ուսման մէջ,  
ուսում լայն, ընդարձակ մտքով:

Ծնողք մարմնաւորք, թէեւ չէք ծանօթ գրական շնորհին,  
Մի՛ անգրադէտ թողուք զմանկունսն ի թարմ հասակին:

Բայց ուսումը պիտի լինի նախ մայրենի լեզուով եւ հայրենի հողուով  
եւ ապա նոր օտար ազգերի: Ո՛րքան այժմէութիւն ունին հետեւեալ տողերը.

Մթտիցեն մանկունք նախ ի հայրենի վարժն գրաւոր,  
Ամբարել ի միտս զնախնեացն ազգիս զարդիւնս օգտաւոր...

Զանա՛ նախադոյն յուսումն լեզուի քո հայրենական,

Ապա յայլ լեզուաց վարժումն դայցես ըստ վայելչութեան :  
Անկարդ եռանդն է զոր ունին ոմանք ի շաւիղ ուսման ,  
Լքեալ զսեպուհն՝ զօտարացն ունիլ զգենուն զջան :

Այսպէս միայն կրթուած մանուկը կը լինի իւր հայրերի հարազատ զաւակ եւ կը կարողանայ իւր պարտքը կատարել իւր ազգի նկատմամբ , եւ այն երեք միջոցով .

Ազգային գործոց երիւք վճարել փորձն մեզ յայտնեաց .  
Ի գիր , ի սուր եւ յարեւստան ի պէտս հասարակաց :

Գրի ընդունակութիւն ունեցողը դրանով պիտի աշխատի բարձրացնել իւր ազգը՝ գործելով գրականութեան , գիտութեան եւ փիլիսոփայութեան համար . ոյ արհեստի ընդունակութիւն ունի , պիտի արհեստները զարգացնի եւ հարստացնի իւր ազգը : Իսկ սո՞ւրբ : Ինչի՞ է պէտք դա :

Ինչքան էլ հայերն անտարբեր՝ հանդիսատես լինէին յունական ազատութեան կռիւներին , այդ մեծ յեղափոխութիւնը չէր կարող չազդել նրանց վրայ , եւ Վանանդեցին , Ջմիւռնիայում նստած , չէր կարող չմտածել այդ մասին : Եւ ինչպէս երեւում է նա երկար խորհրդածել է այդ մասին եւ եկել է մի որոշ եզրակացութեան : Նա երեւի լաւ կշռել է հայ մարդու հոգին , որ սրի գործածութիւնը քարոզելով՝ հարկ է համարում ամէնից առաջ մի զգուշութիւն անելու .

Ծնա՞ր ի սուսեր , մի՛ գազանասցիս հեղումն արեան :

Իւր ժամանակի համար նա զէնքի գործածութիւնը քարոզում է ինքնապաշտպանութեան համար .

Ըստ մեր վիճակի այժմիկ չեն եւ պէտս զէնք զինուորութեան ,  
Այլ ի պաշտպանել անձին ի դիպուածքս ուղեւորման ,  
Ի գործ արկ որպէս օրէնք բնութեան տայ քեզ հրաման :

Սակայն Վանանդեցին դրանով միայն չէ սահմանափակում զէնքի նշանակութիւնը : Դա ունի եւ մի այլ կարեւոր ու օգտակար գործածութիւն : Ինչպէս ինքնապաշտպանութեամբ մարդս իւր անձն պաշտպանում բնական օրէնքով , նոյնպէս մարդ պարտական է սիրով , արիւրեար եւ աննկուն սրբաւոր շնորհ շահերը պաշտպանել , որ եւ անհատինն են : Նա պարտական է զէնքով անասան դէմ դնել ամէն վտանգների , որ արգելք են լինում ազգային շահերին . ոչ՝ մի դէպքում չպիտի վախենալ .

Աննկուն սրտիւ տոկալ վտանգացն դժուարութեան ,  
Որք շահուց ազգին եւ քո իսկ անձին բերեն զխափան . . .  
Նա՛ ի մահուանէ որ զամենայնիւ թուլի ահռական ,  
Ոչինչ վահրօտիլ , երբ չիք ի նմա վատանուն նշան :

Արդեօք Վանանդեցին ապստամբութիւն է քարոզում : Բնա՛ւ ոչ . նա շատ լաւ ճանաչում է հայ ազգի վիճակը . գիտէ , որ դա իւր ժամանակին յիմարութիւն կը լինի եւ մեծամեծ չարիքների պատճառ կը դառնայ : Պէտք է



հանգամանքները լաւ կշռել, ինչպէս Վահան Մամիկոնեանը եւ ուրիշ քաջարի հայկազուններն են արել: Խոհեմութիւն է հարկաւոր եւ շրջանկատուութիւն:

Չասեմ քեզ այսուիկ ոգի զգենուլ զյանդգնական,  
Մխեալ զանձն ի վիշտս որք ի քոց կարեաց անյաղթիկ մնան...!  
Առանց պատճառի ի վտանդ մխիլ ի վեր քան զարժան,  
Փորձել է զԱստուած, ասաց Տէրն մեր առ փորձիչ սատան:

Ինչպէս որ նաւաստիները, երբ ալիքները յուղւում են, նրբին խորհրդով ալիքներէ դէմ են դնում եւ առանց նաւաբեկութեան՝ նաւը տեղ են հասցնում, այսպէս եւ դու, հայ մարդ, պէտք է որ մարմնի ուժը բանեցնես շրջադէտ մտքով եւ այդ դէպքում միայն դու քո հայրերի հարազատ որդին կը դառնաս եւ կ'առնես «զպատիւ յերկուս յաւիտեան»: Մի կողմ ուրեմն այժմ մեր ուժից վեր յանդգնութիւնը, որ աստուածափորձութիւն է. այժմիկ միայն ինքնապաշտպանութիւն: Բայց եթէ հանգամանքներն աւելին են ստիպում անել, ա'յն ժամանակ ինչպէս պիտի վարուել:

Այլ թէ քեզ հասցէ վտանդ ինչ կարի ահաւորական,  
Մի՛ կորուսցես անդ կնատ մեղկանօք զոյժ տեւողութեան:

Այն ժամանակ ուրեմն պիտի արիանալ եւ զգաստացնել հային ոտնատակ տուողներին:

Իսկ թէ յարիցէ ոք ոտնահարու շքոյ Հայկազին,  
Կամ զգաստացուցէ կամ ընդ վայր հարցէ միութեան Ուզին:

Ես չեմ ուզում այլեւս կանդ առնել այն բարոյական խրատների մասին, որ Վանանդեցին ստանում է աւանդութիւնից: Դրանք ընդհանուր բաներ են: Բայց այն ամէնը, ինչ որ վերեւում բերեցի, նրան ներկայացնում են իբրեւ մի նոր տեսակի քերթող, որ իւր մէջ ամփոփում է իւր ժամանակի ոգին:

Նա է առաջին անգամ մեր բանաստեղծութիւնը մօտեցնում կեանքին եւ ծառայեցնում կեանքի համար: Եւ նրա բացած ճանապարհով ընթանում են ուրիշները յաջորդ երեսնամեակում:

Յ Ա Ի Ե Լ Ո Ի Ա Ծ Ն Ե Ր

## ԱՌԱՋԻՆ ՅԱՒԵԼՈՒԱԾ

### ՍԱՐԿԱԽԱԳ ՎԱՐԴԱՊԵՏԻ ԿԵՆՍԱԳՐՈՒԹԵԱՆ ՇՈՒՐՋԸ

1. Որտեղացի է նա:— Այս նշանաւոր անձի մասին կենսադրական տեղեկութիւնները տատանւում են: Այստեղ դնենք նախ Վարդան Արեւելցու հաղորդածը:<sup>1</sup> «Էին եւ վարդապետը յայնմ ժամանակի՝ Յովհաննէս, որ եւ Սարկաւադ՝ ի դաւառէն Փառիսոսայ ի քահանայական աղդէ, որոյ յիշատակը ճառագայթիցն փայլին մինչեւ ցարդ ի բանս իւր եւ ի նմանէ աշակերտեալսն.— Երեմիա, որ եւ Անձրեւիկ, որ եւ զամս երեսուն չորակես եղեւ, եւ այնչափ հլու եղեալ վարդապետին իւրոյ, որ ի սաստեղն երբեմն, թէ՛ «լուռ լեւր», զամս երիս ընդ այլ մարդ ոչ խօսեցաւ, բայց եթէ ընդ վարժիչս [այլ ընթերց. վարժիչն] իւր ի կարիս [վար. ի կարասիս, որ սխալ է].— եւ Սամուէլ երէց աշխարհի, որ զդաւազանսն յօրինեաց զՔրոնիկոնին՝ Անեցին [այլ ընթ. Սամուէլ երէց Անեցին, որ...].— եւ նախ զսոսա Անանիա, որ զԱռաքելսն համառօտեաց հրամանաւ կաթողիկոսին Պետրոսի՝ Սանահնեցին: Իսկ Սարկաւադ [այլ ընթ. սուրբ] վարդապետն կացեալ ի ժիւր մշակութեան զաւուրս իւր՝ հանգեաւ ի հինգ հարիւր վաթսուն եւ ութ [ՇԿԸ=568+551=1119. Վենետիկ տպագր. մէջ՝ «հինգ հարիւր վաթսուն եւ ութ=1139.】 թուին. եւ զկնի ամի միոյ՝ լծակիցն իւր Ալաւկայ որդին Դաւիթ, որ Կանոնքն դրեաց դիւրահաս [այլ ընթ. որոյ Կանոնքն է դիւրահաս. որ Կանոնքն էր դիւրահաս].— եւ Թաքակերայ որդին կոչեցեալ աշակերտ նորին, եւ այլ արք ճշնաւորք ի յԱղուանս, որպէս Պետրոս Խոնթկայ որդին եւ Յակոբ սքանչելին... Էին եւ կանայք Թաղաւորազունք կրօնաւորեալք կուսութեամբ ի Քորայրն՝ Խորասու եւ Մարիամ, առ որս դրէր սուրբ վարդապետն Սարկաւադ զգուշական խրատս»:

Ըստ Վարդան Արեւելցու, ուրեմն, Սարկաւադ Վարդապետը Փառիսոս դաւառից է, քահանայական տոհմից, — ինչպէս եւ զրել ենք վերելում նրա կենսադրութեան մէջ: Սխալ է ասել, թէ «Վարդանի աւանդութեան համեմատ անոր հայրը ամուսնացած երէց մըն էր»:<sup>2</sup> Վարդանն այդպիսի բան չի յայտնել. նա գրում է՝ «Ի քահանայական աղդէ». իսկ մէկը կարող է քահանայական տոհմից լինել նաեւ իրրեւ քահանայի թոռ, բայց աշխարհականի որդի:

1 Մեծին Վարդանայ Պատմութիւն Տիեզերական, Մոսկուա, 1861, էջ 159—160: Մեր գործածածն այս է: Վարդան Վարդապետ Մեծն, Հաւաքումն Պատմութեան Վարդանայ Վարդապետի, Վենետիկ, 1862: Այլեւ ՀՍՍՌ. Մատենադարան, համար 1770 2եռ., 63—64. ընդօրինակած է 1589 թ. Աստուածատուր գրիչը:

2 Հ. Ոսկեան, Յովհաննէս Սարկաւադի կեանքը, «Հանդէս Ամսօրեայ», Վեննա, 1925, էջ 28:

Սամուէլը երէց Անեցիին դրում է.<sup>1</sup> «Ի ԾՀԸ [=578+551=1129] թուին փոխի յաշխարհէս մեծ վարդապետն Սարգիս, որ է ի Փառխոսոյ՝ որդի քահանայի միոյ, եւ աշակերտ սորա Երեմիա, որ եւ յասելն վարդապետին, թէ՛ «Լուռ լե՛ր», զամս Գ. [=երիս] լուռ եկաց, ընդ միտս եւ ընդ Աստուծոյ խօսէր, որ եւ Անճրեւ կոչեցաւ: Եւ ընկերք սորա՝ աչր Խաչատուր եւ Գրիգոր եւ Յովհաննէս եւ Սամուէլ. սմենեքին սոքա Անեցիք»:

Վարդան Արեւելցու եւ Սամուէլ երէցի պրածնների բովանդակութիւնը նոյնն է. վերջինիս յիշած «Գրիգորը»՝ առաջինի «Թոքակերայ որդին» է. աւելի են «Խաչատուր» եւ «Յովհաննէս» անունները: Բայց այս էական չէ: Ինչ որ Վարդանը գրում է «Յովհաննէս Սարկաւաղի» մասին, նոյնը Սամուէլը դնում է Սարգիս անունով մեծ վարդապետի՝ համար: Եւ իսկապէս եղել է Սարգիս անունով մի յայտնի վարդապետ, քանի որ Սամուէլը (էջ 132) յիշում է նրա մահը: «Ի ԾԶԸ [=588+551=1139] թուին ի Ժէ. արեգ ամսոյ շարժմամբ կործանեցու Գանձակ քաղաք. եւ սուրբ վարդապետքն Գրիգոր [=Թոքակերի որդին] եւ Սարգիս՝ ընկղմեցան, եւ եկեղեցին Հաղբասայ փուղանի»: Հիմա, ի՞նչպէս պիտի բացատրել, որ նոյն բովանդակութիւնը պատմուել է երկու տարբեր անունների վրայ: Անհաւանական է ենթադրել,<sup>2</sup> թէ «Սարկաւաղ» անունն արտադրողների ձեռով դարձած լինի «Սարգիս». դի այս նկատմամբ մի մեծ գիշուարութիւն կայ: Սամուէլը քիչ յետոյ գրում է. «Ի ԾՀԸ [=578+551=1129] ամին փոխեցաւ ի Քրիստոս մահուամբ վարդապետն մեծ որ Սարկաւաղն կոչիր՝ ի Հաղբաս»։ Եւ ապա՝ «Ի ԾԶ [=580+551=1131] թուին... ննջեաց յայսմ ամի լուսաւորիչ եւ սուրբ վարդապետն Դաւիթ Արաւկայ որդի»: Եթէ «Սարկաւաղ» անունն աղճատմամբ «Սարգիս» դարձած լինէր, ապա այլեւս ինչո՞ւ պէտք է Սամուէլը նրա մահը քիչ յետոյ երկրորդ անգամ յիշէր<sup>3</sup>: Պէտք է ասել եւ հետեւեալը: Կիրակոս Գանձակեցիին խօսելով երեք «սքանչելի» վարդապետների մասին, որ են Սարկաւաղ Վարդապետ, Թոքակերի որդի Գրիգոր եւ Արաւկայ որդի Դաւիթ, աւելացնում է. «Սոքա երեքեանս էին յաշխարհէն Գանձակայ, ուստի եւ ես»: Զի հիմնաւորուած ծանօթութեան մէջ դրած այս բացատրութիւնը «Յաշխարհէն Գանձակայ» այս է՝ Արցախայ, որուն մէկ գաւառն ուլ է Փառխոսոս»:<sup>4</sup> Ըստ այսմ առանց այլեւայլութեան նոյնացրած է «աշխարհ

1 Սամուէլի քահանայի Անեցույ Հաւաքմունքը ի գրոց պատմագրոց յողագոս գիւտի ժամանակաց մինչեւ ի ներկայս. Վաղարշապատ, 1893, էջ 128:

2 Այսպէս ենթադրում է Հ. Ոսկեան. Յովհ. Սարկաւաղի կեանքը, «Հանդ. Ամս.», 1925, էջ 28:

3 Սարկաւաղ Վարդապետին վերաբերեալ գլուխն եւ այս յաւելուածը Հայկական ՍՍՌ Գիտութիւնների Ակադեմիայի «Տեղեկագրի» մէջ (Հասարակական գիտութիւններ, թիւ 1-2, Երեւան, 1945, էջ 31-60) եւ «Առանձին արտատպութեամբ» հրատարակուելուց յետոյ՝ Պետ. Մատենադարանի (Ձեռագրաստան) գիտ. աշխատակից Լ. Խաչիկեանը հաղորդեց ինձ հետեւեալը. «Սամուէլ Անեցու 1176 թուին հեղինակի ձեռագրից արտագրուած գրչագրում (թիւ 5619) «Սարգսի» հատուածը չկայ, ուստի այն ներմուծուած է Պատմութեան մէջ հետազայում: Սրունից հետեւում է, որ այն նոյնպէս կարող է Սարկաւաղին վերաբերել»։— Ուրիշ խօսքով՝ ներմուծումը եղել է Սարկաւաղ անումը, որ յետոյ դարձել է Սարգիս: Բայց ներմուծումը կարող է հէնց սկզբից Սարգիս անունով եղած լինել:

4 Հ. Ոսկեան, Յովհ. Սարկաւաղի կեանքը. «Հանդ. Ամս.» Վիեննա, 1925, էջ 28, ծան.:

Գանձակայ» եւ Արցախ: Ինչքան էլ քաղաքական սահմանները փոփոխական լինէին այն դարում եւ Գանձակի ամիրտն, ինչպէս տեսանք, 1003 թ. գրաւել էր Փառխոսս դաւառի մի մասը, բայց եւ այնպէս Արցախը եւ ոչ իսկ Փառխոսս դաւառը չէին կարող կոչուել «աշխարհ Գանձակայ», որ է Գանձակ քաղաքի շուրջն եղած գաւառները: Հաւանական է կարծել, որ գանձակեցիները նշանաւոր վարդապետներին տեղական փառասիրութեամբ կապած լինին իրենց կողմերի հետ: Վերջապէս՝ պէտք է նկատի ունենալ եւ հետեւեալը: Վերջերս յայտաբերուած մի ձեռագրի մէջ, որ յիշուեց Յովհաննէս Սարկաւազի կենսագրութեան առթիւ, գրուած կայ նրա մասին. «Որ իբրեւ զիմաստուն մեղու՝ բարձեալ յանդամս մտաց զԾաղիկս յերանդոց դունոց եւ հոտոց եւ համոց բերէր ի քաղաք իւր եւ տեղի սննդեան ի քաղաքս Անի, եւ լի առնէր դոռնն ի փարթամութենէ անտի...»<sup>1</sup>: Ընդգծուած բառերից կարելի է հետեւցնել, որ Սարկաւազ Վարդապետն Անեցի է եղել: Բայց նրա ծնողները կարող էին Փառխոսս դաւառից լինել եւ Յովհաննէսի մատաղ մանկութեան ժամանակ Անի տեղափոխուած, եւ Յովհաննէսն այստեղ մեծացած ու սնուած, ուստի եւ Անին նրա համար կարող էր համարուել «քաղաք իւր եւ տեղի սննդեան»: Այսպիսի եղելութիւնները ոչ սակաւ են:

Այսպիսով դեռ բացատրութեան կարօտ է մնում Յովհաննէս Սարկաւազ Վարդապետի որտեղացի լինելը: Այդ կը պարզուի միայն այն դէպքում, երբ երեւան գան աշխարհի ձեռագրական ընթերցումներ, կամ աշխարհի նոր դրական յիշատակարաններ, որոնցով կը ստուգուի նրա ծննդավայրը:

2. Երբ է վախճանուել նա:— Կասկածի տակ է դրուած Սարկաւազ Վարդապետի եւ մահուան թուականը, որ է 1129 ըստ Սամուէլ Երէցի եւ ըստ Կիրակոս Գանձակեցու: Վարդան Արեւելցու ձեռագիրներին մի մասի եւ Մոսկուայի հրատարակութեան մէջ է ՇԿԸ [=568+551=1119] թուականը, իսկ Վենետիկի տպագրութեան մէջ՝ «հինգ հարիւր ութսուն եւ ութ» [=588+551=1139], եւ Ժանոթութեան մէջ «Հին 0. ՇԿԸ, որ է հինգ հարիւր վաթսուն եւ ութ: Այլ ժամանակագիրք՝ ՇՀԸ ասեն, որ է հինգ հարիւր եօթանասուն եւ ութ [=1129], որ ուղղագոյն թուի» (էջ 121): Յայտնի բանասէր Կ. Կոստանեանցն իր մի յօդուածի մէջ<sup>2</sup> ընդունում է Վարդանի որոշ ձե-

<sup>1</sup> Այս քաղում եմ վերելում Սարկաւազի կենսագրութեան մէջ յիշուած յօդուածից (Պետ. Համալս. Դիտ. Աշխատութիւններ, հատոր XIII. Երեւան, 1940, էջ 346 եւ հտն. Աբ. Մովսիսեան, «Հայագիր դպրոցի ծագումը եւ հետագայ վիճակը»): Յօդուածագիրը, էջ 414, տողատակի լուսանցքում, գրել է հետեւեալ ծանօթութիւնը. «Սարկաւազի դպրոցի վերաբերեալ նիւթերը վերցնում են յիշատակարան «Հարանց վարք»-ից, որը արտագրել է Մատթէոս Երէցը հայոց ՊԻԻ թուին Անգեղակոթում: Հին ձեռագիրը գրուել է հայոց ՇԸ թուին Հաղբատում:— «Հին ձեռագիր» բառերով, երեւի, պէտք է հասկանալ այն գրչագիրը, որից արտագրել է Մատթէոս Երէցը: Դրագրութեան թուականը՝ հայոց ՇԸ=508+551=1059 թ. բացարձակ սխալ է, գուցէ արտագրութեան կամ տպագրութեան վրիպակ: Այս թուականին Սարկաւազը չէր կարող Անիում անուանի ուսուցիչ լինել, բացի այդ՝ յիշատակագիրը Սարկաւազի մասին այնպէս է գրում, որ նա արդէն վախճանուած պիտի լինէր. «Սա ի մանկական անտի տիոց մինչեւ ցվերջին որոշումն հոգեպէս յերկրորդէն (յերկրէն» Գ. Ա.) ոչ երբեք շեղեալ սայթաքեցոյց երբեք զուշ ոգւոյն ի նպատակէ ընթերցման, ուսանելոյ եւ ուսուցանելոյ...»: Պէտք է կարծել, թէ ՇԸ թուի տեղ պիտի լինի ՇԶ=590+551=1141, այսինքն Սարկաւազի մահից մի 12 տարի յետոյ:

<sup>2</sup> «Ազգագրական հանդէս», ԺԴ գիրք, 1906, էջ 105 եւ հտն. Գրուելիս Աւաղայ որդի:

առաջինների մէջ եղած 1139 թուականը, եւ որովհետեւ թէ՛ ըստ Վարդանի եւ թէ՛ ըստ Կիրակոսի մի տարի յետոյ վախճանուել է Ալաւկայ որդի Դաւիթը, ուրեմն, ըստ Կոստանեանցի, նրա մահն ընկնում է 1140 թուին: Նա այդպէս դատում է նկատի ունենալով հետեւեալը: Կիրակոս Գանձակեցին Աղուանից կաթողիկոսների մասին գլխի մէջ յիշելով նրանց անուններն ու կաթողիկոսութեան տարիները՝ էջ 188 գրում է. «եւ տէր Ստեփանոս՝ ամ մի եւ կէս, ի տիս պապանեկութեան վախճանեալ ի ՇՁԸ [=588+551=1139] ամի թուականին Հայոց»: Դրանից յետոյ Կիրակոսը պատմում է, թէ Հայոց Գրիգորիս կաթողիկոսի ժամանակ քսան եւ հինգ տարի թափուր է մնացել Աղուանից կաթողիկոսական աթոռը. «Ապա մանուկ մի էր յաղգէ կաթողիկոսացն Գաղիկ անուն, որդի Դէորդեայ, զոր սնուցին, եւ ուսուցին, եւ իբրեւ ի չափ հասաւ մանուկն, ապա զրեն թուղթ մաղթանաց Գրիգոր վարդապետն՝ որդին Թոքակերի, եւ Դաւիթ՝ որդի Ալօկայ, եւ այլ աշխարհն Աղուանից, առ մեծ հայրապետն Հայոց Գրիգորիս... զի ձեռնադրեսցէ զնա եպիսկոպոս»: Նա ձեռնադրում է եպիսկոպոս, յետոյ՝ կաթողիկոս: Այս կատարում է նոյն 1139 թ., որովհետեւ սոյն տարին սաստիկ երկրաշարժ է լինում, կործանւում է Գանձակ քաղաքը, «եւ շնորհօքն Աստուծոյ ապրեալ եղեւ նորըմծայ կաթողիկոսն, բայց մեռաւ ի շարժմանէն մեծ վարդապետն Գրիգոր»:<sup>1</sup> Արդ՝ մի կողմ թողնելով Կ. Կոստանեանցի մի քանի ուրիշ անհիմն ենթադրութիւնները՝ առնենք միայն հետեւեալը: Որովհետեւ Ալաւկայ որդի Դաւիթը մէկն է 1139 թ. Հայոց Գրիգորիս կաթողիկոսին թուղթ զրոյններից, «հետեւաբար նրա մահը չէր կարող հանդիպել 1140 թուից առաջ, պէտք է հաւանական համարուի Վարդանի ցուցումը, թէ Սարկաւազ Վարդապետի մահը եղել է 1139 (ՇՁԸ) թուին: Ըստ այսմ՝ Դաւիթ մահը պատահել է Սարկաւազ Վարդապետից մի տարի յետոյ, 1140 թուին»: Սոյն թուականը Դաւիթի մահուան համար, անշուշտ, Կոստանեանցից առնելով, ընդունում է եւ Խ. Սամուէլեանը:<sup>2</sup> Այս խնդիրը, սակայն, այդպէս հեշտ չի լուծւում:

1. Սխալ է ոչ թէ Կիրակոսի եւ ուրիշների յիշած 1129 թուականը, այլ այն տեղեկութիւնը, թէ մանուկ Գաղիկի համար թուղթը գրուել է եւ Դաւիթ վարդապետի մասնակցութեամբ: Այս դէպքից աւելի քան հարիւր տարի յետոյ, երբ զրեւ է Կիրակոսը, ճիշդ յիշողութիւն պահուած չէր լինիլ դանձակեցիների մէջ, նրանք կարող էին՝ չիմանալով թէ ե՛րբ է մեռել իրենց նշանաւոր հայրենակից Դաւիթ վարդապետը, սրա անունն էլ կապել յիշուած թղթի հետ, եւ Կիրակոսն այդ գրոյցը լսելով՝ այդպէս էլ գրի է առել, առանց ուշ դարձնելու, որ ինքն իր գրքի մէջ (էջ 107) Դաւիթի մահն արդէն զրեւ էր 1130 թուին, Սարկաւազի մահից մի տարի յետոյ:

2. Կ. Կոստանեանցն այնպէս է գրում, իբր թէ «Վարդանի ցուցումն» է 1139 թուականը. բայց այս տարեգրի ուրիշ ձեռագիրների մէջ, ինչպէս վերեւում ասուեց, է 1119 թուականը: Այդ ցոյց է տալիս, որ նրա ձեռագիրների մէջ Սարկաւազ Վարդապետի մահուան թուականն աղճատուած է: Այդ կարող էր լինել 1129, ինչպէս է՝ Սամուէլ Անեցու ժամանակագրութեան

1 Կիր. Գանձ. Պատմ. Հայոց, էջ 188 եւ հտ.: Երկրաշարժի մասին նաեւ էջ 108. այլեւ Սամուէլ, էջ 132:

2 Խ. Սամուէլեան, Հին հայ իրաւունքի պատմութիւնը, Երեւան, 1939, էջ 74:

եւ Կիրակոս Գանձակեցու Պատմութեան մէջ: Վերեւում տեսանք, որ ինչ որ Վարդանը գրում է Սարկաւազ Վարդապետի մասին, նոյնը Մամուէլ Անեցին գրում է Սարգիս վարդապետի համար: Արդ՝ Մամուէլն այս վերջինի մասը զնում է 1129 թուին: Պէտք է կարծել, որ Վարդանի մէջ բովանդակութեան նոյնութեան հետ՝ թուականն էլ նոյնն է եղել, որ յետոյ ազճատուել է: Այդ հաստատում է հետեւեալով:

3. Ժամանակագիրները, որոնց թուի մէջ եւ Վարդանը, յօրինում են տարեթուերի կարգով: Նա էջ 154 եւ հտն. (Մոսկուայի տպագր.) յիշում է 565 (=1116) թուականը, յետոյ՝ 567 (=1118) թ., ապա՝ «ի դալ տարոյն», այսինքն յաջորդ տարին, ուրեմն 1119 թուականը: Այնուհետեւ նա առանց թուականներ յիշելու պատմում է մի շարք եղելութիւնների մասին, որոնց թուականները գիտենք այլ աղբիւրներից. այդպիսիք են՝ Վրաց Դաւիթ թագաւորի տիրելն Անի քաղաքին, որ կատարուել է 1124 թ., Աբխազի որդի Փատլունի տիրելը նոյն քաղաքին, որ եղել է 1126 թ.: Ապա Փատլունի մասին մի երկու բան պատմելուց յետոյ՝ նա խօսում է Սարկաւազի եւ միւս վարդապետների մասին, այսինքն՝ գրում է այն հատուածը, որ բերուեց վերեւում («Էին եւ վարդապետք յայնմ ժամանակի» — որ է Դաւիթ թագաւորի եւ Փատլունի ժամանակին), եւ այդտեղ Սարկաւազի մասը դըրուած է, ըստ որոյ ձեռագիրների, 1119 թ., իսկ ըստ այլ ձեռագրի՝ 1139 թ.: Արդ՝ այդ երկու թուականներն էլ ազճատուած են. պէտք է լինի 1129, որովհետեւ դրանից յետոյ յիշում է Փատլունի մասը «ի հինգ հարիւր եօթանասուն եւ ինն [=1130] թուին», եւ յետոյ պատմում է դէպքեր՝ յիշելով 1131 թուականը, ապա՝ Գանձակի երկրաշարժը 1139 թուին, եւ այսպէս շարունակում է կարգով յիշելով 1141, 1145 եւ այլն: Քանի որ նա պատմում է Փատլունի մասին 1126–1130 թուականների մէջ ընկած դէպքեր, սպասելի էր, որ Սարկաւազի մահուան տարին նա զնէր վերջին երկու թուականների միջեւ, ուրեմն 1129 թուին, եւ ոչ թէ ետ դառնար մինչեւ 1119 թուականը, կամ թէ թուէր առաջ մինչեւ 1139 թուականը, եւ ապա դարձեալ ետ դառնար 1130 թուին, Փատլունի մահուանը, եւ այլն:

4. Կայ մի ուրիշ հանգամանք էլ, որ պէտք է ուշադրութեան առնել: Հայոց տոմարի նորոգումը եղել է 1084 թ. Սարկաւազ Վարդապետի ձեռով, ուրեմն, եթէ նա մեռած լինի 1139 թ., նրա մահից յիսուն եւ հինգ տարի առաջ: Եթէ նա մեռած լինի, զիցուք, խորին ծերութեան ժամանակ՝ 80–85 տարեկան, տոմարի նորոգման թուականին նա պիտի լինէր 25–30 տարեկան: Բայց նախ քան 1084 թուականը պէտք է առնուազն մի հինգ տարի միջոց լինէր, երբ մի կողմից՝ Սարկաւազ Վարդապետն աշխատէր այդ գործի վրայ, եւ միւս կողմից՝ մտքերը պատրաստէին այնպիսի մեծ փոփոխութիւն ընդունելի անելու համար. որովհետեւ խնդիրը միայն շարժական տարին անշարժի վերածելը չէր, այլ պէտք էր Նաւասարդի 1–ը փետրուարի 29–ից տանել օգոստոսի 11–ի վրայ, եւ սրբերի տօնակատարութեան օրերն ըստ այնմ փոփոխութեան ենթարկել: Արդ՝ 1084 թուականից մի չորս–հինգ տարի առաջ, ըստ վերելի հաշուի, Սարկաւազը պիտի լինէր 20–25 տարեկան: Դժուար է ենթադրել, թէ այս տարիքի մի երիտասարդ, ինչքան էլ նա ընդունակ լինէր, այնքան մեծ հեղինակութիւն ունենար, որ կամ իր

սեփական նախաձեռնութեամբ, կա՛մ ուրիշների յանձնարարութեամբ ձեռնարկէր այնպիսի պատասխանատու գործը եւ գլուխ բերէր այն՝ ընդունելի գարձներով ուրիշներին:<sup>1</sup> Իսկ եթէ նա վախճանուած լինի 1129 թ., ապա ուրեմն 1084 թուից մի հինգ տարի առաջ նա կը լինէր 30-35 տարեկան, եւ այդ տարիքին կարող էր արդէն հեղինակաւոր ու ազդեցիկ լինել եւ ձեռնարկել այդ գործը, այսինքն 1084 թուականից առաջ նախապատրաստել տոմարադիտական հաշիւները: Բայց այս չի նշանակում, հարկաւ, թէ նա 1084 թուականից յետոյ էլ չի զբաղուել նոյն գործով եւ այդ մասին զբաւոր աշխատանքներ թողել:

Վերջապէս՝ Ծ. Պետք է նկատի ունենալ եւ հետեւեալը: Սարկաւազ Վարդապետի կենսագրութեան մէջ տեսանք, որ, ըստ Կիրակոս Գանձակեցու հաղորդածին, նրան շատ սիրելիս է եղել Վրաց Դաւիթ Թագաւորը (1089-1125 թ.) եւ նրա օրհնութիւնն է խնդրելիս եղել: Նոյնը բաւական նման ձեւով պատմուած կայ եւ «Վրաց տարեգրութեան» («Քարթլիս ցխովրբերա»-յի) 12-րդ դարում կատարուած հայերէն թարգմանութեան վերջաբանի մէջ, ուր ասուած է նաեւ, թէ Թագաւորը «Նըստէր ընդ նմա եւ փարէր զպարանոցաւ նորա, եւ նա ասէր. «Լուծեալ եմ եւ հոտեալ ի ծերութենէս, ի բաց դնալ յինէն, զի մի աշխատ լիցիս»: Եւ Թագաւորն համբուրէր եւ ասէր. «Անպակաս լիցի հոտս այս յինէն, հայր պատուական»:<sup>2</sup> Արդ, եթէ այդպիսի մի գէպը պատահած լինի, — ինչ որ շատ հաւանական է, — այն էլ թէկուզ Վրաց այդ Թագաւորի վերջին տարում, 1125 թ., այն ժամանակ արդէն Սարկաւազ Վարդապետը շատ ծեր պիտի լինէր, մօտաւորապէս 80-85 տարեկան: Հիմա, եթէ նա վախճանուած լինի 1139 թ., ուրեմն այդ գէպից (1125 թուից) յետոյ 14 տարի էլ պիտի ապրած լինի եւ մեռած 94-99 տարեկան հասակում, ինչ որ հաւանական չէ, քանի որ նա 1129 թ. արդէն, — եթէ ոչ սրանից առաջ, — «ծերութիւնից լուծուած եւ հոտած» է եղել:

Յիշուած բոլոր պարագաներն ապացոյց են, որ Սարկաւազ Վարդապետը վախճանուած է 1129 թ. եւ ոչ թէ 1139-ին:

## ՆԵՐՈՐԴ ԵԱՒԵԼՈՒԱԾ

### ԲԱՐԱՌՆՈՒԹԻՒՆՆԵՐԻ ՀԵՂԻՆԱԿԸ

1. Խաչատուր Կեչաւեցու բարաւնութիւններից յետոյ<sup>3</sup> գրեթէ բոլոր ձեռագիրների մէջ կայ այս յիշատակարանը. «Որք լսէք զաղիողորմ բարաւնութիւնս զյարմարող սորա [այլ ընթերցուած՝ «սորին»] զխաչատուր Կեչաւեցիս յիշեցէք ի Քրիստոս տէր մեր»: Ոչ մի հիմք չկայ կեղծ համարելու այս յիշատակարանը: Խաչատուր Կեչաւեցին շատ պարզ կերպով իրեն

1 Թէպէտ եւ մեր ժամանակագիրները չեն յիշում. բայց անպայման ունշրա-  
ժեշտ պիտի լինեն իշխանութեան հաճութիւն այդ գործի համար, եւ հաւանօրէն այն  
եղել է Անիում նստող Բարսեղ եպիսկոպոսի կողմից, որ 1081 թ. Հաղբատի վանքում  
ձեռնադրուել է կաթողիկոս: Հաւանօրէն այս թուականներին էլ յանձնարարուել է  
Սարկաւազին գլուխ բերել այդ գործը:

2 Տես Լ. Լիւիքսեթ-Բեկ, Յովհաննէս Սարկաւազ վարդապետ հաղբատցու  
»Վասն շարժման եւ սասանութեան երկրի», «Տեղեկագիր» ՍՍՌՄ Գիտ. Ակադ. Հայկ.  
Ֆիլ. Թիւ 1, 1943, էջ 75:

3 Պատմութիւն Աղեքսանդրի Մակեդոնացւոյ, Վիենտիկ, 1842, էջ 189-195:  
Տես եւ Յիշատակարանը, էջ 195, ծան.:



անուանում է բարառնութիւնների հեղինակ: Բայց չնայելով դրան՝ Հ. Տաշեանը<sup>1</sup> մի շարք խղճուկ պատճառաբանութիւններով ճգնում է ցոյց տալու հակառակը, որպէսզի վերջը դրանց հեղինակ համարի «Ալեքսանդրի Պատմութեան» հայ թարգմանչին, որ է, ըստ նրա կարծիքի, Մ. Խորենացին: Տեսնենք նրա փաստարկումները:

Առաջին՝ նա ընդգծելով «գյարմարող սորա» բառերը՝ գրում է, թէ դրանով «չի կարող հասկացուել բարառնութիւնների յօրինումը. ապա թէ ոչ դոնէ «գյարմարող սոցա» պէտք էր ըսուիլ»: Նախ՝ «գյարմարել» բառն ինքը կեչառեցին ուրիշ տեղ էլ գործածել է «յօրինել» բառի իմաստով: Ալեքսանդրի եւ Քրիստոսի համար արած իր 18 բարառնութիւններից յետոյ՝ նա յիշատակարանի մէջ գրում է. «Ընթեռնելով զսա՝ [այսինքն 18 բարառնութիւնները], յիշմամբ արժանի լիցի ի ձէնջ Խաչատուր Կեչառուեցի. զի ի յարմարումն սակաւ քանիցս [այսինքն 18 բարառնութիւնների] եւ դրչութիւն գրոցս հաւատով ուխտացայ»: Ահա մի ուրիշ օրինակ եւս. «Եւ ոչ գիտեմ, եթէ զիարդ գարմարեցից զսղբերգութիւնս»,<sup>2</sup> գրում է Մ. Խորենացին, «գյարմարել» բայը «յօրինել» բառի նշանակութեամբ: Այսպէս եւ ուրիշները: Եւ ինչ<sup>3</sup> չպիտի նոյն Կեչառեցին նոյն բառը գործածէր նաեւ իր բարառնութիւնների համար:

Ապա՝ դալով «սորա» բառի եղակի ձեւին, Հ. Տաշեանը, եթէ ուզենար, շատ հեշտութեամբ կը բացատրէր, թէ «սոցա» ձեւն աղճատումով դարձել է «սորա», մանաւանդ որ այս դերանունն անունը՝ «զբարառնութիւնս» կարող էր արտագրողից հասկացուել եղակի՝ իբրեւ «այս բարառնութիւնը»: Բայց կարիք էլ չկայ աղճատման դիմելու. նոյն Կեչառեցին, ինչպէս վերեւում բերած ցիտատից կարելի է տեսնել, իր 18 բարառնութիւնների համար, որ յոգնակի ձեւով անուանում է «բանք», գրել է եղակի ձեւով «զսա» դերանունը, եւ ոչ «զսոսա»:

Երկրորդ՝ Տաշեանը առանց հիմքի յայտնում է, թէ Կեչառուեցին «գյարմարող սորա» բառերի տակ «անշուշտ կը հասկանայ միայն Կալիսթենեայ օրինակութիւնը՝ [=արտադրութիւնը] բարառնութեանց եւ իւր յօրինած Յառաջարանին եւ Վերջաբանութեան հետ ի միասին», այսինքն ամբողջ դիրքը: Վիեննայի բանասէրը մոռանում է, որ այդպէս հասկանալու համար Կեչառեցին «գիրքը» կարգացողներին պիտի դիմէր եւ գրէր «Որք ընթեռնուք զգիրս», եւ ոչ թէ գրէր՝ «Որք լսէք զաղիսդրոմ բարառնութիւնս»:

Երրորդ՝ «Կեչառուեցւոյ խեղճ ու ռամիկ [ընդգծումը հեղինակինն է] լեզուին քով բարառնութեանց լեզուն շատ ու շատ բարձր է, մանաւանդ վերջին չորրորդ բարառնութեան մէջ», — գրում է Տաշեանը, եւ յետոյ աւելացնում. «Որպէսզի յախուռն չլրեւայ լեզուի եւ սոյն կողմանէ առեալ մեր դատաստանը՝ դնենք հոս պատառիկ մը միայն երկու գրութեանց, որ ամէն տեսական համեմատութենէն աւելի պարզ կը ցուցնէ իրը»: Եւ նա բերում է հետեւեալները, ընդգծելով որոշ բառեր:

1 Յ. Տաշեան, Ուսումն. Ս. Կալ., էջ 106—111:

2 Մ. Խորենացի, Գիրք երրորդ, ԿԲ. «Ողբի» մէջ:

Նշխար Խաչատրոյ Ոտնաւորներէն .

«Ասաց մատրուակ գիւնոյն

Որ զկըք-զայս ի ձեռս է առեր .

Առէ՛ք ըմպեցէ՛ք զգինիս

Ու հերիք արէ՛ք զքրուցել .

Յերկար ճանապարհ ունիս

Գնալու, ես անհոգացել .<sup>1</sup>

Ձայս տիկնոջ մըտօքն ասէր ,

Որ վախէր ըզնա<sup>2</sup> սպանանել» :

Նշխար Դ . բարառնութեան .

«Ձայս ասելով ի յողբ շարժին, պատառեն դատմութեան, ներկ(ան) են արեամբ դերեսս, փետտեն զհերս վարսից, ճողեն դմօրուս իւրեանց, հող զգլխով արկանեն, տան դերեսս միգլխառն մոխրի, հնչեն զգալարաւողս . . . զաշխարհն այսպէս հրատարակեն . Տէր արքայ, այսքան ժամանակս աշխատ եղաք ի դործ պատերազմի, ծովակուրս եւ գաղանաբեկ լինելով», եւ այլն, եւ այլն :

Այս կտորները ոչ մի բան «պարզ» չեն ցոյց տալիս, բայց եթէ նրանց ցիտողի պարզամտութիւնը գրական եւ լեզուական խնդիրների նկատմամբ, եթէ ոչ աւելին : Տաշեանը կարծում է, թէ Կեչառեցիին 13-րդ դարում չէր կարող հին գրական լեզուով յօրինել, այլ միմիայն «խեղճ ու ուսմիկ» լեզուով . իսկ ինքը, Տաշեանը 19-րդ դարում կարող էր եւ դրաբար յօրինել եւ աշխարհաբար . նոյնպէս եւ Ա . Բագրատունին կարող էր հին լեզուով «Հայկ Դիւղաքն» քերթել, իսկ «Տարերք քերականութեան» գրքի մէջ ասել՝ «ասանկ ալ կ'ըլլայ, անանկ ալ», եւ այլն, եւ այլն :

Այսպէս եւ շատ ուրիշ գրողներ : Եթէ այդպէս դէմ ու դէմ դնենք նոյն հեղինակների դրաբար եւ աշխարհաբար լեզուներով յօրինած երկերը, շատ շատերի համար պիտի ասենք, թէ դրաբար յօրինածները նրանցը չեն, օրինակ՝ «Հայկ Դիւղաքնը» Բագրատունու դործը չպիտի համարուի : Տաշեանն այդպիսի «յախուռն» փաստարկումն է՝ արել, երեւի չիմանալով, որ 13-րդ դարում բանաստեղծութիւնների, առանձնապէս հայրենիների համար, արդէն իշխող էր մեր միջին հայերէնը, որ Մխիթարեաններն անուանում են «ոսմիկօրէն» : Եւ Կեչառեցիին իր վերելում բերուած կաֆան յօրինել է միջին հայերէն լեզուով . իսկ «բարառնութիւնները» նա յարմարել է հին հայերէնով : Եւ այսպէս էլ չէր կարող լինել, քանի որ այդ տիպի երկերի-ձառերի, ներբողեանների եւ նմանների համար ընդունուած չի եղել միջին հայերէնի կիրառութիւնը : Այդպէս վարուել են նոյն դարերում եւ ուրիշները, ինչպէս Յովհաննէս Երզնկացին (Պլուզ) : Այսպէս՝ Տաշեանը Դ . բարառնութիւնից իր բերած կտորի համար գրում է, թէ «Ե . դարու գոնէ

1 Տաշեանը տպագրել է «գնալ ու ես անհոգացել» : Ուղղել եմ ըստ իմաստին եւ ըստ ոտանաւորի չափին : «Ես անհոգացել» միջին հայերէնում նշանակում է՝ «անհոգացել ես» :

2 Տպուած է «ընա», ուղղում եմ ըստ չափին «ըզնա» :

վերջին կիսուն [ընդգծումը հեղինակինն է] լեզուի դրոշմը իւր վրան կը կրէ»։  
Եւ այսքան. պէտք է հաւատանք։ Ի՞նչ կայ նրա բերած այն պարզ ու հա-  
մառօտ նախադասութիւններէ մէջ, որ ամէն վարժ գրաբար գրողի գրչի  
տակից դուրս չգան նմանները, այն էլ 13-րդ դարում մի գովուած «շնոր-  
հագարդ» հոգեւորի։ Տաշեանը դրանց հետ բաղդատելու համար պիտի բերէր  
ոչ թէ Կեչառեցու միջին հայերէնով յօրինած հայրէնը, այլ դոնէ նրա գրա-  
բար նախադրութիւնն ու վերջաբանութիւնը, եւ այն ժամանակ կ'երեւար,  
որ մեր այս բանաստեղծը կոկ գրաբար գրել գիտէր, ճարտասանական  
գրուածքների մէջ, անշուշտ, աւելի գեղեցիկ ոճով։ Նրա «Նախադրութեան»  
մէջ գտնում ենք նաեւ հետեւեալ նոյնիսկ ոչ սովորական ձեւը՝ «վայել է  
արքայից եւ զօրապետաց իմաստուն եւ համարեղ լինել», մի հորովա-  
կիրառութիւն, որ կայ նաեւ բարառութիւնից Տաշեանի ցիտած կա-  
եա՝ «աշխատ եղաք ի դործ պատերազմի՝ ծովախուրս եւ գազանաւ»

2 որոյդդ՝ իբրեւ մի ապացոյց գտնում է Տաշեանը եւ՝  
չատուր ըստ բաւականի գիտէ իւր գրութեանց արժէքը՝  
նայ արդարացնել իւր գրութեանները՝ «սակաւ բան»  
ընէ յիշման զիտ արժան», «այսպէս եւ դուր»  
ուցից՝ եւ նման բացատրութեամբք. եւ՝  
թեանց համար՝ եթէ իւր գործին՝ «այսպէս դժուարաւ կրնար բարառնու-  
բառնութիւն»՝ դանոնք այսպէս գովութեամբ յիշելով՝ «Որք լսէք ցաղիւղորմ բա-  
քերը հերքելու կարիք չկար. դի «դժուարաւ կրնար» ասելով չի մերժում  
այն, որ Կեչառեցի կարող էր իր բարառնութիւնները բնորոշել «աղիւղորմ»  
բառով։ Ամէն հղինակ էլ կարող է իր մի աշխատութեան համար այս կար-  
ծիքը յայտնել՝ մի ուրիշ աշխատութեան համար՝ «Դարձեալ՝ եթէ նա  
«ըստ բաւա» ինչ գիտէր իւր գրութեանց արժէքը՝ եւ ըստ իր գիտցածի բնո-  
րոշել էր՝ ուրիշ երկերը եւ իրեն՝ «սակաւ», «տկար», «ծոյլ եւ ծանակ»  
բառերը՝ ապա նա «ըստ բաւականի» գիտէր եւ իր բարառնութիւնների ար-  
ժէքը էր այդ «աղիւղորմ» ողբեր են իրենց բովանդակութեամբ, եւ նա  
կար Աւելորդ չէ նկատել եւ հետեւեալը։ Երբ Կեչառեցին իր 18 բարառնու-  
ներն Արեքսանդրի եւ Քրիստոսի կեանքի վերաբերմամբ՝ անուանում  
է «Սակաւ բանք», կամ մի տեղ յիշատակարանի մէջ իրեն համար գործա-  
ւատի համարելու հիմք չկայ, — այդ մի հիմք չէ ասելու, թէ նա «միշտ  
չառեցին իրեն անուանում «ծոյլ եւ ծանակ»։ Երբ Արեքսանդրը տեսնում է  
չ շատ լայն Սկամանդրոս գետը՝ որի վրայով ցատկէլ է Աքիլլէսն, ըստ ի-  
նկանի, նա Աքիլլէսի արածը մեծ բան չի համարում, եւ երանի է տալիս  
ասում է նրան. «Արեքսանդր, քան զՀոմերոս... լաւ եւս գրեցողք մեք գա-  
ւարս քո»։ Արեքսանդրը պատասխանում է նրան «Բիճալի է ինձ ի Հոմերոսի  
աւտմութեանն Թերսիտէս դու, քան ի ձերդ՝ Աքիլլէս»։ — Կեչառեցին «Ա-

ներն Արեքսանդրի եւ Քրիստոսի կեանքի վերաբերմամբ՝ անուանում  
է «Սակաւ բանք», կամ մի տեղ յիշատակարանի մէջ իրեն համար գործա-  
ւատի համարելու հիմք չկայ, — այդ մի հիմք չէ ասելու, թէ նա «միշտ  
չառեցին իրեն անուանում «ծոյլ եւ ծանակ»։ Երբ Արեքսանդրը տեսնում է  
չ շատ լայն Սկամանդրոս գետը՝ որի վրայով ցատկէլ է Աքիլլէսն, ըստ ի-  
նկանի, նա Աքիլլէսի արածը մեծ բան չի համարում, եւ երանի է տալիս  
ասում է նրան. «Արեքսանդր, քան զՀոմերոս... լաւ եւս գրեցողք մեք գա-  
ւարս քո»։ Արեքսանդրը պատասխանում է նրան «Բիճալի է ինձ ի Հոմերոսի  
աւտմութեանն Թերսիտէս դու, քան ի ձերդ՝ Աքիլլէս»։ — Կեչառեցին «Ա-

Ոչ հիանայ ընդ վաղն արի  
 Քաջազնաբար յափըն գետի,  
 Այլ գնե՛րբո՛ղեան Հոմերոսի,  
 Բաղկացական բան գովեստի:  
 Այսպէս եւ դո՛ւ առ ի մտի,  
 Ծոյլ եւ ծանակ Կեչառեցի:

Առաջին չորս տողի մէջ ամփոփ դրուած է Կալիսթենէսի պատմածը. յետոյ մեր բանաստեղծն աւելացրել է վերջին երկու տողը: Ի՞նչ է այս երկու տողի իմաստը:—Անպայման այն, որ ինքն էլ չպիտի դարձանայ Աքիլլէսի ցատկելու (վաղն) վրայ, այլ Հոմերոսի ներբողի, գովեստի վրայ: Ապա թէ Ալեքսանդրի ծաղըն իր արարքները գովել ցանկացող քերթողի վերաբերմամբ՝ համեմատութեամբ Հոմերոսի դործի՝ վերաբերում է նաեւ իրեն՝ Կեչառեցուն, որ ոտանաւորներ է դրում Ալեքսանդրի գործերի վրայ: Պարզ է, որ Կեչառեցին մեծ կարծիք չունի իր քերթուածների վերաբերմամբ. բայց այսպէս «ծաղ՛ ու ծանակ» է համարում իրեն՝ համեմատութեամբ Հոմերոսի, — որին հաւասարուելը երբեք չէր էլ անցել նրա մտքից:

Հիմագերոսը՝ Տաշեանը բերում է եւ հետեւեալս իրրեւ ապացոյց իր կարծիքի համար. «Լաւ կը ճանչնանք դարձեալ դիմաճառուր, որ այնպէս «անվայելուչ» կը գտնէր «հեթանոսական» դրուածքները, որ այսպիսի գիրք մը գրելու համար թողութիւն խնդրելու պէտք կը տեսնէր. մինչ բարաոնութեանց հեղինակը՝ յարմար կամ անյարմար՝ հեթանոսական դիցաբանութեան յափս՝ նաեւ ոչ ճիշդ՝ ակնարկներով ճոխացնել կ'ուզէ ինչ գրչութիւնը... Նման բացատրութիւնք... Կեչառեցուոյ գրչին դժուարաւ կրնային ելնել»: «Դժուարաւ կրնային» խօսքով, հարկաւ, չի ժխտում, որ «կրնային ելնել»: Բայց ուրիշ բաներ էլ տեսնենք: Նախ՝ Տաշեանը չի բերում եւ իր ուսումնասիրութեան մէջ էլ չի բերած, թէ Կեչառեցին ո՛ր դէպքում ո՛ր շոյղերով ներդրութիւն է խնդրել «Ալեքսանդրի Պատմութեան» գիրքը գրելու համար: Այդպիսի բան չկայ: Ընդհակառակն, նա, Կեչառեցին, այդ գրքին մեծ արժէք եւ կարեւորութիւն է տուել, որ արտագրել է անձամբ, ինչպէս յիշատակարանի մէջ յայտնում է. «Գրեցի իմով ձեռամբս սակա աւգտի ինձ. եւ այլ համբակաց, որք կամին աւգտիլ յԱլեքսանդրէ»: Նա այնքան մեծ նշանակութիւն է տուել այդ գրքին, որ կա՞մաներ է յօրինել. դրա համար Ալեքսանդրի գործերը համեմատել է Քրիստոսի «տնօրինականներէ» հետ եւ այս արել է հաւատարմով իր դործին:

Ապա՝ Կեչառեցին, ինչպէս տեսել ենք, Ալեքսանդրի Պատմութեան մէջ գտել է նաեւ շատ սնտոի կարծիքներ ու խարէութիւն. բայց այդ մի պատճառ չէր կարող լինել, որ նա բարաոնութիւնների մէջ հեթանոսական բան չգտնէր: Որ նա իր այդ գործի մէջ արել է հեթանոսական դիցաբանութեան ակնարկներ, այդ ցոյց է տալիս նրա բարձր հասկացութիւնը գրական արուեստի մասին:

Նա, ինչպէս վերեւում բնորոշեցի, «ողբասացներին իրենց խօսքն ասել

1 «Ծաղ ու ծանակ [=ծաղածանակ] հաւանորէն աղճատմամբ դարձել է «ծոյլ ու ծանակ»:

է տալիս իրենց դարին եւ հաւատալիքներին համեմատ, ինչպէս մեր օրով վարուում են պատմական վէպեր գրողները»: Մի բան խառնում է Տաշեանը. այլ բան է, եթէ քրիստոնեայ Կեչառեցին իր կողմից իր անձնական քնարերգութեան մէջ գործածէր հեթանոսական ակնարկները, — ինչպէս արել են յաճախ կեղծ կլասիկ գրողները, նոյնիսկ մեր գրականութեան մէջ, — այլ բան է, երբ այդ կիրառել է նա հեթանոս հերոսների կողմից, նրանց բերանից ընդամէնը վեց անգամ, այն էլ մեծ մասամբ առնելով հերոսների կեանքից այն, ինչ որ կայ «Ալեքսանդրի Պատմութեան մէջ»: Տաշեանը չի կարող ասել, օրինակ, թէ Մովսէս Խորենացին բարեպաշտ քրիստոնեայ չի եղել եւ հաւատում էր հեթանոսական աստուածներին. բայց ահա մեր այդ Պատմագիրն իր յօրինած նամակի մէջ, որ իբր Վաղարշակն է ուղղել Արշակին, սրա համար գրում է՝ «որոյ անձն եւ պատկեր... մեր աստուածոց» (Խոր. Ա. 9): Ահա եւ թէ ինչպէս է սկսում նա մի ուրիշ թուղթ. «Ինքնակալ Յուլիանոս, ծնունդ Ինաքայ, Արամազդայ որդի, եւ ճակատադրեալ յամահաւորութիւն...» (Խոր. Գ. 15), կամ մի երրորդ թուղթ, «Մաղգեղանց քաջ եւ բարձակից արեղական Շապուհ արքայից արքայ» (Խոր. Գ. 17): Այսպէս եւ շատ բնական է, երբ Ալեքսանդրը մահաւորւած ողբում է իրեն՝ ասելով. «Կարծես առեալ եղջիւրօք անմահ կայ մնալ իբր թէ յԱմոնէ կամ յԱրամազդայ հելլենական նուագօք ի Կրաւնոսէ եւ յԼուայէ սերեալ ազգաբանութեամբ, եւ այժմ յիմարեալ անճողորմելի ի մահուանէ», կամ երբ ասում է. «Ատք իմ սրբնթաց իբր զարաշապարս յուշկապարակոց օգապարիկ լինելով իբր զՔսէնեքեայ եւ Պագիոս, արդ վրիպեալ կապեալ ի մետաղս մահճաց»: Այսպէս եւ երբ նա յիշում է իր ուսանելն «ի մայրն իմաստութեան առ Աթենայ իսկուհւոյն». կամ երբ Ողոմպիադան ողբալով ասում է ակնարկելով իր յղացմանը «եղիպտական մարդարէն աղղեաց ինձ զգալն Ամոնայ», նոյնպէս եւ «Այժմ պիտոյ է ինձ տապարն Հեփեստոսի առ ի հերձանել զգլուխ ծնողիս Աթենայ», կամ երբ Հոռքսիանէն լալով զիմում էր Ալեքսանդրին ասելով. «Որպէս հանդերձեալ ես յաստուածոցն խառնիլ երամս, այսպէս եւ դիս արա քեզ գերեզմանակից եւ մահակից»: Կեչառեցին հս չէր կարող այն հեթանոս ողբացողներին յիշել տայ քրիստոնէական Աստուծուն կամ սրբերին, կամ Ալեքսանդրին ասել տար, թէ «իմ ոտները որ սրբնթաց էին ինչպէս արադահաս սուրբ Սարգսի ձերմակ ձիունը...»: Այսպէս եթէ սակաւաթիւ հեթանոսական ակնարկները մի բան ապացուցում են, այդ ոչ թէ այն է, թէ բարաոնութիւնների հեղինակը Կեչառեցին չի կարող լինել, այլ այն, որ մեր «չնորհօք ծաղկեայ» հոեմոսը հմուտ է եղել իր արուեստին:

Վերջապէս բնաւ արժէք չունի այն, թէ բարաոնութիւնների համար էլ «նմանողական ոտանաւոր» են յօրինել ուրիշները Կեչառեցուց յետոյ, եւ կամ այն, թէ մի ձեռագրի լուսանցապարութիւնը... Բ. բարաոնութեան նմանողութեամբ չինուած... ոտանաւորը Կեչառեցու անուամբ կը յիշէ յօրինուած: Նախ միւս ձեռագիրների մէջ այդ չկայ, իսկ մի ձեռագրի մէջ էլ այդ ոտանաւորը Գրիգոր Աղթամարցուն է վերապրուած:<sup>1</sup> Ապա՛ որ կաՓաների հեղինակների անունները իրար հետ չփոթուած են, այդ ինքը Տա-

1 Տաշեան, Ուս. Ստ. Կալ., էջ 108:

չեանը լաւ ցոյց է տուել: Եւ երկրորդ՝ դիցուք թէ մի ձեռագրի լուսանցագրութեան հաղորդումը ստոյգ իրականութիւն է, եւ Կեչառեցիին ինքը «Բ. բարառնութեան նմանողութեամբ» մի ոտանաւոր է յօրինել («նմանողութիւնը» Տաշեանը չի պարզում), այդ ոչինչ ու ոչինչ չի ապացուցում: Մի՞թէ նորանշան մի երեւոյթ է, որ բանաստեղծները, նոյնիսկ մեծ բանաստեղծները, երբեմն յօրինում են թէ՛ իրենց մի երկի «նմանողութեամբ» եւ թէ՛ նոյն նիւթը երկու երեք անգամ են բանեցնում, կամ առաջ յօրինում են արձակ, յետոյ նոյնը՝ ոտանաւորով:

Այսպէս ուրեմն, Հ. Տաշեանը ոչ մի կերպ չի ապացուցել, թէ կեղծ է բարառնութիւնների յիշատակարանը եւ դրանց հեղինակը Խաչատուր Կեչառեցիին չէ: Մենք իրաւունք չունենք մեր նշանաւոր հռետորին զրկելու իր սեփականութիւնից: Այլ բան է, եթէ փաստեր լինէին, հիմնաւոր եւ համոզիչ:

### ԵՐՐՈՐԴ ԵԱՒԵԼՈՒԱԾ

#### ՖԻԻԿԻ ԿԵՆՍԱԳՐՈՒԹԵԱՆ ՇՈՒՐՋԸ

1. Թուակաճներ:— Ֆրիկի կենսադրութեան միակ տղբիւրը նրա բանաստեղծութիւններն են: «Ընդդէմ Փալաքին» քերթուածի մէջ՝ կան հետեւեալ տողերը.

Հիմիկ դըժարեց բաներս,  
Որ թաթարն եղաւ թաղաւոր:

Պարզ է, որ բանաստեղծն ապրել է թաթարական իշխանութեան օրով, այն էլ սրա առաջին շրջանում, երբ դեռ չէր մոռացուել նախորդ Զաքարեան իշխանութեան բարի յիշողութիւնը: Նա վերոյիշեալ բանաստեղծութեան մէջ մարդու բախտի անկայունութեան համար իբրեւ օրինակ բերում է հետեւեալը.

Սահիպ Դիւանին ասենք,  
Որ մըլքեց դերկիր նա բոլոր.  
Հանցեղ սիասաթ<sup>2</sup> ունէր,  
Որ չունէր ոչ ոք թաղաւոր.  
Զինչ որ խանորայք կային  
Յափն ունէր զինչ ըզմի խընձոր.  
Փալաքն երբ ի սիրտ ելաւ,  
Նա արար զինչ երկու կտոր:

Արդէն ցոյց է արուած,<sup>3</sup> որ այս Սահիպ Դիւանին նոյն անձն է, որին յիշում է եւ Ստ. Օրբելեանը՝ ասելով, թէ Սիւնիքի իշխան Սմբատը

1 Ֆրիկ, «Բանաստեղծութիւններ, էջ 216 եւ հտն. «Նորին Ֆրկանն ասացեալ բան պիտանի»:

2 Տպւած է «սիւսթ», «խոնարայք». պէտք է ուղղել «սիասաթ», «խանորայք»:

3 «Արարատ» 1918, էջ 181, 192—194. վերեւում յիշուած յօդուածը՝ «Մոռացմի հայ երգիչ» Տիրայր եպս.-ի:

«ինքն իշխէր ամենայն իշխանութեանց աւագին: Եւ տայ զդուստր նորա զԽոջաքն ի կնութիւն մեծ խօջային Սահիպ Դիւանին, որ ունէր ի բռին զամենայն աշխարհս տէրութեան Ապաղայ զանին... եւ նա էր դիւանի գլուխ եւ վերակացու ամենայնին. եւ էր այս 718 [718+551=1269] թուին»:<sup>1</sup> Նա անցնում է մահմեդական դարձած Ահմադ զանի կողմը եւ, ինչպէս բերել ենք վերեւում («Թաթարական իշխանութիւնը 13-րդ դարում» պարագրաֆի մէջ), սպանում է այս զանի եւ նրա համախոհների հետ 1286 թ., երբ իշխանները թաղաւորեցնում են Ապաղայի որդի Արղունին:<sup>2</sup> Ըստ այսմ Ֆրիկի «Ընդդէմ Փալաքին» բանաստեղծութիւնը քանի որ սրա մէջ յիշատակւում է Սահիպ Դիւանի Խոջայի անկումը, յօրինուած է ոչ առաջ քան 1286 թուականը, հաւանօրէն հէնց այս թուականին կատարուած դէպքի թարմ աղբյուրական տակ:

Այս միեւնոյն քերթուածի մէջ Փալաքը բարկացած՝ ասում է հեղինակին. «Մի՛ հաջել, անդէտ ալեւոր»: «Ալեւոր» նշանակում է՝ սպիտակ մազեր, սպիտակած միւրոք ունեցող, չուրջ 50 տարեկան, ինչպէս սովորաբար ընդունում են,<sup>3</sup> երկրորդաբար նաեւ՝ ծեր: Արդ՝ քանի որ Ֆրիկը 1286 թ. յիշում է իբրեւ ալեւոր, չուրջ 50-ամեայ, հետեւաբար նա ծնուած պիտի լինի չուրջ 1236 թուականին: Այս հաւանական է դառնում եւ հետեւեալով:

Ներքեւում քիչ յետոյ կը տեսնենք, որ Ֆրիկի «Վասն Արղուն զանին եւ Բուղային» քերթուածը յօրինուած է 1289 թուականից ոչ առաջ եւ հաւանօրէն սոյն թուականին: Այդ բանքի մէջ բանաստեղծը խօսում է, ինչպէս տեսել ենք, թաթարական հարստահարիչ իշխանութեան—«մասասի» եւ «մասասչիների» մասին, եւ ասում է.

Աւուրքս անցաւ հետ մասասիս,  
Եզըր չըկայ, հուն չերեւին:

Այս տողերը բառացի նշանակում են՝ «օրերս անցան [=կեանքս անցաւ] այս մասասի հետ, որի վերջը չկայ, ծայրը չի երեւում»: «Մասաս» բառն, ինչպէս տեսել ենք, վերաբերում է թաթարական կեղեքիչ իշխանութեանը: Երբ բանաստեղծն ասում է, թէ օրերս անցան, կեանքս անցաւ այս «մասասի» հետ, այդ պարզապէս նշանակում է, որ նա ծնուել է կամ, ինչպէս ժողովուրդն ասում է, աչք է բացել «մասասի» հետ: Արդ՝ թաթարական արշաւանքն ի Հայաստան եղել է առաջին անգամ 1236 թ., հետեւ-

1 Ստ. Օրբել. Պատմ. նահ. Սիւս., Թեֆլիս, 1910, էջ 418 եւ հտ.:

2 Լեն-Փոլէ, Մահմեդական տէրապետութիւնը, (Առուս.), Ս. Պետերբ. 1899, էջ 182. Արղունի թաղաւորութեան սկիզբը գրուած է 1284 թ.: Բայց ստոյգ պիտի համարել Օրբելեանին, որ ոչ միայն ժամանակակից է, այլեւ մօտիկ ծանօթ է եղելութիւններին:

3 Այսպէս, օրինակ, հին գրողներից Գրիգոր Տաթեւացին մարդու հասակի համար վեց շրջան՝ երեխայ, մանուկ, պատանեակ, երիտասարդ, ծեր եւ զառամացեալ՝ դնելուց յետոյ, աւելացնում է մի ուրիշ կերպ բաժանումն. «Եւ դարձեալ հասակ մարդոյ չորրորդ ունի զփոփոխումն. այսինքն՝ ի մանկութիւն, երիտասարդութիւն, յաւելորութիւն եւ ծերութիւն» Բառասուն եւ վեց (ԽԶ) տարեքի համար ասում է. «Աստ տիրէ ալեք եւ սկիզբն լինի ծերութեան»: Գրիգոր Տաթեւացի, Գրք հարցմանց, Կոստանդնուպոլիս, ի թուին Հայոց ՌՃԻԸ [=1178+551=1729], էջ ՄԿԵ=265:

աւարար եւ նա ծնուել է չուրջ 1236 թ. եւ 1286 թուականին եղել է չուրջ 50 տարեկան, իսկ 1289 թ. չուրջ 53 տարեկան:

Պատմական եղելութիւնը, որով ստոյգ որոշուած է «Վասն Արղուն զանին եւ Բուղային» քերթուածի գրութեան, հետեւեալաբար եւ բանաստեղծի ապրած ժամանակը հետեւեալին է: Ստ. Օրբելեանի «Ողբ»-ի մասին խօսելիս, «Թաթարական իշխանութիւնը 13-րդ դարում» պարագրաֆի մէջ տեսանք՝ որ մահմեդականութեան յարած Ահմադ զանի եւ քրիստոնեաների վրայ յեշուող Արղուն զանի կողմի մէջ 1286 թ. վրաց թագաւորը եւ հայոց իշխան Տարսայիճը Արղունի կուսակից էին, եւ սրա ձեռով առաջ էր եկել Հայաստանի քաղաքական միութիւնը: Երեք տարի յետոյ դաւադրութիւն են սարքում Արղուն զանի դէմ: Ստեփանոս Օրբելեանը (էջ 430) պատմում է, թէ «Երկպառակեցան զօրքն զան Արղունին. եւ անկաւ չփոթումն մեծ ի մէջ մեծամեծացն զլիաւորաց, եւ հանին բազում արեան ճաղաղիս. զի կալաւ Արղունն զմեծ զօրավարն զԲուղայ Չինգանն, որ կոչի աւագաց աւագ կամ տէրանց տէր, եւ եսպան զնա, զի խորհուրդ նենդութեան էին խորհեալ նմա. ընդ նմա եւ զամենայն համախոհս նորին՝ զՂազանն եւ զԹուխլուխ հազարապետն, զԱրուխն, զԱւանն եւ այլ բազումս»: Այդ ժամանակ, 1289 թ., զրոյարտելով սպանում են եւ վրաց Դեմետր թագաւորին: Դրանով չի ոչընչանում դաւադրութիւնն Արղունի դէմ: Ինչպէս յետոյ նոյն Օրբելեանը (էջ 467 եւ հտ.) գրում է, Արղուն զանը 1291 թ. իր սիրած հարճից թունաւորուելով մեռնում է: «Որ եւ ի մահուան նորա լինի կոտորուած բազում մեծամեծ աւագանւոյն՝ Խօջանին որ էր զանձապետ արքային, եւ Սուլտանին որ էր ի վերայ կերակրոցն եւ ըմպելեացն. եւ Զիշուին եւ Արղուզանին որք էին ի վերայ դատաստանացն, եւ մեծ դիւանին Սադաղաւիին՝ բարեբարոյ Զատին որ էր ի վերայ ամենայն հարկաց աշխարհի»: Այս անգամ էլ սպանում են Արղունի մարդիկը:

Արդ, ինչպէս արդէն ցոյց է տրուած,<sup>1</sup> Ֆրիկի «Վասն Արղուն զանին եւ Բուղային» քերթուածը յօրինուած է Արղունի դէմ կազմակերպուած առաջին դաւադրութեան մասին, որ տեղի է ունեցել 1289 թ.: Այս ուրեմն այս երկը գրուած պիտի լինի ոչ առաջ քան 1289 թուականը, եւ ոչ թէ (դուցէ վերպակով) «ոչ առաջ քան 1282 թուականը»:<sup>2</sup> Այս ընդունելի կարելի է համարել եւ այն, թէ Ֆրիկի տուեալ քերթուածի մէջ իբր երեւում են Արղուն զանի մահուան ժամանակ կատարուած դէպքերն եւս, «այն է մինչեւ 1291 թուականի վերջը»<sup>3</sup> կամ թէ հետեւելը, որ ասուած է առանց որեւէ հիմնաւորման, հետեւելով նախորդին. «Վասն Արղուն զանին եւ Բուղային» ոտանաւորում Ֆրիկը, Բուղայի ապստամբութիւնից յետոյ, նկարագրում է մի քանի դէպքեր եւս, որոնք կատարուել են 1291 թուին: Այսպիսով Ֆրիկի

1 «Արարատ» ամսագիր, 1918, էջ 182 եւ հտն. Տիրայր եպս. «Մուսացուած մի հայ երգիչ»: Այլ եւ «Ֆրիկ, Բանաստեղծութիւններ», 1941, էջ 6 եւ հտն. Մ. Մկրեան, «Ֆրիկի ստեղծագործութիւնը»: Այս երկրորդն օգտուած է առաջինից՝ առանց իւր աղբիւրը ցոյց տալու. Ընդհանուր եղրակցութիւնը մասամբ ճիշդ. համարելով հանդերձ ընդունելի է նմ համարում այս երկու յօդուածներէ եւ որոշ մանրամասնութիւնները:

2 «Արարատ», 1918, էջ 187:

3 Անդ, էջ 189, 193, 194:



այս ոտանաւորը չէր կարող 1291 թուից առաջ գրուած լինել: Միւս կողմից էլ այն չէր կարող 1295 թուից յետոյ գրուած լինել...»<sup>1</sup> Ուրեմն իբր 1291 եւ 1295 թուականների մէջ է գրուած այն: Բերուած երկրորդ ասացուածի վերջին մասը, որ վերաբերում է 1295 թուականին, կարեւորութիւն չունի. որովհետեւ թէ որոնք են այն «մի քանի դէպքերը», որ իբր կատարուած են 1291 թ., այդ մասին ոչ մի խօսք:

Որ Ֆրիկի այս բանաստեղծութիւնը վերաբերում է Արղուն դանի դէմ 1289 թ. կազմակերպուած դաւադրութեանը, այդ շատ պարզ է: Քերթուածի մէջ յիշուած եղելութիւններն եւ անունները միայն բաւական են ապացուցելու այդ: Թէ՛ Ֆրիկի քերթուածի եւ թէ՛ Օրբելեանի Պատմութեան մէջ դաւադրութեան պարագլուխն է Ջինքսան բուզան, որ կամեցել է «նենդել» Արղունին, կամ, ինչպէս Օրբելեանը գրում է, «խորհուրդ նենգութեան էին [էր?] խորհեալ նմա»: Ֆրիկը Բուզայի համախոհներից յիշում է Արուխին, նոյնը կայ նաեւ Օրբելեանի Պատմութեան մէջ: Ըստ Ֆրիկի՝ դաւադրութիւնըն իմանում է Սուլթան Աղան, որին յիշում է Օրբելեանը իբրեւ Արղունի հաւատարիմներից մէկը: Վերջապէս երկուսի մէջ էլ յիշում է Արղունի բաբեկամ Սադադաւ (ին), որ Արղուն դանի կուսակից աւագանիներից մէկն էր, որին ուրիշների հետ, ինչպէս պատմում է Ստ. Օրբելեանը, սպանում են Արղունի մահուան ժամանակ: Այս քերթուածի մէջ նա յիշում է իբրեւ դեռ կենդանի:<sup>2</sup> Նոյնպէս դեռ կենդանի է ներկայանում եւ Արղուն դանը: Եթէ այն գրուած լինէր 1291 թուից յետոյ, Ֆրիկն անպայման աւելի եւս բուռն դայքրոյթով կը խօսէր այդ թուականին կատարուած եղելութեան մասին. բայց ոչ մի ահնարի չկայ Արղուն դանի թունաւորման եւ նրա կուսակիցների կոտորածի վրայ: Ընդհակառակն, նա Արղուն դանի մասին խօսում է իբրեւ կենդանի մարդու, եւ գոհ է, որ նա չէր սպանուել:

Բուզա՛, դու ո՞նց կամիր [=կամէիր] նենդել.

ՉԱրղուն դանն աստուած եղիր,

Ով է յաղթող Արղունն զանին:

Այսպէս չի կարող գրուել իր կուսակիցներով հանդերձ արդէն սպանուած մի մարդու մասին: Կամ հետեւեալը.

... Աղաչենք ըզտէր Աստուած,

Որ ցուցանէ Արղունն զանին,

Թէ չէ՛ աղէկ այն արտասուքն,

Որ թափեցին օրթախընին:

1 Ֆրիկ, Բանաստեղծութիւններ, 1941, էջ 8:

2 Հիմնաւորուած կերպով առաջարկուած է Ֆրիկի քերթուածի «Ղուջան» անունը համարել «Ղազան» անուան աղճատում, եւ Ղազան անունն մէջ տեսնել Արղուն դանի Ղազան որդուն, որ իր հօր մահուան ժամանակ Սորասանում է եւ 1295 թ. իր հակառակորդներին յաղթելով՝ դառնում է թագաւոր: Նոյնպէս մի չհիմնաւորուած առաջարկ է «թաշար» անուան մէջ տեսնել Ստ. Օրբելեանի (էջ 171) յիշած «մեծ բերապետ թաշարին», որ պատերազմի ժամանակ անցել է Ղազանի կողմը: Տե՛ս «Արարատ» 1918, էջ 188 եւ հտ. Տիրայր եպս-ի վերեւում յիշուած յօդուածը՝ «Մոռացուած մի հայ երգիչ»:

Եթէ Արղուն զանն արդէն սպանուած լինէր, այլեւս ինչո՞ւ պիտի բանաստեղծը դրէր «Աղաչենք Աստուծուն, որ ցուցանէ» նրան, թէ լաւ բան չէ օրթախների թափած արասսուրը: Այսպէս ուրեմն, «Վասն Արղուն զանին եւ Բուդային» քերթուածը գրուած է 1291 թուականից առաջ եւ 1289 թ. ոչ առաջ. իմ կարծիքով՝ քերթուածի ամբողջ բնաւորութիւնից երեւում է, որ դա յօրինուած է հէնց այս 1289 թուականին կատարուած եղելութեան անմիջական տպաւորութեան տակ անմիջական բռնկումով:

Երբորդ թուականը վերաբերում է «Գանդատ» քերթուածին: Խաչատուր Կեչառեցու «Ողբի» մասին գրելիս՝ արդէն տեսել ենք, որ Ղազան զանի թաղաւորութեան սկիզբներում սոսկալի հալածանք է հանել քրիստոնեաների դէմ մահմեդականութեան յարած Նաւրուզ զօրավարը. քանզի են եկեղեցիները, կոտորել են քահանաներին ու շատ քրիստոնեաների, շատերին կողոպտել ու գերի տարել: Այդ գրութիւնը, որ արտայայտուած է Կեչառեցու «Ողբի» մէջ, աւելի զօրեղ կերպով երեւում է Ծրիկի «Գանդատ» («Բան ի Ծրիկ գրքոյն») քերթուածի՝ մէջ:

Այլ կամք ի ձեռս անօրինի,  
Որք կու վարեն անգին գերի.  
Ո՞րքան քակեն եկեղեցի.  
Քանի՞ շինեն պիղծ մըզկիթնի:  
Քանի՞ կանայս առնեն այրի,  
Եւ ո՞րքան ուրք քրիստոնէի.  
Ո՞րան արին հեղուն յերկրի:

«Քանի որ թաթարական տիրապետութեան նախորդ շրջանում եկեղեցիներ քանդելու մասին յիշատակութիւն չկայ, ուրեմն կարելի է հաստատ եզրակացնել, որ «Բան ի Ծրիկ գրքոյն» բանաստեղծութիւնը գրուել է 1295 թուից յետոյ»:<sup>2</sup> Ըստ իս՝ այդ քերթուածը յօրինուած է ոչ թէ 1295 թ. յետոյ որ է՝ 1296 թուականին կամ աւելի ուշ, այլ հէնց նոյն 1295 թուականին, Խորասանից Ղազան զանի գալու ժամանակները եւ Ղազանի թաղաւորութեան սկիզբներում, երբ եւ տեղի է ունեցել եկեղեցիների քանդումը: Այդ հաստատում է հետեւեալով: Հէնց այդ ժամանակներում էլ Կիլիկիայի Հայոց Հեթում թագաւորը, որ եկել էր Ղազանի նախորդի մօտ, «եւ հասաւ յայս տաղնապ շինթի», — գրում է Ստ. Օրբելեանը,<sup>3</sup> — գնում է Ղազանի մօտ եւ խօսում է նրա հետ այդ հալածանքի մասին: «Իսկ նորա [= Ղազանը] ի չքմեղս եղեալ ասէր. ես ոչ զիտեմ զայդ, այլ Նաւրուզն դործեաց զամենայն: Եւ հրամայեաց աս ժամայն զրել հրովարտակ ընդ ամենայն աշխարհ, զի մի՛ իշխեսցեն ձեռնարկել յեկեղեցիս եւ ի քրիստոնեայս. այլ խաղաղութեամբ բնակեսցէ ամենայն ոք՝ զիւր հաւատ եւ պաշտօն համարձակ ունելով: Եւ յայմանէ սակաւ մի խաղաղացեալ եղեն հէնք տաղնապին... Իսկ Ղազանն առեալ զլանութիւն յ744 (=1295) թուին յաշունն... կացուցանէր նա ի վերայ ամենայն զօրաց իւրոց եւ աշխարհաց զԽսելու—

1 Ծրիկ, «Բանաստեղծութիւններ», էջ 232:

2 Անդ, էջ 9 «Ծրիկի՝ ստեղծագործութիւնը», Մ. Մկրեանի:

3 Ստ. Օրբ., Պատմ. նահ. Միւ., էջ 474 եւ հտ.:

չահն՝ այր բարի եւ հոօր եւ յաղթող ի պատերազմունս, որ էր յոյժ բարեկամ եւ օգնական քրիստոնէից. որ եւ փեսայացաւ արքայի առնելով զքոյր նորա ի կնութիւն. եւ ի սաղընթոյ սորա լինէր խաղաղութիւն մեղ եւ ամենայն աշխարհիս Հայոց». Իսկ Նաւրուզը դնում է Սորաոսան, ուր եւ մտածում է դաւել Ղաղանին, բայց իր տոհմով ոչնչացւում է Սուրբուշահի ձեռով: «Ահա՛ տեսէք զեղջիւր եկեղեցւոյ, եթէ որպէս մեծագոյն պատառեաց զթշնամին իւր, — գրում է Օրբելեանը, — եւ խնդրեաց զվրէժ քակտելոյն իւրոյ, զի ոչ տեսաց իշխանութիւնն նորա (Նաւրուզի) ամ մի. այլ իսպառ ջնջեցաւ ազգաւ»: Այս ամէնն, ուրեմն, կատարուել է մի տարում՝ 1295 թուականին: Եւ Ֆրիկի «Գանդատ» բանաստեղծութիւնն էլ գրուած է հէնց նոյն թուականին հայերի այդ մեծ հալածանքի օրերին եւ ոչ թէ հալածանքը դադարելուց յետոյ, «1295 թուից յետոյ»: Ուշադրութիւն պիտի դարձնել, որ Ֆրիկը յօրինում է բայերի ներկայ ժամանակով՝ «կամք, վարեն, քակեն» եւ այլն. ուրեմն «կանք», «գերի են տանում», «եկեղեցիները քանդում են» եւ այլն: Այսպէս գրում են մարզիկ, երբ գրելիս հէնց կատարւում է այն եղելութիւնը, որի մասին գրում են:

Ըստ երեւոյթին նոյն 1295 թուականի հալածանքի ժամանակ է Ֆրիկը գրել իր մի ուրիշ բանքն եւս՝ «Վասն անմիաբանութեան քրիստոնէից», որի մէջ յիշում է եկեղեցիների հալածանքը («զեկեղեցիս հալածեն») եւ դիմում է Աստուծուն ասելով («Յարո՛ մեզ եղջիւր փրկութեան...»):

Քանի որ, ինչպէս տեսանք, մեր այս բանաստեղծը ծնուած պիտի լինի շուրջ 1236 թ., հետեւաբար նա 1295 թ. իր նշանաւոր «Գանդատ» բանքը յօրինել է մօտ 59—60 տարեկան պատկառելի հասակում: Դրանից յետոյ էլ նա ապրել է շատ տարիներ, եւ հասել է լի ծերութեան, քանի որ նա մի բանքի մէջ, որի սկիզբն է «Ջանացի թէ լոյսն ելնեմ» (էջ 79), գրում է.

Ալիքս է դեղին դարձել:

Ընդունելով այսպիսի հասակը 70—75-րդ տարին, նա վախճանուած պիտի լինի 14-րդ դարի առաջին տասնամեակներին:

2. Ֆրիկի որդու զրաւ դրուելու խնդիրները:— Այս բանաստեղծի կենսագրութեան մէջ տեսանք, որ թաթարների իշխանութեան ժամանակ, երբ պահանջուած հարկը չէին կարողանում վճարել, հարկի պարտքի տեղ հարկատուների զաւակներն էին առնում: Կարծում են, թէ Ֆրիկի որդուն էլ տարել են հօր պարտքի փոխանակ<sup>1</sup>. Բայց այն բանաստեղծութիւնը, որի մէջ յիշատակւում է այդ, ինչպէս կենսագրութեան մէջ առացինք, դեռ կարօտ է բանասիրական քննադատութեան: Դնենք այստեղ Ֆրիկի այդ դեղեցիկ բանքը,<sup>2</sup> որի մասին խօսուել է նրա կենսագրութեան մէջ: Մասերը նշում են 1 եւ 2 թուանշաններով:

Նորին Ֆրկանն ասացեալ

1. Դնաց մտնկութեան հասրաթն,

1 «Արարատ» 1918, էջ 83 եւ հտ.: Այստեղից էլ ունի «Ֆրիկ, Բանաստեղծութիւններ», էջ 10:

2 Ֆրիկ, Բան., էջ 80 եւ հտ.:

Ու երեկ ինձ հոգս անհուն.  
 Զըրկած եմ երկու կենօք,  
 Վասն այնոր չեմ ելնել ի հուն:  
 Գաղան 'ւ անասուն ու հաւ  
 Գէմ ունին իւրեանց տուն ու բուն.  
 Ոչ տուն ու ոչ տեղ ունիմ,  
 Կու խոցիմ զօրն ի յայն հարկուն:  
 [Վարիանտ՝ կու խոցիմ ի յանհաւատուն]:  
 2. Յաւել թէ գինի խմեմ,  
 Նա՛ ծրփամ զինչ նաւն ի յալուն.  
 Գընա, թող ի բաց զամէն,  
 Ու եղիր սիրող վանքերուն:  
 Յիշխան մի՛ յուսալ, եղբա՛յր,  
 Ճար չըկայ ի յաղամորդուն.  
 Գընա, ծառայէ նորա,  
 Որ տէր է անձին ու հոգուն:  
 Գէմ զայն խասիաթս գիտեմ,  
 Կեսնքըս չի մընա մարըդոյն.  
 Ճարակ անտէնին արա,  
 Որ չլինիս ի հօն դու լալուն:

Ժողովածուն կազմողը՝ Տիրայր Եպիսկոպոս՝ Ֆրիկի այս բանքը հանել է երեք ձեռագրից (x'a'b), որոնց մէկի մէջ միայն (x ձեռ.) եղել է սովորական վերնագիրը՝ «Նորին Ֆրկանն ասացեալ», միւս երկուսը (a'b) չեն ունեցել վերնագիր: Նա մի չորրորդ ձեռագրի (c) մէջ գտել է վերելում դրուած բանաստեղծութեան միայն առաջին (1) երկու քառեակն առանց վերնագրի, ուրեմն առանց Ֆրիկի անուան. իսկ յաջորդ երեք քառեակի (2 մասի 12 տողի) փոխանակ տարբեր 14 տողեր, որոնց մէջ է եւ հեղինակի որդու գրաւ դրուելը: Բերենք եւ այդ «ամսմուն քամքը»:

1. Գնաց մանկութեան հասրաթն,  
 Ու երեկ ինձ հոգս անհուն.  
 Զըրկալ եմ երկու կենօքս,  
 Վասն այնոր չեմ ելնել ի հուն:  
 Գաղան 'ւ անասուն ու հաւ  
 Գէմ ունին իրենց տուն ու բուն,  
 Ոչ տուն ու ոչ տեղ ունիմ,  
 Կու խոցիմ ի յանհաւատուն:  
 2. Կասեն թէ խմէ գինի,  
 Որ լինես դու մի պահ ի քուն.  
 Ուսկա ի պարտուց յահուն<sup>1</sup>  
 Կու դողամ զինչ ունն ի քամուն:

1 «Արարատ», 1918, էջ 81 «յահուն», իսկ «Ֆրիկ, Բանաստ.» էջ 40 տպուած է «յալուն»:

Դըրի զիմ որդին դըրաւ  
Ուստի ճուղապ գընալուն·  
Միթէ թաղաւորն երկնից

Նայ բերէ զիմ որդին ի տուն :

Հազար ցեղ թապտիր կածեմ  
Թէ... ներուս թէ ելնեմ ի հուն,  
Ժամ ժամ ի դէպ կապ կուզայ,  
Զի ընկնիր իմ ջուրն ի յառուն :

Ջանցի թէ հանց բան այնեմ

Որ էր... (թերթ ընկած եւ պակասաւոր) :

Ժողովածուն կազմողն այս «անանուն բանքի» (2) մասը, վերջին 14 տողերը, որոնց մէջ է յիշուում հեղինակի որդու գրաւ դրուելը, համարել է մի այլ ընթերցուած. Ծրիկի բանքի, այսինքն վերեւում գրուած «առաջին բանքի», փոխանակ սրա (2) մասի, այսինքն վերջին 12 տողերի (սկսած՝ «Յաւել թէ գինի խմեմ» տողից) եւ իբրեւ այսպիսին էլ դժի տակ տպուած է ժողովածուի մէջ, որից եւ օգտուում ենք մենք: Այսպէս վարուելու հիմքը միայն այն է եղել, որ այս կարծեցեալ «այլ ընթերցուածից» առաջ եղել է Ծրիկի բանքի («առաջին բանքի») սկզբի մասը՝ (1) առաջին ութ տողերը: Բայց այդ մեծ հատուածն իր բովանդակութեամբ կապ չունի Ծրիկի բանքի երկրորդ (2) մասի հետ, որ սրա այլ ընթերցուածը համարուի: Միակ նմանութիւնը որ կայ երկուսի մէջ՝ է «գինի խմեմ», «խմէ գինի»: Բացի այդ՝ ոչ մի հաստատ հիմք չկայ պնդելու, թէ այդ հատուածի հեղինակը Ծրիկն է: Այսպէս ուրեմն, ունենք երկու առանձին բանքեր, «Ծրիկի բանք» կամ «առաջին բանք» եւ «անանուն բանք» կամ «երկրորդ բանք», որոնց սկզբի ութ տողերը նոյնն են, իսկ չարունակութիւնը՝ տարբեր:

Այլ եւ այլ վարկածներով կարելի է բացատրել այդ երկու բանքի յարաբերութիւնը: Եթէ ընդունուի, թէ այդ երկուսի էլ հեղինակը Ծրիկն է, ապա այդ դէպքում պէտք է ենթադրել, թէ նա դրանցից մէկն ու մէկը յօրինելուց յետոյ առել է իր բանքի սկզբի (1) մասը, առաջին ութ տողը եւ չարունակութիւնը նոր բովանդակութեամբ յօրինել, որով առաջացել են երկու տարբեր քերթուածներ՝ իրենց սկզբի մասերի նոյնութեամբ: Իրենց աշխատութիւնների հետ այսպէս վարուող քերթողներ էլ կան. բայց այդ դժուար է ընդունել Ծրիկի նման առատաբան եւ հեշտ յօրինող մի բանաստեղծի համար: Նա իր մի քերթուածի տողերն առնելու փոխանակ՝ ամենայն թեթեւութեամբ նոր տողեր կը շարադրէր նոր բանքի սկզբում: Բացի այդ՝ քանի որ հեղինակի անուան յիշատակութիւն չկայ երկրորդ բանքի համար, ուստի վերջին հաշուով ենթադրական է մնում դրա հեղինակի ով լինելը, հետեւաբար եւ Ծրիկի որդու գրաւ դրուելը, որ յիշուում է այդ անանուն բանքի մէջ:

Դարձեալ կարող է առաջ դալ եւ այս ենթադրութիւնը. Ծրիկը յօրինել է երկու բանքերից առաջինը, որի վերնագրի մէջ կայ Ծրիկ անունը, եւ մի ուրիշ քերթող՝ իւրացնելով նրա քերթուածի առաջին ութ տողերը, չարունակութիւնը ինքն է յօրինել, եւ այսպէս կազմուել է «անանուն բանքը»:

կամ երկրորդ բանքը»։ Այսպիսի վերաբերմունքը մի անսովոր երեւոյթ էր Ծրիկի ապրած շրջանում, երբ ուրիշի հեղինակութիւնների հետ ազատ էին վարուում։ Այս դէպքում, սակայն, ժխտում է, թէ Ծրիկն իր որդուն գրաւ է դրել, քանի որ այդ յիշում է «անանուն բանքի» մէջ։

Երրորդ՝ կարելի է ենթադրել, թէ այդ «անանուն» կամ «երկրորդ» բանքն առաջացել է որեւէ գրչի ձեռով պատահաբար այսպէս։ Ծրիկի բանքի, այսինքն վերեւի «առաջին բանքի» ետեւից դրուած է եղել մի ուրիշ բանք, երբ գրիչը Ծրիկի բանքն արտագրելիս հասել է «Յաւել թէ դինի խմեմ» տողին, նա անդգուշութեամբ սկսել է արտագրել ետեւի ուրիշ բանքի նման տողից՝ «Կ'ասեն թէ դինի խմէ», որով եւ առաջացել է «անանուն բանքը»։ Այսպիսի թռիչքներ արտագրութեան ժամանակ սովորական են. այդ առաջանում է նոյն բառերի եւ նոյնանման խօսքերի ազդեցութեամբ։ Եթէ այսպէս ծագած լինի «անանուն բանքը», քանի որ դրա՝ ուրիշ քերթուածից ծագած մասի մէջ է հեղինակի որդու գրաւ դրուելը, իսկ այդ ուրիշ քերթուածի հեղինակի ով լինելը յայտնի չէ, ապա ուրեմն դարձեալ ենթադրական է Ծրիկի որդու գրաւ դրուած լինելը։

Չորրորդ՝ կարելի է ենթադրել, թէ այդ «անանուն բանքը» ծագել է այսպիսի մի կերպով։ Ծրիկի բանքը գրուած է եղել որեւէ ձեռագրի մի թերթի երկրորդ էջի վրայ. ետեւից նոյն էջի ցածի մասում՝ մի ուրիշ քերթուածի սկզբի մասը։ Որեւէ պատճառով պատուուած հանուած է այդ թերթի ցածի մասը, որի վրայ եղել են Ծրիկի բանքի երկրորդ (2) մասը եւ այն ուրիշ քերթուածի սկզբի մասը։ Յետադայում մի դրիչ արտագրել է Ծրիկի բանքից մնացածը, որ է առաջին (1) մասը, եւ ապա յաջորդ թերթից առաջին էջը, որի վրայ գրուած է եղել այն ուրիշ քերթուածի շարունակութիւնը, եւ այսպէս մեխանիկորէն միացել են Ծրիկի բանքի առաջին (1) մասը եւ մի ուրիշ քերթուածի մնացած մասը, եւ առաջացել է «անանուն բանքը»։ Այսպիսի դէպքեր պատահում են ձեռագիրների մէջ, բայց այսպիսի դէպքում էլ, քանի որ Ծրիկի անունը յիշուած չկայ «անանուն բանքի» համար, չգիտենք թէ ո՛վ է հեղինակը ենթադրական ուրիշ քերթուածի, ապա դարձեալ չենք կարող հաստատ ասել, թէ Ծրիկի որդին է պարտքի տեղ գրաւ դրուած եղել։

Վերջապէս՝ կարելի է կարծել, թէ այդ երկու՝ «առաջին» եւ «երկրորդ» բանքերը՝ սկզբնապէս ոչ թէ տարբեր բանաստեղծութիւններ են եղել, այլ Ծրիկի մի զեղեցիկ քերթուածի մասեր, որոնք պատահաբար անջատուած են ամբողջութիւնից։ Այդ քերթուածը ենթադրաբար եղել է այսպէս.

1. Գնաց մանկութեան հասրաթն,  
Ու երեկ ինձ հոգս անխհուն.  
Ձրկած եմ երկու կենօք,  
Վասն այնոր չեմ ելնել ի հուն։  
Գաղան 'ւ անասուն ու հաւ  
Գէմ ունին իւրեանց տուն ու բուն.  
Ոչ տուն ու ոչ տեղ ունիմ,  
Կու խոցիմ զօրն ի յայն հարկուն.

[Վարդանտ՝ կու խոցիմ ի յանհաւատնուն]:

2. Կասեն թէ խմէ՛լ գինի,  
Որ լինիս զու պահ մի քուն.  
Ուսկա ի պարտուց յահուն՝  
Կու գողամ զինչ ուռն ի քամուն.

Դըրի գիմ որդին գրբաւ,  
Ուստի հուղապ գընալուն.  
Միթէ թաղաւորն երկնից  
Նայ բերէ գիմ որդին ի տուն:  
Հաղար ցեղ թաղաւոր կածեմ,  
Թէ... ներուս թէ ելնեմ ի հուն.  
Ժամ ժամ ի գէտ կապ կու դայ,  
Ձի ընկնիր իմ ջուրն ի յառուն:  
Ջանցի թէ հանց բան այնեմ,  
Որ էր... («թերթ ընկած եւ պահասաւոր»):

3. Յաւել թէ գինի խմեմ,  
Նա՛ ծըփամ գինչ նաւն ի յալուն.  
Գընա, թող ի բաց զամէն,  
Ու եղի՛ր սիրող վանքերուն:

Յիշխան մի՛ յուսալ, եղբա՛յր,  
Ճար չըկայ ի յաղամորդոյն.  
Գընա, ծառայէ՛ նորա,  
Որ աէր է անձին ու հողուն:

Գէմ զայն խաւիաթս գիտեմ,  
Կեանքըս չի մընալ մարըդոյն.  
Ճարակ անտէնին արա,  
Որ չլինիս ի հօն զու լալուն:

Այս ենթագրական ամբողջական քերթուածից 3-րդ հատուածի դուրս ընկնելով առաջացել է վերելի «անանուն» կամ «երկրորդ բանքը». եւ Ժողովածուն կազմողը յայտնում է այդ մասին գրելով՝ «թերթ ընկած եւ պահասաւոր»: Իսկ Ֆրիկի բանքը կամ «առաջին բանքը» առաջացել է այսպէս: Գրիչն արտագրել է ենթագրական ամբողջական քերթուածի 1. մասը. երբ հասել է 2. մասին, որ սկսւում է «Կ'ասեն թէ գինի խմէ», նա անգղուշութեամբ, «գինի խմելու» զուգորդութեամբ, թողել է 2. մասը եւ արտագրել է 3. մասը, որ սկսւում է «Յաւել թէ գինի խմեմ» տողով: Այսպիսով պատահաբար ծաղել է «Ֆրիկի բանքը» կամ «առաջին բանքը», որի պահասաւոր լինելն ըստ իմաստի զգալի է, եւ ուրիշներն արտագրել են նոյնը: Եթէ ընդունուի այսպիսի վերականգնուած ամբողջական քերթուածը իբրեւ Ֆրիկի մի երկ, ապա պէտք է ընդունուի նաեւ Ֆրիկի որդու գրաւ դրուած լինելը: Բայց ինչքան էլ հնարաւոր եւ հաւանական է այդպիսի ամբողջական քերթուածի գոյութիւնը եւ նրա միջից կամ վերջից հատուածներ

1 «Արարատ», 1918, էջ 81՝ «յահուն», իսկ Ժողովածուի մէջ է «յալուն»:

դուրս ընկնելը, դարձեալ մի ենթադրութիւն է այդ, հետեւաբար այս դէպ-  
քում էլ ենթադրական է մնում Ֆրիկի որդու գրաւ դրուած լինելը: Այդ  
ստորոգ որոշելու համար՝ պէտք է սպասել նոր հաւաստի տեղեկութեան:

## ՉՈՐՐՈՐԴ ԵԱԻՆԼՈՒԱԾ

### ՇԱՀՆԱՄԱՅԻ ԶԵԻԱԿԱՆ ԱԶԴԵՑՈՒԹԻՒՆԸ

1. «Ասել ձայնով»:— Կոստանդին Երզնկացուց, ինչպէս տեսել ենք,  
խնդրում է յօրինել մի քերթուած այնպիսի չափով, որ կարելի լինի «ի  
Շահնամայի ձայն ասել, կարդալ», կամ «ասել ձայնով», ինչպէս Շահնա-  
ման էին ասում: Եւ Կոստանդինը, նմանելով պարսկական դիւցազնեղութեանը,  
յարմարում է մի բանք, ասելով, թէ «ի Շահնամայի ձայն կարդա-  
ցէք»: Անկարեւոր չէ այստեղ բացատրել, թէ ինչպիսի է եղել այդ նմանո-  
ղութիւնը, եւ թէ ինչ է նշանակում մի ոտանաւոր ասել ձայնով, եւ որն է  
«Շահնամայի ձայնը», որի համեմատ պիտի ասէին Կոստանդինի յօրինած  
ոտանաւորները:<sup>1</sup>

Հին ժամանակ բանաստեղծութիւնը կատարում էին երեք կերպ, եր-  
բում էին, «ի թիւ» էին ասում եւ «ի ձայն» կամ «ձայնիւ» էին ասում:  
Երգելը պարզ է, թէ բանաստեղծութեան որպիսի կատարումն է: «ի թիւ  
ասելը», դա «ի թիւ» ուսած, այսինքն՝ բերան արած՝ արտասանելն է  
առանց որեւէ եղանակի, սովորական կարդալու կամ պատմելու ձեւով, որ-  
քան կարելի է, պարզ եւ մեկին: Այսպէս «ի թիւ» է ասուել, մասամբ եւ եր-  
բուել, մեր հին վիպասանութիւնը կամ վիպասանքը, որ եւ այդ պատճառով  
կոչուել է նաեւ «թուելիք», «թուել» բառից, որ նշանակում է նաեւ պատ-  
մել:<sup>2</sup> «Թիւ են ասուել» եւ դեռ այդպէս ասւում են, եւ քիչ մասով միայն  
երգւում մեր «Սասնայ Մռերը», ինչպէս նմանապէս նաեւ ուրիշ ազգերի ժո-  
ղովրդական վէպերը:

«Ձայնով ասելը», դա մի առանձին տեսակի եղանակաւոր ասելն է, որ  
երգելու եւ թիւ ասելու միջին տեղն է բռնում: Եթէ թիւ ասում են սովո-  
րական խօսակցական կամ զրուցատարական ձեւով ու ձայնով, որոշ դէպքե-  
րում նաեւ սովորականից էլ ցած ձայնով, «ձայնով ասելու» ժամանակ  
ձայնը բարձրացնում են սովորականից աւելի: Արձակ խօսքի, պրոզայի  
այսպիսի արտասանութեան ժամանակ խօսքի մէջ որոշ բառերի վրայ, նա-  
յելով բովանդակութեանն ու բառերի կապակցութեան խմբերին, ուժեղ  
չեչտեր են դրում եւ վանկերի ժամանակը, այսինքն տեւողութիւնը, երկա-  
րացւում է, այնպէս որ արձակ ասացուածը ստանում է մի առանձին ուրիշ  
ու եղանակաւորութիւն: Մինչեւ այժմ էլ մեր «Սասնայ Մռեր» պատմողները,  
եթէ չեն երգում այն հատուածները, որ ուրիշները երգում են, յաճախ «ձայ-  
նով են ասում», եւ յայտնում են, թէ այդ ինչ կտորը պէտք է ձայնով

1 Ֆրիդուսի, Բանաստեղծի ծննդեան հազարամեակին նուիրուած ժողովածու,  
Երեւան, 1943, էջ 147—128, Մ. Աբեղեանի յօդուածը՝ «Շահնամայի ոտանաւորի չափը  
հայ բանաստեղծութեան մէջ»:

2 Տե՛ս սոյն աշխատութեան Առաջին հատոր. էջ 44 եւ հտ. «Թուելիք, թուե-  
լեաց երգք»:



ասել: Նոյնիսկ վէպի պատմուածքի ընթացքում, վէպի բնագրի մէջ այդպիսի հատուածների համար գործածուում է կամ «երգել», «խաղով (= երգով) ասել», կամ թէ չէ՝ «ձէնով ասել» արտայայտութիւնը:<sup>1</sup>

Ոտանաւորներն «ի ձայն ասելը», կամ «ձայնով կարդալը», դա նոյն ձայնով ասելն է, միայն այս դէպքում առանձնապէս շեշտուում ու երկրացւում են, ոտանաւորի կազմութեան համեմատ, ուրիշմական ոտքերի ու անդամների այն վանկերը, որոնք իրենց վրայ պէտք է կրեն ուրիշմական շեշտերը: Բացի այդ՝ ուրիշմական ոտքերը կամ անդամները մի մի փոքրիկ դադարով անջատուում են յաջորդ ուրիշմական ոտքերից կամ անդամներից: Այսպիսի արուեստական արտասանումի ժամանակ վանկերը միակերպ մեկին են հնչում, ուրիշմական շեշտերը միակերպ ուժեղ եւ այդ շեշտերը կրող վանկերը միակերպ երկար տեւողութեամբ, այնպէս որ ունկնդիրների համար անջատ-անջատ լսելի են լինում առանձին ուրիշմական ոտքերը կամ անդամները: Այսպիսի արտասանումն ահա, որ կոչուում է «ի ձայն» կամ «ձայնով ասել» կամ «ոգել ձայնիւ», սիրուած է եղել մեզնում մինչեւ 19-րդ դարի կէսերը եւ նոյնիսկ մինչեւ 1880-ական թուականները դրաբար ոտանաւորների համար: Այսպիսի արուեստական արտասանումով կարդացել են եւ Շահնաման եւ դեռ կարդում են մինչեւ մեր օրերը: Դրանով ուժեղ կերպով արտայայտուում է այդ վիպասանութեան չափը:

Պարսկական ոտանաւորի էական հիմունքը կազմում է վանկերի երկարութիւնն ու կարճութիւնը: Շահնամայի չափի իւրաքանչիւր ոտքը կազմուած է երեք վանկերից, որոնց առաջինը կարճ է եւ ուրիշմօրէն անշեշտ, երկրորդն ու երրորդը երկար են. ուրիշմական ուժեղ շեշտը, որը անկախ է պրոզայիկ շեշտից, այսինքն սովորական արտասանութեան շեշտից, դրւում է երկրորդ վանկի վրայ, երրորդ վանկը կրում է երկրորդական, թոյլ շեշտ: Այս չափի իւրաքանչիւր տողը, որ 11-վանկանի է, կազմուած է չորս այսպիսի ոտքերից, որոնց վերջինը չունի երրորդ վանկը: Երկու տողը միասին կազմում են մի տուն (բէյթ) եւ նոյնալանդ են: Զայնով կարդալու ժամանակ՝ ամէն ուրիշմական ոտք յաջորդ ոտքից բաժանուում է մի փոքր դադարով, որ կարող է ընկնել նաեւ բառամէջերում: Շահնաման, ուրեմն, յօրինուած է հետեւեալ սքեմայով՝

~ 1 2 ~ 1 2 ~ 1 2 ~ 1

Վանականները Կոստանդնին խնդրել են հայերէն լեզուով այնպիսի ոտանաւոր յօրինել, որ կարելի լինի «Շահնամայի ձայնով ասել»: Այսպիսի չափով հայերէնում իսկապէս հնարաւոր չէ ոտանաւորներ դրել, զի հայոց լեզուն չունի երկար եւ կարճ ձայնաւորներ: Մեր բանաստեղծը հայերէն ոտանաւորի ոտքերն էլ կազմում է երեք վանկից, բայց իւրաքանչիւր ոտքի միջին երկար եւ զօրեղ շեշտուած վանկի փոխանակ, ելնելով հայերէնի պրոսոդիայից — առողանութիւնից, դնում է շեշտուած վանկ, որ հայերէնում

1 Մինչեւ այժմ էլ հայոց եկեղեցու ժամերգութեան ժամանակ պահուած է ոչ միայն երգեւել, այլ եւ թիւ ասելն ու ձայնով ասելը որոշ դէպքերի եւ առանձին տիպի ընթերցուածների համար: Տես՝ Մ. Աբեղեան, Հայ ժողովրդ. առասպելները Մ. Խորենացու Հայոց պատմ. մէջ, Վաղարշապատ, 1899, էջ 56—71: «Ասել, Վիպասանք, Երգք վիպասանաց, ի թիւ ասել, թուել, թուելեացն երգք»:

համեմատաբար երկար է արտասանում, քան միևնույնը եւ հարկաւոր ժամանակ կարելի է աւելի եւս երկարել: Այսպիսի կազմութեամբ ոտանաւորը կարելի է ազատ կերպով «ի Շահնամայի ձայն» ասել: Բայց դա, եթէ բովանդակութեան համեմատ կարգանք, իսկապէս հայկական անապետեան ոտանաւոր է, սկզբից մի յամբական ոտքով, եւ արուեստական արտասանումով միայն ստանում է բարձրացող-ընկնող ուրիշ: Ռիթմական շեշտերը կրող երկար վանկերը նշանակելով հայերէնի երկար (') նշանով, իսկ ստեքերի երրորդ վանկերը (որ պարսկերէնում ունի երկրորդական ուրիշական շեշտ), նշանակելով հայերէնի բութ (') նշանով, եւ ոտքերի միջի դադարները՝ շեղակի դծով (/), Կոստանդինի հետեւեալ տողերն՝ ըստ Շահնամայի՝ ձայնով աւելում են այսպէս.

Այսկեա՛նքսէ՛ / ունա՛յնեւ՛ / ժառա՛նդե՛նք / մահո՛ւ,  
 Չունի՛մե՛ւ / դըրո՛ւնքբա՛ / բութեա՛նեւ՛ / շահո՛ւ.  
 Երա՛ղէ՛ / խաբո՛ղեւ՛ / խայալա՛ն- / ցաւո՛ր,  
 է սո՛ւտսի՛- / րելի՛եւ՛ / ընկե՛րնե՛ն- / գաւո՛ր:

Կարելի չէ կարծել, թէ հայերին Կոստանդին Երզնկացու ապրած շրջանում միայն ծանօթ է եղել Ֆիրդուսու Շահնաման եւ նրա բանեցրած չափը, որ սրբսից մեծ բանաստեղծից առաջ էլ ուրիշները դործածել են: Եւ իսկապէս Գրիգոր Նարեկացին արդէն ունի այդ չափով մի տաղ («Եկեղեցւոյ»), որ Շահնամայի ձայնով կարգալիս՝ ստանում է նոյն բարձրացող-ընկնող ուրիշը.

Երկինքն ի յերկիրս եւ երկիրս ի յերկինքն,  
 Վայրէջք ի խոնարհ եւ վերելք ի բարձունս...

Ձայնով ասելիս՝

Երկի՛նքնի / յերկի՛րսեւ / երկի՛րսի / յերկի՛նքն,  
 Վայրէ՛ջքի / խոնա՛րհեւ / վերե՛լքի / բարձո՛ւնս...

Այսպէս ուրեմն, 10-րդ դարուց, Ֆիրդուսու ապրած ժամանակից արդէն մեր բանաստեղծութեան մէջ գործածուած կայ Շահնամայի ոտանաւորի չափը:<sup>1</sup> Բայց չենք կարող ասել, թէ Գրիգոր Նարեկացին այդպէս յօրինել է սրբականի աղղեցութեամբ, ինչպէս Կոստանդինը: Սա նմանում է Շահնամային, բայց, ցաւօք, միմիայն ձեւական կողմից, բովանդակութեամբ բոլորովին հեռու պարսկական հռչակաւոր դիցազներգութիւնից: Նա, ինչպէս ասուեց, յօրինում է աշխարհի ունայնութեան եւ մահուան երգը, արժանի իրեն խնդրող կրօնաւորներին, եւ ոչ թէ մի աշխարհիկ բովանդակութեամբ քերթուած, կամ մի ազգային հերոսական վէպ:

1 Մանրամասնութիւնները՝ վերելում յիշուած «Ֆիրդուսի» ժողովածուի մէջ, էջ 117 եւ հտն., Մ. Աբեղեանի «Շահնամայի ոտանաւորի չափը հայ բանաստեղծութեան մէջ»: Իսկ պարսկերէնի համար տեսնել՝ Persische Grammatik, von C. Salemann und V. Schukowsky, Berlin, 1899, եւ «Քերականութիւն Պարսկերէն Լեզուի», հեղ. Միրզու-Ճաֆար (ըռսերէն), Մոսկուա, 1901:

## ԱՆԱՆՈՒՆ ՏԱՂԵՐ

Բազմաթիւ տաղեր կան, որոնց մէջ երգուած են, աւելի կամ պակաս գեղեցկութեամբ, նոյն հիմնական մօտիւնները կամ նիւթը: Դրանցից՝

1. մէկն է մեռելների վիմակը յարութիւնից յետոյ, արդարների ու մեղաւորների վիճակը:

Այդպիսի գեղեցիկ տաղերից մէկն է եւ հետեւեալը (Անահիտ, Դ. 1902, էջ 27, Վենետիկ Վ. Տաղարան 459 է. Բ.)

Հայրենի չափով ու գեղեցիկ պատկերներով.

Տ ա զ ա զ ն ի ւ

Յորժամ Գաբրիէլ գոչէ,  
Յառնին մեռեալքըն ի հողոյն.  
Կէսքըն լուսափայլ յառնին՝  
Աստեղաց նըման դոյնզգոյն.  
Կէսքըն սեւերես յառնին,  
Գըլխիկոր ի խիստ ամօթոյն.  
Լալի եւ ողորմ ու խեղճ՝  
Արտասուքն նըման թուխ ամպոյն:

Այնուհետեւ 12 տողով նկարագրուած է արդարների յաւիտենական վիճակը.

Բազմին յառաքաստ լուսոյ,  
Ճաշակին տնմահ սեղանոյն,  
Եւ կենդանարար բաժակ  
Միշտ ըմպին ի ժամ ծարաւոյն:

Ուրեմն մարմնական վայելչութիւն: Սոսկալի տանջանքներով մեղաւորների դրութիւնը.

Կրակ ու ցուրտ սառնամանիք  
Անչափ հառաչին եւ լան,  
Որ դառնայ արտասուքն արիւն,  
Եւ միշտ կրեւած կենայ  
Զինչ շարժի տերեւն ի քամուն...

2. Մի առանձին թեմա է հայ ազգի վիմակի դառնութիւնը, անիշխան դրութիւնը եւ ներքին յոռի վիմակը:

Այդ երգուած է (Վիեննայի վանք, Զեռ. Թիւ 136, Անահիտ, 1901, էջ 259, Bis) թոյլ բան է ձեւի կողմից, բայց զգացմունքով դրուած է, պարզում է ազգային դրութիւնը.

Ո Ղ Բ

Կողկողաղին դիմօք զազըն իմ աւաղեմ,  
Եւ փղձկեալ ի սրտէս լալով արտասուեմ...

Արդ ո՞ւր են մեր իշխանք եւ ո՞ւր երեւին,  
Նոցա պետութիւնք, որք ոչ երեւին...  
Զպատուիրան սիրոյն բնաւ մոռացաք,  
Եւ ռսակալութեամբ զիրեարս մատնեցաք:  
Գռեհիկք եւ անպիտանք ազգինս տիրեցին,  
Եւ զարս ազնուականս զդետնի հարին,  
Եւ այնու զօրէնս մեր աւերեցին:

[Մի հին թեմա, Ղազ. Փարպ.] .

Տգէտք եւ տմարդիք քահանայացան,  
Լիրբք եւ անբարտաւանք զկարգս ստացան...  
Զոմանս ի բանտ մատնեն, զոմանս տուգանեն,  
Զոմանս բրածեծ առնեն, զոմանս կաշառեն...  
Եզրայր զեզրայր մատնէ, զերէցն քահանայն...

3. Մի երրորդ մեծ թեմա է սէրը.

Նոյն վերելի Անահիտ, էջ 259, Ե.

Տ ա ղ ա ի ը յ

Գիշեր ու ցերեկ ի քո տարտէն  
Հառաչեմ, հառաչեմ,  
Կ'ուզեմ զանունդ յայտնել,  
Կ'ամաչեմ, կ'ամաչեմ:  
Ա՛յ ահօրէն, միս եմ ու ոսկոր եմ,  
Գէմ քար չեմ, դէմ քար չեմ.  
Յայլ չեմ կրնար զաղտուկ ապրիլ,  
Կու կանչեմ, կու կանչեմ, եւ այլն:

Բնական ձեւով երգուած եղանակով, հասարակ մարդու յօրինած:

4. Հին ժամանակից սիրուած է եղել Աստուածածնի սուգը «Յուդի ուր-  
բաթ գիշերը». արտասանում կամ երգում էին տաղեր, ժամերգութիւնից  
դուրս եւ լացացնում սգաւոր ժամաւորներին: Գեղեցիկներից մէկն է «Տաղ  
Ս. Աստուածածնի» («Անահիտ, 1901, էջ 215, Վենետիկի վ. տաղարանի, ԺԹ  
թիւ, 1063 է. ա.): Ինքն Աստուածածինը պատմում է սրտառուչ կերպով  
իր եւ իր որդու վիճակը: Գործողութեամբ, որ յաճախացած չէ.

Յորժամ նստեալ կայի ի տան,  
Յանկարծ լուայ ըզլուրըն զայն,  
Թէ զմիածինըն քո տարան. —  
Միա՛կ որդեակ, միա՛կ որդեակ,  
Իմ միածին Յիսուս որդեակ:  
Իբրեւ խելաթափ դուրս ելայ,  
Յանկարծ ըզխաչն յուսըն տեսայ,  
Մարմնովս յերկիր տարածեցայ, —  
Միա՛կ որդեակ եւ այլն.

Մայրն այլեւս չի տեսնում, թէ ուր տարան. նա ընկած է գետնին,  
ասում է.

Ո՛վ Մազթաղենացի, հասի՛ր,  
Ներքոյ ձեռին իմոյ մատիւր,  
Զգառնուկն իմ տարան ի խաչել, —  
Միակ որդեակ եւ այլն.  
Կանա՛յք Երուսաղեմացիք,  
Միթէ՛ զորդեակն իմ դուք տենի՞ք  
Զճանապարհն ինձ ցոյց տայիք. —  
Միակ որդեակ եւ այլն.  
Իսկ նոքա ի ճանապարհին  
Զկաթիւնն արեան նըչան տային.  
Հեռուստ տեսայ զգայլնն ի դառին. —  
Միակ որդեակ եւ այլն.

Իսկական մայրական սրտով զգում է, թէ մի՛ գուցէ իր մօտ գնալով  
աւելի վիշտ պատճառէ չարչարուող որդուն: Ուստի շատ ազգու է շարունա-  
վութիւնը.

Երբ մըտօք իմացաւ որդիս,  
Եթէ մայր իմ դայ ի յետիս,  
Յայնժամ խոցեաց սուրն ի սրտիս.  
Միակ որդեակ եւ այլն.  
Սրտէ ի սիրտ խօսէր առիս,  
Թէ՛ «Մի՛ դայր, մաքո՛ւր աղաւնիս,  
Զի յաւելուս ցաւն ի սրտիս». —  
Միակ սրդեակ եւ այլն:

Ուրեմն իր ցաւը մոռանում է. հոգում է որդու համար:

Առեալ տարան ի Գողգոթա,  
Մերկացուցին զմարմինն նորա,  
Տարածեցին խաչին վերայ, —  
Միակ որդեակ եւ այլն:

Մայրը հեռու է կանգնած, չի տեսնում, բայց զգում է.

Իբրեւ լուայ զձայն բեւեռին,  
Զսիրտ իմ բոլոր կտրատեցին,  
Ո՛րպիսի աչք է որ տեսին. —  
Միակ որդեակ եւ այլն:

Ես արտազրեցի ամբողջը մօր կողմից պատմած եւ երգուած. կրկնակ-  
ներն այդ են ցոյց տալիս:

5. Սիրաւ երգի մի ձև է Աստուածածնի գովքը, որ եթէ սկզբում (Նա-  
բեկացի) կրօնական է, յետոյ արդէն իսկական սիրոյ երգ է դառնում: Այդպի-

սինեւրից մէկն է «Տաղ ասացեալ ի վերայ Ս. Կուսին Մարիամու» (Անահիտ, 1901, էջ 216, Վիեննայի Վ. Տաղարան, թիւ 405), որ խկապէս աշխարհիկ սիրոյ երգ է կրօնական քողի տակ: Միակ կրօնականը «սիրով Քրիստոսին» բառերը:

Այդ էլ երգուած է կրկնակներով, թողնում է 17-18-19-րդ դարերի երդի տպաւորութիւն. ձեւական կրկնութիւններով, ինչպէս Գապասախալեանի մօտ: —

Մաքուր եւ սուրբ ստեանց քոյին

Փափաքիմ, սէ՛ր իմ, փափաքիմ

Յոյժ յոյժ կարօտով.

Դարձուցանել սիրով առ նոյն

Պաղատիմ, սէ՛ր իմ, պաղատիմ,

Ելով ի խոր թշուառութեան

Տառապիմ, սէ՛ր իմ, տառապիմ,

Յոյժ յոյժ կարօտով.

Ակն ունելով նախնի սիրոյս՝

Արդ այրիմ սիրով քո այրիմ:

Այս վերջին տողը կրկնակ է: — Ձեւը տիրացուական, դուցէ եւ ալլադական: Այսպէս կրկնուած «խաղերով» են միւս տները, որոնց մէջ յայտնում է իր ծարաւը կարօտով, տոչորուելը սիրով, իր տարիմամբ խամբանալը, «ներքնապէս համայն՝ կրիւք սլապակիւր» կարօտից թալկանալը, եւ զարմանալը թէ ինչպէս է ապրում առանց սիրածին եւ վերջը

Յօղեա՛ սիրով ըզննորհըս քո մեղմագին, սէ՛ր իմ, մեղմագին.

Ձի զովացոյց ըստ քո առատ պարգեւին, սէ՛ր իմ, պարգեւին»:

Յոյս ունի ունենալ իր նախնի սէրը: Ամբողջապէս աշխարհիկ է:

Ձեւը 10-րդ դարու: ?<sup>1</sup>

#### ՎԵՏԵՐՈՐԳ՝ ՅԱՒԵԼՈՒԱՆՈՒ

#### ԳՈՒՍԱՆԱԿԱՆ ՏԱՂԵՐ

1. Վանի Խարակոնիս գիւղացի Աշուղ Քուչակի անունով արգէն երեւան են եկել բաւական թուով եւ հայերէն, եւ թուրքերէն երգեր, որոնք ոչ մի նմանութիւն չունեն լոկ խօսքով նրան վերադրուած տաղերի հետ:

2. Այս վերջինները առանձին տիպի գուսանական ժողովրդական երգեր են, մեր հին աշխարհիկ քնարերգութեան մնացորդները, ոչ թէ մէկ հեղինակի, այլ բազմաթիւ բանաստեղծների, մասամբ եւ բանաստեղծուհիների գործեր, որոնք յօրինուել եւ աւանդուել են բերանացի եւ գալիս են մեծ մասամբ շատ աւելի հին ժամանակներից, քան 16-րդ դարը: Դրանց մի քանիսի մէջ յիշուած յատուկ անունները՝ «Մարայ թալան», Մուլքաթ Խո-

<sup>1</sup> Հարցականը Մ. Ա.-ինն է: Խմբ.:

բառան, Հոռոմ եւ ալլն, պարզ ցոյց են տալիս, որ այդ անուններն ունեցող տաղերը յօրինուած են 12-13րդ դարերում. ուրիշները, թերեւս, աւելի վաղ:

3. Զեռագիր տաղարանների մէջ այդ երգերը դրուած են այսպիսի վերնագիրների տակ՝ «տաղ սիրոյ», «տաղ սիրու», «հայերէն» կամ սղուած ձեւով՝ «հայերէն», «հայերէն սիրոյ», «հայերէն վասն սիրոյ», «հայերէն վասն ուրախութեան» եւ այլն, այլեւ «հայերէնի կարգաւ», որ նշանակում է՝ «հայերէնի ստիքով (կարգ—ստիք, ոտանաւոր)»: Այս տաղերն ըստ ձեռագիրների «հայերէն» կոչուել են իրենց առանձին տեսակի ոտանաւորի, բանաստեղծական չափի համար, որ համարուել է հայերէն, այսինքն հայկական:

Հնագոյն յիշատակութիւնը որ ունենք այդ «հայերէնի» ոտանաւորի գործածութեան մասին, է այն, որ ողբասաց կահայք, «բանահիւս կահայք լալականք», այդ չափով, այն էլ յանդաւոր «լալեաց բանաստեղծութիւն», այսինքն մեռելի ողբեր, «լալեր» («լալիք») են յօրինելիս եղել հին ժամանակներում: Այդ 10-րդ դարուց ի վեր շատ բանաստեղծներ բանեցնում են այդ չափը դանդաղն բովանդակութիւն ունեցող երգերի համար: Դրա «հայերէն» կոչման մասին, սակայն, ցարդ յայտնի ամենահին յիշատակութիւնը գտնում ենք Յրիկի տաղերի մէջ (13-րդ դար):

4. Հայերէնի չափի կազմութիւնը հետեւեալն է: Ամէն երկու տող միասին եւ՛ ձեւով, եւ՛ բովանդակութեամբ կազմում են մէկ միութիւն, որ կոչւում է «տուն» (բէյթ): Առաջին տողը 7-վանկանի յե—յամբ, անապետ, յամբ (0' 00' 0') ոտքերով, երկրորդ տողը՝ 8-վանկանի, — անապետ, յամբ, անապետ (00' 0' 00') ոտքերով: Տան երկու տողի միջեւ, սակաւ բացառութեամբ, կայ դադար, որով առաջին տողն զգալի կերպով անջատուած է երկրորդից, եւ այդ երկուսը միասին մէկ ռիթմական միութիւն կազմելով հանդերձ՝ մի մի առանձին ռիթմական միութիւն էլ են կազմում: Այսպիսով, եթէ ոտանաւորները յաջող են յօրինուած, միաժամանակ լսելի են լինում եւ՛ պարզ ոտքերի, եւ՛ տողերի, եւ՛ տների ռիթմը:

Ինչպէս մեր ուրիշ չափերի մէջ, այստեղ էլ կայ անշեշտ վանկերի գործածութիւն ռիթմօրէն շեշտելի վանկերի տեղում: Բայց առաջին տողի մէջ անպայման շեշտուած են 5-րդ եւ 7-րդ վանկերը, իսկ երկրորդ տողի մէջ՝ 3-րդ եւ 8-րդ վանկերը: Բացի այդ՝ այստեղ էլ մէկ մէկ շեշտի տեղափոխութիւն է լինում, առանձնապէս առաջին տողի սկզբի վրայ, իսկ երկրորդ տողի սկզբում գործածուած է քօղարորը (օօ)՝ կոչուած ոտքը, որով մի շեշտ աւելի է լինում տողի սկզբում: Տողասկզբում զօրեղ շեշտուած եւ երկար արտասանուող մէկ վանկն անցնում է երկու վանկի տեղ («Հա՛յ, իմ փոքրիկ շամամ»): Բայց այսպիսի գործածութիւնը հայրենների կայ մի քանի անգամ, մինչդեռ մեր հին բանաստեղծների մօտ դա յաճախուած է: Եւ վերջապէս՝ պէտք է նկատի ունենալ, որ զօրեղ շեշտից առաջ եւ յետոյ եղած շեշտերը, ինչպէս միշտ, թուլանում եւ նոյնիսկ կորչում են («Կրակն իմ դուրն է վառած»): «Որ Մարա՛յ տէրն կու պահէ»:

Ինչ որ չի համապատասխանում «հայերէնի կարգի» այս ընդհանուր յօրինուածքին, դա առաջանում է մեծ մասամբ աղճատումից, որ յաճախ ուղղւում է վարիանտների օգնութեամբ: Եւ ոտանաւորի ձեւն ինքը, ինչպէս միշտ, օգնում է աղճատումը նկատելու եւ հիմք է տալիս ուղղելու այն:

Ինչքան էլ այս չափի մէջ տունը (բէյթը) կազմում է մի ամբողջութիւն, բայց տունն անկախ իրրեւ մի բանաստեղծութիւն երեւան չի գալիս հին հայրէջներէի մէջ: Այդպիսիներ կան նոյն չափով յօրինուած նոր ժողովրդական երգերի մէջ: Հայրենի չափով ամենափոքր հին բանաստեղծութիւնն է երկատուն քառեակը (քառատողը)․ բայց սովորական ձեւն է քառատուն ութեակը, որ կազմուած է ութ տողից կամ երկու քառեակից: Կան եւ աւելի մեծերը:

Գալով յանգերին՝ պէտք է ասել, որ քառեակները յաճախ ըստ յանգերի նոյն յօրինուածքն ունեն, ինչ որ մեր արեւելեան նոր ժողովրդական քառեակները, այն է՝ 1-ին, 2-րդ եւ 4-րդ տողերը նոյնապանդ են, իսկ 3-րդ տողը մնում է անյանդ (զերօ), այսպէս՝ աա 0ա: Երբեմն բոլոր չորս տողերն էլ նոյնապանդ են, կամ նոյն յանգն ունեն 2-րդ եւ 4-րդ տողերը, իսկ առաջին եւ 3-րդ տողերն անյանդ են, այսպէս՝ աաաա կամ 0ա0ա Այս վերջին երկու ձեւով են յաճախ նաեւ աւելի մեծ տաղերը: Բայց դրանց մէջ կան չատերը, որ զազէլի կազմութիւն ունեն, այսինքն՝ 1-ին, 2-րդ, 4-րդ, 6-րդ, 8-րդ, 10-րդ... տողերը նոյնապանդ են, իսկ 3-րդ, 5-րդ, 7-րդ, 9-րդ տողերն՝ անյանդ, այսպէս՝ աա 0ա 0ա 0ա 0ա

Յանգերի վերաբերմամբ պէտք է նկատի ունենալ եւ հետեւեալը: Հնագոյն շրջանում հայերէջներն անյանդ են եղել եւ հետագայ շրջաններում եւս դրանք ձգտել են անյանդ դառնալու: Բացի այդ՝ կան մեծ հայերէջներ, որոնք առաջացած են սկզբնապէս անկախ քառեակների միացումից․ ուստի եւ յանգերի դասաւորութիւնը երբեմն չեղւում է վերեւի ձեւերից․ զազէլների մէջ, օրինակ, փոխանակ անյանդ մնալով՝ նոյն յանգն ունի չորրորդ կամ վերջիններ տողն եւս: Մի կողմն ենք թողնում աղծատումն ու «բանաստեղծական աղատութիւն» կոչուածը:<sup>1</sup>

5. Տաղարանների մէջ յաճախ իրար ետեւից դրուած են նոյնապանդ տարբեր հայերէջներ, որոնք, սակայն, միմեանց յաջորդում են սովորաբար ոչ այնքան նոյն յանգերի համար, որքան նրա համար, որ իրենց մէջ ունեն որեւէ ընդհանուր բան — նոյն բառերը կամ տողերը, նման բովանդակութիւն եւ այլն: Այսպիսով՝ այդ տաղերը երեւան են գալիս զանազան մեծ ու փոքր շարքերով, որոնք գրուած են իրրեւ երգ մէկ ընդհանուր վերնագրի տակ՝ «տաղ սիրոյ», «հայերէն սիրոյ», «հայերէն վասն ուրախութեան»: Միեւնոյն հայերէջները գրուած կան ե՛ւ այս, ե՛ւ այն վերնագրի տակ: Եւ այս հասկանալի է: Սիրու տաղերն էլ եղել են «հայերէն վասն ուրախութեան»:

6. Այդ տաղերն այսպէս «վասն ուրախութեան» կոչուել են, զի դրանք երգուել են խնջօքների ժամանակ, երբ հարսանիքներին կամ այլ առիթով ժողովւում էին մի տեղ բազմութեամբ կերուխում անելու, կամ, ինչպէս ասում էին, «ուրախութիւն» անելու, «ուրախանալու»: Նախ ուտում էին կերակուրները, մի քանի բաժակ միայն զինի խմելով․ ապա սկսւում էր

1 Հայերէջների չափի մասին մանրամասն ուսումնասիրութիւնը տես՝ Մ. Աբեղեանի «Հայոց լեզուի տաղաչափութիւն», Երեւան, 1933, էջ 267 եւ հտն., այլեւ «Հին գուսանական ժողովրդական երգեր», Երեւան, 1931, էջ 21 եւ հտն.:



գինարրուքը, «խումը» կամ բուն խրախճանքը: Ուրախակիցները քաշուում էին սրահի պատերի տակ, մէջտեղը թողնում էին պարի համար բաց տարածութիւն, որ կոչւում էր ատեան»: Մատուակներն սկսում էին գինի բաշխել: Խմում էին «տոստոքանը», ընդհանուր բաժակը: Գուսաններն ու վարձակները (կին գուսանները) նուագում ու երգում էին, եւ երիտասարդներն «ատեանի» մէջ «պարում էին» (կըր պար) եւ կաքաւում: Եւ այսպէս յաճախ մինչեւ լոյս:

7. Գուսանները հնումն բանեցնում էին ուրախութեան ժամանակ՝ Թմբուկ, սրինգ, քնար եւ փող, իսկ «լալիքը», որ է մեռելի ողբը, կատարելիս՝ փող, փանդիւռ ու վին: Հետագայում յիշում են նաեւ ուրիշ «գուսանական դորժիքներ»: «Երգեցիկ գուսաններն» ու վարձակները նուագում էին գլխաւորապէս քնար եւ զարկում էին թմբուկ:

Գուսանները երգել են նաեւ վիպական երգեր, բայց խրախճանքների ժամանակ նրանք ասել են աւելի սիրու տաղեր: Այդ պատճառով եւ սիրու տաղերը կոչուել են ոչ միայն «սիրու բաներ», այսինքն սիրու բանաստեղծութիւններ, այլ եւ «բանք ի ժողով», այսինքն «ժողովի», խնջոյքի բանաստեղծութիւն: «Խնջոյքը», որ նշանակում է ժողով, ամենահին ժամանակներից կոչուել է նաեւ հոմանիշ «ժողովք», «ժողով» բառով: Յետին դարերում դրան փոխանակել է օտար «մէջլիս» բառը, իսկ «գուսան» բառին՝ «մարուպ» բառը, որ այժմ մոռացութեան է տրուած:

Գարնուն ու ամռան «ուրախութիւնն» անում էին պարոէզներում ծառերի հովանու տակ: Մի հին բանաստեղծութեան մէջ՝ «Տաղ գարնուն եւ ուրախութեան» մանրամասն նկարագրուած է գարունն եւ հէնց ալիպիսի բացօթեայ «մէջլիսը» կամ «ժողով ի բուրաստան»: Գուսանն այս մեծ երգի մէջ արդէն կոչւում է «մարուպ» եւ բանեցնում է «չաչտա» կամ «չաչտա», որ վեցլարանի նուագարան է:

— Մարո՛ւպ, դու սաղէ՛ դչաչտան,

Որ մորճըն խաղայ յատեան:

«Ա՛յ մորճ, ու բարակ ՚ւ երկան,

Քո տեսն ի լուսին նման,

Աչերդ է ի ծով նման,

Ուներդ աղեղան նման, եւ այլն:

Շարունակութեան մէջ գովւում է «մորճի», այսինքն նորատի աղջկայ պատկերը, շրթունքը, լեզուն; ձայնը: Եւ վերջը դարձեալ.

— Մարո՛ւպ, դու լարէ՛ դչաչտան,

Խօսի մեղի սիրու բան:

(Վար. խօսին ի սիրոյ շատ բան):

Ապա գալիս է գուսանի մի մեծ «սիրու բան», սիրու տաղ.

Հոգի՛, աչերուս ես լոյս,

Երբ որ իմ դիմացն ելնուս, եւ այլն:<sup>1</sup>

1 Տես՝ Հ. Մ. Պոտուրեանի «Կոստանդին Երզնկացի», Վենետիկ, 1905, էջ 173  
եւ հտն., այլ եւ «Հին գուսանական ժողովրդ. երգեր», էջ 182 եւ հտն.:

Այս է ահա յիշուած «ուրախութեան» տաղի բովանդակութիւնը — դարուն ժողովը (խնջոյք) բուրաստանում, գինարբուք, դուսանի նուազ ու երգ, մորճի պար, մորճի դովք եւ ընդհանրապէս սիրու երգ: Եւ այս «ուրախութիւնն» է եղել Հին ժամանակ մեր, ինչպէս եւ ամէն ազնուականութեան գլխաւոր զուարճութիւններից ու ժամանցներից մէկը:

Տ. Գուսանները, որ ծագումով եղել են հասարակ մարդիկ, իրենց արուեստը բանեցրել են սովորաբար ոչ թէ աշխատանքների, «տառապելաների», այսինքն աղքատների համար, այլ «հարուստների», այսինքն հարկանողների, խփողների, հարստահարողների — ազնուականութեան համար. «Եւ բազում հատեալ յարբչութիւն... ըմպէին անդ գինի բոգօք եւ վարձակօք եւ դուսանօք եւ կատակօք (≡ խեղկատակներով) ... Եւ... էին յուրախութեան մեծի... ուտէին եւ ըմպէին» (Փ. Բուզանդ): Ահա Կարդ դարում «ուրախացող» ազնուականները: Եւ այսպէս ոչ միայն Կարդ ու Ծրդ դարերում, այլ եւ հետագայ դարերում, եւ արաբացիների, եւ Բագրատունիների, եւ Արծրունիների իշխանութեան ժամանակ, եւ Անի քաղաքում, եւ ընդհանրապէս Հայաստանում մինչեւ 11-րդ դարի կէսերը, երբ «թուրքացան եւ աղարտեցին զպատերազմ եւ սիրեցին զգինի եւ զգուսանս» (Սմբատ Սպարապետ), եւ «Ուրախական երգոց եւ բանից միայն լինէին հանդէսք. ուր եւ ձայնք փողոցըն եւ ծնծղայիցն եւ այլ երգեցողական արուեստիցն զսողացն անձինս լի առնէին ուրախական բերկրանօք» (Արիստակէս Լաստիվերացի):

Երբ բարձրանում են քաղաքները, 10 եւ 11-րդ դարերում, դուցէ եւ աւելի վաղ, դուսանները ծառայում էին նաեւ հարուստ ու փարթամ քաղաքացիներին, այս նոր «հայ ճոխերին», որոնք «թմբկօք եւ պարուք զգինին ըմպէին» եւ «ի կաքաւս խողութիւնս եւ յերգս դուսանաց հեշտանային»:

Գ. Գուսանների ուրախական երգերը, ուրախութեան հայրէնները, քանի որ յօրինուել եւ երգուել են սկզբնապէս ազնուականութեան եւ հարուստ քաղաքացութեան համար, բնականաբար եւ նրանց կեանքի արտագրութիւնը եւ արտայայտութիւնն են: Եւ մեր հայրէնների մէջ իսկապէս երեւան է զալիս միայն այդ երկու դասի կենցաղը, ճոխ կեանքը — մետաքսէ հագուստ, «որ նախած է ոսկի թելերով», շար չապիկ, մարգարտէ շարոց, ոսկեթել ծածկոց, ականջի ոսկի օղեր, վարդաջրով լի շիշ, մուշկ ու անպար, ապրշում խալի, Փրանկի դումաշ, Փրանկի կողպէք, բարձրիկ սեղան եւ այլն: Մի քանի հայրէնների մէջ «մեր առաջ պատկերանում է միջնադարեան ազնուականի անսովոր բերդը անսառապատ ու ժայռոտ լեռնազանդուածի մէջ»...

Քո տունն ի յանտառ մորին,  
Եւ քո դուռն ի դէմդ ի ժայռին,  
Քո բերդն ի զանճիլ նման,  
Ուր հազար մի սար զանճիլին...

Ուրիշ հայրէնների մէջ տեսնում ենք քաղաքացի վաճառականին օտար երկրում ապրանք ծախելիս եւ նմանները:

Արդարեւ այս տաղերը, իրենւ ժողովրդի մարդկանց գործեր, հարուստ են ժողովրդական կենդանի լեզուի այնպիսի դարձուածքներով եւ ժողովրդական կեանքին յատուկ այնպիսի բազմազան դժերով ու դրութիւններով, բուն

ժողովրդական բարձրով, որոնք բոլորը երեւան են գալիս նսեւ մեր դիւ-  
ղական ժողովրդական երգերի մէջ. բայց եւ այնպէս հայրէնները դիւղական  
բանաստեղծութիւն չեն: Դրանց մէջ չկայ իսկական դիւղական կենցաղին  
վերաբերեալ ոչ մի բնորոշ գիծ, ինչպէս են դիւղական աշխատանքի զանա-  
զան կողմերը, — վար ու ցանք, հունձ ու կալ եւ այլն, որոնցով լի ու լի են  
մեր դիւղական խաղիկներն եւ այլ սիրու երգերը: Մէկ պանդխտական հայ-  
րենի մէջ միայն յիշում է գիւղը՝ «Ձայս գեղիս քարերն արիւնէս կար-  
միր լուանամ» («Գուսանական տաղեր», 361):

Հայրէնների հասարակութեան մարդիկը հեռու են այդպիսի հողագոր-  
ծական, այլեւ որեւէ դիւղական աշխատանքից: Նրանց հետաքրքրում են մի-  
այն իրենց սիրու կեանքին վերաբերեալ առօրեայ մտնր-մտնր գէպքերը, ի-  
րենց սիրային ապրումները, տենչերն ու սիրուց տանջանքները, ծնողների  
վերաբերմունք, վարձանք, սիրականին փախցնել, նրան հանդիպել, սիրա-  
կանի գեղեցկութիւնն ու նրա դովքը եւ շատ նմանները, որոնք բոլորն ընդ-  
հանուր են եւ աղնուականի, եւ քաղաքացու, եւ դիւղացու համար:

10. Ինչպիսի բովանդակութեան երգեր էլ որ ասելու լինէին դուսան-  
ները, բուն ուրախութեան, այսինքն գինու, թէ սիրու կամ լացի, դրանց  
հակառակ է եղել եկեղեցին: Սա 4-րդ դարում արդէն արգելել է մեռելների  
ողորդ: Իսկ սէրն, ուրախութիւնն ու գինեխումբ խոտելի եւ անարգ են հա-  
մարուել խստակրօն եկեղեցականներից եւ հակառակ են եկեղեցու քարոզած  
ժուժկալութեան սկզբունքներին: Մինչդեռ եկեղեցին պատուիրում էր հրա-  
ժարուել աշխարհի վայելքներից, առանձնապէս կերուխումից եւ նոյնիսկ  
ամուսնանալուց, հայրենի դուստնն, ընդհակառակն, խնջոյքի երգիչն էր եւ  
երգում էր առանձնապէս գինարբուծիւն եւ սիրու հեշտանքը.

Նստել է ծառի շքին,

Կը խմէ դիւր լուրջ ապիկին.

Խմէ հայրէն կ'տոէ.

Թ' ի՛նչ անուշ է սէրն ու գինին:

«Սէր ու գինի» եւ «հայրեն ասել» — ահա ըստ եկեղեցու ատելի եւ  
նոյն իսկ «դիւական» բաներ, որոնք, սակայն, ըստ դուստնութեան կազմում  
են կեանքի նպատակը: Ով որ խմել ու սիրել չգիտէ, նա չպիտի ապրի, — մի  
սկզբունք, որ լաւ արտայայտուած է հետեւեալ հայրէնի մէջ:

Գիշերս ես ի դուրս ելայ,

Թէ եար մի դտնեմ սիրելու.

(Վար. Թէ զիմ եարն գտնում խմելու).

Գրողն այ իմ գէմս ելաւ,

Թէ՛ «Ձհողեկդ ունիմ տանելու»:

— Գրո՛ղ, 'լ անհաւատ Գրո՛ղ,

Ես մանուկ եմ, չեմ տանելու.

Եկ որ քեզի մարդ ցցնում,

Տանելու, չլին դարնելու.

Ձայախն (բաժակն) ի յափին ունի,

Ոչ խմէ, ոչ տայ խմելու.

Զաղուռն ալ իր գիրկն ունի,  
Ոչ գրկէ, ոչ տայ գրկելու:

Գուսանութեան եւ եկեղեցու սկզբունքներն այսպէս հակառակ են եղել միմեանց: Այս է պատճառը, որ եկեղեցին միշտ հալածել է «վաւաջ գուսաններին», «գայթակղութիւն» է համարել նրանց արուեստը, որ դարձադրուժ էր սովորաբար ցոփ խրախճանքների ժամանակ: Գիշերային շուայտ խումերի վրայ ասուած հայրէջներն էլ, հարկաւ, մասամբ զեւր բնաւորութիւն են ունեցել, երգել ու փառաբանել են սեռական կիրքը: Այդպիսիները պակաս չեն նոյնիսկ մեզ հասածների մէջ:

Եթէ եկեղեցին հալածել է «մորճի», մանկամարդ կնոջ մարմինը երգող գուսաններին, սրանք էլ, որ շատ հեռու են եղել եկեղեցուց եւ զերծ որեւէ բարեպաշտութիւնից, իրենց կողմից իրենց հայրէջների մէջ չեն խնայել եկեղեցու սրբերին, նրա կարգերն ու ծէսերը. սուր երդիծանքներով ծաղրել են քրիստոնէական տաճարը, քահանաներին, արեղաններին, կեղծաւոր վանականներին, որոնք սէրը մեղք են համարել, բայց թաքուն սիրել են:

Այսպէս՝ գուսանական հայրէջները՝ իրրեւ «աշխարհի բաներ», արդիւնք են հակադիր աշխարհայեցութեան, քան ինչ որ եկեղեցունն է եղել: Դրանք իրենց մէջ չունէին որեւէ դիժ իրրեւ եկեղեցական դաոսի արտայայտութիւն: Եւ չէր էլ կարող այդ լինել: Գուսանների, այդ «փոքր եւ աննշան մարդկանց» կրօնական դիտելիքները շատ չնչին եւ շատ սահմանափակ են եղել, ինչպէս տեսնում ենք հայրէջներից:

11. Այս այսպէս լինելով հանդերձ՝ հայրէջների տաղաշարքերի մէջ կան այնպիսիները, որոնք իմաստական բանաստեղծութիւններ են, հոգեշահ խրատներ, եւ նոյնիսկ իսկական կրօնական հայրէջներ: Այս վերջիններն ասանձնապէս չեն տաղաշարքի մէջ, որի վերնագիրն է «Յաղագս հոգևոյ եւ սիրոյ ոտանաւոր է բոսս»: Դրանք գուսանների ստեղծագործութիւն չեն, այլ կրօնական ուսում առած մարդկանց, որոնք իրենց դաստիարակի արտայայտիչն են դարձել այդ երգերով: Դրանց մի մասի հեղինակները յայտնի են եւ ապագայում գուցէ ուրիշներն եւս երեւան դան:

Հայրէջների տաղաշարքերի մէջ այդ խրատական ու կրօնական տաղերը մտել են մեքենայօրէն: Երբ ուրախակիցները շատ տաքանում էին գինով, նրանք երգում ու երգել էին տալիս նաեւ ամէն տեսակի տաղեր, որոնք իրենց բովանդակութեամբ ոչ մի կապ ու աղերս չունէին «ուրախութեան» հետ: Ինչե՛ր ասես չէին երգում նոյնիսկ 19-րդ դարի վերջերում այդպիսի խրախճանքների ժամանակ, էլ «աղղային երգեր», էլ դառն ողբեր, էլ շարականներ, էլ «Առաւօտ լուսոյ» եւ նմ.: Նոյնը կատարուել է եւ հնումն: Գուսանները ոչ թէ միայն իրենց ստեղծագործութիւններն են երգել, այլ յաճախ նաեւ ուրիշների — զրադէսների եւ նոյնիսկ հոգեւորականների: Գուսանների բերանից զրի առնողներն էլ ինչ որ լսել են, այն էլ գրել են: Նրանք հայրէջների տաղաշարքերի մէջ մտցրել են եւ վերոյիշեալ բովանդակութիւնն ունեցող տաղերը: Եւ ոչ միայն այդ: «Հայերէն վասն ուրախութեան» վերնագիրը կրող տաղաշարքի մէջ սիրու երգերի միջեւ յանկարծ գտնում ենք նաեւ «Պատմութիւն Աղեքսանդրի Մակեդոնացւոյ» գրքի կաֆաներից, Ալեքսանդրի ու իր մօր մասին, կամ մի ուրիշը Դարեհի մասին:

Դրանք բերանացի չեն ապրած ժողովրդական երգերի կեանքով եւ չեն ժողովրդականացած ինչպէս միւս հայրէնները:

12. Հայրէնների տաղաչարքերի մէջ կան նաեւ բաւական թուով պանդխտութեան երգեր: Սրանք, բացի մի քանիսից, իրենց բովանդակութեամբ վերաբերում են սիրու, իսկապէս առանձին տեսակի սիրու երգեր են, եւ ոք զլիսաւորն է՝ ժողովրդականացած են:

Դրանց, ինչպէս եւ միւս ուրախական երգերի մի մասը իբրեւ ժողովրդական երգեր դեռ ապրում էին նոյնիսկ մինչեւ մեր օրերը, աւելի արեւմտեան հայերի մէջ: Եւ այս ունեցել է իր պատմական պատճառները:

13. Երբ սելջուկեան թուրքերի արշաւանքից ստիպուած՝ հայ ազնուականներն ու ճոխերը քաշուած են դէպի Արեւմուտք, Կիլիկիա եւ Փոքր Հայաստան, նրանց հետ գնում են եւ դուստները, եւ այնտեղ յաջորդ 12-րդ դարում եւ յետոյ դեռ առանձնապէս դարդանում է գուսանութիւնը հարսանիքներում եւ ընդհանրապէս ուրախութեան խնջոյքներում: «Հայերէն» բառը «հայրէն», «հերէն» ձեւերով «երգ» նշանակութեամբ մինչեւ վերջերս գործածուած էր շատ տեղերում, ինչպէս՝ Սարբերդ, Զմշկաձագ, Արաբկիր, Ակն: Հայրէնների մնացորդներն եւս, իբրեւ ժողովրդական երգեր հայրենի չափով կամ այդ չափի աղճատուած ձեւով, դրի առնուած կան տւելի Ակնում ու չրջակայ գիւղերում, այլեւ ուրիշ կողմերում, ինչպէս՝ Վան, Կինճ, Բասէն եւ նոյնիսկ արեւելեան հայերի մէջ: Վանի կողմերի մի ժողովրդական երգի հայրենի չափով մի քառեակի մէջ «հայերէն ասել», Վանի բարբառով «Սայերէն ասել», գործածուած է սիրու (վարդի) եւ պանդխտութեան երգերի համար:

Ելաւ Խեկ<sup>1</sup>, ելաւ յուսին,  
Կան եկան<sup>2</sup> մէջ վարդընոցին:

Իրեք խայերեն ասաց,

Մէկ՝ վարդին, երկուս կարիբին:

Ակնի ժողովրդական երգերի մէջ էլ «հարեն ասել», «հարեն կանչել» գործածուած կայ հարսանեկան երգերի համար<sup>3</sup>. բայց դա մի մնացորդ է «հայրէն» բառի հին նշանակութիւններից մէկի: Ակնում, ինչպէս ասուեց, «հարէն» նշանակում է արդէն ընդհանրապէս «երգ», իսկ հին հայրէնների մնացորդներն այնտեղ կոչուել են մի նոր բառով՝ «անտունի»:

Ի՞նչ են անտունիները:

14. Գուսանական հայրէնները, ինչպէս ժողովրդական երգերը, բերանացի էին յօրինում եւ աւանդում, կրելով ժողովրդական երգին յատուկ ամէն տեսակ փոփոխութիւններ: 13-րդ դարից, եթէ ոչ աւելի վաղ, առաջ է դալիս նաեւ դրաւոր սիրու երգեր ունենալու պահանջը, եւ հայրէններն էլ զանազան ժամանակներում ու կողմերում այլեւայլ մարդկանց ձեռով, — ուստի եւ միմեանցից տարբեր տաղաչարքերով ու բազմազան փոփոխակներով դրի են առնում եւ մտնում տաղարանների մէջ: Դրանք մեղ

1 Խեկ—Հայկ, Օրինոն համաստեղութիւնը:

2 Ման եկան:

3 Տես՝ «Հին գուս. ժող. երգեր», էջ 17 եւ հտն., 209 եւ հտն.:

հասած հայրեններն են, որ մեզ յայտնի են անտարեթիւ կամ ամենավաղը 16-րդ դարի տարեթուեր ունեցող տաղարաններէց:

15. Բայց հայրենների բերանացի աւանդումը եւ յօրինումը չի մեռնում: Այդ տաղերը շարունակում են բերանացի ապրել մինչեւ մեր օրերը: Ապրում է նաեւ հայրէն յօրինելու արուեստը, դպրոցը: Երգում են հին հայրէնները, նորերը յօրինում հների ձեւով, հների նմանութեամբ: Գուսանները շարունակում են հարսանիքների ու խնջոյքների ժամանակ այդ երգերը երգել քաղաքներում, ապա նաեւ քաղաքադիւղերում ու գիւղերում: Գուսաններից ու վարձակներից այդ տողերն ու նրանց արուեստն, — անշուշտ, չատ հին ժամանակներից ի վեր, — անցնում ու պահւում են նաեւ սոսկական քաղաքացիների ու գիւղացիների մէջ, մինչեւ որ մի երկրորդ անգամ այդ ժողովրդական երգերը դրի են առնում Ակնում ու նրա շրջակայ գիւղերում, մի քանիսը նաեւ ուրիշ կողմերում: Ակնում դրանք կոչւում են «անտունի»:

Անտունիները, ուրեմն, ուրիշ բան չեն, բայց եթէ բերանացի ապրած եւ մինչեւ մեր օրերը հասած, հարկաւ՝ որոշ փոփոխութիւններ, վերամշակութիւններ ու զարգացում կրած, հին հայրէնները, այլեւ այս վերջիների արուեստով ու նմանողութեամբ, նոյն բանաստեղծական չափով, բայց մեծ մասամբ անյանդ, յօրինուած նորերը: Ի՞նչ է նշանակում «անտունի»:

«Անտուն» բառը նշանակում է նաեւ «պանդուխտ»: Ինչպէս եղել են «հարսի հարէն», այսինքն հարսանեկան հայրէն, ուրախութեան հայրէն, սիրու հայրէն, այլեւ օրօրոցի հայրէն, «լացի հայրէն» նոյնպէս եղել է եւ պանդխտի հայրէն, որ Ակնում, հաւանօրէն վերջին դարում, կոչուել է «անտունի հայրէն»: Ապա՝ ինչպէս «հայրէն տաղ» տսելու փոխանակ ասուել է լոկ «հայրէն», այդպէս եւ «անտունի հայրէն» ասելու փոխանակ ասել են լոկ «անտունի»: Եւ վերջապէս, աւելի ուշ ժամանակներում, երբ «հայրէն» բառը նշանակութեան ընդարձակումով ստացել է «երգ» բառի իմաստը, ապա «անտունի» բառի նշանակութիւնն էլ ընդարձակուել է, եւ այդպէս կոչուել են ամէն տեսակի հայրէններ, հայրենի չափով յօրինուած ամէն մի բանաստեղծութիւն: «Անտունի ասել» նշանակել է նոյնը, ինչ որ հին տաղերի մէջ «հայրէն ասել»:<sup>1</sup>

16. Անտունիների մէջ կան այնպիսիները, որ գրեթէ բառացի նոյն են հին ձեռագիրներից հանուած հայրէնների հետ. կան անտունիներ էլ, որոնք հին հայրէնների փոփոխակներ են: Եւ վերջապէս, անտունիներ, որոնց մէջ աւելի կամ պակաս չափով գտնում ենք հայրէնների քառեակներ կամ տներ ու տողեր, արտայայտութեան ձեւեր:

1 Կոմիտասը «Սիրտս նման էր» յայտնի ժողովրդական երգի ձայնագրութեամբ հրատարակութեան վերնագիրը դրել է «Անտունի»: Դա թիւրիմացութեան տեղիք է տալիս: Այդ երգը յայտնի չափով չէ եւ բնաւ Ակնի անտունիներից չէ: Դա Մոկաց ժողովրդական երգ է, սովորական տասնվանկանի տողերով, որի ոտանաւորը տողերիս գրողն է վերականգնել վարիանտների բազմատոութեամբ: Դա մի երգ է «տնաւեր» պանդուխտի մասին: «Հազար ու մի մաղի» Ա յիմնակի առաջին տապալը. մէջ կայ «Ղարիբի սիրտն է պղտոր ու մոլոր». այս տողը երկրորդ տապալութեան մէջ, ժողովրդական վարիանտից առնելով, փոխել եմ՝ «անտունի սիրտն է պղտոր ու մոլոր»: Կոմիտասն այս տողի ազդեցութեամբ վերնագիրը դրել է «անտունի», չմտածելով, թէ դա թիւրիմացութեան աւելի կը տայ:

17. Կան եւ փոքր անտունիներ—քառեակներ եւ նոյնիսկ մի երկու եռեակներ. կան եւ բաւական մեծերը: Բայց երբ ուշադրութեամբ վերլուծում ենք այս վերջինները, տեսնում ենք, որ դրանք, ինչպէս եւ մեծ հայրէնները, կազմուած են մի քանի միմեանցից անկախ երգերի միակցութիւնից եւ կամ հեշտութեամբ վերածուած են իրարուց անկախ առանձին, համեմատաբար աւելի փոքր երգերի, որոնք մեխանիկորէն միայն միացած են իրար հետ: Դրա պատճառն այն է, որ ինչպէս հայրէնները, նոյնպէս եւ «անտունիները սովորաբար հարսանեաց եւ խնջոյից մէջ կ'երգէին եւ կը նուագէին»: Իսկ այդ ժամանակ երգեցողութիւնը երկար էր տեւում, ուստի եւ կարիք էր զգացում յաջորդաբար երգելու բազմաթիւ հայրէններ կամ անտունիներ, որով եւ առաջացել են դրանց տաղաշարքերը: Երգիչների բերանից գրի առնողներն ինչպիսի միակցութեամբ լսել են, այնպէս էլ գրել են եւ հայրէնները, եւ անտունիները: Դրա համար եւ այդ միակցութիւնները, ծագած լինելով զանազան երգիչներից, միմեանց նման չեն:

Բերանացի աւանդուելու հետեւանքով՝ թէ՛ հայրէնների եւ թէ՛ անտունիների երգիչներն առհասարակ կատարեալ ազատութեամբ են վարւում եւ տողերի ու տների, եւ քառեակների ու նոյնիսկ ամբողջ տաղերի վերաբերմամբ: Երբեմն նոյն տողերը, տներն ու քառեակները, եւ անգամ աւելի մեծ հատուածներ, գտնում ենք տարբեր քառեակների, տների ու տողերի հետ միացած. քառեակներն ու հատուածները՝ նաեւ իրեւ անկախ երգեր: Դրանք, այսպէս ասած, շարժուն վիճակի մէջ են, իրար հետ միանում են կամ միմեանցից բաժանւում են, նայելով երգչի յիշողութեանը կամ տրամադրութեանը: Երգիչներն ազատ կերպով օգտւում են երգերի հին պատրաստի նիւթերից նոր երգեր, յաճախ աւելի մեծերը — մեծ անտունիներ — յօրինելու համար. կամ հին տաղերը երգելիս՝ ուրիշներից տներ ու քառեակներ են միացնում, կամ հին երգերի մի մասը դուրս են ձգում եւ փոխանակ երգում են մի հատուած մի ուրիշ տաղից, կամ նորը յօրինում եւ այլն: Այս ամէնը կատարուել է հայրէնների մէջ մինչեւ նրանց դրի առնուելը, այն էլ դարերի ընթացքում, երգիչների բերանին երգելու ժամանակ: Նոյնը եղել է եւ անտունիների մէջ: Եւ այդ կատարուել է երբեմն պատահական զուգորդութեամբ. ուստի առաջացել են տարտամ ու մութ երգեր. երբեմն էլ ըստ բովանդակութեան եւ վերամշակումով, ուստի կազմուել են իմաստալից տաղեր եւ առաջ են եկել զանազան փոփոխակներ, որոնք երբ տարբեր բովանդակութիւն ունեն, տարբեր էլ տաղեր կարող են համարուել:

18. Անտունիներն իրենց բովանդակութեամբ «սովորաբար առ պանդուխտն ուղղեալ եւ սիրահարական են, թէպէտ կան զանազան նիւթող վերաբերեալ անտունիներ ալ», այս են «օրօր եւ լաց կամ մահերդ», հարսանեկան անտունիներ եւ այլն: Պանդխտի անտունիները, որոնք էապէս դարձեալ սիրու երգեր են, համեմատաբար աւելի շատ են եւ աւելի զարգացած են, քան պանդխտի հայրէնները: Դա հետեւանք է ժամանակի հասարակական վիճակի: Հնումն պանդխտում էին գլխաւորապէս սակաւաթիւ վաճառականները, — եւ այդ երեւում է հայրէններից, — իսկ 19-րդ դարում հայրենի երկրից աշխատանքի համար հեռանում էին աղքատութիւնից տառապողներն, այն էլ մեծ խմբերով: Դրա համար եւ պանդխտութեան անտունիները շատ

սիրուած են եղել եւ ընդարձակուած են, կազմուած լինելով մի շարք տաղերի միակցումով, լինին սրանք սիրու երգեր, մահերդ, թէ այլ երգ:<sup>1</sup>

Ձեռագիրներէ մէջ մի քանի հայրէնների համար կան կրկնակներ: Բոլոր անտունները, սակայն, ունեն իրենց յատուկ կրկնակը՝ «Հա՛ եար, հա՛ եար» կամ «Հա՛յ եար, հա՛յ եար», որ երգուած էր ամէն տողի սկզբում:

Վիպական տարրն եւս անտուններէ մէջ աւելի զարգացած է, քան հայրէնների: Հետաքրքիր է այն, որ մի քանի պանդխտական անտուններէ երգիչները մէջ-մէջ պատմում եւ երգում են: Պատմուածքն արձակ է եւ ծառայում է իբրեւ բացատրութիւն՝ հասկանալու համար երգուած մասերը, որոնք ոտանաւորներ են: Ճիշդ այդպէս են վարւում մեր օրերում եւ վէպեր յօրինող աշուղները:

Վերջապէս պէտք է նկատել եւ հետեւեալը: Միեւնոյն անտունները, երբեմն շատ փոքր փոփոխութեամբ, երգւում են եւ իբրեւ սիրու կամ օրօրոցի երգ, եւ իբրեւ պանդխտի կամ լացի երգ: Բայց որոշ թուով անտուններ երեւան են եկել միայն իբրեւ օրօրոցի կամ լացի երգեր եւ չեն դառնում սըրանց համապատասխան հայրէններ կամ ուրախութեան եւ այլ երգեր: Դրանք են, որ դրուած են լացի եւ օրօրոցի տոանձին շարքերի մէջ: Կան հայրէններ եւս, որոնք մեր ժամանակներում երգուել են, երբեմն մի քանի փոփոխակներով, թէ՛ իբրեւ սիրու երգ եւ թէ՛ իբրեւ հարսանեկան կամ լացի, օրօրոցի, վիճակի երգ: Հնումն, անշուշտ, եղել են եւ այդպիսի հայրէններ — օրօրոցի, վիճակի:

Վերելում ասուեց, որ հնումն ողբասաց կանայք, նաեւ դուստները, հայրենի չափով լալիքի ողբեր էին յօրինում եւ ասում մեռելների վրայ. դուստները նաեւ նուազում էին: Այս այսպէս լինելով՝ պէտք է ընդունել, որ ոչ միայն սիրու եւ պանդխտութեան անտունների, այլեւ լացի անտունների կամ «լացի հայրէնների» աւանդութիւնը դալիս է հնուց. առաջինները, ինչպէս տեսանք, սիրու հայրէններից, միւսները՝ հին լալիքի հայրէններից: Այսպէս եւ մեր օրերի վարձկան լալիսն կանայքն եւ դուստները, որ շատ տեղերում կատարել են եւ դեռ կատարում են իրենց այդ դերը, դրանք էլ մնացորդներն են հին «սեւազգեստ եւ աշխարող կանանց», հին ողբասաց դուստների:<sup>2</sup>

Դանք հայրէնների եւ անտունների լեզուին:

1 Տես «Հին գուս. ժող. երգեր», էջ 242 եւ հտն. «Պանդխտութեան երգերի զարգացումը հայրէններից»:

2 Տես «Բիւրակն», 1899, էջ 803, «Երգը» յօդուածը:— Լուկան կանայքն եւ դուստներն այդ դերը մինչեւ վերջերս կատարել են եւ դեռ կատարում են նաեւ Երեւանում: Անցած 1937 թուի ամառը պատահեց ինձ ներկայ լինել այդպիսի մի ողբի՝ մեռելի թաղման նախորդ օրը (հին կրօնական «անբիծք» կոչուած ծէսը կատարելու միջոցին): Նրեք վարձուած դուստներ (սաղանդարներ) նուազում էին քամանչա, թառ եւ թմբուկ, երգում էին մահերգեր ու լացացնում հանգուցեալի ազգականների եւ բարեկամների ժողովուած բազմութեանը: Երգերը, երեւի, հին էին, բայց յարմարեցրած էին երիտասարդ հանգուցեալի տարիքին, մահուանն եւ ընտանեկան դրութեանը:



19. Մեր այս հին տաղերը, լինելով աշխարհականների բանաստեղծութիւն, յօրինուած են ոչ թէ հին եկեղեցական հայերէնով, զբաբար լեզուով, այլ ժամանակի կենդանի խօսակցական լեզուով, որ 12-րդ դարուց սկսած դարձել է գրական լեզու: Դա միջին հայերէնն է, որ մի անցման լեզու է հին հայերէնից դէպի նոր հայերէնը եւ թէպէտ զբաբարին դեռ աւելի մօտ է, քան աշխարհաբարը, բայց նրանցից մեծ չափերով տարբեր է: Գրաբարի ազդեցութիւնը, դրական ճանապարհով, չի երեւում հայերէնների մէջ, ինչպէս յաճախ այդ տեսնում ենք նոյն միջին հայերէնով յօրինող բանաստեղծների երգերի մէջ: Գոլասանական երգերը հէնց այդպէս էլ գերծ պիտի լինէին գրաբարի ազդեցութիւնից, որովհետեւ զբաբարը վաղուց դադարած է եղել կենդանի ժողովրդական լեզու լինելուց:

Պէտք է նկատի ունենալ եւ այն, որ այդ գոլասանական ժողովրդական տաղերը յօրինուած են զանազան դարերում եւ այլեւայլ տեղերում, եւ դրանց հեղինակները եղել են զանազան բարբառներով խօսող մարդիկ: Բնականաբար այդ փոքրիկ երգերի լեզուն միակերպ չէ. դրանց մէջ երեւան են գալիս նաեւ տարբեր բարբառների ձեւեր: Այսպէս՝ քանի որ դրանք ապրել են բերանացի, դրանց լեզուն եւս, ինչպէս ժողովրդական երգերի լեզուն ընդհանրապէս, միշտ ենթակայ է եղել փոփոխութեան, միշտ վերանորոգուել է: Վարիանտները նկատի ունենալով՝ տեսնում ենք, որ հին լեզուական ձեւերին, հնացած բառերին ու բառաձեւերին, բառերի հին շարադասական ձեւերին փոխանակել են նորերը: Յաճախ բուն հայերէն բառերի տեղ անցել են օտար բառեր. մի բարբառային ձեւ կամ բառ փոխուած է մի ուրիշ բարբառային ձեւի կամ բառի: Այսպէս՝ նոյն բառերը դարձածուած դառնում ենք տարբեր ձեւերով՝ օնքեր, ունքեր, ուներ, յունքեր, այլ, ալ, էլ. այն, ան, էն. կայր, կար, կեր. ոտից, ոտլնու. անկաւ, ինկաւ, ընկաւ. տեսանել, տեսնել, տեսնուլ. ելանել, ելնել, ելնուլ. չեմ ի սիրել, չեմ սիրել, չեմ սիրեր եւ այլն: Նրբամ այսպիսի տարբեր ձեւեր կան ոչ միայն փարիանտների, այլեւ միեւնոյն հայրէնի մէջ. հին ձեւի հետ նորը, մի բարբառային ձեւի կողքին մի ուրիշ բարբառայինը: Դա առաջանում է նրանից, որ այս ամէնը կատարուել է բրնական ճանապարհով, առանց որեւէ դիտաւորութեան, անզգալիօրէն:

Բացի այդ՝ կան հայրէններ, որոնց լեզուն աւելի հին է, կան հայրէններ եւս, որոնց լեզուն միջին եւ նոր (արեւմտեան) հայրէնների խառնուրդ է: Այս վեցջիների համար կարելի է ենթադրել, որ յօրինուած են աւելի ուշ ժամանակ, երբ լեզուն միջինից նորին էր անցնում, կամ թէ յօրինուած են միջին հայրէնով եւ յետոյ, 15—16-րդ դարերում կրել են նոր հայրէնի այս կամ այն բարբառի ազդեցութիւնը:

Բայց եւ այնպէս, չնայելով այս բոլոր լեզուական շերտաւորումներին, հայրէնների մէջ իշխող լեզուն միջին հայրէնն է, որ սլատկանում է մեր արեւմտեան բարբառներին:

20. Իսպէս միջին հայրէն է եւ անտունիների, այդ «հնաւանդ» երգերի լեզուն, որ կրած է Ակնի բարբառի ոչ մեծ ազդեցութիւնը եւ շատ աւելի խճողուած է օտար բառերով:

Ինչպէս անտունիները «հին ժամանակներէ ի վեր կը շարունակուին» (Հ. Ծանրկեան — «Հնութիւնք Ակնայ»), նոյնպէս եւ անտունիների լեզուն

«սպատկառելի հնութեան մը դրոշմը կը կրէ, ողողուած ըլլալով դրաբարի յատուկ բառերով, հոլովումներով, ասութիւններով եւ գարձուածներով, «ի» նախդրի յաճախակի գործածութեամբ եւ իր քերականական համաձայնութեան հայկական դրոշմով» («Նաւասարդ», տարեգիրք, 1914) :

Թէպէտ եւ 19-րդ դարի վերջին քառորդում են Ակնի քաղաքացիներէից եւ շրջակայ գիւղերի բնակիչներէից դրի առնուած այդ ժողովրդական երգերը, բայց եւ այնպէս դրանց լեզուն շատ աւելի մօտ է հայրէններէ լեզուին, քան Ակնի խօսակցական բարբառին: Այս բարբառի եւ անտունիների լեզուի տարբերութիւնը անչափ մեծ է: «Դրա պատճառը գլխաւորապէս ոտանաւորն է, որ անտունիների մէջ պահուած լինելով՝ արգելք է հանդիսացել, որ այդ տաղերը ամբողջապէս նսրողուեն նոր լեզուական ձեւերով. մինչդեռ նոյն հայրէնների լեզուն ուրիշ կողմերում, ոտանաւորի տեսակը փոխուած լինելով կամ ոտանաւորն աղճատուած լինելով, գրեթէ ամբողջապէս վերածուած է տեղական բարբառներին:

### ԵՕԹԵՐՈՐԴ ՅԱՒԵԼՈՒՄԾ

#### ՎԵՐԱԾՆՈՒԹԻՒՆՆԸ ՀԱՅՈՑ ՀԻՆ ԳՐԱԿԱՆՈՒԹԵԱՆ ՄԵՋ

Ես հայոց հին գրականութիւնը ենթարկել եմ հետեւեալ պերիոդիզացիային, որ եւ պահում եմ այժմ:

Ա. Սկզբից մինչեւ 5-րդ դար: Աւանդական բանահիւսութիւն, Փէոդալական բովանդակութեամբ եւ ձեւով, վէպ (էպոս), որ նոր մշակութեամբ եւ նոր ստեղծագործութեամբ յարատեւում է մինչեւ մեր օրերը իբրեւ ժողովրդական բանաստեղծութիւն:

Բ. 5-11-րդ դար: Եկեղացական գրականութիւն, եկեղեցա-Փէոդալական բովանդակութեամբ, եկեղեցական ձեւով եւ տեսակներով:

Գ. 11-17-րդ դար: Գրականութեան աշխարհականացումը, արդիւնք հայկական ինքնուրոյն վերածնութեան՝ քաղաքների աճման հետեւանքով, ձգտում դէպի աշխարհիկ կեանքն ու բնութիւնը, մերժում կղերա-միստիկական դադափարախօսութեան, գրական նոր թեմաներ եւ նոր տեսակներ, ժողովրդական լեզուով:

Դ. 17-19-րդ դարի առաջին երրորդը ներառեալ: Եկեղեցական գրականութեան վերածնութիւն նոր գրականութեան շարժման հետեւանքով 14-16-րդ դարերի անկումից յետոյ: Նոր գրաբար եւ աշխարհիկ գրականութիւններ, տարբեր հոսանքներով եւ ազդեցութիւններով:

Մեզ այժմ հետաքրքրողը երրորդ շրջանի գրականութիւնն է: Բայց նախ մի քանի խօսք այն մասին, թէ ի՞նչ են հասկանում «վերածնութիւն» տեսելով՝ եւրոպական գրականութեան մէջ:

«Վերածնութիւն» անունով կոչում են Արեւմտեան Եւրոպայի եւ առանձնապէս Իտալիայի վաղ-բուրժուական (քաղաքացիական) կուլտուրան 14-16-րդ դարերում: Այդ ժամանակ արդէն գլխաւոր հասարակական դեր էր կատարում բարձրացած նոր դասակարգը՝ բուրժուազիան (քաղաքացութիւնը), որի դասակարգային շահերի արտայայտութիւնն էին դառնում՝ գի-

տութիւնը, արուեստն ու գրականութիւնը: Կուլտուրայի կենտրոն էին քա-  
ղաքները: Առեւտրական կապիտալով փութամացած քաղաքացիները, հա-  
կադրուելով Ֆէոդալին եւ եկեղեցականին, ճոխ կեանք էին վարում պարըս-  
պապատ քաղաքներում շինուած շքեղ բնակարաններում, աղնիւ հագուստնե-  
քով, թանկագին կարասիքով, ընտիր անօթներով, աշխատելով ձեռք բերել  
ամէն վայելք խնջողքներով ու երաժշտութեամբ, եւ այլն:

Այս նոր դասակարգի կուլտուրայի առաջին յատկանիշն է աշխարհա-  
կանացումը դպրոցի եւ գրականութեան՝ հակառակ հոգեւորական սքոլաստի-  
կայի. ձգտում է լինում ուսումնասիրելու բնութիւնը, բնագիտութիւնը,  
մաթեմատիկա, իրաւաբանութիւն:

Նախորդ դարերում անհատականութիւնը ոչնչացած էր. անհատն ի-  
րաւունք չուէր եկեղեցուց անկախ մտածելու: Վերածնութեան ժամանակ  
սկսում են տեսնել մարդու անձի ուղատուրեան դադափարը: Առաջ են գալիս  
մարդիկ, որոնք համարձակւում են եկեղեցու պէս չմտածել:

Այդ ժամանակներում աւելի մօտից ծանօթանում եւ ուսումնասիրում  
են անտիկ, այսինքն՝ հին յունական եւ յատինական արուեստը, գրականու-  
թիւնն ու փիլիսոփայութիւնը: Առաջ է գալիս անտիկ գրականութեան ընտիր  
ձեւերի սէր, եւ ձգտում կեանքի եւ ստեղծագործութեան մէջ յարութիւն  
տալու անտիկ աշխարհի կուլտուրային: Այդ են համարել այս նոր կուլտու-  
րայի հիմնական յատկանիշը, ուստի եւ ծագել է «վերածնութիւն» տերմինը,  
իբրեւ անտիկ կուլտուրայի վերածնութիւն, հակառակ միջնադարեան ճգնա-  
ւորական ու սքոլաստիկական կուլտուրայի: Իբր միջնադարը եղել է անկման  
չրջան, եւ անտիկ կուլտուրայի ազդեցութեամբ վերածնուել են գիտութիւն,  
փիլիսոփայութիւն, արուեստներ ու գրականութիւն:

Բայց 19-րդ դարի վերջից այս տեսակէտը փոխուել է: Չմերժելով ան-  
տիկ կուլտուրայի զօրեղ ազդեցութիւնը՝ վերածնութեան ուրմատները դրո-  
նում են աւելի վաղ ժամանակներում: Վերածնութեան վաղ շրջանի սկիզբը  
եղել է միջնադարեան բարեպաշտութեան ժամանակ: Այսպէս՝ վերածնու-  
թիւն են տեսնում Դանտէի (1265—1321) եւ մի քանի ուրիշների մէջ՝ չնայե-  
լով նրանց բարեպաշտութեանը եւ միատիցիզմին: Նոյնը երեւան է գալիս  
նաեւ Պրովանսի տրուբադուրների եւ դերմանական միներեղնագերների երգերի  
մէջ: Դրանք նախակարապետներն են վերածնութեան:

Հատինէրէն լեզուն դեռ երկար մնում է իբրեւ ընդհանուր միջազգային  
լեզու գիտութեան, փիլիսոփայութեան եւ այլի համար, բայց առաջանում է  
ձգտում գրելու մի այնպիսի լեզուով, որ հասկանալին ոչ միայն գիտնա-  
կանները, այլեւ ուրիշները: Ուստի առաջ են գալիս հասկանալի լեզուով ազ-  
գային գրականութիւնները, ազգային գրական լեզուները:

Բանաստեղծութեան ու պոզայի մէջ ստեղծւում են նոր գրական ձե-  
ւեր եւ տեսակներ, որոնց մի մասը փոխառութիւն են անտիկ գրականու-  
թիւնից: Դրանցից են, օրինակ, Դանտէի «Աստուածային կոմեդիան», հըռ-  
չակաւոր սոնէտները Պետրարքայի (1304—1374), նովելաները Բոկաչիոյի  
(1313—1375), էպիգրամմա, սատիրա եւ այլն:

Հույկական վերածնութիւնն ինքնուրոյն է: Դա ազգային գրականու-  
թեան շարունակական զարգացումն է, արդիւնք այն ուխտասկան

չարժման, որ հարկւրամեայ խաղաղութեան ընթացքում առաջ էր եկել՝ ըսկըսած 10-րդ դարի կէսերից, երբ զարգանում էր ճարտարապետութիւնը, իսկ գրականութեան մէջ դուստանների ուրախութեան երգերը, հայրէջները, որոնք վերածնութեան նախակարապետներն են:

Մեր գրականութիւնը, ինչպէս եւ արուեստն ընդհանրապէս, հարկաւ, կտրուած չի եղել այլազգիների, առանձնապէս արեւելեան գրական հոսանքներից, բայց 10—11-րդ դարերում դժուար է տեսնել մեզնում անտիկ արուեստի ու գրականութեան այնպիսի ծանօթութիւն, որի հետեւանքով կերպարանափոխուէր մեր եկեղեցական գրականութիւնը: «Վերածնութիւն» բառը եւս պահել եմ մեր գրականութեան այս վերափոխումը չըջանի համար, որովհետեւ այդ ժամանակ վերածնունդ է հեթանոսական դարերի բուն աշխարհիկ ոգին եւ աշխարհայեցութիւնը՝ հակառակ կրօնա-եկեղեցականի, եւ որովհետեւ մեր այս վերափոխումը գրականութեան գլխաւոր յատկանիշներն ընդհանրապէս նոյնն են, ինչ որ եւրոպական վերածնութեան գրականութեան մէջ: Դա գրականութիւն է հայ քաղաքացութեան, հայ բուրժուազիայի:

Ե՞րբ է եղել հայկական վերածնութեան սկիզբը: — Ոչ մի գրական նոր հոսանք, — ինչպէս եւ ուրիշ մտաւոր, կուլտուրական երեւոյթներ, — մի քանի տարում չի սկսում եւ երեւան գալիս որոշ զծագրուած կերպով եւ բարդաւած վիճակում: Ինչպէս Անանիա Շիրակացին դրում է, ամէն բնական երեւոյթի «լինելութիւնն է սկիզբն ապականութեան, եւ ապականութիւնն դարձեալ անդրէն է սկիզբն յինելութեան»: Այս դիալեկտիկական, բայց Շիրակացու, «անվնաս հակառակութեամբ» ծագում ու մահանում է նաեւ գրական երեւոյթը՝ տեղի տալով նորին, հարկաւ, իր ֆունկցիան կատարելուց յետոյ, կամ, ինչպէս սովորաբար ասում ենք, բարդաւածելուց յետոյ: Նորի սկիզբը հէնց այդ հնի մէջ է, նոյնիսկ նրա բարդաւածութեան մէջ: Հին կրօնա-եկեղեցական ուղղութեան ամենաբարդաւած ժամանակը մեզնում եղի է 10-րդ դարի երկրորդ կէսին, երբ դա ցայտուն կերպով արտայայտուել է ճարտարապետութեամբ եւ Գրիգոր Նարեկացու գրական երկերով: Բայց հէնց այդ ժամանակ է սկիզբը հնի «ապականութեան» քայքայման, որ եւ ըսկիզբն է նորի «լինելութեան», վերածնութեան գրականութեան: Գրիգոր Նարեկացին իր էութեամբ պատկանում է նախորդ գրական շրջանին, բայց նրա երկերի մէջ արդէն երեւում են վերածնութեան սաղմերը, ոչ այնքան բովանդակութեամբ, որքան ձեւով:

Մեր վերածնութիւնը լաւ հասկնալու համար՝ պէտք է նկատի ունենալ նախորդ եկեղեցական շրջանը:

## ԳՐԻԳՈՐ ՆԱՐԵԿԱՑԻ ԵՒ ՃԳՆԱԻՈՐԱԿԱՆ ՈՂԲԵՐԳՈՒԹԻՒՆՆԸ

Եկեղեցին իր ձեռքի տակ ունեցած միջոցներով ձգտում է ամբողջ քրիստոնէութիւնը մի ապաշխարող, աշխարհուրաց դրութեան մէջ դնելու: Դրան հասնում են միայն 10-րդ դարում, երբ ամէն տեղ իշխում էր քրիստոնէական աշխարհայեցողութիւնն Աստծու եւ սատանայի, մեղքի եւ քաւութեան, դրախտի եւ դժոխքի, այս աշխարհի եւ այն աշխարհի մասին, երբ

Քաղաքացիական պատերազմի և կեանքի ունայնությունից հետո՝ իսկական կեանքն ու աշխարհը եւ մարդու իսկական հայրենիքը դրախտային աշխարհն ու կեանքն էին համարում մահից յետոյ։ Իսկ դրան հասնել կարելի էր միայն մեռնելուց յետոյ։ Ուրեմն եւ պէտք էր մեռնել մարմինը՝ տանջանքների ենթարկելով իրեն եւ մարդ որքան աւելի ապաշխարէր, տանջէր իրեն քաղցով ու ծարաւով եւ այլ միջոցներով, այնքան աւելի լաւ՝ հոգու համար։

Հոգու այս կոիւր մարմնի դէմ եւ մարմնի ոչնչացումն իր դործնական արտայայտութիւնն է գտնում վաճառական եւ ճգնաւորական կեանքի միջոցով, որ 10-րդ դարում խիստ զարգանում է հայերի մէջ։ Այդ պատճառով եւ մեր կրօնական բանաստեղծութիւնը հետեւելով կեանքին, իր մէջ արձանացնում է հէնց այդ ճգնաւորական միտքի աշխահայեցողութիւնը, եւ Գրիգոր Նարեկացու ձեռով առաջ է դալիս ճգնաւորական ողբերգութիւնը, մի քնարական տխուր բանաստեղծութիւն, որի մէջ ապաշխարողը պատկերացւում է իր հոգեկան ձգտումներով եւ սարսուռներով։

Գրիգոր Նարեկացին, առաջին հայ մեծ բանաստեղծը, որդին է Անձեւացեաց Խոսրով եպիսկոպոսի, որ իր ժամանակի յայտնի անձերից մէկն է եւ հմուտ եկեղեցական գիտութեան, եւ որից մնում են երկու մեկնութիւններ։ Գրիգորը ծնւած է 940-ական թուականների մէջ։ Մանուկ հասակից նա մեծացել եւ ուսում է առել ժամանակի ամենաշնանաւոր գիտնական վարդապետի, Անանիա Նարեկացու մօտ, Նարեկայ վանքում։ Ուսումն աւարտելով՝ այնտեղ էլ նա մնում է իբրեւ ուսուցիչ։ միշտ պարապում է գիտութեամբ եւ դրականութեամբ, միաժամանակ եւ իրեն ենթարկում է ճգնարանի նոյն խնտութիւններին, ինչ որ ուրիշները։ Նա մեռել է ծերութեան հասակում՝ 11-րդ դարի առաջին տասնամեակներում։ Նրանցից մնում են՝ մի թուրթ, մեկնութիւններ, ներբողներ, տաղեր եւ մի մեծ «Մատեան Ողբերգութեան»։ Վերջինս նրա ամենամեծ բանաստեղծական աշխատանքն է, որով եւ մեծ հռչակ է վայելել։ Գրւած է 1001 եւ 1002 թուականներին։

Բանաստեղծի այս երկի մէջ քրիստոնէական միստիցիզմը կատարեալ արտայայտութիւն է գտել։ Շարունակ խորասուզուելով ինքն իր մէջ՝ նա քրքրում, վերլուծում է իր մեղաւոր հոգին։ շարունակ տեսնելով Աստուծուն՝ աշխատում է կտրուել զգալի աշխարհից, արհամարհելով մարմինը՝ նա ինքն իրեն անվերջ նուաստացնում է ու մեղադրում եւ հեծութեամբ, ողբ ու աղապակով դիմում Աստուծուն, նրա գթութիւնն ու շնորհը հայցելով, որ պէսզի անբաժանելի կերպով միանայ նրա հետ, որ ամենայն կատարելութեան լուսատիպն է։ որպէսզի ստանայ մի աստուածային անդորրութիւն, Աստուծու հետ եւ նրան հաւասար մնայ անճառելի լոյսի մէջ, այնպէս որ մարդն Աստուածու մէջ լինի՝ եւ Աստուած՝ մարդու մէջ։

Այս միստիկական ձգտման մէջ, սակայն, նա երբեք հանգստութիւն չգտնելով՝ միշտ տոչորւում է խռովայոյղ դրութեամբ, որովհետեւ միշտ զգում է, նոյնիսկ տեսնում է իր կողքին կանգնած ստատանային, որ նրան շարունակ մեղքի փորձութեան մէջ է ձգում։ որովհետեւ նա տեսնում է, որ անհնարին է ուրանալ մարմինը եւ աշխարհը։ Այս անհնարութիւնն ահա պատճառ է նրա համար նորանոր հոգեկան տանջանքների եւ ներքին յու-

ղումները աղբիւր եւ Ֆիզիկապէս էլ նրան կեղեքում է: Բայց դա դառնում է միանգամայն եւ խսկական քնարերգութեան աղբիւր:

Եւ այն ժամանակ, երբ թւում էր, թէ ոչ մի մաքուր ֆնաբերգութիւն չպիտի առաջ դար, որովհետեւ եկեղեցին արդէն հոգացել էր ամէն բանի համար, երբ ամէն մետաֆիզիկական խնդիր արդէն առաջուց որոշուած էր եւ բանադրանքի սպառնալիքով<sup>1</sup> ոչ ոքի թոյլ չէր տրւում եկեղեցուց դուրս եւ եկեղեցուց տարբեր մտածել եւ զգալ, ուրեմն եւ փախուած էր անձնակա- նութիւնը, քնարերգութեան աղբիւրը, — այն ժամանակ ահա Գրիգոր Նա- րեկացու հանճարով մեր կրօնական երգը դառնում է արտայայտութիւն ան- հատական երազանքների, կրօնական զօրեղ անհանդատութիւնների, այս աշ- խարհի ունայնութեան, իրական կեանքի ոչնչութեան եւ մարդու թուլու- թեան, այլեւ այն աշխարհի եւ Աստուծոյ, եւ մահուան ու յաւիտենականու- թեան խնդիրների:

Բայց որովհետեւ հսկող Նարեկացին մենակ չէր իր ազաշխարութեամբ, իր ձգտումով ոչնչացնել մարմինը եւ միանալ Աստուծուն, այլ նրա նման բիւ- րաւորներ կային այն ժամանակ, ուստի եւ մեր այս բանաստեղծութիւնը միաժամանակ դառնում է եւ այդ ընդհանրութեան արտայայտութիւնը:

Մի անգամ որ բանաստեղծութեան համար գիտակցական պահանջ է դառնում անկեղծ ներշնչումը (եւ այս գիտակցութիւնն ունի մեր բանաստեղ- ծը), եւ մարդկային հոգին ու բնութիւնը մտնում են քնարերգութեան մէջ, բանաստեղծութիւնը ձեւով էլ կերպարանափոխւում է: Նարեկացու ողբեր- գութիւնն այլեւս նմանութիւն չէ, մի քանի ընդհանուր սովորական եղանակ- ներով յօրինուած, ինչպէս շարականներն են մեծ մասամբ: Բանաստեղծի երե- ւակայութիւնը, որը շատ մեծ եւ բազմակողմանի է, ազատ շարժւում է՝ ըս- տեղծելով արտայայտութեան նորանոր ձեւեր եւ պատկերներ, լիզուական ու բանաստեղծական գիւտերի անչափ ազատութիւն եւ յաճախ ամբողջ տեսա- րաններ, իսկապէս տեսիլներ՝ դժոխքի, սատանայի, վերջին դատաստանի, իր մահուան եւ թաղման եւ այլն: Եւ նա տեսնում է սովորաբար ոչ թէ հե- ոուից ընդհանուր էական դժերով, այլ մօտից, պատկերի մանրամասնու- թեամբ եւ բոլոր պայծառութեամբ: Վերլուծութիւնը, լինի մարմնի թէ հո- գու, տեսարանների թէ դրութեան, նրա երեւակայութեան եւ մտածողութեան էական կողմն է, եւ դրանով նա առաջ է բերում մեծ ազդեցութիւն:

Նարեկացու ձեռով այսպէս փոխւում է ոչ միայն տխուր հոգեւոր եր- գը, այլեւ ուրախ երգը: Եթէ ազաշխարութեան շարականների տեսակը վար- գանալով դառնում է ռդրերգութիւն, որին հետադաշում հետեւում են ուրիշ- ները, ուրախ շարականներն էլ վերածւում են տաղերի, որ առանձին տեսակի հոգեւոր երգեր են, յօրինուած՝ ուրախ սոնակատարութիւններին հանդիսա- ւորութիւն տալու համար:

Այս նոր տեսակի հոգեւոր բանաստեղծութիւնն եւս, որի՝ ժամանակով

1 Գրիգոր Նարեկացին ամբաստանւում է իբրեւ հերձուածող եւ գրում է թուղթ ընդդէմ թոնդրակեցիներին. նրա հայրը, Խոսրով եպիսկոպոսը, ծերութեան հասակում բանադրւում է կաթողիկոսից իբրեւ հերձուածող. նրա ուսուցիչ Անանիա Նարեկացին, մերձիմահ հիւանդ ժամանակ, կատարելով կաթողիկոսի հրամանը, անիծում է թոնդրա- կեցիներին:

առաջին մեծ ներկայացուցիչը դարձեալ Գրիգոր Նարեկացին է, ձեռով կատարելապէս տարբերում է շարականներից: Բանաստեղծը, որ բնութեան զգացում ունի, չի խորշում մեղսական համարուած բնութիւնից, այլ ընդհակառակն, ձգտում է բնութիւնից ու կեանքից իդէալական գեղեցիկ պատկերներ առաջ բերել: Այս պատճառով, հակառակ ճգնաւորական ոգուն, նրա երեւակայութիւնը, որ մռայլ է Ողբերգութեան մէջ, տաղերի մէջ, երեւի երիտասարդական հասակում գրուած, խաղում է դարնանային մեղմ ու զուարթ, ամբողջապէս լուսաշող գեղեցկութիւնների մէջ:

Բնութեան հետ, նա, առաջին անգամ մեր բանաստեղծութեան մէջ, իբր սիրոյ եւ կանացի գեղեցկութեան երգն է երգում. միայն այդ սէրը չունի ոչինչ նիւթական: Դա երկնային սէրն է, ուղղուած առ Ս. Կոյսը, որին սակայն նա այնպէս է նկարագրում, ինչպէս մի աշխարհական բանաստեղծ իբր սիրած կնոջ պատկերը, չմոռանալով նոյնիսկ ձայնը, շարժումները եւ հագուստը: Դա արդէն նշան էր, որ բանաստեղծութիւնը փոխուելու էր»<sup>1</sup>

Նա (Ս. Կոյսը) ամբողջապէս մի «ղարդ» է, նոճի ու նշտարենի հասկով. «յունիցն նրբենից ի մի կից կամար», կարծես, «միջօրէի ժամն» է ծագում:

Աչքըն ծով ի ծով ծիծաղախիտ  
Ծաւալանայր յառաւօտուն,  
Երկու փայլակնաձեւ արեգական նման.  
Շողն ի ժմին իջեալ յառաւօտէ լոյս:

Նրա նուննի այտերը, կամարակապ ձեռները եւ ամբողջ արտաքինը պատկերացում են կենդանի եւ ուժեղ.

Բերանն երկթերթի, վարդն ի շրթանց կաթէր.  
Լեզուին շարժողին քաղցր երգանայր տաւիզն...  
Վարսիցն երամից զարդ ոլորս են առեալ,  
Եռահիւսակն բոլորեալ այտիւք.  
Ծոցըն լուսափայլ, կարմիր վարդով լցեալ.  
Ծղիքըն ծիրանի մանուշակի հոյլք:  
Խնկեալ ի կնդրկէ բուրլառ՝  
Հրով աստուածայնով լցեալ.  
Ձայն քաղցրանուագ ի նմանէ հնչէր:

Ձի մոռացում նոյնիսկ գեղեցիկ, կապոյտ, ծիրանի բեհեղեայ պատմունանը, ոսկեւոյ, արծաթափայլ սակետտուն դօտին, զարդարուած թանկագին քարերով, եւ նոյնիսկ քայլուածքը.

Գօտին արծաթափայլ, ոսկետտուն,  
Կամարակապ, յականց շափիւղայ,  
Մանրամասին յօրինուածով պճնեալ:

<sup>1</sup> Առաջին հատուածի այս մասը (տես «Առաջաբանի» 11-րդ կէտը), ինչպէս նաեւ ամբողջ երկրորդ հատուածը, վերցրած է «Համառոտութիւնից», հետագայ կտորը վերցրած է «Գրիգոր Նարեկացի» հետազոտութիւնից: Խմբ.

Անձինն ի շարժել մարդարտափայլ դեղով,  
Ոտիցն ի գնալ՝ շողն ի կաթել առնոյր:

Դա մի գեղեցիկ պատկեր է, մի սքանչելի տեսիլ, որ

Հանդարտիկ խաղայր, թիկնիթեկին ճեմէր,

այսինքն՝ կոտորատուելով, ուսերը շարժելով հանդարտ ճեմում էր.

Որոյ սիւնն ի սրտին նուսխայօրէն

Կարկաջայր սաթբերունի սէր:

Մարդ ակամայ յիշոյմ է Պեշիկթաշեանի «Ճեմք ի լեառն հսկային», որի մէջ բանաստեղծը հրապուրում է գեղեցկութիւններով բնութեան, որի ամենամեծ զարդն է երգող կոյսը... Դա իսկապէս սրտից բխած մի օրհներգութիւն է միայն, ուղղուած առ Ս. Կոյսը, որ ոչինչ այլաբանական չունի իր մէջ, իբր սիրոյ առարկան ի դէմս Սրբուհու երգուած: Բայց այդ օրհներգութիւնն ամբողջապէս թարմութիւն է, այնպէս զգացուած է եւ մարդկօրէն նկարուած ամէն ինչ, որ անպայման իրական կեանքի մէջ տեսածից ու զգացածից է առնուած: Միւս կողմից, սակայն, այն սէրը, որ դուրում է բանաստեղծը, մի աննիւթական սէր է, որովհետեւ երգուած կոյսն ինքն աննիւթ է.

Սերովբէանման, քերովբէաթոռ,

Հուպ երբակին, լոյս դերազանց,

Լուսոյն արփի վեհինաճեմ:

Նա, ինչպէս «Աստուածածնի ներբողի» մէջ գրում է.

Ի մարդկային զարմէ հրեշտակ երկնային,

Յեղծականացս սեռից անմահ սերովբէ.

Ի հողային նիւթոյ ոսկի Սոփերայ,

Ի ծովային բերմանց շնորհալոյս մարդարիտ,

Ի Յեսսեանն բուսոյ քաղցրապտուղ ծաղիկ...

Յօղոյն հանդարտիկ ամպ անձրեւաձիր,

Արեւուն ծաղման ակն արփիափայլ,

Մերկացելոյ այգոյն աստղ առաւօտին,

Գիշերային մթոյն խօսնակ բերկրանաց...

Վեհին պատկեր կերպիւ կշռորդեալ,

Թեթեւ պարզութիւն հիւթիւ բաղկացեալ...

Նա մի անհասանելի պաշտելի էակ է, երկնքի իսկուհին, «մեծ, երջանիկ, անարատ դշտոյ», մի լուսեղէն պատկեր, որի բարեխօսութեանն է դիմում յաճախ բանաստեղծը խոնարհ, դեանաքարչ աղօթքներով, որոնց մէջ զղայական սիրոյ հետք անգամ չի նշմարում...

Մի ուրիշ տեղ գրում է.

Աղաչեմ դեղ, սուրբ Աստուածածին,

Հրեշտա՛կ ի մարդկանէ,



Մարմնատեսի՛լ քերովքէ ,  
 Երկնաւո՛ր արքայուհի ,  
 Անխառն իբրեւ զօգ ,  
 Մաքուր որպէս լոյս ,  
 Անշաղախ ըստ նմանութեան  
 Պատկերի Արուսեկին բարձրութեան ,  
 Գերազանց քան զընութիւն ,  
 Անկոխելին սրբութեանց . . .

Այսպէս հէնց սկզբից մեր բանաստեղծութեան մէջ երոպացիներից շատ առաջ, կենց պատկերը դրւում է մի միատիկական խորհրդաւորութեան մէջ, որին մօտենում է բանաստեղծը մի խորին ակնածութեամբ ու հոգեւոր հիացումով: Բանաստեղծն արդարեւ երկրաւոր սիրոյ չքեղ պատկերներով է նկարագրում, — եւ այլապէս էլ չէր կարող, — բայց նա այդ բոլորը ծառայեցնում է միայն իր հոգեւոր հիացմունքի առարկան զգալի դարձնելու համար: Եւ ո՛րքան նուրբ, ազնիւ ու մաքուր կերպով, միաժամանակ եւ վառ արտայայտութիւններով է նա այդ անում եւ պայծառ գծագրում մի կնոջ իդէալական պատկեր, որ այնուհետեւ իշխում է մեր հին բանաստեղծութեան, մեր սիրոյ երգի մէջ:

## ԳՐԱԿԱՆՈՒԹԵԱՆ ԱՇԽԱՐՀԱԿԱՆԱՑՈՒՄԸ

(11-րդից 17-րդ դար)

### Ա. ԱՇԽԱՐԽԱՅԵՑՈՒՄԻ ՓՈՓՈԽՈՒԹԻՒՆԸ

Այս երկրորդ շրջանում շարունակւում են հին գրական տեսակները՝ մեկնութիւն, ճառ, հոգեւոր երգ եւ այլն. բայց 11-րդ դարի երկրորդ կէսից մինչեւ 14-րդ դարի սկզբները ժողովրդական, աւելի ճիշդ աշխարհիկ տարրը հետզհետէ մտնում է եկեղեցականի յօրինած գրականութեան մէջ, առաջ են դալիս նոր գրական տեսակներ, նոր լեզուով յօրինուած, մինչեւ որ բանաստեղծութիւնը կատարելապէս աշխարհիկ է դառնում եւ մեր հին քնարերգութիւնը ձեռք է բերում գրեթէ բոլոր կարեւոր թեմաները:

Այս փոփոխութիւնը հետեւանք էր կեանքի եւ աշխարհայեցողութեան փոփախութեան: Մինչդեռ քրիստոնեայ աշխարհի ուրիշ կողմերում դեռ ընդհանրապէս իշխում էր թանձր միջնադարը, 11-րդ դարի առաջին կէսին արդէն մեր կեանքի եւ մտածողութեան մէջ մտնում է մի յեղաշրջում, մի տեսակ ինքնուրոյն վերածնութիւն, որով կրօնական-ճգնաւորական ոգին տալիս առ տալիս տեղի է տալիս աշխարհական ոգու առաջ:

Երկարատեւ խաղաղութեան շրջանում մեծ փառաքներն ու շահաստանները, ինչպէս Անի, Արծն եւ ուրիշները, բարձրացել էին. հին ազնուականութեան եւ եկեղեցականութեան կողքին դիմաց էին ձեռք բերում եւ իարուստ փառաքները: Հին խոտակեցութիւնն ընկնում է, կեանքն ու աշխարհը

ստանում էին արժէք, մարդիկ հարստացած՝ սկսում էին ճոխ ապրել, զարգարուած ու շրջապատուած ճարտարարուեստի պատճառներով եւ զեղարուեստով: Նրանք սիրում էին ուրախ ու զուարթ կեանք, երգ ու երաժշտութիւն եւ պար: Աշխարհիկ շքեղութիւնը եւ ուրախ կեանքը մտնում էր նոյնիսկ եպիսկոպոսների բնակարաններն ու կաթողիկոսարանը, որ ոչնչով ետ չէր մնում թաղաւորական պալատներից. այնտեղ էլ արծաթը յարգի էր դարձել, եւ անարատ բարեպաշտութիւնը պակասում էր:

Միաժամանակ զարգանում էր մի կրօնական շարժում — Թոնդրակեցոց աղանդը, որի սկիզբը դնում են 9-րդ դարում, որ մերժում էր եկեղեցու նուիրապետութիւնը, բոլոր խորհուրդները, հանդերձեալ կեանքը, անմահութիւնը: Այդ աղանդաւորների համար մեղքը նոյնպէս գոյութիւն չունէր. ուստի մեղքի պատիժ էլ չկար: Ճգնաւորական ուսման եւ մինչեւ իսկ եկեղեցուն հակառակ մի վարդապետութիւն ուրեմն, որ տարածւում էր 11-րդ դարի առաջին կէսին եւ ընդունելութիւն գտնում նոյնիսկ հալեւորականների մէջ: Դա ծայրայեղութեան հասած մի բողոք էր ճգնաւորական կեանքի, եկեղեցու կարգերի ու զաղապարներէ դէմ, նման Պրովանսում 12-13-րդ դարերում ծաւալուած Ալբիգոյեան աղանդի:

Աղոնականների մտաւոր վիճակն եւս բարձրանում էր. նրանք սկսում էին ուսում առնել եւ գիտութեամբ ու դրականութեամբ պարապել: Այսպէս՝ Թոնդրակեցոց աղանդի դէմ կռուող նշանաւոր իշխան Պահլաւունի Գրիգոր Մագիստրոսը (990-1058 թ.), լաւ ծանօթ եկեղեցական գիտութիւններին, յունական փիլիսոփայութեանը, հռետորութեանը եւ առասպելներին, շարունակ թարգմանութիւններ է անում, յունարէնից թարգմտում է Պլատոնի Տրամախոսութիւնը եւ Եւկլիդեսի Երկրաչափութիւնը. գրում է մեկնութիւն Դիոնիսի քերականի, յօրինում է ներբողներ, ոտանաւորով գրում է Ս. Գրքի բովանդակութիւնը, եւ վերջապէս ուրիշ ոտանաւորներ եւ բազմաթիւ թղթեր, ոչ միայն կրօնական, այլեւ աշխարհիկ բովանդակութեամբ, լի յունական, հայ եւ արեւելեան առասպելներով:

Այս փոփոխութեան եւ ապաստախոհութեան իբրեւ հետեւանք զգալի պիտի լինէր ձգտում դէպի բնութիւնը եւ մի նոր արուեստի պահանջ: Եւ իսկապէս դարի վերջերում ժամանակի Հոգրատի վանքի համբաւաւոր վարդապետը, Յովհաննէս Սարկաւազ (մեռ. 1129 թ.), — որ մեծ դիտնական է, փիլիսոփայ, մատենագիր, տոմարագէտ, պատմագիր, հեղինակ կրօնական ներբողների, միաժամանակ եւ բանաստեղծ, — արուեստի մի նոր տեսութիւն է առաջ բերում իր մեղ հասած միակ մեծ քերթուածի մէջ: Նա արուեստը, ուրեմն եւ բանաստեղծութիւնը, նմանողութիւն է համարում բնութեան, եւ բնականն ամէնից բարձրն ու մաքուրը, ուստի եւ բանաստեղծը պիտի աշխատի նմանել բնութեանը: Դժբախտաբար, մեղ չեն հասել նրա ուրիշ բանաստեղծութիւնները, որ տեսնենք, թէ ինչպէս է գործադրել նա իր այս տեսութիւնը:

Այս հայեացքի անմիջական հետեւանքը, սակայն, այն է լինում, որ յաջորդ դարերում բանաստեղծներն եւ առհասարակ մատենագիրները թողնում են սեթեւեթ չինծու ձեւերը եւ խրթնաբան ու ճոռոմ ոճը, որ նոյնիսկ բանաստեղծութեան մէջ էր մտել: Պարզութիւնն ու բնական մտածողութիւնը սկսում են ընդհանրապէս իշխել: Գրականութեան մէջ երեւան է գալիս 12-րդ

դարում կենդանի խօսակցական լեզուն, որ արդէն բաւական հեռացած էր գրականութեան մէջ ընդունուած հին լեզուից:

### Բ. Հայրենասիրական ոգիբեգութիւն

Բայց եւ այնպէս այս մտաւոր շարժումն ու փոփոխուած ոգին չեն դարգացնում մի նոր կենսութեան բանաստեղծութիւն. ժողովորդական սիրոյ եւ պարի ուրախ երգը չի բարձրանում իր բնական դրութիւնից: Գոնէ մինչեւ այժմ յայտնի չեն եղել գրագէտ աշխարհականի կամ հոգեւորականի յօրինած այդպիսի երգեր: Դրա պատճառն այն է, որ հայ կեանքը չի շարունակում ընթանալ իր բնական շաւղով:

Գրիգոր Նարեկացու Ողբերգութեան հրատարակութիւնից մի քսան տարի չանցած՝ սելջուկեան թուրքերը սկսում են հրոսել Հայաստան: Բիւզանդացոյ ձեռքով ետեւէ ետեւ քայքայւում եւ ընկնում են հայ իշխանութիւնները: Եւ այնուհետեւ մի կողմից յոյները, միւս կողմից թուրքերի վայրենի հրոսակները մինչեւ 11-րդ դարի վերջերը քանդում, հրդեհում են չէն ու մշակուած աշխարհը, աւերում են հարուստ քաղաքները. աղնուսկանութիւնը սնչանում կամ երկրից դուրս է հալածւում: Աւերում է առանձնապէս երկրի կենտրոնը, ուր ծաղկում էր ուսումն ու գիտութիւնը, եւ դրականութիւնը աղաստան է դառնում կամ հիւսիսային Հայաստանի անտառապատ լեռների վանքերում, ուր մնում են հայ փոքր իշխանութիւններ, կամ հեռու Սեւ լեռների անապատներում, յետագայում նաեւ Կիլիկիայում, ուր կազմւում է մի նոր հայ իշխանութիւն: Աղնուսկաններն անընդհատ կռիւների մէջ լինելով՝ միջոց չունէին այլեւս ուսման ու դրականութեան վրայ մտածելու. ուստի գրականութիւնը մնում է մենաշնորհ վաճառականների: Իսկ սրանք պարապւում են հնուց հետէ դաւանաբանական վէճերով, մեկնութիւններով, ճառերով եւ հակաճառութիւններով. ժողովում են վկայաբանութիւններ ու ներբողներ, թարգմանելով ասորերէնից եւ յունարէնից, որոնցով առանձնապէս յայտնի է լինում Գրիգոր Մագիստրոսի որդին՝ Գրիգոր Բ. Վկայասէր կաթողիկոսը (կաթող. 1065-1105), որ եւ դրա համար ստացել էր իր մականունը:

Ժամանակի աղետալից վիճակը ստիպում է մարդկանց նորից ետ դառնալ եւ կրօնի մէջ դռնել մխիթարութիւն եւ իրենց դժբախտ կեանքի բացատրութիւնն ու ելքը որոնել: Առաջին հարցը, որ տալիս են մտածողները, է՝ ինչո՞ւ են զալիս մեր զլխին այս աղէտները. հայերը, որ այնքան բարեպաշտ էին, այնքան եկեղեցիներ ու վանքեր էին շինել Աստուծու փառքի համար, ինչո՞ւ են տառապում թուրքերի ձեռքին: — Պատասխան դոնելը դժուար չէր. հին մատենագիրներն արդէն պատրաստել էին այն զաղափարը, թէ մարդիկ մեղք են դործում, եւ Աստուած նրանց պատժում է մեղքի համար: Պէտք էր ուրեմն ապաշխարել, որ Աստուած պատիժը վերացնի: Մինչեւ հիմա ճգնաւորներն ու նրանց արտայայտիչ բանաստեղծը ողբում էին անհատական մեղքը. հիմա մեղաւոր է ազգը, նա պէտք է ապաշխարի: Բայց նմանութիւնը միայն այսքան է: Անհատն ապաշխարում էր իր մարմինը տանջելով իր հոգու փրկութեան համար, որ հանդերձեալ կեանքում է լինելու. իսկ այստեղ ապաշխարութիւնը քարոզւում է ազգի փրկութեան համար,

որ այս աշխարհում պիտի լինի, այն էլ ոչ թէ մարմինը մեռցնելով, այլ բարձրի մաքրութեամբ եւ առաքինի կեանքով:

Աշխարհն արդէն ստացել էր արժէք այն աստիճանի, որ նոյնիսկ կրօնասէր մարդը, սգաւոր պատմիչ Արիստակէս Լաստիվերտցիին խորին սիրով սիրում է այն, սիրում է իր հայրենիքի մշակած՝ դաշտերը, ժողովրդի բարեկից կեանքը, ուրախ-զուարթ աշխատանքը, կատարած ուրախութիւնները, երգերն ու պարերը, թաղաւորն իր փառաւորութեամբ, ցօրքերն ու կոիւնքերը, որոնք կային մի ժամանակ եւ չկան այլեւս: Ուստի եւ այժմ, առում է նա, «յողբա փոխեցաւ մեզ ամենայն»: Այդ աշխարհասիրութիւնից է, որ նա կրօնական ձեւի տակ, բայց իսկապէս մեր աշխարհիկ կեանքի ողբերգուն է դառնում: Թուրքերի եւ յոյների դորձած աւերմունքները նկարագրելիս, որոնց անձամբ ականատես է եղել, նա յաճախ բանաստեղծութիւն է յօրինում արձակ լեզուով եւ սրտառուչ կերպով լալիս է իր հայրենիքի կործանուած փառքը, կուլտուրական եւ քաղաքական կեանքի անկումը, եւ երգում է այնպէս խորը եւ անկեղծ ու յուզիչ, որ դուրեր չարունակ, նոյնիսկ 19-րդ դարում, նմանողութեան աղբիւր է դարձել:

Եւ այսպէս հայոց թագաւորութիւններէ անկումից յետոյ, Մեծ Հայաստանում սելջուկեան թուրքերի տիրապետութիւնը դեռ չհաստատուած, սկսում է հայոց քաղաքական իշխանութիւնը վերականգնելու երազը եւ դրան նուիրուած բանաստեղծութիւնը — հայրենասիրական ողբերգութիւնը:

Համազգային հայրենասիրութեան գաղափարն ու զգացումը՝ ծնուելով ժողովրդի դառնադէպ վիճակից՝ հետզհետէ ընդհանրանում է, ազգային միութեան ազդակներից մէկը դառնում, անրաժան մշակով թշուառ ու տանջուող ժողովրդի վիճակի արգահատութիւնից, — ահա թէ ինչ է կազմում այս նոր ողբերգութեան էութիւնը: Քաղաքական կեանքը, հին անկախութիւնն ու ազատութիւնը վերականգնելու տենչը այնպէս խորը թափանցում է հայ ժողովրդի մէջ, որ դա դառնում է մի նուիրական իղձ ու աղօթք, եւ նոյնիսկ շատ վաղ, Յովհաննէս Սարկաւազի ձեռքով, մտնում է ժամերգութեան մէջ: Նա իր հոգեւոր երգերից մէկի մէջ խնդրում է Աստուծուն, որ ցրուած եւ արտասուհասո տրամութեամբ վտարուած հայ ժողովրդին ժողովի ուրախութեամբ եւ փրկի: Դրանով մեր բանաստեղծութիւնը, կրօնական զգացումից յետոյ, դանում է արդէն իր քնարերգութեան կարեւոր եւ մեծ թեմաներից մէկը, որ այլեւս կրօնական չէ: Ձեւը մնում է դարձեալ հին ողբը, բայց բովանդակութիւնն ու ողին փոփոխուած են: Եւ այդպիսի զարգացումն էլ բնական էր. իրստ կրօնականից մի անդամից թռիչք չէր կարելի անել դէպի մաքուր աշխարհականը, քանի որ բանաստեղծները դեռ հոգեւորական էին:

Հայրենասիրական բանաստեղծութեան առաջին մեծ ներկայացուցիչն է Ներսէս Շնորհալի կաթողիկոսը (1102–1173 թ.), մեր եկեղեցու նշանաւոր հայրերից մէկը, որ ուսում է առել Սեւ լեռների մի վանքում: Նա մի բեղմնաւոր հեղինակ է. պարապել է թարգմանութիւններով, թողել բազմաթիւ արձակ եւ աւելի՝ սառնաւոր երկեր, թղթեր, մեկնութիւններ, բազմաթիւ հոգեւոր երգեր, տաղեր, մի կրօնական մեծ ողբերգութիւն, դաւանաբանական դրուածքներ, ներբողներ, խրատական ոտանավորներ, պատմու-

թիւն ոտանաւորով, առականեր եւ վերջապէս մի մեծ քնարական վէպ՝ «Ողբ Եղեսիոյ», որ դրուած է այս քաղաքի 1144 թ. առման եւ կործանման առ-  
թիւ Հայէպի ամիրայի ձեռքով: Ի դէմս Եղեսիա քաղաքի նա ողբում է  
խոկապէս Հայաստանի վիճակը: Ամբողջապէս իսկական բանաստեղծական  
յղացմամբ եւ արուեստով դուրս բերած մի քերթուած է, լի հայրենասիրա-  
կան ոգեւորութեամբ, հարուստ եւ փայլուն նկարագրերներով, լինի խաղաղ եւ  
բարօր կեանքի, բնութեան եւ չէն քաղաքների, թէ քաջամարտիկ կռիւների,  
որ քրիստոնեաները մղում են թուրքերի դէմ ինքնապաշտպանութեան հա-  
մար, եւ թէ թուրքերի դործած վայրագութիւնների: Սրտի կսկծից նա  
մերթ բռնուն ճիգեր է արձակում այդ թշնամիների դէմ, մերթ մեղմ է եւ  
անուշ, բայց ոչ սրկաս խոր եւ սրտառուչ տիրութեամբ լցւում՝ հառաչում  
է Հայաստանի անցած փառքի համար: Ամբողջի մէջ տեսնում ենք մի ան-  
կեղծ կարօտալից վիշտ ու թախիժ կորած քաղաքական ազատութեան ու  
մեծութեան, չէն ու խաղաղ կեանքի համար, միաժամանակ եւ մեծ յոյս, որ  
այդ ազատութիւնն ու վերականգնութիւնը պիտի լինի մի օր արեւմտեան  
քրիստոնեայ աղգերի օգնութեամբ:

Ներսէս Շնորհալու մեծ արժանիքներից մէկն էլ այն է, որ նա մշա-  
կում է մեր տաղաչափական արուեստը եւ աշխարհիկ տաղաչափութեամբ, որ  
դործածական է եղել, ինչպէս ինքը դրում է, «ափրդիտեան երգի» մէջ,  
յօրինում է հոգեւոր բանաստեղծութիւններ: Նրա դործածած չափերը, որոն-  
ցից մի քանիսը դառնում ենք Գրիգոր Նարեկացու եւ Գրիգոր Մաղխատրոսի  
տաղերի մէջ, խիստ բազմազան են, բայց դրանցից մի քանիսը նա այնպէս  
զարդացրել է եւ ռիթմիկ դարձրել, որ յաջորդների համար օրինակելի են  
մնացել եւ մեր հին դրականութիւնից նոյնիսկ նորին են անցել: Նրա  
ամէնից սիրած ոտանաւորն է ութվանկանի քառատակտը, կազմուած երկու  
յամբական բարդ տակտերից, որոնց մէջ առաջին տակտերը կարող են եւ  
անշեշտ լինել: Ոտանաւորը, սակաւ բացառութեամբ, յօրինում է յանդե-  
րով, որ 10-րդ դարում արդէն դործածական են եղել մեր աշխարհիկ բանաս-  
տեղծութեան մէջ: Հին հոգեւոր երգերը, սակայն, առանց յանգի են: Գրի-  
գոր Նարեկացին էլ դեռ զրում է անյանգ ոտանաւորներ: Ողբերգութեան  
մէջ միայն մի երկու տեղ նա, ինչպէս ինքն ասում է, նմանելով Ժողովըր-  
դական «լալեաց բանաստեղծութեան», յանգեր է կազմում: Գրիգոր Մա-  
ղխատրոսն արդէն յանգը բանեցնում է կրօնական բովանդակութեամբ ոտա-  
նաւորների մէջ. բայց նրա փորձն ընդունելութիւն չի գտնում, մինչեւ որ  
Ներսէս Շնորհալու ձեռով յանգի դործածութիւնն ընդհանրանում է հոգեւոր  
բանաստեղծութեան մէջ եւս, եւ այնուհետեւ յանգը դառնում է ոտանաւորի  
էական պայմաններից մէկը: Բայց այդ ժամանակ դեռ նոյն յանգը, ինչ-  
պէս նոյն դարերում ուրիշ աղգերի բանաստեղծութեան մէջ եւս, անցնում  
է կամ ամբողջ քերթուածի մէջ, կամ մի շարք տողերի մէջ: Ներսէս Շնոր-  
հալին դրանից առաջացած ձանձրոյթն զգում է, բայց եւ այնպէս միայն եր-  
բմն ամէն տուն առանձին յանգով է կազմում:

Շնորհալու օրով, 12-րդ դարի երկրորդ կեսին, հայերը զօրանում են ոչ միայն Կիլիկիայում, ուր դարի վերջում նոյնիսկ թաղաւորութիւն են հաստատում՝ երկրի սահմանները հասցնելով մինչեւ Եփրատ, այլեւ հիւսիսային եւ արեւելեան Հայաստանում: Այստեղ դարի վերջին քառորդին հայ իշխանները, միացած վրացիներին հետ, նուաճում են թուրք աթաբեկութիւնները եւ վրաց թաղաւորի անուանական դերիշխանութեան տակ՝ երկրի իշխանութիւնն իրենց ձեռքն են առնում: Առաջ են դալիս նոր մանր հայկական իշխանութիւններ Սիւնիքում, Գուգարքում եւ նոյնիսկ Այրարատում, որոնք առանձնապէս հովանաւորում են վանականներին եւ գիտութեամբ պարապող վարդապետներին: Քաղաքական վերածնութեան հետ լինում է եւ կուլտուրական վերածնություն: 1230 թուից, սակայն, թաթարների արշաւանքի պատճառով երկիրը մի քան տարի տակնուվրայ է լինում, մինչեւ որ նրանք վերջնականապէս տիրում են Հայաստանին: Հայ իշխանները ենթարկում են նրանց հարկատուութեամբ: Թէպէտ հարկերը ծանր էին, բայց որովհետեւ թաթարները մինչեւ մահմետականութիւն ընդունելը Հայաստանի ներքին գործերին շատ չէին խառնուում, ուստի 13-րդ դարի վերջին քառորդից սկսած, հայ կուլտուրական գործը ծաւալւում է: Մինչեւ անգամ արեւմտեան Հայաստանում առաջ են դալիս ուսման կենտրոններ, ինչպէս Սեպուհ լեռան վանքերում: Այս պատճառով մեծանում է նաեւ գրականութեամբ պարապողների թիւը, որոնք նոյն հին եկեղեցական տեսակներն են մշակում: Սակայն գրականութեան աշխարհականացումը չարունակւում է, եւ առաջ են դալիս նոր տեսակներ. բժշկութեան եւ օրէնքի վերաբերեալ գրութեմքներ, եւ մանաւանդ առակը, բարոյախօսութիւնն ու խրատը, որ շատ համապատասխան էր հոգեւորականի կոչման իբրեւ ուսուցչի եւ խրատողի:

Ներսէս Շնորհալին արդէն, բացի խրատական ոտանաւորներից, ունի նաեւ «Առակը», որ խկապէս համեմուկներ են ժամանակի խօսակցական լեզուով գրուած, մասամբ նոյնիսկ ժողովրդական սարբերով: Նա ունի եւ մի ոտանաւորով տեսութիւն երկնքի մասին՝ «Յաղագս երկնից եւ դարդունց նորա», որ գրել է «ի խրնորոյ առն բժշկապետի եւ տտեղագիտի Մխիթարայ»: Այս բժշկ Մխիթար Հերացիին ինքն էլ պարապում էր գրականութեամբ իր արուեստին վերաբերեալ. նրանից մնացել է «Ջերմանց մխիթարութիւն» կոչուած բժշկական աշխատանքը, որ գրուած է ժամանակի խօսակցական լեզուով:

Կազմւում են եւ օրէնքների ժողովածուներ: Ներսէս Լամբրոնացիին (1154-1199), որ Կիլիկիայի յայտնի եպիսկոպոսներից է, շատ հմուտ մի մարդ, եկեղեցական պերճախօս, մեկնաբան, հոգեւոր երդիչ ու թարգմանիչ, — թարգմանում է «Բիւզանդական օրէնագիրք» եւ «Ջինուորական օրէնագիրք»: Իբրեւ հայ օրէնքների ժողովող եւ խմբագրող հանդիսանում է, սակայն, արեւելեան մեծ վարդապետներից Մխիթար Գռչն (վախճանուած 1213 թ.) իր «Դատաստանագրքով» (գրուած 1184 թ.), որի առաջաբանի մէջ հեղինակը մանրամասն բացատրում է իր հայեացքը օրէնքի, դատաստանի ու դատա-

ւորները մասին: Այս Դատաստանագիրքը յետագայում դործադրուել է մի քանի կողմերի հայերի մէջ:

Մխիթար Գոշի անունով, բացի եկեղեցական տեսակներից, մնացել է նաեւ առակները մի ժողովածու, հմուտ գրչի գործ: Նրանից առաջ, սակայն, Յզոպոսից թարգմանած առակներ եղել են մեր գրականութեան մէջ: Բացի այդ, 7-րդ դարում թարգմանուած են Ոլիմպիանու առակները, որ Յզոպոսի առակներ են հռետորական խմբագրութեամբ: 11-րդ դարում, ինչպէս Գրիգոր Մագիստրոսի նամակներից երեւում է, դպրոցներում աշակերտներին քնարերգութեան եւ ճարտասանութեան հետ սովորեցնում էին եւ «առասպելավարժութիւն», այսինքն աշակերտներին դրել, անդիր անել եւ մեկնել էին տալիս առակներ: Առակների հին ժողովածուներ եւ մշակութիւններ, սակայն, մինչեւ Մխիթար Գոշի առակները, յայտնի չեն, եւ այդ առակների մէջ հեղինակի դրած ծանօթութիւններից երեւում է, որ դա իսկապէս այս տեսակի առաջին գործն է մեր գրականութեան մէջ:

Այնուհետեւ առակների ժողովածու է կազմում նշանաւոր քարոզիչ Վարդան Այգեկցիին, որ ապրել է 12 եւ 13-րդ դարերի մէջ Սեւ լեռների անապատներում, գրել է բաղմաթիւ ճառեր, խրատներ ու թղթեր վերին աստիճանի պարզ ու կենդանի լեզուով, յաճախ առակներով, որ նրա քարոզած դադափարները հասկանալի եւ գրաւիչ են դարձնում: Նա ինքը, ապա եւ ուրիշները, ճառերի մէջ եղած այդ առակներից կազմում են առանձին ժողովածուներ: Նրանց հետեւելով մինչեւ 17-րդ դարը ուրիշներն այդ ժողովածուների վրայ աւելացնում են ուրիշ առակներ զանազան դրաւոր եւ ժողովրդական աղբիւրներից, եւ առաջ են դալիս առակների բաղմաթիւ եւ բաղմազան ժողովածուներ, որ յայտնի են մի ընդհանուր անունով «Վարդանայ առակներ», որ մեր հին գրականութեան հարստութիւններից մէկն է: Բայց այդ առակների մէջ, որոնց թիւը 485 է մինչեւ այժմ եղած հրատարակութեամբ, ոչ միայն առակներ կան իսկական մտքով, այլեւ ամէն տեսակի պատմութեան, առասպելների, յաճախ ընտիր ու կենդանի ոճով, սրամիտ ու համեղ, լուրջ կամ պարզամիտ, հոգեւոր պատմութեան, դուրս ճալիքներ եւ այլն. միայն բոլորն առակի ձեւ ստացած, վերջից մի խրատական մասով:

Առակների հետ միաժամանակ զարգանում է խրատական եւ իմաստական բանաստեղծութիւնը, սովորաբար փոքրիկ իմաստալից քերթուածներ լուրջ բնաւորութեամբ, երբեմն միացած պարտաւի կամ խորհրդածութեան հետ: Դրանք խրատական բանաստեղծութիւն լինելով հանդերձ՝ երբեմն իսկական քնարերգութիւններ են, որովհետեւ գրուած են անձնական տրամադրութեամբ, ջղոտ եւ խոր զգացած, ուժեղ եւ գունագեղ արտայայտուած: Մեծ մասի մէջ, ինչպէս եւ առակների, բարոյախօսականը կրօնական ուղղութեամբ բարոյական խրատն է:

Բայց եւ այնպէս այս երկու տեսակի մէջ գտնում ենք արդէն բուն ժողովրդական ոգին, հասարակ դասի իրական կեանք՝ փոխուած աշխարհայեացքով, յաճախ կենդանի խօսակցական լեզուով: Չկայ այլեւս հին եկեղեցասիրութիւնը: Հին ճգնաւորական ուղղութիւնն արդէն երբեմն ծաղրի առարկայ է դառնում. հաւատքի վէճն այլեւս չի հետաքրքրում նոյնիսկ հո-

գեւորականներին. երեւան է գալիս մի կեանք, որ զուարթ, ծիծաղող ու ծաղրող է, զուարճացող:

Միւս կողմից հանդէս է գալիս զանազան դասակարգերի յարաբերութիւնը, բնապատկան ոգի, երգիծամբ վատ կարգերի, դժգոհութիւն եղած դրութիւնից, աշխատաւոր դասի բողոքն ու ատելութիւնն ընդդէմ հարուստ ու վայելող եկեղեցականի եւ դատարկապորտ ու անպէտք եւ նոյնիսկ վնասակար ազնուականի: Եւ վերջապէս ընկերական անհաւասարութիւնների եւ հայ ազգի կրած տառապանքների պատճառով բանաստեղծութեան մէջ երեւում է մինչեւ անդամ երկրայութեան ոգին, բողոքի ձեւով ընդդէմ Աստուծու կամ, հեթանոսաբար, ճակատագրի վճռի (Ֆրիկի «Գանգատ» եւ «Ընդդէմ Փալաքին»): Մարդիկ ոչ միայն, ինչպէս առաջ, կասկածում են Աստուծու դատաստանի արդարութեան մասին, այլեւ բանաստեղծութեան նիւթ են դարձնում այն»:<sup>1</sup>

#### Դ. Աւետարանի բնութագրութիւն

Այս ամէնի հետ միասին տեսնում ենք, որ 13-րդ դարում արդէն անհատն ընդհանրութիւնից անջատուելով՝ ստանում է իր արժէքը եւ ցուցադրում է իրեն, հոգալով իր յիշատակի համար: Ծնւում է անձնական բանաստեղծութիւնը, որի համար նիւթ են դառնում բանաստեղծի իրեն. անձնական հանգամանքները, սէրն ու ատելութիւնը, բախտն ու դժբախտութիւնը: Մարմինն տրւում է իր իրաւունքը, դրա հետ եւ սկսում է բնութեան եւ սիրոյ երգը, վարդ ու սոխակի պատկերով կամ առանց այլաբանութեան: Եւ վերջապէս բարձրանում է աշխարհի ունայնութեան եւ մահուան ցաւագար երգը, բոլորովին տարբեր Գր. Նարեկացու մահուան երգից, իրրեւ մեխիթարութիւն սոցիալական կամ ազգային անարդար եւ անհաւասար դրութեան կամ իրրեւ վախճան անհատական տանջալից կեանքի, կամ իրրեւ սարսուռ գերեզմանի առաջ, որի մէջ քայքայւում է գեղեցիկ մարմինը եւ մարդ իր ոչնչութիւնն է զգում:

Երեք բանաստեղծներ առանձնապէս աչքի են ընկնում 13-14-րդ դարերի մէջ: Ֆրիկ, որի բանաստեղծութիւնները բաւական չափ են եւ չափ սիրուած ու տարածուած են եղել, բայց զեռ ամբողջական հրատարակութիւն չունենք: Նա ընդհանրապէս մի բարոյախօս բանաստեղծ է, հարուստ փափուկ ու համեղ շեշտերով, երբեմն ըմբոստացող եւ բողոքող սոցիալական կարգերի դէմ: Յովհաննէս Երզնկացի (մօտ 1250-1326), կոչւում է նաեւ Պրուզ կամ Ծործորեցի, հանդիստ, դիտուն վարդապետ, աւելի մտածող, քան զգացող: Սրա բանաստեղծութիւններն եւս զեռ հաւաքուած եւ մի տեղ հրատարակուած չեն:

Այս երկուսից չափ աւելի բարձր է Կոստանդին Երզնկացին (1336 թ. յիշում է իրրեւ ծերունի): Նա մանուկ հասակից սովորել է Երզնկայի մօտ

<sup>1</sup> Այս մասին հետադաշուած հեղինակը հրատարակեց իր ընդարձակ աշխատութիւնը Ֆրիկի կապակցութեամբ. «Պրոֆ. Մ. Աբեղեան, Հայոց միջնադարեան առականերն եւ սոցիալական յարաբերութիւնները նրանց մէջ», աբտապ. «ՀԽՍՀ Կուլտուրայի պատմութեան ինստիտուտի աշխատութիւնները» Ժողովածուի 1-ին հատորից, Երեւան, 1935 թ.:



դռնուած վանքերից մէկում եւ շատ վաղ հասակից ցոյց է տուել զբաղանք շնորհ: Կոստանդինը մի զգայուն բանաստեղծ է, աւելի քնարերգու, քան բարոյախօս: Նա իր անձնական չեղտերով երգում է ոչ միայն իր սեփական ապրումները, այլ նոյնիսկ խրատական ոտանաւորները: Եթէ Յովհաննէս Երզնկացին աւելի մտածելով է մարմնին տալիս իր իրաւունքը, Կոստանդինը իր խառնուածքով նոյնիսկ անհնար է համարում չտրել աշխարհի կեանքը, բնութիւնն ու մարդկայինը: Իր եղբայրակից միաբաններից զրա համար նա հալածանքի է ենթարկւում, եւ ինչքան էլ նա հպարտութեամբ արհամարհել է ուզում նրանց, բայց եւ այնպէս հոգով վրդովւում ու դառնանում է եւ իր բանաստեղծութիւնների մէջ կռիւ է սկսում այգպահների դէմ: Կեանքի եւ բնութեան այս սէրն ահա եւ դրա համար կրած թախիծն ու վիշտը կազմում են նրա բանաստեղծութիւնների յատկանիշը: Բնութիւնից նա առնում է ընդհանրապէս մեղմ ու փափուկ տեսարանները, տրեղակի ծագումը՝ լուսով ու գոյնով, դարնանային կեանքով ու բուրմունքով լցւած: Որովհետեւ նա բնութեան եւ կեանքի էութիւնը տեսնում է լուսոյ եւ սիրոյ մէջ, ուստի նրա երգերի մէջ լոյսն ու սէրը մի տեսակ պաշտամունքի առարկայ են դարձած: Մեր սիրոյ երգը, որ սկսւած էր նախ՝ Աստուածածնի գովքով, ապա վարդ ու սոխակի պատկերով, Կոստանդինի ձեռքով ազատւում է ալլաբանութիւնից,<sup>1</sup> եւ եթէ հետագայում եւս ալլաբանութեան են դիմում բանաստեղծները, այդ ոչ թէ նրա համար, որ թոյլատրուած էր բացայայտ երգել, այլ որ ալլաբանական ձեւը դուր էր գալիս կրօնաւորներին:

Որ մեր բանաստեղծութիւնն այսպէս շուտ է թօթափել միջնադարեան սովն, դրա պատճառն անշուշտ ցեղի ընդունակ բնաւորութեան եւ իր հայրենիքի դրութեան մէջ պէտք է տեսնել: Բացի արեւմտեան քրիստոնէայ ազդեցից, հայերը չիւում էին նաեւ արեւելեան հեթանոսների, պարսիկների եւ արաբների հետ: 13-րդ դարում Շահնաման երգւում եւ նոյնիսկ սիրով լսում էր Սեպուհ սարի վանքերում: Շահնամայի ոտանաւորի չափը բանեցրել է Գրիգոր Նարեկացին, այլեւ Կոստանդին Երզնկացին, այն էլ եղբայրակից կրօնաւորների խնդրով՝ Շահնամայի «ձայնով» ոտանաւոր յօրինել:<sup>2</sup>

Բայց մեր բանաստեղծութիւնն այնուհետեւ դարձեալ փարթամ կերպով չի ուռճանում՝ առաջ բերելով խոշոր զրական երկեր, հանճարեղ անձեր, — դրա պատճառը պէտք է տեսնել դարձեալ մեր պատմական չարաբաստիկ կեանքի մէջ: Երկիրը շատ է աւերւում մահմեդական թաթարների տիրապետութեան շրջանում եւ աւելի եւս Լանկիթամուրի կոտորածներով, նրանից յետոյ թուրքմէն մանր իշխանութիւններով եւ վերջապէս օսմանցոյց եւ պարսից դարեր տեւող պատերազմներով: Այս աւերմունքներն այն աստիճանի են հասնում, որ 15 եւ 16-րդ դարերում, մինչեւ 17-րդի կէսերը, փակւում են դպրոցները, եւ եկեղեցական գրականութիւնը մեռնում է, մի

1 Խնդիրը զրազէտ եկեղեցականների գրածների մասին է, թէ չէ, գոսանական սիրոյ երգերը, հայրենները, հնուց ի վեր առանց այլաբանութեան են:

2 Այս մասին կարելի է մանրամասնութիւնները տեսնել Մ. Աբեղեանի «Շահնամայի ոտանաւորի չափը հայ բանաստեղծութեան մէջ», որ տպուած է ՀՄԽՀ Կուլտուրայի պատմութեան ինստիտուտի «Փորձութիւն» ժողովածուի մէջ, Երեւան, 1934:

վերջին անգամ եւս փայլելով 14-րդ դարում Տաթևի դպրոցում, որի վարդապետները՝ Յովհան Որոտնեցի եւ Գրիգոր Տաթևացի՝ իրենց աշակերտներին հետ ուսումնասիրում են հների կրօնական եւ փիլիսոփայական երկերը եւ կուում կաթողիկ ունիթոռների դէմ իրենց մեկնութիւններով, քարոզներով եւ այլն:

Բանաստեղծութիւնը, սակայն, այդ աւերմունքների դարերում չի մեռնում, այլ, ընդհակառակն, աւելի եւս բարձրանում է: Նոյնիսկ փորձեր են լինում վիպական կրօնական բանաստեղծութիւն զարգացնելու. Գրիգոր Տաթևացու քնոորդի Առաքել Սիւնեաց եպիսկոպոսը 1401-1403 թ. բանաստեղծօրէն յօրինում է աշխարհի ստեղծագործութիւնը եւ առաջին մարդկանց անկումը:

Բայց աւելի զարդանում է աշխարհիկ քնարերգութիւնը. հնարաւոր է լինում ոչ միայն հին թեմաները պահպանել, այլեւ նոր թեմաների մասին գրել, ինչպէս պանդխտութեան, որ հին ժամանակներում մեր ժողովրդի մեծ ցաւերից մէկն էր իբրեւ հտեւանք բռնապետական կեղեքումների, — այլեւ հին նիւթերի մասին աւելի արուեստաւոր, ուժեղ եւ փայլուն ձեւերով նորանոր կողմերից երգել: Աշխարհի ունայնութիւն, մահ, բնութիւն եւ սէր, ահա այն յաւիտենական անսպառ խնդիրները, որոնցով յուզւում են՝ Քերովբէ (15-րդ դարի երկրորդ կէսին), Մկրտիչ Նաղաշ, Ամիդի եպիսկոպոսը (ձեռնագր. 1430 թ., մեռած մօտ 1480 թ.), Յովհաննէս Թլկուրացի (1489-1525 թ. կաթողիկոս Սսի, մեռած խորին ծերութեան հասակում) եւ Գրիգոր Աղթամարցի, Աղթամարի կաթողիկոսը (ծն. 15-րդ դարի վերջերին, 1569 թ. ղեւ կենդանի) եւ ուրիշները:

Դրանցից ամէն մէկը երգում է իր անհատական խառնուածքի համեմատ, առանձին տեսակի յոյզի, վայելչութեան կամ տրտմութեան աղբիւր գտնելով սիրոյ կամ մահուան մէջ: Այդ պատճառով էլ դրանց երգերը, թէպէտ ըստ երեւոյթին իրար նման, բայց ունեն իրենց առանձնայատկութիւնները: Յովհաննէս Թլկուրացու մի սիրոյ երգը զօրեղ կերպով տարբերում է Կոստանդին Երզնկացու, Գրիգոր Աղթամարցու կամ Նահապետ Քուչակի նոյնպիսի երգերից, ինչպէս եւ նրանց երգերը մէկ-մէկուց:

Կրօնական միատիկայից յետոյ՝ բնական էր, որ առաջին սիրոյ երգիչ Կոստանդին Երզնկացու սիրոյ երգը լինէր արտայայտիչ աւելի միատիկական հոգեւոր սիրոյ, քան Փիղիկական տարփանքի: Սէրը նրա բանաստեղծութեան մէջ դարձած է մի տիեզերական աստուածային ուժ, յաւերժ կենդանութեան աղբիւր, որ լոյսի հետ ներգործում է բնութեան բոլոր երեւոյթների մէջ. սիրած կինը նրա համար մի պաշտելի էակ, մի սրբութիւն է միատիկի Աստծու յատկութիւններով:

Հետզհետէ այդ սէրը, 14-17-րդ դարերում մարմին է առնում, կապւում կենսասիրութեան հետ: Յովհ. Թլկուրացու սիրոյ երգի մէջ արդէն թանձրացած երկրաւոր տարփանքն է իշխում, բռնակալ եւ այրող կրքի կենտրոն ունենալով կանացի գեղեցիկ մարմինը, որի տեսքից ամէն անգամ մարմնով դողում է բանաստեղծը, սիրտը մարում, ուշագնաց է լինում:

Յանկարծակի մէկ մի տեսայ,  
 Որ կու ցօղայր դունն երեսէն.  
 Թուլցայ անկայ ի տեսլենէն,  
 Շողայր կաթէր լոյսն ի վզէն:  
 Աչքերն է ծով, ունքերն է թուխ ամպ,  
 Մազն է դեղձան ոսկի թելէն.  
 Զինքն ճօհար՝ զէթ զուռի ճեղ,  
 Հրով այրէր զերկիր ամէն.  
 Ճոխազընաց, մանրաքայլող,  
 Հողիքն ի մարմնէ քակող,  
 Լուծֆն է ծածկեր զամէն աշխարհս,  
 Շաքար կաթէր իւր քարամէն:  
 Երբ իմ աչերս ի քեզ դիպաւ,  
 Նայ վառեցայ զէտ մոմեղէն.  
 Խելազնաց ի վայր մնացի,  
 Զարհուրեցայ ի տեսլենէն...

Իսկ Գր. Աղթամարցուն սէրը ձգում է մի հողեղմայլ յափշտակութեան, մի հողեւոր արբեցութեան մէջ, որ սակայն շատ հեռու է զդաշտական տարփանքից, շատ զդառտ եւ մաքուր է.

Գարունն է բացուեր վարդն ի բաղչանին,  
 Քաղցր եղանակեն բլրուն ու զումրին,  
 Սիրով են վառեալ ի կարմիր թփին,  
 Կանաչ ու կարմիր տերեւ կու հաղնին:  
 Գինով եմ դինով, հարբեր եմ սիրով.  
 Գինով եմ դինով, ցերեկս արեւով.  
 Գինով եմ դինով, գիշերս երազով...

Սա արդէն հեթանոսարար մտածուած սէրն է, իբրեւ մի կիրք, որ Աստղիկ դիցուհին դարնանը բորբոքում է մարդկանց սրտերի մէջ: Սակայն եւ այնպէս դրանց ամէնքի մէջ էլ հեթանոսութիւնը եւ քրիստոնէութիւնը զեռ կատարելապէս չեն հաշտուած. այդ երզիչները զեռ չեն կտրուած հին կրօնական հայեացքից, որովհետեւ այդպէս կրթուած են, եւ այդպէս թելադրում է նրանց եկեղեցական կոչումը:

Վերջապէս 16-րդ դարում, գուցէ եւ աւելի վաղ, իր զօրեղ ձայնն է բարձրացնում նաեւ մեր Ժողովրդական քնարերգութիւնը Քուչակ Նախապետի սիրոյ երգերի մէջ: Այս բանաստեղծի անձնաւորութեան մասին մենք ոչինչ չգիտենք: Այդ անունով երգիչ իսկապէս եղել է Վանայ կողմերում, բայց կոսակածելի է, որ Քուչակի անունով յայտնի երգերը նրանը լինեն: Դրանք ժողովրդական երգեր են, միայն առանձնապէս մշակութիւն կրած:<sup>1</sup> Այդ

1 Այժմ տողերիս գրողը իր «Հին դուստնական Ժողովրդական երգեր» հետազոտութիւնից յետոյ (տպուած Երեւան, 1931 թ.), այդ երգերից ոչ մէկը Նախապետ աշուղ Քուչակինը չի ընդունում:

փոքրիկ քերթուածները, ինչպէս բուն ժողովրդական քառեակները, տեղ չեն տալիս ոչ զգացմունքի եւ ոչ մտքի ընդարձակութիւնն ու ճապաղութիւնն, այլ, ընդհակառակն, միայն մի միտք են յայտնում, սեղմ ու հակիրճ, բայց այնպէս բիւրեղացած ու վայլուն, որ երբեմն նոյնիսկ շացուցիչ են իրենց նուրբ, սուր ու համարձակ դարձուածներով, երեւակայութեան յանկարծական վառ ու չքեղ թռիչքներով: Խօսքի դիւտերն ու պատկերները երբեմն մեղ զուարճացնում են, երբեմն հիացում պատճառում, կամ ժպիտ յարուցանում իրենց սրամտութեամբ կամ միամիտ չարահայտութեամբ, եւ միշտ հրապուրիչ են իրենց սրտաբուխ թարմութեամբ: Այս երգերը մշակող բանաստեղծը մեր երկրաւոր սիրոյ բանաստեղծութեան մեծ վարպետն է, ինչպէս Գրիգոր Նարեկացին երկնաւոր սիրոյ, երկուսն էլ բխած են ցեղի նոյն հանճարից ու ոգուց: Բայց մինչ Նարեկացու սէրը զղջման եւ անձնադարձանքի բուռն տողորումն է, մի միստիկական մոռյլ անձկութիւն, մի զօրոգ ձգտում աշխարհից կտրուելու եւ մարմինն ու աշխարհը ոչնչացնելու ինքնատանջի հեծկտացող թառանջներով, որոնք սարսուեցնում են մեղ՝ տանելով մեղ միջնադարեան ճղնաւորի մթին խուցը, — Քուչակն, ընդհակառակն, կապուած է միայն զուարթ ու յուսաւոր, հեշտալից ու բուրաւէտ երկրին: Մենք նրա հետ դիւրանում ենք քնքուշ ու հաճելի երազանքներով. սրտի խորքից դուրս թռած հառաչանքը նոյնպէս մեղ օրօրում է մի անուշ կարկաջով եւ տանում այն պարզ ու զեղեցիկ կեանքը, այն ժպտուն բնութեան ծոցը, որից ծագել են սկզբնապէս այդ երգերը: Եւ մենք, կարծես, տեսնում եւ զգում ենք թարմ այգին, դարձանային լուսաշող պարտէզը եւ պատանիների ու պատանուհիների զրօսանքը եւ ուրախ երգը... երիտասարդ մի անհոգ կեսնիք, որ բոլորովին հեռու է թէ՛ միստիկի տանջահար ոգուց եւ թէ՛ մեր դարաւոր ազգային տառապանքի ողբերգութիւնից: Կարծես, այդ երգիչը, իսկապէս երգիչները եւ իրենց հասարակութիւնը, ինչպէս մանուկներ, ոչ մի ուրիշ ցաւ չեն ունեցել, բացի իրենց սիրոյ վշտից:

Մեր քնարերգութիւնը, այսպէս, երկնքից կատարելապէս իջել է արդէն երկիրը, իրական աշխարհը: Եկեղեցական է երգիչը թէ աշխարհական, այդ ալժմ այլեւս նշանակութիւն չունի: Աշխարհիկ ոգին իշխում է: Բայց որովհետեւ 15—17-րդ դարերում ուսումնականը, չասենք դրագէտը, դեռ միայն եկեղեցականն էր, ուստի աշխարհիկ ոգու տեսութիւնը, երկրի առաւելութիւնը երկնքից հիմնաւորում է նոյն հողեւորականը: Ներսէս Մոկացի վարդապետը, հիմնադիր Լիմ անապատի վանքի (1622 թ.), իր «Վիճաբանութիւն երկնքի եւ երկրի» գեղեցիկ քերթուածի մէջ, այդ երկուսի փոռաւորութիւնը ցոյց տալուց յետոյ, առաւելութիւնը տալիս է երկրին, որի առաջ խոնարհւում է նոյնիսկ երկինքը: Մենք եւս պիտի խոնարհենք երկրի առաջ, ասում է նա, որովհետեւ նա գեղեցիկ է, եւ մենք նրա ծնունդն ենք, այսօր նրա վրայ ման ենք դալիս, վաղը նրա ծոցը պիտի մտնենք: — Դա արդէն վերջ էր եկեղեցական-կրօնական ոգու եւ հայեացքի: Եւ ի՞նչ էր մընում մեր բանաստեղծութեանը զարգացնելու, որպէսզի հին հեթանոսական երգը կատարեալ լինէր: Դա խրախճանքի երգն էր:

Նստեր է ծառին չքին,  
Կը խմէ գիւր լուրջ ապիկին.  
Խմէ ու հայրէն՝ կ'ասէ՝  
Թ'ինչ անուշ է սէրն ու դինին:

Միտտիկ ճգնաւորի համար այս բոլորն էլ մեծ մեղքեր էին. սէրն էլ, գինին էլ, ուրախութեան երգն էլ, բնութիւնն էլ: Բայց Քուչակի մէջ այդ բոլորը միացած են մի վայելչութեան համար: Դա է իսկապէս ուրախութեան երգը, որ հնագոյն ժամանակներում անգամ եղել է մեր մէջ եւ երբեք չի դադարել գոյութիւն ունենալուց: Բայց այդ երգը բաւական ուշ է արժանանում հոգեւորականներից մշակուելու, քանի որ պահք ու ծոմ պահողների եւ մարմինը քաղցով ու ծարաւով տանջողների դարերում ի՞նչ աւելի մեծ մեղք, քան ուտել-խմելը գովել:

Այստեղ էլ սկզբում օգնութեան է հասնում ալլարանութիւնն ու սրբազան կերպարանքը. խաղողն ու գինին դովաբանում են իրբեւ հաղորդութեան մաս: Այդ պինդութիւնն էլ հացկերութիւն երգեր են երեւան գալիս առանց որեւէ նրբացման եւ խորութեան, լաւ ուտողի եւ լաւ խմողի սին պարծանքով, մինչեւ որ 17-րդ դարում երբեմնի սարկաւազ եւ յայտնի նկարիչ Նազաշ Յովնաթանի (1661—1722 թ.) դրչի տակ այդ երգերն ազնուանում են, ստանալով միանգամայն եւ լուրջ բովանդակութիւն:

Նրա տաղերի մէջ քրիստոնէական ոգին եւ աշխարհասիրութիւնը հաշտուած են, եւ վերջ է տրուած մեր հին քնարերգութեան ցաւազին շեշտին, որ կայ նոյնիսկ Յովհաննէս Թլկուբանցու եւ Գրիգոր Աղթամարցու մէջ: Յովնաթանին այլեւս բնաւ չի տանջում հոգու եւ մարմնի հին կռիւը: Նա ինքն ազատ ու հանգիստ խղճով «մարմնաւոր ուրախանում է» առանց հոգւան վնասելու երկիւղի, եւ ուրիշներին էլ շարունակ դրդում է «մարմնաւորին ուրախացէք, հոգեւորին մի կենայք ծոյլ»: Հոգին ուրեմն իր պահանջներն ունի, եւ նրան բաւարարութիւն պիտի տալ բարի գործով, հոգեւոր առաքինութիւններով. մարմինն էլ իր պահանջներն ունի, նրան էլ բաւականութիւն պիտի տալ խրախճանքով, երգելով ու պարելով, կին ու գինի սիրելով, այն էլ բնութեան դեղեցիկ ծոցում: Այս երկուսն այլեւս իրար չեն խանդարում: Աշխարհի ունայնութիւնն ու մահը նոյնպէս՝ այլեւս սոսկում չեն պատճառում բանաստեղծին եւ թունաւորում նրա վայելչասիրութիւնը: Այլ, ընդհակառակն, դա պատճառ է դառնում աւելի եւս վայելելու այս կեանքը: Մի անգամ որ աշխարհն ունայն է, սոստ երազ եւ մարմնաւոր ուրախութիւնը չի արդելուած, հետեւաբար պէտք է, որքան կարելի է, չատ վայելի, բայց ազնիւ կերպով, այս աշխարհի դրախտային կեանքը, սէրը եւ ուրախութիւնը:

Վաղիւրն ոչ դիտենք թէ գինչ ծնանի,  
Մարդուս կեանքն վայրի ծաղկի նմանի,  
Որ այսօր բացուել է՝ վաղիւն անցանի:

1 «Քուչակեան» երգերի տեսակը կամ ոտանաւորը կոչւում է «հայերէն կամ «հայրէն», «հայերէնի կարգ»:

Խմենք, եղբայրք, գինի, մեզ անո՛ւշ լինի,  
Ածէ՛ք, խմե՛նք գինի, բանն Աստուած չինի...

Եւ այսպէս, հայ քնարերգութիւնը վերջապէս հասնում է իր սկզբնական հեթանոսական զուարթ ու լուսաւոր աղբիւրին. բայց միայն քրիստոնէական հոգով անցած լինելով՝ աւելի աղնուացած է, տարփալից վայրկեաններում նոյնիսկ՝ պարկեշտ ու զգաստ է. որովհետեւ մարմնաւոր հաճոյքը, Փիղիկական վայելքը չէ միայն՝ որ դառնում է կեանքի նպատակը: Մարդս ինչքան էլ յարգում է մարմինը, խրախճանքի մէջ անգամ չի մոռանում, որ հոգի էլ ունի: Այս պատճառով եւ Յովնաթանի սիրոյ եւ ուրախութեան տաղերը, մի տեսակ խռնուրդ լինելով հեթանոսականի եւ քրիստոնէականի, մեր հին բանաստեղծութեան ամէնից զուարթ եւ պայծառ երգերն են, որոնց մէջ կեանքի հրճուանքն արտայայտւում է նուրբ, միանգամայն եւ զօրեղ կերպով: Ծնունդ 17-րդ դարի 80-ամեայ խաղաղութեան ժամանակի, նա ապրել է պարսից համեմատաբար բարւօք կառավարութեան շրջանում արեւելեան Հայաստանում մի լիառատ ժամանակ, որով եւ հասկանալի է նրա երգերի ուրախ եւ անդորր բնաւորութիւնը: Այդ ժամանակ եւ արեւելեան հայերի մէջ զօրանում է նոր պարսկական ազդեցութիւնը, որը երեւում է նաեւ Յովնաթանի երգերի մէջ, սկսւում է նոր երգիչների — աշուղների շրջանը: Յովնաթանն իսկապէս փակւում է հին երգիչների շարքը՝ մի տեսակ միջին տեղ բռնելով հների եւ նորերի մէջ, բայց աւելի հներին պատկանելով, քան նորերին:

Դժբախտաբար այս հին բանաստեղծութիւնն իր լեզուով, ձեւով եւ ոգով չի շարունակւում մինչեւ 19-րդ դարը, որովհետեւ 17-րդ դարում առաջ է գալիս հնի, կրօնա-եկեղեցականի վերածնութեան եւ նոր գրաբար դրականութիւն:

## Յ Ա Ն Կ

### Ա Ն Ձ Ն Ա Ն ՈՒ Ն Ն Ե Ր Ի

- Աբրահամ կաթողիկոս կրետացի 448, 458-461
- Աբրահամ վարդապետ, տ. Աբրահամ կրետացի
- Ագաթանգեղոս 87, 153, 212, 440, 512, 516
- Աքամաս 381
- Ալաւկայ Որդի Դաւիթ, տ. Դաւիթ Ալաւկայ Որդի
- Ալբերտոս Սուաբցի 363
- Աղթամարցի, տ. Գրիգոր Աղթամարցի
- Ամբերդցի Սարգիս Եպիսկոպոս 438
- Ամիր Դովլաթ Ամասիացի 92
- Անանիա Նարեկացի 573
- Անանիա Շիրակացի 1, 3, 21, 572
- Անանուն Զրուցագիր 2
- Անձեւացեաց հոսարով Եպիսկոպոս 573
- Առաքել Բաղիշեցի 347, 369, 389
- Առաքել Դարիժեցի 438-440, 442-444, 446, 448-457
- Առաքել կաթողիկոս 453
- Առաքել պատմագիր, տ. Առաքել Դարիժեցի
- Առաքել Սիւնեցի 289, 347, 357, 359, 364, 368-370, 372, 373, 381-383, 385, 386, 389, 586
- Առաքել Սիւնեաց Եպիսկոպոս, տ. Առաքել Սիւնեցի
- Առաքել վարդապետ, տ. Առաքել Դարիժեցի
- Աստաբաղցի Աբրահամ վարդապետ 471, 472, 505
- Աստուածաշունչ (Սուրբ Գիրք) 13, 17, 20, 28, 35, 39, 52, 53, 77, 94, 97, 98, 102, 113, 126, 138, 201, 202, 220, 247, 274, 281, 282, 289, 309, 359, 362, 364, 373, 374, 379, 384, 385, 444, 462, 470-472, 487, 503, 509
- Աստուածատուր 427
- Արիստակէս վարդապետ Լաստիվերացի 5-9, 12-14, 18, 32, 33, 36-39, 42, 43, 50, 65, 66, 68, 105, 110, 112, 228, 562, 580
- Արիստոտէլ 19, 20, 201, 220, 233, 242, 354, 355, 358, 364, 471, 472
- Արշարունի Պետրոս կաթողիկոս 3
- Արսէն Բագրատունի 439, 477, 478, 484, 485, 487-492, 495-498, 500, 502, 510, 511, 518, 538
- Աւետիք Երէց 454
- Աւետիքեան Գաբրիէլ (Բերբող) 477
- Բաղիշեցի, տ. Առաքել Բաղիշեցի
- Բոկաչիոյ 3, 571
- Գալատաթալեան Գրիգոր դպիր (Կեսարացի) 472-474, 498, 505, 558
- Գեաներ 508
- Գերմանական միմեզմեզներ 3
- «Գիրք Թղթոց» 21
- Գնունցի, տ. Զաֆարիա Եպիսկոպոս Դրնունեաց
- Գրիգոր, տ. Գրիգոր Տաթեւացի
- Գրիգոր (Գրիգորիս) Աղթամարցի 168, 231, 235, 237, 410-417, 419-421, 466, 474, 541, 586, 589
- Գրիգոր Անաւազեցի կաթողիկոս 210, 216
- Գրիգոր Աստուածաբան 45
- Գրիգոր Երէց 65, 72-74
- Գրիգոր Լուսաւորիչ 23, 28, 51, 80, 89, 192, 263, 264, 297, 301, 448, 455, 461, 471, 499, 512
- Գրիգոր Խլաքեցի Մերենց 356, 357
- Գրիգոր Մերենց, տ. Գրիգոր Խլաքեցի Մերենց
- Գրիգոր Մագիստրոս 3, 9, 12, 13, 15-31, 49, 55, 74, 83, 84, 89, 97, 153, 218, 241, 309, 515, 578, 579, 581, 583
- Գրիգոր Մագիստրոս Պահլաւունի իշխան,

տ. Գրիգոր Մագիստրոս  
Գրիգոր Նարեկացի 2, 12, 13, 16, 26, 29, 32, 36, 39, 53, 54, 83, 84, 97-100, 105, 109, 131, 267, 280, 283, 303, 311, 318, 338-341, 345-347, 398, 399, 405, 406, 418, 433, 440, 515, 554, 557, 572-575, 579, 581, 584, 585, 588

Գրիգոր Պահլաունի (մականունանեալ Տղայ) 91, 107, 121, 129-132, 141, 144, 149, 226

Գրիգոր Վկայասէր կաթողիկոս (Վսի-րամ Պահլաունի) 31, 32, 66, 68, 68, 71, 74, 75, 80, 83, 89, 226, 579

Գրիգոր (Գրիգորիս) Տաթևացի 289, 353-368, 372, 373, 381, 386, 543, 586, 587

Գրիգոր Տուտեորդի 129, 132, 144

Գրիգոր Փոփր Վկայասէր 80, 89

Դանտ 3, 348, 571

Դաքակ Քերթաղ 53, 116, 264

Դաւիթ Ալակայ Որդի 46, 62, 63, 148, 531-534

Դաւիթ Անյաղք 90, 369

Դիոնիս, տ. Դիոնիս Թրակացի

Դիոնիս Թրակացի 220, 300, 578

Դիոնիսիոս Արիսպագացի 90, 136, 362, 442,

Եգեպոս 152, 153, 583

Եգնիկ, տ. Եգնիկ Կողբացի

Եգնիկ Կողբացի 153, 256, 269, 440

Եղիշէ 64, 425, 440, 446, 483

Եսայի Նէյցի 220, 221, 352, 354

Զաֆարիա Եպիսկոպոս Գնունեաց 231

Զաֆարիա Սարկաւազ 437, 454-458

Զենոբ Դլակ 212, 440

Զենոբ Եպիսկոպոս Տաթևացի, տ. Զենոբ Դլակ

Թլկուրանցի, տ. Յովհաննէս Թլկուրան-ցի

Թումանեան Եղիա (Բերքոդ) 477, 484-487, 489, 511

Թովմա, տ. Թովմա վարդապետ Մեծո-րեցի

Թովմա վարդապետ Մեծորեցի 353-360, 365, 366, 368, 369, 395

Թովմաս Ակուրեանցի 363

Լամբրոնացի, տ. Ներսէս Լամբրոնացի

Լաստիվերտցի, տ. Արիստակէս Լաստի-վերտցի

Լիկանէս 513

Լուսաւորիչ, տ. Գրիգոր Լուսաւորիչ

Խաչատուր Կեչառեցի 215, 217, 224, 228-243, 296, 536-539, 541, 542, 546

Խաչատուր վարդապետ, տ. Խաչատուր Կեչառեցի

Խաչատուր Տաթևացի, Երզնգոդ Էւ բա-նաստեղծ 145

Խապիկ Երզնգի (Երէց) 462, 463

Ծարեցի Յովհան վարդապետ 454

Մործորեցի, տ. Յովհաննէս Մործորեցի

Կալիսթենէս 231, 232, 537, 540

Կալիսթենէս (Սուտ), տ. Կալիսթենէս Կեչառեցի, տ. Խաչատուր Կեչառեցի

Կիրակոս, տ. Կիրակոս Գանձակեցի

Կիրակոս Գանձակեցի 45-47, 50, 62, 80, 143-148, 154, 188-193, 195, 200, 203, 205-207, 217, 232, 252, 457, 532-535

Կովիտաս կաթողիկոս 289

Կովիտաս Բահանայ 512

Կոստանդին, տ. Կոստանդին Երզնկացի

Կոստանդին Երզնկացի 215, 249, 296, 297, 299, 301, 398-312, 316-319, 321-324, 327, 328, 330, 332-342, 344-348, 397, 405-407, 413, 420, 552-554, 584-589

Կորիւն 155

Կարան 28

Հին Կոսկարան 71, 151, 234, 353, 358, 501, 503, 505, 518

Հովնէրոս 484, 486, 487, 511, 540

Ղազար Զահեկեցի 505

Մաղափա Արեղայ 191, 205, 206

Մատթէոս Ուռեայեցի 8-10, 16, 17, 64-66, 69-73, 208, 215

Մարկոյ Պոլոյ 8, 298

Մարտիրոս Խարասարցի 427, 428, 431

Մարտիրոս Ղրիմեցի 419

Մեծն Վարդան, տ. Վարդան Արեւելցի

Մեծն Վարդան Բարձրբերդցի 191, 199

Մեծորեցի, տ. Թովմա Մեծորեցի

Մեսրոպ, տ. Մեսրոպ Մաշտոց

Մեսրոպ Երէց 440

Մեսրոպ Մաշտոց 50, 156

Մետաստագոյ, իտալացի նշանաւոր բա-նաստեղծ 488, 489

Միլտոն 508

Միքայէլ Ասորի 200

Միսիբար, տ. Միսիբար Գոշ

Միսիբար Արբայ 353, 438-440, 486, 487

Միսիբար Այրիվանեցի 206, 457

Միսիբար Անեցի 72

Միսիբար Գոշ 64, 142, 145-158, 168-171, 173-178, 180-185, 188, 190-192, 208, 255, 270, 299, 444, 582, 583

Միսիբար Հերացի 91

Միսիբար Սասունցի 220

Միսիբար Սեբաստացի, տ. Միսիբար Աբ-



բայ  
Մկրտիչ Նաղաշ 185, 393-398, 400-402, 419, 586  
Մովսէս Խորենացի 89, 109, 114, 173, 211-213, 250, 440, 442, 448, 449, 456, 481, 482, 516, 517, 537, 541, 553  
Մովսէս Կաղանկատուացի 353  
Յովասափ Քիստացի 419  
Յովհան Մամիկոնեան 156  
Յովհան Միրզաեան Վանանդեցի 510, 511, 512, 515, 516, 518, 519, 521-527  
Յովհան (Յովհաննէս) Որոսնեցի 353-356, 358, 360, 363, 364, 367, 586  
Յովհան Օսնեցի 11  
Յովհաննէս, տ. Յովհաննէս Սարկաւազ Վարդապետ  
Յովհաննէս Դրասխանակերտցի կաթողիկոս 11  
Յովհաննէս Երզնկացի 154, 200, 215, 241, 295-301, 303, 304, 306, 307, 337, 345, 369, 401, 417, 418, 538, 584, 585  
Յովհաննէս Թլկուրանցի 168, 402, 403-407, 409-413, 420, 425, 474, 586, 589  
Յովհաննէս Մործորեցի, տ. Յովհաննէս Երզնկացի  
Յովհաննէս կաթողիկոս 170  
Յովհաննէս Կոզեռն վարդապետ 10  
Յովհաննէս Պլուզ, տ. Յովհաննէս Երզնկացի  
Յովհաննէս Սարկաւազ Վարդապետ 43, 44, 46-55, 60, 61, 65, 72, 119, 120, 227, 531-536, 578, 580  
Յովհաննէս Վանական, տ. Վանական վարդապետ  
Յովնաթան, տ. Նաղաշ Յովնաթան  
Նահապետ, տ. Նահապետ Քուչակ  
Նահապետ Քուչակ 297, 308, 417, 418, 420, 421, 426, 586-589  
Նաղաշ, տ. Մկրտիչ Նաղաշ  
Նաղաշ Յովնաթան 429, 432-437, 589, 590  
Ներսէս, տ. Ներսէս Շնորհալի  
Ներսէս Լամբրոնացի 75, 77, 79, 80, 82, 102, 130-132, 136, 138, 139, 141, 142, 147, 149, 207, 217, 440, 582  
Ներսէս Կլայեցի, տ. Ներսէս Շնորհալի  
Ներսէս Շնորհալի 8, 32, 72-92, 94-105, 108-110, 112-114, 116, 117, 119-131, 136, 139-141, 147, 154, 156, 162, 183, 193, 217, 226-228, 264, 266-268, 290, 309-311, 317, 345, 368, 387, 389, 419, 425, 470,

476, 499-501, 580-582  
Ներսէս Պահլաւունի, տ. Ներսէս Շնորհալի  
Նոր Կոտակարան 71, 151, 353, 358, 518  
Շատորքիան 508  
Շարական Խոզեօր Երզնց 30  
Շմառոնեան Յարութիւն Բահանայ 506  
Շնորհալի, տ. Ներսէս Շնորհալի  
Ոլիմպիանոս 21, 25, 152, 153, 583  
Չաւչեան Մ. 207, 440, 441, 519  
Պահլաւունի իշխան, տ. Գրիգոր Մագիստրոս  
Պետրարքա 3, 342, 571  
Պետրոս Արագոնացի 353  
Պետրոս Արշարունի կաթողիկոս, տ. Արշարունի Պետրոս կաթողիկոս  
Պլուզ, տ. Յովհաննէս Երզնկացի  
Պլատոն 20, 21, 234, 358  
Պորփիր 19, 220, 354, 355, 358, 364  
Պորփիրոփոնոս 24  
Պրովանսի տրուբադուրներ 3, 571  
Ջախջախեան Մանուէլ (Բերբող) 476-484, 489, 492, 495, 507, 508  
Ռուրիկեան Վաքրամ, տ. Ջախջախեան Մանուէլ  
Ռույ Գոնցալէշ դի Կլավիլոյ 298  
Սահակ [Պարբէլ] 50  
Սաղմոսարան 47  
Սամուէլ Երէց Անեցի 532-535  
Սամուէլ Բահանայ Անեցի 6, 45, 47, 48, 72, 80  
Սայեաթ-Նովա 463, 464, 466-470  
Սապֆոյ 435  
Սարկաւազ Բերդակցի 426, 427  
Սարկաւազ Վարդապետ, տ. Յովհաննէս Սարկաւազ Վարդապետ  
Սիմէոն կաթողիկոս 458  
Սիմէոն Ջուղայեցի 439, 444  
Սիսակեան Առան, տ. Արսէն Բագրատունի  
Սկովտոս Երինացի 363  
Սմբատ, տ. Սմբատ Սպարապետ  
Սմբատ Գունդստապլ, տ. Սմբատ Սպարապետ  
Սմբատ Սպարապետ 8, 152, 206-209, 562  
Սիւնեցի Մովսէս վարդապետ 438  
Ստագերացի, տ. Արիստոտէլ  
Ստեփանոս, տ. Ստեփանոս Օրբելեան  
Սիւնեաց արքեպիսկոպոս  
Ստեփանոս Սիւնեցի Քերբող 90  
Ստեփանոս Տարօնեցի (Ասողիկ) 4, 11, 43, 123

Ստեփանոս Օրբելեան Սիւնեաց արքեպիսկոպոս 192, 209, 210—217, 221, 222, 224, 226—230, 241, 260, 261, 277, 295, 367, 440, 542—547  
 Սուրբ Գրիգոր, տ. Գրիգոր Լուսաւորիչ վահրամ (Պահլաւունի), տ. Գրիգոր վկայատէր  
 վահրամ-Գրիգոր վկայատէր, տ. Գրիգոր վկայատէր կաթողիկոս  
 վահրամ Բաբուն վարդապետ 90  
 վանական, տ. վանական վարդապետ  
 վանական վարդապետ 188—192, 199, 200, 203, 205, 206  
 վանանդեցի Թովմա եպիսկոպոս 440  
 վարդան, տ. վարդան Այգեկցի  
 վարդան, տ. վարդան Արեւելցի  
 վարդան Այգեկցի 152, 158, 159, 161—170, 172, 178, 179, 181, 184—187, 255, 583  
 վարդան Արեւելցի 43, 62, 192, 199, 201—203, 205, 206, 220, 299, 531, 532, 534, 535  
 վարդան Բարձրբերդցի, տ. Մեծն վարդան Բարձրբերդցի  
 վարդան Հայկազն 83  
 վարդան վարդապետ, տ. վարդան Արեւելցի  
 վիպասանք 20, 115

վկայատէր, տ. Գրիգոր վկայատէր  
 վոլտեր 508  
 Տէր-Կոմիտաս Բախանայ (վ. Պոլսեցի) 470  
 Տորկուատոյ Տաստոյ, իտալացի բանաստեղծ 120, 322  
 Տրապիզոնցի Տէր-Կիրակոս 438  
 Ուռհայեցի, տ. Մատթէոս Ուռհայեցի  
 Փաւստոս Բիւզանդ 440  
 Փեշտիմալեան Գրիգոր 498—502, 505, 509, 510, 522  
 Փիլոն 354, 355, 358  
 Փսպեմէոս 3  
 Քերովբէ 400—405, 419, 584  
 Քուչակ, տ. Քուչակ աշուղ  
 Քուչակ աշուղ 294, 417, 418, 419, 424, 434  
 Քուչակ Նահապետ, տ. Նահապետ Քուչակ  
 Օրբելեան, տ. Ստեփանոս Օրբելեան  
 Օվիդիոս 322  
 Ֆենելոն 508  
 Ֆիրդուսի 346, 552, 554  
 Ֆլուրիան 508  
 Ֆրիկ 215, 238, 240, 244—250, 252—257, 260—264, 266—270, 272—277, 280—297, 303, 308, 329, 334, 345, 417—419, 542—552, 554, 559, 584

## Յ Ա Ն Կ

ԱՌԱՋԱԲԱՆ

Էջ  
VII

ԵՐՐՈՐԴ ՇՐՋԱՆ

### ՎԵՐԱՄՆՈՒԹԵԱՆ ԳՐԱԿԱՆՈՒԹԻՒՆ

Կեանքի եւ աշխարհայեցութեան փոփոխութիւն

1

Վերածնութիւն—1: Քաղաքներ եւ քաղաքացական կեանք ու կուլտուրա—4: Թոնդրակեցոց աղանդը—10: Գաղափարախօսութեան զարգացման դանդաղ ընթացքը—14:

### ՆՈՐ ՄՏԱԻՈՐ ՀՈՍԱՆՔԻ ԱՌԱՋԻՆ ՓՈԻԼԵՐԸ ԳՐԱԿԱՆՈՒԹԵԱՆ ՄԷՋ

Գրիգոր Մագիստրոս Պաեկաւունքի

15

Լուսաւորութեան եւ ուսման ծաւալումը—15: Կենսագրութիւնը—16: Ուսման ծրագիրն ըստ Գրիգոր Մագիստրոսի եւ նրա քարգմանութիւնները—18: «Թղթերը»—21: Գրիգոր Մագիստրոսի լեզուն—26: Չափածայ գրութեանը—27: Մագիստրոս եւ Պետրոս Գետադարս—29: Մագիստրոս եւ Վահրամ-Գրիգոր Վկայասէր—31:

Արիսակէս Լասթիվեթացի

32

Ընդհանուր դրութիւնը—32: Պատմագրութիւնը—33: Աշխարհայեցութիւնը—35: Աշխարհասիրութիւն եւ հայրենասիրութիւն—38: Իրականութեան սրտայոյզ պատկերը—39: Հայրենասիրական ողբերգութիւնը—41:

Յովհաննէս Սարկաւազ Վարդապետ

43

Կենսագրութիւն—43: Երկերը—48: Հայրենասիրական գաղափարախօսութիւնը—50: «Բան իմաստութեան»: Արուեստի ծագման նոր տեսութիւնը—52: Յօրինումներ—54: Ձգտում դէպի բնութիւն ու ռացիոնալիզմ եւ դրա ազդեցութիւնը գրականութեան մէջ—60:

Դաւիթ Ալաւկայ Որդի

62

### ԺԱՄԱՆԱԿԱԳՐՈՒԹԻՒՆ

Մատթէոս Ուռհայեցի եւ ուրիշներ

64

Ժամանակագրութիւն—64: Մատթէոս Ուռհայեցու ժամանակագրութիւնը—65: Գրիգոր Նրէց—72: Սամուէլ Անեցի—72: Մխիթար Անեցի—72:

## ԱՇԽԱՐՀԻԿ ՈԳՈՒ ՎԵՐԱՃՈՒՄ

### Ներսէս Շնորհալի

73

#### ԿԵՆՍԱԳՐՈՒԹԻՒՆ

Հայ գաղութն ասորական Միջերկրային իրբեւ հայկական մշակոյթի վայր—73: Ներսէսի ուսումն ու կրթութիւնը—75: Գրիգոր եւ Ներսէս եղբայրները Ծովք եւ Հռովմայ բերդերում—78: Երկու եղբայրների գրական վաստակը—79:

### Ներսէսի չափածոյ երկերը

81

Հայեացքը բանագործութեան վրայ—81: Տաղաչափական արուեստի զարգացումը—82: Հոգեւոր երգեր ու տաղեր եւ քղքեր—86: Նոր գրական տեսակները—88: «Առակք»—հանելուկներ—94:

### «Յիսուս Որդի»

97

Դարերի լեզունդաները եւ ոգրերգութիւն—97: Արտայայտութեան ձեւը Գրիգոր Նարեկացու ձեւի հետ համեմատութեամբ: Հաւարականութեան ազդեցութիւնը ոճի վրայ—99: Վերջին դատաստանը—101:

### «Ողբ Եղեռնոյ»

102

Քերթուածի իրական պատմական նիւթը եւ ծագումը—102: Դիմաւորութիւնը—103: Էական կողմը—105: Իրականութեան հրապուրիչ ներքողը—108: Բարբարոսական ռազմական գործողութիւնների ռէալիստական պատկերը—110: Մահմեդականութեան եւ քրիստոնէութեան կոռուի հիմնական պատճառ, մեղքը: Նոր հայեացք: Երկբայութիւն—112: Անէժֆների շարանը—114: Փաղափական լաւատեսութիւն եւ լաւ օրերի գեղեցիկ երազը: Աշխարհիկ կեանքի ծաբան ու յաղթանակը բանաստեղծութեան մէջ—117:

### Արձակ գրութեանը

120

Ատենաբանութիւն—120: «Թուղթ ընդհանրական»—121: Ուրիշ գրութիւններ—128: Գրիգոր Տղայ—129:

### Ներսէս Լամբրոնացի

130

Կենսագրութիւնը—130: Համբարձման Ներբողեանը—132: Ուրիշ աշխատութիւններ—139: Թարգմանութիւններ—141:

## ԱՌԱՎԱԳՐՈՒԹԻՒՆ

### Մխիթար Գոռ

142

Հիւսիս-արեւելեան Հայաստանի ազատումը մահմեդական յոնաւորութիւնից—142: Մխիթար Գոռի կենսագրութիւնը—145: «Դատաստանագիրք Հայոց»—147: Առակներ—152: Մխիթար Գոռի առակները—154:

### Վարդան Այգեկցի եւ «Առակք Վարդանայ»

158

Վարդան Այգեկցի—158: Վարդանի գրութիւնների բեման կամ նիւթըն Էպիստոլոգիումը—162: Առակաւոր ճառեր—164: «Առակք Վարդանայ»—165:

Դասակարգային պայքարը—169: Աշխատաւորութեան պայքարն ազնուականութեան դէմ—170: Արհեստաւոր փաղափայտներ եւ փաղափայտների վերաբերմունքն առ գիւղացիները—180: Աշխարհականի հայեացքն եկեղեցականի վրայ—181:

**Պատմագրութիւն եւ ժամանակագրութիւն**

Վանական վարդապետ—188: Կիրակոս Գանձակեցու «Պատմութիւն Հայոց»—192: Վարդան Արեւելցի—199: Մաղափա Աբեղայի «Պատմութիւն վասն ազգին նետողաց»—205: Մխիթար Այրիվանեցի—206: Սմբատ Սպարապետ—206: Ստեփանոս Օրբելեան—209:

**ԲԱՆԱՍՏԵՂՄՈՒԹԻՒՆ**

**Սեփականութիւն Օրբելեան**

«Ողբ ի դիմաց կաթողիկէին»—215: «Ողբի» պատմական հիմքը նրկատմաբ արեւմտեան հայութեան եւ քեման—216: Թարարական իշխանութիւնը 13-րդ դարում—217: Օրբելեանի «Ողբի» նիւթն ու յօրինումներ—222: Ուրիշ ձեւական կողմեր—227:

**Խաչատուր Կեչաւեցի**

«Ողբ վասն իշխանաց»—228: «Պատմութիւն Աղեփանդրի Մակեդոնացւոյ»—230: Կեչաւեցու կարծիքն Աղեփանդրի կեանքի եւ պատմութեան մասին—233: Կաժաներն ու այլ փերթութիւններ—235: «Բարաւնութիւնք ի մահ Աղեփանդրի»—241:

**Ֆրիկ**

Գրականութիւն—244: Կենսագրութիւն—245: Ազգային եւ սոցիալական հարցեր—255: «Ընդդէմ փաղափին»—255: «Վասն Արդուն դանին եւ Բուդային»—260: «Գանգատ»—268: Մեղքն իբրեւ ժողովրդի տառապանքի պատճառ եւ նրա փրկութեան միջոցը—275: Մահուան եւ ունայնութեան երգը—277: Կրօնական ու հոգեշահ բանքեր եւ միստիկական ճգումը—280: Ստեղծագործութիւն ինքնաշարժ ազդուով: Ձեւական կողմը—282: Մի քանի ուրիշ գրական տեսակներ (գրական սեռեր)—290:

**Իմաստաբաններ եւ Յովհաննէս Երզնկացի կամ Պուլզ**

Իմաստա-ուսուցական բանաստեղծութիւն—295: Երզնկան իբրեւ առեւտրական եւ կուլտուրական կենտրոն—297: Յովհաննէս Երզնկացու կենսագրութիւնը—299: Երկերը—299: Յովհաննէս Պուլզի աշխարհայեացքը: Մարմնի իրաւունքը—301:

**Կոստանդին Երզնկացի**

Կենսագրական—308: Կրօնական եւ խրատական բանք—309: Արեգակի, գարնան եւ լուսնի բանքեր—311: «Գարուն»—312: «Բանք յերկու դէմ»—313: «Բանք յազգս Արեգական արդարութեան»—315: Խորհրդաւոր նմանութեան օրինակներ—316: Վարդ ու սոխակի աշխարհական սիրավէպը եւ սիրոյ դաւանանքիւն—321: Անճական բանաստեղծութիւն—328: «Տեսիլք»: Հայեացքն իր բանաստեղծութեան ծագման վրայ—329: Իմաստական աւքեր—330: Մարմնի իրաւունքը—334: «Սիրու բանքը»—337: Բանքեր անճական վշտի, աշխարհիս ունայնութեան եւ մահուան մասին—342: Գուսանական երգերի ձեւական ազդեցութիւնը—345: Պարսկական բանաստեղծութեան ձեւական ազդեցութիւնը եւ չափածոյ բանաստեղծութեան կատարումը—346: Վերածնունդի գրականութեան առաջին էտապը—346:

## ԵԿԵՂԵՑԱԿԱՆ ԳՐԱԿԱՆՈՒԹԵԱՆ ՎԵՐՋԱԼՈՅՍՆ ԵՒ ԱՐԵՒՍՈՒՏԸ

Հիգեր անկման առաջն առնելու համար

349

Աւերմունքների դարեր—349: Ունիքոռական գրականութիւն եւ լատինարան աղմատ հայերէն—352: Յովհան (Յոհան) Որոտնեցի եւ վանական դպրոցներ—353: Գրիգոր Խլաթեցի Ծերեմ—357: Գրիգոր Տաթեւացի—357: Թովմա Մեծափեցի—365:

Առաւել Սիւնեցի

368

Կենսագրական—368: Երկերը—369: Ադամգիրք—370: Ադամգիրք Ա.—373: Յօրինուածքի բերութիւնն եւ գրական արժէքը—385:

Առաւել Բաղիւսեցի

387

## Լ Ր Ա Յ ՈՒ Մ

ՏԱՂԱՍԱՅՈՒԹԻՒՆ

Մկրտիչ Նաղաշ—393: Քերովբէ—400: Յովհաննէս Թլկուրանցի—402: Գրիգոր Աղբամարցի—410: Քուչակ Նահապետ—417: Աշխարհիկ երգ, ուրախութիւն—425: Նաղաշ Յովնաթան—429:

ՋՈՐՐՈՐԴ ՇՐՋԱՆ

ԳՐԱԿԱՆՈՒԹԵԱՆ ՆՈՐՈԳՈՒՄԸ 17—19-րդ ԴԱՐԵՐՈՒՄ

Ներածութիւն

437

Պատմագրութիւն

441

Առաւել Դարիժեցի—442: Զաքարիա Սարկաւազ—454: Աբրահամ Կաթողիկոս Կրետացի—458:

Երգիչներ

462

Սայեաթ—Նովա—463:

19-րդ ԴԱՐԻ ՍԿԶԲԻ ԳՐԱԲԱՐ ԲԱՆԱՍՏԵՂԾՈՒԹԻՒՆԸ

XIX դարի սկզբի մխիթարեան բանասեղծները եւ նրանց նախորդները

469

Տէր Կոմիտաս Բախանայ—470: Աստաբատցի Աբրահամ վարդապետ—471: Գրիգոր Գապասախան—472: Դուկաս Իննիսեան—475: Դարբիւլ Աւետիքեան—477: Մանուէլ Զախլախեան—477: Եղիա Թովմանեան—484: Արտէն Բագրատունի—487: Գրիգոր Փեշտիմալեան—498: Դպրոց, լրագրութիւն, թարգմանական եւ ինքնուրոյն գրականութիւն—505: Յովհան Վանանդեցի—510:

## ՅԱԻԵԼՈՒԱԾՆԵՐ

ԱՌԱՋԻՆ ՅԱԻԵԼՈՒԱԾ

Յարկուազ Վարդապետի կենսագրութեան շարքը

531

Որտեղացի է նա—531: Երբ է վախճանուել նա—533:

ԵՐԿՐՈՐԴ ՅԱԻԵԼՈՒԱԾ

Բարառնութիւնների հեղինակը

536

Խաչատուր Կեչառեցու բարառնութիւնները—536:

ԵՐԿՐՈՐԴ ՅԱԻԵԼՈՒԱԾ

Ֆրիկի կենսագրութեան շուրջը

542

Թուականներ—542: Ֆրիկի որդու գրաւ դրուելու խնդիրները—547:

ԶՈՐՐՈՐԴ ՅԱԻԵԼՈՒԱԾ

Շահնամայի ձեռագրի ազդեցութիւնը

552

«Ասել ճայնով»—552:

ՀԻՆԳԵՐՈՐԴ ՅԱԻԵԼՈՒԱԾ

Անանուն սաղեր

555

Մեռելների վիճակը յարութիւնից յետոյ—555: Հայ ազգի վիճակի դառնութիւնը—555: Սէրը—556: Աստուածածնի սուգը—556: Աստուածածնի գովքը—557:

ՎԵՑԵՐՈՐԴ ՅԱԻԵԼՈՒԱԾ

Դուստնական սաղեր

558

ԵՕԹԵՐՈՐԴ ՅԱԻԵԼՈՒԱԾ

Վերածնութիւնը հայոց հին գրականութեան մէջ

570

Գրիգոր Նարեկացին եւ Ճգնաւորական ողբերգութիւնը

572

Գրականութեան աշխարհականացումը (11-րդից 17-րդ դար)

577

Աշխարհայեցութեան փոփոխութիւնը—577: Հայրենասիրական ողբերգութիւն—579: Ուսուցական գրականութիւն եւ առակներ—582: Աշխարհիկ ֆնարերգութիւն—584:

Ցանկ անձանունների

591